


5. 17 PL. 7.



A.P.A. 315





D I V I
T H O M A E
A Q U I N A T I S
D O C T O R I S A N G E L I C I
O R D I N I S P R A E D I C A T O R U M
O P E R A .

EDITIO ALTERA VENETA

ad plurima exempla comparata, & emendata.

A C C E D U N T

Vita, seu Elogium ^{avtoris} a IACOBO ECHARDO diligentissime concinnatum,
& BERNAR^{do} I MARIAE DE RUBEIS in singula Opera
Admonitiones præviz.

TOMUS DUODECIMUS

complectens SCRIPTUM in DISTINCTIONES duas supra viginti LIBRI
QUARTI SENTENTIARUM.



VENETIIS,
MDCCXLIX.

Cudebat IOSEPH BETTINELLI
EX PRIVILEGIO EXCELLENTISSIMI SENATUS.

THE UNIVERSITY OF CHICAGO

LIBRARY



1921

FR. IO. FRAN. BERNARDI MARIAE


DE RUBEIS

ORDINIS PRAEDICATORUM

ADMONITIO PRAEUIA;

in qua

- I. Io: Baptista Poza iudicium de nonnullis thesibus, qua in S. Thoma Aquinate operibus habentur. Refutatur.
- II. Praecipua, qua notantur, theologica adserta: ac primo de uno in Sanctissima Trinitate, vel duobus spiratoribus. Varia Thoma dicta conciliantur. Petavii animadversiones.
- III. De thesi, qua Verbum divinum enuntiat adsumpsisse hominem. Quo sensu id catholice dictum; quove pro haeresi, aut errore habendum pro varia hypothesis, & personae acceptione. Petavii sententia. Nota censoria ab Aquinate iniusta.
- IV. De benedictione panis eucharistici & calicis a Christo peracta: an ipsa fuerit consecratio? sententia multiplex. Genuina, & constans mens Divi Thomae. Aequivocatio tollitur in vocabulo benedictionis. Christophori Matthaei Psaffii opinatio.
- V. De Episcopatu: an sit Ordo a Presbyteratu distinctus. An etiam Sacramentum: quod Angelicus Doctor inficiatur. Consecraria plura. Tridentina Synodus, ac Patrum dogmata, & canones non adversantur. Ea ad examen quorundam opinio vocatur, qui putant Diaconos olim, praetermissio Presbyteratu, ordinatos fuisse Episcopos.
- VI. Innoxia thesis Thomae, a Francischino Curtio, & ab Io. Antonio Summontio audacissime notata, veluti percussa anathemate in Concilio Constantiensi, vindicatur: refelliturque Scipionis Christophori apologia pro Summontio.

I.  Eteres, ac recentiores plures insequuti sumus praeviis in Admonitionibus superioribus hostes, qui theologica nonnulla, ac etiam philosophica, a Sancto Thoma Aquinate propugnata dogmata, aperto Marte oppugnarunt, eademque vel in suspensionem erroris adducere conati sunt, vel tamquam censorio Episcoporum & Magistrorum iudicio notata reici oportere, iusserunt. Arma straminea, invalidos istius, irritosque conatus cohibuimus. Novum genus pugnae Io. Baptista Poza in suo Elucidario molitus est: bellumque non indit Sancto Thomae, sed codicum Thomae corruptoribus. Fatetur ille apud Ioannem a Sancto Thoma Disp. II. de Approbatione doctrinae eiusdem Angelici Praeceptoris Art. 1. nullam propositionem damnatam e calamo, & mente Sancti Thomae excidisse: si qua est, a tempore, ab Amanuensis, a Typographis invectam esse: nolle se iudicium ferre, an omnes istae propositiones mereantur censuram, & quam se tamen nihil finitrum in Operibus eius, nisi ex depravatione Codicum admittere.

Pozae itaque si credimus, prostant in Operibus Thomae tum manu exaratis, tum prelo editis theses non paucae, quae damnatae, vel censura dignae videri possint.

sint. Quisque colligeret, traditas eas ab Auctore fuisse, decepto, vel errante: Non ita iudicium ferendum admonet ille, cum temporis lapsu, Amanuensium imperitia, oscitantia Typothetarum, codicum certe depravatione, damnata illa, aut damnanda, aut aliena a communi sensu Doctorum, irreperere dogmata potuerint. Si bella hæc est erga Sanctum Thomam urbanitas, Ioanne a S. Thoma animadvertente; iniuria negari non potest, eademque maxima, qua Typographi, editionum curatores, Amanuenses onerantur.

An vero ita fuerint imperiti Amanuenses, aut iniquo consilio ducti, ut Codices, quos manu exarabant, erroribus inquinarent? An ita prelum Typographi erraverit, ut præter sueta menda, errores etiam non pauci irrepererint catholicæ fidei parum consoni? An denique editionum curatores non viderint errata putida, quæ irreperant; aut eadem, tamen si nossent, delere aut corrigere noluerint? Portenta sunt hæc omnia; ac illud omnium sane maximum, tot ex codicibus remotioris ævi & sequioris, tot etiam ex editis exemplis, quæ fere innumera sunt; neque unum potuisse interpolatricis iniquæ manus effugere depravationes!

Age vero: quænam fuerint huiusmodi, quibus inquinata prostant Thomæ opera, depravationes? Id genus errorum verba tua enunciant, quæ ab imperitiis Amanuensibus, & ab oscitantibus Typographis proficisci solent. Sed hæc lector quisque paullo attentior, facillimo negotio valet, aut contextu ponderato, aut similibus locis collatis, corrigere & expungere, vera & genuina lectione restituta: Imo vero quæ menda in operibus Thomæ proflare dicuntur, non sunt, Auctore Poza, solitaria quædam verba, neque breviorum periodorum membra: sunt enim theses data opera propugnata, rationum momentis munitæ, & emergentibus expeditæ difficultatibus in obiectionum solutione. Quis porro audivisse unquam, errata id genus, Typographorum oscitantia, aut imperitia Amanuensium, aut temporis æpli, in Auctorem opera irreperere posse? An serio, an ioco, an alio consilio quæ protulerit Poza, aliorum esto iudicium.

Theologicarum huiusmodi thesium, quæ traditæ propugnataque a Sancto Thoma in invidiam vocatæ sunt, egregias adornarunt vindictias Ioannes a S. Thoma; Reginaldus Lucarinus Episcopus Civitatis Plebis, Raimundus Capifuccus S. R. E. Cardinalis, Vincentius Baronius, aliique insignes Ordinis Prædicatorum alumni. Præcipua nonnulla dogmata, quæ intrusa & inolata quoquo modo dicuntur, iterum ad examen revocare liceat, ut censuræ censorumque levitas magis magisque innotescat.

II. (1) Theologica S. Thomæ thesis est in primo Sententiarum Libro, Dist. xi. Qu. 1. Art. iv. quam his enunciat verbis: *Non præsumimus dicere, quod Pater & Filius spirant Spiritum sanctum, vel quod sit spirans, vel quod sit spirator: sed quod spirant, & sint spirantes, & sint spiratores*. Quod perinde est, ac Patrem Filiumque dici posse, aut debere *duos spirantes, duosque spiratores*. Notam inurendam putant Censores; quod etiam olim Petrus de Alliaco censuit anno 1387. in Tractatu contra Ioannem Montesonium; tum quod hæc sententia aut opinio videtur adversa Constitutioni I. de Summa Trinitate, & Fide Catholica, a Gregorio X. editæ in secundo Lugdunensi Concilio anno 1274. tum quod eandem Thomas ipse reiiciendam putavit in prima Summæ Theologiæ parte.

Laudatæ constitutionis verba profero: *Damnamus & reprobamus . . . qui præsumpserint asserere, quod Spiritus sanctus ex Patre & Filio, tamquam ex duobus principijs, & non tamquam ex uno, procedat*. An catholicæ huic definitioni adversa fuerit Sancti Thomæ thesis, & sententia? Toto errat ostio qui id contendat. Animadvertite, aliud esse in controversiam vocare, num Pater & Filius sint unum principium Spiritus sancti, ipsumque unica spirant spiratione: & aliud longe diversum, an dici possint, catholica intacta fide, *duo spirantes, duosque spiratores*? Ad primum quod attinet, aliens est dogma catholicum, quod allatis verbis definit Gre-

Gregorius Pontifex: quod eloquiorum divinorum fide, Patrumque traditione illustrant orthodoxi scriptores.

Fidem eandem sanctissimam tradit, exponit, vindicat Aquinas in suo in primum Sententiarum Librum Commentario loco citato. Inquiri Art. 11. *utrum Spiritus sanctus procedat a Patre & Filio, in quantum sunt unum?* Egregiam accipe theologice definitionem: „Dicens, quod omnis actus refertur ad duo originaliter: scilicet ad agentem, & ad principium actionis. Agens autem est ipsum suppositum, ut homo, vel ignis: & principium actionis est aliqua forma in ipso, substantialis, vel accidentalis. Dico ergo: *ly in quantum* potest dicere conditionem agentis, vel principium actionis. Si dicat *conditionem agentis*, vel operantis: sic procedit Spiritus sanctus a Patre & Filio, *in quantum sunt plures*, & in quantum sunt distinctæ personæ: quia ab eis pluribus, & distinctis procedit. Si autem dicat *principium actionis*: sic dico, quod procedit ab eis, *in quantum sunt unum*. Cum enim operatio non sit nisi ab uno principio, oportet aliquid esse unum in Patre & Filio, quod est principium huius actus, qui est spirare: qui est unus, & simplex, quo una & simplex persona Spiritus sancti procedit. Ita catholice quæstionem expedierat Aquinas, quam postea in Lugdunensi Concilio credendum proponit Summus Pontifex Gregorius. Ubiore doctrina eandem explanat, & confirmat Doctor Angelicus Art. 111. inquirens: *utrum Spiritus sanctus procedat a Patre & Filio, in quantum sunt unum natura?* Dissertissima hæc habet documenta, catholicæ fidei apprime consona. 1. *Patrem & Filium spirare Spiritum sanctum, in quantum sunt unum in potentia spirativa.* 2. *Procedere Spiritum sanctum a Patre & Filio, in quantum sunt unum in essentia.* 3. *Itemque in aliqua notione, scilicet in communi spiratione.*

(2.) Hactenus de fide, quam catholica docet Ecclesia. Emergentem versat Aquinas quæstionem Art. 1v. inquirens: *utrum Pater, & Filius sint unus spirator.* Ad loquendi dicendique modum quæstio spectat: ac spirantes, imo & spiratores duos dici posse Patrem, & Filium, Thomæ opinio est. Integrum profero textum. „Actus recipit numerum a suppositis. (*Quamvis enim actus sit unus*, ut ait ad 1. *tamen quando significatur ut actus egrediens a pluribus suppositis, oportet quod significetur pluraliter.*) Unde etiam verbum, significans substantiam per modum actus, dicitur de pluribus personis pluraliter, quamvis sit essentia una: sicut Ioannis x. *Ego, & Pater unus sumus.* (*Nota verbum illud, sumus.*) Actus autem significatur etiam in verbo, & participio, & in nomine verbali: sed tamen participium plus accedit ad substantiam, quam verbum: & adhuc nomen verbale magis, quam participium. Et ideo non præsumimus dicere, quod Pater, & Filius spiret Spiritum sanctum: vel quod sit spirans, vel quod sit spirator: sed quod spirent, & sint spirantes, & sint spiratores. Quamvis sit actus unus, quo spirant: tamen secundum quod unumquodque eorum magis accedit ad significandum actum, minus proprie potest in singulari prædicari. Dignissima sunt animadversione postrema hæc verba, quæ summam ad concordiam revocant, quæ varia videntur in hac re Thomæ nostri adserta. Addiscimus 1. proprie dici, & enunciari, quod Pater & Filius spirant: propterea quod verbum magis accedit ad actum. 2. dici quidem posse, Patrem & Filium esse duo spirantes, sed hanc minus proprie intelligi enunciationem debere: cum participium recedat ab actu, magisque ad substantiam accedat. 3. minus adhuc proprie dictum illud accipiendum esse, quod Pater & Filius sunt duo spiratores: eo quia nomen verbale longe minus ad actum, magisque accedit ad substantiam.

Definito sensu magis minusque proprio, qui prædictis inest enunciationibus; eaque thesi vindicata, quæ Patrem & Filium adserit, sensu minus proprio, spiratores duos; ad insigne discrimen illud exponendum Thomas accedit, quod inter actum spirationis, actumque creandi intercedit, ac inter verba, participia, & verbalia nomina, quibus actus illi significantur. Egregii absolutique Theologi munus erat,

erat, hæc omnia diligentius expendere, ac splendidissime dilucidare. Ait ille loco citato ad 2. „ Dicendum, quod *creatio* est actus trium personarum, non secundum „ quod distinctæ sunt, sed *secundum quod uniuersum* in essentia: quia etiam per in- „ tellectum remota distinctione personarum, adhuc remanebit creatio. Et ideo di- „ cimus, quod Pater, & Filius, & Spiritus sanctus sunt *unus creator*, quamvis „ non dicamus quod sint *unus creans*: quia nomen verbale plus recedit ab actu, „ quam participium. Sed *spiratio* est actus conueniens suppositis quodammodo, se- „ cundum quod distinguuntur: & ideo etiam *in nomine verbali* oportet quod a- „ ctus pluraliter significetur “ (minus tamen proprie.) Discriminis rationem eam- „ dem uberius confirmat Dist. xxxix. Qu. 1. Art. iv. ad 2. quæ ipsam permouit, „ ut opinaretur, spirationis actum, siue is enunciatur verbo, siue participio, siue „ nomine verbali, talia maiori minorive significandi proprietate, in numero plurium „ efferi posse, aut debere in Sanctissima Trinitate: tum scilicet quia spiratio, cum „ sit actus, recipit numerum a suppositis; tum quod ipsis quodammodo conuenit sup- „ positis, secundum quod distinguuntur.

Viam inquit paullo diuersam in prima Parte Qu. xxxvi. art. iv. ad 7. „ Quidam „ dicunt, inquit, quod Pater & Filius, licet sint *unum principium* Spiritus san- „ cti, sunt tamen *duo spiratores* propter distinctionem suppositorum: sicut etiam „ *duo spirantes*, quia actus referuntur ad supposita. Nec est eadem ratio de hoc „ nomine *creatio*: quia Spiritus sanctus procedit a Patre, & Filio, ut sunt *duæ* „ personæ distinctæ; non autem creatura procedit a tribus personis, ut sunt per- „ sonæ distinctæ, sed ut sunt *unum in essentia*. “ Paucis collecta sunt, quæ latiore „ calamo tradita leguntur in Commentario in primum Sententiarum librum. Sen- „ tentiam, quam eo loco amplexus fuerat Aquinas, ex parte corrigit: „ Sed vide- „ tur, inquit, *melius* dicendum, quod quia *spirans* adiectivum est, *spirator* „ vero substantivum: possumus dicere, quod Pater & Filius sunt *duo spirantes* „ propter pluralitatem suppositorum: non *duo spiratores* propter unam spirationem. Nam „ *adiectiva* nomina habent numerum *secundum supposita*; *substantiva* vero a seipsis secun- „ dum formam significatam. Quod vero Hilarius dicit, quod Spiritus sanctus est a Patre, „ & Filio, *auctoribus*; exponendum est, quod ponitur substantivum pro adiectivo. “

Hæc duo Sancti Thomæ loca sunt, quæ proferre, ac si opposita forent, pre- „ tium operæ non erar: quamquam nec ipsi vertendum esset dedecori, si provector „ ætate, ac doctior saculæ opinionem revocasset, quam iunior secutus fuisset. At „ plura denique animadvertenda sunt. 1. Partem illam, quæ *spirantes duos* in San- „ ctissima Trinitate enunciat, posteriore in loco confirmari ab Aquinate. 2. Partem „ alteram de *duobus Spiratoribus* revocari, nulla tamen censuræ nota adhibita. 3. „ Priore in loco permisum, ut *Spiratores duo* dicerentur, minus tamen proprie: „ propterea quod nomen verbale, *Spirator*, magis accedit ad substantiam, quam ad „ actum ut *adiacenter* significatum. 4. Loco altero enunciationem adoptari magis „ propriam, cum nomen ipsum verbale iuxta leges grammaticas dici debeat substan- „ tivum, ac nomina substantiva a seipsis numerum habeant *secundum formam signi-* „ *ficatam*. 5. Totum denique in id reduci quæstionis momentum, num illa enuncia- „ tio *duorum spiratorum*, utpote minus propria supprimi, an permitti debeat? Re- „ citat eam, *melius* consultus posteriore in loco; quamquam exempla occurrant apud „ Ecclesiæ Patres, quæ alteri favent enunciationi, Hilario dicente: Spiritum sanctum „ procedere a Patre, & Filio, *auctoribus*.

(3.) Discrimen illud, quod nomina *adiectiva* inter ac *substantiva* constituit „ Aquinas, carpere videtur Dionysius Petavius. Ad examen voco criticam Viri „ doctissimi animadversionem. De illo discrimine diligentiore opera Thomas differit „ in prima Summæ Theologiæ Parte, Qu. xxxix. art. iii. Textum affero. „ Quæ „ *substantive* essentiam significant, prædicantur de tribus personis *singulariter tan-* „ *tum*, & non pluraliter: quæ vero *adiective* essentiam significant, prædicantur de „ tribus personis *in plurali*. Quia nomina *substantiva* significant aliqua *per modum*

(VII.)

„ *substantiæ* ; nomina vero *adiectiva* aliquid *per modum accidentis*, quod inhæret sub-
„ iecto. (Non ipsa consideratur res significata, sed significandi modus.) Substan-
„ tia autem, sicut per se habet esse, ita per se habet unitatem, vel multitudi-
„ nem : unde & singularitas, vel pluralitas nominis substantivi attenditur secun-
„ dum formam significatam per nomen. Accidentia autem, sicut esse habent in
„ subiecto, ita ex subiecto suscipiunt unitatem, vel multitudinem : & ideo in ad-
„ iectivis attenditur singularitas, & pluralitas secundum supposita. Hinc in Divi-
„ nis dicimus *tres exstantes*, vel *tres sapientes*, aut *tres æternos*, & *increatos*, &
„ *immenso*, si adiective sumantur : si vero substantive sumantur, dicimus *unum*
„ *increatum*, *immensum*, & *æternum*, ut Athanasius dicit “ (in Symbolo, quod
„ eius nomine inscriptum, vulgatumque est.) Par est eiusdem Thomæ doctrina in
„ I. Dist. xxxix. Qu. 1. art. iv. ad 2.

Hæc sunt, quæ adludit Petavius Libro III. de Trinitate Capite ix. num. ix.
„ Haud scio, inquit, an discrimen istud *adiectivorum*, *substantivorumque* nomi-
„ num in illis symboli verbis locum habeat. Quis enim nomina hæc *æterni*, *omni-*
„ *potentis*, *increati*, *immensi* aliter ab Auctore symboli, quam *adiective*, usurpa-
„ ta esse sibi persuadat? Quid autem necesse est, rem ad tantas angustias dedu-
„ cere, ut contra Grammaticorum regulas affirmandum sit, vocabula ista esse poti-
„ us *substantiva*, quam *adiectiva*, quæ substantivorum conditionibus carent, ad-
„ iectivorum habent omnes? Equidem, quod tanti Viri (Sancti Thomæ) ac Theo-
„ logorum cæterorum pace dictum sit, aliter existimo : non esse in illis Athana-
„ siani symboli, ac similibus Veterum sententiis differentiam illam interponendam
„ *substantivi*, vel *adiectivi* nominis. “ Quocirca ita loquutum Auctorem ideo cen-
„ set Petavius, ut Ariam hæresim longe lateque grassantem fortius profligaret :
„ quæ Trinitatem ex tribus componebat personis. inæqualibus, & substantia diversis,
„ quarum singulæ singulis constabant ut naturis, ita proprietatibus naturæ, & attri-
„ butis. Quo tamen in loco intactum video a Viro doctissimo relinqui discrimen il-
„ lud, quod Aquinas repetit in nominibus adiectivis ; & substantivis ex diverso si-
„ gnificandi modo. Hinc oriri posse negaverit nemo loquendi rationes varias, quæ in
„ exponendo Sanctissimæ Trinitatis mysterio, ut error omnis evitetur, aut usurpari
„ debeant, aut reiici. Advocari vero pronum foret non modo Patres, qui Ariam
„ hæresicos tempore *tres* inficiabantur in Divinis *æternos*, *increatos*, *immenso*, *omni-*
„ *potentes* ; verum etiam qui sequiore ætate floruerunt, ut Alcuinum, aliosque, qui
„ iuxta prædictum nominum discrimen temperasse videntur loquendi modos. Scrip-
„ torum quoque sententiæ occurrunt, quas non ita facile exponas, nisi eodem adhi-
„ bito discrimine : præterque exemplum est in Sancti Hilarii dicto Lib. II. de Trin.
„ num. 29. *Constituendus est Spiritus sanctus, Pater, & Filius, auctoribus* ; nomine isto
„ adiective usurpato, non substantive. Itaque, Petavii pace, haud ambigo fore ut
„ in nominibus adiectivis, & substantivis, ad Sanctissimam Trinitatem translatis,
„ traditum ab Aquinate discrimen Theologi quique usurpare pergant, & tueantur.

III. (1) Alia sequuntur eiusdem Sancti Thomæ loca, quæ veluti pugnancia,
„ ac si in eorum altero cubet error, in medium proferuntur ac adversariis. In ter-
„ tio Sententiarum Libro Dist. vi. *opinionem* quamdam refert Petrus Lombardus,
„ quæ ad mittebat, tum *Filium Dei assumpsisse hominem*, tum in Christo *duas esse hy-*
„ *postases* : aut *duo supposita*, non vero *personas duas*. Apud veteres Patres . sive qui
„ ante, sive qui post hæresim Nestorianam scripsere, haud raro dictum legimus,
„ assumptum hominem a Filio Dei. Homo si accipiat pro humanitate *in concreto*,
„ ut inquit, sive pro humanæ naturæ indiviso, corpore quidem & anima
„ rationali constante, propria tamen non affecto personalitate, obtrahitur nihil, quod
„ ab orthodoxa fide abhorreat.

(2.) Addit allata opinio hypostasim quamdam, quæ non sit persona.
„ Hanc Divus Thomas expendens in Commentario Qu. 1. art. 11 *Sciendum*, ait,
„ quod *prima opinio non est hæretica*. Reiiciendam utique illam jubet, ut infra di-
„ cen-

cendum: nihilominus putabat, notam hæreseos haud illi inurendam esse ; propterea quod *ponebat, quod erat facta unio secundum hoc, quod persona Verbi incepit esse illa substantia* (seu illa hypostasis, ex anima rationali & humana carne composita:) unde non admittebat, *hominem unitum accidentaliter Filio Dei, ut inuicem homini, quod adieruit Dioscorus : neque per modum aggregationis, sicut lapidem lapidi in acervo: neque aliquo accidente, sicut homo unitur Deo per amorem, vel gratiam*, quod Nestorius commentus est. Id in Aquinate reprehendendum, iam olim notavit Petrus de Alliaco loco superius citato.

Alia mens esse videtur Præceptoris Angelici in tertia Parte Qu. 11. art. vi. „ Quidam concesserunt, inquit, *unam Christi personam*: sed posuerunt *duas hypostasies*, sive *duo supposita*; dicentes, hominem quemdam compositum ex anima „ & corpore, a principio suæ conceptionis esse assumptum a Dei Verbo. Et hæc „ est *prima opinio*, quam Magister ponit in sexta Distinctione Tertii Libri Sententiarum... Et incidit in *hæresim Nestorii* ... quia idem est ponere *duas hypostasies*, vel *duo supposita* in Christo, quod ponere *duas personas*, ut supra dictum „ est (art. 111.) Et si fiat vis in nomine *Personæ*, considerandum est quod etiam Nestorius utebatur unitate personæ propter unitatem dignitatis & honoris: „ unde etiam Quinta Synodus definit anathema in eum, qui dicit *unam personam secundum dignitatem, & honorem, & adorationem*, sicut Theodorus & Nestorius „ insipientes conscripserunt ... Unde etiam *prima opinio*, quæ ponit *duas hypostasies*, non est dicenda opinio, sed *hæresis* in Conciliis ab Ecclesia damnata. „ Paucis verbis rem eandem complectitur Qu. 14. art. 14. Unde *prima opinio*, inquit, *quæ ponitur in sexta Distinctione Tertii Libri Sententiarum, concedit hominem esse assumptum: sed illa opinio erronea est, ut supradictum est.*

Reiectam vides ab Aquinate opinionem illam, quæ unam in Christo personam fatebatur, sed hypostasies duas duoque supposita distinguebat: eamdemque censura notatam, tamquam *erroneam, & incidentem in hæresim Nestorii*: neque demum *opinionem* dicendam esse, sed *hæresim in Conciliis damnatam*. Locus igitur alter, in quo animadvertit Thomas, hanc *opinionem non esse hæreticam*, vitio laboret oportet: quod non exciderit ex calamo Thomæ, Auctore Poæ, sed quod invexerint imperiti Amanuenses, aut oscitantes Typographi.

(3) Quam varia sunt hominum ingenia ! Locum ex Commentario desumptum carpit Poæ: locum alterum ex tertia Parte notat Petavius. Verba eius sunt Libro IV. De Incarnat. Capite x11. num. 111. „ Mirum est, S. Thomam sic priorem opinionem interpretari, uti duas hypostasies ab illa totidem naturis ascribi „ velit, non duas personas. Atqui Nestoriana hæc erat blasphemia, duarum hypostasicon coniunctionem in Christo ponere: quam si prima opinio defenderet, „ non eam probaret, vel de ea saltem dubitaret Magister; sed sine hæsitatione, „ ac continuo damnavit. Non igitur existimandum est, primæ istius auctores sententiae, hominem illum ex anima & carne prius ratione constatum, quam cum „ Verbo & in Verbo subsistentem, esse hypostasim arbitratos esse: sed individuum „ aliquam naturam, quæ ante spectari in se debeat suis ex partibus coagmentata, „ & existens, quam unita Verbo. „ Et num. 14. „ Merito reicitur opinio prima, si duæ in Christo ponuntur hypostasies, ita ut vox, *hypostasis*, communi & Grecorum usu Patrum detrita significatione sumatur. Cæterum si non hypostasis proprie dicta homo ille cum Verbo iunctus intelligitur, sed substantia aliqua individua, & naturam perfectam habens, non est poenitenda. „

Hic opinionis illius primæ si fuerit sensus, cur de ea saltem dubitavit Magister? Constat quippe fide catholica, individuum naturam humanam adsumptam a persona Verbi divina fuisse. A Eo illo existisse Theologos, qui hypostasim vel suppositum, veluti quid medium intelligerent inter personam, & naturam individuum, agnovit etiam S. Bonaventura ibid. Qu. 1. in Concl. ubi adnotat, primæ illius opinionis Auctores *duo adieruisse supposita in Christo, duasque res*, ac duas hypostasies:

(IX.)

flates: *voluit quæ tenent medium inter dualitatem naturæ; & dualitatem personæ.* Hinc tria in homine discernebant illi, scilicet naturam humanam individuum, hac anima rationali & carne hac conflatam: hanc, deinde naturam individuum, hypostasi quadam aut subsistentia affectam, factamque suppositum: eandem denique personam. Favent interpretationes Petri de Tarentasia, & Ricardi de Mediavilla apud Dionysium Carthusianum: ipseque Dionysius sic ait: „ *Prima sententia est* „ eorum qui dicunt, in ipsa Verbi Incarnatione *hominem quemdam*, ex anima ra- „ tionali & humana carne constitutum.... Et ille homo cepit esse Deus: non qui- „ dem natura Dei, sed *persona Verbi*. Et Deus cepit esse homo ille ... idest cor- „ pit esse quædam substantia, ex anima rationali & humana carne *subsistens* „ Et dicunt, *illum hominem* ex anima rationali & humana carne *subsistere*. “ Pa- „ teret quamaxime, primæ opinionis auctores id utique voluisse, ut Verbum divi- „ num non adsumerit personam humanam, sed neque individuum tantum naturæ „ humanæ: hanc vero, & individuum, & subsistentem suæ personæ coniunxerit. „ Quo sensu reiecto, opinio prima differret nihil ab altera, quam Magister Senten- „ tiarum veluti distinctam assert: quippe quæ enunciabat, *personam Verbi, quæ antea* „ *simplex erat, per Incarnationem factam esse compositam ex divinitate, & ex humanita-* „ *te* (sine dubio individua) vel *personam Verbi, quæ in una tantum natura* (divi- „ na) *exsistebat, in duobus post unionem, & ex duobus subsistisse naturis*, (divina, „ & humana, utraque individua.)

(4.) Opinionem priorem illam vocat ad examen S. Thomas in Commentario, cum iunior esset; ac tertia Parte Summæ Theologicæ, ætate provectus. Utroque in loco eam reiecit, ac multiplici profigit ratione: ac una diversitas est in cen- „ suræ nota, qua sit eadem configenda. In Commentario sic habet. „ *Prima opinio* „ ponebat, quod erat facta unio secundum hoc, quod persona Verbi incepit esse „ *illa substantia* (individua, & subsistens, quæ dicitur homo ille, ut infra) quod „ quidem *non est intelligibile*, ut duorum unum fiat alterum; nisi per conversio- „ nem unius ad alterum: id *impossibile est*, ut prius dictum est (art. 1.) & id- „ deo *non sustinetur*. “ Tametsi vero ea sustineri non debeat opinio, utpote quæ „ unionem *non intelligibilem, imo impossibilem* obtruderet; nihilominus censebat Com- „ mentator Thomas, reiiciendam eam non esse veluti *hæreticam*. Quod ait, institu- „ to examine, his rationum momentis suadere nititur. „ Quod habet esse comple- „ tum, in quo *subsistit*, non potest uniri alteri (completo) nisi tribus modis. „ Vel *accidentaliter*, ut tunica homini ... vel *per modum aggregationis*, sicut lapis „ lapidi in acervo: vel *aliquo accidente*, sicut homo unitur Deo per amorem, vel „ gratiam. Et neutra harum est unio *simpliciter*, sed *secundum quid*: quarum pri- „ mam posuit *Dioscorus*, alteram *Nestorius* Sciendum tamen, quod *prima opi-* „ *nio* nullum prædictorum modorum unionis ponebat: unde *non est hæretica*. Sed „ ponebat, quod erat facta unio secundum hoc, quod persona Verbi incepit esse „ *illa substantia* (natura humana individua, & subsistens) quod quidem *non* „ *est intelligibile*. “ Hac de re luculentissime discesserat in articulo superiore ad 3. Verba eius haudclic præterire. „ Sciendum tamen est, quod *prima opinio*, quam- „ vis poneret *duas hypostases*, non tamen *diversas personas* posuit. Ex hoc enim „ quod *persona* est individuum rationalis naturæ, quæ est *completissima*, & ubi stat „ tota intentio naturæ; habet, quod significet *complerissimum ultima completionem*, „ post quam non est alia: unde cum poneret *hominem assumptum* unitum Verbo, „ non dabat ei rationem *personæ*; dabat ei tamen rationem *hypostasis*, inquantum „ erat *subsistens*. Nec tamen ponebat, quod *homo ille* uniretur divinæ personæ in „ *accidente*: quia sic non diceret, quod prædicaretur quid, sed quod esset acciden- „ taliter unum Sed ponebat, quod *persona* Verbi esset illa *hypostasis*: quod ta- „ men *non est intelligibile*. “

Sibi semper constat, neque anceps est umquam Aquinas in ea reiicienda, ac „ profiganda opinione. Censuram hæreticos, qua abstinet in Commentario, inurere „ S. Th. Oper. Tom. XII. b vide-

videtur in tertia Summæ Theologicæ Parte . Vocabula personæ ; & hypostasis diligentius expendit Qu. 11. art. 3. & 4. docetque: *Personam super hypostasim non addere, nisi determinatam naturam, scilicet rationalem: adeoque idem esse, attribuerè propriam hypostasim humanæ naturæ in Christo, & propriam personam: & in Conciliorum denique definitionibus, quibus Nestoriana hæresis condemnatur, perinde in Christo reiectas legi duas personas, atque duas hypostases aut duas subsistentias* . Hinc opinionem illam, quam in Commentario existimabat, notari haud oportere veluti *hæreticam*, reiecit hoc loco tamquam *erroneam, & incidentem in hæresim Nestorii, & in hæresim in Conciliis ab Ecclesia damnatam* .

An ergo inter sese ita pugnancia hæc duo loca fuerint, utambo Divo Thomæ attribui pudeat, ac prior Commentarii locus depravatrice manu vitiatum dici debeat? At sane potuit Aquinas, loco in altero opinioni sæpe dictæ notam hærescos inurere, ab eaque abstinere in altero, quin postea excesserit, ac partibus egregii Theologi prius defuerit. Quinimo dixerim, ab Angelico Præceptore vel in ipsa tertia Parte Summæ Theologicæ non tam opinionem illam veluti *hæresim Nestorii* notari, quam potius *erroneam, & incidentem in hæresim*: quas utique censuras, notaque norunt periti Theologi a *propositione hæretica* longe diversas. Res hæc ut innotescat, verba eius, quæ habentur Qu. xvi. art. 1. diligentius excutienda propono. „ Alii concedunt hanc propositionem (*Deus est homo*) cum veritate utriusque termini, ponentes, Christum & verum Deum esse, & verum hominem: sed tamen veritatem prædicationis non salvant. Dicunt enim, quod homo prædicatur de Deo per quamdam coniunctionem vel dignitatis, vel auctoritatis, vel etiam affectionis, aut inhabitationis: & sic posuit Nestorius Deum hominem esse, ut per hoc nihil aliud significetur, quam quod Deus est homo, ni coniunctus tali coniunctione, quod homo inhabitetur a Deo, & uniatu ei secundum affectum, & secundum participationem auctoritatis, & honoris divini. Et in similem errorem incidunt quicumque ponunt duas hypostases, vel duo supposita in Christo: quia non est possibile intelligi, quod duorum quæ sunt secundum suppositum vel hypostasim distincta, unum proprie prædicetur de altero; sed solum secundum quamdam figurativam locutionem, in quantum in alio quod coniunguntur; puta si dicamus Petrum esse Ioannem, quia habent aliquam coniunctionem ad invicem. “ Idem, quod hoc loco, legitur etiam in Commentario momentum rationis: *quia non est possibile intelligi, quia non est intelligibile* . Eamque demum opinionem, quam iunior Commentator notare hæreticam noluit ob adsertam substantialem coniunctionem, licet modo quopiam *non intelligibili* expositam; veluti *erroneam* Theologus provectus reiecit: neque tamen vocat eam *hæresim Nestorii, sed incidentem* in errorem aut hæresim *similem* Nestoriano iniquo commento. Bene, & optime coherent omnia.

IV. (1.) Thomam nostrum pergunt Adversarii committere cum Synodi Tridentinæ Patribus. Pluribus in locis docet ille, Christum Dominum non alio modo, nec aliis verbis benedixisse panem & vinum, dum Eucharistiæ Sacramentum instituit, quam consecratione, ac illis utique verbis, *Hoc est corpus meum* . Docens vero Tridentini Patres Sessione xiii. capite 1. institutum a Redemptore nostro Iesu Christo in ultima cœna Sacramentum Eucharistiæ, cum *post panis & vini benedictionem*, se suum corpus præbere & sanguinem discretissimis illis verbis testatus est, *Hoc est corpus meum* . Hanc Synodi doctrinam ab Aquinatis opinione dissentientem aiunt. 1. quod a consecratione distinguitur benedictio. 2. quod consecratio illis verbis, *Hoc est corpus meum*, a Christo peracta innuitur; alio vero diversoque ritu benedictio.

Nodum in scirpo quærunt, qui hæc obiciunt. Mens Præceptoris Angelici diligentius opera scrutanda est, multiplex Doctorum opinio proponenda, allegandi Patres Ecclesiæ qui favent Aquinati, æquivocatio tollenda quam præfert vocabulum benedictionis, castigandi demum qui cœnam eucharisticam exponentes, lu-

(XI.)

dæorum traditionibus nimium adhærent. De consecrationis forma agit Aquinas in quatto Sententiarum Libro Dist. viii. Qu. 11. art. 1. & in Summæ Theologicæ tertia Parte Qu. lxxviii. art. 1. Utroque in loco Matthæi verba opponit, quæ habentur capite xxvi. *Convantibus illis, accepit Iesus panem, & benedixit, & fregit, dedique discipulis suis, & ait: Accipite, & comedite, hoc est corpus meum.* Quibus confici videtur, consecratum fuisse a Iesu Christo panem, antequam verba illa proferret, *Hoc est corpus meum.*

Aquinatis responsum accipe, quod in Commentario legitur: „ Circa hoc est „ *quadruplex opinio.* Quidam enim dixerunt, quod Christus qui habet potestatem „ *excellentiæ in Sacramentis, absque omni forma, virtute divina confecit: & postea* „ *verba protulit, sub quibus alii deinceps consecrarent.* Et hanc opinionem tan- „ *git Innocentius (III.) dicens: Sane dici potest, quod Christus virtute divina con-* „ *fecit, & postea formam expressit, sub qua posteri benedicerent.* Sed hoc non vide- „ *tur conveniens: quia in textu Evangelii dicitur, (Benedixit: quod aliquibus ver-* „ *bis factum est.* Innocentius autem loquitur, opinionem narrando, vel tangendo „ *ordinem quo virtus consecrationis a Christo, in quo primo erat, ad verba deri-* „ *vata est.* Et ideo alii dicunt, quod confecit quidem sub aliqua verborum for- „ *ma, non autem sub his, sed sub aliis verbis ignotis.* Sed hoc etiam videtur in- „ *conveniens: quia Sacerdos his verbis conficiens, ea proferit ut tunc a Christo pro-* „ *lata: unde si tunc eis non fiebat confessio, nec modo fieret.* Et ideo alii di- „ *cunt, quod confecit sub eisdem verbis, sed ea bis protulit: primo tacite cum be-* „ *nedixit, secundo aperte cum distribuit, ut formam consecrandi aliis traderet.* Sed „ *hoc etiam videtur inconveniens, quia non proferuntur a Sacerdote, consecrante* „ *in persona Christi, ut in occulto prolata: non enim benedixit dicens, Hoc est* „ *corpus meum; sed dedit dicens, Accipite &c.* Et ideo alii dicunt, & melius, quod „ *Christus ea semel tantum protulit, & eis prolatis consecravit, & formam con-* „ *secrandi dedit.* Hoc enim participium, *dicens*, non importat concomitantiam lo- „ *lum ad hoc verbum, dedit; sed ad hoc cum aliis prædictis, ut sit sensus: dum* „ *benedixit, & fregit, & dedit discipulis, hæc verba protulit, accipite &c.* Vel se- „ *cundum quosdam, Evangelista non servat ordinem verborum, quo a Domino* „ *prolata fuerunt. Ordo enim fuit talis: accepit panem, & benedixit dicens, Ac-* „ *cipite &c.* Quatuor easdem sententias refert in tertia Parte: duplicemque te- „ *neat modum quatuor opinionis, ipsumque amplectitur, qui concomitantiam inve-* „ *hit verborum prolatorum ad ea, quæ præcedunt.*

(2.) Opinionem primam exhibet Innocentius III. Libro IV. Mysteriorum e- „ *vangelicæ legis capite vi.* Tribuitur altera Odoni Cameracensi Episcopo, in Ex- „ *positione Sacri Canonis dist. 111. Tomo XXI. Lugdunensis Bibliothecæ Patrum:* „ *qui tamen quemadmodum differissime tradit, Christum benedictione suum corpus* „ *fecisse, ita minime prodit, an signo, an verbis, & quibusnam benedictio illa* „ *peracta fuerit. Tertiz auctor est Stephanus Eudensis Episcopus, de Sacramento* „ *Altaris capite xiv. Tomo XX. Bibliothecæ Patrum. Quartam denique refert loco* „ *citato Innocentius III. In eo præcipua stat summa eius, ut Christus panem effe-* „ *ceret corpus suum verbis illis, Hoc est corpus meum; eademque verba ad ipsam* „ *pertineant panis benedictionem: sive demum ea protulerit Christus ante fractio-* „ *nem eiusdem panis, sive eodem tempore quo panem frangebatur, dabaturque discipu-* „ *lis suis.*

Opinio sequitur S. Bonaventuræ in eodem Sententiarum Libro IV. Dist. viii. „ *Art. 11. Qu. 111. ad 1. ubi sic ait: Ad illud quod obiicitur, quod prius benedi-* „ *xit: dicendum, quod benedictio illa non fuit consecratio, sed fuit quædam præpa-* „ *ratio, vel magis quædam orationis, sive gratiarum actionis præmissio; in qua o-* „ *stendit nobis, nullum cibum atrectandum, nisi prævia benedictione. Unde mos* „ *est ecclesiasticorum virorum, ad omnem cibum præmittere benedictionem.* „ *Hanc plerique Theologorum amplectuntur opinionem, quæ panis benedictionem*

b 3 distin-

distinguit a consecratione: sed alii tamen consecratum a Christo panem existimant ante fractionem panis, alii post panem fractum, dum illum Salvator distribueret discipulis suis.

Favere videtur textus græcus, in quo verbum illud, *benedixit*, participio aoristo effertur apud Matthæum capite xxvi. vers. 26. *ἰδὼν τὸν*: quod reddi solet per præteritum plusquam perfectum, cum *benedixisset*. Ipse latinus Interpres significatione præteriti utitur capite vi. Ioannis vers. 11. *Accipit ergo Iesus panem, & ἰναγίον, & cum gratias egisset, distribuit discumbentibus*: itemque Actor. capite xxvii. vers. 35. *Sumens panem Paulus, ἠνείκα, cum fregisset, caput manducare*. Verum enimvero candido fatetur animo Franciscus Sylvius, cui maxime arridet S. Bonaventuræ opinio, non pauca in sacris litteris loca reperiri, ubi similes aoristi per præteritum imperfectum reddendi sunt. Matthæi capite xxvi. vers. 25. *legimus: ἀποκριθεὶς, respondens autem, seu cum responderet Iudas, qui tradidit eum, dixit &c.* Actorum capite 111. vers. 3. *ἀρτίως, intuens autem, seu cum intueretur in eum Petrus cum Ioanne, dixit &c.* Hæc sunt appositissime dicta. Habeant vero, per me licet, illi participiorum aoristi significationem temporis præteriti plusquam perfecti; adhuc integra sibi constat Thomæ sententia, ac sensus est: Redemptorem accipientem panem, cum Deo gratias egisset, ipsumque benedixisset panem, quem benedicendo consecrasset per ea verba, *Accipite, & comedite, hoc est corpus meum*, tum demum fregisse ipsum, ac dedisse discipulis suis.

(3.) Hanc in aliis locis mutasse Thomam sententiam, Reginaldus Lucarinus innuit in Manuali Thomilicarum controversiarum conclus. xiv. Commentarium Sancti Doctoris refert in Matthæum: quem lippis oculis & caligantibus legerit Lucarinus oportet, cum eadem recenseatur, confirmeturque opinio. Verba eius accipe. „Melius dicitur, quod semel dixit, & non bis, & in his verbis consecrationis. vit. Unde debet ita legi, quod illud quod dicitur, ait (accipite & comedite, hoc est corpus meum) referatur ad præcedentia “ad illud; nempe, *benedixit, ac illud fregit, & illud, dedique discipulis suis*. Luculentiora profero, quæ habentur in Commentario in Epistolam I. ad Corinth. capite xi. vers. 24. Textus est: *Accipit panem, & gratias agens fregit, & dixit: Accipite & manducate, hoc est corpus meum*. „Hic autem dicitur quod prius fregit, postea protulit verba consecrationis. Et ideo quidam dixerunt, quod Christus consecravit prius verbis aliis, & postea protulit verba quibus nos consecramus. Sed hoc non potest esse: quia „Sacerdos dum consecrat, non profert ista verba quasi ex persona sua, sed quasi ex persona Christi consecrantis: unde manifestum est quod eisdem verbis quibus nos consecramus, & Christus consecravit. Et ideo dicendum, quod hoc quod hic dicitur, & dixit, non est sumendum consequenter; quasi Christus accepit panem, & gratias agens fregit, & postea dixerit verba quæ sequuntur; sed „concomitanter, quod dum accepit per se panem, gratias agens fregit, & dixit. „Et ideo cum Matthæi capite xxvi. dicatur, quod Iesus accepit panem, & benedixit, ac fregit; Apostolus non curavit hic de benedictione facere memoriam: „intelligens, nihil aliud esse illam benedictionem, quam hoc quod Dominus dixit, *Hoc est corpus meum*. „Mens est apertissima Aquinatis: verbis illis, *Hoc est corpus meum*, panis consecrationem a Iesu Christo peractam esse: eademque verba ad ipsum panis benedictionem pertinere: adeoque eadem a Christo prolata vel ante fractionem panis, vel concomitanter cum fractione panis.

Ab Ecclesiæ Patribus hanc ipse didicerat sententiam. In Libro de Mysteriorum quem germanum S. Ambrosii factum evincunt Sammaurzi Parisienses Editores, hæc habet verba Sanctissimus Archiepiscopus capite ix. num. 53. „Ipse clamat „Dominus Iesus, *Hoc est corpus meum*. Ante benedictionem verborum caelestium „alia species nominatur: post consecrationem corpus significatur. „Ioannes Chrysostomus homilia xxi v. in Epist. I. ad Corinth. ad illa verba capitis x. vers. 16. *Calix benedictionis &c.* sic habet: „Quid dicis, o Beate Paule... *Benedixit* &c.

„Locum

(XIII.)

licem vocas, terribilem illum atque formidandum calicem? Etiam; inquit: nam cum *benedictionem* dico, omnem explico Dei beneficentiae thesaurum. " Et intra: *" Calicem autem benedictionis* vocavit, quia illum prae manibus habet. tes, sic ipsum celebramus, admirantes de ineffabili dono, benedicentes quod ipsum effuderit. " Ubi calix consecratus non modo *calix benedictionis* appellatur, quia Deo nos benedicimus, ipsumque celebramus, qui ineffabile donum calice illo effudit; verum etiam quia ipsa divinae beneficentiae effusio, quae maxime in consecratione & transmutatione elementorum posita est, iure, ac merito benedictio dici debet. Cyrillus Alexandrinus, Eucharistiae Sacramentum, ipsamque consecrationem vocat Libro IX. in Evangelium Ioannis, *mysticam benedictionem*. Auctor Libri de ecclesiastica Hierarchia capite III. §. 10. haec habet: *Sanctisque Dei operibus laudatis, divinissima consecrat mysteria, & in aspectum adducit quae celebravit*; quibus haec appingitur nota inter Scholia S. Maximi, vel Ioannis Scythopolitani: *" Manifestum est quod Pontifex sanctum panem attollens, ostendebat xris iudaeis, benedictionem, (seu sacramentum,) dicens, Sancta sanctis*. Augustini verba sunt in Epistola cclix. al. lxx. ad Paulinum num. 16. *" Praecutiones* accipimus dictas, quas facimus in celebratione Sacramentorum, antequam illud quod est in Domini mensa, incipiat *benedici*: (accipimus vero) *orationes*, cum *benedicitur*, & sanctificatur, & ad distribuendum comminuitur. " Arnoldus Carnotensis, Abbas Bonae vallis, in sermone de Coena Domini, in Appendice operum S. Cypriani: *" Ex quo a Domino dictum est: Hoc facite in meam commemorationem, haec est caro mea, & hic est sanguis meus*; quotiescumque his verbis, & hac fide actum est, panis ille super substantialis, & calix benedictione solenni sacrat, ad totius hominis vitam salutemque proficit. " His omnibus paria sunt, quae Thomas ad illa Apostoli verba, *Calix benedictionis*, habet: *" Calix*, inquit, *benedictionis*: idest potus calicis, per quem participantes benedicuntur. . . Cui benedicimus: quod nos fideles exaltamus credendo, & gratias agendo: vel cui benedicimus; idest, quem nos Sacerdotes consecramus. "

Momentum huius opinionis augeat probabilis eorum sententia, qui tamen benedictionem panis distinguunt a consecratione, panem tamen consecratum a Christo fuisse aiunt, antequam ipsum frangeret. Parum in eo, quod rei summa est, haec differt opinio a sententia Thomae, qui panem verbis illis, *Hoc est corpus meum*, consecratum existimat *concomitanter* cum eiusdem panis fractione. Hac ille permotus ratione, panis consecrationem ad eius benedictionem reducit: eandemque benedictionem quodammodo complete acceptam, ut infra explicandum est, nemo iure negaverit ipsius panis consecrationem continere. Quod porro utrique opinioni commune videtur, nititur illis Apostoli verbis in Epistola I. ad Corinth. cap. x. vers. 16. *Panis, quem frangimus, nonne participatio corporis Domini est?* Quae satis significant (inquit Franciscus Sylvius) sub specie panis; quae frangitur, fuisse corpus Domini, priusquam frangeretur: vel saltem in ea prima institutione, *concomitanter*, ut ait Thomas, seu eodem ipso tempore quo verba proferebantur consecrationis, & panis frangebatur. Hinc Ecclesiarum utrique omnium consuetudo profecta, species panis iam consecrati dividendi in particulas. Haec splendidissime persuasio elucet in Liturgiis, quae feruntur sub nomine SS. Ioannis Chrysostomi, & Basilii, ubi legimus: *" Accepto pane in sanctis suis & illibatis & innoxiiis manibus, cum gratias egisset, & benedixisset, sanctificasset, fregisset, dedit sanctis suis Apostolis & discipulis dicens: Accipite, comedite, hoc est corpus meum quod pro vobis frangitur, & dicitur in remissionem peccatorum. "* Quo in loco nemo non videt, Christum antequam frangeret, vel cum frangeret, panem benedixisse, & sanctificasse, hoc est consecrassse: fractio quippe non ad substantiam panis, sed ad Christi corpus refertur, quod pro vobis (inquit) frangitur in remissionem peccatorum.

Verum

Verum tamen videatur fuisse Ecclesiarum persuasio ; consecratum a Christo panem ante ipsius fractionem, vel in ipsa fractione ; id attamen religioni habuerunt, ne ordinem narrationis evangelicæ ullo modo turbarent, nec ve in liturgiis recitarent verba Christi, antequam panis & vini fractionis, ac distributionis mentio fieret.

(4.) AEquivocatio in vocabulo *benedictionis* occurrit, quæ amputanda est, ut opinio Thomæ magis illustretur, firmeturque. Non ea mens eius fuit, ut benedictionem panis, atque calicis adhibitam a Christo, qua late patet, in illis dumtaxat verbis, *Hoc est corpus meum, hic est calix sanguinis mei*, positam crederet. Sumentem Christum panem haud umquam inficiatus est, oculos in cælum levante, egisse gratias Deo pro immenso beneficio per transmutationem elementorum conferendo, ac ipsis elementis bene precatum esse : sed huiusce gratiarum actionis & benedictionis præcipuam partem constituendam arbitratus est in illis verbis, quibus vel ante fractionem vel in ipsa fractione prolatis consecrata sunt elementa.

Collata Novi Testamenti loca rem produnt evidentissime. Matthæi capite xxvi. vers. 26. hæc habentur : *Accipit Iesus panem, et ἰσχυρίσας, et benedixit, ac fregit, et dedit discipulis suis* : & vers. 27. *Et accipiens calicem, et ἰσχυρίσας, gratias egit, et dedit illis*. Quæ priore loco benedictio dicitur, gratiarum actio loco alio appellatur. Marci capite xiv. vers. 22. *ἰσχυρίσας ἰλάσας, benedicens fregit* : & vers. 23. *Et accipiens calicem, ἰσχυρίσας, gratias agens dedit eis*. Utrobique unius gratiarum actionis mentio ingeritur : & apud Lucam capite xxii. vers. 19. *Et accipiens panem, ἰσχυρίσας, gratias agens, fregit : similiter et calicem* &c. In historia discipulorum, qui in Castellum Emmaus proficiebantur capite xxiv. vox una benedictionis adhibetur vers. 30. *Accipit panem, ἰσχυρίσας, benedixit, ac fregit, et porrigebat illis*. Apostolus denique Epistola I. ad Corinth. capite xi. vers. 24. ait : *Accipit panem, et ἰσχυρίσας, et gratias agens fregit*. Hæc animadvertentes eruditi Interpretes, admonent 1. *ἰσχυρίσας* perinde esse, atque *ἰσχυρίσας*, ubi agitur de sancta cœna. 2. in divinis eloquiis, & apud Ecclesiæ scriptores passim reperiri modos istos loquendi, *ἰσχυρίσας* tua vel *τι*, & *ἰσχυρίσας* tua vel *τι*. 3. dictionum hæc esse compendia : *ἰσχυρίσας τοῖς ἄρτοις, τὸ ποτηρίον* dici, pro *ἰσχυρίσας τοῖς ἄρτοις ὑπὲρ ἄρτων, ποτηρίου* : pariterque *ἰσχυρίσας τοῖς ἄρτοις, τὸ ποτήριον*, compendium esse plenæ ac propriæ locutionis, *ἰσχυρίσας τὸ θεῶν ὑπὲρ ἄρτων, ποτηρίου*. 4. Sensum denique proprium germanumque conscribi, Redemptorem nostrum accepisse panem, laudasse Deum, eique gratias egisse, tamquam conditori & donatori panis & vini, & auctori supremi beneficii, quo ipsa elementa in suum corpus & sanguinem transmutanda fuerant ; per illa utique verba, *Hoc est corpus meum, hic est calix sanguinis mei*.

Hinc vero in sacra liturgia, quam olim adhibuit, adhibetque omnis Ecclesia, latina, græca, & orientalis quæquæ, constantissime servatum constat, ut benedictio Dei commemoretur, gratiæ agantur ipsi, sacramenti corporis & sanguinis a Iesu Christo instituti memoria recolatur, preces etiam fundantur, ac pani & vino bene precentur Sacerdotes : quæ demum omnia, gratiarum actiones, & laudes, & preces, ac benedictiones, verbis consecratoriis, tamquam præcipua totius liturgiæ parte, complentur. Hinc verba hæc eadem frequenter dicta leguntur, *benedictio, gratiarum actio, et preces*. Audire præstat Iustinum in Apologia I. num. 65. & seqq. *Postquam preces, inquam, inquam, et Eucharistiam absolvit, populus omnis acclamat, Fiat*. Peracta consecratio innuitur, quæ vocatur eucharistia, & benedictio. *Post hæc qui apud nos dicuntur Diaconi, panem et vinum et aquam, in quibus gratiæ actio sunt, et τὸ ἰσχυρίσας ἄρτων, unicuique presentium participanda distribuunt*. Ubi elementa consecrare, petunde est ac in eis gratias agi a Sacerdote. At quibusnam verbis, Iustinus teste, gratiæ huiusmodi agebantur ? Illis procul dubio, *Hoc est corpus meum*. Luculentissimum acci-

pe testimonium : *Illam , in qua per preces verbi eius ab ipso profecti , λέγουσιν
παρ' αὐτοῦ ; gratie sunt adæ , alimoniam , incarnati illius Iesu & carnem & sangui-
nem esse edocti sumus .* Perspicuum est , preces illas , gratiarum actiones , & lau-
des continere verbum Iesu Christi , ab ipso profectum , cum dixit , *Hoc est cor-
pus meum .* Paria sunt Irenæi verba Libro IV. contra Hæreses capite xvii. al.
xxxiv. num. 4. *Hanc oblationem Ecclesia sola puram offert fabricatori , offerens ei
cum gratiarum actione ex creatura eius Quomodo autem constabit eis (Iudæis
& Hæreticis) cum panem , in quo gratie adæ sint , corpus esse Domini sui , &
calicem sanguinis eius ?* Panem , & calicem docet S. Pater , consecrari & fieri
corpus , & sanguinem Domini , ex quo in eis aguntur gratiæ . At huius gratia-
rum actionis , seu benedictionis partem præcipuam in illis consistere verbis , *Hoc
est corpus meum* &c. disertissime tradit idem Irenæus capite xvii. al. xxxii. num.
5. *Sed & suis discipulis datus consilium , primitias Deo offerre ex suis creaturis . . .
cum qui ex creatura panis est , accepit , & gratias egit dicens : Hoc est corpus
meum* &c. Ecce consecrationis verba coniuncta , ut Aquinatis sententia est , cum
ipsa gratiarum actione & benedictione . Addo verba , quæ habentur in homilia
v. seu in sermone de corpore & sanguine Domini , quem alii Eusebio Emiseno ,
Isidoro Hispalensi tribuunt alii : „ Invisibilis Sacerdos visibiles creaturas in sub-
stantiam corporis & sanguinis sui , verbo suo , secreta potestate convertit , ita
dicens : *Accipite & edite , hoc est enim meum corpus . Et sanctificatione repetita :
Accipite & bibite , hic est sanguis meus .* Quando benedicendæ verbis cælestibus
creaturæ , sacris altaribus imponuntur , antequam invocatione summi Numinis
consecrentur , substantia illic est panis & vini : post verba autem Christi , corpus
& sanguis est Christi . “ Verbis ergo Christi peragi consecrationem a Sacerdoti-
bus , peractamque fuisse a Iesu Christo in ipsa Sacramenti institutione , Patrum
sententia est : qui pariter eadem verba vocant *invocationem supremi Numinis* , ele-
mentorum *benedictionem* & *sanctificationem* , imo & *gratiarum actionem* super ele-
mentis . Cur ita ? Quia nempe , quæ Dei laudes a Christo celebratæ sunt , quæ
gratiæ adæ , quæ suse preces , quæ supremi Numinis invocationes factæ , quæ-
ve his similes ad exemplum Iesu Christi celebrantur & aguntur a Sacerdotibus ,
laudes , gratiarum actiones , preces , & invocationes , complentur omnes verbis
illis , *Hoc est corpus meum , hic est calix sanguinis mei* , quibus benedicta & san-
ctificata sunt elementa , eorumdem transmutatione in corpus & sanguinem
Domini .

Hæc genuina est Sancti Thomæ mens , qui docet constantissime , verba a Chri-
sto prolata , quibus consecratio peragitur , pertinere ad benedictionem elementor-
um : adeoque prolata eadem fuisse ante fractionem panis , & distributionem ca-
licis , vel concomitanter cum eadem fractione & distributione . Loca duo ex Com-
mentariis in Marthæum , & in Apostolum Paulum assero . Ad Marthæi caput
xxvi. vers. 26. 27. sic habet : „ Melius dicitur , quod semel dixit , & non bis
„ (illa verba , *hoc est corpus meum*) & in his verbis consecravit . Unde de-
bet ita legi , quod illud quod dicitur , *Ait , accipite* &c. referatur ad præce-
dentia (ad benedictionem , & fractionem .) . . . *Et accipiens calicem , gratias
egit* : (scilicet de institutione huius sacramenti , quia virtute divina hoc sa-
ciebat . . . Item *gratias egit* de effectu , quia effectus est salus totius mundi :
& hoc non poterat facere nisi ex divinitate . “ In Commentario ad caput xi.
Epistolæ I. ad Corinth. vers. 24. 25. „ *Accipit panem , gratias agens sicut . . .
In quo datur nobis exemplum gratias agendi de omnibus , quæ nobis divini-
tus dantur . . . Et dixit , accipite* &c. Non est sumendum consequenter , quasi
Christus accepit panem , & gratias agens fregit , & postea dixerit verba ,
quæ sequuntur : sed concomitanter , quod dum accepit per se panem , gratias
agens fregit , & dixit . Et ideo cum Matth. xxvi. dicatur , quod Iesus acce-
pit panem , & benedixit , & fregit ; Apostolus non curavit hic de benedictione

facere mentionem, intelligens nihil aliud esse illam benedictionem (quod ad præcipuam partem,) quam hoc quod Dominus dixit, *Hoc est corpus meum*. " Dictas a Salvatore laudes Dei, gratias actas, fusaque benedictiones agnovit Aquinas, easque patefacit: docetque, inter illas locum habuisse verba consecratoria, *Hoc est corpus meum, hic est calix sanguinis mei*.

Eadem est doctrina Synodi Tridentinae, cuius verba sunt: *Hoc sacramentum in ultima cæna Redemptor noster instituit, cum post panis viniq[ue] benedictionem, se suum corpus illis præbere ac sanguinem, discretis verbis testatus est*. Perinde est ac si dixerint Patres, Iesum Christum, verba illa, *Hoc est corpus meum*, proferentem, testatum esse, se discipulis suis dare corpus suum: id videlicet, quod post verba illa prolata, in quibus panis benedictio & consecratio consistit, haud amplius erat substantia panis, sed corpus suum. In ipsa præterea benedictione si distinguas gratias Deo a Christo actas, fusaque preces super pane transmutando, ac demum præcipuam & ultimam benedictionis partem in verbis consecratorii positam; sensus elicitur, a Thoma & ab Ecclesiæ Patribus discretissime traditus, ac Synodo Tridentinae apprime conveniens: nempe Redemptorem nostrum; postquam gratias egit Deo, ac bene pani transmutando precatus est, verba illa, *Hoc est corpus meum*, protulisse, vel ante fractionem, vel concomitanter cum fractione, ipsumque elementum consecrasse. Pugnantem contra Thomam adducere Tridentinos Patres, insania est. Rem denique confirmat Catechismus iussu Pii V. ex ipsius Tridentinae Synodi doctrina confectus, de Sacramento Eucharistiae capite iv. num. 19. " Cum autem hæc verba (*hoc est corpus meum*) id quod fit significant ac declarent, hoc est panis conversionem in verum Domini nostri corpus; sequitur, formam in illis ipsis verbis constitutendam esse: in quam sententiam, quod ab Evangelista dictum est, *Benedixit*, licet accipiatur. Perinde enim videtur intelligendum, ac si dixisset: accipiens panem, *benedixit*, dicens, *Hoc est corpus meum*. "

(§.) Hanc cœnæ dominicæ institutionem, gratias actas, & laudes Dei, & benedictiones derivari ex iudaicis ritibus posse, plerique sunt, qui contendunt. Verba proferre præstat Christophori Marthæi Passii in Dissertatione de oblatione Veterum eucharistica §. iv. " Primum itaque Christum pani *benedixit*, ac super eo *gratias egit* . . . Qua in re ista *εὐλογία*, aut *εὐχαριστία* constitit; a Iudæis descendit. Absolvitur autem ea iuxta hos, sequentibus verbis. " *Benedixit sis, Domine Deus noster, Rex mundi, qui producis panem e terra*. " (Missn. Cod. Brachos cap. vi. §. 1.) Nec dubium est, Christum hac *εὐλογία* sæpius usum fuisse, cum pani benediceret (Matth. xiv. 19. xv. 36. Marci vi. 41. Luc. ix. 16. Ioan. vi. 11.) Non autem apud Iudæos benedictio poterat pronuciari, nisi apprehenso prius pane benedicens: unde λαβὼν, *et accipies*, ante vocem, *benedixit, gratias egit*, extat (in Lefsch Hatteche- let num. 167. §. 3.) quemadmodum autem panis fuit benedictus, ita vinum . . . , Benedictio autem poculi hæc est: *Benedixit sis, Domine Deus noster, Rex mundi, creans fructum vitis*. " Pergit ille §. v. eucharisticas actiones ritibus iudaicis exponere, ac 1. Benedictione peracta, Christum fregisse panem, consuetudine hac pariter a Iudæis desumpta. 2. Apud eosdem in eo cœnam paschalem ab aliis conviviis differre, quod in eadem panis frangeretur ante benedictionem. 3. Sequi distributionem illius, quibusdam verbis additis, v. g. *hic panis afflictionis, quem manducaverunt Patres nostri in terra Aegypti: omnis esuriens veniat, et manducet*. 4. Pari modo symbola eucharistica a Christo consecrata, ac postea distributa cum adiunctis illis verbis, *Hoc est corpus meum, hic est sanguis meus*. 5. Agnum paschalem assum, inque mensa positum, olim dictum Iudæis, *Corpus paschatis*: idque adludi a Christo, ut innueret, Discipulos quidem suos hæcenus corpus paschatis comedisse, typum corporis sui in mortem mox tradendi:

di : hunc vero se ipsis dare corpus suum, in locum typorum veteris testamenti tamquam complementum successurum.

Ritibus id genus, quos Christus adhibuit, si quispiam contendat, Sancti Thomæ Sanctorumque Patrum sententiam infirmari, toto errat ostio. Admonet ipse Pfaffius in Notis ad §. 17. *totam Christi benedictionem in sola illa Iudeorum benedictione non consistisse* : proque certo habet in alia Dissertatione de consecratione Veterum eucharistica §. 1. alia quædam verba addidisse optimum Salvatorem, quæ nempe ad sacramentum Eucharistiæ instituendum idonea forent. Quænam vero magis ad hunc finem idonea verba fuerint, quam illa, *Hoc est corpus meum*, *hic est calix sanguinis mei*, ut ea demum ad ipsam panis & vini benedictionem pertinuisse dicantur? Id utique panis & vino, latente Pfaffio, ex illa iudaica benedictione obveniebat, ut illa symbola dicerentur *sanctificata*, & *consecrata* : unde colligitur, benedictione quoque sua Christum sanctificasse, & consecrassse elementa : eandemque consecrationem, cum in eorumdem maxime consistat transmutatione in suum corpus & sanguinem, aptioribus verbis peragi non potuisse, quam illis, de quibus agimus. Tamen vero verba illa, *Hic est panis afflictionis* &c. post fractionem cuiusdam placentæ in duas partes proferret paterfamilias ; perperam inde extrandas, illa itidem Christi verba, *Hoc est corpus meum*, neque ante fractionem, neque *concomitanter* cum fractione dicta fuisse, cum hæc minime Christus protulerit illorum loco ; sed potius ad benedictionem pertineant panis, quem conviviorum initio fumebat paterfamilias, Deoque gratias pro ipso agebat.

Quæ demum splendidi ut innotescant, partes duæ, vel etiam tres in ultima cœna, quam Christus celebravit, distinguendæ sunt : nempe cœna legalis, cœna usualis & communis, atque præterea, ut aliqui putant, cœna eucharistica. Prima in esu agni patnalis consistit : in eaque legitimos ritus observasse Christum, ratio nulla dubitandi. Huic adiungebatur cœna communis, quæ cœnula dicebatur, nullitis quibuscumque sœcharatice bellariis instructa, quæ demum poculo vini clauderetur. In hac institutum fuisse Sacramentum Eucharistiæ, existimant plerique. Tertiam veluti cœnulam distinguunt alii. Matthæus capite xxvi. vers. 26. & Marcus capite xiv. vers. 21. aiunt : *Comantibus autem eis, vel manducantibus illis, accepit Iesus panem* &c. idest, sub finem, vel post ipsam cœnam legalem, ac etiam si placeat post cœnulam usualem, dum adhuc mensæ epulis & bellariis strætæ accumberent Discipuli cum Christo, accepit ille panem, quem consecravit. Sancti Lucæ verba disertissima sunt capite xxi. Ait enim vers. 14. *Cum facta esset hora, discubuit, & duodecim Apostoli cum eo*, vers. 15. *Et ait illis : Desidero desideravi hoc pascha manducare vobiscum, antequam patiar*. vers. 16. *Dico enim vobis, quia ex hoc non manducabo illud, donec impleatur in Regno Dei* : ubi Sancti fruenter beatitudine, ærumnis omnibus huius vitæ exsoluti sunt, hanc plenam Sanctorum libertatem paschate legali significante. Hæc est cœna legalis : ad quam verba pertinent quæ sequuntur vers. 17. *Et accepto calice gratias egit, & dixit : Accipite & dividite inter vos*, vers. 18. *Dico enim vobis, quod non bibam de generatione vitis, donec regnum Dei veniat*. Poculum est, non primum, veluti præparatorium ad cœnam legalem, ut in Ritualibus Iudeorum libris legitur : sed alterum, quod in fine eiusdem cœnæ hauriebatur. Pergit Lucas, & ait vers. 19. *Et accepto pane, gratias egit, & fregit, & dedit eis dicens : Hoc est corpus meum, quod pro vobis datur ; hoc facite in meam commemorationem*, vers. 20. *Similiter & calicem, postquam canavit, dicens : Hic est calix novum testamentum in sanguine meo, qui pro vobis fundetur*. Paria sunt quæ tradit Apostolus Paulus in Epistola I. ad Corinth. capite xi.

In hac sacrosanctæ Eucharistiæ institutione, sive in ipsa cœnula usuali, sive post ipsam peracta fuerit, ritus utique, & benedictiones, & grariarum actiones adhibuit Salvator mundi, quæ augustissimo Sacramento instituendo congruerent. Iulius Bartoloccius in Bibliotheca Magna Rabbinnica Parte II. pag. 747. scite ad S. Tb. Oper. Tom. XII.

t

hotat,

notat, patrem familiās apud Iudæos placentæ azymæ partem; quæ ex cœna legali reservata fuerat, frangere in cœnula, & in frustra dividere, & assidentibus mensæ distribuere consuevisse absque ulla benedictione: idemque servatum in distributione calicis. Attamen „Christus, inquit, volens hanc partem placentæ, efficere corpus suum, *benedixit*, quod non faciunt Iudæi dum frangunt: sed illud in frustra dividunt, & sine benedictione ex eo communicant omnes assidentes ad mensam. Christus autem benedixit, ut *ἰσχυρίαι* prolata, per verba „*Hoc est corpus meum*, *ἰσχυρίαι* corporis sui sacratissimam conficeret. Idem „circa calicem, postquam cœnarum est, effecit. “ Unde notum sit competumque, frustra illos esse qui contenderent, non alias a Iesu Christo adhibitas benedictiones, & laudes, & gratiarum actiones, nisi quæ in ritualibus Iudæorum libris prostant. Quod ait demum Pfaffius, verbis illis, *Hoc est corpus meum*, adlūsum a Christo agnum paschalem, quem *corpus paschatis* vocabant, nec inficias iverim ego, neque adprobem. Aientis Bartolocci verba refero: „*Quæres...* „cur Christus Dominus in institutione Sanctissimi Eucharistiæ Sacramenti, potius „usus est his verbis, *Hoc est corpus meum*, quam aliis quibusdam (v. g.) „*hic panis est caro mea* . . . Resp. Voluit his verbis Dominus alludere ad cœnæ remoniam agni Paschalis, quem in hac cœna Iudæi comedebant, quique erat „typus & figura Christi, Hunc assatum mensæ apponebant integrum, & *corpus paschatis*, sive *corpus agni paschalis* appellabant . . . Consummata veteris testamenti ceremonia . . . ut novum Salvator noster & æternum institueret „Testamentum, & novum corpus veri & immaculati agni nobis manducandum præberet sub specie panis; panem ipsum accepit, & ad corpus agni paschalis veteris testamenti alludens dixit, *Hoc est corpus meum* . . . Pariormiter post „communem & usualem cœnam accipiens poculum, illudque ex veteri in novum testamentum transferens, vinum in sanguinem suum pretiosissimum consecravit. “

V. (1.) Libens lubenque formam exhibeo vindictarum, quæ uberrimæ adorari possunt pro Thomæ Aquinatis theologicis Dogmatibus, quæ censoria virga notari posse, nonnulli censent imprudentissime. In censum venit thesis illa, quæ veluti a Thoma tradita profertur; eademque enuntiat, *Episcopatum nec esse ordinem, neque Sacramentum*. Hanc vero admonent Adversarii, *hoc tempore periculosam esse ob locum Concilii Tridentini sess. xxiii.* Pars nempe thesæos Præceptoris Angelici sententiam effert, imposturam invehit pars altera. Hac de re agit Aquinas in IV. Dist. xxiv. Qu. iiii. art. ii. Quæstionum. ii. „Ad secundam quæstionem respondendum, inquit, quod *Ordo* potest accipi dupliciter. Uno modo, „secundum quod est *Sacramentum*: & sic, ut prius dictum est (Q. ii. art. i.) „ordinatur omnis ordo ad Eucharistiæ Sacramentum. Unde cum Episcopus non „habeat potestatem superiorem Sacerdote quantum ad hoc, non erit Episcopatus ordo. Alio modo potest considerari ordo, secundum quod est *officium quoddam respectu quorundam actionum sacrarum*: & sic cum Episcopus habeat potestatem in actionibus hierarchicis respectu Corporis mystici supra sacerdotem, „*Episcopatus erit ordo*. “

Pars ergo thesæos prima perperam & iniuria Sancto Thomæ assingitur, qui constantissime passim docet, Episcopatum esse ordinem, si pro eminentiore quodam officio sumatur, a simplici sacerdotio distinctum, ipsumque divina Iesu Christi institutione permanentem, ac indelebilem. Loco citato ad 3. *Dicendum*, ait, „*quod potestas episcopalis non est tantum iurisdictionis, sed etiam ordinis* . . . secundum quod ordo communiter accipitur. Dist. xxv. Qu. i. art. ii. ad 2. quod in promotione Episcopi datur sibi potestas, quæ perpetua manet in eo, quamvis dici non possit character, quia, per eam non ordinatur homo directe ad Deum, sed ad corpus Christi mysticum: & tamen indelebiter manet, sicut character, quia per consecrationem datur. Et Opusculo xviii. in editione Romana capite xxiv. Si

Epi-

Episcopus depositus restituitur, non iterum consecratur, tamquam potestate ordinis remanente, sicut & in aliis contingit ordinibus. Quo demum episcopali ordine, tamen iuxta mentem Thomæ non sit Sacramentum, nec imprimat characterem, superiorem Presbytero efficit Episcopum, docet ille ac declarat elegantissime Dist. xxiv. cit. Q. 111. art. 11. ad 3. „ Sicut, inquit, omnium rerum naturalium perfectiones præexistunt exemplariter in Deo, ita Christus fuit exemplar officiorum ecclesiasticorum: unde unusquisque Minister Ecclesiæ quantum ad ali- quid gerit typum Christi, & tamen ille est superior qui secundum maiorem perfectionem Christum repræsentat. Sacerdos autem repræsentat Christum in hoc, quod per seipsum aliquod ministerium implevit: sed, Episcopus in hoc, quod alios ministros instituit, & Ecclesiam fundavit. Unde ad Episcopum pertinet mancipare aliquid divinis obsequiis, quasi cultum divinum ad similitudinem Christi statuens: & per hoc etiam Episcopus specialiter sponsus Ecclesiæ, dicitur, sicut Christus. „ Hunc peculiarem Episcoporum ordinem, quem semper Ecclesia Catholica professæ est ad institutionem divinam pertinere, egregie vindicat Epiphanius adversus Arium Hær. LXXV. num. 4. Totum illud, inquit, soliditatis esse plenissimum, prudens quisque facile perspicit: velut cum Episcopum, ac Presbyterum adequare conatur. Hoc enim constare qui potest? Siquidem Episcoporum ordo ad gignendos patres (sacerdotum) præcipue pertinet. Natus enim est patrum in Ecclesia propagatio. Alter (Presbyter, seu Sacerdos) cum patres non possit, filios Ecclesiæ regenerationis lotionem producit, non tamen patres aut magistros. Quinam vero fieri potest, ut is Presbyterum constituat, ad quem creandum manuum imponendarum nullus ius habeat? Aut quomodo Presbyter Episcopo dici potest equalis?

(2.) Pars altera thesæos, quæ Episcopatum negat esse ordinem illum, qui dicitur Sacramentum, & characterem imprimit, genuina sententia Thomæ est. Contrarium putant nonnulli doceri ab Aquinate opinionem in Opusculo citato xviii. capite xxiv. Verba eius profero: „ Quod quarto (loco) proponitur, inquit, quod Episcopatus non est Ordo, hoc manifeste continet falsitatem, si absolute intelligatur. Expresse enim dicit Dionysius (de eccl. Hierar. cap. v.) esse tres ordines ecclesiasticæ Hierarchiæ, Episcoporum, Presbyterorum, & Diaconorum. Et xxi. dist. (Parte 1. Decreti) cap. Cleros, habetur: quod ordo Episcoporum quadripartitus est. Habet enim ordinem Episcopum per comparisonem ad corpus Christi mysticum, quod est Ecclesia, super quam principalem accipit curam, & quasi regalem. Sed quantum ad Christi corpus verum, quod in Sacramento continetur, non habet ordinem supra Presbyterum. Quod autem habeat aliquem ordinem, & non iurisdictionem solam, sicut Archidiaconus, vel Curatus Presbyter; patet ex hoc quod Episcopus potest multa facere, quæ non potest committere, sicut confirmare, ordinare, & consecrare Basilicas, & huiusmodi: quæ vero iurisdictionis sunt potest aliis committere. „ Aut caligantes eorum fuerint oculi, aut nimium præiudiciis mens occupata, qui in allato loco mutatam ab Aquinate sententiam videre, sibi videntur. Episcopatum pro certo habet esse ordinem, si absolute intelligatur: minime quidem per comparisonem ad corpus Christi verum, unde Sacramenti ratio desumitur, quæ inest ordinibus Presbyteratus, & Diaconatus: sed per comparisonem ad corpus Christi mysticum, quod est Ecclesia. Hæc ipsissima sunt, quæ in quarto Sententiarum libro ab ipso tradita protulimus.

Rationum momenta, quibus hæc innititur opinio Thomæ, paucis liceat perstringere. Illud assero, quod habetur in IV. Dist. xxiv. Qu. 111. art. 11. Quæstionc. 11. ad 2. „ Dicendum, quod Ordo, secundum quod est Sacramentum, imprimens characterem, ordinatur specialiter ad Sacramentum Eucharistiæ, in quo ipse Christus continetur, quia per characterem ipsi Christo configuramur: & ideo licet detur aliqua potestas spiritualis Episcopo in sui promotione respe-

„ *Qua* aliquorum Sacramentorum , non tamen *illa potestas* habet rationem *charac-*
 „ *teris* . Et propter hoc Episcopatus non est *Ordo* , secundum quod *ordo* est
 „ *quoddam Sacramentum* . “ Vis argumentationis pendet ex notione *characteris* ,
 quo Christo configuramur , recte ac probe constituta . Hac de re luculentissime
 agit Aquinas Parte III. Summæ Theologicæ Qu. lxxi. ubi docet art. 11. & 14.
 per ea Sacramenta novæ legis imprimi *characterem* , quibus homines peculiari
 ratione *deputantur ad cultum Dei secundum ritum christianæ religionis* : cultum illum
 divinum præcipue positum esse in consecratione Sacramenti Eucharistiæ , & in obla-
 tione sacrificii : homines ergo ad huiusmodi cultum deputatos intelligi , vel quia
 confertur ipsis potentia recipiendi Sacramenta , maximeque Eucharistiæ , ut in
 Baptismo ; vel quia idonei sunt ad impugnandos fidei cultusque divini hostes ,
 ut in confirmatione ; vel demum quia ipsa potestas conceditur conficiendi Eucha-
 ristiam , & offerendi sacrificium , atque par tanto Sacramento , & sacrificio mini-
 sterium impendi , ut in ordine Presbyteratus , & Diaconatus . Atqui vero in
 promotione vel ordinatione Episcopi nulla confertur ipsi potestas , qua ipsum a-
 gat divinum cultum , conficiendo scilicet Eucharistiæ , & offerendo sacrificium ,
 aut ministerium aliquod præstando : sed illi potestas traditur , ad mancipandum
 alios cultui divino , seu Ministros deputandos , qui maxime prædictum peragere
 queant cultum divinum . Itaque huiusmodi quæ Episcopo datur potestas , non
 est *character* .

Eadem in Quæstione lxxii. verba sunt Doctoris Angelici animadversione dignif-
 sima art. v. „ *Character sacramentalis* est quædam participatio *sacerdotii Christi* in
 „ fidelibus eius : ut scilicet sicut Christus habet plenam spiritualem *sacerdotii*
 „ potestatem , ita fideles eius ei configurentur (seu assimilentur) in hoc , quod
 „ participant aliquam spiritualem potestatem respectu Sacramentorum , & eorum
 „ quæ pertinent ad divinum cultum . “ Pergit ipse docere , quod ex articulo
 sexto iam delibatum est , tum primo in *Eucharistia principaliter divinum cultum*
 „ *consistere* , inquantum est *Ecclesiæ sacrificium* : tum præterea ad huiusmodi cultum
 divinum deputari hominem , *vel per modum agentis , vel per modum recipientis* :
 posteriorem hanc deputationem baptisinate peragi , ac etiam quodammodo *confir-*
 „ *matione* , ac utriusque *characteres participationes* esse , tamen remotas & imperfe-
 „ *ctas* , *sacerdotii Christi* : alteram vero deputationem ad sacerdotalem spectare *char-*
 „ *acterem* , veluti perfectiorem eiusdem *sacerdotii Christi participationem* . Quid
 inde colligas ? Utique colligendum , potestatem episcopalem non esse *characte-*
 „ *rem* , utpote quæ tamen valeat Sacerdotes & Ministros deputare , attamen
 non valet præcipuum divinum cultum peragere in consecratione Sacramenti Eucharistiæ ,
 & in oblatione sacrificii .

Ad hanc rem maxime facit scitissima illa Divi Thomæ animadversio in citata
 Dist. xxiv. Qp. 111. art. 11. ad 3. „ *Sacerdos* , iniquentis , repræsentat Chri-
 „ *stum* in hoc , quod *per seipsum* aliquod *ministerium* implevit (Eucharistiæ
 „ *Sacramentum* conficiendo , seque ipsum offerendo æterno Patri .) . Sed *Episco-*
 „ *pus* in hoc , quod *alios Ministros* instituit , & *Ecclesiam* fundavit . Unde ad
 „ Episcopum pertinet mancipare aliquid divinis obsequiis , quasi cultum divinum
 „ ad similitudinem Christi statuens . “ Palam est , promotione & ordinatione sua
 non mancipari Episcopum divino cultui , adeoque non insigniri *charactere* .
 Eminentior quædam in fideles confertur eadem potestas , qua alios divinis ob-
 „ *sequiis* addicere potest , eosque *charactere* per institutos a Christo ritus in-
 „ *signire* .

Lucem hæc afferunt splendidissimam , qua innotescat , distinctionem ordinum ,
 qui sunt sacramenta & imprimunt *characterem* , ex relatione ad sacramentum Eucha-
 risticiæ repetendam esse . Ait sanctus Thomas Dist. xxiv. Qu. 1. Art. 1. Quæst.
 11. „ Dicendum , quod *Ordinis Sacramentum* ad *Sacramentum Eucharistiæ* (con-
 „ *ficiendum*) ordinatur , quod est *Sacramentum Sacramentorum* Et ideo di-
 „ *stinctio* .

5, *stinctio ordinum est accipienda secundum relationem ad Eucharistiam: quia potest*
 6, *estas Ordinis, aut est ad consecrationem Eucharistia ipse, (ordo scilicet & cha-*
 7, *racter Presbyterorum) aut ad aliquod ministerium ordinatum ad hoc* " (nempe
 8, *ordo Diaconatus, & inferiores alii, si addere quidem eos placeat.) In hoc ra-*
 9, *tionis momento stat immotus Aquinas Libro IV. contra Gentiles Capite lxxiv.*
 10, *Quia vero potestas Ordinis, inqueus, ad dispensationem Sacramentorum ordi-*
 11, *natur: & inter Sacramenta nobilissimum, & consummativum aliorum est Eu-*
 12, *charistiae Sacramentum; oportet, quod potestas Ordinis consideretur precipue*
 13, *secundum comparisonem ad hoc Sacramentum, nam unumquodque denomina-*
 14, *tur a fine Quia igitur (cap. lxxv.) potestas Ordinis principaliter ordina-*
 15, *tur ad Corpus Christi consecrandum, & fidelibus dispensandum, & ad fideles*
 16, *a peccatis purgandum; oportet esse aliquem principalem Ordinem, cuius pot-*
 17, *estas ad hoc principaliter se extendat, & hic est Ordo Sacerdotalis: & alios*
 18, *(oportet esse) qui eidem serviant aequaliter, materiam dispensando, & hi*
 19, *sunt Ordines ministrantium. " Hæc attentiore mente qui legerit & expend-*
 20, *erit, compertissimum habeat oportet, frustra illos esse qui opinati sunt, Episcopatu-*
 21, *rum ab Aquinate agnitionem admittuntque alicubi inter Ordines, qui nedum sint*
 22, *gradus & officia hierarchica, verum etiam Sacramenta characterem imprimentia.*
 23, *Quenam ergo fuerit Episcoporum potestas? De illa egregie pertractat Sanctus*
 24, *Thomas Capite lxxvi, insequente: " Quia vero, inquit, omnium horum ordi-*
 25, *num (Sacerdotii, Diaconatus, & inferiorum) collatio quodam Sacramento*
 26, *(imprimente characterem) perficitur; ideo necesse est, aliquam superiorem pot-*
 27, *estatem esse in Ecclesia alicuius altioris ministerii, quæ Ordinis Sacramentum dis-*
 28, *penset: & hæc est episcopalis potestas. Quæ etsi, quantum quidem ad consec-*
 29, *rationem Corporis Christi, non excedat Sacerdotis potestatem (imo neque*
 30, *valeat ipsa, per sese spectata, Corpus Christi consecrare:) excedit tamen eam*
 31, *in his, quæ pertinent ad fideles. " Est nempe potestas, qua Episcopus Chri-*
 32, *stum repræsentat in hoc, quod alios Ministros instituit, & Ecclesiam fundavit.*

Quæ nec pro Divi Thomæ sententia differentes, animadvertimus cum Ioanne
 S. Thoma Disp. II. de approbatione doctrinæ ipsius Aquinatis Art. III. Propo-
 sit. IX. " Præceptorem Angelicum, cum negat Episcopatum esse Sacramen-
 tum ordinis, loqui de illo contradistincte a Sacerdotio, & secundum id quod ad
 Sacerdotium superaddit. Hoc, quod superaddit ad Sacerdotium, dicit esse digni-
 tatem Ordinis & officium, sed non sacramentum Ordinis: nec se habet ad Sa-
 cerdotium, sicut Sacerdotium ad Diaconatum, cui illud superaddit aliquid quod
 pertinet non solum ad dignitatem, sed ad rationem sacramenti. Si vero sumat-
 ur Episcopus non condistincte a Sacerdotio, sed cum illo; sic non lo-
 quitur Divus Thomas, nec potest aliquis negare quod includat Sacramentum
 ordinis, scilicet ipsum Sacerdotium. "

(3) Consecratoria plura sponte fluunt, quæ Thomæ sententiam maxime illustrant.
 Ac primo, plures in Ecclesia ordines esse hierarchicos ex divina Christi institutio-
 ne; ordinem Episcoporum, qui altioris cuiusdam ministerii & officii potestas est;
 & ordines Presbyteri, & Diaconi, qui simul sunt sacramenta characterem im-
 primentia. Thomæ verba iam superius descripsimus: " Alio modo, inquit, pot-
 est considerari *ordo*, secundum quod est *officium* quoddam respectu quarumdam
 actionum sacrarum: & sic cum *Episcopus* habeat potestatem in *actionibus hierar-*
 chicis respectu Corporis mystici supra Sacerdotem, *Episcopus* erit *ordo*. Hæc
 habentur Dist. xxiv. sæpe citata Qu. III. Art. II. Quæst. II. Accipe illa,
 quæ prostant Qu. II. Art. I. Quæst. II. ad I. " Dicendum, quod Dionysius lo-
 quitur de *ordinibus*, non secundum quod sunt *sacramenta*, sed secundum quod
 ad *hierarchicas actiones* ordinantur; & ideo secundum actiones illas, *tres ordi-*
 nes distinguit. Quorum primus, scilicet *Episcopus*, habet omnes tres (*purga-*
 re, illuminare, & perficere :) secundus, scilicet *Sacerdos*, habet duas (*illu-*
 mina-

„ *minare, & purgare*) sed tertius, scilicet Diaconus, habet unam (*purgare* :)
 „ & sub hoc omnes inferiores ordines comprehenduntur. Sed *ordinis* habent quod
 „ sint *sacramenta* ex relatione ad *maximum sacramentorum*; & ideo secundum hoc
 „ numerus ordinum accipi debet. “ Ordinem ergo si accipias pro certo hominum
 „ statu, qui potestatem habent in actionibus hierarchicis erga corpus Christi mysti-
 „ ficum, triplex ille præcipue distinguitur, *Episcoporum, Sacerdotum, & Diacono-*
 „ *rum*, quibus Hierarchia Ecclesiae a Christo instituta constituitur. Num vero om-
 „ nes huiusmodi ordines hierarchici ratione & pietio sacramenti potantur, ad
 „ Theologorum quaestionem pertinet.

Alterum consecrarium ad varios, qui distingui solent, Ministrorum Sacerdoti
 interservientium ordines spectat. Tum Diaconatum, tum inferiores ordines ad Sacra-
 menti veri nominis rationem elevare videtur Sanctus Thomas, ac frequens Theo-
 logorum de Schola hæc opinio est. Dignissimam haudego prætermitto ipsius Tho-
 mæ animadversionem Dist. xxiv. Quæst. 11. Art. 1. Quæst. 11. ad 2. „ In
 „ *primitiva Ecclesia*, inquit, propter paucitatem Ministrorum *omnia inferiora*
 „ *Ministeria* committebantur Diaconis Nihilominus erant omnes prædictæ pot-
 „ estates, sed implicitæ in una Diaconi potestate. Sed *postea* ampliatus est cultus
 „ divinus: & Ecclesia quod *implicitè* habebat in uno Ordine, *explicitè* tradit in
 „ diversis. “ Eadem habentur in Opusculo xix. contra impugnantes Religionem:
 „ *Sicut etiam in primitiva Ecclesia fuerunt soli duo Ordines sacri, scilicet Presbyteri,*
 „ *& Diaconi; & tamen postea Ecclesia minores sibi ordines instituit.* Quæ ita a ple-
 „ risque intelliguntur, ac si minores prædicti ordines ex una ecclesiastica institutio-
 „ ne profecti fuerint, adeoque neque sint iure divina instituti, neque Sacramenta
 veri nominis.

Sequitur tertio, ex ritu illo sensibili, quo semper episcopalis potestas in Eccle-
 sia collata est, in Synodo Carthaginensi quarta præscripto, haud colligi tuto pos-
 se, eandem potestatem episcopalem Sacramento quodam conferri. Ad id utique
 pertinent verba, quæ Thomas habet eadem in Distinctione xxiv. Qu. 1. Art. 1.
 Quæst. 11. ad 3. *Non omnis*, inquit, *benedictio quæ adhibetur homini, vel con-*
 „ *secratio est Sacramentum: quia & Monachi, & Abbates benedicuntur, & tamen il-*
 „ *la benedictiones non sunt Sacramenta Quia per huiusmodi benedictiones non ordi-*
 „ *nantur aliqui ad dispensationem divinarum Sacramentorum* (quæ scilicet vel ipsum
 „ contineant principalem Dei cultum, Eucharistiæ consecrationem, & Sacrificii obla-
 „ tionem; vel isti præcipuo Dei cultui ministerium impendant; vel ad ipsum divi-
 „ num cultum ordinem, per ipsius augustissimi Sacramenti receptionem.) Neque
 „ ullum ingerat negotium impositio manuum, quam in ordinatione aut promotio-
 „ ne Episcopi Synodus Carthaginensis quarta præscribit: neque enim sola manuum
 „ impositio statim Sacramentum, aut Sacramenti administrationem evincit, cum il-
 „ la adhiberi etiam consueverit in poenitentium & catechumenorum admissione,
 „ in exorcismis, aliisque precibus. Sed attamen episcopalem potestatem nonnisi hocce
 „ ritu conferri, perpetua Ecclesiarum traditio docet.

Consecrarium quartum est, Christi voluntate institutum esse, ut ea episcopalis
 potestas nonnisi hominibus, qui antea sacerdotali charactere insigniti fuerint, ac
 potestatem habeant in corpus Christi verum, conferri legitime ac rite & valide
 possit. Egregium hac de re documentum suppeditat Aquinas in IV. Dist. vii. Qu.
 111. Art. 1. Quæst. 111. „ Alii dicunt quod auctoritas Papæ tanta est, quod
 „ eius mandato quilibet potest conferre, quod habet: ut Confirmatus confirma-
 „ re, Sacerdos Sacerdotium conferre, Diaconus Diaconatum: non autem manda-
 „ to ipsius potest aliquis conferre quod non habet, ut Diaconus ordinem sacer-
 „ dotalem. Sed hæc opinio videtur nimis ampla, & ideo media via secundum al-
 „ ios tenenda est. Et ideo sciendum est, quod cum Episcopatus non addat ali-
 „ quid supra Sacerdotium per relationem ad corpus Christi verum; sed solum
 „ per relationem ad corpus Christi mysticum; Papa per hoc quod est Episcopus,

rum

rum summus; non dicitur habere plenitudinem potestatis per relationem ad corpus Domini verum, sed per relationem ad corpus mysticum. " Hinc quid Summus Pontifex prædicta potestatis non erga corpus Christi verum, sed erga corpus Christi mysticum plenitudine donatus valeat, quidve non valeat agere, luculentissime explanat S. Thomas: „ Et quia gratia sacramentalis descendit in corpus Christi mysticum a capite; ideo omnis operatio in corpus mysticum sacramentalis, per quam gratia datur, dependet ab operatione sacramentali super corpus Domini verum: & ideo *solus Sacerdos potest absolvere in foro penitentiali, & baptizare ex officio*. Et ideo dicendum, quod promovere ad illas perfectiones, quæ non respiciunt corpus Domini verum, sed solum corpus mysticum, potest a Papa, qui habet plenitudinem pontificalis potestatis, committi Sacerdoti qui habet actum suum super corpus Domini verum: non autem Diacono, vel alicui inferiori, qui non habet perficere corpus Domini verum, sicut nec absolvere in foro penitentiali. Non autem potest simplicis Sacerdoti committi promovere ad perfectionem, quæ respicit aliquo modo corpus Domini verum: & ideo *simplex Sacerdos ex mandato Papæ non potest conferre ordinem Sacerdotii*, quia ordines sacri habent actum supra corpus Domini verum, vel supra materiam eius. Potest autem (Papa) concedere simplicis Sacerdoti, quod *conferat minores ordines*, quia isti nullum actum habent supra corpus Domini verum, vel materiam eius; nec etiam supra corpus Christi mysticum habent actum, per quem gratia conferatur; sed habent ex officio quosdam actus secundarios & præparatorios. Et similiter potest concedere alicui Sacerdoti, *quod confirmet*: quia confirmatio perficit in actu corporis mystici, non autem habet aliquam relationem ad corpus Domini verum. "

Paria sunt, quæ disserit Dist. xxv. Qu. 1. Art. 1. ad 3. & ad 5. Locoprior sic ait: „ Dicendum, quod Papa, qui habet plenitudinem potestatis Pontificalis, potest committere non Episcopo ea quæ ad dignitatem Episcopalem pertinent, dummodo illa non habeant immediatam relationem ad verum Christi corpus: & ideo ex eius commissione aliquis Sacerdos simplex potest conferre Minores ordines, & confirmare, ut supra dictum est (Dist. viii.). Non autem aliquis non Sacerdos. Nec iterum Sacerdos Maiores ordines, qui habent immediatam relationem ad Corpus Christi, supra quod consecrandum Papa non habet maiorem potestatem, quam simplex Sacerdos. " Rem denique loco altero magis illustrat: „ Dicendum, inquit, quod ad communicandum alteri quod quis habet, non exigitur solum propinquitas, sed *completio potestatis*. Sed quia Sacerdos non habet completam potestatem in hierarchicis officiis, sicut Episcopus; ideo non sequitur quod possit Diaconos facere, quamvis ille Ordo sit sibi propinquus. " Potestas illa, quæ potestatem perficit & complet in hierarchicis officiis ergo Corpus Christi mysticum, ex Ordinatione Episcopali iure divino proficiscitur: eademque tametsi per Sacramentum aliquod non conferatur, non est attamen solius iurisdictionis potestas, ut ait Thomas, verum etiam potestas Ordinis, eademque iure divino indelebilis.

Hanc Doctoris nostri Sententiam, hætenus pro virili expositam, eandem plenè Theologorum existimant cum illa, quam Hugoni de S. Victore, Alberto M. Sancto Bonaventuræ, Paludano, aliisque non paucis, imò & Patrum doctissimo Sancto Hieronymo tribuit Ioannes Morinus de Sacris Ordinationibus Parte III. Exercit. 111. cap. 1. & 11. Aientes perhibentur illi, per accessum consecrationis Episcopalis novam non imprimi characterem, neque ullo pacto characterem Sacerdotalem extendi, aut quodammodo (ut aiunt) entitative augeri: id unum effici vero, divina quidem ex voluntate seu institutione, ut ipse character Sacerdotalis expeditus fiat, ad aliquas exferendas functiones hierarchicas, maximeque ad ordinandos presbyteros, quas antea non poterat. Hinc Episcopatus est ordo hierarchicus iure divino institutus, non est sacramentum a Presbyteri ordina-

ne

ne distinctum . Si quis rem ita esse contendat , per me licet ; neque longiorē contentionis funem ducam .

(4.) Ab ipsa remota ætate in hac agitata quæstione in partes abiere Theologi , & Canonici iuris periti : hodieque non sine magna , sed innoxia , animorum contentione versari in Scholis eadem solet . Inter Canonistas recentiores Prosper Fagnanus Lib. I. Decretal. Part. II. cap. *Requisivit* , latissimo hac de re calamo agit . Doctorum varias opiniones refert , discutit momenta quæstionis : propugnatque totis lacertis , *Episcopatum esse Ordinem , & Sacramentum , & characterem imprimere , ab ordine Presbyteratus distinctum* . Contra Fagnanum aliosque pugnam instituit Raimundus Capilneus Ord. Præd. S. R. E. Cardinalis Controversia xxviii. inter Selectas Romæ typis editas anno MDCLXX. nihilque pro egregii Theologi munere intactum relinquit , ut oppositam sententiam tueatur , ac doctrinæ Divi Thomæ vindicias agat . Septuaginta , & plures , quos (inquit) in suis locis vidimus , pro negante opinione , veteres & recentes numerat , Theologos & Iuris Canonici perites , variarum gentium , & familiarum , variorumque ordinum .

Sancta Synodus Tridentina hocce de argumento plura docet Sessione xxiii. ac decernit , quæ credenda ac tenenda sunt : deque Episcopatus ordinatione , num veri nominis dici debeat Sacramentum a Presbyteratu distinctum , notam inter Doctores ac ventilatam quæstionem integræ videtur opinantium libertati reliquisse . Id vero accurate offendendum est . Docent Tridentini Patres Capite 1. in Novo Testamento *Sacrisfium visibile Sanctæ Eucharistiæ ex Domini institutione ab Ecclesia acceptum esse : adeoque admitti oportere novum , visibile , externum Sacramentum a Salvatore nostro institutum , tradi tamque Apostolis eorumque successoribus in Sacerdotio potestatem consecrandi , offerendi , & ministrandi Corpus & Sanguinem eius , necnon & peccata dimittendi & retinendi* . His consonat canon primus , quo anathema decernitur in eos , qui dixerint , *non esse in novo Testamento Sacerdotium visibile & externum , vel non esse potestatem aliquam consecrandi & offerendi &c.*

Tum ipsius ministerium Sacerdotii , tum alia inferiora ministeria Sacerdotio inservientia dici & esse ordines quosdam , ordinatissima dispositione in Ecclesia catholica institutos , doctrina est quæ Capite 11. traditur his verbis : *Cum autem divina res sit Sancti Sacerdotii ministerium , consentaneum fuit . . . ut in Ecclesia ordinatissima dispositione plures & diversi essent ordines Ministrorum , qui Sacerdotio ex officio deservirent : itemque Canone 11. anathemate in eos lato qui dixerint , præter Sacerdotium non esse alios ordines , maiores & minores , per quos veluti per gradus quosdam in Sacerdotium tendatur* . Ad hanc ordinum seriem non spectat Episcopatus , nec enim illo veluti quodam gradu in Sacerdotium tenditur , neque per sese spectatus Sacerdotium est . Hunc vero ordinem , vel sacram ordinationem , quæ verbis & signis exterioribus perficitur , colligunt Capite 111. Tridentini Patres esse vere & proprie unum ex septem Sanctæ Ecclesiæ Sacramentis , aiente Apostolo ad Timotheum Epistola 11. Cap. 1. *Admoneo te , ut resuscites gratiam Dei , quæ est in te per impositionem manuum mearum &c.* Hinc anathema fertur in eos Canone 111. qui dixerint , *Ordinem sive sacram ordinationem non esse vere & proprie Sacramentum a Christo Domino institutum : & Canone 14. in eos , qui dixerint , per Sacram ordinationem non dari Spiritum sanctum , aut per eam non imprimi characterem* . Certum videtur compertumque , hoc loco de sacra ordinatione agi , quæ ordines superius expositos complectitur , ipsum nempe ordinem Sacerdotii , & alios veluti gradus quosdam in Sacerdotium tendentes , cuiusmodi non est Episcopatus : unde permisum colligitur a Synodo Tridentina , ut eodem de Episcopatu quod libet lobetque sentiant pro rationum momentis Theologi , ac iuris canonici periti .

Ad Ecclesiasticam hierarchiam exponendam Sancta Synodus procedit capite 14. docetque : *præter ceteros Ecclesiasticos gradus , (Sacerdotes nempe , & Ministros*

stros iam memoratos,) *Episcopos*, qui in *Apostolorum* locum successerunt, ad ecclesiasticam hierarchiam, & ad hunc hierarchicum ordinem precipue pertinere : superiores esse *Presbyteris*, ac potestatem habere confirmandi, *Ministros Ecclesie ordinandi*, & alia pleraque agendi : ac deum in ordinatione *Episcoporum*, *Sacerdotum*, & ceterorum ordinum, nec populi, nec cuiusvis secularis potestatis, & Magistratus consensum, vocationem, sive auctoritatem ita requiri, ut sine ea irrita sit ordinatorio. Quæ doctrina canone vi. & canone vii. firmatur, anathemate lato in eos qui dixerint, in Ecclesia catholica non esse Hierarchiam divina ordinatione institutam, quæ constat ex *Episcopis*, *Presbyteris*, & *Ministris*; & *Episcopos* non esse *Presbyteris superiores*, vel non habere potestatem confirmandi, & ordinandi &c. Nomina quidem ordinis, & ordinationis usurpant Patres, hanc declarantes ecclesiasticam hierarchiam: verum nihil est quod cogat, ut ordines aut ordinationes omnes ad eandem Hierarchiam pertinentes intelligamus veri nominis sacramenta; cum id unum eadem exposcat, ut in Ecclesia catholica ex divina institutione plura dentur officia, pluresque dignitates, maiores minoresque. Porro sententia S. Thomæ est, quam plerique Theologorum amplectuntur, Ordines quibus Hierarchia ecclesiastica constat, alios esse officia ac dignitates, & Sacramenta simul, aliumque aliorum cuiusdam ministerii ordinem erga corpus Christi mysticum, scilicet *Episcopatum*, de quo num sit Ecclesiæ Sacramentum, disceptare in utramque partem licet.

Pro aiente sententia adhiberi maxime solent verba Apostoli, quæ Synodus Tridentina laudat capite 111. ex epistola II. ad Timotheum capite 1. verſ. 6. deſumpta : *Admoneo te, ut reſuſcites gratiam Dei, quæ eſt in te per impoſitionem manuum mearum*. His paria ſunt quæ idem Apoſtolus habet Epistola I. cap. 1v. *Noli negligere gratiam, quæ in te eſt, quæ data eſt tibi per prophetiam*, (declarato ſcilicet per revelationem divino ſuffragio,) *cum impoſitione manuum preſbyterii*. De ordinatione his locis agitur, per quam, gratia Dei conſertur, ad munus ſuum digne peragendum neceſſaria : agiturque præterea de Timotheo in Episcopum ordinato. Itaque ordinatorio illa Episcopalis, ſicuti per eam gratia Dei collata eſt, ita veri nominis dici debet Sacramentum. Accedunt Ecclesiæ Patres, quorum infra teſtimonia adducenda ſunt.

Prudens & appoſita eſt, quam Ioannes a S. Thoma loco ſuperius citato reſponſionem aſſert. ., Reſpondetur concedendo (inquit ille,) quod in illis locis „ Apoſtolus loquitur de ordinatione Timothei in Episcopum, ut plures Patres „ intelligunt : ſed non de ſola, ſed etiam de ordinatione in Preſbyterum ; u- „ trumque enim videtur comprehendiffe Paulus illis verbis ; quod non obſcure a- „ lii Patres indicant. Auguſtinus (vel potius alius Auſtor) in Libro Quæſti- „ num ex Veteri, & Novo Teſtamento Qu. xciii. loquens de *inſuſſatione*, qua „ datur *Preſbyteris* potestas abſolvendi a peccatis (quod conſtat fieri in Preſbyte- „ ratu, non in Episcopatu,) inquit : *Inſpiratio ergo hæc, gratia quedam eſt,* „ *quæ per traditionem inſunditur ordinatis, per quam commendatores habentur.* „ Unde Apoſtolus dicit ad Timotheum : *Noli, inquit, negligere gratiam quæ eſt in* „ *te, quæ data eſt tibi per impoſitionem manuum Preſbyterii*. Intellexit ergo, hunc „ locum Apoſtoli pertinere ad illam gratiam, quæ ad remittenda peccata datur „ Sacerdotibus : & ſic Paulus non de ſola ordinatione in Episcopum, ſed de or- „ dinatione Preſbyteri etiam loquitur. Ad hæc Ambroſius, ſive Auſtor Com- „ mentariorum in Epistolas Pauli, (quem docti plerique eundem exiſtimant „ cum Auſtore laudato Quæſtionum ex veteri & novo Teſtamento,) ſuper I. „ ad Timoth. 1v. *Manuum, inquit, impoſitiones, verba ſunt myſtica, quibus con-* „ *firmatur ad opus eccleſiæ, ut audeat vice Domini offerre ſacrificium.* Adus au- „ tem offerendi ſacrificium eſt proprius Sacerdotii, non Episcopatus : ergo nomi- „ ne impoſitionis manuum intelligit Apoſtolus non ſolam conſecrationem Episco- „ palem, ſed etiam ordinationem Sacerdotalem. “ Ad id maxime facit Chriſtia-

ni Lupi animadversio in Appendice ad Scholion in Canonem IV. Concilii Nicæni: *Episcopatum*, inquit, *& Presbyteratum esse iure divino distinctos omnino ordines: primis tamen Ecclesiæ exordiis neminem dumtaxat in Presbyterum, sed omnem Presbyterum complete in Episcopum ordinari contuerville: & hunc morem dudum perseverasse quibuscumque in Ecclesiis, præsertim Alexandrina.* Favet Baronius Annalium parens ad An. 11. num. 62. „ Quod vero mox idem Apostolus subdit: *Propter quam causam admoneo te, ut resuscites gratiam Dei, quæ est in te per impositionem manuum mearum:* ipsum a se sacris initiatum fuisse significat... Ad ipsum iam antea scripserat (I. Timoth. cap. IV.) *Noli negligere gratiam quæ in te est, quæ data est tibi per prophetiam, cum impositione manuum presbyterii...* Quomodo autem postea ab eodem Paulo præfatus sit Ephesiorum Ecclesiæ, suo loco dicemus. „ Ad Aquinatem nostrum quod attinet, in Commentario ad ea Apostoli loca ordinationem Timothei in Episcopum intelligit: loca eadem ad ordinationem Presbyteratus refert Parte III. Summæ Theologiæ Qu. lxxxiv. Art. IV. Hinc „ probatio Concilii Tridentini (verba sunt Ioannis a S. Thoma.) stat firma: ex locis enim, ubi Paulus loquitur de gratia data in ordinatione, colligit ordinem esse Sacramentum: non quia ibi loquitur Apostolus de sola consecratione in Episcopum; sed quia ibi loquebatur Paulus etiam de ordinatione Timothei in Presbyterum. Et sic consequentia Concilii efficax est: probatque Ordinem esse Sacramentum, quia in aliqua Ordinatione datur gratia, ut constat ex Paulo: ergo aliqua Ordinatio est Sacramentum. Quod vero hæc Ordinatio, de qua loquitur Paulus, sit Episcopatus tantum, vel Presbyteratus simul, ibi Concilium non explicat: sed explicandum relinquit Theologis.

Sed accepta demum sola Episcopatus ordinatione, qua Presbytero iure divino confertur *complete potestatis*, ut ait S. Thomas, erga corpus Christi mysticum, gratiam in ea dari *ex opere operantis*, ut inquit, inficitur nemo. Præstosunt aptissima Divi Thomæ documenta. Ait quippe in IV. Dist. 11. Q. 1. Art. 11. ad 9. „ Ad quamlibet eminentiam status datur aliqua sanctificatio, cum sit ibi necessarium speciale auxilium gratiæ; sicut in consecratione *Regum*, & *Monachorum*, & *Monialium*: & ideo sunt actiones hierarchiæ, & propter hoc Dionysius de eis determinat. Non tamen habent rationem Sacramenti, sed solum illam eminentiam, per quam homo efficitur sacrorum dispensator. „ Ait etiam Dist. xxxvi. 11. Q. 1. Art. v. ad 2. „ In consecratione *Virginum*, sicut & in unctione *Regum*, & in aliis huiusmodi benedictionibus gratia datur, nisi sit impedimentum ex parte suscipientis. Sed tamen huiusmodi Sacramenta non dicuntur, quia non sunt instituta ad curationem morbi peccati, sicut alia Sacramenta. „ Hunc vero morbum peccati, quem sacramenta curant per gratiam *ex opere operato* collatam, consistentem positamque declarat Thomas in IV. Dist. 11. Q. 11. Art. 1. Quæst. 1. ad 2. vel in peccato, vel in debilitate spiritus ad exequenda spiritalia. Morbum primum tollunt baptismus & penitentia: contra morbum eundem ordinantur confirmatio, & Eucharistia *ex officio*, *sive ex modo sanctificandi*: ad detergendas peccatorum reliquias datur extrema unctio: ad reprimendam concupiscentiam matrimonium: ad Sacramenta digne dispensanda denique ordo. Sat est vero, ordinationem Episcopatus *ex opere operantis* gratiam conferre ordinato, ut ea qua par est, dignitate ac decentia Ministros Ecclesiæ instituat.

Patrum sententiæ opponuntur, quibus Episcopatus appellatur Sacramentum. Tertullianus de Præscriptione hæreticorum capite xl. *Sacramenta Christi* vocat baptismum, expositionem delictorum, conflagrationem in fronte, panis oblationem, Summum Pontificatum, quæ diabolus apud ethnicos æmulatus est. At nemo non videt, summum Pontificatum hoc loco accipi etiam pro Sacerdotio: ac præterea voce illa *Sacramenti divini*, aut *Sacramenti Christi* ea insigniri, quæ veti nomi-

nomi-

nominis non sunt Sacramenta. Ait quippe Tertullianus: *Diabolus sub gladio redimit coronam*, (seu martyrium æmulator,) *habet & virgines, habet & continentes*. S. Leo Magnus Epistola xi. ad Diolcorum Alexandrinum, al. lxxx. capite 1. ordinationem Pauli & Barnabæ appellat *benedictionis Sacramentum*. Par est conficere, simul eos in Presbyteros & Episcopos ordinatos esse: eoque loci agit Leo de die, quo Sacerdotalis, vel levitica benedictio celebrari debeat. Idem Sanctissimus Pontifex in Sermone, quem habuit in Anniversario assumptionis die, sic ait: *Cum huius divini Sacerdotii Sacramentum etiam ad humanas pervenit functiones*. Verum ipsa patefaciunt verba, non accipi Episcopatum a Sacerdotio distinctum. Deinde cum Diaconus esset Leo, ad summum Pontificatum, præmissa ordinatione Presbyteri, ad Episcopatum evehctus est: unde integra hæc ordinatione dicitur *Sacerdotii Sacramentum*. Ac demum *Sacramenti* vox accipi frequentissime solet a Scriptoribus Ecclesiasticis pro sacro quocumque ritu: quo sensu ab Auctore Areopagiticorum apud S. Thomam in IV. Dist. 11. Qu. 1. Art. 11. num. 9. *Monastica consecratio* vocatur *Sacramentum*.

Ambrosiaster de dignitate Sacerdotali capite v. hæc habet. „ Ab Archiepiscopo sum nuper Episcopus ordinatus, centumque ei solidos dedi, ut *Episcopalem gratiam* consequi meruissem . . . Dic ergo mihi paulisper, Frater Episcope; „ cum dares pecuniam, quid accepisti? *Gratiam episcopalem* accepi. “ Animadvertente, in editione Nourriana legi: *ut Episcopalem gradum mihi conferres*. Argumenti ratio exposcit, ut *gratia* ista *Episcopalis* pro ipso gradu, vel honore, vel dignitate, vel potestate accipiatur. Hinc illa etiam habentur verba: *Caro suscipit dignitatem, & anima perdidit honestatem*. . . *nec Episcopus fuisse ordinatus, si pecunias non dedissem*. . . *Episcopus initiat ordinem, & Deus tribuit dignitatem*. Theodoretus Libro IV. Hist. Eccl. capite xxiii. narrat: Saracenorum Duce postulante, ut *Moses* quidam *Monachus* genti suæ *Sacerdos ordinaretur*, induci haud umquam potuisse, ut a Lucio Ariano manus impositionem susciperet: *Te enim invocant, inquit, non supervenit gratia Spiritus sancti*, propter contagium nempe communionis cum heterodoxo Episcopo. Probandum foret, Monachum illum iam antea Presbyteratus Ordine insignitum fuisse, deque una Episcopali consecratione hocce in loco agi. Sed hunc denique locum, ac paria plura Patrum dicta interpretantem Thomam audivimus de *gratia Spiritus sancti ex opere operantis* collata, quæ ad *quamlibet*, ut inquit, *eminentiam status* datur, nisi sit impedimentum ex parte suscipientis, cum sit ibi necessarium *speciale auxilium gratiæ*, sicut in consecratione Regum, & Monachorum, & Monialium.

Concilia, & Patres asserunt, quorum dogma est, indelebilem esse potestatem Episcopalem; ac valide Presbyteros, & Ministros ordinari ab Episcopo, qui loco & dignitate cesserit, aut gradu suo per ecclesiasticam sententiam deiectus foret. Hinc plerique inferunt, consecratione Episcopatus imprimi characterem, illamque id omne habere quod ad Sacramenti rationem requiritur, indelebilem fatetur Thomas Episcopalem potestatem, eandemque iure divino annexam esse consecrationi seu ordinationi Episcoporum: simulque insinuat, eam dici oportere characterem. Loca eius plura num. 1. allata sunt: omnemque elevat difficultatem characteris notio, si recte ac probe constituitur. Aquinatis verba, quæ habentur in Summa Theologica Parte III. Qu. lxiii. Art. 1. & seqq. assero: „ Quicumque ad aliquid certum deputatur, consuevit ad illud consignari, „ sicut milites, qui ascribebantur ad militiam, antiquitus tolebant quibuldam characteribus corporalibus insigniri, eo quod deputabantur ad aliquid corporale; „ & ideo cum homines per Sacramenta (Baptismi, Confirmationis, & Ordinis, „ idest Presbyteratus, & Diaconatus &c.) deputentur ad aliquid spirituale pertinens ad cultum Dei, (vel agendum, vel recipiendum,) consequens est „ quod per ea fideles aliquo spirituali characterè insigniantur. “ Consule quæ latiore calamo num. 2. pertractata sunt, Ad Episcopum pertinet, veluti ad principem,

cipem obfignare ; deputare , mancipare fideles ad obfequium & cultum divinum , præcipue maximeque pofitum in *Euchariftie Sacramento* & *facrificio peragendo aut recipiendo* : unde per Sacramenta , quæ fidelibus adminiftrat , characterem imprimit , non ipfe character opus habens , altioris cuiusdam *minifterii poteflate* , iure divino irrevocabili , atque confecrationi Epifcopali annexa infigitur . Hanc ergo poteflatem , ipfamque confecrationem , & ordinationem ut amittat , fieri humana ulla auctoritate non potefl.

(5.) Poftrema adverfantium Doctorum obiectio illis innitur & canonum , & Patrum dictis , quæ enuntiant , *Sacerdotum ordinem bipartitum efle , alium Epifcoporum , & alium Presbyterorum* : & Epifcopatu quidem contineri plenitudinem , & fummum imperium Sacerdotalis ordinis . Digna funt animadverfione Operati Millevitani verba Libro I. de Schifmate Donatift. num. 13. *Quid commemorem ... Diaconos in tertio , quid Presbyteros in fecundo Sacerdotio conftitutos . . . Epifcopos apices & principes omnium* ? Ambrofiaster in caput xv. Epiftolæ ad Ephefios verfi. 12. *In Epifcopo omnes ordines funt , quia primus Sacerdos eft , hoc eft princeps Sacerdotum* . Paria proftant plurima apud Thomafinum de veteri & nova Ecclefie difciplina Parte I. Libro I. cap. 1. & 11. quibus invicem collatis hanc ille fententiam efformat num. 9. primi capitis : „ Epifcopatus fons & origo eft , in „ quens , omnium ordinum , & poteflaturum fpiritualium . Emicuit hæc primum „ Epifcopatus inexhausta plenitudo in Chrifto . . . Exundavit in Apoftolos . . . „ Apoftolorumque fucceffores Epifcopos . . . Ab hac fcebre manarunt deinceps , „ rivulorum inftar , dignitates & ordines omnes Epifcopali apice inferiores . . . „ Quando igitur Presbyter (num. 10.) in Epifcopalem ordinem facra inaugura- „ tione afcendit , non prior eius dignitas extenditur ; fed tota illa plenitudo fu- „ perinfunditur Sacerdotii , cuius rore tantum aliquo prius perfufus fuerat . . . „ Poterat Presbyter Deo filios gignere per baptifmum : at novæ creaturæ vigo- „ rem , roburque vegetum (per Sacramentum Confirmationis) non poterat in- „ dere . Peccata dimittere poterat , fed hanc eius poteflatem pro arbitrio fuo Epifcopus coarctabat . Offerre Deo incrementam victimam poterat : fed ea lex in- „ valuerat Apoftolico iam ævo , ut non nifi vel deficiente vel abfente Epifcopo , „ eoque iubente , hanc partem facri muneris impleret ; nec nifi Templis , Alta- „ ribus , & vafis facris , quæ Epifcopus confecraffet . Denique verbo Dei po- „ terat populos pascere , fed mandante Epifcopo , tempufque illi & locum præfi- „ gente . Perimagna igitur erat hæc Presbyteri poteflas , fed precaria , & ob- „ noxia legi & imperio Epifcopali . “ Hæc differenti Thomafino iam præverat Petrus Aurelius , quem ipfe laudat Thomafinus capite 11. num. 14.

Hæc eadem docet omnia Sanctus Thomas , quin ab ea recedat opinione , quæ Epifcopatum denegat Sacramentum efle , & imprimere characterem . Docentem ipsum audivimus in IV. Diff. xxiv. Qu. 111. Art. 11. *Epifcopalem poteflatem non efle tantum invidifitionis , fed etiam ordinis : ordinem efle Epifcopatum . fi ordo confide- „ retur , fecundum quod eft officium quoddam refpectu quarundam actionum facrarum : „ Sacerdotem repræfentantem Chriftum in hoc quod per feipfum aliquid minifterium implevit , fed Epifcopum in hoc quod alios miniftratos inftituit & Ecclefiam fundavit : „ ad Epifcopum pertinere mancipare alios divinis obfequiis , quafi cultum divinum ad fimilitudinem Chrifti ftatuentem , & per hoc fpecialiter dici fponfum Ecclefie . „ Et Libro IV. contra Gent. capite lxxvi. *Epifcopalem poteflatem efle altius quod- „ dam in Ecclefia minifterium , quod excedit Sacerdotium in his quæ pertinent ad fi- „ deles : & ipfam Sacerdotalem poteflatem ex Epifcopali derivari : quiquid arduum „ circa populum fidelem efle agendum , Epifcopi refervatum efle , quorum auctoritate „ etiam Sacerdotes poffunt quod eis egenum committitur : in his denum quæ Sacer- „ dotes agunt , illos uti rebus per Epifcopum confecratis , ut in Euchariftie confecra- „ tione utuntur confecratis per Epifcopum calice , altari , & pallis . „ Ampliora & præ- „ ftantiora de Epifcopis non dixerit Patres , nec Petrus Aurelius , nec Thomafinus .**

Verum

Verum cum ipse Episcopatus dicitur summum Sacerdotium ; & Sacerdotii plenitudo , vel ita intelligendum id est , ut Sacerdotis potestatem erga corpus Christi mysticum augeat Episcopatus , ac plenam efficiat collata altioris cuiusdam minuteri potestate , vel etiam ut Episcopalis ordinatio id habeat , ut ipsum Sacerdotium , seu potestatem erga Christi corpus verum , nisi prius collatam inveniret , per se se conterret . Priorem interpretationem communis amplectitur Theologorum consensus , amplioremque illam potestatem erga corpus Christi mysticum characterem esse , & Sacramento conferri , aiunt plures , incipiat Thomas , quam frequens Theologorum & Canonistarum agmen sequitur .

At etiam nonnulli videntur fuisse , qui per Episcopalem ordinationem , si cuiuspiam nondum Presbytero inaugurato adhiberetur , ipsam conferri opinati sint potestatem in corpus Christi verum , & plenam simul omnem potestatem in corpus Christi mysticum . Mabillonius Commentario in Ordinem Romanum Capite xvi. hæc habet : „ Utrum Diaconi , ad Episcopatum electi per saltum , apud Romanos ordinati sint (*omisso scilicet Presbyteratu* ,) non levis momenti questio est . Partem affirmantem adstruere videtur libellus noster prior : eadem enim eius qui ex Diacono , atque illius qui ex Presbytero ordinatur , consecratio . Nimirum fortasse quia , ut sentit Hieronymus Epistola lxxxv. (ad Evagrium seu Evangelum) in Episcopo & Presbyter continetur . Hanc sententiam confirmat Photii adversus Romanos ista obiectio , *cur Levitæ Episcopi fierent , presbyterii gradu non prius accepto* ? Hanc quidem obiectionem ex calumnia oriri dicit Rattramnus , (noni sæculi scriptor ;) eamque retorquet in adversarios , qui ex laicis subito tonsis faciebant Episcopos contra regulas ecclesiasticas . At Aeneas Parisiensis Episcopus (eodem sæculo nono) facti veritatem non diffidetur , respondetque . . . quod in sublimitate maioris Pontificis consistat etiam honor minoris Sacerdotis . Tum subdit : *Forfitan autem illi qui de Diacono ordinant Episcopum , prætermissa benedictione presbyterali , assertioni Beati Hieronymi in epistola loquentis ad Titum , ex parte concedere videntur , qui officium Presbyteri in aliquo participari assignat Ministerio Episcopali* . “ Et Capite xviii. „ Quæ de Episcoporum ordinatione per saltum in superiori Capite præmisimus , quoddam secundæ questionis præiudicium est , Romanæ Sedis electum , si quando ex Diaconis creabatur , prætermisso Presbyteri gradu , Pontificem fuisse ordinatum . Id autem conicitur ex altero libello nostro &c. “ In eandem ire videtur sententiam Franciscus Pagius in Breviario Historico-Chronologico-Critico Pontificum Romanorum , in Sabiniano , qui cum Diaconus esset Sancti Gregorii , post huius obitum anno 604. ordinatus est Summus Pontifex : eamque consuetudinem docet abrogatam iam fuisse tempore Gregorii VII. qui Archidiaconus tantum erat , anno 1073. electus est Pontifex , prius ordinatus Presbyter , & altera die Pontifex . Stephanus IX. qui anno 1054. sedem Apostolicam conscenderat , Alphonsum Salernitanæ sedis electum ordinaturus , in iussu Martii primo Presbyterum , teste Leone Maricano Libro II. capite xcvi. deinde sequenti Dominica Archiepiscopum consecravit .

Doctissimis hiæ Viris oppono doctissimum Thomassinum Parte II. Libro I. Capite lxxvii. num. 13. ubi ait : temere Photium latinæ obreclasse Ecclesiæ , quasi in ea Episcopi ex Diaconis , non suscepto Presbyteratu , ordinarentur Verba refert Nicolai I. qui Epistola lxx. ad Hincmarum inter plures Græcorum calumnias & illam commemorat , quia Diaconus , non suscepto Presbyteratu officio , apud nos Episcopus ordinatur . Addit Rattramni Monachi testimonium ex Libro IV. Capite viii. contra prædictam a Photianis excogitatam calumniam . Coniectatur vero , inde forsitan Græcos ansam captasse conviciandi Latinis , quod Canones nostri sanxissent , ut ex Presbyteris , vel Diaconis Episcopi deligerentur : inde concludentes , tam immediate Episcopatum a nobis conferri Diaconis ,

nis, quam Presbyteris. Animadvertit, Aenæam Parisiensem Episcopum illam ordinationem per saltum factum quidem esse, sed trepido ac pene suspensio calamo, re non satis illi comperta & explorata. Romanam synodum sub Ioanne XII. celebratam anno 964. recenset, ex qua constat, Antipapam Leonem VIII. ordinatum primo fuisse *Ostiarium*, tum *Lectorem*, *Acolythum*, *Subdiaconum*, *Diaconum*, & tandem *Presbyterum*, antequam *Pontifex* inauguraretur. Ioanni XII. vita functo anno 964. successit est Benedictus V. qui Diaconatus ordine insignitus erat, detructo Leone. Cum is rursus Sedi Apostolicæ redintegratus esset, Benedictum deturbavit, *omnique* spoliavit ipsum, teste Luitprando Libro VI. Capite xr. *Pontificatus*, & *Presbyteratus* honore: unde patet, ad Presbyteratus ordinem promotum illum fuisse, antequam Episcopus & Pontifex consecraretur. Pergit admonere Thomassinus, hæc Photianis quidem & temporibus, & criminationibus posteriora esse exempla; sed a specie veri tamen alienissimum videri, ut Photii calumniis id datum factumque fuerit, quo aliquid in occidentalis, vel Romanæ saltem Ecclesiæ moribus innovaretur. Adde demum, inquit, quod ordinationis alicuius Antipapæ, v. g. Constantini, quem Anastasius Bibliothecarius, aut alius quisque Auctor *Subdiaconum*, & *Diaconum* ordinatum refert, atque tum *Summum Pontificem*, ea esse possent vitia, quibus aliæ similiter non claudicaret: ibi namque multa præcipiuntur, quæ alias expediuntur lentius.

Eadem est sententia Christiani Lupi in Dissertatione de Octava Synodo Generali Capite V. Calumnia ix. iniquitatis: „Antiquissimus Romanæ, ac omnis „sub cælo Ecclesiæ mos, per Synodum Sardicensem confirmatus, non solum „Presbyterum, sed etiam Diaconum permittit eligi in Episcopum. Hinc im- „pudens Photius suam a laico prævaricatoriam electionem alieno vitio fucare mo- „liens, calumniari nos non erubuit, quod Diaconos per saltum in Episcopos „& eligeremus, & consecraremus. Verum huiusmodi saltum fuimus cum omni „sub cælo Ecclesia semper acerrime detestati. Etenim Ichryram, Sancti Atha- „nasii calumniosum acculatorem, quem per saltum Eusebiana factio consecra- „rat in Episcopum, damnavit laudata nostra Synodus Sardicensis &c. “ Nullam & irritam, si contingeret hæc Diaconi, prætermisso Presbyteratu, inauguratio in Episcopum, frequentius illi etiam fatentur Theologi, qui Episcopatum ex- „istimant Sacramentum ab eodem Presbyteratu distinctum. Aiunt enim: *Episcopa-* „*lem ordinationem ita esse a Christo institutam, ut essentialiter debeat præsupponere* „*Sacerdotium: adeoque valide non posse quempiam consecrari Episcopum, qui prius* „*non esset Sacerdos initiatus.*“

Nonnullas ingruit difficultates Edmundus Martene de antiquis Ecclesiæ ritibus. Libro I. Capite viii. art. iiii. num. x. „Ioannes, inquit, S. Galli discipulus, „Diaconus ordinatus Episcopus Constantiensis est, Presbyteratu non suscepto. „ut satis clare docet Strabo in vita S. Galli Libro I. Capite xxv. “ (apud Mabillonium Sæculo II. Benedictino, & in Annalibus ad Annum DCXIII. num. viii.) Valafridi Strabonis verba sunt: *Dux* (Ioannem) *Diaconum venire fecit* „*in medium . . . Licet venientem in præsentiam Pontificem petrauerunt & Du-* „*cis . . . Levaverunt omnes pariter vocem, dicentes: Ioannem elegit sibi Dominus* „*Pontificem hodie . . . Episcopi itaque duxerunt eum ad altare, & solenniter benedi-* „*ctionis officio ordinarerunt Anistrem.* Auctoritas est negativa, ut verbis utar Lupi loco priore superius citato: quæ communis saltum dilerte non adfirmat. Simul Presbyter, & Episcopus consecrari potuit Ioannes, sed alia & alia consecratione, vel eadem die, vel diebus distinctis.

Constantini Antipapæ exemplum adducitur ab eodem Martene: quod ita Bibliothecarius in vita Stephani IV. describit num. 263. apud Franciscum Blanchinum: *Cum nondum* (Paulus I.) *spiritum exhalasset, agente Torone Duce Ne-* „*apolitana civitatis, elegerunt Constantinum, fratrem eiusdem Tarcis, laicum existon-*

tius . . .

tem : . . Georgius Episcopus ; timore correptus , orationem illi clericatus tribuit ; & ita clericus effectus est . . . Alio vero die illucescente , secunda feria , Subdiaconus , atque Diaconus ab eodem Episcopo consecratus est . . . Adveniente Domini , eo die . . . Pontifex ab eodem Georgio Episcopo Prænepsiano , & alius duobus consecratus est . Cum designentur in particulari gradus ecclesiastici a Constantino suscepti , & nulla sit mentio Presbyteratus ipsi collati , indicio est prætermittam prius ab eo fuisse . Ita nempe Martene . Thomassinum audivimus , hocce fortasse vitium contigisse in Antipapæ ordinatione , in qua multa præcipitanturque alias expediuntur lentius : ac tanti rem istam esse momenti , ut solo silentio perfici certe nihil possit . Addere ergo liceat , Constantinum Presbyterum , ac Episcopum vel eadem , vel diversa die initiatum fuisse : heri vero expressam Clericatus , Subdiaconatus , & Diaconatus , qui uno eodemque die suscepti fuerunt , mentionem , ut nota fieret illegitima Constantini ordinatio , ob eius ex laico adsumptionem , ac prætermissa inter ordines interstitia contra factorum canonum statuta . Pergit Martene , & ait : „ In Concilio Romano post Constantini depositionem a Stephano Papa III. vel IV. congregato sub anathematis „ interminatione vetitum fuit : *Ne ullus unquam laicorum , neque ex alio ordine „ præsumat , nisi per distinctos gradus ascendens , Diaconus aut Presbyter Cardinalis „ socius fuerit , ad sacrum Pontificatus ordinem possi promoveri* . Ubi liberum „ fuisse videtur , ex utroque Diaconis aut Presbyteris Cardinalibus ordinari Pontifices . In eodem Concilio Actione III. statutum est etiam , ut Episcopi , quos „ Constantinus ordinaverat , si quidem Presbyteri fuerunt aut Diaconi , ad pristinum ordinem reverterentur , denuo ab Apostolico Suscepturi benedictionis consecrationem . “ Liberum nempe relinquitur , ut Episcopi ex Diaconibus , vel Presbyteris eligantur : qui vero Diaconi dumtaxat fuerint , prætermisso Presbyteratu ordinari potuisse Episcopos aut Pontifices , verba nulla diserte tradunt . Iterum vero statuitur , ut inter ordines , Subdiaconatum , & Diaconatum , & Presbyteratum interstitia observentur : in his vero , quod attinet ad Presbyteratum , dispensatum innuitur , quoties Diaconus eligeretur Episcopus iuxta mores Ecclesiæ Romanæ : facta demum contra canones ordinatione , decernitur , ut qui hocce cum vitio ordinati fuerint , ad pristinum gradum legitime susceptum reverti debeant , donec ab Apostolico benedictionis consecrationem accipiant : de qua dissident Theologi , num hæc fuerit cæremonialis tantum , an nova & vera consecratio . Rem quam differimus , mirifice illustrat Benedicti V. exemplum , quod superius memoratum est . Vita functo Ioanne XII. narrat Luitprandus in Historia Capite XI. Libri sexti , Romanos , insuper habito Leone VIII. qui contra ipsum Ioannem , Ottone Imperatore agente , evectus fuerat , *Benedictum Cardinalem Diaconum constituisse Papam* . An existimaveris , prætermisso Presbyteratu , Episcopum & Papam consecratum fuisse ? Te tua falleret opinatio . Ipse Luitprandus narrare pergit , Leonem Sedi Apostolicæ redintegratum , *omni Pontificatus , & Presbyteratus honore privasse Benedictum : & Diaconatus eum ordinem habere permisisse* . Nedum ergo Episcopus inauguratus fuerat , verum etiam Presbyter : ipsique Diaconatus ordo , & honor relinquitur , quem legitime suscepserat .

VI. Hæc prelo committere parabamus , cum thesæo cuiusdam ab Angelico Doctore propugnata veritatem , integritatemque recentium operum eius editionum , ut vindicemus , nimia facit nuperrimi Scriptoris confidentia . Is est Scipio Christophori Neapolitanus in vita Io. Antonii Summontii , quæ forte in manus incidit . Regni Neapolitani Historicus ille narraverat facinus Comitis de Caserta , qui cum in castris Manfredi Regis militaret , situsque difficillimi custodiam adsumpserit , aditu non arcuit advenientes Caroli Andegavenfis copias , suasque Comiti Iordano Lancie , ut transiitum permetteret . Proditorium facinus , quod non pauci execrantur , purgare studet Summontius , Thomæ nostri inepte sine du-

bio

t adhibita doctrina, quam mox anathemate ecclesiastico percussam ait. Vindicias Thomæ egerat Raphael Maria Filamondus Ordinis Prædicatorum: Vindicemque modo aggreditur Scipio Christophori, inlatam Aquinatis doctrinæ iniuriam propugnans, reentelque operum eius editiones veluti detruncatas traducens.

Res ab ovo pertractanda mihi est mihi animo, gravi serioque certamine instituto, argumentorum robore. Summontii verba sunt Tomo II. Libro II. (secunda utor editione anni 1675.) „San Tommaso d' Aquino, avendo forse ri-
„guardo a questo caso del Zio (*Rinaldi Aquinatis, quem vocat, Comitit de*
„*Caserta*), disse una cosa più forte, e mirabile in 2. *Sent. art. penult. ch' è*
„opra lecita, e meritoria al vassallo in questo caso occidere il Signore. Però
„in contrario a questo tenne Agostino d' Ancona nel *Trattato della potestà Ec-*
„*clesiastica* nella q. 54. *art. 3. vers. Omnia autem ista*: e contro l' opinione di
„San Tommaso fu nel Concilio Constantiense determinato, come riferisce nel
„medesimo luogo Curzio (*de Feudis in sexta parte*). “ Pro carne, & sangui-
ne strinxerit ergo calamum Thomas Aquinas, locum si habeat Summontii
coniectatio: quod est Viri sanctissimi integritatem, castissimamque doctrinam de-
nigrare. Nolim ego diligentius perquirere, num Comes ille de Caserta ad no-
bilissimam gentem Aquinatam pertineret, ac patruus esset Thomæ Angelici,
seu frater Landulphi patris. Hunc sanguinis nexum tuetur ille auctoritate Ma-
thæi Iovenatii, Ioannis Villanii, & Cypriani Manentis, aliisque vetustis qui-
busdam chartis, quas attentiore mente expendere non vacat. Contra sentien-
tem laudat ipse Historicus Ammiratum, diligentissimum huiusmodi rerum inda-
gatorem: cui addiderim ego Camillum Peregrinium, qui in Historia Principum
Longobardorum in *Partem VI. Anonymi Salernitani*, perillustre genus Thomæ
Aquinatis, data opera scrutatur, gentis eiusdem facit Comites Acerranos, Co-
mitumque de Caserta nullam ingerit mentionem. At pertinuerit iste ad gentem
Aquinatam: in gratiam eius quidpiam scripssisse Thomam, consanguinitatis affectu
ductum, suspicio foret putidissima.

Locum, ubi indicata perquirenda sit doctrina Thomæ, denotat Summontius,
in 2. *Sent. art. penult.* Nempe textum certissime adludit, qui habetur in II. *Sen-*
tentiarum Dist. xlv. Q. 11. Article 2. (is est penultimus totius libri secundi)
ad 5. Verba sunt: Tullius (qui in *Libro de officiis* salvat eos qui Iulium Cæ-
sarem interfecerunt, quamvis amicum, & familiarem, quia quæsi tyrannus iura
imperii usurpaverat,) loquitur in casu illo, quando aliquis dominium sibi per vio-
lentiam surripit, nolentibus subditis, vel etiam ad consensum coactis, & quando
non est recursus ad superiorem, per quem iudicium de invasore possit fieri: tunc
enim qui ad liberationem patriæ tyrannum occidit, laudatur, & premium accipit.
Animadvertite illa apud Summontium verba italice, *ch' è opéra lecita, e merito-*
ria; & illa apud Aquinatam latine, *laudatur, & premium accipit*: quæ cer-
tissimos de indicato textu Thomæ nos eliciunt. Hæc vero Comitit Calertani
facinori favere, eiusque in gratiam scripta fortasse fuisse, putat Summontius.
At facinus illud ad annum 1266. spectat: suos vero Commentarios in *Sen-*
tentiarum libros, adhuc iunior, elucubraverat Thomas ab anno 1253. ad annum
1257. Nostram consule admonitionem præviam in primum eiusdem operis librum.
Quis deinde non videat, nonnisi ineptissime hanc Thomæ doctrinam adhiberi
posse ad purgandum facinus Comitit de Caserta, qui Manfredi Regi fidem ob-
strinxerat, in eius castris militabat, simulabatque fidem, loci custodiam pro suo
munere adiumpsit, advenientibus Ducis Andegavenfis copiis non obstitit, adi-
tum transiitque suadet sub specie boni consilii, idque demum agit incellum u-
xori a Manfredi Sororico illatum ulturus? Circumstantias huiusmodi, nonnul-
las alii, alii simul omnes, narrant Scriptores probatissimi, Nicolaus de Iamila,
Ricordanus Malefina, Ioannes Villanius, Summontius ipse, Odoricus
Ray-

Raynaldus ; alii plures : quas vel in ipsius tyranni , qui nullo plane titulo imperium invadit , occisione execratur Thomas , ut infra dicendum .

Verum admonet Historicus , propugnata a Thoma sententia refragari Augustinum Triumphum Anconitanum Ordinis S. Augustini : definitionemque contra illam haberi , in Concilio Constantiensi latam . Quis non admiretur tolerantiam Historici , qui doctrinam assert , a Doctissimo Triumpho propulsatam , & in Concilio Constantiensi percussam anathemate , ut facinus Comitris de Caserta vitio purget ? Adversari Triumphum inquis doctrinæ Aquinatis ? Non ita . Locum ab ipso Summontio indicatum expendamus *q. lrv. art. iiii.* integram profero .

„ Dicendum , quod aliqui dicunt , personam a qua furtive aliquid accipitur ,
 „ aut publicam esse , & de stipendiis communitalis vivere , vel privatam . Et
 „ si est publica , dupliciter : quia vel habet dominium tyrannicum (per iniu-
 „ stam invasionem absque ullo titulo) vel iusto titulo adquisitum . Utroque
 „ modo dicunt , quod licitum est furari a persona publica in casu necessitatis
 „ propriæ , vel alienæ : quia non est contra legem naturæ tyrannum spoliare
 „ quem honestum est necare , ut dicit Tullius *de Officiis* . Similiter licitum est fu-
 „ rari de bonis publicæ personæ , habentis dominium iusto titulo adquisitum ,
 „ quia bona eius stipendia sunt Communitalis Omnia autem ista (*Nota*
 „ *locum a Summontio indicatum*) non videntur esse bene dicta . Quamvis enim
 „ hostem , vel tyrannum spoliare licitum sit auctoritate superioris , non est ta-
 „ men licitum propria voluntate , ut dicit Augustinus . Bona vero publicæ per-
 „ sonæ , habentis dominium iusto titulo adquisitum , licet sint stipendia commu-
 „ nia ; sunt tamen sibi appropriata pro communi administratione , quam exer-
 „ cet : unde ea ratione non est licitum furari de bonis eius . “ Hæc disserit il-
 „ le , a me descripta ex editione *Romana* in quarto in *domo Nobilis Viri Francisci*
de Cinginis apud S. Mariam de populo curata anno Domini M. CCCC. LXXXVIII.
die xx. Decembris . Olcibat , dormiebatque sine dubio Summontius , cum lo-
 cum istum Triumphus sibi videbatur Aquinati adversum videre . Agit ille de
 spoliatione bonorum ; agit iste de occisione , eoque magis de furto . Occidi lici-
 tum posse , adeoque & spoliari bonis tyrannum , qui absque titulo alienum inva-
 dit imperium , habito prius *recursu* (si fieri possit) *ad superiorem* , cæterisque
 servatis candidi , & moderati animi conditionibus , Thomæ doctrina est loco ci-
 tato . Non repugnat , convenit apprimè doctrina Triumphi : *Hostem* , inquit
vel tyrannum , (iure nullo alienum imperium invadentem ,) *spoliare lici-*
tum est auctoritate superioris , non est tamen licitum propria voluntate , & aucto-
 ritate . Soporem excute , aperi oculos , locum utrumque compara , fac ut intelli-
 gas : capielque perfectissimam consonantiam . Id unum si quod est , afferri dis-
 crimèn potest , quod Ciceronis auctoritatem Triumphus insuper habet : exponit
 eam Aquinas , rectoque sensu donat . Quod si de tyranno sermo sit , qui cum
 iusto potiatur titulo , sive hereditario , sive per conventiones , & Reipublicæ
 consensum adquisito , tyrannice tamen regit subditos : verissimam uterque sen-
 tentiam tener , illicitam fore , nec ullo modo impune ferendam , si quæ inten-
 taretur , occisionem eius , bonorumque spoliationem . Clarissima sunt Triumphi
 verba superius allata . AEque splendida , ac fane luculentiora docet Aquinas ar-
 ticulo 2. citato : ac primum in argumento prolusorio , allegata Petri Apostoli
 auctoritate Epist. 1. cap. 2. vers. 18. *Servi, subditi estote in omni timore dominis* ,
non solum bonis & modestis , sed etiam discoloris : & Apostoli Pauli ad Rom. ca-
 pite xiiii. vers. 2. *Qui resistit potestati , Dei ordinationi resistit* : & in corpore
 quod vocant Articuli , ubi aptissima documenta traduntur , ac etiam tituli ac-
 cedentes numerantur , quibus iustum effici dominium potest , quod per iniu-
 stam violentiam adquisitum est , vel per consensum subditorum , vel per auctori-
 tatem superioris .

Pars altera censuræ acerbior est, qua Thomæ doctrina notatur; veluti ad-
 verba decreto Synodi Constantiensis. Putas ne, Concilii Constantiensis decre-
 tum, doctrinamque Thomæ expenderit Summontius, ipsumque, ut parerat, at-
 tigerit fontem? Nihil minus. Franciscini Curtii, quem laudat, latina verba
 italice transcribebat: minime sane ad iudicandum idoneus, num vera, num
 falsa Curtius proferret? En egregii iureconsulti verba in sexta parte de Feudis,
 inter Tractatus universi iuris Tomo XI. Parte II. Imo fortius, & mirabilis dixit
 S. Thomas in secundo Sententiarum artic. pen. quod licitum, & meritum est,
 ipsum (dominum intolerabilem opprimentem vassallos) interficere. Sed contrarium
 in hoc tenet Augustinus de Ancona in Tractatu de Potestate Ecclesiastica qu. lii.
 art. 111. vers. Omnia autem ista, & contra B. Thomam fuit decisum in Concilio
 Constantiensis. Neque id Curtius dicebat, proprio accurateque edoctus studio;
 verum secundum Brixensem, ut addit, in Repertorio. Pudet litterariam commit-
 tere pugnam cum imperitis hisce hominibus. Augustini Triumphii mentem haud
 illos attigisse certissime constat: Constantienae decretum proferendum est, quo
 etiam turpissime abutuntur, Sessione xv. quæ habita fuit Sabbato die sexta mensi Iu-
 lii anno 1415. post anathema latum in Ioannis Hussi theses decretum sequitur
 in hanc adfectionem: Quilibet tyrannus potest, & debet licite & merito occidi
 per quemcumque vassallum suum, vel subditum, etiam per clanculares insidias,
 & subtile blanditias, vel adulationes, non obstante quocumque præstito iuramento
 seu confederatione factis cum eo, non expectata sententia, vel mandato iudicis cuiuscumque.
 Cum dira, & execranda, iustoque percussa anathemate adfectione
 comparemus Aquinatis doctrinam. Quemlibet tyrannum universim effert thesis
 damnata, sive sit titulo & iure domini tyrannus, sive sola administratione ac
 modo regendi: unum tyrannum titulo, qui iure nullo dominum sibi per vio-
 lentiam, aut iniusto moto bello surripit, spectat doctrina Thomæ. De quolibet
 tyranno agebat Auctor thescoo damnaræ, tamen si proinde accesserit postmodum
 subditorum consensus, vel auctoritas superioris: id in ipso etiam qui iure do-
 minii tyrannus est, excipiendum docet Aquinas, nisi forte, inquit, postmo-
 dum dominus verus effectus sit vel per consensum subditorum, vel per auctoritatem
 superioris. Minime expectari debere sententiam, vel mandatum iudicis cuiuscum-
 que, dira thesis enunciat: id eo tantum casu, si quidem contingeret, licitum.
 Thomas ait, quando non est recursus ad superiorem, per quem iudicium de irro-
 gata possit fieri. Adprobat thescoo Auctor clanculares insidias, subtile blanditias,
 adulationes; factamque confederationem, præstitumque iuramentum nihili haben-
 dum indicit. Hisce impiis & facinoribus verbum nullum apud Aquinatem, qui
 locis quampluribus aliis toto ea pectore execratur. Hinc vero damnatam in
 Concilio Constantiensis thesim reiicit universa Theologorum natio, quæ simul attamen
 Thomæ sententiam amplectitur, ac tuetur. Summa Theologorum capita satis
 est recensere: Caietanum 1. 2. q. lxiv. art. 111. Dominicum Soto de iustitia,
 & iure Libro V. quæst. 1. art. viii. Alphonsum a Castro adversus Hæreses V.
 Tyrannus, Petrum de Aragon, & Michaellem Bartholomæum Salonium loco cita-
 to 2. 2. quæst. lxiv. art. 111. itemque Franciscum Sylvium, Gregorium Va-
 lentiam Tomo III. disp. v. quæst. viii. de Homicidio puncto 111. ceteros om-
 nes, nemine excepto: quibus adde Hugonem Grotium, Henricum Henninges,
 Io. Gottl. Heineccium. Quid? quod Ioannes Gersonius, qui maximam consu-
 lit operam, ut eam adfectionem damnaret Concilium Constantiense, lati ana-
 thematis æquitatem vindicat Sancti Thomæ doctrina, pluribus indicatis locis,
 ac illo etiam de quo agimus. Verba eius accipe, quæ habentur in Sermone 11.
 contra assertiones Magistri Ioannis Parvi, parte 11. „Promileramus inducere
 „rationes cum auctoritatibus, & historiis . . . Continentur in Summa Con-
 „fessorum super his vocabulis, bellum, homicidium, infidia, perjurium. San-
 „ctus

„*Etus Thomas ad idem 2. 2. quæst. lxiv. multis articulis: & qu. de infidiis (40. art. 3.) & qu. de iuramento (39.) item qu. penult. secundæ.* „*Mendum corrigat, & lege: ult. q. penult. art. libri secundæ sententiarum, ubi quæstionem pertractat, utrum Christiani teneantur obedire potestatibus secularibus, & maxime tyrannis.* Truncus esto, qui hæc tam clara, tam dilerta non intelligat; aut nimia certe confidentia percitus fuerit, qui Thomæ doctrinam Constantiensis Concilii decreto damnata suspicetur.

Aquinatis vindicias egerat Raphael Maria Filamondus in Opere quod inscriptum legitur, *il Genio bellicofo di Napoli*, in calce secundæ partis anno 1694. typis editæ. „*Primieramente è dannata l' assertiva, (quam adhibet Summon-* „*tius,) con cui egli (idem Historicus) scula il Conte di Caserta. Voleva* „*poi corroborare con la presunta autorità dell' Angelico, è sfrontaggine da ver-* „*gognarsene ogni più grossolana ignoranza. Non bisognando per confonderla,* „*che leggere il testo di San Tommaso in 2. Sent. diff. xlv. quæst. 11. art. 11, ove di-* „*manda, utrum Christiani teneantur obedire potestatibus secularibus, & maxime* „*tyrannis?* Risponde che si ne' precetti non contrari alla virtù, adducendo nell' „*argomento che si dice Sed contra, l' autorità di San Pietro: Servi subditi* „*essete in omni timore dominis, non tantum bonis, & modestis, sed etiam disco-* „*lis: spiegandolo con riflessioni bellissime, alle quali rimetto il Lettore. Che* „*se darà un' occhiata ad un altro testo 2. 2. q. lxiv. art. 1v. (3.) utrum occi-* „*dere hominem malefactorem (peccatorem) liceat private persone; & ivi il Car-* „*dinal Gaetano §. ad hoc dicitur: conoscerà non esser parola nell' eretica pro-* „*posizione di Giovanni Hus dannata nel Concilio di Costanza l'anno 1414. che* „*non si confuri con la dottrina insegnata in que' luoghi da San Tommaso...* „*Falsamente ancora cita l' eruditissimo Monsignor Sacrista F. Agostino Trionfo* „*d' Ancona, che nel Trattato de Potestate Ecclesiastica in tutto si regola con la* „*dottrina di San Tommaso... Guardisi d'incontrarsi in quelle autorità di Scritto-* „*ri, che Giovan Antonio (Summonte) riferisce, o mancanti, o contrarie al-* „*le loro proprie parole. Ad rei summam quod attinet, paucis, ac luculentissimis* „*verbis apologiam Thomæ ornavit Filamondus. Textum eius indicatum a Sum-* „*montio non exprimit: satis vero denotat verbis illis, con la presunta autorità dell'* „*Angelico, & illis etiam, in quelle autorità, che riferisce, o mancanti, o contrarie alle* „*loro proprie parole; atque demum cum Lectorem remittit ad Caietani commen-* „*tarium, ubi data agitur opera de prædicto Aquinatis textu, quem a Summon-* „*tio indicatum legimus, his verbis, Dubium occurrit: nam Auctor in 2. Sent.* „*diff. xlv. art. penult. ad ultimum (seu ad 5.) dicit &c. Minuta quædam Fila-* „*mondi menda expurganda sunt. Theseos a Synodo Constantiensis damnatæ au-* „*ctor fuerat Ioannes Parvus, non Ioannes Hus. Latum anathema est Sessione xv.* „*quam non anno 1414 sed insequente 1415. celebraverunt Patres Sabbato die sexta* „*mensis Iulii. Quo demum iure munus Pontificii Sacriflatus tribuatur Augustino* „*Triumpho, ignotum mihi. Angelus Rocca officium illud ab anno 1300. ad hæc* „*usque tempora Fratres Ordinis Eremitarum S. Augustini nullo unquam tempore* „*interrupto exercuisse narrat in Chronistoria de Apostolico Sacratio: elenchum Sa-* „*cristarum textit a tempore Alexandri VI. & ab anno Domini 1501. aliosque re-* „*motioris ætatis, quos invenire potuit, recenset: Augustini Triumphum non me-* „*minit, qui ad annum 1328. superstes fuit. Eiusdem præclarissimi Viri opera me-* „*morat in indice Theologico, & Scripturali, ac eius elogium scribit, nulla mu-* „*neris eiusdem iniecta mentione: idemque silentium altissimum apud Dominicum* „*Antonium Gandolfum in Dissertatione Historica de ducentis celeberrimis Augu-* „*stinianis Scriptoribus, itemque Trithemium, Miræum, Bellarminum, Lab-* „*beum.*

Pro Summontio aggredi Filamondum, pretium operæ duxit Scipio Christopho-

ri, *Scriptor nuperimus*, in eiusdem Summontii Vita. *Consilium eius præstat ex ipso excipere. Quod ad vindicias attinet, quas pro Comite Caertano egit Summontius, reicit eas, utpote nixas truci opinione, quæ anathema subit in Concilio Constantensi, adversaturque iuri naturæ, divino, humano. Quod attinet ad Aquinatis textum ab eodem Historico indicatum, veluti præfata opinio- ni faventem, nihil dubitat, in operibus Thomæ extare: suæque tamen et re non esse ait, pulverem theologicum movere, ut perquirat, quo sensu intelligi debeat Aquinas. Tum Filamondum, Thomæ vindicem, his verbis insequitur: „Surse „alto rumoreggiando il P. Filamondo per l'osservazione fatta, che nelle edizio- „ni più recenti da lui vedute, de' libri delle Sentenze dell' Angelico, il luogo „indicato dal Summonte, non solo affatto non si rinveniva; ma che all' oppo- „sito nella sua Somma il Santo Dottore istesso era di un sentimento contrario „direttamente a quello che gli attribuiva il nostro Storico. Per la qual cosa „non celsò, dopo averlo chiamato *Notaio laureato Teologo, degno di satire, e „pieno di soverchia audacia ec.* di assordare l' aere co' suoi lamenti, e di trat- „tarlo come un menzognero e falso apportatore di autorità non veraci. Ma „con buona pace nondimeno del P. Filamondo, noi confessiamo di non sapere „per quale cagione egli del Summonte per l' addotta autorità di San Tommaso „lagnossi; mentre quantunque sia vero, che nelle edizioni più moderne dell' „Opere dell' Angelico non si legga nel luogo additato del secondo libro delle „Sentenze il passo da quello recato, altresì è verissimo ancora che nelle più „antiche edizioni dell' Opere del suddetto Padre si ritrova: e la qual cosa fa ar- „gomentare, essere stato per giusti motivi da nuovi editori dell' Opere di quel- „lo, un tal passo tronco e mutilato. Or ciò posto, siccome riluce assai chiara „l' innocenza del nostro Storico, che non citò un passo falso per imposturare „la gente; così poi patentemente si discovre la trascuraggine del Filamondo, il „quale per non averli voluto prendere alquanto la briga di ricercare l' edizioni „antiche di San Tommaso, non senza lezzo e nausea volle caratterizzare il Sum- „monte, come frodolento e mentitore, per avere arrecato nella sua Storia un „passo falso dell' Angelico, quando quello chiaro e sfolgorante nelle prische edi- „zioni delle Opere del Santo Dottore si rinviene. Essendo dunque manifesto, „che abbia S. Tommaso una sì fatta opinione tenuta, sebben duretta alquanto, „non iscrisse male il Summonte, siccome vuol pure ingiustamente il Filamondo, „che Agostino d' Ancona, o sia il celebre Agostino Trionfo Apostolico Sagri- „sta nel libro della Potestà Ecclesiastica, fusse contrario all' opinione di quel Pa- „dre, giacchè essendo stato S. Tommaso del sentimento di sopra espresso, giu- „stamente il Trionfo che diversamente dall' Angelico avea scritto, dovea ripu- „tarsi a quel Santo Dottore in opinione contrario. Il Filamondo però non tro- „vando in S. Tommaso il passo indicato, anzi nella Somma del medesimo leg- „gendo l' opposto, trattò giustamente da impostore il Summonte anche intor- „no alla contrarietà del Trionfo all' Angelico; mentre giusta il suo principio, „il suddetto Autore era seguace della dottrina di quello, facendo quindi baldor- „ria, e tripudio della sua trascuraggine, e della scarsa sua critica. “*

Hæc Scipio Christophori: verba nempe, & verba plura, quæ tædium inge- runt, prætereaque nihil. Age vero: *causam ignoras, cur de Summontio ob alle- gatam Thomæ auctoritatem querelas egerit Filamondus?* Causa patet: quod traditam ab Aquinate sententiam fuisse, pro certo habuerit, quæ in præsidium diris devotæ opinionis advocari possit. Quis non indignetur? Textus ille, quem Summontius mente versabar, notavique verbis illis, *eb' è opera lecita e meritoria*, non alius utique fuerit, nisi qui legitur in II. Sent. dist. xlv. q. 11. art. 2. seu *penulti- mo totius eiusdem secundi libri*, ad 5, ubi hæc habentur consona verba, *laud- datur, & præmium accipit*. Sed hunc miscere textum cum damnata opinione sum.

summam esse dementiam, iam superius ostensum est. Locum a Summontio indicatum Filamondus animadvertit in recentibus Commentariis in secundum Sententiarum librum editionibus non inveniri. Hæc a Filamondo dicta nuppiam lego. Cur imponis? Id unum ait, sententiam Thomæ tribui, aut traditam a Thoma ita intelligi, ut damnatæ opinioni faveat, facinus esse temeritatis plenum. Verius nihil dici poterat. Ivo Filamondi animadversio est, in Summa Theologica doctrinam ab Aquinate tradi, quæ adversatur sententiæ a Summontio indicatæ. Imo etiam ex penultimo articulo secundi sententiarum libri arina prohi, quæ damnatam opinionem iugulant, rectissime Filamondus admonet: hanc enim evertit textus indicatus, sive per seipsum sumptus, sive cum argumento prolutorio, & cum integra articuli doctrina connexus.

Atqui verissimum est, in antiquioribus operum Thomæ editionibus textus reperiri, quem indicat Summontius. Viro egregie critico satis fuit, antiquas universim memorare editiones: tua fuerit, lector, lustrare Bibliothecas, atque inter vetustas editiones plures illam invenire, quæ textum Aquinatis indicatum præstet. At huiusmodi textus, de quo agitur, vel ille ipsissimus est, qui II. Sent. dist. xlv. q. 11. art. 2. ad 5. legitur: vel alius quislibet. Si prior ille: quid opus, vetustas pericrutæ editiones, cum ipsum sicut antiquæ, ita recentes præstarent omnes? Quod si alius quislibet: hunc demum afferas, ac vetustam editionem indica, ubi habeatur. Hinc argumentari licet, novos editores novas mutilasse editiones, quæ textu illo carent. Calumnia est, quæ probatissimis affingitur recentioribus operum Thomæ editoribus. Indicatam a Summontio textum, quem supra descripsimus præstant editiones, Romana anni 1570. sub Pio V. Veneta 1593. typis Domini, ci Nicolini, Antverpiensis (seu Colonienfis) 1612. cura ac studio Cosmæ Morelles, Parisina 1660. accurante Ioanne Nicolaio. Veneta demum quæ nunc prodit præviis admonitionibus, quæ singulis Tomis insunt, abs me elucubratis munita. Recentes alias, & antiquas recente editiones, quæ textum indicatum habent, Venetam 1586. apud Heredem Hieronymi Scoti, Venetam aliam 1529. mandato & expensis Heredum Nobilis Viri D. Octaviani Scoti, Lugdunensem 1520. typis Iacobi Myt, Venetam 1503. per Simonem de Luere pro D. Andrea Torrefano de Asula. Cur antiquiores diligentius perquisiverim, cum tot inter se omnino consonæ suspicionem iniquæ manus, quæ quidpiam detruncaverit, abiciant omnem? Itaque Summontii integra fides constat, qui textum falsum non indicavit, ut aurum gregi fucum faceret. Huiusce probi Summontium non insinulavit Filamondus, in ea qua de agimus quæstione. Audaciam arguit, qua innoxiam Thomæ doctrinam adduxit, veluti damnatæ opinioni faventem: additque postremo loco animadversionem, in eiusdem Historici universo opere indicata quædam aliorum Scriptorum loca aut reperta non esse, aut perperam intellecta. Innotescit etiam Filamondi negligentia, qui textum a Summontio indicatum exquirere in vetustis Thomæ editionibus prætermisit. Eadem semper oberans chorda. Indicatur Aquinatis textus cur in vetustis editionibus a Filamondo diligentiore cura perquirendus erat, quem invenerat legebatque in ea, sive recenti, sive antiqua, qua utebatur editione. Locum etiam Caietani refert, ubi textus eiusdem rectissima & innoxia sententia exponitur. At idem textus in editionibus præfatis prostat splendidissimus. Prostat etiam in recentiore editione qualibet: ac plena calumniæ suspicio est, quæ de mutilatis recentibus Thomæ operum editionibus ingeritur. In hanc ergo opinionem, tametsi duriusculam, abierat Aquinas. Verissimam a Thoma traditam opinionem, gratulamur. Tu duriusculam vocas, quam moderatione plenam, & tranquillo Dominorum regimini, & paci publicæ faventem pronunciant doctissimi Theologi quique. Illam scilicet intelligimus, quam propriis oculis legere cuique pronum est in II. Sent. dist. xlv. q. 2. art. 2. in argumento prolutorio, in corpore articuli, & in responsione ad 5.

Hanc

Hanc indicaverat Thomæ sententiam Summontius ; qua adversus Doctoris mentem abutitur . Num alium ipse eiusdem Præceptoris Angelici textum mente veritas , quem traducas in invidiam ? Putat Filamondus , Thomæ doctrinæ is opinio-
ni non adversari Augustinum Triumphum Apostolici Sacrarîi custodem : qua in re
arte critica destitutum se prodit . Impacto vitio te laborantem video , qui erras
 cum Filamondo , novum Apostolici Sacrarîi custodem creans Augustinum Trium-
 phum . Huiusce amplissimi Viri doctrinam in *Summa de Potestate Ecclesiæ* ad-
 amussim convenire Aquinatis opinioni , iudicium est Filamondi verissimum . Id
 si tu inficias iveris , aut in dubium vocaveris , minime Theologum , neque cri-
 ticum , ut mitissime dicam , te præbes . Consule Triumphum locum superius de-
 scriptum . Quid est vero , quod imbecillum , imparatumque adversarium pluri-
 bus insequamur ? Theomisticî namque textus , quem Curtius & Summontius indi-
 caviant , omnino ignarum se prodere videtur Scipio Christophori : fingendum-
 que fuit , in vetustis , quas minime vidit ipse , nec lustravit , inveniri
 editionibus , quem non extare in recentibus pari fictione excogitavit . Ar-
 ge nugas .



Additio ad Num. VI.

Post editam typis apologiam nostram , qua innoxia thesis a Sancto Thoma Aquinate adserta contra Io. Antonium Summontium , & recentiorum Commentarii in alterum Sententiarum librum editionum fides ac integritas , atque demum brevis Raphaelis Mariae Philamondi defensio contra Scipionem Christophori ineluctabilis (nie iudice) argumentis vindicatae sunt ; foliola ecce duo in quarti forma Neapoli transmissa Venetias in manus pervenire : quorum primum paginas exhibet 429. & 430. libri tertii *dell' Historia di Napoli* , a Summontio elucubratae : & alteram paginam 67. vitae *dell' Autore* , ipsius Summontii , a Scipione Christophori digestae . Paginae 429. subiecta in margine adnotatio legitur , quam sive confectam , sive propositam audio a Iosepho Terralavoro , Neriani Instituti sacerdote , pietate ac doctrina viro praestantissimo . Integram propriis Italicis verbis describere , (na cuique ut laus constet , hoc loco praestat : *La dottrina, che qui propone il Summonte , e pretende poi autenticare col passo di San Tommaso d' Aquino dell' articolo penult. nel secondo libro delle Sentenze , è dallo stesso Angelico Dottore riprovata nel passo medesimo dal Summonte addotto . Poichè il vero senso , ch' esprimono le parole del testo , è tutt' altro da quello , che mal intese lo Storico : il che chiaro apparisce a chiunque da vero Teologo , o Leggista lo consideri . Quindi nasce primieramente , che al Santo Dottore non potè mai , nel commentare il Maestro delle Sentenze , cadere in pensiero quel riguardo , che il nostro Autore par , che voglia supporre . Ed in secondo luogo , che non è stata mai opinione di S. Tommaso , ma di Giovanni Parvo quella , che fu condannata dal Concilio di Costanza nella Sessione 15. Qual sia poi il vero senso del suddetto luogo dell' Angelico Dottore , ci viene dottamente rapportato dal Gaetano , dal Bannez , dal Salorio , dall' Aragonio , dal Lessio , e da altri chiarissimi Teologi in 2. 2. Q. 64. art. 3. ove fanno menzione di questo luogo del secondo libro delle Sentenze . Hæc ille pauca , at luculentissima : quibus addere par est , censuram a Summontio latam , non ipsi veluti auctori adscribendam , sed ex Franciscino Curtio Iureconsulto , italicè reddita , *αυτοαυτι* desumptam esse .*

Alterius folii pagina 67. quæ ad vitam Summontii pertinet , novi quidpiam insectum prodit , de quo monendus lector est , Novis excusa typis , longe differt ab illa quæ in eadem Summontii vita ante menses Venetias transmissa profert . Nova enim , quam dixero , pagina hæc 67. sex lineas paginæ prius editæ præstat , hisque immediate subiectas lineas quindecim , quibus prædictæ vitæ in integra prima editione finis imponitur , suppressis atque eliminatis maiore paginæ 67. prius editæ parte , integris etiam paginis 68. & 69. ac decem denique lineis paginæ 70. postremæ . Nova pagina 67. hæc legenda primum offert : *alle leggi divine ed umane , perche sorgente di rovine , di scandali , e di sconvolgimenti grandissimi (dira , & iniqua opinatio notatur , quam Summontius tenuerat :) e per la qual cosa concordemente riprovata da Teologi , da Moralisti , da Filosofi , da Giureconsulti , e da tutti coloro che trattarono del diritto naturale , e pubblico . His novi typi , medio nullo , lineas quindecim subiiciunt , quæ paginæ 70. in priore integra editione locum postremum obtinent : nempe , Fu il Summonte uomo di bello aspetto , di carnagione vermiglia ec. At eadem pagina 67. pro ut primis e typis emerit , post sex lineas priores iam descriptas , hæc immediate verba legentibus exhibet : *Ma se una tale opinione , perche assurda , e pregiudiziale , cagionò ragionevolmente il divieto della Storia del Summonte ; l' autorità poi da lui recata di S. Tommaso , il quale forse attendendo il successo dell' Aquino , ch' esser dovea strettamente a lui congiunto per sangue , nello articolo penultimo del secondo libro delle Sentenze , non solo sostennè l' opinione medesima , ma fra le opere**

(XL.)

*mevitore un somigliante trascorso annoverò ; soggetto alle derisioni , e beffeggiamenti , anzi alle rampogne ed alle Satire del P. Filamondo . Alia adiciuntur pauca , atque tum singula & omnia verba , quæ italicè , prout eadem scripsit Auctor : nostra prostant in apologia : nempe , *Certa cosa è però , che surse alto rumoreggiando il Padre Filamondo te.**

Quorsum hæc vero ? Ad me pertinet alterum , alterumque ad Auctorem vitæ Summontii . Fucus umquam ne fieri alicui possit , sancte testor ego , ad me Venetias integram Summontii vitam , septuaginta comprehensam paginis , transmissam fuisse , eandemque in publica Cœnobii Bibliotheca repositam custodiri , in qua singula habentur & omnia , non addito verbo , non detracto , quæ concinnatæ abs me apologiæ interserta sunt . Quid ? quod integra prius edita exemplaria , quæ aut clanculum , aut palam , Neapoli ab aliis empta , aliis dono data , bene multa adservantur , luculentissimum integræ fidei meæ hodieque reddunt , futurisque temporibus testimonium dabunt . Auctori vitæ Summontii demum (quod alterum est) gratulor ego ipse , gratulentur omnes , qui meliora sentiens , quacumque permotus ex causa fuerit , quæ primum in Angelicum Præceptorem scripserat , revocanda , supprimenda , averruncanda (quis enim id ab aliis intentatum suspicetur ?) optimo consilio duxit .



I N D E X

DISTINCTIONUM , ET PARTITIONUM

QUARTI LIBRI SENTENTIARUM

MAGISTRI PETRI LOMBARDI,

hoc in volumine contentarum.

DISTINCTIO I.

DE sacramentis, & signis sacramentalibus.

Quid sit sacramentum.

De causa institutionis sacramentorum.

De triplici genere exercitationis.

De differentia sacramentorum veterum, & novorum.

De circumcissione.

De viris qui fuerunt ante circumcissionem, & de viris, & feminis qui fuerunt ante, & post.

De institutione, & causa circumcissionis.

Quare die octavo, & petri cultro.

Quare in baptismum mutata sit circumcissio.

De parvulis defunctis ante diem octavarum.

DISTINCTIO II.

De sacramentis novæ legis.

Quare mox post hominis casum non fuerint instituta.

Quod sacramentum coniugii fuit ante peccatum.

De baptismo.

Quid utilitatis habeat baptismus Ioannis.

De forma baptismi Ioannis, & de baptizatis ab eo.

DISTINCTIO III.

Quid sit baptismus.

De forma baptismi.

Si in nomine Patris tantum, vel Spiritus sancti possit tradi baptismus.

Questio Ambrosii.

De institutione baptismi.

De forma qua baptizaverunt Apostoli ante passionem Christi.

Quare in aqua tantum fiat.

De immersione quoties fieri debeat.

Quando circumcisio amittit vim suam.

De causa institutionis.

An baptismus aperuit cælum, quod non aperuit circumcisio.

DISTINCTIO IV.

Quod alii suscipiunt sacramentum, & rem; alii sacramentum, & non rem; alii rem, & non sacramentum.

De fide accidentibus.

Quomodo intelligatur illud: *Quot quot in Christo baptizati estis, Christum induistis.*

De illis qui suscipiunt rem, & non sacramentum.

Quæ videntur obviare prædictis.

Quid profit baptismus his qui cum fide accedunt.

Cuius rei baptismus, qui datur iam iusto, sit sacramentum.

Si parvulis datur in baptismo gratia qua possunt in maiori ætate proficere.

DISTINCTIO V.

Quod baptismus aquæ sanctus est a bono, & a malo datus bono, vel malo.

De potestate baptismi, & ministerio.

Quæ fuit potestas baptismi quam, potuit Christus dare servis.

DISTINCTIO VI.

Quibus liceat baptizare.

Quod nullus in materno utero baptizetur.

Si baptismus fit verbis corrupte prolatis.

De illo qui pro ludo immergitur.

De catechismo, & exorcismo.

DISTINCTIO VII.

De confirmatione.

I N D E X

DISTINCTIO VIII.

De sacramento altaris & eucharistiæ.
De institutione sacramenti.
De forma.
De sacramento, & te.

DISTINCTIO IX.

De duobus modis manducandi.
De errore quorundam, qui dicunt a bonis tantum corpus Christi sumi.
De intelligentia quorundam verborum.

DISTINCTIO X.

De hæresi eorum qui dicunt, corpus Christi non esse in altari nisi in signo.
Determinatio præmissorum.
Quæ sit intelligentia præmissorum.
Auctoritatibus probat, verum corpus Christi esse in altari, & in id panem converti.

DISTINCTIO XI.

De modo conversionis.
Quod panis transit in corpus Christi.
Quare aqua admisceatur.

DISTINCTIO XII.

Ubi illa accidentia fundentur.
De fractione, & partibus.
Quid illæ partes significant.
Si illud sit sacrificium, & si sæpius immoletur Christus.
De causa institutionis.

DISTINCTIO XIII.

Si hæretici, & excommunicati hoc sacramentum conficiant.
Quid facit hæreticum, & quid sit hæreticus.

DISTINCTIO XIV.

De poenitentia.
Determinatio intelligentiæ dictorum.
De solemnī & unica poenitentia.
Quod non semel, sed frequenter peccata dimittuntur per poenitentiam.

DISTINCTIO XV.

Quod pluribus irretitus peccatis non potest poenitere de uno vere, nisi de omnibus poeniteat.
Quæ sit intelligentia præmissorum.
Quomodo accipienda sunt præmissa.
Secundum quoddam fuit satisfactio.
Summa dictorum.
Auctoritates contra eos qui dicunt, de uno peccato poenitentiam agi, altero tacito.
Repetitio de vera poenitentia.

DISTINCTIO XVI.

De tribus quæ in poenitentia consideranda sunt.
Quæ sit falsa satisfactio.
De tribus actionibus poenitentiae.
De satisfactione venialium.

DISTINCTIO XVII.

Tria proponuntur querenda. Primum, an sine confessione dimittatur peccatum.
Si sufficit soli Deo confiteri.
Quod non sufficit soli Deo confiteri, si tamen homini posset.
An sufficiat confiteri laico.

DISTINCTIO XVIII.

De remissione sacerdotis.
De clavibus.
De usu clavium.
Si sacerdos potest dimittere, vel retinere peccata.
Quod sacerdotes etiam dimittunt peccata, & tenent suo modo.
Quomodo sacerdotes ligant, & solvunt a peccatis.
Quomodo intelligendum sit illud: *Quodcumque solveris &c.*
Quæ sint exteriores tenebræ, & interior macula.

DISTINCTIO XIX.

Quando hæ claves dantur, & quibus.
Si alteram clavem omnes habeant, scilicet potentiam ligandi, & solvendi.
De eo quod scriptum est in Malachia: *Maledicam benedictionibus vestris.*
Qualis debet esse index ecclesiasticus.

D I S T I N C T I O N U M :

D I S T I N C T I O XX.

De his qui in fine pœnitent.
De his qui pœnitentiam non complent.
De illo cui sacerdos indiscretus injungit
parvam pœnitentiam.
Quod morientibus non sit imponenda satis-
factio, sed innotescenda.
In necessitate non est neganda pœnitentia,
vel reconciliatio.
Quod presbyter non reconciliet inconsulto
Episcopo, nisi in necessitate.
An oblatio eius sit recipienda qui currens
ad pœnitentiam prævenitur morte.

D I S T I N C T I O XXI.

De peccatis quæ post hanc vitam dimit-
tuntur.
Quod alii citius, alii tardius purgantur in
igne.
De generali confessione, quid prosit.
Nemo confiteatur peccata quæ non fecit ;
De pœnis sacerdotis qui peccatum publi-
cat confitentis.

D I S T I N C T I O XXII.

Si peccata dimissa redeant.
Quid sit sacramentum, & res,

F I N I S ;

I N D E X

QUAESTIONUM , ARTICULORUM , ET QUAESTIUNCULARUM

S A N C T I T H O M A E
I N Q U A R T U M L I B R U M S E N T E N T I A R U M ,
quæ in hoc volumine continentur.

D I S T I N C T I O N I S I .

Quæstio 1.

Art. 1. **U**trum diffinitio qua diffinitur sacramentum, quod est sacra rei signum, sit conveniens secundum omnes partes suas.

Quæst. 2. Utrum bene diffiniatur signum per hoc quod dicitur, quod est res præter speciem.

Quæst. 3. Utrum diffinitio qua diffinitur sacramentum, quod est *invisibilis gratie visibilis forma* &c. sit conveniens secundum omnes partes suas.

Quæst. 4. Utrum diffinitio qua diffinitur sacramentum ab Augustino: *Sacramentum est in quo sub tegumento* &c. sit conveniens secundum omnes partes suas.

Quæst. 5. Utrum diffinitio Hugonis de Sancto Victore, qua diffinitur: *Sacramentum est corporale vel materiale elementum* &c. secundum omnes partes suas sit conveniens.

Art. 11. Utrum humanum genus indigeat sacramentis post lapsum.

Quæst. 2. Utrum indigisset sacramentis ante lapsum.

Quæst. 3. Utrum in statu legis naturæ sacramenta fuerint necessaria homini.

Quæst. 4. Utrum supra sacramenta legis naturæ alia debuerunt addi per legem scriptam.

Quæst. 5. Utrum in novo testamento sacramenta aliqua debuerint remanere.

Art. 111. Utrum sacramenta consistant in verbis, & rebus.

Art. 11. Utrum sacramenta novæ legis sint causa gratiæ.

Quæst. 2. Utrum in sacramentis sit aliqua virtus specialis ad gratiam inducendam.

Quæst. 3. Utrum illa virtus sit in sacramentis a passione Christi.

Quæst. 4. Utrum sacramenta novæ legis contineant gratiam.

Quæst. 5. Utrum gratia quæ est in sacramentis, diffusetur a gratia quæ est in virtutibus, & donis.

Art. v. Utrum sacramenta veteris legis gratiam conferebant.

Quæst. 2. Utrum eorum usus erat meritorium.

Quæst. 3. Utrum purgarent ab immunditiis carnis.

Quæstio 11.

Art. 1. Utrum necessarium fuit circumcisionem dari.

Quæst. 2. Utrum circumcisio debuerit dari ante legem scriptam.

Quæst. 3. Utrum debuerit differri circumcisio usque ad tempus Abraham.

Art. 11. Utrum omnibus populis circumcisio dari debuerit.

Quæst. 2. Utrum hoc remedium mulieribus dari debuerit.

Quæst. 3. Utrum Christo circumcisio competere.

Art. 111. Utrum octavus dies requireretur ad circumcissionem.

Quæst. 2. Utrum determinatio membri fuerit de necessitate circumcissionis.

Quæst. 3. Utrum cultellus lapideus fuerit de necessitate circumcissionis.

Art. 11. Utrum circumcisio characterem imprimeret in anima.

Quæstio 2.

ARTIC. & QUÆSTIUNÆ.

Quæst. 2. Utrum circumcisio a peccato purgaret.

Quæst. 3. Utrum circumcisio gratiam conferret.

Art. v. Utrum circumcisio cessare debuerit.

Quæst. 2. Utrum legalia cessare debuerint.

Quæst. 3. Utrum tempore gratiæ sine peccato legalia potuerint observari.

Quæst. 4. Utrum teneamur aliqua legalia nunc observare.

Art. vi. Utrum ante circumcissionem sola fides sufficeret parvulis ad deletionem originalis.

Quæst. 2. Utrum sola fides sufficeret absque alio exteriori signo.

Quæst. 3. Utrum in adultis requireretur aliquid sacrificium.

DISTINCTIONIS II.

Quæstio 1.

Art. 1. Utrum omnia sacramenta sint instituta in remedium contra aliquem defectum.

Quæst. 2. Utrum matrimonium institutum sit tantum in remedium.

Quæst. 3. Utrum sacramenta sint in remedium contra peccatum, vel culpam tantum.

Quæst. 4. Utrum aliquod sacramentum ordinetur contra culpam venialem.

Art. 11. Utrum debeant esse plura, vel pauciora quam septem sacramenta.

Art. 111. Utrum ordinatio sacramentorum secundum Magistrum sit competens.

Art. 1v. Utrum in nova lege aliqua nova sacramenta debuerint institui.

Quæst. 2. Utrum statim post peccatum novæ legis sacramenta erant instituenda.

Quæst. 3. Utrum sacramenta statim Christo dato fuerint instituta.

Quæst. 4. Utrum omnia sacramenta a Christo fuerint instituta.

Quæstio 11.

Art. 1. Utrum baptismus Ioannis fuerit sacramentum, vel sacramentale tantum.

Quæst. 2. Sub qua forma baptizaverit, & de ipsa forma.

Quæst. 3. Utrum baptismus Ioannis fuerit a Deo institutus.

Quæst. 4. Utrum baptismus Ioannis debuerit statim cessare Christo baptizato.

Art. 11. Utrum baptismus Ioannis contulerit gratiam.

Art. 111. Utrum conveniens fuerit Christum baptizari baptismio Ioannis.

Quæst. 2. Utrum aliqui alii fuerint baptizati baptismio Ioannis.

Quæst. 3. Utrum pueri baptismio Ioannis debuerint baptizari.

Art. 1v. Utrum baptizati baptismio Ioannis debuerint baptismio Christi baptizari.

DISTINCTIONIS III.

Quæstio 1.

Art. 1. Utrum conveniens sit diffinitio baptismi qua diffinitur in littera: *Baptismus est ablutio exterior facta &c.* & de partibus diffinitionis.

Quæst. 2. Utrum diffinitio Hugonis de S. Victore sit conveniens, quæ est: *Baptismus est aqua diluendis criminibus &c.*

Quæst. 3. Utrum Dionysius diffiniat baptismum convenienter, dicens: *Baptismus est principium sacratissimorum mandatorum &c.*

Quæst. 4. Utrum Damascenus convenienter diffiniat dicens: *Baptismus est per quem primitias vite &c.*

Art. 11. Utrum hæc sit integra forma baptismi: *Ego baptizo te in nomine Patris, & Filii, & Spiritus sancti.*

Quæst. 2. Utrum liceat formam baptismi mutari sine præiudicio baptismi.

Quæst. 3. Utrum possit aliquid addi, vel minui ad formam.

Quæst. 4. Utrum possit fieri interpositio, vel transpositio verborum in forma baptismi.

Art. 111. Utrum baptismus debeat fieri in aqua.

Quæst. 2. Utrum debuerit fieri in aqua simplici, vel composita.

Quæst. 3. Utrum possit fieri in qualibet aqua simplici.

Art. 1v. Utrum immersio sit de necessitate sacramenti baptismatis.

Quæst. 2. Utrum debeat ibi esse tantum una immersio.

f 1 Quæst. 3.

INDEX QUÆSTIONUM;

- Quæst. 3. Utrum trina immersio sit de necessitate baptismi.
 Art. v. Utrum necessarium fuerit institui baptismum post circumcissionem.
 Quæst. 2. Utrum baptismus fuerit ante passionem Domini institutus.
 Quæst. 3. Utrum baptismus statim in sua institutione fuerit obligatorius, quod tunc deberent homines baptizari, vel quando.
 Quæst. 2. Utrum per baptismum in adultis virtutes augeantur.
 Quæst. 3. Utrum effectus baptismi sit illuminatio.
 Quæst. 4. Utrum secundatio sit effectus baptismi.
 Quæst. 5. Utrum incorporari Christo sit effectus baptismi.
 Quæst. 6. Utrum apertio ianuz sit effectus baptismi.

DISTINCTIONIS IV.

Quæstio 1.

- Art. 1. Utrum aliquis character possit esse in anima.
 Art. 11. Utrum definitio Dionysii de characterem, scilicet quod character est *signum sanctum communionis fidei*, sit conveniens.
 Quæst. 2. Utrum quædam definitio magistralis, quæ talis est, *Character est distinctio* &c. sit convenienter assignata.
 Art. 111. Utrum character sit in essentia animæ sicut in subiecto.
 Quæst. 2. Utrum character sit in una potentia, vel in pluribus.
 Quæst. 3. Utrum sit in affectiva, vel cognitiva potentia.
 Quæst. 4. Utrum character indelebiter insit potentie cui inest.
 Quæst. 5. Utrum Christus habuerit characterem.
 Art. xv. Utrum in solis sacramentis novæ legis character imprimatur, vel etiam in sacramentis veteris legis.
 Quæst. 2. Utrum per omnia sacramenta novæ legis imprimatur.
 Quæst. 3. Utrum in baptismo imprimatur character.
 Quæst. 4. Utrum character sit a solo Filio sicut a causa efficiente.

Quæstio 11.

- Art. 1. Utrum baptismus tollat actualem culpam.
 Quæst. 2. Utrum tollat omnem penam temporalem.
 Quæst. 3. Utrum omnem penam originalis peccati.
 Art. 11. Utrum per baptismum conferantur pueris gratiæ, & virtutes.

- Art. 111. Utrum baptismus æqualem effectum habeat in omnibus quantum ad remotionem mali culpæ, & quantum ad mitigationem fomitibus.
 Quæst. 2. Utrum æqualis gratia in baptismo omnibus conferatur.
 Quæst. 3. Utrum omnibus pueris in baptismo æqualis gratia conferatur.

Quæstio 111.

- Art. 1. Utrum pueri sacramentum baptismi possint accipere.
 Quæst. 2. Utrum melius sit baptismum deferri, an statim in pueritia dari.
 Quæst. 3. Utrum adulti usu rationis carentibus baptismus dari possit.
 Art. 11. Utrum aliqua indispositio voluntatis humanæ possit effectum baptismi impedire.
 Quæst. 2. Utrum aliqua indispositio voluntatis debeat dici fictio.
 Quæst. 3. Utrum recedente fictione baptismus effectum suum consequatur.
 Art. 111. Utrum præter baptismum fluminis debeat esse aliud baptismum.
 Quæst. 2. Utrum baptismus penitentis sufficiat ad salutem.
 Quæst. 3. Utrum baptismus sanguinis suppleat vicem baptismi aquæ in omnibus.
 Quæst. 4. Utrum baptismus aquæ sit potior, vel nobilior quam baptismus sanguinis.

DISTINCTIONIS V.

Quæstio 1.

- Art. 1. Utrum Christus secundum quod homo habuit potestatem dimittendi peccata.
 Art. 11. Utrum Christus contulerit ministris potestatem cooperandi ad emundationem interiorem.

Art.

ARTIC. & QUÆSTIUNÆ:

Art. 111. Utrum ministris conferri poterit potestas cooperationis.

Quæst. 2. Utrum ministris potuit conferri potestas excellentiæ.

Quæst. 3. Utrum potentia creandi poterit alicui creaturæ communicari.

hereticis consequantur rem sacramenti.

Quæstio 11.

Quæstio 11.

Art. 1. Utrum aliquis possit baptizare, nisi habeat ordinem.

Quæst. 2. Utrum baptizare sit proprium ordinis Diaconi.

Quæst. 3. Utrum non baptizati possint baptizare.

Art. 11. Utrum mali sacramentum baptismi possint conferre.

Quæst. 2. Utrum per malos conferatur res sacramenti.

Quæst. 3. Utrum baptismus per meliorem datus meliorem effectus habeat.

Quæst. 4. Utrum malus minister peccet mortaliter baptizans, vel aliquod sacramentum conferens.

Quæst. 5. Utrum sacramentum a malo ministro recipiens peccet.

Art. 111. Utrum dæmon in figura hominis apparens possit baptizare.

Quæst. 2. Utrum bonus Angelus in figura hominis apparens possit baptizare, & ab eo baptizati debeant rebaptizari.

Art. 1. Utrum baptismus possit iterari.

Quæst. 2. Utrum conveniens fuerit certum tempus assignari ad offerendum baptismum, scilicet sabbatum paschæ, & pentecostes.

Quæst. 3. Utrum sacramentalia baptismi bene ponantur.

Art. 11. Utrum catechismus baptismum precedere debeat.

Quæst. 2. Utrum catechizare sit officium sacerdotis.

Quæst. 3. Utrum pueri debeant catechizari.

Art. 111. Utrum exorcismus in eodem debeat precedere baptismum.

Quæst. 2. Utrum exorcismus aliquem effectum habeat in anima.

Quæst. 3. Utrum exorcizare sit officium eorum qui sunt in sacris ordinibus constituti.

DISTINCTIONIS VII.

Quæstio 1.

DISTINCTIONIS VI.

Quæstio 1.

Art. 1. Utrum nativitas ex utero sit expectanda ad baptizandum.

Quæst. 2. Utrum in materno utero quis possit sanctificari per gratiæ gratum facientis donum.

Quæst. 3. Utrum sanctificati in utero debeant baptizari.

Art. 11. Utrum intentio baptizantis sit de necessitate baptismi.

Quæst. 2. Utrum intentio recta requiratur ad baptismum.

Quæst. 3. Utrum intentio, vel voluntas requiratur in baptismo.

Art. 111. Utrum in baptizato requiratur fides ad hoc quod sacramentum recipiat.

Quæst. 2. Utrum fides requiratur in baptizante ad hoc quod sacramentum conferat.

Quæst. 3. Utrum accipientes baptismum ab

Art. 1. Utrum confirmatio sit sacramentum.

Quæst. 2. Utrum sit sacramentum necessitatis.

Quæst. 3. Utrum sit nobilius sacramentum quam baptismus.

Art. 11. Utrum confirmationis sacramentum materiam habeat.

Quæst. 2. Utrum chrisma sit materia competens.

Quæst. 3. Utrum exigatur materia prius sanctificata.

Art. 111. Utrum sacramentum confirmationis habeat formam aliquam.

Quæst. 2. Utrum illa forma sit conveniens secundum omnes partes suas.

Quæst. 3. Utrum illa forma habeat aliquam efficaciam in hoc sacramento.

Quæ-

INDEX QUÆSTIONUM;

Quæstio II.

- Art. 1. Vtrum in confirmatione imprimatur character.
 Quæst. 2. Vtrum idem sit per essentiam character baptisimi, & confirmationis.
 Quæst. 3. Vtrum character confirmationis præsupponat baptismalem.
 Art. 11. Vtrum in confirmatione conferatur gratia gratum faciens.
 Quæst. 2. Vtrum eadem sit gratia confirmationis, & baptisimi.
 Quæst. 3. Vtrum gratia confirmationis perficiat baptismalem.

Quæstio III.

- Art. 1. Vtrum quilibet non ordinatus possit conferre confirmationem.
 Quæst. 2. Vtrum sacerdos simplex non Episcopus possit confirmare.
 Quæst. 3. Vtrum sacerdos simplex possit ex commissione Domini Papæ confirmare.
 Art. 11. Vtrum Christus debuerit sacramentum confirmationis accipere.
 Quæst. 2. Vtrum hoc sacramentum sit pueris conferendum.
 Quæst. 3. Vtrum debeat dari omnibus adultis.
 Art. 111. Vtrum exigatur quod aliquis teneat aliquem in confirmatione.
 Quæst. 2. Vtrum linitio chrismatis debeat fieri tantum in fronte.
 Quæst. 3. Vtrum confirmatio possit iterari.

DISTINCTIONIS VIII.

Quæstio I.

- Art. 1. Vtrum Eucharistia sit sacramentum.
 Quæst. 2. Vtrum sit unum sacramentum, vel plura.
 Quæst. 3. Vtrum hoc sacramentum convenientibus nominibus nominetur, scilicet *eucharistia*, *viaticum*, *sacrificium* &c.
 Art. 11. Vtrum hoc sacramentum aliquibus figuris debuerit figurari.
 Quæst. 2. Vtrum convenienter Magister figuras huiusmodi assignaverit.

- Quæst. 3. Vtrum hoc sacramentum expressus fuerit figuratum in lege Moyſi quam in lege naturæ.
 Art. 111. Vtrum necesse fuerit hoc sacramentum institui.
 Quæst. 2. Vtrum ante Christi adventum debuerit institui.
 Quæst. 3. Vtrum post passionem debuerit institui.
 Art. 1v. Vtrum hoc sacramentum a non ieiunis licite possit sumi.
 Quæst. 2. Vtrum quilibet cibi sumptio impedit eucharistiæ sumptionem.
 Quæst. 3. Vtrum homo post sumptionem corporis Christi statim debeat comedere.

Quæstio II.

- Art. 1. Vtrum forma consecrationis panis sit hæc: *Hoc est corpus meum*.
 Quæst. 2. Vtrum tantum in his verbis, *Hoc est corpus meum*, consistat forma consecrationis.
 Quæst. 3. Vtrum illa sit conveniens forma.
 Quæst. 4. Vtrum singulæ partes formæ convenienter ponantur.
 Quæst. 5. Vtrum verba quæ circa formam dicantur, convenienter ponantur.
 Art. 11. Vtrum forma consecrationis sanguinis consistat in his verbis tantum: *Hic est calix sanguinis mei* &c.
 Quæst. 2. Vtrum in ista forma verba hæc convenienter ponantur.
 Quæst. 3. Vtrum verba quæ sequuntur, scilicet *novi, & æterni testamenti*, convenienter ponantur.
 Art. 111. Vtrum verbis prædictæ formæ in sit aliqua virtus creata ad transubstantiationem faciendam.
 Art. 1v. Vtrum formæ expectent se in operando.
 Quæst. 2. Vtrum deficiente sacerdote post consecrationem corporis, possit alius procedere ad consecrationem sanguinis.
 Quæst. 3. Vtrum sacerdos dicens verba consecrationis sine præcedentibus, vel sequentibus consecraret.

ARTIC. & QUÆSTIUNG.

DISTINCTIONIS IX.

Quæstio 1.

Art. 1. Vtrum corpus Christi sumi debeat per modum manducationis.

Quæst. 2. Vtrum manducatio Christi sit de necessitate salutis.

Quæst. 3. Vtrum Magister sufficienter dividat modos manducationis in spirituales, & sacramentales.

Art. 11. Vtrum peccator manducet corpus Christi sacramentaliter.

Quæst. 2. Vtrum infideles sacramentaliter manducant.

Quæst. 3. Vtrum creatura irrationalis aliquoties sumat corpus Christi.

Quæst. 4. Vtrum aliquis non manducans sacramentaliter possit manducare spiritualiter.

Quæst. 5. Vtrum Angelus possit corpus Christi manducare aliquo modo spiritualiter.

Art. 111. Vtrum peccet quis cum conscientia peccati mortalis corpus Christi manducans.

Quæst. 2. Vtrum ille qui non habet conscientiam mortalis peccati, & tamen habet mortale, peccet mortaliter communicando.

Quæst. 3. Vtrum plus peccet indigne sumens corpus Christi, quam quodcumque aliud peccatum committens.

Quæst. 4. Vtrum plus peccet peccator fidelis sumens corpus Christi quam infidelis.

Quæst. 5. Vtrum subiucens alicui peccato carnis ipagis peccet ad hoc sacramentum accedens quam subiucens peccato spirituali.

Quæst. 6. Vtrum peccator peccet videndo corpus Christi.

Art. 1v. Vtrum nocturna pollutio, quæ est in somnis, sit peccatum.

Quæst. 2. Vtrum nocturna pollutio impediatur a sumptione corporis Christi.

Quæst. 3. Vtrum immunditia pure corporalis impediatur a communione.

Art. v. Vtrum sacerdos possit dare corpus Christi ei quem scit in peccato mortali esse.

Quæst. 2. Vtrum dari debeat suspectis de crimine.

Quæst. 3. Vtrum amentibus possit dari corpus Christi.

Quæst. 4. Vtrum pueris sit dandum corpus Christi.

DISTINCTIONIS X.

Quæstio 1.

Art. 1. Vtrum in sacramento altaris contineatur verum corpus Christi.

Art. 11. Vtrum Christus contineatur sub sacramento quantum ad animam.

Quæst. 2. Vtrum sub specie panis Christus contineatur quantum ad carnem animatam.

Quæst. 3. Vtrum corpus Christi sit sub speciebus secundum propriam quantitatem.

Quæst. 4. Vtrum contineatur ibi secundum totam suam quantitatem.

Art. 111. Vtrum corpus Christi contineatur sub sacramento circumscriptive.

Quæst. 2. Vtrum contineatur sub speciebus illis diffinitive.

Quæst. 3. Vtrum corpus Christi possit esse totum sub qualibet parte specierum.

Quæst. 4. Vtrum corpus Christi moveatur ad motum hostiæ.

Art. 1v. Vtrum oculus glorificatus possit videre corpus Christi verum sub speciebus existens.

Quæst. 2. Vtrum quando apparet in specie pueri, vel carnis in altari, videatur in propria specie.

Quæst. 3. Vtrum in tali casu quando sic apparet, debeat sumi.

Quæst. 4. Vtrum Angelus possit videre corpus Christi in sacramento.

Quæst. 5. Vtrum possit comprehendere intellectu viatoris.

DISTINCTIONIS XI.

Quæstio 1.

Art. 1. Vtrum substantia panis remaneat post consecrationem in sacramento.

Quæst. 2. Vtrum debeant species panis remanere.

Quæst. 3. Vtrum forma substantialis panis debeat remanere.

Art. 11. Vtrum panis, conversione facta, annihiletur.

Art. 111. Vtrum panis possit converti in corpus Christi.

Quæst. 2. Vtrum conversio illa sit successiva.

Quæst. 3.

INDEX QUÆSTIONUM;

- Quæst. 3. Vtrum illa conversio sit miraculosa omni alia mutatione.
 Art. 1v. Vtrum conversio facta possit exprimi per verbum substantivum alterius temporis quam presentis.
 Quæst. 2. Vtrum hæc sit vera, *Panis fit corpus Christi*.
 Quæst. 3. Vtrum hæc sit falsa, *Corpus Christi de pane fit*.
 Quæst. 4. Vtrum hæc sit vera, *Panis potest esse corpus Christi*.

- Art. xv. Vtrum si corpus Christi fuisset servatum in pixide, ibi moreretur.
 Quæst. 2. Vtrum si aliquis Apostolorum consecrasset hoc sacramentum post mortem Christi, fuisset ibi anima eius.
 Quæst. 3. Vtrum Deus potuisset facere quod anima tunc fuisset ibi unita in hoc sacramento.

DISTINCTIONIS XII.

Quæstio 11.

- Art. 1. Vtrum debeat esse duplex materia huius sacramenti.
 Quæst. 1. Vtrum panis, & vinum sint conveniens materia huius sacramenti.
 Quæst. 3. Vtrum panis, & vinum sint conveniens materia huius sacramenti sub determinata quantitate.
 Art. 11. Vtrum necessarium sit quod sit panis triticeus.
 Quæst. 2. Vtrum de pane confecto de tritico, & aliis speciebus frumenti possit hoc sacramentum confici.
 Quæst. 3. Vtrum debeamus conficere in fermento, vel azymo.
 Art. 111. Vtrum de vino vitis debeat sanguis consecrari.
 Quæst. 2. Vtrum possit confici de aceto.
 Quæst. 3. Vtrum de agresta possit consecrari.
 Art. 1v. Vtrum aqua vino sit admiscenda in hoc sacramento.
 Quæst. 2. Vtrum absque aqua possit sanguis consecrari.
 Quæst. 3. Vtrum in hoc sacramento aqua artificialis debeat apponi.
 Quæst. 4. Vtrum aqua in magna quantitate debeat apponi.

Quæstio 111.

- Art. 1. Vtrum ipse Christus in cœne corpus suum manducaverit.
 Art. 11. Vtrum Christus corpus suum Iudæ dederit.
 Quæst. 2. Vtrum sub buccella ei dederit.
 Art. 111. Vtrum Christus in cœna corpus suum impassibile dederit.

Quæstio 1.

- Art. 1. Vtrum Deus possit facere accidentia esse sine subiecto.
 Quæst. 2. Vtrum congruat huic sacramento quod accidentia sint sine subiecto.
 Quæst. 3. Vtrum vere sint sibi sine substantia.
 Art. 11. Vtrum accidentia quæ remanent ibi, possint immutare aliquid extrinsecum.
 Quæst. 2. Vtrum possint aliquid extrinsecum immutare substantialiter.
 Quæst. 3. Vtrum illa accidentia possint corrumpi.
 Quæst. 4. Vtrum ex eis possint aliquid generari.
 Quæst. 5. Vtrum possint nutrire.
 Quæst. 6. Vtrum aliquis liquor possit illis speciebus permisceri.
 Art. 111. Vtrum verum corpus Christi frangatur in sacramento.
 Quæst. 2. Vtrum species frangatur.
 Quæst. 3. Vtrum convenienter assignentur in littera significationes partium fractionis, & quid unaquæque pars significet.

Quæstio 11.

- Art. 1. Vtrum per usum huius sacramenti augeantur virtutes.
 Quæst. 2. Vtrum hoc sacramentum proficit beatæ ad augmentum gloriæ.
 Quæst. 3. Vtrum effectus huius sacramenti possit impediri nisi per peccatum mortale.
 Art. 11. Vtrum virtute huius sacramenti venialia dimittantur.
 Quæst. 2. Vtrum virtute eius dimittantur mortalia.

Quæst.

ARTIC. & QUÆSTIUNÆ.

Quæst. 3. Vtrum remittat penam mortalis peccati.

Quæstio 111.

Art. 1. Vtrum homo debeat frequentare hoc sacramentum.

Quæst. 2. Vtrum qualibet die possit recipi.

Quæst. 3. Vtrum tantum semel in anno, vel ter ad minus.

Quæst. 4. Vtrum homo possit pluries una die communicare.

Art. 11. Vtrum liceat omnino a communione abstinere.

Quæst. 2. Vtrum ille qui consecrat, possit omnino a communione cessare.

Quæst. 3. Vtrum laudabilius sit abstinere quam accedere ad hoc sacramentum.

Art. 111. Vtrum laicus possit dispensare corpus Christi.

Quæst. 2. Vtrum diaconus possit dispensare &c.

Quæst. 3. Vtrum aliquis licite possit accipere sacramentum a fornicario.

Quæstio 11.

Art. 1. Vtrum hæresis dicat peruersitatem fidei.

Art. 11. Vtrum hæresis sit maximum peccatum.

Art. 111. Vtrum hæretici sint suslinendi.

DISTINCTIONIS XIV.

Quæstio 1.

DISTINCTIONIS XIII.

Quæstio 1.

Art. 1. Vtrum laicus possit consecrare.

Quæst. 2. Vtrum alius quam Episcopus,

Quæst. 3. Vtrum heretici, & schismatici, & excommunicati possint consecrare.

Quæst. 4. Vtrum degradatus possit consecrare.

Quæst. 5. Vtrum Missa boni sacerdotis sit æque bona sicut mali.

Art. 11. Vtrum liceat sacerdoti omnino a consecratione cessare.

Quæst. 2. Vtrum possint plures sacerdotes eandem hostiam consecrare.

Quæst. 3. Vtrum Missa debeat quotidie in Ecclesia celebrari.

Quæst. 4. Vtrum hora vespertina debeat Missa celebrari.

Vtrum post mediam noctem celebranda sit Missa.

Vtrum hora sexta debeat Missa celebrari.

Quæst. 5. Vtrum oporteat in loco sacro celebrari.

Vtrum oporteat esse altare de lapide tantum.

Vtrum in pallis sericis tantum oporteat celebrari.

Vtrum in calice de petra possit celebrari.

Quæst. 6. Vtrum aliquo præmissorum omissio fiat consecratio.

S. Tb. Oper. Tom. XII.

Art. 1. Vtrum poenitentia sit sacramentum novæ legis.

Quæst. 2. Vtrum poenitentia sit virtus.

Quæst. 3. Vtrum sit virtus generalis.

Quæst. 4. Vtrum sit virtus theologica.

Quæst. 5. Vtrum reducatur ad iustitiam.

Quæst. 6. Vtrum diffinitio Gregorii, & Ambrosii sit competens de poenitentia.

Art. 11. Vtrum virtus poenitentiae timore concipiatur.

Quæst. 2. Vtrum poenitentia sit prima virtutum.

Quæst. 3. Vtrum poenitentia sit fundamentum aliarum virtutum.

Quæst. 4. Vtrum poenitentia sit secunda tabula post naufragium.

Art. 111. Vtrum poenitentia sit in qualibet vi.

Quæst. 2. Vtrum poenitentia possit esse in innocentibus.

Quæst. 3. Vtrum sancti qui sunt in gloria, habeant poenitentiam.

Quæst. 4. Vtrum Angelus bonus, sive malus sit susceptibilis poenitentiae.

Art. 11. Vtrum de ratione poenitentiae sit quod in foem vitæ continuetur.

Quæst. 2. Vtrum necesse sit dolorem poenitentiae per gaudium interrumpi, & an dolor sit causa gaudii.

Quæst. 3. Vtrum poenitentia iterari possit.

Art. 11. Vtrum aliqua poenitentia publicari debeat, vel solemnizari.

INDEX QUÆSTIONUM;

- Quæst. 1. Vtrum solemnis pœnitentia iterari possit.
Quæst. 3. Vtrum mulieribus sit publica pœnitentia imponenda.

Quæstio 11.

- Art. 1. Vtrum per pœnitentiam tollantur semper peccata.
Quæst. 2. Vtrum pœnitentia reatum totaliter tollat.
Quæst. 3. Vtrum per pœnitentiam reliquæ actualis peccati tollantur.
Art. 11. Vtrum virtutes per pœnitentiam restituantur.
Art. 11r. Vtrum per pœnitentiam etiam opera bona prius in statu mortalis peccati facta ad vitam reputentur.
Quæst. 2. Vtrum per peccatum sequens opera in caritate facta mortificentur.
Quæst. 3. Vtrum opera mortificata per pœnitentiam vivificentur.
Art. 1v. Vtrum prædicti effectus sint pœnitentiæ inquantum virtus.
Art. 1v. Vtrum sine pœnitentia remissionem peccatorum quis consequi possit, & etiam prædictos effectus.

DISTINCTIONIS XV.

Quæstio 1.

- Art. 1. Vtrum satisfactio sit virtus, vel virtutis actus.
Quæst. 2. Vtrum sit actus iustitiæ.
Quæst. 3. Vtrum definitio Augustini de satisfactione, quæ est in littera, sufficienter ponatur.
Art. 11. Vtrum homo possit Deo satisfacere pro debito offensæ commissæ.
Art. 111. Vtrum homo possit de uno peccato sine alio satisfacere.
Quæst. 2. Vtrum existens in mortali, de peccatis quæ sibi prius quam peccaret, per contritionem dimissa fuerant, possit satisfacere.
Quæst. 3. Vtrum homo postquam caritatem habere incipit, præterita satisfactio in mortali facta sibi valere incipiat.
Quæst. 4. Vtrum opera bona extra caritatem facta sint meritoria alicuius boni saltem temporalis.

- Quæst. 5. Vtrum opera extra caritatem facta valeant ad infernalis pœnæ diminutionem.
Art. 1v. Vtrum oporteat satisfactionem fieri per opera pœnalia.
Quæst. 2. Vtrum flagella quibus a Deo punimur, sint satisfactoria.
Quæst. 3. Vtrum convenienter enumerentur opera satisfactoria in littera.
Art. v. Vtrum restitutio sit pars satisfactionis.
Quæst. 2. Vtrum ablatum sit semper restituendum.
Quæst. 3. Vtrum solus ille qui damnum intulit, teneatur ad restitutionem.
Quæst. 4. Vtrum ei qui damnum passus sit, semper sit restitutio facienda.

Quæstio 11.

- Art. 1. Vtrum definitio qua elemosyna diffinitur ab Augustino, sit conveniens secundum omnes suas partes.
Quæst. 2. Vtrum elemosyna sit pars satisfactionis, & pœnitentiæ.
Quæst. 3. Vtrum elemosyna sit actus virtutis.
Quæst. 4. Vtrum elemosyna cadat in præcepto, vel sit consilium.
Art. 11. Vtrum elemosyna decedentem in peccato mortali a pœna inferni liberet.
Quæst. 2. Vtrum elemosyna sit minus satisfactoria quam alia opera.
Quæst. 3. Vtrum virtus elemosynæ magis consistat in dato exteriori quam in affectu interiori.
Art. 111. Vtrum sufficienter elemosynæ corporales enumerentur per verbum illud: *Visto, poro &c.*
Quæst. 2. Vtrum elemosynæ spirituales convenienter numerentur hoc versu: *Consule, castiga &c.*
Quæst. 3. Vtrum elemosynæ spirituales præmineant corporalibus.
Art. 1v. Vtrum de necessitate sit danda elemosyna.
Quæst. 2. Vtrum de male acquisito, & possessio possit elemosyna fieri.
Quæst. 3. Vtrum de turpi lucro possit dari elemosyna.
Art. v. Vtrum uxor de rebus viri, & eo invito possit dare elemosynam.
Quæst. 2. Vtrum filiusfamilias possit elemosynam dare.

Quæst. 3.

ARTIC. & QUÆSTIUNÆ.

Quæst. 3. Vtrum servus, vel ancilla possint elemosynam dare de rebus domino-rum suorum.

Quæst. 4. Vtrum monachi possint elemosynam facere sine licentia Abbatis.

Art. vi. Vtrum aliquis sibi ipsi possit facere elemosynam.

Quæst. 2. Vtrum malis sit danda elemosyna.

Quæst. 3. Vtrum meliori sit magis subveniendum.

Quæstio 111.

→ Art. 1. Vtrum Isidorus convenienter diffiniat ieiunium.

Quæst. 1. Vtrum ieiunium sit actus virtutis.

Quæst. 2. Vtrum ieiunium sit actus temperantiæ, vel iustitiæ.

Quæst. 4. Vtrum ieiunium cadat sub præcepto.

Quæst. 5. Vtrum ieiunium sit satisfactorium.

Art. 11. Vtrum omnes teneantur ad ieiunium ab Ecclesia institutum.

Quæst. 2. Vtrum iusti teneantur ieiunare ex præcepto.

Quæst. 3. Vtrum pueri teneantur ad ieiunium.

Quæst. 4. Vtrum proventus, & sani extulerentur a ieiunio propter peregrinationem.

Art. 111. Vtrum debeant esse tempora determinata ad ieiunandum.

Quæst. 2. Vtrum aliquo tempore sit ieiunium interdictum.

Quæst. 3. Vtrum hora nona sit competens ad manducandum tempore ieiuniorum.

Art. iv. Vtrum per binam comestionem ieiunium solvatur.

Quæst. 2. Vtrum esus carniū solvat ieiunium.

Quæst. 3. Vtrum anticipatio temporis solvat ieiunium.

Quæstio 1v.

Art. 1. Vtrum oratio sit affectivæ partis actus.

Quæst. 2. Vtrum sit actus doni, & non virtutis.

Quæst. 3. Vtrum oratio sit actus cadens in præcepto.

Art. 11. Vtrum oratio debeat esse vocalis, vel mentalis.

Quæst. 2. Vtrum debeat esse diuturna.

Quæst. 3. Vtrum umquam debeat aliquis ab oratione cessare.

Quæst. 4. Vtrum attentio actualis sit de necessitate orationis.

Quæst. 5. Vtrum attentio orationi noceat.

Art. 111. Vtrum convenienter species orationis distinguantur.

Quæst. 2. Vtrum distinctio partium orationis secundum Ambrosium sit competens.

Quæst. 3. Vtrum partes ab Hugone de sancto Victore posite, sint convenientes.

Art. 1v. Vtrum homo debeat aliquid determinate petere in oratione.

Quæst. 2. Vtrum in oratione temporalia sint petenda.

Quæst. 3. Vtrum homo debeat pro alieno bono orare.

Art. v. Vtrum solus Deus orandus sit.

Quæst. 2. Vtrum oratio ad sanctos non in patria existentes possit dirigi.

Quæst. 3. Vtrum oratio fiat ad Deum ratione essentiae, vel personæ.

Art. vi. Vtrum divinæ personæ sit orare.

Quæst. 2. Vtrum sanctis qui sunt in patria, conveniat orare.

Quæst. 3. Vtrum brutorum animalium sit orare.

Art. vii. Vtrum oratio sit satisfactoria.

Quæst. 2. Vtrum oratio sit meritatoria.

Quæst. 3. Vtrum convenienter assignentur conditiones quæ præstant efficaciam orationi.

DISTINCTIONIS XVI.

Quæstio 1.

Art. 1. Vtrum poenitentia habeat partes, cum sit simplex.

Quæst. 2. Vtrum convenienter ei assignentur istæ tres partes, scilicet *contritio*, *confessio*, & *satisfactio*.

Quæst. 3. Vtrum sint partes eius subiectivæ.

Quæst. 4. Vtrum sint partes poenitentiae virtutis moralis.

INDEX QUÆSTIONUM,

Art. 11. Vtrum pœnitentia ante baptismum possit esse pars pœnitentiz, vel ipsum præcedere.

Quæst. 2. Vtrum pœnitentia ante baptismum sit de actuali tantum, vel etiam de originali.

Quæst. 3. Vtrum post baptismum sit aliqua pœnitentia distinguenda venialium peccatorum.

Quæst. 4. Vtrum homo teneatur ad pœnitentiam venialium.

Quæst. 5. Vtrum partes illæ sint sufficientes quibus dividitur pœnitentia in venialium, mortalium, & ante baptismum.

Quæstio 11.

Art. 1. Vtrum veniale possit dimitti voluntate remanente ad illud.

Quæst. 2. Vtrum unum veniale possit dimitti sine alio.

Quæst. 3. Vtrum veniale possit dimitti sine mortali.

Art. 11. Vtrum peccatum veniale possit dimitti sine gratiæ novæ infusione.

Quæst. 2. Vtrum gratia sine contritione possit peccatum veniale remittere.

Quæst. 3. Vtrum homo teneatur confiteri venialia.

Quæst. 4. Vtrum per aquam benedictam, benedictionem episcopalem, & huiusmodi, venialia dimittantur.

Quæstio 111.

Art. 1. Vtrum circumstantia possit esse proprietas moralis actus.

Quæst. 2. Vtrum sufficienter enumerentur circumstantiæ in illo versu: *Quis, quid, ubi &c.*

Quæst. 3. Vtrum circumstantiæ enumeratæ ab Augustino, in littera sufficienter ponantur.

Art. 11. Vtrum circumstantiæ aggravent peccatum.

Quæst. 2. Vtrum inter omnes circumstantias locus, & tempus magis aggravent.

Quæst. 3. Vtrum circumstantia trahat in aliam speciem, vel genus peccati.

Quæst. 4. Vtrum circumstantia aggravet in infinitum.

Quæst. 5. Vtrum omnis circumstantia sit constituenda.

Quæstio 1v.

Art. 1. Vtrum hypocrisis sit peccatum.

Quæst. 2. Vtrum sit speciale peccatum.

Quæst. 3. Vtrum sit semper mortale peccatum.

Quæst. 4. Vtrum hypocrisis debeat poni speciale impedimentum pœnitentiæ præ aliis vitiis.

Art. 11. Vtrum ludi pœnitentiam exterius impediant.

Quæst. 2. Vtrum spectacula pœnitentiam impediant.

Quæst. 3. Vtrum exercitia militiæ, vel negotiationis impediant pœnitentiam.

DISTINCTIONIS XVII.

Quæstio 1.

Art. 1. Vtrum distinctiones quibus diffinitur iustificatio secundam diversos, scilicet secundum Glossam Rom. viii. Bernardum, & secundum Anselmum, sint convenientes.

Quæst. 2. Vtrum iustificatio sit aliud quam vocatio.

Quæst. 3. Vtrum iustificatio sit renovatio mentis, & sanatio.

Quæst. 4. Vtrum reducatur ad attributum misericordiæ.

Art. 11. Vtrum præparatio qua aliquis facit quod in se est, præexigatur.

Quæst. 2. Vtrum aliquid sit in homine per quod possit se præparare ad gratiam habendam.

Quæst. 3. Vtrum necessarium sit iustificari eum qui facit quod in se est.

Art. 111. Vtrum gratiæ infusio requiratur ad iustificationem.

Quæst. 2. Vtrum necessarius sit ad iustificationem motus liberi arbitrii in Deum.

Quæst. 3. Vtrum motus liberi arbitrii in Deum sit motus fidei.

Quæst. 4. Vtrum motus liberi arbitrii in peccatum sine contritione præcedat iustificationem.

Quæst. 5. Vtrum requiratur remissio peccatorum.

Art. 1v. Vtrum remotio culpæ naturaliter præcedat gratiæ infusionem.

Quæst. 2.

ARTIC. & QUÆSTIUNÆ.

Quæst. 1. Vtrum motus liberi arbitrii præcedat gratiæ infusionem.

Quæst. 3. Vtrum motus liberi arbitrii in peccatum præcedat motum liberi arbitrii in Deum.

Art. v. Vtrum iustificatio impij sit miraculosa.

Quæst. 2. Vtrum remissio culpæ, & infusio gratiæ sint in eodem instanti.

Quæst. 3. Vtrum successiva sit iustificatio impij.

Quæstio II.

Art. 1. Vtrum contritio sit dolor de peccatis assumptus cum proposito confitendi.

Quæst. 2. Vtrum contritio sit actus virtutis.

Quæst. 3. Vtrum attritio possit fieri contritio.

Art. 11. Vtrum homo debeat conteri de pœnis sicut de culpis.

Quæst. 2. Vtrum contritio debeat esse de originali peccato.

Quæst. 3. Vtrum de omni peccato actuali a nobis commissio conteri debeamus.

Quæst. 4. Vtrum de peccatis futuris possit esse contritio.

Quæst. 5. Vtrum homo possit confiteri de peccato alieno.

Quæst. 6. Vtrum de singulis peccatis mortalibus debeat homo conteri.

Art. 111. Vtrum contritio sit maior dolor qui sit in natura.

Quæst. 2. Vtrum possit esse nimis magnus dolor contritionis.

Quæst. 3. Vtrum debeat esse maior de uno peccato quam de alio.

Art. 1v. Vtrum tota hæc vita sit tempus contritionis.

Quæst. 2. Vtrum expedit continue de peccato dolere, & conteri.

Quæst. 3. Vtrum possit hanc vitam animæ de peccatis conterantur.

Art. v. Vtrum peccati remissio sit contritionis effectus.

Quæst. 2. Vtrum contritio possit totaliter reatum pœnæ tollere.

Quæst. 3. Vtrum contritio parva sufficiat ad deletionem magnorum peccatorum.

Quæstio 111.

Art. 1. Vtrum confessio sit necessaria ad salutem.

Quæst. 2. Vtrum sit de iure naturali.

Quæst. 3. Vtrum omnes ad confessionem teneantur.

Quæst. 4. Vtrum homo statim teneatur confiteri cum peccaverit.

Quæst. 5. Vtrum possit cum aliquo dispensari ne confiteatur homini.

Art. 11. Vtrum definitio Augustini de confessione sit competens.

Quæst. 2. Vtrum confessio sit actus virtutis.

Quæst. 3. Vtrum confessio sit actus poenitentiae virtutis.

Art. 111. Vtrum necessarium sit confiteri sacerdoti.

Quæst. 2. Vtrum liceat in aliquo casu alij quam sacerdoti confiteri.

Quæst. 3. Vtrum extra causam necessitatis non sacerdos possit audire confessionem venialium.

Quæst. 4. Vtrum necessarium sit quod homo confiteatur proprio sacerdoti.

Quæst. 5. Vtrum possit aliquis confiteri alij quam proprio sacerdoti etiam ex privilegio, vel mandato.

Art. 1v. Vtrum confessio possit esse informis, idest utrum valeat sine caritate.

Quæst. 2. Vtrum necessarium sit confessionem esse integram.

Quæst. 3. Vtrum per alium, vel per scriptum possit confessio fieri.

Quæst. 4. Vtrum illæ sexdecim conditiones a Magistris assignatæ, quæ vetibus illis continentur: *Sit simplex, humilis &c.* requirantur ad confessionem.

Art. v. Vtrum confessio liberet a morte peccati.

Quæst. 2. Vtrum confessio liberet a pœna.

Quæst. 3. Vtrum aperiat paradysum.

Quæst. 4. Vtrum per confessionem tribuatur nobis spes salutis.

DISTINCTIONIS XVIII.

Quæstio I.

Art. 1. Vtrum claves debeant esse in Ecclesia.

Quæst. 2.

INDEX QUESTIONUM;

- Quæst. 2. Utrum claves sint potestas ligandi, & solvendi, & de distinctione clavium.
- Quæst. 3. Utrum sint duæ claves, vel una tantum.
- Art. 11. Utrum macula sit aliquid positivum in anima, vel sit tantum privatio.
- Quæst. 2. Utrum peccatum possit remitti quo ad maculam.
- Quæst. 3. Utrum si peccatum remittatur quo ad maculam, remittatur etiam quo ad penam.
- Art. 111. Utrum potestas clavium se extendat ad remissionem culpæ.
- Quæst. 2. Utrum possit remittere peccatum quo ad penam.
- Quæst. 3. Utrum sacerdos per potestatem clavium ligare possit.
- Quæst. 4. Utrum possit ligare, vel solvere secundum proprium arbitrium.

Quæstio 11.

- Art. 1. Utrum competens sit distinctio excommunicationis qua distinguitur: *Excommunicatio est separatio &c.*
- Quæst. 2. Utrum Ecclesia debeat aliquem excommunicare.
- Quæst. 3. Utrum aliquis pro aliquo temporali damno sit excommunicandus.
- Quæst. 4. Utrum excommunicatio iniuste lata aliquem effectum habere possit.
- Art. 11. Utrum quilibet sacerdos communicare possit.
- Quæst. 2. Utrum non sacerdotes possint excommunicare.
- Quæst. 3. Utrum excommunicatus vel suspensus possit excommunicare.
- Art. 111. Utrum aliquis seipsum, vel æqualem, vel superiorem possit excommunicare.
- Quæst. 2. Utrum in aliquam universitatem excommunicationis sententia ferri possit.
- Quæst. 3. Utrum ille qui est semel excommunicatus, ulterius possit excommunicari.
- Art. 1v. Utrum liceat excommunicato communicare in pure corporalibus.
- Quæst. 2. Utrum participans excommunicato sit excommunicatus.
- Quæst. 3. Utrum participare excommunicato in casibus non concessis sit peccatum mortale semper.

- Art. v. Utrum quilibet sacerdos possit suum subditum ab excommunicatione absolvere.
- Quæst. 2. Utrum aliquis possit absolvi vivus.
- Quæst. 3. Utrum aliquis possit absolvi ab una, nisi ab omnibus absolvatur.

DISTINCTIONIS XIX.

Quæstio 1.

- Art. 1. Utrum sacerdos legalis claves habuerit.
- Quæst. 2. Utrum Christus claves habuerit.
- Quæst. 3. Utrum soli sacerdotes claves habeant.
- Art. 11. Utrum sancti homines non sacerdotes habeant usum earum clavium.
- Quæst. 2. Utrum sacerdotes mali usum clavium habeant.
- Quæst. 3. Utrum schismatici, & hæretici, & excommunicati, & suspensi, & degradati usum clavium habeant.
- Art. 111. Utrum sacerdos possit in quemlibet hominem uti clave quam habet.
- Quæst. 2. Utrum sacerdos semper possit suum subditum absolvere.
- Quæst. 3. Utrum aliquis possit uti clavibus in superiorem.

Quæstio 11.

- Art. 1. Utrum distinctio de correptione fraterna sit bona, quæ sic incipit: *Correptio fraterna est admonitio &c.*
- Art. 11. Utrum quilibet ex præcepto ad correptionem fraternam teneatur.
- Quæst. 2. Utrum peccator corripiens alium peccet.
- Quæst. 3. Utrum aliquis teneatur corrumpere prælatum suum.
- Art. 111. Utrum oporteat fraternam admonitionem præcedere denuntiationem Ecclesie.
- Quæst. 2. Utrum in fraterna correptione convenienter ponatur testium iudicium.
- Quæst. 3. Utrum correptio quantum ad admonitionem secretam debeat esse dura.

ARTIC. & QUÆSTIUNC.

DISTINCTIONIS XX.

Quæstio 1.

Art. 1. Vtrum aliquis in extremo vitæ suæ tempore poenitere possit.

Quæst. 2. Vtrum aliquis in fine vitæ suæ possit absolvi a quolibet sacerdote.

Quæst. 3. Vtrum poenitentibus in fine reservetur aliqua poena post mortem.

Art. 11. Vtrum poena temporalis taxetur, vel taxari debeat secundum quantitatem culpæ.

Quæst. 2. Vtrum poenitens sit debitor maioris poenæ quam illius quæ a sacerdote sibi imponitur.

Quæst. 3. Vtrum poenam satisfactoriam possit unus pro alio explere.

Art. 111. Vtrum per indulgentiam possit aliquid remitti de poena satisfactoria.

Quæst. 2. Vtrum indulgentiæ tantum valeant quantum pronuntiantur.

Quæst. 3. Vtrum pro temporali subsidio possit fieri indulgentia.

Art. 1v. Vtrum quilibet sacerdos parochialis possit indulgentias facere.

Quæst. 2. Vtrum diaconus, vel alius quam sacerdos possit indulgentias facere.

Quæst. 3. Vtrum Episcopus possit facere indulgentiam.

Quæst. 4. Vtrum aliquis in peccato mortali existens possit facere indulgentias.

Art. v. Vtrum indulgentia valeat existentibus in peccato mortali.

Quæst. 2. Vtrum indulgentiæ valeant religiosis.

Quæst. 3. Vtrum ei qui non facit hoc pro quo indulgentia datur, possit aliquando indulgentia dari.

Quæst. 4. Vtrum indulgentia valeat ei qui facit eam.

DISTINCTIONIS XXI.

Quæstio 1.

Art. 1. Vtrum purgatorium sit post hanc vitam.

Quæst. 2. Vtrum idem locus sit in quo damnati puniuntur, & animæ purgantur.

Quæst. 3. Vtrum poena purgatorii excedat omnem poenam temporalem.

Quæst. 4. Vtrum poena illa sit voluntaria.

Quæst. 5. Vtrum animæ per demones in purgatorio puniantur.

Art. 11. Vtrum lignum, fenum, & stipula quæ superædificantur, sint peccata venialia.

Quæst. 2. Vtrum iidem sint qui utraque superædificant, scilicet argentum, & stipulam.

Quæst. 3. Vtrum venialia mortali adiuncta sint fenum &c.

Art. 111. Vtrum veniale expietur poena purgatorii quo ad culpam.

Quæst. 2. Vtrum ignis purgatorii expiet a reata poenæ.

Quæst. 3. Vtrum ab illa poena unus alio citius liberetur.

Quæstio 11.

Art. 1. Vtrum per confessionem generalem, quæ fit in completorio, & prima, deleatur veniale quo ad culpam.

Art. 11. Vtrum confessio generalis sufficiat ad delendum peccata mortalia oblita.

Art. 111. Vtrum aliquis licite possit confiteri peccatum quod non habet.

Quæstio 111.

Art. 1. Vtrum in quolibet casu teneatur sacerdos celare peccata quæ sub sigillo confessionis novit.

Quæst. 2. Vtrum sigillum confessionis se extendat ad illa quæ non sunt de confessione.

Quæst. 3. Vtrum sacerdos solus sigillum confessionis habeat.

Art. 11. Vtrum de licentia confitentis sacerdos possit publicare peccatum eius.

Art. 111. Vtrum id quod aliquis seipso per confessionem, & alio modo possit revelare.

DISTINCTIONIS XXII.

Quæstio 1.

Art. 1. Vtrum peccata dimissa redeant per peccatum sequens.

Art. 11. Vtrum ingratitudo sit speciale peccatum.

Quæst. 2. Vtrum minus ingratus sit innocens, si peccat, quam poenitens si cadat.

Quæst. 3. Vtrum ex ingratitudine recidivantis tantus reatus refurgat, quantus fuit præcedentium peccatorum.

Art. 111. Vtrum per ingratitudinem peccata venialia redeant.

Quæst. 2.

INDEX QUÆSTIONUM,

Quæst. 1. Vtrum peccatum originale redeat.

Quæst. 3. Vtrum per illa quatuor quæ ponuntur in littera, redeant peccata dimissa.

Art. 1v. Vtrum recidivans teneatur priora peccata confiteri, de quibus prius confessus fuit.

Quæstio 11.

Art. 1. Vtrum exterior pœnitentia sit sacramentale signum.

Quæst. 2. Vtrum pœnitentia interior sit res in hoc sacramento.

Quæst. 3. Vtrum remissio peccatorum sit res huius sacramenti.

Art. 11. Vtrum pœnitentia sit unum sacramentum, vel plura.

Quæst. 2. Vtrum hoc sacramentum consistat magis in his quæ geruntur a sacerdote, an vero in his quæ geruntur a pœnitente.

Quæst. 3. Vtrum verba sacerdotis absolventis debeant esse per modum deprecationis.

Art. 111. Vtrum sacramentum pœnitentiæ habeat institutionem.

Quæst. 2. Vtrum ante Christum fuerit hoc sacramentum institutum.

Quæst. 3. Vtrum post Christi adventum in lege nova fuerit institutum.

F I N I S;

SCRIPTUM
S. THOMAE
AQUINATIS
DOCTORIS ANGELICI
IN QUARTUM LIBRUM SENTENTIARUM
MAGISTRI PETRI LOMBARDI.

PROLOGUS S. THOMAE.

Misit verbum suum, & sanavit eos, & eripuit eos, de interitionibus eorum.
Psalm. cvj. 20.



X peccato primi hominis humanum genus duo incurrat, scilicet mortem, & infirmitatem. Mortem propter separationem a vite principio, de quo in Psalm. xxxv. 10. dicitur: „Apud te est fons vite:“ & qui separat ab hoc principio, de necessitate moritur: & hoc factum est per primum hominem. Unde dicitur Rom. v. 12. „Per unum hominem peccatum in mundum intravit, & per peccatum mors.“ Infirmitatem vero propter destitutionem gratiae, quae est hominis sanitas, quae petitur Hierem. xviij. 14. „Sana me Domine, & sanabor:“ & ideo in Psalm. vi. 3. dicitur: „Miserere mei Domine, quoniam infirmus sum.“ Ad hoc autem sufficiens remedium haberi non poterat, nisi ex Verbo Dei, quod est fons sapientiae in excelsis, Eccli. i. & per consequens vitae: quia sapientia vitam tribuit possessori: Eccli. vij. unde dicitur Ioan. v. 21. „Sicut Pater suscitavit mortuos, & vivificavit; sic Filius quos vult, vivificat.“ Ipsum etiam est virtus Dei, quo omnia portantur: Hebr. i. 3. „Portans omnia verbo virtutis suae:“ & ideo est efficax ad infirmitatem tollendam. Unde in Psalm. xxxiii. 6. dicitur: „Verbo Domini caeli firmati sunt:“ & Sap. xvi. 12. „Neque herbae, neque malagiae sanavit eos, sed sermo tuus, Domine, qui sanat omnia.“ Sed quia „vivus est sermo Dei, & efficax, & penetrabilior omni gladio accipiti,“ ut dicitur Heb. iv. 12. necessarium fuit ad hoc quod nobis medicina tam violenta proficeret, quod ei carnis nostrae infirmitas adiungeretur, ut nobis magis congrueret. Hebr. ii. 17. „Debuit per omnia fratribus assimilari, ut misericors fieret.“ Et propter hoc „Verbum caro factum est, & habitavit in nobis:“ Ioan. i. 14. Sed quia haec medicina tantae est efficaciae ut omnes sanare possit („virtus (a) enim exibat de illo, & sanabat omnes,“ ut dicitur Luc. vi. 19.) ideo ab hac universali medicina, & prima aliae particulares medicinae procedunt universali medicinae conformes, quibus mediantibus virtus universali medicinae proveniat ad infirmos: & haec sunt sacramenta, in quibus sub tegumento rerum visibilibus divina virtus secretius operatur salutem, ut Augustinus. S. Tb. Oper. Tom. XII.

A

nus

(a) A. autem.

nus dicit * (quæst. lxxx. in Levit. & tract. lxxx. super Ioan.) Sic ergo in verbis propoſitis tria tanguntur, ſcilicet conſectio medicinz, ſanatio ab infirmitate, & liberatio a morte. Conſectio medicinz tangitur in hoc quod dicit: *Miſit verbum ſuum* : quod quidem referendum eſt & ad Verbi incarnationem, quod. (a) dicitur a Deo miſſum, quia caro factum: Gal. iv. 4. „Miſit Deus Filium ſuum factum ex muliere:“ & ad ſacramentorum inſtitutionem, in quibus accedit verbum ad elementum, & fit ſacramentum, ut ſic fit conformitas ſacramenti ad Verbum incarnatum. Sanctificatur enim creatura ſenſibilis per verbum Dei, & orationem: I. Timoth. iv. Sanatio autem ab infirmitate peccati, & reliquiarum eius, tangitur in hoc quod dicitur: *Et ſanavit eos* : quæ quidem ſanatio per ſacramenta fit: unde ipſa ſunt unguenta ſanitatis, quæ Chriſtus quaſi unguentarius conſecit: Eccli. xviii. unde & in Pſalm. cii. 3. dicitur: „Qui propitiatur omnibus iniquitatibus tuis,“ quantum ad peccata: „qui ſanat omnes infirmitates tuas,“ quantum ad peccatorum reliquias. Liberatio autem a morte tangitur in hoc quod dicitur: *Et eripuit eos de interitionibus eorum*. Et quia interitus in mortem violentam ſonare videtur, ideo congrue ad pœnalem mortem referri poteſt: quia ratio pœnz eſt ut contra voluntatem fit, ſicut ratio culpæ ut ſit voluntaria: & ideo culpa ad infirmitatem reducitur, pœna ad mortem: quia via ad pœnam eſt culpa, ſicut infirmitas ad mortem. Non ſolum autem ſeparatio animæ a corpore mors dici poteſt, ſed etiam omnes præſentis vitæ pœnalitates: & ideo pluraliter interitiones nominantur, ſicut & II. Corinth. xi. 23. „In mortibus frequenter.“ A morte ergo corruptionis naturæ eripiet Verbum incarnatum per reſurrectionem: „quia in Chriſto omnes vivificabuntur.“ I. Corinth. xv. 22. Iſai. xxvi. 19. (b) „Vivent interfeſti mei &c.“ ſed a mortibus pœnalitatum per gloriam: tunc enim abſorta erit mors per victoriam: I. Corinth. xv. & de his in Pſalm. xli. 4. dicitur: „Qui redimit de interitu vitam tuam,“ quantum ad primum: „qui coronat te in miſericordia,“ quantum ad ſecundum.

Sic ergo ex verbis propoſitis tria poſſumus accipere circa hunc quartum Librum, qui præ manibus habetur, ſcilicet materiam: quia in eo agitur de ſacramentis, & de reſurrectione, & gloria reſurgentium. Item continuationem ad tertium Librum: quia in tertio agebatur de miſſione Verbi in carnem; in hoc autem Libro de effectibus Verbi incarnati, ut quartus respondeat tertio, ſicut ſecundus primo. Item diviſionem iſtius Libri. Dividitur enim in partes duas. In prima determinat de ſacramentis; in ſecunda determinat de reſurrectione, & gloria reſurgentium, xliii. diſtincti ibi, *Poſtremo de conditione reſurrectionis, & modo reſurgentium . . . breviter diſſerendum eſt*. Item prima dividitur in duas. In prima determinat de ſacramentis in generali; in ſecunda deſcendit ad ſacramenta novæ legis, xi. diſt. ibi, *Iam ad ſacramenta nova legis accedamus*. Prima in duas. In prima dicitur de quo eſt intentio; in ſecunda proſequitur, ibi, *Sacramentum eſt ſacræ rei ſignum*. Circa primum duo facit. Primo proponit materiam de qua agendum eſt. Secundo oſtendit quid de ea primo dicendum ſit, ibi, *De quibus, quatuor primo conſideranda ſunt*.

Sacramentum eſt ſacræ rei ſignum. Hic determinare incipit de ſacramentis in communi: & dividitur in partes duas. In prima determinat de ſacramentis ſecundum ſe; in ſecunda de diviſione ſacramenti in ſuas partes, ibi, *Duo autem ſunt in quibus ſacramentum conſiſtit*. Prima in duas. In prima oſtendit quid eſt ſacramentum; in ſecunda neceſſitatem inſtitutionis ſacramentorum, ibi, *Triplici autem ex cauſa ſacramenta inſtituta ſunt*. Prima in duas. In prima venatur genus ſacramenti; in ſecunda differentias, ibi, *Signorum vero alia ſunt naturalia . . . alia data*. Circa primum duo facit. Primo ponit ſacramentum in genere ſigni; ſecundo diſſinit ſignum, ibi, *Signum vero eſt res præter ſpeciem quam ingerit ſenſibus, aliquod aliud ex ſe faciens in cognitionem venire*.

Signo-

(a) M. dicitur eo miſſum. (b) *Volgate*: „Vivent mortui mei, interfeſti mei reſurgent.“

EX EDIT. P. NICOLAI.

* Velut ex Gregorio reſectur in Decretis cauſ. 2. quæſt. 3. cap. *Mult* circa medium. Pariſim autem ex Gregorio, partim ex Hieronymo, partim ex Iſidoro collectum illud caput Appendix notat: & hæc quidem verba ſunt Iſidori Lib. VI. ſuorum originum, vel etymologiarum cap. de Officiis in voce *Sacramentum*. Aliquid vero æquivalenter huc perticiens ex Auguſtino colligi poteſt ſociis citatis.

Signorum vero alia sunt naturalia . . . alia data. Hic venatur differentias: & primo unam differentiam communem omnibus sacramentis, quæ est ut imaginem gerat; secundo aliam quæ est propria sacramentorum novæ legis, in quibus est perfecta ratio sacramenti, scilicet ut causa existat, ibi, *Sacramentum enim proprie dicitur quod ita sit, quum est gratiæ Dei, & invisibilis gratiæ forma, ut ipsius imaginem gerat & causa existat.*

Duo autem sunt in quibus sacramentum consistit. Hic dividit sacramentum in duas partes: & primo in partes integrales; secundo in partes subiectivas, ibi, *lam videre restat differentiam sacramentorum veterum, & novorum.* Et circa hæc duo facit. Primo ostendit differentiam inter sacramenta veteris, & novæ legis; secundo determinat de quodam sacramento veteris legis, quod maxime cum sacramentis novæ legis communicat, ibi, *Fuit autem inter illa sacramenta sacramentum quoddam, scilicet circumcisionis, idem conferens remedium contra peccatum quod nunc baptismus præstat.* Quarum prima pars cum præcedentibus est de lectione præsentī.

LIBER QUARTUS

SENTENTIARUM.

DISTINCTIO I

De sacramentis, & signis sacramentalibus.

Samaritanus enim vulnerato appropians, curationi eius, sacramentorum alligamenta adhibuit: quia contra originalis peccati, & actualis vulnera, sacramentorum remedia Deus instituit. De quibus quatuor primo consideranda occurrunt. Quid sit sacramentum; quare institutum; in quibus consistat, & consocietur; & quæ sit distantia inter sacramenta veteris, & novæ legis.

Quid sit sacramentum.

Sacramentum est sacræ rei signum. Dicitur tamen sacramentum etiam sacrum secretum, sicut sacramentum Divinitatis, ut sacramentum sit sacrum signans, & sacrum signatum. Sed nunc agitur de sacramento, secundum quod est signum. Item. Sacramentum est invisibilis gratiæ visibilis forma. Signum vero est res præter speciem quam ingerit sensibus, aliquid aliud ex se faciens in cognitionem venire. Signorum vero alia sunt naturalia, ut fumus, significans ignem; alia data. Et eorum quæ data sunt, quædam sunt sacramenta, quædam non. Omne enim sacramentum est signum, sed non e converso. Sacramentum eius rei similitudinem gerit cuius signum est. Si enim sacramenta non haberent similitudinem rerum quarum sacramenta sunt, proprie sacramenta non dicerentur. Sacramentum enim proprie dicitur quod ita signum est gratiæ Dei, & invisibilis gratiæ forma, ut ipsius imaginem gerat, & causa existat. Non ergo significandi tantum gratia sacramenta instituta sunt, sed etiam sanctificandi. Quæ enim significandi gratia tantum instituta sunt, solum signa sunt, & non sacramenta; sicut fuerunt sacrificia carnalia, & observantiæ cæremoniales veteris legis, quæ numquam poterant iustos facere offerentes. Quia, ut ait Apostolus (Hebr. ix.) sanguis hircorum, & taurorum, & cinis vitulæ aspersus inquinatos sanctificabat ad emundationem carnis, non animæ: nam inquinatio illa erat contactus mortui. Unde Augustinus (quæst. xxxiii. in Lib. Numer.) „Nihil aliud intelligo inquinatio- nem quam lex mundat, nisi contactum mortui hominis, quem qui tetigerat,

A 2

„immun-

immundus erat septem diebus; sed purificabatur secundum legem die tertio, & septimo; & ita mundus erat, ut iam intraret in templum. "Mundabant etiam interdum a corporali lepra illa legalia, sed numquam ex operibus legis aliquis iustificatus est, ut ait Apostolus (Rom. 111. & ad Galat. 111.) etiam si in fide, & in caritate fierent. Quare? Quia imposuit ea Deus in servitutem, non in iustificationem, & ut figura futuri essent, vults sibi ipsi potius offerri ea quam idolis. Illa ergo signa erant; sed tamen sacramenta, licet minus proprie, in Scripturis sepe vocantur, quia signa erant rei sacræ, quam utique non præstabant. Illa autem Apostolus opera legis dicit quæ tantum significandi gratia, vel in onus instituta sunt.

De causa institutionis sacramentorum.

Triplici autem de causa sacramenta instituta sunt, propter humiliationem, eruditionem, exercitationem. Propter humiliationem quidem, ut dum homo in sensibilibus rebus, quæ natura infra ipsam sunt, ex præcepto Creatoris se reverendo subiicit, ex hac humilitate, & obedientia Deo magis placeat, & ut apud eum mereatur, cuius imperio salutem querit in inferioribus se, i. etsi, non ab illis, sed per illa a Deo. Propter eruditionem etiam instituta sunt, ut per id quod foris in specie visibili cernitur, ad invisibilem virtutem, quæ intus est, agnoscendam mens erudiatur. Homo enim, qui ante peccatum sine medio Deum videbat, per peccatum (1) a Deo habuit ut nequaquam divina queat capere, nisi humanis exercitatus. Propter exercitationem similiter instituta sunt: quia cum homo otiosus esse non possit, proponitur ei utilis, & salubris exercitatio in sacramentis, qua vanam, & novam declinet occupationem. Non enim facile capitur a tentatore qui bono vacat exercitio. Unde Hieronymus (in epist. ad Rustic.) monet: "Semper aliquid boni operis facito, ut te occupatum diabolus inveniat."

De triplici genere exercitationis.

Sunt autem exercitationum tres species. Una ad modificationem animæ pertinet, alia ad corporis fomentum, alia ad utriusque subversionem. Cum igitur absque sacramentis, quibus non alligavit potentiam suam Deus, homini gratiam donare posset, prædictis de causis sacramenta instituit. Duo autem sunt in quibus sacramentum consistit, scilicet verba, & res. Verba, ut invocatio Trinitatis; res, ut aqua, oleum, & huiusmodi.

De differentia sacramentorum veterum, & novorum.

Iam videre restat differentiam sacramentorum veterum, & novorum, ut sacramenta vocemus quæ antiquitus res sacras signabant, ut sacrificia, & oblationes, & huiusmodi. Eorum autem differentiam breviter Augustinus assignat dicens (super Psal. lxx111.) quia illa promittebant tantum, & significabant; hæc autem dant salutem.

De circumcissione.

Fuit tamen inter illa sacramenta sacramentum quoddam, scilicet circumcissio, idem conferens remedium contra peccatum, quod nunc baptismus præstat. Unde Augustinus (super Ioan. tract. x.) "Ex quo instituta est circumcissio in populo Dei, quæ erat tunc signaculum iustitiæ fidei, ad purgationem valebat magnis, & parvulis originalis, veterisque peccati; sicut baptismus ex illo valere cœpit ad innovationem hominis, ex quo institutus est." Item Be-

da (hom. de circumcif.) „ Idem salutiferæ curationis auxilium circumcifio in
„ lege contra originalis peccati vulnus agebat, quod baptifmus agere revelatæ
„ gratiæ tempore confuevit, excepto quod regni cæleftis ianuam nondum intra-
„ re poterant; tamen in finu Abrahæ post mortem requie beata confortati, fu-
„ perniæ pacis ingreffum fpe felici expectabant. “ His aperte traditur per circum-
„ cifionem, ex quo instituta fuit, remiffionem peccati originalis, & actualis par-
„ vulis, & maioribus a Deo præftitam, ficut nunc per baptifmum datur.

De viris qui fuerunt ante circumcifionem, & de feminis quæ fuerunt & ante, & post.

QUæritur etiam de viris qui fuerunt ante circumcifionem, & de feminis quæ fuerunt ante, & post; quod remedium contra peccatum habuerint. Quidam dicunt, facrificia, & oblationes eis valuisse ad remiffionem peccati. Sed melius est dicere illos quide Abraham prodierunt, per circumcifionem iustificatos; mulieres vero per fidem, & operationem bonam, vel fuam, fi adultæ erant, vel parentum, fi parvulæ. Eos verò qui fuerunt ante circumcifionem parvulos, in fide parentum; parentes vero per virritatem facrificiorum, fcilicet quam intelligebant fpiritualiter in illis facrificiis, iustificatos. Unde Gregorius Lib. IV. Moral. (cap. 11. & 111.) „ Quod apud nos valet aqua baptifmi, hoc egit apud veteres vel pro parvulis fola fides, vel pro maioribus virtus facrificii, vel pro his qui ex Abrahæ ftirpe prodierunt, myftetium circumcifionis. “

De institutione & causa circumcifionis.

Hic dicendum est, in quo instituta fuerit circumcifio, & quare, & cur mutata per baptifmum. Abraham primus mandatum circumcifionis habuit ad probationem obedientiæ: nec ei foli præcepta fuit circumcifio, fed & femini eius, idest omnibus Hebræis: quæ fiebat fecundum legem octavo die, lapideo cultro, in carne præputii. Data autem fuit circumcifio pluribus de caufis, fcilicet ut per obedientiam mandati Abraham placeret Deo, cui per prævaricationem Adam difplicuerat. Data etiam fuit in fignum magnæ fidei Abrahæ, qui credidit fe habiturum filium, in quo fieret benedictio omnium. Deinde ut hoc figno a ceteris nationibus difcerneretur populus ille. In carne vero præputii ideo iuffa est fieri circumcifio, quia in remedium instituta est originalis peccati, quod a parentibus trahimus per concupifcentiam, quæ in parte illa magis dominatur: & quia in parte illa culpæ inobedientiæ primus homo fenfit, decuit ut ibi fignum obedientiæ acciperet.

Quare die octavo, & petrino cultro.

Flebat autem octava die, & petrino cultro, quia & in refurrectione communis octava (1) ætate futura per petram Chrifm omnis ab electis abfcinditur corruptio, & per Chrifm refurrectionem octava die factam circumciditur a peccatis anima cuiusque in eum credentis. Duæ ergo res funt illius facramenti.

Quare in baptifmum mutata fit circumcifio.

Ideo autem mutata est circumcifio (2) per baptifmum, quia facramentum baptifmi communis est, & perfectius, quia pleniori gratia accumulatum. Ibi enim peccata folum dimittebantur; fed nec gratia ad bene operandum adiutrix, nec virtutum poffeffio, vel augmentum ibi præftabatur, ut in baptifmo; ubi non tantum-

(1) A l. additur die: item legitur & octava ætate &c. (2) Vel in baptifmum.

tantummodo abeſſentur peccata, ſed etiam gratia adiutrix conſertur, & virtutes augentur. Unde aqua reſedionis, vel regenerationis dicitur: quia aridos ſecundat, (1.) & fructificantes ampliori ubertate donat: quia quantumcumque per fidem, & caritatem ante habitam aliquis iuſtus ad baptiſmum accedit, uberior ibi recipit gratiam; ſed non ita in circumciſione. Unde Abraham per fidem iam iuſtificato ſignaculum tantum fuit: nihil enim intus contulit.

De parvulis deſunctis ante diem octavum.

SI vero quaeritur de parvulis qui ante diem octavum moriebantur, antequam fieret circumciſio ex lege, utrum ſalvarentur, vel non: idem poteſt reſponderi quod ſentitur de parvulis ante baptiſmum deſunctis, quos perire conſtat. Unde Beda (ut ſupra.) „ Qui nunc per Evangelium ſuum terribiliter, & ſalubriter clamat (Ioan. 111. 5.) Niſi quis renatus fuerit ex aqua, & Spiritu ſancto, non intrabit in regnum Dei: ipſe dudum clamat per ſuam legem (Gen. neſ. xvii. 14.) Anima cuius praeputii caro circumciſa non fuerit, peribit de populo ſuo: quia pactum meum irritum fecit. „ Forte tamen ſub lege ingruente neceſſitate mortis ante octavum diem circumcidebant ſine peccato filios, ſicut modo in Eccleſia fit de baptiſmo.

QUAESTIO I.

Hic quaeruntur quinque.

Primo. Quid ſit ſacramentum.

Secundo. De neceſſitate ſacramentorum.

Tertio. Ex quibus conſiſtat ſacramentum.

Quarto. De efficacia ſacramentorum novae legis.

Quinto. De efficacia ſacramentorum veteris legis.

ARTICULUS I.

Utrum diſſiniſio ſacramenti a Magiſtro convenienter aſſignetur.

III. P. quaſt. lx. art. 1. & 2. & quaſt. lxi. art. 2. ad 2.

1. **A**D primum ſic proceditur. Videtur quod inconvenienter diſſiniatur ſacramentum per hoc quod dicitur: *Sacramentum eſt ſacrae rei ſignum*. Sacramenta enim ſunt alligamenta ſanitatis, ut dicitur in Gloſſa * ſuper illud Pſal. cxlvi. 3. *Qui ſanat contritos corde*. Sed de ratione medicamenti non eſt ut aliquid ſignificet, ſed ſolum ut efficiat ſanitatem. Ergo ſacramentum non eſt ſignum.

(1.) *Id. etiam: i. ſem. & etiam.*

2. Praeterea. Omnes creaturae ſenſibiles ſunt ſigna inviſibilium divinarum, ut patet Rom. 1. nec tamen dici poſſunt ſacramenta. Ergo male diſſiniatur ſacramentum *sacrae rei ſignum*.

3. Praeterea. Serpens zoens, de quo dicitur Num. xxi. ſignum fuit ſacrae rei, ſcilicet crucis Chriſti; nec tamen fuit ſacramentum. Ergo diſſiniſio praediſta eſt male data.

4. Praeterea. Triplex eſt ſignum, ſcilicet demonſtrativum, quod eſt de praesenti; memorativum, quod eſt de praeterito; prognosticum, quod eſt de futuro. Sed nullum iſtorum competit ſacramento, cum quandoque recipiens ſacramentum, gratiam non habeat, nec habuit, nec in poſterum habiturus ſit. Ergo non omne ſacramentum eſt ſignum.

5. Praeterea. Signum contra cauſam diſſidetur. Sed aliquod ſacramentum eſt cauſa. Ergo non omne ſacramentum eſt ſignum.

QUAESTIUNCULA II.

1. Ulterius. Videtur quod male diſſiniatur ſignum, cum dicitur: *Signum eſt res praeter ſpeciem quam ingerit ſenſibus, aliquid ex ſe faciens in cognitionem venire*. Unum enim oppoſitorum non debet poni in diſſinitione alter.

EX EDIT. P. NICOLAI.

* Sive alligamenta Dei, ut ſimpliciter habet Gloſſa partim ex Hieronymo ſumpta, cuius nomine praenotatur (in liis 1.) partim ex Auguſtino, qui expreſſius in cum Pſalmum vocat *alligamenta multorum*, ſive alligamenta contritiis vel ſanctis.

alterius. Sed res, & signa ex opposito dividuntur, ut patuit in 1. dist. primi Libri. Ergo res non debet poni in definitione signi.

2. Præterea. Secundum Philosophum in Libro Priorum (cap. xxvii. & xxviii.) omnis effectus (sive causæ signum esse potest. Sed quidam effectus sunt spirituales, qui nullam speciem ingerunt sensibus. Ergo non omne signum aliquam speciem sensibus ingerit.

3. Præterea. Omnis locutio fit per aliqua signa. Sed Angeli loquuntur non prolato aliquo sensibili sermone, ut in II. Lib. dist. ii. dictum est. Ergo non omne signum est sensibile.

QUAESTIUNCULA III.

1. Ulterius. Videtur quod hæc definitio male detur: *Sacramentum est invisibilis gratiæ visibilis forma*, ut imaginem gerat, & causa existat. Sicut enim in littera dicitur, in duobus sacramenta consistunt, scilicet in rebus, & verbis. Sed sicut res sunt visibiles, ita verba sunt audibilia. Ergo debuit dicere: *Visibilis, & audibilis forma*.

2. Præterea. Omnis forma est intrinseca, vel exemplaris. Sed sacramenta non sunt formæ intrinsece invisibilis gratiæ, ut per se patet: nec iterum formæ exemplares, cum gratia (a) invisibilis non imitetur rem visibilem, sed e converso. Ergo sacramentum nullo modo est forma invisibilis gratiæ.

3. Præterea. Character baptismalis est sacramentum, & res, ut infra (dist. xv. quæst. 1.) dicitur; & similiter corpus Christi verum existens in altari. Sed neutrum istorum est (b) forma visibilis. Ergo definitio non est bene data.

4. Præterea. Imago est quod ad imitationem alterius fit; forma autem exemplaris est ad cuius imitationem aliquid fit. Ergo non est idem forma, & imago respectu eiusdem. Sed sacramentum est forma invisibilis gratiæ. Ergo non est imago respectu eiusdem.

5. Præterea. In definitione generis non debet poni differentia constitutiva alicuius specierum in quas dividitur genus. Sed esse causam eius quod figurat, est differentia

sacramentorum novæ legis. Ergo non debet poni in definitione communis sacramenti.

QUAESTIUNCULA IV.

1. Ulterius. Videtur quod definitio quam ponit Augustinus* (super Levit. quæst. lxxxiv.) sit incompetens, scilicet: *Sacramentum est in quo sub tegumento rerum visibilium divina virtus secretius operatur salutem*. Occultatio enim manifestationi opponitur. Sed signum instituitur ad manifestandum. Cum ergo tegumentum occultationem importet, videtur quod male ponatur in definitione sacramenti.

2. Præterea. Frequenter accipientes sacramenta, salutem non consequuntur. Ergo operatio salutis non debet poni in definitione sacramenti.

3. Præterea. In sanctis hominibus divina virtus operatur ad salutem ipsorum, ut dicitur Isai. xxvi. 12. *Omnia opera nostra operatus es (c) in nobis*: ne tamen sancti homines dicantur sacramenta. Ergo idem quod prius.

QUAESTIUNCULA V.

1. Ulterius. Videtur quod definitio Hugonis a Sancto Victore (Lib. I. de sacram. part. ix cap. i.) sit incompetens, quæ talis est: *Sacramentum est corporale, vel materiale elementum, extrinsecus oculis suppositum, ex institutione signatum, ex similitudine representans, & ex sanctificatione invisibilem gratiam continens*. Materia enim non pradicatur de toto. Sed materiale elementum est materia sacramenti. Ergo male ponitur in definitione sacramenti ut genus.

2. Præterea. In quibusdam sacramentis non est elementum, sed elementatum, sicut in extrema unctione est oleum. Ergo definitio non est communis omnibus sacramentis.

3. Præterea. Similitudo est rerum differentium eadem qualitas. Sed non potest esse eadem qualitas rerum spiritualium ad corporalia. Ergo nec similitudo: ergo male dicitur: *Ex similitudine representans*.

4. Præterea. Si est aliqua similitudo, illa est ex naturali proprietate materialis elementi. Si ergo ex similitudine representat,

(a) *Ad oculos visibilis.* (b) *Ad deum forma.* (c) *In Vulgata deest in.*

EX EDIT. P. NICOLAI.

* Augustinus non est (saltem in operibus quæ ad manum sunt) sed Lector tantum, citaturque nomine Gregorii exp. *Multis caus. 1. quæst. 1.*

cat; & idem est representare quod significare, ut potest patere per definitionem signi in littera positam. Ergo sacramentum non significat ex institutione.

SOLUTIO I.

Respondeo dicendum ad primam questionem, quod sacramentum secundum proprietatem vocabuli videtur importare sanctitatem activam, ut dicatur sacramentum, quo aliquid sacrat, sicut ornamentum, quo aliquid ornatur. Sed quia actiones activorum dicuntur esse proportionate conditionibus passivorum, ideo in sanctificatione qua homo sanctificatur, debet esse talis sanctificandi modus qui homini competat secundum quod rationalis est, quia ex hoc est homo. Inquantum autem est rationalis, habet cognitionem a sensibilibus ortam: unde oportet quod sanctificetur hoc modo quod sua sanctificatio sibi impotescat per similitudines sensibilibus rerum: & secundum hoc invenitur diversa acceptio sacramenti. Aliquando enim sacramentum importat rem qua fit consecratio; & sic passio Christi dicitur sacramentum: & hæc est prima acceptio quam Magister ponit. Aliquando vero includit modum consecrationis, qui homini competit secundum quod causæ sanctificantes, & sua sanctificatio per similitudines sensibilibus sibi notificantur; & sic sacramenta novæ legis sacramenta dicuntur: quia & consecrant, & sanctitatem significant modo prædicto, & etiam primas sanctificationis causas significant; sicut baptisumus (a) & puritatem designat, & mortis Christi signum est. Aliquando etiam includit tantum significationem prædictarum consecrationum, sicut signum sanitatis dicitur sanum; & hoc modo sacramenta veteris legis, sacramenta dicuntur, inquantum significant ea quæ in Christo sunt gesta, & etiam sacramenta novæ legis. Relictio ergo primo modo dicendi sacramentum (quia de huiusmodi sacramentis dictum est in III. Libro) de sacramentis secundo, & tertio modo dictis non poterit alia communis definitio assignari, nisi dicatur: *Sacramentum est sacra rei signum*: nisi quod (b) oportet ut subintelligatur talis modus significandi, qui est per similitudinem rei sensibilis, quod Magister addit, ut scilicet eius similitudinem gerat.

Ad primum ergo dicendum, quod quavis significatio non sit de ratione curatio-

nis simpliciter, est tamen de ratione curationis talis quæ sit per sacramenta, ut ex dictis patet.

Ad secundum dicendum, quod res sensibiles non sunt signa divinorum, ut sunt sacramenta, sed ut sunt in seipsis sacra. Sacramentum autem debet intelligi signum rei sacrae, ut est sacras: & ideo oportet quod omnes res sensibiles sint sacramenta.

Ad tertium dicendum, quod quavis serpens æneus esset signum rei sacrae sacrae, non tamen inquantum sacras est actu: quia non ad hoc adhibebatur ut aliquis sanctificationis effectus perciperetur, sed solum effectus exterioris curationis: & similis est ratio de imagine crucis, quæ ponitur tantum ad representandum.

Ad quartum dicendum, quod sacramenta novæ legis tria (c) significant; scilicet causam primam sanctificantem, sicut baptisumus mortem Christi; & quantum ad hoc sunt signa rememorativa. Item significant effectum sanctificationis quam faciunt; & hæc significatio est eis principalis; & sic sunt signa demonstrativa. Nec obstat, si aliquis sanctitatem non recipit: quia non est ex defectu sacramenti, quod, quantum in se est, natum est gratiam conferre. Item significant finem sanctificationis, scilicet æternam gloriam; & quantum ad hoc sunt signa prognostica. Sacramenta vero veteris legis erant totaliter signa prognostica.

Ad quintum dicendum, quod signum, quantum est in se, importat aliquid manifestum quo ad nos, quo manuducimur in cognitionem alicuius occulti. Et quia ut frequentius effectus sunt nobis manifestiores causis, ideo signum quandoque contra causam dividitur, sicut demonstratio quia est quæ dicitur esse per signum a communi, ut in I. Physicor. (text. 1v.) dicitur; demonstratio autem propter quid est per causam. Quandoque autem causa est manifesta quo ad nos, urpote cadens sub sensu; effectus autem occultus, ut si expectatur in futurum: & tunc nihil prohibet causam signum sui effectus dici.

SOLUTIO II.

Ad secundam questionem dicendum, quod, sicut dictum est, signum importat aliquod notum quo ad nos, quo manuducimur in alterius cognitionem. Res autem primo notæ nobis, sunt res cadentes sub sensu, a quo omnis nostra cognitio ortum ha-

(a) *Al. additur significat.* (b) *Nicolas: oportet ut subintelligatur talis modus significandi qui est per similitudinem rei sensibilis illud addere quod Magister &c.* (c) *Al. hic, & infra signant.*

habet: & ideo signum quantum ad primam sui institutionem significat aliquam rem sensibilem, prout per eam manuducimur in cognitionem alicuius occulti: & sic Magister accipit hic signum. Contingit autem aliquando quod aliquod magis notum quo ad nos, etiam si non sit res cadens sub sensu, quasi secundaria significatione dicatur signum; sicut dicit Philosophus in II. Ethic. (cap. 11. vel 111.) quod signum generati habitus in nobis, oportet accipere hientem in opere delectationem, quæ non est delectatio sensibilis, cum sit rationis.

Ad primum ergo dicendum, quod definitio illa non est per oppositas res, sed per oppositas rationes: unde etiam ibidem dictum est, quod omne signum est res.

Ad secundum dicendum, quod in rebus intelligibilibus sit processus ab his quæ sunt notiora simpliciter, sicut patet in mathematicis: unde ibi effectus non sunt signa causarum, sed in rebus sensibilibus.

Ad tertium dicendum similiter de locutione Angelorum, quod sit per ea quæ sunt notiora simpliciter: unde non possunt proprie dici signa, sed quasi transumptive.]

SOLUTIO III.

Ad tertiam questionem dicendum, quod illa definitio Magistri completissime rationem sacramenti designat, prout nunc de sacramentis loquimur. Ponitur enim efficientia sanctitatis in hoc quod dicitur: *Ut causa existat*: & modus competens homini quantum ad cognitionem, in hoc quod dicitur: *Invisibilis gratia visibilis forma*: & modus significationis homini connaturalis, scilicet ex similitudine sensibilium, in hoc quod dicitur: *Ut imaginem gerat*.

Ad primum ergo dicendum, quod quia visus est nobilior interactio sensus, & plures differentias rerum offendit, ut dicitur in I. Metaph. (cap. 1.) ideo, ut Augustinus dicit (Lib. X. Confess. cap. xxxv.) nomen visus ad omnes alios sensus extenditur: & ideo visibilis ponitur hic profensibili communiter.

Ad secundum dicendum, quod forma sumitur hic communiter pro figura, secundum quod est in quarta specie qualitatibus, & non pro forma exemplari: quia per mutationem figuræ imaginibus aliquid representamus. Vel si sumatur pro forma exemplari, hoc (a) est in quantum sacramenta sunt quodammodo causæ invisibilis gratiæ, & ita in via generationis præcedunt

S. Th. Oper. Tom. XII.

(a) A. effect.

quamvis quantum ad institutionem imitentur.

Ad tertium dicendum, quod character baptismalis, & corpus Christi verum non dicuntur sacramenta, nisi secundum quod coniunguntur signis sensibilibus.

Ad quartum dicendum sicut ad secundum, quod forma quæ est figura, non habet oppositionem ad imaginem, cum figura imago dicatur.

Ad quintum dicendum, quod sacramentum non dividitur per sacramenta veteris, & novæ legis, sicut genus per species, sed sicut analogum in suas partes, ut sanum in habens sanitatem, & significans eam. Sacramentum autem simpliciter est quod causat sanctitatem. Quod autem significat tantum, non est sacramentum nisi secundum quid. Et ideo esse causam potest poni in definitione sacramenti, sicut habens sanitatem in definitione sani.

SOLUTIO IV.

Ad quartam questionem dicendum, quod definitio illa Augustini, si tamen in verbis illis sacramentum definire intendit, datur de sacramento quantum ad id quod est principale in ratione ipsius, scilicet causare sanctitatem. Et quia sacramenta non sunt primæ causæ sanctitatis, sed quasi causæ secundariæ, & instrumentales; ideo definiuntur sacramenta ut sanctificationis instrumenta. Actio autem non attribuitur instrumentis, sed principali agenti, cuius virtute instrumenta ad opus applicantur, prout sunt mota ab ipso: & ideo sacramenta non dicuntur esse sanctificantia, sed quod in eis divina virtus occulta existens sanctificat.

Ad primum ergo dicendum, quod sacramentum est causa, & signum. Est quidem causa instrumentalis; & ideo virtus agentis principalis occulte in ipso operatur, sicut virtus artis, vel artificis in terra. Sed in quantum est signum, est ad manifestandum huiusmodi occultationem; ut sic ante significationem sit occultum, sed postquam significatio facta est actu, sit manifestum.

Ad secundum dicendum, quod hoc contingit per accidens ex defectu recipientium. Definitiones autem respiciunt hoc quod per se est, sicut quod ignis calefacit, quantum in se est, quamvis ex parte passivi impediti possit.

Ad tertium dicendum, quod in sacramentis Deus operatur salutem sicut in instrumentis, quibus mediantebus salus causatur;

B

tur; sed in hominibus sicut in subiectis recipientibus salutem : & ideo ratio non sequitur.

SOLUTIO V.

Ad quintam questionem dicendum, quod definitio Hugonis de sancto Victore eadem est cum definitione quam Magister in littera ponit, hoc excepto quod addit causam significationis, quæ est institutio, & causam efficientiæ, quæ est sanctificatio. Idem enim est dictum *materiale elementum exterius oculis suppositum*, & *ex institutione significans*, quod *invisibilis gratiæ visibilis forma*; & *ex similitudine representans*, idem est ei quod dicitur, *ut imaginem gerat*: & *ex sanctificatione invisibilem gratiam continens*, idem est ei quod dicitur, *ut causa existat*.

Ad primum ergo dicendum, quod sicut formæ artificiales sunt accidentales, tamen in artificialibus tota substantia est materia, & propter hoc prædicatur, ut dicatur, Phiala est aurum; ita etiam cum in sacramentis forma non det esse substantiale, sed accidentale in genere causæ, & signi, non est inconveniens ut materia sacramenti de ipso prædicetur, & in eius definitione sicut genus ponatur: hoc enim etiam in aliis accidentibus contingit, ut dicitur in VII. Metaph. (text. iv.) ut cum dicitur: Simum est nasus curvus.

Ad secundum dicendum, quod elementum accipitur communiter pro quolibet corporali visibili, sive sit elementum simplex, sive elementatum: (a) & utimur tali modo loquendi propter verbum Augustini, qui dicit (in Ioan. tract. lxxx.) *Accedit verbum ad elementum, & fit sacramentum*. In baptismo enim, qui est sacramentum ianuæ, materia est elementum simplex.

Ad tertium dicendum, quod inter corporalia & spiritualia non attenditur similitudo per participationem eiusdem qualitatis, sed per proportionalitatem, quæ est similitudo proportionatorum, ut sicut se habet aqua ad delendas maculas corporales, ita gratia ad abluendum spirituales: & secundum hunc modum similitudinis transferuntur etiam corporalia ad spiritualia.

Ad quartum dicendum, quod res sensibilis secundum prædictam similitudinem ex naturali proprietate pluribus est conformis: & ideo quantum est de se, æqualiter potest quodlibet illorum significare. Ad hoc ergo quod ad unum determinetur, & sic sua significatio sit cæta, oportet quod ac-

cedat institutio, quæ ad unum determinet: (b) quia etiam representatio, quæ est ex similitudine naturalis proprietatis, importet aptitudinem quamdam ad significandum, attamen determinatio, & complementum significationis ex institutione est.

ARTICULUS II.

Utrum sacramenta fuerint necessaria post hominis lapsum.

III. P. quæst. lxii. art. 3.

1. **A**D secundum sic proceditur. Videtur quod sacramentis humanum genus etiam post lapsum non indigeat. Per gratiam enim, & virtutes peccati vulnera sanantur in nobis: quia gratia a sanctis dicitur sanitas, & decor animæ. Philosophus etiam in II. Ethic. (cap. 11.) comparat virtutem sanitati corporali. Cum ergo sacramenta sint instituta ut medicinæ peccati, ut Hugo de sancto Victore dicit (Lib. I. de sacram. fidei part. viii. cap. xii.) videtur quod eis non indigemus.

2. Præterea. Contraria contrariis curantur. Sed homo morbum peccati incurrerat, se per affectum rebus temporalibus subiicendo. Ergo videtur inconveniens modus curationis ut sub rebus sensibilibus humilietur, sicut Magister dicit.

3. Præterea. Id quod est causa occultationis, & erroris, non prodest ad eruditionem. Sed tradere spiritualia sub signis corporalibus est occultatio quædam spiritualium: unde & pluribus est causa erroris, sicut patet de illis qui Deum credebant per lineamenta corporalia distingui propter modum loquendi symbolicum in Scripturis. Ergo non facit ad eruditionem nostram sacramentorum exhibitio, ut Magister dicit.

4. Præterea. I. Tim. vi. 8. *Corporalis exercitatio ad modicum utilis est*. Sed exercitatio quæ fit in sacramentis, est corporalis: quia res quæ in usum veniunt, corporales sunt. Ergo eis non indigemus propter exercitationem, ut iterum Magister dicit.

Sed contra. Augustinus dicit contra Faustum (Lib. XIX. cap. xi.) quod omnis religio habuit aliqua signa exteriora, in quibus conveniebant (c) ad Deum colendum. Sed in Ecclesia Dei, post peccatum in hoc mundo peregrinante, est verissima religio. Ergo oportet in ea esse huiusmodi signa:

(a) *M.* & unicus. (b) *M.* dicit quia. (c) *M.* ad eum.

signa : & hæc sunt sacramenta : ergo indigemus eis.

Præterea . Medicina vulneri debet esse proportionata . Sed vulnus peccati devenerat in humano genere usque ad corpus , in quo habitat lex peccati , ut dicitur Rom. vii. Ergo debuit medicina etiam per aliqua corporalia ei parari . Sed huiusmodi sunt sacramenta . Ergo sacramentis homo in statu naturæ lapsæ indiget .

QUAESTIUNCULA II.

1. Ulterius . Videtur quod etiam ante peccatum homo eis indiguisset . Homo enim etiam ante peccatum gratia indigebat , ut in II. Lib. (dist. xxiv. art. 4. ad 2.) dictum est . Sed sacramenta sunt instituta ad gratiæ collationem . Ergo homo eis in statu innocentie indiguisset .

2. Præterea . Dionysius in 1. cap. eccles. hierarch. assignat hanc causam institutionis huiusmodi sensibilibus figurarum in sacramentis : quia per huiusmodi (a) sensibiles figuras materiale nostrum melius reducit ad spiritualia , propter connaturalitatem cognitionis innotæ ad sensibilia . Sed homo in statu innocentie materialis erat , & ex sensibilibus cognitionem accipiens , propter quod etiam in paradiso dicitur positus ad operandum , ut naturales vires rerum experiretur . Ergo & tunc indiguit huiusmodi sacramentis .

3. Præterea . Matrimonium sacramentum quoddam est . Hoc autem in paradiso fuit institutum in statu innocentie , ut patet Gen. ii. Ergo in statu innocentie homo sacramentis indiguisset .

Sed contra . Matth. ix. 12. *Non opus est (b) sanis medico*, nec etiam medicina . Sed Hugo de sancto Victore dicit (Lib. I. de sacram. part. ix. cap. 111. & iv.) quod sacramenta sunt : vasa medicinalia . Ergo non erant in statu innocentie necessaria , cum morbus non erat .

Præterea . Sacramenta virtutem sortiuntur ex passione Christi : unde & de latere ipsius in cruce pendentis fluxisse dicuntur . Sed si homo non peccasset , Christi passio non fuisset . Ergo nec sacramenta .

QUAESTIUNCULA III.

1. Ulterius . Videtur quod in statu legis naturæ sacramenta non fuerunt necessaria . Non minus enim est necessaria eruditio quæ fit per præcepta quam illa quæ fit per sacramenta . Sed præcepta non fuerunt alia

data ad bene vivendum , præter ea quibus naturali ratione ad bene vivendum informabantur . Ergo videtur quod nec sacramenta debuerunt pro tempore illo institui , cum ea lex naturalis non diceret : quod patet ex hoc quod non sunt eadem apud omnes , & secundum omne tempus .

2. Præterea . Sacramenta , quando instituta sunt , necessaria sunt ad salutem , ut patet Ioan. 111. 5. *Nisi quis renatus fuerit ex aqua , & Spiritu sancto , non possit introire in regnum Dei* . Sed ea quæ ante legem scriptam videntur esse sacramenta , erant voto celebrata , & non necessitate , ut Hugo de sancto Victore dicit (Lib. I. de sacram. part. x. cap. 111. iv. v.) Ergo non erant sacramenta , & per consequens nec necessaria .

Sed contra . Secundum Hugonem (de sacram. Lib. I. part. viii. cap. xii.) Quandocumque fuit morbus , fuit & medicina morbi . Sed in statu legis naturæ erat morbus peccati . Ergo necessaria erat sacramentorum medicina .

QUAESTIUNCULA IV.

1. Ulterius . Videtur quod nec debuerunt supra illa sacramenta legis naturæ alia superaddi in lege Moyfi . Quod enim superadditur alteri , debet esse magis ad perfectionem accedens . Sed sacramenta quæ fuerunt in lege naturæ , erant propinquissima perfectis sacramentis , quæ sunt in lege nova , ut patet de oblatione Melchisedech . Ergo non debuit fieri superadditio per legem Moyfi .

2. Præterea . Superadditio ad id quod bonum erat , vel mutatio eius , non debet fieri , nisi propter meliorationem . Sed sacramenta veteris legis non habebant alium effectum meliorem effectui sacramentorum (c) legis naturæ : quia utraque sacramenta significabant tantum . Ergo non debuit fieri aliqua mutatio ipsorum , vel superadditio ad ea .

Sed contra . Sacramenta , ut Magister in littera dicit , ad eruditionem instituta sunt . Sed secundum Gregorium (hom. xvi. in Ezech.) per incrementum temporum crevit scientia sanctorum patrum , & fides etiam magis explicata est , ut in III. dist. xxv. (quæst. 111. art. 2. quæstiunc. 1.) dictum est . Ergo oportuit in lege Moyfi alia sacramenta addi sacramentis legis naturæ .

B 2

QUAE-

(a) *Al. dicit sensibiles figuras*. (b) *Vulgata valentius*. (c) *Al. novæ legis*.

QUAESTIUNCULA V.

1. Ulterius. Videtur quod in lege nova non debuerunt aliqua sacramenta remanere. Veniente enim veritate, cessat figura. Sed gratia, & veritas iam per Christum Iesum facta est: Ioan. 1. Non ergo indigemus sacramentis gratiam ipsius, & veritatem signantibus.

2. Præterea. Apostolus Galat. 3. dicit, quod antiqui patres erant sub elementis mundi servientes, sicut pueri sub pedagogo usque ad prænitium tempus a patre. Sed tempus plenitudinis est tempus incarnationis, ut ibidem dicitur. Ergo cum sacramentum sit materiale elementum, videtur quod ex tunc non debuerimus sub sacramentis salutem querere.

Sed contra. Quando est tempus medicandi, tunc magis necessariae sunt medicinae. Sed tempus aptissimum spirituali medicationi est tempus gratiae: unde in Psal. c1. tempus miserendi, annus benignitatis Dei dicitur. Ergo in statu gratiae maxime necessariae sunt sacramenta, quae sunt medicinae quaedam.

SOLUTIO I.

Respondet dicendum ad primam questionem, quod sacramenta non erant necessaria necessitate absoluta, sicut necessarium est Deum esse, cum ex sola divina bonitate instituta sint, sed de necessitate quae est ex suppositione finis; non ita tamen quod sine his Deus hominem sanare non posset, quia sacramentis virtutem suam non alligavit, ut in littera dicitur (sicut cibis necessarius est ad vitam humanam) sed quia per sacramenta magis congrue fit hominis reparatio; sicut equus dicitur necessarius ad iter, quia in equo facilius homo vadit. Huiusmodi autem congruitatis causa potest accipi ex hoc quod homo per peccatum praecipue circa sensibilia corruptus erat, eis detentus ne in Deum surgeret posset. Erat autem praedicta corruptio quantum ad cognitionem: quia humana mens circa sensibilia tantum occupari solet, intantum ut quidam nihil extra sensibilia crederent, & si qui ad cognitionem intelligibilem pervenirent, ea secundum modum rerum sensibilibus iudicabant. Si-

militer quantum ad affectionem: quia eis quasi summis bonis inhærebant, Deo postposito. Similiter etiam quantum ad actionem: quia homo eis inordinate utebatur. Necessarium ergo fuit ad curationem peccatorum ut homo ex sensibilibus in spiritualia cognoscenda proficeret, & ut affectum quem circa ea habebat, in Deum referret, & ut eis ordinate, & secundum divinam institutionem uteretur: & ideo necessaria fuit sacramentorum institutio, per quae homo ex sensibilibus de spiritualibus eruditur; & hæc est secunda causa quam Magister ponit: per quae etiam affectum, qui sensibilibus subicitur, in Dei reverentiam refertur; & hæc est prima causa: per quae etiam circa ea in honorem Dei excitaretur; & hæc est tertia causa.*

Ad primum ergo dicendum, quod gratia, & virtutes sanant formaliter, sicut sanitas; sed sacramenta quodammodo effective, sicut medicinae quaedam. Unde sicut non sequitur: Sanitas sanat: ergo medicinae non sunt necessariae: ita nec hæc: Gratia sanat: ergo sacramenta non sunt necessaria: sed magis posset contrarium concludi.

Ad secundum dicendum, quod per eadem contrarium modo fit virtus, & corrumpitur, ut in 11. Ethic. (cap. vii.) Unde sicut corruptio virtutis facta est in homine per hoc quod se sub sensibilibus rebus humiliavit propter ipsa sensibilia; ita reparatio virtutis convenienter fit per hoc quod homo sub eis humiliatur propter Dei reverentiam; & sic contraria contrariis curantur, quia contraria debent accipi circa idem.

Ad tertium dicendum, quod remanentibus in sensibilibus praedictus modus (*) tradendi spiritualia est occultus erroris occasio; a quibus etiam congruum est sancta occultare, ut Dionysius dicit (eccl. Hier. cap. 1.) Sed eis qui instruuntur ex sensibilibus (b) in spirituales intellectus constringere, est valde congruus: quia est conformis naturali cognitioni, quae ex sensibilibus cognitionem intellectus accipit.

Ad quartum dicendum, quod corporalis exercitatio secundum se accepta ad modicum utilis est in comparatione ad pietatem, ut ibi Apostolus intendit; sed si eis

(a) *ut. trahendi.* (b) *ut. deest in.*

EX EDIT. P. NICOLAI.

* Hæc tres causae quae postea dicuntur a Magistro, mutuatae sunt ex Hugone Lib. I. de Sacram. cap. 1. & aliibi non semel.

pietas adiungatur, sicut fit in sacramentis, quæ ad religionis pietatem pertinent, est valde utilis.

SOLUTIO II.

Ad secundam quæstionem dicendum, quod utilitas sacramentorum est eruditio, & curatio. Quantum autem ad curationem omnibus patet quod non erant necessaria sacramenta in statu innocentiz, cum tunc morbus non esset. Sed quidam dicunt, quod erant necessaria quantum ad eruditionem: quia homo in statu etiam illo sensibilibus utebatur, & ita ex sensibilibus ei spiritualia significari congruebat. Sed hoc non videtur conveniens: quia significatio fit ad acquirendum cognitionem de eo quod significatur. Quamvis autem in primo statu sensibilia cognosceret, & in eis etiam spiritualium similitudines inspiceret; non tamen ex sensibilibus spiritualium cognitionem accepit, sed magis ex influentia divini luminis: & ideo sacramentis ad eruditionem non indigebat. Et hoc etiam in litteris Magister videtur significare: quia refert hoc quod de eruditione dicit, ad defectum cognitionis qui est in statu peccati. Et ideo dicendum est cum aliis, quod in statu innocentiz sacramenta non fuissent necessaria.

Ad primum ergo dicendum, quod sacramenta non sunt instituta ad gratiam conferendam, nisi prout gratia est sanans formaliter morbum peccati: & sic in statu innocentiz homo gratia non indigebat.

Ad secundum dicendum, quod in statu innocentiz superiores partes hominis omnino inferioribus dominabantur: & ideo quamvis homo haberet sensus, & materialis esset, non tamen intellectus ex sensibilibus cognitionem accipiebat, sed ex influentia divini luminis habebat. Sed quia experientia etiam eorum quæ prius sciebamus, delectabilis est, ideo operabatur ad experiendum naturæ vires, non ut ex hoc habitum scientiæ acciperet, sed ut ex visione experimentalis eorum quæ sciebat, delectaretur.

Ad tertium dicendum, quod matrimonium non fuisset in statu innocentiz in remedium, sed in officium. Et quia sacramenta remedia sunt, ideo proprie loquendo, non fuisset sacramentum, nisi forte in quantum rem sacram significabat: (a) & non quidem illius sacræ rei, scilicet con-

iunctionis Christi, & Ecclesiæ, per huiusmodi matrimonium homo in statu illo cognitionem accepisset; sed magis e converso ex cognitione prædictæ coniunctionis convenientiam, & sanctitatem matrimonii cognovisset.

SOLUTIO III.

Ad tertiam quæstionem dicendum, quod ea quæ ab homine sunt, a cognitione ortum oportet habere; alias non essent humanæ opera: unde oportet quod operatio cognitioni respondeat, sicut effectus causæ. In statu autem legis naturæ non sufficiebat ad salutem sola naturalis cognitio, sed exigebatur fides aliquorum quæ supra rationem sunt; & post lapsum exigebatur fides de reparatore, per quem erat medicina morbi: & ideo in statu illo non tantum erant necessaria opera quæ sunt de distamine legis naturalis, sed etiam alia quæ essent protestationes, & signa eorum quæ ad reparationem pertinebant: & hæc erant illius temporis sacramenta, sicut sacrificia, decimæ, oblationes, & huiusmodi.

Ad primum ergo dicendum, quod præcepta quæ ordinant ad bene vivendum, sunt præcepta legis naturæ, quæ respondent cognitioni naturali. Et quia cognitio naturalis sufficienter ea dictabat, nondum per contrariam consuetudinem omnino obtenebrata, ideo non erat tanta necessitas ut eorum expressio fieret, sicut sacramentorum, quæ supernaturali cognitioni respondent.

Ad secundum dicendum, quod ante legem scriptam erant quedam sacramenta necessitatis, sicut illud fidei sacramentum quod ordinabatur ad deletionem originalis peccati: & similiter pœnitentia, quæ ordinabatur ad deletionem actualis: & similiter matrimonium, quod ordinabatur ad multiplicationem humani generis. Sed sacrificia, & oblationes, & huiusmodi erant (b) necessitatis in communi, ut scilicet aliquid facerent in protestationem fidei suæ, qua Deo per latræ religionem subieci erant; sed in speciali erant voluntatis, utrum scilicet deberent sacrificia exhibere, vel oblationes, vel aliquid huiusmodi.

SOLUTIO IV.

Ad quartam quæstionem dicendum, quod cum sacramentorum usus fidei proportionaliter

(a) Nicolai: ut non quidem illius sacræ rei, sicut coniunctionis. Al. & non quidem ut illius dec. (b) Al. necessitatis, & necessitatis.

liter respondeat, sicut dictum est, oportuit quod secundum diversum statum fidei diversimode sacramenta traderentur. Fides autem quantum ad articulum explanationis semper magis & magis crevit secundum propinquitatem temporis gratiæ, ut in III. Lib. dist. xxv. dictum est; & secundum hoc oportuit sacramenta magis ac magis determinari. Et propter hoc quia in Abraham fides primo habuit quasi notabilem quantitatem, ut propter fidei religionem ab aliis separaretur (unde & pater fidei dicitur) ideo sibi signaculum, sive sacramentum fidei determinatum fuit, scilicet circumcisio. Et quia tempore Moyse iam fides ad tantam quantitatem devenerat ut non solum in uno homine resurgeret, vel in familia, sed in una tota gente, populo Dei multiplicato; ideo oportuit & legem dari, quæ non nisi populo ferri potest (unde legis positio est pars politicæ, non œconomicæ, vel monasticæ) & sacramenta in speciali determinari, & multiplicari: & propter hoc necessarium fuit in lege Moyse determinari sacrificia, oblationes, & decimas quantum ad omnes singulas circumstantias; & matrimonia ordinari, & pœnitentiæ satisfactions. distinguere.

Ad primum ergo dicendum, quod quamvis oblatio Melchisedech perfectissime representaret nostrum sacrificium quantum ad materiam, tamen etiam oportuit multas alias circumstantias representari, sicut modum sumendi, & passionem Christi, cuius est memoriale, quæ explicate significantur per agnum paschalem, & per alia legis sacramenta.

Ad secundum dicendum, quod quamvis non sit facta melioratio per sacramenta veteris legis quantum ad alium effectum in genere, scilicet causare; facta est tamen quantum ad eundem effectum, qui est significare, in quantum expressius, & pluribus modis futura gratiæ significabantur sacramenta.

SOLUTIO V.

Ad quintam questionem dicendum, quod eadem fides est modernorum, & antiquorum, ut Augustinus dicit (tract. xlv. in Ioan.) quia quem illi credebant venturum, nos credimus iam venisse: & ideo cum sacramenta fidei correspondeant, sicut protectiones ipsius, & ab ea (a) virtutem ha-

bentia, oportet quod sicut antiqui patres redemptionis Christi participes facti sunt per sacramenta quæ erant signa futuræ; ita & in nos redemptionis eius perveniat median-
tibus aliquibus sacramentis significan-
bus quod iam factum est, quæ sunt sacramenta novæ legis.

Ad primum ergo dicendum, quod, sicut dicit Dionysius in eccles. hier. (cap. iij.) status novæ legis medius est inter statum veteris legis, & statum cælestis patriæ: & ideo etiam ea quæ sunt novæ legis, & sunt veritas respectu signorum veteris legis, & sunt figuræ respectu manifestæ & plenæ cognitionis veritatis, quæ erit in patria: & ideo adhuc oportet in nova lege quod maneant aliquæ figuræ, quæ scilicet in patria, ubi erit plenaria perceptio veritatis, omnes (b) cessabunt.

Ad secundum dicendum, quod sacramenta legalia gratiam non continent; & ideo Apostolus ibidem nominat ea egena & vacua: & propter hoc qui eis subdebantur, erant sub elementis pure corporalibus. Sed non est simile de sacramentis, quæ gratiam invisibilem continent.

ARTICULUS III.

Utrum sacramenta consistant in verbis, & rebus.

III. P. quæst. lx. art. 5. & 6.

1. **A**D tertium sic proceditur. Videtur quod sacramenta non consistant in verbis, & rebus. Sacramentum enim est aliquid unum. Sed ex duobus quæ non sunt coniuncta, non potest aliquid unum fieri, nec unum potest esse forma alterius. Cum ergo verba, & res sint omnino separata, videtur quod ex eis non possit constare sacramentum, ut habeat pro forma verba, & res pro materia.

2. Præterea. Sicut in sacramentis requiruntur verba, ita & facta quedam, ut dicit Hugo de sancto Viatore (Lib. I. de de sacram. part. ix. cap. vi.) Sed facta non ponuntur de integritate sacramenti. Ergo nec verba.

3. Præterea. Sacramenta sunt ad significandum, & causandum. Sed utrumque horum potest fieri per res sine verbis. Ergo sacramenta non consistunt in his duobus.

4. Præterea. Sacramenta veteris legis erant

(a) *Al. additor sicut.* (b) *Al. superfluis figuræ: vel forte legendum: quia scilicet in patria tantum ubi est plenaria perceptio veritatis, omnes figuræ cessabunt.*

rant signa nostrorum sacramentorum. Sed in illis non crant aliqua verba determinata. Ergo nec in nostris esse debent.

5. Præterea. Pœnitentia, & matrimonium sunt quedam sacramenta. Sed de integritate eorum non sunt verba aliqua. Ergo hoc quod Magister dicit, non est verum de omnibus sacramentis.

Sed contra. Sacramenta ex similitudine repræsentant ea quæ circa Christum sunt gesta. Ergo cum in Christo fuerit verbum rei sensibili adiunctum, oportet quod hoc etiam sit in sacramentis.

Præterea. Medicina debet proportionari morbo. Sed morbus peccati hominem quantum ad animam, & corpus infecerat. Ergo oportet in sacramentis esse verba quæ respondeant animæ, & res quæ respondeant corpori.

Præterea. Secundum Hugonem (Lib. I. de sacram. part. ix. cap. 11.) sacramenta ex sanctificatione invisibilem gratiam continent. Sed creatura sanctificatur per verbum Dei: II. Tim. 1.1. Ergo oportet in sacramentis non solum res, sed etiam verba esse.

SOLUTIO.

Respondeo dicendum, quod hoc est commune in omnibus sacramentis quod consistant in rebus sensibilibus invisibilem gratiam significantibus. Sed hoc est speciale in sacramentis novæ legis quod rebus verba addantur propter tres rationes. Prima est, quia hæc sacramenta non solum significant opus redemptionis quæ per Christum est facta, sicut alia sacramenta, sed etiam ab ipsa Christi passione fluxerunt: & ideo sicut effectus proximi, habent suæ causæ imaginem quantum possunt; ut scilicet ex rebus, & verbis consistant, sicut Christus ex Verbo, & carne. Secunda ratio est, quia non solum sunt signa futurorum, sicut sacramenta veteris legis, sed præsentium, & præteritorum, ut prius dictum est; quæ possunt expressius significari quam futura, sicut & certius cognosci: & ideo, significatio verborum, quæ est expressissima, adiungitur significationi rerum. Tertia ratio est, quia gratiam continent ex sanctificatione, quæ fit per verbum Dei, ut dictum est.

Ad primum ergo dicendum, quod sacramentum est aliquid unum in genere signi,

vel causæ; quorum utrumque relationem importat. Non est autem inconveniens ut quæ sunt in se distincta, uniantur in relatione ad aliquid unum, sicut accidit de multis trahentibus navim, qui sunt una causa tractus navis. Et sicut pater, & mater sunt unum in generatione; sic etiam verba, & res sunt unum in causando, & significando, & per consequens efficiunt unum sacramentum. Et quia virtus causando est in rebus ex verbis significantibus, ut dictum est; ideo verba sunt formalia, & res materiales, per modum quo omne completivum forma dicitur.

Ad secundum dicendum, quod, sicut Hugo de sancto Victore (ubi sup.) dicit, ad sacramenta concurrunt verba, & res, & facta: sed facta pertinent ad usum, vel dispensationem sacramentorum; verba autem, & res sunt de essentia sacramenti. Et ideo Magister in his duobus dicit constare sacramenta, & non in factis. Vel dicendum, quod facta ad res reducantur.

Ad tertium dicendum, quod nec efficacia causando, nec expressio significanti poterat esse in rebus, nisi verba adiungerentur, ut dictum est.

Ad quartum dicendum, quod non est similis ratio de sacramentis veteris, & novæ legis, ut ex dictis patet.

Ad quintum dicendum, quod matrimonium secundum quod est in officium, & pœnitentia secundum quod est virtus, non habent aliquam formam verborum; sed secundum quod utrumque est sacramentum in dispensatione ministrorum Ecclesiæ consistens, utrumque habet aliqua verba; sicut in matrimonio sunt verba exprimentia consensum, & iterum benedictiones ab Ecclesia institutæ; in pœnitentia autem est absolutio sacerdotis votobenus facta.

ARTICULUS IV.

Utrum sacramenta novæ legis sint causa gratia.

III. Parte quæst. lxxi. art. 1. & 3.

1. **A**D quartum sic proceditur. Videtur quod sacramenta novæ legis non sint causa gratiæ. Dicit enim Bernardus in sermone de cena Domini: * *Sicut investitur Canonici*

EX EDIT. P. NICOLAI.

* Nempe in illo qui de baptismo, sacramenta aliarum, & potum abiectione inscribitur; ac verus est Bernardus, incipiens ab illis verbis, *Hic sunt dies*, non ut alius illegitimus, qui ei subnectitur, sic incipiens, *In verbis istis loquitur spiritus etc.*

nicus per librum, Abbas per baculum, Episcopus per anulum; sic divisiones gratiarum diversis sunt tradita sacramentis. Sed liber non est causa canonicatus, nec anulus episcopatus. Ergo nec sacramenta gratiæ.

2. Præterea. Si sunt causæ gratiæ, oportet quod sint secundum aliquod genus causæ. Sed constat quod non sunt materiales, nec formales, cum sint extra essentiam gratiæ; nec iterum sunt causæ finales, quia magis sacramenta propter gratiam habendam queruntur quam e converso: nec iterum causæ efficientes, quia solus Deus efficit gratiam, adeo quod nec Angelis, qui sunt nobiliores sensibilibus creaturis, hoc communicatur. Ergo nullo modo sacramenta sunt causa gratiæ.

3. Præterea. Nobilior est agens patiente, secundum Augustinum in XII. super Gen. (cap. xii.) & secundum Philosophum in III. de Anima (text. xix.) & iterum causa dignior est effectu. Sed tam anima rationalis, quam gratia prævalent sensibilibus elementis. Ergo sacramentum, quod est materiale elementum, ut prius dictum est, non potest agere in animam ad causandum gratiam in ipso.

4. Præterea. Omnis causa vel est univoca, vel æquivoca. In causa autem æquivoca est aliquid nobiliori modo quam in causatis, sicut calor in sole quam in aere; in causa autem univoca est aliquid eodem modo. Sed gratia non est in sacramentis neque eodem modo ut in anima, neque nobiliori modo. Ergo non sunt causa gratiæ nec univoca, nec æquivoca, & ita nullo modo.

5. Præterea. Sacramenta non causant gratiam in anima per modum influentiæ, quia sic crearent ipsam; nec iterum educunt eam de potentia materiæ, quia gratia non est in potentia naturali materiæ. Ergo nullo modo gratiam causant.

6. Præterea. In sacramento altaris transubstantiatur panis in corpus Christi, quod non potest fieri nisi virtute infinita, qualis non est virtus formæ illius sacramenti. Ergo virtus illa non causat dictam transubstantiationem, & eadem ratione nec alia sacramenta causant quod significant.

Sed contra. Hæc differentia assignatur communiter inter sacramenta novæ legis & veteris, quod sacramenta novæ legis efficiunt quod figurant, quod sacramentis veteris legis non competit. Figurant autem sacramenta invisibilem gratiam. Si ergo sa-

cramenta novæ legis gratiam non causant, non differunt in aliquo a sacramentis veteris legis.

Præterea. Augustinus dicit (tract. lxxx. in Ioan.) quod aqua baptismi corpus tangit, & cor abluit. Sed cor non abluitur nisi per gratiam. Ergo sacramenta novæ legis gratiam causant.

QUAESTIUNCULA II.

1. Ulterius. Videtur quod in sacramentis non sit aliqua virtus specialis ad gratiam inducendam. Quod enim non est in aliquo genere entium, non est ens. Sed huiusmodi virtus non potest reduci ad aliquod decem generum: quia non est forma substantialis, ut per se patet: neque in aliquo aliorum generum præter qualitatem; nec etiam in qualitatem, ut patet differententi per quatuor species qualitatis. Ergo non est ens.

2. Præterea. Constat quod sacramenta non habent a seipsis huiusmodi virtutem. Si ergo est in eis, oportet quod a Deo habeant eam: nec est assignare, ut videtur, quando eis data sit. Non enim in ista institutione sacramentorum dari eis potuit: quia res istæ, & hæc verba tunc non erant, & non enti nihil datur: nec iterum quotidie eis dat hanc virtutem: quia creatio dicitur esse hoc tempore solum quantum ad animas rationales, & quantum ad gratiam: nec alio modo potest eis dari, nisi in eis (a) creetur: nec iterum est probabile quod tam nobilis virtus creetur in verbis, quæ statim esse desinunt; & res etiam in brevi corrumpuntur. Ergo nullo modo huiusmodi virtus est in sacramentis.

3. Præterea. Dicta virtus non potest computari inter minima bona: quia sic ad gratiam inducendam, quæ est de maximis bonis, efficaciam non haberet: nec iterum inter media, cuiusmodi sunt animæ potentiæ, quibus homo bene, & male utitur: eadem ratione nec iterum inter maxima. Cum ergo non sit gratia, neque virtus mentis. Ergo non est aliquid bonum, & ita nihil est.

4. Præterea. Omne quod recipitur in aliquo, est in eo per modum recipientis: & inde est quod virtus spiritualis non potest esse in re corporali. Sed hæc virtus, quæ ordinatur ad gratiam inducendam, est maxime spiritualis. Ergo non potest esse in rebus corporalibus.

5. Præterea. Unius sacramenti non potest

(a) Al. hic, & max crearetur.

est esse nisi una virtus, cum sit ad unum effectum. Sed una virtus non potest esse in diversis. Ergo cum in sacramento sint plura, scilicet verba, & res, videtur quod non possit in sacramento esse aliqua virtus ad gratiam inducendam.

Sed contra est quod Augustinus dicit (ubi supra) *Qua est vis aquae, ut corpus tangat, & cor abluit*. Ergo habet aliquam virtutem. Similiter etiam Beda dicit (super Luc. cap. 11.) quod Christus tactum mundissima suae carnis vim regenerativam contulit a quis.

Præterea. Sacramenta medicinæ quædam sunt. Sed omnis medicina habet aliquam virtutem, per quam sit efficax. Ergo & in sacramentis est aliqua virtus.

QUAESTIUNCULA III.

1. Ulterius. Videtur quod hæc virtus non sit in sacramentis a passione Christi. Christus enim, secundum quod homo, non dat Spiritum sanctum, neque gratiam causat, ut in 1. Lib. dist. xiv. (quest. 111. art. unic.) dictum est. Sed passio convenit ei secundum quod homo. Ergo efficacia virtutis quæ est in sacramentis ad gratiam causandam, non potest esse a Christi passione, sed ab eius Divinitate.

2. Præterea. Rom. iv. 25. dicitur, quod *resurrexit propter iustificationem nostram*. Sed iustificatio fit per infusionem gratiæ. Ergo magis a resurrectione sacramenta prædictam virtutem habent.

3. Præterea. Sacramenta dicuntur a fide efficaciam habere. Sed fides non solum est de passione, sed etiam de aliis articulis. Ergo non solum a passione efficaciam habent.

Sed contra. Rom. v. super illud, *Similitudinem prævaricationis Adæ*, dicit Glossa: „Ex latere Christi profluerunt sacramenta, per quæ salvata est Ecclesia.“ Hoc autem factum est in passione. Ergo ex passione efficaciam habent.

Præterea. Sacramenta sunt medicinæ contra peccata. Sed peccata sunt ablata per Christi passionem: quia mortuus est propter delicta nostra: Rom. v. Ergo a passione efficaciam habent.

QUAESTIUNCULA IV.

1. Ulterius. Videtur quod sacramenta novæ legis non continent gratiam. Idem est S. Thom. Oper. Tom. XII.

EX EDIT. P. NICOLAI.

nim est subiectum gratiæ, & gloriæ. Sed nihil potest esse subiectum gloriæ, nisi creatura rationalis. Ergo nec in sacramento, quod est materiale elementum, potest esse gratia.

2. Si dicatur quod gratia non est in sacramentis sicut in subiecto, sed sicut in vase; contra. Esse in vase significat esse in loco, secundum Philosophum in IV. Physic. (text. xxiii.) Sed accidenti non competit esse in loco. Ergo non potest esse verum quod dictum est.

3. Præterea. Si Deus in sacramentis gratiam posuit, hoc non est nisi propter animam, in quam gratia transfundi debet. Sed non potest eadem gratia quæ est in sacramentis, in animam transfundi, quia accidens non transit de subiecto in subiectum. Ergo frustra esset ibi; & ita non est ibi: quia in operibus gratiæ minus est aliquid frustra quam in operibus nature.

4. Præterea. Secundum Philosophum in I. de Anima (text. xc.) spiritualia, etiam si sint in corporalibus, non dicuntur ab eis contineri, sed magis continere, sicut anima est in corpore, & continet ipsum. Sed gratia est res spiritualis. Ergo etsi sit in sacramentis corporalibus, non debet dici contineri ab eis.

Sed contra est quod dicitur in Glossa Gal. 11. quod sacramenta veteris legis dicebantur egea & inania, quia gratiam non continebant. Sed hoc non potest dici de sacramentis novæ legis. Ergo gratiam continent.

Præterea. Hoc patet per diffinitionem Hugonis de sancto Victore supra positam.

QUAESTIUNCULA V.

1. Ulterius. Videtur quod gratia quæ est in sacramentis, non differat ab illa quæ est in virtutibus, & donis. Gratia enim quæ est in sacramentis, est gratia gratum faciens, quia facit dignum vita æterna, ut patet de baptismo. Sed gratia gratum faciens est una tantum, quod patet ex unitate subiecti, quod est essentia animæ, & ex unitate effectus, quod est Deo acceptum facere. Ergo cum gratia quæ est in virtutibus, & donis, sit gratia gratum faciens, videtur quod eadem gratia sit hic, & ibi.

2. Præterea. Unum uni opponitur. Sed tam gratia quæ est in sacramentis, quam illa quæ est in virtutibus, opponitur peccato,

* Nullius nomen præferens, ex Augustino tamen mutata rect. ex. in Ioan.

cato, quia utraque peccatum destruit. Ergo est una tantum gratia.

3. Præterea. Idem est motus in natura a termino, & ad terminum. Sed gratia sacramentalis ordinatur contra peccatum, gratia autem virtutum ad perficiendum animam, & Deo coniungendum. Ergo est una gratia in sacramento.

Sed contra. Gratia in sacramento non datur nisi ei qui non fide accedit. Sed talis habet gratiam virtutum. Cum ergo nulli detur quod iam habet, videtur quod gratia quam accipit in sacramento, sit alia.

Præterea. Virtutes, & dona sunt connexa propter gratiam, ut in III. Lib. (dist. xxvi. quæst. unic. art. 2. & 3.) dictum est; non autem sacramenta. Ergo non est eadem gratia hic, & ibi.

SOLUTIO I.

Respondeo dicendum ad primam questionem, quod omnes coguntur ponere, sacramenta novæ legis aliquo modo causas gratiæ esse, propter auctoritates quæ hoc expresse dicunt. Sed diversis diversimode eas causas ponunt.

Quidam enim dicunt, quod non sunt causæ quasi facientes aliquid in anima, sed causæ sine quibus non: quia increata virtus, quæ sola effectus ad gratiam pertinentes in anima facit, sacramentis assistit per quamdam Dei ordinationem, & quasi passionem. Sic enim ordinavit, & quasi pepigit Deus, ut qui sacramenta accipiunt, simul ab ea gratiam recipiant, non quasi sacramenta aliquid faciant ad hoc. Et est simile de illo qui accipit denarium plumbeum facta tali ordinatione, ut qui habuerit unum de illis denariis, habeat centum libras a Rege: qui quidem denarius non dat illas centum libras, sed solus Rex accipienti ipsum. Et quia passio talis non erat facta in sacramentis veteris legis, ut accedentes ad ipsa gratiam acciperent, ideo dicebant gratiam non conferre, sed promittebant tantum. Sed hoc non videtur sufficere ad salvandum dicta sanctorum. Causa enim sine qua non, si nihil omnino faciat ad inducendum effectum vel disponendo, vel meliorando, quantum ad rationem causandi, nihil habebit supra causas per accidens; sicut album est causa domus, si edificator sit albus: & secundum hoc sacramenta essent causæ per accidens tantum sanctificationis. Illa enim ordinatio quam dicunt, sive passio, nihil dat eis de ratione causæ, sed solum de ratione signi; sicut et-

iam denarius plumbeus est solum signum indicans quis debet accipere. Quod autem est per accidens, omittitur ab arte, nec ponitur in definitione: unde in definitione sacramenti non poneretur causalitas prædicta, nec sancti multum curassent de ea dicere. Nec iterum sacramenta novæ legis, quæ differunt a sacramentis veteris legis secundum ordinationem prædictam, differrent ab eis secundum rationem causæ, sed solum quantum ad modum significandi, in quantum hæc significant gratiam ut statim dandam, illa vero non.

Et ideo alii dicunt, quod ex sacramentis duo consequuntur in anima. Unum quod est sacramentum, & res, sicut character, vel aliquis ornatus animæ in sacramentis in quibus non imprimitur character; aliud quod est res tantum, sicut gratia. Respectu ergo primi effectus sunt sacramenta causæ aliquo modo efficientes; sed respectu secundi sunt causæ disponentes tali dispositione quæ est necessitas, nisi sit impedimentum ex parte recipientis: & hoc videtur magis Theologis, & dictis sanctorum conveniens.

Ad cuius evidentiam sciendum est, quod causa efficiens dupliciter potest dividi. Uno modo ex parte effectus; scilicet in disponentem, quæ causat dispositionem ad formam ultimam; & perfectientem, quæ inducit ultimam perfectionem. Alio modo ex parte ipsius causæ in agens principale, & instrumentale. Agens enim principale est primum movens, agens autem instrumentale est movens motum. Instrumento autem competit duplex actio: una quam habet ex propria natura, alia quam habet prout est motum a primo agente; sicut calor ignis, qui est instrumentum virtutis nutritivæ, ut dicitur in II. de Anima (text. 1.) ex natura propria habet dissolvere, & confumere, & huiusmodi effectus; sed in quantum est instrumentum animæ vegetabilis, generat carnem. Sed sciendum, quod actio instrumenti quandoque pertingit ad ultimam perfectionem, quam principale agens inducit, aliquando autem non; semper tamen pertingit ad aliquid ultra id quod competit sibi secundum suam naturam, sive illud sit ultima forma, sive dispositio; alias non ageret ut instrumentum: sic qualitates activæ, & passivæ elementorum pertingunt instrumentaliter ad formas materiales educendas de materia, non autem ad productionem animæ humanæ, quæ est ab extrinseco.

Dicendum est ergo, quod principale agens respectu iustificationis Deus est, nec indiget ad hoc aliquibus instrumentis ex parte sua; sed propter (*) congruitatem ex parte hominis iustificandi, ut supra dictum est, utitur sacramentis quasi quibusdam instrumentis iustificationis. Huiusmodi autem materialibus instrumentis competit aliqua actio ex natura propria, sicut aquae ablucere, & oleo facere nitidum corpus; sed ulterius, inquantum sunt instrumenta divinae misericordiae iustificantis, pertingunt instrumentaliter ad aliquem effectum in ipsa anima, quod primo correspondet sacramentis, sicut est character, vel aliquid huiusmodi. Ad ultimum autem effectum, quod est gratia, non pertingunt etiam instrumentaliter, nisi dispositivè, inquantum hoc ad quod instrumentaliter effective pertingunt, est dispositio, quae est necessitas, quantum in se est, ad gratiae susceptionem. Et quia omne instrumentum agendo actionem naturalem, quae competit sibi inquantum est res quaedam, pertingit ad effectum qui competit sibi inquantum est instrumentum, sicut dolabrum dividendo suo acumine pertingit instrumentaliter ad formam scanni; ideo etiam materiale elementum exercendo actionem naturalem, secundum quam est signum interioris effectus, pertingit ad interiorem effectum instrumentaliter. Et hoc est quod Augustinus dicit, quod aqua baptismi corpus tangit, & cor abluit: & ideo dicitur, quod sacramenta efficiunt quod figurant. Et hunc modum iustificandi videtur Magister tangere in littera: dicit enim, quod homo non querit salutem in sacramentis quasi ab eis, sed per illa a Deo. Haec enim praepositio *a* denotat principale agens; sed haec praepositio *per* denotat causam instrumentalem.

Ad primum ergo dicendum, quod Bernardus, ut ex praecedentibus ibidem patet, non intendit ostendere similitudinem sacramentorum ad illa, nisi quantum ad significationem: quia anulus est signum, & baculus, & similes sacramenta: sed sacramenta ulterius sunt causae.

Ad secundum dicendum, quod reducuntur ad genus efficientis causae, non principalis, sed instrumentalis. Deus autem solus est causa gratiae quasi principale agens,

sed sacramenta quasi instrumentaliter, & dispositivè, ut dictum est, agentia sunt.

Ad tertium dicendum, quod agens non semper est nobilior patiente, simpliciter loquendo, sed inquantum est agens. Agit enim ignis, vel ferrum in corpus humanum, quod est simpliciter nobilior, quo tamen ignis est nobilior inquantum est actu calidus, & secundum hoc agit in corpus humanum: & sic non oportet quod res illae materiales quae sunt in sacramentis, sint simpliciter anima nobiliores, sed secundum quid, scilicet inquantum sunt instrumenta divinae misericordiae operantis ad iustificationem. Nec iterum oportet quod instrumentaliter agens sit simpliciter nobilior effectu: quia effectus non proportionatur instrumento, sed principali agenti, qui quoadque per vilia instrumenta nobiliores effectus inducit; sicut medicus perducit ad sanitatem per clysterem.

Ad quartum dicendum, quod causa univoca, vel non univoca, proprie loquendo, & simpliciter, sunt divisiones illius causae cuius est similitudinem habere cum effectu: hae autem est principalis agentis, & non instrumentalis, ut dicit Alexander*, secundum quod narrat Commentator in XI. Metaph. (text. xxrv.) Et ideo proprie loquendo, neque instrumentum est causa univoca, neque equivoca. Posset tamen reduci ad utrumlibet, secundum quod principale agens, in cuius virtute instrumentum agit, est causa univoca, vel non univoca.

Ad quintum dicendum, quod ex sacramentis causatur per modum influentiae gratia; nec tamen sacramenta sunt quae influunt gratiam, sed per quae Deus sicut per instrumenta animae gratiam influit.

Ad sextum dicendum, quod in transubstantiatione, cum sit quasi quidam motus, vel mutatio, duo sunt, scilicet recessus a termino, & accessus ad terminum. Verba ergo sacramentalia pertingunt instrumentaliter ad transubstantiationem quantum ad recessum a termino a quo; sed quantum ad accessum ad terminum ad quem, non pertingunt instrumentaliter, nisi dispositivè, sicut in aliis sacramentis accidit.

C 2 SO.

(*) *M. contrarietatem.*

EX EDIT. P. NICOLAI.

* Alexander nimirum ille Aphrodisius dictus, qui varia in Philosophum commentaria scripsit.

SOLUTIO II.

Ad secundam questionem dicendum, quod propter auctoritates inductas necesse est ponere aliquam virtutem supernaturalem in sacramentis. Sufficientes autem primam opinionem dicunt, quod illa virtus non est nisi quidam ordo ad aliquid. Sed hoc nihil est dictum: quia semper virtus nominat principium alicuius, praecipue prout sumitur hic pro virtute causae. *Ad aliquid* autem, sive relatio non potest esse principium actionis, vel terminus, ut probatur in V. Physic. (text. xix.) & ideo nullo modo ille ordo potest habere nomen virtutis, neque rationem. Et propter hoc dicendum aliter, quod virtus agendi proportionatur agenti. Unde alio modo oportet ponere virtutem agendi in agente principali; alio modo in agente instrumentali. Agens enim principale agit secundum exigentiam suae formae: & ideo virtus activa in ipso est aliqua forma, vel qualitas habens completum esse in natura. Instrumentum autem agit ut motum ab alio: & ideo competit sibi virtus proportionata motui: motus autem non est ens completum, sed est via in ens, quasi medium quid inter potentiam puram & actum purum, ut dicitur in III. Physic. (text. vi.) Et ideo virtus instrumenti inquantum huiusmodi, secundum quod agit ad effectum ultra id quod competit sibi secundum suam naturam, non est ens completum habens effectum fixum in naturam, sed quoddam ens incompletum, sicut est virtus immutandi visum in aere, inquantum est instrumentum motum ab exteriori visibili: & huiusmodi entia consueverunt intentiones nominari, & habent aliquid simile cum ente, quod est (a) in anima, quod est ens diminutum, ut dicitur in VI. Metaph. (text. iv.) Et quia sacramenta non faciunt effectum spirituales, nisi inquantum sunt instrumenta; ideo virtus spiritualis est in eis, non quasi ens fixum, sed sicut ens incompletum.

Ad primum ergo dicendum, quod ens incompletum, quod est in anima, dividitur contra ens distinctum per decem genera, ut patet in VI. Metaph. (ubi sup.) & ideo talia entia incompleta, per se loquendo, non sunt in aliquo genere, nisi per reductionem; sicut motus quantum ad suam substantiam reducitur ad illud genus in quo sunt termini motus, sicut imperfectum ad perfectum, quamvis ponatur in

praedicamento passionis, secundum quod importat ordinationem moventis ad motum, ut dicit Commentator in III. Physic. (text. comm. iv.) Unde & virtus haec quae est in sacramentis, reducitur ad id genus in quo est virtus completa principalis agentis, quae est qualitas, vel in qua esset, si in genere esset: quia virtus increata non est in aliquo genere.

Ad secundum dicendum, quod instrumentum datur virtus agendi instrumentaliter dupliciter. Uno modo quasi inchoative, quando instituitur in specie instrumenti; & ideo dicit Hugo, quod continet gratiam ex sanctificatione. Alio modo datur complete, quando actu movetur a principali agente, sicut quando carpentarius utitur ferra: & similiter complete datur virtus sacramentis in ipso usu sacramentorum. Nec est inconvenientens, si virtus quae motui proportionatur, datur rei statim, vel post modicum (b) desitura.

Ad tertium dicendum, quod sicut virtus praedicta non potest poni in aliquo genere entis, nisi per reductionem; ita nec constituitur in aliquo gradu boni, nisi per reductionem. Reducitur autem ad bona maxima, in quibus est gratia, quae quodammodo est complementum ipsius virtutis, quasi finis eius.

Ad quartum dicendum, quod in re corporali non potest esse virtus spiritualis secundum esse completum; potest tamen ibi esse per modum intentionis, sicut in instrumentis motis ab artifice est virtus artis, & sermo audibilis existens causa disciplinae, ut dicitur in Libro de sensu, & sensato (cap. 11.) continet intentiones animae quodammodo: (c) etiam in motu est virtus substantiae separatae moventis, secundum Philosophos, & semen agit in virtute animae, ut dicitur in I. de generat. animalium (cap. 11.)

Ad quintum dicendum, quod sicut virtus absoluta non est complete in quolibet congregatorum ad unam actionem, quam nullus per se perficere potest, sicut est detractio navis; sed est in omnibus simul, inquantum sunt omnes loco unius agentis, & sic virtus in eis existens suam retinet unitatem: ita etiam est de instrumentis, quando unum non sufficit; & sic etiam est in aliis multis quae exiguntur ad sacramentum: quia in omnibus est illa virtus simul accipiens complete, in singulis autem incomplete.

SO.

(a) *Ad. desit* in. (b) *Ad. deservire*. (c) *Exte* quo modo, vel sicut.

SOLUTIO III.

Ad tertiam quæstionem dicendum, quod instrumentum prædicto modo virtutem non accipit, nisi secundum quod principali agenti continuatur, ut virtus eius quodammodo in instrumentum transfundatur. Principale autem, & per se agens ad iustificationem est Deus sicut causa efficiens, & passio Christi sicut meritoria. Huic autem causæ continuatur sacramentum per fidem Ecclesiæ, quæ & instrumentum refert ad principalem causam, & signum ad signatum: & ideo efficacia instrumentorum, sive sacramentorum, vel virtus, est ex tribus, scilicet ex institutione divina sicut ex principali causa agente, ex passione Christi sicut ex causa prima meritoria, ex fide Ecclesiæ sicut ex continuante instrumentum principali agenti.

Ad primum ergo dicendum, quod Christus, secundum quod homo, est causa meritoria nostræ iustificationis; sed secundum quod Deus, est causa influens gratiam.

Ad secundum dicendum, quod resurrectio est causa iustificationis quantum ad terminum ad quem; sed sacramenta magis respiciunt terminum a quo: & ideo directius respiciunt passionem, quæ ad peccati deletionem principaliter quasi satisfactio quædam ordinatur.

Ad tertium dicendum, quod fides dat efficaciam sacramentis, in quantum causæ principali ea quodammodo continuatur, ut dictum est: & ideo fides passionis, a qua immediate, & directe sacramenta efficaciam habent, sacramentis efficaciam largitur.

SOLUTIO IV.

Ad quartam quæstionem dicendum, quod quia omne agens agit sibi simile, ideo effectus agentis oportet quod aliquo modo sit in agente. In quibusdam enim est idem secundum speciem: & ista dicuntur agentia univoca, sicut calor est in igne calefaciente. In quibusdam vero est idem secundum proportionem, sive analogiam, sicut cum sol calefacit. Est enim in sole aliquid quod ita facit eum calefacientem, sicut calor facit ignem calidum: & secundum hoc calor dicitur esse in sole æquivoce, ut dicitur in Libro de substantia orbis (cap. 11.) Ex quo pater quod illud quod est in effectu ut forma dans esse, est in agente in quantum huiusmodi ut virtus activa: & ideo sicut se habet ad virtutem activam, ita se habet ad continendam formam effe-

ctus. Et quia agens instrumentale non habet virtutem agendi ad aliquod ens completum, sed per modum intentionis, ut dictum est, & forma introducta continetur in eo per modum intentionis, sicut sunt species colorum in aere, a quibus aer non denominatur coloratus; etiam hoc modo gratia est in sacramentis sicut in instrumento, non complete, sed incomplete quantum ad quatuor. Primo quia in instrumento non est forma effectus secundum completam rationem speciei, sicut est in effectu iam completo, & in causa univoca. Secundo quia est in eo per modum intentionis, & non secundum completum esse in natura, sicut forma effectus est in causa principali non univoca secundum esse perfectum in natura, quamvis non secundum completam rationem illius speciei, sive formæ quam inducit in effectu, ut calor est in sole. Tercio quia non est in eo per modum intentionis quiescentis, sicut sunt intentiones rerum in anima, sed per modum intentionis fluentis duplici fluxu: quorum unus est de potentia in actum, sicut etiam in mobili est forma, quæ est terminus motus, dum movetur ut fluens de potentia in actum; & inter hæc cadit medium motus, cuius virtute instrumentum agit: alius de agente in patiens, inter quæ cadit medium instrumentum, prout unum est movens, & alterum morum. Quarto quia sacramentum etiam instrumentaliter non attingit directe ad ipsam gratiam, ut dictum est, sed dispositively.

Ad primum ergo dicendum, quod gratia non est in sacramentis sicut in subiecto, sed sicut in causa dispositiva instrumentalit; sed intentio illa quæ & virtus dicitur, est in sacramento sicut in subiecto.

Ad secundum dicendum, quod pulcherrime dictum est, gratiam contineri in sacramentis sicut in vase per quamdam similitudinem. Sicut enim quod est in vase, non denominat vas, sed in eo conservatur, ut possit inde accipi cum libet; ita gratia quæ continetur in sacramentis, non denominat ipsa, nec qualificat ea secundum aliquid esse completum, sed gratiam in eis accipere poterit qui eis uti voluerit.

Ad tertium dicendum, quod forma effectus quæ est in agente principali, vel instrumentali, non fit eadem numero in effectu. Nec propter hoc frustra est: quia non ad hoc ordinatur ut ipsamet in effectu fluat, sed ut ab ea, vel per eam similis fiat in effectu. Causa enim efficiens non

non reducitur in idem numero cum forma generati, sed in idem specie, ut patet in II. Phyl. (text. com. lxx.)

Ad quartum dicendum, quod continere dicuntur, inquantum aliquo modo sunt causa ipsius.

SOLUTIO V.

Ad quintam questionem dicendum, quod, sicut in II. Lib. xxvi. dist. (quest. unic. art. 3. & 4.) dictum est, gratia gratum faciens est una, & est in essentia animæ sicut in subiecto, & ab ipsa fluunt virtutes, & dona ad perficiendum potentias animæ, sicut etiam potentia fluunt ab essentia: & distinguuntur istæ virtutes secundum diversos actus, ad quos oportet potentias animæ perfici. Similiter etiam a gratia illa quæ est in essentia animæ, effluit aliquid ad reparandum defectus qui ex peccato inciderunt: & hoc diversificatur secundum diversitatem defectuum. Sed quia huiusmodi defectus non sunt ita noti sicut actus ad quos virtutes perficiunt; ideo hic effectus ad reparandum defectum non habet speciale nomen, sicut virtus, sed retinet nomen suæ causæ, & dicitur gratia sacramentalis, ad quam directe sacramenta ordinantur: quæ quidem non potest esse sine gratia quæ respicit essentiam animæ, sicut nec virtus. Sed tamen gratia quæ est in essentia animæ, non potest esse sine virtutibus: & ideo virtutes in ea habent connexionem. Potest autem esse sine gratia sacramentali; & ideo gratiæ sacramentales connexionem non habent. Et ita patet quod gratia quam sacramentum directe continet, differt a gratia quæ est in virtutibus, & donis; quamvis etiam illam gratiam per quamdam continuationem contineant.

Ad primum ergo dicendum, quod gratia gratum faciens, prout est in essentia animæ, est una; sed secundum quod fluit (a) ad defectus potentialium tollendos, & potentias perficiendas, multiplicatur.

Ad secundum dicendum, quod gratia virtutum opponitur peccato, secundum quod peccatum continet inordinationem actus; sed gratia sacramentalis opponitur ei secundum quod vulnerat naturale bonum potentialium.

Ad tertium dicendum, quod recessus a peccato, prout opponitur virtuti, & accessus ad perfectionem virtutis pertinent ad eandem gratiam; non autem recessus a

peccato secundum quod vulnerat naturam: quia requirit specialem medicinam, sicut in morbo corporali etiam patet.

ARTICULUS V.

Utrum sacramenta veteris legis gratiam conferrent.

III. P. quest. lxxi. art. 6.

1. Ad quintum sic proceditur. Videtur quod sacramenta veteris legis gratiam conferrebant. Ut enim supra dictum est, sacramenta a sacramento dicuntur, sicut ornatus ab ornando, & munimenta a muniendo. Sed sine gratia non potest aliquid sacrari. Ergo sacramenta veteris legis gratiam conferrebaant.

2. Præterea. In canone Missæ sit oratio, ut sacrificium Ecclesiæ Deo sit acceptum, sicut sacrificia antiquorum accepta fuerunt: & Dan. xii. petitur ut sacrificium humiliati, & contriti spiritus suscipiatur a Deo, sicut holocaustum arietum, & taurorum. Sed sacrificium Ecclesiæ, & sacrificium contriti spiritus gratiam conferunt. Ergo & sacramenta veteris legis gratiam conferrebaant.

3. Præterea. Hugo de sancto Victore dicit (Lib. I. de sacram. part. x. cap. lxxi.) quod ex quo homo ægrotare cepit, Deus in sacramentis suis medicinam paravit. Sed medicina non potest exhiberi contra morbum peccati nisi per gratiam. Ergo sacramenta antiquorum gratiam conferebant.

4. Præterea. Homo periculosus infirmabatur in affectu per concupiscentiam quam in intellectu per ignorantiam. Sed sacramenta contra ignorantiam figurabant futuram salutem. Ergo multo amplius contra concupiscentiam gratiam conferrebaant.

5. Præterea. Impossibile est sine gratia satisfacere. Sed sacramenta veteris legis erant satisfactoria: unde pro diversis peccatis diversa sacrificia iniungebantur in lege, ut patet Levit. xvi. & xvii. Ergo gratiam conferrebaant.

Sed contra. Hebr. x. 4. *Impossibile est sanguine hircorum, & taurorum auferri peccata.* Sed gratia tollit peccatum. Ergo antiqua sacramenta gratiam non conferrebaant.

Præterea. Per gratiam est vita animæ. Sed de præceptis veterum sacramentorum dicitur Ezech. xx. 25. *Dedi eis præcepta non*

(a) scilicet ad effectus.

non bona, & iudicia in quibus non vivunt. Ergo gratiam non conferebant.

QUAESTIUNCULA II.

1. Ulterius. Videtur quod eorum usus non erat meritorius. Nihil enim est meritorium, nisi sit Deo acceptum. Sed sacramenta illa non erant Deo accepta: super illud enim Isaie 1. *Sanguinem hircorum nolui*, dicit Glossa: * „Præterito utens tempore, ostendit se nunquam sacrificia ludorum amasse.“ Ergo eorum usus non erat meritorius.

2. Præterea. Nullum opus inutile est meritorium. Sed occisio tot animalium erat omnino inutilis. Ergo non erat meritorium.

3. Præterea. Nihil efficit (a) nisi hoc quod a Deo institutum est. Sed illa sacramenta imposuit Deus in onus, sicut in littera dicitur. Ergo eorum exercitium meritorium non erat.

4. Præterea. Origenes dicit, ** quod illa ratione permisit Deus hoc sibi fieri quia permisit libellum repudii. Sed libellus repudii semper malus fuit, & nunquam meritorius. Ergo nec prædictorum sacramentorum usus.

Sed contra. Dicit Beda (super x. cap. Marc.) quod sacramenta veteris legis suo tempore custodita vitam conferebant æternam. Sed nihil perducit ad vitam æternam, nisi sit meritorium. Ergo erant meritoria.

Præterea. Omnis actus virtutis formæ est meritorius. Sed usus sacramentorum veteris legis erat actus latræ, quæ in sanctis viris caritate formata erat. Ergo erat meritorius.

QUAESTIUNCULA III.

1. Ulterius. Videtur quod non purgabant ab immunditiis carnis. Aut enim illæ immunditiæ sunt pure corporales, aut spirituales. A corporalius parte non mundabant, immo magis inquinare videbantur. Similiter nec a spiritualibus, quia spiritualis ab anima in corpus sunt: quia secundum Augustinum (Lib. I. de Civ. Dei cap. xviii. expressus Lib. de continentia cap. 11.) non inquinatur corpus, nisi prius a-

nima inquinata fuerit. Dicta autem sacramenta animam non mundabant, cum gratiam non conferrent. Ergo neque carnem.

2. Præterea. Inter omnia sacramenta veteris legis magis erat purgativum cinis vitulæ aspersus. Sed hic magis immundabat quam purgaret: quia sacerdos, qui vitulum immolaverat, immundus efficiebatur, ut patet Num. xix. Ergo nec alia sacramenta purgabant.

3. Præterea. Sacramenta novæ legis sunt maioris efficaciz quam sacramenta veteris legis. Sacramenta autem novæ legis non purgant ab irregularitatibus. Ergo nec sacramenta veteris legis ab eis purgant: quas irregularitates Magister hic exponit immunditias carnis.

Sed contra est quod dicitur Hebr. ix. 13. (b) *Sanguis hircorum, & sanguis vitulæ aspersus inquinatos sanctificat ad emundationem carnis.*

Præterea. Sicut sacramenta nostra dicuntur spiritualia, ita & illa carnalia dicebantur: Heb. ix. 1. *Habuit prius testamentum iustificationis cultura*: Glossa (interlinealis) „Non veras, & spirituales, sed pro modo culturæ carnalis.“ Sed sacramenta novæ legis purgant ab immunditiis spiritualibus. Ergo illa purgabant ab immunditiis carnis.

SOLUTIO I.

Respondeo dicendum ad primam questionem, quod in sacramento est duo considerare, scilicet ipsum sacramentum, & usum sacramenti. Ipsum sacramentum dicitur a quibusdam opus operatum: usum autem sacramenti est ipsa operatio, quæ a quibusdam opus operans dicitur. Cum ergo dicitur sacramentum, per se loquendo, gratiam conferre, vel non conferre, iustificare, vel non iustificare, referendum est ad opus operatum. De opere autem operato in sacramentis veteris legis duplex est opinio. Quidam enim dicunt, quod in illis sacramentis opus operatum erat signum sacramentorum novæ legis, & passionis Christi, a quo efficaciam habent: & ideo illud opus operatum erat cum quadam protestatione fidei; & ideo indirecte, & ex consequenti habebant iustificare, quasi median-

(a) *Verum addendum mericum.* (b) *Valgata: sanguis hircorum, & sanguis vitulæ aspersus.*

dianibus nostris sacramentis per ea significatis a Deo significationem habentia, ut dicit Hugo de sancto Victore (Lib. I. de acram. part. 1. cap. 1. & 11.) Nostra autem sacramenta directe, & immediate iustificanc, quia ad hoc directe sunt instituta. Sed hęc opinio non videtur convenire dictis sanctorum: dicunt enim, quod lex erat occasio mortis, in quantum ostendebat peccatum, & gratiam (*) adiutricem non conferebat. Nec differt quantum ad hoc qualitercumque vel directe, vel indirecte gratiam conferrent. Et præterea secundum hoc nulla esset, vel valde modica præmiuentia sacramentorum novæ legis ad sacramenta veteris legis: quia etiam sacramenta novæ legis a fide, & significatione causandi efficaciam habent, ut dictum est. Et ideo alii dicunt, & melius, quod nullo modo sacramenta ipsa veteris legis, idest opus operatum in eis, gratiam conferebant excepta circumcissione, de qua post dicetur.

Secundum hoc ergo ad primum dicendum, quod sanctificatio quandoque importat emundationem, & confirmationem spiritualem, quæ fit per gratiam; & sic sacramenta veteris legis non dicebantur sacramenta, nisi quasi signa sanctificantium, ut dictum est. Alio modo sanctificatio importat mancipationem alicuius ad aliquod sacrum; & sic dicebantur sacramenta, & quasi sanctificantia, quia per ea fiebat quædam idoneitas ad sacros usus & in templo, & in vasis, & in ministris, & in populo. Et per hunc etiam modum apud gentiles dicebatur sacramenta militaria, quibus homo mancipabatur officio militari, quod sacramentum reputabant, sicut & omnia quæ ad communitatem pertinebant.

Ad secundum dicendum, quod illa oratio in canone Missæ non attenditur quantum ad ipsa operata, quia hoc sacrificium magis placet quam illa; sed petitur ut devotio istius offerentis placeat, sicut illorum placuit: & similiter Daniel comparat sacrificium, quale tunc poterat offerre, ad devotionem illorum qui sacrificia in lege præcepta in Hierusalem cum magna devotione obtulerant.

Ad tertium dicendum, quod sacramenta veteris legis dicebantur medicinæ quantum ad significationem, & non quantum ad collationem gratiæ.

Ad quartum dicendum, quod homo tempore legis naturæ relictus est sibi quantum

ad cognitionem, & pes ignorantiam erravit in idolatriam lapsus: unde ut quantum ad omnia se infirmum inveciret, oportebat ut instruetur per legem, & sacramentorum eius significationem, se impotentem cognosceret sine auxilio gratiæ: & ideo congruum fuit ut illa sacramenta gratiam non conferrent, ut sic salus a solo Christo expectaretur.

Ad quintum dicendum, quod quamvis illa sacramenta peccata non diluerent quantum ad maculam, quia gratiam non conferebant, diminuebant tamen reatum, in quantum onerosa erant: & ideo satisfactoria esse poterant, præsupposita gratia ex fide Mediatoris ei collata.

SOLUTIO II.

Ad secundam quæstionem dicendum, quod de usu sacramentorum, qui opus operans a quibusdam dicitur, est etiam duplex opinio. Quidam enim dixerunt, quod usus ipse non erat meritorius, etiam in fide, & caritate fieret: & hoc videtur Magister in littera dicere. Sed hoc videtur absurdum, quod labores sanctorum patrum in huiusmodi sacramentis Deo accepti non fuerint, & quod opus virtutis possit esse non meritorium. Et ideo communiter tenetur, quod usus eorum meritorius esse poterat, si ex caritate fieret. Aliqui tamen excusant Magistrum, dicentes, quod ipse intellexerit ipsa opera operata non iustificare quantumcumque in caritate fierent, quamvis ipsa operatio ex caritate facta posset esse meritoria in eo qui est in statu merendi.

Ad primum ergo dicendum, quod sacrificia illa per se loquendo nunquam fuerunt Deo accepta, quia gratiam non continebant, per quam Deo aliquid est acceptum; sed per accidens erant & accepta, & non accepta. Accepta quidem propter significationem, & devotionem offerentium; sed non accepta, & abominabilia propter peccata, & abulum offerentium, & quia eadem idolis immolabantur; & sic in quantum erant Deo accepta, poterant esse meritoria.

Ad secundum dicendum, quod quamvis occisio animalium esset secundum se inutilis, tamen in quorum ordinabatur ad cultum Dei, ex divina institutione utilis erat, & eius utilitates tanguntur in Glossa.

(*) A. adinvicem.

sa * Rom. v. *Lex data est ad demandum superbum*, ut scilicet Deo offerret potius quam idolis; *ad flagellandum durum*, in quantum erat ad satisfactionem; *ad instruendum insipientem*, ratione significationis; *ad ostensionem delicti*, & *humana infirmitatis*; & hoc respondet primis duobus; *ad manifestationem*, & *testimonium gratiae*; & *futurorum significationem*; & hoc exponit tertium.

Ad tertium dicendum, quod lex secundum Augustinum (de nuptiis, & concupisc. cap. xi.) data est quantum ad huiusmodi sacramenta duris, & superbis in flagellum, & onus, ut oneratis (a) divinis sacrificiis non liberet eis ad idolatriam declinare; sed perfectis in signum, & parvulis in paedagogum; & quantum ad hoc poterat esse eorum usus meritorius.

Ad quartum dicendum, quod Magister loquitur de illis sacrificiis, secundum quod habebant aliquam rationem displicentiae ex hoc quod idolis immolabantur; & quantum ad hoc non habebant rationem meriti.

SOLUTIO III.

Ad tertiam questionem dicendum, quod veteris legis intentio erat homines ad timorem, & reverentiam Dei inducere, & a carnalibus ad spiritualia trahere paulatim; & ideo instituit multa impedimenta, quibus homines ab usu illorum sacramentorum frequenter impederentur, ut sic magis in reverentia haberentur, quia omne rarum carum, & sic etiam paulatim a carnalibus observantiis diffunderent, quandoque totaliter abstrahendi in tempore gratiae. Et hæc impedimenta immunditiae carnis dicebantur, quibus homo corporaliter accedere ad sancta (b) inidoneus efficiebatur; & ab his carnis immunditiis sacramenta legis purgabatur.

Ad primum ergo dicendum, quod immunditiae illae non erant spirituales, quasi

S. Tb. Oper. Tom. XII.

a peccato causatae semper, sed quasi a sacramentis prohibentes.

Ad secundum dicendum, quod sacerdos lavabat manus, & vestimenta, ne cum manibus sanguinolentis, & cineriosis alia tangeret, & quia sacrorum ad communia non debet esse commixtio: unde etiam uncti chrismate manus lavant, & abstergunt. Immundus autem reputabatur propter tria. Primo ut sacerdotes essent sub onere, sicut & alii. Secundo ad tollendum superbiam sacerdotum de hoc quod alios sanctificabant. Tertio ad significandum quod sacerdotes novi testamenti propter maximam sanctitatem sacrificii semper debet se (c) inidoneum reputare.

Ad tertium dicendum, quod in nova lege non sunt irregularitates tot sicut in veteri lege, nec sunt nisi in ministris Ecclesiae, in quibus requiritur maxima idoneitas propter sacramentorum sanctitatem: ideo tales irregularitates non ita facile absterguntur.

EXPOSITIO PRIMAE PARTIS
TEXTUS.

Observantia caeremoniales. Caeremoniae dicuntur quae secundum se non habent causam manifestam ipsorum factorum, quamvis possint habere causam manifestam suae institutionis. Dicitur autem caeremonia, quasi munia Cereris, quae erat dea frugum, quia ei prius sacrificia instituta sunt, & exinde translatus est nomen ad omnem divinum cultum. Vel, sicut dicit Valerius Maximus, ** dicuntur a Caere oppido, in quo prius Romani suos ritus instituerunt. (d)

Mundabant etiam interdum a corporali lepra; idest, mundatum ostendebant, quando signa quae apparuerant, cessabant.

Sine medio Deum videbant; idest, divinum cognitionem non ex sensibilibus signis accipiebant, sed per infusionem. Et de hoc in II. Lib. dist. xxiv. dictum est.

D

D I.

(a) *Niclaus* per divina sacrificia. (b) *Id. idoneus*. (c) *Id. idoneum*. (d) *Addit Nicolai*. Sive quia post captam Romam sacra quae illuc per Flaminem, ac per Vestales ferebantur, & quae in plaustris suis Alvernus accepit, ut onera deferentium sublevaret, summa cum veneratione a Ceteris accepta sunt; indeque institutum ut sacra promiscue omnia caeremonia vocarentur. Vel sicut dicit Augustinus (Lib. II. Retractionum cap. xxvi.) a carendo caeremonia appellatur, eo quod observantes carerent illis rebus a quibus religionis causa sponte abstinere. Nec alia origo huius nominis quae a vera religione abhorreat, congrue potest usurpari.

EX EDIT. P. NICOLAI.

* Non adeo expresse ut hic, in Glossa quae nunc est; sed similia quadam sparsim, ex quibus aequivalenter colligi potest. ** Lib. I. cap. 2. §. 10.

DIVISIO SECUNDAE PARTIS
TEXTUS.

Postquam determinavit Magister differentiam sacramentorum veteris, & novae legis, hic determinat de quodam sacramento veteris legis, scilicet circumcisione, quod cum sacramentis novae legis aliquam convenientiam habet: & dividitur in partes duas. In prima determinat de circumcisione. In secunda movet quandam questionem circa praedeterminata, ibi, *Si vero queritur, &c.* Prima (a) in tres. In prima determinat efficaciam circumcisionis. In secunda institutionem ipsius, ibi, *Hic dicendum est in quo instituta fuerit circumcisio.* In tertia determinat de mutatione ipsius per baptismum, ibi, *Ideo autem mutata est &c.* Circa primum duo facit. Primo ostendit quam efficaciam circumcisione habeat. Secundo ostendit quod eandem efficaciam contra originale habebant quaedam remedia ante praecipuum de circumcisione datum, ibi, *Queritur autem de viris qui fuerunt ante circumcissionem.*

QUAESTIO II.

Hic queruntur sex.
Primo. De necessitate circumcisionis.
Secundo. Quibus competeret.
Tertio. De his quae ad circumcissionem requirebantur.
Quarto. De efficacia circumcisionis.
Quinto. De mutatione ipsius.
Sexto. De remedio quod circumcissionem praecessit.

ARTICULUS I.

Utrum necessarium fuerit circumcissionem dari.

III. Parte quest. lxx. art. 2.

AD primum sic proceditur. Videtur quod non fuerit necessarium circumcissionem dari. Sapientis est enim facere aliquid quanto brevius potest. Sed per fidem, & sacramenta legis naturae sufficienter originale purgabatur. Ergo non oportebat in remedium originalis circumcisionem dari.

2. Praeterea. Peccato originali, quia ex alio contractum est, non debetur poena sensibilis, nec expiatio per satisfactionem.

Sed circumcisio poenam sensibilem habebat. Ergo non erat conveniens remedium contra originale.

Sed contra. Circumcisio est signaculum fidei, quae est in praecipuo patris nostri Abraham: Rom. iv. Sed conveniens fuit illam fidem significari, cuius oportet nos omnes imitatores existere. Ergo congruum fuit circumcissionem dari.

QUAESTIUNCULA II.

1. Ulterius. Videtur quod non debuerit dari ante legem scriptam. Quia in lege naturae non erat aliqua distinctio, cum lex communis omnibus esset. Sed circumcisio signum distinctivum est: quia secundum Damascenum (Lib. IV. de Fide orth. cap. xxv.) est signum (b) determinans Israel a Gentibus. Ergo non debebat dari ante legem scriptam.

2. Praeterea. Praecepta quae non sunt indita rationi naturali, debent ad populum per ministrorum officium trahi. Sed circumcisio non erat de dictamine legis naturalis. Ergo cum ante legem scriptam non esset ministrorum distinctio, videtur quod tunc dari non debuerit.

Sed contra. Circumcisio, secundum Apostolum, est signum fidei. Sed etiam ante legem scriptam erat distinctio fidelium a non fidelibus. Ergo tunc oportebat eis dari.

QUAESTIUNCULA III.

1. Ulterius. Videtur quod non debuerit differri usque ad tempus Abraham. Quia etiam ante ipsum erant fideles ab infidelibus distincti. Sed circumcisio est signum fidei. Ergo ante tempus Abraham dari debuit.

2. Praeterea. Circumcisio maiorem habet efficaciam quam sacramenta legis naturae; alias postea instituta non fuisset. Sed non minor erat necessitas efficacis remedii ante Abraham quam post. Ergo etiam ante eum dari debuit.

Sed contra. Fides quae sacramentis efficaciam significandi dat, est fides Mediatoris, ut supra dictum est. Sed Abraham primo dictae sunt repositiones de Mediatore ex semine eius nascendo (Galat. iv.) Ergo ei primo signum fidei distinctum dari debuit in generationis membro.

(a) Neutrum a'da iterum. (b) Damasceni non transitio habet discriminans.

SOLUTIO I.

Respondeo dicendum ad primam questionem, quod circumcisio primo & principaliter necessaria fuit ad expressiorem significationem, quam sacramenta praecedentia fuissent. Oportuit enim quod secundum processum temporis, sicut explicatio fidei crescebat, ita cresceret distinctio signorum sacramentalium. Habet autem circumcisio expressam similitudinem ablationis originalis peccati quantum ad quatuor. Primo quantum ad membrum generationis, per quam originale transfunditur. Secundo quantum ad figuram circularem, in qua significatur circulus, qui est in processu originalis infectionis, secundum quod persona corrumpit naturam, & natura personam. Tercio quantum ad poenam, quae erat in circumcissione contra defestationem concupiscentiae, in qua praecipue viget fomitis virtus. Quarto quantum ad sanguinis effusionem, in quo significatur passio Christi, per quam pro originali satisfaciendum erat. Et quantum ad hanc utilitatem diffinitur circumcisio, quod est signaculum curationis ab originali. Sed ex consequenti fuit alia utilitas circumcissionis, scilicet distinctio fidelis populi ab infideli propter fidem eius cui data fuit circumcisio: & quantum ad hoc diffinit Damascenus (ubi supra) circumcissionem sic: *Circumcisio est signum determinans Israel a gentibus, cum quibus conversabatur.* Habuit etiam mysticam significationem; & moralem, quia erat signum castitatis servandae; & allegoricam, inquantum significabat purgationem per Christum futuram; & quasi anagogicam, inquantum significabat depositionem (a) corruptibilitatis carnis, & sanguinis in resurrectione.

Ad primum ergo dicendum, quod has utilitates habuit circumcisio praeter sacramentis legis naturae; & ideo post illa institui debuit.

Ad secundum dicendum, quod poena illa non erat ad satisfactionem, sed tantum ad significationem.

SOLUTIO II.

Ad secundam questionem dicendum, quod lex scripta non debuit dari divinitus, nisi populo fideli: & ideo oportuit populum fidelem prius congregari, & ab aliis distingui, quam lex divinitus ei daretur. Hoc autem non poterat fieri nisi

per aliquod signum, in quo fideles ad invicem convenirent, & ab aliis distinguerentur, quod ad circumcissionem pertinet; & ideo ante (b) legislationem debuit circumcisio dari.

Ad primum ergo dicendum, quod circumcisio erat quodammodo legis naturae, inquantum tempore legis naturae data fuit; & quodammodo legis scriptae, inquantum ad ipsam praeparabat. Dispositiones autem distinctionem habent penes ea ad quae disponunt.

Ad secundum dicendum, quod peccatum originale a nobis non habemus, sed aliunde: & ideo aliunde totaliter remedium habet, nobis non cooperantibus, scilicet a Deo. Et propter hoc sacramentum quod in remedium originalis erat, a Deo immediate praecipit debuit, sicut circumcisio, & baptismus. Secus autem esset de sacramentis legalibus, quae erant instituta ad satisfaciendum pro actualibus.

SOLUTIO III.

Ad tertiam questionem dicendum, quod ex corruptione peccati originalis humanum genus circa tempora Abraham usque ad profundissima peccatorum venerat, scilicet in infidelitatem, & turpissimum vitium contra naturam: & ideo tunc temporis primo conveniebat promissionem fieri manifestam de semine nascituro, in quo omnes gentes benedicerentur, & a peccatis mundarentur. Tunc etiam oportebat in significationem aliquod exemplum fidei hominibus proponi contra infidelitatem; tunc signa castitatis dari contra corruptissimam concupiscentiam: & ideo Abraham primo data est circumcisio in signum paternitatis, ut ex quo nasciturus erat peccatorum destructor, (c) & in signum fidei, & distinctionis ab infidelibus, & in signum castitatis, & munditiae.

Ad primum ergo dicendum, quod ante Abraham fere omnes fideles erant: circa tempora enim eius dicitur idolatria incepisse.

Ad secundum dicendum, quod quia tunc temporis corruptio magis invaluerat, ideo etiam tunc oportebat efficacius remedium dari.

D z

A R.

(a) Ad corruptibilitatem, & carnem. (b) Ad legislatorem. (c) Ad etiam.

ARTICULUS II.

Utrum omnibus populis deberet circumcisio dari.

1. **A**D secundum sic proceditur. Videtur quod omnibus populis circumcisio dari deberet. Data est enim in remedium contra originale. Sed morbus iste communis omnibus erat. Ergo & medicina debuit esse communis.

2. Præterea. Circumcisio data est in signum fidei. Sed Abraham fidem imitari omnes tenebantur: ac fides semper fuit de necessitate salutis. Ergo omnibus circumcisio dari debuit.

3. Præterea. Genes. xviii. 10. dicitur: *Hoc est pactum quod observabitur inter me & vos, & semen tuum post te. Circumcidetur in vobis omne masculinum.* Sed de semine Abraham multi populi processerunt præter filios Israel, sicut Ismaelitar, Idumæi &c. Ergo non solum filiis Israel circumcisio compete-
bat.

Sed contra. Circumcisio erat signum fidei. Sed unus tantum populus erat in quo fides, & cultus Dei remansit, ceteris per idolatriam depravatis. Ergo eis tantum circumcisio compete-
bat.

Præterea. Circumcisio significabat medicinam futuram per Christum. Sed tantum ex uno populo, scilicet Israel, Christus nasciturus erat. Ergo tantum illi populo circumcisio compete-
bat.

QUAESTIUNCULA II.

1. **U**lterius. Videtur quod debuit hoc remedium etiam mulieribus communiter dari. Circumcisio enim data erat in medicinam contra primam transgressionem. Sed prima transgressio incepit a femina. Ergo & feminis remedium dari debuit.

2. Præterea. Ubi eadem causa, & idem effectus. Sed eadem causa in viris est, ut circumcisio eis daretur, & in mulieribus: quia & ipsæ ad populum Dei pertinent, & in eis corruptio originalis est. Ergo eis remedium dari debuit.

Sed contra. Hugo de sancto Victore dicit (Lib. I. de sacram. part. xii. cap. 11. *quod solis masculis data est circumcisio carnis, quia sacra Scriptura per masculinum sexum animam, per feminam vero carnem si-*

gnificare consuevit, ut scilicet ostenderetur quod illa circumcisio animabus sanctificationem contulit, non absulis carni corruptionem.

QUAESTIUNCULA III.

1. **U**lterius. Videtur quod Christo circumcidi non compete-
bat. Sabbati enim observatio vicinior erat præceptis moralibus, inter quæ etiam computatur, quam circumcisio. Sed Christus sabbatum litteraliter non observabat: unde dicebant de ipso, Ioan. ix. 16. *Non est hic homo a Deo, qui sabbatum non custodit.* Ergo nec circumcisionem servare debuit.

2. Præterea. Heb. vii. dicit Glossa, * quod Christus in lumbis Abraham decimatus non fuit, quia decima figurabat medicinam originalis, quod in Christo non fuit. Sed similiter circumcisio, ut dictum est, significat emundationem ab originali. Ergo Christo non compete-
bat.

Sed contra. Gal. iv. 4. *Miser Deus Filium suum, natum de muliere, factum sub lege.* Sed illis qui sub lege erant, competit circumcisio. Ergo & Christo.

SOLUTIO I.

Respondeo dicendum ad primam quæstionem, quod sicut peccatum per Adam in omnes transierat, ita oportebat per Christum in omnes sanctificationem a peccato transire: unde ad prærogativam sanctitatis eius insinuandam oportebat quidquid ad Christum pertinebat, speciali sanctitate pollere. Et ideo in populo de quo Christus nasciturus erat, oportebat specialiter cultum Dei esse, & ipsum apud eos significari. Et quia circumcisio est signum distinguens populum Dei ab aliis, ideo oportebat populo Israel specialiter circumcisionem datam esse non solum quantum ad illos qui de stirpe Iacob erant, sed quantum ad omnes qui ad populum illum qualitercumque pertinebant.

Ad primum ergo dicendum, quod circumcisio erat remedium contra originale cum significatione sanctificationis nascituri seminis, propter quod erat in membro generationis: & ideo hoc remedium illi tantum populo compete-
bat ex quo Christus nasciturus erat. Apud alios autem manebant adhuc eadem remedia quæ fuerant ante circumcisionem data, quia eis non oportebat specialia sanctitatis documenta, & remedia date.

Ad

EX EDIT. P. NICOLAI.

* Ex Augustino desumpta, & habet hæc plenius.

Ad secundum dicendum, quod quamvis omnes tenerentur ad habendum fidem quam habuit Abraham, non tamen omnes tenebantur imitari Abraham in fide: quia nec ad omnes notitia Abraham venerat, nec omnibus erat datus ut exemplum imitabile nisi mediante femine, in quo omnes gentes benedictionem Abraham consecuturæ erant: & ideo circumcisio, quæ erat signum fidei Abraham, non omnibus populis compete-
bat.

Ad tertium dicendum, quod quantum ad promissionem factam Abraham, separatus est per electionem Dei Isaac ab Ismaele, & Jacob ab Esau, ut patet Rom. ix. non autem aliqua segregatio facta est in filiis Israel: & ideo omnes filii Israel pertinebant ad populum Dei peculiarem: & propter hoc illis solis circumcisio compete-
bat, quasi numquam a familia Abraham separatis. Ismael autem, & Esau tenebantur ad circumcisi-
onem, quamdiu erant in familia parentum, non autem post recessum ab eis.

SOLUTIO II.

Ad secundam questionem dicendum, quod peccatum originale, ut II. Libr. (dist. xxxi. quest. 1. art. 2.) dictum est, quantum ad culpam, & reatum descendit a patre in filios; quantum ad penalitates descendit a femina: quia pater est efficiens in generatione, & mater materiam ministrat. Circumcisio autem data est contra originale ad tollendum culpam, non autem ad tollendum carnis corruptionem: & ideo viris, & non mulieribus data est: & hæc est causa quæ in obiectione tacta est. Per hoc etiam ostenditur sacramentum imperfectum, & sua imperfectio in expectationem perfectionis (a) ducit.

Ad primum ergo dicendum, quod quamvis transgressio a femina incepta, tamen transfusionis originalis peccati causa non fuit femina, sed vir: quia si vir non peccasset, originale transfusum non fuisset: ideo dicit Apostolus Rom. v. 12. quod per unum hominem peccatum intravit in mundum.

Ad secundum dicendum, quod iam patet quod non est eadem causa & viris, & mulieribus quantum ad hoc quod circumcisio contra originale ordinatur; similiter etiam nec quantum ad hoc quod est distinctivum, & signum populi fidelis ab infideli: quia principaliter populi distinctio est ex parte virorum, quia mulieres viris subiectæ sunt: & ideo etiam apud Hebræos

non computabantur genealogia ex parte mulierum, sed ex parte virorum.

SOLUTIO III.

Ad tertiam questionem dicendum, quod Christo circumcisio compete-
bat non propter indigentiam, sed propter decentiam: cuius potest in Christo multiplex ratio assignari. Prima est, ut ipse se ostenderet filium Abraham, cui præceptum circumcisionis erat factum, & promissio nascituri seminis; & sic Dei promissionem impletam insinuaret. Secunda, ut circumcissionem, sicut & alia legalia, suscipiens, ab onere legis liberaret. Tertia, ut fratrem Iudeorum se ostenderet, ne haberent iustam occasionem ipsum repellendi.

Ad primum ergo dicendum, quod Christus in pueritia in nullo ab aliis pueris segregatus fuit quantum ad exteriorem conversationem: & ideo omnia quæ ad pueros pertinebant in veteri lege, in se implere voluit. Sed quando iam ad perfectam ætatem pervenit, ostendere debuit se dominum legis esse, & legem usque ad ipsum impositam fuisse: & ideo in quibusdam supra legem operatus est, sicut de observatione sabbati, & in tactu leprosi.

Ad secundum dicendum, quod decimatio erat actus tantum figuralis quantum ad illos qui in lumbis Abraham decimabantur; & ideo Christo non compete-
bat, quia ab originali immunis fuit: sed circumcisio etiam habet alias causas præter significationem in illis qui circumciduntur: & ideo non est similis ratio de utroque.

ARTICULUS III.

Utrum dies octavus ad circumcisionem requireretur.

1. **A**D tertium sic proceditur. Videtur quod octavus dies non requireretur ad circumcisionem. Alia enim remedia contra originale data sive in lege naturæ, sive in lege gratiæ, tempus determinatum non habent. Ergo nec circumcisio habere debuit ad idem data.

1. Præterea. Poterat contingere quod dies octavus erat dies sabbati. Sed in die illo præcepta erat quies ab exterioribus operibus. Ergo non erat de necessitate circumcisionis quod octavo die fieret.

3. Præterea. Illi qui vagati sunt in des-

seto, non fuerunt octavo die circumcisi, sed postea tempore Iosue in Galgala: Iosue v. & profuit illis circumcisio; nec illis obfuit ad transgressionem, ut videtur, qui in deserto mortui sunt incircumcisi: Ergo determinatio temporis non est de necessitate circumcisionis.

4. Præterea. Sicut præmittitur determinatum tempus, si præveniatur, ita & si tardetur. Sed Profelyti circumcidebantur post octavum diem, & eis valebat. Ergo & pueri poterant ante octavum diem circumcidi, & eis valere.

Sed contra. Circumcisio non habebat efficaciam, nec obligationem nisi ex præcepto divino. Sed circumcisio fuit in præcepto secundum determinatum tempus. Gen. xviii. 12. *Infans octo dierum circumcidetur in vobis*. Ergo & determinatum tempus erat de necessitate circumcisionis.

Præterea. Significatio est de necessitate sacramenti. Sed octava dies facit ad significationem. Ergo est de necessitate ipsius.

QUAESTIUNCULA II.

1. Ulterius. Videtur quod determinatio membri non fuerit de necessitate circumcisionis. In sacramentis enim signum debet respondere signato. Sed purgatio originalis, quæ significatur per circumcisionem, non est secundum aliquam partem determinatam, sed secundum totum. Ergo nec circumcisio debet aliquam partem determinatam habere.

2. Præterea. Sacramenta maximam honestatem in se habere debent. Sed membra generationis videntur esse turpia, & verecunda. Ergo non deuit ut in illo membro determinate aliquod sacramentum daretur.

Sed contra est quod dicitur Gen. xviii. 11. *Circumcidetis carnem praputii vestri*.

QUAESTIUNCULA III.

1. Ulterius. Videtur quod cultellus lapideus sit de necessitate circumcisionis. Circumcisionis enim baptismus successit. Sed determinatum instrumentum ablutionis, scilicet aqua, est de necessitate baptismi. Ergo & determinatum instrumentum incisionis esse debuit de necessitate circumcisionis, & præcipue propter significationem quæ in littera ponitur: significatio enim est de ratione sacramenti.

2. Præterea. Gregorius dicit super Ezech.

(hom. x.) *In sanctorum vita cognoscimus quid in Scriptura intelligere debeamus*. Sed sancti, & præcipue legislatores, lapideo instrumento secutur circumcisionem, sicut legimus Iosue v. & Exod. xv. de Moyse. Ergo lapideum instrumentum erat de necessitate præcepti.

Sed contra. Circumcisio non habebat vim nisi ex divina institutione. Sed in eius institutione, quæ tangitur Gen. xvii. nulla fit mentio de instrumento lapideo. Ergo non fuit de necessitate circumcisionis.

SOLUTIO I.

Respondeo dicendum ad primam questionem, quod circumcisio & erat in præcepto, & erat sacramentum. Octava ergo dies erat de necessitate circumcisionis quantum ad obligationem præcepti, ita quod reus transgressionis erat qui illud tempus non observabat. Sed non erat de necessitate eius quantum ad efficaciam sacramenti: quia etiam in alio tempore circumcisio facta suum effectum sacramentalem habebat. Sicut etiam accidit de ministrantibus nostra sacramenta, qui servant materiam, & formam debitam, & omittunt aliquid de ritu ad solemnizationem sacramenti ab Ecclesia instituto. Determinationis autem huius temporis causa est & mystica, quæ tangitur in littera, & litteralis, quæ tangitur a Rabbi Moyse: quia puer ante octavum diem est ita tener quasi in ventre matris: & ideo sicut animalia non offerebantur propter prædictam causam ante octavum diem, ita nec puer circumcidebatur.

Ad primum ergo dicendum, quod remedium quod præcelsit circumcisionem, computatur simpliciter inter sacramenta legis naturæ, quæ non habebant tantam determinationem, secundum Hugonem de sancto Viatore (Lib. I. de factam. part. 11. cap. 11. 14. & v.) quantum habent sacramenta legis scriptæ, ad quam quodammodo pertinet circumcisio. Remedium autem quod circumcisionem sequitur, scilicet baptismus, est magis generale, & perfectius, nec debuit ita restringi. Et ideo non est similis ratio de circumcisione, & aliis.

Ad secundum dicendum, quod dies sabbati non impediabat circumcisionem: non enim erat opus pure corporale, sed sacramentale; sicut & sacrificia, quæ in sabbato offerri licebat: & ideo dicitur Ioan. vii. 23. *Circumcisionem accipit homo in sabbato*, (a.) & non solvitur lex Moyse.

Ad

a) Valgæ ita ut non solvatur.

Ad tertium dicendum, quod illis qui in deserto vagabantur, dispensatio praecepti facta est propter necessitatem, quae tangitur Iosue v. quia scilicet nesciebant quando castra movenda essent. Et iterum quia non erat necesse eos tunc aliquod signum distinctionis habere, ut Damascenus dicit (de Fide orth. Lib. IV. cap. xxvi.) quando seorsum ab alijs hominibus habitabant: & tamen quantum ad aliquos qui ex negligentia, vel contemptu praetermittunt, dicit Augustinus (Lib. XVI. de Civ. Dei cap. xxvii.) quod inobedientiam incurrebant. Non autem constat quod aliqui de illis qui in deserto nati sunt, in deserto mortui sint: & videtur probabile quod non: quia dicitur in Psal. civ. 37. *Non erat in tribubus eorum infirmus*. Unde illi qui de Aegypto egressi sunt, qui circumciserant, mortui sunt. Er ita nullus est ibi mortuus incircumcissus. Si tamen aliqui incircumcisi mortui sunt, idem dicendum est de eis, & de illis qui ante circumcisionis institutionem moriebantur.

Ad quartum dicendum, quod Magister videtur sentire in littera, quod licebat imminente mortis articulo diem praeveneri. Quidam vero dicunt, Hugonem de sancto Victore sequentes, quod non erat necessitas diem praeveneri: quia illis qui ante octavam diem moriebantur, valebat ad salutem remedium quod ante circumcisionem fuerat, quod adhuc efficaciam habebat: & hoc confirmant per Iudaeos qui nunc sunt, qui numquam ante octavam diem circumciduntur, & per Glossam Prover. xv. super illud, *Unigenitus erat coram matre mea*; quae dicit, quod alius filius Bersabee parvulus non computatur, quia ante octavam diem mortuus, nominatus non fuit, & per consequens nec circumcissus. Similiter etiam confirmant per simile: quia nullum animal offerebatur Domino ante octavam diem. Secundum hanc ergo opinionem dicendum, quod non est simile de praeveneri, & differendo: quia praeceptum nullo modo quis transgredi debet, ut praeveneri; sed si transgressus fuerit differendo, debet, quantum potest, illud implere in quocumque tempore.

SOLUTIO II.

Ad secundam quaestionem dicendum, quod circumcisio erat in signum purgationis originalis peccati, & in signum distinctionis populi, ex quo Christus propagandus erat, & in signum castitatis servandae, ut dictum

est: & quantum ad omnia haec decuit ut in membro generationis fieret, quia per alium generationis & originale contrahitur, & Christus ab illo populo descendit, & in illo actu castitas consistit: & ideo membrum generationis erat de necessitate circumcisionis & quantum ad efficaciam sacramenti, & quantum ad obligationem praecepti.

Ad primum ergo dicendum, quod quavis originale peccatum quantum ad essentiam non determinet aliquam partem corporis, neque quantum ad effectum; tamen quantum ad causam determinat, ut dictum est.

Ad secundum dicendum, quod membrum generationis, quod de se nobile erat, propter concupiscentiam, quae praecipue in parte illa viget, ignobile redditum est: & ideo oportebat quod in illo membro praecipue medicina apponeretur: quia *qua inbonesta sunt nostra, abundantius bonestatem habent*, ut dicitur I. Corinth. xii. 23.

SOLUTIO III.

Ad tertiam quaestionem dicendum, quod sacramentum quod est signum, & causa, efficit quod figurat: & ideo illa significatio est de necessitate sacramenti quae ad effectum sacramenti refertur, non autem illa quae refertur ad causam principalem effectus, sed est de bene ipsius. Cultellus autem lapideus non est de necessitate incisionis, per quam significat circumcisio suum effectum, scilicet purgationem originalis; sed habet aliquam similitudinem ad causam principalem meritoriam remissionis originalis, scilicet Christum: & ideo non erat de necessitate circumcisionis neque quantum ad obligationem praecepti, neque quantum ad efficaciam sacramenti, quod fieret cultello lapideo, quod ritus Iudaeorum usque hodie ostendit: sed in principalibus circumcisionibus, in quibus Christum significari oportebat, tale instrumentum adhibendum est.

Ad primum ergo dicendum, quod aqua de se habet maximam convenientiam ad abluionem, per quam baptismus significat quod efficit, non autem lapis ad incisionem: & ideo non est simile.

Ad secundum dicendum, quod hoc intelligendum est de illis quae sancti observant quasi ex lege obligati; sic autem non est in proposito: & ideo ratio non sequitur.

ARTICULUS IV.

Utrum circumcisio characterem imprimeret in anima.

III. P. quæst. lxx. art. 4.

1. **A**D quantum sic proceditur. Videtur quod circumcisio characterem imprimebat in anima. In sacramentis enim effectus figure respondet. Sed circumcisio exterius erat signum distinctivum, non solum purgativum. Ergo & interius characterem distinguentem imprimebat.

2. Præterea. Omne sacramentum, quod non reiteratur in nova lege, characterem imprimit. Sed circumcisio in veteri lege non reiterabatur. Ergo characterem imprimebat.

3. Præterea. Aliquis adultus circumcisus poterat fictus accedere; & sic tunc effectum circumcisionis non suscipiebat, postmodum autem deposita fictione circumcisio ei valebat: alias enim non fuisset via salutis, cum iterari non posset. Ergo habebat aliquem effectum manentem in anima, ratione cuius postea effectum (a) ultimum circumcisionis consequeretur; & hoc est character. Ergo imprimebat characterem.

Sed contra. In sacramentis novæ legis perfectissima tantum sunt illa quæ characterem imprimunt. Sed circumcisio erat longe inferior sacramentis novæ legis. Ergo characterem non imprimebat.

Præterea. Character nos Trinitati configurat. Sed hoc indifferenter competit viris, & mulieribus. Cum ergo circumcisio mulieribus non competeret, videtur quod in ea character non imprimeretur.

QUAESTIUNCULA II.

1. Uterius. Videtur quod circumcisio a peccato non purgaret. Rom. 111. 20. *Ex operibus legis non iustificatur omnis caro coram illo.* Sed alia opera legis, ut sacrificia, non videntur minus honesta fuisse quam circumcisio. Ergo nec circumcisio a peccato iustificabat.

2. Præterea. Si ab aliquo peccato purgabat, præcipue videtur quod ab originali.

Sed ab originali non purgabat; quod patet per hoc quod Ioannes circumcisus octava die, ut dicitur Luc. 1. dixit ad Iesum Matth. 111. 14. *Ego a te debeo baptizari*: Glossa: **, a peccato originali mundari. Ergo nullo modo a peccato mundabat.

3. Præterea. Nihil impedit vitæ æternæ introitum, nisi peccatum. Sed circumcisio ianuam vitæ æternæ non aperiebat, ut in littera dicitur. Ergo neque peccata purgabat.

4. Præterea. Quidquid tollit unum peccatum, tollit omnia: quia impium est a Deo dimidium sperare veniam. ** Sed numquam invenitur a sanctis dictum, quod circumcisio tolleret peccatum actuale. Ergo nec originale tollebat.

Sed in contrarium sunt auctoritates in littera positæ.

QUAESTIUNCULA III.

1. Uterius. Videtur quod circumcisio gratiam non conferret. Sacramentum enim non efficit nisi quod figurat. Sed circumcisio non significat gratiæ collationem, sed solum culpæ ablationem. Ergo gratiam non confert.

2. Præterea. Baptismus non amplius facit, nisi quod auferit culpam, & confert gratiam. Si ergo hoc ipsum circumcisio faciebat, baptismus in nullo circumcisionem excedit.

3. Præterea. Propter hoc lex vetus dicebatur occidere, quia gratiam contra concupiscentiam non conferebat. Hoc autem non esset, si circumcisio, quæ erat (b) quodammodo legis sacramentum, gratiam conferret. Ergo gratiam non conferebat.

Sed contra. In littera dicitur, quod idem remedium præbebat circumcisio quod baptismus, excepto quod ianuam regni caelestis non aperiebat. Sed baptismus gratiam confert, non solum culpam auferit. Ergo & circumcisio idem facit.

Præterea. Tenebra non expellitur nisi per præsentiam lucis. Sed gratia opponitur culpæ, sicut lux tenebræ. Cum ergo circumcisio expelleret culpam, videtur quod gratiam conferret.

SO.

(a) *Id. ultime.* (b) *Forse quoddam.*

EX EDIT. P. NICOLAI.

* Interlinealls, nullo nomine prænotata; sed ex Bedæ sumpta est. ** Ex cap. *Sunt plures dñi.* 112. de penitentia, & suppositio Augustino Lib. de vera & falsa penitentia cap. 24.

SOLUTIO I.

Respondeo ad primam quæstionem dicendum, quod character spiritualis est quoddam signum distinctivum per hoc quod hominem in aliquo statu perfectionis constituit, sicut in baptismo, confirmatione, & ordine, ut magis infra patebit. Circumcisio autem principaliter erat signum ad purgandum constitutum; & ideo in ipsa non ponebatur homo in aliquo alio statu, & sic non competebar quod in ipsa character spiritualis conferretur.

Ad primum ergo dicendum, quod circumcisio principaliter significat per se ablationem, sed distinctionem ex consequenti, & per accidens, inquantum aliqui circumcidebantur, & aliqui non: & ideo oportebat quod responderet ei effectus quantum ad principalem significationem, non autem quantum ad secundariam.

Ad secundum dicendum, quod circumcisio non iterabatur: quia causa eius, scilicet originale peccatum, iterari non poterat, & non propter hoc quod character spiritualis in ipsa imprimeretur.

Ad tertium dicendum, quod sicut in baptismo manet character spiritualis, ratione cuius fides deposita fisione effectum baptismi recipit; ita manebat character exterior in circumcissione, quæ hoc idem faciebat.

SOLUTIO II.

Ad secundam quæstionem dicendum, quod peccatum quod ex alio contrahitur, conveniens est ut per alium tollatur: & ideo in quolibet statu post peccatum fuit aliquod remedium per quod originale peccatum ex virtute passionis Christi tolleretur. Et iterum quia non poterat puer natus, antequam haberet usum liberi arbitrii, se ad gratiam preparare, ne omnino (a) sine remedio relinqueretur, oportuit aliquod remedium dari quod ex ipso opere operato peccatum aboleret; & tale remedium fuit circumcisio: & ideo ab omnibus conceditur, quod peccatum auferebat, sicut significabat ablationem: & in hoc cum sacramentis novæ legis quodammodo conveniebat, quia efficiebat hoc quod figurabat. Operabatur autem circumcisio peccati dimissionem a posteriori. In peccato enim originali tria sunt, scilicet (b) culpa, reatus carentie visionis divinæ, & fomes. Pri-

S. Thom. Oper. Tom. XII.

(a) A. sine religione. (b) A. culpa reatus, carentia divinæ visionis &c. (c) Nicolaus dicit, quod in circumcissione.

ma duo totaliter tolluntur; sed tertium per sacramentum diminuitur: & ideo circumcisio, quæ erat particularis abscissio, directe significabat, & causabat diminutionem fomitibus, & per consequens auferebat reatum visionis æternæ, & per consequens culpam. In baptismo autem e contrario est: quia prius destruit culpam, cuius ablationem significat ablutio exterior, & etiam causas, & per consequens destruit alia.

Ad primum ergo dicendum, quod sacrificia erant instituta ad satisfaciendum pro peccatis actualibus; quæ homo ex se perpetravit: & ideo non oportebat quod peccata tollerentur per sacrificia, sicut peccatum originale per circumcissionem.

Ad secundum dicendum, quod circumcisio quamvis a peccato originali liberaret, non tamen per eam aliquis perfecte fructum liberationis consequi poterat, quia ianuam non aperiebat; & secundum hoc Ioannes circumcissus, a peccato originali mundari indigebat, scilicet per baptismum.

Ad tertium dicendum, quod per circumcissionem auferebatur impedimentum quod erat ex parte personæ, ablato peccato originali, prout erat infectio huius personæ; adhuc tamen manebat impedimentum ex parte naturæ, nondum soluto pretio: & ideo per accidens erat quod ianuam regni cælestis non aperiebat: quia si etiam baptismus, eandem quantum in se est gratiam conferens quam modo confert, eo tempore fuisset, ianuam non aperuisset; & si modo circumcisio locum haberet, ianuam aperiret.

Ad quartum dicendum, quod circumcisio directe contra originale ordinata fuit, sed ex consequenti etiam actuale tollebat ubi inveniebat. Sed tamen sancti de hoc non loquuntur, quia ad hoc non erat circumcisio principaliter instituta.

SOLUTIO III.

Ad tertiam quæstionem dicendum, quod circa hoc est multiplex opinio.

Quidam enim dixerunt, quod circumcisio, quantum est de se, culpam tollebat, sed gratiam non conferebat, innitentes cuiusdam Glossæ quæ habetur Rom. IV. quæ (c) dicit: *In circumcissione peccata remittuntur, sed non gratia per eam præstatur.* Dicebant enim, quod cum originale nihil aliud sit quam concupiscentia intentia cum carentia debita iustitiæ, circumcisio sine hoc quod

E

quod gratia conferretur, poterat auferre debitum, non auferendo reatum, ut patet per hoc quod si homo illam iustitiam non habebat, non ei imputaretur ad poenam. Sed hoc non potest esse: quia manente inordinatione culpæ, nullo modo potest non imputari a Deo ad poenam, cum culpæ inordinatio per poenam ordinetur. Ex ideo oportet, si imputatio ad poenam tollitur, quod inordinatio tollatur; quod sine gratia fieri non potest.

Et ideo alii dicunt, quod circumcisio ex sua virtute culpam tollebat, & gratia circumcisio conferebatur, non ex vicircumcisionis, sed ex divina liberalitate ablato gratiæ impedimento. Sed hoc non potest esse: quia quavis ex parte recipientis prius sit expulsio contrarii quam introductio formæ, tamen ex parte causæ agentis est prius introductio formæ: quia non expellitur contrarium, nisi introducendo formam: & ideo nisi circumcisio aliquo modo gratiam conferret, nullo modo culpam tolleretur.

Et ideo alii dicunt, quod circumcisio conferebat gratiam quantum ad effectus privativos, qui scilicet sunt auferre culpam, sed non quantum ad effectus positivos. Sed hoc nihil est: quia effectus ultimus gratiæ positivus, est facere dignum vita æternæ; quod fiebat per circumcissionem, sicut & modo fit per baptismum.

Et ideo alii dicunt probabilius, (a) ut videtur, quod dabat gratiam quantum ad effectus privativos culpæ, & reatus, & quantum ad quosdam effectus positivos, sicut (b) ordinare animam, & facere dignum vita æternæ; non tamen quantum ad omnes quos habet gratia baptismalis: quia illa sufficit ad totaliter concupiscentiam reprimendam, & meritorie agendum, ad quod gratia in circumcissione data sufficere non valebat: & secundum hoc intelligitur Glossa inducta.

Ad primum ergo dicendum, quod sicut in sacramento altaris est aliquid ex vi sacramenti, aliquid autem ex naturali concomitantia, ut infra dicitur (dist. x. quæst. 1. art. 2. quæstionc. 1.) ita circumcisio principaliter ordinata erat ad ablationem culpæ, sed ex consequenti ad collationem gratiæ.

Ad secundum dicendum, quod in baptismo amplius gratia datur, ut dictum est.

Ad tertium dicendum, quod gratia circumcisionis non sufficienter reprimebat concupiscentiam, sicut facit gratia novi testamenti: & ideo ratio non sequitur.

ARTICULUS V.

Utrum circumcisio cessare debuerit.

1. **A**D quintum sic proceditur. Videtur quod circumcisio cessare non debuerit. Gen. xvii. dicitur, quod circumcisio datur in fœdus æternum. Sed æternum est quod nullo sine claudatur. Ergo circumcisio cessare non debuit.

2. Præterea. Illud quod cum lege non incipit, cum lege cessare non debet. Sed circumcisio ante legem incepit: non enim est ex lege, sed ex patribus, ut dicitur Ioan. vii. Ergo cum lege cessare non debuit.

3. Præterea. Figuralia quæ significant id quod semper faciendum est, non debent cessare, sicut de thurificatione, quæ significat devotionem, patet. Sed circumcisio cordis, cuius laus ex Deo est, ut dicitur Rom. ii. semper facienda est; & hanc significat exterior circumcisio. Ergo cessare non debuit.

Sed contra. Gal. v. 2. *Si circumcidimini, Christus vobis nihil proderit.*

Præterea. Veniente perfectio frustra imperfectum remaneret ad idem ordinatum. Sed baptismus perfectius facit hoc ad quod circumcisio ordinata erat, quam circumcisio faceret. Ergo veniente baptismo circumcisio cessare debuit.

QUÆSTIUNCULA II.

1. Ulterius. Videtur quod nec alia legalia cessare debuerint. Christus enim, ut dicitur Matth. v. non venit legem solvere, sed implere. Sed lex consistebat non tantum in moralibus, sed etiam in sacramentis legalibus. Ergo non venit ea solvere.

2. Præterea. Apud Deum non est transmutatio (Iacob. i.) Sed signum mutationis voluntatis est ut præceptum quod prius datum est, postea revocetur. Cum ergo Deus hæc sacramenta præceperit, videtur quod cessare non debuerint.

3. Præterea. Præceptum non potest revocari nisi per æqualem, vel superiorem. Sed Deus numquam revocasse legitur præceptum

(a) Vide III. P. quæst. lxx. art. 4. in corp. ubi hæc sententiam respicit, & aliam firmat. (b) Nihilominus legendum forte debet coniectari esse exempla amicitie, & etiam mansuetudinis, ipso iussu, habere ordinare.

ceptum de sacramentis legalibus in nova lege. Ergo adhuc durant.

Sed contra est quod dicitur Heb. x. i. *Umbra habet lex futurorum bonorum*. Sed veniente veritate cessat figura. Ergo veniente Christo legalia cessare debuerunt.

Præterea. Heb. vii. 12. *Translatio sacerdotii necesse est ut & legis translatio fiat*. Sed in Christo translatum fuit sacerdotium, ut ibidem Apostolus probat. Ergo & legalia cessare debuerunt.

QUAESTIUNCULA III.

1. Ulterius. Videtur quod tempore gratiæ poterant sine peccato observari. Omnis enim Christi actio nostra est instructio. Sed Christus tempore gratiæ ea observavit, sicut in multis patet. Ergo licitum est tempore gratiæ ea servare.

2. Præterea. Tempore Apostolorum etiam observabantur, sicut patet Act. xvi. de Paulo, qui circumcidit Timotheum, & de eodem Act. xxi. qui purificatus per legem, templum intravit, & hostias obtulit: quod non fecisset ad vitandum scandalum, si peccatum fuisset: quia veritas vitæ non est dimittenda propter scandalum. Ergo sine peccato tempore gratiæ observari poterant.

3. Præterea. Omnis actus qui non est de se malus, potest sine peccato fieri, & meritorie, si recta intentione fiat. Sed sacrificare, & circumcidi non sunt de se mala; alias nunquam licita fuissent. Ergo si bona intentione fiant, erunt meritoria etiam modo, nedum ut sint peccata.

Sed contra est quod dicitur Gal. v. 2. *Si circumcidimini, Christus nihil vobis proderit*. Sed omne quod impedit profectum qui provenit ex Christi redemptione, est peccatum. Ergo circumcisio tempore gratiæ non poterat fieri sine peccato, & paratione nec alia sacramenta.

Præterea. Gal. iv. super illud: *Quomodo convertimini rursus ad agenda, & infirma elementa?* dicit Glossa: *„Ideo dicit, Deo nunc, ut ostendat quod non distat modo lex post Christum ab antiqua idolatria.“*

Sed idolatria numquam poterat observari sine peccato. Ergo nec legalia post Christum.

QUAESTIUNCULA IV.

1. Ulterius. Videtur quod usque modo teneamur aliqua legalia observare. Teneamur enim ad observanda præcepta novi testamenti, & statuta Ecclesiæ. Sed præceptum Apostolorum in novo testamento fuit de quibusdam legalibus observandis. Act. xv. 28. *Videtur est Spiritui sancto, & nobis nihil ultra imponere vobis oneris (a) quam ut abstineatis vos ab immolatis simulacrorum, & sanguine, & suffocato, & fornicatione*. Ergo adhuc tenemur ad hæc legalia servanda.

2. Sed si dicatur, quod fuit permissio Apostolorum pro tempore illo; contra. (b) Glossa ibidem dicit, hæc esse necessaria. Sed necessaria sunt sine quibus non est salus, & de quibus non est permissio, sed præceptum. Ergo adhuc observare tenemur.

3. Si dicatur, quod per Paulum revocatum est, ut cum dicitur I. Timoth. iv. 4. *Nihil reiiciendum quod cum gratiarum actione percipitur*: contra. Inferior non potest præceptum superioris revocare. Sed Paulus fuit inferior quam totum Apostolorum Concilium in Hierusalem congregatum. Ergo non potuit revocare.

Sed contra. Petrus ibidem dicit Act. xv. quod per gratiam Christi salvamur in lege nova sine onere legis, sicut & patres nostri: unde hoc iugum non est fidelibus imponendum. Sed onus prædictum est observatio (c) caeremonialium. Ergo ad ea servanda non tenemur.

SOLUTIO I.

Respondendum ad primam questionem, quod cum venit quod perfectum est, evacuari debet quod ex parte est, si ad idem ordinetur: quia gratia non facit per duo quod per unum potest facere, sicut nec natura. Circumcisio autem imperfecta erat respectu baptismi tripliciter. Primo quantum ad significationem: quia non ita significabat ex-

E 2 preffe

(a) Vulgata: *quam hæc necessaria, ut abstineatis etc.* (b) Nicolai: *Ibidem indicantur necessaria esse & sic enim textus habet: Nihil oneris quam hæc necessaria*. Sed Glossa dicit necessaria esse illa sine quibus non est salus &c. Ad marginem vero: *Quod subiungitur ex Glossa, & cuius loco prius textus ut Glossa notabatur, ex Rabano sumptum est, & eius nomen in Glossa præfert.* (c) *Id. caeremoniazum*.

* Locali: *nealis* nimirum, quam etiam indicat Hieronymus.

preſſe emundationem totius hominis ab im-
munditia totius culpæ originalis, ſicut ablu-
tio baptifmalis. Secundo quantum ad effi-
caciam: quia non tam abundans gratia ad
operandum, & reprimendum fomitem in
circumciſione dabatur ſicut in baptiſmo.
Tertio quantum ad utilitatem: quia non
erat eius utilitas ita communis ſicut baptiſ-
mi, cum haberet determinatum populum,
determinatum ſexum, & determinatum tem-
pus, quod in baptiſmo non accidit: & ideo
adveniente tempore plenitudinis debuit
ceſſare, baptiſmo ſubſtituto.

Ad primum ergo dicendum, quod aterm-
um hic accipitur pro ſæculo; quod habet
quidem finem, ſed non eſt determinatus
nobis. Vel etiam dicendum, quod circumci-
ſio corporalis potuit eſſe in ſædus æternum
quantum ad ſuum ſignificatum, &
quantum ad id quod ei ſuccedit; ſicut etiam
fides poteſt dici ſemper manere ratione
viſionis, quæ ei ſuccedit in patria.

Ad ſecundum dicendum, quod quamvis
cum lege non inceperit circumciſio, tamen
propter legem ceſſavit, quaſi legis præpara-
torium: & ideo ceſſante lege ceſſare de-
buit.

Ad tertium dicendum, quod principalis
ſignificatio ad quam circumciſio inſtituta
eſt, eſt ablatio originalis culpæ, quia ſa-
cramentalis ſignificatio reſertur ad effectum.
Hoc autem non ſemper faciendum erat per
circumciſionem: & ideo non oportebat quod
circumciſio ſemper remaneret. Alia autem
ſignificatio eſt ex conſequenti, & ſecundum
illam non oportet accipi iudicium de du-
ratione circumciſionis. Thuriſicationis au-
tem ſignificatio nunquam fuit ad ſigni-
ficandum aliquid ut effectum eius: & ideo
non eſt ſimilis ratio.

SOLUTIO II.

Ad ſecundam quaſtionem dicendum,
quod triplex erat præcipua ratio ceſſationis
legalium. Una eſt, quia lex inſtituta fuit
ad ſignificandum gratiam novi teſtamenti,
quæ per Chriſtum facta eſt: & ideo veniente
Chriſto ceſſare debuerunt, ſicut veniente
corpore ceſſat umbra: & hanc cauſam tan-
git Apoſtolus Heb. x. 1. *Umbraſ habent
lex futurorum bonorum*. Alia ratio eſt ex
imperfectione: quia in legalibus gratia non
conſecratur quantum oportebat in novo
teſtamento dari. Sicut enim virtus natura-
lis rei naturali proportionatur, ita virtus
ſacramentalis ſacramento: unde oportuit a-

lia ſacramenta inſtitui, in quibus amplior
gratia conferretur: & hanc cauſam tangit
Apoſtolus Heb. vii. 18. *Reprobatio quidem
ſuſ prioris mandati propter infirmitatem, &
inutilitatem*. Tertia accipitur ex parte eo-
rum quibus lex data eſt, qui erant parvuli;
& ideo erant paulatim a priſtina con-
ſuetudine idolatriæ abſtrahendi, ut ſic eis
concederetur eadem Deo offerre quæ prius
idolis obtulerunt, vel offerri viderant, ſi-
cut Rabbi Moyſes dicit. Sed poſtmodum
quando ad perfectam ætatem humanum ge-
nus pervenit; debuit ab his obſervantiis li-
ber eſſe. Et hanc cauſam tangit Apoſtolus
Gal. iii. & iv. & Petrus Act. xv. oſten-
dens illa legalia in onus populo rudi im-
poſita eſſe.

Ad primum ergo dicendum, quod Chri-
ſtus in hoc legem implevit quod moralibus
præceptis conſilia apoſſuit, & præcepta ma-
gis elucidavit; ſed figuris ceremonialium
veritatem apoſſuit, & ea in ſeipſo ſuſce-
pit (a).

Ad ſecundum dicendum, quod non ex
mutabilitate præcipientis, ſed ex prudenti
diſpenſatione contingit quod diverſa præce-
pta diverſis temporibus accommodata propo-
nit, ſicut eſt in propoſito.

Ad tertium dicendum, quod Dominus
ipſo ſacſo revocavit, adimplens in ſe quod
in figura præceperat obſervandum: & ideo
in ſua paſſione dixit: *Conſummatum eſt* &
Ioan. xix. 30.

SOLUTIO III.

Ad tertiam quaſtionem dicendum, quod
hæc quaſtio videtur habere difficultatem ex
quibuſdam contrarietatibus: quæ ſuper hoc
inveniuntur tam in canone, quam in diſti-
ſſis ſanctorum. Quandoque enim inveniuntur
obſervata legalia tempore gratiæ, quando-
que autem prohibita: & de hoc etiam Petrus
a Paulo redargutus videtur Gal. ii. Et ideo ſuper hoc Hieronymus, & Auguſti-
nus diverſa ſenſiſſe videntur. Volebat enim
Hieronymus quod legalia ſtatim poſt paſ-
ſionem Chriſti quantum ad hos ad quos
gratia novi teſtamenti manifeſte divulgata
erat, fuerunt mortifera: ſed Apoſtolos qua-
dam pia diſpenſatione hos uſos fuiſſe ad vi-
tandum ſcandalum Iudæorum: & ideo Petrus
iudaizans non peccavit, diſpenſatorie
ſi faciens, ſecundum quod etiam dicitur I.
Corinth. ix. 22. *Omniſibus omnia factus ſum*:
& ſimiliter Paulus diſpenſatorie eum redar-
guit, ne gentiles exemplo Petri, quorum
ipſe

(a) Nicola ſupplet obſervanda.

Ipse Apostolus erat, veteris legis sacramenta quali necessaria quærent: quia & ipse invenitur eadem pia simulatione servasse; & sic uterque excusatur & Petrus a culpa, & Paulus a procaci reprehensione. Sed quia non videtur conveniens quod Apostoli aliquid contra veritatem doctrinæ fecissent ad vitandum scandalum Iudeorum, nec iterum videtur conveniens quod Paulus in Epistola ad Galatas aliquid simulate diceret, ubi dicit Petrum reprehensibilem fuisse: ideo Augustinus aliter dicit (epist. xix. ad Hieron.) & melius, quod ante Christi passionem legalia fuerunt observanda ex necessitate divinæ iussionis, & habuerunt adhuc effectum; sed post Christi passionem ante divulgationem Evangelii observari poterant a Iudeis ad fidem conversis, non spem in ipsis ponentibus, quasi alicuius virtutis essent, aut quasi sine eis gratia Christi non sufficeret ad salutem; sed ne omnino videretur lex vetus reprobanda, si statim quasi idolatria sugeretur: & ideo hoc modo erat mater synagoga deducenda ad tumulum cum honore. Sed post divulgationem Evangelii non solum non sunt salutifera, sed mortifera. Medio ergo tempore Petrus, & Paulus, & alii Apostoli legalia observabant non simulatorie, sed vere. Petrus tamen incaute se habuit in observatione legalium, nimis condescendens Iudeis illis qui legalia observanda esse dicebant, ita ut aliqui eius exemplo inducerentur ad ea observanda quasi necessaria: & ideo vere reprehensibilis erat, & aliquam levem incurrit culpam; & Paulus vere, & non dispensative ipsum reprehendit.

Et per hoc patet solutio ad primum, & secundum: quia ante Christi passionem, quando Christus ea servavit, non erant mortua, nec mortifera, sed salutifera; tempore vero Apostolorum ante divulgationem Evangelii erant quidem mortua, quasi nullius existentia utilitatis, sed non mortifera.

Ad tertium dicendum, quod una circumstantia mutata facit actum bonum in genere, vel malum: & ideo legalia, quæ absque consideratione alicuius temporis sunt indifferentia, suo tempore facta fuerunt bona, tempore autem non suo observata, sunt facta mala: & ideo bona intentione fieri (a) non possunt bene.

Ad quartam questionem dicendum, quod circa hoc tres sunt opiniones.

Una opinio dicit, quod ad litteram intelligendum est illud præceptum quod legitur in Actibus, & eius obligatio usque nunc manet. Sed hoc manifeste contrariatur dictis Pauli, qui dicit nihil esse commune, id est immundum, per Christum, nisi ei qui æstimat aliquid esse commune: Rom. xiv. & iterum est contra rationem: quia cum hoc præceptum non sit morale, quia naturalis ratio illud non dicit, oportet quod sit cæremoniale: & ideo eius obligatio non manet magis quam aliorum.

Et ideo alii dixerunt, quod non est intelligendum ad litteram de sanguine animalis, & suffocato animali, sed de effusione sanguinis, quæ fit per homicidium, & de suffocatione pauperum. Sed hoc non potest stare: quia Hieronymus Ezech. xlviii. post illam expositionem mysticam, expositionem ponit litteralem, quam dicit Apostolos etiam intendisse.

Et ideo alii dicunt, quod epistola Apostolorum non erat præceptorum quantum ad hoc quod abstinere se (b) ab immolatiis, & sanguine, & suffocato; sed erat quædam provisio ad conservandam pacem, & communem vitam Gentilium, & Iudeorum fidelium: & ideo fornicationem prohibuerunt quasi per se malum, quod apud Gentiles non reputabatur pro peccato. (c) Immolatium autem prohibuerunt quasi illud quod posset suspicionem idolatriæ adhuc retentæ generare de Gentilibus in cordibus Iudeorum: sanguinem autem suffocatum sicut quod Iudei abominabantur propter disuetudinem: sicut etiam usque hodie si aliquis socialiter vult alii convivere, oportet quod abstinere ab his quæ alter abominatur.

Et per hoc patet responsio ad primum.

Ad secundum dicendum, quod dicuntur esse necessaria quantum ad sensum mysticum prædictum, vel quantum ad observandum communitatem vitæ inter Iudeos & Gentiles.

Ad tertium dicendum, quod Paulus non revocavit, sed exposuit Apostolorum intentionem, sicut qui præsens fuerat quando sententia data erat. Unde dicitur I. Corinth. viii. 1. (d) *De his autem quæ idolis immolantur, non omnes habemus scientiam:*

(a) *Id.* non possunt esse. (b) *Id.* ab idololatriis, & sanguine suffocato. (c) *Id.* Idololatrium.

(d) Vulgata. *De his autem quæ idolis sacrificantur scimus: quia omnes scientiam habemus.*

riam: quia non omnes intelligebant qualiter essent prohibita.

ARTICULUS VI.

Utrum sola fides valeret parvulis ad remissionem originalis peccati.

1. **A**D sextum sic proceditur. Videtur quod ante circumcisionem non valebat ad remissionem originalis peccati pro parvulis sola fides. Efficacior enim est caritas quam fides. Sed caritas aliena numquam sufficit ad meritum. Ergo nec fides ad iustificationem.

2. Præterea. Si fides aliena valebat, ergo eadem ratione etiam infidelitas nocebat; & ita ex peccato actuali parentum puer puniretur; quod est inconveniens.

3. Præterea. Fides non magis iuvat alium quam habentem. Sed illi qui habebant fidem, non semper iuvabantur a fide: quia poterat esse quod haberent fidem informem. Ergo nec puero valebat fides parentum ad delendum originale peccatum.

Sed contra est quod dicit Gregorius in littera.

Præterea. Peccatum quod ex altero contrahitur, ex altero potest habere medicinam. Sed peccatum originale parvuli ex altero contrahebat. Ergo poterat ex fide aliena ab ipso mundari.

QUAESTIUNCULA II.

1. Ulterius. Videtur quod fides non suffecerit sine aliquo exteriori signo. Dicit enim Augustinus contra Faustum (Lib. XIX. cap. xi.) quod in nullo nomen religionis, sive verum, sive falsum, poterant homines sine aliquo signo visibili adunari. Sed per illud quod originale deletur, homines in religionem veræ fidei adunantur: quia oportet huiusmodi remedium esse instantium. Ergo oportebat quod fieret aliquo visibili signo.

2. Præterea. Actus mentis potest se extendere ad natos, & non natos, (a) sed conceptos, æqualiter. Si ergo fides sine exteriori signo sufficiebat ad deletionem originalis, videtur quod poterant etiam non-nati ab originali peccato per fidem mundari.

3. Præterea. Modò non valet fides ad salutem sine aliquo signo exteriori. Si ergo

tunc valuisset, videtur quod fuisset maioris efficaciar quam modo.

Sed contra est, quia secundum hoc non esset differentia inter parvulos & adultos; quam tamen Gregorius assignat (Lib. IV. Moral. cap. 11.)

Præterea. Omnia sacramenta illius temporis habebant totam efficaciam suam ex fide. Ergo tantum faciebat fides sine exteriori signo, quantum cum eo; & ita exteriora signa non requirebantur, ut videtur.

QUAESTIUNCULA III.

1. Ulterius. Videtur quod in adultis non requiretur sacrificium, vel aliud huiusmodi. Non minus enim valet alicui fides propria quam alteri fides aliena. Sed pueris sufficiebat fides aliena sine exteriori signo, ut probatum est. Ergo & adultis.

2. Præterea. Hugo de sancto Victore dicit (Lib. I. de sacram. part. xi. cap. 111. iv. & v.) quod nullus obligabatur ad sacramenta illius temporis, sed voto celebrabantur. Sed quod est huiusmodi, non est de necessitate salutis. Ergo absque sacrificiis poterat emundari ab originali.

Sed contra est quod Gregorius in littera dicit, quod pro parvulis sola fides, pro adultis sacrificia, & oblationes (b) valebant.

SOLUTIO I.

Respondeo dicendum, quod peccatum originale est peccatum naturæ: natura autem reparari non poterat nisi per Christum: & ideo numquam poterat remitti peccatum originale alicui nisi facta relatione, & quadam continuatione illius qui curari debebat, ad Christum, quod per fidem fiebat: & ideo fides Mediatoris semper fuit efficax ad curandum ab originali: in illis quidem qui usum liberi arbitrii habebant, propria; in aliis vero aliena, ut nec eis omnino deesset divinum remedium.

Ad primum ergo dicendum, quod fides in cognitione est, caritas autem in affectione. Affectio autem est eius quod est sibi bonum; sed cognitio est eius quod est verum simpliciter: & ideo fides poterat magis respicere Mediatorem, prout erat causa salutis alteri, quam caritas: & propter hoc magis iustificatio quæ fit in sacramentis, attribuitur fidei quam caritati.

Ad secundum dicendum, quod fides aliena

(a) scilicet conceptus æqualiter. (b) scilicet de oblationibus valebant.

ljena non iuvabat inquantum erat actus personæ, sed ex parte illa qua respiciebat obiectum suum, scilicet Christum, quod erat medicina totius naturæ; in quo habebat quamdam similitudinem cum sacramentis nostris, inquantum iustificabat ex obiecto, quasi ex opere operato, non autem ex opere operante.

Et per hoc patet solutio ad tertium: quia formatio, & infirmitas fidei sunt conditiones eius ex parte operantis, non autem ex parte obiecti: & ideo infirmitas fidei in parente non impediēbat effectum salutis in filio; impediēbat autem in ipso quia infirmitas illa proveniebat ex aliquo quod erat contrarium salutis, scilicet ex peccato mortali.

SOLUTIO II.

Ad secundam questionem dicendum, quod circa hoc est duplex opinio.

Quidam enim dicunt, quod non sufficiebat fides sine professione fidei facta per aliquod exterius signum: & erat differentia inter parvulos & adultos quantum ad hoc tantum quod parvulis sufficiebat fides aliena cum exteriori signo ab aliis facta, sed adultis fides propria cum signo ab eis facta.

Sed quia hoc non videtur consonare cum verbis Gregorii in littera positus, ideo alii probabilius dicunt, quod parvulis sufficiebat sola fides sine omni exteriori signo; non autem habitus fidei solum, sed motus eius telatus ad salutem pueri in vi cuiusdam professionis interioris fidei, quicumque esset ille qui quoquo modo professionem fidei suæ ad puerum suum referret; magis tamen pertinebat hoc ad parentes, qui pueri curam habere debebant, & per quos originale contraxerat.

Ad primum ergo dicendum secundum hoc, quod illud per quod homines tempore legis naturæ in veram religionem congregabantur, non habebat virtutem nisi ex fide: & ideo non erat necessitatis, sed pro voto celebrabatur, ut unus alii innotesceret.

Ad secundum dicendum, quod puer adhuc in utero matris existens, quantum ad humanam cognitionem pertinet, non habet esse distinctum a matre; & ideo per actum hominis consequi non potest nec nunc ut mundetur ab originali per baptismum, nec tunc ut mundaretur per fidem paren-

tum: sed divinitus mundari potest, sicut de sanctificatis in utero apparet.

Ad tertium dicendum, quod fidei efficacia non est diminuta, cum omnia sacramenta ex fide efficaciam habeant; sed est ei aliquid adiunctum quod necesse est observari: sicut non est minoris efficaciz lex moris in religioso quam in seculari; quamvis præcepta moralia sufficiant ad salutem in seculari, sed in religioso requirantur consilia, ad quæ se ex voto obligavit.

SOLUTIO III.

Ad tertiam questionem dicendum, quod illa sacramenta legis naturæ non erant ex præcepto divino obligantia, sed ex voto celebrabantur, secundum quod unicuique dictabat sua mens, ut fidem suam aliis exteriori signo profiteretur ad honorem Dei, secundum quod habitus caritatis inclinabat ad exteriores actus: & sic dicimus de caritate, quod sufficit motus interior; quando autem tempus habet operandi, requiruntur etiam exteriores actus. Ita etiam quantum ad adultos in lege naturæ sufficiebat sola fides, cum etiam modo sufficiat ei qui non ex contemptu sacramenta dimittit; sed ipsa fides, quando tempus habebatur, insinabat ut se aliquibus signis exterioribus demonstraret. Quando autem illa signa adhibebantur, non erat efficacia remissionis culpæ ex illis exterioribus, sed ex interiori fide: & sic intelligenda sunt verba Gregorii.

Et per hoc patet solutio ad obiecta.

EXPOSITIO SECUNDÆ PARTIS TEXTUS.

IN sinu Abrahæ. Sinus Abrahæ dicitur limbus patrum, in quo distincti erant sancti ab aliis: & quia Abraham primus ab infidelibus loco, & titu se separasse legitur, ideo dicitur Abrahæ sinus.

Lapideo cutro. Intelligendum est non semper, sed in quibusdam notabilibus circumcisionibus, sicut legitur Exod. 19. & Iosue v.

In carne vero præputii ideo iussa est fieri circumcisio, quia in remedium instituta est originali peccati. Caro præputii dicitur (a) pellicula contegens carnem: quia in ipsa carne, ubi concupiscentia magis est, non poterat abscisio fieri sine periculo.

Tamen sub lege, ingruente necessitate mortis,

a) Ad, additur hæc.

ait, ante clavum diem circumcidebant sine quo supra posita est, videtur esse magis peccato filios. Magister hic loquitur secundum opinionem suam; tamen alia opinio

DISTINCTIO II.

De sacramentis novae legis.

Iam ad sacramenta novae legis accedamus, quae sunt baptismus, confirmatio, panis benedictio, idest eucharistia, poenitentia, unctio extrema, ordo, coniugium. Quorum alia remedium contra peccatum praebent, & gratiam adiutricem conferunt, ut baptismus; alia in remedium tantum sunt, ut coniugium; alia gratia, & virtute nos fulciunt, ut eucharistia, & ordo.

Quare mox post hominis casum non fuerint instituta.

Si vero quaeritur, quare non fuerint haec sacramenta instituta mox post hominis lapsum, cum in his sit iustitia, & salus: dicimus, ante adventum Christi, qui gratiam attulit, gratiae sacramenta non fuisse danda, quae ex ipsius morte, & passione virtutem sortita sunt. Christus autem venire noluit, antequam homo de lege naturali, & scripta convinceretur, quod neutra iuvare posset.

Quod sacramentum coniugii fuit ante peccatum.

Fuit tamen coniugium ante peccatum institutum, non utique propter remedium, sed ad sacramentum, & ad officium; post peccatum vero fuit remedium contra carnalis concupiscentiae corruptelam: de quo suo loco tractabimus.

De baptismo.

Nunc vero de baptismi sacramento videamus, quod inter novae gratiae sacramenta primum est. Baptismus Christi Ioannes suo baptismo praenuntiavit, qui primus baptizasse legitur; sed in aqua non in spiritu, sicut ipse ait (Ioan. 1. 26.) „ Ego baptizo vos in aqua, “ idest in poenitentiam. Sola enim corpora abluebat, a peccatis vero non mundabat. Baptismus Ioannis erat in poenitentiam, non in remissionem; baptismus vero Christi in remissionem: quia Ioannes baptizans homines ad poenitentiam vocabat, & quos baptizabat, poenitere docebat, secundum illud (Marc. 1. 5.) „ Veniebant ad Ioannem in Iordanem, confitentes peccata sua. “ Sed in baptismo Ioannis non dabatur peccatorum remissio, quae data est in Christi baptismo.

Quid utilitatis habebat baptismus Ioannis.

Ad quid ergo utilis erat baptismus Ioannis? Quia homines usu baptizandi praeparabat ad baptismum Christi. Sed quaeritur, quare dictus est baptismus Ioannis, sicut Veritas dicit (Matth. 22. 25.) „ Baptismus Ioannis unde est? “ Quia ibi Ioannis operatio tantum visibilis erat exterius lavantis, non invisibilis gratia Dei operantis interius. Sed tamen & illa Ioannis operatio a Deo erat, & baptismus ille a Deo erat, non ab homine. Sed hominis dictus est, quia nihil gerebat quod non ageret homo. Si vero quaeritur, an sacramentum fuerit, satis potest concedi ex eo sensu quo legalia signa dicuntur sacramenta. Significabat enim baptismus Ioannis rem sacram, scilicet baptismum Christi, qui non tantum est poenitentiae, sed & remissionis peccatorum.

De forma baptismi Ioannis, & de baptizatis ab eo.

Hic considerandum est, si baptizati a Ioanne, iterum baptizati sunt baptismo Christi, & qua forma verborum ulus sit Ioannes. Illi qui baptizati sunt a Ioanne, nescientes Spiritum sanctum esse, ac spem ponentes in illius baptismo, postea baptizati sunt baptismo Christi. Baptismus autem Ioannis in nomine venturi tradebatur. Unde Hieronymus super Ioelem (cap. 11. circa finem.) „ Qui „ dicit se in Christum credere, non credens in Spiritum sanctum, perfectæ fidei „ oculos non habebit. „ Unde baptizati a Ioanne in nomine venturi „ domini Iesu, quia dixerunt (Ad. 19. 2.) „ Sed neque si Spiritus sanctus est, au- „ divimus: iterum baptizabantur; immo verum baptismum accipiebant. Illi vero qui spem non posuerunt in baptismo Ioannis, & Patrem, & Filium, & Spiritum sanctum credebant, non baptizati fuerunt, sed impositione manuum ab Apostolis super eos facta Spiritum sanctum receperunt. Alii vero qui non ita credebant, baptizati sunt baptismo Christi, ut prædictum est. Unde Hieronymus (in epistola lxxxiii. ad Oceanum de unius uxori viro.) „ Qui Spiritum sanctum nesciebant, „ cum baptismum a Ioanne ceperunt, iterum baptizati sunt baptismo Christi, ut „ prædictum est, ne quis ex Iudeis, vel Gentibus putaret aquam sine Spiritu sancto ad salutem posse sufficere. „ De hoc etiam Ambrosius in Libro I. de Spiritu sancto (cap. 114.) ait: „ Quidam negaverunt se scire Spiritum sanctum, cum „ baptizatos se dicerent baptismo Ioannis, qui in adventu Iesu, non in suo baptizavit nomine. „ Illi ergo quia nec in Christi nomine, nec cum fide Spiritus sancti baptizati fuerant, non potuerunt accipere baptismi sacramentum. Baptizati sunt ergo in nomine Christi; nec iterum est in his baptisma, sed innovatum.

DIVISIO TEXTUS.

Postquam determinavit Magister de sacramentis in communi, hic descendit ad sacramenta novæ legis, de quibus principaliter intendit: & dividitur in partes duas. In prima determinat de quibusdam quæ præxiguntur ad sacramenta novæ legis; in secunda prosequitur de eis 11. dist. ibi. *Post hoc videndum est quid sit baptismus.* Prima dividitur in duas. In prima determinat quæ præxiguntur ad sacramenta novæ legis ordine doctrinæ. In secunda determinat de baptismis Ioannis, quod præxigebatur ad ea ut dispositio, si ve preparatio, ibi. *Nunc autem de baptismis sacramentis videamus.* Circa primum duo facit. Primo ponit distinctionem sacramentorum novæ legis & quantum ad numerum, & quantum ad effectum. Secundo ponit eorum institutionem, ibi. *Si vero queratur &c.* Ubi primo ponit communem sacramentorum novæ legis institutionem. Secundo excipit matrimonium quantum ad aliquid, ibi. *Fuit tamen coniugium ante peccatum institutum.*

Nunc autem de baptismi sacramento videamus. Hic determinat de baptismis Ioannis, & circa hoc duo facit. Primo determinat

de ipso baptismis secundum se; secundo de eo quantum ad suscipientes, ibi. *Hic considerandum est &c.* Circa primum duo facit. Primo ostendit differentiam baptismi Ioannis ad baptismum Christi; secundo ostendit quasdam condiciones baptismi Ioannis: & primo utilitatem, ibi. *Ad quid ergo utilis erat baptismus Ioannis?* secundo nomen, ibi. *Sed queritur quare dictus est baptismus Ioannis?* tertio genus, ibi. *Si vero queritur an sacramentum fuerit, satis potest concedi &c.*

QUAESTIO I.

Hic est duplex quaestio. Primo de sacramentis novæ legis in generali. Secundo de baptismis Ioannis.

Circa primum queruntur quatuor.

Primo. De distinctione sacramentorum quantum ad effectum.

Secundo. De distinctione eorum quantum ad numerum.

Tertio. De ordine ipsorum.

Quarto. De institutione eorum.

ARTICULUS I.

Utrum omnia sacramenta contra aliquem animæ defectum sint instituta.

III. P. quæst. lxxv. art. 1. in corp.

1. **A**D primum sic proceditur. Videtur instituta in remedium contra aliquem animæ defectum. Sacramentum enim a sanctitate dicitur. Sed sanctitas non semper importat remedium contra defectum, sed etiam confirmationem in bono. Ergo non omne sacramentum est ad remedium institutum.

2. Præterea. Omne remedium contra aliquem defectum ad purgationem pertinet. Sed Dionysius (de eccles. hier. part. 1. cap. v.) distinguit sacramenta quæ pertinent ad perfectionem, scilicet confirmationem, & eucharistiam, ab illis quæ pertinent ad purgationem, sicut est baptismus. Ergo non omne sacramentum est ad remedium.

3. Præterea. Hoc videtur ex diffinitione quam Magister ponit in littera. Quibusdam enim attribuit remedium conferre, & gratiam, sicut baptismus; quibusdam gratiam tantum, sicut confirmationi, & ordini; matrimonio autem remedii collationem tantum. Ergo non omne sacramentum est ad remedium institutum.

Sed contra est quod Hugo de S. Victore dicit (Lib. I. de sacram. part. ix. cap. 111. & 1v.) quod sacramenta sunt vasa medicinalia. Sed omnis medicina est in remedium alicuius morbi. Ergo & omne sacramentum est in remedium alicuius defectus spiritualis.

Præterea. Sacramenta, ut dictum est (dist. 1. quæst. 1. art. 4. quæstiunc. 1.) habent efficaciam a passione Christi. Sed passio Christi directe ordinatur ad tollendos defectus nostros. Ergo & sacramenta in remedium ordinata sunt.

QUAESTIUNCULA II.

1. Ulterius. Videtur quod aliquod sacramentum sit tantum in remedium, scilicet matrimonium. Solus enim consensus mutuus matrimonium facit. Sed consensus non potest esse causa gratiæ, quia gratia non est ex actibus nostris. Ergo in matrimonio gratia non confertur; & sic est in remedium tantum.

2. Præterea. Secundum Hugonem (Lib. I. de sacram. part. ix. cap. 11.) sacramenta ex sanctificatione invisibilem gratiam continent. Sed sanctificatio quæ fit per ministros Ecclesiæ, non est de essentia matrimonii quantum ad sacramenti necessitatem, sed solum est de solemnitate ipsius. Ergo non confertur ibi gratia; & sic idem quod prius.

3. Præterea. Hoc Magister expresse in littera dicit.

Sed contra. Diffinitio generis debet omnibus speciebus convenire. Sed in diffinitione sacramenti novæ legis ponitur: *Ux causa gratiæ existat*. Ergo convenit matrimonio; & sic non est tantum in remedium.

QUAESTIUNCULA III.

1. Ulterius. Videtur quod sacramenta non sint in remedium contra poenam, sed solum contra culpam. Sacramenta enim efficaciam habent ex hoc quod gratiam continent. Sed gratia non opponitur poenæ, sed culpæ. Ergo sacramenta non ordinantur in remedium contra poenam.

2. Præterea. Sapientis medici est per causam curare effectum. Sed causa poenæ est culpa. Ergo cum Christus sit sapientissimus medicus, non instituit aliqua sacramenta ad curandum poenam, nisi ea quæ curant & culpam.

Sed contra. Extrema unctio contra infirmitatem videtur ordinari, ut patet lac. ult. Sed infirmitas poena est. Cum ergo extrema unctio sit sacramentum, aliquid sacramentum ordinabitur contra poenam, & non tantum contra culpam.

QUAESTIUNCULA IV.

1. Ulterius. Videtur quod aliquod sacramentum ordinetur contra culpam venialem. Quædam enim sacramenta sunt novicia, nisi depositio mortali accipiantur, sicut patet de eucharistia, & de ordine. Sed dantur in remedium alicuius culpæ. Ergo dantur contra venialem.

2. Præterea. Medicina spiritualis magis debet apponi contra culpam quam contra poenam. Sed peccatum veniale culpa aliqua est. Cum ergo aliqua sacramenta ordinentur contra poenam, multo fortius videtur quod aliquod possit ordinari contra culpam venialem.

Sed contra. Pœnitentia ordinatur contra mortale, & veniale peccatum; quod patet per Magistrum, qui infra (dist. vi.) dicitur.

terminat de poenitentia venialium, & Augustinus in Lib. de poenitentia. * Sed poenitentia sufficit contra mortale, nec aliud sacramentum contra mortale ordinatur. Ergo multo magis sufficit contra veniale, nec oportet aliquod sacramentum speciale contra veniale ordinari.

SOLUTIO I.

Respondeo dicendum ad primam questionem, quod quaecumque ad perfectionem alicuius rei oportet aliquid apponere ultra id quod requiritur ordo illius naturae secundum se considerat, hoc accidit ad subveniendum alicui defectui illius rei; sic ut quando ad sustentationem corporis non sufficit cibum ministrare, nisi addantur aliqua digestiva, signum est defectus in virtute digerente. Ex ordine autem humanae naturae nihil aliud requiritur ad eius perfectionem spirituales, nisi Deus influens, & gratia, & virtutes influxae. Unde cum aliqua res corporales adhibentur ad hominis sanctificationem, ex quibus secundum ordinem naturae sanctificatio hominis non dependet, signum est quod hoc sit ad subveniendum alicui defectui ipsius: & ideo cum hoc inveniatur in omnibus sacramentis, omnia sacramenta in remedium alicuius spiritualis defectus instituta sunt.

Ad primam ergo dicendum, quod ex hoc ipso quod ad sanctitatem homo perducitur per ea quae naturae secundum se considerat ordo non requirit, signum est quod alicui defectui remedium adhibetur. Unde quavis sacramenta ex ratione sanctificationis non habent quod sint in remedium, habent tamen hoc ex officio, si ve ex modo sanctificandi.

Ad secundum dicendum, quod defectus spiritualis dupliciter contingit, sicut & corporalis. Uno modo ex positione contrarii, sicut quando corpus est xgrum, & quando in anima est peccatum. Alio modo ex subtractione eius quod ad perfectionem necessarium erat vel corporis, vel animae; sicut quando corpus est debile ad exercenda corporalia opera, & similiter quando spiritus ad exequenda spiritualia. Remedia ergo quae dantur contra primum defectum, aliquid realiter tollunt, & ideo purgationis ratio-

nem habent. Remedia autem quae sunt contra defectum secundum, non tollunt aliquid secundum rem, sed solum aliquid adiciunt ad perfectionem: & ideo talia remedia non dicuntur purgare, sed perficere. Et haec eadem sunt quae Magister dicit non gratia, & virtute fulcire, in quantum perfectiva sunt; nihilominus tamen in remedium alicuius defectus sunt.

Unde pater solutio ad tertium.

SOLUTIO II.

Ad secundam questionem dicendum, quod circa hoc sunt duae opiniones.

Una est quod in matrimonio gratia aliqua non confertur; sed tantummodo sit in remedium contra concupiscentiam. Hoc autem non videtur convenienter dictum: quia aut intelligitur esse in remedium concupiscentiae, quasi concupiscentiam reprimens, quod sine gratia esse non potest: aut quasi concupiscentiae in parte satisfaciens, quod quidem facit ex ipsa natura actus, non intellecta etiam ratione sacramenti: & praeterea concupiscentia non reprimitur per hoc quod ei satisficit, sed magis augetur, ut Philosophus dicit in III. Ethic. (cap. ult.) aut in quantum excusat concupiscentiae actum, quod sine matrimonio deformis esset; & hoc quidem facit per bona matrimonii, quae ei conveniunt etiam in quantum est in officium, & ratione suae sanctificationis, cum qua communicat cum sacramentis veteris legis; & ita per hoc non habet aliquid praeter illis, ut cum sacramentis novae legis computari debeat.

Et propter hoc alii dicunt, quod matrimonium consideratur in triplici statu. Primo ante peccatum, & tunc erat tantum in officium. Secundo sub lege, ubi ex ipsa sanctificatione sua excusabilem reddebat matrimonii actum, qui abique hoc turpis fuisset. Tertio sub statu gratiae, ubi ultterius gratiam confert ad concupiscentiam reprimendam, ut scilicet unusquisque (a) possideat vas suum in honorem, & non in contumeliam, sicut & gentes quae (b) ignorant Deum: I. Thessal. iv. & Tob. vi. dicitur, quod in illis qui in timore Dei uxores accipiunt, & amore filiorum ad cultum Dei magis quam amore libidinis,

F 2

(a) *M. possideret*, (b) *M. ignorabant*.

EX EDIT. P. NICOLAI.

* Sive de utilitate poenitentiae, ut inscribitur modo, idem Lib. I. homiliarum hom. xxvii. cap. vii. item colligi potest ex hom. I.

dinis, demon potestatem non habent.

Ad primum ergo dicendum, quod sicut res corporales quæ sunt in aliis sacramentis, non habent ut propria virtute gratiam conferre possint, sed ex institutione divina: ita etiam est de illis quæ matrimonium causant, quæ ex ipsa institutione divina habent quod ad gratiam instrumentaliter disponant, nisi sit defectus ex parte nostra.

Ad secundum dicendum, quod quædam sacramenta sunt ad quorum efficaciam præexigitur sanctificatio materiæ, ut patet in confirmatione, vel extrema unctione; quædam vero non præexigunt prædictam sanctificationem, sicut patet in baptismo. Unde benedictio materiæ quæ fit a ministro, non est de necessitate, sed de solemnitate sacramenti: & similiter est etiam de matrimonio.

Ad tertium dicendum, quod unumquodque denominatur ab eo ad quod est. Gratia autem quæ in matrimonio confertur, secundum quod est sacramentum Ecclesiæ in fide Christi celebratum, ordinatur directe ad repræmendum concupiscentiam, quæ concutit ad actum matrimonii: & ideo Magister dicit, quod matrimonium est tantum in remedium; sed hoc est per gratiam quæ in eo confertur.

SOLUTIO III.

Ad tertiam quæstionem dicendum, quod duplex est pœna peccati. Quædam quæ pro peccato infligitur, sicut pœna infirmi, & flagella quibus a Deo temporaliter punimur; quædam ex ipso peccato consequens immediate, & per consequens ad peccatum ordinans, sicut est debilitatio naturæ ad resistendum peccato, & huiusmodi. Contra primam ergo pœnam non datur sacramentum in remedium directe, sed ex consequenti, ut scilicet curam causâ, scilicet peccato, cesset effectus, scilicet pœna; sed contra secundam pœnam datur directe aliquod sacramentum, illa scilicet quæ in remedium sunt contra defectum contingentem ex subtractione necessarij, non ex positione contrarij.

Ad primum ergo dicendum, quod pœnæ contra quas dictum est sacramentum ordinari, etiam ad gratiam contrarietatem habent: quia ex subtractione contingunt, & in contrarium gratiæ ordinant.

Ad secundum dicendum, quod sicut est in medicina corporali, quod curato morbo adhuc remanent aliquæ reliquæ morbi ex

morbo causatæ, contra quas oportet specialia medicamenta dari; ita etiam est in medicina spirituali: & propter hoc contra prædictas pœnas oportet esse aliqua sacramenta.

SOLUTIO IV.

Ad quartam quæstionem dicendum, quod circa hoc est duplex opinio.

Quidam enim dicunt, aliqua sacramenta in remedium venialis dari, sicut eucharistiam, & extremam unctionem. Sed hoc non videtur convenienter dictum: quia penitentia purgativa est universaliter omnis peccati actualis, mortalis, & venialis: unde ad hoc non oportebat aliquod sacramentum institui. Et præterea etiam non existentibus venialibus, adhuc necessitas illorum sacramentorum esset ad consummandum in bonum, secundum doctrinam Dionysij (ubi supra.).

Et ideo aliter dicendum, quod contra veniale non ordinatur aliquod sacramentum ad curationem ipsius principaliter institutum, quamvis ex consequenti multa sacramenta contra venialia valeant. Veniale enim & culpa est, & dispositio ad culpam, imperfectam tamen rationem habens culpe, ita quod gratiam non excludit. Et ideo in quantum culpa est, potest tolli per omnia sacramenta quæ contra culpam tollendam ordinantur; in quantum vero est dispositio ad culpam, ex ablata mortali culpa remanens, potest tolli etiam per sacramenta illa quæ contra pœnam ex culpa relictam, & ad culpam inclinantem ordinantur.

Ad primum ergo dicendum, quod illa sacramenta quæ gratiam in suscipiente præexigunt, non ordinantur directe contra culpam: quia non sunt ad tollendum contrarium, sed ad suppleendum defectum.

Ad secundum dicendum, quod sacramentum quod tollit mortalem culpam, sufficit etiam ad tollendum venialem: & ideo contra veniale non oportet aliquod sacramentum dari, sicut contra reliquas culpas, ad quarum ablationem penitentia non ex toto sufficit sine aliis sacramentis.

ARTICULUS II.

Utrens sacramenta debeant esse septem.

III. Parte ubi supra.

1. **A**D secundum sic proceditur. Videtur quod non debeant esse septem sacramenta. Sicut enim supra dictum est, omnia sacramenta efficaciam habent a passione Christi. Sed unum est sacramentum quod directe est representativum passionis Christi, & ipsum totum Christum continet, scilicet eucharistia. Ergo illud sacramentum sufficeret.

2. Præterea. Quod potest fieri per unum, non debet fieri per plura. Sed per baptismum tolluntur omnia peccata. Ergo non oportebat quod aliquod aliud sacramentum contra culpam ordinaretur.

3. Præterea. Sacramenta in remedium contra defectum ordinantur. Sed duplex est defectus, scilicet culpæ, quæ est quasi contrarium, & poenæ, quæ ex defectu gratiæ accidit, ut dictum est. Ergo duo sacramenta sufficerent.

4. Præterea. In lege nova, ubi manifestior est veritas, minimum debet esse de figuris. Sed in lege naturæ, secundum Hugonem (Lib. I. de sacram. part. xi. cap. 111.) erant tantum tria sacramenta, scilicet oblationes, decimæ, & sacrificia. Ergo non debent esse plura sacramenta in lege nova quam tria.

5. Præterea. Sacramenta legalia nostrorum sacramentorum figuræ fuerunt. Sed ipsi non habuerunt aliqua sacramenta respondentia confirmationi, & extremæ unctioni. Ergo nec nos huiusmodi sacramenta habere debemus.

6. Præterea. Dionysius in eccl. Hierar. ubi de sacramentis tractat, matrimonium, & penitentiam omittit. Ergo videtur quod non sint nisi quinque sacramenta.

7. Sed contra. Videtur quod sint plura. Omne enim illud quod in remedium peccati datur, videtur esse sacramentum. Sed aqua benedicta est huiusmodi, quia per eam venialia tolluntur. Ergo est sacramentum.

8. Præterea. Sicut circa concupiscentiam quæ est in veneris, contingit esse peccatum intemperantiæ; ita circa concupiscentiam quæ est in cibis, & potibus. Sed contra primam concupiscentiam habemus unum sacramentum. Ergo & contra secundam habere debemus.

9. Præterea. Dionysius (de eccl. Hier. cap. vi. part. 3.) inter sacramenta nominat monasticam consummationem, sive consecrationem. Sed non computatur inter septem sacramenta hic enumerata. Ergo sunt plura quam septem.

10. Præterea. Oblationes, & decimæ in lege naturæ erant sacramenta, secundum Hugonem (ubi supra.) Cum ergo modo sint oblationes, & decimæ, videtur quod sint sacramenta; & sic idem quod prius.

11. Præterea. Sacramenta ex sanctificatione invisibilem gratiam continent, secundum Hugonem (Lib. I. de sacram. part. ix. cap. 111.) Sed multæ sunt sanctificationes per ministros Ecclesiæ factæ quæ hic non numerantur, sicut consecratio templi, & altaris, & sacrum vestium, & huiusmodi. Ergo sunt plura sacramenta.

SOLUTIO.

Respondeo dicendum, quod sacramenta ex hoc quod sunt sacramenta, habent quod sint in remedium contra defectum aliquem; ex hoc autem quod sacramenta Ecclesiæ, habent per ministros Ecclesiæ dispensari, & in membra Ecclesiæ transfundi. Et ideo dupliciter potest accipi numerus sacramentorum proprie. Primo ex defectibus contra quos sacramenta ordinantur. Ordinantur autem sacramenta, ut ex dictis patet, ad tollendum contrarium, & ad supplendum defectum. Contrarium autem sanctitati est culpa: quæ quidem dupliciter tollitur. Uno modo, impediendo ne fiat; & hoc modo in remedium culpæ *matrimonium* ordinatur. Alio modo, subtrahendo iam existentem; & sic contra originalem culpam ordinatur *baptismus*, contra actuale *penitentia*. Secundum remedium præbent supplendo quod deficit, & ea quæ perfectionis sunt essentialia. Est autem duplex perfectio. Una formæ ad actum; & hanc quidem perfectionem facit *ordo* quantum ad executionem bonorum, quia reddit hominem idoneum ad dispensationem sacramentorum; sed quantum ad perfectionem difficultatem facit dictam perfectionem *confirmatio*, quæ hominem fortem reddit, ut nomen Christi propter pressuras mundi confiteri non refugiat. Alia autem perfectio est in ordine ad finem, ad quem per actus pervenitur; & hanc quidem perfectionem quantum ad finem intra facit *extrema unctio*, quæ est quædam delibutio præparans in gloriam resurrectionis; quantum vero ad finem extra facit *eucharistia*, quæ membra capiti coniungit.

iungit. Et quia hic est ultimus terminus nostræ sanctificationis, ideo dicit Dionysius (de eocl. Hierarch. cap. 11. & 111.) quod omnis alia sanctificatio in eucharistiam terminatur: quia & ordinati, & baptizati eucharistiam sumunt. Si autem considerantur sacramenta, ut sunt Ecclesiæ sacramenta, scilicet per ministros Ecclesiæ dispensanda, sic potest secundum doctrinam Dionysii, hoc modo numerus eorum accipi. In qualibet enim hierarchia oportet esse actionem hierarchicam, & excentes eam, & recipientes. Recipientes autem per ipsas actiones superiorum in suis gradibus perficiuntur: & ideo ex parte eorum non debet esse aliquod speciale sacramentum, per quod receptivi sacramentorum fiant. Actio autem hierarchica est triplex, scilicet purgare, illuminare, perficere. Sed quia nullum sacramentum novæ legis purgat sine gratiæ infusione, quæ illuminatio dicitur; ideo Dionysius in sacramentis coniungit purgationem illuminationi. Potest autem esse in sacramentis purgatio vel a culpa; & sic habet purgativam, & illuminativam vim quantum ad originale *baptismus*, quantum ad actuale *penitentia*; vel a reliquis culpæ, & sic extrema *unctio* purgare habet; vel a causa culpæ, quæ est concupiscentia, & sic *matrimonium*, quod eam reprimat, & ordinat, vim purgativam habet. Perfectio autem est duplex, scilicet perfectio formæ, & ad hanc est *confirmatio*; quæ hominem in seipso consistere facit, ut a contrariis non facile solvatur; & perfectio finis, & ad hanc est *eucharistia*, quæ nos fini coniungit. Ex parte autem exercentium actiones hierarchicas accipitur unum sacramentum, scilicet *ordo*, per quem ministri Ecclesiæ ponuntur in statu exercendi hierarchicas actiones.

Potest & aliter accipi numerus sacramentorum secundum conditionem eorum quibus per sacramenta subvenitur. Sunt enim sacramenta in remedium data. Aut igitur in remedium unius personæ, aut totius Ecclesiæ. Si primo modo, aut quantum ad ingressum, & sic est *baptismus*; aut quantum ad egressum, & sic est *extrema unctio*; aut quantum ad progressum, & hoc est dupliciter. Uno modo quantum ad executionem virtutis, vel ut a malis non superemur, & quantum ad hoc est *confirmatio*; vel ut bonis adhareamus, & quantum ad hoc est *eucharistia*. Alio modo (a) quantum ad re-

parationem virtutis, si ipsam in pugna spiritali aliquo modo laedi contingit, & sic est *penitentia*. Si in remedium totius Ecclesiæ, aut in regimen, & multiplicationem ipsius spirituales, & sic est *ordo*, quia principatus bonum multitudinis est, secundum Philosophum in V. Ethic. (cap. 11. vel 111.) aut quantum ad multiplicationem materiale fidelium, & sic est *matrimonium*.

Quidam autem accipiunt numerum sacramentorum secundum adaptationem ad virtutes, ut fidei respondeat *baptismus*, quod sacramentum fidei dicitur, spei extrema *unctio*, per quam homo præparatur quodammodo ad futuram gloriam, caritati *eucharistia*, prudentiæ *ordo*, iustitiæ *penitentia*, temperantiæ *matrimonium*, fortitudinis *confirmatio*.

Quidam vero adaptant diversis generibus culparum, & peccatorum; ut *baptismus* sit contra culpam originalem, *penitentia* contra actualem mortalem, *extrema unctio* contra venialem, *ordo* contra ignorantiam, *matrimonium* contra concupiscentiam, *confirmatio* contra infirmitatem, *eucharistia* contra malitiam, quia est sacramentum caritatis, quæ per se opponitur malitiæ. Hæc enim quatuor dicit Beda (in cap. x. Lucæ) ex peccato consecuta:

Ad primum ergo dicendum, quod quamvis eucharistia sit memorialia ipsius dominicæ passionis, ipsum Christum continens, non tamen quantum ad omnes effectus eius. Vel dicendum, quod propter prædictam rationem eucharistia ordinatur ad ultimum effectum passionis Christi, quasi completissime ab ea efficaciam habens; & ideo, quantum est de se, valet contra omnes spirituales defectus: unde & cum singulis sacramentis exhibetur, quasi consummans effectum uniuscuiusque; sed tamen præexigit alia sacramenta, ut idoneus quis reddatur ad tanti perceptionem mysterii; sicut etiam in naturalibus ultima forma non datur nisi præcedentibus omnibus dispositionibus.

Ad secundum dicendum, quod *baptismus* est sacramentum incantum, quia facit hominem primo participem redemptionis Christi, conspeliens eum in similitudinem mortis Christi: & ideo non potest iterari, sicut nec passio Christi. Et quia peccata actualia iterantur, ideo contra culpam actualem oportet (b) aliquod remedium adhiberi, scilicet *penitentiam*, quamvis etiam *baptismus* ipsum deleat.

(a) *Al. desit* quantum. (b) *Erre* aliud.

Ad tertium dicendum, quod defectus illi sunt generales, & non habent eandem rationem in omnibus suis partibus; & ideo oportuit contra diversas partes eorum diversa remedia adhiberi.

Ad quartum dicendum, quod in lege naturæ multa signa gratiæ præcesserunt, sicut diluvium, occisio Abel, & huiusmodi, quæ ramen non debent dici sacramenta; sed illa tantum quæ ad aliquod remedium exhibebantur. Ea enim significabant rem sacram, ut actum sacramentum, quod est de ratione sacramenti, ut supra dictum est: & ideo in lege naturæ Hugo (loc. cit.) tantum ponit tria sacramenta, scilicet sacrificia, oblationes, & decimas: quia per hæc, ut dicit Gregorius, remedium ante circumcissionem contra originale erat. Et quavis tunc esset tempus figurarum magis quam modo, non oportebat esse signa determinata ad determinatos effectus gratiæ, sicut modo sunt: & ideo in quadam generalitate sacramenta illa, nostra sacramenta, & ipsorum causam, scilicet passionem Christi, significabant; sicut quod per sacrificia significatur passio, per oblationes dispositio patientis ad passionem, quia ipse se voluntarie obtulit ad passionem: Isai. lxxxv. per decimas autem comparatio patientis ad illos pro quibus patiebatur, qui imperfecti erant, ab ipso omnem perfectionem expectantes, sicut novem per decem complentur. Horum autem duo referuntur ad eucharistiam, scilicet sacrificium quantum ad significatum, & oblatio quantum ad materiam, & usum; sed decima præfigurabat baptismum, in quantum aliquid auferebatur. Matrimonium autem, & penitentia, & ordo erant illo tempore, sed tamen non computantur inter sacramenta illius temporis, quia non fiebant cum aliqua consecratione. Quilibet enim primogenitus, secundum Hieronymum (epist. cxxv. ad Evagrium) sacerdos erat: nec erat aliquis modus determinatus ipsorum, nisi secundum instinctum naturæ, prout cuique ratio fide innata dicebat faciendum.

Ad quintum dicendum, quod tempore legis scriptæ iam plura cum aliqua consecratione celebrabantur, quæ nostris sacramentis quasi figuræ respondent: quia per circumcissionem nostrum baptismus figuratur, per oblationes, & sacrificia eucharistia, per diversos ritus expiationum penitentia, per consecrationes Aaron, & filiorum eius novus ordo, & per matrimonium iam ad ali-

quas certas personas determinatum, & sub lege constitutum, nostrum matrimonium. Sed extremæ unctionis non debuit præcedere figura: quia extrema unctio est directivum, & præparatorium in gloriam, quam tunc statim post mortem consequi non poterant, sicut modo possunt. Similiter nec confirmatio, in qua complementum Spiritus sancti datur: tempus autem illud non erat tempus plenitudinis, sicut tempus istud.

Ad sextum dicendum, quod Dionysius non intendit ibi determinare de sacramentis, sed de actionibus hierarchicis, quæ consistunt in consecratione per ministros Ecclesiæ facta. Et quia matrimonium, & penitentia possunt habere suum effectum sine tali consecratione, ideo de eis non determinavit.

Ad septimum dicendum, quod aqua benedicta non ordinatur directe ad remedium præstandum, sed ad removendum prohibens: unde datur contra demonum nequitias, & venialia, & omne quod effectum sacramentorum impedire posset: propter hoc non est sacramentum, quia removens prohibens est agens per accidens; sed sacramentale, quasi dispositio quædam ad sacramenta.

Ad octavum dicendum, quod concupiscentia quæ est in actu generativæ, habet specialem sordiditatem ab aliis concupiscentiis: quia præter hoc quod est in se ipsa personæ, quod habet commune cum aliis, & idem remedium habens, scilicet penitentiam, est etiam infectio naturæ: & ideo debet habere speciale remedium, secundum quod ad purgationem naturæ ordinatur.

Ad nonum dicendum, quod ad quamlibet eminentiam status datur aliqua sanctificatio, cum sit ibi necessarium speciale auxilium gratiæ, sicut in consecratione Regum, & monachorum, & monialium; & ideo sunt actiones hierarchicæ; & propter hoc Dionysius de eis determinat; non tamen habent rationem sacramenti, sed solum illa eminentia (*) per quam homo efficitur sacrorum dispensator.

Ad decimum dicendum, quod oblationes, & decimæ erant sacramenta tunc, in quantum erant figurales; sed quantum ad hoc nunc non manent; sed solum secundum quod sunt morales ad usum ministrorum Ecclesiæ, & pauperum deputatæ: & ideo nunc non sunt sacramenta.

Ad undecimum dicendum, quod omnes illæ

(*) & ipse habet rationem sacramenti. Ad illam eminentiam.

illæ sanctificationes ordinantur ad sacramentum eucharistiæ; & ideo non sunt sacramenta, sed sacramentalia quedam.

ARTICULUS III.

Utrum sacramenta convenienter a Magistro ordinentur.

III. P. quæst. lxxv. art. 2.

1. **A**D tertium sic proceditur. Videtur illa quod sacramenta inconvenienter a Magistro hic ordinentur. Prius enim est quod animale est quam quod spirituale: I. Corinth. xv. Sed matrimonium ad vitam animale pertinet, omnia autem (a) alia sacramenta ad vitam spirituales. Ergo matrimonium est omnibus prius.

2. Præterea. Agens naturaliter prior est sua actione: unde & in iure prius determinatur de officiis quam de actionibus. Sed per sacramentum ordinis constituuntur dispensatores aliorum sacramentorum. Ergo ordo inter alia primo debet poni.

3. Præterea. Bonum commune est divinius quam bonum personæ, ut dicitur in I. Ethic. (cap. v.) Sed matrimonium, & ordo ordinantur in remedium commune; alia autem in remedium unius personæ, ut dictum est. Ergo illa duo sacramenta ante alia poni debent.

4. Præterea. Eucharistia perficit nos coniungendo fini, ut dictum est. Sed finis est ultimus in ademptione. Ergo eucharistia post omnia debet poni.

5. Præterea. Purgatio præcedit illuminationem, & perfectionem. Sed secundum Dionysium (de eccles. Hierar. cap. v. part. 1.) eucharistia pertinet ad perfectionem, similiter & confirmatio. Ergo poenitentia, quæ maxime ad purgationem pertinet, videtur quod antea debet poni.

6. Præterea. Dionysius (ubi supra) posuit eucharistiam ante confirmationem. Cum ergo (b) Magister contrarium faciat, videtur quod inconvenienter ordinet.

SOLUTIO.

Respondeo dicendum, quod prius, & posterius multipliciter dicitur; sed in his quæ ad actiones pertinent, prius quo ad nos est illud quod est prius in via generationis: & ideo secundum hanc viam Magister sacramenta, quæ sanctificationes quedam sunt, ordinat. Prius enim in via generationis est

bonum privatum quam commune, quod confurgit ex bonis singulorum, sicut homo est prior domo, & domus civitate: & ideo sacramenta quæ in remedium unius personæ ordinantur, prius ponuntur, inter quæ primo ponitur illud quod pertinet ad intrantes, scilicet *baptismus*; ultimo illud quod pertinet ad exeuntes, scilicet *extrema unctio*; in medio illa quæ pertinent ad progredientes, quæ hoc modo ordinantur. Quia enim perfecti bono (c) essentialius est virtuti, & commune singulis progredientibus ad virtutem; sed resurgere a peccato accidit huic progressui ex parte subiecti quod cecidit (unde non est omnibus commune) & quantum ad perfectionem ad bonum perfectio in forma præcedit in via generationis perfectionem in consecutione ad finem: ideo inter sacramenta quæ ad progressum in bonum pertinent, primo ponitur *confirmatio*, quæ est ad perfectionem similem perfectioni formæ; secundo *eucharistia*, quæ est ad perfectionem in fine; tertio poenitentia quæ est ad reparationem virtutis amissæ. Inter sacramenta autem quæ ad remedium totius Ecclesiæ deputantur, primo ponitur ordo: quia matrimonium, inquantum matrimonium, per ordinem dispensatur, secundum quod est sacramentum.

Ad primum ergo dicendum, quod matrimonium secundum quod pertinet ad vitam animale, non est sacramentum, sed naturæ officium; sed secundum quod habet aliquid spiritualis quantum ad signum, & effectum, sic sacramentum est: & quia minimum habent de spiritualitate, ideo ultimo inter sacramenta ponitur.

Ad secundum dicendum, quod in sacramentorum actionibus ordo non constituit principalem agentem, sed ministrum, & instrumentum quoddam divinæ operationis; in iudiciis autem iudex secundum firmam scientiæ, & iustitiæ operatur non solum sicut instrumentum; & ideo in iure præmittuntur ea quæ ad officia pertinent, sed in sacramentis non oportet.

Ad tertium dicendum, quod quamvis bonum commune sit divinius, tamen bonum singulare est prius in via generationis: & ideo etiam Philosophus monasticam politicam præmisit, ut patet in X. Ethic. (cap. v.)

Ad quartum dicendum, quod coniunctio ad finem est duplex. Una secundum plenam participationem ipsius; & illa coniunctio non efficitur per aliquod sacramentum;

(a) Al. sacramentalia. (b) Al. des. Mag. Acc. (c) Al. essentialiter.

tum; sed sacramenta ad eam disponunt, & inter omnia vicinius extrema unctio: & ideo ultimo ponitur inter ea quæ ad remedium unius personæ ordinantur. Alio modo secundum imperfectam, qualis est fructus vite; & ad hanc ordinatur eucharistia: & ideo non oportet quod ponatur ultima simpliciter, sed ultima in progressu ad bonum.

Ad quintum dicendum, quod penitentia non dicit purgationem absolute respectu cuiuslibet impunitatis spiritualis, hoc enim ad baptismum pertinet; sed purgationem in casu, scilicet quando aliquis a statu virtutis cecidit, ut iterum ad bonum redeat; & hæc est secunda tabula post naufragium, secundum Hieronymum (Lib. II. super Isai. cap. xxi. & in epist. de virginitate servanda ad Demetriadem) & ideo penitentia ponitur post illa sacramenta quæ ad consummationem in bonum ordinantur.

Ad sextum dicendum, quod Dionysius consideravit in eis ordinem magis quantum ad dispensationem eorum quam quantum ad effectum: quia eucharistia statim baptizatus datur, si sint adulti, non autem confirmatio: ideo post baptismum immediate eucharistiam posuit.

ARTICULUS IV.

Utrum in nova lege aliqua nova sacramenta de novo institui debuerint.

III. P. quest. lxi. art. 4.

1. **A**D quartum sic proceditur. Videtur quod non debuerint in nova lege aliqua sacramenta de novo institui. Natura enim operatur breviori via qua potest; & hoc ad ordinationem naturæ pertinet. Sed gratia est magis ordinata quam natura. Cum ergo brevior via esset quod sacramenta iam in veteri lege existentia perficerentur, quam aliqua de novo instituerentur, videtur quod aliqua de novo institui non debuerint.

2. Præterea. Sicut sacramenta sunt necessaria ad salutem, ita & præcepta. Sed Christus non alia præcepta moralia instituit, sed præexistencia consiliis perfecit. Ergo nec nova sacramenta instituire debuit.

Sed contra. Sacramenta sunt medicinæ spirituales, ut prius dictum est. Sed non competit eadem medicina parvulo, & adulto. Cum ergo status legis comparatur puerili ætati, status autem temporis gratiæ

S. Th. Oper. Tom. XII.

ætati perfectæ, ut patet Gal. iv. videtur quod alia sacramenta fuerunt etiam tempore gratiæ instituenda.

QUAESTIUNCULA II.

1. Ulterius. Videtur quod hæc eadem debuerit a principio mundi post peccatum institui. Quia ad crudelem medicum pertinet ut efficacem medicinam non statim infirmo proponat, sed eum diu periclitari sinat. Sed a Deo omnis crudelitas relegata est. Ergo sacramenta novæ legis, quæ sunt efficacissimæ medicinæ, debuerunt statim post peccatum humano generi exhiberi.

2. Præterea. Sacramenta novæ legis totam efficaciam habent ex passione Christi. Sed passio Christi operabatur etiam a principio mundi post peccatum ad reparationem, secundum quod erat credita, ut in III. Lib. dist. xix. (quest. 1. art. 1. quæstione. 2. ad 2.) dictum est. Ergo & tunc sacramenta institui debuerunt.

Sed contra. Gratia perficit naturam. Sed natura procedit ex imperfectioribus ad perfectiora, sicut patet in omni motu, & generatione; & similiter etiam ars. Ergo & similiter gratia debuit prius imperfecte, & postea copiose per efficaciam sacramenti dari.

QUAESTIUNCULA III.

1. Ulterius. Videtur quod statim Christo nato sacramenta institui debuerunt. Sunt enim sacramenta novæ legis gratiam continentia. Sed tempus gratiæ ex tunc incipit. Ergo tunc institui debuerunt.

2. Præterea. Sacramenta adiuvant ad implendum præcepta. Sed præcepta moralia omnia simul data fuerunt in ipso initio legis. Ergo & sacramenta gratiæ in ipso initio gratiæ omnia simul dari debuerunt.

Sed contra est, quia quæ a Deo sunt, ordinata sunt: Rom. xiii. 2. Sed iste debitus ordo, ut causa effectum præcedat, & ut illud quod prius est, primo tradatur. Ergo cum passio Christi sit causa efficaciam sacramentis præbens, & unum sacramentum sit alio prius, ut dictum est, videtur quod non debuerunt institui statim Christo nato.

QUAESTIUNCULA IV.

1. Ulterius. Videtur quod sacramenta novæ legis non sunt omnia a Christo instituta. Quia de confirmatione, & extrema unctione non legitur aliquid dixisse. Sed extrema unctio, & confirmatio sunt sacramen-

menta novæ legis. Ergo non omnia sacramenta novæ legis sunt instituta à Christo.

2. Præterea. Non minoris auctoritatis est mysterium sacerdotii novæ legis quam legis naturæ. Sed quia sacramenta dispensabant in lege naturæ, scilicet sacerdotes, pro suo libito sacramentis visibilibus suam fidem probebantur. Ergo multo fortius hoc debet esse in lege nova, quæ etiam est maioris libertatis.

Sed contra. Sacramenta novæ legis efficiunt quod significant. Sed ex institutione significant secundum Hugonem (Lib. I. de sacram. part. 12. cap. 11.) Ergo ex institutione efficaciam habent. Sed efficaciam sacramentorum non est nisi a Deo, qui solus peccata remittit. Ergo non potuit esse a puro homine sacramentorum institutio.

SOLUTIO I.

Respondeo dicendum ad primam quæstionem, quod sacramenta sunt signa remedium ad quod ordinantur. Sunt autem signa præsentantia effectus spirituales ex similitudine sensibilibus rerum, (a) quarum in sacramento est usus. Et ideo cum in nova lege oportuerit esse sacramenta maioris efficaciam propter perfectionem testamenti, debuerunt etiam esse alia signa quæ expressius figurarent gratiam: & ideo oportuit alia sacramenta institui.

Ad primum ergo dicendum, quod quamvis natura brevissime operetur; tamen nihil omittit de contingentibus quibus aliquid optime fieri possit; & similiter gratia: & ideo in sacramentis instituendis non solum attenditur qualiter aliquid breviter fiat, sed qualiter congrueret.

Ad secundum dicendum, quod præcepta moralia consequuntur naturam humanam, cum sint de diſtamine rationis naturalis: & ideo permanent eadem in qualibet lege, & in quolibet statu hominis: & propter hoc non est simile de præceptis, & sacramentis, quæ ex sola institutione efficaciam habent.

SOLUTIO II.

Ad secundam quæstionem dicendum, quod sacramenta novæ legis, quia gratiam continent, non sunt vacua, sed plena: & ideo non competebar ea institui nisi tempore plenitudinis, quod est tempus incarnationis. Quare autem Christus suum adventum distulerit, & non statim post peccatum

carnem assumpserit, in III. Lib. dist. 1. (quæst. 1. art. 4.) dictum est.

Ad primum ergo dicendum, quod aliter est in morbo spirituali, & corporali. Non enim potest aliquis a morbo spirituali congrue curari, nisi prius morbum cognoscat, & medicinam desideret, si sit cognitionis capax: & ideo oportuit ut homo sibi relinqueretur, & sic primo tempore legis naturæ infirmum se cognosceret; per ignorantiam, ad idolatriam declinando; & deinde tempore legis scriptæ, quæ auxilium contra ignorantiam præbebat, recognosceret se infirmum per concupiscentiam, (b) ad peccata declinando, & sic salutem ab alio expectaret: qui & viam salutis docuit contra ignorantiam, & sacramenta gratiæ dedit contra infirmitatem concupiscentiæ, ut dicitur Ioan. 1. 17. *Gratia & veritas per Iesum Christum facta est.* In morbo autem corporali hoc non requiritur, quia corpus non est cognitionis capax.

Ad secundum dicendum, quod quamvis etiam ex tunc passio Christi efficaciam haberet, non tamen tantam efficaciam in humana natura, pro qua nondum satisfactum erat, habebat, sicut post satisfactionem habuit, & post Christi incarnationem, quæ totam naturam humanam dignificavit, ut fieret magis ad gratiam recipiendam idonea.

SOLUTIO III.

Ad tertiam quæstionem dicendum, quod sacramenta novæ legis dupliciter instituta sunt. Primo ad documentum, & exercitium quoddam; & sic potuerant ante passionem Christi institui. Secundo quantum ad necessitatem, & obligationem; & sic eorum institutio non fuit ante passionem, quia adhuc legalia non fuerant mortua: unde a tempore prædicationis Christi usque ad passionem, sacramenta novæ legis simul curabant cum legalibus, & utraque ad salutem operabantur. Sic ergo quantum ad secundum modum institutionis omnia simul in passione Christi instituta sunt; sed quantum ad primum, oportuit ut primo instituerentur illa quæ sunt maioris necessitatis: unde statim in principio prædicationis suæ penitentiam prædicavit, ut legitur Matth. 17. & baptismum docuit, ut legitur Ioan. 111. Alia autem sacramenta processu temporis instituit, & docuit.

Ad primum ergo dicendum, quod tempus

(a) scilicet quibus. (b) Nicolai ad peccata declinanda.

pus gratiae dicitur quantum ad initium, & quantum ad complementum. Complementum autem eius non fuit ante passionem, & resurrectionem Christi: unde Ioann. vii. 39. dicitur: *Nondum erat Spiritus datus, quia nondum erat Iesus glorificatus*. Principium autem potest attendi dupliciter. Primo quantum ad praesentiam gratiae in mundo, & sic fuit in ipsa incarnatione. Secundo quantum ad eius diffusionem in mundo, & sic fuit in praedicatione, sive baptismo Christi: & ante non oportebat institui sacramenta.

Ad secundum dicendum, quod praepcepta moralia homini natura dicant: & ideo statim potuerunt homini simul proponi: non (a) autem est ita de sacramentis.

SOLUTIO IV.

Ad quartam quaestionem dicendum, quod circa hoc est duplex opinio.

Quidam enim dicunt, non omnia sacramenta a Christo immediate instituta fuisse; sed quaedam ipse per se instituit, quaedam vero Apostolis instituenda commisit; scilicet confirmationem, in qua Spiritus sanctus datur ad robur, cuius institutio esse non debuit ante plenam Spiritus sancti missionem; & extremam unctionem, quae (b) cum ad gloriam resurrectionis sit immediata, & proximum preparatorium, ante resurrectionem institui non debuit.

Sed quia institutio sacramentorum videtur ad potestatem plenitudinis (c) in sacramentis pertinere, quam sibi Christus reservavit in sacramentis, cum ex institutione sacramenta habeant quod significant; ideo aliis probabilius videtur, quod sicut hominis puri non est sacramenta mutare, vel a sacramentis absolvere, ita nec nova sacramenta instituere: & ideo omnia sacramenta novae legis ab ipso Christo institutionem habent.

Secundum hoc ergo dicendum ad primum, quod ipse sacramentum confirmationis instituit, quando pueris sibi praesentis manus imposuit; similiter extremam unctionem, quando Apostolos ad praedicandum mittens, oleo inungere infirmos disposuit, ut sic cutarentur.

Ad secundum dicendum, quod sacramenta illa legis naturae non habebant aliquam

efficaciam ex opere operato, sed solum ex fide: & ideo determinatio eorum ab homine puro habente fidem fieri poterat. Non autem ita est de sacramentis novae legis, quae ex opere operato gratiam conferunt.

QUAESTIO II.

DEinde quaeritur de baptismo Ioannis, & circa hoc quaeruntur quatuor.
Primo. Utrum fuerit sacramentum.
Secundo. De efficacia ipsius.
Tertio. Quibus competebar.
Quarto. Utrum baptizati a Ioanne, essent baptismo Christi baptizandi.

ARTICULUS I.

Utrum baptisus Ioannis fuerit sacramentum.

III. P. quaest. xxxviii. art. 2.

1. AD primum sic proceditur. Videtur quod baptisus Ioannis non fuerit sacramentum. Ioann. xii. super illud, *Erat Ioannes baptizans* &c. dicit Glossa: "Quantum catechumenis nondum baptizatis prodest doctrina fidei, tantum pro, sicut baptisus Ioannis ante baptismum Christi." Sed catechismus non est sacramentum, sed sacramentale. Ergo baptisus Ioannis non erat sacramentum, sed sacramentale.

2. Praeterea. Omne sacramentum est aliquis legis sacramentum. Sed baptisus Ioannis non erat sacramentum legis naturae, neque legis veteris: quia, sicut Augustinus dicit (tract. v. in Ioan.) nulli praecedentium Prophetarum fuit datum baptizare, nisi Ioanni soli; quod non contingit de sacramentis veteris legis: similiter non est sacramentum novae legis, quia praedicationem Christi praecessit. Ergo non erat sacramentum.

Sed contra. Sacramentum est sacra rei signum. Sed baptisus Ioannis figurabat baptismum Christi. Ergo erat sacramentum.

QUAESTIUNCULA II.

1. Ulterius. Videtur quod non baptizaverit sub hac forma: *Ego baptizo te in nomine*

G 2

maius

(a) *Al.* enim. (b) *Al.* superflua tamen. (c) *Al.* deest in.

EX EDIT. P. NICOLA I.

* Nullius nomen praeferebat, ex Augustino tamen aequivalenter sumpta partim tract. xv. partim xxiij. in loca.

mine venturi. Christus enim, in cuius nomine baptizabat, iam venerat. Ergo non competebar forma illa pro tempore illo.

2. Præterea. Eadem est fides de Christo venturo (quæ erat in patribus) & de Christo qui iam venit, quam nos habemus. Ergo eadem est forma baptismi in nomine venturi, & in nomine Christi. Ergo baptismus idem. Sed Apostoli baptizaverunt in nomine Christi, ut infra dicitur. Si ergo Ioannes baptizavit in nomine venturi, idem fuit baptismus Ioannis, & Apostolorum Christi; quod falsum est.

Sed contra est quod dicitur Act. xix. 4. (a) *Baptizabat Ioannes populum dicens, in eum qui venturus est post ipsum, ut crederent.*

QUAESTIUNCULA III.

1. Ulterius. Videtur quod non fuit institutus a Deo. Nullum enim sacramentum a Deo institutum nominatur a ministro: non enim dicitur baptismus Petri. Sed baptismus ille dicitur baptismus Ioannis. Ergo non fuit a Deo institutus.

2. Præterea. Sacramenta legis naturæ, quæ ad sacramenta Christi disponebant, a Deo institutionem non habuerunt, sed ex voto celebrabantur, secundum Hugonem (Lib. I. de sacram. part. xi. cap. 111. 14. & v.) Sed baptismus Ioannis fuit præparatorius ad sacramenta Christi. Ergo non debuit habere institutionem a Deo.

Sed contra est quod dicitur Ioan. 1. 33. *Qui me misit baptizare (b) in aqua, ille mihi dixit: Super quem videris Spiritum descendentem, & manentem super eum, hic est qui baptizat in Spiritu sancto.*

QUAESTIUNCULA IV.

1. Ulterius. Videtur quod debuit statim Christo baptizato cessare. Quia super illud Ioan. 1. *Vidit Ioannes Iesum venientem ad se, dicit Augustinus (tract. 14. in Ioan.)* Baptizatus est Dominus baptismo Ioannis, & cessavit baptismus Ioannis.

2. Præterea. Baptismus Ioannis erat præparatorius ad baptismum Christi. Sed baptismus Christi incepit statim Christo baptizato: quia: tactu mundissimæ suæ carnis vim regenerativam contulit aquis, ut dicit Beda. (super: Luc. 111.) Ergo statim debuit cessare.

Sed contra est quod legitur Ioan. 111. quod post baptismum Christi baptizabat Ioannes, & discipuli eius similiter bapti-

zabant. Ergo baptismus Ioannis non cessavit statim Christo baptizato.

SOLUTIO I.

Respondeo dicendum ad primam questionem, quod secundum Hugonem de Sancto Victore (Lib. I. de sacram. part. viii. cap. xii.) secundum processum temporis, & maiorem propinquitatem ad tempus gratiæ, oportuit alia & alia sacramenta institui. Unde quia in Ioanne quodammodo incepit tempus gratiæ (quia *lex, & Prophetæ usque ad Ioannem*: Matth. xi. 13.) non quasi ab ipso esset gratia, sed quia ad gratiam viam præparabat: ideo eius baptismus fuit aliquod sacramentum; quod quidem erat initiatio quædam sacramentorum gratiæ, quamvis gratia in eo non conferretur. Unde dicendum, quod baptismus Ioannis sacramentum erat quodammodo medium inter sacramenta veteris, & novæ legis, sicut dispositio ad formam media est quodammodo inter privationem & formam. Conveniebat enim quodammodo cum sacramentis veteris legis in hoc quod erat signum tantum; cum sacramentis autem legis novæ in materia, & quodammodo in forma.

Ad primum ergo dicendum, quod baptismus Ioannis habet aliquid simile cum sacramentalibus baptismi, inquantum erat dispositio ad baptismum Christi; sed inquantum præcessit institutionem baptismi Christi, differt a sacramentalibus, & est sacramentum per se; sicut sacramenta veteris legis, quæ etiam suo modo, licet non tam de propinquo, ad sacramenta novæ legis disponebant.

Ad secundum dicendum, quod dispositio reducitur ad genus formæ ad quam disponit: & ideo baptismus Ioannis reducitur ad sacramenta novæ legis, sicut incompletum in genere illo: & hoc patet ex ordine procedendi quem Magister servat.

SOLUTIO II.

Ad secundam questionem dicendum, quod utilitas rei ex forma sua consequitur: & ideo formæ sacramentorum ostendit illud ex quo sacramenta & efficaciam, & utilitatem habent. Et quia utilitas baptismi Ioannis tota erat disponere ad Christum, ideo hæc erat sua forma competens, ut in nomine venturi baptizaretur.

Ad

(a) Vulgata. *Ioannes baptizans baptismo penitentia populum, dicens, in eum qui venturus esset etc.* (b) A. J. deest in aqua.

. Ad primum ergo dicendum, quod quavis iam venisset in carne, non tamen iam venerat ad baptizandum, & alia salutis nostre opera exercendum.

Ad secundum dicendum, quod fides, cum sit cognitio quædam, respicit rei veritatem: & quia diversitas temporum significatorum non diversificat veritatem, nec fides penes hoc diversificatur. Sed sacramenta (a) respiciunt effectum: & quia non eodem modo se habet ad actum hoc quod iam est, & hoc quod expectatur futurum, quia ad id quod expectatur futurum, actus ordinantur ut disponentes, ab eo autem quod iam est, effective aliquid producit: ideo diversificatio formæ per futurum, & præsens designat diversitatem sacramenti.

SOLUTIO III.

Ad tertiam quæstionem dicendum, quod Ioannes suum baptismum instituit præcepto divino. Unde patet quod institutio ipsius fuit a Deo per auctoritatem, & ab ipso Ioanne per ministerium.

Ad primum ergo dicendum, quod propter tres rationes baptismus a Ioanne nomen accepit. Primo quia ipse fuit sui baptismi institutor aliquo modo; Petrus autem nullo modo baptismi quo baptizabat. Secundo quia nihil in illo baptismo efficiebatur quod Ioannes non faceret. Tercio quia sibi soli erat datum illius baptismi ministerium.

Ad secundum dicendum, quod fides magis determinabatur secundum appropinquationem ad Christum: & ideo etiam sacramenta, quæ quædam fidei præstationes sunt, magis a Christo remota, minus determinatæ esse debuerunt. Et quia baptismus Ioannis de propinquo ad Christi sacramenta disponebat, ideo debuit magis habere determinationem quam sacramenta legis naturæ.

SOLUTIO IV.

Ad quartam quæstionem dicendum, quod cessario baptismi Ioannis potest accipi dupliciter. Uno modo quando cessavit totaliter; & hoc fuit Ioanne in carcerem misso, quia ministerium illud (b) soli Ioanni concessum est. Alio modo quantum ad maximum suum posse; & sic cessavit baptizato Christo: quia ex tunc eius baptismus

non fuit præcipuus, sed alius fuit eo dignior; sicut cessat officium legati domino suo superveniente, quamvis & aliqua exerceat.

Et per hoc patet solutio.

ARTICULUS II.

Utrum baptismus Ioannis gratiam contulerit.

III. P. quæst. xxxviii. art. 3.

1. Ad secundum sic proceditur. Videtur: A quod baptismus Ioannis gratiam contulerit. Luc. 11. 3. (c) *Erat Ioannes baptizans, & prædicans baptismum penitentia in remissionem peccatorum.* Sed remissio peccatorum non fit sine gratia. Ergo baptismus ille gratiam contulit.

2. Præterea. Damascenus dicit: (de Fide orth. Lib. IV. cap. x.) *Purgat Ioannes spiritum per aquam.* Sed purgatio spiritualis non fit sine gratia. Ergo ille baptismus gratiam contulit.

3. Præterea. Augustinus dicit contra Donatistas (Lib. V. cap. x.) *Ita credam Ioannem baptizasse in aqua in remissionem peccatorum, ut ab eo baptizatis in spe remitterentur peccata.* Sed spes de remissione peccatorum non potest esse nisi per gratiam. Ergo baptismus ille gratiam contulit.

4. Præterea. Baptismus Ioannis propinquior fuit baptismi Christi quam circumcisio; sed circumcisio gratiam contulit, ut dictum est (dist. 1. quæst. 11. art. 4. quæstiunc. 3.) Ergo multo fortius baptismus Ioannis.

5. Præterea. Sacramentum non instituitur, nisi ad causandum gratiam, vel significandum. Sed gratia sufficienter per sacramenta veteris legis erat significata. Si ergo baptismus Ioannis gratiam non contulit, pro nihilo institutus fuit.

Sed contra. Gratia non confertur sine Spiritu sancto. Sed in baptismo Ioannis non conferebatur Spiritus sanctus, sed aqua tantum, ut patet Act. 1. 3. *Ioannes quidem baptizavit aqua; vos autem baptizabimini Spiritu sancto.* Ergo in illo baptismo non erat gratia.

Præterea. Non est idem effectus dispositionis, & perfectionis. Si ergo baptismus Ioannis disponebat ad baptismum Christi, cu-

(a) A. efficiens respectum. (b) A. desit soli. (c) Vulgata. Et venit in amnem iordanem baptizans &c.

cuius est gratiam conferre : quia *gratia*, & *veritas facta est per Iesum Christum* : Ioannes 1. 17. videtur quod baptismus Ioannis gratiam non contulit.

SOLUTIO.

Respondeo dicendum, quod hoc ab omnibus conceditur, quod non efficiebatur aliquid per baptismum Ioannis quod non esset operatio hominis. Et quia gratia non potest ab homine dari, ideo patet quod baptismus Ioannis gratiam non conferebat.

Ad primum ergo dicendum, quod illa auctoritas sic exponenda est, ut referatur ad diversa baptismata hoc modo. *Erat Ioannes baptizans, scilicet baptismo suo, & predicans, scilicet baptismum Christi, qui est in remissionem peccatorum*. Si autem referatur utrumque ad baptismum Ioannis, sic dicitur esse in remissionem peccatorum : quia baptizatus imponebat dignos fructus poenitentiae agere, quibus peccatorum remissionem consequeretur. Unde baptismus ille erat quasi quaedam protestatio, & professio poenitentiae.

Ad secundum dicendum, quod baptismus ille purgare dicitur modo praedicto ; vel etiam materialiter a sordibus corporalibus in signum spiritualis purgationis per Christum futurae ; vel a cecitate ignorantiae per doctrinam Ioannis Christum annuntiantis.

Ad tertium dicendum, quod spes semper ex gratia procedit, non tamen semper ex gratia habita, sed quandoque ex gratia expectata ; & sic baptismus Ioannis spem faciebat remissionis peccatorum, non conferens gratiam, sed promittens eam in hoc quod praefigurabat baptismum Christi, quo gratia daretur.

Ad quartum dicendum, quod quamvis baptismus Ioannis magis conveniret cum baptismum Christi quam circumcisio quantum ad materiam, non tamen conveniebat magis quantum ad causam institutionis : quia circumcisio ad necessitatem instituta erat ut remedium contra originale, sed baptismus Ioannis, ut assuefaceret ad baptismum Christi.

Ad quintum dicendum, quod baptismus Ioannis expressius figurabat baptismum Christi quam sacramenta veteris legis propter maiorem similitudinem ad ipsum : & ideo magis de propinquo praeparabat ad ipsum

in significatione, & quadam poenitentiae protestatione.

ARTICULUS III.

Utrum convenienter Christus Ioannis baptismo baptizatus fuerit.

III. P. quæst. xxxix. art. 1. & 2.

1. Ad tertium sic proceditur. Videtur quod Christo non competeret baptizari baptismum Ioannis. Baptismus enim Ioannis erat baptismus poenitentiae, ut dicitur Luc. 11. Sed Christo non competit poenitentia, sicut nec peccatum. Ergo nec baptizari baptismum Ioannis.

2. Præterea. Omnis Christi actio nostra est instructio. Sed non instruitur baptizari baptismum Ioannis. Ergo non debuit Christus illo baptismum baptizari.

Sed contra est quod ipse ad baptismum Ioannis vadens dixit : *Sic docet nos implere omnem iustitiam*, Matth. 11. 15.

QUAESTIUNCULA II.

1. Ulterius. Videtur quod nulli alii hoc baptismum debuerunt baptizari. Hoc enim est solius Christi ut a sacramentis non accipiat, sed magis eis conferat. Sed baptismus Ioannis erat tale sacramentum a quo non poterat aliquid accipi. Ergo soli Christo competebat.

2. Præterea. Sacramenta eadem ratione omnibus competunt. Sed non erat necessarium quod omnes baptismum Ioannis baptizarentur. Ergo nulli præter Christum ipso baptizari debuerunt.

Sed contra est quod dicitur Matth. 11. 5. *(a) Egrediebantur ad illum Hierosolymis universi, & baptizabantur ab eo.*

QUAESTIUNCULA III.

1. Ulterius. Videtur quod debuerunt illo baptismum pueri baptizari. Erat enim ille baptismus signum baptismi Christi. Sed baptismus Christi competit pueris. Ergo & ille.

2. Præterea. Circumcisio dabatur etiam pueris, & eis principaliter. Sed baptismus Ioannis est medium inter circumcisionem & baptismum Christi, qui datur indifferenter magnis, & parvis. Ergo & baptismus Ioannis parvis dari debuit.

Sed

(a) Vulgata. Tunc exiit ad eum Hierosolyma, & omnis Iudæa, & omnis regio circa Iordanem, & baptizabantur ab eo.

Sed contra. Quia baptizatus ille erat ut assuesceret ad baptismum Christi. Sed hoc non poterat esse nisi ratione illorum qui discretionem habebant. Ergo pueri ille baptizatus non competebar.

SOLUTIO I.

Respondeo dicendum, quod Christus pluribus de causis a Ioanne baptizari voluit, quarum tres tanguntur in Glossa * Marc. 1. scilicet propter humilitatem implendam (ut ipsemet dicit Matth. 11.) ut baptismum Ioannis approbaret, & ut aquas consecraret suae carnis tactu, & sic baptismum suum institueret. Quartam causam tangit Augustinus (Libro V. de baptismo contra Donatistas cap. ix.) ut scilicet ostenderet non interesse quis a quo baptizaretur. Quintam tangit in Lib. questionum veteris & novi testamenti, ** scilicet ad exemplum baptismi proponendum illis qui erant futuri filii Dei per fidem. Sextam tangit Chrysostomus (hom. xii. in Matth.) ut scilicet in baptismo miracula ostendens, evacuet illorum errorem qui Ioannem Christo maiorem credebant.

Ad primum ergo dicendum, quod, sicut dictum est, Christus a sacramentis nihil accepit: & ideo non dicitur baptismus Ioannis baptismus poenitentiae quo ad Christum, sed quo ad alios qui ad poenitentiam per ipsum preparabantur; sicut etiam circumcisio Christi non fuit in remedium originalis peccati, a quo Christus immunis erat.

Ad secundum dicendum, quod actio Christi nostra est instructio, non ut eodem modo agamus fidei Christus fecit, sed ut pro modo Christum imitemur: & ideo per baptismum suum dedit nobis exemplum, ut baptizaremur illo baptismo qui nobis competit, per quem scilicet remissionem peccatorum consequamur.

SOLUTIO II.

Ad secundam questionem dicendum, quod, sicut dicit Augustinus in Lib. de baptismo contra Donatistas (Lib. V. cap. ix.) si Ioannes solum Christum baptizasset, videretur melioris baptismi dispensator, quanto melior erat qui baptizabatur; & si omnes baptizasset, videretur

quod Christi baptismus non sufficeret ad salutem: & ideo quosdam alios baptizavit, sed non omnes.

Ad primum ergo dicendum, quod quamvis alii a baptismo Ioannis non acciperent gratiam; accipiebant tamen quoddam signum gratiae suscipiendae, & servandae poenitentiae.

Ad secundum patet solutio ex dictis.

SOLUTIO III.

Ad tertiam questionem dicendum, quod baptismus Ioannis erat baptismus poenitentiae: & quia pueris non competit poenitentia, ideo non competebar eis ille baptismus. Nec est simile de baptismo Christi, & circumcisione, quae ordinantur contra originale peccatum, quod in pueris est.

Ex per hoc patet solutio ad obiecta.

ARTICULUS IV.

Utrum baptizati Ioannis baptismo, iterum baptizari debuerint.

III. P. q. xxxviii. art. 6.

1. **A**D quartum sic proceditur. Videtur quod baptizati baptismio Ioannis, non debebant baptizari baptismio Christi. Actor enim vii. dicitur, quod Apostoli in Samariam venientes, illos qui baptizati erant in nomine Iesu, non baptizabant, sed tantum manus imponebant. Cum ergo baptismus in nomine Iesu sine collatione Spiritus sancti sit baptismus Ioannis, videtur quod baptizati baptismio Ioannis, non baptizabantur baptismio Christi.

2. Præterea. Hieronymus super illud (Ioelis 11.) *Effundam de spiritu meo*, dicit: quod hæc est causa quare quidam baptizati a Ioanne, baptismio Christi iterum baptizati sunt a Paulo, Actor. xx. quia fidem Trinitatis non habebant, quia neque si Spiritus sanctus est, audierant. Si ergo aliqui baptizati essent a Ioanne, fidem Trinitatis habentes, videtur quod iterum baptizari non debuerint baptismio Christi.

3. Præterea. In Apostolis debuit ostendi omne illud quod est necessarium ad salutem. Sed Apostolis post baptismum Ioannis

EX EDIT. P. NICOLAI.

* Hoc ex Bedæ Glossa sumptum, etsi eius nomine non expresso. ** Hic Liber Augustini, non est, sed hæretici Auctoris etsi nihil hæreticum continet quod inde referat S. Thomas.

nis solus baptisumus Spiritus sancti prænuntiatur, Añor. 1. Ergo non erat necessarium quod baptismo Christi iterum baptizarentur.

4. Præterea. Ad baptismum requiritur aqua, & Spiritus sanctus. Sed per baptismum Ioannis erat facta ablutio aquæ. Ergo non oportebat nisi quod suppleretur quod deerat, scilicet Spiritus sanctus.

Sed contra est quod dicitur Ioannis 111. 5. *Nisi quis renatus fuerit ex aqua, & Spiritu sancto, non potest introire in regnum Dei.* Sed baptismus Ioannis non regenerabat aliquo modo. Ergo necessarium erat ut iterum baptismum Christi baptizarentur.

Præterea. Augustinus dicit (tract. v. in Ioan.) quod baptizabat Ioannes, & non est (a) baptizatum. Sed de necessitate salutis tempore gratiæ est quod homo sit baptizatus, vel saltem propositum baptismi habuerit. Ergo oportebat eos qui baptismum Ioannis acceperant, iterum baptizari baptismum Christi.

Præterea. Impositio manuum præcedente baptismum Ioannis non imprimebat characterem baptismalem. Sed character talis est de necessitate salutis vel in actu, vel in proposito. Ergo oportebat quod baptizati baptismum Ioannis iterum baptizarentur baptismum Christi, & non sufficiebat eis manus impositio.

SOLUTIO.

Respondeo dicendum, quod circa hoc est duplex opinio.

Quidam enim dicunt, quod baptismus Ioannis erat præparatorius ad Christum suscipiendum: & ideo si quis baptismum Ioannis suscepisset in eo sistens, non referens ad Christum, baptismus in eo frustraretur a fine suo: & ideo oportebat eum iterum baptizari baptismum Christi. Si autem non figeret spem suam in baptismum Ioannis, sed ulterius referret ad Christum, sic ex gratia Christi, & baptismum Ioannis præcepto efficiebatur quasi unum quid: & ideo non oportebat quod iterum aqua baptizaretur, sed solum quod Spiritum sanctum per manus impositionem acciperet: & hæc videtur fuisse Magistri opinio in littera.

Sed quia sacramenta novæ legis ex ipso opere operato efficaciam habent, ideo videtur quod spes, & fides illius qui baptis-

mus suscipit, nihil faciat ad sacramentum, quamvis posset facere ad rem sacramenti impediendam, vel promovendam. Unde quantumcumque spem suam aliquis ad Christum referret baptizatus baptismum Ioannis, baptismum novæ legis non consequeretur: & ideo si baptismus novæ legis est de necessitate salutis, oportebat quod iterum illo baptismum baptizaretur. Præterea est generale in omnibus sacramentis, quod si omittatur quod est de substantia sacramenti, oportet id sacramentum iterari. Unde cum non esset forma debita in baptismum Ioannis, oportebat quod iteraretur baptismus. Et hoc habet communior opinio, quæ etiam ex verbis Augustini confirmatur, qui dicit super Ioann. hom. v. *Qui baptizati sunt baptismate Ioannis, non eis sufficit: baptizandi enim sunt baptismate Christi.*

Et ideo secundum hoc dicendum ad primum, quod ibi agitur de illis qui baptizati erant a Philippo, de quo constat quod baptismum Christi baptizaverat. Sed non erat ibi datus Spiritus sanctus ad robur, sicut in confirmatione datur: quia ille non fuit Philippus Apostolus, sed unus de septem diaconibus, & ideo non poterat manus imponere, quia hoc Episcoporum est; & propter hoc missi sunt ad hoc Petrus, & Ioannes.

Ad secundum dicendum, quod Hieronymus non vult tangere causam rebaptizationis, sed insufficientiam fidei ipsorum ad salutem, ut patet ex verbis præcedentibus. Præmittit enim: *Qui dicit se credere in Christum, & non credit in Spiritum sanctum, nondum habet claros oculos.* Insufficiencia autem fidei non posset esse causa quare aliqui baptizarentur, sed quare instruendi essent, sicut & nunc fit.

Ad tertium dicendum, quod Apostoli creduntur baptizati fuisse baptismum Christi, quamvis scriptum non inveniat, ut dicitur in Glossa * Ioan. xiii. super illud, *Qui lotus est, non indiget nisi ut pedes lavet.* Ex quo enim ipsi alios baptizabant, ut habetur Ioan. xii. videtur quod & ipsi venientes ad Christum baptizati fuerint. Si tamen Christus, qui habuit potestatem remittendi peccata, & qui virtutem suam sacramentis non alligavit, eos sine baptismum ex privilegio quodam sanctificare voluit.

(a) scilicet baptizatus.

* Usurpata ex Augustino, qui epist. xviij. ad Seleuciam idem dicit.

luisset, non esset ad consequentiam trahendum. Ex auctoritate autem inducta non habetur quod Apostoli tantum baptismo Ioannis baptizati erant; sed comparatio quædam baptismi fluminis ad baptismum Ioannis.

Ad quartum dicendum, quod ad baptismum requiritur aqua cum debita forma. Ioannes autem non observabat formam baptismi Christi, nec iterum erat in eo efficacia sicut in baptismo Christi; & ideo quia omittebantur ea quæ erant de necessitate sacramenti, oportebat iterum baptizari.

EXPOSITIO TEXTUS.

Quorum alia remedium contra peccatum præbent . . . alia gratia, & virtute nos fulciunt. Omnia sacramenta novæ legis sunt in remedium, & gratiam conferunt, ut dictum est. Ergo distinctio illa nulla videtur. Ex dicendum, quod illa distinctio sacramentorum sumitur secundum id ad quod principaliter ordinantur. Quamvis ergo omnia sacramenta aliquo modo gratiam conferant, & in remedium sint, quædam tamen principaliter ordinata sunt in remedium, contra aliquem specialem morbum, ut matrimonium contra concupiscen-

tiam; quædam vero de sui propria intentione sunt ordinata ad remedium morbi, & ad gratiam, sicut baptismus, qui est spiritualis regeneratio, per quam vetus homo corrumpitur, & novus generatur; quædam autem, quia gratiam præsupponunt, ordinantur ad gratiæ perfectionem, sicut eucharistia: & sic intelligenda sunt verba Magistri: *Non utique propter remedium, sed ad sacramentum: & debet accipi sacramentum large pro quolibet signo rei sacræ.*

Baptismus Christi Ioannes suo baptismo prænuntiavit. Ideo baptismus Christi potius quam alia sacramenta novæ legis præparatorium habuit, quia baptismus est ianua sacramentorum, & ipse facit aliis viam: unde (a) præparatorio sacramenta alia non indigebant.

Iterum baptizabantur, immo verum baptisma accipiebant. Ex hoc patet quod præcedens baptismus non reputabatur aliquibus pro baptismo: quia qui baptisma Christi accipiebant, non iterato baptizabantur, sed verum baptisma de novo accipiebant: & ideo quasi corrigens quod dixerat, *Iterum baptizabantur*, addit: *immo verum baptisma accipiebant*: & sic Magister per verba Hieronymi suam intentionem probare non potest.

DISTINCTIO III.

Quid sit baptismus.

Post hæc videndum est, quid sit baptismus; & quæ sit forma; & quando instituitur, & quæ causa institutionis. Baptismus dicitur institutio, idest ablutio corporis exterior, facta sub forma verborum præscripta. Si enim ablutio fiat sine verbo, non est ibi sacramentum; sed accedente verbo ad elementum, fit sacramentum: non ubique ipsum elementum fit sacramentum, sed ablutio facta in elemento. Unde Augustinus (tract. lxxx. in Ioan.) „Verbo baptisma consecratur. „Detrahe verbum, & quid est aqua nisi aqua? Accedit verbum ad elementum, & fit sacramentum. Unde est hæc tanta virtus aquæ ut corpus tangat, & cor abluat, nisi faciente verbo, non quia dicitur, sed quia creditur? Namque „in ipso verbo aliud est sonus transiens, aliud est virtus intus manens.“ In duobus ergo consistit sacramentum baptismi, scilicet in verbo, & elemento. Ergo & si alia desint, quæ ad decorem sacramenti instituta sunt, non ideo minus est verum sacramentum, & sanctum, si verbum sit ibi, & elementum. Nam & in hoc sacramento, & in aliis quædam solent fieri ad decorem, & honestatem sacramenti, quædam ad substantiam, & causam sacramenti pertinentia. De substantia huius sacramenti sunt verbum, & elementum, cetera ad solemnitatem eius pertinent.

S. Thom. Oper. Tom. XII.

(a) Nicolai præparatione.

H

De

SED quod est illud verbum; quo accedente ad elementum; fit sacramentum? Veritas docet, quæ huius sacramenti formam tradens (Matth. xxviii. 19.) ait discipulis: „Ite, docete omnes gentes, baptizantes eos in nomine Patris, & Filii, & Spiritus sancti.“ Invocatio igitur Trinitatis verbum dicitur, quo baptismus consecratur; & hæc est forma verborum sub qua traditur baptismus. Unde Bonifacio Episcopo Zacharias Papa ait (ex Decret. de consec. dist. iv. cap. „In Synodo Anglorum.“) „Firmissime præceptum est in Synodo Anglorum ut qui- cumque sine invocatione Trinitatis merus fuisset, sacramentum regenerationis non haberet; quod omnino verum est. Quod si merus in fonte baptismi quis fuerit sine invocatione Trinitatis, perfectus Christianus non est, nisi in nomine Patris, & Filii, & Spiritus sancti fuerit baptizatus.“ Legitur tamen in Actibus Apostolorum (cap. viii. & x.) Apostolos baptizasse in nomine Christi. Sed in hoc nomine, ut exponit Ambrosius (Lib. I. de Spiritu sancto cap. 111.) tota Trinitas intelligitur. Intelligitur enim, cum Christum dicis, & Pater, a quo unctus est, & ipse qui unctus est, & Spiritus sanctus per quem unctus est. Unde Nicolaus Papa ad consulta Bulgarorum (de Consecr. dist. iv. cap. „A quodam.“) „A quodam Iudæo multos baptizatos asseritis, & quid inde agendum sit, consultis. Hi profecto si in nomine sanctæ Trinitatis, vel in nomine Christi, sicut in Actibus Apostolorum legimus, (1) baptizentur, baptizati sunt: unum enim idemque est, ut exponit Ambrosius.“

Si in nomine Patris tantum, vel Spiritus sancti possit tradi baptismus.

HIC quæritur, an baptismus esset verus, si diceretur, In nomine Patris tantum, vel Spiritus sancti tantum, ut cum dicitur, In nomine Christi. Ambrosius videtur dicere, quod si fide mysterium Trinitatis teneatur, & una persona tantum nominetur, plenum est sacramentum; & e converso, si tres nomenclantur, & non recte de aliquo illorum sentiat, vacuum fieret mysterium Trinitatis. Ait enim sic (Lib. I. de Spiritu sancto cap. 111.) „Ubi non est plenum baptismi sacramentum, nec principium, nec species aliqua baptismi æstimatur. Plenum autem est, si Patrem, & Filium, & Spiritum sanctum fatearis. Si unum neques, totum subruas. Et sicut si in unum sermonem comprehendas vel Patrem, vel Filium, vel Spiritum sanctum; fide autem nec Patrem, nec Filium, nec Spiritum sanctum abneges; plenum est fidei sacramentum: ita etiam licet Patrem, & Filium, & Spiritum sanctum dicas, & Patris, & Filii, & Spiritus sancti minuas potestatem; vacuum est omne mysterium. Cum enim dicitur, In nomine Christi, (2) per unitatem nominis impletum est mysterium, nec a Christi baptismate Spiritus separatur, quia Christus baptizavit in Spiritu.“

Quæstio Ambrosii.

„**N**unc consideremus, utrum sicut Christi nomine legimus baptismi plenum esse sacramentum, ita etiam Spiritu sancto nuncupato nihil desit ad mysterii plenitudinem. Rationem sequimur. Qui unum dixerit, Trinitatem significavit. Si Christum dicas, & Patrem a quo unctus est Filius, & Christum qui unctus est, scilicet Spiritum sanctum, quo unctus est, designasti. Scriptum est enim (Act. x.) hunc esse Iesum a Nazareth, quem unxit Deus Spiritu sancto. Et si Patrem dicas, Filium eius, & Spiritum oris eius pariter indicas; si tamen id etiam corde comprehendas. Et si Spiritum sanctum dicas, Deum Patrem, a quo procedit, & Filium eius, cuius est Spiritus, nuncupasti. Unde, ut rationi copuletur auctoritas, Dominus dicit (Act. i. 5.) Vos autem

(1) Nicolai baptizati sunt (unum enim idemque est, ut Sanctus exponit Ambrosius) constat eos non esse deum baptizandos, (2) id est per virtutem.

„ baptizabimini in Spiritu sancto : ex quo indicat nos recte posse baptizari in Spiritu sancto.“

Perstringit præmissorum intelligentiam cum determinatione cuiusdam dicti.

EX his aperte intellexisti, in nomine Christi verum baptisma tradi. Unde nihilominus insinuari videtur, verum baptisma dari posse in nomine Patris tantum, vel Spiritus sancti; si tamen ille qui baptizat, fidem Trinitatis teneat, quæ Trinitas in quolibet horum nominum intelligitur. Si autem aliquis perverse credens, & errorem inducere intendens, unum de tribus tantum nuncupet, non implevit mysterium. Quod vero ait, nominatis tribus vacuum esse mysterium, si baptizans iuvat potestatem Patris, & Filii, vel Spiritus sancti; idest, si male sentiat de potentia alicuius horum, non credens unam potentiam trium; intelligendum est hoc super eum qui non intendit, nec credit baptizare; qui non tantum caret fide, sed etiam intentionem baptizandi non habet. Qui ergo baptizat in nomine Christi, baptizat in nomine Trinitatis, quæ ibi intelligitur. Tutius est tamen tres personas ibi nominare, ut ibi dicatur: In nomine Patris, & Filii, & Spiritus sancti. Non in nominibus, sed in nomine, idest in invocatione, vel in confessione Patris, & Filii, & Spiritus sancti. Invocatur enim ibi tota Trinitas, ut invisibiliter ibi operetur per se, sicut extra visibiliter (1) per ministerium. Si autem dicatur, In nominibus, non est ibi sacramentum, quia non servatur forma baptismi.

De institutione baptismi.

DE institutione baptismi, quando coepit, variaz sunt æstimationes. Alii dicunt tunc esse institutum, cum Nicodemo Christus ait (Ioan. 111. 5.) „ Nisi quis renatus fuerit ex aqua, & Spiritu sancto, non potest introire in regnum Dei.“ Alii dicunt, institutionem baptismi factam, cum Apostolis dixit (Matth. ult. 19.) „ Ite, docete omnes gentes, baptizantes eos in nomine Patris, & Filii, & Spiritus sancti.“ Sed hoc dixit eis post resurrectionem, præcipiens eis de vocatione gentium; quos ante passionem binos miserat ad prædicandum in Iudæam, & ad baptizandum, dicens (Matth. x. 5.) „ In viam gentium ne abieritis.“ Iam ergo institutus erat baptismus; quia baptizabant simul, & prædicabant.

De forma in qua baptizaverunt Apostoli ante passionem Christi.

SI vero queritur, in qua forma tunc baptizaverunt; sane dici potest, in nomine Trinitatis, scilicet in ea forma in qua baptizaverunt postea gentes: quæ ante passionem potest intelligi fuisse tradita, licet non sit scriptum. Non ergo tunc illam formam Christus (2) prius tradidit, cum ad evangelizandum gentibus misisset; sed quam ante tradiderat, mittens eos in Iudæam, post iteravit cum ad gentes misisset. Commodius ergo dicitur institutio facta, quando Christus a Ioanne baptizatus est in Iordane: quod dispensavit, non quia mundari voluit, cum sine peccato fuerit; sed quia contactu mundæ carnis suæ vim regeneratiivam contulit aquis, ut qui postea immergeretur invocato nomine Trinitatis, a peccatis purgaretur. Tunc ergo invocato nomine Trinitatis institutus est baptismus Christi, in quo Trinitas, cuius mysterium ibi innouit, interius homines baptizat.

Quæ in aqua tantum fiat.

Celebratur autem hoc sacramentum in aqua, non alio liquore, ut ait Christus (Ioan. 111. 5.) „ Nisi quis renatus fuerit ex aqua, & Spiritu sancto &c.“ Ideo uniformiter id fieri in aqua præcipitur, ut intelligatur quod sicut aqua fordes corporis, ac vestes abluit; ita baptismus maculas animæ, sordesque vitiorum emunt.

H 2

(1) Al. per ministerium. (2) In editione Nicolai desst. primo.

emundando abstergit; vel ideo ut nullum inopia excusaret; quod (1) posset fieri, si in vino, vel oleo fieret; & ut communis materia baptizandi inveniretur apud omnes: quod aqua significavit quæ de latere Christi manavit, sicut sanguis alterius sacramenti signum fuit. Non ergo in aliquo liquore potest consecrari baptismus, nisi in aqua.

De immersione, quoties fieri debeat.

DE immersione vero, si queritur, quomodo fieri debeat; præcise respondemus ut semel, vel tertio pro vario more Ecclesiæ. Unde Gregorius (Lib. I. epist. xlr.) „De trina immersione baptismi nil verius responderi potest, quam quod vos ipsi sensistis: quia in una fide nihil officit Ecclesiæ sanctæ consuetudo diversa. Quia enim in tribus subsistentiis una substantia est, reprehensibile esse nullatenus potest infantem in baptismo ter, vel semel mergere: quia & in tribus personis personarum Trinitas, & in una potest Divinitatis singularitas designari. Nos vero qui tertio immergimus, etiam triduanæ sepulture sacramentum signamus. “Secundum hoc licet non modo ter, sed etiam semel mergere tantum. Ibi tamen dumtaxat mergere semel licet, ubi consuetudo Ecclesiæ talis existit. Si quis vero id facere incipiat, ubi consuetudo talis non est, vel semel tantum mergendum asserat, reprehensibile se constituit. Unde Haymo (in Epist. ad Rom. cap. iv.) „In suo sensu abundabat Cyprianus, cum semel mergebat in baptismum parvulus; qui quod intelligebat, studiose implebat, bonis operibus abundando, licet in hoc nescius delinqueret. Sed quia bonis operibus abundabat, postea correctus a Deo abundavit altiori sensu, ter illos mergendo. “Ecce habemus, quia deliquit qui semel meris; sed hoc ideo, quia aliter se habebat consuetudo illius Ecclesiæ, vel quia unam tantum faciendam merisionem asserbat. De trina merisione Augustinus ait (hom. 11. ad neophytos.) „Postquam nos credere promissimus, tertio capira in sacro fonte demersimus: qui ordo baptizandi duplici mysterii significatione celebratur. Recte enim tertio immergi estis, quia accepistis baptismum in nomine Trinitatis. Recte tertio immergi, quia accepistis baptismum in nomine Christi, qui die tertia resurrexit a mortuis. Illam enim tertio repetita immersio, typum dominicæ exprimit sepulture. “Constat ergo baptizandos tertio debere immergi: & tamen si semel tantum immergantur, verum baptismum accipiunt: & qui semel immergit tantum, non peccat, nisi consuetudo Ecclesiæ obstat, vel hoc modo tantum debere fieri asserat.

Quando circumcisio amisit vim suam.

SOlet etiam queri, si circumcisio amisit statim vim suam ab institutione baptismi. Ad quod dicimus, in Christi morte terminata esse legalia omnia. Ex tunc ergo circumcisio perdidit vim suam; ita quod postea non (2) profuerit, sed potius obfuerit observatoribus suis. Sed utque ad oblationem veræ hostiæ potuit proficere. Si enim ante passionem legalia hæc habuissent, non ea imminente vetus passcha cum discipulis manducaisset.

De causa institutionis.

CAUSA vero institutionis baptismi est innovatio mentis, ut homo qui per peccatum vetus fuerat, per gratiam baptismi renovetur; quod fit depositione vitiorum, & collatione virtutum. Sic enim fit quisque novus homo, cum ab olitis peccatis ornatur virtutibus. Abolitio peccatorum pellit scditatem; appositio virtutum asserit decorem. Et hæc est res huius sacramenti, scilicet interior munditia.

Quæ-

(1) *M. potest.* (2) *M. profecerit, sed potius obfuit.*

Queritur, an baptizmus aperuit celum, quod non aperuit circumcisio.

SI queritur, utrum baptizmus aperuerit celum, quod non aperuit circumcisio; dicimus, quod nec baptizmus, nec circumcisio, regni nobis aditum aperuit; sed hostia Salvatoris: quæ si tempore circumcisionis oblata fuisset, illius temporis homines in regnum intraissent. Res ergo huius sacramenti iustificatio est.

DIVISIO TEXTUS.

Postquam determinavit Magister de his quæ præxiuntur ad sacramenta novæ legis, hic incipit determinare de singulis sacramentorum novæ legis: & dividitur in partes duas. In prima determinat de illis sacramentis quæ sunt ordinata in remedium unius personæ; in secunda de illis quæ sunt ordinata in remedium totius Ecclesiæ, xxiv. distinct. ibi, *Nunc ad considerationem sacre ordinationis accedamus*. Prima dividitur in tres. In prima determinat de sacramento intrantium, scilicet baptizmo; in secunda de sacramentis progredientium, vii. distinct. ibi, *Nunc de sacramento confirmationis addendum est*; in tertia de sacramento exeuntium, scilicet extrema unctione, xxi. distinct. ibi, *Præter præmissa est aliud sacramentum, scilicet unctio infirmorum*. Prima in tres. In prima determinat de baptizmo secundum se; in secunda de baptizmo per comparisonem ad recipientes, xv. distinct. ibi, *Hic dicendum est, aliquos suscipere sacramentum, & rem sacramenti* &c. in tertia secundum comparisonem ad ministrantes, v. distinct. ibi, *Post hæc sciendum est, sacramentum baptizmi a bonis, & a malis ministris dari*. Prima in duas. In prima determinat de baptizmo secundum se; in secunda determinat de eo per comparisonem ad circumcisionem, ibi, *Solet etiam queri, si circumcisio amisit statim suam vim ab institutione baptizmi*. Prima in duas. In prima determinat quid est baptizmus; in secunda de his quæ ad baptizmum requiruntur, ibi, *Sed quod est illud verbum quo accedente ad elementum fit sacramentum*? Hæc pars dividitur in tres secundum tria quæ exiguntur ad baptizmum: in prima enim determinat de forma baptizmi; in secunda de materia eius, ibi, *Celebratur autem hoc sacramentum tantum in aqua*; in tertia de ipso actu ablutionis, vel immersionis, ibi, *De immersione verosimiliter queritur quomodo fieri debeat, præcisè respondemus*. Prima in duas. In prima determinat de forma baptizmi; in secunda de institutione ipsius, ibi, *De institutione baptizmi quando capis, varis sunt estimatio-*

ones. Circa primum duo facit. Primo determinat formam baptizmi; secundo movet quamdam questionem circa formam baptizmi, & determinat eam, ibi, *Hic queritur, an baptizmus esset verus, si diceretur, In nomine Patris tantum* &c. Prima in duas. In prima determinat formam principalem baptizmi; in secunda quamdam formam secundariam pro tempore observatam, ibi, *Legitur tamen in Actibus Apostolorum, Apostolos baptizasse in nomine Christi*.

Solet etiam queri, si circumcisio amisit statim suam vim ab institutione baptizmi. Hic determinat de baptizmo per comparisonem ad circumcisionem, & circa hoc tria facit. Primo determinat cessationem circumcisionis; secundo institutionem baptizmi, ibi, *Causa vero institutionis baptizmi est innovatio mentis*; tertio effectum utriusque, ibi, *Si queritur, utrum baptizmus aperuerit celum, quod non aperuit circumcisio; dicimus, quia nec baptizmus, nec circumcisio, regni nobis aditum aperuit, sed hostia Salvatoris*.

QUAESTIO I.

Hic queruntur quinque.
Primo. Quid sit baptizmus.
Secundo. De forma ipsius.
Tertio. De materia eius.
Quarto. De intentione.
Quinto. De institutione.

ARTICULUS I.

Utrum baptizmi definitio assignata sit convenienti.

III. P. quæst. lxxv. art. 1.

AD primum sic proceditur. Videtur hæc definitio baptizmi quæ in littera ponitur, scilicet *Baptizmus est ablutio corporis exterior, facta sub forma præscripta verborum*. Manens enim definito, manet definito. Sed transiente ablutione, quæ est quedam actus, vel passio, manet baptizmus. Ergo baptizmus non est ablutio.

2. Præ-

2. Præterea . Sacramentum , secundum Hugonem (de sacram. Lib. I. part. ix. cap. 11.) est materiale elementum . Ablutio autem non est materiale elementum , sed elementi usus . Ergo baptismus , cum sit sacramentum , non erit ablutio .

3. Præterea . Sacramentum est in genere relationis , cum sit causa , vel signum , sicut supra dictum est . Sed baptismus est sacramentum . Ergo inconvenienter ponitur in genere actionis , vel passionis .

4. Præterea . In diffinitione instrumenti debet poni illud ad quod est . Sed baptismus , sicut & alia sacramenta , ut prius dictum est , sunt instrumenta sanctificationis . Ergo cum in diffinitione eius nulla mentio fiat de sanctificatione , videtur inconvenienter esse assignata .

QUAESTIUNCULA II.

1. Ulterius . Videtur quod etiam inconvenienter assignetur diffinitio Hugonis (Lib. II. de sacram. part. vi. cap. 11.) quæ talis est . *Baptismus est aqua diluendis criminibus sanctificata per verbum Dei* . Nihil enim fit in seipso . Sed baptismus in aqua fit . Ergo baptismus non est aqua .

2. Præterea . In diffinitione alicuius non debet poni aliquid quod non fit de essentia eius . Sed sanctificatio materię non est de essentia baptismi : quia in mari , vel in flumine potest fieri baptismus . Ergo sanctificatio aquæ non debet poni in diffinitione baptismi .

3. Præterea . Diffinitio debet converti eum diffinito . Sed potest esse aqua sanctificata verbo vitæ diluendis criminibus , & tamen non erit baptismus , sicut quando non fit intentio . Ergo hæc non est competens baptismi diffinitio .

4. Præterea . Effectus qui potest impediri , non debet poni in diffinitione causæ , quia tunc diffinitio esset minus quam diffinitum . Sed potest impediri quod per baptismum non diluantur crimina . Ergo non debet ablutio criminum in diffinitione baptismi poni .

QUAESTIUNCULA III.

1. Ulterius . Videtur quod etiam inconvenienter assignetur diffinitio Dionysii , quam ponit 1. cap. cxi. Hier. ubi dicit : *Quoddam ergo est principium sanctissimorum mandatorum sacra actionis , (a) ad aliorum divinorum eloquiorum , & sacramentationum susceptivam opportunitatem , formans nostrorum*

animales habitus ad supercalisti quietis analogem , nostrum iter faciens , sacra & divinisissima nostra regenerationis traditio . Principium enim reducitur ad genus principiatorum . Sed sacramentum non est in genere principii , sed in genere sacramenti . Ergo non debet dici principium sanctissimorum mandatorum .

2. Præterea . Non dicitur esse principium sanctorum mandatorum , nisi in quantum præparat viam ad alia mandata . Ergo superfluum fuit postea addere : *Ad susceptivam opportunitatem aliorum nos formans* .

3. Præterea . Nihil potest formari ad divina eloquia , nisi quod est perceptivum eorum . Sed hoc quod est animale in nobis , non percipit divina eloquia , sed solum hoc quod est rationale . Ergo male dicit : *Formans animales habitus ad divina eloquia* .

4. Præterea . Forma , & materia sunt de essentia rei . Sed ipse nullam mentionem facit de materia , & forma baptismi . Ergo videtur quod insufficienter diffinitur .

QUAESTIUNCULA IV.

1. Ulterius . Videtur quod inconvenienter assignetur diffinitio quam Damascenus ponit in IV. Lib. cap. x. sic dicens : *Baptismus est per quem primitias Spiritus sancti accipimus , & principium alterius vitæ fit nobis regeneratio , & sigillum , & custodia , & illuminatio* . Aliqui enim prius habent Spiritum sanctum , & spirituales vitam , quam baptismum consequantur , sicut patet de Cornelio Act. x. Ergo per baptismum non semper accipimus primitias Spiritus sancti , nec est baptismus principium alterius vitæ in nobis .

2. Præterea . Idem non debet poni in diffinitione sui ipsius . Sed regeneratio est idem quod baptismus . Ergo non debet poni in diffinitione baptismi .

3. Præterea . Illuminatio non fit (b) nisi per virtutes intellectuales . Sed baptismus non est intellectualis virtus , sed sacramentum . Ergo non debet sibi attribui illuminatio .

4. Præterea . Custodia fit in nobis per divinam providentiam , de qua dicitur in Psalm. cxx. 4. *Ece non dormitabit , neque dormiet qui custodit Israel* . Ergo non debet hoc baptismo attribui .

SOLUTIO I.

Respondeo ad primam questionem dicendum , quod secundum doctrinam Philo-

(a) Al. & aliorum - (b) Al. deus nisi.

Iosphi in Lib. II. Posteriorum (text. x.) triplex est genus definitionis. Quaedam enim sunt definitiones materiales, quas dicimus demonstrationis conclusiones: quaedam formales, quae sunt principia demonstrationis: quaedam materiales, & formales simul, quae sunt demonstrationes positione differentes: quia habent medium demonstrationis, inquantum continent definitionem formalem; & conclusionem, inquantum continent materialem; sed deest solus ordo (a) terminorum. Quia autem omne completivum quodammodo formale est respectu eius quod completur, ideo d. f. finitio formalis non dicitur quae solum continet formam, sed illa quae continet hoc quod est completivum respectu alterius. Et quia in causis est talis ordo quod materia completur per formam, & forma per efficientem, & efficiens per finem; ideo definitio quandoque materialis dicitur, quae comprehendit tantum materiam rei, formalis autem quae comprehendit formam: sicut, *Ira est accessio sanguinis circa cor*, dicitur materialis definitio: &, *Ira est appetitus in vindictam*, dicitur formalis. Quandoque autem materialis comprehendit formam, & materiam; sed formalis causam efficientem: sicut haec dicitur materialis, *Tonitruum est continuus sonus in nubibus*; haec autem formalis, *Tonitruum est extinctio ignis in nube*. Quandoque autem definitio materialis comprehendit materiam, & formam, & efficientem; formalis autem finem: sicut, *Domus est cooperatorium factum ex lapidibus*, & *linguis per salem modum*, & *saalem artem*, est definitio materialis respectu huius, *Domus est cooperatorium prohibens nos a frigoribus*, & *caumatibus*: & hoc praecipue accidit in instrumentis, quia in eis quasi tota ratio speciei a fine sumitur. Et quia baptismus, cum sit sacramentum, quoddam instrumentum est; ideo definitio materialis eius erit quae comprehendit materiam, & formam eius, & efficientem; & formalis quae comprehendit finem; & sic definitio quam Magister in littera ponit, est materialis. Continet enim materiam in hoc quod dicit, *Ablutio exterior*; & innuit efficientem in hoc quod dicit, *facta*; & ponit formam in hoc quod dicit, *sub forma verborum praescripta*. Et sciendum, quod Augustinus (tract. xv. in Ioan.) ponit eandem definitionem, quamvis sub aliis verbis: dicit enim: *Baptismus est insilio in aqua verbo vitae sanctificata*.

Ad primum ergo dicendum, quod in sacramento baptismi sunt tria. Aliquid quod est sacramentum tantum, sicut aqua quae exterius fluit, & transfluit, & non manet: & aliquid quod est sacramentum, & res, & hoc semper manet, scilicet character: & aliquid quod est res tantum, quod quandoque manet, quandoque transit, scilicet gratia. Magister ergo hic diffinit baptismum quantum ad id quod est sacramentum tantum, quia intendit ipsum materialiter definire.

Ad secundum dicendum, quod sacramentum novae legis est signum, & causa gratiae: unde secundum hoc est sacramentum secundum quod habet significare, & causare. Aqua autem non habet significare, & causare effectum baptismi, nisi secundum quod est ablucens. Unde essentialiter baptismus est ipsa ablutio: quia ad ablationem interiorem causandam institutus est, quam significando causat ipsa exterior ablutio: sed aqua est materia eius remota, & ablutio ipsa est materiale baptismi; sed verbum vitae est forma completiva sacramenti. Augustinus autem, & Magister diffiniunt baptismum per materiam proximam, quae praedicatur proprie de baptismis, sicut materia de artificialibus, ut phiala est argentum; sed Hugo diffinit per materiam remotam, quae non ita proprie praedicatur, nisi per causam remotam.

Ad tertium dicendum, quod baptismus, inquantum est sacramentum, est in genere signi, vel causae: & in hoc genere constituitur per formam verborum, a qua habet significationem, & efficaciam sacramentalem. Sicut autem artificialia non ponuntur in genere ex forma simpliciter, sed ex materia (non enim dicimus, quod domus sit in genere qualitatis, nisi inquantum artificiale figuratum, sed dicitur esse in genere substantiae) ita etiam est de sacramentis. Baptismus enim simpliciter est in genere ablationis; sed secundum quid, scilicet inquantum est sacramentum, est in genere relationis.

Ad quartum dicendum, quod finis ad quem est sacramentum, est ultimum formale ipsius, a quo sumitur formalis definitio. Magister autem non intendit hic definire baptismum formaliter, sed (b) materialiter: & ideo sanctificationem (c) praetermisit.

S O.

(a) *Al.* terminorum, quia ante omne &c. (b) *Al.* naturaliter. (c) *Al.* deest praetermisit.

SOLUTIO II.

Ad secundam quæstionem dicendum, quod definitio illa Hugonis complectitur ad materiam baptismi in hoc quod dicit, *Aqua* & finem in hoc quod dicit, *diluendis criminibus*, & formam per hoc quod dicit, *per verbum vite sanctificata*: unde est definitio composita ex materiali, & formali, quasi demonstratio positione differens: & complete essentiam baptismi complectitur, excepto quod actus ablutionis intermitteretur, qui facit materiam proximam baptismi; quamvis ex aliis quæ ponuntur, intelligi possit.

Ad primum ergo dicendum, quod hæc est propria prædicatio, *Baptismus fa in aqua*; sed hæc est per causam prædicatio, *Baptismus est aqua*.

Ad secundum dicendum, quod ibi non tangitur sanctificatio, nisi illa quæ fit per formam baptismi, quæ consistit in invocatione Trinitatis: & hæc sanctificatio est de necessitate baptismi.

Ad tertium dicendum, quod sacramenta non efficiunt nisi id quod figurant. Ex hoc autem ipso quod ponitur dilutio criminum, effectus baptismi potest accipi: quia baptismus materialiter non consistit in aqua nisi secundum quod est abluens; quandoque autem est aqua sanctificata in aqua ablutionis, est baptismus.

Ad quartum dicendum, quod idem numero quandoque est effectus alicuius, & finis, sicut sanitas est effectus, & finis medicantis; sed effectus, secundum quod producit per actum medici, finis autem secundum quod est intentum a medico. Medicus autem potest impediri a productione sanitatis, sed non ab intentione: & ideo sanitas potest poni in diffinitione ut est finis, non autem ut est effectus: & similiter dilutio criminum in diffinitione sacramenti.

SOLUTIO III.

Ad tertiam quæstionem dicendum, quod Dionysius ex diffinitione baptismi data intendit procedere ad ea quæ materialiter in baptismo requiruntur: unde post hanc diffinitionem datam, ritum baptismi ponit: & ideo ponit eam ut demonstrationis principium: & propter hoc est diffinitio totaliter formalis. Et est sciendum, quod in verbis eius aliquid ponitur quasi diffinitum, & aliquid ponitur tamquam diffinitio. Tamquam diffinitum ponitur, scilicet *traditio*

sacra & *divinissima regenerationis*. Ista enim est quedam circumlocutio baptismi, quæ ipse frequenter utitur: & hoc patet ex hoc quod ibi baptismum non nominat; ut sit sensus: *Quoddam est principium &c.* scilicet *sacra*, & *divinissima regenerationis traditio*. Quasi diffinitio ponitur hic, quod dicit, *Principium sanctissimorum mandatorum sacra actionis*. Et ponit tria ad quæ baptismus ordinatur, quæ formaliter rationem eius complent. Unum est quod competit ei secundum quod est ianua sacramentorum; & quantum ad hoc (a) dicit, quod est *principium sanctissimorum mandatorum sacra actionis*. Actiones enim sacras nominat actiones hierarchicas, scilicet purgare, illuminare, & perficere; quæ præcipue in nostra hierarchia consistunt in dispensatione sacramentorum: quæ quidem actiones nobis sub præcepto traditæ sunt, & ad eas est principium baptismus quasi eorum ianua. Secundum competit sibi in quantum est causa, prout scilicet characterem imprimit, & gratiam confert, secundum quod homo informatur, & idoneus redditur ad aliorum sacramentorum perceptionem; & quantum ad hoc dicit, quod est *formans per characterem*, & gratiam *nostros animales habitus*, idest vires animæ, *ad susceptivam opportunitatem*, idest ad idoneam, & opportunam susceptionem *divinorum eloquiorum* quantum ad doctrinam fidei, & *sacrarum actionum* quantum ad alia sacramenta, quæ nulli non baptizato debent conferri. Tertium competit sibi in quantum est signum, & figura cælestium, & secundum hoc per baptismum manuducimur in cælestium contemplationem; & quantum ad hoc dicit, quod est *faciens iter nostrum*, idest præparans nobis contemplationis viam *ad anagogem*, idest sursum ductionem, *supercaelestis quietis*, quæ consistit in contemplatione spiritualium. Vel potest dici, quod per secundum rangit finem proximum baptismi quantum ad ea quæ sunt viæ; per tertium autem rangit finem remotum, & ultimum, quantum ad ea quæ sunt patriæ; ad quam nos baptismus perducit per gratiam, quam confert, quæ est res significata, & non contenta.

Ad primum ergo dicendum, quod Dionysius determinat de baptismo secundum quod est actio quedam hierarchica, & ideo diffinit *principium mandatorum*, non quorumlibet, sed illorum quibus actiones hierarchicæ nobis traduntur.

Ad

(a) *id. d. 1. dicit.*

Ad secundum dicendum, quod per primum tangit tantum ordinem baptismi ad alia sacramenta, sed per secundum tangit effectum, quo mediante ad alia sacramenta percipienda idonee perducit, ut ex dictis patet.

Ad tertium dicendum, quod animales habitus hic dicuntur ab anima, & non ab animalitate, quia scilicet cum aliis animalibus communicamus; ut ostendat quod non solum baptismus corpus exterius lavat, sed etiam animam interius format.

Ad quartum dicendum, quod hæc definitio est principium omnium quæ Dionysius de baptismo tradit: unde in principio statim hanc definitionem ponit. Et quia in omnibus quæ sunt propter finem, & ex fine, debet accipi & forma competens fini, & materia competens formæ; & fini; ideo in hac definitione non posuit formam, & materiam, sed solum ea ad quæ baptismus ordinatur quasi ad finem proximum, vel remotum.

SOLUTIO IV.

Ad quartam questionem dicendum, quod Damascenus prædictam definitionem venatur ex hoc ipso quod baptismus regeneratione dicitur. Cum enim generatio sit motus ad esse, constat quod baptismus est per quem nobis traditur spirituale esse. Et quia nullus potest agere actionem alicuius nature, nisi prius habeat esse in natura illa, ideo concluditur quod baptismus est principium omnium spiritualium actionum: & secundum hoc Damascenus baptismum definiit adhuc per priora quam Dionysius, inquantum accipit primum effectum baptismi, qui est constituere in spirituali vita, ex qua habet quod regeneratio dicatur: & ideo definit baptismum ut principium spiritualis vite in hoc quod dicit, *Principium alterius vite*, scilicet spiritualis, quæ est altera a naturali; ut hæc generatio sit altera a naturali, & regeneratio dicatur: & iterum ut principium eorum quæ ad vitam primo consequuntur; & ideo dicit: *Per quod sunt primitie spiritus*, idest primi spiritus effectus in nobis. Hi autem effectus vel consequuntur ipsam generationem, sicut filiationem, vel aliqua talis relatio; & sic per baptismum dicimur regenerari in filios Dei, & quantum ad hoc dicitur *regeneratio*: vel consequuntur formam per generationem inductam; & hoc tripliciter. Primo in ordine ad generantem, secundum quod per formam inductam genitus sit si-

S. Th. Oper. Tom. XII.

milis generanti; & quantum ad hoc dicitur *figillum*. Secundo quantum ad esse ipsius geniti, quod per formam conservatur; & quantum ad hoc dicitur *custodia*. Tercio quantum ad actionem eius, cuius forma est principium; & quantum ad hoc dicitur *illuminatio*.

Ad primum ergo dicendum, quod primitiæ spiritus dantur antequam percipiatur baptismus actu, sed non antequam percipiatur proposito habituali, sicut in Cornelio; vel actuali, sicut in aliis qui baptismi fidem habent. Vel dicendum, quod hic loquitur de vita spirituali, secundum quod homo quantum ad exteriora reputatur membrum Ecclesiæ, quod non fit ante baptismum, quia ad actus fidelium nullus ante baptismum admittitur.

Ad secundum dicendum, quod regeneratio ponitur hic pro relatione consequente regenerationem, sicut est filiationem.

Ad tertium dicendum, quod etiam Dionysius (de eccl. hierar. cap. iv. part. i.) vim illuminativam baptismi attribuit, quod quidem ei competit inquantum est fidei sacramentum: unde baptizatus iam admittitur ad inspectionem sacramentorum quasi illuminatus; non autem ante debet admitti, ne sancta canibus tradatur secundum Dionysium.

Ad quartum dicendum, quod custodia conservationem importat: quæ quidem est a Deo sicut a principio efficiente, a gratia autem baptismali sicut a principio formali.

ARTICULUS II.

Utrum hæc verba, Ego te baptizo &c. sint de integritate forme baptismalis.

III. P. quæst. lxxv. art. 5. & 6.

1. **A**D secundum sic proceditur. Videtur quod integritas formæ baptismalis non contineatur in his verbis, *Ego te baptizo in nomine Patris, & Filii, & Spiritus sancti*. Actio enim magis debet attribui principali agenti quam secundario. Sed principalis baptizans est Christus, ut patet Ioan. 1. 33. ubi dicitur: *Hic est qui baptizat*: homo autem est tantum minister baptismi. Ergo magis debuit dici, *Christus te baptizat* &c. quam *Ego te baptizo*.

2. Præterea. Secundum grammaticos in verbis primæ & secundæ personæ intelligitur nominativus certus & determinatus. Sed

I

ba-

baptizo est verbum primæ personæ. Ergo non fuit necessarium quod adderetur *Ego*.

3. Præterea. Sacramenta habent a divina institutione efficaciam, & virtutem. Sed ex forma quam Dominus tradidit Matth. ult. 19. ubi dicitur, *Docete omnes gentes*, non potest haberi quod *Ego te baptizo* sit de forma baptismi: quia hoc participium *baptizantes*, ponitur ibi ad designandum, exercitium actus, non quasi pars formæ. Ergo videtur quod non sit de necessitate formæ.

4. Præterea. Simul Dominus præcepit actum docendi, & baptizandi, Matth. ult. Sed non exigitur ad docendum quod sacerdos dicat, *Ego te doceo*. Ergo similiter non exigitur ad baptismum quod dicat, *Ego te baptizo*.

5. Præterea. Verba non debent dirigi ad eum qui non est verborum sensus perceptivus. Sed quandoque baptizatus non potest percipere sensus verborum, sicut patet quando puer baptizatur. Ergo non debet dicere, *Baptizo te*, sed, *Baptizo Ioannem*.

6. Præterea. Hoc videtur ex modo loquendi quo Dominus usus est, ponens baptizandos in tertia persona dicens, *Baptizantes vos*.

7. Præterea. Materia sacramenti non minus est de essentia sacramenti quam suscipiens illud sacramentum. Sed nulla mentio fit in forma de aqua, quæ est materia sacramenti. Ergo non debet fieri mentio de recipiente, ut dicatur, *Baptizo te*.

8. Præterea. Baptismus a passione Christi efficaciam habet, & figura est mortis Christi, ut patet Rom. vi. Ergo potius debuit in baptismi forma fieri mentio de fide passionis quam de fide Trinitatis.

9. Præterea. Omne illud in quo personæ non conveniunt, debet de eis pluraliter dici. Sed personæ distinguuntur quantum ad nomen, quia nomen Filii Patri non convenit, nec a converso. Ergo non debuit dici, *In nomine Patris &c.* sed, *In nominibus*.

QUAESTIUNCULA II.

1. Ulterius. Videtur quod liceat ea quæ in hac forma ponuntur, mutare sine præiudicio baptismi. Græci enim hanc formam baptizandi habent: *Baptizetur servus Christi Niclaus in nomine Patris, & Filii, & Spiritus sancti*. Sed apud omnes est unum baptismus. Ergo & nosse similiter baptismus fieri posset.

2. Præterea. Hoc quod dicit, *Ego ba-*

pizo te, ponitur in forma ad exprimendum baptismi actum. Sed actus baptismi potest effici ab uno, & duobus, & in unum, & in duos. Ergo potest fieri mutatio formæ, ut dicatur, *Nos baptizamus vos*.

3. Præterea. Ecclesia est eiusdem potestatis nunc cuius erat primitiva Ecclesia quantum ad sacramentorum dispensationem. Sed primitiva Ecclesia mutavit formam baptismi: quia baptizabant in nomine Christi, sicut in Act. (cap. 11. & viii.) legitur. Ergo & nunc Ecclesia formam mutare posset.

4. Præterea. Tres personæ in forma baptismi ponuntur ad exprimendum fidem Trinitatis. Sed ita exprimeretur fides Trinitatis, si diceretur, *In nomine Trinitatis*, sicut si dicitur, *In nomine Patris, & Filii, & Spiritus sancti*. Ergo potest ita mutatio fieri ut dicatur, *In nomine Trinitatis*.

5. Præterea. Virtus sacramentalis non consistit in verbis, nisi secundum quod ad significationem referuntur: alias non esset virtutis alicuius nisi in una lingua, quia voces non sunt eadem apud omnes. Sed idem significat Pater quod genitor, & Filius quod genitus, & Spiritus sanctus quod ab utroque procedens. Ergo potest hoc modo fieri mutatio, ut dicatur: *In nomine genitoris, & geniti, & procedentis ab utroque*.

6. Præterea. Qui corrumpit verba, mutat litteras & syllabas, & per consequens dictiones. Sed infra dist. vi. dicitur, quod reputatur baptismus, quamvis aliquis verba corrupte proferat. Ergo potest fieri formæ mutatio.

QUAESTIUNCULA III.

1. Ulterius. Videtur quod non possit aliquid addi, vel minui. Non enim est minor necessitas in verbis quæ pertinent ad formas sacramentorum, quam in verbis sacra Scripturæ. Sed in verbis sacra Scripturæ non licet addere, vel minuere, ut patet Apocal. ult. Ergo nec verbis formarum in sacramentis.

2. Præterea. In formis naturalibus ita est quod differentia addita, vel subtracta variat speciem. Ergo & si in formis sacramentorum aliquid addatur, vel subtrahatur, tollitur ratio illius sacramenti.

3. Præterea. Ariani non mutabant formam istam nisi per additionem. Dicebant enim: *In nomine Patris maioris, & Filii minoris*: & propter hoc non reputabantur baptizati.

baptizati. Ergo non licet addere, vel diminueri in forma.

4. Sed contra. In littera habetur ab Ambrosio, quod si fides totius Trinitatis corde teneatur, & una tantum persona sit nominata, sit baptismus verum. Ergo licet aliquid de forma subtrahere.

5. Præterea. Actus baptizandi ponitur in forma ad excitandum attentionem. Ergo, ut videtur, licet addere verbum intentionem signans, ut dicatur: Intendo te baptizare.

QUAESTIUNCULA IV.

1. Ulterius. Videtur quod possit fieri interpositio, vel transpositio. Quia baptismus est unus actus: unus autem est actus qui est continuus, ut dicitur in V. Physicorum (text. xxxix.) Sed interruptio tollit continuitatem baptismi. Ergo tollit unitatem eius: ergo non debet fieri aliqua interruptio.

2. Præterea. Sicut ad fidem Trinitatis pertinent tres personæ, ita & personarum ordo. Sed in translatione variatur ordo. Ergo corrumpitur forma.

Sed contra est, quia transposita nomina, & verba idem significant.*

SOLUTIO I.

Respondeo dicendum ad primam questionem, quod forma completiva rei media est quodammodo inter materiam quam perficit, & causam efficientem a qua producit, ut virtus efficientis mediante forma ad materiam traducatur. Et quia medium complectitur aliquo modo utrumque extremum, ideo forma baptismi continet & principale efficiens, unde baptismus efficaciam habet, & materiam baptismi proximam, quæ est actus ablutionis: & ideo ponitur, in nomine Patris, & Filii, & Spiritus sancti, tamquam principale efficiens, a quo baptismus efficaciam habet; & ponitur actus materialis (a) cum iis quæ circumstant ipsum, scilicet confers, & recipies, in hoc quod dicitur, *Ego baptizo te*.

Ad primum ergo dicendum, quod principale agens significatur in invocatione Trinitatis, quæ invisibiliter agit; & ideo re-

linquebatur ut circa actum materiale poneretur agens secundarium, scilicet minister sacramenti.

Ad secundum dicendum, quod formæ sacramentorum non accipiuntur ut voces significative tantum, sed ut effectivæ. Et quia nihil agit nisi secundum quod perfectum est, ideo de integritate formæ baptismalis est ut ponatur totum quod ad baptismum requiritur, quamvis unum ex alio intelligi possit.

Ad tertium dicendum, quod in verbis illis Dominus principaliter non intendit tradere formam sacramenti, quia prius eistradiderat, quando baptizabant etiam ante passionem; sed intendit eis præcipere actum baptizandi secundum formam prius eistraditam: & ideo ex verbis illis potest probabiliter accipi forma prædicta, quamvis nunc expresse ibi ponatur.

Ad quartum dicendum, quod quia baptismus est sacramentum necessitatis, & in sacramento requiritur intentio; ideo oportet exprimi omnia quæ intentionem determinant ad actum illum; non autem sic in aliis actibus, in quibus non est tantum periculum, si intentio non addit. Vel dicendum, quod alii actus habent efficaciam ex ipso suo exercitio tantum, sed actus baptizandi habet efficaciam ex forma verborum. Et quia talis efficacia est sacramentalis, idcirco oportet quod verba formæ significando efficaciam actui præbeant: & ideo oportet baptizantem actum suum verbo significare, quamvis hoc in aliis actibus non reperitur.

Ad quintum dicendum, quod ratio illa tenet de illis verbis quæ proferuntur causa significationis tantum, non autem de illis quæ proferuntur causa efficiendi, quæ etiam oportet ad res non intelligentes proferri, ut effectus verborum determinetur ad res illas: unde etiam dicitur: *Exorcizo te creatura salis*.

Ad sextum dicendum, quod Dominus præcipiebat actum baptismi, ut absentiam; & ideo oportebat quod uteretur tertia persona: secus autem est de illis qui exercent actum illum in præsentem.

Ad septimum dicendum, quod aqua comprehenditur in designatione baptismi: quia baptismus nihil aliud est quam ablutio fa-

1 2 Ita

(*) *Id.* in ca.

* Ex Lib. I. de Interpretatione, seu Perichomenias, cap. xxi.

ita in aqua : & ideo esset nugatio , si iterum poneretur .

Ad octavum dicendum , quod actio semper magis attribuitur principali agenti , quia efficacius imprimit ad agendum . Totam enim virtutem medice causae est a prima , sed non convertitur : quia prima causa a qua baptismus efficaciam habet , auctoritative est Trinitas : passio autem Christi causa secundaria , & meritoria : ideo magis fit mentio de Trinitate quam de passione .

Ad novum dicendum , quod nomen non competit voci nisi secundum quod facit notitiam de re : nomen enim dicitur quasi notamen . * Notitiam autem habemus de Trinitate per fidem . Et quia est una fides Trinitatis , & una confessio Dei , quamvis sint diversae voces significantes tres personas ; ideo dicitur , *In nomine* , quasi in invocatione , quae fit per professionem exterioriorem ioterioris fidei .

SOLUTIO II.

Ad secundam questionem dicendum , quod quia sacramenta efficaciam habent ex institutione divina , & principaliter est in sacramentis forma quam etiam materia ; ideo sicut nulli licet mutare sacramentum , vel aliquod novum instituere , ita nulli licet mutare formam sacramenti quantum ad id quod est de essentia formae absque speciali consilio Spiritus sancti , qui virtutem suam illis verbis non alligavit : & si mutatur , nihil agitur , & praeter hoc culpa incurritur . Si autem aliquid pertinet ad formam ex determinatione Ecclesiae , si illud mutatur , nihilominus est sacramentum , sed culpa incurritur . In forma autem baptismi essentialius est quod exprimit causam agentem , a qua est tota efficacia , quam quod exprimit actum exercitum : & ideo quantum ad omnes invocatio Trinitatis est de essentia formae , nec aliqui quantum ad hoc formam mutare possunt . Quidam vero dicebant , quod actus exercitus non est de essentia formae , & quod in illa invocatione Trinitatis : essentia formae consistit ; quos refellit auctoritas Alexandri Papae , ** qui dicit , quod non est baptismus illud lavacrum quo aliquis in no-

mine Patris , & Filii , & Spiritus sancti nihil addendo baptizatur .

Ad primum ergo dicendum , quod secundum opinionem Graecorum , de necessitate formae est actus baptismi quantum ad significatum , sed non quantum ad significatum . Persona autem baptizans per ministerium non est de necessitate formae , quia ex eo baptismus efficaciam non habet ; sed persona recipiens est de necessitate formae , quia actus ad suscipiendum terminatur : & ideo differunt in forma a nobis quantum ad tria . Primo quia personae ministri in forma non expriment : & hoc dicunt ad removendum errorem qui fuit in primitiva Ecclesia , qui efficaciam baptismi baptizanti attribuebat , ut patet Corinthiis . Secundo in hoc quod significant actum sub alia persona , scilicet tertia , & sub alio modo , scilicet subiunctivo , vel optativo , (a) ad significandum quod actus interior expectatur ab extra . Tertio quia personam baptizatam ponunt in nominativo casu , & in tertia persona : quia quandoque baptizatus non habet intellectum ut ad eum possit dirigi sermo . Utrum autem ipsi mutant aliquid quod sit de substantia formae , ut sic oportet rebaptizari , quamvis quidam dicant hoc , non tamen est determinatum , sed dubium apud quosdam , quibus videtur quod sufficiat actum baptismi significare ad perfectionem sacramenti , & quod consignificationis determinatio sit ex Ecclesiae institutione . Hoc autem certum est quod forma qua nos utimur , melior est : tum quia perfectior est , ut patet ex supradictis ; tum quia magis consonat verbis Evangelii quod ministros baptizantes dicit ; tum propter auctoritatem Ecclesiae , quae hanc formam tradidit , quae nunquam a vera fide legitur declinasse , hanc formam ab Apostolis retinens ; & ideo non licet , praecipue Latioris , in forma Graecorum baptizare : quod si praesumerent , secundum quosdam non esset baptismus , secundum quosdam autem esset , sed graviter peccarent .

Ad secundum dicendum , quod unus actus qui uno agente expleri potest , non progreditur a pluribus agentibus simul ; & ideo

(a) Sub indicativo modo Graeci baptizant : βαπτίζετε , baptizatur . Utroque modo legitur in Decretis Eugenii post Concilium Florentinum .

EX EDIT. P. NICOLAI.

* sic Isidorus Lib. I. etymologiarum , vel originum cap. vi. Sed Festus dictum mavult quasi neximen & a nexio derivat . ** Nempe Alexandri III. Extra de bapt. n. c. 2. Si quis .

ideo unus baptizans, cum ipse solus baptizare possit, debet significare actum suum non ut a pluribus exeuntem, sed ut a se solo: & ideo non potest dici, *Nos baptizamus*; sed secundum quoddam dici potest, *Ego baptizo vos*, si necessitas adsit. Nec est aliqua mutatio formæ, quantum ad significationem, quia plurale non est nisi singulare geminatum. Potest & alia ratio assignari, quia *Baptizo vos* idem est quod *baptizo te*, & *re*; & ideo per hoc non fit mutatio formæ quantum ad sensum, sed solum quantum ad vocem. Sed *Nos baptizamus* idem est quod *ego*, & *illi*; non autem *ego*, & *ego*. Unde non omnino est idem: & ideo qui dicit, *Nos baptizamus*, nihil facit; qui autem dicit, *Baptizo vos*, si simul plures baptizaret, baptizatum est; sed peccat, nisi ex magna necessitate faciens.

Ad tertium dicendum, quod forma quam Dominus tradidit, non fuit ab Apostolis mutata quantum ad intellectum: quia in Christi nomine tota Trinitas intelligitur, ut in littera habetur: sed solum quantum ad vocem: & hoc est quod quidam dicunt, quod est mutata forma sensibilibus, sed non intelligibilibus. Nec hoc ipsum potuissent, nisi ex familiari consilio Spiritus sancti. Ratio autem mutationis fuit, ut nomen Christi amabile redderetur, si in eius nomine baptismus fieret: & hoc etiam Ecclesia nunc posset, si speciale præceptum a Spiritu sancto haberet, non autem propria auctoritate. Et quia illius mutationis causa fuit conveniens illi temporis, ideo cessante causa, cessat effectus: & modo non esset baptismus, si quis in Christi nomine baptizaret; ut communiter dicitur; quamvis quidam contrarium dicant.

Ad quartum dicendum, quod in nomine Trinitatis non exprimuntur ipsæ personæ, sed solum numerus personarum: & ideo non sufficit dicere, *In nomine Trinitatis*; nec esset baptismus, si diceretur.

Ad quintum dicendum, quod genitor non significat personam Patris, sicut hypostasis subsistentem, ut hoc nomen *Pater*, sed per modum actus: & ideo non est eadem significatio, si dicatur, *In nomine genitoris*, & in nomine Patris: & similis ratio est de aliis. Quamvis autem non sit eadem vox in Græco, & Latino, tamen est eadem vocis significatio, & in qualibet lingua verba illa pertinent ad formam quæ principa-

lius sunt instituta ad signandum personas illas.

Ad sextum dicendum, quod qui corrupte profert verba, aut hoc facit ex industria; & sic non videtur intendere quod Ecclesia intendit, unde non est baptismus: aut hoc facit ex ignorantia, vel defectu lingue; & tunc dicitur quod si sit tanta corruptio quod omnino auferat sensum locutionis, non est baptismus; si autem sensus locutionis remaneat, tunc erit baptismus: & hoc præcipue accidit, quod sensus non mutatur, quando fit corruptio in fine: quia ex parte finis mutatio variat consignificationem, non autem significationem, ut grammatici dicunt. Sed mutatio ex parte principii variat significationem: unde corruptio talis, maxime si sit magna, omnino sensum locutionis auferret. Quando autem sensus locutionis aliquo modo manet, tunc quamvis mutetur forma quantum ad sonum sensibilem, non tamen mutatur quantum ad significationem: quia quamvis oratio corrupte prolata nihil significet ex veritate impositionis, significat tamen ex accommodatione usus.

SOLUTIO III.

Ad tertiam questionem dicendum, quod de subtractione hoc certum est, quod si subtrahatur aliquid quod sit de essentia formæ, non est baptismus, & ille qui baptizat, graviter peccat. Et quia apud omnes invocatio Trinitatis est de essentia formæ, ideo hoc nullo modo subtrahi potest. Sed quidam dicunt, quod expressio actus non est de substantia formæ: unde si subtrahatur, facta sola Trinitatis invocatione, erit baptismus, quamvis peccet baptizans. Sed contra hoc est Decretalis Alexandri Papæ tertii (ut supra) qui dicit, quod si quis puerum in aqua ter misset dicendo, *In nomine Patris, & Filii, & Spiritus sancti*, si non dicat, *Ego baptizo te*, talis immerfus non facit baptismum. Oportet enim quod per formam (a) virtus Trinitatis invocatur ad materiam propositam determinetur, quod sit in expressione actus. Similiter etiam expressio personarum baptizatarum est de substantia formæ, quia per eam determinatur actus ad hunc baptismum: & ideo si subtrahatur, non erit baptismus. Sed expressio personarum baptizantis dicitur quod non est de forma quantum ad necessitatem sacramenti, sed ex institutione Ecclesiæ, ut intentio magis re-

(a) Ad. vii. cap. 1.

feratur ad actum illum: & ideo si omittatur, erit baptismus, sed peccat omittens. De additione vero duo sunt observanda. Primum est ex parte addentis. Quia si adderet intendens illud esse de forma, quasi volens per hoc novum ritum adducere, constaret quod non intendit proferre formam qua utitur Ecclesia, & ita nec facere quod Ecclesia facit: quare non esset baptismus. Secus autem est, si quis ex aliqua causa adderet, ut ex devotione quadam. Secundum est ex parte eius quod additur: quod si est corruptivum formae, tunc non est baptismus; si autem non, est baptismus secundum quosdam; sicut si dicatur, *In nomine Patris maioris, & Filii minoris*, corrumpitur fides quam forma profertur. Si autem addatur, & *beata Maria*, quidam dicunt quod non est baptismus, quia non fit baptismus in virtute beatae Mariae; fieret autem si diceretur: & *beata Maria invet puerum istum*, vel aliquid huiusmodi. Alii autem dicunt, & probabilius, quod esset baptismus etiam primo modo additione facta. (a) Quia secundum Magistrum, *In nomine Patris* idem est quod in invocatione. Potest autem in invocatione beatae Mariae fieri baptismus, cum invocatione Trinitatis; non quasi ex virtute eius efficaciam habeat baptismus, sicut habet ex virtute Trinitatis, sed ut eius intercessio baptizato proficiat ad salutem. Quidam autem addunt tertium considerandum: dicunt enim, quod si fiat additio in medio, vel in principio, non est baptismus: si autem in fine, est baptismus. Sed hoc nullam videtur habere rationem: Unde secundum alios, qualitercumque fiat additio, non refert, dummodo non sit contraria formae, & baptizans non intendat mutare ritum baptismi.

Ad primum ergo dicendum, quod illud dicitur contra haereticos qui addebant Scripturam, vel minuebant ex ea propter fidei corruptionem; & similiter in proposito additio, vel subtractio corrumpens formam tollit baptismum.

Ad secundum dicendum, quod hoc est verum de differentia essentiali, non autem de accidentalibus. Unde si subtrahatur aliquid de essentia formae existens, vel addatur aliquid non de essentia formae, ac si fit de essentia formae, non erit baptismus.

Ad tertium dicendum, quod additio illa corrumpat fidem Trinitatis, quam ex-

primit forma: & ideo corrumpbat formam.

Ad quartum dicendum, quod secundum quosdam sufficiebat quantum ad invocationem Trinitatis, ut nihil minueretur de forma intelligibili, quamvis minueretur de forma sensibili, quia in una persona omnes intelliguntur. Ideo dicebant, quod una persona nominata plenus esset baptismus, si fides interius plena esset. Sed quia fides personae baptizantis, vel infidelitas nihil prodest, nec nocet ad baptismum, qui fit in fide Ecclesiae; ideo quasi communiori modo dicitur, quod oportet omnes tres personas exprimi: & ideo ad verbum Ambrosii multipliciter respondetur. Quidam enim dicunt, quod cum dicit, *Plenum fit sacramentum*, ponit sacramentum pro fide: quia qui unam tantum personam confitetur, si alias corde tenet, plenam habet fidem. Quidam vero dicunt, quod intelligitur quantum ad plenitudinem ipsius sacramenti, quam habet ex fide: quod patet ex hoc quod dicit, *Plenum est fidei sacramentum*: vel quod intelligatur secundum quosdam in casu quando una persona nominata, puer, vel sacerdos moretur (creditor enim quod invisibilis sacerdos supplet defectum) vel in casu simili, in quo Apostoli in nomine Christi baptizabant: & hoc magis consonat verbis eius.

Ad quintum dicendum, quod qui intendit aliquid facere, non est consequens quod faciat illud: unde esset ad corruptionem formae, *Ego intendo te baptizare*.

SOLUTIO IV.

Ad quartam questionem dicendum, quod cum forma verborum consistat in tribus, scilicet significatione, integritate verborum, & ordine; quidam dicunt, quod quicquid horum mutetur, vel varietur, non est baptismus. Sed quia formae sacramentorum sunt quaedam fidei professiones, fidem autem non proficiunt verba formae, nisi ratione suae significationis; ideo alii dicunt, quod dummodo fervetur intellectus vel implicite, vel explicite, etiam si non esset vocum integritas, nec ordo, idem erit baptismus. Sed quia sacramentum quantum ad formam, & materiam debet esse eiusdem signum; ideo alii dicunt medio modo, quod requiritur & significatio plena, & verba integra quae sunt de essentia formae. Si

an-

autem ordo, vel aliquid circa verba mutetur, quod non tollit nec significationem, nec integritatem verborum, erit baptismus.

Et secundum hoc ad primum dicendum, quod si fiat tanta interruptio quod intercipiat intentionem baptizantis, tunc non erit una forma: & ideo utraque per se erit imperfecta, nec sufficit ad baptismum; sicut si dicatur, *In nomine Patris*, & interponat longam fabulam; & postea dicat, *Et Filii*. Si autem ita fiat parva interruptio, vel verba non corruptentis formam, ut si dicatur, *In nomine Patris omnipotentis*, aut silentii, aut tullis, vel alicuius huiusmodi, quod intentionem non discontinuet; tunc erit ab unitate intentionis unitas formae. Constat enim quod (a) continuas formae ex vocibus unitatem habere non potest, cum oratio sit quantitas discreta.

Ad secundum dicendum, quod quidam dicunt, quod si sit talis ordo qui mutet intellectum, non fit baptismus; ut si dicatur: *In nomine Patris baptizo te, Et Filii, Et Spiritus sancti*. Si autem non mutetur intellectus, erit baptismus, ut si dicatur: *In nomine Patris, Et Filii, Et Spiritus sancti baptizo te*. Alii vero dicunt, quod qualitercumque mutetur ordo verborum, non videtur intellectus mutari: & ideo erit baptismus, quamvis peccet transponens. Et secundum hoc dicendum, quod ordo personarum non est quo una sit prior altera, sed quo una est ex altera; quem ordinem ipsa nomina personarum ostendunt, quocumque ordine proferantur.

ARTICULUS III.

Utrum baptismus debeat fieri in aqua.

III. P. quaest. lxxvi. art. 3. Et 4.

1. **A**D tertium sic proceditur. Videtur quod baptismus non debeat fieri in aqua. Ex similibus enim causis similes effectus producuntur. Sed baptismus habet similem effectum cum circumcisione. Cum ergo aqua in nullo conveniat cum instrumento circumcisionis, videtur quod non congrue fiat baptismus in aqua.

2. Præterea. Secundum Damascenum (de Fide orthod. Lib. IV. cap. x.) & Dionysium (de eccl. Hierar. cap. v. part. 1.) baptismus habet vim illuminativam, & in eo Spiritus sanctus datur, & homo in fi-

lium Dei regeneratur. Sed ignis inter alia elementa plus habet de luce, & per eum ratione caloris Spiritus sanctus, qui est caritas, significatur, & secundum Dionysium in fine cæli. Hier. (cap. ult.) ignis maxime deiformitatem significat. Ergo baptismus debet fieri in igne, & non in aqua.

3. Præterea. Secundum Damascenum (ut sup.) baptismus est principium vite, & est sacramentum maximæ necessitatis. Sed aer habet maximam convenientiam cum vita, quia calidus est, & humidus, & est communissimum elementum, ut nulli propter eius penuriam posset esse periculum, sicut quandoque parvulis est periculum propter defectum aquæ. Ergo baptismus debuit in aere fieri, & non in aqua.

4. Præterea. Per baptismum configuramur sepulture Christi: Rom. vi. Sed Christus in terra sepultus est. Ergo baptismus debet in terra fieri, & non in aqua.

5. Præterea. Oleum, & vinum ablutiva sunt, & laticifantia, & impinguantia. Sed baptismus præter ablutionem peccatorum, pinguedinem, & lætiam spirituales tribuit. Ergo in his liquoribus fieri debet.

6. Præterea. Sacramenta de latere Christi fluxerunt. Sed sicut fluxit aqua, sic & sanguis. Ergo in sanguine debet fieri baptismus.

Sed contra est quod dicitur Ioan. 111. 5. *Nisi quis renatus fuerit ex aqua, Et Spiritu sancto, non potest introire in regnum Dei.*

Præterea. Reparatio debet creationi respondere. Sed in creatione mundi Spiritus Domini commemoratur primo super aquas ferri, & ex aquis primo animam viventem produxisse, ut patet Genes. 1. Ergo & Spiritus sanctus in opere reparationis primo dari debet in aqua, (b) & per illum spiritualis vita, & sic baptismus in aqua fieri debet, quod est principium alterius vite, & per quod primitia spiritus accipimus.

QUAESTIUNCULA II.

1. Uterius. Videtur quod non debeat fieri in aqua simplici. Quia medicina debet esse infirmis proportionata. Sed nos, quibus medicina baptismi adhibetur, habemus corpus ex elementis mixtum. Ergo aqua baptismi non debet esse elementum simplex.

2. Præterea. Sacramenta fluxerunt de latere Christi dormientis in cruce. Sed de latere

(a) *M.* continuata forma. (b) *M.* & spiritualis vita.

tere eius non est probabile fluxisse aquam, quæ sit purum elementum, cum tale quid in corporibus mixtis non invenitur. Ergo non debet in aqua simplici baptismus fieri.

3. Præterea. Pura elementa, secundum Philosophos, non sunt in extremis, sed in mediis elementorum: quia in extremis alterant se invicem. Si ergo oporteret in aqua simplici baptismum fieri, non posset apud nos fieri.

4. Præterea. Constat quod aqua maris non est simplex aqua, quod eius amaritudo, & saledo demonstrat, quæ ex terrestri mixto contingit. Sed in aqua maris potest fieri baptismus. Ergo non requiritur aqua simplex.

5. Præterea. Aqua competit baptismum ratione ablutionis. Sed quædam aqua mixta magis abluat, sicut lixivium, & huiusmodi. Ergo magis baptismum competit.

Sed contra est quod mixtum neutrum miscibilium est. Si ergo fiat baptismus in aqua mixta, non fiet in aqua; quod esset contra doctrinam Evangelii.

QUAESTIUNCULA III.

1. Ulterius. Videtur quod non in qualibet aqua simplici possit fieri baptismus. Dominus enim tactu mundissimæ suæ carnis vim regenerativam contulit aquis. Sed non tetigit nisi aquas Iordanis. Ergo solæ illæ aquæ habent vim regenerativam; & ita non in qualibet aqua potest fieri baptismus.

2. Præterea. Baptismus non potest fieri nisi in aqua verbo vitæ sanctificata. Si ergo baptismus fieret in mari, vel in aliquo fluvio, tota aqua fluminis esset sanctificata; quod videtur absurdum.

3. Præterea. Quædam aquæ non habent vim abluendi, sed magis deturpant, sicut aquæ paludum. Ergo videtur quod in huiusmodi aquis non possit fieri baptismus.

Sed contra est, quia materia baptismi debet esse communis: quia baptismus est sacramentum maximæ necessitatis. Sed hoc non esset, nisi in qualibet aqua baptismus fieri posset. Ergo in qualibet aqua potest fieri baptismus.

SOLUTIO I.

Respondeo dicendum ad primam questionem, quod ex institutione divina necessarium est baptismum in aqua fieri. Possunt

autem institutionis accipi sex rationes. Prima est, quia aqua ratione diaphaneitatis habet aliquid de lumine, & ita competit baptismum; qui habet vim illuminativam, secundum quod in eo gratia conteritur. Secunda est, quia ratione humiditatis habet vim ablutivam, & ideo competit baptismum, in quo sordes culpæ mundantur. Tertia est, quia ratione frigiditatis habet vim refrigerandi, & ideo competit baptismum, in quo incendium somitis mitigatur. Quarta est, quia, ut dicitur in XVII. de animalibus (vel de gener. animal. Lib. IV. cap. 11.) aqua maxime competit generationi, & augmentationi rerum viventium, unde & in principio mundi ex aqua primitus animalia producta sunt; & sic competit baptismum, in quantum est regeneratio in spirituales vitam. Quinta est, quia in omnibus mundi partibus aqua invenitur. Sexta, quia est res quæ de facili ab omnibus haberi potest sine magno pretio. Et hæc duæ competunt baptismum prout est sacramentum necessitatis.

Ad primum ergo dicendum, quod neque circumcisio, neque baptismus tollunt originalem culpam ex virtute naturalis ipsarum rerum, sed in quantum significant aliquid spirituale: & in significatione communicat aqua cum instrumento circumcissionis, quia in utroque fit ablatio alicuius.

Ad secundum dicendum, quod ignis habet lucem ex se, & calorem, qui est qualitas activa: & quia Spiritus sanctus est primum agens deiformitatem in baptismum, & primum illuminans, sed baptismus est sicut quædam instrumentalis causa, ideo Spiritui sancto competit figurari per ignem, sed baptismum per aquam, quia mediante transfunditur lumen a Spiritu sancto in animam, sicut per diaphanum lumen corporale ad sensum.

Ad tertium dicendum, quod quamvis aer communicet cum vita, non tamen aer generationi viventium, sicut aqua, competit: & propter hoc magis competit aqua baptismum quam aer.

Ad quartum dicendum, quod sepultura Christi est res significata, non contenta; institutio autem sacramentalis materię attenditur principaliter quantum ad significationem rei contentę. Magis autem competit aqua tali significationi in baptismum quam terra; & ideo ratio non sequitur.

Ad quintum dicendum, quod oleum, & vinum non habentur in usu ablutionis sicut aqua, nec ita bene abluunt, quia ex

eis etiam aliquæ sordes contrahuntur, & defunt iterum aliæ conditiones, quæ aquæ competunt: & ideo non ita competunt baptismi sicut aqua. Pinguendo autem devotionis, & læticia sunt quidam effectus baptismi consequentes, & non primi.

Ad sextum dicendum, quod ex latere Christi fluxit sanguis, & aqua; sed sanguis ad redimendum, ut dicitur I. Petr. 1. aqua autem ad abluendum: & ideo aqua baptismi competit, & non sanguis.

SOLUTIO II.

Ad secundam questionem dicendum, quod permixtio aquæ potest esse duplex. Una quæ tollit speciem, sicut quando per alterationem transit in aliam speciem, sicut per putrefactionem aliquid, vel digestionem transit in vinum, aut etiam per additionem tantam alterius liquoris, quod solvat species aquæ, sicut si parum aquæ multo vino admisceatur. Alia permixtio est, quæ non tollit speciem aquæ; sicut quando alteratur aqua secundum aliquod accidens, & manet species, ut patet in aqua calefacta; vel quando additur aliquod aquæ quod vel non commisceatur, sicut si aliqua solida ponantur in aqua; vel si sit commiscibile, sicut aliquod humidum, tamen est tantæ parvæ quantitatis quod mixtionem non faciat, sed in aquam penitus convertatur. In aqua ergo primo modo permixta non potest fieri baptismus, quia iam non est aqua; in aqua autem secundo modo potest fieri. Ut autem cognoscatur quando sic, vel sic permixta est aqua, sciendum est, quod sicut diversitatem speciei in animalibus iudicamus ex diversitate figurarum, ita etiam diversam speciem in elementis cognoscimus ex diversitate rari, & densi: & ideo si fiat tanta alteratio, vel permixtio aquæ, quod recedatur a termino raritatis, & densitatis aquæ vel in actu, vel in potentia, signum est quod sit species aquæ transmutata: & dico in potentia, quando humor aliquis non condensatur, & rarefit calido, vel frigido, sicut aqua; sed aliter, sicut patet in vino, oleo, lacte, & huiusmodi.

Ad primum ergo dicendum, quod non oportet quod aqua competat nobis per convenientiam in naturali proprietate, sed significando effectum qui in nobis debet fieri.

Ad secundum dicendum, quod de corpore Christi exivit vera aqua, sicut verus

S. Th. Oper. Tom. XII.

sanguis: & hoc ad probandum esse corpus Christi verum, non phantasticum, ut Manichæi ponunt. Fuit enim in eo compositio ex elementis; quod probatum fuit ex eo quod aqua, quæ est elementum, prodiiit ex eius latere: & compositionem humotum probavit sanguis effluens.

Ad tertium dicendum, quod quamvis aqua quæ est apud nos, sit aliquo modo alterata, & habens aliquid de permutatione aliorum elementorum, non tamen amittit speciem propriam.

Et similiter dicendum est ad quartum de aqua maris.

Ad quintum dicendum, quod illæ aquæ quæ per aliquam transmutationem speciem aquæ amittunt, etsi retineant abluendi virtutem, tamen materia baptismi esse non possunt, quia prima virtus abluendi est in vera aqua; & etiam purius abluit, quia ex aliis liquoribus corpora abluta aliquo modo inficiuntur: communius etiam aqua utimur ad abluendum. De lixivio autem quidam dicunt, quod speciem aquæ amittit, unde baptismi materia esse non potest. Sed hoc non videtur: quia eadem ratione nec aqua transiens per mineras sulphureas, & terras combustas posset esse materia baptismi; quod falsum est. Lixivium enim ab alia aqua non differt, nisi in hoc quod per cinetes transivit. Unde videtur aliter dicendum, quod baptismus potest fieri in lixivio, sicut & in aquis sulphureis, & in aliis aquis quæ ex terra, per quam transiunt, immutantur.

SOLUTIO III.

Ad tertiam questionem dicendum, quod diversitas aquarum, quæ est per loca, & situs, est differentia accidentalis, unde non mutat speciem aquæ; & ideo in qualibet aqua huiusmodi, vel maris, vel fluminis, vel cisternæ, vel fontis, vel stagni, potest fieri baptismus.

Ad primum ergo dicendum, quod Dominus tangendo illam aquam dedit vim regenerativam in tota specie aquæ, instituens eam instrumentum baptismi.

Ad secundum dicendum, quod si baptizatur aliquis in mari, sola illa aqua maris pertinet ad baptismum quæ potest habere aliquem effectum in baptizato vel lavando, vel infigidando, & non totum mare.

Ad tertium dicendum, quod si aqua paludis esset intantum ingrossata quod rece-

K

de-

deret a vera raritate aquæ, non esset baptismus, sicut si esset lutum, alias esset baptismus, quia adhuc species aquæ manet.

ARTICULUS IV.

Utrum immersio sit de necessitate baptismi.

III. P. quest. lxxv. ars. 7. & 8.

1. **A**D quantum sic proceditur. Videtur quod immersio sit de necessitate baptismi. Quia per baptismum configuramur sepulture Christi, ut dicitur Rom. vi. Sed hoc non fit per baptismum, nisi in quantum immergimur, & occultamur in aqua, sicut Christus sub terra. Ergo immersio est de necessitate baptismi.

2. Præterea. Baptismus datur in remedium contra originale peccatum. Sed originale peccatum est in toto corpore. Ergo totum debet immergi.

3. Præterea. Si aliqua pars sufficeret ut intingeretur, præcipue videretur de membris genitalibus, in quibus præcipue originale manet, & in quibus circumcisio fiebat. Sed ablutio non potest fieri congrue in illis membris, nisi totum corpus immergatur. Ergo totum corpus debet immergi.

Sed contra est consuetudo in aliquibus Ecclesiis, in quibus quandoque per aspersionem, & non per immersionem baptismus celebratur.

Præterea. In baptismo beati Laurentii legitur, quod Romanus ab eo baptizandus urceum aquæ attulit, in quo constaret quod immergi non poterat. Ergo immersio non est de necessitate baptismi.

QUAESTIUNCULA II.

1. **U**terius. Videtur quod non debeat esse trina. Baptismus enim est tinctio in aqua verbo vitæ sanctificata, ut dicit Augustinus (tract. xv. in Ioan.) Sed unus est baptismus. Ergo debet esse una tinctio, siue immersio.

2. Præterea. Requiritur ad baptismum fides de unitate, & de trinitate personarum. Sed trinitas personarum sufficienter exprimitur in forma. Ergo unitas essentiae debet exprimi in unitate immersionis.

3. Præterea. Baptismus est figura passionis Christi. Sed una est passio Christi. Ergo una debet esse immersio in baptismo.

Sed contra est quod Dionysius dicit 11. cap. eccles. Hier. quod debet fieri baptis-

mus tribus immersionibus, & elevationibus ad designandum quod Christus in sepulchro iacuit tribus diebus & tribus noctibus.

Præterea. Chrysostomus super Ioan. 111. (homil. xxiv.) *Fis immersio, ut discas quoniam virtus Patris, & Filii, & Spiritus sancti omnia hæc implet.* Idem dicit Hieronymus super Epistolam ad Ephes. xv.

QUAESTIUNCULA III.

1. **U**terius. Videtur quod trina immersio sit de necessitate sacramenti. Legitur enim in Decretis de consecratione dist. vi. *Si quis presbyter, vel Episcopus semel immergat, & unam immersionem fecerit, deponatur.* Hoc autem non esset, nisi trina immersio esset de necessitate sacramenti. Ergo est de necessitate sacramenti.

2. Præterea. Sicut (a) fides Trinitatis exprimitur per nomina trium personarum, ita per tres immersiones, ut ex dictis patet. Sed si non nominarentur tres personæ, non esset baptismus. Ergo similiter si non trina immersio fiat.

3. Præterea. Si non trina immersio est de necessitate sacramenti, statim in prima immersione baptismus habet totum effectum suum. Ergo alie immersiones frustra adderentur, (b) & fit iniuria sacramenti.

Sed contra est quod ipsa immersio non est de necessitate sacramenti. Ergo multo minus numerus immersionis.

Præterea. Auctoritas Gregorii in littera posita dicit, quod utrumque potest fieri servata Ecclesie consuetudine. Ergo non est de necessitate sacramenti neque una, neque trina immersio.

SOLUTIO I.

Respondeo dicendum ad primam questionem, quod baptismus ablutionem importat. Ablutio autem per aquam potest fieri non tantum per modum immersionis, sed per modum aspersionis, vel effusionis: & ideo utroque modo potest fieri baptismus. Et videtur quod Apostoli hoc modo baptizarent, cum legatur quod simul una die conversi sunt quinque millia, & alia tria millia Act. 11. & 111. & ideo quando consuetudo Ecclesie patitur, vel quando necessitas incumbit propter defectum aquæ, siue propter periculum pueri, de cuius morte timetur, vel etiam propter imbecillitatem sacerdotis non potentes sustentare infantem, potest sine immersione baptismus celebrari.

Ad primum ergo dicendum, quod etiam in

(a) *Id. fides trinitas.* (b) *Necesse est ex eorum additione sit iniuria &c*

in effusione aquæ homo quodammodo sub aqua ponitur : & ideo quodammodo Christo per baptismum conspeliatur.

Ad secundum dicendum, quod omnes operationes animales a capite principium habent, quia baptismus format animales habitus secundum distinctionem Dionysii prius positam (art. 1. quæstiunc. 3.) non autem naturales, vel vitales : ideo si sit caput aspersum aqua, in totum corpus aspersio reputatur ; sicut etiam Iuristæ dicunt, quod ubi caput hominis iacet, reputatur ac si totus homo sepultus esset ibidem. Non sic autem est de aliis partibus.

Ad tertium dicendum, quod quamvis originale peccatum consistat precipue in membris genitalibus quantum ad originem, tamen in operationibus animalibus consummatur quantum ad rationem culpæ : & ideo potius oportet baptismum adhiberi circa caput, si necessitas incumbit, ut non totum corpus possit immergi.

SOLUTIO II.

Ad secundam quætionem dicendum, quod congruentissime fit trina immersio, tum ad exprimentum in factis fidem Trinitatis, tum ad significandum Christi sepulturam, cui per baptismum conspelimur, ut patet ex auctoritatibus inductis.

Ad primum ergo dicendum, quod Magister exposuit tinctionem per abluionem. Quamvis autem in trina immersione sit trina tinctionio, tamen est una ablutio ; sicut etiam in abluionibus pure materialibus videmus contingere, quod aliquid pluries in aquam immergitur, vel aqua perfunditur, antequam ablutio una sit perfecta.

Ad secundum dicendum, quod in fide Trinitatis includitur fides Unitatis : & ideo in baptismo cum fide Trinitatis expressa datur intelligi fides Unitatis & in forma verborum per hoc quod singulariter dicitur, *In nomine*, & in immersione propter similitudinem immersionum. Non autem in fide Unitatis includitur fides Trinitatis : & ideo congruentius est ut etiam in actu baptismi fides Trinitatis exprimat.

Ad tertium dicendum, quod quamvis passio Christi sit una, tamen Christus passus triduo in sepulcro quievit : & hoc baptismus significare debuit trina immersione.

SOLUTIO III.

Ad tertiam quætionem dicendum, quod cum trina immersio non sit ad significan-

dum rem in sacramento contentam, quam oportet per materiam, & usum sacramenti significari ; sed significet rem significatam, & non contentam, quæ significatio non est principalis in sacramento : trina immersio, ut in littera dicitur, non est de necessitate sacramenti. Si tamen omittatur contra consuetudinem Ecclesiæ, graviter aliquis peccat semel tantum immergens : & ideo per canones pœna adhibetur.

Per quod patet solutio ad primum.

Ad secundum dicendum, quod forma principaliter debet significare illud unde est efficacia in sacramento, cum sit medium quo quasi pervenit efficacia (a) ad materiam quæ verbo illo sanctificatur ; sed materia debet principaliter significare effectum qui immediate consequitur ex usu eius.

Ad tertium dicendum, quod unitas intentionis in tribus immersionibus facit unitatem baptismi, ut dictum est : & ideo quando aliquis intendit ter immergere, prima immersio non terminat intentionem baptizantis, & per consequens nec esse baptismi completur, nec per illam tantum habet effectum, nisi per ordinem ad alias : unde aliæ non superfluent. Si autem non intendit nisi unam facere, prima sola complet baptismum, terminans intentionem baptizantis.

ARTICULUS V.

Utrum fuerit necessarium instituire baptismum post circumcisionem.

III. P. quæst. lxx. art. 4.

1. **A**D quintum sic proceditur. Videtur quod non fuit necessarium instituire baptismum post circumcisionem. Causa enim institutionis baptismi, ut in littera dicitur, est innovatio mentis. Sed circumcisio mentem innovabat, cum peccatum auferret, & gratiam conferret, ut supra dictum est (dist. 1. quæst. 11. art. 2. quæstiunc. 5.) Ergo non fuit necessarium baptismum instituire.

2. Præterea. In sacramentis efficacia respondet significationi. Sed circumcisio expressius significat, ut videtur, ablationem originalis & quantum ad causam ablationis, quæ est effusio sanguinis Christi, & quantum ad causam traditionis, quæ est generatio ; (b) in membris generationis cum sanguinis effusione facta. Ergo habuit maiorem

K 2

(a) Ad naturam. (b) Nicolai prout in membris.

orem efficaciam quam baptismus; & ita non debuit post eam baptismus institui.

Sed contra. Perfectum debet imperfecto succedere. Sed baptismus est perfectior circumcissione, quia communior est. Ergo debuit post circumcissionem institui.

QUAESTIUNCULA II.

1. Uterius. Videtur quod fuerit ante passionem institutus. Quia Dominus tactu carnis suae vim regenerativam contulit aquis. Sed hoc fuit ante passionem in baptismo suo. Ergo ante passionem fuit institutus.

2. Præterea. Ioan. 111. 5. dixit: *Nisi quis renatus fuerit ex aqua, & Spiritu sancto, non potest introire in regnum Dei.* Sed hoc fuit ante passionem. Ergo baptismus ante passionem fuit institutus.

Sed contra. Causam non præcedit effectus. Sed baptismus habet efficaciam a passione Christi. Ergo non debuit ante passionem institui.

Præterea. Baptismus non fuit sine forma sua. Sed forma fuit instituta post passionem: Matth. ult. Ergo & baptismus.

QUAESTIUNCULA III.

1. Uterius. Videtur quod statim in sua institutione fuit obligatorium. Quia dicitur Ioan. 111. 5. quasi in principio institutionis: *Nisi quis renatus fuerit ex aqua, & Spiritu sancto, non potest introire in regnum Dei:* quod obligationem importat. Ergo statim obligatorium fuit.

2. Præterea. Institutio sacramentorum novæ legis est per modum præcepti. Sed præceptum statim est obligatorium. Ergo institutio baptismi statim obligabat.

Sed contra. Ad idem non sunt necessaria duo remedia. Sed ante passionem, iam instituto baptismo, homines obligabantur adhuc ad circumcissionem, quæ ad idem ordinatur cum baptismo. Ergo non obligabantur ad baptismum.

SOLUTIO I.

Respondeo dicendum ad primam questionem, quod secundum Hugonem de sancto Victore (Lib. II. de sacram. part. vi. cap. 111.) oportuit ut secundum processionem temporum, spiritualium gratiarum signa magis ac magis evidentia darentur: & ideo oportuit quod baptismus post circumcissionem institueretur: quia circumcisio significabat tantum in removendo; perfectio autem sanctificationis non est in removen-

do, sed in collatione gratiæ, cuius effectus aqua figurat, scilicet vitam, illuminationem, & huiusmodi, de quibus dictum est: & præter hoc significat ablationem: & iterum etiam est perfectio quantum ad usum, quia sexui utrique communio est, quod non erat de circumcissione.

Ad primum ergo dicendum, quod quavis circumcisio auferret culpam sicut baptismus, non tamen coferrebat tantam plenitudinem gratiæ sicut baptismus, nec tantum diminuerebatur fomitem: & ideo oportuit baptismum succedere. Innovatio enim non solum consistit in remotione culpæ, sed in collatione gratiæ.

Ad secundum dicendum, quod illæ significationes sunt verum non contentatum: & ideo de illis nihil ad propositum.

SOLUTIO II.

Ad secundam questionem dicendum, quod multiplex fuit baptismi institutio. Fuit enim primo institutus quantum ad materiam in baptismo Christi, tunc enim vim regenerativam aquis contulit: & aliquo modo fuit forma figurata per præsentiam trium personarum in signo visibili, quia Pater apparuit in voce, Filius in carne, Spiritus sanctus in columba: & similiter fructus baptismi ibi præfiguratus fuit, quia cæli aperti sunt super eum. Sed necessitas eius fuit declarata Ioan. 111 5. ubi dicit: *Nisi quis renatus fuerit ex aqua, & Spiritu sancto, non potest introire in regnum Dei.* Sed usus fuit inchoatus quando misit discipulos ad prædicandum, & baptizandum, ut patet Matth. x. Sed efficaciam habuit ex passione Christi, quantum ad ultimum effectum, qui est apertio ianue. Sed divulgatio eius quantum ad omnes nationes præcepta fuit Matth. ult. 10. ubi dixit: *Euntes, docete omnes gentes &c.*

Et per hoc patet solutio ad obiecta. Tamen sciendum, quod Matth. ult. non fuit forma instituta, cum ante passionem in eadem forma baptizaverint, sicut in littera dicitur, sed fuit iterata.

SOLUTIO III.

Ad tertiam questionem dicendum, quod ante passionem nullus obligabatur ad baptismum, quia tunc non erat institutus ad obligandum, sed ad exercitandum; sed post passionem obligatorium fuit, quando circumcisio mortua fuit quantum ad omnes ad quos institutio potuit pervenire.

Et per hoc patet solutio ad obiecta. Dominus.

minus enim Ioan. III. magis praedixit obligationem futuram, quam narraret praesentem; nec praeceptum obligat antequam sit divulgatum.

EXPOSITIO TEXTUS.

Baptismus dicitur corporis tinclio &c. Sciendum est, quod baptizare in graeco, idem est quod lavare: a lavando enim duo dicuntur, scilicet lavacrum, quod significat aquam, in qua fit lotio humano artificio preparatam; alio modo lotio, quae significat usum lavacri. Baptismus ergo potest significare ipsam aquam, quae dicitur lavacrum: unde dicitur Tit. III. 5. „Per lavacrum regenerationis, & renovationis Spiritus sancti:“ & potest significare ipsam ablutioem. Marc. VII. 8. (a) „Tenentes baptismata hominum, & calicum, & urceorum,“ idest ablutioes. Et ideo Hugo de sancto Victore (I. Lib. de sacram. part. IX. cap. II.) diffinit baptisum aquam quantum ad primam acceptionem; Magister vero ablutioem quantum ad secundam. Sed haec diffinitio est magis propria: quia aqua non significat mundationem, neque causat, nisi secundum quod est ablucens.

Unde est haec tanta virtus aquae, ut corpus sanguis, & cor abluat, nisi faciente verbo? Quid sit ista virtus, & quando sit da-

ta; dictum est supra dist. I. (quaest. I. art. 4. quaestunc. 2.)

Unde nihilominus insinuare videtur verum baptismum dari posse in nomine Patris tantum &c. Hoc est intelligendum in simili casu, sicut Apostoli in nomine Christi baptizabant: alias Magister falsum diceret.

Celebratur autem hoc sacramentum tantum in aqua. Sciendum, quod aqua est materia baptismi; & potest tripliciter considerari. Quia secundum quod consideratur in sua propria natura, est quasi materia remota, quia ex naturali proprietate habet aliquam convenientiam ad hoc quod sit baptismi materia ratione similitudinis. Secundum autem quod est instituta ad hoc, accipiens vim regenerativam ex tactu carnis Salvatoris, sic est materia quasi disposita. Secundum autem quod consideratur sub forma verborum, est quasi materia iam in formata.

Solet autem queri, si circumcisio amissa sit vim suam ab institutione baptismi. De hac dictum est prius distinet. 1.

Aditum nobis regni aperuit. Apertio ianuæ non est aliud quam remotio impedimenti quod prohibebat totum humanum genus ab introitu cæli: quod quidem ablatum est per passionem Christi, ut dictum est in III. Lib. dist. XVIII. (quaest. I. art. 6. quaestunc. 3.)

DISTINCTIO IV.

Quod alii suscipiunt sacramentum, & rem; alii sacramentum, & non rem; alii rem, & non sacramentum.

Hic dicendum est, aliquos suscipere sacramentum, & rem sacramenti; aliquos sacramentum, & non rem; aliquos rem, & non sacramentum. Sacramentum, & rem simul suscipiunt omnes parvuli, qui in baptismo ab originali mundantur peccato. Quamvis quidam diffiteantur illis qui perituri sunt parvulis in baptismo dimitti peccata, innitentes illi verbo Augustini, „Sacramenta in solis electis efficiunt quod figurant;“ non intelligentes illud ita esse accipiendum, quia cum in aliis efficiant sacramenta remissionem, non hoc (1) in eis faciunt ad salutem, sed in solis electis. Nam quod omnibus parvulis in baptismo remittatur peccatum per baptismum, Augustinus evidenter dicit (in Enchir. cap. XLII. & habetur de consecr. dist. IV. cap. „A parvulo.“) „A parvulo (inquit)

{ a } Vulgata: „tenetis traditionem hominum, baptismata urceorum & calicum.“

{ 1 } Alii sic, & infra dist. II.

EX EDIT. P. NICOLAI.

* Colligi potest ex cap. XXVII. Lib. II. de peccatorum meritis, & remissione, seu de baptismo parvulorum, sed non expresse sub his verbis.

„recenter nato usque ad decrepitem senem, sicut nullus prohibetur a baptismo, ita nullus est qui non peccato moriatur in baptismo. “ Sed parvuli tantum originali, maiores vero etiam omnibus quæ male vivendo addiderunt ad illud, nisi enormitas vitæ impediatur, id est fictio. Adulti vero, qui cum fide baptizantur, sacramentum, & rem suscipiunt.

De fide accedentibus.

Qui vero sine fide, vel fide accedunt, sacramentum, non rem suscipiunt. Unde Hieronymus (su per Ezechiel. cap. xvi. super illa verba, „ Aqua non es lota in salutem. “) „ Sunt lavacra gentilium, hæreticorum; sed non lavant ad salutem. In Ecclesia etiam qui non plena fide accipiunt baptismum, non spiritum, sed aquam suscipiunt. “ Augustinus etiam (super Psalm. lxxvii. in princ.) ait: „ Iudæis omnibus communia erant sacramenta, sed non communis omnibus erat gratia, quæ est virtus sacramentorum. Ita & nunc communis est baptismus omnibus baptizatis, sed non virtus baptismi, id est ipsa gratia. “ Item * (de pœnitent. medic. cap. 11. refertur de consecr. dist. iv. cap. „ Omnis “ qui. “) „ Omnis qui iam suæ voluntatis arbitrio constitutus est, cum accedit ad sacramentum fidelium, nisi pœniteat eum veteris vitæ, novam non potest inchoare. Ab hac pœnitentia, cum baptizantur, soli parvuli immunes sunt. “ His, aliisque testimoniis aperte ostenditur, adultis sine fide, & pœnitentia vera in baptismo non conferri gratiam remissionis: quia nec parvulis sine fide aliena, qui propriam habere nequeunt, datur in baptismo remissio. Si quis ergo fide accedit, non habens veram cordis contritionem, sacramentum sine re accipit. Videtur tamen Augustinus dicere (de baptismo contra Donatistas Lib. I. cap. xi. & xii.) quod etiam fide accedenti, qui etiam habet odium fraternum in ipso momento quo baptizatur, omnia condonentur, & post baptismum mox redeant. Sed non hoc asserendo dicit, immo hanc opinionem, & præmissam sententiam conferendo. Ait enim sic: ** (ut refertur de consecr. dist. iv. cap. „ Quo- modo. “) „ His qui fide corde baptizantur, aut peccata nullatenus dimittuntur, quia Spiritus sanctus disciplinæ effugiet fictum; aut in ipso temporis puncto per vim sacramenti dimissa, iterum per fictiorem replicantur, ut etiam illud verum sit: ‘ Quotquot in Christo baptizati estis ‘ (Galat. iii. 27.) & etiam illud: Spiritus sanctus disciplinæ effugiet fictum (Sapient. i. 5.) ut scilicet induat eum (1) Christo sanctitas baptismi, exuat eum Christo perniciem fictionis. Nam redire dimissa peccata, ubi fraterna caritas non est, aperte Dominus docet (Matth. xviii.) etiam in illo sermo a quo Dominus dimissum debitum petiit, quia ille conservo dimittere noluit. Sic non impeditur baptismi gratia, quo minus omnia peccata dimittantur, etiamsi fraternum odium in eis qui dimittuntur, animo perseverat. Solvitur enim hellestinus dies, & quidquid superest: & solvitur etiam ipsa hora, momentumque ante baptismum, & in baptismo. Deinceps autem continuo reus incipit esse, non solum consequentium, sed etiam præteritorum dierum, horarum, momentorum, redeuntibus omnibus quæ dimissa sunt. “ Hoc autem, ut prædiximus, non sub assertionem dixit, quod ostenditur ex eo quod ait in eodem Libro (cap. xii. in pr.) sic: „ Si ad baptismum fictus accedit, dimissa sunt ei peccata, aut non sunt dimissa? Eligant quod voluerint. “ Ecce aperte cernis, si tamen in mentis, id dixisse Augustinum non asserendo, sed querendo, & aliorum opinio- nem.

(1) *At. Christum & sic etiam infra.*

EX EDIT. P. NICOLAI.

* sic quidem refertur in Decretis loc. cit. Sed habetur in Libro h. homil. hom. ult. quæ de utilitate & necessitate pœnitentiæ inscribitur, non de pœnitentiæ medicinas. ** Non sic autem in Augustini textu, nec eodem tenore, sed mutatis, ac transpositis verbis, quæ utrumque melius referantur ead. em. dist. iv. de consecr. cap. Oportetque & Si ad baptismum fictus accedit. Cui.

nem referendo. Idem enim ait (ibid.) „Tunc valere incipit ad salutem baptismus, cum illa fictio veraci confessione recesserit, quæ corde in malitia perseverante peccatorum ablationem non sinebat fieri.“ Non ergo fiste accedenti peccata dimittuntur.

Quomodo intelligatur illud: Quotquot in Christo baptizati estis; Christum induistis.

QUæritur ergo quomodo illud (Galat. III. 27.) accipiatur: „Quotquot in Christo baptizati estis, Christum induistis.“ Potest dici, quod qui in Christo, idest in Christi conformitate, baptizantur, scilicet ut moriantur vetustati peccati, sicut Christus vetustati peccatorum, induunt Christum, quem per gratiam inhabitantem habent. Potest & aliter solvi. Duobus enim modis Christum induere dicimur, vel assumptione sacramenti, vel rei perceptione. Unde Augustinus (de baptismo contra Donatistas Lib. V. cap. xxiv.) „Induunt homines Christum aliquando usque ad sacramenti perceptionem, aliquando usque ad vitæ sanctificationem: atque illud primum bonis, & malis potest esse commune; ne; hoc autem est proprium bonorum, & piorum.“ Omnes ergo qui in Christi nomine baptizantur, Christum induunt vel secundum sacramenti perceptionem, vel secundum vitæ sanctificationem.

De illis qui suscipiant rem, & non sacramentum.

SUNT & alii, ut supra posuimus, qui suscipiunt rem, & non sacramentum. Qui enim effundunt sanguinem pro nomine Iesu, etsi non sacramentum, rem tamen accipiunt. Unde Augustinus (de Civ. Dei Lib. XIII. cap. x.) „Quicumque non percepto regenerationis lavacro pro confessione Christi moriuntur, tantum eis valet ad dimittenda peccata, quantum si abluerentur sacro fonte baptismi.“ Audistis quod passio pro Christi nomine suscepta, supplet vicem baptismi. Nec tantum passio vicem baptismi implet, sed etiam fides, & contritio, ubi necessitas excludit sacramentum, sicut aperte docet Augustinus (de baptismo contra Donatistas Lib. IV. cap. xxii.) dicens baptismi vicem aliquando implere passionem. De latrone illo, cui non baptizato dictum est (Luc. xxiii. 43.) Hodie mecum eris in paradiso, beatus Cyprianus (1) non leve documentum assumit. Quod etiam atque etiam ego considerans invenio non tantum passionem pro nomine Christi, id quod baptismo deerat, posse supplere, sed etiam fidem, conversionemque cordis, si forte ad celebrandum mysterium baptismi in angustiis temporum succurri non potest. Neque enim ille latro pro nomine Christi crucifixus est, sed pro meritis facinororum suorum: nec quia credidit, passus est; sed dum patitur, credit. Quantum ergo valeat sine visibilis baptismi sacramento, quod Apostolus ait (Rom. x. 10.) Corde creditur ad iustitiam, ore autem confessio fit ad salutem: in illo latrone declaratum est. Sed tunc impletur invisibiliter, cum (2) mysterium baptismi non contemptus religionis, sed articulus necessitatis excludit. Et baptismus quidem potest esse ubi conversio cordis defuerit; conversio autem cordis potest quidem inesse non percepto baptismo, sed contempto baptismo non potest. Nec ullo modo dicenda est conversio cordis ad Deum, cum Dei sacramentum contemnitur. Sed dicunt quidam hoc argumentum retractasse Augustinum. Retractavit quidem exemplum, sed sententiam non. Ait enim (Lib. II. Retract. cap. xviii.) „In IV. Libro de baptismo, cum dicerem vicem baptismi posse habere passionem, non satis idoneum posui illius latronis exemplum: quia utrum non fuerit ba-

„pti-

(1) At. additur in Lib. I. de baptismo. (2) Augustini sensus ministerium, ut nunc dicat.

„prizatus, incertum est. “ Constat ergo sine baptismo aliquis iustificari, & salvari. Unde Ambrosius de Valentiniano (in orat. de obitu Valentiniani), „Ventre meum doleo, ut prophetico utar eloquio: quia quem regeneraturus „eram, amisi. Verumtamen gratiam ille, quam poposcit, non amisit. “

Quae videntur obviare praedictis.

His autem videtur obviare quod Dominus dicit (Ioan. 111. 5.) „ Nisi quis „renatus fuerit ex aqua, & Spiritu sancto, non potest intrare in regnum „caelorum: “ quod si generaliter verum est, non videntur esse vera superius posita. Sed illud intelligendum de illis qui possunt, & contemnunt baptizari. Vel ita intelligendum est. „ Nisi quis renatus fuerit ex aqua, & Spiritu sancto, “ idest ex ea regeneratione quae fit per aquam, & Spiritum sanctum; non saluabitur. Illa autem regeneratio fit non tantum per baptismum, sed etiam per poenitentiam & sanguinem. Unde auctoritas * dicit, ideo Apostolum pluraliter dixisse, „ Fundamentum baptismatum, “ quia est baptismus in aqua, in sanguine, in poenitentia. Hoc autem non ideo dicit, quod sacramentum baptismi fiat nisi in aqua; sed quia ipsius virtus, & sanctificatio datur non tantummodo per aquam, sed per sanguinem, & poenitentiam. Ratio enim id suadet. Si enim non valentibus credere parvulis sufficit baptismus, multo magis sufficit fides adultis volentibus, & non valentibus baptizari. Unde Augustinus (Lib. de unico baptismo contra Petil. cap. VII.) „ Quæris quid sit maius, fides, an aqua? „ Non dubito quin respondeam, fides. Si ergo quod minus est, sanctificare „ potest; nonne quod maius est? idest fides, de qua Christus ait (Ioan. „ XI. 25.) Qui crediderit in me, etiam si mortuus fuerit, vivet. “ Sed dicunt aliqui, nullum adultum in Christum credere, vel caritatem habere sine baptismo, nisi sanguinem fundat pro Domino, subdita introducentes testimonia. Augustinus (Fulgentius de fide ad Petrum cap. 111.) ait: „ Ex illo tempore quo „ Salvator dixit: Nisi quis renatus fuerit &c. absque sacramento baptismi, præter eos qui in Ecclesia catholica sanguinem fundunt, aliquis vitam æternam „ accipere non potest. “ Item (Gennadius de eccl. dogmat. cap. LXXIV.), „ Nullum catechumenum, quamvis in bonis operibus defunctum, vitam æternam habere credimus, excepto martyrio, ubi tota sacramenta baptismi complentur. “ Item (ibid.), „ Baptizatis tantum iter salutis esse credimus. “ Sed quod in his minus dixit, in aliis capitulis supra positus supplevit. Et ideo hæc sic intelligenda sunt, ut illi soli habentes tempus baptizandi excipiantur. Si enim aliquis habens fidem, & caritatem voluerit baptizari, & non valet necessitate præventus; supplet omnipotens (1) benignitas quod sacramento defuerat. Dum enim solvere potest, nisi solvat, tenetur; sed cum iam non potest, & tamen vult, non imputat ei Deus, qui suam potentiam sacramentis non alligavit. Quia vero invisibilis sanctificatio sine visibili sacramento quibusdam insit, aperte Augustinus tradit super Leviticum (quæst. LXXXIV.) dicens, invisibilem sanctificationem quibusdam assuise, & profuisse sine visibilibus sacramentis; visibilem vero sanctificationem, quæ fit sacramento visibili, sine invisibili possediadesse, non posse prodesse. Nec tamen visibile sacramentum ideo contemnendum est, quia contemptum eius invisibiliter sanctificari non potest. Hinc Cornelius, & qui cum eo erant iam spiritu sanctificati, baptizati sunt (Act. x.) Nec superflua iudicanda est sanctificatio visibilis, quia invisibilis præcessit. Sine visibili ergo invisibilis sanctifica-

(1) *id. dignitas.*

EX EDIT. P. NICOLAI.

* Glossa nimirum super illud Hebr. VI. *Non rursum incientes fundamentum poenitentiae ab operibus mortuis, & fidei ad Deum. baptismatum doctrina &c.* Nullius autem nomen præfert, nec alibi occurrit quam in Commentariis quæ Anselmi nomine prænotantur, ut & in illis quorum auctor ipse Magister Sententiarum Petrus Lombardus inscribitur.

ficatio esse potest, & prodesse; visibilis autem quæ sit sacramento tenus, sine invisibili prodesse non potest, cum illa sit omnis illius veritas. Simoni Mago visibilis baptismus non profuit, quia invisibiliter non adfuit; sed quibus invisibilis adfuit, profuit. Nec tantum valet fides aliena parvulo, quantum propria adulto. Parvulis enim non sufficit fides Ecclesiæ suæ sacramento: qui, si abique baptismo fuerint defuncti, etiam cum deferuntur ad baptismum, damnabuntur, sicut multis sanctorum auctoritatibus comprobatur. Ad hoc unum sufficiat. Augustinus (Fulgentius de fide ad Petrum cap. xxvii.) ait: „Firmissime tene, „parvulos qui vel in uteris matrum vivere incipiunt, & ibi moriuntur, vel „de matribus nati sine sacramento baptismi de hoc sæculo transeunt, æterno „supplicio puniendos: quia etsi propriæ actionis peccata non habuerunt, origi- „nale tamen peccatum traxerunt carnali conceptione. Et sicut parvuli qui sine „baptismo moriuntur, infidelium ascribuntur numero; ita qui baptizantur, si- „deles dicuntur, qui a fidelium consortio non separantur, cum orat Ecclesia pro „fidelibus defunctis.“ Fideles ergo sunt non propter virtutem, sed fidei sacramentum. Unde Augustinus (De baptismo parvulor. ad Bonifacium, ut supr.) „Parvulum, etsi nondum fides illa quæ etiam in credentium voluntate confi- „sit, iam tamen fidei ipsius sacramentum, idest baptismum, fidelem facit. Nam „sicut credere respondetur, ita etiam fidelis vocatur, non rem ipsam mente „annueudo, sed ipsius rei percipiendo sacramentum.“

Quid profit baptismus his qui cum fide accedunt:

Solet etiam quæri de illis qui iam sanctificati Spiritu, cum fide, & caritate ad baptismum accedunt, quid eis conferat baptismus. Nihil enim videtur præstare, cum per fidem, & contritionem iam remissis peccatis iustificati sunt. Ad quod sane dici potest, eos quidem per fidem, & contritionem iustificatos, idest a macula peccati purgatos, & a debito æternæ pænæ absolutos; tamen adhuc teneri satisfactione temporali, qua pœniteutes ligantur in Ecclesia. Cum autem baptismum percipiunt, & a peccatis, si qua interim post conversionem contraxerunt, mundantur, & ab exteriori satisfactione absolvuntur, & adiutrix gratia omnisque virtus in eo augetur, ut vere novus homo tunc dici possit; fomes quoque peccati in eo amplius debilitatur. Ideo Hieronymus dicit (super Matth. xxv.) quod fides quæ fidelibus in aquis baptismi datur, vel nutritur, non habenti aliquando ibi datur, & iam habenti, ut plenius habeat, datur. Sic & de aliis intelligendum est. Qui ergo mundus accedit, ibi fit mundior; & omni habenti, ibi amplius datur. Quod vero omnis exterior satisfactio ibi relaxetur, Ambrosius (Ambrosiaster) ostendit super illum locum (Rom. xi.) „Siue pœnitentia sunt dona Dei, & vocatio,“ dicens: „Gratia Dei in ba- „ptismo non requirit gemitum, vel aliquod opus; sed omnia gratis condonat.“ Quod quidem de exteriori gemitu, vel plandito accipiendum est. Nam siue interiore nemo adultus renovatur; sed exteriores satisfactiones, & afflictiones, scilicet sordes pœnitentium, ibi dimittuntur. Multum ergo confert baptismus etiam iam per fidem iustificato: quia accedens ad baptismum, quasi ramus a columba, portatur in arcam. Ante iutus erat iudicio Dei; sed nunc etiam iudicio Ecclesiæ iutus est. Cum vero in baptismo peccatum deleatur, & satisfactio exterior non impuretur; quæritur, cur pœnalitas, cui pro peccato addicti sumus, non tollatur. Hoc ideo tradunt fieri sancti, quia si a pœna homines per baptismum liberarentur, ipsam putarent baptismi pretium, non æternum regnum. Ideo soluto reatu peccati, temporalis pœna tamen manet, ut illa vita studiosius quærat quæ erit a pœnis omnibus aliena. Ideo etiam manet, ut sit fideli & certandi materia, & vincendi occasio: qui non vinceret, si non pugnaret; nec pugnaret, si (1) baptismum fieret immortalis.

S. Th. Oper. Tom. XII.

L

Cuius

(1) *Id est in baptismo.*

Cuius rei baptisnus qui datur iam iusto, sit sacramentum :

Si queritur, cuius rei baptisnus ille sit sacramentum qui datur iam iusto ; dicimus, sacramentum esse & rei quæ præcessit, idest remissionis ante per fidem datæ, & remissionis temporalis pœnæ, sive peccati, si habetur quod interius committitur, & novitatis, ac omnium gratiæ ibi præstite. Omnis etenim rei signum est, cuius causa est. Nec mireris rem aliquando præcedere sacramentum, cum aliquando etiam longe post sequatur ; ut in illis qui (1) fide accedunt, quibus cum post pœnituerint, incipiet baptisnus prodesse, in quibus fuit baptisnus sacramentum huius sanctificationis quam pœnitendo habent. Sed si numquam pœnitent, nec a fimento recederent, cuius rei sacramentum esset baptisnus ab illis susceptus ? Potest dici, rei quæ ibi fieret, si eorum enormitas non impediret.

Si parvulis datur in baptismo gratia, qua possunt in maiori ætate proficere.

Solet etiam queri, si parvulis in baptismo datur gratia, qua cum tempus habuerint utendi libero arbitrio, possint velle, & currere. De adultis enim qui digne recipiunt sacramentum, non ambigitur quin gratiam operantem, & cooperantem perceperint, quæ in vacuum eis cedit, si per liberum arbitrium post mortaliter deliquerint, qui merito peccati gratiam appositam perdunt. Unde dicuntur contumeliam Spiritui sancto facere, & ipsum a se fugare. De parvulis vero qui nondum ratione utuntur, questio est, an in baptismo receperint gratiam, qua ad maiorem venientes ætatem, possint velle, & operari bonum. Videtur quod non receperint : quia gratia illa caritas est, & fides, quæ voluntatem præparat, & adiuvat. Sed quis dixerit eos accepisse fidem, & caritatem ? Si vero gratiam non receperint, qua bene operari possint, cum fuerint adulti ; non ergo sufficit eis in hoc statu gratia in baptismo data, nec per illam possunt modo boni esse, nisi alia addatur ; quæ si non additur, non est ex eorum culpa, quia iustificati (2) sunt a peccato. Quidam putant gratiam operantem, & cooperantem cunctis parvulis in baptismo dari in munere, non in usu ; ut cum ad maiorem venerint ætatem, ex munere sortiantur usum, nisi per liberum arbitrium usum (3) muneris extinguant peccando : & ita ex culpa eorum est, non ex defectu gratiæ, quod mali fiunt, qui ex Dei munere valentes habere usum bonum, per liberum arbitrium renuerunt, & usum pravam elegerunt.

DIVISIO TEXTUS,

Postquam determinavit Magister de baptismo quantum ad ea quæ conveniunt ei secundum se considerato, hic determinat de effectu baptismi per comparationem ad accipientes : & dividitur in partes duas. In prima determinat de effectu baptismi communiter quantum ad omnes ; in secunda specialiter quantum ad parvulos, ibi, *Selet etiam queri, si parvulis in baptismo datur gratia.* Prima dividitur in partes tres. In prima ostendit quomodo quidam recipiunt sacramentum, & rem sacramenti ; in secunda quomodo quidam sacramentum recipiunt, & non rem, ibi, *Qui vero sine fide, vel fide accedunt, sacramentum, non rem suscipiunt ;* in tertia quomodo quidam ac-

ciunt rem, & non sacramentum, ibi, *Sunt & alii, ut supra posuimus, qui suscipiunt rem, & non sacramentum.* Circa secundum duo facit. Primo determinat veritatem ; secundo obicit in contrarium, ibi, *Videtur tamen Augustinus dicere, quod etiam fide accedenti . . . omnia condonentur peccata, & post baptismum vix redeant.* Et circa hoc duo facit. Primo obicit per auctoritatem Augustini, qui contrarium ex auctoritate Apostoli probare videtur. Secundo solvit : & primo ad auctoritatem Augustini, ibi, *Hoc tamen, ut supra diximus, non sub assertionem dixit ;* secundo ad auctoritatem Apostoli, ibi, *Queritur ergo quomodo illud accipiatur : Quæque in Christo baptizati estis, Christum induistis.*

Sunt & alii, ut supra posuimus, qui susci-

(1) *M. fide.* (2) *M. non sunt.* (3) *M. generis.*

seipsum rem, & non sacramentum. Hic determinat de illis qui recipiunt rem sine sacramento, & circa hoc duo facit. Primo ostendit quod quidam accipiunt rem sine sacramento. Secundo inquit, quid postmodum per huiusmodi sacramentum addatur, quando sacramentum susceperint, ibi, *Solet etiam queri de illis qui iam sanctificati spiritu, cum fide, & caritate ad baptismum accedunt.* Circa primum duo facit. Primo ostendit veritatem; secundo excludit errorem, ibi, *Sed dicunt aliqui nullum adultum in Christum credere, vel caritatem habere sine baptismo, nisi sanguine fundat pro Domino.* Circa primum duo facit. Primo ostendit propositum; secundo respondet cuidam obiectioni, ibi, *Hic autem videntur obviare &c.* Circa primum duo facit. Primo ostendit quod patientis pro Christo, si non sunt baptizati, recipiunt rem sacramenti sine sacramento. Secundo ostendit idem de illis qui fidem, & contritionem habent, ibi, *Nec tamen passio vicem baptismi implet, sed etiam fides, & contritio, ubi necessitas excludit sacramentum.*

Sed dicunt aliqui nullum adultum in Christum credere &c. Hic excludit errorem dicentium, non posse aliquem salvari per fidem, & contritionem sine baptismo, & circa hoc duo facit. Primo ostendit hoc esse falsum quantum ad adultos; secundo ostendit hoc esse verum quantum ad parvulos, ibi, *Parvulis non sufficit fides Eusebia sine sacramentis.*

Solet queri de illis qui iam sanctificati spiritu, cum fide, & caritate ad baptismum accedunt. Hic determinat de baptismo eorum qui prius rem sacramenti acceperant; & circa hoc duo facit. Primo ostendit effectum baptismi in eis; secundo significationem, ibi, *Si queritur cuius rei baptismus ille sit sacramentum quod datur iam iusto; dicimus &c.*

QUAESTIO I.

Hic est triplex questio. Primo de effectu qui est in baptismo sacramentum, & res, scilicet de characterē. Secundo de eo quod est res tantum, scilicet effectu ultimo baptismi. Tercio de suscipiendis alterum, vel utrumque; quia de eo

quod est sacramentum tantum, in precedenti dist. dictum est.

Circa primum queruntur quatuor.

Primo. Utrum sit character.

Secundo. Quid sit.

Tercio. In quo sit.

Quarto. A quo sit.

ARTICULUS I.

Utrum character sit in anima.

III. P. quest. lxxiii. art. 1. & 2.

1. **A**d primum sic proceditur. Videtur quod character non sit in anima. Quia, ut in II. Ethic. (cap. v.) Philosophus dicit, omne quod est in anima, est potentia, vel passio, vel habitus. Sed character non est potentia, quia potentia omnibus hominibus communes sunt; character autem non, cum sit distinctivum signum, sicut ipsum nomen ostendit: & prout potentia sunt a natura; non autem character. Nec iterum est passio, quia passiones animae contingunt cum aliqua transmutatione corporali, ut dicitur in I. de Anima (text. xiv.) & pertinent ad sensitivam partem, ut dicitur VII. Physicor. (text. xix.) Nec iterum est habitus, quia habitus ordinantur ad agendum, ut patet per definitionem Augustini * (Lib. XIV. de Trin. cap. vii.) *Habitus est quo quis agit, cum (a) opus fuerit.* Ergo character collatus in baptismo, non est aliquid in anima.

2. Proutera. Omne quod est, reducit ad aliquod genus entis. Sed character non videtur posse reduci ad aliquod genus entis, nisi forte ad qualitatem. Qualitas autem esse non potest, cum sub nulla specie qualitatis contineatur. Non enim est habitus, ut probatum est; nec dispositio, cum non sit facile mobilis, immo omnino indelebilis; nec iterum est potentia naturalis, ut probatum est; nec impotentia, quia tunc sacramenta quae characterem imprimunt, magis essentent quam iuvarent; nec iterum est passio, ut probatum est; nec passibilis qualitas, cum non sit natus aliquam passionem sensui inferre, nec a passione aliquam innascatur; nec iterum est forma, & circa aliquid constans

L 2

figu

(*) Al. tempus.

figura, quia figura est terminatio quantitatis, anima autem non habet quantitatem. Ergo character nihil est.

3. Præterea. Contraria sunt in eodem genere. Sed ea quæ Christo competunt, sunt contraria his quæ ad diabolum pertinent. Cum ergo character bestię, de qua dicitur Apoc. xiiii. nihil aliud sit quam peccatum mortale, videtur quod supra virtutem, & gratiam non oporteat in anima aliquem characterem poni.

4. Præterea. Ea quæ sunt in sacramentis novæ legis, ordinantur ad causandum gratiam. Sed character non videtur posse gratiam causare, quia multi characterem habere dicuntur qui gratia carent. Ergo non videtur in sacramentis aliquis character imprimi.

5. Præterea. Si dicatur, quod est dispositio ad gratiam; contra. Agens infinitum non requirit materiam dispositivam. Sed dispositio non est necessaria nisi ad hoc quod materia sit disposita. Cum ergo gratia sit ab agente infinitæ virtutis, videtur quod non oporteat characterem dari in sacramentis ad disponendum ad gratiam.

Sed contra est quod Damascenus (de Fide orth. Lib. IV. cap. x.) in diffinitione baptismi ponit sigillum. Sed sigillum impressum in aliquo est character quidam. Ergo in sacramentis character imprimitur.

Præterea. Ubiqueque est aliqua distinctio, competit esse aliquem characterem distinguentem. Sed per sacramenta fit distinctio fidelium ab infidelibus, & fidelium ab invicem. Ergo competit in sacramentis characterem dari.

Præterea. Per sacramentum configuramur Christo: quia ab eo sacramenta efficaciam habent, & ipsum significant. Sed configuratio fit per characterem assimilationis. Ergo in sacramentis competit esse characterem.

SOLUTIO.

Respondeo dicendum, quod characterem in sacramentis quibusdam imprimi, omnes moderni consentiunt; sed in modo ponendi ipsum in anima partim differunt, & partim conveniunt. Conveniunt quidem in hoc quod omnes dicunt per characterem importari relationem triplicem. Est enim character signum distinctivum, & configurativum. Inquantum ergo est signum, importat relationem ad signatum; inquantum autem est distinctivum, importat relatio-

nem ad ea a quibus distinguit; inquantum autem est configurativum, importat relationem ad ea quibus assimilat. Differunt autem in hoc, quia quidam ponunt istis relationibus non subesse aliquid accidentis absolutum, sed immediate in anima fundari istas relationes. Hoc autem esse non potest: quia signum per formam quam sensibus, vel intellectui imprimit, facit aliquid in cognitionem venire. Similiter etiam nihil distinguitur ab alio nisi per aliquam formam. Similitudo etiam est relatio super unitate qualitatis fundata, ut dicitur in V. Metaph. (text. xx.) Unde patet quod quilibet illarum relationum quam importat character, requirit aliquam formam (a) substratam: & cum non sit forma substantialis, quia forma substantialis in sacramentis non datur, relinquitur quod forma substrata sit qualitas quidam, cuius unitas consignificationis similitudinem facit. Et ideo quidam dicunt, quod non est in aliqua quatuor specierum qualitas, & tamen est in genere qualitatis, innitentes illi verbo Philosophi in Prædicamentis. Fortasse, inquit, *apparerebunt alii qualitatis modi*. Sed hæc est (b) nuga quædam: quia quamvis sint alii mundi qualitates, tamen omnes reducuntur ad has species: quod pater ex hoc quod nulla alia species inveniri adhuc potuit. Et ideo dicunt alii, quod est in quarta specie qualitatis: quia ipsa configuratio quam character suo nomine exprimit, importat unitatem figure, quæ est in specie quarta qualitatis. Et quidam dicunt hanc figuram esse crucem Christi. Sed hoc non potest stare: quia aut figura proprie accipitur, aut metaphorice. Si proprie accipitur, sic importat terminationem quantitatis dimensionæ, quam constat in anima non esse. Si autem metaphorice dicatur, tunc oportet quod metaphora reducatur ad proprietatem: quia res non ponitur in genere per id quod de eo metaphorice dicitur; sicut non dicitur quod Apostoli sint in genere qualitatis, quia eis dictum est Matth. v. *Vos estis lux mundi*. Nec poterit aliquid in quarta specie qualitatis inveniri quod sit in anima secundum proprietatem: unde character, de quo loquimur, non potest fundari supra qualitatem quatuor speciei. Et ideo quidam dicunt, quod est in tertia specie qualitatis, eo quod sensui spirituali infertur quædam (c) muliebre passio, inquantum animam ornat, & decorat. Sed hoc iterum non potest stare: quia, sicut probat

(a) *Ad* substratam, & *se infra*. (b) *Ad* fugam. (c) *Ad* muliebre passio.

probat Philosophus in VII. Physic. (text. xix.) tertia species qualitatis non est nisi in sensibili parte animæ : character autem a nullo ponitur in hac parte animæ , sed in intellectiva . Et præterea illæ qualitates semper habent ordinem ad aliquam transmutationem corporalem , vel quam inferunt , vel a qua causantur . Et ideo alij dicunt , quod est in prima specie qualitatis , & est quasi media inter dispositionem & habitum . Inquantum enim est difficile mobilis , convenit cum habitu ; inquantum autem non est ultima perfectio , sed ad gratiam disponit , cum dispositione convenit . Sed hoc non potest stare : quia secundum Philosophum in II. Ethic. (cap. v.) habitus est quo habemus nos ad passiones bene , vel male ; & universaliter consideranti hæc apparet differentia inter habitum & potentiam , quia potentia est qua possumus aliquid simpliciter , habitus autem quo possumus illud bene , vel male ; sicut intellectus quo consideramus , scientia qua bene consideramus ; concupiscibilis qua concupiscimus , temperantia qua bene concupiscimus , intemperantia qua male : & similiter est de dispositione : quia nihil aliud est dispositio quam quidam habitus incompletus . Cum ergo character ordinetur ad aliquid simpliciter , non ad illud bene , vel male (quia sacerdos potest conficere bene , vel male) non potest esse quod qualitas , super quam fundatur relative characteris , sit habitus , sed magis potentia . Unde relinquitur quod non sit in prima specie qualitatis ; sed magis reducitur ad secundam , ut quidam alij dicunt : & hoc sic patet . Sicut enim cuiuslibet existentis in aliqua natura , sunt aliquæ operationes propriæ , ita etiam in spirituali vita regenerati , ut Dionysius dicit in 11 cap. cæf. Hier. Ubicunque autem sunt operationes propriæ , oportet quod sint principia propria illarum operationum . Unde sicut in aliis rebus sunt potentie naturales ad proprias operationes , ita etiam renati in vitam spiritualem habent quasdam potentias , secundum quas possunt illa opera ; quæ potentie sunt similes illis virtutibus quibus sacramenta efficaciam habent sibi inditam : quia sicut sacramenta causant gratiam instrumentaliter , ut supra distinxit . 1. (quest. 1. art. 4.) dictum est , ita recipientes characterem operantur divina per ministerium . Minister autem est sicut instrumentum eius cui ministrat : unde dicit

Philosophus in VIII. Ethic. (cap. xi.) . quod servus est sicut organum animatum : & ideo tam virtus sacramenti , quam minister , (a) & character est instrumentalis . Et quod huiusmodi potentia sit character , patet si quis diligenter consideret verba Dionysii , a quo prima traditio characteris nobis advenit . Assignans enim ministerium ritus cuiusdam qui in primitiva Ecclesia erat , quando adulti baptizabantur , quod accedenti ad baptismum Hierarcha , idest Pontifex , manum imponebat , & signabatur eum signo crucis , & præcipiebat eum describi inter nomina Christianorum , ut de cetero ad divina cum aliis admitteretur , dicit , quod sic accedentem , scilicet ad vitam spirituales , divinis beatitudo in sui participationem recipit ; (b) sicut sacerdos baptizandum in proprio lumine quasi quoddam signum ipsi tradit , scilicet sui participationem , perficiens eum , scilicet divinum , & communicantem divinorum &c. Patet ergo quod ipse per hoc signum nihil aliud intendit quam illud quod facit eum participativum divinarum operationum : unde hoc signum nihil aliud est quam quædam potentia qua potest in actiones hierarchicas , quæ sunt ministrationes , & receptiones sacramentorum , & aliorum quæ ad fideles pertinent : & ad hoc quod has operationes bene exerceat , indiget habitu gratiæ , sicut & aliæ potentie habitibus indigent .

Ad primum ergo dicendum , quod non sunt habitus , nec passiones , sed sunt potentie quædam consequentes animam , secundum quod est in vita spirituali regenerata : & ideo non oportet quod omnibus insint , vel quod a natura sint .

Ad secundum dicendum , quod reducitur ad secundam speciem qualitatis , & est alius modus ab illo quem Philosophus ibi ponit : quia Philosophus non cognoscebat nisi operationes naturales , & ita non nisi potentias naturales . Constat autem quod apud nos oportet ponere potentias spirituales , sicut potentiam conficiendi , & absolvendi , & huiusmodi , & quod ad secundam speciem qualitatis reducantur ; sicut habitus insunt in eadem specie qualitatis sunt cum habitibus naturalibus , vel acquisitis .

Ad tertium dicendum , quod per hoc quod homo configuratur bestie , non accipit aliquam spiritualement potestatem , sicut per aliquam potestatem spiritualement homo assimilatur

(a) A. etiam character . (b) Nicolai : & proprii luminis velut signi effusum impressionem ipsi tradit & perficiens eum divinum , & participantem divinorum &c.

latur Christo : & ideo non est simile . Tamen ex littera Apostoli colligitur quod character bestiarum configuratur quis ad secularis operationes : unde dicit : *Ut non possit emere , vel vendere &c.* & similiter character Christi aliquis configuratur ad actiones Christi .

Ad quartum dicendum , quod character est causa sacramentalis gratiae : & quod quidam cum characterem gratiam non recipiunt , est ex eorum indispositione ad gratiam suscipiendam .

Ad quintum dicendum , quod character est dispositio ad gratiam per quamdam congruitatis dignitatem . Ex hoc enim ipso quod homo mancipatus est divinis actionibus , & inter membra Christi connumeratus , fit ei quidam congruitas ad gratiam suscipiendam : quia Deus perfecte in sacramentis homini providet : unde simul cum characterem , quo datur homini ut possit exercere spiritualis actiones fidelium , vel passionis , seu receptiones , datur gratia quae hoc bene possit .

ARTICULUS II.

Utrum definitio quae attribuitur Dionysio de characterem bene assignetur .

1. **A**D secundum sic proceditur . Videtur quod definitio quae attribuitur Dionysio de characterem , non bene assignetur : quae talis est : *Character est signum sanctum communionis fidei .* & *sanctae ordinationis , datum divina beatitudine a Hierarcha* . Signum enim , ut in 1. dist. dictum est , est quod speciem aliquam sensibus ingerit , & praeter eam aliquid facit in cognitionem venire . Sed character nullam sensibus formam ingerit . Ergo non est signum .

2. Praeterea . Potentius quae sunt principium actionis , vel passionis , magis congruit significari quam significare : quia causa per effectus significantur . Sed character , ut dictum est , est potentia spiritualis . Ergo non est signum .

3. Praeterea . Quidam habent characterem qui non habent fidem , sicut qui post baptismum in haerem dilabuntur . Sed qui non habet fidem , non communicat in fide . Ergo character non est signum communionis fidei ; vel erit signum falsum ; quod absurdum est sentire de signo divinitus dato .

4. Praeterea . Definitio debet omnibus quae continentur sub definito , communiter convenire . Sed esse signum sacrae ordinationis

non convenit omni characteri , sed solum characteri qui imprimitur in ordine . Ergo non est definitio bene assignata .

5. Praeterea . Hierarcha , ut dictum est , est Pontifex . Sed in aliquibus sacramentis , quae conferuntur a simplicibus sacerdotibus , vel etiam a laicis , imprimitur character . Ergo non debuit dicere : *Datum a Hierarcha* .

QUAESTIUNCULA II.

1. Uterius . Videtur quod non bene assignetur quidam alia definitio magistralis , quae talis est : *Character est distinctio a characterem aeterno impressa anima rationali secundum imaginem , consignans trinitatem creatam Trinitati creatam , & recream , & distinguens a non configuratis secundum statum fidei* . Ubi enim est magna differentia , non oportet signa distinctionis dari . Sed infideles a fidelibus maxime differunt & in vita , & in ritu . Ergo non oportet quod detur aliquod signum distinctionis .

2. Praeterea . Aut istud signum distinctionis fit propter hominem , aut propter Deum , aut propter Angelos . Non propter hominem , quia nec alii homines possunt cognoscere characterem , nec ipsemet qui habet , percipit se habere ; signum autem oportet esse notum : nec quo ad Deum , qui sine hoc signo scit fideles ab infidelibus discernere : & similiter nec quo ad Angelos . Ergo illud signum distinctionis character non est .

3. Praeterea . Homo non configuratur Trinitati nisi per imaginem & similitudinem . Sed prima configuratio est per naturam , secunda per gratiam . Ergo character nullo modo configuratur .

4. Praeterea . Caritas est excellentior virtus quam fides . Sed caritati non ponitur aliquod distinguens signum , nec aliis virtutibus . Ergo nec fidei debet poni .

5. Praeterea . Contrarium distinguit sufficienter a suo contrario . Sed fides infideliter contraria est . Ergo sufficienter fideles ab infidelibus distinguit ; & ita non oportet quod per characterem distinguantur .

SOLUTIO I.

Respondeo dicendum ad primam questionem , quod illa definitio nusquam invenitur a Dionysio posita ; sed potest accipi ex verbis eius supra inductis : & acciperetur adhuc convenientius , si sic diceretur : *Character est signum communionis potestatis divinatorum , & sacrae ordinationis fidelium datum* .

datum a divina beatitudine. Et tangit quatuor causas. Primo genus characteris, in quantum est character, scilicet signum, quod pertinet ad causam formalem. Secundo finem: datur enim hoc signum ad duo, ut scilicet recipiens configuretur quasi ascriptus ad communicandum divinis sacramentis, & actionibus sacris: & quantum ad hoc dicit: *Communione divinarum potestatis*: & ut configuretur coordinandus aliis, quibus eadem potestas data est; quod tangit in hoc quod dicit: *Et sacra ordinationis fidelium*: quæ duo excommunicatio suspendit ad tempus: quia privat hominem participatione divinarum, & communione fidelium. Tertio ponit materiam in qua, in hoc quod dicit, *Datum a sacerdote.* Quarto efficiens, scilicet *a divina beatitudine.* Tamen diffinitio prius posita potest etiam sustineri, ut in idem redeat cum ista; ut hoc quod dicit, *Communione fidei*, referatur ad participationem sacramentorum, & actionum fidelium. Quod autem dicit, *Et sancta ordinationis*, ponitur coordinatio eius ad alios. *Accedenti datum a Hierarcha* ponitur quantum ad causam efficientem instrumentalem, scilicet ministrum, qui configuratione exteriori figurat interiorem.

Ad primum ergo dicendum, quod character accipit rationem signi, secundum quod per sacramentum visibile exterius efficitur, & significatur.

Ad secundum dicendum, quod cum qualibet potestate exterius datur aliquod visibile signum illius potestatis; sicut Regi in signum regie potestatis datur corona, & sceptrum; & Pontifici mitra, & baculus, & anulus: & similiter cum spirituali potestate, quæ in sacramentis confertur, datur signum sacramentale exterius; & per comparisonem ad illud exterius signum, ipsa spiritualis potentia dicitur signum, in quantum homo per eam configuratur, & determinatur ad actiones spirituales.

Ad tertium dicendum, quod communio fidei, ut patet per verba Dionysii, oportet quod recipiatur pro communione in sacramentis fidei, & aliis actionibus quæ fidelibus competunt, ad quas nullus admittitur antequam characterem suscipiat spiritualis potestatis respectu illorum. Nec oportet quod omnis qui characterem habet, illas actiones bene exerceat, sicut nec omnis qui habet potentiam, bene operatur actum illius potentie.

Ad quartum dicendum, quod ordinatio non accipitur hic pro ordinis sacramento, sed pro coordinatione ad alios fideles, ut in coetu fidelium aggregetur, quantum ad ea quæ fideles facere dicuntur, vel quantum ad ea quæ pro fidelibus sunt.

Ad quintum dicendum, quod hoc quod dicitur, *Datum accedenti a Hierarcha*, non potest accipi a verbis Dionysii, sed magis sic, *Datum accedenti a divina beatitudine*: & sic cessat obiectio. Si autem accipiat in ministerio, sic dicitur a Hierarcha dari character baptismalis quantum ad maximam solemnitatem baptismi, quæ quandoque per Pontifices celebratur: sic enim Dionysius ibi ritum baptismi tradit, summum sacerdotem ministrum baptismi ponens, ut patet litteram eius intuenti.

SOLUTIO II.

Ad secundam questionem dicendum, quod in illa etiam diffinitione tanguntur quatuor causæ characteris. Nam causa formalis tangitur in hoc quod ponitur genus, cum dicit, *Distinctio*, id est distinctivum signum; & est genus magis proximum quam genus in præcedenti diffinitione positum. Causa efficiens tangitur in hoc quod dicit, *Character aeterno*, id est Filio, qui est figura substantiæ Patris: Hebr. 1. Causa autem materialis in qua, ponitur cum dicit, *Anima rationali impressa secundum imaginem*. Causa vero finalis ponitur duplex, scilicet configuratio in hoc quod dicit, *(a) Configurans trinitatem creatam Trinitati creati, & recreanti*; & distinctio in hoc quod dicit: *Et distinguens a non configuratis secundum statum fidei*. Et sicut hic ponitur genus proximum, ita finis proximus, & subiectum proximum, & efficiens appropriatum: in quo excedit prædictam diffinitionem hæc diffinitio, in quantum per causas magis proximas datur.

Ad primum ergo dicendum, quod character non est signum tantum, ut distinctionis nota, sed ut distinctionem causans, sicut & alia sacramentalia signa: & ideo eo indiget ad distinctionem faciendam.

Ad secundum dicendum, quod istud distinctionis signum est & propter ipsum hominem qui suscipit, qui eo accipit distinctum posse ab aliis; & propter alios homines qui eum admittunt ad spirituales actiones, *(b)* ex configuratione sacramentali exteriori interiorem perpendentes; & quo ad

(a) *M. Configurans trinitatem &c.* id est configurat, & distinctio dicitur. *Forse: Configurans, id est configurans, trinitatem &c.* (b) *M. ex configuratione.*

ad Deum, qui eius actionibus spiritualibus efficaciam præbet.

Ad tertium dicendum, quod configuratio ista attenditur ad Deum secundum participationem divinæ potestatis, quæ non est neque per gratiam virtutum, neque per naturam.

Ad quartum dicendum, quod fides hominis nota est, caritas autem incerta. Nihil enim est alicui certius sua fide, ut Augustinus dicit (tract. v. in Epist. Ioan.) sed an habeat caritatem, non est alicui certum: & ideo distinctio data magis respicit fidem quam caritatem, vel alias virtutes. Vel dicendum, quod ista distinctio præcipue attenditur quantum ad operationes, & receptiones, quæ sunt in sacramentis, in quibus maxime operatur fides.

Ad quintum dicendum, quod fides sufficienter distinguit fideles ab infidelibus quantum ad actus fidei, non tamen quantum ad actus (a) spirituales qui competunt fidelibus, quia ad hos oportet quod spiritualis potentia addatur.

ARTICULUS III.

Utrum character sit in essentia animæ quasi in subiecto.

III. P. quest. lxxiii. art. 4. & 5.

1. **A**D tertium sic proceditur. Videtur quod character sit in essentia animæ quasi in subiecto. Dispositio enim, & habitus sunt in eodem subiecto. Sed character disponit ad habitum gratiæ. Cum ergo gratia sit in essentia animæ sicut in subiecto, videtur quod etiam character.

2. Præterea. Nihil est subiectum potentie animæ nisi essentia animæ. Sed character, ut dictum est, est quedam spiritualis potentia. Ergo est in essentia animæ sicut in subiecto.

Sed contra. Character configurat trinitatem creatam increatæ, ut patet ex distinctione supra posita. Sed Trinitas increata consistit in potentis, unitas autem in essentia, ut in I. Lib. dist. xii. dictum est. Ergo character non est in essentia animæ.

QUAESTIUNCULA II.

1. Ulterius. Videtur quod non sit in una potentia, sed in pluribus. Quia, sicut ex prædicta distinctione patet, character est in anima rationali secundum imaginem, se-

cundum quam etiam est configuratio hominis ad Deum. Sed imago non consistit in una tantum potentia, sed in pluribus. Ergo nec character.

2. Præterea. Cuius est potentia, eius est actio, & e converso, ut dicitur I. de somno, & vigilia (cap. 1.) Sed actio spiritualis, ad quam character ordinatur, est per plures potentias, scilicet quia requiritur & affectiva, & intellectiva. Ergo character est in pluribus potentiis, sicut spiritualis potentia.

Sed contra. Unum accidens non est in pluribus subiectis. Sed in uno sacramento imprimitur unus character. Ergo non est in pluribus potentiis.

QUAESTIUNCULA III.

1. Ulterius. Videtur quod sit magis in affectiva quam cognitiva. Quia character disponit ad gratiam. Sed gratia magis respicit affectivam. Ergo & character.

2. Præterea. Character est ad assimilandum nos Deo. Sed per affectum maxime Deo appropinquamus, & similes ei effici-mur. Ergo character est in affectiva.

Sed contra. Characterem Dionysius luminis comparat. Sed lumen magis intellectivæ competit quam affectivæ. Ergo & character.

QUAESTIUNCULA IV.

1. Ulterius. Videtur quod character non indelebiter insit potentie cui inest. Accidens enim diuturnitatem habet ex causa, & subiecto. Sed gratia est ab eadem causa, & in eodem subiecto cum character. Ergo cum gratia amitti possit, & character similiter deleri poterit.

2. Præterea. Cum veneris quod perfectum est, evacuabitur quod ex parte est: I. Corinth. xiii. 10. Sed character est ex parte: datur enim ad distinguendum in operibus sacramentalibus, quæ competunt secundum statum viæ. Ergo in patria character cessabit, & ita est delebilis.

Sed contra. Si character deleteretur, maxime per culpam deleteretur. Sed per culpam non deletur, quia sacerdos malus non reordinatur, ut iterum characterem accipiat. Ergo character est indelebilis.

QUAESTIUNCULA V.

1. Ulterius. Videtur quod Christus habuerit characterem. Ipse enim sacerdos fuit secundum ordinem Melchisedech, Hebr. vii. quod

(a) *Forse speciales, & non specialis.*

quod est sacerdotium novi testamenti. Sed tale sacerdotium requirit characterem. Ergo Christus habuit characterem.

2. Præterea. Nihil quod est perfectionis quantum ad animam, vel dignitatis, Christo subtrahendum est. Sed character decorat, & nobilitat animam in qua est. Ergo character in Christo fuit.

Sed contra. Character est regeneratorum, & accipientium aliquid a sacramentis. Sed Christus non accepit aliquid a sacramentis, nec renatus est etiam: quia, sicut dicit August. in Enchir. (cap. xlviii.) ipse solus ita potuit nasci, ut non esset ei opus renasci. Ergo non habet characterem.

SOLUTIO I.

Respondeo dicendum ad primam questionem, quod natura proportionaliter spiritualitati subternitur, sicut perfectibile perfectioni. Unde sicut gratia, quæ est spiritualis vite principium, est in essentia animæ sicut in subiecto; ita & character, qui est spiritualis potentia, est sicut in subiecto in naturali potentia animæ, & non in essentia animæ, ut quidam dicunt, nisi mediante potentia animæ.

Ad primum ergo dicendum, quod dispositionem esse in eodem cum eo ad quod disponit, non est necesse nisi quando dispositio postea fit perfectio, sicut scientia quæ prius fuit dispositio, postea fit habitus: & ideo scientia dispositio, & scientia habitus sunt in eodem subiecto proximo. Non autem hoc oportet, quando dispositio, & perfectio differunt per essentiam, sed possunt esse in diversis subiectis, & præcipue quando illa diversa habent ordinem ad invicem; sicut operario sensibilis est dispositio ad intelligibilem operationem, & similiter character est dispositio ad gratiam.

Ad secundum dicendum, quod illa obiectio procedit de potentiis naturalibus; sed potentias spirituales oportet fundari in naturalibus.

SOLUTIO II.

Ad secundam questionem dicendum, quod esse in pluribus potentiis est dupliciter: aut ita quod æqualiter sit in omnibus, sicut essentia animæ est in omnibus potentiis; aut ita quod sit in una per prius, & per posterius respiciat alias mediante illa in qua primo est; sicut electio est in intellectu, & appetitum, & formaliter in ap-

S. Th. Oper. Tom. XII.

petitum perficitur, ut patet per Philosophum in VI. Ethicor. (cap. 11.) Primo ergo modo nullum accidens potest esse in pluribus potentiis: quia accidens numeratur, & distinguitur penes materiam, & distinctionem subiecti: & ideo cum character sit accidens, non potest esse in pluribus potentiis animæ primo modo; sed secundo modo: quia unam respicit per prius, & alias per posterius.

Ad primum ergo dicendum, quod etiam potentia magis habet ordinem ad invicem, ut in I. Lib. dictum est: & ideo quod est in una, potest aliquando ad alias redundare.

Ad secundum dicendum, quod quando ad unam actionem requiruntur plures potentia, in illa actione est principalis una potentia quasi movens, & trahens alias in obsequium sui, & alie induunt quodammodo formam ipsius: & ideo ex eo quod est in principali potentia, potest actio illa sufficienter perfici.

SOLUTIO III.

Ad tertiam questionem dicendum, quod imago principaliter consistit in potentia cognitiva: quæ est memoria, & intelligentia oritur voluntas: unde tota imago est in intellectiva parte scilicet in radice: & ideo omne quod attribuitur homini ratione imaginis, principaliter respicit intellectivam, & ex consequenti affectivam: quia etiam ex intellectiva parte habet homo quod sit homo, sed ex affectiva quod sit bonus, vel malus: & ideo quia character respicit imaginem, principaliter est in intellectiva parte.

Ad primum ergo dicendum, quod gratia non est neque in intellectiva, neque in affectiva, sed in essentia animæ; tamen magis de propinquo respicit affectivam, quia gratia datur ad bene operandum: qualiter autem aliquis operetur, præcipue ex voluntate pendet. Sed character datur ad exercendas actiones spirituales aliquas simpliciter: quod autem bene, vel male fiant, hoc est per gratiam, & per habitum virtutum: & ideo non est similis ratio de characterem, & gratia.

Ad secundum dicendum, quod assimilatio in bonitate præcipue est ad Deum per voluntatem; sed assimilatio in esse, & posse magis est ex parte intellectus: quia ex hoc ipso quod aliquid esse immateriale habet, intellectivum est, & potentiam habet quodammodo infinitam, secundum quod in-

M

tel-

effectus universalium est, quæ quodammodo infinita sunt virtute: & ideo cum conformitas characteris respiciat spirituales potestates, magis composit intellectivæ parti quam affectivæ.

SOLUTIO IV.

Ad quartam questionem dicendum, quod impressio characteris est per quamdam animæ rationalis sanctificationem, prout sanctificatio dicitur deputatio alicuius ad aliquid sacrum. Ad hanc autem sanctificationem non magis active comparatur anima sanctificanda, quam aqua sanctificanda, vel oleum, vel chrisma ad sui sanctificationem; nisi quod homo se subiicit tali sanctificationi per consensum, res autem prædictæ subiiciuntur, quia libero arbitrio carent: & ideo qualitercumque anima varietur per proprias operationes, nunquam characterem amittit; sicut nec chrisma, nec oleum, nec panis consecratus umquam sanctificationem perdunt, qualitercumque transmurentur, dummodo non corrumpantur.

Ad primum ergo dicendum, quod causa indelebitatis characteris est ex parte subiecti, quod est incorruptibile, & ex parte causæ, quæ est invariabilis. Gratia autem habet aliquo modo causam non efficientem, sed disponentem ex parte subiecti: quia, secundum Augustinum (de verbis Apost. Ier. xv. cap. xi.) qui creavit te sine te, non iustificabit te sine te: & ideo per indispositionem subiecti gratia amittitur.

Ad secundum dicendum, quod per characterem homo configuratur ad hoc quod sit de cœtu fidelium, & particeps hierarchiarum actionum. Ecclesiasticæ autem hierarchiæ succedit cælestis: & ideo ad communionem fidelium in Ecclesia triumphante, & ad participationem actionum cælestis hierarchiæ character in paria perficiet; & sic erit ad alios actus; sicut virtutes, & dona in damnatis etiam manent. Sed hoc est per accedens præter intentionem imprimentis characterem, quod recipiens damnetur: & ideo non est ibi ordinatus ad aliquem finem: quia quæ præter intentionem accidunt, carent ordine ad finem. Tamen Deus, qui nihil inordinatum relinquit, elicit ex hoc aliquod bonum, scilicet quod appareat iustus eorum damnatio qui tantum munus neglexerunt.

SOLUTIO V.

Ad quintam questionem dicendum, quod quidam dicunt, quod Christus non habuit characterem baptismalem, quia a baptismo nihil accepit; habuit autem characterem ordinis, qui pertinet ad quendam eminentem statum. Sed melius est, si dicatur, quod Christus nullum characterem habuit: quia ipse habuit potestatem plenitudinis in sacramentis, quasi ea instituens, & eis efficaciam præbens. Unde sicut poterat inducere effectum sacramenti in aliquo sine sacramento exteriori, ita ex parte ipsius ad hoc non requirebatur aliquod sacramentale interius.

Ad primum ergo dicendum, quod ipse fuit sacerdos, quasi sacerdotium instituens: & ideo eius non est habere characterem, sed illius qui aliunde sacerdotium recipit, ut per characterem principali sacerdoti configuretur.

Ad secundum dicendum, quod aliquid est perfectionis in nobis (a) quod non esset Christi, sicut gratia adoptionis: & similiter est de characterē, qui ponetur in eo potestatem spirituales coarctatam, & ab alio derivatam.

ARTICULUS IV.

Utrum character solum in sacramentis novæ legis imprimatur.

III. P. quæst. lxxiii. art. 6.

1. **A**D quartum sic proceditur. Videtur quod non solum in sacramentis novæ legis character imprimatur. Characteris enim effectus est configurare, & distinguere. Sed hoc faciunt virtutes: quia in eis boni & a malis distinguuntur, & Deo assimilantur. Ergo per virtutes, & non per sacramenta novæ legis tantum character imprimatur.

2. Præterea. Sicut per sacramenta novæ legis distinguitur populus fidelis ab infideli, ita per sacramenta veteris legis distinguebatur. Ergo sacramenta novæ legis non magis imprimunt characterem quam sacramenta veteris legis.

Sed contra. Habens characterem non baptizatur, quia alii characteres baptismum præsupponunt, qui etiam iterari non debet. Sed habentes virtutem, & qui sacramenta veteris legis susceperant, baptizaban-

(a) Merito: quod non esset perfectionis in Christo.

bantur. Ergo neque per virtutes, neque per sacramenta veteris legis character imprimitur.

QUAESTIUNCULA II.

1. Ulterius. Videtur quod per omnia sacramenta legis novae imprimatur character. In quolibet enim sacramento novae legis est aliquid quod est sacramentum tantum, & aliquid quod est res tantum, & aliquid quod est res, & sacramentum. Sed character in baptismo est illud quod est res, & sacramentum. Ergo in quolibet sacramento novae legis imprimitur character.

2. Praeterea. Quolibet sacramento novae legis confertur gratia, & distinguitur recipiens a non recipiente. Cum ergo character sit, disponens ad gratiam, & distinguat, videtur quod in quolibet sacramento novae legis character imprimatur.

Sed contra. Nullum sacramentum, in quo character imprimitur, iteratur: quia character indelebilis est. Sed quaedam sacramenta iterantur. Ergo non omnia sacramenta novae legis characterem imprimunt.

QUAESTIUNCULA III.

1. Ulterius. Videtur quod in sacramento baptismi character non imprimatur. Baptismus enim sanguinis est dignior quam baptismus fluminis, quia meretur aureolam. Sed in baptismo sanguinis non imprimitur character. Ergo nec in baptismo fluminis.

2. Praeterea. Baptismus fluminis non habet supra baptismum fluminis nisi aquam. Sed baptismus ratione aquae non potest imprimere characterem: alias baptismus Ioannis impressisset characterem; quod esse non potest, cum baptizati a Ioanne iterum baptizarentur, ut supra (dist. 11. art. 4.) dictum est. Ergo nec baptismus fluminis characterem imprimat.

Sed contra est auctoritas Dionysii, ex qua characteris traditio derivatur: quia ipse inducit verba illa unde definitio characteris accipitur in tractatu de baptismo.

QUAESTIUNCULA IV.

1. Ulterius. Videtur quod character sit sicut a causa efficiente prima a solo Filio. Character enim est distinctio a characterē aeterno impressa &c. ut supra (art. 2. quaest. hunc. 2.) dictum est. Sed character aeternus est solus Filius, sicut & imago. Ergo a solo Filio character imprimitur.

2. Praeterea. Character configuratur, & assimilatur anima Deo. Sed principium assimilationis ad Deum est Filius: unde Augustinus (de vera relig. cap. 1v.) Filium nominat similitudinem, per quam ad unitatem reformamur, ut patet I. Lib. dist. 111. Ergo character est tantum a Filio.

Sed contra est quod Dionysius dicit, quod signum characteris datur a divina beatitudine. Sed divina beatitudo est communis tribus personis. Ergo character non datur a solo Filio.

SOLUTIO I.

Respondeo dicendum ad primam questionem, quod, sicut in II. Ethic. (cap. 11.) dicit Philosophus, *virtus ex quibus innascitur, ea operatur*, loquens de virtute acquisita: & similiter est in omnibus virtutibus quae ex aliquibus actibus aliquo modo causantur. Unde cum character sit virtus, seu potentia spiritualis ad actiones sacramentales ordinata, si ex aliquo quod per nos fiat, imprimi character debeat, oportet quod per sacramenta novae legis imprimatur, & per ea tantum, quia ad illas actiones tantum directe illa potentia ordinatur.

Ad primum ergo dicendum, quod actiones spirituales ad quas character ordinatur, intra Ecclesiam tantum exercentur: & ideo pro nihilo potestas ad illas actiones daretur alicui, nisi tali modo quod innotesceret illis qui sunt de Ecclesia, ut eum ad tales actiones admittant. Per gratiam autem, & virtutes non posset innotescere, quia ignotae sunt: & ideo oportet quod imprimatur character per signa visibilia sacramentorum.

Ad secundum dicendum, quod sacramenta veteris legis ex opere operato nihil conferebant, & ideo illae actiones non requirebant aliquam spiritualem potestatem: & ideo nec ab illis, nec ad illa imprimebatur character.

SOLUTIO II.

Ad secundam questionem dicendum, quod sacramenta legis novae sunt sanctificationes quaedam. Sanctificatio autem duobus modis accipitur. Uno modo pro emundatione, quia sanctum est mundum. Alio modo pro emancipatione ad aliquod sacrum, sicut dicitur altare sanctificare, vel aliquod huiusmodi. Omnia ergo sacramenta sunt sanctificationes primo modo, quia omnia dantur in remedium contra aliquem defectum, ut

dictum est prius dist. 11. sed quædam sunt sanctificationes etiam secundo modo, sicut patet præcipue in ordine, quia ordinatus mancipatur ad aliquid sacrum; non autem omnia, sicut patet de poenitentia. Quicumque autem mancipatur ad aliquid sacrum spirituale exercendum, oportet quod habeat spirituales potestates, & solum talis: & ideo non omnia sacramenta novæ legis characterem imprimunt, sed quædam, quæ etiam secundo modo sanctificationes sunt.

Ad primum ergo dicendum, quod quamvis illud quod est res, & sacramentum, in baptismo sit character, non tamen oportet quod sit character in omnibus sacramentis in quibus est res, & sacramentum. Quid autem sit res, & sacramentum in singulis, postea singillatim ostendetur.

Ad secundum dicendum, quod quamvis quodlibet sacramentum distinguat a non habente, non tamen tali distinctione indelebili, qualis est distinctio in sacramentis sanctificantibus secundo modo: & ideo non est simile de omnibus sacramentis.

SOLUTIO III.

Ad tertiam quæstionem dicendum, quod sicut in naturalibus est potentia activa, & potentia naturalis passiva; ita etiam in spiritualibus est potentia spiritualis quasi passiva, per quam homo efficitur susceptivus spiritualium actionum; & talis spiritualis potentia confertur in baptismo: quia non baptizatus effectum aliorum sacramentorum suscipere non potest, unde & per consequens nec aliis tradere: & hæc est prima distinctio, qua communiter totus populus fidelis, cuius est sacramentorum participem esse, ab aliis distinguitur. Alia potentia est activa spiritualis ordinata ad sacramentorum dispensationem, & aliarum sacrarum hierarchiarum actionum exercitium; & hæc potestas traditur in confirmatione, & ordine, ut suis locis patebit. Et quia in ecclesiastica hierarchia non omnes sunt agentes, ut puta perficientes, purgantes, & illuminantes, sicut omnes sunt recipientes, puta purgandi, illuminandi, perficiendi, ut dicit Dionysius (de eccl. hier. cap. vi. part. 111.) ideo isti duo characteres non distinguunt populum Dei universaliter ab aliis, sed quosdam de populo ab aliis.

Ad primum ergo dicendum, quod baptismus sanguinis non habet efficaciam sacramentalem, sed solum meritariam: &

ideo ibi non confertur potestas spiritualis ad actiones hierarchicas, nec character sicut in baptismo fluminis, quod est sacramentum.

Ad secundum dicendum, quod nec baptismus fluminis tantum, nec baptismus aquæ tantum sufficit ad sacramentum novæ legis: & ideo neuter eorum character imprimit.

SOLUTIO IV.

Ad quartam quæstionem dicendum, quod omnis effectus in creatura est communiter a tota Trinitate: unde & character non est tantum a Filio, sed a tribus personis. Attribuitur autem Filio tum propter rationem similitudinis ad proprium personæ, quia ipse per proprietatem est imago, & figura, sive character Patris; tum quia virtus passionis Christi operatur in sacramentis.

Et per hoc patet solutio ad obiecta.

QUAESTIO II.

Deinde queritur de effectu baptismi, qui est res, & non sacramentum: & circa hoc queruntur tria.

Primo. De effectu ipsius quantum ad remotionem mali.

Secundo. De effectu ipsius quantum ad colationem boni.

Tertio. Utrum effectus eius æqualiter participetur.

ARTICULUS I.

Utrum baptismus tollas actuale culpam.

III. P. quæst. lxx. art. 1. 2. & 3.

1. Ad primum sic proceditur. Videtur quod baptismus non tollat actuale culpam. Baptismus enim non tollit actuale culpam, nisi addit contritio: quia nullus suæ voluntatis arbitri constitutus, in quo solum potest esse actualis culpa, potest inchoare novam vitam, nisi poeniteat enim veteris vitæ, ut in littera dicitur. Contritio autem per se etiam sine baptismo delet culpam actuale. Ergo baptismus nihil facit ad deletionem actualis culpæ.

2. Præterea. Diversorum diversæ sunt medicinæ: quia non sanat oculum quod sanat calcaneum, ut dicit Hieronymus * (sup.

EX EDIT. P. NICOLAI.

* Vel suppositicius alius Auctor eius nomine insignitus in illud Marci 11. *The genus demoniorum non trahitur &c.* Nec epistola quoque ad amicum ægeorum Hieronymi est, ut nec in ea id expressè habet.

(sup. Marc. cap. ix. & in epist. ad amicum ægrotum.) Sed baptismus directe ordinatur ut medicina contra peccatum originale. Ergo non (a) potest salvare ab actuali.

3. Præterea. Aliquis qui est in proposito peccandi, non potest consequi peccati remissionem. Sed contingit aliquem, dum baptizatur, peccare venialiter, vel in proposito peccandi venialiter remanere; nec tamen propter hoc reputatur fictus. Ergo etiam in non fictis baptismus non tollit culpam actualem.

Sed contra est quod dicit Augustinus in Enchir. (cap. xlv.) *Baptizati non unius tantum peccato, sed multis magis, aut omnibus moriuntur, quæcumque iam propria commiserunt vel cogitatione, vel locutione, vel opere.* Sed hæc sunt peccata actualia. Ergo baptismus tollit culpam actualem.

Præterea. Baptismus est ordinatus ad tollendum culpam originale. Sed originale non potest tolli sine actuali, etiam ei qui utrumque habet: quia impius est a Deo dimidium sperare veniam, ut infra dicitur dist. xv. Ergo baptismus etiam tollit culpam actualem.

QUAESTIUNCULA II.

1. Ulterius. Videtur quod non tollit omnem penam temporalem debitam actuali peccato. Quia, sicut Augustinus dicit (super Psal. xlv. & lviii.) peccatum aut homo punit, aut Deus. Si ergo homo in seipso non punitur peccatum quod commisit, a Deo punietur; & ita per baptismum actualis peccati poena non totaliter tollitur.

2. Præterea. Culpa non potest ordinari nisi per penam. Sed Deus nil inordinatum relinquit. Ergo non dimittit quin pro culpa aliquam penam infligit; & sic baptismus non absolvit ab omni poena.

3. Præterea. Eucharistia est perfectius sacramentum quam baptismus: quia est speciale representativum passionis Christi, a qua est efficacia in sacramentis. Sed eucharistia non absolvit etiam non indigne percipientes ab omni poena. Ergo multo minus baptismus.

Sed contra est quod dicit Ambrosius (Ambrosiaster) Rom. 11. super illud *Sine penitentia enim sunt dona Dei*. „Gratia Dei“ (inquit) in baptismo non requiritur meritum, vel planctum, vel aliquod opus, sed omnia gratis condonat.

Præterea. Christus sua simplici morte, scilicet penæ, duas mortes in nobis con-

sumpsit, ut dicitur in Glossa Rom. vi. scilicet culpæ, & penæ. Sed in baptismo configuratur homo morti Christi, ut ibidem dicit Apostolus. Ergo absolvitur & a culpa, & a poena.

QUAESTIUNCULA III.

1. Ulterius. Videtur quod etiam tollat omnem penam originalis peccati. Efficacius enim est donum Christi quam peccatum Adæ, ut dicit Apostolus Rom. v. Sed omnis poena peccati originalis est inducta per peccatum Adæ. Ergo per donum Christi, quod maxime in baptismo operatur, omnis poena tollitur.

2. Præterea. Baptismus directe ordinatur contra peccatum originale quam (b) contra peccatum actuale. Sed tollit omnem penam actualis peccati, ut Ambrosius (Ambrosiaster) dicit. Ergo tollit omnem penam originale.

3. Præterea. Cessante causa, cessat effectus. Sed causa penæ est culpa. Si ergo tollit culpam originalem, & per consequens aufert penam.

4. Præterea. Nullus qui est debitor alienius penæ, evolat statim. Sed baptizatus, si statim moriatur, evolat. Ergo non est debitor alienius penæ; & sic baptismus absolvit ab omni poena etiam originali.

Sed contra est, quia in baptizatis etiam caro concupiscit adversus spiritum. Sed hæc pugna est ex peccato originali consecuta. Ergo non tollitur omnis poena originalis peccati per baptismum.

Præterea. Necessitas moriendi, & incarnationis, & penalitates huius vitæ sunt penæ originalis peccati. Sed istæ adhuc manent in baptizatis. Ergo baptismus non tollit omnem penam originalis peccati.

SOLUTIO I.

Respondeo dicendum ad primam questionem, quod in generatione qualibet per introductionem formæ omnis contraria forma expellitur, & etiam dispositio ad formam contrariam, nisi quandoque relinquatur ex indispotione recipientis forma. Unde cum baptismus sit regeneratio in vitam spirituales, omne quod est vitæ spirituali contrarium, quod scilicet cum gratia stare non potest, quæ est spiritualis vitæ principium, per baptismum tollitur: & ideo baptismus delet & originalem, & actualem culpam mortalem, & quantum est de se etiam venialem, quæ disponit ad privationem

(a) Ali. poterat. (b) Ali. deest contra.

nem gratiæ; quamvis quandoque culpa venialis remaneat post baptismum, mortali enim ota, propter indispositionem recipientis (a) baptismum.

Ad primum ergo dicendum, quod baptismus non requirit contritionem quasi continuam ad destructionem peccati actualis, quasi de se ad hoc non sufficiat; sed solum ad removendam fictionem, quæ est contraria dispositio impediens effectum baptismi.

Ad secundum dicendum, quod baptismus non ordinatur tantum contra culpam originalem (alias circumcisio in primitiva Ecclesia non fuisset necessarius baptismus) sed ordinatur ad destruendum omnem culpam quam inveniat, & ad regenerandum in novam vitam, destructa omni vetustate; & ideo est sicut totum potentiale habens completam potentiam ad destruendum totaliter peccatum. Sed poenitentia participat aliquid de potentia, quasi (b) pars potentialis ordinata contra alia peccata, scilicet actualia: quia baptismus iterari non potest.

Ad tertium dicendum, quod quantum est de se, baptismus, ut dictum est, tollit omnem culpam originalem, & actuale non solum mortalem, sed veniale; quæ quamvis non contrarietur gratiæ simpliciter, contrariatur tamen gratiæ baptismali, quæ debet esse perfecta ratione novitatis vitæ. Sed potest impediri effectus eius ex parte recipientis, si sit indispositus per fictionem. Sed cum fictio sit peccatum, sicut peccatum mortale est peccatum simpliciter, ita facit fictum simpliciter, & totaliter effectum baptismi impedit quantum ad remissionem culpæ. Sed peccatum veniale quod in actu, vel in proposito est, facit fictum secundum quid, & est secundum quid peccatum, ut dispositio ad peccatum: & ideo impedit effectum baptismi non simpliciter, sed quantum ad remissionem illius venialis.

SOLUTIO II.

Ad secundam questionem dicendum, quod Christus per mortem suam sufficienter satisfecit pro peccatis totius humani generis, etiam si essent multo plura. Et quia homo per baptismum in mortem Christi baptizatur, & ei commoritur, & consepelitur, ut dicitur Roman. vi. ideo baptismus, quantum in se est, totam efficaciam passionis in baptizatum infundit; & propter hoc absolvit non solum a culpa, sed a pœna satisfactoria.

Ad primum ergo dicendum, quod per baptismum homo incorporatur Christo, & efficitur membrum eius: & ideo pœna quam Christus sustinuit, reputatur isti in satisfactionem: quia si patitur unum membrum, omnia alia compatiuntur, ut dicitur I. Corinth. xi. & ideo Deus in Christo peccata illa punivit, sicut dicitur Isai. liii. *Posuit in eo iniquitatem omnium nostrum.*

Ad secundum dicendum, quod pœna ordinatur culpam dupliciter. Uno modo ut satisfaciens; & sic culpa remanet ordinata per satisfactionem Christi. Alio modo ut medicina sanans, vel representans membrum sanabile; & sic culpa in baptizatis ordinatur ut sanata per gratiam oppositam.

Ad tertium dicendum, quod quamvis eucharistia sit memorialis passionis Christi, non ordinatur tamen ad hoc quod per ipsam homo regeneretur in membrum Christi crucifixi, sed ut iam regeneratus ei adhæreat, & in ipso perficiatur: & ideo non est similis ratio de baptismo, & eucharistia.

SOLUTIO III.

Ad tertiam questionem dicendum, quod in peccato originali talis fuit processus quod persona corrupta naturam, & natura personam corrupta: unde aliquid consideratur in hoc peccato quod pertinet ad naturam, aliquid quod pertinet ad personam. Passio autem Christi sufficienter peccatum originale abstulit quantum ad utrumque. Sed quia sacramenta personis adhibentur, ideo baptismus hoc ab homine tollit quod ex corruptione naturæ in personam redundabat; & propter hoc ipsam infestationem culpæ, prout afficit personam, & pœnam illam quæ actum personæ privabat, scilicet carentiam visionis divinæ, baptismus aufert; sed non aufert actu infestationem prout afficit naturam; quod patet ex hoc quod baptizatus per actum naturæ originale transmittit in prolem: similiter nec pœnas quæ consequuntur principia naturæ destituta gratia innocentie primi status, cuiusmodi sunt rebellio carnis ad spiritum, mors, & huiusmodi pœnalitates, quæ consequuntur ex hoc ipso quod homo ex contrariis compositus est & quantum ad corpus, & quantum ad animam quodammodo, scilicet quantum ad appetitum sensus, & intellectus. Sed per gratiam baptismalem efficitur hæ pœnæ remanentes non dominantur in personam, sed magis ei subiciantur, & in utilitatem ipsius cedant, inquantum

(a) *scilicet* per baptismum. (b) *scilicet* deest pars.

tum sunt materia virtutis, & occasio humilitatis, & exercitii.

Ad primum ergo dicendum, quod passio Christi sufficienter aufert & illud quod est personæ, & illud quod est naturæ per causam. Sed quia omnes homines in natura communicant, ideo effectus secundum legem communem curationis naturæ non erit nisi in fine mundi, quando omnibus electis iam congregatis, simul cum eis etiam alia creatura insensibilis liberabitur a servitute corruptionis, ut dicitur Rom. viii.

Ad secundum dicendum, quod ea quæ ad peccatum actuale pertinent, sunt tantum personæ, quia actus individuum sunt, secundum Philosophum (I. Metaph. cap. i.) & idem non est simile de pœna actualis, & origoalis.

Ad tertium dicendum, quod tollitur culpa origoalis per baptismum, in quantum est infectiva personæ, non autem in quantum est infectiva naturæ per actum generationis: & ideo pœnæ quæ ad corruptionem naturæ pertinent, etiam non tolluntur.

Ad quartum dicendum, quod baptizatus statim evolat, quia nulla pœna debetur sibi ratione personæ, sed ratione naturæ humanæ, quæ post mortem non manet secundum hunc statum, in quo sibi pœna debetur.

ARTICULUS II.

Utrum per baptismum conferatur pueris gratia, & virtutes.

III. P. quæst. lxx. art. 4. 6. & 7.

1. **A**D secundum sic proceditur. Videtur quod per baptismum non conferatur pueris gratia, & virtutes. Dicit enim Augustinus in Libro de baptismo parvulorum (vel epist. xxii. ad Bonifacium Episc.) *Parvulos fideles facit non fides ea quæ consistit in credentium voluntate, sed fidei sacramentum.* Sed fides quæ est virtus, consistit in credentium voluntate ut in III. Libro dist. xxii. (quæst. ii. art. 3. quæstiunc. i.) dictum est. Ergo parvuli baptizati non habent virtutem fidei, & pari ratione nec alias virtutes, quæ etiam in volutate consistunt.

2. Præterea. Si aliquid de novo recipia-

tur in aliquo, oportet quod recipiens, vel influens alio modo se habeat nunc quam prius. Sed anima pueri baptizati non alio modo se habet dum baptizatur quam prius, quia proprium motum non habet, carens liberi arbitrii usu; nec Deus, qui est iofluens gratiam, & virtutes. Ergo pueri in baptismo gratiam, & virtutes non recipiunt.

3. Præterea. Damascenus dicit (de Fide orthodox. Lib. II. cap. xxii.) quod substantia nullo modo est sine propria operatione. Sed constat quod in puero non sunt operationes virtutum, quia non habet electionem, ut dicitur in III. Ethic. (cap. iv. vel v.) quæ in opere virtutis requiritur. Ergo non habet virtutes.

4. Præterea. Virtutes, cum sint habitus, habitant ad actum. Sed pueri non sunt habiles ad agendum quæ secundum virtutem sunt. Ergo non recipiunt virtutes in baptismo.

Sed contra. Augustinus dicit *, quod fides datur, & nutritur in baptismo: quod quantum ad parvulos, nutritur quantum ad adultos. Sed fides est virtus. Ergo virtutes dantur parvulis in baptismo, & eadem ratione aliarum virtutes.

Præterea. Nullus admittitur ad gloriam, nisi habeat vestem nuptialem, quæ est caritas. Sed pueri baptizati, si moriantur, statim evolvant. Ergo habent caritatem, quæ est magistra virtutum, & per consequens alias virtutes.

QUAESTIUNCULA II.

1. Ulterius. Videtur quod in adultis virtutes per baptismum non augeantur. Augmentum enim virtutum est per meritum: quia secundum Augustinum (tract. lxxiv. in Ioan. circa med.) caritas meretur augeri, ut aucta mereatur & perfici. Sed in baptismo non operatur meritum baptizati quantum ad opus operatum. Ergo ex opere operato virtutes in baptismo non augentur.

2. Præterea. Cibus corporalis in eo qui iam pervenit ad quantitatem determinatam, non facit augmentum. Sed potest esse quod aliquis ante baptismum perveniat ad quantitatem gratiæ baptismalis quam puer recipit, in quo nullum est impedimentum. Ergo baptismus nihil supra gratiam adiciet.

Sed

EX EDIT. P. NICOLAI.

* Ubi hoc dicit, non expresse occurrat quavis catechumenos baptizandos fidem iam habere supponamus.

Sed contra. Super illud Psal. xxxi. *Super aquam refectionis educavit me*, dicit Glossa (equivallenter.) „Per augmentum virtutis, & bonæ operationis educavit in „ baptismo. “ Ergo baptismus augeat virtutes habentibus.

QUAESTIUNCULA III.

1. Ulterius. Videtur quod baptismi effectus non sit illuminatio. Quia illuminatio ad doctrinam pertinet. Sed doctrina fidei est per catechismum, qui præcedit baptismum. Ergo non est actus baptismi.

2. Præterea. Illuminatio contra ignorantiam ordinatur. Sed secundum quosdam baptismus non ordinatur contra ignorantiam, sed magis ordo. Ergo illuminatio non est effectus baptismi, sed magis ordinis.

Sed contra est quod Damascenus (de Fide orthodox. Lib. IV. cap. x.) ponit inter effectus baptismi illuminationem, ut patet ex eius definitione in præcedenti distincta.

QUAESTIUNCULA IV.

1. Ulterius. Videtur quod secundatio non sit effectus baptismi. Non enim idem est quo aliquis active generat, & passive generatur. Sed baptismus est regeneratio passiva baptizati. Cum ergo secunditas importet generationem activam, videtur quod non pertineat ad baptismum.

2. Præterea. Fecunditas est proprietas consequens aliquid quantum ad perfectum statum sui: quia, ut dicitur in IV. Metheor. (cap. iiii.) perfectum unumquodque est, quando potest alterum generare. Sed baptismus non ordinatur ad perficiendum, sicut eucharistia, & confirmatio secundum Dionysium (de eccle. Hierarch. cap. ii. & iii.) sed magis ad illuminandum, & purgandum. Ergo baptismus non habet fecunditatem pro effectu.

Sed contra est quod dicit Glossa (interlinealis) super illud Psal. xxxi. *Super aquam refectionis*: „Anima peccatorum ariditate sterilis fecundatur per baptismum.“

QUAESTIUNCULA V.

1. Ulterius. Videtur quod incorporari Christo non sit effectus baptismi. Aliquis enim incorporatur Christo, & membris eius per fidem formatam, ut in III. Lib. dist.

xxxi. dixit Magister. Sed aliquis habet fidem formatam etiam ante baptismum. Ergo incorporatio non est effectus baptismi.

2. Præterea. Incorporatio est effectus eucharistie. Sed ad eundem effectum non ordinantur diversa sacramenta. Ergo non est effectus baptismi.

Sed contra est quod Augustinus dicit ad Bonifacium (epist. xxxii.) quod in baptismo aliquis membrum Christi efficitur. Sed hoc est Christo incorporari. Ergo incorporatio est effectus baptismi.

QUAESTIUNCULA VI.

1. Ulterius. Videtur quod apertio ianuæ non sit effectus baptismi. Quidam enim ante passionem Christi baptizati sunt. Sed tunc eis ianuæ non est aperta: quia si aliquis eorum tunc decessit, regnum non introivit. Ergo baptismus non aperit ianuam regni caelestis.

2. Præterea. Baptismus repræsentat passionem Christi, non resurrectionem, ut videtur. Sed in resurrectione est aperta ianuæ, ut patet per collectam quæ dicitur in die resurrectionis: *Deus qui hodierna die per Unigenitum tuum æternitatis nobis aditum devicta morte revertisi*. Ergo non debet iste effectus baptismi attribui.

Sed contra est auctoritas Bedæ supra inducitur (dist. i.) quod in hoc differbat circumcisio a baptismo quod aditum regni caelestis non aperiebat.

SOLUTIO I.

Respondeo dicendum ad primam questionem, quod circa hoc est multiplex opinio.

Quidam enim dixerunt, quod pueris in baptismo nullo modo virtutes dantur, sed solum a peccato originali mundantur; sed postea quando decedunt, vel quando ad perfectam ætatem veniunt, eis virtutes conferuntur, si innocentiam servant. Sed hæc opinio non potest stare: quia lignum cum præcisum fuerit, ubi ceciderit, ibi stabit: Eccle. xi. & ideo si pueris ante mortem non fuissent collatæ virtutes, & gratia operans, & cooperans, nec in morte eis conferrentur, & sic non salvarentur; quod falsum est. Videtur autem hæc opinio venisse ex hoc quod virtutes actus tantum esse credebant; quod falsum est, ut in II. Libro dist. xxvii. (quæst. i. art. i.) dictum est, R

Et ideo alii dicunt, quod pueris in baptismo dantur gratia, & virtutes non in seipsis, sed in radice sua, scilicet gratia quae est radix virtutum, sicut essentia animae potentiarum; sed postea quando solvuntur potentiae, perfectis organis, effluunt virtutes in ipsa ab ipsa essentia animae. Sed hoc pro tanto esse non potest, quia tunc si puer in furiam verteretur, antequam ad perfectam aetatem veniret, numquam in ipso potentiae solverentur, & ita numquam virtutes explicite haberet: & praeterea quod potentiae sunt ligatae aliquo impedimento, non impeditur habitum, sed actum: quia dormientes, & violenti habitus habent, sed ligatos.

Et ideo alii dicunt, & melius, quod pueris in baptismo dantur gratia, & virtutes; sed habitus illi ligati sunt propter pueritiam, sicut in dormiente propter somnum: sed pueritia descendente inclinant ad bene operandum, nisi aliquis Spiritui sancto resistat.

Ad primum ergo dicendum, quod Augustinus loquitur de fide, & voluntate actuali, quae in pueris esse non potest.

Ad secundum dicendum, quod quamvis agens principale sit immobile, tamen agens instrumentale non eodem modo se habet nunc & prius ad puerum: quia nunc adhibetur sibi baptismus, non autem prius. Tamen etiam sine aliqua mutabilitate sui Deus alicui puero posset gratiam conferre, etiam sine adhibitione sacramenti, si ab aeterno disposuisset se ei daturum, sicut patet de sanctificatione in utero.

Ad tertium dicendum, quod duplex est actus virtutum. Unus primus, qui est perficere animam, & potentias eius; & hunc actum etiam pueri habent. Alius est secundus, qui est operari cum electione; & hunc actum non semper habent: quia earum operationes sunt voluntariae, & voluntas non habet necessesse agere, etiam in adultis.

Ad quartum dicendum, quod habitus facit habilem ad actum tollendo inhabilitatem quae est ex imperfectione potentiae; non autem tollit inhabilitatem quae est ex parte corporis, sicut patet in dormientibus.

SOLUTIO II.

Ad secundam quaestionem dicendum, quod per easdem causas (a) virtus generatur, & augetur, ut dicit Philosophus in 1. Th. Oper. Tom. XII.
(a) scilicet illis quibus generatur.

II. Ethic. (cap. 1.) & ideo quia baptisimus est conferre virtutem, & gratiam non habentibus, oportet quod in habentibus augeat.

Ad primum ergo dicendum, quod in baptismo quamvis non operetur meritum baptizati, operatur ibi tamen meritum Christi, quod est efficacius.

Ad secundum dicendum, quod gratia non habet aliquem determinatum terminum ad quem pettingat, vel ultra quem procedere non possit, sicut est de quantitate animalis: & ideo non est simile.

SOLUTIO III.

Ad tertiam quaestionem dicendum, quod lumen est quo dirigimur in visionem alicuius rei. Baptismus autem dirigit in visionem spirituales exteriorum, & interiorum. In interiorem quidem, in quantum baptismus dicitur sacramentum fidei, quae oculus mentis idoneum facit ad visionem divinorum; exteriori vero, quia baptizatis conceditur inspicere sacramentum eucharistiae, & non aliis, ut Dionysius dicit: & ideo tam Damascenus quam Dionysius baptismum vim illuminativam attribuunt.

Ad primum ergo dicendum, quod fides principaliter est ex infusione, & quantum ad hoc per baptismum datur; sed quantum ad determinationem suam est ex auditu; & sic homo ad fidem per catechismum instruitur.

Ad secundum dicendum, quod scientia plus dicitur quam illuminatio. Importat enim comprehensionem eorum ad quorum visionem illuminatio dirigebat: & ideo scientia ad perfectionem pertinet: unde Dionysius doctos perfectos nominat, & doctores perfectiores: & sic contra ignorantiam ordo datur, ut scilicet ordinati sint docti, & etiam doctores aliorum.

SOLUTIO IV.

Ad quartam quaestionem dicendum, quod secundum dicitur dupliciter. Uno modo respectu fructus producendi in ipso qui dicitur secundarius, sicut operationes virtutum quidam fructus boni dicuntur; & hoc modo secundatur anima in baptismo, cum in eo dentur virtutes non habentibus, & augeantur habentibus. Alio modo respectu fructus producendi in altero, sicut cum aliquis per doctrinam, & sollicitudinem pastorem in plebe Dei fructum facit; & hoc modo secundatio non pertinet ad

N ba-

baptifmum, fed magis ad sacramentum ordinis.

Ad primum ergo dicendum, quod ex eodem ex quo aliquid habet generationem in natura aliqua, habet quod faciat operationes illius naturæ: & ideo cum per baptismum homo regeneretur in vitam spirituales, per ipsum homo efficitur ædive fecundus, & quasi genitor spiritualium operum.

Ad secundum dicendum, quod ratio illa procedit de secunda fecundatione.

SOLUTIO V.

Ad quintam quæstionem dicendum, quod incorporari Christo contingit dupliciter, scilicet aliquis de Ecclesia effici (quod est Christo incorporari) etiam ante baptismum actu susceptum, sed non ante baptismi propositum, vel ipsum baptismum post tempus gratiæ revelatæ; sed numero non potest aliquis effici de Ecclesia nisi per baptismum: unde aliquis ante baptismum non admittitur ad perceptionem eucharistiæ, & aliorum sacramentorum Ecclesiæ, ut prius dictum est.

Ad primum ergo dicendum, quod obiectio illa procedit de prima incorporatione.

Ad secundum dicendum, quod perceptio eucharistiæ præsupponit incorporationem absolutam: quia capitis virtus non communicatur membra nisi iam unito. Sed per eucharistiam est perfecta insuentia a capite in membro; & quantum ad hanc perfectionem incorporatio est effectus eucharistiæ.

SOLUTIO VI.

Ad sextam quæstionem dicendum, quod aperiri ianuam regni cælestis nihil aliud est quam amovere impedimentum quo aditus in regnum cæleste toti naturæ humanæ prohibebatur. Hoc ergo impedimentum absolute quantum ad omnes remotum fuit sufficienter per passionem Christi; sed illa remotione efficiens fit quo ad istum, secundum quod participes fit passionis Christi iam factæ per baptismum, & sic baptismus quasi causa instrumentalis aperit ianuam regni cælestis quo ad istum, sed passio ut causa satisfactoria quo ad omnes.

Ad primum ergo dicendum, quod hæc ratio erat, quia passio Christi, in cuius

virtute baptismus agit, nondum facta erat, nec per eum aditus regni cælestis apertus: unde ratio probat quod baptismus non habeat hanc virtutem quasi causa principalis.

Ad secundum dicendum, quod aditus regni cælestis aperitur tripliciter. Uno modo quantum ad gloriam animæ; & sic in passione apertus est: unde dictum est Ieroni, Luc. xxiii. 43. *Hodie mecum eris in paradiso*. Alio modo quantum ad gloriam corporis; & sic apertus est in resurrectione. Alio modo quantum ad locum gloriæ congruentem; & sic apertus est in ascensione. Et his tribus modis baptismus instrumentaliter aperit quo ad istum: agit (a) enim virtute & passionis, & resurrectionis, & ascensionis, in quantum homo configuratur Christo passo per immersionem, qua quodammodo Christo confepelitur, & ei resurgenti quantum ad nitorem, qui resultat ex aqua, & ascendenti quantum ad elevationem baptizati de sacro fonte. Unde baptismus passioni appropriatur: quia etiam gloria animæ principalior est, & causa quodammodo aliorum; & in huius signum baptizato Domino cæli aperti sunt super eum: Matth. xii.

ARTICULUS III.

Utrum baptismus æqualem effectum habeat in omnes quantum ad remotionem mali.

III. P. quæst. lxxix. art. 8.

1. **A**D tertium sic proceditur. Videtur quod baptismus non æqualem effectum habeat in omnes quantum ad remotionem mali. In adultis enim removet peccatum actuale, & originale; sed in pueris originale tantum. Ergo plus efficit in adultis quam in pueris quantum ad mali remotionem.

2. Præterea. Mitigatio somitis est effectus baptismi. Sed post baptismum in quibusdam invenitur somes magis mitigatus quam in aliis. Ergo in eis efficacius baptismus se habuit in remotione mali.

Sed contra. Baptismus habet efficaciam ad removendum malum, secundum quod habet quandam similitudinem mortis. Sed morientium unus non magis moritur quam alius. Ergo & baptismus æqualiter in omnibus mala aufert.

QUAE-

QUAESTIUNCULA II.

1. Ulterius. Videtur quod etiam æqualis gratia omnibus in baptismo conferatur, qui non fide accedunt. In baptismo enim operatur passio Christi, quæ habet quodammodo efficaciam infinitam. Sed finitum infinito additum nihil maius efficit. Cum ergo devotio accedens qua unus alium excedit, sit quoddam bonum finitum, videtur quod devotio, vel aliquid huiusmodi efficere non possit quin omnes in baptismo æqualem gratiam consequantur.

2. Præterea. Ad baptismi effectum capiendum non requiritur alia causa, sed solum ut impedimentum removeatur. Sed nullus recipit gratiam in baptismo, nisi ab eo sit impedimentum remotum. Ergo omnes recipiunt gratiam æqualem.

Sed contra. Damascenus dicit (Lib. IV. de Fide orth. cap. x.) quod peccatorum remissio cunctis æqualiter in baptismo datur, gratia autem Spiritus sancti secundum proportionem fidei, & secundum purgationem. Sed non omnes cum æquali fide, nec æqualiter preparati ad baptismum accedunt. Ergo non omnes æqualiter gratiam consequuntur.

QUAESTIUNCULA III.

1. Ulterius. Videtur quod nec etiam pueri in baptismo consequantur æqualem gratiam. Quia in Angelis secundum quantitatem naturalium gratia infundebatur. Sed unus pueriorum habet meliora naturalia quam alius. Ergo & maiorem gratiam in baptismo recipit.

2. Præterea. Quidam in baptismo recipiunt gratiam finalem, qui innocentiam baptismalem usque ad finem servant, quidam autem non. Ergo etiam de pueris alii quibus maiorem gratiam consequuntur.

Sed contra. Gratia baptismalis in pueritia non opponitur nisi peccato originali. Sed unus puer non habet plus de peccato originali quam alius. Ergo nec maiorem gratiam baptismalem recipit unus alio.

SOLUTIO I.

Respondeo dicendum ad primam questionem, quod baptismus universaliter aufert in eo qui non fide accedit, culpam personam inficientem, quam invenit, ut dictum est; & sic accedit ad terminum. Ea autem quæ in termino sunt, intensiorem non recipiunt; & ideo quantum ad remotionem culpæ, æqualem effectum ha-

bet in omnibus baptismus; & similiter est de pœna personali, quæ respondet culpæ originali, prout est inficiens personam, scilicet carentia divinæ visionis. Sed contra aliam pœnam ex principiis naturæ corruptæ consequentem, sicut est concupiscentia, vel fomes, remedium adhibetur in baptismo, ut non dominetur per gratiam in baptismo collatam; & ideo simile est de pœna illa, & de gratia.

Ad primum ergo dicendum, quod hoc non est de efficacia baptismi quod non tot peccata destruit in uno quot in alio; sed quia non tot invenit in uno quot in alio: ideo quolibet enim destruit omnia quæ invenit.

Ad secundum dicendum, quod illa obiectio procedit de secunda pœna, quæ habet reprimi per baptismum ex parte gratiæ collatæ.

SOLUTIO II.

Ad secundam questionem dicendum, quod actus activorum recipiuntur in passivis secundum suam dispositionem; & ideo quamvis baptismus (ut & passio Christi, quæ in eo operatur) quantum est de se, æqualem respectum ad omnes habeat; quia tamen quidam ad baptismum cum maiori præparatione fidei, & devotionis accedunt quam alii, ideo quidam aliis maiorem gratiam consequuntur. Nullus enim gratiam in termino recipit, ut intendi non possit per baptismum.

Ad primum ergo dicendum, quod devotio baptizati non additur quasi causa, ut efficienter agat ad gratiæ receptionem; sed additur quasi dispositio materialis; & ideo secundum diversitatem ipsius participatur baptismi effectus.

Ad secundum dicendum, quod quando adultus baptizatur, non solum requiritur ad percipiendum baptismi effectum removens prohibens, scilicet fictionem, sed etiam requiritur dispositio quasi materialis, scilicet devotio, & fides recipientis baptismum; & secundum quod magis vel minus invenitur dispositus, effectum baptismi diversimode consequitur.

SOLUTIO III.

Ad tertiam questionem dicendum, quod in pueris baptizatis nihil ex parte eorum requiritur, sed habent quasi pro dispositione ad salutem fidem Ecclesiæ, & pro effectivo salutis virtutem passionis Christi, quæ operatur in baptismo; & hæc duo æqualiter ad pueros se habent; & ideo non

differtur quantum ad effectum baptismi suscipiendum, sed omnes aequalem gratiam suscipiunt.

Ad primum ergo dicendum, quod non est simile de pueris, & de Angelis: quia Angeli differunt specie secundum multorum opinionem, pueri autem non: unde non est tanta differentia naturalium in pueris sicut in Angelis. Vel dicendum, quod in Angelis secundum proportionem gradus naturalium erat etiam proportio conatus, qui ex parte eorum requirebatur, & ideo accipiebant gratiam secundum proportionem naturalium; in pueris autem non requiritur aliquis actus ex parte eorum: & ideo non est simile.

Ad secundum dicendum, quod gratia accepta in pueris, non facit eis necessitatem ad bonum, sed inclinationem tantum: & ideo postquam ad perfectam aetatem pervenerint, possunt diversimode gratia recepta uti: & inde est quod quidam proficiunt, & perseverant, quidam vero deficiunt; non ex diversa quantitate gratiae in baptismo perceptae.

QUAESTIO III

Deinde quaeritur de recipientibus baptismum: & circa hoc quaeruntur tria.

Primo. De pueris, & aliis usu rationis carentibus, quos constat sacramentum, & rem sacramenti percipere.

Secundo. De his qui recipiunt sacramentum, & non rem sacramenti.

Tertio. De baptizatis baptismi flaminis, & sanguinis, qui non recipiunt sacramentum, sed rem sacramenti.

ARTICULUS I

Utrum pueri sacramentum suscipere possint.

III. P. quest. lxxviii. art. 9. & 12

1. **A**D primum sic proceditur. Videtur quod pueri sacramentum suscipere non possint. Marc. ult. 16. *Qui crediderit, & baptizatus fuerit, salvus erit*: ex quo patet quod credere praesupponitur ad baptismum. Sed pueri non possunt credere, quia non possunt aliquid cum assertionem cogitare. Ergo pueri non possunt suscipere sacramentum baptismi.

2. Præterea. In baptismo fit quædam obligatio hominis ad ea quæ sunt fidei chri-

stiana servanda. Sed obligatio non potest fieri nisi ab eo qui est sui voluntatis arbitri constitutus. Ergo pueri sacramentum baptismi suscipere non possunt.

3. Præterea. Per baptismum, ut dicit Dionysius (cap. 11. de celest. Hierarch.) fit aliquis particeps communionis divinum. Sed pueris non competit sacra communicare. Ergo non competit eis sacramentum baptismi.

Sed contra est quod Dionysius dicit ult. cap. cel. Hierar. quod *divini nostri duces*, scilicet Apostoli, *probaverunt infantes recipi ad baptismum*. Ergo pueri possunt sacramentum baptismi recipere.

Præterea. Baptismus circumcisiōni succedit. Sed circumcisiō pueris conferebatur. Ergo & baptismus pueris debet dari.

QUAESTIUNCULA II.

1. Uterius. Videtur quod melius sit baptismum differri quam statim in pueritia dare, nisi necessitas mortis emergat. Quia omnis Christi actio, nostra est instructio. Sed Christus baptismum accipere voluit in tricesimo anno vite suæ, ut dicitur Luc. 111. Ergo & similiter apud nos debet usque ad tempus perfectæ ætatis differri.

2. Præterea. Medicina efficax debet sumi quando maxime potest iuvare. Sed baptismus maxime iuvare in fine vite, vel saltem in perfecta ætate: quia per ipsum omnia delicta adolescentiæ, & iuventutis solvantur. Ergo usque tunc deberet differri.

3. Præterea. Magis afficitur homo ad ea quæ ex seipso acquirit quam ad ea quæ ab alio accipit: unde & illi qui ex propria acquisitione divitias habent, non sunt ita liberales sicut qui ab aliis acceperunt, ut dicit Philosophus in IV. Ethic. (cap. 11.) Sed pueri qui baptizantur, quasi ab aliis baptismum suscipiunt; adulti autem ex seipsis ad baptismum accedunt. Ergo magis afficerentur ad fidem christianam, quæ in baptismo suscipitur, si baptizarentur adulti quam si baptizarentur infantes.

Sed contra. Medicina debet quam citius morbo apponi. Sed baptismus est medicina contra originale peccatum, quod etiam in pueris est. Ergo debet eis baptismus dari statim.

Præterea. Melius est impedire malum ne fiat, quam iam factum destruere. Sed per baptismum debilitatur sors, ne domineatur in nobis, & in peccatum actuale nece-

nos præcipitet : & sic in pueritia susceptus futura peccata impedit. Ergo melius est tunc dari baptismum quam postea ad destruendum peccata præterita.

QUAESTIUNCULA III.

1. Ulterius. Videretur quod adultis usu rationis carentibus baptismum dari non debeat. In adultis enim non solum per baptismum originale, sed etiam actualia peccata solvuntur. Sed contra actuale peccatum, quod quis ex seipso commisit, requiritur proprius motus liberi arbitrii. Ergo his adultis qui usum liberi arbitrii non habent, baptismus dari non debet.

2. Præterea. Nulli contradicenti sacramentum exhiberi oportet. Sed quandoque amentes, & furiosi contradicunt. Ergo eis baptismus dari non debet.

3. Præterea. Dormientes secundum Philosophum vivunt vita plantæ. Sed baptismus non datur nisi viventi vita humana, quæ est secundum animam rationalem. Ergo dormienti baptismus dari non oportet.

Sed contra est quod Augustinus dicit IV. Confess. (cap. iv.) de amico suo, qui cum desperaretur, baptizatus est ne sciens; & tamen in ipso baptismus efficaciam habuit: quod patet ex hoc quod postea perverſæ suasioni contradixit. Ergo etiam carentibus usu rationis baptismus dari potest.

Præterea. Pueri, qui numquam habuerunt usum rationis, baptizantur. Ergo multo amplius illi qui aliquando habuerunt, quamvis nunc non habeant.

SOLUTIO I.

Respondetur dicendum ad primam questionem, quod diversis status mundi comparantur diversis ætatibus unius hominis, sicut Augustinus dicit in Lib. lxxxvii. questionum (quæst. lxxi. & filius, ac expectatus quæst. lxxvii.) Unde sicut nullus status mundi fuit in quo esset humano generi præclusa via salutis, ita nulla ætas hominis unius est in qua sibi via salutis recludatur. Unde cum in pueris sit peccatum originale, per quod a consecutione æternæ salutis impediuntur, oportet quod eis adhiberi possit aliquod remedium ad removendum prædictum impedimentum. Hoc autem est baptismus. Unde divinæ misericordie contradicit qui negat baptismum parvulis posse exhiberi; & propter hoc hæreticum est hoc dicere.

Ad primum ergo dicendum, quod pueri quamvis non habeant actum fidei, habent tamen habitum, quem in baptismo suscipiunt, sicut & habitus aliarum virtutum. Sed si verbum Domini intelligatur de actu fidei, tunc referendum est ad illos tantum qui per doctrinam Apostolorum imbuendi erant, de quibus prædixerat: *Prædicato Evangelium omni creatura*: nulli enim eorum quibus Evangelium prædicandum erat, baptismus dari debebat, nisi crederet.

Ad secundum dicendum, quod obligatio in baptismo non sit ad aliquid ad quod non omnis homo teneatur.

Ad tertium dicendum, quod sicut ille qui ascribitur ad militiam, non oportet quod statim in pugnam vadat, sed quando opportunitas imminet; ita nec ille qui in baptismo ascribitur ad divinas actiones, oportet quod statim ad eas dimittatur, sed quando tempus opportunum fuerit.

SOLUTIO II.

Ad secundam questionem dicendum, quod magis laudabile est quod pueri quam citius poterint baptizentur commode, non expectata perfecta ætate propter tres rationes. Primo quia propter imbecillitatem naturæ de facili mori possunt, & damnari: unde ut damnationis periculum evitetur, debent baptismum præveniri. Secundo propter infestationes demonum, qui non habent tantam potestatem in pueris baptizatis ab originali mundatis, quantum in illis qui adhuc originale habent neque quantum ad nocumenta spiritualia, neque quantum ad nocumenta corporalia. Tercio quia in pueritia facilius homo ad aliqua inducitur, & firmius inhaeret, secundum quod Philosophus dicit in II. Ethic. cap. i. *Non parum refert ex iuvene confestim assuescere, sed multum; magis autem omni*: & hanc causam assignat Dionysius in fine eccles. Hierarc. dicens: *Tradidit autem puerum sacris symbolis, id est sacramentalibus signis, summus sacerdos, ut cum eis conversetur, & neque formetur in vitam alteram, nisi divina contemplantem semper*.

Ad primum ergo dicendum, quod Christus suscepit baptismum quasi ipsum influens, vel consecrans. Hoc autem ad doctores, vel sacerdotis officium pertinet nunciare viam salutis: & ideo ante tempus perfectæ ætatis, quod competit esse in doctore, vel sacerdote, baptizari non debuit. Nec est simile de aliis qui baptismum suscipiunt, ut ab eo teneantur.

Ad secundum dicendum, quod in baptismo confertur gratia ad bene vivendum, & peccata tolluntur præterita, & impediuntur futura: & ideo quamvis baptismus in fine vitæ susceptus plura peccata præterita tolleret, tamen pauciora impediret, & ad pauciora bona promoveret; & ideo minus esset utilis. Præterea. Multis casibus subiacer humana vita, & posset contingere ut qui baptismum in fine accipere expectaret, morte subita præventus expectatione sua fraudaretur.

Ad tertium dicendum, quod gratia baptismalis non est per acquisitionem hominis, sed dono Dei. Præterea status paupertatis ante divitias acquisitas non inclinat affectum ut homo paupertatem sequatur, sed magis ut paupertatem fugiat; status autem peccati ante gratiam, vel virtutem relinquit propter assuetudinem (a) inclinationem in anima ut facilius in peccatum labatur: & ideo non est simile de acquisitione pecuniæ, & gratiæ, vel virtutis.

SOLUTIO III.

Ad tertiam quæstionem dicendum, quod de amentibus distinguendum est. Quidam enim sunt qui ex nativitate amentes fuerunt, & numquam habent aliqua lucida intervalla; & de talibus videtur esse idem iudicium quod de pueris. Quidam autem amentiam incurrunr ex infirmitate, vel aliquo huiusmodi, & habent aliqua lucida intervalla; & de istis dicendum est, quod si antequam amentiam incurrerunt, vel dum habent lucida intervalla, fuerunt in proposito baptismum suscipiendi, si necessitas sit, possunt baptizari, & baptismi sacramentum suscipiunt, & rem sacramenti, etiam si tunc actu dissentiant quando baptizantur in amentia existentes. Si autem ante amentiam contradixerint, non recipiunt sacramentum, neque rem sacramenti.

Ad primum ergo dicendum, quod sicut in adulto, qui habet usum rationis, disponit ad gratiam baptismalem suscipiendam motus liberi arbitrii quem habet dum baptizatur; ita in amente motus liberi arbitrii quem habebat dum sanæ mentis erat.

Ad secundum dicendum, quod effectus baptismi in mente suscipitur, nec impeditur nisi ex contradictione mentis. Illi autem qui mentis usum non habent, non contradicunt mente, sed magis phantasia

ducti: & ideo talis contradictio effectum baptismi non impedit, quando mentis consensus præcessit.

Ad tertium dicendum, quod dormientes baptizandi non sunt, nisi periculum mortis immineat: & tunc similiter distinguendum est de dormientibus sicut de illis qui amentiam incurrunr post statum sanæ mentis.

ARTICULUS II.

Utrum aliqua indispositio voluntatis humanæ possit effectum baptismi impedire.

t. AD secundum sic proceditur. Videtur humanæ possit effectum baptismi impedire. Ea enim quæ sunt a natura, sunt magis permanentia quam ea quæ sunt a voluntate. Sed originale est peccatum naturæ, quod baptismi effectum non impedit. Ergo nec aliqua indispositio voluntatis baptismum in suo effectum impedire potest.

2. Præterea. In naturalibus indispositio materiæ non impedit effectum agentis totaliter, nisi quando contraria dispositio quæ est in materia, est sortior quam virtus agentis, sicut patet de aqualitate lignorum per comparisonem ad calorem ignis. Sed virtus divina, quæ in sacramentis secretis operatur salutem, ut Augustinus dicit (Lib. XV. de Civ. Dei cap. vi. & quæst. xx. in Levit.) est potentior qualibet indispositione nostræ voluntatis. Ergo non potest propter indispositionem voluntatis effectus baptismi totaliter tolli.

3. Præterea. Baptismus, sicut & alia sacramenta, instrumentum est divinæ misericordiæ operantis salutem. Sed divina misericordia operans salutem etiam voluntatem in bonum mutat per gratiam prævenientem. Ergo & baptismus indispositionem voluntatis magis tollit quam ab ea impediatur.

Sed contra. Rom. 11. super illud, *Sine penitentia sunt dona Dei, & vocatio*, dicit Ambrosius, quod gratia Dei in baptismo non requirit nisi solam fidem, & contritionem. Sed per hæc duo tollitur omnis contrarietas voluntatis ad gratiam. Ergo requiritur ad baptismum ut indispositio voluntatis tollatur.

Præterea. Secundum Augustinum (de verbis Apost. serm. xv.) *qui creavit te sine te, non iustificabis te sine te*. Sed ille qui habet indis-

(a) id. inclinamenta

indispositam voluntatem, non cooperatur Deo, immo magis in contrarium operatur. Ergo in baptismo non iustificatur.

QUAESTIUNCULA II.

1. Uterius. Videtur quod huiusmodi voluntatis indispositio non debeat dici fictio. Secundum enim unumquodque genus peccati contingit voluntatem esse indispositam ad baptismalem gratiam susceptionem. Sed fictio est speciale peccatum, quia opponitur speciali virtuti, scilicet veritati, ut patet per Philosophum in IV. Ethic. (cap. v.) Ergo non debet dici universale impedimentum baptismalis gratiae.

2. Præterea. Augustinus dicit (Lib. VII. de baptis. contra Donatistas cap. lxxv.) quod fictus est qui non credit. Sed sicut in baptismo datur fides, ita & aliae virtutes, & præcipue caritas, per quam aliquis fit Filius Dei. Ergo fictio non magis debet poni impedimentum baptismi, quam opposita aliarum virtutum.

3. Præterea. Secundum Augustinum aliquo modo fictus est qui indevotus accedit. Sed indevotio potest esse sine peccato mortali; talis autem non habet aliquod impedimentum baptismi. Ergo impedimentum baptismi non debet dici fictio.

4. Præterea. Secundum Augustinum alio modo dicitur fictus qui aliter celebrat. Sed qui non servat formam Ecclesiae, non confert sacramentum, neque suscipit. Ergo talis fictio (a) non est sacramenti impedimentum.

5. Præterea. Fictus alio modo ab Augustino dicitur qui contemnit suscipere. Sed talis non suscipit. Ergo talis fictio non impedit sacramenti effectum.

QUAESTIUNCULA III.

1. Uterius. Videtur quod recedente fitione baptismus effectum non consequatur. Opus enim mortuum numquam vivificatur, ut infra dist. xiv. dicitur. Sed opus mortuum dicitur quod in peccato mortali factum est. Cum ergo fiste accedens ad baptismum; in peccato mortali sit, baptismus ille numquam (b) vivificari poterit, ut ei gratiam conferat.

2. Præterea. Effectus baptismi est ab omni culpa, & poena absolvere. Sed hoc non accidit recedente fitione: quia a poena peccatorum quæ post baptismum com-

missi, non absolvitur; alias esset maioris efficaciar in fiste accedentibus quam in aliis, quibus ad deletionem sequentium peccatorum baptismus non operatur. Ergo recedente fitione baptismus non habet suum effectum.

3. Præterea. Sicut aliquis fiste accedit ad baptismum, ita etiam ad eucharistiam. Sed recedente fitione eucharistiae effectum non percipit qui prius fictus accesserat. Ergo nec etiam recedente fitione aliquis baptismi effectum percipit.

Sed contra. Remota causa, removetur effectus. Sed causa impediens effectum baptismi erat fictio. Ergo remota fitione baptismus effectum suum habebit.

Præterea. Cuilibet culpæ in statu viæ potest remedium adhiberi. Sed contra originalem culpam non est aliud remedium quam baptismus. Ergo cum fiste accedentibus originale non remittatur, oportet baptismum iterari, si recedente fitione baptismus effectum suum non haberet; quod est inconveniens, & hæreticum.

SOLUTIO I.

Respondeo dicendum ad primam questionem, quod duplex est effectus baptismi. Primus est res, & sacramentum, scilicet character. Et quia character non imprimitur ad præparandum hominis voluntatem, ut aliquid bene fiat, cum non sit habitus, sed potentia, ut dictum est; ideo hunc effectum voluntatis indispositio non impedit, dummodo aliquis sit voluntas recipiendi sacramentum. Alius effectus est qui est res, & non sacramentum, scilicet gratia, & quæ ad ipsam consequuntur, per quæ hominis voluntas præparatur ut bene cooperetur; & ideo ad hunc effectum recipiendum non sufficit quilibet voluntas sacramentum recipiendi, sed requiritur voluntas talis a qua removeatur omnis indispositio contraria gratiæ baptismali, quia contraria non se compatiuntur: unde manente contraria dispositione, baptismus ultimum suum effectum habere non possit.

Ad primum ergo dicendum, quod peccatum originale eo ipso quod non est voluntarium voluntate huius personæ, habet quod in voluntate, in qua ultimus effectus baptismi effici debet, indispositionem aliquam non tamen; & ideo effectum baptismi impedire non potest.

Ad secundum dicendum, quod de ratione

(a) *Nicolaus*: non est sacramentum. (b) *Id.* vivificare.

ne voluntatis est ut cogi non possit; & ideo non est similis ratio de indispositione voluntatis, & aliarum rerum naturalium, quæ per violentiam actionem agentis dispositiones contrarias admittunt.

Ad tertium dicendum, quod sicut in his quæ ad esse naturæ spectant, quædam Deus operatur mediantibus rebus naturalibus, quædam autem sibi reservavit; ita etiam in aliis quæ ad gratiam pertinent, quædam operatur mediantibus sacramentis, quædam autem immediate operatur: & quandoque præter legem naturæ, sicut & miracula facit præter rationes seminales, seu naturales: & de huiusmodi est permixtio voluntatis eorum qui gratiæ contrariam voluntatem habent non solum habitu (quod quandoque contingit in his qui non fide accedunt, se ad gratiam disponentibus, quam in ipso momento baptismi consequuntur) sed etiam eorum qui contrariam actu voluntatem habent, sicut de Paulo accidit: AA. x.

SOLUTIO II.

Ad secundam questionem dicendum, quod ad hoc quod aliquis alicuius agentis effectum percipere debeat, oportet quod se habeat in debita dispositione ad causam agentem, & ad effectum percipiendum: & ideo indispositio voluntatis, quæ effectum ultimum baptismi impedit, est duplex: una secundum ordinem ad ipsum sacramentum; alia secundum ordinem ad effectum sacramenti. Ad ipsum autem sacramentum contingit voluntatem esse indispositam dupliciter: uno modo per subtractionem necessarij; alio modo per positionem contrarij. Quia autem omnis actio est per contactum, ideo necessarium est quod recipiens sacramentum quodammodo contingat ipsum & per intellectum, quem quidem contactum facit fides, & per affectum, quem contactum facit devotio: & ideo indispositus reputatur & qui non credit, & qui indevotus accedit. Similiter autem duplex est contrarium, quod subtrahi oportet. Unum est ex parte eorum quæ exterius aguntur; & sic indispositus est qui aliter celebrat. Aliud est ex parte virtutis intrinsecæ, quæ secretius operatur salutem; & sic indispositus est qui contemnit. Similiter autem per comparisonem ad effectum baptismi, oportet quod disponatur aliquis adhibendo necessarium, scilicet fidem, quæ cor purificat, & quod removeat contrarium, scilicet peccatum, per

contritionem: & ideo Ambrosius dicit; quod non sunt necessaria ex hac parte nisi fides, & contritio; tamen contritio etiam in devotione includitur.

Ad primum ergo dicendum, quod fictio proprie est cum aliquis aliquid offendit dicto, vel factio, quod non est in rei veritate. Hoc autem contingit dupliciter. Uno modo quando ex hac intentione aliquid dicitur, vel fit, ut aliud ostendatur quam rei veritas habet; & tunc fictio est speciale peccatum, & sic non accipitur hic. Alio modo quando aliquid offenditur, quod rei veritas non habet dicto, vel factio, etiam si non propter hoc dicatur, vel fiat; & sic accipitur hic fictio. Quicumque enim ad baptismum accedit, offendit se veteri vitæ abrenuntiare, & novam inchoare: unde si voluntas eius adhuc in vetustate vitæ remaneat, aliud offendit quam sit in rei veritate; & ideo est fictio.

Ad secundum dicendum, quod in sacramentis præcipue fides operatur, per quam sacramenta quodammodo continuantur suæ causæ principaliter agenti, & etiam ipsi recipienti: & ideo defectus fidei specialius pertinet ad fictionem quæ est in sacramentis, quam defectus aliarum virtutum.

Ad tertium dicendum, quod devotio hic accipitur voluntas consequendi baptismum totaliter & quantum ad sacramentum, & quantum ad rem sacramenti; & huius devotionis defectus non potest sine peccato mortali esse; quamvis defectus (a) devotionis, prout importat fervorem caritatis in reverentia Dei, & divinorum, possit esse sine peccato mortali.

Ad quartum dicendum, quod aliter celebrant quandoque non variat ea quæ sunt de essentia sacramenti, & tunc confertur sacramentum; sed non consequitur aliquis rem sacramenti, nisi suscipiens sacramentum sit immunis a culpa aliter celebrantis.

Ad quintum dicendum, quod non loquimur hic de contemptu quo aliquis abicit sacramentum non recipiens ipsum, sed quo aliquis parvipendit non estimans in eo esse efficaciam ad salvandum.

SOLUTIO III.

Ad tertiam questionem dicendum, quod in baptismo imprimitur character, qui est immediata causa disponens ad gratiam: & ideo cum fictio non auferat characterem, recedente fictione, quæ effectum characteris impediabat, character, qui est præsens in

in anima, incipit habere effectum suum: & ita baptismus recedente fictione, effectum suum consequitur.

Ad primum ergo dicendum, quod baptismus non habet efficaciam solum ex opere operante, sed magis ex opere operato, quod est opus Dei, & non hominis: & ideo non potest esse mortuum.

Ad secundum dicendum, quod baptismus recedente fictione haberillum effectum quem prius habuisset, si fictio non fuisset: & ideo peccata praecedentia baptismum remittit & quo ad culpam, & quo ad poenam; sed peccata sequentia remittuntur virtute contritionis, quae fictionem amovet, quantum ad culpam, sed non quantum ad poenam totalem.

Ad tertium dicendum, quod in eucharistia non imprimitur character, cuius virtute possit aliquis virtutem sacramenti percipere fictione recedente: & ideo non est simile.

ARTICULUS III.

Utrum praeter baptismum fluminis debeant alia baptismana esse.

III. P. quest. lxxvi. art. 11. & 12.

1. **A**D tertium sic proceditur. Videtur quod praeter baptismum fluminis non debeant alia baptismana esse. In omnibus enim quae sunt unius speciei, est unus modus generationis. Sed baptismus est regeneratio in vitam spiritualem, quae est unus rationis in omnibus generatis. Ergo non debet esse regeneratio nisi unius modi, & ita tantum baptismus fluminis.

2. Praeterea. Baptismus dividitur contra alia sacramenta novae legis. Sed alia sacramenta non multiplicantur: non enim sunt plures confirmationes, neque plura sacerdotes, & sic de aliis. Ergo praeter baptismum etiam fluminis non debet esse aliud baptismum.

3. Praeterea. Sacramentum est genus baptismi. Sed alia quae dicuntur baptismana, non sunt sacramenta, quia non servatur debita forma, & debita materia. Ergo non sunt baptismana.

Sed contra est quod Damascenus determinat in IV. Lib. cap. x. plura genera baptismatum.

Praeterea. Heb. vi. super illud, *Baptismatum doctrina*, dicit Glossa: „Plura dicit, quia est baptismus aquae, poenitentiae, & S. Thom. Oper. Tom. XII.

„ sanguinis. “ Ergo sunt plura genera baptismatum.

QUAESTIUNCULA II.

1. Ulterius. Videtur quod poenitentiae baptismus non sufficiat ad salutem. Character enim baptismalis videtur esse de pertinentibus ad salutem, eo quod per ipsum distinguitur populus Dei a non populo Dei. Sed per baptismum poenitentiae non imprimitur character. Ergo non sufficit ad salutem.

2. Praeterea. Posita causa sufficiente superfluum videtur aliam causam addere. Si ergo baptismus poenitentiae ad salutem sufficeret necessitate imminente, tunc aliquis necessitatis articulum evadens, non deberet baptismum aquae baptizari; quod falsum est.

3. Praeterea. Aetas puerilis magis est ad misericordiam inclinans quam aetas perfecta, ut patet per Glossam Rom. v. super illud, *Vix pro iusto quis moritur &c.* Sed pueris non remittitur peccatum originale pro sola fide, & contritione aliorum, nisi baptismus aquae eis adhibeatur. Ergo videtur quod nec adultis remittatur originale, & actuale simul sine baptismum aquae.

Sed contra. Salus hominis, cum sit de maximis bonis, non potest homini invito auferri. Sed in potestate hominis est impedire alium ne baptizetur baptismum aquae. Ergo sine baptismum aquae per solam fidem, & contritionem potest esse salus.

Praeterea. Rom. vi. 23. dicitur: *Gratia Dei vita aeterna*. Sed contritio non est sine gratia. Ergo qui habet fidem, & contritionem, etiam sine baptismum aquae salvatur.

QUAESTIUNCULA III.

1. Ulterius. Videtur quod baptismus sanguinis non supplet vicem baptismi aquae. Baptismus enim aquae habet efficaciam ex opere operato; baptismus autem sanguinis solum ex opere operante: unde sine caritate non prodest, ut dicitur I. Corinth. xiii. Sed in pueris nihil habet efficaciam ex opere operante, quia usum liberi arbitrii non habent. Ergo in eis baptismus sanguinis non supplet vicem baptismi aquae.

2. Praeterea. In baptismum sanguinis non est nisi poena, & causa. Sed poena quandoque non est proportionata ad tollendam totam poenam debitam pro peccatis; nec etiam devotio ad causam passionis, cum quis pro Deo patitur, ad hoc sufficeret. Ergo baptismus sanguinis non semper totam poenam debitam pro peccatis tollit, & ita

O

ita

ita non supplet in omnibus vicem baptismi aquæ.

3. Præterea. Alia multa sunt genera supererogationis, sicut virginitas, cui etiam debetur aureola; & doctrina, & huiusmodi. Sed hæc non suppleant locum baptismi. Ergo nec martyrium, ut videtur.

Sed contra est quod Augustinus dicit de Cypriano (de baptis. contra Donatist. Lib. I. cap. xviii.) quod si quid in eo purgandum erat, passionis falce ablatum est. Ergo baptismus sanguinis purgat universali-ter, & etiam supplet locum baptismi aquæ.

Præterea. Baptismus aquæ efficaciam habet ex passione Christi, cui nos conformat. Sed similiter baptismus sanguinis nos passioni Christi conformat. Ergo supplet vicem baptismi.

QUAESTIUNCULA IV.

1. Ulterius. Videtur quod baptismus aquæ sit potior quam baptismus sanguinis. Baptismus enim sanguinis efficaciam habet ex opere operante illius qui patitur, baptismus autem aquæ ex passione Christi. Cum ergo passio Christi sit efficacior quam opus operans alicuius puri hominis, baptismus aquæ nobilior erit quam baptismus sanguinis.

2. Præterea. Per baptismum aquæ datur homini gratia per quam deberur ei aurea; sed per baptismum sanguinis debetur homini aureola. Ergo cum aurea sit nobilior quam aureola, & baptismus aquæ erit nobilior quam baptismus sanguinis.

Sed contra est quod dicitur in Glossa Iudic. vi. super illud, *Tolle vitulum &c.* „Baptismus in sanguine puriores reddit, quam baptismus aquæ.“

SOLUTIO I.

Respondeo dicendum ad primam questionem, quod proprie loquendo, unum est tantum baptisma, quod in aqua celebratur sub determinata forma verborum, de qua Dominus dicit Matth. ult. 19. *Docebo omnes gentes, baptizantes eos in nomine Patris, & Filii, & Spiritus sancti.* Alia autem dicuntur baptismata per ordinem ad illud baptisma; & hoc tripliciter. Primo dicitur aliquid baptisma quasi signum huius baptismi; & sic diluvium dicitur baptismus, in quantum significat nostrum baptismum quantum ad salvationem spiritualis vitæ ex saluatione huius generis tunc facta in arca, ut patet I. Petr. iii. & traptus maris ru-

bri, qui significat baptismum nostrum quantum ad liberationem a servitute demonum, ut dicitur I. Corinth. x. & ablutiones quæ fiebant in lege, quæ significant nostrum baptismum quantum ad purgationem peccatorum quæ in ipso fit. Alio modo dicitur baptisma quasi causa aliqua nostri baptismi; & sic baptismus Ioannis dicitur baptisma ut disponens ad nostrum baptismum; & baptisma quo Christus baptizatus est, ut dante efficaciam nostro baptismum. Alio modo dicitur aliquid baptismus secundum proportionem ad eundem effectum; & sic dicitur baptismus poenitentiae, & baptismus sanguinis, de quibus Magister hic loquitur: vel quantum ad effectum secundarium, qui est consummatio in bono; & sic dicitur baptismus spiritus, de quo dicitur Act. 1. Et hæc novem genera baptismatum ponit Damascenus (de Fide orthodox. Lib. IV. cap. x.) sed Magister hic tangit illa tantum quæ habent convenientiam cum sacramento baptismi in principali effectu.

Ad primum ergo dicendum, quod baptismus sanguinis, & baptismus poenitentiae habent vim eandem regenerandi cum baptismo aquæ: quia baptismus sanguinis, & poenitentia non valent ad regenerationem nisi ei qui habet baptismum aquæ in proposito, scilicet quando articulus necessitatis, non contemptus religionis, sacramentum excludit, ut in littera dicitur; & sic quodammodo agunt in vi baptismi aquæ.

Ad secundum dicendum, quod alia sacramenta non sunt tantæ necessitatis sicut baptismus: & ideo non oportuit quod haberent aliqua suppletia, cum articulus necessitatis sacramentum excludit.

Ad tertium dicendum, quod duo baptismata de quibus Magister facit mentionem in littera, non conveniunt cum baptismi sacramento in significando, sed solum in causando; & ideo non proprie possunt dici sacramenta: propter quod in littera dicitur, quod tales faciunt rem sacramenti sine sacramento.

SOLUTIO II.

Ad secundam questionem dicendum, quod aliquid dicitur ad salutem dupliciter. Uno modo simpliciter, & absolute; & sic baptismus poenitentiae sine baptismo aquæ non sufficit ad salutem. Alio modo secundum quid, & in casu; & sic sufficit, quando articulus necessitatis sacramentum excludit ne actu percipi possit. Tunc enim quam-

quamvis sit poenitentia sine baptismo in actu, est tamen cum desiderio, & proposito baptismi: & voluntas pro facto reputatur ei qui non habet tempus operandi.

Ad primum ergo dicendum, quod eadem ratio est de characterē baptismali, & de ablutione aquae exteriori: quia utrumque simpliciter est necessarium ad salutem; sed in casu sufficit propositum, quando articulus necessitatis sacramentum excludit.

Ad secundum dicendum, quod ratio illa procederet bene, si baptismus poenitentiae esset simpliciter, & absolute ad salutem sufficiens.

Ad tertium dicendum, quod quamvis puerorum aetas sit magis miserabilis, tamen oportet, si salvari debeant, quod in eis aliqua causa salutis sit. Et quia per proprium motum liberi arbitrii salvari non possunt, oportet quod per sacramentum baptismi salventur. Plus enim valet adultio fides propria quam parvulo fides aliena. Quod enim aliquando fides aliena puero ad salutem sufficiebat cum aliqua professione, hoc erat inquantum illa professio habebat vim sacramenti, quam nunc habet baptismus aquae.

SOLUTIO III.

Ad tertiam questionem dicendum, quod baptismus aquae efficaciam habet a passione Christi, inquantum eam sacramentaliter repraesentat; baptismus autem sanguinis passioni Christi conformatur realiter, non sacramentali repraesentatione: & ideo in his quae sacramentalia sunt, baptismus sanguinis non supplet vicem baptismi aquae, sicut est impressio characteris, & huiusmodi; sed in eo quod est res tantum, supplet totaliter vicem baptismi aquae, quando articulus necessitatis sacramentum excludit. Sicut enim in baptismo aquae liberatur homo ab omni culpa precedente, & poena, ita in baptismo sanguinis.

Ad primum ergo dicendum, quod baptismus sanguinis non habet hoc tantum ex opere operante, neque quantum ad poenam qua aliquis martyrium (a) excipit, quam contingit non esse sufficientem ad satisfaciendum pro peccato; neque quantum ad devotionem iustis voluntariis: quia contingit quod voluntate maiori caritate informata aliquis sine martyrio non potest ab omni poena liberari: sed hoc habet ex

imitatione passionis Christi: unde de martyribus dicitur Apocal. vii. 14. *Laverunt stolas suas (b) in sanguine agni*: & ideo pueri, quamvis liberum arbitrium non habeant, si occidantur pro Christo, in suo sanguine baptizati salvantur.

Ad secundum dicendum, quod quamvis illa poena in se considerata, non esset sufficiens ad liberandum ab omni poena peccati, tamen relata ad causam passionis, accipit efficaciam a passione Christi, cui aliquis per talem poenam conformatur; & ex hoc ab omni poena absolvere potest.

Ad tertium dicendum, quod in aliis supererogationis, vel perfectionis operibus, vel statibus, non est ita expressa conformitas ad passionem Christi, sicut in baptismo sanguinis, neque etiam in baptismo poenitentiae: & ideo non oportet quod in eis omnis poena dimittatur. Tamen in vitis Patrum dicitur, quod quidam Patrum vidit eandem gratiam descendente super eum qui habitum religionis assumpsit, & super eum qui baptizatur. Sed hoc non est, quia talis a satisfactione absolvatur, sed quia eo ipso quod suam voluntatem etiam in servitium redigit propter Deum, plenarie iam pro omni peccato satisfecit, (c) quia eum cariores habet omnibus rebus mundi, de quibus tantum posset dare quod elemosynis omnia peccata redimeret, etiam quantum ad poenam.

SOLUTIO IV.

Ad quartam questionem dicendum, quod uterque baptismus habet efficaciam a passione Christi, secundum quod ei conformatur. Et quia baptismus aquae conformatur ei sacramentali significatione, baptismus autem sanguinis realiter; ideo quantum ad sacramentalia excedit baptismus aquae, sicut est impressio characteris, & huiusmodi; sed quantum ad ea quae sunt (d) res sacramenti, excedit baptismus sanguinis: quia & gratia in baptismo sanguinis magis augeatur habenti, & amplius datur non habenti, si impedimentum non addit: & remissio peccatorum quamvis non sit plenior, quia uterque omnem poenam, & culpam solvit, tamen est in baptismo sanguinis efficacior, & fructuosior, quia secundis maculis non inquinatur, ut Damascenus dicit (ubi supra.) Quod enim quidam dicunt, quod in baptismo sanguinis gratia non con-

O 2 fer-

(a) *Al.* explicet. *Nicolas*: qua alienis propter hoc per martyrium excipit. (b) *Vulgata & de* *laverunt eas in sanguine &c.* (c) *Al.* quam cariores. (d) *Al.* haec res.

feritur, apparet falsum esse in pueris qui pro Christo occiduntur, & etiam in adultis, quibus potest in ipso actu passionis gratia dari, sicut & in baptismo aquae, si se ad eam disposuerint, & obicem aliquem non ponant Spiritui sancto. Et hoc patet per Augustinum (Gennadium de eccles. dogmat. cap. lxxiv.) qui loquens de comparatione horum baptismatum ait: *Baptizatus confitetur fidem suam coram sacerdote, martyr coram persecutore: ille post professionem aspergitur aqua, hic sanguine: ille per impositionem manus Pontificis recipit Spiritum sanctum, hic templum efficitur Spiritus sancti.* Nullus autem efficitur templum Spiritus sancti, nisi gratiam accipiendo.

Ad primum ergo dicendum, quod etiam baptismus sanguinis efficaciam habet a passione Christi, cui expressus conformatur quam baptismus aquae.

Ad secundum dicendum, quod in baptismo sanguinis aliquis non solum aureolam meretur, sed etiam auream per gratiam tunc collatam, vel augmentatam.

EXPOSITIO TEXTUS.

OMnes parvuli qui in baptismo ab originali mandantur, sacramentum, & rem suscipiunt. Non tamen soli parvuli, sed etiam adulti quandoque. Tamen de parvulis non est dubium quin recipiant; de adultis autem est, quia per fictionem impediri possent: & ideo, de parvulis potius exemplificatur.

Nisi poeniteas eum veteris vite. Contra. Ergo baptismus non est primum sacramentum, sed poenitentia. Et dicendum, quod loquitur de poenitentia, prout est virtus, non prout est sacramentum.

Non redire dimissa. &c. Hoc qualiter verum sit, infra dist. xxii. (quæst. 2. art. 1. in corp.) dicitur.

Induunt homines Christum aliquando &c. Induere Christum nihil aliud est quam Christi similitudinem assumere; quod contingit exterius per sacramentalem representationem, & interius per realem imitationem.

Nec tantum passio vicem baptismi implet, sed etiam fides, & contritio, ubi necitas excludit sacramentum. Contritio non totaliter supplet: quia non semper a tota poena absolvit, quamvis absolvat ab omni culpa.

Neque enim ille latro pro nomine Christi crucifixus est. Contra est quod Hieronymus dicit (in epist. ad Paulinum de institutione Monachi) quod Christus homicidii poenam in illo latrone fecit esse martyrium. Et dicendum, quod habuit aliquid de martyrio, scilicet poenam, & iustam voluntatem; & aliquid defecit ad martyrium, scilicet causa, sicut in innocentibus defuit iusta voluntas; sed fuit poena, & causa.

Quem regeneraturus eram, amisi. Amisisse se eum dicit, quia gaudium, & meritum quod de baptizatione eius habiturus erat, amisit differens baptismum eius usque ad solemne tempus secundum morem Ecclesie qui tunc erat, vel usque ad perfectam instructionem. Ille autem gratiam baptismi non amisit, quia cum desiderio eius defecit: & hoc est verum quantum ad remissionem culpæ, sed non quantum ad remissionem omnis poenæ.

Ubi tota sacramenta baptismi complentur. Verum est quantum ad id quod est tantum res in sacramento.

Aeterno supplicio puniendos. Supplicium improprie nominat poenam damni, quam solam pueri sustinebunt, ut in II. Lib. dist. xxxiii. (quæst. 11. art. 2.) dictum est.

Qui a fidelium consortio non separantur. Oratores tamen illi non sunt pro eis suffragia, sed gratiarum actiones.

DISTINCTIO V.

Quod baptismus aqua sanctus est, a bono, & a malo datus bono, vel malo.

Post hæc sciendum est, sacramentum baptismi a bonis, & a malis ministris dari, sicut a bonis, & a malis sumitur: nec melior est baptismus qui per meliorem datur, nec minus bonus qui per minus bonum datur, nec malus qui per malum datur: nec maius munus datur in baptismo dato a bono, nec minus in baptismo dato a malo; sed æquale: quia non est munus hominis, sed Dei: quod totum subditis declaratur testimoniis. Augustinus ait (super Ioan. tract. xix.)

„Ba-

„ Baptismus talis est, qualis est ille in cuius potestate datur, non qualis est ille per cuius ministerium datur. „ Item: * „ Prorsus fieri potest ut aliqui verum habeant baptismum, & non habeant veram fidem. „ Item: ** „ Si inter bonos ministros, cum sit alius alio melior, non est melior baptizatus qui per meliorem datur; nullo modo malus est qui etiam per malum datur, quia idem baptismus datur: & ideo per ministros dispares Dei munus est æquale, quia non illorum, sed eius est. „ Idem (tract. vi. in Ioan.) „ Cum baptizatur malus, illud quod datum est, unum est; non impar propter impares ministros, sed par & æquale propter hoc, Hic est qui baptizat. „ Item (tract. v.) „ Ego dico, & nos dicimus omnes, quia iustos oportet esse per quos baptizatur, iustos oportet esse tanti iudicis ministros. Sint ministri iusti, si volunt. Si autem noluerint esse iusti qui sedent in cathedra Moysi, securum me facit magister meus, scilicet Christus, de quo Spiritus sanctus dicit: Hic est qui baptizat. „ Item (ibid.) „ Quos baptizavit Iudas, Christus baptizavit. Si quos ergo baptizavit ebriosus, homicida, adulter; si Christi erat baptismus, Christus baptizavit. Non timeo adulterum, nec ebriosum, nec homicidam: quia columbam attendo, per quam mihi dicitur: Hic est qui baptizat. „ Item (paulo post.) „ Homicida dedit baptismum Christi: quod sacramentum tam sanctum est ut nec homicida ministrante polluat. „ Item (Fulgentius de fide ad Petrum cap. 111.) „ Si in hæresi quacunque, vel schismate quisquam in nomine Patris, & Filii, & Spiritus sancti baptismi sacramentum accepit, intergrum sacramentum accepit; sed salutem, quæ virtus est sacramenti, non habebit, si extra Ecclesiam catholicam ipsum sacramentum habuerit. Debet ergo ad Ecclesiam redire, non ut sacramentum baptismi iterum accipiat, quod nemo debet in aliquo repetere, sed ut in societate catholica vitam accipiat. Baptismus enim extra Ecclesiam nequit prodesse. Ibi enim cuique prodesse potest baptismus ubi potest prodesse eleemosyna, scilicet in Ecclesia. „ Item Isidorus (de sacramento baptis. & habetur de consecr. dist. 14. cap. „ Romanus.) „ Romanus Pontifex non hominem iudicat qui baptizat, sed Spiritum Dei ministrare gratiam baptismi, licet paganus sit qui baptizat. „ In his perspicue cernis baptismum verum bonis, & malis dari & a bonis, & a malis: & ipsum tam æque sanctum esse, & munus eius æquale in bonis, sive a bonis, sive a malis baptizentur.

De potestate baptismi, & ministerio.

Quia ministerium tantum habent, non potestatem baptismi: potestatem enim sibi retinuit. Quod novit Ioannes cum vidit columbam descendentem super Christum. Unde Augustinus (super Ioan. tract. v.) „ Quid noverat Ioannes Baptista? Dominum. Quid non noverat? Potestatem dominici baptismi in nullum hominem a Domino transiuram, sed ministerium plane transiurum: potestatem a Domino in neminem, sed ministerium in bonos, & malos. Non exhorreat columba ministerium malorum: respiciat potestatem Domini. Quid facit tibi minister malus, ubi bonus est dominus? Neque qui plantat, neque qui rigat est aliquid, sed qui incrementum dat Deus (I. Corinth. 111. 7.) Si superbus fuerit minister, cum diabolo computatur, sed non contaminatur donum Christi. Quod per illud finit, purum est. Per lapideum canalem transit aqua ad areolas: in canali lapideo nil generatur, (1) sed hortus fructus plurimos affert. „ Habent ergo non modo boni, sed etiam mali ministerium baptismi, sed potestatem

(1) Nivallæ, sed in hortis.

EX EDIT. P. NICOLAI.

* De unic. baptis. contra Pelagian. cap. 27. ** Lib. III. cont. Cresconium grammaticum cap. 74.

estatem sibi retinuit: quam si vellet, poterat servis dare, ut servus daret baptismum suum tamquam vice sua, & potestatem suam constituere poterat in aliquo, vel in aliquibus servis suis, ut tanta vis esset in baptismo servi, quanta est in baptismo Domini; sed noluit, ne servus in servo spem poneret. Baptizat servus ut minister, baptizat Dominus tamquam potestatem habens: quam si daret servis, ut scilicet ipsorum esset quod Domini erat, tot essent baptismi quot servi; & sicut dictus est baptismus Ioannis, sic diceretur baptismus Petri, & Pauli: quod ne fieret, retinuit sibi Dominus potestatem baptismi, servis autem ministerium dedit. Si ergo servus dicit se baptizare, recte dicit, sed tamquam minister baptizat: & ideo non differt sive bonus, sive malus baptizet. Inde etiam nemo dicit, Baptismus meus; cum tamen dicat, Evangelium meum, prudentia mea, licet hæc sint a Domino: in quibus differentia est. Alius enim alio melius operatur in evangelizando, & alius alio prudentior est. Alius autem alio magis, minusve baptizatus, sive ab inferiori, sive a maiori baptizetur, dici non potest.

Quæ fuit potestas baptismi quam potuit Christus dare servis.

Hic quaeritur, quæ sit illa potestas baptismi quam Christus sibi retinuit, & potuit dare servis. Hæc est ut plurimum vel potestas dimittendi peccata in baptismo. Sed potestas dimittendi peccata, quæ in Deo est, Deus est. Ideo alii dicunt, hanc potestatem non potuisse dare alicui servorum: quia nulli potuit dare ut esset quod ipse est, vel ut haberet essentiam quam ipse habet, cui hoc est esse quod posse. Dicunt enim. Si hanc potentiam alicui dare potuit, potuit ei dare creaturas creare: quia non est hoc maioris potentie quam illud. Ad quod dici potest, quia potuit eis dare potentiam dimittendi peccata, & tamen non ipsam eandem qua ipse potens est, sed potentiam (1) creatam, qua servus posset dimittere peccata; non tamen ut auctor remissionis, sed ut minister; nec tamen sine Deo auctore, ut sicut in ministerio habet exterius sanctificare, ita in ministerio haberet interius mundare: & sicut illud facit Deo auctore, qui cum eo, & in eo operatur illud exterius; ita interius mundaret Deo auctore, quicuius verbo velut quodam ministerio uteretur. Ita etiam posset Deus per aliquem creare aliqua, non per eum tamquam auctorem, sed ministrum, cumquo, & in quo operaretur; sicut in bonis operibus nostris ipse operatur, & nos; necipse tantum, nec nos tantum, sed ipse nobiscum, & in nobis: & tamen in illis agendis minister ei sumus, non auctores. Ita ergo potuit dare servo potestatem dimittendi peccata in baptismo; id est, ut in mundatione interiori servus cum Domino operaretur; non servus sine Domino, nec Dominus sine servo, sed Dominus cum servo, & in servo; sicut in exteriori ministerio Dominus operatur cum servo, & in servo. Unde & Dominus dicitur sanctificare, & servus; sed Dominus invisibili gratia, servus visibili sacramento. Unde Augustinus super Levit. (quæst. xlviii.) „Dominus ait (ibid. xxii. 9.) Ego Dominus qui sanctifico. Et de Moysie etiam dictum est (Exod. xxix.) Et sanctificabis eum. Sed Moyses sanctificabat visibilibus sacramentis per ministerium, Dominus autem invisibili gratia per Spiritum (2) sanctum, ubi est totus fructus visibilium sacramentorum: (3) nam sine hac sanctificatione visibilia sacramenta nil profunt. Si quis hoc melius aperire poterit, non invidio.“

DIVISIO TEXTUS.

Postquam determinavit Magister de baptismo per comparisonem ad recipientes, hic determinat de ipso per comparisonem ad dantes: & dividitur in duas partes. In prima ostendit a quibus dari possit

baptismus; in secunda a quibus, & qualiter dari debeat, vi. dist. Nunc quibus liceat baptizare, addamus. Prima in tres. In prima ostendit a quibus dari possit baptismus, quia a bonis, & a malis. In secunda assignat huius rationem, ibi, Quia ministerium tantum habens, non potestatem baptismi.

(1) Nisi di omnia creatam.

(2) Al. deus sanctum.

(3) Al. deus nam.

peissimi. In tertia removet quamdam dubitationem, ibi, Hic queritur quae sit potestas baptizantis quam Christus sibi remisit.

QUAESTIO I.

Hic est duplex quaestio. Prima de potestate baptizandi. Secunda de ipsis baptizantibus.

Circa primum quaeruntur tria.

Primo. Quam potestatem Christus, secundum quod homo, in baptizando habuit.

Secundo. Quam ministris contulerit.

Tertio. Quam conferre potuerit, sed non contulit.

ARTICULUS I.

Utrum Christus secundum quod homo, habuit potestatem dimittendi peccata.

III. P. quaest. lxix. art. 3.

AD primum sic proceditur. Videtur quod Christus, secundum quod homo, habuit potestatem dimittendi peccata. Matth. ix. 6. dicitur: *Ut autem sciatis quia Filius hominis habet potestatem in terra dimittendi peccata, (a) dixit paralytico: Surge, & ambula.* Sed non oportebat signum ostendere ad probandum quod (b) Deus haberet potestatem dimittendi peccatum: quia hoc Iudei confitebantur. Ergo etiam secundum quod homo habuit hanc potestatem.

2. Præterea. Christus, secundum quod homo, est redemptor, ut in III. dist. xix. (quaest. 1. art. 4. quaestione 1.) dictum est. Sed non potest aliquis liberari a servitute peccati, nisi sibi peccatum dimissum sit. Ergo Christus, secundum quod homo, habuit potestatem dimittendi peccata.

3. Præterea. Super illud Ioan. v. *Sicut Pater suscitavit mortuos &c.* dicit Augustinus (tract. xxiii.) „Iudicat, & suscitavit coram, non Pater, sed Filius secundum humanitatis dispensationem, qua minor est Pater.“ Sed suscitatio corporum attestatur suscitationi animarum, quæ fit per dimissionem peccati. Ergo Christus, secundum quod homo, potuit peccatum dimittere.

4. Præterea. Maius est imperium eius quam invocatio nominis eius. Sed ad invo-

cationem nominis Christi dabatur baptismus, & remissio peccatorum in primitiva Ecclesia. Ergo & ipse Christus suo imperio poterat peccata dimittere.

5. Præterea. Christus amplioris gloriæ præ Moyse (c) habitus est, quia non sicut servus, vel minister, sicut Moyses, est in domo Dei, sed sicut dominus, & heres, ut dicitur Hebr. iii. Sed si non haberet potestatem dimittendi peccatum, secundum quod homo, non esset sicut dominus, sed solum sicut minister, sicut & alii. Ergo habet potestatem dimittendi peccata.

Sed contra. Illud quod est solius Dei, non convenit Christo inquantum est homo. Sed dimittere peccatum est huiusmodi, ut patet Isai. xliii. *Ego sum qui deleo iniquitates tuas propter me.* Ergo non convenit Christo.

Præterea. Nulli dimittitur peccatum, nisi per Spiritum sanctum. Sed Christus, secundum quod homo, non poterat dare Spiritum sanctum, ut dist. xv. l. Lib. (quaest. v. art. 1. quaestione 4.) dictum est. Ergo non potest remittere peccata secundum quod homo.

Præterea. Augustinus dicit (super Ioan. tract. xxiir.) quod Christus, secundum quod est Filius Dei, est vita quæ vivificat animas. Sed quod convenit sibi, inquantum est Filius Dei, non competit ei secundum quod homo. Ergo vivificare animas remittendo peccata, non competit ei secundum quod homo.

SOLUTIO.

Respondeo dicendum, quod triplex est potestas absolvendi a peccato in baptismo. Una potestas auctoritatis; & hæc solius Dei est, quia propria virtute peccata dimittit, quasi principalis causa remissionis peccati: unde tali potestate Christus, secundum quod homo, peccata remittere non poterat. Alia potestas est ministerii, quæ eis competit qui sacramenta dispensant, in quibus divina virtus secretius operatur salutem. Tertia est media inter has duas, quæ dicitur potestas excellentiæ; & hæc Christus præ aliis habuit. Attenditur autem hæc excellentia quantum ad tria. Primo quantum ad hoc quod ex merito passionis eius baptismus efficaciam habet, non autem ex merito alicuius alterius baptizantis: unde non est melior baptismus a meliorem baptizante datus. Secundo quantum

(a) Vulgata: tunc ait paralytico: Surge, tolle lectum tuum, & vade in domum tuam. (b) Ad. Dominus. (c) Forte addendum dignus.

tom ad hoc quod Christus sine sacramento sacramentorum effectum conferre poterat quasi dominus, & institutor sacramentorum; quod de aliis non est verum. Tertio quantum ad hoc quod ad invocationem nominis eius dabatur remissio peccatorum in baptismo in primitiva Ecclesia. Sed quia secundae rationes videntur procedere de prima potestate, ideo concedendae sunt illae, & respondendum est ad primas.

Ad primum ergo dicendum, quod Filius hominis habebat potestatem auctoritatis dimittendi peccata, non secundum quod homo, sed secundum quod Deus: & ideo per miraculum ostensum hic probatur quod ille homo esset Deus, cui natura obediebat quasi proprio Creatori.

Ad secundum dicendum, quod redemptor dicitur dupliciter. Uno modo propter usum potestatis auctoritativae in absolvendo a peccato; & sic Christus, secundum quod Deus, redemptor est. Alio modo propter effectum humilitatis; & sic competit ei secundum quod homo, in quantum per humilitatem passionis nobis remissionem meruit peccatorum: & hoc pertinet ad potestatem excellentiae, ut dictum est.

Ad tertium dicendum, quod potestas quam Christus secundum quod homo habuit suscitandi corpora, non est potestas tantum ministris, sicut & Petrus mortuos suscitavit; neque est iterum potestas auctoritatis, quia hoc solius Dei est; sed est potestas cuiusdam excellentiae, quae ei competit ex unione ad Deum, ut scilicet imperio, non prece, mortuos suscitaret: & similiter habuit potestatem excellentiae in remittendo peccata.

Ad quartum dicendum, quod hoc quod ad invocationem nominis eius conferebatur remissio peccatorum in baptismo, pertinet ad potestatem excellentiae.

Ad quintum dicendum, quod non habuit tantum ministerii potestatem, sed altiore, ut dictum est.

ARTICULUS II.

Utrum Christus ministris contulerit potestatem cooperandi ad interiorem emundationem.

1. **A**D secundum sic proceditur. Videtur quod ministris contulerit potestatem cooperandi ad interiorem emundationem. Ministris enim data est aliqua spiritalis potestas. Sed ad emundationem corporalem

non requiritur aliqua spiritalis potestas, sed sufficit corporalis. Ergo ministri cooperantur ad emundationem interiorem.

2. Præterea. Sicut sanctificatio quidam adhibetur rebus sacramentalibus, ita etiam ministris sacramentorum. Sed res sacramentales ex sanctificatione invisibilem gratiam continent, & conferunt, secundum Hugonem de sancto Viore (Lib. I. de sacram. par. ix. cap. xi.) Ergo ministri sanctificati, in sua sanctificatione ad interiorem emundationem, quae est per gratiam, operantur.

3. Præterea. Inter creaturas dignior est creatura rationalis quam aliqua forma (a) accidentalis. Sed gratia operatur internis ad peccati remissionem. Ergo & homo multo fortius habet potestatem interiorem cooperandi.

4. Præterea. Omnis actio alicuius formae attribuitur habenti formam illam, quia calor agit secundum calidum. Sed remissio culpae est actio gratiae. Ergo habenti gratiam competit cooperari ad remissionem culpae.

5. Præterea (b) Secundum Dionysium vi. cap. eccles. Hier. ad ministros Ecclesiae pertinet purgare, illuminare, perficere. Sed purgatio in Ecclesia fit a sordibus moribus. Ergo ministri Ecclesiae cooperantur ad interiorem emundationem.

Sed contra. Emundatio interior a peccatis fit per Spiritum sanctum. Sed ministri Ecclesiae non dant Spiritum sanctum. Ergo nec cooperantur ad interiorem emundationem.

Præterea. Maius est iustificare impium quam creare caelum & terram (ex Augustino super Ioan. cap. xiv. tract. lxxii.) Sed in creatione caeli, & terrae nihil Deo cooperatur. Ergo nec in iustificatione impii.

Præterea. Hominis operatio etiam in actibus hierarchicis est sub operatione Angelis, ut dicit Dionysius (de cael. hierar. cap. ix.) Sed Angeli non possunt imprimere in affectum, ut in II. Lib. dist. viii. (quasi. i. art. 5.) dictum est. Ergo cum affectum oporteat a peccatis mundari, videtur quod nec cooperetur ad emundationem interiorem.

SOLUTIO.

Respondeo dicendum, quod cooperari alicui agenti dicitur quatuor modis. Uno modo sicut adiuvans ei cui auxilium praebet, cooperatur. Alio modo sicut consilium

præ-

(a) *Al. actualis.* (b) *Al. deest secundum.*

tribens. Tertio modo sicut quo mediante agens primum suum effectum inducit, sicut cooperatur instrumenta principali agentis. Quarto modo sicut disponens materiam ad effectum agentis principalis suscipiendum. Primis ergo duobus modis in nulla actione aliquid Deo cooperatur propter perfectam eius potentiam, quæ auxilio non indiget, & propter perfectam sapientiam, quæ non indiget consilio. Isa. xl. 13. *Quis adiuvit spiritum Domini, aut quis consiliarius eius fuit?* Sed tertio modo cooperatur aliqua creatura Deo in aliqua actione, non tamen in omnibus. Cum enim Deus sit primum agens omnium naturalium actionum, quidquid natura agit, hoc efficit quasi instrumentale agens cooperans primo agentis, quod est Deus. Sed quædam sunt quæ sibi Deus retinuit, immediate ea operans; & in his creatura Deo non cooperatur hoc tertio modo, sed quarto modo potest ei cooperari; sicut patet in creatione animæ rationalis, quam immediate Deus producit, sed tamen natura disponit materiam ad animæ rationalis receptionem. Et quia recreatio animæ rationalis creationi ipsius respondet, ideo (a) in emundatione ipsius immediate operatur; nec aliquis ei quantum ad hoc cooperatur tertio modo, sed quarto; & hoc dupliciter: vel ex opere operante, sive docendo, sive merendo; & sic homines ei cooperantur in peccatorum remissione, de quibus dicitur I. Corinth. 11. 9. *Dei adiutores sumus*: vel ex opere operato, sicut qui conferunt sacramenta, quæ ad gratiam disponunt, per quam fit remissio peccatorum; & hæc est cooperatio ministerii, quæ ministris Ecclesiæ competit, de quibus dicitur I. Corinth. 12. 1. *Sic vos existimes homo ut ministror Christi*.

Ad primum ergo dicendum, quod potestas spiritualis quæ ministris Ecclesiæ conceditur, ad aliquid interius se extendit, sicut virtus sacramentalis; sed non ad collationem gratiæ, per quam est remissio peccatorum, nisi dispensando, sicut & de sacramentis dictum est.

Unde patet solutio ad secundum.

Ad tertium dicendum, quod gratia non remittit culpam effective, sed formaliter, sicut albedo aufert nigredinem: & ideo non
S. Th. Oper. Tom. XII.

sequitur quod creaturæ rationali competat, quæ non est forma.

Ad quartum dicendum, quod est duplex operatio formæ alicuius: scilicet prima, quæ pertinet ad informationem subiecti, (b) sicut scientia; & secunda, quæ dicitur usus, vel actio, sicut considerare. Primam ergo operationem non participat habens formam, sed solum secundam. Remittere autem culpam competit gratiæ quantum ad operationem primam; sicut albedo eadem ratione qua facit album, aufert & nigredinem a subiecto in quo est: & ideo non competit quod habens gratiam, hoc per gratiam participet.

Ad quintum dicendum, quod purgatio, de qua Dionysius loquitur, est a tenebris ignorantie, sicut ipsemet dicit: unde magis pertinet ad intellectum quam ad affectum.

ARTICULUS III.

Utrum ministris conferri poterit a Deo potestas cooperationis.

1. Ad tertium sic præceditur. Videtur quod ministris conferri potuit a Deo potestas cooperationis. (c) Nam super illud Ioan. 1. *Hic est qui baptizat*, dicit Augustinus (tract. v.) quod Ioannes dicit, quod potestatem mundandi a peccatis Christus dare potuit, sed non dedit: dedit autem potestatem ministerii. Ergo videtur quod potuerit dare potestatem cooperationis.

2. Præterea. Maior est potestas auctoritatis quam cooperationis. Sed super illud I. Corinth. 1. *Drusus est Christus?* dicit Glossa, * quod potuit eis dare potestatem baptizandi quibus contulit ministerium. Ergo multo fortius potuit (d) dare cooperationem interius emundandi.

3. Præterea. Plus est expellere dæmonem quam seminare per ipsum, scilicet peccatum. Sed Deus dedit hominibus potestatem dæmones expellendi, ut patet Luc. x. Ergo multo fortius potuit dare potestatem expellendi peccatum.

Sed contra. Omne agens oportet quod sit simul cum patiente, ut probatur in VII. Physic.

(a) *Al. emundationis.* (b) *Al. desit sicut scientia.* (c) *Al. omittitur* Nam (d) *Al. desit dare.*

* Colligitur ex Augustino ibi supra.

Physic. Sed non potest conferri alicui creaturæ quod illabatur in animam rationalem. Ergo non potest conferri quod cooperetur ad interiorum emendationem.

Præterea. Gratia est quædam inchoatio gloriæ. Sed non potest alicui creaturæ communicari quod ab ipsa sit gloria, sicut neque quod sit summum bonum. Ergo potestas cooperationis ad gratiam habendam, per quam fit peccatorum remissio, homini conferri non potuit.

QUAESTIUNCULA II.

1. Ulterius. Videtur quod nec potestas excellentiæ. Quia Matth. xxv. dicitur, quod dedit unicuique secundum propriam virtutem. Sed non dedit potestatem excellentiæ, nisi soli Christo. Ergo non potuit aliis conferri.

2. Præterea. Potestas excellentiæ competit Christo, secundum quod meritum eius operatur ad remissionem omnium peccatorum, ut dictum est (sup. art. 1.) Sed hoc non competit Christo, nisi secundum quod eius meritum habet quamdam infinitatem, ut in III. Lib. dictum est (dist. xviii. quest. 1. art. 6. quest. 1. & dist. xix. quest. 1. art. 1. quest. 1.) Cum ergo habere efficaciam infinitam in merendo non possit alicui creaturæ puræ conferri, videtur quod nec potestas excellentiæ.

3. Præterea. Potestas excellentiæ competit Christo secundum quod est caput Ecclesiæ, de cuius plenitudine omnes accipimus. Sed hoc competit ei, quia est unigenitus a Patre, ut dicitur Ioan. 1. Ergo nulli puræ creaturæ communicari potuit.

Sed contra. Quidquid competit Christo secundum quod homo, potest & alii hominibus communicari. Sed potestas excellentiæ, ut dictum est, competit Christo secundum quod homo est. Ergo potest aliis (a) hominibus communicari.

Præterea. Ad potestatem excellentiæ pertinet quod ad invocationem nominis Christi remissio peccatorum in baptismo detur. Sed potuit etiam hoc Deus conferre Petro, vel Paulo, ut ad invocationem nominis eius baptisma conferretur, ut dicit Glossa I. Corinth. 1. Ergo potestas excellentiæ potuit aliis conferri.

QUAESTIUNCULA III.

1. Ulterius. (b) Videtur quod potentia creandi potuerit creaturæ communicari.

Plus enim Deus potest facere quam homo possit intelligere: quia non (c) est impossibile apud Deum omne verum, ut dicitur Luc. 1. 37. Sed quidam Philosophi posuerunt in aliquibus creaturis potentiam creandi, sicut Avicenna, qui dicit, quod intelligentia prima producit secundam, & sic deinceps. Ergo Deus posset hoc creaturæ communicare.

2. Præterea. Nihil potentie divinæ absolute acceptæ subtrahendum est quod in se contradictionem non implicat, vel defectum. Sed quod aliqua creatura habeat potentiam creandi, hoc nullam contradictionem implicat, ut videtur; neque in aliquem defectum sonat, immo magis in perfectionem divinam: quia perfectum est quod potest alterum facere quale ipsum est, ut dicitur in IV. Meteor. (cap. 11v.) & sic non ponit imperfectionem in Deo, quod ipse creator alios creatores constituat. Ergo hoc potentie eius subtrahendum non est.

3. Præterea. Forma est nobilior quam materia. Sed aliquibus creaturis collatum est ut possint producere formas. Ergo & potuit creaturæ conferri ut possint producere materiam; & hoc est creare: ergo potentia creandi creaturæ communicari potuit.

4. Præterea. Quanto est maior resistentia, tanto est maior difficultas in actione. Sed contrarium magis resistit actioni quam non ens, quod non potest agere. Si ergo creaturæ collatum est ut possit aliquid ex contrario facere, multo fortius potuit ei conferri ut possit aliquid ex non ente facere, quod est creare.

5. Sed contra. Creaturæ non potest conferri quod habeat potentiam infinitam, cum sit essentie finitæ. Sed creatio est opus potentie infinitæ, quod patet per distantiam infinitam quæ est inter ens & non ens. Ergo potentia creandi creaturæ communicari non potuit.

6. Præterea. Creatori debetur latria. Sed hoc non potest creaturæ communicari, ut ei latria debeat, sicut nec quod sit Deus. Ergo creaturæ non potest communicari potentia creandi.

7. Præterea. Nihil agit, nisi secundum quod est actu. Sed creaturæ non potest communicari quod sit actu purus. Ergo non potest sibi communicari quod agat se tota: ergo neque quod agat totum quod est in re, quod est creare.

SO.

(a) Ad omnibus. (b) Vide. 2. P. quest. xlv. art. 5. & II. contra Gentem cap. xxxi. & de potentia quest. 112. art. 4. (c) Vulgata est.

SOLUTIO I.

Respondeo dicendum ad primam questionem, quod dupliciter dicitur aliquid non posse communicari alicui creaturæ: aut quia nulli creaturæ communicari potest, aut quia alicui potest communicari, sed non illi. Quidquid enim communicatum alicui traheret ipsum extra terminos sue speciei, non potest sibi communicari; sicut equo non potest communicari quod habeat rationem, quamvis hoc communicatum sit homini. Quod autem communicatum alicui trahit ipsum extra terminos creaturæ, non potest alicui creaturæ communicari. Potestas ergo auctoritatis communicata alicui traheret ipsum extra terminos creaturæ: quia non potest esse quod creatura sit agens principale respectu nobilissimi effectus, quo ultimo fini coniungimur, cuiusmodi est gratia, per quam fit remissio peccatorum. Et ideo omnes dicunt, quod potestas auctoritatis nulli creaturæ communicari potuit. Sed de potentia cooperationis est duplex opinio. Magister enim in littera videtur dicere, quod potentia cooperationis ad emundationem interiorem possit alicui creaturæ conferri, quamvis non sit collata: quod non potest intelligi de cooperatione quæ fit per modum dispositionis, quia hæc collata est ministris Ecclesiæ, ut dictum est. Alii autem dicunt contrarium, quod conferri non potuit. Utraque autem opinio aliquo modo sustineri potest. Cooperatur enim aliquid Deo instrumentaliter duobus modis. Uno modo ita quod per virtutem aliquam habentem esse absolutum, & completum in natura operetur ad effectum aliquem producendum non solum secundarium, sed principalem, sicut ignis cooperatur Deo in generatione ignis alterius: & hoc modo accipiendo cooperationem, non poterat conferri homini ut Deo cooperetur in interiori mundatione, quæ fit per gratiam: quia gratia elevat hominem ad vitam quamdam quæ est supra conditionem omnis naturæ creatæ: est enim esse gratiæ supra esse naturæ & hominis, & Angelii, quæ sunt supremæ creaturæ: & ideo agens quod propria virtute sibi animam assimilat per gratiam, oportet quod sit supra omnem virtutem creatam, & sic talis cooperatio excedet terminos creaturæ. Alio modo aliquid cooperatur Deo non per virtutem quæ habeat esse perfectum in natura, neque ad ultimum principalem effectum directe pertingendo, sicut de sacramentis in 2. dist.

(quæst. 1. art. 4.) dictum est: & hoc modo cooperari Deo in interiori emundatione, ut quidam dicunt, disponendo potuit homini conferri sine sacramentis, sicut sacramenta præbendo facit: & hoc modo cooperari pertinet ad potestatem excellentiæ in Christo, ut dictum est.

Ad primum ergo dicendum, quod hoc intelligitur de potestate excellentiæ, quam Christus habuit etiam secundum quod homo, quæ includit potestatem cooperationis secundo modo dictæ; non autem de potestate cooperationis primo modo dictæ.

Ad secundum dicendum, quod auctoritas sibi accipitur non respectu emundationis, sed respectu institutionis sacramentorum, eis efficaciam præbendo per meritum baptizantis, quod ad potestatem excellentiæ pertinet: & hoc potuit eis conferri. Vel dicendum, quod non loquitur de auctoritate prima, sed de subauctoritate: quod patet ex eo quod sequitur in Glossa: *Ita scilicet quod ipse principalis auctor existeret.*

Ad tertium dicendum, quod hominibus datur potestas expellendi demones quantum ad effectum nocuenti corporalis, quem in vexaris faciunt; non autem quantum ad effectum spiritualis nocuenti, quod est peccatum expellere, & a servitute demonis liberare. Ioan. viii. 36. *Si Filius vos liberaverit, vere liberi eritis.*

SOLUTIO II.

Ad secundam questionem dicendum, quod potestatem excellentiæ Deus homini puro conferre potuit; sed tamen non fuit decens, ne spes in hominem poneretur, & ut Ecclesiæ unum caput esse ostenderet, a quo omnia membra spiritualem sensum, & motum reciperent.

Ad primum ergo dicendum, quod hoc intelligitur de illis quæ sunt necessaria ad perfectionem hominis vel quantum ad esse naturæ, vel quantum ad esse gratiæ. Non enim oportet quod Deus homini dederit omnem gratiam gratis datam quam dare potest: quia divisiones gratiarum sunt, & dat unicuique sicut vult: I. Corinth. xii.

Ad secundum dicendum, quod ad hoc quod homo purus cooperaretur Deo in interiori emundatione modo prædicto, non oportet quod haberet efficaciam infinitam in merendo; quamvis Christus quodammodo habuerit infinitatem in merendo: quia non cooperaretur respectu omnium, nec ita plene sicut Christus.

Ad tertium dicendum, quod gratia capi-

eis in Christo distinguitur a gratia unionis; quamvis ex ipsa unione per quamdam concedentiam plenitudo omnis gratiae & capitis, & singularis personae in illa anima fuerit. Nec tamen sequitur, si alicui quantum ad aliquid potestas excellentiae conferretur, puta quod in nomine eius baptismus daretur, vel quod meritum eius aliquo modo operaretur ad effectum baptismi in illo baptizato, quod esset simpliciter caput.

SOLUTIO III.

Ad tertiam quaestionem dicendum, quod communis opinio habet, quod creatio non potest alicui creaturae communicari: quia est opus infinitae potentiae propter distantiam infinitam quae est inter simpliciter ens & simpliciter non ens, inter quae est mutatio creationis: potentia autem infinita non potest esse in essentia finita. Unde ex hoc ipso quod ponitur potentia infinita alicui communicari, ponitur consequenter quod illud habeat essentiam infinitam, & per hoc habeat esse non receptum, sed purum & simplex; & sic ponitur extra terminos creaturae: & ideo nulli creaturae secundum communem opinionem communicari potest talis potentia.

Ad primum ergo dicendum, quod illi Philosophi qui hoc posuerunt, non intellexerunt plene rationem creationis, & quomodo requirit potentiam infinitam agentem: & ideo non intellexerunt impossibilitatem suae positionis.

Ad secundum dicendum, quod hoc etiam implicat contradictionem, inquantum ponitur creaturam habere essentiam infinitam, & per consequens (a) non esse creaturam; & sonat in defectum divinae maiestatis, cui ponitur aliquid in essentiae infinitate posse aequari. Non enim oportet ut quod est perfectionis apud nos, scilicet posse aliquid facere (b) aequale sibi, sit perfectionis apud Deum, ut scilicet possit facere aliquid aequale sibi.

Ad tertium dicendum, quod nullum agens creatum facit formam, quia formae non sunt, ut probatur in VII. Metaph. (text. xxvii.) sed educuntur de potentia materiae. Sed materia non potest educi de potentia alterius: & ideo non est simile de forma, & materia.

Ad quartum dicendum, quod contrarium agens quo fit generatio, non impedit actionem agentis, nisi dupliciter. Uno modo, debet

litando virtutem agentis, quod etiam non est universaliter verum, sed in his tantum in quibus est mutua actio, & passio, unde hoc accidit. Alio modo, per se loquendo, elongando potentiam passivam patientis per indispositionem a receptione effectus agentis, & hoc est in omnibus. Constat autem quod nulla indispositio potest potentiam passivam tantum elongare ab effectu agentis percipiendo, quantum subtrahit ipsius potentiae totaliter: & ideo multo maioris virtutis est facere aliquid ex nihilo quam ex contrario, simpliciter loquendo, quamvis secundum quid hoc habeat aliquam difficultatem, quia non est in illo.

Quia tamen Magister in littera dicit, quod potest creaturae communicari ministerium creationis, & non auctoritatis: si quis vellet eum in hoc sustinere, posset dicere, quod tunc proprie aliquid creatur, quando fit ex nullo praesistente. Unde patet quod creatio de sui ratione excludit praesuppositionem alicuius praesistentis. Hoc autem contingit dupliciter. Uno modo ita quod excludat omne praesistens & ex parte agentis, & ex parte facti, ut scilicet creatio dicatur quando nec agit virtute alicuius prioris agentis, nec factum sit ex aliqua praesistente materia: & haec est potentia auctoritatis in creando, & est infinita; & ideo nulli creaturae communicari potest. Alio modo ita quod excludat praesistens ex parte facti, sed non ex parte agentis, ut scilicet dicatur creatio, (c) sed minus proprie, quando aliquid agens virtute alicuius prioris agentis ex non praesupposita materia aliquid effectum producit, & sic erit creationis ministerium: & ita aliqui Philosophi posuerunt aliquas creaturas creare; & sic Magister dicit, quod potuit communicari potentia creandi, non est autem alicui communicata.

Secundum hoc ergo ad quintum dicendum esset secundum Magistrum, quod distantia inter ens non requirit absolute infinitatem potentiae in eo qui facit aliquid ex simpliciter non ente. Quod enim in motibus virtus moventis proportionetur distantiae quae est inter terminos, ideo contingit, quia ab illa distantia motus accipit quantitatem. Quanta enim est via, tantus est motus, ut dicitur in IV. Physic. (text. xcix.) Motus autem est proprius effectus virtutis moventis, inquantum huiusmodi, ei proportionatus. Sed in creatione non sic est: quia non ens purum non est.

(a) vel desit non. (b) vel desit aequale, (c) vel scilicet.

est per se terminus creationis, sed per accidens se habet ad ipsam: dicitur enim aliquid fieri ex non ente, idest post non ens. Unde creatio non habet quantitatem ex distantia non entis ad ens, sed ab ente (a) quod creatur: & ideo non oportet quod potentia creatantis proportionetur distantiae quae est inter ens & non ens, sed solum ei quod creatur, quod non est infinitum: & ideo non requiritur potentia infinita simpliciter, sed infinita secundum quid, (b) scilicet non commensurata alicui materiae determinatae, sicut sunt omnia agentia naturalia, & materialia: ignis enim non habet effectum nisi in aliqua materia determinata, quia virtus eius materialis est. Et ideo etiam Philosophi non posuerunt creationem secundo modo, nisi in substantiis incorporeis, & immaterialibus. Vel dicendum, quod non est distantia infinita inter ens & non ens ex parte ipsius entis, nisi ens sit infinitum: quia tantum distat aliquid ab uno oppositorum, quantum participat de altero: unde non distat in infinitum a non esse, nisi quod esse infinitum habet, scilicet Deus, cui quanto reliqua entia sunt proximiora, tanto magis a non esse distant, sicut Augustinus dicit in Lib. XII. Confession. quod Angelus factus est prope Deum, materia prope nihil. Sed verum est quod dicta distantia est quodammodo infinita ex parte non entis simpliciter, eo quod neque determinatam distantiam ab aliquo ente signato transcendit, quia nihil potest magis distare ab ente quam non ens. Contingit enim aliquam distantiam esse infinitam ex una parte, & finitam ex altera, sicut quodcumque sit comparatio finiti ad infinitum. Nisi enim esset aliquo modo talis distantia finita, non distaret minus una creatura a Deo quam altera; & nisi esset aliquo modo infinita, posset intelligi aliquid magis distans a creatura quacumque quam Deus. Creatio autem non respicit hanc distantiam ex parte non entis, sed magis ex parte entis, quod est creationis terminus.

Ad sextum dicendum, quod latia debetur Creatori, inquantum ipse est primum agens, cuius virtute omnia alia agunt, & ipse non agit virtute alterius: & hoc non potest alicui creaturae communicari.

Ad septimum dicendum, quod quamvis nulla creatura sit in qua non sit aliquid de potentia, ad minus secundum quod eius natura se habet ad esse quod recipit a Deo sicut potentia ad actum; tamen aliqua creatura est in qua nihil de potentia remanet quae non sit completa per actum, sicut est Angelus: & ideo talis creatura se tota potest agere; quamvis primum principium suae actionis sit aliquid aliud ab ipsa, scilicet Deus, qui est primus agens.

QUAESTIO II.

Deinde quaeritur, qui possint baptizare: & circa hoc quaeruntur tria.

Primo. Utrum possint baptizare tam ordinati, quam non ordinati.

Secundo. Utrum possint baptizare tam boni, quam mali.

Tertio. Utrum possint baptizare tam homines, quam Angeli.

ARTICULUS I.

Utrum nullus possit baptizare, nisi habeat ordinem.

III. P. quest. lxxvii. art. 1. 2. 3. 4. & 5.

Ad primum sic proceditur. Videtur quod nullus possit baptizare nisi habeat ordinem. Actum enim hierarchicum nullus potest exercere, nisi sit hierarchiae particeps. Sed illi qui non habent ordinem, non sunt particeps hierarchiae, quia non habent aliquem sacrum principatum. Ergo cum baptizare sit actus hierarchicus, quia baptismus est purgatio, & illuminatio, ut dicit Dionysius in eccl. Hierarc. (cap. v. part. 1.) videtur quod nullus possit baptizare, nisi habeat ordinem.

2. Praeterea. Sicut baptismus est sacramentum necessitatis, ita & poenitentia. Sed nullus potest absolovere sacramentaliter in poenitentia, nisi habeat ordinem. Ergo & similiter nullus non ordinatus potest baptizare.

Sed contra est quod Isidorus* dicit, quod cum ultima necessitas cogit, etiam laiciis fidelibus permittitur baptizare. Sed laici non habent ordinem. Ergo &c.

QUAE-

(a) *idest* quod. (b) *id est* ut.

QUAESTIUNCULA II.

1. Ulterius. Videtur quod baptizare sit proprium ordinis diaconi. Quia secundum Dionysium diaconi habent vim purgativam. Sed baptismus principaliter ad purgandum est institutus. Ergo diaconis competit baptizare ex proprio officio.

2. Præterea. Marc. ult. simul inungitur officium baptizandi cum predicatione Evangelii. Sed prædicatio Evangelii pertinet ad diaconos ex proprio officio. Ergo & baptizare.

Sed contra est quod Isidorus dicit (ubi supra) quod baptismi ministerium nec ipsi diaconibus implere est licitum.

QUAESTIUNCULA III.

1. Ulterius. Videtur quod non baptizati baptizare non possint. Minus enim est sacramentum recipere quam sacramentum conferre. Sed non baptizati non possunt sacramentum aliquod recipere: quia secundum Dionysium (de eccl. Hierar. cap. 11. part. 1.) non sunt ad spirituales, & hierarchicas actiones idonei. Ergo nec sacramentum baptismi conferre possunt.

2. Præterea. Si non baptizatus posset baptizare, & ipse baptismum indigeret, posset seipsum baptizare. Sed hoc est impossibile: tum quia nulla res secundum Augustinum seipsum gignit ut sit; baptismus autem regeneratio quidam est: tum quia non posset servari forma Ecclesie. Ergo non baptizatus baptizare non potest.

Sed contra est quod in littera dicitur, quod Romanus Pontifex non hominem iudicat qui baptizat, sed spiritum Dei, quamvis paganus sit qui baptizat. Sed paganus non est baptizatus. Ergo non baptizatus potest baptizare.

SOLUTIO I.

Respondeo dicendum ad primam questionem, quod baptismus inter alia sacramenta est maxime necessarius: tum quia pueris non potest aliter subveniri; tum quia etiam nec adultis quantum ad remissionem totius peccati: & ideo ea quæ ad necessitatem sacramenti requiruntur, debuerunt esse communissima & ex parte materię, scilicet aquæ, quæ ubique haberi potest, & ex parte ministri, ut quilibet homo baptizare possit: & sic sanctificatio materię, & benedictio præcedens baptismum non est de neces-

sitate sacramenti, sed de solemnitate, quam non licet prætermittere propter Ecclesie institutionem. Ita etiam ordinatio ministri non est de necessitate sacramenti, sed de solemnitate: & peccat si aliquis non ordinatus baptizet, nisi necessitate imminente, tamen sacramentum confert.

Ad primum ergo dicendum, quod homini non competit actus hierarchicus ex natura sua, sed ex divina institutione, & sanctificatione: & quamvis simpliciter gradum hierarchicum non contulit omni homini, tamen actum istum hierarchicum omnibus hominibus contulit propter necessitatem, sicut omnibus aquis vim regenerativam dedit.

Ad secundum dicendum, quod non est simile de poenitentię sacramento, & baptismo: quia aliquis sine absolutione sacramenti poenitentię potest salvari in necessitate, nec iterum absolutio sacerdotalis a tota poena absolvitur; sed in pueris non est aliquid aliud per quod possint salvari, nec quo adulti possint a tota poena liberari: & ideo est maioris necessitatis quam poenitentia.

SOLUTIO II.

Ad secundam questionem dicendum, quod in potentis ordinatis ita est quod quidquid potest potentia inferior, potest superior, sed non convertitur. Unde cum potestas sacerdotalis ordinis sit supra potestatem diaconi, sacerdos habet vim purgativam cum illuminativa; sed diaconus habet purgativam tantum sine illuminativa. Et quia in omnibus sacramentis novæ legis est illuminatio gratiæ cum purgatione, ideo non est diaconus proprius minister baptismi, nec alicuius sacramenti, sed aliorum sacramentalium, sicut exorcismi, & expulsiōis immundorum a divinis, ut cum dicit: *Si quis Indus est, abscedat*: & eruditionis eorum qui ignorant qualiter se habere debeant ad divina, ut cum dicit, *Et clamor gentium*, & *Humiliate vos*, ad benedictionem, vel aliud huiusmodi.

Ad primum ergo dicendum, quod baptismus non habet tantam purgativam, sed illuminare, ut dicit Dionysius (de eccl. Hierar. cap. v. part. 1.) & ideo non competit diacono, sed sacerdoti.

Ad secundum dicendum, quod ad diaconum pertinet predicare Evangelium, & in Ec-

EX EDIT. P. NICOLAI.

Ecclesia recitare, quod est quasi loqui linguis; sed ad presbyterum pertinet interpretari, & exhortari, quod est quasi prophetare.

SOLUTIO III.

Ad tertiam questionem dicendum, quod sicut aqua absque omni sanctificatione est materia baptismi, ita etiam homo absque omni sacramentali sanctificatione est baptismi minister quantum ad necessitatem sacramenti; unde non baptizari potest baptizare, dummodo setvet formam Ecclesiae, & habeat intentionem baptizandi.

Ad primum ergo dicendum, quod receptio aliorum sacramentorum non est tantae necessitatis, quantae collatio istius: & ideo potest aliquis conferre hoc sacramentum quia alia non posset percipere.

Ad secundum dicendum, quod quamvis posset aliquis non baptizatus baptizare alium, non tamen potest seipsum baptizare rationibus praedictis in obiectione. Sed quod Innocentius tertius in decretali quadam (extra de baptis. & eius effectu cap. *Debitum*) dicit: *Iudeus qui se ipsum in aquam immergit, dicens: Ego baptizo me in nomine Patris &c. si decessisset, ad patriam evolasset*; intelligendum est propter vim contritionis, & devotionis, ex cuius magnitudine hoc procedere videbatur, ut inter Iudeos existens, quasi periculo mortis se offerret.

ARTICULUS II.

Utrum mali sacramentum baptismi conferre possint.

III. P. quest. lxxiv. art. 5. & 6.

1. **A**D secundum sic proceditur. Videtur quod mali sacramentum baptismi conferre non possint. Sicut enim ad baptismum requiritur forma, & materia, ita & minister. Sed si sit materia indebita, vel forma; non erit baptismus. Ergo & similiter si sit minister indebitus. Sed malinon sunt debiti ministri: quia, sicut dicit Augustinus (super Ioan. tract. v.) iustos oportet esse per quos baptizatur. Ergo malisacramentum conferre non possint.

2. Præterea. Membrium aridum non participat aliquam actionem corporis. Sed baptizare est aliqua actio corporis mystici. Cum ergo mali sint quasi membra aridum, carentes pinguedine caritatis, & gra-

tiz, videtur quod baptismum conferre non possint.

Sed contra sunt plures rationes in littera.

QUAESTIUNCULA II.

1. Ulterius. Videtur quod per eos non conferatur res sacramenti. Eccli. xxxiv. 4. *Ab immundo quis mundabitur?* Sed peccator omnis est immundus. Ergo ab eo nullus potest mundari. Cum ergo mundatio sit res sacramenti baptismi, videtur quod per malos res sacramenti non conferatur.

2. Præterea. Sacerdotes sunt medi inter Deum & plebem, divina in sacris præbentes populo per doctrinam, & ea quæ sunt populi representantes Deo per orationem. Sed orationes malorum sacerdotum non profunt plebi: quia secundum Gregorium in Pastoralis (part. i. cap. xi.) *eum is qui displicet, ad intercedendum mittitur, irati animus ad deteriora provocatur*. Ergo nec sacramenta per malos ministros data profunt ad effectum salutis.

Sed contra est quod in littera dicitur: Cum baptizat malus, illud quod datum est, unum est, nec impar propter impares ministros. Sed boni baptizando conferunt sacramentum, & rem sacramenti. Ergo & mali.

QUAESTIUNCULA III.

1. Ulterius. Videtur quod per meliorem ministrum baptismus datus maiorem effectum habeat. Multiplicata enim causa multiplicatur effectus. Sed baptismus ex opere operato gratiam confert: similiter etiam patet quod sancti homines ex opere operante gratiam alicui merentur. Ergo si opus operans baptizantis adiungatur cum efficacia baptismi, maior gratia dabitur.

2. Præterea. Baptismus magis est ordinatus ad spirituale salutem quam ad corporalem. Sed aliquis baptizatus a sancto homine meritis, & intercessionem baptizantis quandoque salutem corporalem consequitur; quod non est ex opere operato: quia baptismus ad hoc efficaciam non habet; sicut patet de Constantino, quem Silvester baptizavit. Ergo etiam quantum ad spirituales salutem baptismus a bono ministratus potest ampliorem effectum spiritualis salutis habere.

Sed contra est quod in littera dicitur: *Non est melior baptismus qui per meliorem ministrum datur; sed per ministros dispares Dei munus est æquale*.

QUAE-

QUAESTIUNCULA IV.

1. Ulterius. Videtur quod malus minister peccet baptizans. Quia, sicut Augustinus in littera dicit, iustos oportet esse per quos baptizatur. Si ergo non sint iustum baptizant, faciunt quod non oportet. Ergo peccant.

2. Præterea. Eucharistiae sacramentum non est maioris efficaciae quam baptismi. Sed peccat sacerdos indigne accedens ad illud sacramentum, ut pater I. Corinth. x. 1. Ergo & peccat, si sit malus, baptizando.

3. Sed contra. Ex officio habet quod baptizet. Ergo exequendo suum ministerium non peccat.

4. Præterea. Ipse tenetur baptizare. Ergo si baptizando peccat, esset perplexus; quod non potest esse.

QUAESTIUNCULA V.

1. Ulterius. Videtur quod recipiens in se, vel in alio sacramentum a malo sacerdote, peccat. Quia consensiens peccanti ipse peccat. Sed sacerdos in aliquo casu peccat indigne baptizans. Ergo & ab eo baptismum accipiens, vel exigens.

2. Præterea. Etsi quod sacerdos non velit baptizare sine pretio, constat quod si datur ei pretium, simonia committitur; quod sine peccato fieri non potest. Ergo in aliquo casu peccat accipiens sacramentum baptismi a malo ministro.

Sed contra est quod Augustinus in littera dicit: *Nec timeo adulterum, nec homicidam*. Eset autem timendus, si ab eo accipiens sacramentum peccaret. Ergo nec peccat ab eo accipiens sacramentum.

SOLUTIO I.

Respondeo dicendum ad primam questionem, quod in sacramentis est aliquid quod est de substantia sacramenti, & aliquid quod est de convenientia sacramenti, & solemnitate. Si ergo subtraheretur aliquid quod est de substantia sacramenti, non erit verum sacramentum; si autem subtraheretur aliquid eorum quæ requiruntur ad solemnitatem, vel convenientiam sacramenti, propter hoc non desinit esse sacramentum. Unde cum bonitas ministri non sit de substantia sacramenti, quia non omnino certa est, sed quandoque ignorata; ea autem quæ sunt de substantia sacramenti oportet esse certa; pater quod subtrahenda bonitate ministri adhuc est sacramentum, dummodo alia quæ sunt de sacramenti substantia, observentur.

Ad primum ergo dicendum, quod debet tum dicitur dupliciter. Uno modo, debito necessitatis; & sic est debitus minister baptismi quilibet homo. Alio modo, debito convenientiæ, & congruitatis; & sic oportet ministrum esse bonum, sicut oportet aquam in qua sit baptismus, esse mundam ob reverentiam sacramenti; tamen si sit immunda, nihilominus fit in ea baptismus; & similiter si sit minister malus, nihilominus confertur baptismus.

Ad secundum dicendum, quod duplex est actio corporis. Una est intranea, sicut sentire, vivere, & huiusmodi; & talem actionem non participat membrum aridum; & similiter nec homo malus actionem virtutum, quæ huic proportionaliaur. Alia est actio ad extra; & talis actio bene potest fieri per membrum aridum, sicut percutere, quod etiam omnino re inanimata fit, ut baculo; & huic proportionaliter respondet ministratio sacramentorum.

SOLUTIO II.

Ad secundam questionem dicendum, quod duplex est agens: unum principale, & aliud instrumentale. Agens autem principale, cum agat sibi simile, oportet quod habeat formam, quam inducit per suam actionem in agentibus univocis, vel aliquam nobiliorem in agentibus non univocis. Sed agens instrumentale non oportet quod habeat formam quam inducit ut disponentem ipsum, sed solum per modum intentionis; sicut de forma scamni in ferra pater, ut in 1. dist. (quest. 1. art. 4. questiu. 1. & 2.) dictum est. Agens autem principale in baptizando est ipse Deus per auctoritatem, & ipse Christus, secundum quod homo, cuius meritum operatur in baptismi; & ex plenitudine divinæ bonitatis, & gratiæ Christi pervenit gratia ad baptismum. Sed baptizans est tantum agens instrumentale: unde non refert ad rem sacramenti percipiendam, utrum ipse gratiam habeat, vel non.

Ad primum ergo dicendum, quod actio non attribuitur instrumento, secundum Philosophum (Lib. II. de generat. animal. cap. 1.) proprie, sed principali agenti. Unde proprie & per se loquendo iste malus minister non est qui mundat, sed Christus, de quo dictum est Ioan. 1. 33. *Hic est qui baptizat*.

Ad secundum dicendum, quod in oratione orans est sicut principale agens, non solum sicut instrumentale: & ideo requiritur ad

ad efficaciam orationis quod ex opere operante effectum sortiatur, non solum ex opere operato, sicut est in sacramentis: & ideo malorum orationes infructuosae sunt, quantum ex eis est; sed possunt esse fructuosae aliis, pro quibus oratur, propter eorum devotionem, vel inquantum orant in persona Ecclesiae.

SOLUTIO III.

Ad tertiam quaestionem dicendum, quod aliquid dicitur effectus alicuius per se, & per accidens. Per se quidem effectus alicuius est quod per ipsum ad hoc ordinatum producitur, sicut domus edificatoris. Per accidens quod coniungitur ei quod est effectus per se, sicut si habitatio domus dicitur effectus edificatoris. Sic ergo dico, quod effectus per se baptismi aequalis est, a quocumque detur, vel a malo, vel a bono, ceteris paribus ex parte baptizati; sed cum effectu baptismi potest aliquid aliud baptizato conferri, siue pertineat ad salutem corporis, siue animae, ex merito baptizantis; & hoc non est proprie effectus baptismi: quia baptismus non est causa nisi instrumentaliter, & non est instrumentum agens in virtute ministri, qui & ipse instrumentum est, (a) agens in virtute Christi, & Dei.

Et per hoc patet solutio ad obiecta.

SOLUTIO IV.

Ad quartam quaestionem dicendum, quod quicumque in peccato mortali existens, exhibet se ministrum Ecclesiae (b) in quocumque spirituali, peccat secundum quorundam opinionem satis probabilem, & quae per auctoritatem Dionysii (cap. 111. eccl. Hierarch.) confirmatur, ut infra (dist. xxiv. quaest. 1. art. 3. quaest. unc. 1.) melius ostenditur: & ideo sacerdos baptizans cum solemnitate, ministrum Ecclesiae se exhibens, peccat mortaliter; si autem simpliciter baptizat in articulo necessitatis, non quasi minister Ecclesiae, sed sicut vetula baptizare posset, non peccat.

Ad primum ergo dicendum, quod auctoritas Augustini non multum cogit, quia loquitur de opportunitate congruentia; & praeterea loquitur de illis qui baptizant ut ministri Ecclesiae: unde subdit: *Iustus oportet esse tantis indicis ministrus.*

Ad secundum dicendum, quod secus est de eucharistia: quia illud sacramentum numquam nisi a ministris Ecclesiae perfici

potest: & ideo semper aliquis celebrans illud sacramentum, ministrum Ecclesiae se exhibet.

Ad tertium dicendum, quod quamvis ex officio competat sibi quod baptizat, tamen officium suum debet iuste exercere, sicut dicitur Deut. xvi. 20. *Iuste, quod iustum est, (c) exsequeris.*

Ad quartum dicendum, quod ipse non est perplexus: quia potest quod per peccato, & tunc baptizare, & consecrare.

SOLUTIO V.

Ad quintam quaestionem dicendum, quod malus minister aut est praecisus ab Ecclesia, aut non. Si sit praecisus ab Ecclesia, tunc peccat ab eo recipiens sacramentum, nisi in necessitate, in qua posset etiam a Pagano, vel a Iudeo suscipere. Si autem non sit praecisus ab Ecclesia, non peccat ab eo accipiens sacramentum, nisi per accidens, scilicet si eius peccato communicet.

Ad primum ergo dicendum, quod dato quod malus sacerdos peccet baptizando, non tamen oportet quod ille qui ab eo baptismum recipit, vel exigit, etiam excepto casu necessitatis, peccet, propter duas rationes. Primo quia isti non potest esse certum quod ille sit in peccato mortali, cum in uno instanti spiritus operetur iustificacionem impii. Secundo quia iste petit quod iustum est, quia a suo sacerdote debet sacramenta percipere. Nec propter hoc cogit, vel inducit eum ad peccandum: quia ille potest reddere quod debet, non peccando.

Ad secundum dicendum, quod aut ille qui est baptizandus, est adultus, aut non. Si est adultus, sufficit ei petere baptismum ad salutem, quia baptizatur baptismum flaminis; nec debet propter hoc simoniam committere. Si autem sit puer qui est baptizandus, tunc potius debet ipsemet puerum baptizare, quam pretium sacerdoti pro baptismum simoniace dare. Et tamen licitum est ei aquam emere, si alias habere non posset, quia aqua non est sacrum quid; & si sit sanctificata, non operatur ad baptismum de necessitate eius existens, quasi sanctificata; sed quasi aqua: & ideo non emit aquam sanctificatam, sed aquam. Quidam vero dicunt, quod potest pretium dare: quia hoc non est simoniam committere, sed redimere vexationem suam. Sed primum melius videtur.

Q A R-

(a) *Al. deus* agens. (b) *Al. additur* etiam. (c) *Vulgata persequeris.*

ARTICULUS III.

Utrum demon in figura hominis apparens possit baptizare.

III. P. quest. lxxi. art. 7.

1. **A**D tertium sic proceditur. Videtur quod demon in figura hominis apparens possit baptizare. Dicit enim Augustinus super Ioan. (tract. v.) quod talis est baptismus, qualis ille in cuius potestate datur. Si ergo diabolus baptizet invocando potestatem Trinitatis, bonus est baptismus.

2. Præterea. In baptizante non requiritur assimilatio ad Deum per gratiam, quia etiam mali possunt baptizare; nec etiam assimilatio per characterem, quia etiam pagani baptizare possunt. Ergo sufficit assimilatio per naturam. Sed hoc est in demonibus. Ergo possunt baptizare.

Sed contra. Miosisri baptismi ad Christum est aliqua conventio. Sed nulla est conventio Christi ad diabolum, ut patet II. Corinth. vi. Ergo diabolus non potest conferre sacramentum baptismi.

QUAESTIUNCULA II.

1. Ulterius. Videtur quod bonus Angelus in figura hominis apparens, baptizare possit. Baptismus enim est actio hierarchica: quia est illuminatio, & purgatio secundum Dionysium in eccl. Hierar. cap. iv. Sed Angeli exercent in nos hierarchicas actiones: quia purgant nos, perficiunt, & illuminant. Ergo possunt baptizare.

2. Præterea. In actionibus hierarchicis ita est quod quicumque actionem potest facere inferior, potest facere superior, sicut quidquid potest diaconus, potest sacerdos. Sed secundum Dionysium xii. cap. cæl. Hier. quilibet Angelus est maior summo sacerdote apud nos, qui ex eorum potestatis participatione Angelus dicitur Malach. ii. Si ergo sacerdos homo potest baptizare, multo fortius Angelus.

Sed contra. Baptismus est actio militantis Ecclesie. Sed Angeli non sunt neque adu, neque potentia de Ecclesia militante. Ergo baptizare non possunt.

SOLUTIO I.

Respondendo dicendum ad primam questionem, quod diabolus in figura sacerdotis

apparens potest immergere, sed non sacramentum conferre propter duas rationes. Primo quia dispensatio sacramentorum non est concessa nisi hominibus, qui conveniunt cum Verbo incarnato, a quo sacramenta fluxerunt in natura assumpta; & etiam cum sacramentis, in quibus est spiritualis virtus in corporeis elementis; sicut & homines ex natura spirituali, & corporali compositi sunt. Secundo si baptizare se fingeret, semper esset timendum quod non faceret intentione baptizandi, quæ ad sacramentum exigitur, sed intentione decipiendi: quia non esset probabile quod tantum bonum homini procuraret, sicut est spiritualis regeneratio.

Ad primum ergo dicendum, quod ubi datur baptismus, talis est qualis ille in cuius potestate datur. Sed diabolus nullo modo dare potest.

Ad secundum dicendum, quod homo peccator habet similitudinem cum Deo non solum quantum ad naturam divinam per imaginem, sed etiam quantum ad naturam assumptam: & iterum in malis hominibus possibile est esse similitudinem per gratiam, non autem in demonibus. Et præterea quod omnibus hominibus concessa est baptizandi potestas, hoc est propter necessitatem sacramenti, ut omnibus possit de facili adesse baptizans. Sed diaboli conversatio non est cum hominibus: unde non iuvaret ad necessitatem sacramenti, si sibi potestas illa concederetur.

SOLUTIO II.

Ad secundam questionem dicendum, quod Angelis bovis non est collata potestas baptizandi propter duas rationes. Primo quia non habent prædictam convenientiam cum sacramento, & cum Christo, qui est auctor sacramenti. Secundo quia ad necessitatem baptismi non valeret potestas eis concessa, cum non sint in promptu hominibus, (a) ut per eos baptizentur. Sed sicut Deus potentiam suam sacramentis non alligavit, ita nec potestatem consecrandi sacramenta alligavit aliquibus ministris: unde qui dedit hanc potestatem hominibus, posset dare & Angelis. Nec Angelus bonus baptizaret nisi divinitus potestate sibi concessa: unde si baptizaret, non esset re-baptizandus, dummodo constaret quod bonus Angelus esset; sicut & iudicatum est, templum quod per Angelos consecratum est, non oportere per hominem consecrari,

ut

(a) nec per eos baptizarentur.

ut legitur in historia dedicationis sancti Michaelis.

Ad primum ergo dicendum, quod Angeli actiones hierarchicas eis proportionaliter exequentur, (a) scilicet invisibiliter: non autem eis est proportionale ut per corporalia hierarchicas actiones perficiant.

Ad secundum dicendum, quod non oportet quod superior potestas eodem modo operetur quo inferior, sed modo altiori: & ideo non oportet, si homines sacerdotes per sacramentalia symbola actiones hierarchicas exequentur, quod hoc Angeli possint facere, sed modo altiori.

EXPOSITIO TEXTUS.

Quid noverat Ioannes Baptista? Dominum. Sciendum est, quod Ioannes antequam intraret eremum, Christum cognovit personaliter ex conversatione, cum fuerit eius cognatus per carnem, & scivit etiam dignitatem eius ex prophetica revelatione; sed propter longam moram amiserat vultus eius imaginationem: unde personaliter eum non cognoscebat. Et ideo Christo veniente

ad baptismum, tria didicit secundum diversos sanctos: quia secundum Chrysostomum (hom. xvi. in Ioan.) didicit quod iste in persona erat ille quem predicaverat venturum; secundum Augustinum (tract. v. in Ioan.) didicit, quod haberet potestatem excellentiæ quam sibi retineret, tamen posset eam servis largiri; quod tamen in generali prius sciverat, sed tunc in speciali de hac persona cognovit; sed secundum Hieronymum * didicit, quod per baptismum Christi non solum gratia conferretur mundans a culpa, sed etiam ab omni pœna absolvens; quod habet ab eius passione.

Tot (b) essent baptismi quot servi. Hoc non videtur esse inconveniens: quia per hoc non differunt baptismi secundum speciem, cum habent unam formam, & unum effectum, sed differunt tantum secundum materiam, sicut & nunc differunt. Et dicendum, quod differunt secundum virtutem, & secundum invocationem: & sic esset occasio (c) schismatis in Ecclesia, ut unus diceret, Ego sum Pauli; alius, Ego sum Petri.

DISTINCTIO VI.

Quibus liceat baptizare.

Nunc quibus liceat baptizare, addamus. De hoc Isidorus ait (Lib. II. de officiis cap. xxiv. & habetur de consecr. dist. iv. cap. „ Constat.“) „ Constat baptismum solis sacerdotibus esse traditum, eiusque ministerium: nec ipsis diaconis implere est sicutum absque (1) Episcopo, vel presbytero, nisi his procul absentibus, ultima languoris cogat necessitas: quod etiam laicis fidelibus permittitur (2). “ Item ex Concilio Carthagenensi. „ Mulier, quamvis sancta, baptizate non presumat, nisi necessitate cogente. “ De illis vero qui ab hæreticis baptizantur, utrum rebaptizandi sint, queri solet. Ad quod breviter dicimus, quia quicumque sit qui baptizet, si servatur forma a Christo tradita, verum baptismum dat: & ideo qui illum sumit, non debet rebaptizari. Unde Beda (homil. xxxvi. & habetur de consecr. dist. iv. cap. „ Sive hæreticus.“) „ Sive hæreticus, sive schismaticus, sive facinorosus quisque in confessione sanctæ Trinitatis baptizet, non valet ille qui baptizatus est, a bonis catholicis rebaptizari,

Q 2 „ ne

(1) *Ad.* Episcopis, vel presbyteris. (2) *Ad.* Nicolai: ne quisquam sine remedio salutari de hoc sacro evocetur.

(a) *Ad.* sed; Nicolai proportionatas exequentur, scilicet invisibiliter. (b) *Ad.* Nec tot essent.

(c) *Ad.* schismaticis.

EX EDIT. P. NICOLAI.

* Non occurrit expresse quidquam tale in Hieronymo, qui baptismum nihilominus hanc vim habere sæpe urget, & nominatim Lib. VI. super Ezech. ad illa verba cap. xlviii. *Transi a juncis usque ad aciem.*

ne confessio, & Trinitatis invocatio videatur annullari. "Item Augustinus* (Lib. lxx. Quæst. ad Orosium. quæst. lxx.) "Quamvis unus sit baptisma & hæreticorum, scilicet eorum qui in nomine Patris, & Filii, & Spiritus sancti baptizant, & Ecclesiæ catholicæ; tamen qui foris Ecclesiam baptizantur, non sumunt ad salutem baptismum, sed ad perniciem, habentes formam sacramenti, virtutem autem eius abnegantes; & ideo Ecclesia non eos (1) baptizat, qui in nomine Trinitatis baptizati sunt; & ipsa est forma sacramenti. "Item: Re baptizare hæreticum, qui hæc sanctificationis signa percepit, omnino peccatum est; catholicum vero (2) rebaptizare immanissimum scelus est. "Ex his aperte colligitur quod qui etiam ab hæreticis baptizari sunt servato charactere Christi, rebaptizandi non sunt, sed tantum impositione manus reconciliandi, ut Spiritum sanctum accipiant, & in signum detestationis hæreticorum. Sunt tamen nonnulli Doctores, ut Cyprianus, & alii quidam, qui dicere videntur, ab hæreticis non posse tradi baptismum, & eos esse rebaptizandos, cum veniant ad Ecclesiam, qui ab illis dicuntur baptizati. Sed hoc de illis verum est qui extra formam Ecclesiæ baptizare præsumunt. Cyprianus tamen ibi a veritate deviasse videtur, qui ait de hæretico (Lib. I. Epistolarum epist. xii.) "Quomodo sanctificare aquam potest, cum ipse immundus est, & apud quem Spiritus sanctus non est? cum Dominus dicat in lege (Num. xix. 22.) Quæcumque tetigerit immundus, immunda erunt? Quis potest dare quod ipse non habet? "Hoc ergo ex ignorantia eum dixisse Augustinus innuit (de unic. baptis. contra Petilianum cap. xiiii.) dicens: "Martyrem Cyprianum gloriosum, qui apud hæreticos, vel schismaticos datum baptismum volebat (3) cognoscere, dum eos nimis detestaretur, tanta eius merita usque ad triumphum martyrii secuta sunt, ut & caritatis qua excelebat luce obumbratio illa fugeretur: (4) & si quid purgandum erat, passionis falce tolleretur. Nec nos, qui baptismi veritatem, & hæreticorum iniquitatem agnoscimus, ideo Cypriano meliores sumus, sicut nec Petro, quia Gentes iudaizare non cogimus."

Quod nullus in materno utero baptizetur.

HOC etiam sciendum est, quod licet ter immergamur propter mysterium Trinitatis, tamen unum baptisma reputatur (ut dicit Hieronymus super Epist. ad Ephes. & de consecr. dist. iv. cap. "Eodem modo.") Illud etiam ignorandum non est, quod in materno utero nullus baptizari potest, etiam si mater baptizetur. Unde Isidorus (Lib. I. de summo bono cap. xxv.) "Qui in maternis uteris sunt, baptizari non possunt: quia qui natus adhuc secundum Adam non est, secundum Christum non potest renasci: neque regeneratio in eo dici potest, in quem generatio non præcessit." Item Augustinus (ad Dardanum epist. lvi.) "Non potest quisquam renasci antequam natus (5). "Si vero opponitur de Hieremia, & de Ioanne Baptista, qui ab utero sanctificati leguntur, quod etiam de Iacob quidam putant; dicimus, si sanctificatio ibi accipitur interior emundatio, in miraculis divinæ potentie esse habendum, ut Augustinus ait ambigue super hoc loquens (loc. cit.) "Si usque adeo (inquit) in illo puero acceptus erat usus rationis, & voluntatis, ut intra materna viscera iam posset agnoscere, & credere, quod in aliis parvulis expectat ætas, ut possint, in miraculis habendum esset divinæ potentie, non ad humanæ trahendum exemplum."

"na"

(1) Nicolai rebaptizat. (2) Al. deest rebaptizare. (3) Nicolai agnoscere. (4) Idem: & ut sacramentum fructuosum fieret fructuosius: si quid in illo purgandum erat &c. (5) Nicolai addit sic.

EX EDIT. P. NICOLAI.

* Augustino inscribuntur; sed eius non sunt, cum & in fine velut ex quodam Patrum citent aliqua verba quæ Augustinus ipse hæc: Lib. xix. de Civit. Dei cap. xix. nec Augustini stylium præferat & ex propterea in appendicem reiecta sunt.

naturæ. Nam quando voluit Deus, etiam iumentum locutum est (Num. xxxiii.). Ideo de Hieremia legitur (Hier. i. 5.) Priusquam exires de ventre, sanctificavi te. Illa tamen sanctificatio qua efficiamur templum Dei, non nisi renatorum est. Nisi enim quis renatus fuerit ex aqua, & Spiritu sancto, non potest intrare in regnum Dei (Ioan. iii. 5.) Nemo autem renascitur, nisi prius nascatur. Unde illa sanctificatio potest secundum prædestinationem accipi. "Ecce videtur dubitanter loqui, qui etiam in eodem dicit: "Non dictum est, quia credidit infans in utero, sed exultavit: nec Elisabeth dicit, Exultavit in fide, sed exultavit (1) in utero meo. Et potuit esse (2) significatio tantæ rei a maioribus cognoscendæ, non a parvulo cognitæ." Absque assertionem de hac sanctificatione loquitur, non definiens qualiter intelligenda sit illa sanctificatio, an sit signum futuræ rei, an veritas iustificationis per Spiritum tactæ. Sed melius est ut dicamus illos præter communem legem in uteris iustificatos, & gratia præventos, dimissis omnibus peccatis; quod etiam multis sanctorum testimoniiis edocetur.

Si baptizatus sit, verbis corrupte prolatis.

Quæri etiam solet, si corrupte proferantur verba illa, an baptizatus sit. De hoc Zacharias Bonifacio scribit (refertur in decretis de consecrat. dist. xv. cap. "Retulerunt.") "Retulerunt mihi nuntii tui, quod fuerit sacerdos in ea, dem provincia qui latinam linguam penitus ignorabat, & dum baptizaret, nescius latini eloqui, infringens linguam, diceret: Baptizo te in nomine Patria, & Filia, & Spiritus sancta; & propter hoc considerasti (3) rebaptizare. Sed si ille qui baptizavit, non errorem inducens, vel hæresim, sed pro sola ignorantia Romanæ locutionis, infringendo linguam, baptizans dixisset; non possumus consentire ut denuo baptizentur."

Leo Papa.

Præterea sciendum est, quod illi de quibus nulla extant indicia inter propinquos, vel domesticos, vel vicinos, a quibus baptizati fuisse doceantur, agendum est ut renascantur, ne pereant: in quibus quod non ostenditur gestum, ratio non finit ut videatur iteratum. Conferendum eis videtur quod collatum esse nescitur: quia non temeritas interveit præsumptionis, ubi est diligentia pietatis."

De illo qui pro ludo immergitur.

Solet etiam quæri de illo qui iocans, sicut mimus, commemoratione tamen Trinitatis immergitur, utrum baptizatus sit. Hoc autem Augustinus non definit ita inquires (Lib. III. de baptis. contra Donat. cap. lxxi.) "Si totum ludo dicere, & mimice, & ioculariter ageretur, utrum approbandus esset baptizatus, qui sic daretur, divinum iudicium per alicuius revelationis (4) miraculum oratione implorandum esse censerem." Videtur tamen sapientibus non fuisse baptisina; ut cum aliqui in balneum, vel in flumen merguntur in nomine Trinitatis, non est tamen baptizatus, quia non intentione baptizandi illud geritur. Nam in hoc, & in aliis sacramentis, sicut forma est servanda, ita & intentio illud celebrandi est habenda. Illud etiam non te moveat quod quidam non ea fide parvulos ad baptismum ferunt, ut per Spiritum ad vitam regenerentur æternam; sed

(1) Augustinus testis: in gaudio in utero &c. (2) A. sanctificatio tantæ rei a maioribus cognoscendæ indicium, non a parvulo cognitæ. (3) Nicetas addit eos. (4) Augustinus minus ostendit.

EX EDIT. P. NICOLAI.

* Epist. xc. vel xcix. ad Rusticum cap. xv. & in decretis dist. xv. de consecrat. cap. Si nullo.

sed eos putant hoc remedio temporalem accipere sanitatem : non enim propterea illi non regenerantur , quia nec ab illis hac intentione effertur.

*Leo Papa . **

„ **A** Gnoscendum, est etiam in baptizandis electis duo tempora esse servanda ,
 „ idest pascha, & pentecosten, ut in sabbato paschæ, vel pentecostes baptis-
 „ mi sacramentum celebretur. Qui vero necessitate mortis, vel periculi urgatur,
 „ omni tempore debet baptizari. “

De responsione patrisorum .

Porro cuncti ad baptismum venientes fidem suam profiteri debent , & exponere ad quid petendum venerint ad Ecclesiam. Unde etiam a baptizando queritur : Quid venisti ad Ecclesiam petere ? Qui si adultus est , pro se respondet , Fidem , idest sacramentum fidei , & doctrinam. Ita etiam per singula interrogatus respon- det se credere in Patrem, & Filium, & Spiritum sanctum. Si autem parvulus est non valens credere , vel loqui , alius pro eo respondet. Unde Isidorus (Lib. II. de offic. cap. xxiv.) „ Parvuli alio prohteante baptizantur , quia adhuc loqui , vel „ credere nesciunt ; sicut etiam pro ægris , mutis , vel surdis alius proficitur dum „ baptizantur. (1) Sic & de poenitentibus agendum est. Si vero pro eo qui re- „ spondere potest , alius respondeat , non itidem valet , sicut dictum est (Ioan. ix. „ 21.) Aetatem habet ipse de se loquatur. “ Si vero queritur ex quo sensu pro parvulo dicatur , Credo , & fidem peto ; dicimus de sacramento fidei id esse in- telligendum , quod responderetur petere cum desertur ad Ecclesiam , & habere cum baptizatur ; ut sit sensus , cum dicitur : Fidem peto ; idest , sacramentum fidei præsto sum recipere : credo , idest sacramentum fidei suscipio ; quod est , hic parvulus præsto est sacramentum fidei accipere. Unde Augustinus (epist. xxiii. ad Bonifacium , in fine) „ Nihil est aliud credere quam fidem habere : & ideo cum „ responderetur credere parvulus , qui fidei nondum affectum habet ; responderetur „ fidem habere propter fidei sacramentum , & convertere se ad Deum propter „ conversionis sacramentum. “ Sed adhuc queritur , ex quo sensu pro parvulo respondeatur : „ Credo in Deum Patrem , & in Iesum Christum , & in Spiritum „ sanctum. “ Numquid de sacramento fidei , an de fide mentis ibi agitur ? Si de sacramento , cur nominatim distinguuntur personæ ? Si vero de fidei affectu , quomodo verum est , cum ea parvulus careat ? (2) An illud facturus parvulus spondet cum creverit , sicut & omnibus pompis diaboli spondetur abrenuntiare : quod si non servaverit factus adultus , tenebitur ipse , vel sponsor. Sane etiam dici potest ibi sponderi pro parvulo , quod ad maiorem ætatem si venerit , & pompis diaboli renuntiabit , & sanam fidem tenebit , cuius tunc sacramentum recipit. Hac autem sponsione parvulus pro quo fit , tenebitur , non sponsor ; si tamen ut cautio impleatur , quantum in se est , operam dederit : quia exigitur a patrino ut sit diligens circa eum pro quo spondit , sollicitudo. De hoc Augu- stinus (serm. 11. ad neophytos) „ Certissimam emisistis cautionem , qua renun- tiare pompis diaboli spondistis. “

De

(1) *Nicolaus addit*, Et Concilium Carthaginense III. can. xxxiv., „ Aegrotantes si pro se respondere „ non possunt , cum voluntas eorum testimonium sui dixerit , baptizentur. Sic & de poenitentibus. “ Si vero pro eo qui respondere potest , alius respondeat , non itidem valet , sicut dictum est (Ioan. ix.) „ Aetatem habet , ipse de se loquatur. “ (Et hac occasione in Decretis refertur dist. xv. de consecr. cap. Cum pro parvulis ex Augustino Lib. IV. de baptismo contra Donatistas cap. 24.) Si vero qua- ritur &c. (2) *Id. addit* Respondetur.

EX EDIT. P. NICOLAE

* Epist. xv. cap. v. ad universos Episcopos per Siciliam constitutos , & in decr. de consecr. li. iv. cap. Dues.

De catechismo, & exorcismo.

Illa autem interrogatio, & responsio fidei fit in catechumeno, cui additur exorcismus. Ante baptismum enim fit catechismus, post catechismum sequitur exorcismus, ut ab eo qui iam fide instructus est, adversaria virtus pellatur. Exorcismus de græco dicitur in latinum adiurato, catechismus instructio: catechizare enim est instruere, ut de symbolo, ac rudimentis fidei: exorcizare est adiurare, ut, „Exi ab eo spiritus immunde:“ symbolum est signum, vel collatio: signum, quia eo fideles ab infidelibus discernuntur; collatio, quia ibi totius fidei sufficientia, & integritas est collata. Catechismus, & exorcismus neophytorum sunt, magisque sacramentalia quam sacramenta dici debent. Neophytus, novitius interpretatur, vel rudis: & dicitur neophytus nuper ad fidem conversus, vel in disciplina religiosæ conversationis rudis. Hæc ergo præcedunt baptismum, non quod sine istis non possit esse baptismus verus, sed ut baptizandus de fide instruat, & sciat cui debitor fiat deinceps, & ut diaboli potestas in eo minuat. Unde Rabanus (de institut. clericor. Lib. I. cap. xxv. habetur de conf. dist. iv. cap. „Ante baptismam.“) „Ante baptismum catechizandi debet in homine prævenire officium, ut fidei catechumenus accipiat rudimentum, & sciat cui debitor fiat deinceps.“ Item Augustinus (de symbolo ad catechumenos Lib. I. cap. 1.) „Parvuli exfuffantur, & exorcizantur, ut ab eis pellatur potestas diaboli:“ (1) scilicet ne iam contendant eos subvertere ne baptismum consequantur. Non ergo ab infantibus creatura Dei exfuffatur, vel exorcizatur; sed diabolus, ut recedat ab homine.

DIVISIO TEXTUS.

Superius determinavit Magister, qui possunt baptizare, hic intendit determinare qui, & qualiter congrue baptizent: & dividitur in partes tres. In prima ostendit qualiter congrue fiat baptismus ex parte baptizantis. In secunda qualiter congrue fiat ex parte baptizandi, utrum (a) scilicet aliquis sit rebaptizandus, vel non, ibi, De illis vero qui ab hæreticis baptizantur, utrum rebaptizandi sint quæri solet. In tertia qualiter congrue fiat quantum ad ritum baptismi, ibi, Cognoscendum est etiam, in baptizandis electis duo tempora esse servanda. Secunda pars dividitur in tres. In prima ostendit, utrum aliquis sit rebaptizandus propter defectum baptizantis. In secunda, utrum sit rebaptizandus propter defectum baptizati, ibi, Illud etiam ignorandum non est, quod in materno utero nullus baptizari potest. In tertia, utrum sit rebaptizandus propter defectum eorum quæ pertinent ad baptismum, ibi, Quæri autem solet, si corrupte proferantur verba illa, an baptismus sit. Prima dividitur in tres. In prima ostendit quod baptizati ab hæreticis non sunt rebaptizandi. (b) In secunda excludit opinio-

nem contrariam, ibi, Sunt tamen nonnulli doctorum . . . qui dicere videntur, ab hæreticis non posse tradi baptismum. In tertia removet quendam objectionem, quæ rebaptizantibus patrocinari videtur, ibi, Hoc etiam sciendum est &c.

Illud autem ignorandum non est &c. Hic inquit, utrum sit aliquis rebaptizandus propter defectum nativitatis ex utero, & circa hoc duo facit. Primo ostendit quod illi qui nondum nati sunt, in matris utero existentes, non susceperunt baptismum baptizatis matribus: unde baptizandi sunt. Secundo obicit in contrarium, & solvit, ibi, Si vero opponitur de Hieremia, & Ioanne . . . dicimus &c.

Quæri autem solet, si corrupte proferantur verba illa, an baptismus sit. Hic inquit, utrum sint aliqui rebaptizandi propter defectum eorum quæ ad baptismum requiruntur: & primo utrum propter corruptionem formæ; secundo utrum propter incertitudinem baptismalis ablutionis, ibi, Præterea sciendum est, quod illi de quibus nulla extant indicia inter propinquos, vel domesticos, vel vicinos, a quibus baptizati fuisse doceantur, agendum est ut renascantur, ne pereant; tertio utrum propter defectum intentionis, ibi, Solet etiam quæri de illo qui iocans, sicut

(1) Al. desit scilicet.

(a) desit scilicet. (b) Al. secundo.

sicut nimis, commemoratione tamen Trinitatis immergitur.

Cognoscendum est etiam, in baptizandis electis quo tempore esse servanda. Hic ostendit qualiter baptismus congrue fiat ex parte ritus, & circa hoc tria facit. Primo ostendit quod tempus sit deputatum ad solemnem baptismi celebrationem. Secundo determinat de professione quae praecedit baptismum, ibi, Porro cuncti ad baptismum venientes fidem suam profiteri debent. Tertio determinat de catechismo, & exorcismo, in quibus huiusmodi professio fit, ibi, Illa autem interrogatio & responsio fidei fit in catechismo. Circa secundum duu facit. Primo ostendit propositum; secundo movet duas quaestiones: primam ibi, Si vero queritur ex quo sensu pro parvulo dicatur, Credo, vel fidem peto; dicimus de sacramento fidei id esse intelligendum; secundam ibi, Sed adhuc queritur, ex quo sensu pro parvulo respondeatur, Credo in Deum Patrem &c.

QUAESTIO I.

Hic est duplex quaestio. Prima de his quae requiruntur ad baptismum ex parte baptizantis, & baptizati. Secunda de ritu baptismi.

Circa primum queruntur tria.

Primo. Utrum requiratur in baptizando nativitas ex utero.

Secundo. Utrum requiratur in utroque intentio, & voluntas.

Tertio. Utrum requiratur fides.

ARTICULUS I.

Utrum nativitas ex utero in baptizando sit expectanda.

III. P. quaest. lxxviii. art. ii.

AD primum sic proceditur. Videtur quod nativitas ex utero non sit expectanda. Nulli enim statui hominis pracluditur via salutis ab eo qui vult omnes homines salvos fieri. Sed existentes in maternis uteris homines sunt, cum sint iam animam rationalem sortiti, & sunt in periculo damnationis propter peccatum originale contractum, & facilitatem corruptionis. Ergo cum eis non possit remedium adhiberi perveniendi ad vitam nisi per baptismum, (a) videtur quod debeant baptizari.

(a) *id.* dicitur. (b) *id.* in eum non dici potest.

1. Praeterea. Puer in materno utero existens est quasi quidam pars matris, sicut fructus pendens in arbore a partibus arboris. Ergo baptizata matre baptizatur puer in ventre eius existens.

3. Praeterea. Contingit quandoque quod aliqua pars prius egrediatur, sicut legitur Gen. xxv. de Esau, quod exivit primo manus; & tamen timeatur de periculo mortis. Ergo videtur quod saltem in tali casu non sit expectanda nativitas ex utero, sed pars egressa aspergenda baptismali aqua.

4. Praeterea. Mors aeterna peior est quam mors corporalis in infinitum. Sed de duobus malis eligendum est minus malum. Ergo debet mater scindi, & extrahi puer, ut baptizatus a morte aeterna liberetur, & non expectari nativitas ex utero.

Sed contra. I. Corinth. xv. 46. Non prius quod spirituale est, sed quod animale, deinde quod spirituale. Sed baptismus est quidam regeneratio spiritualis. Ergo prius homo animalis, & carnalis nativitate nasci debet quam baptizetur.

Praeterea. Sacramentum est actio militantis Ecclesiae. Sed quamdiu puer est in ventre matris, nondum connumeratur alius membrum Ecclesiae. Ergo non potest sibi baptismus exhiberi.

QUAESTIUNCULA II.

1. Ulterius. Videtur quod nullus etiam in materno utero possit sanctificari per gratiam gratum facientis donum. Quia, ut Ildorus dicit (de summo bono Lib. I. cap. xxiv.) regeneratio (b) in eo dici non potest in quem generatio non praecessit. Sed per gratiam gratum facientem fit homo filius Dei, & ita regeneratur. Ergo non potest homo sanctificari antequam nascatur ex utero.

2. Praeterea. Sicut peccatum actuale contrahitur ex actu, ita originale contrahitur ex origine. Sed peccatum actuale non potest remitti quamdiu homo est in actu peccandi. Ergo nec peccatum originale potest remitti puero in materno utero existenti, qui adhuc est actualiter in origine existens.

3. Praeterea. Ubi est maius periculum, ibi magis divina misericordia subvenit. Sed illi qui morituri sunt antequam ex utero nascantur, sunt in maiori periculo quam Ioannes Baptista, & Hieremias, qui ex utero postmodum nati sunt. Si ergo laudamus pueros dictos sanctificari in utero, ne praevenerant morte, videtur quod mul-

to

to sortus nec Ioannes, nec Hieremias sanctificati fuerunt.

Sed contra est quod dicitur Hierem. 1. 6. *Antequam exires de vulva, sanctificavi te: & Luc. 1. 16.* dicitur, de Ioanne: *Et Spiritu sancto replebitur adhuc ex utero matris suae.* Ergo aliqui in utero sanctificati sunt.

Præterea. De nullo celebrat Ecclesia festum, nisi de sancto aliquo. Sed celebrat nativitatem Ioannis. Ergo tunc nascens sanctus erat: ergo in utero sanctificatus fuit.

QUAESTIUNCULA III.

1. Ulterius. Videtur quod in utero sanctificati non sunt baptizandi. In sanctificatione enim in utero datur maior gratia quam in baptismo: quia sanctificationis gratia dicitur esse confirmans (a) saltem contra mortale peccatum. Sed iniuriam faceret baptismo qui baptizatum iterum baptizaret. Ergo iniuriam facit sanctificationi in utero qui sanctificatum iterum baptizandum sanctificaret.

2. Præterea. Natura non facit per plura quod per unum potest facere. Sed operatio gratiae est ordinatio quam natura. Cum ergo ad salutem sufficiat gratia sanctificationis, videtur quod frustra baptismus addatur.

3. Præterea. Divina operatio non est minus efficax in sanatione spiritali quam corporali. Sed in illis quos curavit corporaliter, non oportebat aliquem medicum ab homine superaddi. Ergo & in illis quos curat per gratiam sanctificationis interius, non sunt adhibenda sacramentorum medicamenta.

Sed contra. Baptismus circumcisioni successit. Sed Ioannes sanctificatus in utero, octavo die legitur circumcissus, Luc. 1. Ergo & sanctificatus in utero esset baptizandus.

Præterea. Sanctificatus in utero est baptismus fluminis. Sed adulti baptizati per contritionem baptismum fluminis, sunt baptizandi baptismum fluminis. Ergo & similiter sanctificati in utero.

SOLUTIO I.

Respondetur dicendum ad primam questionem, quod baptismus est actio hierarchica secundum Dionysium (cap. 12. de eccl. Hier.) unde per ministros Ecclesiae conferendus est, vel per eos qui in neces-

S. Th. Oper. Tom. XII.

(a) scilicet salutem. (b) scilicet, alia.

sitate vicem ministrorum obtinent. Puer autem quamdiu est in utero matris existens, non potest subiici operationi ministrorum Ecclesiae, nec est hominibus notus: & ideo tunc baptizari non potest. Quidam autem assignant alias causas, quae non sunt magni ponderis: quarum una est quod divina iustitia exigit quod peccatum quodlibet non dimittatur sine poena (b) aliqua, quam puer in baptismo sentit; quod esse non posset, dum adhuc est in utero matris. Sed hoc nihil est: quia baptismus secundum Ambrosium (Ambrosiastum in Epist. ad Rom. cap. xi.) non requirit poenam exteriorum. Et præterea peccato originali non debetur poena sensibilis inflicta. Alia est quod gratia dat esse ordinatum: & ideo regeneratio gratiae praesupponit generationem naturae. Alia est quod puer quamdiu est in materno utero, adhuc coniungitur causae originali peccati: & ideo non potest ab eo mundari. Sed hæc triae causae repugnant sanctificationi in utero, sicut & baptismum. Alia est quod in baptismo debet esse aqua, & spiritus contra infectionem carnis, & animæ per originale: & ideo oportet præexistere ad baptismum nativitatem in utero, qua infunditur anima, & nativitatem ex utero, qua nascitur corpus. Sed hoc nihil est: quia nativitas neque est animæ, neque corporis, sed coniuncti: unde in nativitate in utero nascitur & corpus, & anima. Unde primæ rationi standum est.

Ad primum ergo dicendum, quod non est ex defectu divinæ misericordiae quod in matris uteris existentibus remedium non exhibetur, sed quia non sunt capaces illius remedii, per quod secundum legem communem participes passionis Christi efficiantur, a qua est remissio peccatorum: quia non possunt subiici operationi ministrorum Ecclesiae, per quos talia remedia ministrantur.

Ad secundum dicendum, quod puer in materno utero existens, quamvis sit coniunctus matri secundum corpus, quod ab ipsa trahit, tamen est omnino distinctus secundum animam rationalem, quam ab extrinseco habet: & ideo secundum immutationem corporalem matris, immutatur corporaliter; sed non oportet quod sanctificata matre per baptismum spiritualiter sanctificetur.

Ad tertium dicendum, quod expectanda est totalis egressio ex utero, nisi periculum

R mor-

mortis timeatur; tunc autem egressa parte principali, scilicet capite, in quo operationes animæ magis manifestantur, ut quidam dicunt, baptizari debet: secus autem est de aliis partibus, ut de manu, & pede; quamvis non noceat etiam si tunc asperguntur illæ partes baptismali aqua, quia divina misericordia non est aestanda. Si tamen postea plenarie nascatur, non est rebaptizandus, secundum quosdam. Sed nihil periculi accidit, si ad maiorem cautelam baptizentur sub hac forma: *Si non es baptizatus, ego te baptizo* &c.

Ad quartum dicendum, quod non sunt facienda mala, ut veniant bona, sicut dicitur Rom. 111. & ideo homo potius debet dimittere perire infantem quam ipse pereat, homicidii crimen in matre committens.

SOLUTIO II.

Ad secundam questionem dicendum, quod sicut Deus non alligavit virtutem suam rebus naturalibus, ut non possit præter eas operari cum voluerit, quod in miraculosis actibus facit; ita non alligavit virtutem suam sacramentis, ut non possit sine sacramentorum ministris aliquem sanctificare: & ideo aliquos præter legem communem quasi miraculose in maternis uteris sanctificasse legitur, illos præcipue qui immediatius ordinabantur ad eius sanctissimam conceptionem: & ideo Mater sanctificata creditur, & Ioannes Baptista, qui ei in utero existenti testimonium perhibuit, & Hieremias, qui ipsius conceptionem vaticinio expresso prædixit. *Novum*, inquit, *(a)* faciet Dominus super terram. *Mulier circumdabit virum*. Hierem. xxxi. 22. & ideo etiam in beata Virgine fuit amplior sanctificatio, in qua sines adeo debilitatus est, vel extinctus, ut ad peccatum actuale nunquam inclinaretur; in aliis autem inclinavit ad veniale, non autem ad mortale; & in Ioanne Baptista etiam fuit expressior quam in Hieremia, cuius interior sanctificatio exultatione quadam in notitiam hominum prodiiit, quia dictum est: *Exultavit infans in utero eius*: Luc. 1. 41. ut secundum gradum propinquitatis ad Christum sit gradus sanctificationis.

Ad primum ergo dicendum, quod generatio spiritualis præsupponit naturalem sibi correspondentem: & ideo generatio spiritualis quæ fit per ministerium hominum in baptismo, præsupponit nativitatem ex

utero, quæ homo in notitiam, & societatem hominum prodit. Sed regeneratio quæ fit divinitus, non præsupponit de necessitate nisi nativitatem in utero, quæ homo a Deo creatus, formatus est.

Ad secundum dicendum, quod iam formato puerperio anima rationali infusa, puer non accipit a matre nisi nutrimentum. Peccatum autem originale non contrahitur per actum nutritivæ, sed generativæ: & ideo non est actus in contrahendo originale, nisi in ipsa infusione animæ: & propter hoc nihil prohibet puerum in statu illo post infusionem a peccato originali mundari.

Ad tertium dicendum, quod ea quæ sunt præter legem communem, non sunt principaliter ad subveniendum uni personæ, sed ad insinuationem, & commendationem gratiæ: & ideo quamvis non fuerit tantum periculum in sanctificatis in utero, qui proditori erant, ramen quia eligebantur divinitus ut gratiæ specialis præcones, & ministri, ideo tali privilegiata sanctificatione dotati sunt.

SOLUTIO III.

Ad tertiam questionem dicendum, quod sanctificatus in utero debet baptizari propter tres rationes. Primo propter acquirendum characterem, quo annumeretur (b) populo Dei, & quasi deputetur ad percipienda divina sacramenta. Secundo ut per baptismi perceptionem passioni Christi etiam corporaliter conformetur. Tertio propter bonum obedientiæ: quia præceptum de baptismo omnibus datum est, & ab omnibus impleri debet, nisi articulus necessitatis sacramentum excludat.

Ad primum ergo dicendum, quod baptismus quantum ad aliquid extensive excedit sanctificationem: quia in baptismo imprimitur character, & corporaliter homo morti Christi configuratur: quamvis intensive in sanctificatione amplior gratia sortalis præbeat: & ideo non fit iniuria sanctificationi, si sanctificatis baptismus conferatur.

Ad secundum dicendum, quod non totum quod facit baptismus, factum est per sanctificationem, quia non imprimi characterem; & ideo non frustra baptismus additur, in quo etiam sanctificatis gratia augetur.

Ad tertium dicendum, quod per medicinam corporalem nihil addi posset ad salutem

(a) *Volgata creavit, & mox feminas.* (b) *Ad.* in populo.

Intem eorum quos Christus curaverat: & ideo non est similis ratio.

ARTICULUS II.

Utrum intentio baptizantis ad baptismum requiratur.

III. P. quæst. lxxv. art. 8. & 10.

1. **A**D secundum sic proceditur. Videtur quod intentio baptizantis non requiratur ad baptismum. Intentio enim non requiritur ad opus, nisi in principali agere, qui præstituit finem, & per imperium suum alios movet ad finem intentum a se. Sed sacerdos baptizans non est principale agens, sed instrumentale, ut dictum est supra. Ergo non requiritur eius intentio ad baptismum.

2. Præterea. Intentio hominis non est aliquid certa nisi sibi. Si ergo requiratur intentio ad baptismum, non erit certum de aliquo quod sit baptizatus, nisi apud eum qui baptizavit: & hoc est inconveniens quod homo sit in tanto dubio salutis.

3. Præterea. Sicut Augustinus dicit (super Ioan. tract. v.) ebrius, & furiosus baptizare possunt. Sed isti, ut videtur, non possunt habere intentionem, quia privantur usu rationis. Ergo intentio non requiritur ad baptismum.

4. Præterea. Intentio cognitionem requirit. Sed frequenter, & de facili cogitatio ad alia rapitur. Ergo frequenter baptismus impediretur.

Sed contra. Ea quæ sunt præter intentionem, sunt casualia. Sed hoc sacramentum non comperit, cum habeant determinatos effectus, & determinatas causas. Ergo requiritur intentio in baptismo, & in aliis sacramentis.

Præterea. Opera quæ sunt a voluntate, determinantur, & specificantur intentione. Unde Ambrosius dicit * (de Elia, & ieiun. cap. x.) quod (a) *afflictus tuus operi suo imponit nomen*: & in Glossa ** Matth. xxi. dicitur: *Quantum intendit, tantum facit*. Sed baptizare est actus voluntarius. Ergo requiritur in ipso intentio ex parte baptizantis.

QUAESTIUNCULA II.

1. Ulterius. Videtur quod requiratur intentio recta. Requiritur enim intentio faciendi quod facit Ecclesia. Sed hoc intendere est recte intentionis. Ergo ad baptismum requiritur recta intentio.

2. Præterea. In omnibus ad quæ requiritur intentio, ita est quod per pravam intentionem vitantur. Sed baptismus, dummodo detur, non potest esse pravus, ut in precedenti distinctione dictum est. Ergo videtur quod prava intentio non possit conferre baptismum.

Sed contra. Baptismus non impeditur ex malitia baptizantis. Sed perverfa intentio pertinet ad malitiam baptizantis. Ergo perverfa intentio in aliis non impedit baptismi effectum.

QUAESTIUNCULA III.

1. Ulterius. Videtur quod intentio, vel voluntas non requiratur in baptizato. Baptismus enim contra peccatum originale datur. Sed peccatum originale præter voluntatem, & intentionem contrahitur. Ergo intentio, & voluntas non requiruntur ad baptismum in baptizando.

2. Præterea. Pueri, dormientes, & amentes possunt baptizari, ut supra dist. 14. (quæst. 111. art. 1. quæstunc. 2. & 3.) dictum est. Sed illi carent intentione baptismi. Ergo ad baptismum non requiritur intentio ex parte baptizandi.

3. Præterea. Unaquæque res per eadem corrumpitur, & fit, contrarie tamen facta, ut dicitur in II. Ethic. (cap. 1.) Si ergo intentione baptizandi fieret baptismus, tunc intentione ipsius character baptismalis deleri posset; quod falsum est.

Sed contra. In baptismo fit quoddam spirituale connubium animæ ad Deum. Sed in coniugio requiritur consensus. Ergo & in baptismo.

Præterea. Baptismi effectus magis impeditur ex parte baptizati quam baptizantis: quia malitia baptizantis non impedit receptionem gratiæ in baptismo, quæ impediti potest per malitiam recipientis sacramentum. Sed defectus intentionis ex parte baptizantis impedit sacramentum. Ergo multo fortius defectus intentionis ex parte baptizati.

R 2 SO-

(2) Al. effectus operi &c.

E X E D I T. P. N I C O L A I.

* Lib. I. de officiis cap. xxxix. ** Super illud, *Beatus homo de bono thesauro prætere bonæ.*

SOLUTIO I.

Respondeo dicendum ad primam questionem, quod cum unus effectus una sit causa, si ex aliquibus pluribus causis unus effectus procedat, oportet quod illa causa sit aliquo modo facta unum ad invicem. Ad effectum autem sacramenti videmus multa concurrere, scilicet ministerium, formam verborum, & materiam. Hac autem non possent colligari ad invicem ut sint una causa, nisi per intentionem baptizantis, qui scilicet formam ad materiam applicat, solum vero ministerium ad utrumque, & totum hoc ad sacramenti collationem: & ideo requiritur intentio baptizantis. Et similiter etiam in omnibus aliis sacramentis requiritur intentio ministri cum debita materia, & forma non solum ad effectum sacramenti consequendum, sed ad sacramenti perceptionem.

Ad primum ergo dicendum, quod duplex est instrumentum; scilicet animatum, ut servus; & inanimatum, ut securis, ut dicitur in VIII. Ethic. (cap. xi. vel xiii.) In instrumento igitur inanimato non requiritur intentio propria, quia ipsa inclinatio instrumenti ad effectum per motum principalis agentis, locum intentionis supplet; sed in instrumento animato, quod non tantum agit, sed aliquo modo agit, utpote per imperium agens, & non per impulsum motus, requiritur intentio exequendi ministerium, ad quod applicatum est.

Ad secundum dicendum, quod ad hoc dupliciter secundum diversas opiniones respondetur. Quidam enim dicunt, quod si desit mentalis intentio in baptizante, non confert sacramentum baptismi; tamen in adulto supplet fides, & devotio effectum baptismi, ut periculum ex hoc baptizato, qui ignorat intentionem baptizantis, nullum proveniat. Si autem sit puer, creditur pie, quod summus Sacerdos, scilicet Deus, defectum suppleat, & salutem ei conferat. Si tamen non facit, non iniuste facit, sicut nec in illo qui sacramento non subiicitur. Alii dicunt, quod in baptismo, & in aliis sacramentis quae habent in forma actum exercitum, non requiritur mentalis intentio, sed sufficit expressio intentionis per verba ab Ecclesia instituta: & ideo si forma servatur, nec aliquid exterius dicitur quod intentionem contrariam exprimat, baptizatus est. Non enim sine causa in sacramentis necessitatis, scilicet baptismi, & quibusdam aliis, actus baptizantis tam so-

licite expressus est ad intentionis expressionem.

Ad tertium dicendum, quod quamvis actu ebrius intentionem habere non possit, tamen ebriosus potest esse non actu ebrius, & intentionem baptizandi habens baptizare.

Ad quartum dicendum, quod quamvis minister sacramenti debeat niti ad custodiendum cor suum quantum potest, ut maxime in verbis sacramentalis formae intentionem habeat actualem; quia tamen cogitatio est valde labilis, etiam si tunc non addit actualis intentio quando verba profert, dummodo prius intenderit, & contraria intentio non intervenierit, sacramentum non impeditur: quia operatur tunc in vi principalis intentionis. Non enim oportet quod in opere semper intentio coniungatur in actu, sed sufficit quod opus ab intentione procedat.

SOLUTIO II.

Ad secundam questionem dicendum, quod rectum est cuius medium non exit ab extremis. Sacramentum autem baptismi est quo mediante acquiritur effectus baptismi in anima baptizati: unde tunc est reclusio intentio quando baptizans, seu baptizatus sacramentum ordinat ad effectum sacramenti, qui est salus. Si ergo intentio adsit in baptizante, quia intendit sacramentum conferre; sed desit reclusio, quia ordinat sacramentum ad finem indebitum; non propter hoc in recipiente impeditur perceptio sacramenti, quia ad hoc fertur intentio baptizantis; neque effectus sacramenti, quia mundatio interior a ministro non est, unde eius intentio ad hoc nihil facit. Si autem in baptizato sit intentio percipiendi sacramentum, sed desit reclusio intentionis, recipit quidem quod intendit sacramentum, sed non sensu sacramenti: quia obicem per pravam intentionem Spiritui sancto ponit.

Ad primum ergo dicendum, quod quamvis ad sacramentum requiratur intentio faciendi quod facit Ecclesia, non tamen requiritur quasi de necessitate sacramenti existens, facere quod facit Ecclesia propter hoc quod Ecclesia facit: & in hoc consistit reclusio intentionis.

Ad secundum dicendum, quod baptismus non habet bonitatem ex ministro, sicut alia operatio voluntaria habet bonitatem ex operante: & ideo non est simile.

SOLUTIO III.

Ad tertiam questionem dicendum, quod in baptismo baptizatus duo recipit, scilicet sacramentum, & rem sacramenti; sed ad hæc duo recipienda non requiritur aliquid causans ex parte recipientis, sed solum impedimentum removens: quod quidem impedimentum nihil aliud est quam voluntas contraria alteri prædictum: & ideo in adultis, & in habentibus usum rationis, in quibus potest esse contraria voluntas actu, vel habitu, requiritur & contritio, sive devotio ad percipiendam rem sacramenti, & intentio, vel voluntas ad recipiendum sacramentum; in pueris autem absque utroque percipitur & sacramentum, & res sacramenti: & similiter est in carentibus usu rationis, nisi contraria voluntas habitu insit, etsi non actu. Tamen sciendum, quod non requiritur in adulto voluntas absoluta suscipiendi quod Ecclesia confert, sed sufficit voluntas conditionata, sicut est in voluntariis mixtis, ut dicitur in III. Ethic. (cap. 12.) & ideo si sit coactio sufficiens, ita quod principium sit ex toto extra, nil conferente vim passio, ut cum aliquis reclamans immergitur violenter, tunc talis nec sacramentum suscipit, nec rem sacramenti. Si autem sit coactio inducens, sicut minis, vel flagellis, ita quod baptizatus potius eligat baptismum suscipere quam talia pati; tunc suscipit sacramentum, sed non rem sacramenti.

Ad primum ergo dicendum, quod intentio, vel voluntas in baptizato, ut dictum est, non requiritur quasi causans deletionem culpæ originalis, sed solum quasi removens prohibens, scilicet contrariam voluntatem.

Ad secundum dicendum, quod in pueris non potest esse contraria voluntas neque actu, neque habitu: & ideo non requiritur voluntas, vel intentio in eis, qua prohibens removeatur. In amentibus autem, & dormientibus potest esse voluntas contraria habitualis, quamvis non sit actualis: & ideo si ante somnum, vel furiam fuerunt contrarie voluntatis, non recipiunt sacramentum, quia adhuc illa voluntas habitualiter manet. Si autem habuerunt propositum recipiendi baptismum, & hoc per aliquam signa innouit, tunc in articulo necessitatis debet eis conferri baptismus; & suscipiunt sacramentum, & rem sacramenti, etiam si furiosus tunc contradicat: quia illa contradictio non procedit a voluntate rationis, secundum quam est capax baptismalis gra-

tiz. Si autem necessitas non sit, debet in furiosis expectari lucidum intervallum, vel in dormientibus vigilia. Si tamen baptizetur in statu illo, sacramentum suscipit, quamvis peccet baptizans.

Ad tertium dicendum, quod voluntas, vel intentio baptismum suscipiendi non requiritur ad baptismum quasi causa, vel dispositio characteris, sed solum sicut removens prohibens: ideo ratio non valet.

ARTICULUS III.

Utrum in baptizato fides requiratur.

III. P. quest. lxxviii. art. 2. & quest. lxxv. art. 9.

1. **A**D tertium sic proceditur. Videtur ad hoc quod sacramentum suscipiat. Baptismus enim sacramentum fidei dicitur. Sed non nisi propter fidem recipientis ipsum. Ergo requiritur fides baptizandi.

2. Præterea. Marc. ult. 16. dicitur: *Qui crediderit, & baptizatus fuerit.* Ergo videtur quod requiritur in adulto quod credat ad hoc quod baptizetur.

3. Præterea. Fides essentialior est sacramento quam voluntas. Sed voluntas requiritur, ut dictum est. Ergo multo amplius fides.

4. Sed contra. Adulti non sunt peioris conditionis quam pueri. Sed in pueris sufficit fides Ecclesie ad baptismum, & non requiritur fides personæ illius. Ergo nec in adultis.

5. Præterea. Caritas propinquior est ad gratiam quam fides: quia caritas non potest esse sine gratia, sicut fides. Sed non requiritur caritas in recipiente baptismum, quia sic nullus adultus de novo accipere ibi gratiam. Ergo non requiritur fides.

QUAESTIUNCULA II.

1. Ulterius. Videtur quod requiratur fides in baptizante. Requiritur enim in baptizante intentio conferendi sacramentum. Sed infidelis quantum ad articulum baptismi non credit sacramentum baptismi. Ergo non potest intendere conferre illud, & ita non potest baptizare.

2. Præterea. Baptismus est sacramentum Ecclesie. Sed fides est per quam membra Ecclesie primo ad invicem uniantur. Ergo qui non habet fidem, nec potest baptizare, cum non sit de Ecclesia.

3. Præ-

3. Præterea. Propinquius se habet ad baptismum baptizans quam offerens puerum ad baptizandum. Sed in offerente requiritur fides, quia respondet, *Credo*. Ergo multo fortius requiritur in baptizante.

Sed contra est quod in littera determinatur, quod hæretici verum baptismum conferunt. Hæretici autem infideles sunt. Ergo &c.

QUAESTIUNCULA III.

1. Ulterius. Videtur quod recipientes baptismum ab hæreticis non consequantur rem sacramenti. Quia Augustinus dicit (Lib. IV. contra Donatistas cap. 1. & 11.) quod qui foris Ecclesiam baptizantur, non sumunt baptismum ad salutem, sed ad perniciem. Sed baptizati ab hæreticis sumunt baptismum extra Ecclesiam. Ergo non sumunt ad salutem; & ita rem sacramenti non consequuntur.

2. Præterea. Quicumque accipit aliquid ab aliquo qui non habet ius dandi illud, iniuste accipit. Sed hæreticus non habet ius dandi baptismum, ut dicit Augustinus in Lib. V. cap. xv. de baptismo contra Donatum. Si, inquit, *hæreticus ius baptizandi non habuit, tamen Christi est quod dedit*. Ergo accipiens ab hæretico, iniuste accipit, & ita peccat.

Sed contra. Peccatum baptizantis non possuit baptismum, ut dictum est supra (dist. v.) Sed infidelitas est quoddam peccatum. Ergo non impedit effectum baptismi in baptizato.

SOLUTIO I.

Respondeo dicendum ad primam questionem, quod cum quaeritur, utrum fides requiratur, velut necessaria ad baptismum; non intelligitur questio de necessitate absoluta, sed de necessitate quæ est ex conditione finis. Est autem duplex finis in baptizatis. Primus est perceptio sacramenti; secundus est perceptio rei sacramenti. Dico ergo, quod in adultis requiritur fides etiam personalis necessitate quæ est ex suppositione finis secundi: quia nisi credat, reputatur sceleratus, ut supra dist. xv. (quest. 111. art. 2. questione. 1. 2. & 3.) dictum est; & ita non consequitur rem sacramenti. Non autem requiritur ad primum finem consequendum: quia sacramentum per-

cipit aliquis, etiam si non credat. Unde Augustinus dicit * [Lib. IV. contra Donatistas cap. xv.] quod prorsus fieri potest ut aliqui verum baptismum habeant, & non habeant veram fidem. In parvulis autem sufficit fides Ecclesiæ ad utrumque.

Ad primum ergo dicendum, quod baptismus dicitur fidei sacramentum, quia per eum homo coribus fidelium aggregatur: & ideo qui accipit baptismum, ostendit se fidem habere; & si non habet, reputatur sceleratus, & rem sacramenti cum sacramento percepto non percipit.

Ad secundum dicendum, quod Dominus in verbis illis ostendit quid requiritur in baptizando ad salutem consequendam, quæ est res sacramenti: unde subdit: *Qui credideris, & baptizatus fueris, salvus eris*.

Ad tertium dicendum, quod sacramentum baptismi in anima recipitur quantum ad characterem. Anima autem non potest alicui subiaci invita: & ideo voluntas, seu intentio facit ad hoc quod homo se sacramento subiiciat; sed fides facit ad hoc quod debito modo se subiiciat. Unde fides requiritur tantum ad perceptionem rei sacramenti, sed intentio ad perceptionem rei simpliciter.

Et quia aliæ rationes probant, quod nec quantum ad ultimum effectum fides requiratur, ideo ad quartum dicendum, quod in pueris non potest esse contrarium gratiæ baptismalis ex personali voluntate: & ideo non requiritur personalis fides, sicut requiritur in adultis ad consequendam rem sacramenti, in quibus potest esse personalis infidelitas.

Ad quintum dicendum, quod recta intentio requiritur ad consequendam rem sacramenti. Fides autem intentionem dirigat, & sine ea non potest esse, præcipue in talibus, intentio recta; sed caritas ulterius facit intentionem meritoriam: & ideo ad hoc quod homo præparet se ad gratiam in baptismo percipiendam, præexigitur fides, sed non caritas: quia sufficit attritio præcedens, etsi non sit contritio.

SOLUTIO II.

Ad secundam questionem dicendum, quod dum hæreticus, vel quicumque infidelis debetam formam servet, & intentionem baptizandi habeat, verum sacramentum confert:

EX EDIT. P. NICOLAI.

* Lib. I. de unico baptismo contra Petilianum cap. 21. Similis quoque habet Lib. III. contr. Donatist. cap. 214.

fert : quia baptisumus non habet efficaciam ex merito baptizantis, sed ex merito Christi, quod operatur in baptizato per fidem propriam in adultis, vel per fidem Ecclesiae in pueris.

Ad primum ergo dicendum, quod quamvis ille qui non credit baptismum esse sacramentum, aut habere aliquam spiritualem virtutem, non intendat dum baptizat conferre sacramentum; tamen intendit facere quandoque quod facit Ecclesia, etsi illud reputet nihil esse: & quia Ecclesia aliquid facit, ideo ex consequenti, & implicite intendit aliquid facere, quamvis non explicite.

Ad secundum dicendum, quod quamvis haereticus per fidem rectam non sit membrum Ecclesiae, tamen in quantum servat morem Ecclesiae in baptizando, baptismum Ecclesiae tradit: unde regenerat filios Christi, & Ecclesiae, non sibi, vel haeresi suae. Sicut enim Iacob genuit filios per liberas, & ancillas (Gen. xxx.) ita Christus per Catholicos, & haereticos, bonos, & malos, ut Augustinus dicit contra Donatum (ubi supra.)

Ad tertium dicendum, quod non requiritur fides personalis offerentium puerum ad baptismum, nec alicuius personae determinatae, sed solum fides Ecclesiae militantis; quam non est possibile deficere totaliter, Deo (a) sic ordinante, qui dixit Matth. ult. 20. *Ego vobiscum sum usque ad consummationem saeculi* Si tamen deficeret, illud suppleret quod de fide remansit in Ecclesia triumphante, scilicet visio: nec offensus puerum ad baptismum in persona sua dicit, *Credo*, sed in persona pueri, ut sit sensus: *Credo*; id est, sacramentum fidei praeflo sum recipere.

SOLUTIO III.

Ad tertiam questionem dicendum, quod ille qui ab haeretico baptizatur, propter peccatum haeretici non privatur gratia baptismatis, sed quandoque propter peccatum proprium. Unde si sit puer, in quem culpa aeternalis non cadit, si baptizatur in nomine Ecclesiae, recipit sacramentum, & rem sacramenti: similiter si sit adultus, & baptizans non sit haereticus manifestus, & ab Ecclesia praecisus, vel si baptizatus sit in articulo necessitatis. Si autem sciat ipsum esse haereticum, & baptismum ab ipso suscipiat, hoc contingit, vel quia faveat haeresi suae, vel in contemptum Ecclesiae, vel propter aliquod temporale commodum; & sic

ipsemet peccat: unde proprio peccato obicem ponit Spiritui sancto, ne consequatur rem sacramenti.

Ad primum ergo dicendum, quod Augustinus loquitur in casu illo quando aliquis in favorem haeresis, vel aliquo alio malo sine ab haeretico baptismum suscipit.

Ad secundum dicendum, quod ius dandi baptismum est ex duobus, scilicet ex ordine sacerdotali, & ex iurisdictione. In haeretico ergo ab Ecclesia praeciso manet ius dandi baptismum quantum ad ordinem sacerdotalem, si primo in Ecclesia sacerdos fuerit; non tamen manet quantum ad iurisdictionem, quam amittit. (b) Nec tamen sequitur quod baptismum ab haeretico suscipiens, semper inuito accipiat, cum credit eum habere ius dandi, & non esse haereticum, vel in casu necessitatis, in quo quilibet habet potestatem baptizandi.

QUAESTIO II.

Deinde quaeritur de ritu baptismi: & circa hoc quaeruntur tria.

Primo. De ritu ipsius baptismi.

Secundo. De ritu catechismi.

Tertio. De ritu exorcismi.

ARTICULUS I.

Utrum baptismus iterari possit.

III. P. quest. lxxvi. art. 9.

1. Ad primum sic proceditur. Videtur quod baptismus iterari possit. Quia eucharistia est sacramentum excellentius quam baptismus: quia est perfectio secundum Dionysium (de eccles. hier. cap. v. part. 1.) Sed eucharistia iteratur. Ergo & baptismus iterari potest.

2. Praeterea. Gratia est principalis effectus baptismi quam character. Sed gratia amittitur, quamvis character non deleatur. Ergo videtur quod ratione gratiae recipiendae baptismus iterari debeat.

3. Praeterea. Sicut ad unam actionem requiritur unitas temporis, ita & unitas agentis. Sed plures possunt aliquem simul baptizare, quia unus alium non impedit; & praecipue hoc necessarium est, si unus sit mutus, qui verba proferre non possit, & alius mancus, qui non possit immergere. Ergo & similiter potest aliquis pluries diversis temporibus baptizari.

Sed

(a) *Al. hac.* (b) *Al. deest.* Nec.

Sed contra est quod dicitur Ephes. iv. 5. *Una fides, unum baptisma*. Ergo iterari non debet.

Præterea. Baptismus contra originale datur. Sed originale peccatum non iteratur. Ergo nec baptismus iterari debet.

QUAESTIUNCULA II.

1. Ulterius. Videtur quod non debeant esse illa duo tempora determinata ad baptismum, scilicet sabbatum paschæ, & pentecostes. Quia periculo quam citius succurrendum est. Sed homo propter fragilitatem naturæ semper est in periculo vitæ suæ. Ergo non debet expectari tempus aliquod determinatum ad baptismum, sed statim baptizari.

2. Præterea. Per baptismum homo regeneratur in filium Dei ad imaginem Christi. Ergo præcipue in festo natiuitatis baptismi celebrari deberet.

3. Præterea. Baptismus Christi contulit aquis vim regenerativam. Sed Christus in die epiphaniæ baptizatus fuit. Ergo tunc præcipue homo deberet baptizari.

4. Præterea. Baptismus habet efficaciam a passione Christi. Ergo in die passionis dominicæ magis deberet celebrari baptismus quam in sabbato paschæ.

QUAESTIUNCULA III.

1. Ulterius. Videtur quod sacramentalia baptismi male ponantur a Dionysio (de eccles. Hier. cap. 11.) Ponit enim primo receptionem baptizandis ab Episcopo (quem summum sacerdotem dicit) præsentem omni Ecclesiæ plenitudine. Debet enim baptizandus recipi ab eo qui est proprius baptismi minister. Talis autem est sacerdos, & non Episcopus. Ergo non oportet ponere receptionem ab Episcopo.

2. Præterea. Per manus impositionem datur Spiritus sanctus ad robur; quod ad confirmationem pertinet, quæ baptismum sequitur. Ergo inconvenienter ponit quod Episcopus baptizando recepto manus ei ante baptismum imponit.

3. Præterea. Baptizandis sal in os mittitur, & aures, & nares spūto linuntur. Cum ergo de his Dionysius mentionem non faciat, videtur quod sacramentalia baptismi ponat insufficienter.

4. Præterea. Ipse ponit olei inunctionem ante baptismum, quo inungitur Christianus quasi pignam, ut ipse dicit. Sed ad iugnam spiritualem præcipue ordinatur sa-

cramentum confirmationis. Ergo videtur quod talis inunctio non debet fieri in baptismo.

5. Præterea. Sacramenta sunt distincta. Ergo videtur quod non debeat simul cum baptismo consummare eucharistiæ receptionem, & sacri chrismatis inunctionem.

SOLUTIO I.

Respondeo dicendum ad primam questionem, quod baptismus nullo modo iterari debet propter quatuor rationes. Prima sumitur ex morbo contra quem datur, scilicet originale peccatum, quod non iteratur: unde nec medicina iterari debet. Secunda sumitur ex re sacramenti: quia in baptismo deletur culpa, & pena totaliter. Unde si frequenter liceret homini baptismum suscipere, esset quidam provocatio ad peccandum: quia facilitas veniæ incentivum præbet delinquendi, ut dicit Gregorius (æquivalenter Lib. IX. Moral. cap. xvi.) Tertia sumitur ex sua significatione: quia (a) configurat morti Christi; qui semel tantum mortuus est. Quarta sumitur ex ipso sacramento, scilicet charactere, quod indelebiter manet: unde fieret iniuria sacramento, si baptismus iteraretur, quasi prima sanctificatio non sufficeret: & iterum quia ipsum sacramentum regeneratio quodam est: cuiuslibet autem generatio est tantum semel. Quod autem nescitur esse factum, non iteratur. Unde si inveniatur pro certo aliquis defectus fuisse in baptismo eorum quæ sunt de essentia sacramenti, debet absolute iterum baptizari sub hac forma: *Baptizo te, si non es baptizatus, in nomine Patris etc.*

Ad primum ergo dicendum, quod sicut in eucharistiæ sacramento sanctificatur materia, ita in baptismi sanctificatur recipiens characteris impressionem. Unde sicut fieret iniuria eucharistiæ, si hostia consecrata consecraretur iterum; ita fit iniuria baptismi, si aliquis semel baptizatus iterum baptizetur: quia sicut ibi sanctificatio refertur ad materiam, ita hic ad suscipientem sacramentum.

Ad secundum dicendum, quod quamvis gratia sit dignior effectus baptismi quam character, & sit quodammodo principalior; non tamen est ita proprius effectus eius, & in hoc non ita principalis: quia gratia amissa, per alia sacramenta recuperari potest: & ideo non oportet quod ad ipsam recuperandam iteretur baptismus.

Ad

(a) id est, configuratur.

Ad tertium dicendum, quod si plures simul immergentur, ita quod uterque diceret: *Ego te baptizo* &c. baptizatum esset; quamvis peccarent non servantes ritum Ecclesiae: nec tamen essent puniendi tamquam iterantes baptismum, nisi hoc intenderent: quia contingit eandem actionem & ab uno, & a pluribus exerceri; non autem contingit eandem actionem esse quae in diversis temporibus fit. Si autem dicant, *Nos baptizamus te*, non erit baptismus: quia non servatur debita forma, ut supra dist. 111. (quaest. 1. art. 2. quaestiones. 2.) dictum est. Similiter non erit baptismus, si unus sit mancus, & alius mutus, uno proficiente verba, & alio immergente: quia ipsa verba formae ostendunt quod ab eodem debet fieri immersio, & verborum pronuntiatio.

SOLUTIO II.

Ad secundam quaestionem dicendum, quod in baptismo duo considerantur, scilicet substantia sacramenti, & solemnitas: & quantum ad substantiam sacramenti non est aliquod tempus determinatum ad baptismum, immo quolibet die, & qualibet hora baptismus celebrari potest. Sed solemnitas celebratio baptismi in Ecclesia habet tempus deputatum, scilicet duplex sabbatum, de quo in littera dicitur: cuius ratio est, quia baptismus habet efficaciam ex duobus: scilicet ex virtute Spiritus sancti, & ideo in vigilia pentecostes celebratur solemniter baptismus: item ex passione Christi, cuius morti aliquis configuratur per baptismum quasi conspuitur Christo in mortem, ut dicitur Rom. vi. & ideo celebratur solemniter in die sepulturae Christi, id est in vigilia paschae.

Ad primum ergo dicendum, quod in necessitate non oportet expectare ista duo tempora. Unde dicitur de consec. dist. 111. *De catechumenis baptizandis id decretum est ut in paschali festivitate, vel pentecostes veniant ad baptismum; in ceteris autem solemnitatibus infirmi tantum debent baptizari.* Et quia pueri (a) infirmi computantur propter naturae imbecillitatem, & propter periculum damnationis, a qua non possunt aliter liberari; ideo nunc ipsi pueri baptizantur ut in pluribus, & non expectantur haec duo tempora, sicut in adultis expectari solebant.

Ad secundum dicendum, quod in festo nativitatis recolitur nativitas Domini secundum carnem. Nos autem non efficiuntur

S. Thom. Oper. Tom. XII.

(a) id est, qui infirmi.

fratres eius nativitate carnis, sed spiritus: & ideo non oportet quod tunc baptismus celebratur.

Ad tertium dicendum, quod per baptismum Christi est tantum materia praeparata ad actum baptismi; sed virtus agens in baptismo est meritum passionis Christi, & virtus Spiritus sancti. Et quia agens in omnibus est principalius quam materia, ideo potius in duobus determinatis temporibus baptismus celebrari debet quam in epiphania. Tamen ideo non est specialiter institutum baptismum celebrari in die illa, ut excluderetur error quorundam, qui dicebant, numquam baptismum posse conferri nisi in die illa qua Dominus baptizatus est.

Ad quartum dicendum, quod homo in baptismo configuratur passioni Christi per modum cuiusdam conspersionis, ut Apostolus Rom. vi. dicit: & ideo in die sepulturae congruentius fit quam in die passionis.

SOLUTIO III.

Ad tertiam quaestionem dicendum, quod Dionysius prosequitur ritum baptismi qui in primitiva Ecclesia servabatur in solenni celebratione baptismi, quando adulti ad baptismum veniebant; & ideo quatuor per ordinem ponit: quorum primum pertinet ad catechismum, secundum ad exorcismum, tertium ad baptismum, quartum ad baptismi complementum. Quantum ad catechismum pertinent haec quae hic per ordinem tanguntur. Primo instructio de fide per predicationem Episcopi. Secundo conversio infidelis ad fidem, & accessus ad Episcopum mediante patrum, quem anadochum dicit. Tertio gratiarum actio, & oratio ab Episcopo, & clericis facta. Quarto petitio baptismi, & professio observantiae christianae religionis. Quinto manus impositio, & signatio eius signe crucis. Sexto conscriptio baptizandi, & anadochi. Sed quantum ad exorcismum ponuntur quatuor. Primo exsufflatio versus occidentalem partem, & abrenuntiatio. Secundo manuum ad celum erectio cum sacra confessione fidei, & professione christianae religionis. Tertio oratio, benedictio, & manus impositio. Quarto denudatio, & unctio oleo sancto, quod dicitur ad catechumenos. Sed quantum ad baptismum ponit trinam immersionem cum aliis quae requiruntur ad baptismum; quantum vero ad perfectionem baptismi, quae consequitur, ponit tria, scilicet vestis tra-

S

ditio-

tionem, linitionem chrismatis in vertice, & eucharistiz perceptionem.

Ad primum ergo dicendum, quod Dionysius tradit ritum baptismi quantum ad maximam sui solemnitatem: & ideo non ponit solum ministrum sufficientem, sed excellentem.

Ad secundum dicendum, quod circa baptismum, ut ex praedictis patet, triplex manus impositio datur. Una in catechismo, ut homo in fide roboretur in seipso: alia in exorcismo, ut roboretur in pugna adversus diabolum: tertia in confirmatione, ut roboretur in confessione fidei contra presuras mundi.

Ad tertium dicendum, quod de illis sacramentalibus quae pertinent ad solemnitatem baptismi, quaedam fuerunt in primitiva Ecclesia quae nunc non sunt, & quaedam postea superaddita sunt. Unde in exorcismo aliquid subtrahendum est, ut patet per ritum quem docet Rabanus (Lib. I. de instr. cleric. cap. xxvii.) scilicet conversio ad occidentalem partem, & orientalem: & aliquid additum, scilicet talis cibatio: & aurium, & naris sputo linitio ad designandum remotionem illorum quae precipue possunt impedire fidei doctrinam, cuius sacramentum percipiendum est. Potest enim impediri ne recipiatur: & contra hoc adaperiuntur aures sputo ad recipiendam fidem ex auditu per verbum Dei, & nares ad querendum doctrinam fidei per odorem bonum notitiae suae sparsum in conversatione, & doctrina sanctorum; ad similitudinem eius quod Dominus luto ex sputo factum linivit oculos caeci nati (Ioan. ix.) Ideo autem oculi non liniuntur, quia visus inventioni servit; fides autem non est per inventionem humanam. Potest etiam impediri divulgatio fidei in confidentibus, & docentibus ipsam: & ideo apponitur in ore sal discretionis, ut omnis sermo fidelium sit fide conditus.

Ad quartum dicendum, quod circa baptismum est triplex unctio. Una ante baptismum, quae fit oleo sancto, quod dicitur ad catechumenos; & hoc secundum Dionysium (ubi supra) & Ambrosium (Lib. I. de sacram. cap. 11.) fit in signum pugnae contra inimicum, sicut athletae inunguntur; vel secundum Rabanum (ubi supra) ut nullae reliquiae latentis inimici reliceantur: quia quod emollitum est, facilius abluatur ab intrinsicis sordibus potest. Secun-

da fit post baptismum chrismate in vertice, ut sicut per ablationem aquae significatur emundatio a peccatis, ita per chrismatis linitionem in vertice significetur gratia collata in mente ad bene operandum, ut odor boni exempli ad alios diffundatur. Tertia fit in confirmatione, de qua post dicitur.

Ad quintum dicendum, quod illa linitio chrismatis non est sacramentum confirmationis, sed datur tantum in signum, sicut & vestis candida, & candela accensa; ut per vestem candidam significetur novitas vitae, & puritas; per chrisma odor bonae famae; per candelam accensam veritas doctrinae. Eucharistiae autem perceptio non ponitur a Dionysio quasi sacramentale baptismi; (a) sed quia iam baptizatus est configuratus, admittitur ad sacramentalem mensam: & iterum quia omne sacram per eucharistiam consummatur, ut Dionysius dicit (de eccles. hier. cap. v. part. 1.)

ARTICULUS II.

Utrum catechismus baptismum precedere debeat.

III. P. quest. lxxi. art. 1.

1. **A**D secundum sic proceditur. Videtur quod catechismus baptismum precedere non debeat. Quia, sicut dicit Augustinus in Lib. de catechizandis rudibus (cap. 11.) *narratio (b) plena est, cum quisque primo catechizatur ab eo quod scriptum est, In principio creavit Deus caelum, & terram, usque ad praesentia tempora Ecclesiae.* Sed hoc non potest fieri nisi longissimo tempore. Cum ergo periculosum sit tantum differri baptismum, videtur quod non debeat baptismum catechismus precedere.

2. Praeterea. Matth. vii. 6. dicitur: *Nolite sanctum dare canibus.* Sed sanctum ibi dicitur doctrina sacra, quae non est committenda immundis, ut Dionysius dicit (de eccles. hierarch. cap. 1.) Cum ergo non baptizati sint immundi, videtur quod non debeant catechizari non baptizati.

3. Praeterea. Baptismus est spiritualis regeneratio, per quam datur esse spirituale, ut Dionysius dicit (eodem Lib. cap. 11. part. 1.) Sed prius est accipere esse quam doctrinam. Ergo baptismus debet precedere catechismum.

Sed

(a) *Nolite*: sed quia qui iam baptizatus est, quasi configuratus (vel consignatus) admittitur etc.

(b) *Al. pl. no.*

Sed contra est quod dicitur Marth. ult. 19. *Docete omnes gentes, baptizantes eos &c.* Ergo doctrina fidei quæ ad catechismum pertinet, debet precedere baptismum.

Præterea. Nullus digne accedit ad baptismum qui fictus accedit. Sed non credens reputatur fictus, secundum Augustinum. Cum ergo fides sit ex auditu, auditus autem per verbum Christi, ut dicitur Rom. x. videtur quod oporteat prius instrui aliquem per verbum Christi quam ad baptismum accedat.

QUÆSTIUNCULA II.

1. Ulterius. Videtur quod catechizare non sit officium sacerdotis. Quia secundum Dionysium in ecclesiast. Hierarch. (cap. v. part. 114.) diaconi habent officium super omnes immundos, quia ipsi habent purgativam virtutem. Sed primus gradus immundorum sunt catechumeni, ut ipse dicit. Ergo ad diaconos pertinet eorum instructio.

2. Præterea. Illius videtur esse instruere baptizandum cuius est ad baptismum eum adducere. Hoc autem est anudochi, idest patrini, secundum Dionysium, & non sacerdotis. Ergo & catechizare non erit sacerdotis officium.

3. Sed contra est quod dicit Nicolaus Papa (cap. *Catechismi* dist. 14. de consecratione.) *Catechismi baptizandorum a sacerdotibus uniuscuiusque Ecclesie fieri possunt.* Ergo videtur esse officium sacerdotum.

QUÆSTIUNCULA III.

1. Ulterius. Videtur quod pueri non debeant catechizari. Frustra enim adhibetur instructio ei qui non est perceptibilis disciplinæ. Sed puer non est perceptibilis disciplinæ, quia non habet usum liberi arbitrii. Ergo non debet ei instructio adhiberi.

2. Præterea. Io catechismo requiritur confessio fidei, & professio christianæ religionis, ut per Dionysium patet (de eccl. Hierarch. cap. 11. part. 11.) Sed hoc per se puer facere non potest, nec aliquis pro pueris: quia nullus potest ex voto alterius obligari. Ergo videtur quod non debeant pueri catechizari.

3. Præterea. Si ipse pro puero confitetur, ergo videtur quod ipse pater obligetur ad instruendum puerum de his quæ pertinent ad fidem christianam; & ita videtur quod sit valde periculosum puerum de sacro fonte levare, cum raro aliquis de pueri instructione curam gerat.

Sed contra est quod ritus baptismi debet in omnibus similiter observari, ut ostendatur unitas baptismi. Si ergo adulti catechizantur, & similiter pueri catechizari debent.

Præterea. Ad hoc est generalis Ecclesiæ consuetudo.

SOLUTIO I.

Respondeo dicendum ad primam questionem, quod sicut in aliis scientiis, & doctrinis quædam sunt communia, quibus ingoioratis necesse est artem ignorare; quædam autem propria, quæ sine ignorantia illius doctrinæ ingoiorari possunt: ita etiam in doctrina fidei quædam dicuntur quæ sunt fidei communia rudimenta, ad quæ credenda explicite omnes tenentur, sicut est fides Trinitatis, & incarnationis, & passionis, & divini iudicii, & providentiæ Dei de factis hominum; & talis instructio catechismus dicitur: de aliis autem debet instrui post baptismum temporis processu.

Ad primum ergo dicendum, quod non est necessarium quod omnia in particulari addicatur quæ in tota Biblia continentur, sed in quadam summa, ut scilicet videatur quomodo in quolibet statu mundi Deo sit cura de omnibus.

Ad secundum dicendum, quod Dominus loquitur de illis immundis qui fidei contrariantur, non de illis qui ad fidem accedere volunt: unde sequitur: *Ne ipsi conversi dirumpant vos.*

Ad tertium dicendum, quod generatio naturalis non præsupponit aliquam cognitionem, & ideo non potest præexistere aliqua instructio; sed spiritalis regeneratio præsupponit vitam naturalem, & ideo potest præexistere aliqua instructio.

SOLUTIO II.

Ad secundam questionem dicendum, quod triplex est instructio fidei. Una admonitoria, qua quis ad fidem convertitur; & hæc proprie est sacerdotum, quorum est prædicare, & docere: unde & Dionysius (ubi sup.) hanc instructionem Episcopo attribuit. Alia est instructio disciplinalis, qua quis instruitur qualiter ad baptismum accedere debet, & quid credere debeat; & hæc pertinet ad officium diaconi, & per consequens sacerdotis: quia quidquid est diaconi, est etiam sacerdotis. Tertia, quæ sequitur baptismum, & hæc pertinet ad aoadochum, & ad prælatos Ecclesiæ. Prælati enim Ecclesiæ habent quasi doctrinam ge-

metalem, quæ per officium anadochi specialiter ad hunc, vel illum adaptatur secundum quod ei competit.

Ad primum ergo dicendum, quod in primitiva Ecclesia, quando adulti ad baptismum veniebant, qui magna instructione indigebant, hoc per diaconos exercebatur, sacerdotibus circa maiora occupatis: & ideo Dionysius diaconibus attribuit.

Ad secundum dicendum, quod anadochus non instruit ante baptismum de fide, sed conversum iam recipit, ad instructionem præsentans.

Ad tertium dicendum, quod quicquid est diaconi, licet etiam sacerdotibus facere: unde per hoc non removetur quin catechizare sit officium diaconi.

S O L U T I O III.

Ad tertiam questionem dicendum, quod catechismus est quasi quedam dispositio ad baptismum. Dispositiones autem debent proportionari illis ad quæ disponunt: unde in adultis, in quibus in baptismo requiritur propria fides, & propria voluntas, requiritur etiam quod ipse per se catechizetur, & per se constetur, & christianam religionem profiteatur. In puero autem, cuius baptismus operatur tantum ex fide Ecclesie, & merito Christi, sit instructio mediante alio: unde eadem quibus instruendus est, proponuntur præsentem anadocho, cui committitur in his instruendus, & ipse loco eius confessionem, & professionem facit.

Ad primum ergo dicendum, quod quamvis non sit tunc actu perceptibilis disciplina, tamen habet huiusmodi perceptibilitatem in radice quantum ad potentiam rationis, quam habet ex natura, & quantum ad habitum fidei, quem recipit in baptismo.

Ad secundum dicendum, quod quamvis puer confiteri non possit per se, vel profiteri, tamen alius vicem eius supplet, non quidem suam propriam fidem confitens, sed fidem pueri, & quantum ad id quod nunc est, ut sit sensus: *Credo*; idest, sacramentum fidei præsto: sum accipere, in persona pueri loquens, ut Augustinus (epist. xlii. ad Bonifacium) exponit: & quantum ad id quod futurum est, ut sit sensus: *Credo*; idest, quando ad perfectam ætatem veniam, fidei conscientiam, ut Dionysius exponit (de eccl. hier. cap. vii.) & hoc quidem confiteri potest ex proposito sollicitudinis circa spiritum adhibenda, ut alio modo possit esse sensus: *Credo*; idest, operam dabo ad hoc:

quod credat: & in hoc ipse puer obligatur, & anadochus: quia de illis ad quæ omnes tenentur, non est inconveniens, si unus alium obliget; secus autem est de consiliis, ad quæ non omnes tenentur.

Ad tertium dicendum, quod non est ibi magnum periculum quantum ad modernum tempus: quia parentes pueri sunt Christiani, & satis probabiliter potest estimari, quod eum in fide nutriant, & etiam ex aliis quibus convivet, fidem addiscat. Soccus autem erat in primitiva Ecclesia, ubi pueri cum infidelibus conversabantur: & ideo diligentior cura adhibenda erat ab anadocho, vel patrino. Ex similiter etiam nunc, si pueri parentes de infidelitate suspecti essent, vel si inter infideles conversatus forte puer esset.

ARTICULUS III.

Utrum exorcismus baptismum præcedere debeat.

III. P. quæst. lxxi. art. 2. 3. & 4.

1. **A**D tertium sic proceditur. Videtur quod exorcismus in eodem non debeat præcedere baptismum. Exorcismi enim contra energumenos instituti sunt. Sed non omnes qui accedunt ad baptismum, sunt energumeni. Ergo non omnes sunt exorcizandi.

2. Præterea. Prius debet curari causa quam curetur effectus. Sed peccatum est causa: quare in quibusdam diabolus potestatem habeat. Si ergo exorcismi sunt ad potestatem diaboli pellendam, videtur quod prius deberet aliquis per baptismum a peccato mundari, quam per exorcismum a potestate diaboli.

3. Præterea. Ad idem superfluum est diversa remedia ordinari. Sed ad potestatem demonis arcendas sufficit aqua benedicta. Ergo non oportet ad hoc alios exorcismos esse.

Sed contra est quod Cælestinus Papa dicit (epist. i. & refertur de consecr. dist. iv. cap. *Sive parvuli*). *Sive parvuli, sive invenerint ad regenerationis veniam sacramentum, non fontem vitæ prius adeant quam exorcismi, & exsufflationibus clericorum immundus spiritus ab eis abiciatur.*

Præterea. Alia quæ sanctificantur, prius exorcizantur, sicut patet in aqua benedicta, & in sale quod apponitur. Cum ergo in baptismo homo consecratur, videtur quod prius debeat exorcizari.

QUAE-

QUAESTIUNCULA II.

1. Ulterius. Videtur quod exorcismus non habeat aliquem effectum, sed sit ad significandum tantum. Nihil enim plus exigitur ad sacramentum novae legis nisi quod significet, & efficiat quod significat. Si ergo ea quae sunt in exorcismo, non solum significant, sed etiam efficiunt, tunc per se sacramenta sunt, & non sacramentalia.

2. Præterea. Sicut exorcismus præcedit baptismum, ita & quædam alia sacramentalia consequuntur ipsum, sicut prius dictum est. Sed illa consequentia sunt tantum ad significandum. Ergo & exorcismus.

3. Præterea. Si aliquis exorcizatus puer ante baptismum moriatur, constat quod hoc eum ad dæmonem non liberat. Ergo ad minus in anima eius exorcismus nullum effectum habuit.

4. Præterea. Sicut dicit Cyprianus * (in ferm. de ablutione pedum) *Scias nequitiam diaboli permanere usque ad aquam salutarem posse; in baptismo autem omnem nequitiam amittere.* Sed aliquando etiam post baptismum exorcismus fit in illis quibus in articulo necessitatis exorcismus omisissus fuerit, si periculum evadant. Ergo non liberat a potestate dæmonis, & nullum alium effectum habere videtur.

Sed contra. Gregorius super Ezech. (homil. xxix.) *Sacerdos dum per exorcismi gratiam manus imponis credentibus, & habitare malignos spiritus in eorum mente contradicit, quid aliud facit, nisi quia dæmones eiicit?* Ergo habet aliquem effectum.

Sed contra. Exorcismi Salomonis habebant aliquem effectum ad pellendos dæmones. Ergo multo fortius exorcismi Ecclesiarum.

QUAESTIUNCULA III.

1. Ulterius. Videtur quod exorcizare sit officium eorum qui in sacris ordinibus constituantur. Quia operari in immundis, secundum Dionysium (ibi supra) ad diaconos pertinet. Sed inter imundos, secundum Dionysium locum tenent energumeni. Cum ergo exorcizatio sit ad eos, sicut catechizatio ad catechumenos, videtur quod sit eorum qui sunt in sacris ordinibus.

2. Præterea. Catechismus præcedit exorcismum. Sed in artibus operativis ita est,

quod operatio principalioris artis semper sequitur, sicut patet de arte quæ fecat ligna, & quæ compaginat naveni. Cum ergo catechismus per diaconos, vel sacerdotes fiat, videtur quod exorcismus non possit fieri per illos qui sunt in minoribus ordinibus.

3. Præterea. Ad hoc est consuetudo Ecclesiarum: quia exorcizatio solum per sacerdotes fit, quod etiam ex auctoritate Gregorii inducta patet.

Sed contra est quod infra dist. xxiv. dicit Magister, quod ad exorcistas pertinet exorcismos memoriter tenere, manus super energumenos imponere. Ergo cum exorcizatio non sit sacerdos, videtur quod ille qui est in minoribus ordinibus constitutus possit exorcizare ex officio.

SOLUTIO I.

Respondeo dicendum ad primam questionem, quod propter peccatum hominis diabolus potestatem accipit in hominem, & in omnia quæ in usum hominis veniunt, in ipsius nocumentum. Et quia nulla conventio est Christi ad Belial, ideo quandoque aliquid sanctificandum est ad cultum divinum, prius exorcizatur, ut liberatum a potestate diaboli, quia illud in nocumentum hominis assumere poterat, Deo consecratur: & hoc patet in benedictione aquæ, in consecratione templi, & in omnibus huiusmodi. Unde cum propria sanctificatio, qua homo Deo consecratur, sit in baptismo, oportet quod etiam homo prius exorcizetur quam baptizetur, multo fortiori ratione quam alia res: quia in ipso homine est causa quare diabolus potestatem accipit in hominem, & in alia quæ sunt propter hominem, scilicet peccatum originale, vel actuale: & hæc significant ea quæ in exorcismo dicuntur, ut cum dicitur: *Recede ab eo satana*, & huiusmodi: & similiter ea quæ ibi sunt: quia ipsa exussatio significat dæmonis expulsionem; benedictio autem cum manus impositione præcludit expulsio viam, ne redire possit; sal autem in os missum, & narium, & aurium sputo linitio significat remotionem impedimenti ipsius dæmonis respectu fidei docendæ, vel addiscendæ, ut dictum est; sed olei unctio significat expeditionem hominis in pugna quam adversus diabolum suscipit, a cuius potestate exemptus est.

Ad

EX EDIT. P. NICOLAI.

* Epist. lxxvi. sive Lib. I. epist. vi. versus finem, non in ferm. de ablut. pedum, qui nec est Cyprianus.

Ad primum ergo dicendum, quod energumeni dicuntur interius laborantes, ab eis, quod est in, & ergon, quod est labor. Et quāvis non omnes baptizandi sunt energumeni, nec interius laborantes a diabolo vexati corporaliter, tamen interius laborant, vel infirmantur propter infectionem fomitis, diabolo in eis potestatem habente.

Ad secundum dicendum, quod quando effectus confirmat causam, tunc prius laborandum est ad curandum effectum, ut sic expeditius procedatur ad curationem causae. Potestas autem demonis, quae ex peccato consequitur, & tenet, & servat hominem in malitia, & in peccato: & ideo prius evacuanda est potestas demonis, vel debilitanda, quod in exorcismo fit, ne curationem causae, idest peccati, in baptismo factam impedire possit.

Ad tertium dicendum, quod diabolus impugnat nos & ab exteriori, & ab interiori. Aqua ergo benedicta ordinatur contra impugnationem diaboli quae est ab exteriori; sed exorcismus contra impugnationem quae est ab interiori. Unde & illi contra quos datur, dicuntur energumeni, idest interius laborantes.

SOLUTIO II.

Ad secundam questionem dicendum, quod circa hoc est duplex opinio. Quidam enim dicunt, quod ea quae in exorcismo aguntur, sunt tantum signa eorum quae post ea in baptismo complentur, in quo potestas demonis totaliter evacuatur, ut Cyprianus dicit in auctoritate inducta. Sed hoc est contra auctoritatem Gregorii inducta, & contra ea quae in exorcizandis dicuntur; quae frustra dicerentur, nisi aliquem effectum haberent, praecipue cum per modum imperii, & non solum per modum orationis dicantur in hoc quod dicitur: *Ergo maledixit diabolo exi ab eo. &c.* Et ideo dicendum secundum alios, quod non tantum significant, sed etiam efficiunt aliquid non tantum in corpore, sed etiam in anima: quia in utroque est infectio fomitis. Effectus autem iste est debilitatio potestatis demonis, ne tantum possit in homine sicut ante, ne baptismum, & alia bona in ipso impediatur: sed potestas praedicta totaliter in baptismo aufertur; sicut etiam Pharaon prius flagellatus est populo nondum de Aegypto egresso, & postea totaliter in mari rubro, quod est figura baptismi, submersus.

Ad primum ergo dicendum, quod sa-

cramenta novae legis habent effectum in conferendo gratiam, quae perfecte morbo subvenit, contra quem sacramentum ordinatur; sed sacramentalia habent effectum in removendo contrarias dispositiones, vel impedimenta gratiae; & ideo secundum diversia impedimenta multiplicantur, nec in eis gratia confertur.

Ad secundum dicendum, quod non est simile de sacramentalibus quae sequuntur, & quae praecedunt: quia ex quo baptismus plene effectum suum habet, non oportet quod impedimenta baptismum tollantur, quia iam impediri non potest; tamen non est remotum quin unctio chrismatis post baptismum in vertice facta aliquem effectum ad gratiam conferendam, vel conservandam habeat.

Ad tertium dicendum, quod Praepositivus dixit, quod exorcizatus ante baptismum decedens, minores tenebras patietur. Sed hoc nihil est; quia tenebrae illae in sola carentia divinae visionis consistunt, cum non habeant aliam poenam sensibilem; & hoc in omnibus aequaliter erit. Et ideo dicendum aliter, quod non habet effectum in collatione gratiae, sed solum in debilitatione potestatis demonis: & ideo hoc valet ei tantum in vita.

Ad quartum dicendum, quod ad hoc quod uniformitas baptismi observetur, oportet quod exorcismus, si praetermissus fuit, post baptismum suppleatur; & tunc tantum significat, vel forte additur etiam aliqua cohibitio ab impugnatione diaboli. Nec hoc est inconveniens, cum etiam per aquam benedictam, quae post baptismum aspergitur, aliqua potestas demonis reprimatur.

SOLUTIO III.

Ad tertiam questionem dicendum, quod exorcizare ad exorcistas pertinet ex proprio officio ordinis, nihilominus tamen est & superiorum ordinum. Tamen propter ostendendam unitatem baptismi, consuetum est in Ecclesia ut totum quod ad baptismum pertinet, expleatur ab uno, scilicet a sacerdote; & praecipue nunc, quando non venit magna multitudo simul ad baptismum, & sunt multi sacerdotes. In primitiva autem Ecclesia quandoque magna turba simul ad baptismum accedebat, & erant pauci sacerdotes: unde huiusmodi sacramentalia relinquebantur in minoribus ordinibus constituta.

Ad primum ergo dicendum, quod Dia-

ng.

nylius sub ministris comprehendit omnes ordines inferiores; & ideo ministris quidam dicuntur, attribuit omnia quae sunt inferiorum ordinum: quia forte in primitiva Ecclesia nondum erant illi ordines ita distincti propter paucitatem ministrorum.

Ad secundum dicendum, quod sicut exorcismus primo pertinet ad exorcistam, ita etiam primus ordo, qui habet actum in catechizando, est ordo lectorum, quamvis hoc postea per superiores ordines compleatur: & ideo sicut catechismus praecedit exorcismum, ita ordo lectoris praecedit ordinem exorcistarum.

Ad tertium dicendum, quod completa potestas in exorcizando competit sacerdoti: & ideo quando non est magna necessitas, ipse secundum consuetudinem Ecclesiae exorcismi actum exequitur, & secundum hanc consuetudinem loquitur auctoritas Gregorii.

EXPOSITIO TEXTUS.

HIC etiam sciendum est, quod licet *se immersatur* propter mysterium Trinitatis, tamen unum baptismum reputatur. De trina immersione, supra dist. 111. dictum est.

Acceleratus est usus rationis. Quia Augustinus super hoc ambigue loquitur, ideo diversimode quidam de hoc senserunt. Dixerunt enim quidam, quod Ioannis exultatio non fuit aliquis motus corporalis, sed miraculosus quasi gaudens, ut matri innotesceret matris Salvatoris adventus. Alii autem dicunt aliter, & melius, quod ad illud momentum datus est ei usus rationis: & non est inconveniens, si postea sit subtrahitur, sicut & gratia raptus ad momentum datur: secus autem est de gratia gratum faciente, quae non subtrahitur sine culpa.

Non errorem inducens &c. Quia si errorem veller inducere, intendens mutare formam Ecclesiae, hoc ipso non intenderet facere quod Ecclesia facit: & ideo non ba-

pizaret. De corruptione autem formae supra dist. 11. dictum est.

Divinum iudicium per alicuius revelationis miraculum oratione implorandum esse censere. Videtur quod male dicat: quia divinum iudicium non est hoc modo requirendum, nisi in dubiis. Certum autem videtur, quod si ludus fecit, intentio defuit, & verus baptismus non fuit. Et dicendum, quod ludus aliquando excludit intentionem, & aliquando non. Cum enim ludus fieri dicantur quae praeter intentionem alicuius utilitatis sunt ad solam delectationem, ludus baptizantium potest excludere intentionem respectu utriusque effectus ablutionis: scilicet sacramenti collationis, & rei sacramenti; & tunc non intendit facere quod facit Ecclesia in collatione sacramenti: & ita talis ludus evacuat intentionem quae requiritur in sacramento: vel potest excludere tantum secundam utilitatem, ut scilicet velis de hoc ludum suum facere ex eo quod baptismi sacramentum conferat, non propter sanctificationem baptizandi hoc faciens: & tunc manet intentio quae sufficit ad baptismum. Et propter hoc dubium (dixit Aug.) implorandum est divinum iudicium: & ideo dicitur quod puer Atanasius (a) ludendo simulans se Episcopum baptizavit quosdam, & iudicatum est ab Alexandro Episcopo ut non rebaptizarentur: quia inventum est quod ipse intentionem baptizandi habuit: quod etiam patet ex hoc quod non baptizabat nisi catechumenos.

Cui additur exorcismus &c. Videtur quod exorcismus debeat praecedere catechismum: quia prius removendum est malum quam perficiatur aliquis in bono. Et dicendum, quod verum est, si utrumque in eodem genere accipiat. Sed catechismus ordinatur ad bonum non efficiendo aliquid, sed solum instruendo; exorcismus autem removet malum in operando; & instructio in talibus debet operationem praecedere, ut sciat homo quid in eo fieri debeat.

(a) id. loquendo.

DISTINCTIO VII

. . De confirmatione.

Nunc de sacramento confirmationis addendum est : de cuius virtute quæri solet; forma enim aperta est, scilicet verba quæ dicit Episcopus cum baptizatos in frontibus sacro signat chrismate. (1) Hoc sacramentum ab aliis perfici non potest nisi a summis sacerdotibus, nec tempore Apostolorum ab aliis quam ab ipsis Apostolis legitur peractum; nec ab aliis quam ab illis qui locum eorum tenent, perfici potest, aut debet. Nam si aliter præsumptum fuerit, irritum habetur, & vacuum, nec inter ecclesiastica reputabitur sacramenta. (2) Licet autem presbyteris baptizatos tangere in pectore, sed non chrismate signare in fronte. Virtus autem huius sacramenti est donatio Spiritus sancti ad robur, qui in baptismo datur ad remissionem. Unde Rabanus (de institutione clericorum Lib. I. cap. xxx. & habetur de cons. dist. v. cap. Novissimi.) A summo sacerdote per impositionem manus paraclytus traditur baptizato, ut roboretur per Spiritum sanctum ad prædicandum aliis illud quod ipse in baptismo consecutus est. Item. (3) Omnes fideles per manus impositionem Episcoporum post baptismum accipere debent Spiritum sanctum, ut pleni Christiani inveniatur.

Melchisedech.

Scitote utrumque esse magnum sacramentum, sed unum maiori veneratione tenendum, sicut a maioribus datur. Ecce maius dicit sacramentum confirmationis, sed forte non ob maiorem virtutem, & utilitatem quam conferat, sed quia a dignioribus datur, & in digniori parte corporis fit, scilicet in fronte: vel forte quia maius augmentum virtutum præstat, licet baptismus plus ad remissionem valeat. Quod videtur innuere Rabanus (ubi sup.) dicens, in unctione baptismi Spiritum sanctum descendere ad habitationem Deo consecrandam; in hoc vero eiusdem septiformem gratiam cum omni plenitudine sanctuatis & virtutis venire in hominem. Hoc sacramentum tantum a ieiuniis accipi, & ieiuniis tradi debet, sicut & baptismus, nisi aliter cogat necessitas: nec debet iterari, sicut nec baptismus, quando non iterandum iteratur. Sed utrum aliqua, vel nulla iterari possint, quæstio est. Nam de baptismo, & ordine quod non debeant iterari, aperte Augustinus (contra epistolam Parmen. cap. xii.) dicit: Utrumque sacramentum est, & quadam consecratione datur: illud quidem cum baptizatur, illud vero cum ordinatur. Ideoque in Ecclesia catholica utrumque non licet iterari, quia neutri facienda est iniuria: quod indubitanter etiam de confirmatione tenendum est. De aliis vero utrum iterari valeant, vel debeant, postea differemus.

DIVISIO TEXTUS.

Postquam Magister determinavit de sacramento intrantem, scilicet de ba-

ptismo, hic intendit determinare de sacramentis quæ pertinent ad progredientes in via Dei: & dividitur in partes duas. In prima determinat de sacramentis quibus pro-

(1) *Nicolaus*: Unde Enschius Papa epist. xii. & ad marginem: ut referretur in Decretis de consec. dist. v. cap. *Mensus*. (2) *Idem*. Hucusque Enschius. (3) *Nicolaus*. Item (*Urbanus* Papa epist. i. Christianis omnibus missa cap. vii. & ad marginem: Sic in decret. de consec. dist. iv. cap. *Omnis*.

EX EDIT. P. NICOLAI.

*Ad Episcopos Hispaniæ cap. 13. & in Decret. de consecrat. dist. iv. cap. *De his vero*.

progredientes in bono perficiuntur; in secunda de sacramento quo a malo subleuantur quos cadere accidit, scilicet de poenitentia, dist. xiv. ibi, *Post hoc de poenitentia agendum est*. Prima in duas. In prima determinat de sacramento confirmationis, qua aliquis in seipso perficitur ad modum quo forma perficitur; in secunda de eucharistia, qua aliquis perficitur per coniunctionem ad finem, viii. dist. ibi, *Post sacramentum baptismi, & confirmationis sequitur eucharistia sacramentum*. Prima in duas. In prima tangit ea quae sunt intra essentiam sacramenti, scilicet materiam, & formam; in secunda ea quae sunt extra essentiam ipsius, ibi, *Hoc sacramentum ab aliis perfici non potest, nisi a summis Pontificibus*. Et circa hoc tria facit. Primo determinat ministerium huius sacramenti; secundo effectum, ibi, *Virtus autem huius sacramenti est donatio Spiritus sancti*; tertio ritum, ibi, *Hoc sacramentum tantum a ieiuniis accipi, & ieiuniis tradi debet*. Circa primum duo facit. Primo determinat veritatem; secundo remouet quandam obiectionem, ibi, *Melchisedech in epistola ad Hispania Episcopos*.

QUAESTIO I.

Hic est triplex quaestio. Prima de ipso sacramento confirmationis. Secunda de effectu eius. Tertia de celebratione eius.

Circa primum quaeruntur tria.

Primo. Utrum confirmatio sit sacramentum per se.

Secundo. De materia eius.

Tertio. De forma.

ARTICULUS I.

Utrum confirmatio sit sacramentum.

III. P. quaest. lxxii. art. 1.

AD primum sic proceditur. Videtur quod confirmatio non sit sacramentum. Omne enim sacramentum efficaciam habet ab institutione divina. Sed confirmatio non legitur a Domino instituta. Ergo non est sacramentum.

2. Præterea. Illud cuius est usus in omnibus, vel pluribus sacramentis, non videtur esse sacramentum per se. Sed, sicut dicit Dionysius (de eccl. Hierar. cap. iv.) usus sacri unguenti, scilicet chrismatis, est *S. Th. Oper. Tom. XII.*

in aliis sacramentis pluribus, sicut patet in baptismo, in quo infunditur chrisma in aqua baptismi, & baptizatus in vertice chrismate inungitur; & similiter Pontifices chrismatis iunctione consecrantur, & altare etiam in quo eucharistia consecranda est, chrismate linitur, & calix similiter. Ergo confirmatio, quæ dicitur chrismatio, non est aliquid speciale sacramentum, sed magis sacramentale.

3. Præterea. Sacramenta novæ legis in veteri præfigurata fuerunt. Sed nulla figura confirmationis in lege veteri legitur præcessisse. Ergo confirmatio non est sacramentum.

Sed contra est quod Melchisedech in littera dicit: *Seiote, utrumque magnum esse sacramentum*, scilicet confirmationem, & baptismum.

Præterea. Hoc patet per diffinitionem sacramenti, quæ competit confirmationi, quæ habet significationem gratiæ in linitione olei, & habet efficaciam, ut in littera dicitur, in collatione gratiæ ad plenitudinem sanctitatis. Ergo est sacramentum.

QUAESTIUNCULA II.

1. Ulterius. Videtur quod sit sacramentum necessitatis: Quia, (a) ut Rabanus in littera dicit, omnes fideles debent post baptismum per Episcopos accipere Spiritum sanctum, ut pleni Christiani inveniatur. Sed hoc est de necessitate salutis, ut aliquis sit plenus Christianus. Ergo sacramentum confirmationis est sacramentum necessitatis.

2. Præterea. Sacramentum confirmationis contra morbum peccati ordinatur. Sed hoc est de necessitate salutis, ut quis a morbo peccati liberetur. Ergo confirmatio est sacramentum necessitatis.

3. Præterea. Sicut ad iustitiam exigitur recessus a malo, ita & accessus ad bonum. Sed baptismus operatur ad recessum a malo, quod ipsum ablutionis nomen ostendit; confirmatio autem ad accessum ad bonum, quod etiam ex nomine patet. Ergo sicut baptismus est de necessitate sanctificationis, ita & confirmatio.

Sed contra. Sine eo quod est de necessitate salutis, non est salus. Sed pueri baptizati salvantur, si ante confirmationem moriantur. Ergo non est sacramentum necessitatis.

Præterea. Gratia, & virtus sufficiunt ad

T

salu-

salutem. Sed in baptismo confertur gratia, & plenitudo virtutum. Ergo baptis- mus sufficit ad salutem, & ita confirmatio non est sacramentum necessitatis.

QUÆSTIUNCULA III.

1. Uterius. Videtur quod baptis- mus sit nobilius sacramentum quam confirmatio: quia essentialia rei accidentalibus digniora sunt, sicut substantia accidente. Sed bap- tismus essentialiter se habet ad salutem, cum sit sacramentum necessitatis; confir- matio autem accidentaliter, cum non sit necessitatis sacramentum. Ergo baptis- mus est nobilius sacramentum confirmatione.

2. Præterea. Effectus proportionatur suæ causæ. Sed baptis- mus habet maiorem effi- caciæ in efficiendo: quia delet omnem culpam, & penam, quod non facit confir- matio. Ergo est nobilius sacramentum.

Sed contra. Ad nobiliorem actionem ordi- natum nobilior ministerium. Sed confir- matio datur a nobiliori ministro quam bap- tismus. Ergo confirmatio est nobilior sa- cramentum baptismo.

SOLUTIO I.

Respondeo dicendum ad primam quæ- stionem, quod actiones quæ sunt ordinatæ ad aliquos effectus proprios, & determina- tos, recipiunt distinctionem secundum pro- portionem ad suos effectus: unde si ad duos effectus distinctos ordinentur, erunt duæ diversæ actiones. Si autem ordinentur ad unum effectum, ita quod una disponat, vel impedimentum removeat, & alia perficiat, & alia ornet perfectum; totum computatur pro una integra actione, sicut patet in operibus artificum. Unde cum sacramenta sint quæ- dam actiones hierarchicæ secundum Diony- sium (de eccl. hier. cap. v. part. 2.) ordinatæ ad aliquos effectus salutis, quando plu- res actiones sacramentales ordinantur ad unum effectum, una ut perficiens, alia ut disponens, vel impedimentum removens, vel aliquo modo ornans; tunc in illa quæ efficit effectum principalem, consistit essen- tialiter ratio sacramenti. Aliæ autem non dicuntur per se sacramenta, sed sacramen- talia quædam, quasi sacramentis adiuncta, sicut patet ex his quæ dicta sunt circa bap- tismum in exorcismo, & catechismo, & aliis huiusmodi concurrere. Quando autem sunt plures actiones ordinatæ ad effectum omnino distinctos, tunc sunt diversa sacra- menta. Et ideo cum confirmatio habeat

per se effectum distinctum ab effectu bap- tismi, ut patebit, non est sacramentale baptis- mi, sed potius per se est principale sacramentum.

Ad primum ergo dicendum, quod circa institutionem huius sacramenti est triplex opinio.

Una enim dicit, quod hoc sacramentum non fuit institutum nec a Christo, nec ab Apostolis, sed postea processu temporis in quodam Concilio; & dicunt, quod Domi- nus rem sacramenti huius sine sacramento conferebat manus imponendo, similiter & Apostoli, eo quod ipsi confirmati fuerunt immediate a Spiritu sancto. Et hoc vide- tur valde absurdum: quia secundum hoc Ecclesia tota die posset nova sacramenta instituere, quod falsum est; cum ipsi non sint latores legis, sed ministri; & funda- mentum cuiuslibet legis in sacramentis consistit: & præterea in littera dicitur de tempore Apostolorum (a) : *Non ab aliis quam ab Apostolis fuit peractum.*

Ideo alii dicunt, quod non fuit a Chris- to, sed ab Apostolis institutum hoc sacra- mentum. Sed hoc etiam non competit: quia ipsi Apostoli quamvis erant bases Ec- clesiæ, tamen non fuerunt legislatores: unde ad eos non pertinebat sacramenta instituere.

Et ideo probabilior videtur aliorum o- pinio, qui dicunt, hoc sacramentum, sicut & omnia alia, a Christo fuisse instituta: quod patet ex hoc quod ipse etiam Domi- nus manus pueris imponebat, ut patet Matth. xix. Nec obstat quod in Evange- lio, vel in Actib. Apostolorum non sit mentio de materia, vel forma huius sacra- menti: quia formæ sacramentales, & alia quæ in sacramentis exiguntur, occultanda erant in primitiva Ecclesia propter irri- gones gentilium, ut Dionysius dicit: unde etiam in fine eccl. hier. excusatur se a de- terminatione formarum sacramentalium. Secus autem est de baptismo, quod erat sacramentum necessitatis, & statim quilibet offerebatur in principio.

Ad secundum dicendum, quod quamvis materia confirmationis, scilicet chrismate, utantur Ecclesiæ ministri in diversis sacra- mentis; tamen hoc sacramentum non con- sistit tantum in materia, sed in forma ver- borum, & actu, sicut & sacramentum bap- tismi; & hoc non utuntur in aliis sacra- mentis: & ideo est per se sacramentum.

Ad tertium dicendum, quod hoc sacra- mentum

(a) *Ni-dei* (ex Eusebio Papa.)

mentum est ad perfectionem gratiae. Et quia status legis erat status imperfectionis, eo quod *nihil ad perfectum adduxit lex* (Hebr. vii. 19.) ideo hoc sacramentum non habuit aliquid sibi respondens in veteri lege: quamvis aliquo modo sit figuratum in unctio Pontificum, qua significabatur unctio Christi, a quo hæc unctio derivatur.

SOLUTIO II.

Ad secundam questionem dicendum, quod est triplex necessitas. Una est necessitas absoluta, sicut necessarium est Deum esse, vel triangulum habere tres angulos. Alia est necessitas ex causa efficiente, quæ dicitur necessitas coactionis. Tertia est necessitas ex suppositione finis; & est duplex. Quia uno modo dicitur necessarium sine quo aliquis non potest conservari in esse, sicut nutrimentum animali. Alio modo si ne quo non potest haberi quod pertinet ad bene esse, sicut equus dicitur necessarius ambulare volenti, & medicina ad hoc quod homo sane vivat. Primis autem duobus modis non dicitur aliquod sacramentum esse necessitatis, sed tertia necessitate: quædam quidem quantum ad primum modum, illa scilicet vite quibus non potest homo in spirituali vita vivere, sicut est baptismus, & poenitentia; quædam autem sine quibus non potest consequi aliquem effectum, qui est ad bene esse spiritualis vite; & hoc modo confirmatio, & omnia alia sunt necessaria. Verumtamen contemptus cuiuslibet sacramenti est periculosus. Obiectiones autem procedunt de primo modo tertiæ necessitatis.

Et ideo dicendum ad primum, quod est plenitudo christianæ gratiæ sufficiens ad salutem, & hæc datur in baptismo: & est plenitudo copiæ gratiæ ad fortiter resistendum contra pressuras mundi, & hæc datur in confirmatione, & sine hac potest esse salus.

Ad secundum dicendum, quod morbus peccati dupliciter expellitur. Uno modo quo ad culpam originale in baptismo, & actualem in poenitentia; & hæc expulso sufficit ad salutem. Alio modo quo ad poenam inclinantem ad culpam; & sic expellitur in confirmatione, & in aliis sacramentis: & hæc non est de necessitate salutis.

Ad tertium dicendum, quod in baptismo datur gratia quæ a peccato mundat, & ad bene operandum perficit quantum ad

sufficienciam salutis; sed in confirmatione additur amplius munus gratiæ, quod non est de necessitate salutis.

SOLUTIO III.

Ad tertiam questionem dicendum, quod quinque modis unum sacramentum dicitur esse dignius alio. Uno modo quo ad rem sacramenti, sive effectum eius; & sic baptismus qui delet omnem culpam, & auferit omnem poenam, est maximum sacramentorum. Alio modo quantum ad id quod continetur in sacramento; & sic eucharistia est nobilissimum, in qua continetur ipse Christus. Tertio quantum ad gradum dignitatis in quo constituit; & sic ordo est dignissimum sacramentum. Quarto quantum ad ministrum; & sic confirmatio, & etiam ordo sunt dignissima, quia non nisi per Episcopum ministrantur. Quinto quantum ad signatum, & non contentum; & sic matrimonium est dignissimum, quia signat coniunctionem duorum naturarum in persona Christi. Si tamen has dignitates ad invicem comparemus, invenitur illa dignitas potissima quam sacramentum habet ex contento, quia est essentialior: & ideo sacramentum eucharistiæ est simpliciter dignissimum, & ad ipsum quodammodo alia sacramenta ordinantur. Dignitas autem quæ est in efficiendo, prævalet ei quæ est in significando, & illa quæ est in efficiendo respectu boni, simpliciter loquendo, prævalet ei quæ est in amotione mali: & ideo simpliciter loquendo, post eucharistiam nobilissimum sacramentum est ordo, per quod homo & in gratia, & in gradu dignitatis ponitur; & post hoc confirmatio, per quam perfectio gratiæ confertur; & post baptismus, per quem fit plena remissio culpæ, & poenæ; & post matrimonium, quod habet maximam significationem. Poenitentia autem, & extrema unctio ponuntur inter baptismum & matrimonium: quia ordinantur directe ad remotionem mali: quamvis in hoc poenitentia habeat minorem efficaciam quam baptismus: quia ordinatur contra culpam actuale tantum, & non delet totaliter poenam; & adhuc minorem extrema unctio, quæ contra reliquias peccati ordinatur.

Ad primum ergo dicendum, quod quamvis confirmatio se habeat quasi accidentaliter ad vitam spiritualem simpliciter acceptam, tamen ad vitam spiritualem secundum sui perfectam differentiam non habet se accidentaliter, sed essentialiter: & ideo

non oportet quod sit minoris dignitatis quam baptismus. Sicut etiam rationale est differentia nobilior quam sensibile; quamvis animali inquantum animal accidat esse rationale, cui inquantum huiusmodi per se convenit esse sensibile. Vel dicendum, ut quidam dicunt, quod confirmatio praesupponit baptismum; unde dupliciter possunt comparari. Uno modo ut accipiatur confirmatio cum praesuppositione baptismi; & sic confirmatio simpliciter est nobilior; sicut etiam esse substantialis perfectum per accidentalia simpliciter, nobilior est quam esse substantialis simpliciter. Alio modo cum praesuppositione baptismi; & sic quodammodo baptismus est nobilior quantum ad maiorem efficaciam in removendo malum.

Ad secundum dicendum, quod baptismus non habet maiorem efficaciam simpliciter, sed solum in remotione mali, ut dictum est.

ARTICULUS II.

Utrum sacramentum confirmationis habeat materiam.

III. P. quest. lxxi. art. 2.

Ad secundum sic proceditur. Videtur quod sacramentum istud materiam non habeat. Sacramenta enim habent efficaciam ex divina institutione. Sed materia huius sacramenti non legitur a Domino instituta. Ergo non habet determinatam materiam.

2. Praeterea. Confirmatio datur ad plenitudinem sancti Spiritus percipiendam. Sed super Apostolos in die pentecostes descendit Spiritus sancti plenitudo absque omni materia. Ergo hoc sacramentum materia non indiget.

3. Praeterea. Apostoli formam nobis ecclesiastici ritus tradiderunt. Sed ipsi confirmabant manus imponendo sine aliqua materia, ut legitur in Act. Apostolorum (cap. viii.). Ergo hoc sacramentum materiam non habet.

Sed contra est. Quia secundum Hugonem de S. Viatore (Lib. I. de sacramentis part. ix. cap. ii.) sacramentum est materiale elementum. Ergo debet omne sacramentum habere materiam.

Praeterea. Si omittatur aliquid quod non sit de substantia sacramenti, non impeditur perceptio sacramenti. Sed si omittetur Epi-

scopus christiatis linitionem, non conferret sacramentum. Ergo materia est de essentia huius sacramenti.

QUAESTIUNCULA II.

1. Ulterius. Videtur quod christus non sit materia competens. In sacramentis enim uniformitas observari debet. Sed in baptismo est materia simplex elementum, scilicet aqua. Ergo etiam in confirmatione aliquod elementum deberet esse materia.

2. Praeterea. Virtus agentis (a): proportionatur agenti. Sed virtus agens in sacramentis est simplex. Ergo & materia debet esse simplex; & ita materia confirmationis non debet esse commixta ex duobus liquoribus, scilicet oleo, & balsamo.

3. Praeterea. Materia sacramenti debet esse omnibus communis: quia omnibus sacramenta proponuntur in salutem. Sed oleum olivae, & balsamum non est apud omnes. Ergo non sunt convenientes materia alicuius sacramenti.

4. Praeterea. Ex aliis etiam rebus fit oleum quam ex oliva, sicut ex nucibus, & papavere. Ergo videtur quod etiam ex tali oleo posset fieri christus.

5. Praeterea. Sacramentum confirmationis est ad corroborandum hominem in pugna spirituali. Sed vinum facit homines bonae spei secundum Philosophum (III. Ethic. cap. xi. vel xvii.) quod ad fortitudinem pugnae exigitur; & similiter panis cor hominis confirmat, ut dicitur in Psal. ciii. Ergo panis, & vinum esset huius sacramenti convenientior materia quam oleum, & balsamum.

6. Praeterea. Materia sacramenti debet habere significationem & respectu effectus, & respectu alicuius quod in Christo praecessit, a quo sacramenta profluxerunt. Sed per huiusmodi liquores nihil significatur in Christo praecedens. Ergo huiusmodi liquores non sunt convenientes materia huius sacramenti.

QUAESTIUNCULA III.

1. Ulterius. Videtur quod non exigatur materia prius sanctificata. Confirmatio enim, ut in littera dicitur, non est maioris virtutis quam baptismus. Sed in baptismo non requiritur materia prius sanctificata. Ergo nec in confirmatione.

2. Praeterea. Secundum Augustinum (tract. lxxx. in Ioan.) accedit verbum ad elementum, & fit sacramentum. Si ergo oportet

(a.) *Nicolaus supradictum spiritus proportionatur materiae quae subicitur agenti.*

oporteret quod materia aliquibus verbis prius sanctificaretur, tunc etiam ipsum christina per se est quoddam sacramentum, & non sacramenti materia.

3. Præterea. Sanctificatio non est iteranda circa idem. Sed per formam sacramenti sanctificatur materia, ut patet in baptismo, cuius materia est aqua verbo vite sanctificata; quod verbum supra dist. 111. dixit Magister esse formam baptismi. Ergo non debet ante prolationem formæ sacramentalis aliqua sanctificatio circa materiam confirmationis adhiberi.

Sed contra est communis usus Ecclesiæ, & etiam determinatio Dionysii (de eccl. Hier. cap. 19. part. 111.) qui ponit ritum consecrationis chrismatism.

SOLUTIO I.

Responsodeo dicendum ad primam questionem, quod materia sacramenti dicitur illa res visibilis sub cuius tegumento divina virtus secretius operatur salutem: & ideo ad hoc necessaria est materia sacramentis, ut ad effectum, ad quem virtus humana nullatenus attingit neque operando, neque cooperando, divina virtus in re visibili operans perducatur. Et ideo in poenitentia, & in matrimonio, cuius effectus aliquo modo dependet ex operatione humana, scilicet dolore de peccatis, & consensu etiam in copulam coniugalem, non requiritur talis materia. In baptismo autem, cuius effectus totaliter est ab extrinseco, nil cooperante interius baptizante, neque eo qui baptizatur, nisi ad removendum impedimentum, requiritur materia sensibilis. Cum ergo effectus confirmationis, qui est plenitudo Spiritus sancti, figuratim ab extrinseco, non per aliquam operationem humanam, non est dubium quod in sacramento confirmationis materia exigatur.

Ad primum ergo dicendum, quod plenitudo Spiritus sancti non erat danda ante Christi resurrectionem, & ascensionem, sicut dicitur Ioan. vii. 39. *Nondum erat Spiritus datus, quia nondum erat Iesus glorificatus*: & ideo secundum unam opinionem, ea quæ ad hoc sacramentum pertinent, non fuerunt ante Christi ascensionem instituta. Sed aliquo modo prefiguratum fuit hoc sacramentum in manus impositione Christi super pueros; quam vis etiam illa manus impositio possit referri magis ad manus impositionem quæ fit super catechumenes, ut dictum est. Nec hoc differt, si-

ve Dominus ipsemet instituit, sive Apostoli eius speciali præcepto. Secundum vero aliam opinionem dicendum, quod Dominus materiam huius sacramenti per seipsum instituit, sicut & adventum Spiritus sancti promisit; sed denuntiandam Apostolis dereliquit, quando usus sacramenti compete-
bat, scilicet post plenam Spiritus sancti missionem.

Ad secundum dicendum, quod sicut sacramentum baptismi incepit in baptismo Christi; ita sacramentum confirmationis incepit in adventu Spiritus sancti in Apostolos. Et quia principia rerum debent esse notissima, ideo utrobique Spiritus sanctus apparuit visibiliter, in baptismo quidem in columbæ specie, & in confirmatione Apostolorum in linguis igneis: & propter hoc non oportuit esse materiam, in qua Spiritus sanctus secretius operaretur salutem, ut Augustinus dicit (super Ioan. tract. lxxxiv.)

Ad tertium dicendum, quod Apostoli non confirmabant sine materia, nisi forte quando præter legem communem visibilibus signis Spiritus sanctus in eos descendebat quibus per Apostolos manus impositio facta fuerat: tunc enim illa visibilis apparitio supplebat locum elementi visibilis. Quod autem aliquando materia uteretur, patet per Dionysium in 14. cap. eccl. Hier. in principio, ubi dicitur, quod est quedam perfectiva operatio, quam duces nostri, quos Apostolos nominat, *chrismatism hostiam* nominant, hostiam dicens communiter omnem ritum sacramenti.

SOLUTIO II.

Ad secundam questionem dicendum, quod, sicut dictum est, hoc sacramentum initium sumpsit ab adventu Spiritus sancti in discipulos, qui quamvis prius Spiritum sanctum habuissent in munere gratiæ, quo perficiebantur ad ea quæ ad singulares personas eorum pertinebant, tamen in die etiam pœtecostes susceperunt Spiritum sanctum, sed in munere gratiæ quo perficiebantur ad promulgationem fidei in salutem aliorum: & ideo facta est apparitio Spiritus sancti linguis igneis, *ut verbis essent profusi ad divulgandam fidem Christi, & caritate fervidi*, (2.) aliorum salutem querentes: & propter hoc dicitur Act. 11. 4. *Repleti sunt Spiritu sancto, & caperunt loqui*. Igoi autem nihil convenientius accipi potuit loco eius in materia confirmatio-

nis

(2) *Ufusque ex hymno pœtecostas.*

mis quam oleum, tum quia lucet, tum quia maxime est nutritivum ignis. Figuræ autem lingue nihil convenientius esse potuit quam balsamum propter odorem, quia propter confessionem lingue odor bonæ notitiæ Dei diffunditur in omni loco. Et ideo sicut visibilis apparatus Spiritus sancti fuit in igne (α) figurato figura lingue, ita materia confirmationis est oleum balsamatum; ut oleum pertineat ad conscientiam, quam oportet nitidam habere eos qui confessores divinæ fidei constituuntur; & balsamum ad famam, quam oportet effundere & verbis, & factis fidei confessores.

Ad primum, ergo, dicendum, quod non debet in omnibus sacramentis observari uniformitas identitatis, sed proportionalitatis; ut sicut materia unius sacramenti competit illi sacramento, ita materia alterius sacramenti etiam competat alii. Et quia baptismus est ianua sacramentorum, quasi principium, & elementum omnium aliorum, ideo sibi competit materia quæ sit simplex, elementum; non autem ita aliis sacramentis, in quibus additur aliquid speciale; sicut corpora mixta habent aliquas virtutes superadditas, speciem consequentes.

Ad secundum dicendum, quod virtus huius sacramenti quamvis sit simplex in essentia, tamen est multiplex in effectu: quia & hominem facit serventem in conscientia, & famosum per confessionem; & ideo materia huius sacramenti est & una, & multiplex: una in actu, sed multiplex in virtute, sicut & alia mixta.

Ad tertium dicendum, quod illa ratio procedit in sacramentis necessitatis, cuiusmodi non est hoc sacramentum. Tamen oleum, & balsamum quamvis non ubique terrarum crescant, tamen ubique de facili transportari possunt.

Ad quartum dicendum, quod proprietates olei perfectius in oleo olivæ inveniuntur, unde antonomastice oleum dicitur; & præterea ipsa olivæ propter virorem perpetuum quem conservat, adiuvat ad significationem mysterii.

Ad quintum dicendum, quod vinum, & panis roborant hominem per modum nutrimenti confortando hominem in seipso, ideo magis competunt eucharistiæ; sed oleum facit expeditum, & serventem ad ea quæ exterius sunt; & ideo etiam pugiles oleo unguntur: & ideo competit magis oleum huic sacramento.

(α) α. figurat.

Ad sextum dicendum, quod hæc unctio, ut dicit Hugo de sancto Victore (Lib. II. de sacramentis par. 1. cap. 1.), significatur illa unctio qua Christus unctus est ut Rex, & Sacerdos oleo lætitiæ præ confortibus suis. Unde etiam a chrismate Christus dicitur, & a Christo Christianus; & propter hoc etiam Dionysius (de eccles. Hierar. cap. 19. part. 111.) per chrisma Christum significare dicit.

SOLUTIO III.

Ad tertiam questionem dicendum, quod materia sacramenti est quasi instrumentum sanctificationis; est autem instrumentum & principalis agentis, & ministri qui materia sacramenti utitur ad significandum. Quodlibet autem sacramentum determinat sibi principale agens quantum ad necessitatem sacramenti, quia non habet efficaciam aliquam nisi ex auctoritate Domini, & merito Christi; sed non quodlibet sacramentum determinat sibi ministrum quantum ad necessitatem sacramenti, sed quandoque solum quantum ad solemnitatem, sicut patet in baptismo. Et ideo ut materia sacramenti etiam principali agenti respondeat proportionaliter, & ministro, illa sacramenta quæ ministrum sibi determinant, materiam sanctificationis exigunt, ut dispositio sacramenti a ministro Ecclesiæ descendere ostendatur. Sacramentum autem quod non determinat sibi ministrum nisi quantum ad solemnitatem, non habet materiam sanctificationis quantum ad necessitatem sacramenti, sed solum quantum ad solemnitatem, in cuius materia etiam chrisma in modum crucis effunditur. Et quia sacramentum confirmans determinat sibi ministrum, ut dicitur, ideo materiam sanctificationis requirit ab eo qui est minister sacramenti, scilicet ab Episcopo.

Ad primum ergo dicendum, quod ad hoc nihil facit virtus sacramenti, sed determinatio ministri; ut dictum est. Vel dicendum, quod baptismus est sacramentum necessitatis, & ideo materiam communissimam habet; & propter hoc sanctificatione non indiget.

Ad secundum dicendum, quod quidam dicunt ipsum chrisma esse sacramentum. Sed hoc falsum apparet in hoc quod usus chrismatis in pluribus est quam sacramentum confirmationis; sicut patet in baptizato, qui chrismate in fronte linitur, & de Pontifice, cuius caput chrismate tangitur.

Ex

Et ideo dicendum, quod sacramentum confirmationis non est ipsum christisma, sed initio christismatis sub forma praescripta verborum. Illa autem benedictio (a) vocalis christismatis non est forma sacramenti, sed magis est quidam benedictio sacramentalis, sicut benedictio aquae, vel altaris.

Ad tertium dicendum, quod sicut instrumentum virtutem instrumentalem acquirit dupliciter, scilicet quando accipit formam instrumenti, & quando movetur a principali agente ad effectum; ita etiam materia sacramenti duplici sanctificatione indiget: una qua instituitur materia propria sacramenti, & ad hoc est sanctificatio materiz; alia est quando applicatur ad effectum, quae fit per formam sacramenti. Et ideo non fit iniuria sanctificationi, si duplex sanctificatio in talibus adhibeatur.

ARTICULUS III.

Utrum sacramentum confirmationis habeat formam.

III. P. quæst. lxxii. art. 4.

1. AD tertium sic proceditur. Videtur quod sacramentum confirmationis non habeat formam. Sacramenta enim a Christo descenderunt. Sed Christus non legitur aliqua forma usus, manus imponens. Ergo cum illa manus impositio confirmationem designet, videtur quod confirmationis sacramentum non habeat aliquam formam.

2. Præterea. Apostoli etiam leguntur per manus impositionem Spiritum sanctum dedisse (Act. viii.) Sed illa manus impositio, ut sancti dicunt, fuit confirmatio illorum quibus manus imponebant. Ergo cum non legatur eos sub aliqua forma verborum manus imposuisse, sicut leguntur in nomine Christi baptizasse (Act. ii. viii. & x.) videtur quod hoc sacramentum non habeat formam.

3. Præterea. Sacramenta quæ habent formam, sub eisdem verbis apud omnes periciuntur. Sed sacramentum confirmationis non perficitur eisdem verbis apud omnes. Dicunt enim quidam: *Consigno te signo crucis, & confirmo te chrismate salutis in nomine Patris, & Filii, & Spiritus sancti.* Quidam autem dicunt, *Chrismate sanctificationis.* Ergo hoc sacramentum non habet aliquam formam.

Sed contra est quod Magister dixit in 1. dist. quod duo sunt in quibus sacramenta consistunt, verbum, & res. Verba autem ad formam pertinent.

Præterea. Augustinus dicit (super Ioan. tracl. lxxx.) *Accedit verbum ad elementum, & fit sacramentum.*

QUAESTIUNCULA II.

1. Ulterius. Videtur quod illa forma verborum non sit competens. In quolibet enim sacramento exigitur intentio. Sed ad designandum intentionem in forma baptismi exprimitur persona baptizans hoc pronomine ego. Ergo & in forma confirmationis hoc pronomen ego apponi debet.

2. Præterea. Consignatio videtur ad characterem impressionem pertinere. Sed characterem non imprimit minister magis hic quam in baptismo. Cum ergo in baptismo nulla fiat mentio de consignatione in forma, nec hic fieri deberet de ipsa mentio.

3. Præterea. Per baptismum homo maxime configuratur passioni Christi. Sed in forma baptismi non fit mentio aliqua de Christi passione. Ergo nec in forma ista deberet fieri mentio de cruce.

4. Præterea. Sicut confirmatio habet formam determinatam, ita & baptismus. Sed in baptismi forma non fit mentio de materia ipsius: non enim dicitur: *Baptizos te aqua.* Ergo nec hic deberet fieri mentio de chrismate.

5. Præterea. Forma est de essentia sacramenti: quia multi accipiunt sacramentum qui non debent res sacramenti poni in forma, sicut hic ponitur, *Chrismate salutis.*

QUAESTIUNCULA III.

1. Ulterius. Videtur quod forma ista non habeat in hoc sacramento aliquam efficaciam. Quia secundum Hugonem de sancto Victore (Lib. I. de sacramentis part. ix. cap. 11.) sacramentum ex sanctificatione invisibilem gratiam continet. Sed materia huius sacramenti est sanctificata etiam ante formæ prolationem. Ergo formæ prolatio nullam efficaciam præbet sacramento.

2. Præterea. Sicut in eucharistia est sanctificatio hostiæ, & usus ipsius, ita & hic. Sed ibi tota virtus sacramenti est in hostia sanctificata, ut patet in forma verborum quæ proferuntur, cum quis hostiam sumit, cum dicitur: *Corpus Domini nostri &c.* Ergo & similiter hic virtus sacramenti non con-

(a) Nihil omittit vocalis.

confistit in verbis praemissis, quae in usu materiae huius sacramenti dicuntur.

Sed contra est, quod forma est principalior in re quam in materia. Si ergo materia aliquid efficit, multo fortius forma.

SOLUTIO I.

Respondeo dicendum ad primam questionem, quod ministri sacramentorum operantur in sacramentis benedicendo, & sanctificando: & ideo secundum quod ad aliquid sacramentum requiritur minister, ita requiritur forma qua minister sacramentum dispensat.

Ad primum ergo dicendum, quod, sicut dictum est, illa manus impositio quam Dominus pueris exhibebat, non erat proprie sacramentum confirmationis, quod non conveniebat exhiberi ante ipsius glorificationem; sed vel erat signum quoddam futurae confirmationis, vel erat talis manus impositio, qualis fit in catechismo, & exorcismo. Si tamen Dominus confirmasset sine forma, vel materia, non esset inconveniens, quia ipse habebat excellentiorem potestatem in sacramentis, qui poterat effectum sacramenti sine sacramentalibus praebere; quod non est de aliis.

Ad secundum dicendum, quod quidam dicunt, quod Apostoli propter dignitatem, & auctoritatem ipsorum confirmabant sine materia, & forma per solam manus impositionem. Sed hoc non videtur benedictum: quia quantumcumque ipsi essent magnae auctoritatis, tamen potestatem excellentiorem in sacramentis dispensandis non habebant. Et ideo dicendum, quod Apostoli aliqua forma utebantur, quamvis non sit scripta. Multa enim Apostoli servabant in sacramentorum dispensatione quae volebant divulgari propter irrisum Gentilium evitandam, sicut patet per Apostolum, qui dicit I. Corinth. xi. 34. *Cetera, cum venero, disponam*: & loquitur de celebratione sacramenti eucharistiae, & hoc est etiam quod Dionysius dicit in fine eccle. Hier. *Consummaturae autem invocationes*, id est verba quibus perficiuntur sacramenta, non est iustum (a) Scripturas interpretantibus, neque mysticum eorum, aut in ipsis operatur ex Deo virtutes, ut oculos ad commune adducere; sed, ut nostra sacra traditio habet, sine pompa, ideò occulte, eas edocere &c. Ex quibus verbis tria possumus accipere. Primo quia Apostoli in sacramentis utebantur forma verborum certa, quia ipse alibi in eodem

Lib. dicit quod tradit ritum sacramentorum, sicut Apostoli docebant. Secundo quod in occulto tradebantur huiusmodi sacramentalia in primitiva Ecclesia. Terrio quod in ipsis verbis est aliqua virtus, quod quidam negant.

Ad tertium dicendum, quod variatio formae in his quae non sunt de essentia formae, potest tolerari secundum diversas Ecclesiarum consuetudines, dummodo substantia formae apud omnes servetur. Hoc autem quod a quibusdam dicitur, *Christum salvis*, vel *sanctificationis*, quasi in unum redit: & ideo per hoc non removetur quia hoc sacramentum habeat determinatam formam.

SOLUTIO II.

Ad secundam questionem dicendum; quod sicut distinctio debet indicare totum esse rei, si sit perfecta; ita per formam sacramenti debet innoscere totum quod ad sacramentum pertinet. Sacramentum autem & est ad aliquem finem ordinatum, & ab aliqua causa principali efficaciam habet. Et ideo tria ponuntur in forma huius sacramenti, quorum primum pertinet ad finem ad quem institutum est hoc sacramentum, qui est confessio fidei christianae, cuius tota summa consistit in passione Christi: unde Apost. I. Corinth. xi. 2. *Non enim indicavi me aliquem scire inter vos, nisi (b) Iesum crucifixum*: & ita huius articuli confessio maiorem habet difficultatem: quia, sicut dicitur in eadem Epistola I. Corinth. i. 23. *Nos autem predicamus Christum crucifixum, Iudeis quidem scandalum, Gentibus autem stultitiam*: & ad hoc pertinet cum dicitur: *Configuro te signo sanctae crucis*, ut crucis verbum non erubescat, sed publice confiteatur. Secundo ponitur ipse sacramentalis actus cum sua materia, & effectu, ut sic tangatur & id quod est sacramentum tantum, in hoc quod dicitur, *Christum*; & id quod est res, & sacramentum, in hoc quod dicit, *Confirma*, id est sacramentum confirmationis praebere; & id quod est res, & non sacramentum, in hoc quod dicit, *Salvis*. Sed causa agens principalis, unde sacramentum effectum habet, tangitur in hoc quod dicit: *In nomine Patris, & Filii, & Spiritus sancti*.

Ad primum ergo dicendum, quod baptismus est sacramentum necessitatis: & ideo intentio baptizantis magis est actus ad actum sacramenti. Vel dicendum, quod

(a) *Mislati* Interpretati per scripturas: (b) *Vulgata*: *Iesum Christum, & hunc crucifixum*.

quod baptizare potest quilibet, confirmare autem solus ille qui est in summo gradu Ecclesiae, de quo praesumitur quod minus possit in dispensatione sacramenti deficere: & ideo non requiritur tanta aetatis intentionis per verba in forma apposta.

Ad secundum dicendum, quod consignatio quae ponitur in forma, non pertinet ad confirmationem characteris, sed ad confirmationem crucis, quae fit in fronte linitione chrismatis propter confessionem fidei crucis: & talis signatio non fit in baptismo, quia baptizatus non consecratur ad aliquid speciale, sed universaliter ad spirituale vitam; & consignatio autem importat quamdam ascriptionem, vel aliquid speciale, quod est in sacramento confirmationis.

Ad tertium dicendum, quod ille qui baptizatur, configuratur passioni Christi per idem eius, quam habere in corde debet: & ideo non exigitur aliqua consignatio exterior, sed sufficit consignatio interior quae est per characterem, & consignatio ad passionem Christi in conspersione aquae. Sed confirmatio est sacramentum confessionis passionis Christi, sicut baptismus sacramentum fidei: & ideo exterior in manifesto imprimitur crucis signaculum, & in forma exprimitur.

Ad quartum dicendum, quod in ipso actu baptismationis intelligitur determinata materia baptismi; non autem materia confirmationis intelligitur in ipso actu confirmandi: & ideo oportet quod materia addatur.

Ad quintum dicendum, quod in actu abluitionis magis expresse significatur res sacramenti in baptismo quam in linitione chrismatis: & ideo non oportet quod addatur effectus salutis ad maiorem expressionem.

SOLUTIO III.

Ad tertiam quaestionem dicendum, quod formae sacramentorum sunt ad perficiendum sacramenta: unde Dionysius vocat eas consummativas invocationes, ut dictum est: & ideo in illo sacramento quod totum consistit in illa re sensibili sanctificata, & non in usu illius rei, forma sacramenti dicitur illud quo materia sanctificatur, non autem illa verba quae in materia usu proferuntur, sicut patet in eucharistia. In illis autem sacramentis quae perficiuntur in usu materiae, sicut baptismus in ipsa linitione, vel abluitione, forma sacramenti est quae dicitur in usu materiae, non quae dicitur in sanctificatione materiae, quia illa sacramentale quoddam est. Et ideo cum sacramentum confirmationis, ut dictum est, perfici-

ciatur in usu materiae, constat quod illa verba quae dicitur Episcopus confirmans, sunt forma sacramenti, & habent efficaciam scilicet & aliae formae sacramentorum.

Ad primum ergo dicendum, quod duplex est sanctificatio sacramenti, ut dictum est. Ex prima ergo sanctificatione quae fit in benedictione materiae, non habet ut actu conferat gratiam, sed ex secunda.

Ad secundum dicendum, quod aliter est in sacramento eucharistiae quam in aliis sacramentis: quia ibi totum sacramentum consistit in ipsa hostia consecrata, eo quod ibi Christus realiter continetur, & non virtute tantum, sicut in aliis sacramentis: & ideo forma sacramenti illius sunt verba prolata in sanctificatione hostiae.

QUAESTIO II.

Deinde quaeritur de effectu confirmationis: & circa hoc quaeruntur duo.

Primo. De effectu qui est res, & sacramentum, scilicet character.

Secundo. De effectu qui est res tantum, scilicet gratia.

ARTICULUS I.

Utrum in sacramento confirmationis character imprimitur.

III. P. quaest. lxxii. art. 5.

1. **A**D primum sic proceditur. Videtur quod in confirmatione character non imprimatur. Character enim, ut supra dist. 1v. (quaest. 1. art. 1. in corp.) dictum est, est signum distinctivum. Sed pugna spiritualis omnibus indicitur. Cum ergo confirmationis sacramentum detur ad roborandum in pugna spirituali, videtur quod in ipsa non fiat aliqua distinctio alicuius ab altero per impressionem characteris.

2. Praeterea. In veteri lege erat necessaria pugna spiritualis, sicut & in nova. Sed in lege veteri non erat aliquod sacramentum characterem imprimens, ut supra dictum est. Ergo nec confirmatio characterem imprimit.

3. Praeterea. Supra dictum est, quod character est spiritualis potestas. Sed spiritualis potestas passiva, scilicet percipiendi sacramenta alia, sufficienter traditur in baptismo: potestas autem activa, scilicet dispensandi sacramenta, ad ordinem pertinet. Cum ergo confirmatus non constituitur in gradu alicuius ordinis, vel dignitatis, videtur quod in confirmatione character non imprimatur.

V

Sej

Sed contra. Character est signum conformans nos Trinitati. Sed sicut oportet nos conformari in sapientia, & potentia, ita & in bonitate. Cum ergo in baptismo imprimatur character fidei, conformans nos divinæ sapientiæ, & in ordine character potestatis, conformans nos divinæ potentie; videtur quod in confirmatione imprimatur character plenitudinis Spiritus sancti, conformans nos divinæ bonitati.

Præterea. Per characterem quasi ascribimur ad familiam Iesu Christi. Sed Christus sicut est Pater noster, & Sacerdos, ita est & Rex noster. Cum ergo per characterem baptismalem ascribamur ei quasi patris filii regenerati per baptismum, & per characterem ordinis quasi ministri Sacerdoti summo, videtur quod simili ratione in confirmatione debeat imprimi character, quo conformemur ei quasi milites Regi.

QUAESTIUNCULA H.

1. Ulterius. Videtur quod idem sit character confirmationis per essentiam, & baptismi. Quia ad eandem formam, seu speciem non potest esse nisi una assimilatio. Sed in Trinitate, ut Hilarius dicit (in Lib. de Synodis can. 1.) est species indifferens. Ergo cum character sit signum assimilans Trinitati, videtur quod character confirmationis non possit esse alius a character baptismi.

2. Præterea. In corporibus ita est quod duo characteres non possunt esse in eadem parte. Sed characteris subiectum est una pars animæ, ut supra dictum est. Ergo post primum characterem non potest alius character superaddi.

3. Præterea. Ad ea quæ se necessario consequuntur, aliquis eodem characterē ascribitur; sicut idem character est in sacerdote ad confitendum, & ad absolvendum. Sed confessio fidei, cuius sacramentum est confirmatio, consequitur de necessitate ad fidem, cuius sacramentum est baptismus: quia corde creditur ad iustitiam, ore confessio fit ad salutem: Rom. x. 10. Ergo idem character est in baptismo, & in confirmatione.

Sed contra. Character est proprius effectus sacramenti, & immediatus. Sed diversarum causarum proprii effectus sunt diversi. Cum ergo baptismus, & confirmatio sint diversa sacramenta, & characteres impressi erunt diversi.

Præterea. Idco baptismus iterari non pot-

est, quia character est indelebilis. Si ergo idem esset character baptismi, & confirmationis, post baptismum confirmatio non adderetur.

QUAESTIUNCULA III.

1. Ulterius. Videtur quod character confirmationis non præsupponat characterem baptismalem. Character enim confirmationis ad hoc datur quod homo fortiter Christum confiteatur. Sed aliqui ante baptismum fortiter Christum confessi sunt, ad martyrii palmam pervenientes. Ergo ante baptismum potest aliquis accipere characterem confirmationis.

2. Præterea. Character confirmationis est sacramentum, & res. Sed homo etiam non baptizatus potest percipere id quod est sacramentum, & res in eucharistia, scilicet corpus Domini verum; quamvis rem sacramenti non consequatur, inordinate accipiens; nisi forte credat se baptizatum. Ergo & similiter characterem confirmationis consequi potest non baptizatus.

3. Præterea. Sicut baptismus naturaliter præcedit confirmationem, ita unus ordo naturaliter præcedit alium. Si (a) autem aliquis accipit ordinis consequentis characterem qui non accipit characterem præcedentis, tamen non reordinatur, sed quod defuerat suppletur. Ergo & characterem confirmationis potest homo accipere sine character baptismali.

Sed contra est quod Dionysius dicit 11. cap. ecl. Hier. quod nihil divinitus traditorum operari potest qui non est regeneratus per baptismum. Sed character confirmationis est huiusmodi. Ergo non potest aliquis characterem confirmationis percipere qui non est baptizatus.

Præterea. Baptismus dicitur esse principium spiritualis vite, secundum Dionysium (de ecl. Hier. cap. 11.) & Damascenum (de Fide orth. Lib. IV. cap. x.) Sed remoto principio aufertur quod est post principium. Ergo qui non est baptizatus, non potest characterem confirmationis accipere.

SOLUTIO I.

Respondeo dicendum ad primam questionem, quod character est distinctivum signum, quo quis ab aliis distinguitur ad aliquid spirituale deputatus. Sed ad spirituale potest aliquis tripliciter deputari. Uno modo ut aliquis in seipsum spiritualia participet; & ad hoc quis deputatur in baptismo, quia iam baptizatus potest esse particeps omnis spi-

spiritualis receptionis : unde character baptismalis , ut supra dictum est , est quasi quaedam spiritualis potentia passiva . Alio modo ut spiritualia quis in notitiam ducat per eorum fortem confessionem ; & ad hoc quis deputatur in confirmatione : unde etiam tempore persecutionis eligebantur aliqui qui deberent in loco persecutionis remanere ad publice nomen Christi confitendum , aliis occulte credentibus , sicut patet in legenda beati Sebastiani * . Tertio modo ut etiam spiritualia credentibus tradat ; & ad hoc deputatur aliquis per sacramentum ordinis . Et ideo sicut in baptismo confertur character , & in ordine , ita & in confirmatione .

Ad primum ergo dicendum , quod pugna spiritualis qua quis pugnat contra impediens salutem sui ipsius , omnibus indicitur ; sed ad hoc non datur sacramentum confirmationis , sed ad persistendum fortiter in pugna qua quis nomen Christi impugnatur , & ut invictus confessor Christi permaneat : & huic pugnae non omnes exponuntur , sed solum confirmati .

Ad secundum dicendum , quod in veteri lege non erat tempus per stultitiam praedicationis propagandi cultum Dei , sed magis per generationem carnalem : & ideo tunc talis pugna de confessione fidei non multum erat necessaria . Nihilominus tamen erat distinctio huius characteris in veteri lege figurata , sicuti & aliorum . In distinctione enim filiorum Israel ab Aegyptiis , significabatur character baptismalis ; in distinctione timidorum a fortibus in bellis , character confirmationis ; in distinctione Levitarum a fratribus suis , character ordinis .

Ad tertium dicendum , quod potestas characteris huius est potestas activa non ad conferendum spiritualia , quod est ordinis , sed magis ad confitendum publice : & ideo confirmatus non constituitur in gradu alicuius ordinis , quia nullus ei subiicitur in receptione divinorum ab ipso .

SOLUTIO II.

Ad secundam questionem dicendum , quod quilibet potentia de sui ratione importat ordinem ad aliquid : & ideo oportet potentiam proportionatam esse actui ad quem est : quia proprius actus non fit nisi in propria materia , secundum Philosophum in II.

de Anima (text. xxiv.) & ideo oportet quod potentiae distinguantur per distinctionem actuum , ad quos ordinantur , sive sint potentiae activae , sive passivae : & quia character , ut supra dictum est (dist. iv. quest. 1. art. 1. in corp.) est potentia spiritualis , ideo cum character baptismalis non ad idem ordinetur cum character confirmationis , ut ex dictis patet , planum est quod non est idem uterque character .

Ad primum ergo dicendum , quod ad unam speciem , seu formam , quam aliquid perfecte repraesentat , non potest esse nisi una assimilatio : & ideo Patris non est nisi una perfecta imago , scilicet Filii . Sed si non sit perfecta repraesentatio , tunc possunt esse diversae assimilationes ad unum simplex : & ideo diversae creaturae diversimode secundum suum modum divinam similitudinem habent : & propter hoc non est inconveniens , si sint diversi characteres in anima , Trinitati secundum diversa conformantes .

Ad secundum dicendum , quod character corporalis attenditur secundum figuram , quae consistit in terminatione figurati . Et quia impossibile est esse diversas terminationes unius rei , ideo impossibile est ut idem corpus secundum eandem partem diversimode figuretur , aut characterizetur . Sed character spiritualis attenditur secundum aliquam spirituale proprietatem . Non est autem inconveniens diversas proprietates non oppositas eidem inesse secundum eandem partem : & ideo in eadem parte animae plures characteres esse possunt .

Ad tertium dicendum , quod quamvis cuiuslibet baptizati , & credentis sit confiteri , quando confessio ab eo expectatur ; non tamen est cuiuslibet se libere exponere , sed tantum confirmati . Et hoc etiam patet in Apostolis , in quibus hoc sacramentum initium fumpsit : quia ante adventum Spiritus sancti confirmantis eos erant clausae fores cenaculi propter metum Iudeorum ; postea repleti Spiritu sancto coeperunt loqui cum fiducia , & publice verbum Dei , ut patet in Actibus (cap. 1. & 11.)

SOLUTIO III.

Ad tertiam questionem dicendum , quod nihil potest participare actionem , vel proprietatem alicuius naturae , nisi prius habeat substantiam in natura illa : unde cum per baptismum , qui est spiritualis regeneratio ,

V a homo

EX EDIT. P. NICOLAI.

* Ea nimirum quam Serius recitat 20. Ianuarii.

homo acquirat subsistentiam in vita spiritali christianae religionis, non potest non baptizatus aliquid eorum quae ad hanc spirituales vitam pertinent, participare: & ideo non potest percipere confirmationis characterem: & hanc rationem Dionysius assignat in 11. cap. eccl. Hier.

Ad primum ergo dicendum, quod ad ea quae sunt necessitatis, homo admittitur, etiam si hoc non competat ei ex officio; sicut patet quod etiam non habens ordinem, in casu necessitatis baptizare potest licite, quamvis hoc non competat sibi ex officio. Similiter etiam quia confiteri nomen Christi, ubi confessio exquiritur, est necessitatis; ideo etiam non baptizatis hoc competit, quamvis hoc non habeant ex officio characteris in sacramento confirmationis suscepi.

Ad secundum dicendum, quod in sacramento eucharistiae illud quod est res, & sacramentum, est extra suscipientem: & ideo indispositio illius non impedit quin sit illud quod est res, & sacramentum, scilicet corpus Christi verum. Sed hoc quod est res, & sacramentum in confirmatione, est aliqua forma in suscipiente recepta: & ideo indispositio recipientis impedit impressionem characteris.

Ad tertium dicendum, quod ordo potentiae passivae ad activam est ordo necessitatis: quia qui non habet potentiam passivam ad aliquid recipiendum, nihil recipit nisi miraculose: sed ordo potentiae inferioris activae ad superiorem est tantum ordo congruitatis: & ideo carens baptismali characterem, qui est potentia passiva recipiendi spiritualia, nihil potest recipere de aliis spiritualibus; carens autem characterem inferioris ordinis, qui est potentia activa, potest recipere characterem superioris ordinis.

ARTICULUS II.

Utrum in confirmatione conferatur gratia gratum faciens.

III. P. quest. lxxix. art. 7.

AD secundum sic proceditur. Videtur quod gratia gratum faciens, in confirmatione non conferatur. Gratia enim gratum faciens ordinatur contra culpam, & non contra poenam. Sed confirmatio ordinatur contra poenam, & non contra culpam: quia ille qui confirmatur, iam non est amplius, per baptismum iustificatus. Er-

go non recipit gratiam gratum facientem.

2. Præterea. Baptismus non habet minus ordinem ad gratiam gratum facientem quam confirmatio. Sed ille qui prius habuit gratiam, per baptismum non accipit gratiam gratum facientem. Ergo cum confirmatus iam habeat gratiam quam in baptismo suscepit, sicut patet in pueris, videtur quod in confirmatione gratia gratum faciens non conferatur.

3. Præterea. Ad id quod potest fieri in mortali peccato, non requiritur gratia gratum faciens. Sed aliqui in peccato mortali existentes possunt fortiter nomen Christi confiteri. Ergo cum confirmatio sit sacramentum confessionis Christi, videtur quod non detur ibi gratia gratum faciens.

Sed contra. Sacramentum novae legis efficit quod figurat. Sed per unctionem chrismatis significatur unctio gratiae. Ergo in confirmatione gratia gratum faciens conferatur.

Præterea. In littera dicitur, quod ibi datur Spiritus sanctus. Sed in primo Libro (dist. xvi. quest. 1. art. 2.) dictum est, quod missio Spiritus sancti non est sine gratia gratum faciente. Ergo in confirmatione datur gratia gratum faciens.

QUAESTIUNCULA II.

1. Ulterius. Videtur quod sit eadem cum gratia baptismali. Duo enim accidentia eiusdem speciei non possunt esse in eodem simplici, & indivisibili. Sed subiectum gratiae gratum facientis est essentia animae, quae est una, & simplex. Ergo in ea non possunt esse diversae gratiae; & ideo cum gratia baptismalis sit ibi, gratia in confirmatione data erit penitus idem.

2. Præterea. Eadem est gratia quae est in virtutibus, & donis. Sed per baptismum conferatur gratia cum omnibus virtutibus, ut supra dictum est (dist. 1. quest. 1. art. 4. questiu. 5.) in confirmatione autem datur gratia cum septiformi plenitudine Spiritus sancti, ut in littera dicitur, quod ad septem dona pertinet. Ergo eadem est gratia quae datur in confirmatione, & in baptismo.

3. Præterea. Maior est distinctio virtutum quam gratiarum. Sed ad eandem virtutem pertinent credere, & confiteri, scilicet ad fidem. Ergo multo fortius pertinent ad eandem gratiam: ergo gratiam baptismalem quae perficit ad credendum, & gratia confirmationis quae perficit ad confitendum, est eadem gratia.

Sed *

Sed contra. Causae diversae inducunt diversos effectus. Sed aliud est sacramentum exterius in baptismo quam in confirmatione, & alius character interior, ut dictum est; quae sunt causa gratiae. Ergo & alia est gratia utrobique.

Præterea. Contra diversos morbos datur diversa medicina. Sed contra alium morbum ordinatur confirmatio, & baptismus, ut supra dist. 11. (quæst. 1. art. 1. incorp.) dictum est. Ergo alia est gratia quae in medicinam morbi in sacramento utroque datur.

QUAESTIUNCULA III.

1. Uterius. Videtur quod gratia confirmationis non perficiat gratiam baptismalem. Omnis enim perfectio quae confirmationi ascribitur, ad dona, vel virtutes pertinet; sicut fortiter confiteri, & persistere, quod est fortitudinis virtutis, vel doni. Sed in baptismo, ubi confertur gratia, conferuntur & virtutes, & dona, quae in gratia connexionem habent, ut dictum est (sup. dist. 1. quæst. 1. art. 4. quæstiunc. 5.) Ergo gratia confirmationis non perficit gratiam baptismalem.

2. Præterea. Ex eodem habitu operatur, & perficitur, ut dicitur in II. Ethic. (cap. 1.) Sed gratia baptismalis per baptismum acquiritur. Ergo non perficitur per confirmationem.

3. Præterea. In augmento fit idem ex eo quod augeat, & quod augeat. Sed gratia baptismalis differt a gratia confirmationis. Ergo gratia confirmationis non perficit gratiam baptismalem.

Sed contra. Secundum Dionysium (de eccl. Hierarch. cap. v. part. 1.) baptismus est illuminatio, christus autem perfectio. Sed perfectio consummat illuminationem, sicut illuminatio purgationem. Ergo confirmatio christi consummat gratiam baptismalem.

Præterea. In omnibus perfectionibus ordinatis ad invicem ita est quod secunda perficit primam. Sed confirmationis gratia superadditur ad gratiam baptismalem. Ergo gratia confirmationis perficit gratiam baptismalem.

SOLUTIO I.

Respondeo dicendum ad primam quæstionem, quod in quolibet sacramento est aliqua sanctificatio. Sed quædam est sanctificatio in sacramento quae est communis omnibus sacramentis, scilicet emundatio a peccato, vel a reliquiis peccati; & quædam

sanctificatio quae est specialis quibusdam sacramentis imprimentibus characterem, scilicet deputatio ad aliquid sacrum. Utraque autem sanctificatio gratiam gratum facientem requirit: quia illud quod directe contrariatur peccato, est gratia; contraria autem contrariis curantur. Unde idem remedium adhiberi non potest contra peccatum, & sequelas eius, nisi per gratiam gratum facientem. Et ideo in omni sacramento novae legis gratia gratum faciens confertur, ut dictum est supra dist. 11. (quæst. 1. art. 1. quæstiunc. 1. & 2.) Similiter autem accessus ad sacra non est licitus immundis, nec aliquis ab immunditia liberari potest nisi per gratiam, nec effici idoneus ad sacra ministranda, vel percipienda: & ideo oportet quod in sacramentis quae characterem impriment, gratia gratum faciens imprinatur. Cum ergo confirmatio sit sacramentum novae legis characterem imprimens, ex duplici parte necessarium est quod gratia gratum facientem conferat.

Ad primum ergo dicendum, quod confirmatio ordinatur contra peccatum quae est ex culpa causata, & ad culpam inclinans: & ideo ex consequenti habet repugnantiam ad gratiam, & propter hoc contra ipsam oportet quod gratia gratum faciens detur: & ideo si invenit aliquam culpam quae fictum non faciat, delet illam, sicut patet de culpa veniali; quamvis non principaliter contra culpam ordinetur.

Ad secundum dicendum, quod baptismus est sacramentum necessitatis: & ideo gratia quae confertur in baptismo, ordinatur in communem statum salutis, & non in aliquem specialem effectum: & propter hoc per baptismum ei qui habuit gratiam gratum facientem, non additur alia gratia nova, sed illa quae prius inerat, augeatur. Secus autem esse de confirmatione, quae non est sacramentum necessitatis, unde eius gratia ad aliquem specialem effectum ordinatur: & propter hoc gratia confirmationis potest addi: ad gratiam quae perficit in communi statu vitae.

Ad tertium dicendum, quod quamvis aliquis possit constanter, etiam si sit in mortali peccato, fidem Christi confiteri, non tamen est idonea illa confessio, quia non est speciosa laus in ore peccatoris (Eccli. xv. 9.) nec iterum est meritoria ad salutem. Sacramentum autem ordinatur non solum ad hoc quod aliquid fiat qualitercumque, sed ad hoc quod aliquid idonee fiat, nisi sit defectus ex parte recipientis sacramentum.

SOLUTIO II.

Ad secundam questionem dicendum, quod, sicut supra dictum est, sacramentales gratiae ad invicem distinctae sunt secundum distinctionem eorum ad quae ordinantur, sicut & virtutes; quamvis earum distinctio non ita appareat sicut distinctio virtutum, quia earum effectus non sunt ita manifesti sicut effectus virtutum. Ita etiam videmus in virtutibus moralibus quia ubi est specialis difficultas, requiritur specialis virtus: unde alia est virtus quae dirigit in magnis sumptibus secundum magnificentiam, ab ea quae in communibus donis, & sumptibus perficit, scilicet liberalitate. Et quia gratia baptismalis datur ad perficiendum in his quae pertinent ad communem statum vitae christianae, gratia autem confirmationis ad perficiendum in his quae sunt difficillima in isto statu, scilicet confiteri nomen Christi contra persecutores; ideo specialis gratia ad hoc indigetur: & propter hoc alia est gratia confirmationis a gratia baptismi, & contra alium defectum datur. Gratia enim baptismi datur contra defectum qui impedit omnem statum iustitiae in vita christiana, scilicet contra peccatum originale, & actuale; gratia autem confirmationis contra defectum oppositum robori quod exigitur in confessoribus nominis Christi, (a) scilicet contra infirmitatem.

Ad primum ergo dicendum, quod gratia confirmationis, & baptismi non sunt eiusdem speciei, ut dictum est: & ideo nihil prohibet quod in eodem indivisibili sint. Vel dicendum, quod gratia baptismalis ex essentia animae (b) derivatur in intellectum, quod est ad recte & perfecte credendum; sed gratia confirmationis respicit magis irascibilem, ad quam pertinet fortitudo, & robur.

Ad secundum dicendum, quod gratia sacramentalis, quae est principalis effectus sacramenti, quamvis habeat connexionem cum gratia quae est in virtutibus, & donis, tamen est alia ab ea: quia gratia sacramentalis perficit removendo primo & principaliter defectum ex peccato consequentem; sed gratia virtutum, & donorum perficit inclinando ad bonum virtutis, & doni; sicut gratia confirmationis removendo infirmitatis morbum; fortitudinis autem donum, vel virtus inclinando ad bonum quod est proprium virtuti, vel dono. Et

ideo quamvis in baptismo dentur virtutes & dona, & similiter in confirmatione, non oportet quod sit eadem gratia sacramentalis utrobique.

Ad tertium dicendum, quod confiteri ubi ex confessione imminet mortis periculum, non est tantum fidei, sed indiget auxilio alterius virtutis, scilicet fortitudinis: & similiter etiam indiget alia gratia sacramentali, quae removeat effectum oppositum fortitudini.

SOLUTIO III.

Ad tertiam questionem dicendum, quod, ut supra dictum est dist. 1. (quaest. v. art. 4. quaestione. 5.) sicut gratia gratum faciens, quae essentiam animae perficit, differt a virtutibus, & donis quae ab ipsa fluunt; ita etiam differt a gratia quae est proprius effectus sacramentorum; tamen est ei connexa, sicut & connexionem habet ad virtutes, & dona: unde in sacramentis principaliter datur gratia sacramentalis, quae differt in diversis sacramentis, & per consequens gratia virtutum, & donorum, quae est communis in omnibus sacramentis. Secundum hoc ergo gratia baptismalis potest dici dupliciter. Uno modo illa quae est principalis, & proprius effectus baptismi, operans contra morbum: alio modo gratia quae est effectus baptismi ex consequenti, & per quamdam connexionem; & similiter distinguendum est de gratia confirmationis. Accipiendo ergo gratiam baptismalem, & confirmationis primo modo, sic sunt diversae gratiae: & ideo non perficit eam directe, quasi cedens in eandem essentiam cum ipsa, sed directe perficit ipsum baptizatum ad aliquid altius; & per consequens etiam ipsa baptismalis gratia perfectius, & nobiliter esse habet, sicut & anima sensibilis est perfectior adiuncta rationali, & virtus adiuncta dono, & liberalitas adiuncta magnificentiae. Accipiendo autem gratiam baptismalem, & confirmationis secundo modo, sic directe augeat eam, cedens in eandem essentiam cum ipsa, sicut baptismus directe augeat gratiam quam prius invenit.

Et per hoc patet responsio ad utramque partem.

QUAE-

(a) *id.* scilicet infirmitati. (b) *id.* derivatur intellectu.

QUAESTIO III.

DEinde quæritur de celebratione huius sacramenti; & circa hoc quæruntur tria.

Primo. Quis possit conferre hoc sacramentum.

Secundo. Quis debeat recipere.

Tertio. De ritu, & modo recipiendi.

ARTICULUS I.

Utrum quilibet non ordinatus possit alium confirmare.

III. P. quæst. lxxi. art. 11.

1. **A**D primum sic proceditur. Videtur quod quilibet non ordinatus possit alium confirmare. Efficacia enim sacramentorum est a virtute verborum. Sed quilibet etiam non ordinatus potest verba proferre quæ sunt forma huius sacramenti. Ergo non ordinatus potest confirmare.

2. Præterea. Unumquodque potest agere secundum formam quam habet; quia unumquodque agit secundum quod est actu. Sed aliquis non ordinatus habet characterem confirmationis. Ergo potest confirmare.

3. Præterea. Quanto aliquod sacramentum est maioris necessitatis, tanto indiget maiori discretionem, & attentionem in ministrando. Sed baptismus est sacramentum necessitatis. Ergo cum illud quod requirit maiorem discretionem, debeat maioribus committi, videtur quod ex quo non ordinatus potest baptizare, etiam possit confirmare.

Sed contra est quod Hugo de S. Victoræ dicit (de sacramentis Lib. II. part. 11. cap. v.) quod administratio Ecclesiæ consistit in ordinibus ministrorum, & sacramentis. Ergo sicut sine sacramento non potest quis confirmari, ita nec sine ordine confirmantis.

Præterea. Unctio confirmationis est dignior quam extremæ unctionis. Sed illa non potest fieri nisi ab ordinatis, ut patet Iacob ult. Ergo nec ista.

QUAESTIUNCULA II.

1. Uterius. Videtur quod sacerdos simplex, etiam si non sit Episcopus, possit confirmare. Baptismus enim quantum ad ali- quid est maioris efficaciz quam confirma-

tio. Sed sacerdos ex suo officio potest baptizare. Ergo & confirmare.

2. Præterea. Sicut confirmationis sacramentum ad perfectionem pertinet, ita & eucharistiz secundum Dionysium (de eccl. Hierarch. cap. xv. & v.) Sed sacerdos est proprius minister sacramenti eucharistiz. Ergo ipse potest confirmare.

3. Præterea. In sacramentis ex parte conferentis requiritur ordo, & intentio. Sed Episcopus non habet aliquem ordinem, vel characterem quem non habeat simplex sacerdos. Ergo sicut Episcopus, ita & sacerdos potest confirmare, si intentionem confirmandi habeat.

Sed contra. Soli Episcopi in loco Apostolorum succedunt. Sed soli Apostoli in primitiva Ecclesia manus imponebant, quod erat confirmare. Ergo soli Episcopi nunc possunt confirmare.

Præterea. In ordine ecclesiasticæ hierarchiz secundum Dionysium (ubi sup.) soli Episcopi sunt perfectiores. Sed secundum eundem sicut aliquis per exorcismum purgatur, & per baptismum illuminatur, ita per confirmationem chrismatis perficitur. Ergo soli Episcopi possunt confirmare.

QUAESTIUNCULA III.

1. Uterius. Videtur quod sacerdos simplex ex commissione Papæ non possit confirmare. Sicut enim se habet hoc quod est sacerdotis ad sacerdotem, ita hoc quod est Episcopi ad Episcopum. Sed nullus non sacerdos potest propter Papæ commissionem eucharistiam conficere, quod est sacerdotum. Ergo similiter ex commissione Papæ nullus potest non Episcopus confirmare, quod est Episcopi.

2. Præterea. Sicut conferre sacerdotalem ordinem est Episcopi, ita & confirmare. Sed nullus non Episcopus ex mandato Papæ potest aliquem in sacerdotem promoveri. Ergo nullus ex Papæ mandato, qui non sit Episcopus, potest præbere confirmationis sacramentum.

3. Præterea. Quicumque potest ex mandato, vel ex commissione alicuius baptizare, si sine commissione baptizat eum qui non est sibi subditus, extra casum necessitatis, baptizatus est, quamvis peccet. Sed si sacerdos sine commissione alicuius confirmet, non est confirmatum. Ergo non potest ex commissione Papæ confirmare.

Sed contra est quod in littera dicitur, quod Gregotius in casu permisit quod simplices

plices sacerdotes possent confirmare (ut habetur dist. xcv. cap. *Peruenit*.)

Præterea. Maius est ordinem conferre quam confirmare. Sed ex mandato Papæ aliqui non Episcopi conferunt quosdam ordines; sicut sunt Presbyteri Cardinales, qui conferunt minores ordines. Ergo multo fortius ex mandato Papæ potest aliquis simplex sacerdos confirmare.

SOLUTIO I.

Respondeo dicendum ad primam quæstionem, quod proprii dispensatores sacramentorum sunt ministri Ecclesiæ per sacramentum ordinis consecrati, ut sint mediæ inter Deum & plebem, divina populo tradentes: & ideo solis eis competit ex officio sacramenta ministrare; nec per alium conferri possunt, excepto baptismo propter necessitatem. Unde cum confirmatio non sit sacramentum necessitatis, non poterit nisi ab ordinatis conferri.

Ad primum ergo dicendum, quod efficacia sacramenti non tantum est ex verbis prolatis, sed etiam ex materia debita, & persona conveniente: & ideo si sit defectus in persona ministri, verba prolata ab alio non possunt efficaciam sacramento præbere.

Ad secundum dicendum, quod perfectio personalis huius vel illius nihil facit ad collationem sacramentorum: quod patet ex hoc quod sacramenta conferuntur a bonis ministris, & malis; sed exigitur perfectio huius, inquantum est minister Ecclesiæ; sicut in naturalibus ad hoc quod forma se in alteram materiam transfundat per similitudinem, requiritur qualitas activa. Et quia per confirmationis sacramentum non efficitur aliquis minister Ecclesiæ, quamvis quamdam naturalem perfectionem consequatur, ideo non oportet quod quilibet confirmatus confirmare possit.

Ad tertium dicendum, quod omnia sacramenta indigent æqualiter intentione; sed illa quæ omnibus sunt conferenda, non indigent discretionem, qua unus repellatur, & alius admittatur: quia a sacramentis necessitatis nullus debet excludi: & ideo cuilibet etiam sacerdoti committitur illa sacramenta conferre, non autem illa quibus aliquis ad statum perfectionis promovetur.

SOLUTIO II.

Ad secundam quæstionem dicendum, quod in omnibus artibus, & potentiis ordinatis, vel habitibus, ita est quod ultima perfectio reservatur inducenda per supremam ar-

tem in genere illo; sicut artes quæ operantur circa materiam navis, reservant introductionem formæ arti superiori, quæ navim compaginat, & illa reservat ulterius finem, scilicet usum navis, arti superiori, scilicet gubernatoriæ. Unde cum Episcopi in ecclesiastica hierarchia teneant supremum locum, illud quod est ultimum in actionibus hierarchicis, eis reservandum fuit. Et quia perficere aliquem hoc modo quod sit supra communem statum aliorum, est supremum in actionibus hierarchicis; ideo sacramentum confirmationis, & ordinis, quibus hoc efficitur, solis Episcopis dispensanda referuntur.

Ad primum ergo dicendum, quod baptismus, cum sit sacramentum necessitatis, communiter omnibus competit: & ideo per ipsum non ponitur aliquis supra communem statum, sicut fit per confirmationem, ut prius etiam dictum est.

Ad secundum dicendum, quod eucharistia, sicut confirmatio, & ordo, est sacramentum perficiens; sed in hoc differt ab aliis, quia in ordine, & confirmatione illud quod est ibi res, & sacramentum, est aliquid in suscipiente acquisitum; & ideo suscipientem hæc sacramenta promovent ad perfectionem quamdam ultra communem statum fidelium; sed eucharistia habet illud quod est res, & sacramentum in se, non in suscipiente: & ideo per assumptionem eucharistiæ non acquirit aliquis perfectionem ultra communem statum, cum non imprimatur character; sed perficit unumquemque in suo statu: & ideo etiam secundum Dionysium cuilibet sacramento eucharistiæ perceptio adiungitur: & ideo non est simile de eucharistia, & de aliis.

Ad tertium dicendum, quod quamvis Episcopus non habeat aliquem ordinem supra sacerdotem, secundum quod ordines distinguuntur per actus relatos ad corpus Domini, verumtamen habet aliquem ordinem supra sacerdotem, secundum quod ordines distinguuntur per actus supra corpus mysticum. Unde Dionysius in ecclesiastica Hierarchia (cap. v. part. 1.) ponit Episcopatum ordinem, unde & cum quadam consecratione dignitas episcopalis confertur: & ideo in promotione membrorum corporis mystici aliquid, potest competere Episcopo quod non competit simplici sacerdoti.

SOLUTIO III.

Ad tertiam quæstionem dicendum, quod circa hoc est multiplex opinio.

Quidam enim dicunt, quod presbyter simplex non possit ex mandato Papæ confirmare, & quod dicitur de Gregorio ad Ianuarium scribente (Lib. III. epist. xxvi.) exponunt quod illi presbyteri ex mandato Papæ non conferebant sacramentum confirmationis, sed aliquod sacramentale simile illi sacramento, sicut alicui porrigitur panis benedictus loco eucharistiæ. Sed non videtur conveniens, ut talem simulationem in dispensatione sacramentorum induxisset Gregorius, vel sustinuerit: quia dispensatio sacramentorum pertinet ad veritatem doctrinæ, quæ non est propter scandalum dimittenda.

Et ideo alii dicunt, quod auctoritas Papæ tanta est quod eius mandato quilibet potest conferre quod habet, ut confirmatus confirmare, sacerdos sacerdotium conferre, diaconus diaconatum; non autem manda- to ipsius potest aliquis conferre quod non habet, ut diaconus ordinem sacerdotalem. Sed hæc opinio videtur nimis ampla: & ideo media via secundum alios tenenda est.

Et ideo sciendum est, quod cum Episcopus non addat aliquid supra sacerdotium per relationem ad corpus Domini verum, sed solum per relationem ad corpus mysticum, Papa per hoc quod est Episcoporum summus, non dicitur habere plenitudinem potestatis per relationem ad corpus Domini verum, sed per relationem ad corpus mysticum. Et quia gratia sacramentalis descendit in corpus mysticum a capite, ideo omnis operatio in corpore mysticum sacramentalis, per quam gratia datur, dependet ab operatione sacramentali super corpus Domini verum: & ideo solus sacerdos potest absolvere (a) in foro pœnitentiali, & baptizare ex officio. Et ideo dicendum, quod promovere ad illas perfectiones quæ non respiciunt corpus Domini verum, sed solum corpus mysticum, potest a Papa, qui habet plenitudinem pontificalis potestatis, committi sacerdoti, qui habet actum summum super corpus Domini verum, non autem diacono, vel alicui inferiori, qui non habet perficere corpus Domini verum, sicut nec absolvere in foro pœnitentiali. Non autem potest simplici sacerdoti committere promovere ad perfectionem quæ respicit aliquo

S. Th. Oper. Tom. XII.

(a) *Id.* in loco. (b) *Id.* deest habent.

modo corpus Domini verum: & ideo simplex sacerdos ex mandato Papæ non potest conferre ordinem sacerdotii: quia ordines sacri habent actum supra corpus Domini verum, vel supra materiam eius. Potest autem concedere simplici sacerdoti quod conferat minores ordines, quia isti nullum actum habent supra corpus Domini verum, vel materiam eius, nec etiam supra corpus mysticum. (b) habent actum per quem gratia conferatur; sed habent ex officio quosdam actus secundarios, & preparatorios: & similiter potest concedere alicui sacerdoti quod confirmet: quia confirmatio perficit eum in actu corporis mystici, non autem habet aliquam relationem ad corpus Domini verum.

Et per hoc de facili patet solutio ad obiecta.

ARTICULUS II.

Utrum Christus debuerit sacramentum confirmationis accipere.

III. P. quæst. lxxii. art. 8.

1. **A**D secundum sic proceditur. Videtur quod Christus debuerit sacramentum confirmationis accipere. Sacramentum enim confirmationis confert maiorem plenitudinem gratiæ quam baptismus. Sed Christus baptizari voluit, ut talem mundissimæ suæ carnis efficaciam baptismo præberet. Ergo similiter debuit confirmationem accipere.

2. Præterea. Confirmatio ad hoc datur ut homo in confessione veritatis usque ad mortem firmiter stet. Sed Christus dedit omnibus exemplum pro veritate moriendi. Ergo hoc sacramentum maxime debuit accipere.

Sed contra. Confirmatur quod infirmum est. Sed infirmitas spiritualis in Christo non fuit. Ergo nec confirmari debuit.

QUÆSTIUNCULA II.

1. Ulterius. Videtur quod hoc sacramentum pueris non sit conferendum. Quia hoc sacramentum supra communem statum promovet, sicut & sacramentum ordinis. Sed illud sacramentum non confertur pueris. Ergo nec istud.

2. Præterea. Hoc sacramentum datur ad constituendum fidem, & ad pugnandum pro ipsa. Sed hoc non competit pueris. Ergo non debent hoc sacramentum suscipere.

X Sed

Sed contra. Gratiabaptismalis est immediata dispositio ad gratiam confirmationis. Sed baptismus confertur pueris. Ergo confirmatio debet pueris dari.

QUAESTIUNCULA III.

1. Ulterius. Videtur quod non debeat dari omnibus adultis. Illud enim quod omnibus datur, non excedit communem statum, ut dictum est. Sed confirmatio ponit supra communem statum, ut supra dictum est. Ergo non debet omnibus dari.

2. Præterea. Hoc sacramentum est ad robur in pugna spirituali. Sed pugnare non est mulierum propter imbecillitatem sexus. Ergo nec hoc sacramentum eis competit.

3. Præterea. Confirmatio est sacramentum confessionis. Sed muti non possunt confiteri. Ergo non debet eis dari hoc sacramentum.

4. Præterea. Morientes a pugna huius vitæ subtrahuntur. Sed ad robur in pugna huius vitæ datur confirmatio. Ergo non debet morientibus dari.

Sed contra est quod dicit Hugo de S. Victore (de sacram. Lib. II. part. vii. cap. 111.) quod omnino periculosum esset, si ab hac vita sine confirmatione migrare contingeret. Ergo omnibus dandum est hoc sacramentum.

Præterea. Ad robur in hoc sacramento datur septiformis gratia Spiritus sancti. Sed hæc omnibus est necessaria. Ergo & sacramentum confirmationis omnibus dari competit.

SOLUTIO I.

Respondeo dicendum ad primam questionem, quod suscipere baptismum est in præcepto, cum sit sacramentum necessitatis: & ideo Dominus voluit baptizari, quamvis in baptismo nihil susciperet, sed magis contulerit, ut forma obediendi mandatis omnibus præberetur per ipsum: & propter hoc dixit ad baptismum veniens: *Sic decet nos implere omnem iustitiam* (Matth. 23. 15.) Iustitia enim consistit in obedientia legis, ut Philosophus dicit in V. Ethic. (cap. 1.) Sed sacramentum confirmationis non est necessitatis, sed utilitatis alicuius consequendæ causa accipitur: & ideo cum Dominus non accepteraliquid a sacramentis, non debuit sacramentum confirmationis accipere, sicut nec sacramentum ordinis: quia potestas excellentiæ in sacramentis, & plenitudo Spiritus sancti in ipso a sui conceptione fuit; & sic non oportebat

nisi quod in ipso erat innotescere; quod factum est per adventum columbæ super ipsum.

Et per hoc patet solutio ad obiecta.

SOLUTIO II.

Ad secundam questionem dicendum, quod perfectio quæ confertur in ordine, & confirmatione, in hoc differunt, quod perfectio ordinis est ad aliquid dispensandum, perfectio autem confirmationis est ad standum fortiter in seipso. Ad hoc autem quod dispensatio alicuius rei detur alicui, requiritur idoneitas aliqua præexistens in eo qui dispensationem recipit propter periculum quod potest imminere ex prava dispensatione: & ideo perfectio ordinis non confertur pueris. Sed perfectio qua quis in seipso perficitur, non præexigit aliam perfectionem, sed ipsa perfectione quis idoneus redditur; nec ex hoc aliquod periculum imminere potest: & ideo confirmatio potest puero tradi, & convenienter traditur: quia infantilis ætas non patitur fictionem, qua effectus sacramenti in traditione impediatur: & ideo quamvis tuoc non competat ei confiteri, vel pugnare, certum tamen est quod effectum sacramenti plene recipit, per quem erit idoneus ad pugnam, & confessionem ad perfectam ætatem veniens, nisi gratiam acceptam per peccatum amittat.

Et per hoc patet solutio ad obiecta.

SOLUTIO III.

Ad tertiam questionem dicendum, quod, sicut dictum est, perfectio in confirmatione collata non præexigit aliam perfectionem, sed per eam quis in seipso perficitur, ut sit idoneus ad pugnam spiritualem. Et quia cuilibet est conveniens, & bonum, ut in pugna spirituali fortitudinem habeat, ideo ab hoc sacramento nullus excludi debet qui sit baptizatus.

Ad primum ergo dicendum, quod non ponit supra communem statum quantum ad dispensationem alicuius sacramenti, sed quantum ad confessionem sacramentorum; & hæc perfectio, vel excellentia omnibus membris Ecclesiæ competit per hoc sacramentum confirmationis collata.

Ad secundum dicendum, quod etiam quædam mulieres in pugna spirituali gloriosum reportaverunt ab hoste triumphum. sicut patet de beata Agneta, & beata Cecilia, & aliis: uode ab hoc sacramento mulieres non sunt excludendæ.

Ad

Ad tertium dicendum, quod quamvis muti non possint confiteri ore, possunt confiteri nutibus, & possunt habere voluntatem, & propositum confitendi: & ideo eis non debet denegari hoc sacramentum.

Ad quartum dicendum, quod quamvis morientes abstrahantur a pugna, tamen vadunt ad locum præmii, in quo secundum mensuram gratiæ datur mensura gloriæ: & ideo indigent plenitudine gratiæ, quæ in pugna perficitur, propter finem pugnae consequendum.

ARTICULUS III.

Utrum exigatur quod aliquis teneat aliquem ad confirmationem.

III. P. quæst. lxxii. art. 9. & 10.

1. **A**D tertium sic proceditur. Videtur teneat aliquem ad confirmationem. Ille enim qui habet immediatam relationem ad Principem, sicut liberi, non oportet quod mediantibus aliquibus coram Principe compareant, sicut servi compareant mediantibus dominis, & filii familiis mediantibus patribus. Sed confirmandus iam habet immediatam relationem ad Principem Ecclesiæ, cum sit membrum Ecclesiæ per baptismum. Ergo quamvis baptizatus per alium debeat presentari, tamen confirmandus nullo modo debet per alium ad confirmationem teneri, præcipue si sit adultus.

2. Præterea. Fortitudo minus competit mulieribus quam viris. Prov. ultim. 10. *Mulierem fortem quis inveniet?* Sed confirmatio est sacramentum fortitudinis, quia in eo datur Spiritus sanctus ad robur. Ergo ad minus mulier non debet tenere virum ad confirmationem.

Sed contra. Videtur etiam quod non confirmatus possit tenere ad confirmationem. Quia maius est sacramentum conferre quam ad sacramentum (a) suscipiendum aliquem tenere. Sed non confirmatus potest sacramentum baptismi conferre. Ergo multo fortius potest ad confirmationem tenere.

QUÆSTIUNCULA II.

1. Ulterius. Videtur quod non debeat fieri linitio chrismatis tantum in fronte. Quia vertex est nobilior pars corporis quam frons, quia ibi est organum cogitativæ,

hic autem organum phantasie. Sed sacerdotes, qui est inferior quam Episcopus, ungunt baptizatos chrismate in vertice. Ergo Episcopus non debet ungere chrismate confirmandos in fronte.

2. Præterea. Confirmatio est sacramentum confessionis. Sed confessio fit ore. Ergo unctio confirmationis magis deberet in ore fieri.

3. Præterea. Frons est locus nudus, & patens. Sed hic de facili sordes contrahit. Cum ergo chrisma sit servandum ab omni inquinamento, videtur quod non congrue fiat unctio in fronte.

Sed contra. In confirmatione datur Spiritus sanctus ad robur. Sed robur in fronte significatur, ut patet Ezech. 111. 8. *Ecce dedi . . . frontem tuam duriorum frontibus eorum.* Ergo in fronte debet fieri unctio confirmationis.

Præterea. Apocal. vii. 3. Angelus dicit: *Quoad usque signemus servos Dei (b) vivi in frontibus eorum.* Sed Episcopi dicuntur Angeli, ut patet Apoc. 111. Ergo eorum est in fronte signare.

QUÆSTIUNCULA III.

1. Ulterius. Videtur quod confirmatio possit iterari. Sicut enim confirmatio datur ad robur fidei, ita eucharistia ad robur caritatis. Sed eucharistia iteratur. Ergo & confirmatio.

2. Præterea. Si morbus iteratur, & medicina iterari debet. Sed morbus contra quem datur hoc sacramentum, potest iterari, scilicet spiritualis infirmitas. Ergo & sacramentum debet iterari.

Sed contra. Sicut in baptismo imprimitur character, ita & in confirmatione. Sed baptismus non iteratur. Ergo nec confirmatio.

SOLUTIO I.

Respondeo dicendum ad primam quæstionem, quod in sacramento confirmationis datur Spiritus sanctus ad robur. Unde propter hoc aliquis ad confirmationem accedit, quia se habere robur standi non præsumit: & ideo institutum fuit ut ab altero teneatur, ad significandum quod per se stare non posset.

Ad primum ergo dicendum, quod ille qui est mediator in hoc sacramento, non habet officium representandi quasi extraneum, sicut est in baptismo, neque suscipiendi quasi instruendum; sed solum tenendi quasi infirmum.

X 2 Ad

(a) scilicet suscipiendum. (b) vulgatis nostris.

Ad secundum dicendum, quod fortitudo spiritualis est per Christum, in quo non est masculus, & femina, ut dicitur ad Galat. 3. & ita non differt utrum vir mulierem, vel mulier virum teneat; quamvis quidam contrarium dicant, scilicet quod mulier virum tenere non potest.

SOLUTIO II.

Ad secundam questionem dicendum, quod homo potest impediri a libera, & aperta confessione nominis Christi propter duo, scilicet propter timorem mortis, & propter confusionem, quae est timor ignominiae. Utriusque autem signum praecipue in facie manifestatur: quia pallescent timores, & rubent verecundati, ut dicitur in IV. Ethic. (cap. xv. vel xvii.) & praecipue in fronte quae est pars magis aperta, & imaginationi, ex qua procedunt passionis praedictae, vicina: & ideo cum confirmatio detur ad liberam confessionem nominis Christi, convenienter unguuntur confirmati in fronte.

Ad primum ergo dicendum, quod unctio quae datur in vertice a sacerdote, significat dignitatem regalem, & sacerdotalem in baptizato, quia incipit esse de numero illorum quibus dicitur: *Vos estis gens sancta, regale sacerdotium*: I. Pet. 2. 9. & ideo in vertice fit ad (a) signandum eminentiam dignitatis collatae. Sed unctio confirmationis datur ad fortiter defendendam dignitatem acceptam, quod amplius est: & ideo in loco publico dari debet.

Ad secundum dicendum, quod non datur hoc sacramentum ad confessionem simpliciter, sed ad libertatem confessionis: & ideo debet dari ubi apparent illae passionis quae liberam confessionem impedire possunt.

Ad tertium dicendum, quod ex hoc non est periculum: quia ligatur fons confirmationis quousque desiccetur locus: & postmodum etiam secundum Hugonem (Lib. II. de

sacram. part. 1. cap. vii.) debet esse sub quadam disciplina custodiendi chrisma, ne scilicet caput laver usque ad septem dies, propter septem dona Spiritus sancti, sicut etiam Ecclesia septem diebus adventum Spiritus sancti in discipulos celebrat.

SOLUTIO III.

Ad tertiam questionem dicendum, quod sacramentum quod habet effectum semper permanentem, non potest iterari sine iniuria sacramenti: (b) & quia in confirmatione imprimitur character, qui est indelebilis, ideo non debet iterari.

Ad primum ergo dicendum, quod eucharistia non imprimit characterem; nec illud quod est res, & sacramentum, est aliqua forma recepta in recipiente sacramentum, sicut est in confirmatione: & ideo non est similis ratio.

Ad secundum dicendum, quod confirmatio datur contra infirmitatem, prout est contracta per originale peccatum; & sic non redit, quamvis infirmitas actualis peccati redeat.

EXPOSITIO TEXTUS.

Donatio Spiritus sancti ad robur. Contra. Panis cor hominis confirmat: Psalm. cxi. Ergo magis pertinet ad eucharistiam quam ad confirmationem. Et dicendum, quod per eucharistiam roboratur caritas, per hoc autem sacramentum fides: in his enim duabus virtutibus tota virtus spiritualis aedificii consistit. Vel dicendum, quod caritas perficit, & roborat ad standum in seipso per modum cibi; sed confirmatio ad pugnam, quam quis ab aliis patitur in confessione nominis Christi, contra adversarios audaciam praebens.

Hoc sacramentum tantum a ieiuniis accipi, & ieiuniis tradi debet. Propter eminentiam Spiritus sancti, qui cum sua plenitudine in hoc sacramento dat robur.

(a) Ad assignandum. (b) Ad ideo quia.

DISTINCTIO VIII.

De sacramento altaris, & eucharistia.

POST sacramentum baptismi, & confirmationis sequitur eucharistiæ sacramentum. Per baptismum mundamur, per eucharistiam in bono consummamus. Baptismus æstus vitiorum extinguit, eucharistia spiritaliter reficit: unde excellenter eucharistia dicitur, idest bona gratia: quia in hoc sacramento non modo est augmentum virtutis, & gratiæ, sed ille totus sumitur qui est fons, & origo totius gratiæ: cuius figura præcessit, quod manna pluuit Deus patribus in deserto, qui quotidiano cæli pascebantur alimento: unde (Psalm. lxxvii. 25.) „Panem Angelorum manducavit homo.“ Sed tunc qui panem illum manducaverunt, mortui sunt; iste vero panis vivus, qui de cælo descendit, vitam mundo tribuit (Ioan. vi.). (1) Manna illud de cælo, hoc super cælum. Illud (2) scatēbat vermis in diem alterum reservatum, hoc ab omni corruptione alienum. Quicumque religiose gustaverit, corruptionem non videbit. Illud datum fuit antiquis populi transitum maris rubri, ubi submersis Aegyptiis liberati sunt Hebræi (Exod. xiv.) ita hoc cæleste manna non nisi renatis præstari debet. Panis ille corporalis populum antiquum ad terram promissionis per desertum eduxit; hæc esca cælestis fideles huius sæculi desertum transeuntes in cælum subvehit. Unde recte viaticum appellatur, quia in via nos reficiens usque ad patriam deducit. Sicut ergo in mari rubro figura baptismi præcessit, ita in manna significatio dominici corporis. Hæc duo sacramenta demonstrata sunt, ubi de latere Christi sanguis, & aqua profuxerunt: quia per sanguinem redemptionis, & aquam ablutionis nos redimere venit a diabolo, & a peccato, sicut Israelitas per sanguinem agni paschalis ab exterminatore, & per aquam maris rubri ab Aegyptiis liberavit. Huius etiam sacramenti ritum Melchisedech ostendit, ubi panem, & vinum Abrahamæ obtulit (Gen. xiv.) Unde, ut ait Ambrosius (de sacramentis Lib. IV. cap. iii.) intelligi datur anteriora esse sacramenta Christianorum quam Iudæorum.

De institutione sacramenti.

HIC etiam ante alia consideranda occurrunt quatuor, scilicet sacramentum, institutio, forma, & res. Sacramentum Dominus instituit, quando post typicum agnum corpus, & sanguinem suum discipulis in cœna porrexerat. Unde Eusebius Emyssenus: „Quia corpus assumptum ablaturus erat ab oculis, & illatus sideribus, necesse erat ut die cœnæ sacramentum nobis corporis, & sanguinis consecraret, ut coleretur iugiter per mysterium quod semel offerebatur in præteritum.“

De forma.

FORMA vero est, quam ipse ibidem edidit dicens: „Hoc est corpus meum:“ & post (Matth. xxvi.) „Hic est sanguis meus.“ Cum enim hæc verba proferuntur, conversio fit panis, & vini in substantiam corporis, & sanguinis Christi. Reliqua ad laudem Dei dicuntur. Unde Ambrosius (Lib. IV. de sacramentis cap. iv.) „Sermone Christi hoc conficitur sacramentum: quia sermo Christi si creaturam mutat; & sic ex pane fit corpus Christi, & vinum cum aqua in „cali-

(1) *Melchisedech*: idest æternæ vitæ substantiam subministrat. (2) *scatēbat*: in diem.

EX EDIT. P. NICOLAI.

* Ita refertur in Decretis; sed Eucherii Lugdunensis potius est, ex quo in Eucharistia sua Cardinalis Perronius expressè refert, ac Eusebio Emysseno fido tribui probat Lib. I. cap. 1. & 11.

„ calicem missum sit sanguis consecratione verbi cœlestis . Consecratio quibus sit
 „ verbis? Attende quæ sunt verba . Accipite ergo , & comedite ex eo omnes :
 „ Hoc est corpus meum : & iterum : Accipite , & bibite ex hoc omnes : Hic est
 „ sanguis meus . Per reliqua omnia quæ dicuntur , laus Deo (1) deferitur ; oratio
 „ præmittitur pro populo , pro Regibus (2) . Item Augustinus * (ut habetur de
 „ consecr. dist. 11. cap. „ Utrum . “) „ Credendum est quod in illis verbis Chri-
 „ sti sacramenta efficiantur . Reliqua omnia nihil aliud sunt quam laudes , vel
 „ obsecrationes fidelium , & petitiones . “ Ecce quæ sit institutio , & forma huius
 „ sacramenti : ubi consideratione dignum est , quare illud sacramentum post cenam
 „ dedit discipulis . Dominus igitur Iesus ad invisibilia paternæ maiestatis migraturus ,
 „ celebrato cum discipulis typico (3) pascha , quoddam memoriale eis commendare
 „ volens , sub specie panis , & vini corpus , & sanguinem suum ita eis tradidit , ut
 „ ostenderet legis veteris sacramenta , inter quæ præcipuum erat agni paschalis sa-
 „ crificium , in morte sui terminari , ac legis novæ sacramenta sublevari , in quibus
 „ excellit mysterium eucharistiæ . Ideo etiam post alia dedit , ut hoc unum arctius
 „ memoriæ discipulorum infigeretur , & ab Ecclesia deinceps frequentaretur . Sed
 „ non exinde disciplinam sanxit in posterum , ut post alios cibos sumatur , quod
 „ potius a ieiunis sumi oportet , sicut Apostolus docet (1. Corinth. xxx.) ut sin-
 „ gulari reverentia diiudicetur , idest discernatur ab aliis cibis : quod Dominus Apo-
 „ stolis disponendum reliquit . Unde Augustinus . (ad Ianuarii epist. cxviii.)
 „ Apparere , cum primo acceperunt discipuli eucharistiam , non eos accepisse ieiun-
 „ ios . Non ideo tamen calumniandum est universæ Ecclesiæ , quod a ieiuniis su-
 „ mitur semper . Placuit enim Spiritui sancto ut in honorem tanti sacramenti
 „ prius in os Christiani dominicum corpus intraret quam alii cibi : ideo ubique
 „ mos iste servatur . Non enim quia post cibos dedit Dominus , ideo præsens , vel
 „ cœnati illud accipere debent . ut illi faciebant quos Apostolus redarguit . Nam
 „ Salvator quo vehementius commendaret mysterii illius altitudinem , ultimum
 „ hoc voluit infigere cordibus , & memoriæ discipulorum , a quibus ad passionem
 „ digressurus erat . Quo autem ordine deinceps sumeretur , Apostolis , per quos Ec-
 „ clesiæ dispositorum erat , reservavit docendum . “

De sacramento, & res.

Nunc quid ibi sacramentum sit , & quid res , videamus . Sacramentum est in-
 visibilis gratiæ visibilis forma . Forma ergo panis , & vini , quæ ibi videtur ,
 est sacramentum , idest signum sacræ rei : quia præter speciem quam ingerit sensu-
 bus , aliquid aliud facit in cognitionem venire . Tenent ergo species vocabula re-
 rum quæ ante fuerunt , scilicet panis , & vini . Huius autem sacramenti gemina
 est res : una scilicet contenta , & significata ; altera significata , & non contenta .
 Res contenta , & significata est caro Christi quam de Virgine traxit , & sanguis
 quem pro nobis fudit . Res autem significata , & non contenta , est unitas Eccle-
 siæ in prædestinatis , vocatis , iustificatis , & glorificatis . Hæc est duplex caro Chri-
 sti , & sanguis . Unde Hieronymus (in cap. 1. Epist. ad Ephes.) „ Dupliciter , “
 inquit , „ intelligitur caro Christi , & sanguis : vel illa quæ crucifixæ est , & se-
 „ pulchra , & sanguis qui militis lancea effusus est ; vel illa spiritalis , ac divina ,
 „ de qua ipse ait (Ioan. vi. 56.) Caro mea vere est cibus , & sanguis meus
 „ vere est potus : &c . Nisi manducaveritis carnem meam , & biberitis meum san-
 „ guinem , non habebitis vitam in vobis . “ Sunt ergo hic tria distinguenda . U-
 num quod tantum est sacramentum : alterum quod est sacramentum , & res ; &
 tertium

(1) *Id.* refertur . (2) *Nicola addit pro ceteris .* (3) *Id.* paschalis .

EX EDIT. P. NICOLAI.

* Ita refertur Decretis : sed nihil tale in Augustino nunc occurrit ; habetur autem apud Paschasium
 Lib. de corpore , & sanguine Domini , ut ibidem appendix notat .

tertium quod est res, & non sacramentum. Sacramentum, & non res est species visibilis panis, & vini. Sacramentum, & res, caro Christi propria, & sanguis. Res, & non sacramentum, mystica eius caro. Porro illa species visibilis sacramentum est geminæ rei: quia utramque rem significat, utriusque rei similitudinem gerit expressam. Nam sicut panis præ ceteris cibis corpus reficit, & sustentat, & vinum hominem lætificat, atque inebriat; sic caro Christi interiorum hominem plus ceteris gratis spiritualiter reficit, & saginat. Unde (Psalm. xxi. 5.) "Calix tuus inebrians, quam præclarus est!". Habet etiam similitudinem cum re mystica, quæ est unitas fidelium: quia sicut ex multis granis conficitur unus panis, & ex pluribus acinis vinum in unum confuit; sic ex multis fidelium personis unitas ecclesiastica constat. Unde Apostolus (I. Corinth. x. 17.) "Unus panis, & unum corpus multi sumus &c." Unde Augustinus (de sacram. fidelium, & Lib. VII. de bapt. contra Donatistas cap. I. & epist. I.) "Unus panis, & unum corpus Ecclesia dicitur, pro eo quod sicut unus panis ex multis granis, & unum corpus ex multis membris componitur, sic Ecclesia ex multis fidelibus caritate copulante connectitur (1) Hoc mysterium pacis, & unitatis nostræ Christus in sua mensa consecravit. Qui accipit hoc mysterium unitatis, & non tenet vinculum pacis, non accipit hoc mysterium pro se, sed contra se." Cuius etiam sacramentum est corpus Christi proprium de Virgine sumptum: quia ut corpus Christi ex multis membris purissimis, & immaculatis constat; ita societas ecclesiastica ex multis personis a criminali macula liberis consistit. In cuius rei typo facta est arca Domini de lignis Sethim, quæ sunt impurabilia, & albæ spinæ similia.

DIVISIO TEXTUS.

Postquam Magister determinavit de baptismo, & confirmatione, hic tertio determinat de eucharistie sacramento: & dividit in partes duas. In prima determinat ea quæ pertinent ad ipsum sacramentum; in secunda determinat de dispensantibus sacramentum, xiii. dist. ibi, *Solet etiam queri, utrum (a) pravi sacerdotes hoc sacramentum conficere queant*. Prima in duas. In prima determinat ea quæ requiruntur ad hoc sacramentum in generali; in secunda prosequitur de eis in speciali, dist. x. ibi, *Sunt item alii præcedentium insaniam transcendentes*. Prima iterum in duas. In prima determinat ea quæ requiruntur ad hoc sacramentum; in secunda determinat usum sacramenti, ix. dist. ibi, *Et sicut dicitur: sunt illius sacramenti, ita & duo modi manducandi*. Prima autem in tres. In prima determinat præcedentia eucharistiam, quibus hoc sacramentum figuratur. In secunda determinat concomitantia, quibus hoc sacramentum integratur, scilicet formam, & institutionem, ibi, *Hic etiam ante alia consideranda occurrunt quatuor*. In tertia determinat consequentia, quæ in hoc sacramento efficiuntur, vel significantur,

ibi, *Nunc quid ibi sacramentum sit, & quid res, videamus*. Secunda pars dividitur in tres. In prima determinat institutionem; in secunda formam, ibi, *Forma vero est quam ipse ibidem edidit*; in tertia movet quandam quæstionem, & solvit, ibi, *Ubi consideratione dignum est quare illud sacramentum post eam dedit discipulis*.

Nunc quid ibi sit sacramentum & quid res, videamus. Hic determinat de sacramento eucharistie per comparisonem ad significatum, vel causatum eius, & circa hoc duo facit. Primo ostendit quid sit ibi res, & quid sacramentum. Secundo concludit eorum numerum, & ordinem, ibi, *Sunt igitur hic tria distinguenda &c.*

QUAESTIO I.

Hic est duplex quæstio. Prima de ipso eucharistie sacramento. Secunda de forma ipsius.

Circa primum quærentur quatuor.

Primo. Utrum eucharistia sit sacramentum.

Secundo. De significatione eius.

Tertio. De institutione.

Quarto. De ordine sumendi hunc cibum respectu aliorum ciborum.

AR-

(1) Nicolai: Et fecit de infantibus.

(2) Al. quicumque.

ARTICULUS I.

Utrum eucharistia sit sacramentum.

III. P. quest. lxxiii. art. 1. & 4.

1. **A**D primum sic proceditur. Videtur quod eucharistia non sit sacramentum. Ad idem enim non debent diversa ordinari. Sed confirmatio est ad perficiendum, secundum Dionysium (de eccl. Hier. cap. v. part. 1.) Cum ergo secundum ipsum eucharistia etiam sit perfectio, videtur quod superfluat hoc sacramentum.

2. Præterea. In omni sacramento novæ legis idem quod figuratur, efficitur per signum figurans. Sed species panis, & vini, quæ figurant corpus Christi verum, & mysticum, non efficiunt illud. Ergo eucharistia non est sacramentum novæ legis.

3. Præterea. Sacramentum est elementum materiale, secundum Hugonem (Lib. I. de sacram. part. ix. cap. 1.) exterius oculis suppositum. Sed corpus Christi verum, quod dicitur hic sacramentum, & res similiter, non est oculis videntium suppositum. Ergo non est sacramentum.

4. Præterea. Omne sacramentum in ipsa sui susceptione consecratur, & perficitur, sicut patet de baptismo, quod perficitur in ipsa ablutione. Sed eucharistia consecratur ante sumptionem. Ergo non est sacramentum.

5. Præterea. In omni alio sacramento illud quod est res, & sacramentum, est aliquid effectum in suscipiente, sicut character in baptismo. Sed corpus Christi verum, quod ponitur hic res, & sacramentum, non est aliquid in recipiente effectum. Ergo non est sacramentum eiusdem rationis cum alijs.

Sed contra est quod in collecta dicitur : *Presta ut hoc tuum sacramentum non sit nobis reatum ad peccatum.*

Præterea. Omnis actio per ministros ecclesiæ dispensata, in qua ex ipso opere operato gratia confertur, est sacramentum. Sed eucharistia est huiusmodi. Ergo est sacramentum.

QUAESTIUNCULA II.

1. Ulterius. Videtur quod non sit unum sacramentum, sed multa. Primo per hoc quod in collecta dicitur : *Purificet nos, Domine, hæc sacramenta quæ sumimus.*

2. Præterea. Sacramentum est in genere

signi. Sed ea quæ sunt in genere signi, sicut nomina, plurificantur ad pluralitatem signantium, quamvis sit idem signatum ; sicut *Marcus*, & *Tullius* sunt duo nomina, quamvis sit eadem res significata. Ergo cum in eucharistia sint plura signantia, sicut species panis, & vini, videtur quod sint plura sacramenta.

3. Præterea. Unitas rei est ex forma sua. Sed in eucharistia sunt duæ formæ, una ad consecrationem panis, alia ad consecrationem sanguinis. Ergo sunt duo sacramenta.

4. Præterea. Ea quæ nec in genere, nec in specie conveniunt, sunt plura simpliciter. Sed corpus Christi verum cum speciebus panis, & vini sunt differentia & specie, & genere. Ergo sunt plura simpliciter. Cum ergo utrumque dicatur sacramentum in eucharistia, videtur quod non sit unum sacramentum.

5. Præterea. Ex duobus perfectis non fit aliquid unum. Sed Christus perfecte est sub utraque specie, scilicet panis, & vini. Ergo ex his duobus non fit unum sacramentum.

Sed contra est, quia si essent duo, tunc sacramenta novæ legis non essent tantum septem.

Præterea. Quæcumque ordinantur ad idem efficiendum, & significandum, pertinent ad unum sacramentum. Sed omnia quæ in eucharistia sunt, pertinent ad idem representandum, scilicet mortem Domini, & idem efficiendum, scilicet gratiam, per quam homo incorporatur corpori mystico. Ergo est unum tantum sacramentum.

QUAESTIUNCULA III.

1. Ulterius. Videtur quod non convenientibus nominibus nomenetur. Nomen enim proprium alicui debet imponi ex eo quod sit sibi proprium. Sed bonitas gratiæ est communis omnibus sacramentis. Ergo ex hoc non debet imponi nomen proprium uni sacramento, ut dicatur eucharistia.

2. Præterea. Sicut in littera dicitur, hoc sacramentum ideo viaticum appellatur, quia in via nos reficiens, usque ad patriam deducit. Sed hoc est commune omnibus sacramentis, quæ non nisi viatoribus dantur ad perveniendum ad gloriam patriæ, quæ est res non contenta, & significata in omnibus sacramentis. Ergo non convenienter viaticum appellatur.

3. Præterea. Causæ per effectus denominari solent. Sed adducere ad communionem fidelium est effectus baptismi, secundum

dum Dionysium (de ecclef. Hierar. cap. iiii.) ut ex prædictis patet . Ergo baptis-
mus magis debet dici communio, vel syna-
xis, quam hoc sacramentum .

4. Præterea . In quolibet sacramento fit
aliquid sacrum . Sed hoc importat sacrificii
nomen . Ergo sacrificium etiam non est no-
men proprium huius sacramenti .

5. Præterea . Hostia videtur idem quod
sacrificium . Sed Dionysius confirmationem
nominat christifatis hostiam . Ergo neque
hostia, neque sacrificium est nomen prop-
rium huic sacramento .

SOLUTIO I.

Respondeo dicendum ad primam quæ-
tionem, quod eucharistia sacramentum quodam
est, alio tamen modo ab omnibus aliis
sacramentis . Sacramentum enim secundum
sui nominis proprietatem sanctitatem active
importat : unde secundum hoc aliquid
habet sacramenti rationem secundum quod
habet rationem sanctificationis, qua sanctum
aliquid fit . Dicitur autem aliquid sanctum
dupliciter . Uno modo simpliciter & per se,
sicut quod est subiectum sanctitatis, sicut
dicitur homo sanctus . Alio modo secun-
dario, & secundum quid, ex eo quod ha-
bet ordinem ad hanc sanctitatem, vel sicut
habens virtutem sanctificandi, sicut Chris-
ma dicitur sanctum ; vel quocumque alio
modo ad aliquid sanctum deputetur, sicut
altare sanctum . Et ideo ea quibus aliquid
fit sanctum primo modo, dicuntur sacra-
menta simpliciter ; illa autem quibus fit a-
liquid sanctum secundo modo, non dicuntur
sacramenta, sed sacramentalia magis .
In aliis ergo sacramentis fit aliquid san-
ctum primo modo, sicut homo suscipiens
sacramentum ; non autem elementum cor-
porale sanctificans hominem, quia hoc est
sacrum secundo modo : & ideo hoc quod
pertinet ad sanctificationem materię in om-
nibus sacramentis, non est sacramentum,
sed sacramentale ; sed hoc quod pertinet ad
usum materię, qua homo sanctificatur, est
sacramentum . In hoc autem sacramento il-
lud quod est sanctificans hominem, est san-
ctum primo modo, quasi subiectum sancti-
tatis, quia est ipse Christus : & ideo ista
sanctificatio materię est hoc sacramentum ;
sed sanctificatio hominis est effectus sacra-
menti . Et ideo hoc sacramentum in secon-
sideratum, est dignum omnibus sacramen-
tis, quia habet absolutam sanctitatem etiam
præter suscipientem ; alia autem non
habent nisi in ordine ad aliud : & ideo hoc
sacramentum est perfectio aliorum sacra-

mentorum : quia omne quod est per aliud,
reducitur ad id quod est per se, sicut patet
de accidente, & substantia .

Ad primum ergo dicendum, quod per-
fectum unumquodque est, cum attingit
propriam virtutem, ut dicitur in VII.
Phys. (text. xix.) Virtus autem est ulti-
mum in re, ut dicitur in I. Cael. & mun-
di (text. cxvi.) & ideo perfectio rei con-
sistit in hoc quod res ad sui ultimum per-
ducatur . Est autem dupliciter ultimum rei
unum quod est in re, & aliud quod est extra
rem, sicut in corporibus ultimum in corpore
est superficies corporis contenti ; ultimum ex-
tra est locus, qui est superficies corporis con-
tinentis . Ultimum autem cuiuslibet rei in
seipsa est ipsa rei operatio, propter quam
res est : forma enim est finis generationis,
non ipsius generati, ut dicit Commentator in
II. Phys. (text. comm. lxxv.) Unde res quæ
habet formam substantialem per quam est,
esse non dicitur perfecta simpliciter, sed per-
fecta in esse, vel perfecta perfectione prima ;
& talem perfectionem quantum ad esse
spirituale acquirit homo in baptismo, in
quo est regeneratio spiritualis : & ideo Dio-
nysius non ponit baptismum habentem vim
perfectivam simpliciter, sed magis purga-
tivam, & illuminativam . Sed simpliciter
perfectum dicitur quod habet operationem
convenientem suæ formæ . In hoc enim con-
sistit virtus rei, secundum Philosophum in
II. Ethic. (in princ.) per cuius consecutionem
aliquid dicitur perfectum, ut dictum
est . Hominis autem operatio spiritualis est
duplex . Una ipsius, in quantum est perso-
na privata ; & quantum ad hoc perficit
confirmatio, quæ facit hominem non im-
peditum aliquo mundano timore in confes-
sione fidei, & aliis quæ ad christianam re-
ligionem spectant . Alia, in quantum est
persona publica, quasi membrum principa-
le, & influens aliis membris ; & quantum
ad hoc perficit sacramentum ordinis . Ulti-
mum autem cuiuslibet rei extra seipsam,
est principium a quo res habet esse : quia
per conjunctionem ad ipsum res complentur,
& firmanentur, & propter distantiam
ab ipso deficient, sicut corruptibilia propter
longe distare a primo, ut dicitur in
II. de generat. (text. lix.) & ideo pri-
mum agens habet etiam rationem ultimi
nisi perficientis . Fons autem christianæ vi-
tæ est Christus ; & ideo hoc modo eucha-
ristia perficit, Christo coniungens : & ideo
hoc sacramentum est perfectio omnium per-
fectionum, ut Dionysius dicit (de ecclef.

S. Tb. Oper. Tom. XII.

Y

Hie-

Hierar. cap. v. part. 1.) unde & omnes qui sacramenta alia accipiunt, hoc sacramento in fine confirmantur, ut ipse dicit.

Ad secundum dicendum, quod sicut ad species sensibiles aliorum sacramentorum se habet virtus quae interior inest, quae sanctificationem acquirit, ex qua sacramentum efficitur, secundum Hugonem (Lib. 1. de sacram. part. 12. cap. 11.) ita in hoc sacramento se habet ipsum corpus Christi, quod per consecrationem sub speciebus illis fit. Unde sicut in aliis sacramentis materiale elementum non est causa virtutis quae in ipso est, neque alicuius spiritualis effectus in homine, nisi mediante virtute, secundum quod ex elemento, & virtute quasi unum efficitur; ita in hoc sacramento species non sunt causa corporis Christi, neque alicuius effectus in anima spiritualis, nisi mediante corpore Christi vero, secundum quod ex speciebus, & corpore Christi fit unum sacramentum. Utrum autem species illae secundum se habeant aliquem effectum corporalem, sicut aqua corporaliter abluit in baptismo, etiam non mediante spirituali virtute, infra dicitur.

Ad tertium dicendum, quod omne sacramentum est visibile; non tamen oportet quod quicquid est in sacramento, sit visibile. Videtur enim species visibilis aquae in baptismo, sed non videtur virtus spiritualis, quae secretim operatur salutem; & similiter hic videtur species, sed non videtur verum corpus Christi. Vel dicendum, quod est visibile non in se, sed in speciebus quae ipsum tegunt, sicut & substantia aliorum corporum videtur mediante colore.

Ad quartum dicendum, quod sanctitas quae est in materiis aliorum sacramentorum, non est forma sanctitatis absolute, sed secundum ordinem ad aliud, ut in 1. dist. dictum est: & ideo non est simile de aliis sacramentis, & de hoc, ut ex dictis patet.

Ad quintum dicendum, quod ex hoc ipso quod alia sacramenta perficiuntur in acceptione, vel collatione, contingit quod illud quod est in eis sacramentum, & res, est aliquid acquisitum in suscipiente; in hoc autem sacramento aliter est, ut ex dictis patet.

SOLUTIO II.

Ad secundam quaestionem dicendum, quod per se unum simpliciter, & quod est numero unum, tribus modis dicitur. Uno modo sicut indivisibile est unum, ut punctus,

& unitas, quod neque est multa actu, neque potentia. Alio modo quod est unum ex continuitate, quod tamen est multa potentia, sicut linea. Tertio modo quod est unum perfectione, sicut dicitur calcamentum unum, quia habet omnes partes quae requiruntur ad calcamentum: & hac unitas dicitur in omnibus illis ad quorum integritatem aliqua exiguntur, sicut unus homo, una domus. Et quia ad esse sacramenti multa concurrunt, sicut forma, & materia, & huiusmodi; ideo ab hac unitate perfectionis dicitur sacramentum unum esse. Illa enim sunt de integritate alicuius instrumenti quae requiruntur ad operationem illam ad quam instrumentum deputatum est. Hoc autem sacramentum deputatum est ex divina institutione ad cibationem spirituales, quae per cibationem corporalem significatur. Et quia cibatio corporalis duo requirit, scilicet aliquid per modum cibi, & aliquid per modum potus; ideo ad integritatem huius sacramenti ex divina institutione est aliquid per modum cibi, scilicet corpus Christi, & aliquid per modum potus, scilicet sanguis.

Ad primum ergo dicendum, quod dicitur pluraliter sacramenta propter materialem diversitatem signorum.

Ad secundum dicendum, quod ratio illa procedit quando utrumque signum habet integram significationem: sic autem non est hic: quia cibatio spiritualis non significatur perfecte neque per panis tantum, neque per vini tantum sumptionem, sed per utrumque simul, sicut est in significatione nominum compositorum.

Ad tertium dicendum, quod ratio illa procederet, si utraque forma responderet toti sacramento: sed hoc falsum est: quia una forma respondet uni, & alia alii eorum quae ad sacramentum exiguntur.

Ad quartum dicendum, quod quamvis non sint unum in genere, vel specie naturae, possunt tamen esse unum per relationem ad unam operationem, ex qua unitate sumitur unitas sacramenti.

Ad quintum dicendum, quod quamvis Christus perfectus sit sub utraque specie, non tamen quantum ad integrum usum sacramenti est sub utroque, sed quantum ad diversos usus.

SOLUTIO III.

Ad tertiam quaestionem dicendum, quod in quolibet sacramento est tria considerare, scilicet cet originem, perfectionem, & finem ad

ad quem est. Origo autem omnium sacramentorum est passio Christi, de cuius latere in cruce pendentes sacramenta profuerunt, ut sancti dicunt, perfectio autem sacramenti est in hoc quod continet gratiam; si ois autem sacramenti est duplex: proximus, scilicet sanctificatio recipientis; & ultimus, scilicet vita æterna. Hæc autem per quamdam excellentiam in eucharistia inveniuntur. Quia hoc sacramentum est specialiter in memoria dominice passionis: unde Matthæi xxvi. (a) *Quotiescumque feceritis, in mei memoriam facietis*: & ideo quantum ad originem vocatur sacrificium, vel hostia. Similiter etiam gratiam non per modum intentionis continet, sicut alia sacramenta, sed plenitudinem gratiæ in suo fonte: & ideo antonomastice eucharistia dicitur. Similiter etiam quia ipsa est consummatio omnium sanctificationum, ut Dionysius dicit (ubi supra) id quod est omnium, scilicet congregati ad unum, huic sacramento attribuitur; & dicitur communitio, vel synaxis, quod idem est, in quantum scilicet homo congregatur ad unum, & ad seipsum, & ad alios, ei quod est maxime unum, coniunctus. Similiter etiam quantum ad ultimum finem consequendum maximam efficaciam habet, in quantum realiter continet hoc quo iuua cæli nobis aperta est, scilicet sanguinem Christi: & ideo specialiter viaticum appellatur.

Et per hæc patet solutio ad obiecta: quia ab eo quod est commune, aliquandonomastice deominari potest.

ARTICULUS II.

Utrum huic sacramento figura assignari debeant.

III. P. quæst. lxxiii. art. 6.

1. AD secundum sic proceditur. Videtur quod huic sacramento figuræ assignari non debeant. Nihil enim disponitur per aliquid sui generis: albedinis enim non est albedo, nec motus est motus. Sed sacramentum est signum. Ergo sacramento non debet aptari aliqua figura, quia in infinitum iretur.

2. Præterea. Sacramenta veteris legis dicuntur sacramenta novæ legis respondere, in quantum significant ipsa. Sacramentis autem novæ legis quæ suorum maximæ perfectionis, non respondebant aliqua sacramenta in ve-

teri lege, ut quidam dicunt. Cum ergo hoc sacramentum sit maximæ perfectionis, videtur quod non debeant ei aliquæ figuræ assignari.

3. Præterea. Sicut præfigurata eucharistia est in agno paschali, ita & baptismus in transitu maris rubri, ut dicitur I. Corinth. xi. Cum ergo Magister non assignaverit aliquas figuras baptismi, videtur quod nec eucharistiæ figuras assignare debeat.

Sed contra. Hoc sacramentum memoriale passionis Christi est specialiter. Sed passionem Christi præcipue oportebat præfigurari, per quam nos redemit, ut fides antiquorum ad Redemptorem ferretur. Ergo præcipue oportebat hoc sacramentum figurari.

Præterea. Hoc sacramentum est dignissimum, & difficillimum ad credendum. Sed talia maxime consueverunt præfigurari. Ergo &c.

QUAESTIUNCULA II.

1. Ulterius. Videtur quod Magister inconvenienter assignet figuras huius sacramenti. Hoc enim sacramentum post baptismum datur. Sed agnus paschalis præcessit transitum maris rubri, in quo baptismus est præfiguratus. Ergo non est congrua figura huius sacramenti.

2. Præterea. In hoc sacramento aliquid offertur Deo. Sed Melchisedech non legitur Deo obtulisse, sed homini, scilicet Abraham, cui obtulit panem, & vium, ut dicitur Gen. xrv. Ergo illa oblatio non est conveniens figura huius sacramenti.

3. Præterea. Idem non est signum sui ipsius. Sed sanguis qui consecratur in altari, est ille quem Christus in cruce fudit pro nobis. Ergo ille non est signum, vel figura istius.

4. Præterea. Manna habebat in se omnem saporis suavitatem, ut dicitur Sapient. xvi. Sed hoc sacramentum non habet in se omnem saporis spirituales: quia sic haberet effectus omnium sacramentorum, & alia sacramenta superfluerent. Ergo manna non est figura huius sacramenti.

5. Præterea. Nobilioris rei nobilior debet esse figura. Sed eucharistia est nobilissimum sacramentum quam baptismus. Cum ergo baptismus habuerit figuram quæ præbebat remedium ex ipso opere operato contra originale, scilicet circumcisionem; supradictæ autem figuræ non fuerunt tales; videtur quod fuerint incompetentes.

X 2

6. Præ-

(a) Vulgata Luc. xxiii. 19. *Hoc facite in meam commemorationem.*

6. Præterea. In canone Missæ fit mentio de sacrificio Abrahæ, & Abel; & similiter omnia sacrificia legalia huius veri sacrificii figura fuerunt. Ergo insufficienter posuit Magister figuras huius sacramenti.

QUAESTIUNCULA III.

1. Ulterius. Videtur quod in lege Moysi expressius fuit figuratum hoc sacrificium quam in lege naturæ. Quia secundum Hugonem (de sacram. Lib. II. part. vi. cap. 111.) quanto magis appropinquavit passio Salvatoris, tanto signa fuerunt evidentiora. Sed ea quæ fuerunt in lege Moysi, fuerunt propinquiora. Ergo expressiora.

2. Præterea. In sacrificiis legis Moysi fiebat sanguinis effusio. Sed oblatio Melchisedech fuit sine sanguinis effusione. Ergo legalia sacrificia expressius figurabant sacramentum passionis Christi quam oblatio Melchisedech.

Sed contra. Christus dicitur Sacerdos secundum ordinem Melchisedech, non autem secundum sacerdotium legis Moysi, quod est sacerdotium Leviticum, ut patet Hebr. vii. Ergo oblatio Melchisedech magis convenit cum sacrificio Christi quam sacrificium legis Moysi.

SOLUTIO.

Respondeo dicendum ad primam questionem, quod sacramenta novæ legis tripliciter se habent ad veterem legem. Quædam enim essentialiter fuerunt in veteri lege, quamvis non ut sunt sacramenta novæ legis, sed magis secundum quod sunt in officium, vel actum virtutis, sicut pœnitentia, ordo, & matrimonium. Quædam fuerunt secundum aliquid eis respondens non essentialiter, sicut baptismus, & eucharistia. Quædam autem nihil respondens habuerunt in veteri lege, sicut confirmatio, & extrema unctio. Cuius ratio est, quia prima tria sacramenta non solum sunt sacramenta; sed pœnitentia est actus virtutis; ordo autem pertinet ad officium dispensationis sacramentorum; matrimonium autem ad officium naturæ; & ideo in qualibet lege requiruntur. Baptismus autem, & eucharistia sunt sacramenta tantum gratiam continentia; & ideo ante tempus gratiæ esse non debuerunt. Sed quia sunt sacramenta necessitatis, baptismus quidem quantum ad effectum, eucharistia autem quantum ad fidem eius quod representatur. per ipsam; ideo oportuit quod in lege Moysi haberent aliquid respondens: sed confir-

matio, & extrema unctio sunt sacramenta gratiam conferentia; & ideo in veteri lege esse non debuerunt. Et quia non sunt sacramenta necessitatis, sed cuiusdam superabundantis perfectionis; ideo non oportebat quod haberent aliquid respondens, cum non esset tempus plenitudinis gratiæ; & ideo hæc duo non fuerunt præfiguranda aliquibus expressis figuris, similiter neque prima tria; sed tantum duo media, scilicet eucharistia, & baptismus.

Ad primum ergo dicendum, quod oppositæ relationes possunt inesse eisdem respectui diversorum, eo quod esse relativi est ad aliquid se habere; non autem proprietates absolutæ; & ideo in relativis contingit aliquid disponi per aliquid sui generis per accidens, & non per se, sicut filii est filius, non in quantum filius, sed in quantum pater; & similiter signi potest esse signatum. In absolutis autem non contingit hoc; unde qualitatatis non est qualitas nec per se, nec per accidens.

Ad secundum dicendum, quod una perfectio dicitur alia minor dupliciter, aut simpliciter, aut secundum statum; sicut præmium essentialia, quod aurea dicitur, est simpliciter maius quam præmium accidentale, quod dicitur aureola; sed aureola est maior quantum ad statum habentis, quia non cuilibet datur, sed tantummodo illis qui sunt in statu perfectionis. Et similiter dico, quod perfectio eucharistiæ est simpliciter maior quam perfectio confirmationis, & extremæ unctionis; sed illæ sunt maiores secundum statum; quia perfectio eucharistiæ, quæ est per coniunctionem ad principium sanctitatis, est omnibus de necessitate salutis; sed perfectio Spiritus sancti ad robur, quæ est in confirmatione, vel perfectio purificationis a reliquiis peccati, quæ est in extremæ unctione, non sunt omnibus necessaria; & ideo perfectioni eucharistiæ debet aliquid respondere in qualibet lege, non autem perfectioni confirmationis, & extremæ unctionis, nisi in lege in qua est status perfectionis, quæ est lex gratiæ.

Ad tertium dicendum, quod præfiguratio eucharistiæ erat magis necessaria quam baptismi, tum ratione dignitatis, tum ratione difficultatis, tum propter necessitatem fidei eius quod figuratur in eucharistia. Tamen Magister supra aliquas figuras baptismi posuit, scilicet circumcisionem, & baptismum Ioannis.

SOLUTIO II.

Ad secundam questionem dicendum, quod aliquid potest figurari dupliciter. Uno modo per id quod est signum, & causa; & hoc modo effusio sanguinis & aquae ex latere Christi (a) fuit figura huius sacramenti. Alio modo per id quod est signum tantum; & sic quantum ad id quod est sacramentum tantum in eucharistia, fuit figura eius oblatio Melchisedech; quantum autem ad id quod est res, & sacramentum, scilicet ipsum Christum passum, fuit figura agnus paschalis; quantum autem ad id quod est res tantum, scilicet gratiam, fuit signum manna, quod reficiebat, omnem laporem suavitatis habens.

Ad primum ergo dicendum, quod ratio illa valeret, si baptismi, & eucharistiae tantum esset una figura; sunt autem plures: & ideo non est inconveniens quod aliquam figuram baptismi praecedat aliqua figura eucharistiae, & ab aliqua praecedatur; sicut praecedit agnus paschalis transitum maris rubri, & sequitur circumcisionem.

Ad secundum dicendum, quod eucharistia offertur Deo in sanctificatione hostiae, & offertur populo in ipsius sumptione: & hoc significatum fuit in oblatione Melchisedech, qui obtulit Abraham panem, & vinum, & benedixit Deo excelsio.

Ad tertium dicendum, quod nihil sub eadem specie manens est signum sui ipsius; sed aliquid, secundum quod est in una specie, potest esse signum sui secundum quod est sub alia specie: & similiter est in proposito dicendum, quod aqua fluens de latere Christi figurabat populum, qui eius sanguine redimendus; & reficiendus erat; & ideo significabat aqua sanguini admixta huius sacramenti usum.

Ad quartum dicendum, quod sacramentum habet omnem suavitatem, in quantum continet fontem omnis gratiae, quamvis non ordinetur eius usus ad omnes effectus sacramentalis gratiae. Vel dicendum, quod etiam quantum ad effectum habet omnem suavitatis effectum in reficiendo, quia hoc solum sacramentum per modum refectionis operatur. Vel dicendum secundum Dionysium (de eccles. hier. cap. ult.) quod omnium sacramentorum effectus huic sacramento possunt ascribi, in quantum perfectio est omnis sacramenti, habens quasi in capitulo, & summa omnia quae alia sacramenta continent singulatim.

Ad quintum dicendum, quod baptismus est sacramentum necessitatis quantum ad effectum, quia delet peccatum originale, quo manente non est salus: & ideo oportebat quod in veteri lege responderet sibi aliqua figura, quae contra originale, remedium praebere, scilicet circumcisio. Sed eucharistia est sacramentum necessitatis quantum ad fidem eius quod repraesentat, scilicet opus nostrae redemptionis: & ideo non oportuit quod haberet figuras remedium praebentes, sed signantes tantum.

Ad sextum dicendum, quod quamvis in veteri lege fuerint figurae plures materialiter, tamen omnes ad has reducuntur: quia in omnibus sacrificiis, & oblationibus antiquorum significabatur illud quod est res, & sacramentum in eucharistia, quod etiam significatur per agnum paschalem, scilicet ipse Christus, qui obtulit se Deo Patri pro nobis oblationem & hostiam. Vel dicendum, quod istae figurae repraesentant corpus Christi secundum quod est in usu fidelium per esum, quod pater de oblatione Melchisedech, qui panem, & vinum edendum obtulit Abraham; & similiter agnus paschalis edendus a populo occidebatur; & etiam manna ad esum populi a Deo providebatur: aqua etiam sanguini admixta in passionem Christi populum significat Christi sanguine communicantem. Non autem ita est in aliis sacrificiis: & ideo quamvis sint figurae Christi passus, non tamen sunt propriae figurae huius sacramenti. Fit autem in canone Missae mentio de oblatione Abraham, & Abel magis propter devotionem offerentium quam propter figuram rei oblatam.

SOLUTIO III.

Ad tertiam questionem dicendum, quod quantum ad id quod est signum tantum in hoc sacramento, expressior figura huius sacramenti fuit oblatio Melchisedech quam figura legis Moysei; sed quantum ad id quod est res, & sacramentum, expressior fuit figura legis mosaicae, quae expressius Christus passus significabatur. Et quia ritus sacramenti consistit in signis exterioribus, ideo sacerdotium Christi quantum ad ritum magis convenit cum sacerdotio Melchisedech quam cum sacerdotio levitico; & etiam quantum ad alias conditiones Melchisedech, quas Apostolus plenius prosequitur.

Et per hoc patet solutio ad obiecta.

A R.

ARTICULUS III.

Utrum aliqua fuerit necessitas instituendi hoc sacramentum.

III. P. quæst. lxxiii. art. 3. & 5o.

1. **A**D tertium sic proceditur. Videtur quod nulla fuit necessitas instituendi hoc sacramentum. Veniente enim veritate debet cessare figura. Sed hoc sacramentum agitur in figuram dominicæ passionis, quæ iam realiter venit. Ergo non debuit hoc sacramentum institui.

2. Præterea. Eadem in actione aliquid instituitur, & a contraria dispositione remouetur. Sed ad eandem actionem non debet institui nisi unum sacramentum, sicut unum instrumentum est unius actionis. Cum ergo per baptismum mundemur a malo, videtur quod non oportuit institui ali- quod sacramentum per quod in bono confirmemur, scilicet eucharistiam, ut in littera dicitur.

3. Præterea. Ex eisdem ex quibus sumus, & nutrimur, ut in II. de generat. (text. com. 1.) dicitur. Sed per baptismum, qui est spiritualis regeneratio, acquirimus esse spirituale, ut Dionysius dicit cap. 11. eccle. Hier. (part. 1.) Ergo per gratiam reficimur baptismale; & ita non oportet hoc sacramentum institui ad spiritualiter reficiendum, ut in littera dicitur.

Sed contra. Ad perfectionem corporis exigitur quod membra capiti coniungantur: Sed per hoc sacramentum membra Ecclesie suo capiti coniunguntur: unde Ioan. vi. 57. dicitur: *Qui manducat carnem meam, & bibit sanguinem meum, in me manet, & ego in eo.* Ergo necessaria fuit huius sacramenti institutio.

Præterea. Caritas non est minus necessaria quam fides. Sed habemus unum sacramentum fidei, scilicet baptismum. Cum ergo caritatis sacramentum sit eucharistia, unde & communio dicitur, videtur: quod eius institutio fuerit necessaria.

QUAESTIUNCULA II.

1. Ulterius. Videtur quod ante aduentum Christi debuerit institui. Christus enim est caput hominum iustorum qui fuerunt a principio mundi, ut in III. Lib. dist. xlii. (quæst. 11. art. 2. quæstiunc. 2. ad 4.) dictum est. Si ergo per hoc sacramentum membra (a)

capitis mystico suo capiti coniungantur, videtur quod debuerit a principio mundi institui.

2. Præterea. Populus Israel fuit populus Deo dilectissimus: unde dicitur Exod. 19.

22. *Filius meus primogenitus Israel.* Sed hoc sacramentum est sacramentum caritatis, ut dictum est. Ergo debuit institui adhuc (b) priore populo habente statum.

3. Præterea. Hoc sacramentum dicitur viaticum: quia tendentes ad patriam in via confortat, & quotidianis etiam lapsus reparat. Sed patres qui erant ante aduentum Christi, ad patriam tendebant, hospites, & peregrinos se vocantes super terram, ut dicitur Hebr. xi. & etiam quotidianis peccatis impidebantur. Ergo ante aduentum Christi debuit hoc sacramentum institui.

Sed contra. Hoc sacramentum continet Verbum incarnatum realiter. Ergo institui non potuit ante incarnationem Verbi.

Præterea. Hoc sacramentum continet gratiæ plenitudinem: unde & eucharistia dicitur. Sed tempus plenitudinis incepit ab incarnatione Christi. Ergo ante incarnationem hoc sacramentum institui non potuit.

QUAESTIUNCULA III.

1. Ulterius. Videtur quod post passionem institui debuit. Quia hoc sacramentum est in memoriam dominicæ passionis, ut patet I. Corin. xi. Sed memoria præteritorum est. Ergo & præterita passio Christi institui debuit.

2. Præterea. Eucharistia non nisi baptizatis debet dari: Sed baptismus fuit institutus post Christi passionem, quando Dominus discipulis formam baptizandi dedit, Matth. ult. Ergo & post passionem institui debuit eucharistia.

3. Præterea. In his quæ sibi invicem continue succedunt, ultimum primi debet coniungi primo secundi: Sed Dominus voluit in cena ostendere terminationem veteris legis, & continuationem novæ legis ad ipsam, ut ex littera habetur. Ergo debuit post cœnam paschalem statim instituere primum sacramentum novæ legis, & alia per ordinem; & sic post passionem eucharistiam, quæ est ultimum.

4. Sed contra. Videtur quod debuerit institui a principio predicationis Christi. Quia quæ primo capiuntur, ætius memorie imprimuntur, ut patet de his quæ homo a pueritia capit. Sed Dominus voluit

(a) *Fuerit corpora mystici, vel redunda capitis.* (b) *Ad.* propter.

ut hoc sacramentum artiffime memoriz commendaretur. Ergo debuit a principio hoc instituire.

SOLUTIO I.

Respondeo dicendum ad primam questionem, quod in quolibet genere actionum, in quo inveniuntur plures actiones ordinatae, diversis agentibus ordinatis distributur, oportet quod principalis illarum actionum attribuat principalis agenti, cuius virtute secundarii agentes operantur secundarias actiones; sicut patet in artibus quae (a) sub invicem continentur, ut militaris, equestris, & frenorum factrix. Et quia invenimus diversas actiones sacramentales diversis sacramentis distributas, quae in virtute Verbi incarnati agunt, oportet ad perfectam actionem huius generis esse aliquam sacramentalem actionem quae ipsimet principali agenti attribuat, quod est Verbum incarnatum: & ideo oportuit esse sacramentum eucharistiae, quod ipsum Verbum incarnatum contineret, ceteris sacramentis tamen in virtute ipsius agentibus: & ideo convenienter in figura cibi hoc sacramentum institutum est: quia inter alios sensus solus tactus est cui suum sensibile realiter coniungitur, similitudinibus tantum sensibilibus ad alios sensus per medium pervenientibus: gustus autem tactus quidam est, & inter alia quae ad tactum pertinent, solus cibus est qui agit per coniunctionem suam ad cibatum, quia nutriendus, & nutritum sit unum; alia (b) vero tangibilia agunt efficiendo aliquas impressiones in eo quod tangitur, sicut patet de calido, & frigido, & huiusmodi. Et ideo cum omne sacramentum in figura alicuius rei sensibilis proponi debeat, convenienter sacramentum in quo ipsum Verbum incarnatum nobis coniungendum continetur, proponitur nobis in figura cibi, non quidem (c) convertendi in nos per suam coniunctionem ad nos, sed potius sua coniunctione nos in seipsum convertens, secundum quod Augustinus ex persona Verbi incarnati dicit (Lib. VII. confes. cap. x.) *Non tu me mutabis in te, sicut cibum carnis tuae; sed tu mutaberis in me.*

Ad primum ergo dicendum, quod secundum Dionysium nostra hierarchia est media inter caelestem & eam quae in veteri lege erat. Tempore enim legis erat veritas promissa tantum, sed in statu novae legis est veritas inchoata per Iesum Chri-

stum, in patria autem erit veritas consummata. Et ideo in veteri lege figurae sine rebus proponebantur, in nova autem proponuntur figurae cum rebus, in patria autem res sine figuris. Et ideo orat Ecclesia ut quod nunc spe gerimus in via, rerum veritate capiamus in patria.

Ad secundum dicendum, quod obiectio illa procedit de perfectione illa qua aliquid ad formam receptam perficitur, qualis perfectio fit per baptismum; non autem de illa quae est per coniunctionem ad principium perfectionis, quae fit per eucharistiam, ut supra dictum est.

Ad tertium dicendum, quod de nutrimento corporali verum est nos eidem nutririi ex quibus sumus, quia oportet cibum carnis nostrae in nos transmutari, & ideo oportet quod nobiscum in materia conveniat; secus autem de cibo spiritali, qui nos in seipsum transmutat.

SOLUTIO II.

Ad secundam questionem dicendum, quod sicut dictum est, in hoc sacramento ipse Christus, qui est sanctificationis principale agens, realiter nobis proponitur. In veteri autem lege non exhibebatur, sed promittebatur, incarnatione nondum facta: & ideo in veteri lege huius sacramenti institutio esse non potuit. Unde sacramenta veteris legis habebant se ad modum sensibilibus, quae per medium cognoscuntur, quae quidem realiter sentienti non coniunguntur, sed suas similitudines ad sensus a longinquo transmittunt. Sacramenta vero alia novae legis, in quibus virtus Christi operatur, cum ipsum realiter non contineant, assimilantur sensibilibus iam dictis, quae quidem non incorporantur sentienti, sed secundum aliquam qualitatem immutant. Hoc autem sacramentum, ut dictum est, quasi maioris perfectionis, similatur illi sensibili quod incorporatur sentienti, scilicet cibo: unde magis distat a modo sacramentorum veteris legis quam alia sacramenta novae legis.

Ad primum ergo dicendum, quod Christus ab initio mundi erat caput sanctorum, non quasi habens actu conformitatem in natura cum membris Ecclesiae, incarnatione nondum facta, sed solum secundum eandem incarnationem expectantium: & ideo coniunctio corporis mystici ad suum caput pro tempore illo non poterat fieri per aliquod sacramentum realiter continens ipsum caput

(a) *M. sibi invicem.* (b) *M. deest vero.* (c) *M. conveniendi.*

caput membris conforme, sed poterat per aliqua sacramenta figurari.

Ad secundum dicendum, quod populus Israel erat dilectissimus pro tempore illo comparatione aliorum populorum, qui idolis serviebant, non autem comparatione populi novi testamenti, de quo dicitur I. Petr. 11. 9. *Vos estis gens sancta, populus acquisitionis.* Vel dicendum secundum Apostolum Rom. 1x. Non qui sunt secundum carnem, sed qui ex promissione, hi computantur in semine. Unde populus novi testamenti non excluditur ab illo privilegio amoris ratione cuius Israel primogenitus Dei dicebatur.

Ad tertium dicendum, quod quamvis antiqui patres in via essent, tendentes ad patriam, non tamen erant in statu perveniendi ante Christi incarnationem: & ideo non competebar pro tempore illo viaticum esse, quo statim ad patriam perducimur.

SOLUTIO III.

Ad tertiam questionem dicendum, quod propter quatuor rationes hoc sacramentum in cena institui debuit, & non ante. Prima apparet ex ipsa necessitate sacramenti assignata: quia ad perfectionem nostram exigebatur ut caput nostrum etiam nobis realiter coniungeretur: & ideo quamdiu sub propria specie cum hominibus conversatus est, non oportebat hoc sacramentum institui, sed quando eius corporali presentia destituenda erat Ecclesia: & hæc ratio tangitur in littera ab Eusebio (Eucherio) *Quia, inquit, corpus assumptum ablaturus erat &c.* Secunda sumitur ex eius figura. Christus enim quamdiu in mundo conversatus est, figuras legis observare voluit, factus sub lege, ut eos qui sub lege erant redimeret. Et quia veniente veritate cessat figura, ideo non debuit hoc sacramentum institui, nisi Christo ascendente per mortem, quando figuræ veteris legis terminandæ erant. Tertia ratio sumitur ab ipsa representatione huius sacramenti. Est enim repræsentativum dominicæ passionis: & ideo congrue iam passione imminente instituitur. Quarta ratio sumitur ex ritu quo frequentandum est hoc sacramentum, ut ultimo traditum magis memoriz teneretur.

Ad primum ergo dicendum, quod imminente passione corda discipulorum magis erant affecta ad passionem, quam passione iam peracta, quando iam erant immemo-

res pressuræ passionis propter gaudium resurrectionis: & ideo memoriale passionis magis erat eis proponendum ante quam post. Nec tunc erat memoriale, sed instituebatur ut in memoriam in posterum celebrandum.

Ad secundum dicendum, quod baptismus etiam ante passionem institutus est quantum ad aliquod, ut supra dictum est; & præterea non oportet quod sit idem ordo institutionis sacramentorum, & perceptionis: quia ad finem qui nobis præstituitur, ultimo pervenimus. Sed eucharistia est quodammodo finis baptismi: quia per baptismum aliquis consecratur ad eucharistiæ perceptionem, sicut per ordinem ad eius consecrationem. Et ideo ratio non procedit.

Ad tertium dicendum, quod quamvis hoc sacramentum sit quasi ultimum in perceptione, est tamen primum in intentione. Institutio autem ordini intentionis respondet: & ideo terminatis sacramentis legalibus hoc primo instituendum fuit.

Ad quartum dicendum, quod ratio illa procedit de illis quæ a principio quis capere potest. Apostoli autem a principio non tanti capaces erant mysterii, & ideo in fine hoc eis proponendum fuit. Et præterea ratio illa procedit de illis quæ memoriæ imprimuntur propter seipsa; in illis autem quæ memoriæ imprimit affectio ad dicentem, secus est: quia tunc firmitus imprimuntur quando affectionis motus ad dicentem maior sentitur. Quanto autem aliquis ad amicum diutius conversatur, sit maior dilectio; & quando ab amicis separatur, sentitur motus dilectionis ferventior propter dolorem separationis: & ideo verba amicorum a nobis recedentium finaliter dicta magis memoriæ imprimuntur.

ARTICULUS IV.

Utrum hoc sacramentum a non ieiunio licite sumi possit.

III. P. quæst. lxxx. art. 8.

1. **A**D quartum sic proceditur. Videtur quod hoc sacramentum a non ieiunio licite sumi possit. Hoc enim sacramentum a Domino in cena institutum est. Sed Ecclesia observat ea quæ Dominus servavit in sacramentorum traditione, sicut formam, & materiam. Ergo & ritum debet

beret fervare, ut iam praevis hoc sacramentum traderetur.

2. Præterea. I. Corinth. xi. 33. dicitur: *Dum converitis ad manducandum, invicem expectate. Si quis autem esurit, domi manducet.* Loquitur autem de manducatione corporis Christi. Ergo postquam aliquis domi manducaverit, potest in Ecclesia corpus Christi manducare licite.

3. Præterea. De consecratione dist. 1. (cap. *Sacramenta* ex Concil. Chartag. III. cap. viii.) dicitur: *Sacramenta altaris non nisi a ieiunis hominibus celebrantur, excepto uno die anniversario, quo cæna Domini celebratur.* Ergo ad minus illo die potest aliquis post alios cibos corpus Christi sumere.

Sed contra est quod dicitur de consecr. dist. 11. (ubi sup. cap. *Liquido apparet* §. 1.) *Placuit Spiritui sancto in honorem tanti sacramenti prius in os Christiani dominicum corpus intrare.*

Præterea. Hoc sacramentum cum magna reverentia sumendum est. Sed post cibum non est aliquis ita sobrius, & modestus sicut ante. Ergo non debet post cibum sumi.

QUAESTIUNCULA II.

1. Ulterius. Videtur quod non quolibet cibi sumptio perceptionem huius sacramenti impediatur. Quia sumptio cibi, & potus in parva quantitate in nullo sobrietatem diminuit, immo magis auget, naturam confortando. Sed ideo oportet a ieiunis sumi, ut cum reverentia sumatur, & sobrietate. Ergo non quolibet sumptio cibi impedit perceptionem huius sacramenti.

2. Præterea. Ad perceptionem huius sacramenti exigitur quod homo sit ieiunus. Sed quedam sunt quæ non frangunt ieiunium, sicut aqua, & medicina quedam. Ergo videtur quod post earum sumptionem homo possit hoc sacramentum percipere.

3. Præterea. Corpus Christi sicut in os intrat, ita in ventrem traicitur. Sed si aliquis cibi reliquias in ore remaneant, & postmodum de mane in ventrem traiciantur, non impeditur quis a sumptione corporis Christi: quia hoc posset sacerdoti accidere etiam dum est in ipsa celebratione sacramenti, quando non deberet a sumptione corporis Christi desistere. Ergo nec cibus in os missus debet perceptionem huius

S. Th. Oper. Tom. XII.

(*) A. Quod oportet esse in reverentiam tanti sacramenti, præcipue propter tria instituta Ecclesiæ.

sacramenti impedire, in parva quantitate sumptus.

Sed contra est quod ex hoc ipso sacramento reverentia exhibetur quod prius in os corpus Domini sumitur a Christianis. Sed quicumque cibus præponeretur, & in quacumque quantitate, non esset corpus Domini prius acceptum. Ergo quolibet sumptio cibi impedit a perceptione huius sacramenti.

QUAESTIUNCULA III.

1. Ulterius. Videtur quod homo non statim debet comedere post corporis Christi sumptionem, per hoc quod dicitur de consecr. dist. 11. (cap. *Tribus* ex epist. 11. Clementis Papæ IX.) *Si mane dominica portio editur, usque ad sextam ministri ieiunent qui eum consumperunt: & si in tertia vel quarta hora acceperint, ieiunent usque ad vespem.*

2. Præterea. Non minor reverentia exhibenda est sacramento iam sumpto quam sumendo. Sed ante perceptionem non est aliquis cibus sumendus. Ergo nec post, quousque in ventrem remaneat.

Sed contra est contraria consuetudo totius Ecclesiæ.

SOLUTIO I.

Respondendo dicendum ad primam questionem, quod hoc sacramentum a ieiunis tantum percipi debet, nisi propter necessitatem imminentiæ mortis, ne contingat sine viatico ex hac vita transire: (*) quod oportet in reverentiam tanti sacramenti, præcipue propter tria institutum esse. Primo propter ipsam sanctitatem sacramenti; ut os Christiani, quo sumendum est, non sit alio cibo prius imbutum, sed quasi novum, & purum ad perceptionem eius reservetur. Secundo propter devotionem quæ exigitur ex parte recipientis, & attentionem quæ ex cibis acceptis impediri posset, fumis a stomacho ad caput ascendentibus. Tertio propter periculum vomitus, vel aliius huiusmodi.

Ad primum ergo dicendum, quod forma, & materia sunt servata a Domino instituentem hoc sacramentum quasi essentialia sacramento: & ideo oportuit quod Ecclesia hæc retineret. Sed ordinem sumendi servavit Dominus quasi convenientem institutioni sacramenti: unde non oportet quod Ecclesia servet: quia non oportet quod

Z quod

quod illud quod convenit principio, vel generationi alicuius rei, competat ei quando iam est in esse perfectio: & similiter quod competit sacramento quantum ad sui institutionem, non oportet quod competat ei quantum ad suum usum.

Ad secundum dicendum, quod Apostolus non intendit quod fideles post cibos sumptos domi in Ecclesia corpus Christi sumant; sed illos redarguit, quia hunc cibum volebant aliis cibis commiscere, quos in Ecclesia fumebant.

Ad tertium dicendum, quod forte Ecclesia aliquo tempore sustinuit in die coenae sumi corpus Christi post alios cibos in representationem dominicae coenae; sed nunc abrogatum est decretum illud per communem consuetudinem: vel loquitur quantum ad astantes qui non sumunt.

SOLUTIO II.

Ad secundam questionem dicendum, quod, sicut dictum est, in reverentiam sanctitatis huius sacramenti institutum est quod os Christiani suscipientis corpus Christi quasi novum ad ipsum sumendum accedat. Quantalibet autem cibi assumptio hanc auferret novitatem: & ideo quaelibet cibi sumptio impedimentum praebet eucharistiae sumptioni.

Ad primum ergo dicendum, quod legis praecipua se habent ad ea quae agenda sunt sicut universalis ad singularia, ut dicitur in V. Ethic. (cap. xv.) Quia enim legislator non potest ad omnes eventus attendere, oportet quod ad ea quae in pluribus accidunt, attendens universalem legem constituat, ut lex universalis sit. Et quia ut frequenter per cibum turbatur hominis discretio, & sobrietas, quae praecipue in hoc sacramento exigitur; ideo universaliter prohibitum est post cibum corpus Christi sumi, quamvis aliqua cibi sumptio non impediat rationem: praecipue cum nihil periculi accidat, si post cibum sumptum abstinenceatur a perceptione huius sacramenti, quia in articulo necessitatis licet sumere post alios cibos.

Ad secundum dicendum, quod duplex est ieiunium, scilicet naturae, & Ecclesiae. Ieiunium naturae est quo quis ieiunus dicitur ante cibum sumptum illa die, etiam si pluries postea comesturus sit: & quia hoc ieiunium dicitur ex privatione cibi praesumpti, ideo quaelibet cibi sumptio hoc ieiunium tollit. Ieiunium autem Ec-

clesiae est quo dicitur ieiunans secundum modum ab Ecclesia institutum ad carnis abstinentiam; & hoc ieiunium manet etiam post unicam comestionem, nec solvitur nisi per secundam sumptionem illorum quae in cibum, & refectionem de se consueverunt assumi: & ideo ea quae propter alios cibos accipi consueverunt, vel (a) digerendos, sicut electuaria, vel deducendos per membra, sicut potus vini, aut aquae, huiusmodi ieiunium non solvunt; quamvis etiam aliquo modo nutrant. Ad debitam ergo sumptionem dominici corporis non exigitur ieiunium Ecclesiae, quia etiam praeter dies ieiunii hoc sacramentum celebratur; sed requiritur ieiunium naturae propter reverentiam sacramenti: & ideo secundum communem sententiam electuaria, & vinum praesumpta impediunt a perceptione eucharistiae. Sed de aqua diversa est opinio. Quidam enim dicunt, quod quia nullo modo nutrit, non solvit neque ieiunium naturae, neque ieiunium Ecclesiae. Sed quamvis aqua in se non nutriat, tamen commixta nutrit. In stomacho autem oportet quod aliis humoribus admisceatur, & ideo in nutrimentum cedere potest: & propter hoc alii probabilius, & securius dicunt, quod etiam post aquae potum corpus Christi non sumendum est.

Ad tertium dicendum, quod ieiunium naturae dicitur per privationem actus comestionis, secundum quod comestio etiam potionem includit. Comestio autem principalis dicitur a sumptione exterius cibi, quamvis terminetur ad transfectionem cibi in ventrem, & ulterius ad nutritionem: & ideo quae interius geruntur sine exterioris cibi sumptione, non videntur solvere ieiunium naturae, nec impedire eucharistiae perceptionem, sicut deglutitio salivae: & similiter videtur de his quae intra dentes remanent, & etiam de eructationibus; tamen propter reverentiam, nisi necessitas incumbat, potest sine periculo abstineri.

SOLUTIO III.

Ad tertiam questionem dicendum, quod secundum consuetudinem Ecclesiae propter reverentiam tanti sacramenti post eius sumptionem homo debet in gratiarum actione persistere: unde etiam in Missa oratio gratiarum actionis post communionem dicitur, & sacerdotes post celebrationem suas speciales orationes habent ad gratiarum actionem: & ideo oportet esse aliquod intervallum inter

(a) *Al. digerendos.*

ter sumptionem eucharistiae, & aliorum ciborum. Sed quia non requiritur magnum intervallum, & quod parum deest, nihil deesse videtur, ut dicitur in H. Phyl. (text. com. lvi.) ideo possemus sub hoc sensu concedere quod statim potest aliquis cibos alios sumere post eucharistiae sumptionem.

Ad primum ergo dicendum, quod illud decretum loquitur secundum consuetudinem primitivae Ecclesiae, quando propter paucitatem ministrorum rarius Missarum solennia celebrabantur, & cum maiori preparatione. Unde Dionysius narrat de Carpo in suis epistolis (epist. viii. ad Demophilum prope finem) quod numquam Missam celebrabat nisi aliqua divina revelatione prius percepta: & ideo nunc per contrariam consuetudinem abrogatum est.

Ad secundum dicendum, quod sacramentum post sui sumptionem, effectum proprium efficit: & ideo oportet actualiter in ipsa sumptione cor hominis in devotione persistere: sed post perceptionem sufficit quod habitu devotio teneatur, quia non potest semper in actu esse: & ideo ea quae possunt actum impedire, prohibentur magis ante sumptionem sacramenti quam post.

QUAESTIO II.

Deinde quæritur de forma huius sacramenti: & circa hoc quæruntur quatuor.

Primo. De forma qua corpus Christi consecratur.

Secundo. De forma qua consecratur ipse sanguis.

Tertio. De virtute utriusque.

Quarto. De comparatione unius ad aliam.

ARTICULUS I.

*Utrum hæc sit forma sacramenti, scilicet
Hoc est corpus meum.*

III. P. quæst. lxxviii. art. 1. & 2.

1. **A**D primum sic proceditur. Videtur quod hæc non sit forma consecrationis panis, *Hoc est corpus meum*. Sacramenta enim habent efficaciam ex institutione divina. Sed Dominus instituit hoc sa-

cramentum non consecravit his verbis, sed post consecrationem, & fractionem hæc verba protulit: unde dicitur Matth. xxvi. 26. *Cantantibus illis accepit Iesus panem, & benedixit, & fregit, & deditque discipulis suis, & ait: Accipite, & comedite: hoc est corpus meum*. Ergo in prædictis verbis non consistit forma consecrationis panis.

2. Præterea. Forma baptismi consistit in verbis quæ dicuntur in ipso usu baptismi. Sed hæc verba non dicuntur in usu eucharistiae, sed magis in sanctificatione maritæ. Ergo in his verbis non consistit forma huius sacramenti.

QUAESTIUNCULA II.

1. Ulterius. Videtur quod non tantum in his verbis consistat forma, *Hoc est corpus meum*. Sicut enim dicit Eusebius Emisenus*, *invisibilis sacerdos visibilis creaturas in suum corpus convertit, dicens: Accipite, & comedite*. Ergo, & comedite etiam est forma, *Accipite, & comedite*.

2. Præterea. Illud quod non est substantia formæ, non debet interponi inter substantia formæ in hoc sacramento, sicut nec in aliis. Sed inter hæc verba in Libris Romanis interposita invenitur hæc coniunctio enim. Ergo hoc etiam est de forma, & non tantum verba prædicta.

QUAESTIUNCULA III.

1. Ulterius. Videtur quod forma hæc non sit conveniens. In forma enim sacramenti debet exprimi hoc quod in sacramento geritur per actum convenientem materię, sicut in forma baptismi dicitur, *Ego te baptizo*, & in forma confirmationis, *Confirmo te chrismate salutis*. Sed non ponitur in verbis præmissis aliquid pertinens ad transubstantiationem, quæ fit in hoc sacramento, panis scilicet in corpus Christi. Ergo non est conveniens forma.

2. Præterea. Dispensatur hoc sacramentum per ministros Ecclesię, sicut & alia sacramenta. Sed in formis aliorum sacramentorum ponitur aliquid pertinens ad ministrum. Ergo cum in hac forma non ponatur actus ministri, videtur quod sit incompetentis.

* Cuius nomine in Decret. refertur de consec. dist. 11. cap. *Quia corpus paulo post initium*; sed Gregorius Lugdunensis potius esse iam notatum est.

QUAESTIUNCULA IV.

1. Ulterius. Videtur quod singulae partes inconvenienter ponantur. Hoc enim pronomen *hoc* demonstrativum est. Aut ergo importat demonstrationem ut conceptam, aut ut exercitam. Si ut conceptam, sic sumitur ut res quaedam, & non ut habens ordinem ad rem aliam, ut si diceretur, *Hoc proveniens hoc*. Sed sanctificatio sacramenti non fit nisi per hoc quod verba formae ordinantur ad materiam ex intentione proferentis. Ergo secundum hoc non posset verbis praedictis fieri consecratio aliqua corporis Christi. Si autem importat demonstrationem ut exercitam, aut facit demonstrationem ad intellectum, aut ad sensum. Si ad intellectum, ut sit sensus, *Hoc*, id est significatum per hoc, *est corpus meum*; tunc iterum significatio verborum non refertur ad hanc materiam panis. Sed sacramenta significando efficiunt; & de formis sacramentorum Augustinus dicit (tract. lxxx. in Ioan.) *Accedit verbum ad elementum, & fit sacramentum*. Ergo adhuc per verba praedicta non fit transubstantiatio. Si autem facit demonstrationem ad sensum, ergo demonstrabit substantiam contentam sub illis speciebus sensibilibus. Sed illa substantia est panis, de quo non potest dici quod fit corpus Christi. Ergo non erit vera haec locutio: *Hoc est corpus meum*.

2. Praeterea. Quod transit in aliquid, non est illud: quia omnis motus, & factio est ex contingenti, ut dicit Philosophus in I. Phys. (text. xliii.) Sed verum est dicere, quod haec substantia demonstrata fit corpus Christi, vel transit in corpus Christi. Ergo non vere dicitur: *Hoc est corpus meum*.

3. Praeterea. Signatum debet respondere signo. Sed panis est corpus homogeneum. Ergo significatio eius est respectu alicuius partis homogeneae corporis Christi. Non nisi carnis: quia de ipsa dicit Dominus, Ioan. vi. 55. *Caro mea vere est cibus*. Ergo potius dici debuit: *Hac est caro mea*, quam *Hoc est corpus meum*.

4. Praeterea. Sicut dictum est, oportet quod hoc pronomen *hoc* faciat demonstrationem exercitam, ad hoc quod fiat consecratio corporis Christi ex hac materia. Sed non potest hoc esse, nisi quando demonstratio proferatur ex persona loquentis: quia

si proferretur a recitante verba alterius, non faceret demonstrationem ad istam materiam, sed quasi materialiter sumerentur. Ergo oportet quod per verba praedicta proferantur quasi ex persona sacerdotis ea enuntiantis. Sed panis non convertitur in corpus sacerdotis, sed in corpus Christi. Ergo deberet dicere: *Hoc est corpus Christi*, & non, *Hoc est corpus meum*: quia hoc posset esse erroris materia.

QUAESTIUNCULA V.

1. Ulterius. Videtur quod verba quae circa formam dicuntur, non convenienter ponantur. Sicut enim Dionysius dicit in principio de divin. Nomin. *non est audendum dicere aliquid de divinis praeter ea quae nobis ex facris eloquiis sunt expressa*. Sed in Evangeliiis non legitur quod Dominus instituit hoc sacramentum in coena, oculos ad caelum levaverit. Ergo inconvenienter praemittitur *Sublevisis oculis in celum*.

2. Praeterea. In baptismo non licet fieri mutationem verborum etiam per verba eiusdem significationis, (a) ut si loco *Patris Genitoris* poneretur. Sed in nullo Evangelio sunt haec verba, *Accipite, & manducate*; sed, *Accipite, & comedite*. Ergo inconvenienter dicitur, *Manducate*.

3. Praeterea. In nullo Evangelio ponitur omnes. Ergo videtur quod praesumptuosum fuit addere.

SOLUTIO I.

Respondet dicendum ad primam questionem, quod per formam cuiuslibet sacramenti oportet quod exprimat: hoc in quo substantia sacramenti consistit, sicut in forma baptismi ablutio exprimitur, quae baptismi perficitur sacramentum. Tota autem perfectio huius sacramenti in ipsa materiae consecratione consistit, quae est per transubstantiationem panis in corpus Christi; & hanc transubstantiationem exprimitur verba haec, *Hoc est corpus meum*: & ideo haec verba sunt forma huius sacramenti.

Ad primum ergo dicendum, quod circa hoc est quadruplex opinio.

Quidam enim dixerunt, quod Christus, qui habebat potestatem excellentiae in sacramentis, absque omni forma virtute divina consecrat, & postea verba protulit sub quibus alii deinceps (b) consecrarent: & hanc opinionem tangit Innocentius, dicens: *Sane dici potest, quod Christus virtute*

(a) *Id.* ut pro loco: *item* ut loco. (b) *Id.* consecrabant.

tate divina conficit, & postea formam expressit sub qua postea benedicens. Sed hoc non videtur conveniens: quia in textu Evangelii dicitur, *Benedixit*, quod aliquibus verbis factum est. Innocentius autem loquitur opinionem narrando, vel tangendo ordinem quo virtus consecrationis a Christo, in quo primo erat, ad verba derivata est.

Et ideo alii dicunt, quod conficit quidem sub aliqua forma verborum, non autem sub his, sed sub aliis verbis ignotis. Sed hoc etiam videtur inconveniens: quia sacerdos his verbis conficiens, ea profert ut tunc a Christo prolata: unde si tunc eis non fiebat confectio, nec modo fieret.

Et ideo alii dicunt, quod conficit sub eisdem verbis, sed ea bis protulit: primo tacite, cum benedixit; secundo aperte, cum distribuit, ut formam consecrandi aliis traderet. Sed hoc etiam videtur inconveniens: quia non proferuntur a sacerdote consecrante in persona Christi, ut in occulto prolata: non enim benedixit dicens: *Hoc est corpus meum*; sed dedit, dicens: *Accipite &c.*

Et ideo alii dicunt, & melius, quod Christus ea semel tantum protulit, & eis semel prolatis consecravit, & formam consecrandi dedit. Hoc enim participium *dicens* non importat concomitantiam solum ad hoc verbum *dedisti*; sed ad hoc cum aliis predictis, ut sit sensus: Dum benedixit, & fregit, & dedit discipulis, hæc verba protulit: *Accipite &c.* Vel secundum quosdam Evangelista non observat ordinem verborum quo a Domino fuerunt prolata: ordo enim fuit talis: Accepti panem, & benedixit, dicens: *Accipite &c.* Sed primum melius est.

Ad secundum dicendum, quod perfectio aliorum sacramentorum consistit in usu materiz, istius autem in materiz consecratione: & ideo forma etiam in aliis sacramentis est in verbis quæ dicuntur in usu sacramenti; in hoc autem forma sacramenti est in verbis quæ dicuntur in consecratione materiz consecratæ.

SOLUTIO II.

Ad secundam questionem dicendum, quod in hoc sacramento, sicut in aliis, duo sunt, scilicet consecratio materiz, & usus materiz consecratæ: & hæc duo per verba Domini exprimentur. In hoc enim quod dicitur, *Accipite, & manducate ex hoc panem*, præcipitur usus sacramenti; in hoc

autem quod dicitur, *Hoc est corpus meum*, traditur materiz consecratio. Et quia consecratio materiz est ad usum fidelium, ideo usus præmittitur in institutione sacramenti, quamvis sequatur in executione: quia finis est prior in intentione, & cognitione, & ultimus in operatione. Sed quia, ut dictum est, usus materiz in hoc sacramento non est de essentia sacramenti, sicut in aliis; ideo illa verba quæ ad usum pertinent, non sunt de forma, sed tantum illa quæ ad consecrationem materiz pertinent, scilicet, *Hoc est corpus meum*.

Ad primum ergo dicendum, quod quamvis sacramenti usus non sit de essentia sacramenti, est tamen ad completum esse ipsius, in quantum pertingit ad hoc ad quod institutum est: & ideo quandoque dicuntur esse de forma non solum illa quæ pertinent ad consecrationem, sed etiam illa quæ pertinent ad usum: & sic loquitur Ambrosius, & Eusebius (Eucherius) & Magister in littera.

Ad secundum dicendum, quod hæc coniunctio enim importat ordinem consecrationis ad usum materiz consecratæ: & ideo sicut verba quæ pertinent ad usum, non sunt de forma, ita nec prædicta coniunctio. Apponi autem debet secundum usum Romanæ Ecclesiæ, quæ a beato Petro initium sumpsit. Nec est simile de hoc sacramento, & de aliis. Verba enim formæ huius sacramenti proferuntur a ministro in persona Christi quasi recitative: & ideo oportet apponere continuationem ad recitationem præmissam, quam facit coniunctio enim. Aliorum autem sacramentorum formæ ex persona ministri proferuntur: & ideo non oportet interponere aliquid quod non sit de forma ratione continuationis, cum absolute proferantur.

SOLUTIO III.

Ad tertiam questionem dicendum, quod minister in sacramentis dupliciter operatur. Uno modo (a) ut verba pronuntians, alio modo actum aliquem exteriorum exercens, ut in baptismo patet: & utrumque istorum est sacramentalis causa eius quod divina virtute, quæ in sacramentis latet, perficitur. Causa autem sacramentalis significando efficit: unde in illis sacramentis in quibus utroque modo minister operatur, oportet quod verba prolata significant actum exercitum, & actus exterior significet inter-

(a) *Id.* in verbo.

teriozem effectum¹, ut in baptismo patet : quia ablutio exterior ; quam verba formæ expriment, significat interiorem abluitionem, quam divina virtus perficit in sacramento latens. Ubi ergo minister non operatur, nisi verba pronuntians, oportet quod verborum significatio immediate ad hoc quod efficitur, referatur ; in hoc autem sacramento, cuius perfectio in ipsa materiz consecratione consistit, non habet ministerium nisi pronuntiatione verborum, sicut nec in aliqua alia materiz sanctificatione. Unde oportet quod verba formæ significant hoc quod virtus divina in seceto facit ; hoc autem est esse corpus Christi sub speciebus illis : & ideo hæc est conveniens forma in sacramento, *Hoc est corpus meum*, quæ hoc quod dictum est, significat.

Ad primum ergo dicendum, quod in hoc sacramento non getitur aliquid a ministro quod sit de essentia sacramenti, sicut erat in baptismo : unde oportet quod verba significant illud tantum quod divina virtute geritur. Omne autem faciens causat ipsam factionem in hoc quod factum est : nec oportet esse assimilationem factionis ad facientem, sed facti ad facientem, quia ad hoc est intentio facientis. Sicut autem in operibus artis, & naturæ requiritur inter faciens & factum similitudo secundum formam naturalem, & artificialem ; ita in causis sacramentalibus requiritur assimilatio, vel representatio per modum significat.onis : unde verba prolata in hoc sacramento non deberent signare ipsam factionem, vel transubstantiationem, ut in fieri, sed ut in factum esse : unde hæc non esset conveniens forma huius sacramenti, *Hoc sit corpus meum* : quia per hoc non significatur aliquid esse, vel non esse : & similiter nec hæc *Hoc mutetur*, vel *transubstantietur in corpus meum* : quia non significatur esse, vel non esse hoc, quod est principaliter intentum in hoc sacramento. Vel dicendum, quod alia verba significant agere, & pati, & ita motum aliquem : & quia in transubstantiatione non est motus aliquis, cum non sit subiectum commune, nec mutatio, quia terminus transubstantiationis est præexistens actui ; ideo per nullum verbum congrue potuit tradi forma sacramenti huius, nisi per verbum substantivum.

Ad secundum dicendum, quod minister non habet actum exteriorem in consecratione, in qua consistit essentia huius sacramenti ; quamvis habeat actum exteriorem

in dispensatione, quæ consequitur ad sacramentum : & ideo actus ministrum in forma quæ est de essentia sacramenti, poni non debuit.

SOLUTIO IV.

Ad quartam quæstionem dicendum, quod, sicut dictum est, verba formæ transubstantiationem in suo termino signare debent, non secundum quod consideratur ut in fieri. Esse autem est terminus transubstantiationis, cuius extrema, vel termini sunt duæ substantiæ : & ideo in verbis formæ signantur duo termini transubstantiationis, & ipsa transubstantiatio prout est in suo termino per verbum essendi. In termino autem transubstantiationis substantia quæ erat terminus a quo, non manet quantum ad naturam speciei, sed solum quantum ad accidentia, quibus eius individuatio cognoscebatur ; sed substantia quæ est terminus ad quem, in termino transubstantiationis continetur in sacramento integre & quo ad naturam speciei, & quo ad accidentia propria : & ideo ex parte terminia quo, non ponitur illud quod (a) significaret naturam speciei, sed pronomen demonstrativum, quod signat individuationem per accidentia, prout cadunt sub sensu : ex parte autem termini ad quem, ponitur nomen designans naturam speciei, & pronomen non demonstrativum huius substantiæ prout est substantia, sed prout est Christi in propria specie visibilis, quia sic verba formæ pronuntiavit. Unde patet quod congrue in his verbis quatuor forma consistit, *Hoc est corpus meum*.

Ad primum ergo dicendum, quod circa hoc est multiplex opinio.

Quidam enim dicunt, quod hoc pronomen *hoc* nullam demonstrationem facit, quia sumitur materialiter, cum verba illa recitative a sacerdote proferantur. Sed hoc non potest stare : quia secundum hoc verba illa nullum ordinem haberent ad materiam præsentem, & sic non fieret sacramentum. Augustinus enim dicit (tract. lxxx. in Ioan.) *Accedis verbum ad elementum, & fit sacramentum*. Et præterea eadem difficultas remanet de verbis istis secundum quod fuerunt ab ipso Christo prolata.

Et ideo alii dicunt, quod facit demonstrationem ad intellectum, & est sensus : *Hoc est corpus meum* ; idest, per hunc panem, vel per has species significatur corpus meum ; vel significatum per hoc, est corpus.

(a) ut. additur non.

corpus meum. Sed illud iterum stare non potest: quia cum in sacramentis non efficiatur, nisi quod significatur virtute dictorum verborum, non fieret corpus Christi in altari secundum veritatem, sed secundum significationem tantum, quod est haereticum; vel verba praemissa non essent forma huius sacramenti. Nec potest dici, quod intentio proferentis verba facit ut his verbis conficeretur virtute divinitus collata: quia virtus data sacramentis consequitur significationem, & intentio ministrum non potest ad alium effectum (*) sacramenta perducere, nisi qui eis significatur.

Et ideo alii dicunt, quod *ly hoc* facit demonstrationem ad sensum, & demonstrat panem non simpliciter, sed secundum quod est transubstantiatus in corpus Christi. Sed contra hoc est, quia panis transubstantiatus, iam non est panis. Sed dum proferitur hoc pronomen *hoc* nondum facta est transubstantiatio, quia iam alia verba non essent de essentia formae. Cum igitur non possit ad sensum demonstrari quod actu non subest sensui, non poterit praedicto modo demonstratio sumi; nisi dicatur, sicut alii dicunt, quia totus sensus locutionis, & omnium partium eius referendus est ad ultimum infans pronuntiationis verborum, quia pro illo instanti pro quo res est, habet locutionem; & est simile cum dicitur, Nunc taceo. Nunc bibo, si statim tacere, vel bibere incipiat. Sed hoc iterum non potest stare: quia secundum hoc significatio horum verborum praesupponeret transubstantiationem iam factam: ergo virtute verborum non fieret. Et praeterea secundum hoc sensus huius locutionis erit: *Corpus meum est corpus meum*: quod quidem virtute horum verborum non fit.

Et ideo aliter dicendum, quod ea quae sunt in voce, proportionantur his quae sunt in anima. Conceptio autem animae duobus modis se habet. Uno modo ut representatio rei tantum, sicut est in omnibus cognitionibus acceptis a rebus; & tunc veritas conceptionis praesupponit entitatem rei sicut propriam mensuram, ut dicitur in X. Metaph. (text. v.) & per modum huiusmodi conceptionum se habent locutiones, quae causa significationis tantum proferuntur. Alio modo conceptio animae non est representativa rei, sed magis praesignativa, sicut exemplar factivum, sicut patet in scientia practica, quae est causa rei: & veritas huius conceptionis non praesupponit entita-

tem rei, sed praecedat ipsam naturaliter quasi causa, etsi simul sint tempore: & ad hunc modum se habent verba praemissa, quia sunt significantia, & factiva eius quod significatur. Unde veritas, & significatio huius locutionis praecedat naturaliter entitatem rei quam signat, & non praesupponit ipsam, quamvis sit simul cum ipso tempore, sicut causa propria cum proprio effectu. Sed quia significatio, & veritas locutionis, quae est simul tempore cum transubstantiatione, confurgit ex consignificationibus partium successive prolatarum; ideo oportet quod dictio ultimo prolata compleat significationem locutionis, sicut differentia specifica; & simul cum significatione fiat entitas rei; & per consequens significationes primarum partium praecedant transubstantiationem, quae quidem non successive fit, sed in instanti ultimo per significationem locutionis iam perfectam. Sic ergo hoc pronomen *hoc* neque demonstrat terminum ad quem transubstantiationis determinate, quia iam significatio locutionis praesupponeret entitatem rei significatam, & non esset causa eius; neque iterum demonstrat terminum a quo determinate, quia eius significatio impediret veritatem significationis totius locutionis, cum terminus a quo non remaneat in ultimo instanti locutionis. Relinquitur ergo quod demonstrat hoc quod est commune utrique termino indeterminate. Sicut autem in formalibus mutationibus commune utrique termino est subiectum, vel materia; distinguuntur autem termini per formas accidentales, vel substantiales, ita in transubstantiatione communia sunt accidentia sensibilia, quae remanent, diversitas autem est subiecti. Unde sensus est: *Hoc contentum sub his speciebus est corpus meum*. Et haec est causa quare cum pronomine non ponitur aliquod nomen, ne demonstratio ad aliquam speciem substantiae determinetur. Sicut enim in locutione quae significat tantum alterationem, per se subiectum est subiectum commune alterationis, ut cum dicitur, Hoc fit album; ita oportet quod in locutione quae facit transubstantiationem, subiectum sit hoc quod est commune in transubstantiatione.

Ad secundum dicendum, quod ratio illa procederet, si demonstratio pronominis ferretur ad contentum sub speciebus, secundum quod est determinatum ad speciem panis: quia corpus Christi non potest praedicari.

(*) A. sacramenti.

dicari de pane, nisi cum verbo importante transitum. Sed sic non intelligitur demonstratio promissionis, sed sicut dictum est.

Ad tertium dicendum, quod Dominus Ioan. vi. loquebatur de hoc sacramento tantum secundum quod est ad actum refectionis: & quia refectioni magis convenit caro quam corpus secundum similitudinem ad refectionem corporalem; ideo ibi potius dixit carnem quam corpus. Sed in forma sacramenti debet exprimi & essentia sacramenti, & significatio ipsius: & ideo potius debet dici corpus quam caro: tum quia essentialiter in hoc sacramento continetur ex vi sacramenti non solum caro, sed totum corpus Christi: tum quia hoc sacramentum significat representandum Christi passionem, quae erat per totum corpus. Significat etiam quasi rem ultimam corpus mysticum, scilicet Ecclesiam, quae propter distinctionem officiorum habet similitudinem cum toto corpore ratione distinctionis membrorum. Panis autem non est figura rei contentae in sacramento secundum quod est corpus homogeneum, sed secundum quod ex diversis conficitur grani: unde sua significatio magis aptatur ad totum corpus quam ad carnem.

Ad quartum dicendum, quod hoc sacramentum directe representativum est dominicae passionis, qua Christus ut sacerdos, & hostia Deo se obtulit in ara crucis. Hostia autem quam sacerdos offert, est una cum illa quam Christus obtulit secundum rem, quia Christum realiter continet; minister autem offerens non est idem realiter: unde oportet quod sit idem representatione: & ideo sacerdos consecrans prout gerit personam Christi, proferit verba consecrationis recitative ex persona Christi, ne hostia alia videatur. Et quia per ea quae gerit respectu exterioris materiae, Christi personam representat, ideo verba illa simul & recitatione, & significatione tenentur respectu praesentis materiae, quae est figura illius quam Christus praesentem habuit: & propter hoc dicitur convenientius, *Hoc est corpus meum*, quam; *Hoc est corpus Christi*. Vel etiam propter hoc quod sacerdos non habet actum exteriorem, qui sit sacramentaliter causa consecrationis; sed in solis verbis prolatus consistit virtus consecrationis: & ideo ex persona illius proferuntur cuius virtute fit transubstantiatio.

SOLUTIO V.

Ad quintam questionem dicendum, quod

multa sunt a Domino facta, vel dicta quae Evangelistae non scripserunt, ut patet Ioan. xxi. quae tamen Ecclesia postea ab Apostolis accepta fideliter observavit.

Et secundum hoc dicendum ad primum, sicut Innocentius dicit (extra. de celebrat. Miss. cap. Cum *Missa*. §. *Sane multa*) quod quamvis nulloquam in sacra Scriptura legatur quod Dominus ad calum oculos sublevarat in cena; tamen hoc Ecclesia ex traditione Apostolorum recitat, & satis rationabiliter potest ex aliis locis Scripturae colligi. Legitur enim Ioan. xi. quod in suscitacione Lazari oculos ad Patrem elevarat: & similiter Ioan. xvi. orationem ad Patrem fundens. Hoc autem in aidus faciebat, gratias agens, & exemplum nobis ad Deum recurrendi praebens, secundum illud Psal. cxxxv. 1. *Ad te levavi oculos meos qui habitas in caelis*. Et quia hoc sacramentum arduissimum est, ideo instituens hoc sacramentum, probabiliter colligitur quod oculos ad Patrem levaverit, gratias agens Patri de reparatione humani generis, quae hoc sacramento figuratur, & nobis ostendens virtute divina hoc confici sacramentum.

Ad secundum dicendum, quod, sicut dictum est, haec verba, *Accipite, & manducate ex hoc omnes*, non sunt de substantia formae: & ideo non est tanta vis facienda, ut penitus eadem observentur. Et praeterea comedere, & manducare, in nullo differentem habent significationem: & quamvis circa ista verba non ponatur in Evangeliiis verbum manducandi, ponitur tamen parum ante, Luc. xxii. 15. *Desidero desideravi hoc pascha manducare vobiscum antequam patiar*.

Ad tertium dicendum, quod quamvis non exprimitur in Evangelio haec determinatio, *omnes*, tamen intelligitur: quia sacramentalis manducatio est omnium, quamvis non spiritualis: ideo etiam exprimitur circa sumptionem sanguinis in Evangeliiis praedicta dictio, quia sanguis in redemptionem effusus est; redemptio autem omnium est quantum ad sufficientiam, quamvis non quantum ad efficaciam: vel quia ultimo traditur sumptio sanguinis, quod circa eam dicitur, circa sumptionem corporis similiter intelligendum est.

ARTICULUS II.

Utrum forma consecrationis sanguinis consistat in his tantum verbis, *Hic est calix sanguinis mei.*

III. P. quæst. lxxviii. art. 1. & 3.

1. **A**D secundum sic proceditur. Videtur quod forma consecrationis sanguinis consistat in his tantum verbis, *Hic est calix sanguinis mei*: & hoc quod additur: *Novi, & æterni testamenti, mysterium fidei, qui pro vobis, & pro multis effundetur in remissionem peccatorum*: non sit de forma. Evangelistæ enim convenire debent in his quæ sunt de substantia formæ huius sacramenti: quia verba formæ huius sacramenti recitative dicuntur ex persona Christi. Sed non conveniunt in verbis illis apposis, quia in nullo Evangelistarum leguntur, nec ab Apostolo I. Corinth. xi. haberi possunt. Ergo non sunt de forma huius sacramenti.

2. Præterea. Sicut panis transubstantiatur in corpus Christi per consecrationem, ita vinum in Christi sanguinem. Sed consecratio quæ fit his verbis, *Hoc est corpus meum*, sufficit ad transubstantiationem panis in corpus Christi. Ergo & hæc verba, *Hic est calix sanguinis mei*, sufficiunt ad transubstantiationem vini in sanguinem Christi: ergo verba quæ sequuntur non sunt de forma.

3. Præterea. Proprietates naturaliter consequuntur substantiam rei. Sed illud quod sequitur substantiam, non potest esse factivum transubstantiationis. Ergo cum illa verba quæ sequuntur, designent aliquas proprietates sanguinis, in quem fit transubstantiatio, videtur quod non sint de forma.

Sed contra est, quia Luc. xxi. 20. interponuntur prædicta verba verbis formæ: ita enim dicitur: *Hic est calix (a) novi testamenti in meo sanguine.*

Præterea. Hoc videtur ex ritu consecrationis: quia sacerdos non deponit calicem usque ad verba illa, *Hæc quotiescumque feceritis*, quæ non sunt de forma, quamvis sint Domini verba.

QUAESTIUNCULA II.

1. Ulterius. Videtur quod hæc verba in S. Th. Oper. Tom. XII.

convenienter ponantur, *Hic est calix sanguinis mei*. Unius enim modi est transubstantiatio panis in corpus Christi, & vini in sanguinem. Sed in transubstantiatione panis in corpus Christi ponitur corpus Christi in recto. Ergo in consecratione vini debet sanguis Christi in recto, ut dicatur, sicut Magister dicit in littera, *Hic est sanguis meus*, sicut etiam habetur Matth. xxvi.

2. Præterea. In forma transubstantiante ex parte prædicati ponit debet terminus in quem fit transubstantiatio, ut ex dictis patet. Sed transubstantiatio non fit in calicem alicuius. Ergo non debet prædicari in forma transubstantiante.

3. Præterea. In forma sacramenti non debet poni aliquid quod non sit de substantia sacramenti. Sed calix non est de substantia sacramenti, cum sit vas quoddam. Ergo non debet poni in forma sacramenti.

Sed contra est quod dicitur Luc. xxi. 20. *Hic calix novi testamenti in meo sanguine.*

Ad idem est etiam usus Ecclesiæ.

QUAESTIUNCULA III.

1. Ulterius. Videtur quod etiam verba quæ sequuntur, inconvenienter ponantur. Testamentum enim videtur pertinere ad traditionem mandatorum: unde & tabulæ continent decem præcepta, dicuntur tabulæ testamenti. Sed traditio sacramentorum est alia a traditione mandatorum. Ergo in consecrationis non debet fieri mentio de testamento.

2. Præterea. Ambrosius dicit (Lib. IV. de sacram. cap. 1.) nostra sacramenta antiquiora esse sacramentis Iudeorum. Sed sacramenta Iudeorum non pertinent ad novum testamentum, sed ad vetus. Ergo nec in sacramento isto, de quo Ambrosius loquitur, debet apponi, *Novi testamenti.*

3. Præterea. Novum, & æternum videtur ad invicem contrarietatem habere: quia æternum est quod caret principio, novum autem est quod quantum ad sui principium est propinquum. Ergo est oppositio in adiecto.

4. Præterea. Illud quod potest esse iuvamentum erroris, non debet apponi in forma sacramenti. Sed, sicut dicit Innocentius III. (extra de celebr. Miss. cap. Cum Martine. §. Ex eo autem) quod dicitur, *Hoc mysterium*, quibusdam est adiuvamentum erroris, qui dicunt corpus Christi verum in

A a

altari

(a) Vulgata novum testamentum.

altari non contineri, sed per significationem tantum. Ergo inconvenienter ponitur in forma.

5. Præterea. Hoc sacramentum, ut prius dictum est, præcipue videtur esse sacramentum caritatis, sicut & baptisumus sacramentum fidei. Ergo inconvenienter dicitur, *Mysterium fidei*; sed magis dicendum esset, *Mysterium caritatis*.

6. Præterea. Sicut sanguis Christi pro nobis est effusus, ita corpus Christi pro nobis est traditum, ut ex verbis etiam Domini habetur Luc. xxi. 19. *Hoc est corpus meum, quod pro vobis (b) tradetur*. Cum ergo hoc non apponatur in forma corporis consecrandi, nec in consecratione sanguinis de effusione fieri mentio deberet.

7. Præterea. Quod dicitur, *Pro vobis, & pro multis effundetur*, aut accipitur de effusione quantum ad sufficientiam, aut quantum ad efficaciam. Si quantum ad sufficientiam, sic pro omnibus effusus est, non solum pro multis; si autem quantum ad efficaciam, quam habet solum in electis, non videtur distinguendum fuisse inter Apostolos & alios.

8. Præterea. Baptisumus magis ordinatur contra amotionem mali quam eucharistia, quæ maxime ordinatur ad perfectionem in bono. Sed in forma baptisimi non fit mentio de remissione peccatorum. Ergo nec hic deberet dici, *In remissionem peccatorum*.

SOLUTIO I.

Respondeo dicendum ad primam questionem, quod circa hoc aliqui diversimode dixerunt. Quidam enim dicunt, quod hoc est tantum de forma, *Hic est calix sanguinis mei*, ut forma utriusque consecrationis sit consimilis. Sed quia conditiones appositæ ad subiectum, vel prædicatum sunt de integritate locutionis alicuius; ideo alii probabiliter dicunt, quod totum quod sequitur, est de forma, cum totum hoc quod additur, non sit locutio per se, sed sit determinatio prædicati.

Ad primum ergo dicendum, quod verba supradicta ex magna parte possunt ex diversis locis sacre Scripturæ colligi, quævis non inveniuntur alicubi simul scripta. Quod enim dicitur, *Hic est calix*, habetur Luc. xxi. & I. Corinth. 11. Quod autem dicitur, *Novi testamenti*, ex tribus habetur, Matth. xxvi. & Marc. xiv. & Luc. xxi. Quod autem dicitur, *Aeterni*, & iterum,

Mysterium fidei, ex traditione Domini habetur, quæ per Apostolos ad Ecclesiam per venit, secundum illud I. Corinth. xi. 23. *Ego enim accepi a Domino quod & tradidi vobis*. Evangelistæ enim non intendebant formas, & ritus sacramentorum tradere, sed dicta, & facta Domini enarrare.

Ad secundum dicendum, quod cum eucharistie sacramentum sit memoriale dominicæ passionis, in consecratione corporis Christi non repræsentatur, nisi passionis substantia; sed in consecratione sanguinis repræsentatur passionis mysterium: non enim a corpore Christi sanguis eius seorsum fuit, nisi per passionem: & ideo conditiones dominicæ passionis exprimitur per verba sequentia magis in consecratione sanguinis quam in consecratione corporis.

Ad tertium dicendum, quod quævis illa quæ sequuntur, sint ut proprietates consequentes Christi sanguinem in quantum huiusmodi, sunt tamen essentialia sanguini Christi in quantum est per passionem effusus. Non autem seorsum a corpore consecraretur sanguis Christi, sicut nec aliæ partes eius, nisi pro eo quod est in passione effusus: & ideo illa quæ sequuntur, sunt essentialia sanguini, prout in hoc sacramento consecratur: & ideo oportet quod sint de substantia formæ.

SOLUTIO II.

Ad secundam questionem dicendum, quod hæc locutio, *Hic est calix sanguinis mei*, figurativa est, & potest intelligi dupliciter. Uno modo ut sit metonymica locutio, ut ponatur continens pro contento, secundum quod dicere consuevimus, *Bibe calicem vini*, id est vinum contentum in calice. Ideo autem talis modus locutionis congruus est formæ huic, quia sanguis de sui ratione non dicitur aliquid porabile, immo magis aliquid quod natura abhorret in potum. Et quia in hoc sacramento sanguis Christi consecratur ut potus, ideo oportuit aliquid addi quod ad potum pertineret, scilicet calicem. Alio modo potest intelligi, ut sit metaphorica locutio, ut per calicem passio Christi designetur. Sicut enim calix vini inebriat, ita & passio sui amaritudinis quasi hominem extra se ponit: Thren. 111. 15. *Replevit me amaritudinibus, inebriavit me absinthio*: & hoc modo loquendi usus est Dominus de sua passione loquens, ut patet Matth. xxvi. 39. *Transseat a me*

a me calix iste : & hic modus loquendi etiam est conveniens in hac forma : quia, ut dictum est, in consecratione sanguinis exprimitur directe mysterium passionis. Nec obstat quod solet obijci, quod locutiones figurativae faciunt distrahere intellectum, & ita sunt causa evagationis : quia mens sacerdos debet esse adeo fixa ad ea quae dicit, quod non qualibet levi (a) occasione evagetur.

Ad primum ergo dicendum, quod corpus de sui ratione non dicit aliquid repugnans cibo ex ipsa sui nominatione, sicut sanguis repugnat potui : & ideo non est similis ratio. Magister autem non posuit formam quantum ad verba, sed quantum ad sensum.

Ad secundum dicendum, quod transubstantiatio vini in ipsum calicem non fit, sed in contentum, scilicet sanguinem Christi, prout potus est, & prout est per passionem fusus : & ideo obiectio cessat.

Ad tertium dicendum, quod quomavis illud non fit, de substantia sacramenti, tamen contentum, & significatum est de substantia sacramenti ; & secundum hoc intelligitur locutio.

SOLUTIO III.

Ad tertiam quaestionem dicendum, quod, sicut dictum est, verba illa quae adduntur in consecratione sanguinis, exprimuunt conditiones passionis, & praecipue secundum quod operatur in sacramentis. Sunt autem tria in passione considerata, secundum quod in sacramentis operatur. Primo effectus quem inducit, qui est remissio peccatorum ; & hoc tangitur in hoc, quod dicit, *Qui pro vobis*, & *pro multis effundetur in remissionem peccatorum*. Secundo medium quo iste effectus in alios traducitur, quod est fides, qua mediante habet effectum & in his qui praecesserunt, & in his qui sequuntur ; & quorum ad hoc dicit, *Mysterium fidei* : quod quidem potest referri ad ipsam passionem, quae est mysterium fidei, ut occultum quoddam latens in fide omnium Christifidelium, & praecipue antiquorum, apud quos erat in mysterio abscondita diversimode figurata ; & ad ipsum sanguinem, prout in sacramento continetur, quod quidem later sub speciebus, & maximam habet difficultatem ad credendum : unde antonomastice dicitur, *Mysterium fidei*. Tercio finis ad quem perducit, qui est aeternorum bonorum perceptio

ad quem introducit Christus per sanguinem propriae passionis : in quo novum testamentum confirmatur, non quidem promittens temporalia, ut prius, sed aeterna ; & quantum ad hoc dicit, *Novi*, & *aeterni testamenti*. Et quia finis prius est in intentione, ideo sine praemisso per medium ad effectum passionis ostendendum verba formae perducunt.

Ad primum ergo dicendum, quod testamentum proprie est hereditatis percipiendae institutio filiis a patre : & ideo testamentum proprie pertinet ad promissionem bonorum, quae nobis a Patre caelesti disponuntur : ad quod quidem testamentum praecipua se habent sicut via ad consequendum hereditatem promissam ; & ita per posterius testamentum ad mandata pertinet.

Ad secundum dicendum, quod antiquitas illa intelligitur quantum ad similitudinem ritus. Dicitur autem hoc testamentum novum & ratione huius sacramenti, quod in renovatione mundi institutum est tempore gratiae, & iterum ratione promissionis per sanguinem Christi confirmata, quae vetus impedimentum consequendae hereditatis amovit ; & sic quasi quaedam innovatio promissionis per mortem Christi facta est.

Ad tertium dicendum, quod dicitur novum, & aeternum diversis rationibus : novum quidem ratione iam dicta ; aeternum vel ratione bonorum aeternorum, de quibus est testamentum ; vel ratione huius sacramenti continentis Christum, qui est persona aeterna ; vel ratione praedestinationis aeternae hanc gratiam preparantis.

Ad quartum dicendum, quod nihil prohibet id quod est in aliquo occultatum, & figuratum, secundum veritatem ibidem esse : & ideo frivolum iuvamentum sui erroris accipiunt qui negant Christi sanguinem secundum veritatem in altari esse propter hoc quod est ibi etiam secundum mysterium.

Ad quintum dicendum, quod eucharistia dicitur sacramentum caritatis Christi expressivum, & nostrae factivum ; sed fides supponitur ad effectum huiusmodi sacramenti, qua mediante aliquis effectum participet : & ideo potius ponit ut medium perducens ad effectum fidem quam caritatem.

Ad sextum dicendum, quod huius solutio ex dictis patet : quia hoc accidit propter

(a) occasione.

per hoc quod in consecratione corporis non signatur passio, sicut in consecratione sanguinis.

Ad septimum dicendum, quod sanguis Christi effusus est pro omnibus quo ad sufficientiam, sed pro electis tantum quo ad efficaciam: & ne putaretur effusus pro Iudeis tantum electis, quibus promissa facta fuerat, ideo dicit *Vobis*, qui ex Iudeis, & multis, scilicet multitudine gentium. Vel per Apostolos, sacerdotes: (a) designat, quibus mediantibus ad alios effectus passionis per dispensationem sacramentorum pervenit, qui etiam pro seipsum, & pro aliis orant.

Ad octavum dicendum, quod remissio peccatorum non ponitur hic ut proprius effectus huius sacramenti, sed ut effectus passionis, quae per consecrationem sanguinis exprimitur. De mutatione autem, additione, & subtractione idem dicendum hic quod supra positum est de forma baptismi; distinct. 111. (quaest. 1. art. 2. quaestiu. 2. 3. & 4.).

ARTICULUS III.

Utrum verbis praedictis insit aliqua vis creata ad transubstantiationem faciendam.

1. **A**D tertium sic proceditur: Videtur quod verbis praedictis non insit aliqua vis creata ad transubstantiationem faciendam: Damascenus enim dicit (Lib. IV. de Fide orthod. cap. xiv.) quod sola virtute Spiritus sancti fit conversio panis in corpus Christi. Sed virtus Spiritus sancti non est virtus creata. Ergo nulla virtus creata insit his verbis, per quam fiat transubstantiatio.

2. Praeterea. Opus transubstantiationis videtur esse difficilius quam opus creationis: quia citius ratio consentit creationi quam huic conversioni, cum quidam etiam Philosophi ratione naturali ducti creationem posuerint: Sed nulla virtus creata secundum communem opinionem potest Deo cooperari in opere creationis: Ergo multo minus in opere huius conversionis.

3. Praeterea: Difficilius est convertere panem in substantiam corporis Christi, quam purissimos sanguines Virginis: quia corpus Christi, & sanguines Virginis habent materiam communem, quae est subiectum conversionis, quod non potest esse in conver-

sione panis in corpus Christi: Sed in formatione corporis Christi ex Virgine non fuit aliqua virtus creata a se operans transformationem, ut in III. Lib. distinct. 111. (quaest. 11. art. 2.) dictum est: Ergo nec verbis praedictis insit aliqua virtus creata ad transubstantiandum.

4. Praeterea. Nulla virtus creata potest operari aliquid supra naturam. Sed conversio panis in corpus Christi est maxime supra naturam, cum non servetur modus mutationis naturalis: quia neque est subiectum commune, & terminus ad quem, est praexistens actu. Ergo non potest per virtutem creatam verbis formae collatam huiusmodi conversio fieri.

5. Praeterea. Virtus activa directe proportionatur ei ad quod actio terminatur: quia hoc est intentum ab agente, & ex eo denominatur actio: Sed corpus Christi, ad quod terminatur conversio, est multo dignius qualibet pura creatura. Ergo cum agens debeat esse nobilior facto, non potest aliqua virtute creata aliquid in corpus Christi converti.

6. Praeterea. Faciens, & factum, causa, & causatum debent esse simul: quia quod non est, non potest aliquid facere, vel aliquid causa existere: Sed cum conversio praedicta fiat in instanti, & verba formae successive proferantur, quando fit conversio, verba illa non possunt simul esse, nisi secundum aliquid minimum sui. Ergo virtute aliqua quae insit verbis, non potest fieri huiusmodi conversio.

7. Praeterea. Verba ista non habent virtutem ex seipsis: hoc planum est. Si ergo habent aliquam huiusmodi virtutem, oportet quod eis sit divinitus data: Oportet autem hanc virtutem esse simplicem, cum eius effectus sit in instanti. Simplex autem virtus non potest successive dari, & eius subiectum oportet esse simplex. Cum ergo verba praedicta compositionem habeant, & successionem, non potest ipsis talis virtus esse collata.

8. Praeterea. Inconveniens videtur facere aliquid nobilissimum, quod statim desinat esse. Sed virtus transubstantians est nobilissima, quod patet ex nobilitate effectus. Ergo cum verba formae statim esse desinant, inconveniens videtur, si ei virtus transubstantiandi data est a Deo.

9. Praeterea. Verba ista non faciunt conversionem praedictam, nisi a sacerdote dicta. Sed anima sacerdotis magis est capax vir-

virtutis alicuius divinæ quam verba prolata ab ipso. Ergo magis dicendum est, quod hæc virtus in sacerdote sit quam in verbis; si tamen aliqua virtus creata ad transubstantiationem operetur.

Sed contra est quod Dionysius dicit in fine eccl. Hier. in *ipsis*, scilicet *consummationis invocationibus*, idest *formis sacramentorum*, esse *virtutes operativas ex Deo*. Sed verba prædicta sunt forma dignissimi sacramenti. Ergo est in ipsis aliqua virtus ad transubstantiandum.

Præterea: Ambrosius dicit (Lib. IV. de sacram. cap. xv.) quod sermo Christi creaturas mutat, & sic ex pane fit corpus Christi consecratione celestis verbi. Verbum autem Christi est forma prædicta a Christo instituta, & ex eius persona recitata. Ergo (a) virtute horum verborum fit transubstantiatio.

Præterea. Sacerdos non operatur ad transubstantiationem, nisi proferens verba. Si ergo verbis non inest virtus ad transubstantiandum; tunc sacerdos non haberet aliquam potestatem (b) spiritualem efficiendi; & sic non haberet ordinem, qui est quædam potestas ad hoc principaliter.

S O L U T I O.

Respondeo dicendum, quod circa hoc est duplex opinio. Quidam enim dicunt, quod nulla virtus creata inest his verbis, quæ fiat transubstantiatio; sed quod dicitur aliquando virtute horum verborum transubstantiationem fieri, intelligendum est, quod divina institutione firmatum est ut ad probationem horum verborum conversio prædicta fiat virtute divina tantum: & sic etiam dicant in omnibus aliis sacramentis, ut supra distinct. i. (quæst. i. art. 2. quæstionc. 2.) dictum est. Sed hæc opinio dignitati sacramentorum novæ legis derogat, & dictis sanctorum obviare videtur. Et ideo dicendum est, quod in verbis prædictis, sicut & in aliis formis sacramentorum, est aliqua virtus ex Deo; sed hæc virtus non est qualitas habens esse completum in natura, qualiter est virtus alicuius principalis agentis secundum formam suam, sed habet esse incompletum, sicut virtus quæ est in instrumento ex intentione principalis agentis, & sicut similitudines colorum in ære, ut supra dist. t. (ubi supra) dictum est.

Ad primum ergo dicendum, quod dictio exclusiva adiuncta principali agenti non

excludit agens instrumentale: non enim sequitur, Solus hic faber facit cultellum: ergo martellus nihil ad hoc operatus est. Virtus enim instrumenti non est nisi quædam redundantia virtutis agentis principalis: unde in toto actio non attribuitur instrumenti, sed principali agenti, secundum Philosophum: & propter hoc ex hoc quod dicitur, quod sola virtute Spiritus sancti fit huiusmodi conversio, non excluditur virtus instrumentalis, quæ est in verbis præmissis.

Ad secundum dicendum, quod virtus creata præsupponit materiam; in qua operetur, quod quidem contingit esse dupliciter. Uno modo ita quod fit mutationis subiectum, sicut accidit in conversionibus naturalibus. Alio modo ita quod subest termino a quo, non autem mutationi, sicut accidit in dicta conversione. Sed creatio neutro modo materiam præsupponit: & ideo magis potest aliquid Deo instrumentaliter cooperari in hac conversione quam in opere creationis: Utrum autem maioris virtutis sit ista conversio, vel creatio, dicitur infra distinct. xi. (quæst. i. art. 3. quæstionc. 4.)

Ad tertium dicendum, quod si in conceptione unio includatur, quod simul cum ipsa facta est, maior difficultas fuit in conceptione quam in transubstantiatione: quia illa unio est terminata ad esse divine persone; hæc autem transubstantiatio ad corpus Christi; quia panis non convertitur nisi in corpus Christi. Si autem conceptionis opus includat tantum conversionem sanguinum purissimum Virginis in corpus Christi; sic maior difficultas est in hac conversione quam in illa conceptione: unde potuit etiam alicui creature conferre quod in illa conceptione sibi cooperaretur; quamvis non fuisset conveniens propter dignitatem Christi servandam, quod tunc fiebat simpliciter, prius non existens; quod hio non accidit: & ideo nihil deperit dignitati corporis Christi; si aliqua creatura accipiat instrumentalem virtutem operandi in id quod in corpus Christi transubstantiatur.

Ad quartum dicendum, quod nulla creatura potest agere ea quæ sunt supra naturam quasi principale agens: potest tamen agere quasi agens instrumentale a virtute increata motum: quia sicut creature inest obedientia potentia, ut in ea fiat quicquid Creator disposuerit, ita etiam ut ea median- te fiat, quod est ratio instrumenti.

Ad

(a) In editis nec virtute. (b) Forte specialem.

Ad quintum dicendum, quod virtus agentis principalis respicit principaliter terminum ad quem; sed virtus causae instrumentalis non attingit ad terminum ad quem, sed habet operationem suam in his quae sunt circa terminum; sicut qualitates activae elementares non attingunt ad animae rationalis introductionem. Et similiter hic contingit: quia virtus illa instrumentalis quae inest verbis, habet operationem supra substantiam panis, quia verbum ad elementum accedit, secundum Augustinum: non est autem aliquo modo causa eorum quae in termino ad quem sunt, sicut quod sint accidentia sine subiecto, vel alius huiusmodi: & ideo obiectio cessat.

Ad sextum dicendum, quod virtus haec coovertiva, quae est in his verbis, cum sit sacramentalis, sequitur significationem, ut dictum est; significatio autem existentis conversionis, cum importet ordinem unius ad alterum, non potest fieri per dictionem, sed oportet quod per orationem fiat; cuius partes quamvis successive proferantur, tamen significatio est tota simul, quod tunc complet ultima orationis particula ad modum differentiae ultimae in definitionibus: & hac significatione existente in ultimo prolationis instanti fit transubstantiatio.

Ad septimum dicendum, quod significatio orationis, quamvis relata ad partes quibus fit significatio, videatur composita, tamen relata ad rem significatam simplex est, inquantum significat unum, scilicet compositionem huius cum hoc; sicut etiam Philosophus dicit in V. Metaph. (text. xix.) quod substantia senaria non est bis tria, sed semel sex, quam ibi qualitatem nominat. Unde sicut ad hanc qualitatem senarii se habent partes eius, ut dispositiones materiales, non ut qualitates partium, sicut partes unius qualitatis totius; ita significationes partium sunt dispositiones ad significationem totius orationis, quae consurgit ex significatione ultimae partis in ordine ad omnes praecedentes: quia virtus conversiva sequitur significationem, ut dictum est: & ideo in ipso complemento significationis datur illa virtus orationi toti, ita quod partes singulae se habent materialiter tantum ad illam virtutem.

Ad octavum dicendum, quod valde conveniens est quod omne quod est propter aliquod, esse destinatum perfectio hoc propter quod erat: & quia virtus illa non erat ad perfectionem eius cui dabatur, sed magis ad faciendum conversionem, de qua loqui-

mur, cum sit tantum instrumentalis virtus, ut dictum est; ideo non est inconveniens, si statim conversione facta, & verba, & virtus verborum esse definant.

Ad nonum dicendum, quod quando aliquod opus perficitur pluribus instrumentis, virtus instrumentalis non est complete in uno, sed incomplete in utroque, sicut manu, & penna scribitur: & similiter contingit in proposito: quia virtus instrumentalis ad faciendam praedictam conversionem non tantum est in verbo, vel in sacerdote, sed in utroque incomplete: quia nec sacerdos sine verbo, nec verbum sine sacerdote conficere potest. Et quia sacerdos est similior principali agenti quam verbum, quia gerit eius figuram; ideo simpliciter loquendo sua virtus instrumentalis est maior, & dignior (unde etiam permanet, & ad multos huiusmodi effectus se habet) virtus autem verbi transit, & ad semel tantum est; sed secundum quid est potentior virtus verbi, inquantum effectui propinquior, quasi signum ipsius; sicut etiam penna est scripturae propinquior, sed manus scribenti.

ARTICULUS IV.

Utrum forma expectent se in operando.

III. P. quaest. lxxviii. art. 8.

1. **A**D quantum sic proceditur. Videtur quod formae expectent se in operando. Sicut enim se habet res ad rem, ita se habet forma ad formam. Sed res corporis non est sine re sanguinis: quia non consecratur corpus Christi sine sanguine. Ergo nec forma corporis operatur sine forma sanguinis.

2. Praeterea. Hoc sacramentum est unum. Sed propter unitatem sacramenti species duae, scilicet panis, & vini, se habent in ratione unius signi, ut dictum est. Ergo similiter duae formae se habent in ratione unius formae. Sed in una forma partes se expectant invicem ad agendum, ut dictum est. Ergo & forma corporis expectat formam sanguinis.

3. Praeterea. In baptismo tres immersiones se expectant in agendo. Ergo & similiter haec duae prolationes verborum.

Sed contra. Si statim verbis prolatis, quando est orationis significatio, non esset ibi verum corpus Christi, haec esset falsa: *Hoc est corpus meum*. Sed in sacramento veri-

veritatis non contingit aliquid esse falsum. Ergo forma prima non expectat secundam in operando.

Præterea. Hostia non est adoranda ante consecrationem. Sed secundum communem modum Ecclesiarum statim dictis primis verbis formæ super panem, ante formam sanguinis elevatur hostia a populo adoranda. Ergo ante formam sanguinis hostia est consecrata.

QUAESTIUNCULA II.

1. Uterius. Videtur quod deficiente sacerdote post corporis Christi consecrationem non debet alius procedere ad consecrationem sanguinis. Quia unus sacramenti unus debet esse minister. Sed consecratio utraque ad unum sacerdotem pertinet. Ergo ab uno ministro fieri debet.

2. Præterea. Sacerdos consecrans gerit figuram Christi, ex cuius persona verba proferuntur. Sed Christus non est divisus, ut dicitur I. Corinth. 1. Ergo nec verba dividi debent, ut a diversis proferantur. Sed contra. Ad perfectionem huius sacramenti utraque consecratio requiritur. Si ergo consecrator corpore non consecratur sanguis, sacramentum remanet imperfectum; quod est inconveniens.

QUAESTIUNCULA III.

1. Uterius. Videtur quod hæc verba si ne alius quæ in canone Missæ dicuntur, non habeant vim consecrandi. Quia in hoc sacramento requiritur intentio faciendi quod facit Ecclesia; & sic intentio debet esse secundum statuta Ecclesiæ regulata. Sed proferens hæc verba tantum, non servat Ecclesiæ statuta. Ergo non conficit.

2. Præterea. Verba quibus fit consecratio, per se prolata, ad personam dicentis referuntur. Sed conversio panis, & vini non fit in corpus, & sanguinem dicentis, sed in corpus, & sanguinem Christi. Ergo sine verbis præmissis, quibus verba formæ determinatur ad personam Christi, scilicet *Qui pridie quam pateretur &c.* non potest fieri conversio.

3. Præterea. Si verbis prædictis tantum posset fieri consecratio, tunc aliquis in periculo mortis existens, posset licite sine verbis præcedentibus consecrare, sicut aliquis in necessitate potest baptizare omittis illis quæ sunt ad decorem sacramenti. Sed hoc nunquam licet. Ergo sine verbis aliis ista non habent vim convertendi.

Sed contra est quod Ambrosius dicit

(Lib. IV. de sacram. cap. 1v.) *Sacramentum istud quod accipis, sermone Domini conficitur: & loquitur de verbis prædictis. Ergo sine aliis ista prolata habent vim consecrandi.*

Præterea. Virtus conversiva sequitur significationem verborum, ut dictum est. Sed verba formæ absque præcedentibus sufficienter significant hoc quod in sacramento hoc faciendum est. Ergo sine aliis habent vim conversivam.

SOLUTIO I.

Respondeo dicendum ad primam questionem, quod quidam dixerunt, quod prima forma non habet effectum suum nisi prolata forma secunda; nec secunda haberet effectum, nisi prima prius prolata: nec tamen periculose adoratur hostia ante consecrationem sanguinis, quia non adoratur quod est, sed quod erit. Sed illud non potest stare: quia forma materię proportionari debet: unde sicut materię distinctæ sunt, nec ad invicem commixtæ, ita formæ divisi operantur; quod patet ex hoc quod utraque per se completam significationem habet. Et ideo dicendum cum aliis, quod formæ prædictæ non expectant se mutuo in operando.

Ad primum ergo dicendum, quod in hoc sacramento dupliciter aliquid continetur, scilicet ex vi sacramenti, & ex naturali concomitantia: & quia sacramentum est institutum in usum fidelium, ideo ex vi sacramenti continetur in hoc sacramento quod in usum fidelium venit. Et quia in pane consecrato non continetur sanguis Christi, secundum quod est in usum potus fidelium, ideo non continetur ibi ex vi sacramenti, sed ex naturali concomitantia, qua convenit ut corpus Christi non sit sine sanguine; & e contrario est de vino consecrato. Unde panis non convertitur per vim primorum verborum in corpus & sanguinem, sed in corpus sine sanguine veniente in usum potus fidelium. Causa autem quare divisi sanguis a corpore consecratur, cum nunc non sit divisus, potest sumi ex usu ad quem est sacramentum, quia manducatio in cibo, & potu consistit; & ex eo quod per sacramentum representatur, quia in passione sanguis Christi a corpore divisus fuit.

Ad secundum dicendum, quod duæ formæ in hoc sacramento non pertinent ad unum sacramentum, quasi unam formam con-

constituat, sicut ex diversis dictionibus constituitur una forma; sed pertinent ad unum sacramentum mediantibus diversis partibus huius sacramenti: & ideo utraque habet seorsum effectum, suum supra partem ad quam ordinatur.

Ad tertium dicendum, quod tres immersiones referuntur ad unum characterem, qui est res, & sacramentum in baptismo; sed diversae formae referuntur ad diversa, quae sunt res, & sacramentum hic: & ideo non est simile.

SOLUTIO II.

Ad secundam questionem dicendum, quod secundum statum Concilii Toleraei (VII. can. 11.) si sacerdos impeditur, ut coeptum Missae officium exple, non possit, alius sacerdos debet exple, quod ille inchoavit, ita quod incipiat sequens sacerdos ubi primus dimisit, si sciatur; si autem nesciatur, debet a capite incipere: non enim dicitur iteratum quod nescitur esse factum. Nec aliquid per hoc derogatur unitati sacrameoti: quia omnes unum sumus in Christo propter fidei unitatem. Secundum tamen Innocentium tertium consultus est ut illa hostia iam consecrata seorsum posita, super aliam deinceps totum officium iteretur.

Et per hoc patet solutio ad obiecta.

SOLUTIO III.

Ad tertiam questionem dicendum, quod quidam dixerunt, quod verba ista, in quibus forma consistit, ut dictum est, si per se dicantur sine aliis, non faciunt conversionem, ad minus sine illis quae sunt in canone Missae. Sed hoc non videtur probabile: quia secundum Augustinum (super Ioan. tract. lxxx.) *accedit verbum ad elementum, & fit sacramentum*. Verbum autem quo accedente ad elementum fit sacramentum, a sanctis dicitur esse verbum Salvatoris: unde alia sunt de solemnitate sacrameoti, non de necessitate. Et ideo cum aliis dicendum est, quod in his verbis sine aliis potest confici corpus Christi, quamvis graviter peccaret qui hoc faceret. Et quod haec opinio sit verior, patet ex hoc quod non sit idem canon Missae apud omnes, & secundum diversa tempora diversa sunt in canone Missae superaddita.

Ad primum ergo dicendum, quod ad sacramentum requiritur intentio faciendi: quod facit Ecclesia in essentialibus sacramento, non autem in his quae pertinent ad decorem, vel solemnitatem sacrameoti, sicut in baptismo patet.

Ad secundum dicendum, quod ex ipsa intentione proferentis possunt verba formae ad personam Christi referri, etiam verbis aliis, non praemissis, si sacerdos verba praedicta in persona Christi dicere intenderet.

Ad tertium dicendum, quod baptismus est sacramentum necessitatis; & ideo concessum est ut imminente necessitate articulo possit aliquis baptizare sine solemnitate ab Ecclesia instituta. Secus autem est de hoc sacramento: quia alicui in necessitate constituto sufficeret spiritualiter manducare, si sacramentaliter manducare non posset: & ideo in nullo casu a peccato excusatur.

EXPOSITIO TEXTUS.

Post sacramentum baptismi, & confirmationis sequitur eucharistia sacramentum. Videtur, quod male ordinetur: Quia quod est per essentiam, prius est quam id quod est per participationem. In hoc autem sacramento continetur Christus per essentiam, in aliis vero per participationem suae virtutis. Ergo hoc sacramentum, ante omnia alia determinare debuit.

Praeterea Dionysius aliter ordinat. Prius enim de baptismo, & postea de eucharistia, & postea de chrismate determinat. Ergo videtur quod Magister hic ordinem pervertat.

Et dicendum ad primum, quod sacramenta sunt ordinata ad usum fidelium: unde ordo sacramentorum non attenditur secundum contentorum ordinem, sed secundum quod veniunt in usum fidelium: & ideo baptismus ante eucharistiam ab omnibus ponitur.

Ad secundum dicendum, quod Dionysius determinat de sacramentis secundum quod sunt actiones hierarchicae, ut supra dist. 11. (quae 1. art. 2. in corp.) dictum est: & ideo ordinem sacramentorum attendit, secundum quod per ea distinguuntur personae, ut in hierarchia, & ordine. Et quia eucharistia non importat aliquam distinctionem supra baptismum, cum ex hoc ipso quod baptizatur aliquis, ad eucharistiae perceptionem deputatur, confirmatio autem addit; ideo praemittit eucharistiam confirmationi, sicut commune ad proprium. Magister autem determinat de sacramentis, secundum quod sacramenta sunt medicinae quaedam sanctificantes; & ideo secundum ordinem sanctificationum ordinat sacramenta: & quia amplioris san-

At-

Assumptionis est eucharistia, quam confirmatio, ideo postremo de ea determinatur.

Intelligi datur antiquiora esse sacramenta Christianorum quam Iudaorum. Videtur hoc esse falsum: quia hoc sacramentum quo ad rem non fuit ante adventum Christi; quo ad speciem autem, & ritum fuerunt sacrificia, quae erant sacramenta Iudaorum, etiam ante Melchisedech.

Et dicendum, quod loquitur quantum ad figuram huius sacramenti per similitudinem speciei, & ritus. Sacramenta autem quae in lege naturae fiebant, non erant figurae sacramentorum veteris legis, sed magis passionis Christi.

Consecratio quibus fit verbis? &c. Videtur falsum esse quod dicitur: quia non dicitur, *Accipite, & edite*, sed *manducate*: & praeterea hoc non est de forma, ut dictum est supra (quaest. 11. art. 2.) Item non dicitur: *Hic est sanguis meus*; sed, *Hic est calix sanguinis mei*.

Et dicendum, quod Magister non intendit hic distinguere ponere verba quibus fit consecratio, sed explanare quod verbis Domini fit; non tamen in omnibus verbis quae ipse ponit, nec eisdem numero, sed eisdem quo ad sensum.

Per reliqua autem omnia quae dicuntur, laus Deo deferatur. Sciendum, quod eorum quae in officio Missae dicuntur, quaedam dicuntur per sacerdotem, quaedam per ministros, quaedam a toto choro. Ea quidem quibus populus immediate ordinatur ad Deum, per sacerdotem tantum dicuntur, qui sunt mediatores inter populum & Deum: quorum quaedam dicuntur publice, spectantia ad totum populum, in cuius persona ipse solus ea Deo proponit, sicut orationes, & gratiarum actiones; quaedam privatim, quae ad officium ipsius tantum spectant, ut consecrationes, & huiusmodi orationes, quas ipse pro populo facit; tamen in persona populi orans etiam in omnibus praemittit, *Dominus vobiscum*, ut mens populi Deo coniungatur ad ipsum per intentionem erecti. Et quia populus in his quae ad Deum sunt, sacerdotem ducem habet, ideo in fine cuiuslibet orationis populus consentit, respondens, *Amen*: unde & omnis sacerdotis oratio alte terminatur, etiam si privatim fiat. Ad ea vero quae per ministerium aliorum divinitus sunt tradita, per ministros altaris populus ordinatur. Ea vero quae ad dispositionem populi pertinent, chorus prosequitur: quorum quaedam a sacerdote inchoantur, quae ad ea pertinent quae, ra-

tionem humanam excedunt, quasi divinitus accepta: quaedam chorus per se ipsum, quibus illa declarantur quae rationi sunt consona. Item quaedam pertinent ad populum ut preparatoria ad divina percipienda; & haec a choro praemittuntur his quae a ministris, & sacerdote dicuntur: quaedam vero ex perceptione divinorum in populo causata, & haec sequuntur.

His ergo visis, sciendum est, quod quia omnia nostra operatio a Deo inchoata circumlocutione in ipsum terminari debet, ideo Missae officium incipit ab oratione, & terminatur in gratiarum actione. Unde tres habet partes principales, scilicet principium orationis, quod durat usque ad epistolam; medium, celebrationem ipsam, quae durat usque ad post communionem; & finem gratiarum actionis exinde usque in finem. Prima pars duo continet, scilicet populi preparationem ad orationem, & ipsam orationem. Preparatur autem populus ad orationem tripliciter. Primo per devotionem, quae excitatur in introitu: unde & sumitur ex aliquo pertinente ad solemnitatem, in cuius devotionem populus congregatur, & etiam adiungitur Psalmus. Secundo per humilitationem, quae fit per *Kyrie eleison*, quia misericordiam petens miseriam proficitur: & dicitur novies propter novem choros Angelorum, vel propter fidem Trinitatis, secundum quod quilibet persona, in se consideratur, & in ordine ad alias. Tertio per rectam intentionem, quae ad caelestem patriam, & gloriam dirigenda est, quae omnem rationem humanam excedit: & hoc fit per *Gloria in excelsis*, quod chorus prosequitur sacerdote inchoante; & ideo non dicitur nisi in solemnitatibus, quae nobis caelestem solemnitatem representant; in officiis vero luctus omnino intermittitur. Deinde sequitur oratio ad Deum pro populo susa, quam sacerdos publice proponit praemisso *Dominus vobiscum*, quod sumitur de Ruth 11. Pontifex autem dicit, *Pax vobis*, gerens typum Christi, qui his verbis discipulos post resurrectionem allocutus est, Ioan. xx.

Secunda autem pars principalis tres partes continet. Prima est populi instructio usque ad offertorium; secunda, materiae oblatio usque ad praefationem; tertia, sacramenti consummatio usque ad postcommunionem. Instructio autem populi fit per verbum Dei, quod quidem a Deo per ministros suos ad populum pervenit: & ideo ea quae ad instructionem plebis pertinent,

non dicuntur a sacerdote, sed a ministris. Ministerium autem verbi Dei est triplex. Primum auctoritatis, quod competit Christo, qui dicitur minister Rom. xv. de quo dicitur Matth. vii. 29. (a) „Erat autem in potestate docens.“ Secundum manifestæ veritatis, quæ competit prædicatoribus novi testamenti, de quo dicitur II. Corinth. iii. 6. „Qui & idoneos nos fecit ministros &c.“ Tertium figuratiōis, quod competit prædicatoribus veteris testamenti: & ideo doctrinam Christi proponit diaconus. Et quia Christus non solum est homo, sed Deus, ideo diaconus præmittit, *Dominus vobiscum*, ut ad Christum quasi ad Deum homines attentos faciat. Doctrina vero prædicatorum novi testamenti proponitur per subdiaconos. Nec obstat quod aliquando ab eis legitur loco Epistolæ aliquid de veteri testamento, quia prædicatoribus novi testamenti etiam vetus prædicant. Doctrina vero prædicatorum veteris testamenti per inferiores ministros legitur non semper, sed illis diebus quibus præcipue configuratio novi, & veteris testamenti designatur, ut in ieiuniis quatuor temporum, & quando aliqua celebrantur quæ in veteri lege figurata sunt, sicut passio, natiuitas, baptisumus, & aliquid huiusmodi. Et quia utraque doctrina ordinat ad Christum, & eorum qui præbant, & eorum qui sequebantur; ideo doctrina Christi postponitur quasi finis. Ex doctrina autem ordinante ad Christum duplex effectus populo provenit, quibus etiam homo præparatur ad doctrinam Christi: scilicet profectus virtutum, qui (b) per graduale insinuat: dicitur enim a gradu quo ascenditur de virtute in virtutem, vel a gradibus altaris, ante quos dicitur: & exultatio habita de æternorum spe, quod insinuat *Alleluia*, unde & replicatur propter solam animæ & corporis. In diebus vero, & officiis luctus intermittitur, & loco eius, tractus ponitur, qui asperitate vocum, & prolixitate verborum præsentis miseriz incolatum insinuat. Tempore autem resurrectionis duplex *Alleluia* dicitur propter gaudium resurrectionis capitis, & membrorum. Effectus autem evangelicæ doctrinæ est fidei confessio; quæ quia supra rationem est, a sacerdote inchoatur symbolum fidei, & chorus profertur: nec dicitur nisi in illis solemnitatibus de quibus fit mentio in symbolo, sicut de natiuitate, resurrectione, de Apostolis, qui fidei fundatores extiterunt, ut I. Corinth.

iii. 10. „Ut sapiens architectus fundamentum posui.“

Deinde sequitur secunda pars partis secundæ principalis, quæ pertinet ad materiz consecrandæ oblationem, & hæc tria continet. Præmittitur enim offerentium exultatio, quasi præparatoria, in offeritorio: quia „hilem datorem diligit Deus.“ II. Corinth. ix. 7. exprimitur ipsa oblatio dum dicitur, *Suscipe sancta Trinitas: petitor oblationis acceptator per orationes secreto dictas*, quia hoc sacerdos tantum est Deum oblationibus placare; ad quam orationem sacerdos per humilitatem se præparat dicens: *In spiritu humilitatis, & in animo contrito suscipiamur a te Domine*. Et quia hæc tria prædicta exigunt mentis erectionem ad Deum, ideo omnibus tribus præmittitur, *Dominus vobiscum*, loco cuius quando oratio secreta facienda est, dicitur, *Orate fratres*.

Tertia pars secundæ principalis partis, quæ ad sacramenti perceptionem pertinet, tria continet. Primo præparationem; secundo sacramenti perfectionem, ibi, *Te igitur &c.* Tertio sacramenti susceptionem, ibi, *Oremus. Præceptis salutaribus moniti, & divina institutione formati audemus dicere. Præparatio autem populi, & ministrorum, & sacerdotis ad tantum sacramentum fit per devotam Dei laudem: unde in præfatione, in qua fit dicta præparatio, tria continentur. Primo populi excitatio ad laudem, ubi sacerdos præmisso *Dominus vobiscum*, quod ad totam hanc tertiam partem referendum est, inducit ad mentis erectionem, dicens, *Sursum corda*, & ad gratiarum actionem, dicens, *Gratias agamus Domino Deo nostro*. Secundo Deum implorat ad laudem suscipiendum, offendens laudis debitum, dicens, *Vere dignum*, ratione dominii (unde subdit, *Domine sancte*) *iustum*, ratione paternitatis (unde subdit, *Pater omnipotens*) *equum*, ratione Deitatis (unde subdit, *Æterne Deus*) *salutare*, ratione redemptionis: unde subdit, *Per Christum Dominum nostrum*. Quandoque vero adiungitur aliqua alia laudis materia secundum congruentiam solemnitatis, sicut, *Et te in assumptione Beate Mariæ semper virginis colaudare*: etiam proponens laudis exemplum: *Per quem maiestatem tuam laudant Angeli*. Tertio populus laudes exolvit Divinitatis, assumens Angelorum verba, *Sanctus, sanctus, sanctus Dominus Deus exercituum*: Isa. vi. 3. & humanitatis Christi, assumens verba*

(a) Vulgata: erat tamen docens eos sicut potestatem habens. (b) Al. pro graduale.

verba puerorum (Matth. xxi. 10.) *Benedictus qui venit in nomine Domini.*

Illa autem pars quæ perfectionem sacramenti continet, in tres dividitur secundum tria quæ sunt de integritate huius sacramenti, scilicet aliquid quod est sacramentum tantum, aliquid quod est res, & sacramentum, aliquid quod est res tantum. In prima igitur parte continetur benedictio oblatæ materię, quæ est tantum sacramentum. In secunda, corporis, & sanguinis Christi consecratio, quod est res, & sacramentum, ibi, *Quam oblationem.* In tertia, effectus sacramenti postulatio, quod est res tantum, ibi, *Supra quæ propitio, ac sereno vultu respicere digneris.* Circa primum duo facit sacerdos. Primo petit oblationis benedictionem, quæ dicitur donum a Deo nobis datum, munus Deo a nobis oblatum, sacrificium ad nostram salutem a Deo sanctificatum. Secundo petit offerentibus, sive pro quibus offertur, salutem, ibi, *In primis quæ tibi offerimus &c.* ubi tria facit. Primo commemorat eos pro quorum utilitate offertur hostia tam quantum ad generalem statum Ecclesię, quam quantum ad personas speciales, ibi, *Memento.* Secundo commemorat eos in quorum offertur reverentia, ibi, *Communicantes:* & ponitur Virgo quæ Christum in templo obtulit, Apostoli qui ritum offerendi nobis tradiderunt, & Martyres qui seipso Deo obtulerunt; non autem confessores, quia de eis antiquitus non solebatur Ecclesię vel quia non sunt passi sicut Christus, cuius passionis memoriale est hoc sacramentum. Tertio concluditur expresse quid per oblationem hostiæ impetrandum petatur, ibi, *Hanc igitur oblationem &c.*

Quam oblationem &c. Hęc pars ad consecrationem pertinet, quæ tria continet. Primo imploratur consecrantis virtus. Secundo perficitur consecratio, ibi, *Qui pridie quam pateretur, accepit panem.* Tertio exponitur rei consecratę commemoratio, ibi, *Unde & memores &c.* Verba autem illa quæ ibi dicuntur, *Benedictam, ascriptam, ratam, rationabilem, acceptabilemque,* possunt referri uno modo ad hoc quod est res contenta in hoc sacramento, scilicet Christum, qui est hostia *benedicta* ab omni macula peccati immunis; *ascripta*, idest præfigurata figuris veteris testamenti, & prædestinatione divina præordinata; *rata*, quia non transitoria; *rationabilis*, propter congruitatem ad placandum; *acceptabilis*,

propter efficiam. Alio modo possunt referri ad ipsam hostiam, quæ est sacramentum tantum; quam petit fieri *benedictam*, ut Deus eam consecret, & ut confirmet quantum ad memoriam; *ascriptam*, quantum ad propositum immobile; *rata*, ut ante acceptet; *rationabilem*, quantum ad iudicium rationis; *acceptabilem*, quantum ad beneplacitum voluntatis. Tertio modo possunt referri ad effectum: unde dicit, *Benedictus*, per quam benedicimur; *ascriptam*, per quam in cælis ascribamur; *rata*, per quam in membris Christi censeamur; *rationabilem*, per quam a bestiali sensu eruamur; *acceptabilem*, per quam Deo accepti simus.

Supra quæ propitio, ac sereno vultu respicere digneris. Hic petit sacerdos sacramenti effectum: & primo effectum gratiæ; secundo effectum glorię, ibi, *Memento etiam Domine famulorum, famularumque tuarum.* Circa primum duo facit. Primo petit acceptari sacramentum, quod est gratiæ causa; secundo petit dari gratiæ donum, ibi, *Supplex te rogamus;* cuius expositio infra dist. xxxiii. ponetur. Effectum autem glorię primo petit iam mortuis, ibi, *Memento;* secundo adhuc vivis, ibi, *Nobis quoque peccatoribus.* Completur autem canon Missę mote aliarum orationum in Christo, ibi, *Per Christum Dominum nostrum:* per quem hoc sacramentum originem habet & quantum ad substantiam, unde dicit, *Creat,* propter esse naturę; *sanctificat,* propter esse sacramenti; & quantum ad virtutem, unde dicit, *Vivificat,* propter effectum gratiæ, quæ est vita animę; *benedicit,* propter gratiæ augmentum; & quantum ad operationem, sive usum, unde dicit, *Et præstas nobis.*

Oremus. Præceptis salutaribus moniti, & divina institutione formati audemus dicere. Hic ponitur sacramenti perceptio, (a) ad quam præmittitur præparatio communis, & specialis. Communis triplex. Primo enim ponitur sacramenti petitio in oratione dominica, in qua dicitur: *Panem nostrum quotidianum da nobis hodie.* Secundo percipientium expiatio per orationem sacerdotis, *Libera nos.* Tertio pacis adimpletio, ibi, *Pax Domini.* Hoc enim sacramentum est sanitatis, & pacis: & quia pax Christi exuperat omnem sensum, ideo pacis petitio a sacerdote inchoatur, cum dicit, *Pax Domini,* & a choro completur, cum dicitur, *Agnus Dei:* & sic tria a sacerdote

Bb 2 ince-

(a) *M. additur primo enim ponitur sacramenti perceptio.*

incepta prosequitur, scilicet *Gloria in excelsis*, quod pertinet ad spem; *Credo in unum Deum*, quod pertinet ad fidem; *Pax Domini*, quod pertinet ad caritatem. Petit autem populus misericordiam quantum ad amotionem mali contra miseriam culpæ, & pœnæ, & pacem quantum ad consecutionem omnis boni: unde ter *Agnus Dei* dicitur. Preparatio autem specialis sacerdotis fumentis fit per orationes quas privatim dicit: *Domine Iesu Christe*, & si quæ aliz sunt.

Tertia pars principalis est gratiarum actionis, & continet duo: rememorationem accepti beneficii in cantu antiphonæ post

communione, & gratiarum actionem in oratione, quam sacerdos prosequitur, ut conformiter finis Missæ principio respondeat.

Sciendum autem, quod in officio Missæ, ubi passio repræsentatur, quædam continentur verba græca, sicut, *Kyrie eleison*, idest, Domine misere; quædam hebraica, sicut *Alleluia*, idest laudate Deum, *Sabaoth*, idest exercituum, *Osanna*, salva obsecro, *Amen*, idest vere, vel fiat; quædam latina, quæ patent: quia his tribus linguis scriptus est titulus crucis Christi: Ioan. xix.



DISTINCTIO IX.

De duobus modis manducandi.

ET sicut duæ sunt res illius sacramenti, ita etiam duo modi manducandi. Unus sacramentalis, scilicet quo boni, & mali edunt; alter spiritualis, quo soli boni manducant. Unde Augustinus (super Ioan. tract. xxvi. & habetur de consecr. dist. 11. cap. „ Quid est Christum “) „ Quid est Christum manducare ? „ Non est hoc solum in sacramento corpus eius accipere (multi enim indigne accipiunt) sed in ipso manere, & habere ipsum in se manente. „ Spiritualiter enim manducat qui in unitate Christi, & Ecclesiæ, quam sacramentum significat, manet. Nam qui discordat a Christo, nec carnem Christi manducat, nec sanguinem bibit, etsi tantæ rei sacramentum ad iudicium sui quotidie accipiat. Spiritualem manducationem Augustinus distinguens a sacramentali (super Ioan. tract. xxv. & habetur de consecr. dist. 11. cap. „ Ut quid “) ait : „ Ut quid paras ventrem, & dentem ? Crede, & manducasti. Credere enim in eum, hoc est comedere (1) panem verum. Qui credit in eum, manducat eum. “ Item (tract. xxvi.) „ Quomodo manducandus est Christus ? Quomodo ipse dicit (Ioan. vi. 57.) Qui manducat carnem meam, & bibit sanguinem meum, in me manet, & ego in eo. Si in me manet, & ego in eo, tunc bibit: qui vero in me non manet, nec ego in illo, etsi accipit sacramentum, acquirit magnum tormentum. “ Item : * „ Nulli ambigendum est, tunc quemquam corporis, & sanguinis Domini participem fieri, quando Christi membrum efficitur, nec alienari ab illius panis calicisque consortio, etiam si antequam illum panem edat, & calicem bibat, de hoc sæculo in unitate corporis Christi constitutus abscedat: quia illius sacramenti beneficio non privatur, quando ille habere hoc quod illud sacramentum signat, invenitur. In illo enim sacramento corpus, & sanguinem suum nobis commendavit, quod & fecit nos ipsos. Nam & nos corpus ipsius facti sumus. “ Item ** (tract. xxvi. in Ioan.) „ Qui discordat a Christo, non manducat carnem eius, nec (2) bibit sanguinem, etsi tantæ rei sacramentum ad iudicium sibi quotidie accipit. “

(1) *scilicet* panem, & visum. (2) *scilicet* nec bibit.

De

EX EDIT. P. NICOLAI.

* De sacramentis fidelium. ** In Lib. sententiarum Prosperi sent. cccxlv. 12.

De errore quorundam, qui dicunt, a bonis tantum corpus Christi sumi.

HAEC verba, & alia huiusmodi, ubi de spiritali manducatione agitur, quidam obrefo corde legentes, erroris caligine involuti sunt, adeo ut praesumerint dicere, corpus, & sanguinem Christi a bonis tantum sumi, & non a malis. Sed indubitanter tenendum est, a bonis sumi non modo sacramentaliter, sed & spiritaliter; a malis vero tantum sacramentaliter; id est, sub sacramento, scilicet sub specie visibili carnem Christi de Virgine sumptam, & sanguinem pro nobis fufum sumi, sed non mysticam, quae tantum bonorum est: quod subditis probatur testimoniis. Gregorius (1) (Lib. IV. Dialogor. cap. LVIII.) „Est quidem in peccatoribus, & indigne sumentibus vera Christi caro, & verus sanguis; sed (2) corporali essentia, non salubri efficientia. “ Item Augustinus (super Ioan. tract. XXVI.) „Multi indigne accipiunt corpus Domini, de quibus Apostolus ait (I. Corinth. XI. 29.) Qui manducat panem, & bibit calicem Domini indigne, iudicium sibi manducat & bibit. Per quod docemur quam sit cavendum male accipere bonum. Ecce enim factum est malum, dum male accipitur bonum; sicut & contra Apostolo factum est bonum, cum bene accipitur malum, scilicet dum stimulus satanae patienter portatur. Ergo & mala profunt bonis, sicut angelus satanae Paulo, & sancta obsunt malis; bonis sunt ad salutem, malis ad iudicium. Unde qui manducat, & bibit indigne, iudicium sibi manducat, & bibit: non quia res illa mala est, sed quia malus malus accipit quod bonum est. “ Idem (super Ioan. tract. VII.) „Indigne quis sumens corpus Christi, non efficit ut, quia malus est, malum sit quod accipit; vel quia non ad salutem accipit, nihil accipiat. Corpus enim, & sanguis Domini nihilominus erat in illis quibus ait Apostolus (loc. cit.) „Qui manducat indigne &c. “ His, aliisque pluribus aperte ostenditur quod etiam a malis verum corpus Christi, & sanguis sumitur; sed sacramentaliter, non spiritaliter.

De intelligentia quorundam verborum.

Secundum hos duos modos sumendi intelligentia quorundam verborum ambigue dictorum distinguenda est. Ait enim Augustinus (& habetur in Glossa ordinaria I. Corinth. XI.) „Bonus accipit sacramentum, & rem sacramenti; malus vero sacramentum, & non rem. “ Sacramentum hic dicit corpus Christi proprium de Virgine natum; rem vero spiritualem Christi carnem. Bonus ergo utramque Christi carnem accipit; malus vero tantum sacramentum, (3) id est corpus Christi sub sacramento, & non rem spiritualem. Item (ibid.) „Non manducans manducat, & manducans non manducat: quia non manducans sacramentaliter, a liquando manducat spiritaliter, & e converso. “ (4) Et qui manducant spi-

(1) *Nicula:* Gregorius in I. Reg. Lib. II. cap. 1. „Qui vitiorum cibo satuti ad Eucharistiam susceptionem corpus preparant, saturari non possunt: quia etsi sacramentum ore percipiunt, sacramenti virtute non replentur: salus quippe fractum non percipiant in consecratione huiusmodi. “ Item, qui ea quibus se replerant flagitia, portant in mente. “ Item: „Est quidem &c. & ad marginem. Pro his editiones alia appendicem sequentem velut ex Gregorio Lib. IV. Dialog. cap. LVIII. indicant; Glossa eadem velut ex Ambrosio notat Lib. IV. de sacram. cap. IV. super I. ad Corinth. XI. Sed est Lanfranci Tom. VI. Biblioth. Patrum. (2) *Al. deest* corporali. (3) *Nicula* spiritalis: id est corpus Christi sub sacramento. (4) *Idem.* Et tract. XXVI. in Ioan. „Qui non

manet in Christo, & in quo non manet Christus, proculdubio non manducat eius carnem, nec bibit eius sanguinem, licet carnaliter, & visibiliter premat dentibus sacramentum corporis & sanguinis Christi. Sed magis tanta rei sacramentum ad iudicium sibi manducat, & bibit &c. “ Et Bernardus ad Fratres de monte Dei cap. X. „Rem sacramenti omni loco sumere ad salutem omnibus in promissa est. Nam & sacramentum licet accipit ad vitam dignus, sic ad mortem & iudicium indignus; rem vero sacramenti nemo percipit nisi dignus: sacramentum enim sine re sacramenti sumenti mora est; res vero sacramenti (etiam praeter sacramentum) sumenti vita est, & aeterna utriusque vita. “ Quoties in commemorationem eius qui pro te passus est, pie ac fideliter fueris affectus, eius carnem manducas, & sanguinem bibis: “ (quod est spiritaliter manducare, ac spiritaliter bibere corpus, & sanguinem Christi, et superius praemisit.) Sic ergo qui manducant &c.

E X E D I T. P. N I C O L A I.

* Nullius nomine praenotata: unde vero desumpta sit non occurrat.

ritualiter, veritatem carnis, & sanguinis dicuntur sumere, quia ipsam efficien-
tiam habent, idest remissionem peccatorum, pro qua videtur orari, cum dicitur :
* „ Perficiant in nobis, Domine quæsumus, tua sacramenta quod continent, ut
„ quod nunc specie gerimus, rerum veritate capiamus. “ Rerum veritatem dicit
ipsam efficientiam ; quasi dicat : Per hæc sacramenta præsta ut sicut sacramentaliter
carnem Christi sumimus, ita spiritualiter sumamus. Vel petit sacerdos ut Chri-
stus, qui nunc specie panis, & vini sumitur, manifesta visione, sicut in essentia
Divinitatis est, quandoque capiat. Constat ergo a bonis, & a malis sumi cor-
pus Christi ; sed a bonis ad salutem, a malis ad perniciem.

DIVISIO TEXTUS.

Postquam determinavit Magister de sa-
cramento eucharistiæ secundum se, hic
determinat de usu ipsius : & dividitur in
partes tres. In prima distinguit duos mo-
dos manducandi corpus Christi. In secunda
excludit ex determinatis quendam errorem,
ibi, *Hæc verba, & alia huiusmodi*
quidam obitio corde legentes, erroris caligine
involuti sunt. In tertia manifestat quendam
dubia ex prædeterminatis, ibi, Secundum hos
duos modos sumendi intelligentia quorundam
verborum ambigue dictorum distinguenda est.
Secunda dividitur in duas. In prima ponit
errorem ; in secunda excludit ipsum, ibi,
Sed indubitanter tenendum est, a bonis sumi
non modo sacramentaliter, sed & spirituali-
ter.

QUAESTIO I.

HIC quæruntur quinque.
Primo. De manducatione corporis
Christi.

Secundo. Qui possint manducare.

Tertio. Utrum peccatoribus liceat corpus
Christi manducare.

Quarto. Utrum corporaliter pollutis.

Quinto. Utrum cuilibet sit dandum ad
manducandum.

ARTICULUS I.

Utrum corpus Christi debeat sumi per modum
manducationis.

III. P. quæst. lxxiii. art. 3. & quæst.
lxx. art. 1.

1. **A**D primum sic proceditur. Videtur
quod corpus Christi non debeat su-

mi per modum manducationis. Quia quod
manducatur, per os intrat. Omne autem
quod per os intrat, in ventrem vadit, &
per secessum emittitur, ut dicitur Matth.
xv. quod dignitati corporis Christi non com-
petit. Ergo non debet per modum manu-
cationis sumi.

2. Præterea. Quod manducatur, ad man-
ducantem trahitur. Sed, sicut dicit Diony-
sius iv. cap. de div. Nom. nos non trahi-
mus Deum ad nos, sed magis nos in Deum.
Ergo non debemus nos Deo coniungi per
modum manducationis.

3. Præterea. Hoc sacramentum ordinatur
ad refectionem mentis. Sed refectione mentis,
quæ erit in patria, erit per visionem. Er-
go corpus Christi deberet dari videndum,
non manducandum.

Sed contra est quod dicitur Ioan. vi. 56.
Caro mea vere est cibus. Sed usus cibi non
est ut videatur, sed ut manducetur. Ergo
non debet videri tantum corpus Christi,
sed manducari.

Præterea. Oportet membra capitirealiter
coniungi, ad hoc quod vivificentur. Sed per
visum non coniungitur nobis aliquid reali-
ter, sed secundum similitudinem tantum.
Ergo non per visum, sed per manducatio-
nem corpus Christi sumi debet.

QUAESTIUNCULA II.

1. Ulterius. Videtur quod manducatio
corporis Christi sit de necessitate salutis.
Sicut enim dicitur de baptismo Ioan. i. 11.

5. *Nisi quis renatus fuerit ex aqua, & Spi-*
ritu sancto, non potest intrare in regnum coe-
lorum : ita dictum est Ioan. vi. 54. *Nisi*
manducaveritis carnem Filii hominis, & bibe-
ritis eius sanguinem, non habebitis vitam in
vobis. Sed propter verba prædicta dicitur
baptismus sacramentum necessitatis. Ergo
ea-

EX EDIT. P. NICOLAI.

* Nimirum in collecta post communionem sabbati quatuor temporum Septembris, ut refertur etiam
in decretis dist. 11. cap. *Speius* : & apud Gregorium in sacramentario ad eisdem sabbati complendam
ut appellat : quin & apud Lanfrancum ut supra.

eadem ratione manducatio corporis Christi est de necessitate salutis.

2. Præterea. Innocentius III. dicit (Lib. de mysteriis Missæ) quod manducandus est agnus, ut a vallante Angelo protegamur. Sed protegi a vallante Angelo est de necessitate salutis. Ergo & prædicta manducatio.

3. Præterea. Per istam manducationem Christo incorporamur. Sed hoc est de necessitate salutis, sicut & a peccato mundari. Ergo prædicta manducatio est de necessitate salutis, sicut & poenitentia, & baptisumus, quibus a peccatis mundamur.

Sed contra. Pueri baptizati salutem consequuntur, cum gratia in baptismo detur. Sed eis non datur corpus Christi manducandum. Ergo manducatio prædicta non est de necessitate salutis.

Præterea. Baptismi ministerium propter hoc quod est de necessitate salutis, omnibus est concessum in casu necessitatis. Sed hoc sacramentum per solos sacerdotes perfici potest. Ergo non est sacramentum necessitatis.

QUAESTIUNCULA III.

1. Ulterius. Videtur quod male distinguantur duo modi manducationis in littera. Corpus enim Christi est cibus spiritualis. Sed cibi corporalis manducatio semper est corporalis. Ergo & huius cibi manducatio semper est spiritualis; & ita non sunt duo modi manducationis.

2. Præterea. In aliis sacramentis non attenditur aliqua distinctio, nisi ex parte recipientis tantum, sicut quod quidam accedunt fidei, quidam non. Sed hæc distinctio videtur esse ex parte ipsius sacramenti. Ergo inconvenienter ponitur.

3. Præterea. Ubi unus propter alterum, ibi unum tantum. Sed manducatio sacramentalis est propter spirituales. Ergo una non debet contra aliam distinguere.

4. Sed contra. Videtur quod sint plures modi. Quia usus huius sacramenti dicitur manducatio. Sed in hoc sacramento sunt tria, scilicet id quod est sacramentum tantum, id quod est res, & sacramentum, & id quod est res tantum. Ergo debent esse tres modi manducationis.

5. Præterea. In baptismo etiam fit trimembris divisio suscipientium: quidam enim suscipiunt rem, & sacramentum; quidam sacramentum, & non rem; quidam rem, & non sacramentum. Sed susceptio huius sacramenti dicitur manducatio. Ergo

hic etiam deberet distinguere triplex modus manducandi.

SOLUTIO I.

Respondeo dicendum ad primam questionem, quod, sicut dictum est, ad perfectionem sacramentorum novæ legis exigitur quod sit sacramentum aliquod, in quo Christus nobis realiter coniungatur, & uniat non solum per participationem virtutis eius, sicut est in aliis sacramentis: & quia sacramentum est sensibile signum, ideo oportet quod alicui sensui usus sacramenti approprietur. In sensibilibus autem est triplex differentia. Quædam enim sentientibus neque coniunguntur, neque uniantur, sicut ea quæ sentiuntur per medium extrinsecum, ut in visu præcipue accidit, & auditu, & olfactu, sed solum similitudines sensibilibus ad sensum referuntur. Quædam autem sensibilia coniunguntur quidem, sed non uniantur realiter, sed secundum assimilationem qualitatis tantum, sicut accidit in tactu: quia qualitates tangibilibus immutant tactum; nec tamen ex tangente, & tacto fit unum nisi secundum quid. Quædam autem & coniunguntur, & uniantur, sicut accidit in cibis, & potibus. Et ideo sumptio huius sacramenti congrue per modum manducationis fit. Alia vero sacramenta novæ legis, quibus per virtutem eis inditam Christus assimilatur, sunt in tangendo tantum, ut baptisumus. Figuræ autem veteris testamenti, quæ solam similitudinem Christi venturi habebant, significabant per modum visionis. Competit etiam manducatio passioni Christi in hoc sacramento representatæ, per quam corpus Christi vulneratum fuit: convertit etiam effectui, qui est robur animæ.

Ad primum ergo dicendum, quod ratio illa procedit de cibo qui ordinatur ad refectionem corporis, quem oportet digerere, & sic impuro separato in membra converti; sed cibus iste ordinatur ad refectionem mentis: & propter hoc ratio non sequitur.

Ad secundum dicendum, quod de ratione manducationis est quod aliquid per os introiturum sumatur; sed *esse in* aliter in spiritualibus, & aliter in corporalibus sumitur: quia in corporalibus quod est *in*, continetur sicut locatum in loco; in spiritualibus autem quod est *in*, continetur sicut anima corpus. Et ideo convenienter cibus corporis trahitur ad corpus, ut contentum ad continens; cibus autem mentis trahit ad se mentem, ut continens contentum. propter

per quod Augustinus (Lib. VII. Confess. cap. x.) dicit sibi dictum: *Nontu me mutabis in te, sicut cibum carnis tuae; sed tu mutaberis in me.*

Ad tertium dicendum, quod res visa beatificans per essentiam suam videnti coniungitur in patria; quod quidem non accidit in visione corporali. Et quia oportebat hanc coniunctionem significari per aliquid sensibile signum, oportuit illud sensibile ad hoc assumi quod realiter coniungatur, & uniatur. In patria autem signis sacramentalibus opus non erit: nihilominus propter similitudinem ad ea quae nunc geruntur, frequenter illa beata visio oobis per figuram manducationis in Scriptura exprimitur.

SOLUTIO II.

Ad secundam quaestionem dicendum, quod gratia est sufficiens causa gloriæ: unde omne illud sine quo potest haberi gratia, non est de necessitate salutis. Hoc autem sacramentum gratiam presupponit, quia presupponit baptismum, in quo gratia datur; nec debet peccato præveniri, quod gratiam privet: & ideo quantum est de se, non est de necessitate salutis. Sed de ordinatione Ecclesiae homines obligantur secundum Ecclesiae statum, corpus Christi semel in anno sumere.

Ad primum ergo dicendum, quod Dominus loquitur de manducatione spirituali, sine qua non potest esse salus.

Ad secundum dicendum, quod Innocentius loquitur quantum (a) ad instructionem Ecclesiae, vel etiam quantum ad manducationem spirituales.

Ad tertium dicendum, quod incorporatio spiritualis ad Christum potest esse sine manducatione sacramentali: & ideo non oportet quod sit sacramenti susceptio de necessitate salutis.

SOLUTIO III.

Ad tertiam quaestionem dicendum, quod divisio formalis alicuius sumitur penes id quod competit ei per se, & non per accidens. Usus autem alicuius rei per se, & non per accidens, est quando utitur quis re aliqua ad hoc ad quod instituta est. Unde cum manducatio dicat usum huius sacramenti, quod quidem ad hoc institutum est ut quis re sacramenti potiatur, distinguatur manducatio secundum duas res huius sacramenti, ut manducatio sacramenta-

lis respondeat ei quod est res, & sacramentum; manducatio vero spiritualis ei quod est res tantum.

Ad primum ergo dicendum, quod manducatio cibi corporalis non presupponit aliam manducationem, quæ sit eius causa, sicut manducatio spiritualis presupponit sacramentalem quasi causam. Unde in his qui sacramentaliter manducant, potest ex defectu manducantium impediri effectus sacramenti, qui est spiritualis manducatio: & ideo possunt hæc manducationes ab invicem separari, & propter hoc oportet eas distinguere.

Ad secundum dicendum, quod perfectio aliorum sacramentorum in ipso usu consistit, & ideo eorum distinctio non potest nisi ex parte recipientium sumi; sed perfectio huius sacramenti in ipsa materie consecratione consistit, & ideo potest esse hic distinctio ex parte ipsius sacramenti.

Ad tertium dicendum, quod verbum illud intelligitur in his quæ hoc modo ad se invicem ordinantur quod ab invicem separari non possunt; sicut quando talis effectus nunquam potest esse sine tali causa, nec e converso: & tunc etiam non excluditur diversitas rerum intercausam & causatum, sed ponitur necessitas ordinis.

Ad quartum dicendum, quod id quod est hic res, & sacramentum, nunquam separatur ab eo quod est sacramentum tantum: & si separaretur usus eius, quod est sacramentum tantum, esset accidentaliter usus: & ideo penes hoc non debet sumi aliquis modus manducationis specialis.

Ad quintum dicendum, quod hic etiam potest fieri talis distinctio. In quibusdam enim coniunguntur due manducationes, & hi suscipiunt rem, & sacramentum; & in quibusdam separantur, & hi suscipiunt vel rem tantum, vel sacramentum tantum. Sed quia hæc divisio magis se tenet ex parte suscipientium quam ex parte sacramenti, ideo non est propria huic sacramento, sicut baptismo.

ARTICULUS II.

Utrum peccator manducet corpus Christi sacramentaliter.

III. P. quaest. lxxx. art. 3.

AD secundum sic proceditur. Videtur quod peccator non manducet corpus

(a) *Erre ad institutionem.*

QUAESTIUNCULA III.

pus Christi sacramentaliter. Quia, ut dicitur Sap. 1. 4. *in multarum animam non introibit sapientia, nec habitabit in corpore subdito peccatis*. Sed Christus, qui est res contenta in hoc sacramento, est Dei sapientia, ut habetur I. Corinth. 1. Ergo a peccatore fumi non potest.

2. Præterea. Cibus iste non vadit in ventrem, sed in mentem. Non autem vadit in mentem peccatoris. Ergo nullo modo corpus Christi sumit.

3. Præterea. Nihil indecens debet fieri a sapiente. Sed hoc est valde indecens quod corpus tam pretiosum in immundo corpore ponatur. Ergo cum corpus peccatoris sit immundum, non recipiet verum corpus Christi.

Sed contra. Maius videtur consecrare corpus Christi quam fumere. Sed peccator potest consecrare. Ergo & fumere.

Præterea. Christi corpus non est magis nobile sub sacramento quam in specie propria. Sed in specie propria permisit se a peccatoribus tractari. Ergo & sub specie sacramenti a peccatoribus manducari potest.

QUAESTIUNCULA II.

1. Ulterius. Videtur quod infideles sacramentaliter comedant. Quia, sicut dicit Hugo de S. Victore (Lib. II. de sacram. part. VIII. cap. XIII.) quamdiu sensus corporalis afficitur, præsentia carnis non tollitur. Sed sensus corporalis infidelis afficitur. Ergo præsentiam corporalem carnis Christi non amittit.

2. Præterea. Infidelis potest recipere characterem, qui est res, & sacramentum in baptismo. Sed fides operatur in baptismo, sicut in eucharistia. Ergo & corpus Christi sacramentaliter potest manducare.

3. Præterea. Plus est conficere corpus Christi quam fumere. Sed hæreticus habens ordinem potest conficere, ut infra dicitur. Ergo & potest sacramentaliter manducare.

Sed contra. In forma huius sacramenti ponitur, *Mysterium fidei*. Ergo hi qui fide carent, sacramentaliter manducare non possunt.

Præterea. De ratione sacramenti est quod significet, & efficiat. Sed in eo qui non habet fidem, non efficit aliquid, nec aliquid ei signat. Ergo sacramentaliter non manducat.

S. Tb. Oper. Tom. XII.

(a) *M.* quem solus culpam. (b) *M.* corporis.

1. Ulterius. Videtur quod creatura irrationalis non sumat aliquem corpus Christi. Primo per hoc quod Magister infra dicit, quod hoc quod a brutis sumitur, non est corpus Christi.

2. Præterea. Hoc sacramentum est maioris perfectionis quam baptismus. Sed quantumcumque animal brutum aqua ablatur, non dicitur baptismi sacramentum percipere aliquo modo. Ergo neque sacramentum corporis Christi poterit aliquo modo percipere.

3. Præterea. Constat quod non percipit spiritualiter, quia non credit; neque sacramentaliter, quia sacramenta creaturæ rationali sunt tradita. Si ergo aliquo modo sumat, erit tertius modus manducandi præter duos in littera assignatos.

Sed contra. Deus magis abominatur peccatorem quam creaturam rationalem, in qua non est nisi quod Deus in ea fecit, (a) qui solam culpam non fecit. Sed, sicut in littera determinatur, corpus Christi verum a peccatoribus sumitur. Ergo & a brutis.

Præterea. Si corpus Christi per negligentiam, vel quocumque modo in aliquem locum immundum proliciat, non dicitur quod destinatus esse sub speciebus (b) corpus Christi. Ergo non oportet dici, quod sub speciebus a brutis comestis destinatus esse corpus Christi. Sed species possunt a brutis manducari. Ergo & corpus Christi.

QUAESTIUNCULA IV.

1. Ulterius. Videtur quod qui non manducat sacramentaliter, non manducat spiritualiter. Sacramentalis (c) enim manducatio est propter spirituale. Si ergo spiritualis sine corporali haberi possit, frustra aliquis sacramentali uteretur.

2. Præterea. Spiritualis manducatio est per fidem, & caritatem, per quæ aliquis Christo incorporatur. Sed antiqui partes fidei, & caritatem habuerunt. Ergo si spiritualis manducatio esse posset sine sacramentali, ipsi spiritualiter manducassent; quod non potest esse, quia usus sacramenti non potest esse ante eius institutionem.

Sed contra. Aliquis potest percipere rem baptismi sine sacramento, ut supra dist. IV. dictum est. Sed baptismi sacramentum est maioris necessitatis quam hoc. Ergo potest

Cc

etiam

(c) *M.* autem.

etiam spiritualiter manducare quis sine sacramenti manducatione.

QUAESTIUNCULA V.

1. Uterius. Viderur quod etiam Angelus corpus Christi possit manducare spiritualiter: quia super illud Psal. lxxrr. *Panem Angelorum manducavit homo*, dicit Glossa: " idest corpus Christi, qui est vere cibus Angelorum. "

2. Præterea. Quicumque potest manducare sacramentaliter, potest etiam manducare spiritualiter. Sed Angelus in carne assumpta potest manducare sacramentaliter. Ergo etiam sine corpore assumpto potest manducare spiritualiter.

Sed contra. Manducare est usus sacramenti. Sed sacramenta non sunt data Angelis ad usum, sed hominibus. Ergo Angeli non possunt spiritualiter manducare.

SOLUTIO I.

Respondeo dicendum ad primam questionem, quod quidam dixerunt corpus Christi secundum rei veritatem a peccatoribus non sumi: quia (a) quam cito labiis peccatoris tangebatur, desinebat sub speciebus esse corpus Christi: intantum dignitati sacramenti deferentes quod derogabant veritati. Si enim vere corpus Christi sub speciebus erat per conversionem panis, & vini in substantiam corporis Christi, speciebus remanentibus, non poterit esse quod destinat ibi esse corpus Christi, nisi per aliquam contrariam mutationem eius quod prius convertebatur in corpus Christi. Et quia de illo non manent nisi species solæ, quæ ad utramque substantiam communiter se habent, sicut subiectum in naturalibus mutationibus duabus formis; ideo quamdiu species non mutantur, nullo modo definit ibi esse corpus Christi; sicut nec in mutationibus formalibus forma introducta definit esse in subiecto, donec subiectum ad formam aliam transmutetur. Speciebus autem in aliquid transmutari non competit, nisi secundum quod habent aliquam proprietatem substantiæ in hoc quod sunt sine subiecto: unde nihil potest eas transmutare ad aliam substantiam, nisi quod transmutaret substantiam panis, & vini, si ibi esset; quod solus tactus labiorum, vel divisio quæ est per dentes, vel traiectio in ventrem non faceret, sed sola digestio, quæ est a calo-

re naturali convertente cibum. Unde patet quod veritati sacramenti derogat qui dicit, quod ad solum tactum labiorum definit esse corpus Christi a peccatore sumptum. Et ideo hac opinione tamquam hæretica de medio sublata, eius contrarium ab omnibus tenetur.

Ad primum ergo dicendum, quod auctoritas illa loquitur de spirituali inhabitatione, & non de sacramentali, vel corporali: quia Christus etiam peccatoribus corpus suum tractandum exhibuit.

Ad secundum dicendum, quod cum dicitur, Cibus iste non transit in ventrem, sed in mentem, hæc præpositio *in* non denotat terminum motus localis, sed finem summptionis: vadit enim quasi localiter quicumque species vadunt; sed non sumitur propter ventris repletionem, sicut corporales cibi, sed propter mentis refecionem, in qua eius effectus recipitur, non in ipsa materia corporis, quia mentem inhabitare per essentiam sola Divinitas potest.

Ad tertium dicendum, quod ex hoc quod corpus Christi sumitur a peccatoribus, nullo modo corpus Christi aliquam immunditiam contrahit: quia labia peccatoris non tangunt nisi species, sub quibus secundum veritatem est corpus Christi: & præterea in hoc dat exemplum mansuetudinis, & humilitatis.

SOLUTIO II.

Ad secundam questionem dicendum, quod manducatio est actus transiens a manducante in manducatum. Unde sacramentaliter manducare potest intelligi dupliciter. Uno modo ut adverbium determinet manducationem ex parte manducantis; & sic quicumque sumit species, sacramentaliter manducat; idest, sumit hoc quod est sacramentum in eucharistia, idest verum corpus Christi. Alio modo ut determinet manducationem ex parte manducantis; & sic solus ille sacramentaliter manducat qui utitur illo cibo visibili ut sacramento. Infidelis autem circa id quod est significatum in hoc sacramento, errans, non utitur speciebus illis ut sacramento, sive non credit in Christum secundum quod sub hoc sacramente continetur: unde talis non sacramentaliter manducat. Et quia actio est magis propinqua agenti quam patienti, ideo sensus secundus est magis proprius: & ideo

(a) vel, desit quam.

* Sumpta ex Augustino super eundem locum, ubi paulo aliter.

secundum hunc sensum dicendum, quod infidelis non credens rem huius sacramenti, non manducat sacramentaliter.

Ad primum ergo dicendum, quod illa obiecta procedit secundum primum sensum.

Ad secundum dicendum, quod percipiens baptismum se habet tantum ut patiens. Unde ad hoc quod aliquis recipiat sacramentaliter baptismum, non exigitur nisi quod subiciat se actioni Ecclesie, ut scilicet intendat recipere quicquid illa facit, quamvis quandoque credat illa nihil facere; sed percipiens eucharistiam non solum se habet ut recipiens, seu patiens, sed etiam ut agens, inquantum manducat: ideo ad hoc ut sacramentaliter manducet, oportet quod ipsemet utatur sacramento ut sacramento.

Ad tertium dicendum, quod consecrare eucharistiam non est uti sacramento, sed quodammodo efficere ipsum: sed manducare est uti sacramento: actio autem utens recipit modum ab eo quo quis utitur, sed actio efficientis non recipit modum ab eo quo quis efficit, sed a virtute activa: unde aliquis dicitur consecrare sacramento, & non consecrare sacramentaliter; dicitur autem manducare & sacramentum, & sacramentaliter. Et ideo non est mirum, si aliquid requiritur ad hoc quod aliquis manducet sacramentaliter quod non requiritur ad hoc quod efficiat sacramentum.

SOLUTIO III.

Ad tertiam questionem dicendum, quod circa hoc est duplex opinio. Quidam enim dicunt, quod corpus Christi non manducatur a brutis, ita quod in ventrem traiciatur, eo quod corpus Christi non est sub speciebus illis, nisi prout est ordinabile ad usum humanum. Ex quo autem in ventrem muris descendunt species, non possunt ordinari ad usum humanum; & ideo desinit esse corpus Christi. Sed hæc ratio non valet propter duo. Primo quia supponit falsum. Cum enim non statim species in ventrem traiecit esse desinant, vel in aliud convertantur, possunt adhuc de ventre animalis extrahi, & in usum venire. Secundo quia quamvis aliquid ordinetur ad usum aliquem, non tamen oportet quod esse desinat, quando quis eo uti non potest. Et ideo secundum alios dicendum, quod verum corpus Christi manet adhuc sub speciebus a brutis ore acceptis, & in ventrem traiecit.

Ad primum ergo dicendum, quod nulla ordinatio bruti est ad corpus Christi, secundum quam possit Christo incorporari: & ideo non sumunt corpus Christi, nisi per accidens, inquantum sumunt illud sub quo est corpus Christi: & sic Magister intellexit quod non sumitur corpus Christi a brutis: vel loquitur secundum aliam opinionem.

Ad secundum dicendum, quod illud quod est sacramentum in baptismo, est aliquis effectus indusus in recipiente, cuius creatura irrationalis capax esse non potest; & ideo sacramentum baptismi creatura irrationalis neque per se, neque per accidens recipit: sed sacramentum eucharistie consistit in ipsa materie consecratione; & ideo potest creatura irrationalis ipsum accipere non per se, sed per accidens.

Ad tertium dicendum, quod creatura irrationalis nullo modo spiritualiter manducat, neque sacramentaliter: quia neque utitur manducato ut sacramento, neque manducat sacramentum secundum rationem sacramenti; sicut dicitur sacramentaliter manducare infidelis qui intendit recipere hoc quod recipit Ecclesia, quamvis hoc credat nihil esse. Et similiter etiam ille qui manducaret hostiam consecratam, nesciens eam consecratam esse, non manducaret sacramentaliter aliquo modo, quia non manducaret sacramentum nisi per accidens: nisi quod plus accederet ad sacramentalem manducationem, inquantum est aptus natus sacramentum ut sacramentum manducare, quod bruto non competit. Nec tamen oportet quod sit alius modus manducationis tertius a duobus prædictis: quia hoc quod est per accidens, in divisionem non cadit.

SOLUTIO IV.

Ad quartam questionem dicendum, quod Christus est spiritualis electorum cibus, non quidem in alios conversus, sed ad se convertens eos quos reficit: unde spiritualiter Christum manducare est Christo incorporari, quod per fidem, & caritatem contingit. Et quia Christus in seipso est spiritualis cibus, ideo in sacramentali cibo significatur, & continetur. Prius ergo naturaliter est Christum esse cibum spirituales quam esse cibum spirituales sub sacramento contentum: quia prius est aliquid naturaliter proprietatem aliquam habens, quam similitudinem proprietatis illius significatio aliqua adhibeat. Unde non qui-

cumque manducat Christum spiritualiter, manducat hoc sacramentum spiritualiter; utroque tamen modo convenit spiritualiter manducare non manducantem sacramentaliter. Manducat enim spiritualiter Christum qui fidem, & caritatem ad ipsum habet sine ordine ad hoc sacramentum; non tamen manducat talis spiritualiter hoc sacramentum, sed solum ille qui habet fidem, & caritatem ad Christum cum devotione, & proposito sumendi hoc sacramentum, etiam si sacramentaliter non manducat.

Ad primum ergo dicendum, quod sicut baptizatus baptismo fluminis emundationem consecutus est propter propositum baptisimi sacramentalis, & accipiens sacramentum ampliorem gratiam consequitur; ita etiam qui spiritualiter manducavit, in proposito, & devotione habuit manducationem sacramentalem, ad quam accedens ex ipsa vi sacramenti maiorem gratiam consequitur: unde non sequitur quod sacramentalis manducatio superfluat.

Ad secundum dicendum, quod antiqui patres non manducaverunt spiritualiter hoc sacramentum, quia nondum erat institutum, nec consecratio praecesserat; manducaverunt tamen spiritualiter Christum: & secundum hoc dicitur I. Corinth. x. quod omnes eandem escam manducaverunt spirituales.

SOLUTIO V.

Ad quintam quaestionem dicendum, quod manducare hoc sacramentum spiritualiter non competit Angelis: quia eis Christus sub sacramento non proponitur, sed in nuda veritate. Christum tamen quodammodo spiritualiter manducant, & quodammodo non. Cum enim spiritualiter manducare sit Christo incorporari, secundum hoc aliquis Christum manducare potest secundum quod eius membrum effici potest, & Christus esse caput eius. Est autem Christus caput Angelorum quodammodo, quia secundum rationem influentiae, & secundum conformitatem naturae in genere; & quodammodo non, quia non secundum conformitatem in specie, ut in III. Lib. dist. xlii. (quaest. 1. art. 2. quaestione. 1. in corp.) dictum est: & ideo uno modo spiritualiter manducant Christum, & alio modo non.

Ad primum ergo dicendum, quod Christus dicitur esca Angelorum secundum divinitatem, inquantum Angelos reficit, & secundum humanitatem, secundum quod in

ipsum desiderant Angeli prospicere. I. Petr. 1. non tamen secundum conformitatem naturae in specie.

Ad secundum dicendum, quod si Angelus assumpto corpore species masticaret; non tamen manducaret sacramentaliter: quia non manducaret sacramentum secundum rationem sacramenti, cum non habeat fidem, sed manifestam visionem: neque habet conformitatem naturae, & ideo non manducaret sacramentum nisi per accidens.

ARTICULUS III.

Utrum peccet quis cum conscientia peccati mortalis corpus Christi manducans.

III. P. quaest. lxxx. art. 4. & 5.

1. **A**D tertium sic proceditur. Videtur quod non peccet quiscum conscientia peccati mortalis corpus Christi manducans. Quia secundum Augustinum (Lib. II. de lib. arb. cap. xix.) maximis bonis nullus male utitur. Sed corpus Christi de maximis bonis est. Ergo nullus potest ipso utendo peccare.

2. Praeterea. Infirmi non minus egent medicina quam medico. Sed Christus in propria specie veniens ut medicus, non refugit peccatorum consortium: quia, sicut ipse dicit Luc. v. 31. non egent qui sani sunt medico, sed qui male habent. Ergo cum Christus sub sacramento proponatur ut medicina, non debet peccatoribus subtrahi.

3. Praeterea. Nullus peccat faciendo id quod tenetur. Sed iste peccator tenetur ex praecepto Ecclesiae semel in anno corpus Christi sumere. Ergo quamvis sit in proposito peccandi, non peccat corpus Christi sumendo.

Sed contra. I. Corinth. xi. 29. *Qui manducat indigne, iudicium sibi manducat*. Sed qui conscientia peccati mortalis manducat, indigne manducat. Ergo &c.

Praeterea. Deus magis horret sordes spirituales, quae sunt peccata, quam sordes corporales. Sed peccaret qui corpus Christi in lutum proiceret. Ergo peccat qui Christi in corpus suum peccato infectum intromittit.

QUAESTIUNCULA H.

1. Ulterius. Videtur quod etiam ille qui non habet conscientiam peccati mortalis, in peccato mortali existens, peccet corpus Christi sumendo. Peccatum enim facit hominem indigne accedere ad corpus Christi. Sed

Sed ignorantia peccati, cui homo subiacet, non tollit peccatum, immo gravissime peccat qui ignorat secundum Ambrosium*. Ergo cum indigne accedens peccet mortaliter, videtur quod habens peccatum, cuius non est conficius, accedens peccet.

2. Præterea. In meliori statu est iustus habens conscientiam peccati mortalis, cui non subiacet, quam peccator subiacens peccato, cuius non est conficius: quia hoc videtur esse presumptionis, primum autem humilitatis: quia secundum Gregorium** bonarum mentium est ibi culpam agnoscere ubi culpa non est. Sed iustus carens peccato peccat, sicut conscientia peccati mortalis accedat. Ergo multo fortius peccator, qui peccati sui sibi non est conficius.

3. Præterea. Ubicumque requiritur examinatio, ibi est necessaria rei veritas, & non opinio tantum. Sed ad hoc quod aliquis digne accedat ad corpus Christi, requiritur diligens examinatio sui ipsius, ut patet I. Corinth. xi. 28. *Probet seipsum homo, & sic de pane illo edat*. Ergo necessarium est quod sit puritas a peccato secundum veritatem, & non solum secundum estimationem.

Sed contra. Eccle. ix. 1. dicitur: (a) *Nemo scit utrum odio, vel amore dignus sit*. Si ergo habens peccatum, cuius non est conficius, peccat corpus Christi sumendo, quicumque sumit, exponeret se periculo peccati mortalis; & ita nullus sumere deberet.

Præterea. Ignorantia facti excusat. Sed ignorantia peccati est huiusmodi. Ergo excusat.

QUAESTIUNCULA III.

1. Ulterius. Videtur quod manducans indigne corpus Christi, magis peccet quam quodcumque aliud peccatum committens. Super illud Marc. xiv. *Vae homini illi* &c. dicit Glossa: *** *Vae homini illi qui ad mensam Domini accedit indigne: iste enim in exemplum Iudæ Filium hominis, tradit: & in I. Corinth. xi. dicitur, quod est reus sanguinis Domini*. Sed Iudas, & illi qui sanguinem Domini suderunt, gravissime peccaverunt. Ergo & hoc peccatum est ceteris gravius.

(a) Vulgata: *Nescis homo*.

Ex Edit. P. Nicolai

* In Ambrosio non occurrit, sed post præmissam Ambrosii, & Augustini auctoritatem indicatur Glossa. ** Lib. XII. Epistolarum in ditione viii. epist. xxi. *** Ex Beda, cuius aomen præferebat mutua.

2. Præterea. Plus peccaret qui corpus Christi in lutum proiceret quam qui aliud quod aliud peccatum committeret, puta fornicationem, vel aliud huiusmodi. Sed Deus plus horret fordes peccati quam fordes luti. Ergo peccator sumens corpus Christi gravius peccat quam quodlibet aliud peccatum committens.

3. Sed contra. Quod est per se malum, est maius malum quam quod est per accidens malum. Sed alia peccata sunt per se mala, ut fornicatio; sed manducare corpus Christi est per se bonum, & per accidens malum. Ergo est minus malum.

QUAESTIUNCULA IV.

1. Ulterius. Videtur quod minus peccat hæreticus manducans corpus Christi quam fidelis peccator. Quia peius est contemnere Christum quam contemnere sacramentum Christi. Sed fidelis peccator manducans contemnit Christum, quem sub sacramento vere esse credit; infidelis autem contemnit sacramentum in hoc quod sub eo Christum esse non credit. Ergo infidelis minus peccat.

2. Præterea. Quanto aliquod peccatum est magis dissonum a ratione, tanto est gravius. Sed peccatum fidelis indigne sumentis est contra rationem naturalem manifeste, non autem illius qui non credit sub hoc sacramento Christum secundum veritatem esse: quia hoc supra rationem est, & supra sensum. Ergo infidelis minus peccat.

3. Sed contra. Quanto aliquis magis elongatur a Christo realiter, tanto magis debet elongari sacramentaliter. Sed infidelis magis elongatur realiter: quia prima unio ad Christum est per fidem, qua ille carer. Ergo magis peccat accedendo ad Christum sacramentaliter.

QUAESTIUNCULA V.

1. Ulterius. Videtur quod subiacens peccato carnis, magis peccat accedens ad hoc sacramentum quam subiacens peccato spirituali. Quia peccatum manducantium corpus Christi in peccato carnis existit comparatur peccato Iudæ: unde

de

de Hieronymus * (ad Oceanum) *Quid tibi cum feminis, qui ad altare cum Deo fabulatis? ... (a) Dic sacerdos, dic clericus, qualiter eisdem labiis Filium Dei oscularis, quibus osculatus es filium meretricis? O Iuda osculo Filium hominis tradis. Sed peccatum Iudæ fuit gravissimum. Ergo talis gravius peccat.*

2. Præterea. In peccato carnis est immunditia mentis, & corporis. Ergo magis facit contumeliam sacramento qui cum peccato carnis corpus Christi manducat, quam qui manducat cum peccato spirituali, ubi est immunditia mentis tantum.

Sed contra. Gregorius dicit (Lib. XXXI. Moral. cap. xvi. in cap. xxxix. lob.) quod peccata spiritualia sunt maioris culpe: cuius ratio est, quia peccata carnis magis ex infirmitate accident. Sed ex hoc est aliquis indignus corporis, & sanguinis Domini quod culpe subiacer. Ergo minus peccat accedens cum peccato carnis quam cum peccato spirituali.

QUAESTIUNCULA VI.

1. Ulterius. Videtur quod peccator peccat videndo corpus Christi. Quia corpus Christi est dignius quam arca testamenti. Sed Bethsaminæ videntes arcam Domini, quia peccatores erant, percussi sunt, ut dicitur I. Reg. vi. Ergo multo fortius peccator videns corpus Christi peccat.

2. Præterea. Publicanus laudatur Luc. xviii. de hoc quod oculos non levabat ad cælum. Sed corpus Christi est dignius cælo. Ergo debent peccatores ab aspectu corporis Christi abstinere.

Sed contra est consuetudo Ecclesiæ, secundum quam elevatur corpus Christi ab omnibus aspiciendum sine aliqua discretione videntium. Ergo non peccat peccator videns.

SOLUTIO I.

Respondeo dicendum ad primam questionem, quod quilibet cum conscientia peccati mortalis manducans corpus Christi, peccat mortaliter, quia abutitur sacramento: & quanto sacramentum est dignius, tanto abusus est periculosior. Ratio autem huius ex tribus potest sumi. Primo ex eo

quod est sacramentum tantum, ex quo apparet, quod hoc sacramentum in modum cibi proponitur; cibis autem non competit, nisi viventi: unde si carens vita spiritali per peccatum mortale accipiat hoc sacramentum, abutitur ipso. Secundo ex eo quod est ibi res, & sacramentum, quod est ipse Christus, qui est sanctus sanctorum, unde receptaculum eius debet esse sanctum: & ideo si aliquis cum contrario sanctitatis corpus Christi sumat, sacramento abutitur. Tertio ex eo quod est res tantum, quod est corpus Christi mysticum: quia ex hoc ipso quod aliquis ad hoc sacramentum accedit, significat se ad unitatem corporis mystici tendere: unde si peccatum in conscientia teneat, per quod a corpore mystico separatur, fictionis culpam incurrit, & ita abutitur sacramento.

Ad primum ergo dicendum, quod verbum Augustini intelligendum est de eo qui utitur quis sicut eliciente actum usus: sic enim virtutibus, quas maxima bona dicit, nullus male utitur. Sed non est intelligendum de eo qui utitur quasi obiecto usus: sic enim etiam virtutibus aliquis male utitur, qui de virtutibus gloriatur, & superbit: & ita etiam aliquis potest corpore Christi male uti sicut obiecto.

Ad secundum dicendum, quod duplex est medicina. Una est removens morbum, & talis infirmis debetur; & huic comparatur baptismus, & penitentia. Alia est promovens in perfectam sanitatem, & talis non debetur infirmis, sed iam sanis; & huic comparatur hæc medicina. Utraque autem medicina per medicum datur. Unde non sequitur, si medicus non fugit infirmi consortium, quod quilibet eius medicina infirmis dari debeat.

Ad tertium dicendum, quod habens conscientiam mortalis, quod dimittere non proponit, peccat accedens ad sumendum corpus Christi, quia indigne accedit. Peccat etiam non accedendo tempore ab Ecclesia constituto, quia inobediens est. Nontamen est perplexus, quia potest se ab hoc dubio eripere, peccati propositum dimittendo. Nihilominus tamen manente tali proposito minus peccat non sumendo quam, sumendo: quia illud quod est malum secundum se, est

(a) Nicolai interpositi & alibi.

* Non sicut prius Tom. II. seu vera epist. lxxxviii. quæ ad illum ibidem scripta extat: sed epistola suppositicia de Clericorum vita. Sequens autem appendix non occurrat, quam veluti ex Bernardo Notæ Doctorum citant.

est maius malum quam illud quod est malum, quia prohibitum: unde (a) potius se debet dimittere excommunicari, quam cum proposito peccati corpus Christi sumat.

SOLUTIO II.

Ad secundam quæstionem dicendum, quod ignorantia circumstantiæ a peccato excusat, adhibita debita diligentia, præcipue quando est talis circumstantia, cuius certitudo plene haberi non potest. Quod autem homo sit omnino a peccato immunis, per certitudinem sciri non potest. I. Corinth. xv. 4. *Nil mihi conscius sum, sed non in hoc iustificatus sum.* Potest tamen de hoc haberi aliqua coniectura, præcipue per quatuor signa, sicut Bernardus dicit (in sermone septuagesimæ circa med.) Primo, cum quis devote verba Dei audit: quia *qui est ex Deo, verba Dei audit*: Ioan. viii. 47. Secundo, cum quis se promptum ad bene operandum invenit: quia probatio dilectionis exhibitio est operis, ut dicit Gregorius (homil. xxx. in Evang.) Tercio, cum quis a peccatis abstinendi in futurum propositum habet. Quarto, cum de præteritis dolet: quia in his vera pœnitentia secundum Gregorium (Lib. IX. Epist. indist. xv. epist. xxxix.) consistit. Unde si aliquis per huiusmodi signa facta diligenti discussione suæ conscientie, quamvis forte non sufficienti, ad corpus Christi devote accedat, aliquo peccato mortali in ipso manente, quod eius cognitionem præterfugiat, non peccat, immo magis ex vi sacramenti peccati remissionem consequitur. Unde Augustinus dicit in quodam sermone (ut refertur in Decc. de confect. dist. 11. cap. *Invenit*) quod quando corpus Christi manducatur, vivificat mortuos.

Ad primum ergo dicendum, quod duplex est ignorantia peccati. Una qua ignoratur an aliquod peccatum sit: & hæc quidem ignorantia si sit in sola cognitione consistens, quandoque excusat peccatum, sicut cum ignoratur circumstantia, quæ peccatum facit, sicut cum quis commiscetur alienæ quam credit suam: & hic non habet locum auctoritas Ambrosii. Quandoque autem non excusat, sicut cum est ignorantia universalis iuris; immo ipsa ignorantia grave peccatum est: & videtur in his quæ per se mala sunt, ad infidelitatem pertinere; in his autem quæ sunt mala, quia prohibita, ad negligentiam: & hic habet aliquo modo locum verbum Ambrosii

proptet ignorantie periculum: quia medicina non queritur cum morbus ignoratur: & etiam propter infidelitatem, quæ est gravissimum peccatum. Si autem sit talis ignorantia in cognitione simul, & affectione consistens, sicut ignorantia electionis, quando quis in illicitum improhibite fertur, ac si esset licitum, sicut dicit Philosophus de his qui ex habitu alicuius vitii operantur, ut intemperati; tunc gravissime peccat qui ignorat, quia hæc ignorantia provenit ex contemptu. Alia ignorantia peccati est, qua id quod scitur esse peccatum, iam non creditur esse, sed sibi dimissum esse: & talis ignorantia non excusat, nec aggravat illud peccatum, cuius ignorantia dicitur; sed potest excusare respectu sequentis peccati, respectu cuius peccatum præcedens, quod ignoratum est, se habet ut circumstantia, quæ peccatum in actu sequenti induceret, si sciretur: & ita est in proposito. Unde quamvis sit indignus ratione præcedentis peccati, notamen indigne accedit, quia ignorantia excusat a peccato illum accessum, ut dictum est.

Ad secundum dicendum, quod sicut ignorantia circumstantiæ quæ excusat peccatum, excusat a peccato, ita error circumstantiæ talis causat peccatum, ut patet in eo qui accedit ad suam, quam credit non esse suam. Et similiter est in proposito: quia iustus credens se peccatorem, errat in hanc circumstantiam. Unde si tali opinione manente corpus Christi manducaret, constaret quod eligeret se peccatorem corpus Christi manducare; & ita electio esset prava, & peccaret. Sed electio non est prava in eo qui peccatum habet quod nescit: & ideo quamvis iustus sit simpliciter melius dispositus, tamen est peius dispositus quantum ad hoc.

Ad tertium dicendum, quod examinatio requiritur, ne ignorantia ex ueligenia procedat, quia talis ignorantia non excusaret.

SOLUTIO III.

Ad tertiam quæstionem dicendum, quod sicut meritum præcipue consistit penes caritatem, ita demeritum præcipue consistit penes contemptum Dei: unde secundum quod aliquis Deum per actum peccati magis contemnit, secundum hoc maiorem teatum incurrit: & ideo illa peccata quæ in actuali contemptu consistunt, sunt gravio-

(a) *Id. primum, Nicolai prius.*

ra illis in quibus non est contemptus nisi ex consequenti, & quasi interpretatus; sicut accidit in fruitione creaturæ, per quam aliquis delectationi intendit, ex cuius intentione a præceptis Dei discedit, & sic per consequens præcipientem contemnit. Peccatum autem blasphemiz in contemptu principaliter consistit, & similiter peccatum accedentis indigno ad corpus Christi, irreverentia quædam, & contemptus essentialiter est. Sciendum autem, quod contemptus ex duplici parte mensuratur potest. Uno modo ex parte contemnentis; & sic non potest fieri comparatio unius generis peccati ad aliud genus, sed unius particularis peccati ad aliud: quia contingit in uno veniali peccato ex genere esse maiorem contemptum æqualem quam in uno gravissimo peccato mortali ex genere. Alio modo ex parte eius quod contemnitur: & sic est talis ordo peccatorum, quod illud in quo ipse Deus in seipso etiam contemnitur, est peccatum gravissimum, sicut peccatum infidelitatis, & blasphemiz: & post hoc illud peccatum in quo contemnitur Deus in sacramento, & inter alia præcipue in isto, in quo essentialiter Christus Deus & homo continetur (non tamen contemptus iste est circa Christum, ut est Deus & homo, sed prout est in sacramento) & post, peccatum illud in quo contemnitur Deus in membris suis: & post, peccatum in quo contemnitur Deus in præceptis suis, quod commune est omni peccato mortali: & secundum hoc patet quod peccatum de quo nunc agitur, neque est omnium gravissimum, neque est omnium minimum; sed est medium inter peccata quæ committuntur in Deum, & alia peccata quæ committuntur in proximum, vel in seipsum: unde ad utraque argumenta oportet respondere.

Ad primum ergo dicendum, quod peccatum indigne corpus Christi manducantium comparatur peccato Christum occidentium, inquantum utrumque peccatum in ipsum Christum committitur; sed tamen peccatum Christum occidentium maius est: quia illud peccatum commissum est in ipsam Christi personam, hoc autem peccatum committitur in ipsum, secundum quod est sub sacramento.

Ad secundum dicendum, quod ille qui corpus Christi in lutum proiiceret, magis peccaret quam manducans peccator: quia magis abutitur sacramento, secundum quod

longius a debito usu sacramenti recedit, quo ab homine iusto sumendum est.

Ad tertium dicendum, quod quamvis corpus Christi manducare non sit malum nisi per accidens, tamen manducare corpus Christi indigne est malum per se. Nullum enim peccatum dicitur malum per se, nisi propter corruptionem alicuius circumstantiæ.

SOLUTIO IV.

Ad quartam quæstionem dicendum, (a) quod in indigne manducante est duo peccata considerare, scilicet peccatum quo indignus redditur ad manducandum, & peccatum quo indigne manducat. Quia ergo peccatum infidelitatis est gravius ceteris aliis peccatis, ideo infidelis manducans indignior est ad manducandum. Sed quia non credit illud quod sumitur, esse tantæ dignitatis, quantæ est, ideo non tantum peccat in abusu: quia ignorantia infidelitatis quamvis non excuset sequens peccatum a toto, excusat tamen a tanto, ut patet de peccato occidentium Christum: quia si cognovissent, nunquam Dominum gloria crucifixissent: I. Corinth. 11. 8. & per hanc ignorantiam eorum peccatum alleviatur est, ut dicit Anselmus, & similiter Paulus de seipso dicit I. Timoth. 1. 14. *Miseri cordiam consecutus sum, quia ignorans feci in incredulitate mea*. Et ideo infidelis indignior manducat, sed peccator fidelis magis indigne.

Ad primum ergo dicendum, quod infidelis quantum ad peccatum infidelitatis contemnit Christum in sua persona, quia eius doctrinæ repugnat; quantum autem ad manducationem contemnit quidem non expresse, sed interpretative, inquantum illa ignorantia qua Christum sub sacramento esse non credit, non est invincibilis: unde quia potest facere ut credat, proinde reputatur ac si credat, in genere peccati; quamvis actualis, & expressus contemptus aggraver quantitatè istius peccati; & sic quantum ad ipsam manducationem magis fidelis peccator peccat.

Ad secundum dicendum, quod quamvis ea quæ sunt fidei, & præcipue circa hoc sacramentum, non sint ita rationi humanæ consona secundum se considerata, tamen ut dicta a Deo, & prodigijs approbata, sunt maxime rationi consona. Nihil enim est adeo rationi consonum, hinc quod Deo sit credendum in omnibus quæ dicunt, &

(a) Ad quod indigne manducamus.

contestatur. Doctrina autem fidei, cum accepisset principium enarrandi a Domino, con-
fessante Deo signis, & prodigiis, & variis
Spiritus sancti distributionibus, per eos
qui audierunt, in nos confirmata est: Hebr.
II. 3. & ideo peccatum infidelitatis est
gravius quam peccatum indigne mandu-
cantis.

Tertium autem argumentum concludit,
quod infidelis indignior sit; & hoc conce-
dendum est.

SOLUTIO V.

Ad quintam quæstionem dicendum, quod
ad hoc quod aliquis digne corpus Christi
manducet, duo requiruntur, scilicet ut sit
in statu gratiæ, per quam capiti Christo
unitor, & quod in actu mens eius feratur
ad divina: unde & sacerdos monet popu-
lum sursum corda ad Deum habere. Pec-
catum autem quanto est gravius, tanto
magis a gratia elongat: unde cum pecca-
ta spiritualia secundum genus sint graviora
carnalibus, ut per Gregorium (loc. cit.)
patet, quamvis aliquod carnale aliquo spi-
rituali sit gravius, loquendo in genere;
per peccatum spirituale aliquis efficitur
magis indignus manducationis corporis
Christi, quam per peccatum carnale quan-
tum ad primum quod requirebatur ad di-
gne manducandum. Sed quia per peccatum
carnale, per luxuriam præcipue, mens hu-
mana deprimitur, ut ad superna ferri non
possit, quia etiam in actu matrimoniali
Spiritus sanctus corda Prophetarum non
tangit, ut Hieronymus dicit (Lib. II.
contr. Iovin.) & secundum Philosophum
in VII. Eth. (cap. v.) impossibile est
hominem aliquod intelligere in ipsa dele-
ctione venererorum; per peccatum ear-
nale homo magis indignus redditur quantum
ad secundum quod exigebatur ad digne
manducandum. Sed quia multo gravius est
habitu gratiæ tollere quam actum virtu-
tis impedire, cum illud pertineat ad pec-
catum mortale semper, hoc autem inter-
dum ad veniale; maior indignitas relin-
quitur ex defectu primi quam ex defectu
secundi: & ideo, simpliciter loquendo,
plus peccat qui peccato maiori irretitus ac-
cedit, nisi per ignorantiam exuseatur. Cer-
tius autem cognoscitur potest peccatum mor-
tale in peccatis carnis, præcipue luxuria,
quam in peccatis spiritualibus: & ideo
quantum ad hoc per accedens peccat plus
accedens cum carnali peccato, quamvis sim-
pliciter, & per se loquendo, peccet plus

S. Th. Oper. Tom. XII.

accedens cum spirituali, si spirituale car-
nali sit gravius.

Ad primum ergo dicendum, quod hoc
idem quod de peccato luxuriæ dicit Hiero-
nymus, de quolibet peccato mortali dici por-
est: quia qui manducat indigne, reus est
corporis, & sanguinis Domini, aliquo mo-
do, ut dictum est.

Ad secundum dicendum, quod illa im-
munditia corporis procedit ex immunditia
mentis: quia non inquinatur corpus, nisi
de consensu mentis, ut dicit Lucia (ut
haberetur ex communi eius historia.) Unde
magis pensatur indignitas ex mente, quam
ex carne.

SOLUTIO VI.

Ad sextam quæstionem dicendum, quod
ea quæ in sacramentis geruntur externis,
debent respondere his quæ interius gerun-
tur: unde secundum quod homo ad Chri-
stum accedit interius mente, ita ad eius sa-
cramentum debet accedere corpore. Qui-
dam autem non accedunt neque fide, ne-
que caritate: unde tales arcenti sunt ab
inspectione sacramenti, & assumptione.
Quidam autem accedunt fide sine caritate;
& tales possunt videre, sed non sumere:
quia per caritatem aliquis Christo incorpo-
ratur, sed per fidem accedens, adhuc lon-
gius stat.

Ad primum ergo dicendum, quod hoc
non erat propter dignitatem arcæ, quod
prohibita erat videri, sed propter figuram:
omnia enim in figura contingebant illis: I.
Corinth. x. 11. quia non licet nisi maiori-
bus, & perfectis secreta fidei, quæ per ar-
cam significantur, curiose scrutari: quia qui
persecrator est maiestatis, opprimetur a glo-
ria: Prov. xxv. 27.

Ad secundum dicendum, quod humilitas
alicuius commendatur in hoc etiam quod
a licitis abstinet: & ideo non sequitur, si
aliquis peccator abstinens ab hoc ad tem-
pus laudatur, quod propter hoc non absti-
nens peccet.

ARTICULUS IV.

*Utrum nocturna pollutio que in somnis ac-
cidit, sit peccatum.*

III. P. quæst. lxxx. art. 7.

1. **A**D quantum sic proceditur. Videtur
quod nocturna pollutio que in so-
mnis accidit, sit peccatum. Meritum enim, &
de-

demeritum, cum sint contraria, nata sunt fieri circa idem. Sed homo in somnis mereri potest, sicut patet de Salomone, qui dormiens a Domino sapientiae donum impetravit: 11. Paralip. 1. Ergo & potest aliquis demereri: ergo si in somnis in aliquod peccatum consentiat, peccatum est, quod in nocturna pollutione frequenter accidit.

2. Præterea. Quicumque non habet mentem ligatam, non excusatur a peccato, si aliquod turpe committere consentiat. Sed mens dormientis non videtur esse ligata, cum non sit actus corporis, ex cuius passione somnus accidit, immo videtur quod debeat esse magis libera, quia immobilitatis exterioribus sensibus interiores, a quibus immediate mens accipit, confortantur: & quædam quandoque de futuris mente dormiens percipit quæ vigilans percipere non potest. Ergo non excusatur a peccato, si in aliquod turpe consentiat; & sic idem quod prius.

3. Præterea. Quicumque ipotest deliberare, & ratiocinari, videtur usum liberi arbitrii habere, quod inquirendo eligit. Sed dormiens, ut experimento scitur, interdum argumentatur, & argumenta solvit. (a) Ergo habet usum liberi arbitrii; & sic idem quod prius.

4. Præterea. Quicumque potest consentire, & dissentire alicui turpi, reus esse videtur, si consentiat: quia talis videtur esse dominus sui actus. Sed dormiens aliquando dissentit turpitudini præsentatæ, aliquando autem consentit. Ergo quando consentit, videtur esse reus peccati.

5. Præterea. Actiones, & motus ex terminis iudicantur. Sed nocturna pollutio frequenter vigilia finitur, quamvis in somno inchoetur. Ergo est iudicanda, ac si in vigilia fieret; & ita est peccatum.

Sed contra est quod Augustinus dicit XII. super Genes. ad litteram (cap. xv.) *Ipsa phantasia qua fit (b) in cogitatione fornicantis, cum expressa fuerit in visione fornicantis, ut inter illam & veram coniunctionem corporum non discernatur, continue movetur caro, & sequitur quod cum motum sequi solet; (c) cum hoc tam sine peccato fiat, quam sine peccato a vigilantibus dicitur, quod ut diceretur, sine dubio cogitatum est.*

Præterea. Philosophus dicit in I. Ethic. (cap. 11. & 111.) quod secundum dimi-

dium vitæ, scilicet somnum, non differt felix a misero, neque vitiosus a studioso. Sed secundum peccatum differunt. Ergo peccatum non potest in somnis accidere.

QUAESTIUNCULA II.

1. Ulterius. Videtur quod non impediat a sumptione corporis Christi. Veniale enim peccatum magis displicet Deo quam quilibet immunditia corporalis, quæ sit sine peccato. Sed nocturna pollutio non est peccatum, ut ex auctoritate Augustini induta patet: Ergo cum veniale peccatum non impediret a sumptione corporis Christi, multo minus nocturna pollutio impedit.

2. Præterea. Non est dubium quin peccatum mortale plus impedit quam nocturna pollutio. Sed aliquis post peccatum mortale confessus, potest corpus Christi manducare. Ergo multo fortius qui pollutionem nocturnam confessus est, potest eadem die manducare corpus Christi.

3. Præterea. Homo debet impedire peccatum alterius mortale, quantumcumque potest. Sed si aliquis in peccato mortali existens celebret Missam, constat quod peccat mortaliter. Ergo si aliquis non habens conscientiam peccati mortalis possit hoc impedire celebrando loco eius, videtur quod debeat celebrare, etiam si sit nocturna pollutione pollutus.

4. Præterea. Turpis cogitatio aliquando sine peccato accidit, ut ex verbis Augustini indutis patet: crapulatio autem sine peccato accidere non potest. Sed secundum Gregorium (Lib. II. Epist. indist. vii. epist. xxxi. ad 11. interrog. August. Angl. Episcopi) pollutio, quæ ex crapula accidit, a communionem non impedit, si necessitas incumbat. Ergo nec illa quæ exturpi cogitatione præcedente in vigilia procedit, nec illa quæ ex infirmitate naturæ, ut Gregorius dicit. Ergo nulla pollutio impedit.

Sed contra est quod dicitur Levit. xv. 16. *Vir a quo egreditur semen coitus . . . immundus erit usque ad vespem.* Sed immundis non licet sancta tangere. Ergo multo minus corpus Christi manducare.

Præterea. Idorus dicit (Lib. III. sent. cap. vi.) & habetur in Decret. dist. vi. (cap. Non est peccatum) *Qui nocturna pollutione polluitur, quamvis extra memoriam turpium cogitationum se sentiat (d) inquinatum, tamen hic ut tentaretur sue culpe tri-*

(a) *Al. addelatur & legit.* (b) *Al. in cognitione.* (c) *Al. cum hoc tamen sine peccato fiat, quia sine peccato vigilantibus dicitur, quod verum diceretur &c.* (d) *Al. inquinatum tamen.*

tribuat, & suam immunditiam statim pectetur. Sed ille qui purgatione indiget, debet a perceptione huius sacramenti abstinere. Ergo pollutus nocturna pollutione impeditur a perceptione corporis Christi.

QUAESTIUNCULA III.

1. Ulterius. Videtur quod propter immunditiam pure corporalem aliquis a perceptione huius sacramenti impediatur. Deut. xxiii. 12. *Habebis locum extra castra*: dicit Glossa *. Corporalem munditiam diligit Deus. Ergo corporalem immunditiam odit; & ita propter corporalem immunditiam debet homo ab hoc sacramento abstinere.

2. Præterea. Maior est dignitas huius sacramenti quam omnium sacramentorum veteris testamenti. Sed in veteri lege & mulieres post partum, & patientes fluxum menstrui, & seminisui immundi reputabantur respectu sacramentorum veteris testamenti. Ergo multo fortius debent abstinere a perceptione huius sacramenti.

3. Præterea. Sacerdoti leproso interdicitur facultas celebrandi, ut pater extra de clerico ægro, vel debilit. *Tua nos* (& est Clementis III.) Ergo eadem ratione propter lepram debet laicus a perceptione huius sacramenti abstinere.

Sed contra. Pœna non debetur pœnæ, sed culpæ: alioquin confunderetur duplex tribulatio, quod est contra id quod dicitur Nahum 1. Sed omnes prædictæ immunditiæ corporales pœnæ quædam sunt. Ergo propter eas non debet aliquis a sacramento altaris impediri, quod est maxima pœna.

Præterea. Naturalibus non meremur, neque demeremur. Sed omnes prædictæ immunditiæ ex causis naturalibus accidunt. Ergo propter eas non meretur aliquis a participatione huius sacramenti impediri.

SOLUTIO I.

Respondetur dicendum ad primam questionem, quod omne peccatum secundum Augustinum (de lib. arbi. Lib. III. cap. xvi. & Lib. de duab. animab. cap. x.) est in voluntate: motus autem voluntatis præsupponit iudicium rationis, eo quod est apparentis boni vel veri, vel falsi: unde ubi non potest esse iudicium rationis,

non potest esse voluntatis motus. In somnis autem iudicium rationis impeditur. Iudicium enim perfectum haberi non potest de aliqua cognitione, nisi per resolutionem ad principium, unde cognitio ortum habet; sicut patet quod cognitio conclusionum ortum habet a principiis: unde iudicium rectum de conclusione haberi non potest, nisi resolvendo ad principia: indemonstrabilia. Cum ergo omnis cognitio intellectus nostri a sensu oriatur, non potest esse iudicium rectum, nisi reducat ad sensum. Et ideo Philosophus dicit in VI. Ethic. (cap. ix.) quod sicut principia indemonstrabilia, quorum est intellectus, sunt extrema, scilicet resolutionis; ita & singularia, quorum est sensus. In somno autem sensus ligati sunt, & ideo nullum iudicium animæ est liberum neque rationis, neque sensus communis; & ideo neque morus appetitivæ parvis est liber; & propter hoc non potest aliquis peccare in somno, neque mereri. Sed tamen potest in somno accidere signum peccati, vel meriti, in quantum somnia habent causas imaginationis vigilantium: unde dicit Philosophus in I. Ethic. (cap. xvi. vel xx.) quod in quantum paulatim (&) pertranseunt quidam motus, scilicet a vigilantibus ad dormientes, meliora sunt phantasmata studiosorum quam quorumlibet: & Augustinus XII. super Genes. (cap. xv.) quod propter affectionem animæ bonam etiam in somnis quædam eius merita clarent.

Ad primum ergo dicendum, quod secundum quod Augustinus ibidem dicit, Salomonis petitio in somnis facta placuisse Deo, & remunerationem invenisse dicitur pro bono desiderio prius habito, quod in somnis per signum sanctæ petitionis claruit; non quod tunc in somno meruerit.

Ad secundum dicendum, quod mens humana habet duos respectus: unum ad superiora, quibus illustratur; alium ad corpus a quo recipit, & quod regit. Ex parte illa quæ anima a supernis accipit, per somnum non ligatur, immo magis libera redditur quanto sit a corporalibus curis magis absoluta: & ideo etiam ex influentia superni luminis aliqua de futuris percipere potest dormiens quæ vigilans scire non posset. Ex parte autem illa quæ a corpore recipit, oportet quod ligeretur quantum ad

D d 2 ul.

(a) .*At pertranseant quidam motus.*

EX EDIT. P. NICOLAI.

* Nullius nomine prænotata: unde vero desumpta sit non occurrat.

ultimum iudicium, & completum, ligatis sensibus, a quibus eius cognitio initium sumit; quamvis etiam imaginatio eius non ligetur, quæ immediate ei species rerum subministrat.

Ad tertium dicendum, quod liberi arbitrii est eligere, secundum quod patet ex Augustini diffinitione in II. Lib. dist. xxiv. (quæst. 1. art. 3.) posita, electio autem est quasi conclusio consilii, ut dicitur in III. Ethic. (cap. v.) unde ad iudicium pertinet, vel iudicium præsupponit: & ideo quamvis aliquem usum alicuius rationis homo dormiens habere possit, secundum quod sensus minus ligantur, tamen usum liberi arbitrii in eligendo habere non potest.

Ad quartum dicendum, quod secundum quod sensus magis vel minus ligatur a passione somni, hoc etiam iudicium rationis magis, vel minus impeditur. Unde quandoque homo dormiens considerat hæc quæ apparent somnia esse. Sed quia in dormiendo nunquam sunt sensus soluti ex toto, ideo etiam rationis iudicium non est ex toto liberum: unde semper cum aliqua falsitate iudicium rationis est, etiam si quantum ad aliquid sit verum: & inde contingit quod aliquis in somno aliquando consentit turpitudini, aliquando non. Quia tamen iudicium rationis non est omnino liberum, & per consequens nec liberi arbitrii usus; ideo nec talis consensus, vel dissensus potest esse meritorius, vel demeritorius in se.

Ad quintum dicendum, quod corporales motus non pertinent ad meritum, vel demeritum, nisi secundum quod a voluntate quasi a principio causantur: & ideo nocturna pollutio magis iudicatur quantum ad rationem meriti, vel demeriti, secundum principium quod est in dormiendo, quam secundum terminum qui est in vigilando: quia ex quo in dormiendo excitatus est motus carnis, non subiacet voluntati vigilantis ulterius motus ille, nec reputatur evigilasse, quousque perfectum usum liberi arbitrii recuperavit. Potest tamen contingere quod in ipsa evigilatione peccatum oriatur, si quidem pollutio propter delectationem placeat: quod quidem erit veniale peccatum, si sit ex surreptione talis placentia; mortale autem, si sit cum deliberante consensu, & præcipue cum appetitu futuri. Ista autem placentia non facit præteritam pollutionem peccatum, quia ipsius causa

non est, sed ipsa in se peccatum est. Si autem placeat ut naturæ exoneratio, vel alleviatio, peccatum non creditur.

SOLUTIO II.

Ad secundam quæstionem dicendum, quod ad hoc quod homo digne ad sacramentum eucharistiæ accedat, tria requiruntur. Primo munditia conscientiæ; quæ non nisi per peccatum tollitur. Secundo erectio mentis ad Deum per actualem devotionem; & hæc per mentis hebetudinem, vel occupationem aut evagationem interdum sine peccato amittitur. Tertio munditia corporalis: unde & celebrantes, vel tractaturi aliquod sacramentum, propter reverentiam manus lavant. Unde primo, & principaliter peccatum impedit; secundo indevotio, sive hebetudo mentis; tertio corporalis immunditia: & hæc tria quandoque concurrunt in aliqua pollutione nocturna, quandoque duo ex his, quandoque unum tantum; & secundum hoc homo magis vel minus impeditur; & ideo distinguende sunt pollutionum differentię. Distinguitur autem dupliciter pollutio nocturna. Primo quantum ad causam. Eorum enim quæ in somnis apparent, triplex est causa. Una extrinseca spiritalis, sicut in his quæ per spirituales substantias nobis revelantur. Alia intrinseca spiritalis, quando phantasmata quæ apparent dormientibus, sunt reliquię præcedentium cogitationum. Tertia est corporalis intrinseca, sicut quando flegma dulced ad linguam decurrit, somniatur homo comedere dulcia: unde medici ex somnis corporis dispositionem coniciunt. Pollutio ergo quandoque ex illusione accidit, quando phantasmata per causam extrinsecam spirituales, scilicet dæmones, commoventur; quandoque ex reliquiis præteritarum cogitationum, quod est causa spiritalis intrinseca; quandoque ex causa intrinseca naturali: quæ quidem causa vel fuit voluntati subiecta, sicut est quando ex superfluitate cibi, aut potus præcedente pollutio accidit; vel non fuit voluntati subiecta, sive accidat ex debilitate naturæ impotentis retinere semen, sive ex eius virtute superflua expellentis, sive quocumque alio modo (a) quod in idem redit. Secundo distinguitur pollutio quantum ad modum: quia quandoque accidit sine imaginatione, quandoque cum imaginatione: & hoc dupliciter: quia quandoque in ipsa somni imaginatione homo turpitudini consentit, quandoque dissentit,

& ta.

(a) vid. dist. quod.

& tamen pollutio accidit. Quando ergo sine imaginatione pollutio accidit, signum est quod pollutio ex causa sit corporali intrinseca. Sed quando cum imaginatione, potest sic, vel sic esse. In omnibus igitur prædictis pollutionibus corporalis immunditia est communis; sed quædam mentis hebetatio non est nisi in illis pollutionibus quæ cum imaginatione accidunt: quia in illis quæ sine imaginatione accidunt, anima nihil participare videtur. Nulla autem diæsternum est peccatum, ut ex dictis patet; sed potest esse effectus peccati significans præcedens peccatum veniale, vel mortale. Peccatum autem mortale ex necessitate præcepti a perceptione eucharistiæ impedit: quia mortaliter peccat qui cum conscientia peccati mortalis accedit. Hebetudo autem mentis, & immunditia corporalis ex quadam indecentia honestatis: quia indevotio quædam videtur sic accedere, nisi necessitas urgeat. Et ideo considerandum est, utrum in causa pollutionis possit inveniri peccatum præcedens: quia cogitatio turpium, quandoque est sine peccato, sicut cum in cogitatione tantum manet, ut cum quis disputans de talibus, oportet quod loquens cogitet: aliquando etiam cum peccato veniali, quando ad affectionem cogitatio pertingens in sola delectatione finitur: quandoque etiam cum mortali, quando consensus adiungitur: Et quia cogitationi tali de propinquo est delectatio, & delectationi consensus, inde etiam in dubium potest verti, utrum sequens pollutio ex peccato acciderit, vel non, & aut veniali, aut mortali; satis tamen probabiliter potest conici non præcessisse consensum, quando in ipsa sonanti imaginatione anima dissentit; non tamen oportet quod, si consensiat, consensus in vigilando præcesserit: quia hoc potest accidere propter ligamentum iudicii rationis, quod quandoque magis, quandoque minus est liberum in somno. Unde in tali pollutione si ad causam recurrere dubitet de consensu, omnino abstinere debet. Si autem expresse inveniat consensum non præcessisse, & necessitas urgeat, aut aliqua causa potior reformet pactum, (a) potest accedere, aut etiam celebrare non obstante corporis immunditia, aut hebetatione mentis: alias si necessitas non incumbat, videtur non exhibere debitam reverentiam sacramento. Non tamen si celebrat, mortaliter peccat, sed venialiter, sicut cum quis quandoque mentis evagatio-

nem patitur. Quando autem ex illusione accidit, si illusionis causa in nobis præcesserit, puta cum quis indevotus ad dormiendum acceperit; idem est iudicium ac de pollutione quæ est cogitatione præcedenti causatur. Si autem in nobis causa non præcesserit, immo magis causa contraria, & hoc frequenter accidit, & præcipue in diebus quibus quis communicare debet; signum est quod diabolus homini fructum eucharistiæ percipiendæ auferre conatur. Unde in tali casu consultum fuit cuidam monacho, ut in collationibus Patrum legitur (coll. xxii. cap. vi.) quod communicaret; & sic diabolus videns se non posse consequi intentum, ab illusione cessavit. Si autem ex cibo præcedenti, aut potu acciderit, idem est iudicium ac de pollutione quæ est turpi cogitatione processit; nisi intantum quod non ita de facili accidit peccare mortaliter in sumptione cibi, sicut in cogitatione turpi. Et quia aliquando hæc pollutio sine imaginatione accidit, illa vero nunquam; illa autem quæ ex naturæ dispositione accidit, non est signum alicuius peccati, sed potest hebetationem mentis inducere, si cum imaginatione contingat, immunditiam autem corporalem habet: ideo si necessitas imminet, vel devotio exposita, talis non impeditur, & præcipue quando non cum imaginatione accidit. Tamen si propter reverentiam abstinere, laudandus est, quando infirmitas non est petita. Et quia non ita de facili potest percipi ex qua causa contingat, ideo tutum est semper abstinere, nisi necessitas incumberet. Debet autem abstinere, ut dicunt, usque ad viginti quatuor horas: quia in tali spatio natura deordinata per corporalem immunditiam, & mentis hebetationem, reordinatur.

Ad primum ergo dicendum, quod quamvis peccatum quodlibet veniale magis ad impuritatem pertineat mentis secundum se quam pollutio nocturna, & secundum hoc magis Deo displiceat; tamen peccatum veniale non ita hebetat animam, & corpus inquinat, nec ita de facili est signum peccati mortalis, sicut pollutio: & ideo ratio non sequitur.

Ad secundum dicendum, quod non esset consulendum alicui, quod statim post peccatum mortale etiam contritus, & confessus, ad eucharistiā accederet; sed deberet, nisi magna necessitas urgeret, per aliquod tempus propter reverentiam abstinere.

(a) id est obligationem non accedendi immater.

re: & præterea confessio purgat maculam mentis, non autem immunditiam corporalem, & hebetudinem, quæ contingit in mente ex depreffione ipsius ad carnem.

Ad tertium dicendum, quod quidam dicunt, quod homo debet peccare venialiter, ut alium a peccato mortali impediatur. Sed hoc dictum contradictionem implicat: quia ex hoc ipso quod dicitur peccatum, ponitur indebitum fieri. Unde si aliquid sit quod nullo modo possit non esse peccatum, non debet fieri, nec etiam bonum est fieri, nec licitum, ut alius a peccato mortali liberetur; quamvis ad hoc ex quadam pietate animi amici multi boni inclinentur. Sed potest hoc contingere ut aliquid quod alias est peccatum veniale, ex tali causa factum desineret esse peccatum; sicut dicere aliquid verbum iocosum, quod non esset otiosum, si diceretur causa pæ utilitatis: unde si talis pollutio sit quæ in casu necessitatis non impediatur, deberet pollutus in casu proposito celebrare, alias non.

Ad quartum dicendum, quod turpis cogitatio dicitur non solum quæ de turpibus est (quia de eis non potest esse honesta cogitatio) sed quæ turpitudinem habet propter delectationem, vel consensum adiunctum: & hæc quidem turpitudine magis horrenda est quam illa quæ in cibo accidit: tum quia magis vitari potest, cum difficile sit in cibo modum tenere: tum quia est magis propinqua ad mortale peccatum.

SOLUTIO III.

Ad tertiam questionem dicendum, quod cum iste cibus non sit corporis, sed mentis cibus, magis in eius sumptione consideranda est dispositio mentis quam corporis: & ideo distinguendum est in immunditia corporali tantum: quia aut est perpetua, sicut lepra, aut diuturna; vel est temporalis, & cito purgabilis. Si quidem sit perpetua, vel diuturna, tunc nullo modo propter hoc quis abstinere debet, ne propter immunditiam corporis perdat fructus mentis, sicut accidit in leprosis patientibus fluxum sanguinis, vel sentinis. Si autem sit temporalis, & facile expurgabilis, tunc si aliquis in mente sit bene dispositus, sumere non prohibetur: quamvis etiam possit ad tempus laudabiliter abstinere propter reverentiam tanti sacramenti.

Ad primum ergo dicendum, quod Deus diligit corporalem munditiam, & immunditiam odit secundum quod pertinent ad reverentiam, vel irreverentiam sacramenti: & ideo si ex devotione mentis non propter irreverentiam aliquis cum immunditia corporali accedat, Deus acceptat.

Ad secundum dicendum, quod prohibitio immundorum in lege a sanctis magis erat propter significationem quam propter ipsas res: & ideo non oportet quod similiter fiat in novo testamento, ubi veniente veritate figuræ cessaverunt.

Ad tertium dicendum, quod interdicitur sacerdoti leproso ne celebret publice coram populo propter honorem; tamen secrete bene potest ex devotione celebrare, nisi sit adeo corruptus quod ministerium sine periculo exple non possit. Leprosus tamen ad sacerdotium promoveri non debet.

ARTICULUS V.

Utrum sacerdos debeat dare corpus Christi petenti, si sciat ipsum esse peccatorem.

III. P. quæst. lxxx. art. 6.

AD quantum sic proceditur. Videtur quod sacerdos dare non debeat corpus Christi petenti, si sciat ipsum esse peccatorem. Medicus enim non debet dare infirmo medicinam quam scit ei esse mortiferam. Sed sacerdos scit peccatori corpus Christi esse (a) mortiferam causam. Ergo non debet ei dare.

1. Præterea. Contra veritatem vitæ non est faciendum aliquid propter vitandum scandalum. Sed dare corpus Christi peccatori est contra veritatem vitæ, cum sit contra præceptum Domini, Matth. vii. 6. *Nolite sanctum dare canibus*. Ergo quantumcumque possit sequi scandalum, nullo modo est ei dandum; sicut nec pro aliquo scandalo vitando deberet dari cani, aut in lutum proici.

2. Præterea. De duobus malis minus malum eligendum est. Sed peccatori minus est inale, si infametur, quam si corpus Christi manducet indigne. Ergo magis sacerdos debet ei negare in publico, etiam si crimen ipsum in notitiam venire debeat, quam ei dare.

3. Præterea. Si dat ei hostiam non consecratam, nullum scandalum erit. Ergo videtur quod hoc debeat magis facere.

Sed contra. Omnis Christi actio nostra est.

(a). Nicolai mortiferum, seu mortis causam.

est instructio. Sed Christus dedit corpus suum in cena Iudæ, ut habetur Ioan. xiii. & Dionysius dicit (de eccles. Hierarc. cap. 111. par. 111.) quamvis sciret eum peccatorem. Ergo & sacerdos peccatori petenti denegare non debet.

Præterea. Augustinus dicit (epist. cxx. ad Honoratum, & habetur de conf. dist. 11. cap. Nihil prohibeat.) Non prohibeat dispensator pinguis terræ, idest peccatores, mensam Domini manducare.

QUAESTIUNCULA II.

1. Ulterius. Videtur quod suspectis de crimine etiam dari debeat. Suspicio enim dubitationem importat. Sed dubia in meliorem partem interpretanda sunt. Ergo videtur quod debeat ei dari, ac si esset iustus.

2. Præterea. Experimentum non sumitur de aliquo crimine, nisi de quo suspicio præcessit. Sed corpus Christi dandum est aliquando alicui ad experimentum de peccato sumendum sub his verbis: *Corpus Domini sit tibi ad probationem hodie*: ut dicitur in Decret. caus. 11. quest. 1v. cap. *Sape contingit*. Ergo dari debet suspectis.

Sed contra. Si suspectis de crimine daretur corpus Christi, esset scandalum populo videnti, & scienti. Sed scandalum vitandum est. Ergo non oportet ei dari corpus Christi.

QUAESTIUNCULA III.

1. Ulterius. Videtur quod amentibus corpus Christi dari non debeat. Quia ad hoc quod aliquis corpus Christi sumat, requiritur diligens examinatio, ut patet I. Corinth. x. 28. *Probet autem seipsum homo, & sic de pane illo edat, & de calice bibat*. Sed hoc non potest in amente procedere. Ergo non potest ei dari eucharistia.

2. Præterea. Inter amentes etiam energumeni computantur, secundum Dionysium in eccl. Hierarc. (cap. 111.) energumeni etiam ab inspectione divinorum arcentur: unde statim post Evangelium in primitiva Ecclesia per vocem diaconi cum catechumenis excluderantur. Ergo non debet eis dari eucharistia.

Sed contra. (a) Cassianus * dicit: *Eis*

(a) M. Cassiodorus. (b) Volgata, & ipse vider.

qui ab immundis vexantur spiritibus, communionem sacrosanctam a senioribus nostris nunquam meminit interdiciam. Ergo cum tales sint amentes, amentibus debet dari.

Præterea. In decret. caus. xxv. quest. 1. cap. *Qui recedunt*, dicitur: *Amentibus etiam quæcumque pietatis sunt, conferenda sunt*: & loquitur de reconciliatione, & sacra communione.

QUAESTIUNCULA IV.

1. Ulterius. Videtur quod etiam pueris dandum sit corpus Christi. Quia per baptismum aliquis ascribitur ad corporis Christi sumptionem: unde & baptizato conferrandum est, ut Dionysius dicit (de eccles. Hier. cap. 11. par. 111.) Sed pueri baptizati sunt. Ergo & eis corpus Christi debet dari.

2. Præterea. Vita spiritualis sicut est per baptismum, ita est per eucharistiam: quia dicitur Ioan. vi. 58. *Qui manducat me, & vivit propter me*. Sed pueris datur baptismus, ut habeant spiritualem vitam. Ergo & similiter debet dari eis eucharistia.

Sed contra est quod iste cibus est grandium, ut patet per Augustinum in Libro confes. (VII. cap. x.) Sed pueri nondum sunt grandes in fide. Ergo non debet eis dari.

SOLUTIO I.

Respondeo dicendum ad primam questionem, quod si sacerdos sciat peccatum alicuius qui eucharistiam petit, per confessionem, vel alio quolibet modo, distinguendum est: quia aut peccatum est occultum, aut manifestum. Si est occultum, aut exigit in occulto, aut in manifesto. Si in occulto, debet ei denegare, & monere ne in publico petat. Si autem in manifesto petit, debet ei dare. Primo quia pro peccato occulto poenam inferens publicam, revelator est confessionis, aut proditor criminis. Secundo quia quilibet Christianus habet ius in perceptione eucharistiae, nisi illud per peccatum mortale amittat. Unde cum in facie Ecclesiae non constet istum amisisse ius suum, non oportet ei in facie Ecclesiae denegari: alias daretur facultas malis sacerdotibus pro suo libito punire maxi-

* Collat. vii. cap. xix. vel apud illum Serenus Abbas.

maxima poena quos vellent. Tercio propter incertitudinem status fumentis: quia *spiritus ubi vult, spirat* (Ioan. xxi. 8.) unde subito potest esse compunctus, & divinitus a peccato purgatus, & divina inspiratione ad sacramentum accedere. Quarto quia esset scandalum, si denegaretur. Si vero peccatum est manifestum, debet ei denegari, sive in occulto, sive in manifesto petat.

Ad primum ergo dicendum, quod potius deberet eligere medicus medicinam esse mortiferam infirmo quam sibi, si alterum deberet. Et similiter sacerdos potius deberet eligere quod peccator assumat ad perditionem suam, quam ipse denegat in perditionem propriam, scandalizando, & peccatum occultum revelando. Et præterea non est certum utrum sit ei mortifera, quia subito homo spiritu Dei mutatur. Et iterum in ipsa petitione peccavit mortaliter in mortale peccatum consentiens.

Ad secundum dicendum, quod non dimittitur tantum propter scandalum, sed propter alias causas quæ faciunt ne esset contra veritatem vitæ, si negaret. Dominus ergo non prohibuit simpliciter dare, sed voluntatem dandi, dicens: *Nolite sanctum dare canibus*. Sacerdos autem in casu proposito non dat propria sponte, sed magis coactus. Nec est similis ratio de animalibus brutis, & de profectione in lufum: quia causæ prædictæ non sunt ibi.

Ad tertium dicendum, quod secundum Innocentium tertium, * cum nemo debeat unum mortale committere, ut proximus aliud non committat, daretur potius sacerdoti non proderet peccatorem, quam ut ille non peccet; sed peccator debet potius eligere ut abstinendo reddatur suspectus quam communicando manducet indignus.

Ad quartum dicendum, quod nullo modo debet dari hostia non consecrata pro consecrata: tum quia in sacramento veritatis non debet esse aliqua fictio: tum quia cum manducans adoret quod manducat, ut dicit Augustinus ** daret sacerdos ei occasionem idolatræ. Unde Decretalis dicit in casu consimili (ut habetur extra de celebr. Missæ. cap. *De homine*) quod falsa sunt abicienda remedia quæ sunt veris periculis graviora.

Rationes quæ sunt ad oppositum, proce-

dunt solum quando peccator occultus publice petit.

SOLUTIO II.

Ad secundam questionem dicendum, quod triplex est suspicio. Quædam violenta, ad cuius contrarium non admittitur probatio; sicut si inveniat solus cum sola nudus in lecto, loco secreto, & tempore apto ad commixtionem. Alia est probabilis, sicut si inveniat solus cum sola colloquens in locis suspectis, & frequenter. Tertia est presumptuosa, quæ ex levi coniectura ortum habet. Hæc autem ultima deponenda est; in secunda non debet denegari, quia poena non infligitur ubi culpa ignoratur; sed de prima est idem iudicium quod de peccato. Unde si sit suspicio procedens ex fama publica, non debet ei dari neque in occulto, neque in manifesto; si autem sit singularis ipsius sacerdotis, sic debet dari in publico, sed non in occulto.

Ad primum ergo dicendum, quod quamvis non habeatur in prima suspicione certitudo sensibilis, vel per demonstrationem, tamen habetur talis certitudo quæ sufficit ad probationem iuris. Non enim in omnibus est similiter certitudo requirenda, ut dicitur I. Ethic. cap. 11.

Ad secundum dicendum, quod decretum illud abrogatum est: quia facere tales probationes est tentare Deum. Vel dicendum, quod intentio illius decreti non est ut talis purgatio fiat, sed ut propter timorem talis purgationis a futuris abstineat.

SOLUTIO III.

Ad tertiam questionem dicendum, quod de amentibus distinguendum est. Quidam enim dicuntur large amentes, quia debilem mentem habent, sicut dicitur invisibile quod male videtur; & tamen sunt aliquo modo docibiles eorum quæ ad fidem, & devotionem sacramenti pertinent; & talibus non oportet corpus Christi denegari. Quidam vero sunt omnino carentes iudicio rationis; & isti vel fuerunt tales a natiuitate, & tunc eis non debet dari, quia non possunt ad devotionem induci quæ requiritur ad hoc sacramentum (quamvis quidam contrarium dicant: vel inciderunt in amentiam post fidem, & devotionem sacramenti, & tunc debet eis dari, nisi timeatur

EX EDIT. P. NICOLAI.

* De mysteriis Missæ Lib. IV. cap. xxi. ** In Psalm. xxi. super illud, *Manducavimus, & adoravimus*, ac in Psalm. xcvi. super illud, *Adorate scabellum pedum eius, quoniam sanctum est*.

tur periculum vel de vomitu, vel de exspuitione, aut aliquo huiusmodi. Et hoc patet per hoc quod habetur in Decretis xxvi. quæst. vi. (cap. *Le qui*) *Si is qui in infirmitate penitentiam petiit, & dum sacerdos acceptatus ad eum venit, versatur in phrenesim, accepto testimonio ab assistantibus qui petitionem audierunt, & reconciliatur, & eucharistia eius oris infundatur.*

Ad primum ergo dicendum, quod in illo casu præcedens devotio computatur ei ad dignam manducationem.

Ad secundum dicendum, quod demoniacis non est deneganda communio, nisi forte cum sit quod pro aliquo crimine a diabolo torqueantur: & de talibus loquitur Dionysius. Vel dicendum, & melius, quod ipse vocat energumenos illos in quibus adhuc viget virtus demonis propter peccatum originale nondum extirpatum, eo quod nondum baptismi gratiam consecuti sunt, quibus adhibetur exorcismus post catechismum ante baptismum: unde ipse ponit eos secundo loco post catechumenos.

SOLUTIO IV.

Ad quartam quæstionem dicendum, quod pueris carentibus usu rationis, qui non possunt distinguere inter cibum spiritualem & corporalem, non debet eucharistia dari; quamvis quidam Græci contrarium teneant, irrationabiliter autem: quia ad eucharistie assumptionem exigitur actualis devotio, quam tales pueri habere non possunt. Pueris autem iam incipientibus habere discretionem, etiam ante perfectam aetatem, puta cum sint decem, vel undecim annorum, aut circa hoc, potest dari si in eis signa discretionis appareant, & devotionis.

Ad primum ergo dicendum, quod pueri baptizati acquirunt ius percipiendi corpus Christi, non tamen statim, sed tempore competentis; sicut & ius percipiendæ hereditatis habent, quamvis eam statim non possideant. Dionysius autem assignat ritum

baptismi quo ad adultos, ut patet inspicienti verba eius.

Ad secundum dicendum, quod per baptismum datur primus actus vitæ spiritualis, unde est de necessitate salutis; & ideo pueris baptismus dandus est: sed per eucharistiam datur complementum spiritualis vitæ; & ideo illis qui perfectionis secundæ, quæ est per actualem devotionem, possunt esse capaces, debet dari, prout habetur de consecr. distinct. iv. cap. *In Ecclesia*, (a) ubi dicitur: *Non cogitatis vitam habere sicut qui sunt expertes corporis, & sanguinis Domini*; (b) & loquitur de pueris. Intelligendum est autem quantum ad rem sacramenti, quæ est unitas Ecclesiæ, extra quam non est salus, nec vita, & non quantum ad sacramentalem manducationem.

EXPOSITIO TEXTUS.

C *Rede, & manducasti.* Intelligendum est de manducatione spirituali, & fide formata. Ideo autem potius fidem commemorat, quia ipsa est quæ maxime in sacramenti operatur.

Nos corpus Christi sumus. Ergo spiritualiter manducamus nosipsos. Et dicendum, quod nos non sumus corpus ipsius (c) nisi ratione unionis, quam manducatio spiritualiter acquirimus.

Ecoe factum est malum. Contrarium dicit supra eodem capite: *Indigne quis sumens corpus Christi, non efficit ut malum sit quod accipit.* Et dicendum, quod non fit malum in se, sed fit malum, (d) idest nocivum, ei.

Ita spiritualiter sumamus. Contra: quia in patria nullus usus sacramenti erit: ergo nec spiritualis sumptio. Et dicendum, quod dicitur spiritualis sumptio consecutio rei sacramenti, quam sacramentum statim non efficit, sed tantum significat, scilicet fructus Divinitatis, quam etiam significat sacramentalis manducatio.

(a) Quod sequitur usque ad finem in præcedentibus editionibus (excepit Parisiensem an. 1660.) propter peram notatur in expectatione textus. (b) Nicolai hæc inserpuit. Vel sic ex Augustino Lib. I. ad Bonifacium cap. xxi. Nec illud cogitatis, nec vitam habere non posse qui sunt expertes etc. (c) Ad. nisi unionis. (d) Ad. id. est, nocivum est.

DISTINCTIO X.

De hæresi aliorum, qui dicunt, corpus Christi non esse in altari nisi in signo.

Sunt item alii præcedentium insaniam transcendentes, qui Dei virtutem iuxta modum naturalium rerum metientes, audacius, ac periculosius veritati contradicunt, asserentes, in altari non esse corpus Christi, vel sanguinem; nec substantiam panis, vel vini insubstantiam carnis, & sanguinis converti; sed ita Christum dixisse: „Hoc est corpus meum:“ sicut Apostolus dicit (1. Corinth. x. 4.) „Petra autem erat Christus.“ Dicunt enim, ibi esse corpus Christi tantum in sacramento, idest in signo, & tantum in signo manducari a nobis. Qui errandi occasionem sumunt a verbis Veritatis: unde prima hæresis facta est in discipulis Christi (1.). Cum enim diceret (Ioan. vi. 54.) „Nisi quis manducaverit carnem meam, & biberit sanguinem meum, non habebit vitam æternam:“ illi non intelligentes dixerunt (vers. 61.) „Durus est hic sermo, quis potest eum audire?“ & abierunt retro. Illis discedentibus instruxit duodecim qui remanserant. „Spiritus est (inquit) qui vivificat; caro nihil prodest. Verba quæ locutus sum vobis, spiritus, & vita sunt.“ (2.) „Intellexistis spiritualiter, spiritus, & vita sunt: intellexistis carnaliter; etiam sic spiritus, & vita sunt, sed tibi non sunt. Spiritualiter intellige quæ locutus sum. Non hoc corpus quod videtis, manducaturi estis, & bibaturi illum sanguinem, quem fufurati sunt qui me crucifigunt. Sacramentum aliquod vobis commendavi: spiritualiter intellectum vivificabit vos; caro autem non prodest quidquam.“ Sunt etiam alia illorum insaniz fomitem ministrantia. Ait enim Augustinus (super Ioan. tract. xxx.) „Donec sæculum finiatur, sursum est Dominus; sed tamen etiam hic novum, & veritas Domini. Corpus enim in quo resurrexit, in uno loco esse oportet; veritas autem eius ubique diffusa est.“ Item (ad Dardanum epist. lxxi.) „Una persona Deus, & homo: ubique per id quod est Deus, in cælo per id quod homo est.“ Christus etiam dicit (Matth. xxvi. 11.) „Pauperes semper habebitis vobiscum, me autem non semper habebitis.“ His, aliisque utuntur præfati hæretici in assertionem sui erroris.

Determinatio præmissorum.

Quæ ex eadem ratione omnia accipienda sunt. Non enim verbis his negatur, verum corpus Christi a fidelibus sumi, vel in altari esse; sed in his Veritas Apostolos, & in eis nos instruit, quod ipsius corpus non in partes discriptum (ut putaverunt illi discipuli qui retro ierunt) sed integrum; nec visibiliter in forma humana, sed invisibiliter sub forma panis, & vini, corpus, & sanguinem nobis traderet. Quem sensum Augustinus confirmat (3) dicens (ut refertur in Decr. de consec. dist. 11. cap.) „Non hæc ex epist. ad Irenæum, sed non occurrit.“ Ipsum quidem, & non ipsum corpus quod videbatur manducatur: ipsum quidem invisibiliter, non ipsum visibiliter. „Item (in Psal. xcvi.) „Et si necesse est illud visibiliter celebrari, necesse est tamen invisibiliter intelligi.“ Ita etiam intelligendum est corpus Christi esse in uno loco, scilicet visibiliter in forma humana; veritas tamen eius, idest Divinitas, ubique est: veritas etiam eius, idest verum corpus, in omni altari est, ubicumque celebratur. Sic etiam illud intelligendum est: „Pauperes semper habebitis vobiscum, me autem non semper habebitis:“ secundum corporalem præsentiam scilicet, quæ cum eis conversabatur. Similiter per id quod homo est, in cælo est visibiliter; invisibiliter autem est in altari: quia non in forma humana apparet, sed

(1) Nicelæ (ut Augustinus dicit in Psal. lxx. si per illud, Divisi sunt pro ira etc.) (2) Nicelæ (unde iterum Augustinus tract. xxvii. in Ioan. & super Psal. xcvi.) (3) Nicelæ alibi.

sed forma panis, & vini operitur. Unde & invisibilis caro eius dicitur, quæ vere est in altari; sed quia in specie sua non apparet, invisibilis dicitur. Ait enim Augustinus (1), „Hoc est quod dicimus, quod modis omnibus approbare contendimus, sacrificium Ecclesie duobus confici, duobus constare, visibili elementorum specie, & invisibili Domini nostri Iesu Christi carne, & sanguine sacramento, & re sacramenti, idest corpore Christi: sicut Christi persona constat, & conficitur ex Deo, & homine, cum Christus sit verus Deus, & homo: quia omnis res illarum rerum naturam, & veritatem in se continet ex quibus conficitur. Conficitur autem sacrificium Ecclesie duobus, sacramento, & re sacramenti, idest corpore Christi. Est ergo sacramentum, & res sacramenti idem corpus Christi. “ Ecce invisibilem dixit carnem Christi, quia forma panis operata sumitur, & tractatur. Idemque corpus Christi dixit esse sacramentum, & rem: ex quo confirmatur quod supra diximus. Deinde addit, quod magis movet lectorem. „Caro (inquit) eius est quam sub forma panis operamur tam in sacramento accipimus; & sanguis eius, quem sub vini specie, ac sapore potamus. “ Caro videlicet carnis, & sanguis sacramentum est sanguinis: carne, & sanguine, utroque invisibili, intelligibili, & spiritali, significatur corpus Christi visibile, & palpabile, plenum gratia, & divina maiestate.

Quæ sit intelligentia præmissorum.

Atende his diligenter, quia tropo quodam utitur hic Augustinus, quo solent res significantes rerum sortiri vocabula quas significant. Hic enim visibilis species panis vocatur nomine carnis, & visibilis species vini nomine sanguinis. Invisibilis vero, & intelligibilis dicitur caro Christi, quia secundum illam speciem non videtur caro, sed intelligitur, ita & sanguis. Caro ergo invisibilis dicitur esse sacramentum carnis visibilis: quia species panis, secundum quam illa non videtur caro, est sacramentum carnis visibilis: quia carne invisibili, idest specie secundum quam caro Christi non videtur caro, significatur corpus Christi, quod est visibile, & palpabile, ubi in sua forma apparet: ita & de sanguine accipi debet. Quem sensum confirmat Augustinus, aperiens qualiter prædicta intelligenda sint, quia obscure dixerat, consequenter dicens, ita panem vocari corpus Christi, cum vere sit sacramentum corporis Christi quod in cruce positum est, sicut ipsa immolatio quæ fit manibus sacerdotis, vocatur Christi passio non rei veritate, sed (2) significanti mysterio, & sicut sacramentum fidei dicitur fides. Satis responsum est hæreticis, & objectionibus eorum qui negant verum corpus Christi in altari esse, & panem in corpus, vel vinum in sanguinem mystica consecratione converti, dicentes: Quis audeat manducare Dominum suum? Quis etiam audeat dicere quotidie formari corpus Christi de materia, vel substantia, quæ non fuit Virginis caro?

Auctoritatis probat verum corpus Christi esse in altari, & in id panem converti.

HAEC, & his similia obiciunt illi, in divino mysterio legem naturæ secantes: quorum perfidiam subdita convincunt testimonia. Ait enim Veritas (Matth. xxvi. 26.), „Accipite: hoc est corpus meum. “ Item Ambrosius (Lib. de iniciandis cap. ix.), „Si tantum valuit sermo Eliæ ut ignem de celo deponeret; (3) non valebit tantum sermo Christi, (4) ut substantias mutet? De totius mundi operibus legitur (Psalm. cxlviii. 5.) quia ipse dixit, & facta sunt &c. Sermo igitur, idest Filius, qui potuit ex nihilo facere quod non erat, non potest ea quæ sunt, in id mutare quod non erant? Non enim minus est causare quam mutare novas naturas rebus. “ Item (ibid.). „Si

E e 2 or-

(1) Nicetas: dist. vi. de consens. cap. Hoc est seu Lanfrancus Lib. de Sacram. Eucharistia: (2) Nicetas significante. (3) Nicetas (vel depromit: r.) (4) Idem: ut Species elementorum, vel substantias.

ordinem quæritur, viro mixta femina generare consueverat. Liqueat ergo: quod præter naturæ ordinem virgo generavit, & hoc quod conficiunt corpus, ex virgine est. Quid ergo hic quæris naturæ ordinem in Christi corpore, cum præter naturam sit ipse partus ex virgine? Item (ibid.) „Ante benedictionem alia species nominatur; post consecrationem corpus significatur: ante consecrationem aliud dicitur; post consecrationem sanguis nuncupatur. Tu dicis, Amen, idest verum est: quod sermo sonat, affectus sentiat: Item Augustinus (ut in Decr. de consecr. dist. 11. cap. „Nos autem“) „In specie panis, & vini quam videmus, res invisibiles, idest carnem, & sanguinem, honoramus: nec similiter pendimus has duas species, sicut ante consecrationem pendebamus, cum fideliter fateamur ante consecrationem panem esse, & vinum, quod natura formavit; post consecrationem vero carnem Christi, & sanguinem, quod benedictio consecravit.“ Item Ambrosius (Lib. IV. de Sacram. cap. 17. & de consecr. dist. 11. cap. „Panis.“) „Panis est in altari usitatus ante verba sacra: ubi accessit consecratio, de pane fit Christi caro. Quomodo autem potest quod panis est, esse corpus Christi? Consecratione, quæ fit sermone Christi.“ Item (ibid.) „Si tanta vis est in sermone Domini, ut incipiant esse quæ non erant; quanto magis operatorius est, ut sint quæ erant, & in aliud commutentur? (1) Et sic quod erat panis ante consecrationem, iam corpus Christi est post consecrationem: quia sermo Christi creaturam mutat: & sic ex pane fit corpus Christi, & vinum cum aqua in calice missum, fit sanguis consecratione verbi cælestis.“ Item Augustinus (ut refertur de consecr. dist. 11. cap. „Utrum“) „Sicut per Spiritum sanctum vera Christi caro sine coitu creatur, ita per eundem ex substantia panis, & vini idem corpus Christi, & sanguis consecratur. Corpus Christi & veritas est, & figura: veritas, dum corpus Christi, & sanguis virtute spiritus ex panis, vinique substantia efficitur; figura vero est id quod exterius sentitur.“ Item Eusebius Emisenus (refertur in Decr. de consecr. dist. 11. cap. „Quia corpus.“) „Invisibilis sacerdos visibiles creaturas in substantiam corporis, & sanguinis sui verbo suo secreta potestate commutat.“ Ex his, aliisque pluribus constat verum corpus Christi, & sanguinem in altari esse; immo integrum Christum ibi sub utraque specie; & substantiam panis in corpus, vinique substantiam in sanguinem converti.

DIVISIO TEXTUS.

Postquam Magister determinavit quod in hoc sacramento tria inveniuntur, aliquid quod est sacramentum tantum, & aliquid quod est res, & sacramentum, & aliquid quod est res tantum; & secundum hoc diversimode diversi manducant: in parte ista incipit prosequi de singulis dictorum trium in speciali: unde dividit in partes tres. In prima determinat de ipso vero corpore Christi, quod est sacramentum, & res contenta in sacramento. In secunda de speciebus panis, & vini, quæ sunt sacramentum tantum, xxi. dist. ibi. Si autem qua-

ritur de accidentibus quæ remanent. . . in quo subiecto fundentur, potius mihi videtur fatendum existere sine subiecto quam esse in subiecto. In tertia determinat de effectu sacramenti, qui est res tantum, in fine dist. ibi. Institutum est hoc sacramentum duabus de causis. Prima in duas. In prima ostendit verum corpus Christi in altari contineri sub sacramento. In secunda determinat de transubstantiatione, per quam fit ut ibi sit verum corpus Christi, dist. xxi. Si autem quaeritur, qualis sit illa conversio . . . de finire non sufficit. Prima in tres. In prima, ponit errorem quorundam negantium veritatem quam asserere intendit, & probatio-

(1) Nihil aliud quam carnis, in aliud commutentur. Et iterum ibidem æquivalente sensu: Si legitur quod erat &c.

tiones eorum. In secunda solvit probationes ipsorum, ibi, *Quae ex eadem ratione omnia accipienda sunt.* In tertia inducit auctoritates ad veritatem probandam, ibi, *Hec, & his similia obiciuntur.* Secunda pars dividitur in partes tres. In prima exponit auctoritates quas illi errantes pro se inducunt, & expositionem sanctorum praedictam confirmat. In secunda ostendit dubitationem esse de quadam auctoritate Augustini inducta pro se, ibi, *Deinde addit quod magis movet.* In tertia exponit eam, ibi, *Attende his diligenter.*

QUAESTIO I.

Hic quatuor quaeruntur.

Primo. Utrum verum corpus Christi contineatur in hoc sacramento.

Secundo. Utrum totus Christus contineatur in sacramento sub speciebus quae manent.

Tertio. Qualiter sit ibi.

Quarto. Quomodo possit agnoscī corpus Christi secundum quod est sub sacramento.

ARTICULUS I.

Utrum in sacramento aliaris contineatur verum corpus Christi.

II. P. quæst. lxxv. art. 1.

1. **A**d primum sic proceditur. Videtur quod in sacramento altaris non contineatur verum corpus Christi. In his enim quae ad pietatem, & reverentiam pertinent divinam, nihil debet esse quod in crudelitatem, vel irreverentiam sonet. Sed manducare carnes hominis sonat in quamdam bestialem crudelitatem (a) manducantis, & irreverentiam manducati. Ergo & in sacramento pietatis, quod ad manducationis usum ordinatur, non debet esse verum corpus Christi quod manducatur.

2. Præterea. Sacramenta ordinantur ad utilitatem nostram. Sed Ioan. vi. 64. dicitur: *Caro non prodest quidquam.* Ergo corpus Christi, sive eius caro, non debet esse in hoc sacramento, sed solum eius spiritualis virtus.

3. Præterea. Gregorius dicit in homil. de Regulo (sive homil. lxxv. in Evang.) *Corporalem praesentiam Domini querebat, qui per spiritum nusquam deest.* Minus itaque in illum credidit, quem non putabat posse

salutem dare, nisi praesens esset in corpore.

Sed non ponimus quod corpus Christi sit in altari, nisi ut nobis sit causa salutis. Ergo videtur quod ex infirmitate fidei procedat.

4. Præterea. Nihil potest esse nunc ubi prius non fuit, loco praesistente, nisi ipsum mutetur. Sed corpus Christi ante consecrationem non erat in altari. Si ergo post consecrationem sit ibi secundum veritatem, oportet quod aliquo modo sit mutatum; quod non potest dici. Ergo non est verum ibi corpus Christi.

5. Præterea. Nullum corpus potest esse simul in diversis locis. Sed corpus Christi est in caelo vere, quo ascendit. Ergo impossibile est quod sit in altari. Probatio prima. Nihil continetur extra suos terminos, si terminos habeat. Sed termini cuiuslibet corporis locati sunt simul cum termino corporis locantis. Ergo nullum corpus locatum in uno loco, potest esse extra terminos illius loci; & ita non potest esse in duobus locis simul.

6. Præterea. Eadem ratione potest poni corpus Christi esse in diversis locis, & esse ubique; sicut ponentes Angelum esse in diversis locis, dicunt quod est ubicumque velit. Sed ponere quod corpus Christi ubique possit esse, est haereticum: quia hoc solius Divinitatis est. Ergo non potest esse in diversis locis simul.

7. Præterea. Angelus est simplicior quam corpus Christi. Sed Angelus non potest esse simul in pluribus locis. Ergo neque corpus Christi; & sic idem quod prius.

8. Præterea. Corpus Christi, in quantum corpus, non habet quod sit in pluribus locis, quia sic cuiuslibet corpori conveniret; neque in quantum gloriosum, quia multo fortius spiritui glorificato conveniret; neque in quantum Divinitati unitum, quia unio non ponit ipsum extra limites corporis. Ergo nullo modo sibi competit.

Sed contra. I. Corinth. xi. 29. *Qui manducat, & bibit indigne, iudicium sibi manducat, & bibit, non diiudicans corpus Domini.* Sed si esset corpus Christi ibi secundum solam significationem, non oporteret diiudicare hunc cibum ab aliis: quia cuiuslibet panis eadem ratione significat corpus Christi. Ergo oportet ponere quod sit ibi verum corpus Christi.

Præterea. Veritas in novo testamento debet respondere figuris veteris testamenti. Sed in veteri testamento ipse agnus, qui figurabat Christum, fumebatur in cibum, ut patet.

(a) - Al. deest manducantis.

pater Exod. xii. ergo in nova lege ipsum verum corpus Christi quod per agnum significatur, debet manducari.

Præterea. Deuter. xxxiii. 4. dicitur: *Dei perfecta sunt opera*. Sed non perfecte coniungeretur Deo per sacramenta quæ nobis tradit, nisi sub aliquo eorum ipse vere contineretur. Ergo in hoc sacramento verum corpus Christi continetur: quia non est aliud assignare sacramentum in quo Christus realiter contineatur.

Ad hoc etiam sunt multe auctoritates in littera posite.

S O L U T I O.

Respondeo dicendum, quod sub sacramento altaris continetur verum corpus Christi, quod de Virgine traxit: & contrarium dicere est hæresis, quia derogat veritati Scripturæ, qua Dominus dicit (Matth. xxvi. 26: & alibi) *Hoc est corpus meum*. Ratio autem quare oportet quod in hoc sacramento ipse Christus contineatur, in principio huius tractatus (dist. viii.) dicta est, quia scilicet non ita perfecte nobis Christus coniungeretur, si sola sacramenta illa haberemus in quibus coniungitur nobis Christus per virtutem suam in sacramentis illis participatam: & ideo oportet esse aliquod sacramentum in quo Christus non participative, sed per suam essentiam contineatur, ut sit perfecta coniunctio capitis ad membra. Consequuntur autem & aliæ utilitates, sicut offensio maximæ caritatis in hoc quod seipsum dat nobis in cibum, sublevatio spei ex tam familiari coniunctione ad ipsum, & maximum meritum fidei in hoc quod creduntur multa in hoc sacramento quæ non solum præter rationem sunt, sed etiam contra sensum, ut videtur, & multe aliæ utilitates, quæ explicari sufficienter non possunt.

Ad primum ergo dicendum, quod in crudelitatem sonaret, & maximam irreverentiam, si corpus Christi ad modum cibi corporalis manducaretur, ut scilicet ipsum verum corpus Christi dilaniaretur, & dentibus attereretur. Hoc autem non contingit in sacramentali manducatione: quia ipsum per manducationem non laceratur, sed manducantes integros facit, speciebus sub quibus latet, (a) divisi, ut infra dicitur (dist. xii.).

Ad secundum dicendum, quod nihil proderet caro Christi corporaliter manducata, ut dictum est; multum autem prodest sa-

cramentaliter manducata. Unde Augustinus dicit (tract. xxvii. in Ioan.) *Caro non prodest quidquam; sed quomodo illi intellexerunt: sic enim intellexerunt carnem quomodo in cadaver vertitur, aut in macello dilaniatur*.

Ad tertium dicendum, quod non dicimus verum corpus Christi esse in altari, eo quod aliter non posset salutem conferre, sicut Regulus credebat; sed quia iste est convenientissimus modus salvandi, sicut & convenientissimus modus reparationis humanæ fuit per hoc quod Verbum caro factum est, & habitavit in nobis: quamvis etiam alius modus reparationis fuit possibilis.

Ad quartum dicendum, quod non oportet semper illud quod est nunc ubi prius non fuit localiter, mutatum esse: quia potest aliquid esse conversum in ipsum, sicut cum aer in ignem convertitur. Sed tamen ignis mutatur mutatione generationis: & hoc accidit, quia ignis in illa conversione non est terminus generationis, sed compositum ex subiecto generationis, scilicet materia, & termino, scilicet forma: unde forma ipsa quæ est terminus, per se non generatur, ut in VII. Metaph. (text. xxvii.) probatur: generatur autem per accidens, quia non est per se subsistens, sed in alio, quo mutato mutari dicitur. Corpus autem Christi est in altari cum prius non fuerit, quia panis conversus est in ipsum, ita quod ipsum totum corpus est terminus per se conversionis, sicut ibi erat forma, non tamen est ens in alio sicut forma, sed per se subsistens: & ita non oportet quod sit localiter motum, neque generatum per se, neque per accidens.

Ad quintum dicendum, quod nullum corpus comparatur ad locum, nisi median-
tibus dimensionibus quantitatis: & ideo ibi corpus est aliquid ut in loco, ubi commensurantur dimensiones eius dimensionibus loci; & secundum hoc corpus Christi non est nisi in uno loco tantum, scilicet in celo. Sed quia conversus est in corpus Christi substantia panis, qui prius erat in hoc loco determinate median-
tibus dimensionibus suis, quæ manent transubstantiatione facta; ideo manet locus, non quidem immediate habens ordinem ad corpus Christi secundum proprias dimensiones, sed secundum dimensiones panis remanentes, sub quibus succedit corpus Christi substantiæ panis: & ideo non est hic ut in loco per se loquen-
do.

do, sed ut in sacramento, non solum significante, sed continente ipsum ex vi conversionis facti. Et sic pater quod corpus Christi non est extra terminos loci secundum quod ei competit esse alicubi intus, vel extra ex dimensionibus propriis, quod est per se alicubi esse intus, vel extra; sed est extra terminos loci quasi per accidens, secundum quod competit ei esse alicubi ratione illarum dimensionum quae remanent ex illo corpore quod conversum est in corpus Christi.

Ad sextum dicendum, quod, sicut ex dictis patet, corpus Christi non dicitur esse alicubi, nisi ratione dimensionum propriarum, & illius corporis quod in ipsum conversum est. Non est autem possibile quod dimensiones eius propriae sint ubique, neque quod corpus in ipsum convertendum ubique sit: & ideo quamvis corpus Christi sit in pluribus locis aliquo modo, non tamen potest esse ubique.

Ad septimum dicendum, quod ratio illa bene sequeretur, si ratione propriorum terminorum esset in pluribus locis, quod multo fortius Angelo conveniret; sed convenit ei inquantum aliquod corpus convertitur in corpus Christi, non autem in Angelum.

Ad octavum dicendum, quod hoc non competit corpori Christi, neque inquantum est corpus, neque inquantum est glorificatum, neque inquantum Divinitati unitum, sed inquantum est terminus conversionis: unde similiter accideret de corpore lapidis, si Deus simili modo panis substantiam in lapidem converteret, quod non est dubium eum posse.

ARTICULUS II.

Utrum Christus contineatur sub sacramento quantum ad animam.

III. P. quest. lxxvi. art. 1.

1. **A**D secundum sic proceditur. Videtur quod Christus non contineatur sub sacramento quantum ad animam. Quia Christo non competit esse in altari, ut dictum est, nisi secundum quod panis in ipsum convertitur. Sed constat quod panis non convertitur in animam Christi. Ergo anima Christi non est ibi.

2. Præterea: Christus est in sacramento altaris, ut cibis fidelium. Sed non est ibi secundum animam, sed secundum corpus: quia dicit (Ioan. vi. 56.) *Caro mea*

vere est cibus. Ergo non est ibi secundum animam.

3. Præterea. Forma sacramenti debet respondere sacramento. Sed in forma non fit mentio de anima, sed solum de corpore: quia dicitur: *Hoc est corpus meum*. Ergo non est ibi secundum animam.

Sed contra. Quaecumque non separantur secundum esse, ubicumque est unum, & aliud. Sed unum est esse anime Christi, & corporis, sicut materiae, & formae. Ergo cum corpus Christi sit in altari, erit ibi anima.

Præterea. Corpus Christi non est in sacramento inanimatum. Sed corpus sine anima est inanimatum. Ergo Christus non est ibi secundum corpus tantum, sed etiam secundum animam.

QUAESTIUNCULA II.

1. Ulterius. Videtur quod sub specie panis Christus non contineatur inquantum ad carnem animatam. Quia, ut dictum est, corpus Christi est ibi secundum quod cibus. Sed esse cibum non convenit nisi carni: unde Ioan. vi. 56. *Caro mea vere est cibus*. Ergo non est ibi aliqua pars corporis, nisi caro.

2. Præterea. Quod iam est, non oportet fieri. Si ergo in pane consecrato sunt omnes partes corporis Christi, erit ibi sanguis: ergo non oporteret quod per consecrationem vini iterum ibi fieret.

3. Præterea. Deus in revelationibus veritatem ostendit: alias revelatio esset causa erroris, quod est inconveniens. Sed species panis ostensa est aliquando, ut caro tantum, sicut legitur in vita beati Gregorii (Lib. II. cap. xlii.) Ergo non est sub specie panis aliquid de corpore Christi, nisi caro, & non sanguis, vel os, vel aliud huiusmodi.

Sed contra. Sicut corpus Christi significatur in sacramento, ita continetur ibi. Sed significatur secundum quod est; alias significatio esset falsa. Ergo est ibi secundum quod est. Sed caro non est sine sanguine, & aliis partibus corporis. Ergo est ibi non solum caro, sed etiam aliae partes corporis.

Præterea. In specie panis significatur totum id quod est res tantum sine sacramento, scilicet unitas corporis mystici, & similiter in vino, ut ex dictis viii. dist. patet. Sed sicut significatur id quod est res tantum, ita significatur, & continetur id quod est res, & sacramentum. Ergo & totum

tus

tes Christus, qui est res, & sacramentum, continetur sub utraque specie.

QUAESTIUNCULA III.

1. Uterius. Videtur quod non sit ibi corpus Christi secundum propriam qualitatem. Nihil enim quod manet, convertitur in alterum. Sed quantitas panis manet. Ergo non convertitur in quantitatem corporis Christi. Sed corpus Christi non est in altari, ut dictum est, nisi ut est terminus conversionis. Ergo non est ibi secundum propriam quantitatem.

2. Præterea. Secundum Philosophum in III. Phyl. (text. xl.) corpus naturale non potest esse simul cum dimensionibus separatim: quia tunc duæ dimensiones essent simul. Sed dimensiones panis manent. Ergo sub eisdem dimensionibus non potest esse corpus Christi cum dimensionibus propriæ quantitatim.

3. Præterea. Accidens plus dependet a substantia quam substantia ab accidente. Sed ex parte eius quod est sacramentum tantum, invenitur accidens sine substantia. Ergo multo magis potest poni ex parte eius quod est res, & sacramentum, quod sit substantia sine accidente, & ita corpus Christi sine quantitate.

4. Præterea. Sicut dictum est supra (art. præc. ad 5.) ubicumque est corpus aliquod secundum proprias dimensiones, est ibi ut in loco. Sed corpus Christi non est sub sacramento ut in loco, quia iam esset extra terminos loci proprii. Ergo impossibile est quod sit ibi secundum dimensiones proprias.

Sed contra. Subiectum numquam separatur a propria passione. Sed substantiæ corporalis propria passio est quantitas dimensionum. Ergo cum substantia corporis Christi sit sub sacramento, etiam quantitas eius dimensionum erit.

Præterea. De ratione corporis vivi est organizatio, ut patet in II. de Anima (text. vi. & vii.) Sed organizatio requirit diversum suum partium; situs autem præsupponit quantitatem. Ergo oportet, cum corpus Christi sit vivum sub sacramento, quod sit ibi sub propria quantitate.

QUAESTIUNCULA IV.

1. Uterius. Videtur quod non sit ibi se-

cundum totam quantitatem suam. Constat enim quod quantitas corporis Christi non invenitur extra corpus Christi, ut corpus Christi sit sine propria quantitate. Sed constat quod corpus Christi non est ultra dimensiones panis, neque aliqua pars dimensionis est sub qua non sit corpus Christi. Ergo si est ibi quantitas tota corporis Christi, neque excedit dimensiones panis, neque exceditur. Sed communis animi conceptio est quod duæ quantitates, quarum una alteri superposita neque excedit, neque exceditur, sunt æquales, ut patet in principio Euclidis. Ergo quantitas corporis Christi tota æquatur quantitati panis, quod est falsum: quia contingit esse maiorem, & minorem.

2. Præterea. Nullum corpus secundum totam suam quantitatem potest contineri indifferenter magna, & parva quantitate extrinseca. Sed corpus Christi continetur indifferenter sub parva parte, vel magna panis consecrati. Ergo non est ibi secundum totam suam quantitatem.

3. Præterea. Quandocumque sub aliqua quantitate extrinseca continetur corpus aliquod habens partes distinctas secundum suam intrinsecam quantitatem totam; contingit assignare sub qua parte illius quantitatis singulæ partes contineantur. Sed corpus Christi, cum sit organicum, habet partes distinctas. Si ergo secundum totam suam quantitatem continetur sub dimensionibus, erit assignare ubi sit caput eius, & manus, & pes; quod est impossibile: quia parvitas quantitatis non sufficit ad talem distantiam, & præcipue cum partes habeant distantias determinatas propter multa intermedia quæ habent quantitates determinatas.

Sed contra. Formalitas corporis attenditur secundum totalitatem quantitatis eius: quia secundum quantitatem dividitur, & partes habet. Sed secundum Augustinum* (ut refertur de consec. dist. 11. cap. Qui manducatur, & cap. Irucit) Christus totus manducatur in sacramento. Ergo est ibi secundum totam suam quantitatem.

Præterea. Impossibile est aliquid essealicubi secundum partem quantitatis, & non secundum totam, nisi divisa quantitate ipsius. Sed quantitas corporis Christi non dividitur actu, quia corpus illud dividi est impossibile. Ergo cum in sacramento contineatur aliquid quantitatis corporis eius, im-

EX EDIT. P. NICOLAI.

* Apud Augustinum non occurrit, etiam ex illo usurpat Beda in I. ad Corinth. cap. 1.

impossibile est dicere, quod non contineatur in toto.

SOLUTIO I.

Respondeo dicendum ad primam questionem, quod in sacramento altaris continetur aliquid dupliciter: uno modo ex vi sacramenti, alio modo ex naturali concomitantia. Ex vi quidem sacramenti continetur ibi illud ad quod conversio terminatur. Ad quid autem terminatur conversio, sciri potest ex tribus. Primo ex eo quod convertebatur: non enim convertitur materia sacramenti nisi in id ad quod habet similitudinem secundum proprietatem naturæ suæ, sicut vinum in sanguinem. Secundo ex significatione formæ, cuius virtute fit conversio: unde in illud conversio terminatur quod est significatum per formam. Tercio ex usu sacramenti: quia quod pertinet ad cibum, continetur sub specie panis ex vi sacramenti; quod pertinet ad potum, sub specie vini. Ex naturali autem concomitantia, & quasi per accidens continetur sub sacramento illud quod per se non est terminus conversionis, sed sine quo terminus conversionis esse non potest. Secundum hoc ergo patet quod cum anima Christi non habeat similitudinem cum substantia panis, nec in forma sacramenti de anima fiat mentio, nec anima conveniat ad usum sacramenti, qui est manducare, & bibere, ad animam non terminatur conversio panis, nec vini, sed ad corpus, & sanguinem Christi, quæ ab anima separata non sunt: & ideo anima non continetur ibi ex vi sacramenti, sed tamen continetur ibi ex naturali concomitantia ad corpus quod vivificat. Unde si fuisset facta conversio panis in corpus Christi, quando erat mortuum, anima non fuisset sub sacramento. Et quod dictum est de anima, debet intelligi de Divinitate, cuiusquod Divinitas eius, etiam præter sacramentum, est ubique.

Et per hoc patet responsio ad obiecta.

SOLUTIO II.

Ad secundam questionem dicendum, quod duplex est usus sacramenti, scilicet manducare, & bibere. Manducare autem est usus cibi siccis; sed bibere est usus cibi humidi, qui potus dicitur: & ideo sub specie panis, qui ad usum manducationis ordinatur, continetur ex vi sacramenti non solum caro Christi, sed os, & omnes huiusmodi partes; non autem sanguis, quia continetur ex vi sacramenti sub specie vini, qui ad usum

potus ordinatur; quamvis ex naturali concomitantia & sanguis sit sub specie panis, & caro sub specie vini.

Ad primum ergo dicendum, quod ponitur ibi pars pro toto, scilicet caro pro toto corpore: & hanc partem specialiter posuit, ut per similitudinem manducationis corporalis, cui præcipue caro apta est, manduceret ad sacramentalem: quamvis etiam ossa, & aliz huiusmodi partes manducationi aliquo modo competant, cum secundum Avicennam quedam animalia ipsi nutrantur.

Ad secundum dicendum, quod illud quod iam est, non fit eo modo quod est, sed alio modo potest fieri: quia quod est potentia, fit actu: & ideo sanguis Christi, qui est sub sacramento hostia consecrata non ex vi sacramenti, fit ibi per consecrationem vini ex vi sacramenti existens, sicut etiam quod est in uno loco per accidens, fit ibi per se quandoque.

Ad tertium dicendum, quod visus corporalis, ut dicitur, non potest videre corpus Christi secundum quod est sub sacramento. Quid autem illud sit quod quandoque in hoc sacramento in specie carnis, aut sanguinis apparet, infra dicitur (art. 4. quæstiunc. 2.)

SOLUTIO III.

Ad tertiam questionem dicendum, quod substantia panis, quæ convertitur in corpus Christi, non habet aliquam proportionem similitudinis ad quantitatem, vel alia accidentia Christi, sed tantummodo ad substantiam eius corporis: & ideo cum nihil convertatur in corpus Christi de pane nisi substantia panis, quia accidentia manent, constat quod conversio illa terminatur directe ad substantiam, non autem ad accidentia, quia accidentia panis remanent: & ideo quantitas, & alia accidentia propria corporis non sunt ibi ex vi sacramenti, sunt tamen ibi secundum rei veritatem ex naturali concomitantia accidentis ad subiectum, ut de anima dictum est.

Ad primum ergo dicendum, quod ratio illa probat quod non sit ibi ex vi sacramenti; & hoc concedo.

Ad secundum dicendum, quod quia dimensiones corporis Christi non sunt ibi ex vi sacramenti, sed solum ex eo quod concomitantur inseparabiliter substantiam, constat quod contrario ordine sunt ibi dimensiones propriæ corporis Christi, & dimensiones locati corporis in loco. Corporis enim

locati substantia non habet ordinem ad locum, nisi mediantibus dimensionibus: & ideo quia dimensiones corporis locati non possunt esse simul cum aliis dimensionibus, sequitur ex consequentia quod substantia corporis locati non possint esse simul cum aliis dimensionibus neque separatis, neque in alio corpore existentibus. Sed hic e contrario substantia corporis Christi per se immediate ordinatur ad hoc quod sit sub sacramento, & dimensiones eius propriae ex consequenti, & per accidens. Substantia autem ex hoc quod est substantia, non prohibetur esse simul cum dimensionibus quibuscumque sive coniunctis sibi, sive separatim, aut existentibus in alio subiecto, sicut substantia Angeli potest esse simul ubi est aliud corpus: & ideo etiam corpus Christi sub propria quantitate potest, esse sub dimensionibus panis.

Ad tertium dicendum, quod non potest fieri sine mutatione panis, quod eius accidentia sine substantia remaneant: & similiter non posset fieri quod substantia corporis Christi esset sine accidentibus sine sua mutatione. Posset autem Deus hoc facere ut sine accidentibus propriis esset, (a) ad minus aliquibus, absque transubstantiatione intrinseca: & quia non est inconueniens panem mutari, esset autem inconueniens Christum mutari; ideo non est simile quod inducit ratio.

Ad quartum dicendum, quod quamvis corpus Christi cum quantitate propria sit sub sacramento, non est tamen ibi mediante sua quantitate: & ideo non est ibi ut in loco.

SOLUTIO IV.

Ad quartam questionem dicendum, quod qua ratione ponitur ibi pars quantitatis, eadem ratione ibi poni debet etiam tota quantitas: quia sicut corpus Christi non separatur a propria quantitate, ita una pars quantitatis non separatur ab alia: utrumque enim sine mutatione intrinseca corporis Christi non posset evenire.

Ad primum ergo dicendum, quod (b) in superpositione directe quantitas applicatur quantitati. Et quia quantitas Christi non directe applicatur quantitati panis, quia non mediante ipsa corpus Christi sub dimensione panis est; ideo non est ibi aliqua superpositio quantitatis ad quantitatem, nec aliqua commensuratio quantitatum: & ideo non sequitur quod sint aequales.

Ad secundum dicendum, quod sicut illa quae non habent quantitatem, possunt esse indifferenter sub parva, & magna quantitate, sicut patet de anima, quae est indifferenter in magno, & parvo corpore; ita illud quod non ratione suae quantitatis continetur sub aliqua quantitate, potest esse indifferenter in magna, & parva quantitate: & sic est in proposito.

Ad tertium dicendum, quod situs, sicut obiectio tangit, quantitatem praesupponit: & quia quantitas Christi nullam similitudinem habet ad dimensiones panis, ideo etiam nec situs partium corporis Christi: & ideo quamvis corpus Christi, prout est sub sacramento, habeat partes distinctas, & situatas situ naturali, non est tamen assignare in partibus dimensionum panis, ubi singulae partes corporis Christi acent. Nec tamen sequitur quod dicamus corpus Christi consulum, quia ordinem habent partes in se; sed secundum ordinem illum non comparantur ad dimensiones exteriores.

ARTICULUS III.

Utum corpus Christi contineatur sub sacramento circumscriptive.

III. P. quest. lxxvi. art. 5. Q. 6.

1. **A**D tertium sic proceditur. Videtur quod corpus Christi contineatur sub sacramento circumscriptive. Omne enim corpus quod est in loco, circumscribitur. Sed corpus Christi est sub sacramento sicut in loco: quod patet, quia non est alium modum assignare de modis essendi in quos assignat Philosophus in IV. Phys. (text. xxxiii.) Ergo corpus Christi est in loco circumscriptive.

2. Praeterea. In sex principiis dicitur, quod proprium est positionis primo loco substantiae inherere. Sed corporis Christi substantia non denudatur aliis proprietatibus, prout est sub sacramento. Ergo neque positio: ergo secundum quod est sub sacramento, est in loco: quia positio ordinem partium in loco dicitur.

3. Praeterea. Omne corpus quod continetur superficie alterius corporis, ita quod non excedit, neque exceditur, circumscribitur illa superficie sicut loco. Sed corpus Christi totum, ut dictum est, continetur sub ultima superficie dimensionum panis quae manent, & nec excedit, nec exceditur.

(a) Ad minus aliquibus intrinseca. (b) Ad in suppositione.

ditur. Ergo est sicut in loco circumscriptive.

4. Præterea. Omne quod replet locum, circumscriptur loco. Sed corpus Christi replet locum dimensionum, alias esset vacuum. Ergo corpus Christi circumscriptur speciebus illis.

Sed contra. Omne corpus quod circumscriptur loco, commensuratur loco circumscripti: quia locus, & locatum sunt æqualia, ut dicitur in IV. Phys. (text. xxx.) Sed corpus Christi non commensuratur quantitati dimensionum, ut dictum est (art. præc.) Ergo non est ibi sicut in loco circumscriptive.

Præterea. Omne corpus quod circumscriptur loco aliquo, partes eius habent situm determinatum in loco illo. Sed hoc, ut dictum est, non convenit corpori Christi ratione dimensionum illarum. Ergo non continetur eis circumscriptive.

QUAESTIUNCULA II.

1. Ulterius. Videtur quod contineatur sub eis saltem definitive. Quia plus distat a natura loci Angelus quam corpus Christi. Sed Angelus non potest esse in loco, quin loco definiatur, ut communiter dicitur. Ergo multo fortius corpus Christi est definitive sub speciebus illis.

2. Præterea. Omne corporale individuum est determinatum ad hic & nunc. Sed corpus Christi est huiusmodi. Ergo determinatur ad hic & nunc. Ergo est definitive sub speciebus.

3. Præterea. Omne finitum existens alibi, definitive est ibi. Sed corpus Christi est huiusmodi. Ergo &c.

Sed contra. Omne quod est definitive alibi, ita est ibi quod non alibi. Sed corpus Christi non ita est sub speciebus quod non alibi. Ergo non est definitiva sub eis.

Præterea. Omne quod potest sine sui mutatione alibi esse quam hic, non est hic definitive: propter hoc enim ponimus Angelos moveri, quia loco definiuntur. Sed corpus Christi potest (a) alibi esse quam sub speciebus illis sine omni mutatione vel sua, vel specierum; puta, si alibi corpus Christi consecratur. Ergo non erat hic definitive.

QUAESTIUNCULA III.

1. Ulterius. Videtur quod corpus Christi non possit esse totum sub qualibet parte

specierum. Dimensiones enim panis remanentes possunt in infinitum dividi. Si ergo in qualibet parte dimensionum illarum esset corpus Christi totum, esset infinities sub eisdem dimensionibus; quod est impossibile.

2. Præterea. Quæcumque uni & eidem sunt simul, sibi invicem sunt simul. Sed si in qualibet parte dimensionum esset totum corpus Christi, ubicumque esset pars corporis Christi, esset totum corpus Christi. Ergo ubi esset una pars, esset alia. (b) Sed hoc repugnat distinctioni partium, quæ requiritur in corpore organico. Ergo non est possibile quod totum corpus Christi sub qualibet parte specierum sit.

3. Præterea. Augustinus dicit (de cognitione veræ vitæ cap. xxxiv.) quod proprium est spiritus quod possit simul in diversis partibus (c) totus esse. Sed corpus Christi non ponitur neque per unionem, neque per gloriam extra limites corporis, ut possit percipere proprietatem spiritus. Ergo corpus Christi non est totum in qualibet parte specierum.

Sed contra est quod Hilarius dicit (de cons. dist. 11. cap. Ubi) *Ubi pars est corporis, & totum: & loquitur de corpore Domini in sacramento.* Sed in qualibet parte dimensionum est aliqua pars corporis Domini. Ergo in qualibet parte dimensionum est totum.

Præterea. Panis consecratus est quoddam totum homogeneum, idest unius rationis in toto, & in partibus. Sed sub toto est totum corpus. Ergo sub qualibet parte corporis est totum.

QUAESTIUNCULA IV.

1. Ulterius. Videtur quod corpus Christi movetur ad motum hostiæ. Omne enim quod definit esse ubi prius erat, & incipit esse ubi prius non erat, movetur vel per se, vel per accidens. Sed corpus Christi translata hostia definit esse ubi prius erat, scilicet in altari, & incipit esse ubi prius non erat, scilicet in pixide, vel in ore. Ergo corpus Christi movetur ad motum hostiæ vel per se, vel per accidens.

2. Præterea. Secundum Philosophum in II. Topicor. (cap. 111.) moventibus nobis, moventur ea quæ in nobis sunt. Sed corpus Christi vere continetur sub speciebus illis. Ergo speciebus translatis & ipsum transferetur.

3. Præterea. Anima, vel Angelus ma-

Ff 2 gja

(a) *id. alibi, ut sic infra.* (b) *id. de hoc.* (c) *id. totus.*

gis recedit a natura loci quam corpus Christi. Sed anima, vel Angelus movetur per accidens, moto corpore unito, vel assumpto. Ergo multo fortius corpus Christi.

1. Sed contra. Nullum quietum manens in eodem loco movetur per se, vel per accidens. Sed corpus Christi est huiusmodi. Ergo &c.

2. Præterea. Quod movetur per accidens ad motum alterius definitive est in illo: unde Deus non movetur ad motum alicuius, nec anima ad motum manus. Sed corpus Christi non est definitive sub speciebus illis. Ergo non movetur ad motum illarum.

SOLUTIO I.

Respondeo dicendum ad primam questionem, quod locus dicitur circumscribere locatam ex eo quod in circuitu describit figuram locati: quia loci proprii, & locati oportet esse unam figuram; figura autem est qualitas circa quantitatem. Et quia corpus Christi non habet ordinem ad species sub quibus continetur mediante quantitate, sed e converso, ut dictum est; ideo neque figura corporis Christi respondet figuræ specierum, sicut patet ad sensum. Et ideo patet quod non est sub speciebus circumscriptive, & per consequens nec est in eis sicut in loco: quia nihil per se, proprie loquendo, est in loco ut in loco, nisi quod loco circumscribitur.

Ad primum ergo dicendum, quod comparatio corporis Christi ad species sub quibus est, non est similis alicui comparationi naturali: & ideo non potest reduci, proprie loquendo, ad aliquem modorum a Philosopho assignatorum; tamen habet aliquam similitudinem cum illo modo quo aliquid dicitur esse in loco, secundum quod esse in loco est esse in aliquo separato extra substantiam suam, quod non est eius causa: & secundum hoc etiam Innocentius* dicit corpus Christi esse in pluribus locis, quod continetur sub pluribus speciebus.

Ad secundum dicendum, quod quamvis corpus Christi non denudetur positione, neque aliquas suarum proprietatum ex hoc quod est sub sacramento, non tamen sequitur quod secundum quod habet figuram, & quantitatem, & positionem, comparatur ad species sacramenti; sicut homo non comparatur ad locum ex hoc quod habet ani-

mam, vel mediante anima, quamvis hoc quod in loco est, anima non privetur.

Ad tertium dicendum, quod ad circumcriptionem plus exigitur, scilicet quod locatum configuretur loco, aut e converso: & hoc non est in proposito ratione iam dicta.

Ad quartum dicendum, quod corpus naturale non habet quod repleat locum ex parte materie, neque ex parte dimensionum: unde secundum Philosophum in IV. Phys. (text. viii.) & in III. Metaph. (text. ix.) dimensiones separatae si ponantur esse (vel corpus mathematicum, quod idem est) replent locum, & non possunt esse simul cum alio corpore. Nec obstat quod ipse in IV. Physic. cap. (vt.) de vacuo videtur uti dimensionibus separatis existentes inter terminos corporis continentis, esse locum. Unde sequitur quod quando illæ dimensiones fuerunt sine corpore sensibili, dicatur vacuum, sic enim vacuum ponebant. Et ideo dicendum est in proposito, quod cum corpus Christi non comparatur ad locum istum in quo est sub sacramento, mediantibus propriis dimensionibus, non replet locum; neque tamen locus ille est vacuum, quia repletur dimensionibus separatis sacramenti corporis Christi.

SOLUTIO II.

Ad secundam questionem dicendum, quod ad hoc quod aliquid sit in loco definitive, duo requiruntur. Primum est ut comperat ibi esse ei, quia quod non est in aliquo loco, non potest loco illo definiri. Secundum est quod sit ibi sicut in loco commensurato aliquo modo suæ quantitati, vel virtuti. Corpus enim bicubitale non definitur loco unius cubiti, quamvis aliquo modo sit ibi; neque anima est de finitive in manu, quia est in aliis partibus, eo quod non est in manu secundum totam virtutem suam. Et ideo omne quod habet quantitatem finitam, vel virtutem, oportet quod sit definitive in loco in quo est: & ideo Angeli definitive sunt in loco, non tamen Deus. Corpus autem Christi quamvis secundum veritatem sit sub speciebus, non tamen competit ei ratione sui: quia neque ratione suæ quantitatit, ut dictum est, neque ratione suæ virtutis, sed ratione illius quod in ipsum conversum est ibi
proximi.

EXEDIT P. NICOLA I.

* Sio Lib. IV. de mysteriis Missæ cap. xxviii. expressissimis verbis.

præexistens, cuius dimensiones adhuc manent, quibus ad locum illum determinabatur: & ideo non definitur loco illo, sed simili modo potest esse alibi, ubicumque fuerint panis dimensiones conversi in ipsum.

Ad primum ergo dicendum, quod Angelus est in loco quo definitur, non quia aliquid convertatur in ipsum, sed ratione suæ operationis, virtutis, & essentiae: & ideo non potest esse nisi in uno loco, quia substantia rei non est nisi semel.

Ad secundum dicendum, quod corpus Christi, sicut & alia corpora, determinatur ad unum locum qui competit ei ratione suæ quantitatis, quia ibi est ut in loco: sed non hoc modo sub speciebus est: & ideo ratio non sequitur.

Ad tertium dicendum, quod finitum, & infinitum sunt passiones quantitatis, secundum Philosophum in I. Physic. (text. xv.) unde cum corpus Christi non habeat ex ratione suæ quantitatis quod sit ubi consecratur, sed magis ex conversione alterius in ipsum corpus Christi; sic esse in pluribus, & non definitive in uno, non pertinet ad eius finitatem, vel infinitatem, sed magis ad numerum eorum quæ convertuntur in ipsum.

SOLUTIO III.

Ad tertiam questionem dicendum, quod circa hoc est duplex opinio. Quidam enim dicunt, quod hostia remanente integra, Christus totus est sub tota hostia, non tamen sub qualibet hostiæ parte; sed hostia divisa, Christus totus remanet sub qualibet parte. Et ponunt exemplum de speculo: quia Augustinus dicit * (in quodam ser. de verbis Evang. & idem quantum ad sententiam habetur de consecr. dist. 11. cap. *Qui manducat*) quod sicut fractio speculo multiplicatur species, vel imagines; sic post fractionem quot sunt partes, toties est ibi Christus: constat autem quod ante fractionem speculi non erat ibi nisi una imago. Idud autem non potest stare: quia hostia integra manente aliquo modo est corpus Christi sub partibus hostiæ. Si ergo non sit ibi secundum totum, erit secundum partem; sed omne quod est totum in toto, & pars eius in parte, est ibi sicutualiter; & ita corpus Christi esset sicutualiter sub sacramento, & circumscriptive; quod est impos-

ibile. Exemplum autem non est conveniens: quia imago speculi non est ibi ut forma absolute quiescens in subiecto, sed aggregatur ex reverberatione: & ideo quamdiu est una superficies speculi, sit una reverberatio, & per consequens una imago resultat; fractio autem speculo sunt multæ superficies, & per consequens multæ reflexiones, & imagines multæ resultantes. Si autem esset forma absolute quiescens in subiecto; aut esset consequens quantitatem, sicut albedo quæ fundatur in superficie; aut præcedens quantitatem, sicut forma substantialis. Si primo modo, de necessitate esset tota in toto, & pars in parte ante fractionem speculi, & post; si autem esset præcedens quantitatem, esset ante, & post & tota in toto, & tota in partibus, sicut tota forma substantialis ligni est in qualibet parte eius, quia totalitas formæ substantialis non recipit quantitatis totalitatem, sicut est de totalitate formarum accidentalium, quæ fundantur in quantitate, & præsupponunt ipsam. Corpus autem Christi continetur absolute sub speciebus: & hoc non convenit sibi mediante quantitate, ut dictum est, sed ratione substantiæ, inquantum substantia panis est conversa: & ideo etiam ante fractionem est totum in toto, & totum in partibus: quia ubicumque erat tota natura panis, est tota natura corporis Christi, & per consequens etiam totum corpus, & tota quantitas eius. Et hæc est alia opinio quæ magis vera videtur.

Ad primum ergo dicendum, quod unitas rei consequitur esse ipsius partes autem alicuius homogenei continui ante divisionem non habent esse actus, sed potentia tantum: & ideo nulla illarum habet unitatem propriam in actu, unde actu non est accipere ipsarum numerum, sed potentia tantum. Et propter hoc forma quæ est tota in toto tali, & tota in partibus eius, non dicitur ante divisionem continui esse ibi pluries actu, sed solum potentia; sed post divisionem multiplicatur secundum actum, sicut patet de anima in animalibus analogis. Et similiter corpus Christi ante divisionem hostiæ, quamvis sit totum sub qualibet parte hostiæ, non est tamen pluries actu sub partibus illis, sed tantum potentia. Nec est inconveniens quod sit ibi infinitas in potentia.

Ad

EX EDIT. P. NICOLAI.

* Nihil tale in operibus Augustini quæ nunc erant, & multo minus quo ad similitudinem speculi quam veluti de suo ponit S. Thomas opus. IV. cap. 211.

Ad secundum dicendum, quod confusio opponitur ordini partium qui pertinet ad rationem situs: & quia corpus Christi non est situaliter sub sacramento, ideo non sequitur ibi aliqua confusio partium ex hoc quod in quolibet signato hostie est totum corpus Christi, & quilibet pars eius. Quamvis enim non sit accipere ordinem partium corporis Christi secundum comparisonem ad partes hostie, tamen est accipere ordinem ipsarum partium ad invicem in corpore Christi secundum propriam quantitatem.

Ad tertium dicendum, quod spiritui competit esse totum in toto, & in qualibet parte: quia non habet quantitatem, neca quantitate substantia eius dependet. Corpus autem Christi quamvis in se consideratum non absolvetur a propria quantitate, tamen non comparatur ad hostiam sub qua est, secundum propriam quantitatem; & ideo non est spiritus, sed participat quantum ad aliquid proprietatem spiritus secundum comparisonem ad species sub quibus continetur.

SOLUTIO IV.

Ad quartam questionem dicendum, quod moveri in loco includit esse in loco: unde ad hoc quod aliquid per se moveatur in loco, oportet quod per se sit in loco, & quod per se moveatur, non ad motum alterius. Sed per accidens aliquid movetur in loco dupliciter: uno modo quia per accidens est in loco, sicut formae moventur per accidens; alio modo quia per se est in loco, sed per accidens movetur in loco, sicut patet in his quae vehuntur: quia locus quem mutant, est per se eorum proprius locus, vel communis. Corpus autem Christi in loco quem species transmutant, non est per se neque sicut in loco proprio; neque sicut in loco communi, sicut ex dictis patere potest: & ideo per se in illo moveri non potest, neque per accidens, sicut corpora per accidens moventur; sed hoc modo quo aliquid & per accidens est in loco, & per accidens movetur: Nec differt, ut quidam dicunt differre, utrum species moveantur in eodem loco, aut transferantur de loco ad locum: quia quod in eodem loco secundum substantiam manens movetur, mutat locum non solum secundum partes, sed secundum totum, ut in VI. Physic. (text. com. lxxv.) probatur.

Et secundum hoc patet solutio ad utramque partem, praeter ultimum.

Ad secundum dicendum, quod quamvis non definitur hoc loco, tamen perfecte est ibi & quantum ad substantiam, & quantum ad virtutem, tamen per accidens; non autem in manu perfecte est anima: unde non est simile.

ARTICULUS IV.

Utrum oculus glorificatus possit videre ipsum verum corpus Christi sub speciebus existens.

III. P. quæst. lxxv. art. 7. Q. 8.

AD quartum sic proceditur. Videtur quod oculus glorificatus possit videre ipsum verum corpus Christi sub speciebus existens. Ipse enim Christus sub speciebus existens videt seipsum ibi corporali oculo. Sed corpora glorificata conformantur corpori eius, ut dicitur Phil. III. Ergo & alius oculus glorificatus, puta Virginis, potest hoc idem.

2. Præterea. Ideo, ut infra (dist. seq.) dicitur, corpus Christi sub alia specie proponitur, ut fides habeat meritum. Sed illi qui sunt in gloria, non habent fidem. Ergo ipsi ad ipsam substantiam corporis eius videndam pertingunt corporali oculo, etiam secundum quod est sub sacramento.

3. Præterea. Propter velamen specierum quibus verum corpus Christi velatur, decipitur sensus viatoris. Sed status gloriæ non patitur deceptionem, neque velamen. Ergo ipsam substantiam corporis Christi sub sacramento vident.

Sed contra. Maior magnitudo in aequali distantia visa, sub maiori angulo videtur, ut perspectivi probant. Sed maior est quantitas corporis Christi quam hostie huius, & distantia ad oculum est eadem. Ergo oculus videns corpus Christi, & hostiam, videt corpus Christi sub maiori angulo. Sed corpus Christi videtur sub specie hostie. Ergo minor angelus continet maiorem, quod est impossibile.

Præterea. Corpus non est natum movere visum nisi moto medio. Sed medium non movetur a colore corporis Christi, quia nos etiam videremus. Ergo impossibile est quod ab aliquo oculo videatur: nullus enim oculus videt, nisi motus a colore.

QUAESTIUNCULA II.

1. Ulterius. Videtur quod quando apparet in specie carnis, vel pueri in altari, videatur.

videatur in specie propria. Corpus enim Christi non est nisi sub specie propria, vel sub specie panis. Sed tunc desinunt ibi esse species panis. Ergo si non est species propria illa in qua videtur, nullo modo erit ibi.

2. Præterea, Illa ostensio est ad ædificationem fidei. Sed non confirmaretur fides, si Christus in specie alterius carnis appareret. Ergo in specie propria ibi apparet.

3. Præterea, Nihil potest apparere in aliquo quod non est in eo. Sed in sacramento altaris non est nisi species panis, quæ est tantum sacramentum; & corpus Christi, quod est res contenta; illud autem quod ibi apparet, non est species panis. Ergo est species corporis Christi.

Sed contra. Cum in hoc sacramento non sit aliqua deceptio, ergo debet secundum veritatem ibi esse illud quod sensus percipit. Sed sensus percipit ibi quasdam parvas dimensiones, quarum iudicium ad ipsum pertinet. Ergo sunt ibi illæ dimensiones. Sed illæ non sunt dimensiones corporis Christi, cum sint multo minores. Ergo sunt ibi aliæ dimensiones quam dimensiones corporis Christi, & super illas fundantur species quæ ibi apparent. Cum ergo species corporis Christi non sudentur nisi super dimensiones proprias, non videtur ibi corpus Christi in propria specie.

Præterea, Superficies illius speciei quæ ibi apparet, tangit aerem circumstantem. Ergo illud cuius est illa superficies, est ibi sicut in loco. Sed corpus Christi non est ibi sicut in loco, ut dictum est. Ergo illa species quæ ibi apparet, non est species corporis Christi.

QUAESTIUNCULA III.

1. Ulterius. Videtur quod in hoc casu debeat sumi. Quia in sumente exigitur devotio. Sed talis ostensio fit ad augmentandam devotionem. Ergo tunc magis debet sumi.

2. Præterea, Ille qui consecrat, secundum canones debet sumere: quod non potest, nisi illud quod sub specie carnis appareret, sumeret. Ergo debet sumere.

Sed contra. Nihil horreudum est committendum in hoc sacramento. Sed horreudum est comedere carnem crudam. Er-

go illud quod in substantia carnis crude apparet, non est sumendum.

QUAESTIUNCULA IV.

1. Ulterius. Videtur quod nec Angelus possit videre corpus Christi sub sacramento. Quia quidam sancti sunt maiores quibusdam Angelis, ut habetur per Glossam * I. Corinth. vi. super illud, *Angelos indicabimur*. Sed oculus glorificatus hominis sancti non potest ipsum videre. Ergo nec Angelus.

2. Præterea. Quod est visibile, si ab aliquo non videatur, hoc est propter defectum videntis. Sed oculus glorificatus, qui non videt corpus Christi sub sacramento, ab omni defectu est immunis. Ergo corpus Christi non est de se visibile sub sacramento existens. Sed quod de se non est visibile, a nullo potest videri. Ergo nec Angelus corpus Christi videre potest sub sacramento.

Sed contra. Gregorius ** (II. Lib. Moral. cap. 111.) *Quid est quod non videamus (a) qui videntem omnia vident*. Sed Angeli vident Deum videntem omnia, ut patet Matth. xviii. 10. *Angeli eorum semper vident faciem Patris*. Ergo vident corpus Christi sub sacramento.

QUAESTIUNCULA V.

1. Ulterius. Videtur quod comprehendi possit intellectu viatoris. Quod enim est supra intellectum, est supra senonem, ut patet in Lib. de causis (propos. vi.) Sed nos loquimur de corpore Christi sub sacramento contento. Ergo non est omnino supra intellectum nostrum.

2. Præterea. Nullus tenetur ad impossibile. Sed quilibet tenetur concedere, & mente tenere, corpus Christi verum esse sub sacramento. Ergo mente capi potest.

Sed contra. Intellectus noster ortum habet a sensu. Sed corpus Christi sub sacramento non cadit in sensum, ut probatum est. Ergo non cadit in intellectum nostrum.

SOLUTIO I.

Respondeo dicendum ad primam questionem, quod nihil videtur corporali visu,

(a) Nisi (vel nesciant.)

* Non est in Glossa quæ nunc extat. ** Lib. IV. Dialog. cap. xxviii.

fu, nisi per hoc quod oculus (a) movetur ab objecto secundum similitudinem coloris in ipso existentis: quæ quidem similitudo primo fit in medio, & deinde in sensu. Corpus autem Christi non habet ordinem ad species, sub quibus est, ratione quantitatis suæ: & ideo non potest aggenerari similitudo coloris eius in aere contingente species duplici ratione. Primo quia omnis actio corporalis requirit contactum; tactus autem corporalium consequitur quantitatem, quia nihil aliud est quam coniunctio terminorum duarum quantitatum: & ideo corpus Christi non tangit aërem circumstantem, & propter hoc non potest in ipso aggenerare similitudinem coloris sui. Secundo quia color consequitur quantitatem, cum immediatum subiectum eius sit superficies: & quia corpus Christi non habet ordinem ad hunc locum ratione suæ quantitatis, ideo nec ratione sui coloris: & ideo sicut non coniungitur aëri circumstanti secundum quantitatem, ita non assimilatur sibi ipsum, aggenerando similitudinem coloris sui in eo.

Ad primum ergo dicendum, quod si oculus Christi esset extra species sacramenti, non videret substantiam suam intra species contentam ex natura gloriæ nisi miraculose: & ideo non oportet quod oculus glorificatus videat, nisi forte per miraculum.

Ad secundum dicendum, quod comprehensores, quamvis non videant forte corporali visione corpus Christi sub sacramento, vident tamen visionem intellectualem plenam: & ideo non oportet quod habeat de eo fidem, sed perfectam cognitionem.

Ad tertium dicendum, quod sensus in hoc sacramento non decipitur: quia sensus non habet iudicare de substantia, sed de formis sensibilibus: & ideo cum formæ sensibiles sint ibi vere, in iudicio sensus non est deceptio. Sed potest esse deceptio in iudicio intellectus, nisi adsit fides, vel plena cognitio: & quamvis lateat visum corporalem beatorum, non tamen latet ipsos, quia intellectu conspiciunt; sicut etiam essentiam Dei non videt oculus corporis, sed oculus mentis ipsorum, ut Augustinus dicit in Lib. de videodo Deum (seu epist. cxii.)

(a) *Al. additur eius.* (b) *Al. Guimundus.*

EX EDIT. P. NICOLAI.

* Guimundus ille qui adversus Berengarium scripsit Lib. II. de veritate eucharistiæ Tom. VI. Bibliothecæ Patrum, ubi & addit ex Lanfranci testimonio illud in Italia contigisse, cum ipsemet Lanfrancus puer esset; nec solummodo speciem carnis in sacramento apparentem, sed & sanguinis esse inclusum in medio altaris, ac sigillatam, velut pro summis reliquiis perpetuo reservandam.

Ad secundam quæstionem dicendum, quod absque omni dubio dicendum est, illud quod ibi apparet, esse verum corpus Christi, (alias non adoraretur) sicut & prius erat quando in specie panis videbatur. Sed utrum species illa quæ ibi apparet, sit species corporis Christi, difficile est determinare. Quidam enim dicunt, quod species illa carnis, vel pueri est tantum in oculo videntis: & hoc forte aliquando verum est, cum ab uno videatur in specie panis, & ab alio in specie carnis, vel pueri; ab eodem etiam quandoque post modicum iterum sub specie panis videtur, quod prius sub specie carnis videbatur: & secundum hoc potest fieri divino miraculo ut similitudo corporis Christi fiat in oculo, sicut naturaliter fieret, si corpus Christi præsens esset. Nec est deceptio, quia non fit nisi ad instructionem fidei, & devotionem excitandam. Sed quia aliquando ab omnibus ita videtur, & quandoque ita diu servatur in tali specie; ideo alii dicunt, quod vera species corporis Christi extra visum immutat. Nec obstat quod videtur in minori quantitate, & non in specie gloriosa: quia in potestate corporis gloriosi est, ut se ostendat in toto, vel in parte, & in specie gloriosa, vel non gloriosa. Sed quia mutatio visus ab aliquo corpore per medium, fit per contactum eius quod sentitur, ad medium quo sentitur, oportebit secundum hoc dicere, quod corpus Christi secundum hoc tangit medium visionis, & per consequens quod fit ibi sicut in loco, & ita quod vel sit simul in pluribus locis, vel quia localiter motum sit de cælo descendens; quod tamen ei non est impossibile. Sed huic obviat quod (b) Guimundus * dicit, quod de multorum Episcoporum consilio sigillatum fuit hoc quod apparebat in specie corporis Christi, & positum in altari: corpus autem Christi, si ibi esset localiter, dispareret postquam apparuisset, sicut accidit discipulis euntibus in Emmaus; nullo autem modo reservecaretur inclusum. Et ideo securius videtur dicere, quod sicut quando videbatur corpus Christi in specie panis, erant quædam dimensiones subsistentes, & in illis alia

alia accidentia sensibilia fundabantur; ita illae eadem dimensiones manent, & eis alia accidentia superducuntur divina virtute, quae speciem carnis praestantur, sicut & accidentia quae prius erant, praetendebant speciem panis: & potest esse quod eadem virtute, illis accidentibus teceadentibus, iterum accidentia panis reducuntur, cum etiam naturali actione aliquod illorum accidentium quandoque immutari posset, dimensionibus manentibus, sicut odor vini, vel sapor, si diu conservaretur.

Ad primum ergo dicendum, quod adhuc species panis manent quantum ad dimensiones, quae prius subsistebant, & principales erant in sacramento, quamvis color, & alia huiusmodi non maneant, divina virtute hoc faciente: & ideo sub illis dimensionibus adhuc manet corpus Christi.

Ad secundum dicendum, quod edificatur fides, & excitatur devotio: quia (*) illa accidentia sunt similia omnino accidentibus carnis Christi verae, quod non erat de accidentibus panis; quamvis non sint ipsamet accidentia corporis Christi.

Ad tertium dicendum, quod quamvis illa accidentia carnis ibi prius non essent, tamen sunt superinducta ab fidei instructionem divina virtute.

SOLUTIO III.

Ad tertiam quaestionem dicendum, quod usus sacramenti debet materiae sacramenti competere, sicut ablutio aquae in baptismo. Et quia corpus Christi in hoc sacramento sub specie panis nobis proponitur, ideo usus sacramenti est per manducationem, ut supra dictum est. Cum ergo in specie propria, vel in specie carnis cruentatae apparens, vel in simili specie, non habeat rationem cibi, non debet assumi ab eo cui sic apparet, sed ab alio cui sub specie panis apparet. Si autem omnibus sub specie carnis appareret, tunc deberet cum reliquis poni.

Ad primum ergo dicendum, quod devotio non excitatur hic ad manducandum, quia non in specie cibi proponitur, sed ad venerandum.

Ad secundum dicendum, quod in tali casu sacerdos debet iterum celebrare, ut quidam dicunt, & corpus Christi sumere; & si secundo hoc accideret, iterum tertio. Quidam autem dicunt, quod in tali casu sufficit spiritualis manducatio, nec propter hoc efficitur transgressor constitutionis Ec-

S. Tb. Oper. Tom. XI.

(*) M. alia.

clesiar quia ad ea quae frequentius accidunt, leges aptantur.

SOLUTIO IV.

Ad quartam quaestionem dicendum, quod Angelus nihil videt corporali visione: quia etiam corpus assumat, non tamen conceditur quod videat per corpus assumptum: unde relinquitur quod in ipso non est nisi intellectualis visus, qui quidem non est recipiendo a sensibilibus, ut in II. Lib. dictum est. dist. 121. (quaest. 11. art. 1. ad 2.) sed vel per species innatas, quantum ad ea quae naturali cognitione intelligunt, vel per Verbum quod vident, quantum ad ea quae supra naturalem cognitionem ipsorum sunt. Et quia Angeli sunt beati, oportet quod habeant plenam visionem eorum omnium de quibus est fides quantum ad visionem gloriosam, quae fidei succedit: & ideo sicut fides credit corpus Christi esse sub sacramento, ita in visione beata Angeli vident. Credo autem quod omnia quae sunt fidei, sunt supra naturalem cognitionem Angelorum, sicut supra rationem naturalem hominum: & ideo mysteria fidei dicuntur esse abscondita a saeculis in Deo, ut dicitur Ephes. 121. unde naturali cognitione non vident Angeli corpus Christi sub sacramento, sed solum beata. Demones vero nullo modo vident plenarie, sed credunt, & contremiscunt.

Ad primum ergo dicendum, quod beati visione intellectuali gloriæ vident corpus Christi sub sacramento, quamvis non corporali, in qua cum Angelis non communicant.

Ad secundum dicendum, quod de se secundum quod est sub sacramento, non est visibile corpus Christi visu corporali; est tamen visibile visu intellectuali.

SOLUTIO V.

Ad quintam quaestionem dicendum, quod, sicut in III. Lib. dictum est. dist. 121. (quaest. 1. art. 2. quaest. 1.) illa tantum intellectus noster videre dicitur, proprie loquendo, quorum essentiae ei representantur sive lumine naturali, sive lumine gratiae, aut gloriæ: & ideo per consequens videtur illa a principio quae statim cognitis terminis, quasi visis essentialibus terminorum, cognoscuntur, & per consequens tantum illa quae deducuntur in illa principia, sicut conclusiones scientiarum;

G g

rum;

rum; quæ vero nullo modo ordinem habent ad principia naturaliter cognita, nec ad sensus perceptionem, non potest in statu viz videre. Et quia corpus Christi esse sub sacramento nullum ordinem habet ad principia naturaliter cognita, quæ sunt principia scientiarum, nec etiam sensu a nobis apprehendi potest; ideo intellectus viatoris nullo modo hoc videre potest, & multo minus comprehendere: quia aliquid videtur quod non comprehenditur, sicut essentia divina in patria: nisi videre largo modo dicto, secundum quod dicimur ea quæ sunt fidei, videre in speculo, & ænigmatè, I. Corinth. xiii.

Ad primum ergo dicendum, quod sicut imperfecte videmus, ita etiam & deficienter loquimur.

Ad secundum dicendum, quod nullus tenetur videre in presenti, sed tenetur credere. Fides autem de nouo visus est, credere autem est possibile.

EXPOSITIO TEXTUS.

Non hoc corpus quod videtis, manducaturis estis. Intelligendum est per se, id est secundum quod videtur in forma sua.

Ipsam quidem, & non ipsum corpus. Videtur esse contradictio. Et dicendum, quod non esse: quia ipsum corpus Christi in propria specie non manducatur, & hoc dicit visibiliter Augustinus: quia in propria specie corpus Christi videri potest; sed sub specie panis manducatur, & hoc dicit invisibiliter, quia in propria specie videri non potest.

Sacrificium Ecclesie duobus confici. Non quod ex eis fiat uinum in essentia, sed quia ex eis fit uinum sacramentum. Qualiter autem persona Christi dicatur composita ex duobus naturis, dictum est in III. Lib. dist. vi.

Caro carnis, & sanguis sacramentum est sanguinis. Videtur hoc esse falsum: quia nihil est signum sui ipsius. Et dicendum, quod carnem quæ significat, nominat ipsas species, quæ sunt signum carnis; & hoc tropice, ut Magister dicit: & ipsæ species cum carne contenta dicuntur caro invisibilis, quia sub specie illa caro Christi non videtur. Carnem autem significatam nominat ipsam carnem Christi, secundum quod sub propria forma videtur: unde & visibiliter dicitur.

Quis audeat manducare Dominum suum? Ad primam harum rationum responsum est in primo articulo huius distinctionis. Ad secundam patebit solutio ex his quæ dicuntur in 2. art. dist. sequentis.

Si (a) tantum valuit sermo Eliæ ut ignem de celo deponeret, non valebit tantum sermo Christi ut substantias mutet? Locus est a minori: unde intelligendum est quod plus valeat sermo Christi, & in persona Christi prolatus: quia sermo Eliæ in seipso non habebat virtutem aliquam, sed operabatur per modum intercessionis; sermo autem Christi sub forma huius sacramenti habet virtutem intraneam, de qua supra distinctio. viii. dictum est.

Quid ergo hic queris naturæ ordinem? Ergo videtur quod non licet disputare rationes de hoc sacramento. Et dicendum, quod loquitur contra illos qui nihil in hoc sacramento, & in aliis quæ sunt fidei, volunt credere, nisi hoc quod per naturalem rationem probari potest; non autem contra illos qui ex principiis fidei disputant, & qui ex principiis naturalibus non volunt probare quæ sunt fidei, sed sustinere: quia quæ sunt fidei, quamvis sint supra rationem, non tamen sunt contra rationem: alias Deus esset sibi contrarius, si alia posuisset in ratione quam rei veritas habet.

Si tanta vis est in sermone Domini ut incipiant esse quæ non erant, quanto magis operatorius est, ut sint quæ erant, & in aliud commutentur? Videtur quod hæc probatio non valeat: quia sermo quo omnia facta sunt ex nihilo, est Verbum increatum; nunc autem loqui debuit de verbo creato, scilicet forma sacramenti. Et dicendum, quod auctoritas huius virtutis residet in Verbo increato, sed in verbo creato est instrumentaliter, ut dictum est.

Sicut per Spiritum sanctum verba Christi caro sine coitu creatur, ita per eundem ex substantia panis, & vini idem corpus Christi, & sanguis consecratur. Videtur quod ista transubstantiatio non debeat Spiritui sancto, sed magis Filio. Et dicendum est, quod appropriatur Filio sicut operanti: quia ipse est sacerdos, & hostia; Spiritui autem sancto sicut quo operatur: quia ipse est virtus de illo exiens ad faciendum, Luc. vi.

DISTINCTIO XL.

De modo conversionis.

SI autem quæritur, qualis sit illa conversio, an formalis, an substantialis, vel alterius generis; diffinire non sufficio. Formalem tamen non esse cognosco: quia species rerum quæ ante fuerant, remanent, & sapor, & pondus. Quibusdam esse videtur substantialis, dicentibus sic substantiam converti in substantiam, ut hæc essentialiter fiat illa: cui sensui præmissæ auctoritates consentire videntur.

Oppositio.

SED huic sententiæ sic opponitur ab aliis. Si substantia panis (inquiunt) vel vini convertitur substantialiter in corpus, vel in sanguinem Christi, quotidie fit aliqua substantia corpus, vel sanguis Christi, quæ ante non erat; & hodie est aliquid corpus Christi quod heri non erat; & quotidie augetur corpus Christi, atque formatur de materia, de qua in conceptione non fuit factum. Quibus hoc modo responderi potest; quia non ea ratione dicitur corpus Christi confici verbo cælesti, quod ipsum corpus in conceptu Virginis formatum deinceps formetur; sed substantia panis, vel vini, quæ ante non fuerat corpus Christi, vel sanguis, verbo cælesti fit corpus, & sanguis. Et ideo sacerdotes dicuntur conficere corpus Christi, & sanguinem, quia eorum ministerio substantia panis fit caro, & substantia vini fit sanguis Christi. Nec tamen aliquid additur corpori, vel sanguini, nec augetur corpus Christi, vel sanguis.

*Augustinus in Libro Sententiarum Prosperi.**

SI vero quæris modum quo id fieri possit, breviter respondeo. Mysterium fidei (1) credi salubriter potest, investigari salubriter non potest. Quod ergo corpus Christi panis mutatione in id non augmentatur, nec sanguis ex vini conversione; eius voluntati, & potentie ascribitur qui idem corpus de Virgine eduxit. Fit ergo substantia illa ista sine eius augmento. Nec tamen concedunt quidam, quod substantia panis aliquando sit caro Christi; & si fiat caro Christi, sicut farina facta est panis, & aqua facta est vinum; nec tamen dicitur: Farina est panis, & aqua est vinum. Alii vero concedunt, illud quod erat panis, vel vinum, post consecrationem esse corpus, & sanguinem: non tamen sequitur, Panis est caro Christi; vel Vinum est sanguis: quia substantia panis, vel vini, postquam facta est caro Christi, vel sanguis, non est substantia panis, vel vini, sed caro, & sanguis. Ideo distinguendum videtur, cum dicitur: Substantia panis, vel id quod erat panis, modo est corpus Christi. Manens enim panis non est corpus Christi, sed mutata in id quod facta est, est corpus Christi. Nec dicimus, substantiam panis, vel vini materiam esse corporis, vel sanguinis: quia non de ea ut de materia formatur corpus; sed ipsa formatur in illud, & efficitur illud. Unde Augustinus (Lib. III. de Trin. cap. IV.) „Corpus Christi dicimus illud quod ex fructibus terræ acceperunt, & prece mystica consecratum, sumimus in memoriam dominicæ passionis. Quod cum per manus hominis ad illam visibilem speciem perducatur, non sanctificatur, ut sit tam dignum sacramentum, nisi operante invisibiliter „ Spiritu Dei.“

Gg 2

Ass-

(1) Nicolai addit est.

EX EDIT. P. NICOLAI.

* Ex eodem etiam loco citat Algerus Lib. I. de sacram. Euchar. cap. ix.; sed nihil tale ibi occurrit, nec aliud omnino huc pertinens, nisi quod sent. lxxvii. dicit, *venas esse mysterium in Scripturas personarum, quæ ab hoc reguntur, ac vilescent.*

Afferunt dictum panem transire in corpus Christi:

Quidam vero sic dicunt conversionem illam esse intelligendam, ut sub illis accidentibus sub quibus erat prius substantia panis, & vini, post consecrationem sit substantia corporis, & sanguinis, sic tamen ut non eis afficiatur: & scilicet servent dictum panem transire in corpus Christi, quia ubi erat panis, nunc est corpus Christi. Quod si est, quid ergo sit de substantia panis, & vini? Illi dicunt, vel in præiacentem materiam resolvit, vel in nihilum redigi. Alii vero putaverunt ibi substantiam panis, & vini remanere, & ibidem corpus Christi esse, & sanguinem; & hac ratione dici illam substantiam fieri istam, quia ubi est hæc, est & illa, quod mirum est: & ipsam substantiam panis, vel vini dicunt esse sacramentum. Sed quod non sit ibi substantia nisi corpus Christi, & sanguis, ex prædictis & subditis aperte ostenditur. (1) Ait enim Ambrosius (ut habetur de cons. dist. 11. cap. v.) Omnia, & elici potest ex IV. Lib. de sacramentis cap. xv. & vi.) Panem istum quem sumimus in mysterio, illum intelligo utique qui manu sancti Spiritus formatus est in utero Virginis, & igne passionis decoctus in ara crucis. Panis enim Angelorum factus est cibis hominum. Unde Veritas ait (Ioan. vi. 41.) Ego sum panis vivus qui de cælo descendi: & iterum (ibid. 52.) Panis quem ego dabo, caro mea est pro mundi vita. Ex his namque duabus sententiis aperte datur intelligi, quia panis ille, & ille non duo, sed unus panis, & una caro proculdubio unum efficitur corpus. Illud vere, illud sane quod sumptum est de Virgine, quod resurrexit, & in cælum ascendit. Item Gregorius (Lib. IV. Dial. cap. lxxiii.) Quis fidelium habere dubium possit in ipsa immolationis hora ad sacerdotis vocem cælos aperiri; in illo Christi mysterio, Angelorum choros adesse; summa, & ima sociari; (2) & id in unum quid ex invisibilibus (3) fieri. Idem (ut habetur de consec. dist. 11. cap.) Quid sit sanguis.) Eodem momento & in cælum rapitur ministerio Angelorum consociandum corpori Christi, & ante oculos sacerdotis in altari videtur. (4) Sic Divinitas Verbitotum implet mundum, ita multis locis illud corpus consecratur: Nec sunt tamen multa corpora Christi, sed unum corpus, & unus sanguis. Idemque sive plus, sive minus quis inde percipiat, omnes æqualiter corpus Christi integerrime sumunt. Post consecrationem ergo non est ibi substantia panis, vel vini, licet species remaneant. Est enim ibi species panis & vini, sicut & sapor: unde aliud videtur, aliud intelligitur.

Quare sub alia specie.

Sub alia autem specie tribus de causis carnem, & sanguinem tradidit Christus, & deinceps sumendum instituit: ut fides scilicet haberet meritum, quæ est de his quæ non videntur: quia fides non habet meritum, ubi humana ratio præbet experimentum. (Gregorius. hom. xxv. in Evang.) Et ideo etiam ne abhorreret

anti-

(1) Nicolai. Ait enim Ambrosius (Lib. de iniciandis cap. 12.) Forse dicis: Atquid video: quomodo mihi asseris quod corpus Christi accipiam? Et hoc superest ut probemus. Quantum igitur intus exomodo plus ut probemus non hoc esse quod natura formavit, sed quod benedictio consecravit: manenteque vni esse benedictionis quam naturæ: quia benedictio naturæ etiam ipsa mutatur. Et inferius. Vera namque caro Christi quæ crucifixa est, quæ sepulta est: vera ergo carnis illius sacramentum est. Ipse clamat Dominus Iesus: Hoc est corpus meum &c. Et Lib. VI. de sacram. cap. 1. Sic verus Dei Filius Dominus noster Iesus Christus, non quemadmodum homines per gratiam, sed quasi Filius ex substantia Patris, ita vera eius caro est (sicut ipse dixit) quam accipimus, & verus sanguis eius est quem potamus. Sed forse dicas: Quomodo vera caro, quomodo verus sanguis? Qui similitudinem video, non video sanguinis veritatem. Dixi tibi de sermone Christi, qui operatur ut possit mutare & convertere in aliud instituta naturæ. In Decretis etiam de consec. dist. 11. cap. Omnia sub illius nomine sic dicuntur. Licet figura panis & vini hic sit, omnino nihil aliud quam caro Christi, & sanguis post consecrationem credenda sunt, & ut mirabilius loquar, non alia plane quam quæ nata est de Maria, quæ passæ sunt in cruce, & quæ fuisse de sepulchro. Item ibidem. Panem istum quem sumimus &c. (2) Nicolai addit: terrena cælestibus iungi. (3) Idem. Eodem &c. (4) Nicolai interpretatur

animus quod cerneret oculus: quia non habemus in usu carnem crudam; & sanguinem comedere. Quia ergo Christum vorari dentibus fas non est, in mysterio carnem, & sanguinem nobis commendavit. Et etiam ideo ne ab incredulis religioni christianæ insultaretur. Unde Augustinus (ut habetur de conf. dist. 11. cap. " Utrum "), Nihil rationabilis quam ut sanguinis similitudinem sumamus, " ut ita & veritas non desit (1), & ridiculum nullum hat (2) paganis, quod " cruorem occisi hominis bibamus. Ne ergo hoc fieret, & ne veluti quidam horror esset cruoris, in similitudinem accipimus sacramentum. " Ex præmissis iam liquet quare non sub alia specie, & quare sub ista hoc sacramentum Dominus celebraverit, & celebrari a nobis instituerit.

Quare sub duplici specie.

Sed quare sub duplici specie sumitur, cum sub alterutra totus sit Christus? Ut ostenderetur totam humanam naturam assumpsisse, ut totam redimeret. Panis enim ad carnem refertur, vinum ad animam: quia vinum operatur sanguinem, in quo sedes animæ a Physicis esse dicitur. Ideo ergo in duobus speciebus celebratur, ut animæ, & carnis susceptio in Christo, & utriusque liberatio in nobis significetur. Valet enim, ut Ambrosius ait (Ambrosiaster super Epistolam I. ad Corinth. cap. xi.) ad tuitionem corporis, & animæ quod percipimus: quia caro Christi pro salute corporis, sanguis vero pro anima nostra offertur, sicut præfiguravit Moyses. " Caro (inquit Levit. xvi. 11.) pro corpore vestro offertur, sanguis " pro anima. " Sed tamen sub utraque specie sumitur, quod ad utramque valet: quia sub utraque sumitur ipse totus Christus. Sed si in altera tantum sumeretur, ad alterius tantum, idest animæ, vel corporis, non ad utriusque pariter tuitionem valere significaretur. Sub utraque specie tamen totus sumitur Christus; nec plus sub utraque, nec minus sub altera tantum sumitur. Eadem enim ratio est, ut ait Hilarius, in corpore Christi quæ in manna præcessit, de quo dicitur (Exod. xvi. 18.), Qui plus collegerat, non habuit amplius; nec qui minus paraverat, habuit minus. " Et licet sub utraque specie sumatur totus Christus, tamen non fit conversio panis nisi in carnem, nec vini nisi in sanguinem. Nec debent dici duo sacramenta, sed unum, quia sub utraque specie idem sumitur: neque debet iterari sacramentum, quia benedictio non repetitur super speciem eandem: neque aliæ substantiæ in sacrificium veritatis offerri debent, quia de aliis non potest consecrari corpus Christi, vel sanguis.

Quare aqua admisceatur.

Aqua vero admiscenda est vino, quia aqua populum signat, qui per Christi passionem redemptus est. Calix ergo dominicus, iuxta canonum præceptum (dist. 11. de consecr. cap. 1. 11. & lxxxiii.) aqua, & vinum mixtus debet offerri: quia videmus in aqua populum intelligi, in vino offendi sanguinem Christi. (3) Cum ergo in calice vino aqua miscetur, Christo populus adunatur, & credentium plebs, in quem credit copulatur: quæ copulatio aquæ, & vini sic miscetur in calice Christi, ut mixtio illa non possit separari. Nam si vinum quis tantum offerat, sanguis Christi incipit esse sine nobis.

Iulius Papa. (4)

SI vero queritur, an irritum sit quod geritur, si aqua prætermittatur, audi quod sequitur in eodem canone (5), " Non potest (inquit) calix Domini esse aqua sola, aut vinum solum, nisi utrumque misceatur. " Item Cyprianus (ut supra.) " Calix Domini non est aqua sola, aut vinum solum, nisi utrumque misceatur. "

(1) Nicolai addit in sacramento. (2) A. a paganis. (3) Nicolai: ut Cyprianus dicit Lib. II. epist. 21. ubi addit: Cum ergo ecc. (4) Nicolai: dist. 111. de consecr. cap. Cum omne crumen. (5) Nicolai. in eodem canone (Sic in sanctificando) non potest ecc.

„scaetur; sicut nec corpus Domini potest esse farina sola, nec aqua sola, nisi utrumque fuerit adunatum, & panis unius compage solidatum. “ Si quis tamen non intendens introducere hæresim, oblivione, vel ignorantia aquam prætermiserit, non videtur esse irritum sacramentum; sed ille graviter est corripendus. Nam & Græcorum Ecclesia non apponere aquam dicitur: quod etiam ex dictis Cypriani videtur posse colligi. Ait enim (ibid.) „ Si quis de antecessoribus nostris vel „ ignoranter, vel simpliciter hoc non servaverit quod nos Dominus facere & exemplum, & magisterio docuit; potest simplicitati eius (1) de indulgentia Domini „ venia concedi. Nobis vero non potest ignosci, qui nunc a Domino instructi sumus, ut calicem Domini eum vino mixtum, secundum quod Dominus obtulit, offeramus. “ Ex hoc videtur quod si quis simpliciter, vel ignoranter vinum offerat sine aqua, sacramentum conficiat. Aqua vero nullatenus sine vino potest offerri in sacrificium; nec panis nisi de frumento; nec granum frumenti, nisi redactum fuerit in panem; quia Christus & panem se dicit (Ioan. vi.) & grano frumenti se comparat (ibid. xii.) Quod ergo supra dictum est, non posse vinum solum offerri, determinari oportet: recipi enim exceptionem. Non potest, nisi simpliciter, vel ignoranter fiat: vel non potest, id est non debet. Quibusdam tamen videtur hoc generaliter verum. Colligitur etiam ex prædictis quod Christus vinum aqua mixtum dedit discipulis. Corpus vero tale dedit, quale tunc habuit, id est mortale, & passibile. Nunc vero sumitur a nobis immortale, & impassibile: nec tamen maiorem habet efficaciam. Eucharistia quoque intacta non debet dari populo pro supplemento communionis: quia non legitur Christus alieui discipulorum præbuisse panem intinctum, nisi Iudæ. Tunc vero non accepit Iudas corpus Christi, sed tantum panem. Corpus vero, & sanguinem Christi ante cum aliis discipulis perceperat.

DIVISIO TEXTUS.

Postquam determinavit Magister de re contenta in hoc sacramento, ostendens quod verum corpus ibi continetur, hic intendit determinare de conversione panis in corpus Christi, ex qua (a) contingit ut sub sacramento corpus Christi contineatur: & dividitur in partes duas. In prima determinat de prædicta conversione panis in corpus Christi. In secunda ostendit qualiter species remaneant substantiali conversione facta, ibi, *Sub alia autem specie tribus de causis carnem, & sanguinem tradidit Christus*. Circa primum tria facit. Primo inquit qualis sit prædicta conversio. Secundo determinat hanc questionem quantum ad id in quo omnes conveniunt, ibi, *Formalem tamen non esse cognosco*. Tertio determinat eam quantum ad id in quo diversi diversa opinantur, ibi, *Quibusdam videtur esse substantialis*. Et hæc dividitur in partes tres secundum tres opiniones quas ponit. Secunda pars incipit ibi, *Quidam vero sic dicunt &c.* Tertia ibi, *Alii vero putaverunt &c.* Circa primum tria facit. Primo ponit opinionem. Secundo ob-

ijicit in contrarium, & solvit, ibi, *Sed huic sententia sic opponitur ab aliis*. Tertio ostendit quæ locutiones sint concedendæ, vel negandæ secundum hanc opinionem, ibi, *Nec tamen concedunt quidam quod substantia panis aliquando sit caro Christi*.

Sub alia autem specie tribus de causis carnem, & sanguinem tradidit Christus. Hic ostendit qualiter species remaneant substantiali conversione facta: & dividitur in partes duas. In prima ostendit quare sub alia specie corpus Christi verum in sacramento exhibetur. In secunda determinat de usu, sive distributione dictarum specierum, ibi, *Colligitur etiam ex prædictis, quod Christus vinum aqua mixtum dedit discipulis, corpus vero tale dedit quale tunc habuit*. Circa primum tria facit. Primo ostendit quare sub alia specie corpus Christi proponatur in sacramento. (b) Secundo quare sub duplici, ibi, *Sed quare sub duplici specie sumitur?* Tertio de admixtione tertii elementi, scilicet aquæ, ibi, *Aqua vero admiscenda est vino*.

Colligitur etiam ex prædictis, quod Christus vinum aqua mixtum dedit discipulis &c. Hic determinat de distributione specierum: & præ-

(1) *Al. emittitur de.*

(a) *Al. convenit.* (b) *Al. In secundum.*

& primo quomodo Christus distribuerit; secundo quomodo nunc distribuendum sit, ibi, *Eucharistia quoque intincta non debet dari populo pro supplemento communionis.*

QUAESTIO I.

Hic est triplex quaestio. Prima de conversione panis in corpus Christi, & vini in sanguinem. Secunda de materia huius sacramenti, cuius species post conversionem remanent. Tertia de usu sacramenti istius in prima sui institutione, qua Christus ipsum discipulis dedit.

Circa primum quaeruntur quatuor.

Primo. Utrum post consecrationem remaneat ibi panis.

Secundo. Utrum annihiletur.

Tertio. Utrum convertatur in corpus Christi.

Quarto. De locutionibus quae in hac materia concedendae sunt.

ARTICULUS I.

Utrum substantia panis remaneat post consecrationem.

II. P. quest. lxxv. art. 2.

Ad primum sic proceditur. Videtur quod substantia panis remanere post consecrationem, ut dicit tertia opinio. Damascenus enim dicit (de Fid. orth. Lib. IV. cap. xiv.) *Quia consuetudo est hominibus comedere panem, & vinum; coniungis eis Divinitatem, & fecit ea corpus, & sanguinem suum.* Sed coniunctio requirit utrumque coniunctorum existere actu. Ergo panis remanet cum corpore Christi.

2. Praeterea. Illud quod de pane remanet in hoc sacramento post consecrationem, cum sit sacramentum tantum, debet verum corpus Christi, & etiam mysticum significare. Sed significatio talis non competit pani nisi ratione substantiae suae, secundum quam ex diversis granis conficitur, secundum quam etiam reficere, & nutrire habet. Ergo oportet quod remaneat in substantia panis.

3. Praeterea. Illud ad quod pauciora diffinita sequuntur, est magis eligendum. Sed ad hanc positionem sequuntur pauciora diffinita, cum nihil aliud sequatur, nisi quod duo corpora sint in eodem loco; quod non est inconveniens de corpore glorioso ratione suae subtilitatis. Ergo haec opinio est alii praefigenda.

Sed contra. Hoc pronomen *hoc*, cum sit demonstrativum ad sensum, demonstrat substantiam sub speciebus immediate latentem. Sed si substantia panis ibi remaneret, ipsa sola immediate accidentibus subesset, quia eis afficeretur. Ergo ad ipsam ferretur demonstratio huius pronominis *hoc*, cum dicitur: *Hoc est corpus meum*; & sic locutio esset falsa; quod est inconveniens & haeticum, quia est in doctrina religionis proposita. Ergo & praedicta positio est haeretica.

Praeterea. Si substantia panis ibi remaneret, tunc sumens hoc sacramentum non solum sumeret spirituale cibum, sed corporalem. Sed corporalis cibi sumptio impedit a sacramento ulterius eadem die percipiendo, ut supra dist. viii. dictum est. Ergo qui semel sumpsisset corpus Christi, non posset iterato sumere, quod est contra ritum huius sacramenti.

QUAESTIUNCULA II.

1. Ulterius. Videtur quod non debeant species panis remanere. Quia in sacramento veritatis non debet esse aliqua deceptio. Sed cum accidentia ducant in cognitionem eius quod quid est, secundum Philosophum in I. de Anima (text. xi.) deceptio videtur ostendere illius accidentia cuius substantia non manet. Ergo ex quo substantia panis non manet, non deberent accidentia eius manere.

2. Praeterea. Causae in littera assignatae non videntur convenientes. Fides enim quamvis experimentum rationis effugiat, tamen rationis contradictionem non requirit: quia ea quae sunt fidei, non sunt contra rationem, sed supra. Sed quod sub alia specie videatur, hoc non solum contra rationem, sed etiam contra sensum appareret. Ergo non deberet sub alia specie apparere propter meritum fidei.

3. Praeterea. Supposita fide huius sacramenti, per quam corpus Christi sine sui detrimento manducari creditur, non esset horridum istud sumere in quacunque specie appareret. Sed fides necessaria est ad sumendum. Ergo secunda causa quam assignat, nulla est.

4. Praeterea. Illud quod aliquando fit ad confirmationem fidei, si semper fieret, non esset irritum, sed maior confirmatio. Sed aliquando ad confirmationem fidei alicuius dubitantis de hoc sacramento, ostenditur corpus Christi sub specie carnis, sicut legitur

gitur in vita beati Gregorii, * & in vitis patrum. Ergo non esset ad irrisum, si semper in specie propria ostenderetur.

Sed contra. Sacramentum est sensibile signum, ut i. distinct. dictum est. Sed panis est corpus Christi veri sacramentum. Ergo debet remanere quantum ad sensibilia accidentia.

Præterea. Usus huius sacramenti est manducatio, ut supra distinct. ix. dictum est. Sed manducatio requirit divisionem cibi, quæ fit per masticationem. Ergo cum divisio non possit fieri in vero corpore Christi, quod est gloriosum, oportuit quod essent ibi species saltem aliarum, quarum fractio esset.

QUAESTIUNCULA III.

1. Ulterius. Videtur quod etiam forma substantialis panis debeat remanere. Operatio enim substantialis non potest fieri sine forma substantiali. Sed nutrire est operatio formæ substantialis: quia nutrit in quantum (a) quid cibum, ut dicitur in II. de Anima (text. xv.) Ergo cum species quæ in sacramento remanent, etiam corporaliter nutrant, ut a quibusdam dicitur, videtur quod forma substantialis panis remaneat.

2. Præterea. Illud quod non mutatur in aliquid corporis Christi, oportet quod post consecrationem maneat. Sed forma substantialis panis non convertitur in aliquid corporis Christi: quia si converteretur, oporteret quod converteretur in animam, quæ est forma substantialis corporis Christi, in quam non convertitur aliquid, ut ex præcedenti distinct. patet. Ergo forma substantialis panis manet sicut accidentia.

3. Præterea. Panis est quoddam artificiale. Sed formæ artificialium sunt accidentia, ut patet in II. Physic. (text. iv.) Cum ergo accidentia maneant, videtur quod forma panis secundum quam est panis, maneat.

4. Præterea. Secundum Averroem in Lib. de substantia orbis, & in I. Physic. oportet in materia præintelligere dimensiones anteformas substantiales aliquo modo in generabilibus, & corruptibilibus, alias non possunt esse diversæ formæ in diversis partibus materiæ, cum divisio non fiat nisi secundum quantitatem. Sed dimensiones ma-

nent. Ergo & forma substantialis manet.

Sed contra. Remotis accidentibus, & forma substantiali, nihil manet nisi subiectum commune. Sed illud quod est commune, non potest converti in aliquid. Ergo non posset intelligi aliqua conversio fieri, si forma substantialis remaneret.

Præterea. Species panis, & vini sensibiles sunt sacramentum tantum in eucharistia. Ergo debent ducere in illud cuius sunt sacramentum, scilicet in corpus Christi. Sed si remaneret ibi forma substantialis panis, ducerent in ipsam magis quam in corpus Christi, quia sunt ei propinquiores secundum naturam. Ergo videtur quod non remaneat forma substantialis panis.

SOLUTIO I.

Respondeo dicendum ad primam questionem, quod hæc positio, quæ ponit substantiam panis ibi remanere post consecrationem simul cum vero corpore, incompetens est huic sacramento, & impossibilis, & hæretica. Incompetens quidem, quia impediret venerationem debitam huic sacramento: esset enim idolatriæ occasio, & hostiæ veneratio latræ exhiberetur, substantia panis ibi remanente. Effet etiam contra significationem sacramenti: quia species non ducerent in verum corpus Christi per modum signi, sed magis in substantiam panis. Effet etiam contra usum sacramenti: quia iam cibum tunc non esset pure spiritalis, sed etiam corporalis. Sed quod sit impossibile, patet ex hoc quod impossibile est aliquid esse nunc, cum prius non fuerit, nihil ipso mutari, vel aliquo in ipsum: nec posset etiam per miraculum fieri, sicut quod esset animal rationale mortale, & non esse homo: aliter enim se habere nunc, & prius, est idem quod moveri, vel transmutari. Si ergo corpus Christi verum esset sub sacramento nunc, & non prius, oporteret aliquem motum, vel mutationem intervenire. Sed nulla mutatio est ex parte panis facta secundum hanc positionem. Ergo oportet quod corpus Christi sit mutatum saltem localiter, ut dicatur quod corpus Christi est hic, quia per motum localiter huc venit; quod omnino esse non potest: quia cum simul & semel in diversis locis corpus Christi consecratur, oportet

(a) *id est* quidam cibum.

EX EDIT. P. NICOLAI.

* Ex vita Gregorii Lib. II. cap. xlii. ex vitis autem! Patrum Guimundus refert occasione Danielis cuiusdam Senis de veritate illa dubitantis.

oporteret quod simul & semel ad diversa loca unum numero moveretur corpus, quod est impossibile: quia contingeret simul contrarios motus inesse eidem, vel saltem diversos eiusdem speciei. Quod autem sit haereticum, patet ex hoc quod contradicit veritati Scripturae: non enim esset verum dicere: *Hoc est corpus meum*; sed, *Hic est corpus*.

Ad primum ergo dicendum, quod verbum Damasceni intelligendum est quantum ad species quibus corpus Christi divinitati unitum modo ineffabili coniungitur.

Ad secundum dicendum, quod species sic remanentes repraesentant aliquo modo substantiam, quam prius afficiebant, & per consequens proprietates eius; & ita habent rationem significandi per quandam similitudinem corpus Christi verum, & mysticum.

Ad tertium dicendum, quod hanc positionem sequitur gravius inconveniens quam quod contradictoria sint simul vera: quia ponit distinctionem (scilicet aliter nunc quam prius) & non potest ponere distinctionem (scilicet motum) neque in corpore Domini, neque in substantia panis.

SOLUTIO H.

Ad secundam quaestionem dicendum, quod accidentia panis eadem numero remanent ibi. Quomodo autem ibi sint, utrum sine subiecto, vel alio modo, in sequenti distinct. (quaest. 1. art. 1.) dicitur. Sed ratio quare remaneant, assignatur in littera ex parte usus sacramenti, & quantum ad manducationem spiritualem, quae est per fidem, ut scilicet fides esset maioris meriti quantum ad manducationem sacramentalem, ne scilicet esset nobis horrore, si in propria specie sumeretur, & infidelibus irrisioni. Potest assignari & alia causa ex parte ipsius sacramenti: quia spiritualia in sacramentis per signa corporalia consueverunt offendi: & quia corpus Christi verum non est cibus corporalis, sed spiritualis, id eo oportuit quod per similitudines sensibiles cibus corporalis significaretur, & eis contingeretur.

Ad primum ergo dicendum, quod in hoc sacramento non est aliqua deceptio, neque fictio. Non enim sensus decipitur, quia non habet iudicare nisi de sensibilibus speciebus, quae quidem vere ibi sunt, sicut & sensui ostenduntur: neque etiam intellectus,

S. Tb. Oper. Tom. XII.

{ a } et. consensum.

qui habet iudicium de substantiis rerum per hunc iuvatus.

Ad secundum dicendum, quod iam patet ex dictis quod non est contra (*) sensum, sed supra: quia sensus non potest pertingere ad illius substantiae cognitionem.

Ad tertium dicendum, quod supposita fide, in sumptione corporis Christi in specie propria apparentis, non esset horror ex abominatione proveniens, esset tamen horror ex devotione procedens: quia homo non solum refugit immunda tangere ex abominatione, sed etiam sancta ex devotione.

Ad quartum dicendum, quod quantum ad ostensionem talis speciei fides potest edificari; sed si in hac specie sumeretur, magis esset in fidei destructionem: quia corpus Christi, quod est gloriosum, passibile ostenderetur, si malicationi subesset.

SOLUTIO III.

Ad tertiam quaestionem dicendum, quod forma panis substantialis non remanet post consecrationem, & hoc propter tres rationes. Primo quia in qualibet transmutatione, vel conversione terminus a quo est eiusdem generis cum termino ad quem. Illud autem ad quod terminatur conversio, non est forma tantum, neque materia tantum, sed substantia existens in actu: & hoc declarant verba substantiva, quae hoc faciunt quod significant. Unde cum in eis exprimitur per hoc pronomen *hoc* substantia in actu composita, oportet quod illud quod convertitur in corpus Christi, sit etiam substantia composita, non materia panis tantum: & ita forma panis non manet. Secundo quia frustra remaneret. Accidentia enim manent ut sint signa, quia ad hoc sunt ut per ea de substantia subiacente cognitionem accipiamus, cum sint sensibilia, & ita ad cognitionem intelligibilem via. Sed forma substantialis non est quid sensibile, sed est ordinata ad esse substantiale. Unde cum substantia panis non remaneat, frustra forma substantialis ibi esset. Tertio quia accidentia non immediate ducerent in corpus Christi, sed in formam substantialem panis remanentem: & ideo deperiret aliquid significationi sacramenti.

Ad primum ergo dicendum, quod haec

H h

ta-

ratio movit quoddam ad ponendum formam substantialem remanere; sed patet quod ratione illa magis ponendum esset quod materia panis remaneat quam quod forma. Panis enim non nutrit, nec aliquis cibus, nisi secundum quod convertitur in illud quod nutritur: quod autem naturalis conversio convertitur in alterum, non manet quantum ad formam, sed quantum ad materiam: unde forma substantialis panis, si remaneret, nutrire non posset magis quam accidentia. Utrum autem species illæ possint nutrire, in sequenti dist. dicitur.

Ad secundum dicendum, quod anima non est forma quæ perficiat uniformiter suum perfectibile in toto, & in omnibus partibus: unde singulæ partes ex anima consequuntur perfectionem eis proportionalem: unde quævis in animam Christi, secundum quod est perfectio totius, non convertatur aliquid, tamen transubstantiatur substantia panis tota & quantum ad formam, & quantum ad materiam in ipsum corpus Christi totum, secundum quod intelligitur accepisse congruentes perfectiones in singulis partibus, quia sic est organicum, & propria animæ materia.

Ad tertium dicendum, quod quævis ars non possit introducere formam substantialem per seipsam, potest tamen introducere virtute naturæ, quæ utitur in sua operatione sicut instrumento; sicut patet in hoc quod aqua in vaporem convertit, & aerem in ignem igne mediante. Et similiter cum occiditur animal, recedente anima, alia forma substantialis succedit, sicut generatio unius est corruptio alterius. Ita etiam per commixtionem farinæ, & aquæ, & unionem ignis potest consequi forma aliqua substantialis, quæ sit forma substantialis per quam panis est panis. Si autem non esset forma substantialis quæ est per artem inducta, per quam panis est panis, subsisteretur forma substantialis accidentalis, scilicet forma farinæ: triticum enim iam a sua specie est corruptum: quia non manet eius operatio ut possit sibi simile generare.

Ad quartum dicendum, quod dimensio quæ præintelligitur ante formam substantialem in materia, non habet esse completum, quia non est dimensio terminata: terminatio enim dimensionis est per formam. Sed dimensiones quæ manent post consecrationem, sunt dimensiones terminatæ, quæ habent certam mensuram, & figuram.

ARTICULUS II.

Utrum panis facta conversione annihiletur.

III. P. quæst. lxxv. art. 3.

1. **A**D secundum sic proceditur. Videtur quod panis facta conversione annihiletur. In qualibet enim mutatione quæ est secundum aliquid intraneum rei, terminus a quo, non manet nisi in potentia præiacenti; sicut quando nigrum fit album, nigredo non remanet nisi in potentia subiecti; & quando ex aere fit ignis, forma aeris, quæ est terminus a quo, non manet nisi in potentia materiæ communis, quæ subicitur mutationi. Sed in conversione de qua loquimur, est terminus a quo, tota substantia panis. Ergo cum non sit accipere aliquid præiacens ad totam substantiam panis, quia non est in subiecto sicut accidens, neque in materia sicut forma, videtur quod omnino annihiletur.

2. Præterea. Respectu eiusdem est aliquid vatum esse terminus a quo, & terminus ad quem, sicut ex albo fit nigrum, & ex nigro album. Sed mutationis, cuius terminus a quo est tota substantia rei, terminus (a) ad quem est simpliciter nihil, sicut patet in creatione. Ergo similiter cum in conversione de qua loquimur, terminus a quo sit tota substantia panis, terminus ad quem erit simpliciter nihil. Ergo substantia panis annihilatur.

3. Præterea. Si unum contradictorium est falsum, reliquum de necessitate erit verum. Sed facta conversione, hæc est falsa, *Panis est aliquid*; vel, *De pane est aliquid*. Ergo hæc est vera, *Nihil de pane est*. Ergo panis est annihilatus.

4. Præterea. Illud annihilari dicitur quod neque in se, neque in alio manet. Sed panis substantia non manet in se, facta conversione, ut dictum est; neque manet in corpore Christi, quia sic corpus Christi augeretur. Ergo penitus annihilatur.

5. Præterea. Sicut se habet conversio formalis ad formam, ita substantialis ad substantiam. Sed in conversione formali annihilatur forma, sicut patet cum ex aere fit ignis. Ergo in conversione substantiali, qualis hæc esse dicitur, annihilatur substantia panis.

Sed contra. Augustinus dicit in Lib.

[lxxxiii].

(a) *Id. desit ad quem.*

lxxxviii. Qq. (quæst. xxi.) *Ille ad quem non esse non pertinet, non est causa tendendi ad non esse.* Sed Deus est huiusmodi. Ergo ipse nihil in nihilum reducit. Sed conversio prædicta si divina virtute. Ergo non reducit substantia panis in nihil.

Præterea. Illud quod in aliquid convertitur, non annihilatur. Sed panis in corpus Christi convertitur, ut per auctoritates in littera positas ostendi potest. Ergo non annihilatur.

Præterea. Defectus perfectioni repugnat. Sed hoc sacramentum est maxime perfectionis, ut supra dictum est (distinct. viii. quæst. 1. art. 3. quæstiunc. 1.) Ergo cum annihilatio sit via ad defectum, non competit huic sacramento.

S O L U T I O.

Respondeo dicendum, quod hæc opinio duo ponit sub disunctione, scilicet quod substantia panis resolvitur in præiacentem materiam, vel quod annihilatur; & quantum ad utrumque est falsa. Si enim in præiacentem materiam resolveretur, hoc non potest intelligi nisi dupliciter. Uno modo quod esset in materia sine forma omni, quod quidem nec per miraculum esse potest, quia hæc positio implicat in se contradictionem. Materia enim per essentiam suam est ens in potentia, & forma est actus eius. Si ergo ponatur materia sine forma esse actu, ponetur actu materia esse, & non esse. Alio modo potest intelligi ita quod resolvatur in materialia elementa; & hoc iterum non potest esse: quia illa materialia elementa aut remanerent in eodem loco, & oporteret quod sub illis speciebus esset aliud corpus quam corpus Christi, & quod illud materiale corpus esset simul cum dimensionibus panis, & multa huiusmodi inconvenientia sequerentur: vel non essent in eodem loco, & sic esset motus localis illius elementi materialis; quod non potest esse, quia sentiretur talis mutatio, si esset. Præterea cum motus localis necessarius sit successivus, oportet quod illud materiale elementum prius relinqueret unam partem hostiæ quam aliam. Transsubstantiatio autem fit in instanti, ut dicitur (art. seq. quæstiunc. 2.) Unde sequeretur alterum duorum: vel quod aliquando sub aliqua parte specierum non esset neque corpus Christi, neque substantia panis, neque materiale elementum, quod iam abscisset ab illa parte; vel quod ali-

quando sub eadem parte hostiæ esset corpus Christi, & materiale elementum, quod est impossibile: & ideo non potest dici, quod resolvatur in præiacentem materiam. Similiter non potest dici, quod annihilatur, eo quod omnis motus denominatur a termino ad quem, sicut motus qui est ad albedinem, dicitur dealbatio: unde illa transmutatio tantum posset dici annihilatio, cuius terminus ad quem esset nihil. Hoc autem non potest esse in illa conversione, quia oportet hanc conversionem terminari ad corpus Christi: quia nihil potest incipere hic esse, cum prius non fuerit, nisi per motum, aut mutationem propriam, vel alterius terminatam aliquo modo, ad ipsum. Unde si conversio prædicta ad corpus Christi non terminaretur, oporteret quod corpus Christi esset hic in altari facta consecratione, ubi prius non erat, per motum proprium, quod supra est improbatum. Unde patet quod opinio illa falsa est, quæ ponebat substantiam panis annihilari.

Ad primum ergo dicendum, quod in mutationibus naturalibus terminus a quo est forma aliqua, quæ quidem non convertitur in terminum ad quem; & ideo annihilatur, nisi quatenus manet in potentia in suo subiecto: sed illud quod convertitur ad terminum ad quem, est subiectum mutationis, non quidem ut sit illud, sed ut sit sub illo: unde subiectum annihilari non dicitur inquantum in aliud convertitur. Unde cum in hac conversione id quod est terminus a quo, scilicet substantia panis, convertatur secundum se totum in terminum ad quem, scilicet corpus Christi, non quidem ut sit sub ipso, sed ut sit ipsummet, patet quod non est annihilatio substantiæ panis.

Ad secundum dicendum, quod ratio illa procedit in mutationibus oppositis, quia illud quod est terminus a quo in una, est terminus ad quem in alia; non autem in mutationibus quarum una ordinatur ad aliam, sicut perfectum ad imperfectum, sicut mutatio qua acquiritur perfectio secunda. Conversio autem panis in corpus Christi non est mutatio opposita creationi, sed quodam modo perficiens ipsam, inquantum panis nobilior esse per hanc conversionem consequitur; & ideo non oportet quod sit in hac conversione terminus ad quem, quod in creatione erat terminus a quo.

Ad tertium dicendum, quod quamvis panis non sit aliquid, tamen illud in quod conversus est panis, est aliquid conversione

H h 2 facta:

facta : & ideo non sequitur quod panis sit annihilatus.

Ad quartum dicendum, quod quamvis non maneat panis neque in se, neque in alio; manet tamen corpus Christi, in quod conversus est panis : & ideo non sequitur quod sit annihilatus.

Ad quintum dicendum sicut ad primum.

ARTICULUS III.

Utrum panis possit converti in corpus Christi.

1. **A**D tertium sic proceditur. Videtur quod panis non possit converti in corpus Christi. Conversio enim mutatio quædam est. Sed nulla specie transmutationis in corpus (a) Christi panis convertitur: non enim est ibi generatio, & corruptio, quia materia panis non manet; nec est alteratio, quia non manet aliqua substantia eius actu; nec est augmentum, quia non additur aliquid ad corpus Christi; neque motus localis, non enim ipsum corpus Christi de celo descendit, ut Damascenus dicit (de Fide orth. Lib. IV. cap. xiv.) Ergo videtur quod nullo modo panis in corpus Christi convertatur.

2. Præterea. In omni conversione oportet esse aliquid quod mutetur. Mutatur autem quod dissimiliter se habet nunc & prius. Si ergo panis in corpus Christi convertatur, oportet aliquid esse idem numero quod prius fuerit de substantia panis, & nunc sit de substantia corporis Christi; quod non potest. Ergo panis in corpus Christi non convertitur.

3. Præterea. Conversio accidens quodammodo est: omne enim accidens est in subiecto. Non autem potest dici, quod subiectum eius sit panis, neque corpus Christi: quia non est idem subiectum mutationis, & terminus a quo, vel ad quem. Ergo panis nullo modo convertitur in corpus Christi.

4. Præterea. Omne quod fit aliquid, acquirit hoc quod fieri dicitur. Sed omne singulare est incommunicabile. Ergo impossibile est quod aliquod singulare fiat aliud singulare, quamvis possit ei adiungi, & sic esse eius percipere, sicut pars. Sed corpus Christi est quoddam singulare demonstratum. Ergo non potest esse quod aliquid convertatur in ipsum, ita quod fiat ipsummet, sed solum quod adiungatur ei.

Sed contra est quod Damascenus dicit

(ubi supra.) *Fecit Christus panem, & vinum corpus, & sanguinem suum, non quoniam ipsum corpus Christi de celo descendit, sed quoniam panis, & vinum transiit in corpus, & sanguinem Christi.*

Præterea. Illud quod nec in se manet, nec annihilatur, oportet quod in aliud convertatur. Sed panis non manet in se, sicut in primo articulo dictum est, nec etiam annihilatur, ut ex secundo articulo patuit. Ergo oportet quod in aliud convertatur.

QUAESTIUNCULA II.

1. Ulterius. Videtur quod ista conversio fiat successive. Fit enim hæc conversio virtute verborum. Sed verba non possunt aliquid facere, nisi dum sunt. Ergo cum habeant esse in successione, videtur quod successive conversio prædicta fiat.

2. Præterea. Impossibile est in eodem instanti esse aliquid corpus Christi, & panem. Ergo non est idem instans in quo (b) est primo corpus Christi, & in quo ultimo est panis. Sed inter quolibet duo instantia est tempus medium, ut probatur in VI. Phys. (text. com. xxvi.) Ergo conversio panis in corpus Christi est successiva.

3. Præterea. In omni conversione requiritur ut sit aliquid aliter nunc & prius, eum conversio mutatio quædam sit. Sed ubicumque est nunc, & prius, successio est. Ergo in omni conversione, & mutatione oportet esse successionem; & sic idem quod prius.

4. Præterea. In omni fæctione est fieri, & factum esse. Sed fieri, & factum esse non sunt simul: quia quod fit, non est; quod autem factum est, iam est. Ergo est ibi prius, & posterius; & sic idem quod prius.

Sed contra est, quia virtus infinita operatur subito. Sed hæc conversio fit virtute divina, quæ est infinita. Ergo fit subito.

Præterea. In omni successiva mutatione prius aliquid est in medio quam in termino. Sed in hac conversione non est invenire aliquid medium inter substantiam panis & corpus Christi. Ergo non est ibi successiva conversio.

QUAESTIUNCULA III.

1. Ulterius. Videtur quod hæc conversio sit miraculosa omni alia mutatione. Quia quanto alicui magis de facili consentit ratio nostra, minus habet de miraculo. Sed non est aliqua miraculosa conversio cui ratio

(a) *id est Christi.* (b) *id est omittitur est prius.*

tio magis non consentiat quam huic: quia creationem etiam quidam Philolophi poluerunt ratione naturali ducti, & etiam quod materia obedit substantiis separatis, & maxime Deo ad omnem formationem. Ergo ista conversio est miraculosior omnibus mutationibus.

2. Præterea. Ubi est plus de resistentia, ibi est maior difficultas in convertendo, & per consequens maius miraculum. Sed in hac conversione est maxima resistentia, cum oporteat totum converti in totum. Ergo ista conversio est maximæ difficultatis: ergo est maxime miraculosa.

3. Præterea. Quanto minus est de potentia ex parte creaturæ in qua fit miraculum, tanto est maius miraculum quod fit per potentiam divinam. Sed in hac conversione minimum est de potentia in creatura: quia in quibuscumque conversionibus miraculosior est potentia naturalis, sicut quando aqua conversa fuit in vinum; in quibuscumque autem potentia obedientiæ tantum, sicut quando costa formata est in mulierem: in creatione autem etiam non precedat aliqua potentia, tamen non est aliqua repugnantia. Ergo cum in hac conversione sit repugnantia, & nulla potentia ex parte creaturæ, quia non potest esse aliquid in potentia respectu totius compositi; videtur quod hæc conversio sit miraculosior omni alia mutatione.

Sed contra. Quanto aliqua sunt magis distantia, tanto difficilius in invicem mutantur. Sed magis distat non ens simpliciter ab ente, quam hoc ens ab hoc ente. Ergo difficilius est ex non ente simpliciter facere ens aliquid quam ex ente hoc facere illud: & ideo creatio, est maioris virtutis indicativa quam transubstantiatio.

Præterea. Quanto terminus mutationis est altior, tanto mutatio est maioris virtutis, sicut maioris virtutis est facere hominem quam animal. Sed assumptio humanæ naturæ, quæ est mutatio quedam, terminatur ad personam Filii Dei, quæ est dignius quid quam corpus Christi, ad quod terminatur transubstantiatio. Ergo magis est miraculosa illa mutatio quam ista conversio.

SOLUTIO I.

Respondeo dicendum ad primam questionem, quod in mutationibus naturalibus invenitur mutatio secundum quam nihil variatur de eo quod est intraneum rei, sed solum hoc quod est extra, sicut patet in motu locali; aliqua vero mutatio in qua

variatur illud quod inest rei accidentaliter, scilicet quantitas, vel qualitas, ut patet in motu augmenti, & alterationis; aliqua vero mutatio est quæ pertingit usque ad formam substantialem, sicut generatio, & corruptio. Sed naturalis mutatio non potest pertingere usque ad variationem materiæ: quia operatur ex supposita materia, sicut quodlibet secundum agens operatur suppositis his quæ data sunt sibi a primo agente; & hæc principia oportet manere in operatione naturæ, ut in I. Phys. (text. com. lx.) dicitur. Sicut autem esse compositi, quod ex suppositione materiæ natura producit, operationi naturæ subiecitur; ita ipsa materia quam præsupponit natura, subiecitur actioni primi agentis, scilicet Dei, a quo hoc ipsum imperfectum esse (scilicet in potentia) quod habet accepit: unde divina operatio pertingere potest ad variationem materiæ, ut scilicet sicut natura facit hoc totum esse hoc totum, ut ex toto aere totam aquam; ita Deus faciat ex hac materia signatam illam. Et quia materia signata est individuationis principium, ideo solius Dei operatione hoc fieri potest, ut hoc individuum demonstratum fiat illud individuum demonstratum: & talis modus conversionis est in hoc sacramento, quia ex hoc pane fit hoc corpus Christi. Ex quo patet quod ista conversio differt ab omnibus naturalibus conversionibus in quatuor. Primo in hoc quod usque ad materiam pertingit, quod in illis non invenitur. Et quia materia est primum subiectum, & ipsius non est aliud subiectum; ideo secundo differt in hoc quod hæc conversio non habet subiectum, sicut illæ habent. Tertio quod in naturalibus conversionibus convertitur totum in totum, non autem partes essentielles in partes: totus enim aer convertitur in aquam; sed materia aeris non convertitur in aliquid, quia est eadem: forma etiam non convertitur, quia abscedit illa, & alia introducit. Sed hic & totum convertitur in totum, quia panis fit corpus Christi, & partes etiam convertuntur, quia materia panis fit materia corporis Christi, & forma substantialis similiter fit illa forma quæ est corporis Christi. Quarto quia in naturalibus conversionibus transmutatur & id quod convertitur, & id in quod convertitur. Illud quidem quod in alterum convertitur, semper transmutatur corruptione; sed illud in quod aliquid naturaliter convertitur (si quidem sit simplex conversio) transmutatur per generationem, sicut cum aqua generata-

neratur ex aere; si autem fit conversio cum additione ad alterum præexistens, illud cui additur, transmutatur secundum augmentum, vel saltem per restaurationem deperditi, sicut accidit in nutrimento. Sed hic illud in quod fit conversio, erat præexistens, & non ei additur: quia, ut dictum est, illud quod convertitur, convertitur in ipsum & secundum totum, & secundum omnes partes eius: unde hoc in quod terminatur conversio, nullo modo transmutatur, scilicet corpus Christi, sed solum panis qui convertitur.

Ad primum ergo dicendum, quod hæc conversio sub nulla naturalium mutationum continetur, sed ab omnibus differt, ut ex dictis patet: habet tamen aliquam convenientiam cum transmutatione nutrimenti, in quantum utraque conversio fit in aliquid præexistens; differt tamen ab ea, in quantum hic non fit aliqua additio, sicut ibi.

Ad secundum dicendum, quod in hac transmutatione, seu conversione, est aliquid quod transmutatur, scilicet panis, non quidem ad modum aliarum mutationum naturalium, ut aliquid ipse maneat, sed secundum totum, & omnes partes eius, ut dictum est.

Ad tertium dicendum, quod transmutatio naturalis ponit actum imperfectum, ut patet in III. Phys. (text. vi.) & quia idem est subiectum actus perfecti, & imperfecti: ideo oportet quod subiectum transmutationis naturalis sit id quod est subiectum postmodum actus perfecti, scilicet formæ, ad quem tendit motus, & non ipsum iam perfectum. Sed transmutatio huius conversionis non ponit aliquem actum imperfectum, sed solum successionem quandam perfectorum: non solum actuum, sed rerum subsistentium. Successio autem est in succedentibus sibi, sicut & ordo in ordinatis. Sed secundum regulam in I. Lib. dist. xxvi. (quæst. 11. art. 3. ad 1. & 2.) de relativis datam, erit ista relatio ordinis huius successionis secundum rem quidem in ipso pane qui mutatur, non autem in corpore Christi vero, nisi secundum rationem, quia ipsum immutatum manet.

Ad quartum dicendum, quod communicatio importat quandam collationem, & ideo exigit aliquid recipiens id quod confertur, seu datur: unde non habet locum nisi in formalibus conversionibus, in quibus mutatio non attingit nisi usque ad formam: & ideo cum in hac conversione ni-

hil maneat, cui possit aliquid conferri; non habet locum communicatio.

SOLUTIO II.

Ad secundam questionem dicendum, quod causa quare aliqua mutatio non est in instanti, est distantia eius quod movetur a termino motus. Distantiam autem dico non solum secundum dimensionem loci, aut quantitatis, sed secundum repugnantiam formæ, vel naturæ: & ideo ubi nihil est repugnans formæ introducendæ, forma ibi recipitur in instanti præsentie agente; sicut patet de illuminatione diaphani, cum in eo non sit aliquid contrarium, vel repugnans luci; & similiter in forma subito introducenda, quando materia est necessitans contrariis dispositionibus ab ea exclusis. Sicut autem aer subiaceret soli ad recipiendum ab eo formam luminis non existente aliquo interposito; ita tota natura creata subditur divino nutui, ut statim fiat omne quod Deus vult: quia quidquid est in natura est materiale, & non contrarium dispositioni divinæ; & ideo ea quæ per seipsum facit, potest, cum voluerit, facere in instanti. Quandoque autem successive facit, ut in nobis secundum modum nostrum operetur. Hoc tamen contingit quando hoc quod transmutatur, potest magis, vel minus distare a termino transmutationis, quia secundum hoc fit successio in motu. Cum autem conversio de qua loquimur, ad ipsam materiam essentiam pertingat, ut dictum est, secundum quam separatis per intellectum formis, & dispositionibus, unæ res non magis convenit cum una quam cum alia; non potest accipi maior, & minor distantia a termino: quia hoc singulare demonstratum, quantum ad hoc quod convertitur in corpus Christi, tantum distat ab alio singulari suæ speciei, quantum a singulari alterius speciei: & ideo conversio prædicta fit in instanti.

Ad primum ergo dicendum, quod verba formæ habent sacramentalem virtutem, unde non efficiunt nisi quod significant: & ideo cum significato illius formæ non sit perfecta nisi in ultimo instanti, tunc habet efficaciam suam.

Ad secundum dicendum, quod ad hoc argumentum multipliciter respondetur a diversis.

Quidam concedunt quod est signare ultimum instant in quo est panis, sicut & primum in quo est corpus Christi, propter hoc quod in toto quodam tempore fuit panis,

nis, & ita in quolibet instanti illius temporis. Unde quidam istorum dicunt, quod unum est instans secundum rem in quo est panis, & corpus Christi, sed differt secundum rationem: quia inquantum illud instans est finis præteriti temporis, est in eo panis; inquantum autem est principium futuri, est in eo corpus Christi. Sed hoc non potest stare: quia contradictoria simul esse secundum rem est impossibile; simul autem secundum rem maxime sunt quæ sunt in eodem instanti secundum rem. Unde impossibile est duo contradictoria esse in instanti, quod est unum secundum rem, quantumcumque sit diffrens ratione: quia ex illa ratione non habet ordinem ad mensuratum, & ad tempus, cuius est terminus, sed ad animam. Et quia si ponamus simul esse corpus Christi, & panem, sequuntur duo contradictoria simul esse: quia dum est panis, non est corpus Christi: ideo impossibile est quod sit unum instans secundum rem, in quo nunc ultimo est panis, & nunc primo corpus Christi.

Ideo alii dicunt, quod istud *nunc* est quodammodo unum realiter, & quodammodo diversum, & ponunt exemplum de duabus lineis se tangentibus, de quibus constat quod habent duo puncta, & tamen illa puncta coniunguntur in uno puncto lineæ continens: contigua enim sunt quorum termini sunt simul. Et similiter dicunt, quod esse panem, & esse corpus Christi in altari, contiguantur: unde est unum instans extra mensurans, in quo primo est corpus Christi, & ultimo panis; sed tamen sunt duo instantia, si accipiamus ut duorum temporum quibus mensuratur esse panis in altari, & esse corporis Christi; & sic inter duo instantia quasi contigua non est necesse esse tempus medium, sicut nec inter duo puncta contigua lineam. Sed illud non potest stare: quia cum punctum sit terminus lineæ, quæ potest esse mensura & intranea, & extranea, possibile est puncta assignare & intrinseca, & extrinseca; sed instans est terminus temporis quod nunquam est nisi mensura extrinseca: unde non est accipere instans nisi quod se habet per modum extra iacentis puncti. Et ideo hæc positio redit in idem impossibile cum prima.

Et ideo alii dicunt, quod sicut probatur IV. Phys. (text. cccc. & civ.) in toto tempore non est accipere nisi unum *nunc* secundum substantiam; & quod numerentur duo instantia, hoc est secundum ordi-

nem temporis ad motum, & actionem quam mensurant, prout scilicet tempus excedens mensurat aliquam actionem; & ita principium, & finis illius actionis est in tempore: & secundum hoc in tempore numerantur duo instantia; & ideo ordo, & habitudo duorum instantium ad invicem est consideranda secundum actiones, & motus qui mensurantur. Unde si accipiantur duo instantia respectu eiusdem motus, prout tempus mensurat principium, & finem illius motus, sic oportet quod inter duo instantia sit tempus medium, sicut inter principium motus & finem est motus medius. Si autem accipiantur duo instantia per comparationem ad diversos motus secundum quod mensurant principium unius, & finem alterius, sic inter duo instantia non est tempus medium, sicut nec motus est medius inter principium unius motus, & finem alterius: & ideo cum quies mensuretur tempore, sicut & motus, duo instantia sunt se invicem consequentia, quorum unum mensurat finem quietis in quo erat panis, & alterum principium quietis in quo est corpus Christi. Sed hoc iterum non potest stare: quia instantia temporis distinguuntur per comparationem ad illum motum a quo tempus potest habere unitatem, vel multitudinem, ad quam comparatur non solum sicut mensura ad mensuratum, sed sicut accidens ad subiectum, scilicet motum cæli, qui est continuus, & interruptionem non patitur secundum naturam: unde qualitercumque signes duo instantia in tempore, semper est accipere tempus medium, quia est accipere inter quolibet momenta motus cæli motum medium: & ideo in aliis motibus non differret, siue comparentur diversa instantia ad eundem motum, siue ad diversos. Patet etiam quod hæc positio contradicit dicto Philosophi in VIII. Phys. (text. lxxv. & lxxv.) ubi probat quod inter quoslibet motus contrarios est quies media; quod non oporteret, si duo instantia modo prædicto possent se invicem consequi.

Et ideo alii dicunt, quod ista conversio, cum sit supra naturam, non habet ordinem ad motum cæli: unde non mensuratur tempore, sed instanti, quod est mensura motus cæli; & propter hoc non est inconveniens, si duo instantia succedant sibi sine tempore medio, sicut in I. Lib. dist. xxxvi. (quæst. iv. art. 3.) dictum est de motu Angeli. Sed hoc iterum stare non potest: quia ista conversio sequitur motum profatio-

tionis verborum, qui habet reduci ad mensuram motus cæli, sicut illuminatio sequitur ad motum localem, quo deservit illuminans: & ideo oportet quod instantia accipiantur in hac conversione secundum mensuram motus cæli.

Et propter hoc alii dicunt, quod non est simul signare duo instantia, in quorum uno primo sit corpus Christi, & in alio ultimo sit panis, quia sic de necessitate esset inter ea tempus medium; sed tamen utrumlibet eorum potest per se signari. Sed hoc iterum nihil est: quia designatio nostra nihil facit ad hoc quod tempus inter sit, vel non inter sit: unde si sint duo instantia secundum rem, in quorum uno est panis ultimo, & in alio corpus Christi primo, sive signentur a nobis, sive non, oportet esse tempus medium. Præterea ex quo instans illud est signabile, non videtur quod possit designatio eius impediri per designationem alterius instantis, cum ista duæ designationes non sint contrariæ.

Et ideo aliter dicendum, quod non est designare ultimum instans, sed ultimum tempus in quo est panis. Inter tempus autem & instans non cadit necessarium tempus medium, sicut cadit medium inter duo instantia. Et veritas huius questionis apparet ex hoc quod Philosophus dicit in VIII. Phys. (text. lxxv.) quod quando ex albo fit nigrum, in toto tempore mensurante motum alterationis erat album, sed in ultimo instanti illius temporis est nigrum: unde, secundum ipsum, non est dandum quod in toto illo tempore sit album, sed in toto præter ultimum nunc. Et quia ante ultimum nunc alicuius temporis non est accipere penultimum, sicut nec ante ultimum punctum lineæ penultimum, ideo non est accipere ultimum instans in quo erat album, sed ultimum tempus: & similiter est de illis mutationibus quæ sunt terminimotus, sicut generatio est terminus alterationis: quia cum ex aere fit ignis, in toto tempore alterationis præcedentis erat aer, præter ultimum instans, in quo est ignis: & similiter est in illuminatione respectu motus localis. Et ideo cum conversio sit terminus cuiusdam motus, scilicet prolationis verborum, in toto tempore præcedenti erat panis, præter ultimum instans, in quo est corpus Christi.

Ad tertium dicendum, quod in qualibet mutatione oportet designari nunc, & prius secundum duos terminos mutationis, qui sunt incontinentes, ut dicitur in I. Phys.

(text. xlii. & xlii.) id est, qui non possunt simul esse. Unde secundum diversitatem terminorum in diversis mutationibus, secundum hoc diversimode signatur ibi nunc, & prius. Aliqua enim mutatio erit inter cuius terminos potest accipi medium quod minus distat ab uno extremorum quam aliud: unde antequam perveniatur ad ultimum mutationis terminum, sit recessus ab uno termino, & accessus ad alterum, in quo consistit mutationis ratio: & ideo utrumque ad illam mutationem pertinet, & nunc scilicet in quo terminatur accessus, & recessus, & prius illud in quo incepit: & ideo talis mutatio non est in instanti, sed in tempore. Aliqua vero mutatio est inter cuius terminos non potest accipi medium in eodem subiecto, nisi forte per accidens, sicut inter affirmationem & negationem: quia contradictio est oppositio, cuius non est medium secundum se, ut dicitur in I. Poster. (text. v.) Per accidens autem potest accipi ibi medium ex parte negationis cui aliquid adiungatur, quod magis vel minus distat ab affirmatione, sive illud sit contrarium in eodem genere directe, sive dispositio contraria; sicut inter non album & album accipitur per accidens medium ex parte coloris cui coniungitur negatio albedinis, secundum quod magis vel minus distat ab albedine; & inter non ignem & ignem accipitur medium, secundum quod aliquid est magis vel minus frigidum, aut humidum. Unde in omnibus mutationibus, in quibus sunt affirmatio, & negatio tantum, seu privatio, & forma tantum, per se loquendo, non potest esse recessus a termino, vel accessus ad terminum ante perventionem ad ultimum terminum: & ideo illud principium non pertinet, per se loquendo, ad hanc mutationem, sed solum per accedens ratione illius adiuncti ad negationem, secundum quod per accidens negatio recipiebat magis & minus, & per consequens medium: unde per se loquendo, pertinet ad motum præcedentem, sicut ad alterationem quæ præcedit generationem, & ad motum localem, qui præcedit illuminationem: & propter hoc istæ mutationes dicuntur esse in instanti. Et quia, ut dictum est, inter substantiam panis & substantiam corporis Christi non est accipere medium quod magis sit propinquum corpori Christi quam substantia panis quantum ad hoc quod convertatur in ipsum divina virtute; ideo simile est iudicium de ista conversione, & de prædictis mutationibus: unde

unde ad hanc conversionem non pertinet nisi illud *non* in quo definit esse panis, & incipit esse corpus Christi; sed illud (a) prius pertinet ad totum tempus praecedens quod mensurabat prolationem verborum, quae quodammodo efficit conversionem.

Ad quartum dicendum, quod mutatio, ut dictum est, in instanti est; sed motus praecedens est in tempore. Si ergo includitur in actione tam motus praecedens, quam mutatio quae est terminus eius, sicut generatio alterationis, tunc fieri pertinebit ad motum praecedentem, & factum esse ad terminum motus qui est ipsa generatio: & sic non simul fit, & factum est. Si autem factio non extendit se ad mutationem illam, tunc utrumque est simul, & fieri, & factum esse; & sic quod fit est (si dicatur fieri ratione ipsius mutationis quae tunc est) sed factum est ratione termini mutationis; (b) sicut dicimus, quod simul terminatur motus, & terminatur est, simul illuminatur aer, & illuminatus est: & similiter etiam est in conversione de qua loquimur.

SOLUTIO III.

Ad tertiam questionem dicendum, quod quanto aliquid est permanentius, tanto difficilius transmutatur. Et quia subiectum in quolibet mutatione manet, ideo in omnibus mutationibus materia est maxime manens, cum sit subiectum omnium mutationum: unde illa mutatio quae ad ipsam materiam attingit, est difficilior, & maioris virtutis ostensiva quam quaecumque alia transmutatio ex parte eius quod transmutatur. Et quia creatio, & haec conversio pertingunt usque ad essentiam materiae, ut ex praedictis patet, constat has mutationes esse maiorem virtutis ostensivas quibuscumque aliis, in quibus mutatur vel forma substantialis, vel accidentalis, vel locus exterior. Sed inter has duas videtur creatio, simpliciter loquendo, praecellere, quia per ipsam materiam essentia producit: ex quo consequitur ut a producente per hanc conversionem possit in alterum transmutari. Sed ex parte eius ad quod est mutatio, mutatio quae est in unione humanae naturae ad divinam personam, praecellit has, & omnes alias mutationes in difficultate: unde ipsa est miraculum miraculorum omnium.

Ad primum ergo dicendum, quod mutatio ista fit ex existente in existens praeter modum aliarum mutationum, quae sunt etiam ex existentibus in existentia, ex qua-

S. Tb. Oper. Tom. XII.

(a) *Id.* p. 16m. (b) *Id.* sicut enim.

rum inspectione intellectus noster sibi suas conceptiones formavit: & ideo haec conversio videtur esse contra conceptiones intellectus; & propter hoc difficilior ei assentitur quam creationi, quae est ex omnino non existenti, cuiusmodi mutationem non vidit.

Ad secundum dicendum, quod in aliqua actione potest esse resistentia dupliciter. Uno modo ex parte agentis, quando scilicet ex contrario agente virtus ipsius debilitatur; alio modo ex parte ipsius effectus, quando ex contraria dispositione impeditur effectus. In omni actione ubi agens non patitur, prima resistentia non habet locum, sed secunda solum: unde in operationibus divinis non attenditur difficultas secundum resistentiam ad agentem, sed secundum impedimentum effectus. Magis autem impeditur effectus per subtractionem potentiae recipientis, quam per rationem contrariae dispositionis: quia contraria dispositio non impedit effectum, nisi inquantum facit potentiam indispositam. Et ideo maior difficultas est in creatione, ubi omnino materia non praexistit, quam ubi in praexistenti materia est aliquid quod effectui contrariando repugnat.

Ad tertium dicendum, quod sicut se habet potentia naturalis ad mutationes naturales, ita se habet potentia obediens: ad conversiones miraculosas: unde secundum modum miraculose conversionis est etiam modus obediens potentiae in creatura in aliud convertenda. Sicut ergo in conversionibus formalibus inest potentia obedientiae ad recipiendum talem formam, ita in hac substantiali conversione inest potentia obedientiae, ut haec substantia convertatur in illam: unde maioris virtutis ostensiva est creatio, in qua nulla potentia obedientiae praexistit, quam haec conversio.

ARTICULUS IV.

Utrum praedicta conversio possit exprimi per verbum substantivum alterius temporis quam praesentis.

III. P. quaest. lxxv. art. 8.

r. **A**D quartum sic proceditur. Videtur quod praedicta conversio possit exprimi per verbum substantivum alterius temporis quam praesentis, ut dicatur: *Quod est panis, erit corpus Christi*: vel, *Quod est corpus*

pus Christi, fuit panis. Ambrosius enim dicit in Lib. de sacramentis (IV. cap. tv.) quod erat panis ante consecrationem. (a)

2. Præterea. Maior est convenientia, quanto perfectior est conversio. Sed hæc conversio est perfectior omnibus aliis: quia in hac convertitur totum in totum, & partes in partes, sicut ex prædictis patet. Cum ergo in aliis conversionibus uramur tali modo loquendi, scilicet quod erat aqua, est vinum; vel, quod erat aer, est ignis: videtur multo fortius hic quod possit dici: *Quod est corpus Christi, erat panis.*

Sed contra. *Quod est relativum suppositi eiusdem.* Sed non est accipere aliquid suppositum quod sit quandoque panis, quandoque corpus Christi, ut ex prædictis patet. Ergo non est dicendum: *Quod est corpus Christi, fuit panis.*

QUAESTIUNCULA II.

1. Ulterius. Videtur quod hæc sit vera, *Panis fit corpus Christi.* Ad omnem enim *facere* sequitur *ferri*. Sed Christus fecit ea, scilicet panem, & vinum, (b) corpus, & sanguinem suum, ut Damascenus dicit (de Fide orth. Lib. IV. cap. xiv.) Ergo panis fit corpus Christi.

2. Præterea. Omne quod convertitur in alterum, fit illud. Sed panis convertitur in corpus Christi. Ergo fit corpus Christi.

Sed contra. Omne *ferri* terminatur ad *factum esse*. Sed hæc numquam erit vera, *Panis est factus corpus Christi*: quia quod factum est, est; panis autem numquam est corpus Christi. Ergo & hæc est falsa, *Panis fit corpus Christi.*

QUAESTIUNCULA III.

1. Ulterius. Videtur quod hæc sit falsa, *De pane fit corpus Christi.* Ex eodem enim fit aliquid, & factum est. Sed hæc est falsa, *Corpus Christi factum est de pane, vel ex pane.* Ergo & hæc, *Corpus Christi fit de pane.*

2. Præterea. De notat consubstantialitatem, ut Magister dicit in I. dist. xxxvi. Sed nulla consubstantialitas est panis ad corpus Christi. Ergo non potest dici quod corpus Christi fit de pane, vel ex pane.

Sed contra. Ambrosius dicit (Lib. IV. de sacram. cap. iv.) *Ubi accessit consecratio, de pane fit corpus Christi.*

QUAESTIUNCULA IV.

1. Ulterius. Videtur quod hæc sit vera, *Panis potest esse corpus Christi.* Motus enim est actus existentis in potentia. Sed panis mutatur in corpus Christi. Ergo panis est potentia corpus Christi: ergo potest esse corpus Christi.

2. Præterea. Ambrosius dicit (ubi supra) quod *panis potest esse corpus Christi consecratione, quæ fit Christi sermone.*

Sed contra. Quod potest esse aliquid, nihil prohibet si ponatur illud: quia possibile positum, secundum Philosophum, non sequitur inconveniens. Sed inconveniens sequitur, si dicatur, *Panis est corpus Christi.* Ergo hæc est falsa, *Panis potest esse corpus Christi.*

SOLUTIO I.

Respondeo dicendum ad primam questionem, quod hæc conversio in hoc differt ab omnibus aliis mutationibus, quod in omnibus aliis mutationibus est aliquid subiectum commune, in hac autem non, sed solum est accipere duos terminos conversionis: & ideo omnes locutiones exprimentes mutationem per quam importatur ordo termini ad terminum, sunt concedendæ in hac materia, sicut hæc, *Panis convertitur in corpus Christi*; locutiones vero quæ exprimunt identitatem subiecti, non sunt concedendæ proprie loquendo. Sed quia in hac conversione est aliquid simile identitati subiecti, scilicet communitas specierum, quæ manent hinc inde, quamvis illæ species non sint mutationis subiectum; ideo etiam tales locutiones aliquando a sanctis positæ inveniuntur, ut identitas importata non referatur ad subiectum, sed ad species easdem. Unde tales locutiones non sunt extendendæ, quia sunt improprie; & hæc locutio quæ est, *Hoc fuit illud*, vel, *quod est hoc, erit illud*, expresse important identitatem subiecti mutationis propter naturam relationis: ideo non est simpliciter concedenda.

Ad primum ergo dicendum, quod verbum Ambrosii est exponendum. *Quod erat panis, est corpus Christi*; id est, quod est sub speciebus panis, primo fuit panis, & postea corpus Christi.

Ad secundum dicendum, quod secundum Philosophum in II. de Anima (text. xlv.) passum in principio est dissimile, sed in fine est

(a) Ambrosius: *Panis ante verba sacramentalium, sed ubi accessit consecratio, corpus Christi.* (b) *Ad servitum corpus suum.*

est simile: unde perfecta conversio requirit perfectam distantiam in principio, & perfectam unitatem in fine. Sed hoc nomen panis importat quod erat in principio, quia importat terminum a quo; ideo quanto perfectior est conversio, tanto minus potest corpus Christi de pane prædicari.

SOLUTIO II.

Ad secundam questionem dicendum, quod cum dicitur, *Hoc fit illud*, ex vi locutionis in *ly hoc* importatur subiectum factionis: unde hæc est per se, *Homo fit albus*; sed hæc est per accidens, *Nigrum fit album*. Subiectum autem factionis commune est utrique termino: unde patet quod prædicta locutio importat communitatem subiecti, & proprie non est concedenda.

Ad primum ergo dicendum, quod exponendum est verbum Damasceni sicut expolitum est verbum Ambrosii, ut relatio importata in *ly ea* designet unitatem specierum, & obo subiecti unitatem.

Ad secundum dicendum, quod in hac locutione, *Panis convertitur in corpus Christi*, importatur tantum ordo unius termini ad alterum; in hac autem, *Panis fit corpus Christi*, importatur unitas subiecti: & ideo non est similis ratio de utraque.

SOLUTIO III.

Ad tertiam questionem dicendum, quod, sicut patet in I. Physic. (text. lxi.) *Hoc fit hoc*, dicimus in permanentibus per se, sed in non permanentibus per accidens; sed *Ex hoc fit hoc* dicitur proprie in non permanentibus. Dicimus enim: *Ex non albo fit album*. Et si aliquando dicatur aliquid fieri ex permanente, hoc est inquantum intelligitur cum permanente aliquid non permanente; sicut cum dicitur, *Ex aere fit flamma*, intelligitur ex aere infigurato. Et sic patet quod hæc locutio, *Hoc fit hoc*, exprimit identitatem subiecti; hæc autem locutio, *Ex hoc fit hoc*, principaliter exprimit ordinem terminorum ad invicem, & per consequens quandoque unitatem subiecti: unde quandoque importat tantum ordinem sine hoc quod importet subiectum, ut cum dicitur, *Ex mane fit meridies*, id est post, ut dicitur in II. Metaphys. (text. vii.) & secundum hoc erit incongrua, *Panis fit corpus Christi*; sed hæc erit concedenda, *Ex pane fit corpus Christi*, si *ly ex* non denotet subiectum, & quasi causam materiale, sed tantum ordinem terminorum conversionis ad invicem; sed hæc, *De*

pane fit corpus Christi, est minus propria: quia hæc præpositio de notat consubstantialitatem, ut Ambrosius tangit; tamen quandoque de ponitur pro *ex*, & sic potest concedi quod de paoe fit corpus Christi, sicut ex pane.

Ad primum ergo dicendum, quod cum dicitur, *De pane factum est corpus Christi*, *ly de* potest importare ordinem in essendo: quia quod significatur in *factum esse*, significatur in esse: & sic non conceditur quod de pane fit factum corpus Christi: quia significaretur quod panis haberet ordinem ad corpus Christi in essendo, quod falsum est, quia non est materia eius. Potest etiam importare ordinem in fieri, quod præcessit factum esse; & sic sicut conceditur hæc, *De pane fit corpus Christi*, ita potest concedi ista, *Ex pane factum est corpus Christi*.

Ad secundum patet solutio ex dictis.

SOLUTIO IV.

Ad quartam questionem dicendum, quod cum potentia pertineat ad subiectum, non est dubium quod cum dicitur, *Panis potest esse corpus Christi*, importatur unitas subiecti: & ideo non est concedenda, quia nihil panis umquam erit aliquid corporis Christi: sed sicut conceditur ista, *Panis convertitur in corpus Christi*; ita potest concedi ista, *Panis potest converti*: quia cuius est potentia, eius est actus, ut dicitur in Lib. de somno & vigilia (cap. 1.)

Ad primum ergo dicendum, quod ista distinctio non habet locum in ista conversione, ut ex prædictis patet.

Ad secundum dicendum, quod illud verbum Ambrosii exponendum est, sicut prius dictum est.

QUAESTIO II.

Deinde queritur de materia huius sacramenti: & circa hoc queruntur quatuor.

Primo. Utrum paois, & vinum fiat materia huius sacramenti.

Secundo. Qualis panis.

Tertio. Quale vinum huius sacramenti materia esse possit.

Quarto. De aquæ admixtione.

ARTICULUS I.

Utrum sit duplex materia huius sacramenti.

III. P. quest. lxxiv. art. 1.

1. **A**D primum sic proceditur. Videtur quod non debeat esse duplex materia huius sacramenti. Quanto enim aliquid est simplicius, tanto nobilius: unde & simplicissima sunt nobilissima. Sed hoc sacramentum est nobilius aliis. Ergo debet esse simplicius. Cum ergo alia sacramenta unam tantum materiam habeant, sicut baptisimus aquam, confirmatio chrisma; videtur quod non debeat esse duplex materia huius sacramenti.

2. Præterea. Materia sacramenti debet respondere ei quod est sacramentum, & res in sacramento, quia est signum eius. Sed totum illud quod est res, & sacramentum, continetur sub specie panis, scilicet totus Christus. Ergo panis est tota materia huius sacramenti; & sic idem quod prius.

3. Præterea. Hoc sacramentum ordinatur ad usum fidelium. Sed tantum sub una specie populo hoc sacramentum ministratur, scilicet sub specie panis. Ergo tantum una eiusdem debet esse materia.

4. Præterea. Posset contingere quod in aliqua terra triticum haberetur, & non vinum, vel e converso. Ergo in tali casu liceret & in una specie tantum consecrare.

Sed contra. Sacramentum eucharistiæ a Christo initium sumpsit. Sed Christus discipulis duo in cœna dedit, scilicet panem, & vinum. Ergo debent esse materia huius sacramenti.

Præterea. Materia sacramenti debet respondere usui sacramenti. Sed manducatio, quæ est usus huius sacramenti, ut supra dist. ix. (quest. i. art. 1.) dictum est, requirit cibum, & potum. Ergo huius sacramenti materia debet esse duplex, una quæ competat in cibum, & alia quæ competat in potum.

QUAESTIUNCULA II.

1. Ulterius. Videtur quod non debeat esse materia huius sacramenti panis, & vinum. Sacramenta enim legis mosaicæ propinquiora fuerunt sacramentis legis novæ quam sacramenta legis naturæ. Sed in lege mosaica secundum modum sacramenti manducabantur carnes animalium. Ergo hoc magis debet esse materia huius sacra-

menti quam panis, & vinum, quæ sumebantur in lege naturæ per modum sacramenti.

2. Præterea. Materia sacramenti debet competere usui sacramenti, & significationi. Sed expressius significatet caro animalis alicuius carnem Christi quam panis: quia maiorem habet convenientiam ad ipsam, & iterum magis reficit. Ergo magis debet caro esse materia huius sacramenti quam panis.

3. Præterea. Sacramenta infirmis ministrari debent, quia medicinæ sunt. Sed vinum non datur infirmis. Ergo non debet esse materia huius sacramenti.

4. Præterea. Illud sacramentum non solum præfiguratum fuit in oblatione Melchisedech, qui obtulit panem, & vinum, ut dicitur Gen. xiv. sed etiam in favo mellis, quem sumpsit Ionathas, ut dicitur I. Reg. xiv. Ergo etiam mel deberet esse materia huius sacramenti, & præcipue propter suavitatem.

5. Præterea. In hoc sacramento continetur Christus ut cibis parvulorum. Sed parvulis datur in cibum lac. Ergo lac deberet esse materia huius sacramenti.

QUAESTIUNCULA III.

1. Ulterius. Videtur quod panis, & vinum non possint esse materia huius sacramenti, nisi sub determinata quantitate. In sacramentis enim intentio requiritur conformis intentioni Ecclesiæ. Sed si aliquis vellet consecrare totum panem qui est in foro, & totum vinum quod est in cellario, intentio eius non esset concors intentioni Ecclesiæ, quæ intendit consecrare ad usum fidelium, quod etiam verba instituentis ostendunt. *Accipite*, inquit, *& manducate*. Ergo requiritur determinata quantitas panis.

2. Præterea. Virtus data verbis, & ministro, datur ad venerationem sacramenti, non ad irrihionem. Sed si immoderata quantitas panis, & vini consecraretur, verteretur in irrihionem. Ergo non potest consecrari nisi sub determinata quantitate.

3. Præterea. Si aliquis in mari hominem baptizet, illa tantum aqua verbo vite sanctificatur quæ ad usum ablutionis cedit, & non totum mare. Ergo a simili & hic tantum de pane, & vino consecrari potest, quantum potest venire in usum fidelium.

Sed contra. Secundum Philosophum (Lib. IV. de celo text. xxxv.) omne determinatum est medium duorum extremorum determinantium. Sed quantitas.

titas panis qui consecrari potest, non est medium duorum extremorum determinatorum: quia numquam est ita parva quantitas quin possit consecrari. Ergo non est determinata quantitas etiam secundum magnitudinem.

Præterea. Constat quod sacerdos habens paucos parochianos potest tantum de pane consecrare, quantum habens multos, quamvis non debeat. Sed non potest accipere tanta quantitas panis que non possit venire in usum multorum parochianorum, & præcipue cum unus homo possit & multum, & parum in quantitate sumere. Ergo non potest esse tanta materia panis quin possit consecrari etiam a quocumque sacerdote.

SOLUTIO I.

Respondeo dicendum ad primam questionem, quod materia sacramenti debet competere & significationi sacramenti, & usui; & utroque modo exigitur duplex materia in hoc sacramento. Usus enim huius sacramenti est manducatio, quæ ad sui integritatem & cibum, & potum exigit: & ideo huius sacramenti debet esse duplex materia, una quæ in cibum sumitur, & alia quæ in potum. Significatio autem sacramenti est duplex. Una secundum quod representat præteritum; & sic in hoc sacramento significatur passio Christi, in qua separatus fuit eius sanguis a corpore: & ideo separatim in hoc sacramento offerri debet signum corporis, & signum sanguinis duplici materia existente. Alia significatio sacramenti est de effectu per sacramentum inducendo, quia sacramenta efficiunt quod figurant, & sic cum hoc sacramentum ad salutem corporis, & animæ sumatur, oportet quod sub specie panis ad significandam salutem corporis, & sub specie vini ad significandam salutem animæ hoc sacramentum perficiatur, ut in littera Magister dicit.

Ad primum ergo dicendum, quod simplicitas per se non est causa nobilitatis, sed perfectio: unde ubi perfecta bonitas in uno simplici invenitur, simplex est nobilior quam compositum; quando autem e contrario simplex est imperfectum, compositum vero perfectum, tunc compositum est nobilior quam simplex, sicut homo est nobilior terra: & ideo hoc sacramentum quamvis sit magis compositum ratione materiæ, est tamen nobilior, quia est magis perfectum. Quod autem ad perfectionem eius hæc compositio exigatur, patet ex dictis.

Ad secundum dicendum, quod quamvis totus Christus sit sub specie panis secundum rei veritatem, non tamen est ibi ex vi sacramenti nisi corpus eius, ut ex dictis patet, & secundum quod venit in usum fidelium.

Ad tertium dicendum, quod populo non datur fanguis propter periculum: quia una gutta sanguinis citius laberetur quam aliqua particula corporis: unde ministris altaris secundum consuetudinem aliquorum datur participatio sanguinis, de quibus præsumitur quod in talibus magis sint cauti. In lege autem veteri de libaminibus nihil habebant offerentes, sed soli sacerdotes; per quæ significabatur potus huius sacramenti; de sacrificiis autem habebant, quibus significabatur cibus huius sacramenti.

Ad quartum dicendum, quod quamvis consecratio panis non dependeat a consecratione vini, quod quidam posuerunt, ut supra dist. viii. (quæst. ii. art. 4. quæstionum. 1.) dictum est, tamen potius deberet desistere qui non haberet utrumque, quam conficere præter morem Ecclesiæ in una tantum specie; quamvis etiam si in una tantum specie consecraret, consecratum esset. Peccaret autem graviter, nisi post consecrationem corporis ante consecrationem sanguinis occideretur, vel alias præter culpam suam impediretur.

SOLUTIO II.

Ad secundam questionem dicendum, quod causa quare panis, & vinum sunt materia huius sacramenti inter alios cibos, & potus, est institutio divina. Causa autem institutionis multipliciter potest assignari. Prima ex parte usus sacramenti: quia hæc duo communius in cibum, & potum veniunt: unde convenientius per hæc in cibum, & potum spirituales manducamur. Secunda ex effectu sacramenti: quia, ut dicitur in Glossa I. Corinth. xi. panis præ ceteris cibis sustentat corpus, & vinum lætificat eor: & similiter hoc sacramentum sustentat magis, & lætificat caritate inebriatos quam alia sacramenta. Tertia ex ritu celebrationis: quia mundiis tractantur quam alia quæ in cibum, & potum veniunt. Quarta ex significatione duplici rei huius sacramenti: quia panis ex multis granis conficitur, & vinum ex multis acinis confuit, quod competit ad significandum corpus Christi verum, & mysticum, ut supra dist. viii. dictum est. Quinta ex repræsentatione.

sentatione eius quod præcessit: nam grana in area concalcantur, & panis in fornace decoquitur, & vinum in torculari exprimitur; quæ omnia competunt ad repræsentandum passionem Christi.

Ad primum ergo dicendum, quod hoc sacramentum non debuit in specie alicuius sacramenti legis mosaicæ institui, ut ostenderetur cessatio legalium, quorum sacerdotium est imperfectius sacerdotio Christi: & ideo convenienter ad illas species in novo testamento reducit, quibus ostenditur sacerdotium novi testamenti sic præminere sacerdotio levitico, scilicet ad oblationem Melchisedech, ut Apostolus probat Hebr. vii.

Ad secundum dicendum, quod caro de ratione sui non dicit aliquid ordinatum in cibum, sed quamdam rem naturæ: & ideo non ita competenter significaret caro animalis carnem Christi, ut est cibus fidelium, secundum quod in hoc sacramento continetur, sicut panis, quia ad hoc confectus est ut cibus sit.

Ad tertium dicendum, quod vinum quamvis non detur infirmis qui morbo febrili subiacent, datur tamen debilibus ut confortentur, & similiter hoc sacramentum non est dandum his qui sunt in febre peccati, sed ad confortationem debiliū qui a peccato liberati sunt.

Ad quartum dicendum, quod mel quamvis habeat suavitatem, est tamen inflativum; & ideo magis congrue significat suavitatem temporalem quæ inflat, quam caritatem quæ ædificat: unde & in sacrificiis veteris legis apponi prohibebatur: & ideo etiam non competit huic sacramento.

Ad quintum dicendum, quod quamvis cibus iste sit parvulus per humilitatem, est tamen grandium in fide. Unde Augustinus (Lib. VII. Confess. cap. x.) *Cibus sum grandium*: & ideo non convenit ut sub specie lactis sumatur.

SOLUTIO III.

Ad tertiam quæstionem dicendum, quod quidam dicunt, quod virtus non est data ministro, & verbis ad consecrandum panem, & vinum sub quacumque quantitate, sed sub tanta quantitate, quanta potest competere ad usum fidelium: sic enim conformabitur intentio consecrantis intentioni Ecclesiæ. Sed hoc non videtur verum. Non enim potest dici, quod quantitas materiæ sit determinata secundum usum qui in præsentia occurrit: quia sic sacerdos in deserto non posset conficere tot hostias, quot sacerdos

alicuius civitatis habentis multos parochianos; quod falsum est: sed secundum usum qui nunquam occurrere potest. Tantum ergo de vino, & pane consecrare potest, quantum est sumibile ab omnibus. Ad hoc autem non est quantitas determinata, præcipue cum unus homo possit sumere in magna quantitate, & parva quantitate: unde quantitas parva, vel magna ad hoc nihil facit.

Ad primum ergo dicendum, quod sacramenta ad aliquid ordinantur: unde in sacramentis est duplex intentio. Una quæ ordinatur ad perfectionem sacramenti; & hæc est essentialis sacramento: unde ea prætermissa non est sacramentum. Alia quæ ordinatur ad finem sacramenti; & hæc consequitur sacramentum, ut ea posita, vel remota, nihilominus perficiatur sacramentum; sicut si aliquis intendat baptizare aliquem, ut lucrum temporale consequatur, sacramentum baptismi verum est, quia secundum primam intentionem conformatur intentioni Ecclesiæ, quamvis non quantum ad secundam. Et similiter in hoc sacramento si aliquis sacerdos intenderet consecrare non ad sumendum, sed ut in beneficiis uteretur, verum corpus Christi esset. Unde etsi aliquis sacerdos intenderet consecrare magnam quantitatem panis, & vini non ad usum fidelium, sed in irrisionem, esset consecratum. Non tamen dico, quod posset consecrare totum panem qui est in civitate simul, vel qui est in foro: quia ipsa forma pronomine demonstrativo utens, ostendit quod materia consecranda debet esse coram sacerdote. Unde sacerdos existens in domo sua non posset consecrare panem qui est in altari, quod etiam non potest de toto pane qui est in foro, neque de toto vino quod est in cellario. Sed quantumque sit quantitas panis, & vini quæ coram sacerdote proponitur, credo quod possit consecrari ab ipso.

Ad secundum dicendum, quod potestas omnis a Deo est, ut dicitur Rom. xii. & quantum est de intentione dantis potestatem, ad bonum est ordinata; nihil tamen prohibet quin potestate accepta abutatur. Unde sicut prælati Ecclesiæ habent potestatem in ædificationem, & non in destructionem, tamen multa possunt facere quæ sunt in destructionem; ita virtus consecrandi data est verbo, & ministris ad Dei honorem: tamen potest aliquis abuti, ut ad irrisionem, vel ad luctum, vel ad aliquid huiusmodi faciat.

Ad tertium dicendum, quod perfectio sacramenti in baptismo consistit in ipso usu materię: & ideo illud tantum aque confectur verbo vitę quod in usum venit. Sed perfectio huius sacramenti consistit in ipsa materię consecratione, & usus est consequens ad hoc sacramentum: unde perfectio huius sacramenti non dependet ab usu, sicut est in baptismo.

ARTICULUS II.

Utrum oporteat quod sit panis triticeus.

III. P. quęst. lxxiv. ar. 3. & 4.

1. AD secundum sic proceditur. Videtur quod non oportet quod sit panis triticeus. Hoc enim sacramentum est memoriale dominicę passionis. Sed magis competeret ad significandum passionem panis hordei, quod est durum, & hispidum, quam granum tritici, quod est delicatum. Ergo ex alio frumento panis confectus potest esse materia huius sacramenti.

2. Pręterea. In omni aqua potest perfici sacramentum baptismi, ut nullus propter defectum materię a sacramenti perceptione fraudetur. Ergo & similiter omnis panis debet esse materia huius sacramenti, ut nullum inopia excuset.

3. Pręterea. Figura in naturalibus est si gnum speciei. Sed quedam frumenta sunt quę habent similem figuram grano tritici, sicut patet de farre, & spelta. Ergo sunt eiusdem speciei cum grano tritici; & ita panis ex illis frumentis poterit esse materia huius sacramenti.

4. Pręterea. Panis, materia huius sacramenti est, quia ex multis granis confectus unitatem corporis mystici designat, ut supra dist. viii. dictum est. Sed hoc etiam invenitur in pane de aliis frumentis confecto. Ergo ille panis potest esse materia huius sacramenti.

Sed contra est usus Ecclesię, & hoc quod

Dominus se grano frumenti comparavit Ioan. xii. & non aliis leguminibus. (a)

QUAESTIUNCULA II.

1. Ulterius. Videtur quod, si grano tritici admisceatur aliud frumentum, possit panis exinde confectus esse materia huius sacramenti. Quia in sicis commixtio non tollit speciem. Sed granum tritici, & alia huiusmodi sunt sicca. Ergo si commisceantur, adhuc manet species tritici, & ita potest inde confici corpus Christi.

2. Pręterea. Vix invenitur farina ex solis granis tritici, nisi studiose fiat. Si ergo ex farina commixta ex diversis granis non posset confici panis qui sit materia huius sacramenti, rarissime hoc sacramentum perficeretur; quod est absurdum.

3. Pręterea. Per corruptionem magis receditur a specie quam per mixturem. Sed de pane corrupto potest fieri hoc sacramentum, cum videamus hostias diutissime a quibusdam conservari. Ergo multo magis de pane ex granis commixtis confecto potest perfici hoc sacramentum.

Sed contra. Medium, neutrum extremorum est. Sed panis commixtus ex diversis granis, est medius inter panem tritici & aliorum granorum. Ergo non est panis triticeus: ergo de eo non potest perfici hoc sacramentum.

Pręterea. De amido, ut quidam dicunt, non potest perfici hoc sacramentum. Sed amidum est farina triticea pura. Ergo multo minus potest perfici hoc sacramentum de pane alterius farine.

QUAESTIUNCULA III.

1. Ulterius. Videtur quod non debeamus conficere in azymo, sed in fermentato. Nos enim debemus conficere secundum quod Christus confecit. Sed Christus confecit in fermentato, non in azymo. Ergo nec nos debemus in azymo conficere. Probatio medię. Ante pascha Iudei azymis non utebantur. Sed cena Domini, in qua hoc sacramentum inchoavit, fuit ante pascha.

(a) Addit Nicolai. Unde Innocentius III. Lib. IV. de mysteriis Missę esp. 111. *Panis debet esse de frumento, cum dicitur, Nisi granum frumenti &c.* Et Glossa in 102n. xii. *Cum sit multa seminum grana, nulli se comparat nisi frumento: unde magis Ecclesię caput de hoc solo grano conficit corpus Domini: quod male tamen ibi ex Augustino prenotatur: sic enim ipse tantum. Solum dicit granum frumenti, mortificandum in infidelitate Iudeorum, multiplicandum in fide populi &c.* Et super illud, *A fructu frumenti &c.* Psalm. lv. *Est & frumentum Dei*, inquit, quia est panis vivus qui de calo descendit. Et Hieronymus in Isai. lxi. super illud, *Si dederis triticum reum inimici tui*, intelligit triticum de quo panis calisti efficitur, scilicet illud de quo Dominus ait: *Cave mea vere est cibus*. Et super illud Hierem. xxii. *Consumunt ad hunc Domini super frumentum*, iterum intelligit super frumentum de quo conficitur panis Domini. Et super illud Zachar. ix. *Quid bonum eius nisi frumentum dederum?* sic expresse rectus ait: *Frumentum dederum intelligimus Dominum Salvatorem; qui in Evangelio dicit: Nisi granum tritici &c.* De hoc tritice efficitur ille panis qui de calo descendit &c.

seha celebratum, ut pater Ioan. xii. 1. *Ante diem festum pasche* &c. Ergo ipse in fermentato, non in azymis confecit.

2. Præterea. Veritas debet respondere figuræ. Sed agnus typicus immolabatur luna decimaquarta, ut habetur Exod. xii. Ergo Christus immolatus fuit luna decimaquarta. Sed in die præcedenti corpus suum dedit discipulis manducandum. Ergo hoc fuit luna decimatertia. Sed pascha incipiebat luna decimaquarta. Ergo ante pascha fuit cæna Domini, & sic idem quod prius.

3. Præterea. Ioan. xviii. dicitur, quod in die passionis Domini Iudæi non intraverunt prætorium Pilati, ut non contaminarentur, sed ut manducarent pascha, & sic cæna Domini fuit ante pascha; & sic idem quod prius.

4. Præterea. Luc. xxiv. dicitur, quod mulieres viso monumento iverunt, & paraverunt aromata. Sed hoc non licuisset prima die de septem, quibus azyma comedeabant, quia dies illa erat eis celeberrima, quæ quidem dies erat luna decimaquinta. Ergo Christus passus est luna decimaquarta; & sic idem quod prius.

5. Præterea. Ioan. xx. dicitur quod dies sepulture dominicæ erat magnus dies sabbati. Sed in solemnitate azymorum sola prima dies erat celeberrima, & vocabatur magna. Ergo dies sabbati fuit prima dies solemnitatis, quod est luna decimaquinta; & sic dies veneris fuit luna decimaquarta; & sic idem quod prius.

6. Præterea. Arto secundum Græcos significat panem fermentatum. Sed hoc nomen invenitur apud Græcos, ubi nos habemus, *Acceptis Iesus panem*. Ergo de fermentato confecit; & sic idem quod prius.

7. Præterea. Sacramenta veteris legis tempore revelata: gratiæ observata ad litteram, sunt mortifera: quia *littera occidit*. H. Corinth. xii. 6. Sed hoc erat unum de legalibus, comedere in azymis. Ergo videtur esse mortiferum in azymis consistere.

8. Præterea. Hoc sacramentum est spiritualiter sacramentum caritatis. Sed fermentum caritatem significat, ut patet in Glossa Matth. xii. 11. *Super illud, Simile est regnum celorum fermento* &c. Ergo maxime debet confici de fermentato.

9. Præterea. Sicut album, & rubeum sunt accidentia vini; ita azymum, & fermentatum sunt accidentia panis. Sed in-

differenter conficitur de vino albo, & rubeo. Ergo non magis debet attendi de pane an sit azymum, vel fermentatum, quam de vino an sit album, vel rubeum.

Sed contra. Prima die azymorum nihil fermentatum esse debebat in domibus Iudæorum, ut pater Exod. xii. Sed Dominus confecit prima die azymorum, ut pater Matth. xxvi. Marc. xiv. Luc. xxii. Ergo ipse confecit de azymo: ergo & nos debemus de azymo conficere.

Præterea. Christus non venit legem solvere, sed implere, ut dicitur Matth. v. Sed secundum legem agnus paschalis comedebatur cum azymis, ut patet Exod. xvi. Ergo Christus agnum paschalem cum azymis comedit. Ergo de azymo confecit.

Præterea. Materia debet convenire sacramento. Sed panis azymus magis competit huic sacramento quam fermentatus, propter puritatem. I. Corinth. v. 8. *Epulemur non in fermento veteri, neque in fermento malitia, & nequitia, sed in azymis sinceritatis, & veritatis*. Ergo debet de pane azymo fieri sacramentum.

SOLUTIO I.

Respondeo dicendum ad primam questionem, quod non potest confici nisi de pane triticeo: cuius causa est divina institutio, quia ipse hoc pane confecit. Ratio autem institutionis potest triplex assignari. Prima ex effectu: quia talis panis melius nutrimentum præstat: unde competit ad significandum excellentiam gratiæ quæ in hoc sacramento confertur. Secunda ex usu sacramenti: quia panis triticeus est qui communis in usum cibi venit, alii autem panes non sunt nisi propter defectum tritici: unde & panis simpliciter intelligitur de tritico, sicut & oleum de olivis: unde competit huic sacramento, cuius usus est in manducando, ut supra (dist. ix.) dictum est. Tertia ex re contenta, quæ est Christus, qui se grano frumenti comparavit dicens, Ioan. xii. 24. *Nisi granum frumenti cadens in terra mortuum fuerit, ipsum solum manet*.

Ad primum ergo dicendum, quod in passione Christi non fuit aliqua duritia ex parte Christi qui pariebatur, sed summa benignitas: & quia hostia panis significat, & continet ipsum Christum, ideo non ita competit huic sacramento panis hordeaceus, vel alterius modi, sicut panis triticeus, qui est delicatior, & suavior.

Ad secundum dicendum, quod omnis

aqua omni aquæ est eadem specie, secundum Philosophum (V. Metaph. text. ix.) & ideo non differt in quacumque aqua baptismus fiat. Sed non omnia grana, ex quibus panis confuevit confici, sunt eiusdem speciei: & ideo non est similis ratio utrobique. Et præterea sacramentum istud non est tantæ necessitatis sicut sacramentum baptismi, ut prius dictum est (dist. ix. quæst. 1. art. 2. quæstion. 2.)

Ad tertium dicendum, quod quidam dicunt, quod de spelta potest confici corpus Christi propter similitudinem quam habet ad triticum. Sed, sicut patet intuitu, quantum ad figuram plus appropinquat hordeum ad similitudinem tritici quam spelta, remoto cortice ab utroque, quamvis in colore plus spelta conveniat; sed inter alia omnia huiusmodi plus convenit, maxime in figura, far cum tritico, & similiter in colore. Unde ex identitate figuræ non potest haberi quod aliquod istorum sit eiusdem speciei cum grano tritici; sed identitatis speciei potest ex alio experimentum accipi. Generans enim, & genitum conveniunt de necessitate in specie, sed non de necessitate in accidentibus, quinimmo accidentia variantur ex causis extrinsecis: unde cum ex grano tritici, ubicumque seminetur, numquam nascatur spelta, vel far, aut hordeum, vel aliquid huiusmodi, constat quod omnino ista differunt specie a tritico.

Ad quartum dicendum, quod illud quod obiectio tangit, est causa quare ex pane fit hoc sacramentum, non autem quare ex tali pane; sed hanc oportet superaddere sicut proprium ad commune.

SOLUTIO II.

Ad secundam questionem dicendum, quod admixtio extranei duplex potest esse. Uno modo ita quod extraneum adiunctum solvat speciem eius cui adiungitur, vel trahendo ad speciem suam, sicut si amphoræ aquæ adderetur phiala vini; vel faciendo medium speciem, sicut quando utrumque æqualiter ponitur, ut æqualitas non accipiat tantum secundum quantitatem, sed secundum proportionem virtutis. Alio modo ita quod additum non solvat speciem, sed ipsum assumatur ad speciem eius cui additur, sicut si gutta aquæ amphoræ vini apponatur. Si ergo fiat tanta admixtio extranei quod solvatur species panis triticeæ, non poterit confici ex pane illo; si autem adeo sit parva admixtio quod species panis

S. Th. Oper. Tom. XII.

triticeæ maneat, & illud quod additur, ad naturam tritici convertatur, potest exinde confici sacramentum. Huiusmodi autem signum potest accipi ex accidentibus, scilicet colore, sapore, & huiusmodi: quia accidentia maximam partem conferunt ad cognoscendum quod quid est, secundum Philosophum in I. de Anima (text. xi.)

Ad primum ergo dicendum, quod quamvis sicca, cum integra manent, non amittant speciem ex permixtione, tamen quando dividuntur, & conficiuntur, sicut in pane accidit, possunt speciem amittere.

Ad secundum patet solutio ex distinctione prædicta.

Ad tertium dicendum, quod si sit tanta corruptio quod species panis non maneat, tunc non potest ex eo confici; si autem specie manente sit aliqua dispositio ad corruptionem, potest exinde confici; quamvis graviter peccet sciens ex tali scienter propter irreverentiam sacramenti. Et quod species maneat, potest ex hoc cognosci, quod continuas non est soluta, nec alia accidentia omnino ablata. Et quia amidum fit de farina triticea, quæ quidem per attritionem, & excolationem, & vaporis admixtionem videtur speciem farinæ amisisse, vel ad corruptionem omnino esse disposita; ideo ex ea non debet confici, nec potest secundum quosdam. Quidam autem dicunt, quod amidum cum sit crudum, non potest esse materia huius sacramenti, sicut nec passa. Sed si coquatur, poterit exinde confici, quia amidum fit ex farina maxime depurata.

SOLUTIO III.

Ad tertiam questionem dicendum, quod in hoc videtur esse diversitas inter Græcos & Latinos: Græci enim de fermentato, Latini de azymo conficiunt. Causa autem huiusmodi diversitatis est, quia Dominus in azymo confecit, ut ex tribus Evangelistis habetur manifeste; & ita in primitiva Ecclesia Apostoli celebrabant: quem morem Romana Ecclesia ab Apostolis, qui ipsam fundaverunt, accepit, ut Innocentius III. dicit. Sed postea, ut dicit Leo Papa (IX. epist. ad Michaelem Imperat. Constantinop.) imminente hæresi Ebionitarum, qui dicebant simul cum Evangelio legalia observanda, sancti patres ne eis consentire viderentur, voluerunt ad tempus instinctu Spiritus sancti ex fermentato confici sacramentum: postea cessante illa

KK hære-

hæresi Ecclesia Romana ad pristinum morem rediit; Græci autem servare voluerunt morem ad tempus a patribus introductum, ulterius addeutes non posse confici nisi de fermentato: & ad hoc probandum asserere voluerunt Dominum in fermentato confecisse. Et quia tres Evangelistæ concorditer dicunt, prima die azymorum Dominum instituisse hoc sacramentum, in tantam insaniam quidam ex eis proruperunt, ut dicerent, Evangelistas illos falsum scripsisse, & a Ioanne fuisse correctos qui ante diem paschæ dicit Dominum cœnasse cum discipulis. Sed quod hoc non contradicat, ostenditur. Supposito autem quod Dominus decimatertia luna, ut dicunt, cœnam celebrasset, adhuc evidenter ostenditur quod de azymo confecit: quia, sicut dicit Chrysostomus super Matth. (cap. xxvi. homil. lxxxi.) *apertissime Dominus demonstravit, quia a principio circumcisionis sue usque ad diem paschæ extremum, non erat contrarius divinum legem, in quibus præcipiebatur ut cum azymis paschalis agnus comederetur.* Et ideo dicendum est, quod Dominus in azymo confecit, & in azymo conficiendum est, quamvis etiam in fermentato confici possit; quamvis peccaret conficiens, Ecclesiæ morem non servans.

Ad primum ergo dicendum, quod verbum illud Ioannis, Græci hoc modo intelligunt, sicut obiectio procedit. Sed hic intellectus stare non potest, quia est contrarius aliis Evangelistis, quod non est sis in sacra Scriptura dicere. Præterea non invenitur in lege quod aliquo casu liceret anticipare lunam decimamquartam, sicut dicunt Dominum fecisse prævidens passionem. Unde quidam dixerunt, quod cœna qua Dominus lavit discipulorum pedes, & qua corpus suum consecravit, non fuit eadem, sed una aliam præcessit: & de prima loquitur Ioannes, de secunda alii Evangelistæ. Sed hoc est contra usum Ecclesiæ, quæ die Iovis ablutionem pedum celebrat, & etiam contra textum Evangelii: quia sicut ex serie Evangelii Ioannis apparet, eodem sero quo pedes lavit, a Iuda post bycellam recedente traditus est. Et ideo dicendum est, quod dies festus paschæ vocabatur prima dies de septem quæ erat celeberrima, & hæc erat decimaquinta luna, & in vespere precedenti immolabatur, & comedeatur agnus luna decimaquarta cum azymis: & tunc Dominus cœnam fecit cum discipulis suis: & hanc edicunt alii Evangelistæ primam diem azy-

morum, & Ioannes ante diem festum paschæ.

Ad secundum dicendum, quod non oportet quod veritas respondeat figuræ quantum ad omnia: alioquin oportebit nos dicere, quod Dominus ad vespertinam passus sit, quia tunc immolabatur agnus; quod est contra omnes Evangelistas: sed quantum ad aliquid veritas figuræ respondet: quia quamvis ante Christi resurrectionem dies a mane in mane computaretur, sicut in II. Lib. dist. xlv. dictum est, tamen hoc erat speciale in solemnitatibus legis quod comitabatur dies a vespere in vespere. Unde vespere quartædecimæ diei comitabatur quantum ad solemnitatem in numero dierum cum quintadecima, in qua Dominus passus est: & etiam immolatio eius vespere quartædecimæ diei quodammodo inchoavit: quia tunc traditus fuit, & tunc factus est sudor eius sanguineus, ut dicitur Luc. xxii.

Ad tertium dicendum, quod pascha accipitur ibi pro cibis paschalibus, scilicet azymis, qui per omnes septem dies comederantur. Chrysostomus tamen dicit super Ioan. (homil. lxxxi.) quod intelligitur de agno paschali, quem in alia die ab ea quam lex instituit, comederunt, & legem solverunt, ut animi sui adimplerent disiderium in morte Christi, quod autem non præterit tempus paschæ, diem scilicet Iovis, sed in ipso pascha comedit.

Ad quartum dicendum, quod nulla dies erat adeo celebris quantum ad vacationem ab operibus, sicut dies sabbati: unde in prima die solemnitatis licebat coquere cibos, & alia huiusmodi facere, quod non licebat facere sabbatis: & ideo mulieres feria sexta paraverunt aromata, videntes quod non sufficerent quæ per Nicodemum parata erant, & sabbato secundum legem quieverunt, & transiente sabbato emerunt aromata, idest emptâ paraverunt, vel etiam alia superemerunt, videntes non sufficere quæ prius feria sexta paraverant, & venerunt ad monumentum. Vel secundum quosdam opera misericordiarum non reputantur inter opera servilia: unde in die solemnitate licebat aromata ad sepulchrum preparare, quia hoc erat opus misericordiarum.

Ad quintum dicendum, quod quocumque die de septem diebus azymorum sabbatum veniret, dicebatur magnus dies sabbati propter geminatum solemnitatem, scilicet sabbati, & paschæ.

Ad sextum dicendum, quod *arres* apud Græcos quandoque etiam pro azymo panis ponitur.

ponitur: & ideo Exod. xii. dicitur in græco *ἀζυμος*, ubi nns habemus panes *azy-mos*.

Ad septimum dicendum, quod facere aliquid quod in lege fiebat, ut dicit Anselmus (in Libr. de sermone & azy-mo) non est iudaizare: alioquin iudaizaret conficientes ex sermone, quia in lege præceptum erat ut panes primitiarum fermentatis offerrent. Sed facere aliquid hac intentione ut legalia observentur, est iudaizare. Nos autem non ob hoc ex azy-mo conficimus, ut legem servemus, sed ut Christo conformemur, servantes hoc quod huic competit sacramenta ab eo instituta. Significatur enim in azy-mo puritas vite, quæ semper servanda est, sicut & in purificatione devotio orationis: unde utrumque in lege nova retinetur.

Ad octavum dicendum, quod in hoc sacramento continetur Christus ut hostia: & quia puritas præcipue in hostia etiam secundum legem exigebatur; ideo magis competit huic sacramento ut significetur Christi puritas per panem azy-mum, quam quod significetur fervor caritatis per sermone.

Ad nonum dicendum, quod album, & rubrum non ita faciunt differentiam in significatione sacramenti circa vinum, sicut azy-mum, & fermentum non circa panem; & ideo non est similis ratio de utroque.

ARTICULUS III.

Utrum solum de vino visis debeat sanguis Christi consecrari.

III. P. quæst. lxxiv. art. 5.

1. **A**D tertium sic proceditur. Videtur quod non solum de vino visis debeat sanguis Christi consecrari. Baptismus enim in qualibet aqua fieri potest. Sed vinum est materia huius sacramenti, sicut aqua baptismi. Ergo & de quolibet vino potest hoc sacramentum fieri, sicut de vino malorum granatorum, vel mororum, vel huiusmodi.

2. Præterea. In aliquibus terris non sunt vines, nec ad eas de facili vinum portari potest. Ergo debuit a divina sapientia provideri ut alius aliquis liquor loco vini de vite possit in sacramento assumi.

Sed contra. Sicut Dominus se comparavit grano frumenti, Inan. xii. ita comparavit se viti, Inan. xv. Ergo, sicut non debet in hoc sacramento assumi nisi pa-

nis de tritico, ita nec vinum nisi de vite.

QUAESTIUNCULA II.

1. Ulterius. Videtur quod possit etiam confici de aceto. Quia secundum Isidorum (Lib. XX. etymolog. cap. 111.) acetum est species vini. Sed cum vino vitis potest confici hoc sacramentum. Ergo & de aceto.

2. Præterea. Si vinum consecratum in acetum converteretur, non desineret ibi esse Christi sanguis. Ergo eadem ratione si ante consecrationem sit acetum, potest exinde sanguis Christi consecrari.

Sed contra. Innocentius dicit (Lib. IV. de myst. Missæ cap. 111.) quod *vinum huic sacramento competit: quia cor bibemis & dilatat, & exhilarat*. Sed hoc non facit acetum. Ergo ex aceto non potest consecrari sanguis Christi.

QUAESTIUNCULA III.

1. Ulterius. Videtur quod de agresta possit sanguis Christi consecrari. Sicut enim agresta non habet speciem perfectam vini, ita nec mustum. Sed de musto dulci potest confici sanguis Christi: dicitur enim de consecr. dist. 11. (cap. Cum omne.) *Si necesse fuerit, botrus in calice prematur*. Ergo & eadem ratione de agresta.

2. Præterea. Agresta non differt a vino, nisi quia immatura est. Sed maturitas, & immaturitas sunt accidentia. Ergo non differunt secundum speciem; & ita videtur quod ex agresta sicut ex vino indifferenter sanguis Christi consecrari possit.

Sed contra. Quod fit, non est, secundum Philosophum (V. Physic. text. viii.) Sed agresta est in via generationis respectu vini. Ergo nonndum est vinum: ergo ex ea non potest sanguis Christi consecrari.

SOLUTIO I.

Respondendum dicendum ad primam quæstionem, quod non potest confici sanguis Christi nisi de vino vitis, quia hoc proprie vinum est. Alia vero dicuntur vina per similitudinem huius vini. Hoc etiam vinum communius sumitur in potum, sicut & panis tritici in cibum, & habet proprietates magis convenientes ad effectum sacramenti, inquantum calefacit, & lætificat: & ideo Dominus de vino vitis confecit, ut patet per hoc quod dicitur Matth. xxvi. 29. *Amodo non bibam de hoc gemitu vitis*.

Ad primum ergo dicendum, quod omnis

K K 2 aqua

aqua est eiusdem speciei; sed non sic est de vino.

Ad secundum dicendum, quod non est aliqua terra ad quam non possit tantum de vino portari, quantum sufficeret ad celebrandum: unde ratio illa non cogit.

SOLUTIO II.

Ad secundam quaestionem dicendum, quod secundum Philosophum in VIII. Metaph. (text. xiv.) hoc modo fit ex vino acetum, quo ex vivo fit mortuum: unde sicut animal vivum, & mortuum non sunt eiusdem speciei; ita nec vinum, & acetum: & hoc ostendunt contrariae proprietates: quia vinum est calidum, acetum autem frigidum, & non fit reditus de aceto in vinum, sicut nec de mortuo ad vivum. Et ideo dicendum, quod si vinum sit omnino acetum, de eo non potest confici; sed si sit acidum quasi in via acescendi, est idem iudicium quod de pane qui in via est ad corruptionem: unde sicut de pane illo potest confici, peccat tamen conficiens propter irreverentiam; ita & hic.

Ad primum ergo dicendum, quod ipse largo modo accipit vinum pro omni liquore, qui ex uvis ortum habet.

Ad secundum dicendum, quod si vinum consecratum reservatum omnino acetum fieret, esset idem iudicium quod de pane omnino corrupto: unde sicut non remanet ibi corpus Christi, ita nec hic sanguis. Secus autem est de pane qui est in via ad corruptionem, & de vino quod est in via ad acescendum.

SOLUTIO III.

Ad tertiam quaestionem dicendum, quod nihil recipit speciem nisi in termino generationis; aëreola autem adhuc est in via generationis ad vinum, sicut sanguis quando coagulari incipit, est in via generationis ad animal: unde sicut ille sanguis non est animal, ita aëreola non est vinum; & propter hoc de ipsa non potest confici sanguis Christi.

Ad primum ergo dicendum, quod minus iam ad completam speciem vini venit: dulcedo enim ipsius attestatur maturationem quae est digestionis species; digestio autem est completio a naturali ca-

lore, ut patet in IV. Meteor. (text. iv.) & ideo ex musto confici potest, sed non decet propter impuritatem ipsius, ut ex ipso conficiatur, nisi necessitas emergat.

Ad secundum dicendum, quod maturatio est naturalis digestio, per quam digestum ad ultimam perfectionem naturalem perducitur, ut etiam possit alterum generare sibi simile, ut dicitur in IV. Meteor. unde maturum, & acerbum differunt sicut completum, & incompletum: quae quidem differentia non est tantum accidentalis.

ARTICULUS IV.

Utrum aqua vino admiscenda sit.

III. P. quaest. lxxiv. art. 6. 7. 8.

1. **A**D secundum sic proceditur. Videtur quod aqua vino admiscenda non sit. De latere enim Domini in cruce pendens effluxit sanguis, & aqua, ut dicitur Ioan. xix. per quae duo sacramenta praecipue intelliguntur, ut dicit Innocentius*. Sed aqua competit sacramento regenerationis, scilicet baptismo. Ergo sanguis tantum competit sacramento redemptionis eucharistiae, & ita vinum sine aqua.

2. Præterea. Vinum, & aqua sunt alterius speciei. Si ergo aqua admiscetur vino, erit triplex materia huius sacramenti, & non solum duplex, ut dictum est.

3. Præterea. Hoc sacramentum sub specie panis, & vini celebratur, ut in littera dicitur. Sed ad speciem panis nihil additur. Ergo nec vino aliquid addi debet.

Sed contra est quod dicit Alexander Papa (ut refertur in Decret. de consecr. dist. 11. cap. In sacramentorum) *In sacramentorum oblationibus panis tantum, & vinum aqua permixtum offerantur.* Ergo debet admisceri aqua.

Præterea, Materia sacramenti debet competere rei significatae. Sed populus significatur per aquam, qui ad corpus mysticum pertinet, quod est res ultima huius sacramenti. Ergo aqua debet apponi.

QUAESTIUNCULA II.

1. **U**terius. Videtur quod absque ea non possit sanguis consecrari. Cyprianus enim dicit (Lib. II. Epistolarum epist. 111. ad Ceci-

* Colligitur ex eius constitutione 136. quae diriguntur Episcopis Ferravensibus, & refertur etiam circa de baptismo, & eius effectibus esp. Cum Martha.

Cecilius.) *Calix Domini non potest esse aqua sola, & vinum solam, nisi utrumque miscetur: quoniam nec corpus Domini fieri non esse potest, nisi utrumque, scilicet farina, & aqua, adunatum fuerit.* Sed constat quod ex farina sine aqua nullo modo potest corpus Christi consecrari. Ergo nec ex vino sine aqua.

2. Præterea. Significatio est de essentia sacramenti. Sed aqua significat aliquid quod est principale in sacramento, scilicet unionem corporis mystici ad caput. Ergo aqua est de necessitate huius sacramenti, ut sine ea confici non possit.

3. Præterea. Hoc sacramentum est memoriale dominicæ passionis. Sed ex latere Domini patetis ooo solum fluxit sanguis, sed aqua. Ergo ex vino sine aqua sacramentum hoc confici non potest.

Sed contra. Græci non apponunt aquam, ut Magister dicit: sed tamen conficiunt. Ergo sine aquæ admixtione confici potest sacramentum.

Præterea. Nihil est de substantia sacramenti quod non manet in sacramento. Sed aqua non manet in propria specie in sacramento. Ergo non est de substantia sacramenti.

QUAESTIUNCULA III.

1. Ulterius. Videtur quod debeat aqua artificialis apponi. Quia sacramentum dicitur esse uniforme. Sed ex parte corporis est aliquid artificiale, scilicet panis. Ergo ex parte sanguinis debet esse aqua artificialis.

2. Præterea. Si panis ex aqua artificiali, ut rosacea, conficeretur, posset ex eo corpus Christi consecrari. Ergo similiter potest apponi in vino aqua artificialis.

Sed contra. Baptismus est sacramentum maioris necessitatis quam eucharistia. Sed in baptismo non potest accipi nisi aqua naturalis, ut supra dictum est. Ergo nec in eucharistia.

QUAESTIUNCULA IV.

1. Ulterius. Videtur quod debeat in magna quantitate apponi. Quia quod non est, non potest aliquid significare. Sed quod corruptum est, non est. Cum ergo aqua ponatur ad significandum, ut dicitur, videtur quod debeat tantum apponi quod non corrumpatur, & ita tantum quantum de

vino, vel plus, quia vinum est magis ætivum.

2. Præterea. De latere Christi sicut sanguis, ita & aqua sensibilibiter fluxit. Sed si parum de aqua posceretur, non posset sentiri. Ergo debet in maiori quantitate apponi.

3. Præterea. Si sufficit in parva quantitate aquam apponi, eadem ratione sufficeret ad sacramentum, si gutta aquæ in totum dolium proiceretur. Sed hoc videtur ridiculum. Ergo non sufficit quod parva quantitas ponatur.

4. Præterea. Quorundam consuetudo esse dicitur in terris ubi ooo crescit vinum, quod pannum vino rubeo intinctum, & siccatum, aqua lavent; de qua cum ruborem vini acceperit, sanguinem Christi coadjuvat. Ergo videtur quod aqua in magna quantitate possit apponi.

Sed contra. Illud quod est ex duobus, neutrum illorum est, ut Damascenus dicit (de Fide orth. Lib. III. cap. 111.) Sed si magna quantitas aquæ apponeretur, esset quædam mixtio. Ergo non esset vinum, & ita non posset inde sanguis Christi confici.

Præterea. Oportet quod aqua consumatur a vino ad hoc quod ex parte sanguinis sit tantum una species, sicut ex parte corporis. Sed non posset consumi, si aqua in magna quantitate poneretur. Ergo non debet in magna quantitate poni.

SOLUTIO I.

Respondeo dicendum ad primam questionem, quod aqua debet apponi vino propter institutionem: quia Dominus appoluit se probabiliter creditur ex more illius patriæ: quia vinum ibi sine aqua numquam bibitur propter vini fortitudinem: quamvis de aqua in Evangelio mentio ooo fiat, quia non est principalis materia in hoc sacramento; sed eius appositio competit huic sacramento & quantum ad representationem passionis Christi, & quantum ad significationem rei huius sacramenti, quæ est corpus mysticum per aquam significatum: quia (a) aqua multa, populi multi: Apocal. xviii. 15. & sic appositio aquæ ad vinum significat unionem membrorum ad caput ratione ipsius coniunctionis; & amorem capitis patientis pro membris, ad ipsa, ex hoc quod ex duobus coniunctis unum efficitur; & processum redemptionis a capite ad

(a) A. Vulgata: Aqua.... populi sunt.

ad membra, ex ipsa transformatione aquae in vinum. Unde dicit Glossa * Marc. xiv. super illud, *Acepsit Iesus panem &c.*, „Neque aqua solum, neque vinum solum cui libet licet offerre, ne videatur caput a membris secernere, vel Christum sine nostrae redemptionis amore pati potuisse, vel nos sine illius passione salvari.“

Ad primum ergo dicendum, quod, sicut dicit Gregorius in Moral. (Lib. V. cap. xvii.) *quia natura uniuscuiusque ex diversitate componitur, in sacro eloquio per rem quamlibet recte diversa significatur.* Aqua ergo secundum quod habet vim abluendi, significatio eius competit baptismo; secundum autem quod continet in terram decurrit, habet significare populum: II. Reg. xiv. 14. *Omnes morimur, & quasi aqua dilabimur*: & sic eius significatio competit huic sacramento.

Ad secundum dicendum, quod de aqua apposita est duplex opinio. Quidam enim dicunt, quod aqua manet in sua natura, & solum vinum transubstantiatur: unde aqua non apponitur ibi nisi ad significationem. Alii vero dicunt, quod aqua apposita in vinum convertitur, & sic totum in sanguinem Christi transubstantiatur. Quaecumque autem harum opinionum sit vera, aqua non erit materia huius sacramenti: quia secundum primam non convertitur in corpus, vel sanguinem Christi; secundum secundam non manet in propria specie, sed vini. Secunda tamen verior apparet & secundum rationem naturalem: quia modica aqua vino admixta, quod est magis activum, a vino corrumpitur, & in speciem vini transit: & quantum ad ritum sacramenti: quia si aqua in propria natura remaneret, sic calix consecratus non esset tantum potus spiritalis, sed etiam corporalis; & ita non liceret post primam sumpcionem sanguinis iterum sumere.

Ad tertium dicendum, quod aqua apponitur pani in ipsa sua consecratione: & ideo non est necesse ut postea apponatur. Vel dicendum, quod effectus redemptionis accipite pervenit ad membra per sanguinis effusionem: & ideo magis apponitur aliquid ad significandum populi unionem ad sanguinem quam ad corpus.

SOLUTIO III.

Ad secundam quaestionem dicendum, quod materia proportionatur sacramento: unde secundum aliquid est de essentia sacramenti. Dictum est autem supra, quod perfectio huius sacramenti consistit in ipsa consecratione corporis, & sanguinis Christi, & non in usu materiarum consecratarum, sicut est in baptismo, & confirmatione: & ideo ex parte materiarum illud tantum est de necessitate sacramenti quod significat corpus, & sanguinem Christi, scilicet panis, & vinum; illud autem quod significat usum, & effectum huius sacramenti, scilicet aqua, non est de necessitate huius sacramenti: unde vinum sine aqua potest consecrari; sed consecrans peccat.

Ad primum ergo dicendum, quod exponendum est verbum Cypriani. *Non potest, id est non debet*: quia illud possumus quod de iure possumus: & ideo quantum ad id quod debet fieri, est simile ex parte corporis, & sanguinis; non autem quantum ad id quod fieri potest: quia aqua est de substantia panis, non autem de substantia vini.

Ad secundum dicendum, quod non significat aqua aliquid quod sit de substantia huius sacramenti, ut dictum est, sed effectum, vel usum consequentem.

Ad tertium dicendum, quod effusio sanguinis in passione Christi directe pertinebat ad ipsam passionem; sed emanatio aquae magis pertinebat ad effectum ablutionis a peccatis.

SOLUTIO III.

Ad tertiam quaestionem dicendum, quod cum sine aqua possit sanguis consecrari quantum ad id quod fieri potest, non refert quaecumque aqua apponatur, dammodo sit talis aqua quae in vinum converti possit; sed quantum ad id quod fieri debet, non debet apponi nisi aqua naturalis: quia illae aquae non sunt eiusdem speciei, & dicuntur aquae aequivoce, sicut etiam de vino, & de pane dictum est.

Ad primum ergo dicendum, quod panis artificialiter factus est eiusdem speciei cum illo pane de quo consecravit Christus; non autem aqua artificialis cum aqua quae effudit cum sanguine de corpore Christi, est ea-

EX EDIT. P. NICOLAI.

* Ex Beda sumpta, cuius & nomen praefert. Plenus autem Beda.

eandem specie : & ideo non est similis ratio.

Ad secundum dicendum , quod quidam dicunt , quod similiter est ex parte panis , quod de pane confectio ex aqua rosacea potest confici corpus Christi ; quamvis peccaret scienter ex tali pane conficiens . Sed probabiliter videtur quod possit confici : quia panis est principalis materia huius sacramenti , de cuius substantia , & compositione est aqua : & ideo diversificatio aque secundum speciem , facit diversitatem speciei in materia sacramenti . Sed aqua non est de substantia vini , quæ est principalis materia in hoc sacramento .

Pater etiam responsio ad id quod in oppositum obicitur : quia aqua in baptismo est principalis materia : & ideo si aqua alterius speciei apponatur , non servatur debita materia , & propter hoc non est sacramentum ; sed hic est aliter , ut dictum est .

SOLUTIO IV.

Ad quartam questionem dicendum , quod , sicut dictum est , aqua apposita vino in vinum convertitur , & sic totum convertitur in sanguinem : unde non tantum de aqua debet apponi quod vinum in aquam convertatur , vel in aliquod medium per mixtionem : & ideo semper tutius est apponere parum , quia quantumcumque apponatur parum , significatio servatur .

Ad primum ergo dicendum , quod ex hoc ipso quod in vinum convertitur aqua , habet suam significationem : quia nos in Christum mutamur , non ipse in nos .

Ad secundum dicendum , quod hoc sacramentum repræsentat Christi passionem quantum ad redemptionem , quæ facta est per effusionem sanguinis , sed baptismus quantum ad ablutionem : & ideo in baptismo oportet quod sensibilibus aqua maneat ; sicut & quod vinum hoc sanguini responderet ; aqua autem hæc apposita a vino absorberetur , sicut nostra mortalitas per virtutem passionis Christi .

Ad tertium dicendum , quod si apponeretur aqua in dolio , non significaret aliquid , & ideo hoc non sufficeret ; sed oportet ut imminente oblatione apponatur ad sacramentum perficiendum .

Ad quartum dicendum , quod cum illud sit magis aqua rubra quam vinum , non potest exinde sanguis Christi consecrari : unde illa consuetudo damnatur in canone de consec. dist. 11. cap. Cum omne .

QUAESTIO III.

Deinde queritur quomodo Christus hoc sacramento usus sit in ipsa prima sui institutione : & circa hoc queruntur quatuor .

Primo . Utrum ipse corpus suum manducaverit .

Secundo . Utrum Iudæ dederit .

Tertio . Utrum dederit corpus suum passibile , vel impassibile .

Quarto . Utrum si in pixide reservatum fuisset corpus Christi , ibi moreretur .

Sub qua autem forma consecravit , supra dist. VIII. dictum est .

ARTICULUS I.

Utrum Christus manducaverit .

III. P. quest. lxxxv. art. 1.

1. AD primum sic proceditur . Videtur quod ipse Christus non manducaverit . Quia de his quæ Dominus fecit , non sunt alia asserenda , nisi quæ nobis in Evangelio narrantur . Sed in Evangelio continetur quod Christus accepit panem in manibus , & dedit discipulis suis manducandum . Ergo non debemus asserere quod ipse manducaverit .

2. Præterea . Omne quod manducatur , in cibum assumitur . Sed assumens non est assumptum , ut in III. Lib. dist. v. dictum est . Ergo Christus corpus suum manducare non potuit .

3. Præterea . Hoc sacramentum ordinatur ad spirituales refectionem . Sed ipse spirituali refectione non indigebat . Ergo hoc sacramentum non sumpsit , quia in vanum accepisset .

4. Præterea . Ut supra dist. ix. dictum est , duplex est modus manducandi , scilicet spiritualis , & sacramentalis . Sed Christo non competeat sacramentaliter manducare , cum esset verus comprehensor , & sine velamine figurarum ad rem sacramenti pertineret ; nec iterum spiritualiter , quia in ipso gratia non augebatur . Ergo ipse non manducavit .

Sed contra . Hieronymus dicit (ad Hebræos) & habetur de consec. dist. 11. (cap. Nec Moyses) Dominus Iesus ipse cum Apostolis conviva , & convivium ; ipse comedens , & qui comeditur . Ergo ipse corpus suum manducavit .

Præ-

Præterea. Sicut Christus instituit baptismum, ita & hoc sacramentum. Sed ipse baptizatus fuit. Ergo similiter debuit hoc sacramentum assumere.

SOLUTIO.

Respondeo dicendum, quod circa hoc est duplex opinio. Quidam enim dicunt, quod Christus corpus suum in cœna non manducavit, sed tantum manibus accepit: & nituntur solvere auctoritates sanctorum qui contrarium dicunt, quod ipse manducavit, & bibit in cœna ante consecrationem, sed non corpus suum. Sed expresse habetur Luc. xxi. in Glossa super illud, *Desiderio desideravi* etc. quod Christus comedit, & bibit in cœna, cum corporis, & sanguinis sui sacramentum discipulis tradidit: unde quia *pueri communicaverunt carni, & sanguini, & ipse participavit eisdem* (Hebr. 11. 14.) & propter hoc communius tenetur, quod manducaverit, secundum quod sancti expresse dicere videntur: unde & ab antiquis versus est factus:

Rex sedet in cœna, turba cinctus duodena:

Se tenet in manibus, se cibis ipsa cibus.

Non autem manducavit ut aliquem effectum consequeretur a sacramento, sed ut aliis manducandi exemplum daret.

Ad primum ergo dicendum, quod in acceptione panis potest utrumque intelligi, scilicet & acceptio in manibus, & manducatio.

Ad secundum dicendum, quod Christus sub specie propria quodammodo distat a seipso sub specie sacramenti: unde nunc in specie propria est in cœlo, sed sub specie sacramenti est in altari: & secundum hunc modum non est inconveniens quod seipsum assumeret.

Ad tertium dicendum, quod illa manducatio non efficiebat in ipso spirituales resurrectionem, sed significabat: nullus enim adeo perfecte in ipso refectus, sicut ipsemet.

Ad quartum dicendum, quod Christus manducavit, ut dicitur, & sacramentaliter, & spiritualiter. Sacramentaliter quidem, quia verum corpus suum sub sacramento sumpsit. Poterat enim in sacramento rem sacramenti inspicere non ex sacramento, ut etiam Deus videt in effectibus causas, sed non ex effectibus. Spiritualiter autem, inquantum in re sacramenti spiritualiter de-

lectaretur. Non tamen hæc spiritualis refectio ex sacramento causabatur, nec augmentabatur: unde nec spiritualis manducatio erat in eo sicut in aliis, nec (a) sacramentalis. Et ideo quidam dixerunt, quod neque sacramentaliter, neque spiritualiter manducavit. Quidam quod sacramentaliter, sed non spiritualiter.

ARTICULUS II.

Utrum Christus corpus suum Iudæ dederit.

Ubi supra art. 1.

1. **A**D secundum sic proceditur. Videtur quod Christus corpus suum Iudæ non dederit. Ipse enim implevit quod mandavit. Sed mandaverat sanctum non esse canibus dandum, Matth. vii. Ergo ipse non dedit Iudæ corpus suum sanctissimum.

2. Præterea. Secundum Augustinum (Lib. lxxxii. Quæstionum, quæst. 117.) Deus non est causa alicui quod deterius fiat. Sed si Iudæ corpus Christi sumpsisset, ex hoc factus fuisset deterius, quia sumendo peccasset. Ergo Christus corpus suum ei manducandum non dedit.

3. Præterea. Sicut supra dist. ix. (quæst. 1. art. 1. quæstionum. 1.) dictum est, ideo sacerdos debet peccatori dare, quia non est dominus, sed dispensator, & reddit quod suum est exigenti. Sed Christus erat dominus sacramenti, nec Iudæ ibi ius habere poterat, nisi quod Christus sibi daret. Ergo non debuit Iudæ corpus tradere.

4. Præterea. Dominus dixit, quod discipuli bibentes (b) bibaturi essent secum illud novum in regno Patris sui, & quod erat eis in remissionem peccatorum. Sed neutrum Iudæ competit. Ergo ipse non sumpsit: & hæc est ratio Hilarii (can. xxx. in Matth.)

Sed contra est quod Dionysius dicit 111. cap. eccl. Hier. *Symbolorum conditor partitur sanctissima non unimodo et sacra cum ananiti, scilicet Iudæ. Sanctissima autem dicit corpus, & sanguinem suum, ut ibidem patet. Ergo Iudæ dedit corpus suum.*

Præterea. Sine exceptione dicitur Matth. xxvi. 26. *Accipite (c) omnes, & comedite.* Ergo etiam Iudæ dedit.

QUAE-

(a) *id. sacramentaliter.* (b) *id. bibaturi.* (c) *Id. Vulgata deest omnes.*

QUÆSTIUNCULA II.

1. Uterius. Videtur quod sub bucella corpus suum ei dedit. Dicit enim Augustinus de confec. (relatus dist. 11. cap. *Et sancta malis*, ex tract. vi. & lxxi. super Ioan.) *Non mala erat bucella qua data est Iudæ a Domino. Saltem medicus dedit; sed ille, quia indignus erat, accepit ad perniciem.* Non autem fuisse indignus, si bucella illa tantum panis fuisset. Ergo illa bucella erat corpus Christi.

2. Præterea. Diabolum intrare in hominem est effectus peccati. Sed Ioan. xlii. dicitur, quod post bucellam introiit in eum satanas. Ergo accipiendo bucellam, peccavit: ergo bucella erat corpus Christi.

Sed contra est quod habetur in Glossa Ioan. xlii. super illud, *Cui intinctum panem porrexero &c.* (a)

SOLUTIO I.

Respondetur dicendum ad primam questionem, quod secundum Augustinum (epist. clxxi.) Christus corpus suum in cæna cum aliis discipulis Iudæ dedit, ut nobis exemplum daret quod peccatoribus occultis non essent sacramenta deneganda, & ut omnem occasionem ei auferret male faciendi, quam assumere potuisset, si in aliquo ab aliis discipulis ante apertam malitiam fuisset discretus. Hilarius tamen contrarium dicere videtur. Sed primum communius tenetur.

Ad primum ergo dicendum, quod quamvis Iudas in rei veritate canis esset, tamen non in manifesto: & ideo voluit eum de tegere coram aliis discipulis, ne desperationem incurreret, & sic liberius peccaret.

Ad secundum dicendum, quod Christus non dedit causam, nec occasionem Iudæ peccandi, sed peccatum evitandi ex mansuetudinis suæ ostensione ad ipsum; sed ipse ex vitali medicina sumpsit periculum mortis.

Ad tertium dicendum, quod illa non est sola causa, sed etiam ne peccatorem occultum prodaret.

Ad quartum dicendum, quod Iudas bibit cum aliis sacramentaliter, sed non spiritualiter: unde nec remissionem peccatorum. S. Tb. Oper. Tom. XII.

(a) *Nicolaus addit.* Sic enim ibi. „Non (ut quidam putant) tunc Iudas corpus Christi accepit, sciendum est enim quod iam omnibus Dominus distribuerat sacramentum corporis, & sanguinis, inter quos Iudas fuit: deinde per bucellam intinctam exprimitur ipse traditor &c.“ (b) *Id.* sub.

(c) *Id.* addit sed.

EX EDIT. P. NICOLAI.

* Ex Ilichio, vel Hefychio sumpta; sed ille plenius.

consecutus est, nec in regno Patris secum bibit: quia potus ille tantum spiritualiter bibentibus debetur.

SOLUTIO II.

Ad secundam questionem dicendum, quod Christus primo Iudæ dedit corpus suum cum aliis discipulis; sed postea bucella intincta in ostensionem proditoris eius ei porrecta purus panis fuit, sicut patet ex Glossa inducenda.

Ad primum ergo dicendum, quod Augustinus loquitur non de bucella intincta, sed de eo quod prius cum aliis discipulis acceperat. Vel dicendum, quod dicitur ad perniciem assumpsisse, quia quod Christus ad salutem suam fecerat porrigendo bucellam, ut videns se deprehensum (b) ab iniquo proposito desisteret, (c) ille ex hoc magis exasperatus fuit.

Ad secundum dicendum, quod in commestione bucellæ intinctæ, peccatum Iudæ augmentatum fuit vel ex hoc quod exasperatus est magis, vel propter presumptionem qua cum Magistro in catinum manum mittebat, ut audacia bonam conscientiam mentiretur, ut dicitur Matth. xxvi. super illud, *Cui intingit manum meum &c.* & ratione huius augmenti dicitur diabolum post bucellam in eum intrasse: iam enim præmissum erat in Evangelio, quod diabolus immiserat in cor Iudæ Simonis Scarioth, ut traderet eum.

ARTICULUS III.

Utrum Christus in cæna discipulis suis corpus impassibile dedit.

Ubi supra art. 3.

1. Ad tertium sic proceditur. Videtur quod Christus in cæna discipulis suis corpus impassibile dedit. Quia super illud Matth. xxi. *Transfiguratus est ante eos*, dicit Glossa: „Illud corpus quod habuit, per naturam, dedit discipulis in cæna, non mortale, & corruptibile.“

2. Præterea. Lev. xi. super illud, *Si oblatio tua fuerit de sartagine &c.* dicit Glossa: „Crux super omnia fortis carnem. L. „Christi-

„Christi, quæ ante passionem non videbatur ei apta, post aptam fecit. “ Sed Christus in cœna dedit carnem suam ut aptam ad manducandum. Ergo dedit eam talem qualis fuit post passionem. Sed post passionem suam fuit impassibilis. Ergo dedit corpus suum impassibile.

3. Præterea. Passibile trahitur ad naturam agentis. Sed Christus in cœna dedit corpus suum in cibum, non qui in alios mutaretur, sed qui alios in se mutaret. Ergo non dedit corpus suum passibile.

4. Præterea. Omne corpus passibile ex contactu patitur. Sed corpus Christi a discipulis manducatum non lædebatur. Ergo non erat passibile.

Sed contra, Innocentius dicit (Lib. IV. de myst. Missæ cap. xxi.) *Tale corpus tunc dedit, quale habuit, scilicet passibile.*

Præterea. Constat quod Christus discipulis verum corpus suum tradidit. Corpus (a) autem suum verum erat passibile. Si ergo corpus datum erat impassibile, idem erat passibile, & impassibile; quod non est possibile.

SOLUTIO.

Respondeo dicendum, quod circa hoc duplex fuit opinio. Hugo enim de S. Victor dicere voluit * (de sacramentis Lib. II. par. viii. cap. ixi.) quod Christus adhuc existens in carne mortali quandoque unam dotem, quandoque aliam legitur accepisse, sicut claritatem in transfiguratione, subtilitatem in nativitate, agilitatem quando super mare ambulavit, & similiter impassibilitatem quando corpus suum in cœna dedit. (b) Non quidem nec tunc simpliciter erat impassibile, sed erat impassibile secundum quod in sacramento dabatur, quia masticatione non lædebatur; sicut etiam in se erat visibile, sed secundum quod in sacramento dabatur, erat invisibile. Sed istud non potest stare: quia substantia corporis Christi eadem est in sacramento, & in specie propria; sed comparatio eius ad exteriora non est eadem: quia in specie propria comparatur ad exteriora secundum situm proprium dimensionum, sed in sacramento secundum situm dimensionum panis:

unde illæ proprietates quæ insunt absolute corpori Christi, oportet quod eodem modo insunt sibi secundum quod est in sacramento, & secundum quod est in specie propria; sed illæ quæ conveniunt ei ex comparatione ad aliud corpus extra, non eodem modo, sicut patet de visione. Sed passibilitas est proprietas absolute ipsius corporis: unde cum in propria specie esset passibile, & in sacramento passibile erat, ut alii dicunt, quamvis ibi non pateretur.

Ad primum ergo dicendum, quod dicitur corpus Christi in sacramento non mortale, non passibile, quia per sacramentalem assumptionem non patiebatur, neque moriebatur.

Ad secundum dicendum, quod caro Christi non est apta ei, nisi prout est sub sacramento: & quia sacramentum (c) hoc est repræsentativum passionis Christi, ideo dicitur quod crux fecit eam ei aptam.

Ad tertium dicendum, quod non ratione passibilitatis, sed virtute divinitatis unitæ habebat corpus Christi quod alios in se converteret.

Ad quartum dicendum, quod masticatio importat respectum corporis Christi ad aliud extra: & ideo quantum ad hoc non comparatur ad manducantem secundum dimensiones proprias, sed secundum dimensiones panis: & inde est quod nunc non læditur per masticationem, nisi ratione impassibilitatis, quæ in ipso corpore nunc est.

ARTICULUS IV.

Utrum corpus Christi, si fuisset in pixide servatum, non ibi moreretur.

Ubi supra art. 4.

1. Ad quartum sic proceditur. Videtur quod corpus Christi, si fuisset in pixide servatum, non ibi moreretur. Corpus enim Christi non est mortuum nisi crucifixione. Sed ibi non (d) crucifigebatur. Ergo & ibi non moriebatur.

2. Præterea. Actio Iudæorum erat causa mortis Christi, & sanguinis effusio. Sed ibi non effudisset sanguinem, nec actio Iu-

(a) *Id. desit autem.* (b) *Nicola non quod tunc.* (c) *Id. huius. Forte huiusmodi.* (d) *Nicola crucifigebatur, & moreretur.*

EX EDIT. P. NICOLAI.

* Talis sententia apud Hugonem non occurrat. Ex Innocentio potius desumpta est Lib. IV. de myst. Missæ cap. viii.

Iudæorum ibi fuisset. Ergo non fuisset ibi mortuum.

Sed contra. Unum & idem corpus fuisset tunc in pixide, & in cruce. Sed in cruce moriebatur. Ergo & in pixide.

QUAESTIUNCULA II.

1. Ulterius. Videtur quod si post mortem Christi aliquis Apostolorum consecrasset hoc sacramentum, fuisset ibi anima Christi: (a) fuisset enim aliter imperfectum sacramentum. Sed de perfectione sacramenti est non solum corpus, sed etiam anima: quia totus Christus in sacramento continetur. Ergo ibi fuisset anima.

2. Præterea. Verba formæ non fuissent tunc (b) minoris virtutis quam modo. Sed modo ex vi formæ conficitur corpus cum anima. Ergo &c.

Sed contra. Corpus Christi non est perfectius sub specie sacramenti quam sub specie propria. Sed tunc corpus Christi erat exanime. Ergo & sub sacramento.

QUAESTIUNCULA III.

1. Ulterius. Videtur quod Deus facere potuerit quod tunc anima esset corpori Christi in sacramento esistenti unita. Anima enim Christi maiorem convenientiam habebat ad corpus proprium quam ad infernum. Sed anima separata a corpore Christi iacente in sepulcro fuit in inferno. Ergo similiter potuerit esse in loco illo ubi corpus Christi sub sacramento (c) conservabatur.

2. Præterea. Corpus Christi, quia est Divinitati adiunctum, potest esse in sacramento, & in specie propria. Ergo & anima, cum sit Divinitati unita, poterat esse simul in inferno, & in corpore Christi sub sacramento.

Sed contra. Ex hoc sequeretur quod contradictoria essent simul vera, si corpus Christi esset simul animatum, & inanimatum. Sed hoc Deus facere non potest, ut Augustinus dicit contra Faustum (Lib. XXVI. cap. v.) Ergo nec primum.

SOLUTIO I.

Respondeo dicendum ad primam questionem, quod omnia verba quæ significant passionem ab extrinseco illatam, non possunt attribui corpori Christi, prout est sub sacramento, cuius ratio ex dictis apparet: unde non potest dici, quod in pixide cruci-

figeretur, vel verberaretur, vel aliquid huiusmodi. Nec ex hoc sequitur quod duo contradictoria sint simul vera: quia non secundum idem comparatur ad extra corpus Christi hic, & ibi. Omnia autem verba quæ significant passionem innatam, conveniunt ei, ut dolet, patitur, & cetera huiusmodi: & similiter potest dici, quod in altari moritur: unde versus:

Pixide servato poteris (d) copulare dolorem

Innatum; sed non illatus convenit illi.

Ad primum ergo dicendum, quod passionem extrinsecam pertinent ad substantiam corporis Christi mediantibus dimensionibus propriis: & ideo propter impressiones extrinsecas, quæ ad speciem panis pertinent, nulla passio intrinseca corpori Christi attribuitur; sed propter impressiones extrinsecas ad dimensiones proprias pertinentes attribuuntur passionem corpori Christi, & extrinsecæ sub specie propria tantum, & intrinsecæ etiam sub specie aliena: & ideo propter crucifixionem in Calvarie loco factam, corpus Christi verum servatum moriebatur sub specie propria, & sub sacramento.

Et per hoc patet solutio ad secundum: quia actio Iudæorum extrinseca erat: fluxus etiam sanguinis ad motum localem pertinet, & sic importat ordinem ad aliquid extra.

SOLUTIO II.

Ad secundam questionem dicendum, quod cum animatio sit proprietas intrinseca, constat quod sicut corpus Christi in specie propria erat exanime, ita sub sacramento. Unde si corpus Christi fuisset ab nullo discipulorum consecratum, non fuisset ibi anima. Quidam autem dicunt, quod forma fuit suspensa in illo triduo, & quod si primo consecratum, fuisset reservatum, desinere ibi esse Christo mortuo. Sed hæc frivola sunt: quia nec ratione, nec auctoritate confirmantur.

Ad primum ergo dicendum, quod, sicut supra dictum est dist. x. anima non est ibi ex vi sacramenti, sed propter concomitantiam ad corpus: & ideo corpore sine anima existente, nihil deperit perfectioni sacramenti; si anima ibi non contineatur.

Ad secundum dicendum, quod hoc non est propter defectum virtutis verborum, sed

L 1 2 pro-

(a) Nihil ex m. fuisset enim perfectum sacramentum. (b) M. maioris. (c) Nihil consecrabatur. (d) III. P. quæst. lxxxi. art. 4. sociate, ut ex his Nihil legit propter mensuram versus.

propter diversam dispositionem corporis Christi.

SOLUTIO III.

Ad tertiam questionem dicendum, quod Deus bene poterat facere quod anima Christi a corpore separata iacente in sepulcro, esset in loco ubi erat corpus sub sacramento, quia hoc importat respectum ad extra; sed non quod esset unita sub sacramento sicut forma, quia hoc pertinet ad dispositionem interiorem: unde inevitabiliter sequeretur duplex contradictoria esse simul.

Ad primum ergo dicendum, quod ratio illa non concludit, nisi quod esset ibi sicut in loco; & hoc Deus bene potuit facere.

Est similiter etiam dicendum ad secundum. Tamen non est haec causa quare corpus Christi potest esse aliquo modo in diversis locis, quia est Divinitati unitum, sed ratione conversionis alterius corporis in ipsum factae, quae non fit in animam.

EXPOSITIO TEXTUS.

DE materia de qua in conceptione non fuit factum. Patet quod ex equivocatione huius propositionis procedunt: quia cum dicitur, *De pane fit corpus Christi*, *ly de* non denotat habitum dinem causae materialis, sed solum ordinem mutationis terminorum.

Investigari salubriter non potest, scilicet ut aliquis comprehendere nitatur: quia praesumptuosum est, & periculosum, dum aliquis non vult plus credere quam ratione videri potest; sed investigare pro defensione fidei, utile est.

Quis fidelium habere dubium possit in ipsa immolationis hora ad sacerdotis vocem calor aperiri? &c. Dicuntur caeli aperiri in ipsa immolationis hora propter efficaciam divinae virtutis, quae operatur in sacramento; summa imis sociari, quia ex speciebus, & corpore Christi fit unum sacramentum: & iterum membra capiti uniuntur, & iterum in caelum rapitur corpus Christi, inquan-

tum fidelium devotio non sileat in specie sacramenti, sed fertur usque ad Christum, secundum quod est in caelo sub specie propria, per desiderium.

Vinum operatur sanguinem, in quo est sedes animae. Hoc potest intelligi tripliciter. Uno modo ut sedes animae dicatur conservatio vitae, quae est per sanguinem. Alio modo quia sanguis est potentia totum, quia per actum virtutis nutritivae in membra convertitur. Tertio modo quia per sanguinem in corde generatur vitalis operatio in omnia membra diffunditur, ut Philosophus in Lib. de animalibus dicit (Lib. II. de partib. animal. cap. IV.)

Caro pro corpore vestro offertur. Hoc intelligendum est perquamdam adaptationem de salute corporis, quae erit per gloriam resurrectionis, ad quam hoc sacramentum operatur.

Nec debet iterari sacramentum, quantum ad id quod est principale in hoc sacramento, scilicet consecratio materiae, quamvis iteretur quantum ad usum.

Ut mixtio illa non possit separari. Sed contra. Aichimixtae dicunt, quod per immixtionem iunci decorticati potest separari. Et dicendum, quod a vino aufertur substantia aquae quae ibi est, propter similitudinem iunci, quod etiam porosum est; non tamen illa aqua quae fuit apposta, separatur, quia iam facta est vinum.

Nobis vero non potest ignosci; idest, peccatum nostrum non haberet in se causam veniae, cum non ex ignorantia procederet.

Aqua vero nullatenus sine vino potest offerri in sacrificium. Si autem per errorem contingat ut aqua loco vini ponatur, si ante consecrationem vini percipiat, debet aquam effundere, & vinum imponere. Si autem post, debet incipere consecrationem vini, alio vino super infuso, contritione de negligentia praehabita: vel etiam a capite canonem inchoare super alia hostia, hostia prius consecrata posita leorsum, ut Innocentius dicit (de mysteriis Missae Lib. IV. cap. XXI.)

DISTINCTIO XII

Ubi illa accidentia fundentur.

SI autem queritur de accidentibus quæ remanent, idest de speciebus, & sapore, & pondere, in quo subiecto fundentur; potius mihi videtur fatendum existere sine subiecto quam esse in subiecto; quia ibi non est substantia nisi corporis, & sanguinis dominici, quæ non afficitur illis accidentibus. Non enim corpus Christi talem habet in se formam, sed qualis in iudicio apparebit. Remanent ergo illa accidentia per se subsistentia ad mysterii ritum, ad gustus, fideique suffragium; quibus corpus Christi, habens formam, & naturam suam, tegitur.

De fractione, & partibus.

Solet etiam queri de fractione, & partitione, quæ ibi videtur fieri, utrum vera sit: & si vera fractio est, cuius rei sit, vel in qua re fiat. Cumque non sit ibi alia substantia quam Christi, si in aliqua substantia est illa fractio, in corpore Christi videtur esse. Sed e contra, cum ipsum corpus incorruptibile sit, quia immortale, & impassibile, in Christo non posse esse videtur. Nam & Christus (Ioan. vi.) redarguit carnalem sensum discipulorum, qui putabant carnem Christi, sicut aliam, in partes dividendam, & moribus dilacerandam. Ideo quibusdam placet quod non sit ibi fractio, sicut videtur; sed dicitur frangi, quia videretur frangi. Quibus obiicitur quod ait Ambrosius: "Nihil falsi putandum est in sacrificio veritatis, vel sicut fit in magorum prestigiis, ubi delusione quadam falluntur oculi, ut videant esse quod non est." Ad hoc illi dicunt: Non fallit nos visus, nec fallitur: quod esset, si crederetur ita frangi, ut videtur. Nec illusio est, quia ad utilitatem fidei, non ad deceptionem, ita fit; sicut Christus se ostendit duobus discipulis in via in specie peregrini (Luc. xxiv.) nec in eo tamen talis forma erat, sed oculi eorum tenebantur, ne eum agnoscerent.

Aliorum opinio.

Alii vero dicunt, quod sicut ibi species panis est, & non est ibi res, cuius, vel in qua sit illa species; ita ibi est fractio, quæ non fit in aliqua re, quia nihil ibi frangitur: quod mirabiliter Dei potentia fieri dicunt, ut fiat fractio ubi nihil frangitur.

Aliorum opinio.

Alii tradunt, corpus Christi essentialiter frangi, & dividi; & tamen integrum, & incorruptibile existere. Quod se colligere asserunt ex confessione Berengarii, qui confessus est coram Nicolao Papa, & pluribus Episcopis (ut in Decret. de consecr. dist. 11. cap. "Ego Berengarius") panem, & vinum, quæ in altari ponuntur, post consecrationem non solum sacramentum, sed etiam verum corpus, & sanguinem Christi esse; & sensualiter non solum sacramento, sed in veritate manibus sacerdotum tractari, & frangi, & fidelium dentibus atteri.

EX EDIT. P. NICOLAI.

* Nullibi apud Ambrosium occurrit, sed per analogiam colligi potest ex illius tract. in Symbolam Apostolorum cap. xxi. & deinceps.

Sed quia corpus Christi incorruptibile est, sane dici potest fractio illa, & partitio non in substantia corporis, sed in ipsa forma panis sacramentalis fieri; ut vera fractio, & partitio sit ibi, quæ sit non in substantia corporis, sed in sacramento, idest in specie. Ne autem mireris, vel insultes, si accidentia videantur frangi, cum ibi sint sine subiecto, licet quidam asserant ea fundari in aere: est enim ibi vera fractio, & partitio, quæ fit in pane, idest in forma panis. Unde Apostolus ait (I. Corinth. x. 16.) „ Panis quem frangimus: “ quia forma panis ibi frangitur, & in partes dividitur; Christus vero integer manet, & totus est in singulis. Unde Augustinus (in serm. de verbis Evangel. & habetur de consecr. dist. 11. cap. „ Iuvitat. “) „ Quando Christus manducatur, vita manducatur. Sed quis audeat manducare Dominum suum? Et tamen Veritas invitans nos ad manducandum ait (Ioan. vi. 58.) Qui manducat me, vivet propter me. Nec occiditur Christus, ut manducetur; sed mortuus vivificat, quando manducatur. Reficit, non deficit: vivit manducatus, quia surrexit occisus. Nec quando manducamus, partes de illo facimus: & quidem in sacramento sic fit. “ Item (alibi.) „ Norunt fideles quomodo manducant carnem Christi. Unusquisque accipit partem suam: unde & ipsa gratia partes vocantur. Per partes manducatur, & manet integer totus: per partes manducatur in sacramento, & manet integer totus in cælo, manet integer totus in corde tuo. Ideo (1) autem ista dicuntur sacramenta, quia in eis aliud videtur, & aliud intelligitur. Videtur panis, & calix, quod & oculi renuntiant: quod autem fides (2) intruenda postulat, panis est corpus Christi, calix est sanguis. “ Ex his datur intelligi, quod fractio, & partes quæ ibi videntur fieri, in sacramento fiunt, idest in specie visibili. Ideoque illa Berengarii verba ita distinguenda sunt, ut sensu aliter non modo in sacramento, sed in veritate dicatur corpus Christi tractari manibus sacerdotum; frangi vero, & atteri dentibus, vere quidem, sed in sacramento tantum. Vera ergo est ibi attritio, & partitio; sed in singulis partibus totus est Christus. Unde Hieronymus * (in serm. dominic. v. post Epiphaniam, & habetur de consecr. dist. 11. cap. „ Singuli. “) „ Singuli accipiunt Christum Dominum: in singulis portionibus totus est; nec per singulos minuitur, sed integrum se præbet (3) in singulis. Item Hilarius (ut habetur de consecr. dist. 11. cap. „ Ubi pars. “) „ Ubi pars est corporis, ibi est & totum. “

Quid illæ partes significant.

Quid autem partes illæ significant, Sergius Papa tradit, inquit (de consecr. dist. 11. cap. „ Triforme. “) „ Triforme est corpus Christi. Pars ab-
lata in calicem missæ, corpus Christi quod iam surrexit, monstrat: pars comesta, ambulans adhuc super terram: pars in altari usque ad finem missæ remanens corpus iacens in sepulcro significat: quia usque in finem sæculi corpora sanctorum in sepulcris erunt. Et sicut partes illæ mysticam tenent significationem, ita etiam & fractio, passionis Christi, & mortis est representatio. Unde ipse ait (Luc. xxii. 19.) „ Hoc facite in meam commemorationem, “ idest in memoriam passionis, & mortis meæ. Nam, ut ait Ambrosius (4) (habetur de consecr. dist. 11. cap. „ Quia mortis. “) quia (5) in morte Christi

(1) *Al. desit autem.* (2) *Al. intruendi.* (3) *Al. desit in.* (4) *Nicolas: vel sub eius nomine Commentator in I. ad Corinth. xv. (5) Idem: Quia morte.*

EX EDIT. P. NICOLAI.

* Nihil tale in Hieronymo. . . Ex Ambrosio citant Ivo, & Algerus. Guilelmus autem ut ex Præfatione quæ per totum Latium orbem decantatur. Est autem Præfatio dominice v. post Epiphaniam in Missali Ambrosiano, ac in Sacramentario Gregorii eadem estat pro eodem etiam d. e.

liberati sumus, huius in edendo, & bibendo carnem, & sanguinem; memores esse debemus. Sed caveat quisque ne indigne percipiat, quia iudicium manducat. Non est enim iste panis qui vadit in corpus, sed panis vitæ æternæ, qui animæ nostræ substantiam fulcit. Sic ergo vive ut quotidie merearis accipere, (1) nec accedas indignus. Indignus est qui aliter celebrat mysterium quam Christus tradidit, vel qui habens mortale peccatum accedit. Ergo et si sint peccata quotidiana, vel non sint mortifera: antequam accedas, dimitte debitoribus tuis. Si dimittis, dimitte tibi, & sic securus accede. Panis enim salutis est, & non venenum. (2) Si ita accedis, spiritaliter manducas. Spiritualliter enim manducat qui innocentiam ad altare portat.

Si illud sit sacrificium, & si saepius immoletur Christus.

Post hoc quaeritur, si quod gerit sacerdos, proprie dicatur sacrificium, vel immolatio; & si Christus quotidie immoletur, vel semel tantum immolatus sit. Ad hoc breviter dici potest, illud quod offertur, & consecratur a sacerdote, vocari sacrificium, & oblationem: quia memoria est, & representatio veri sacrificii, & sanctæ immolationis factæ in ara crucis. Et semel (3) quidem Christus mortuus in cruce est, ibique immolatus est in semetipso; quotidie autem immolatur in sacramento, quia in sacramento recordatio fit illius quod factum est semel. Unde Augustinus (super Psalm. xxi. & habetur de consecr. dist. 11. cap. „ Semel. “) „ Certum habemus quia Christus resurgens „ ex mortuis, iam non moritur; & tamen ne obliviscamur, quod semel factum „ est in memoria nostra, omni anno fit, scilicet quoties pascha celebra- „ tur. Numquid toties Christus occiditur? Sed tamen anniversaria recordatio „ repræsentat quod olim factum est, & sic nos facit moveri, tamquam videamus „ reus Dominum in cruce. “ Item (ut ex Lib. sentent. Prosperi refertur de consecr. dist. 11. cap. „ Semel immolatus, “) „ Semel immolatus est Christus „ in semetipso, & tamen quotidie immolatur in sacramento: quod fit intelli- „ gendum est, quia in manifestatione corporis „ & distinctione membrorum se- „ mel tantum in cruce pendit, offerens se Deo Patri hostiam redemptionis ef- „ ficacem, eorum scilicet quos prædestinavit. “ Item Ambrosius (Ambrosiaster in epist. ad Hebr. & habetur de consecr. dist. 11. cap. „ In Christo. “) „ In Chri- „ sto enim oblata est hostia ad salutem potens. Quid ergo nos? Nonne per sin- „ gulos dies offerimus? Et si quotidie offeramus, ad recordationem eius mortis „ fit; & una est hostia, non multæ. Quomodo una? Quia semel immolatus „ est Christus. Hoc autem (4) sacrificium exemplum est illius: id ipsum sem- „ per ad ipsum offertur. Proinde hoc est sacrificium: alioquin, quam in mul- „ tis locis offertur, multi sunt Christi? Non; sed unus ubique est Christus, „ & hic plenus existens, & illic plenus: sicut quod ubique offertur, unum est „ corpus, ita & unum sacrificium. Christus hostiam obtulit, ipsam offerimus „ & nunc; sed quod nos agimus, recordatio est sacrificii. Nec causa suæ in- „ firmitatis repetitur, quia pericit hominem; sed nostræ, quia quotidie pecca- „ mus. “ Ex his colligitur esse sacrificium, & dici quod agitur in altari; & Christum semel oblatum, & quotidie offerri; sed aliter tunc, aliter nunc; & etiam quæ sit virtus huius sacramenti ostenditur, remissio scilicet peccatorum venialium, & perfectio virtutis.

De causa institutionis.

Institutum est enim hoc sacramentum duabus de causis, in augmentum virtutis, scilicet caritatis, & in medicinam quotidianæ infirmitatis. Unde Am- bro-

(1) *Nicolaus*: Ne accedas ergo indignus. (2) *Nicolas*: ut Augustinus dicit tract. xxv. in 1019. (3) *Al.* desit quidem. (4) *Nicolas*: sacrificium est illius: id ipsum, & semper id ipsum offertur.

brofius (Lib. IV. de sacramentis cap. vi. & Lib. V. cap. iv.) „ Si quoties effunditur sanguis Christi, in remissionem peccatorum effunditur; debeat semper accipere, (1) ut semper mihi peccata dimittantur; qui semper pecco, debeat semper habere medicinam. „ Item Augustinus * (ad Ianuarium: & habetur de consecr. dist. 11. cap. „ Utrum sub figura. „) „ Iteratur quotidie hæc oblatio, licet Christus semel sit passus: quia quotidie peccamus peccatis sine quibus mortalis infirmitas vivere non potest. Et quia quotidie labimur, quotidie Christus mystice immolatur pro nobis. Dedit enim nobis hoc sacramentum salutis, ut quia nos quotidie peccamus, & ille iam mori non potest, per hoc sacramentum remissionem consequamur. Quotidie comeditur ipse, & bibit in veritate; sed integer, & vivus manet. „ Item mysterium fidei dicitur, quia credere debes quod ibi salus nostra consistit. Si autem quærat, utrum quotidie communicandum sit; audi quid inde tradit Augustinus (Genadius de eccl. dogmat. cap. lxxx.) „ Quotidie (inquit) eucharistiam accipere nec laudo, nec vitupero; omnibus tamen dominicis diebus communicandum hortor. „ Si tamen mens in affectu peccandi est, gravari magis dico eucharistie perceptione, quam purificari. Et licet quis (2) peccato mordeatur, si peccandi tamen de cetero non habeat voluntatem, & satisfaciatur lacrymis, & orationibus, accedat securus. Sed hoc de illo dico quem mortalia peccata non gravant. (3) Si non frequentius, saltem ter in anno homines communiceant, nisi forte quis criminalibus impediatur, in pascha scilicet, pentecoste, & in natali. (4) Omnes ergo communiceant qui noluerint carere ecclesiasticis liminibus.

DIVISIO TEXTUS.

POstquam determinavit Magister de uno trium, in quibus consistit integritas huius sacramenti, scilicet de eo quod est res, & sacramentum; in parte ista intendit determinare de aliis duobus, scilicet de eo quod est sacramentum tantum, & de eo quod est res tantum: unde dividitur in partes duas. In prima determinat de eo quod est res tantum, ibi, *Institutum est hoc sacramentum duobus de causis*. Prima in duas. In prima determinat de accidentibus, quæ sunt sacramenta, idest signa utriusque corporis Christi, scilicet veri, & mystici. In secunda determinat de actu sacerdotis, qui est sacramentum, sive signum passionis Christi, ibi, *Post hoc quæritur, si quod erit sacerdos, proprie dicatur sacrificium*. Circa primum duo facit. Primo determinat de ipsis accidentibus; secundo de fractione,

quæ in eis fundatur, ibi, *Solet etiam quæri de fractione, & partitione*. Circa hoc duo facit. Primo determinat de ipsa fractione; secundo de partium significatione, ibi, *Quid autem partes illæ significant, Servius Papa tradit*. Circa primum duo facit. Primo movet quæstionem; secundo determinat eam, ibi, *Ideo quibusdam placet, quod non sit ibi fractio, sicut videtur*. Circa quod quatuor opiniones ponit. Secunda incipit ibi, *Alii vero dicunt* &c. Tertia ibi, *Alii tradunt corpus Christi essentialiter frangi*. Quarta ibi, *Sed quia corpus Christi incorruptibile est, sane dici potest fractio illa, & partitio, non in substantia corporis, sed in ipsa forma panis sacramentaliter fieri*. Et circa hoc duo facit. Primo ponit opinionem quartam. Secundo confirmat eam, quia præ ceteris vera est, ibi, *Ne autem miseris, vel insultes, si accidentia videantur frangi*. *Institutum est hoc sacramentum duobus de causis*

(1) *Idest ut semper mihi peccata dimittantur*. (2) *Idest peccat*. (3) *Nicolaus*. Sed Fabianus Papa in Decret. de consecr. dist. 11. cap. *Ubi obligationem eucharistie percipiendæ sic definit*. Si non frequentius &c. (4) *Nicolaus*: Et Anacletus Papa epist. 1. ut cap. *Per illa* dist. 11. de consecr. in Decretis refertur. Omnes ergo &c.

EX EDIT. P. NICOLAI.

* In Decretis loc. cit. sine indice loci velut ex Augustino prænotatur; nec nullibi occurrat apud illum; etsi quo ad initium ex epistola eius xxvii. quam ad Ianuarium scripsit, colligi potest. Sed Paschasius potius est Lib. de corpore & sanguine Domini cap. 11. ex quo etiam refertur in Decretis ibidem paulo ante cap. *Iteratur*.

canis. Hic ponit effectum huius sacramenti : & quia ex effectu rei accipitur usus eius, ideo circa hoc duo facit. Primo ponit effectum; secundo determinat utendi modum, ibi, *Si autem queritur*; *utrum quotidie communicandum sit; audi quid inderat ait Augustinus.*

QUAESTIO I.

Hic est triplex questio. Prima de accidentibus. Secunda de effectibus huius sacramenti. Tertia de frequentatione ipsius.

Circa primum queruntur tria.

Primo. Utrum accidentia sint hic sine subiecto.

Secundo. De operatione illorum accidentium.

Tertio. De fractione quæ in eis fundatur.

ARTICULUS I.

Utrum accidentia sine subiecto esse Deus facere possit.

III. P. quest. lxxv. art. 5. Et quest. lxxvii. art. 1.

1. AD primum sic proceditur. Videtur quod accidentia sine subiecto esse, Deus facere non possit. Si enim esse reise, pararetur ab ente, ens esset non ens. Sed hoc Deus non potest facere: quia non potest facere quod duo contradictoria sint simul vera. Ergo non potest separare esse rei ab ente. Sed accidentis esse est inesse, secundum Philosophum. Ergo Deus non potest facere quin accidens inest.

2. Præterea. Quicumque separat diffinitionem a diffinito, ponit duo contradictoria esse simul vera: quia hoc ipsum quod est homo, est animal rationale mortale: & ita si ponatur esse homo, & non esse animal rationale mortale, ponitur esse homo, & non esse. Sed diffinitio accidentis est quod inest substantiæ: unde etiam in diffinitione singulorum accidentium oportet quod ponatur substantia. Ergo cum Deus non possit facere contradictoria (a) simul esse vera, neque facere poterit quod accidens sit sine substantia.

3. Præterea. Deus non potest facere quod diffinitio inest alicui, & diffinitum non in-

S. Th. Oper. Tom. XII.

sit eidem, nec quod inter affirmationem & negationem sit medium. Sed si ponamus accidentia esse sine substantia, oportet alterum distorum sequi. Ergo Deus non potest hoc facere. Probatio medii. Non esse enim in subiecto, sed per se existere, est diffinitio substantiæ, & opponitur contradictorie ei quod est esse in subiecto. Sed si ponamus aliquid accidens non esse in subiecto, vel ponemus quod aliquid sit medium inter esse in subiecto, & non esse; vel ponemus quod aliquid sit non ens in subiecto, & non sit substantia: quia si est substantia, non est accidens. Ergo si ponamus accidens esse sine subiecto, sequitur alterum duorum, vel quod inter contradictoria sit medium, vel quod diffinitio separetur a diffinitio, quod iterum implicat contradictoria esse simul vera.

Sed contra est quod dicitur Lucæ 1. 37. *Non eris impossibile apud Deum omne verbum.*

Præterea. Potest Deus plura facere quam homo possit intelligere, vel imaginari. Sed aliqui Philosophi posuerunt dimensiones esse sine subiecto, sicut qui posuerunt mathematica separata. Ergo Deus potest hoc facere.

QUAESTIUNCULA II.

1. Ulterius. Videtur quod non sit congruum huic sacramento quod accidentia sint sine substantia. In sacramento enim perfectissimo non congruit esse aliquid quod divinæ ordinationi repugnet. Sed divina ordinatio est quod accidens sit in subiecto. Ergo in hoc sacramento non competit quod sit sine subiecto.

2. Præterea. Sacramentum veritatis non decet aliqua fallacia. Sed hoc sacramentum est maxime veritatis, quia continet illum qui dixit, Ioan. xiv. 6. *Ego sum veritas.* Cum ergo existentibus accidentibus sine subiecto sequatur fallacia: quia accidentia, quantum est in se, significant substantiam propriam subesse: videtur quod non competat huic sacramento accidentia esse sine subiecto.

3. Præterea. Materia debet esse formæ proportionata. Sed ex parte formæ sacramenti non competet quod esset accidens verbi sine essentia verbi. Ergo nec ex parte materiæ competit quod sit accidens elementum sine elemento.

Sed contra. Accidens subiecto respondet.

M m

Sed

(a) *Id. similiter, item simpliciter.*

Sed substantia panis, qui prius erat subiectum priorum accidentium, mutata est in alterum statum per hoc quod conversa est in corpus Christi. Ergo & accidentia congruit in alterum statum mutari, ut scilicet sint sine subiecto.

Præterea. Hoc sacramentum dicitur mysterium fidei. Sed fides non solum est supra intellectum, sed etiam supra sensum. Ergo in hoc sacramento non solum debet aliquid esse supra intellectum, sicut quod corpus Christi sub tam parvis panis dimensionibus contineatur, sed etiam supra sensum, scilicet quod accidentibus quæ sensui subiacent, substantia propria non subest.

QUAESTIUNCULA III.

1. Ulterius. Videtur quod accidentia non sint in hoc sacramento sine substantia. Esse enim in substantia æqualiter convenit omnibus accidentibus. Sed albedo non est hic sine subiecto: quod patet ex hoc quod dividitur per accidens, quod non competit nisi existentibus in subiecto. Ergo nec quantitas, aut aliquid accidens est hic sine subiecto.

2. Præterea. Illud quod sensus percipit in hoc sacramento, est ibi secundum veritatem; alias esset fictio in hoc sacramento. Sed sensus non tantum percipit ibi quantitatem, aut albedinem, sed etiam quantum, & album. Ergo non est ibi accidens sine subiecto.

3. Præterea. Accidens non individuatur nisi ex subiecto, sicut nec forma nisi ex materia. Sed accidentia sunt ibi individuata; alias non essent sensibilia. Ergo non sunt sine subiecto.

4. Præterea. Omnis forma separata a materia est intellectus in actu, ut a Philosophis probatur. Sed si accidentia sunt hic sine subiecto, erunt quædam formæ sine materia: non enim habent materiam partem sui. Ergo erunt intellectus in actu, quod falsum apparet.

5. Præterea. Quanto aliquid appropinquat ad divinam simplicitatem, tanto est simplicius. Sed si sunt hæc accidentia sine substantia, magis appropinquat ad divinam simplicitatem quam Angeli: quia in Angelis est compositio ad minus ex quo est, & quod est, quæ in his accidentibus inveniri non potest. Ergo erunt nobiliora Angelis, quod falsum est.

6. Præterea. Impossibile est densitatem esse sine materia, neque raritatem: quia

hæc est definitio densi, quod multum de materia contineatur sub parvis dimensionibus; & contraria est definitio rari. Sed tactus percipit in hoc sacramento densitatem. Ergo est ibi materia sub dimensionibus: ergo dimensiones non perfecte existunt, & ita nec alia accidentia.

Sed contra. Sicut in precedenti distinctio est, ibi non est alia substantia quam corporis Christi. Sed non sunt accidentia quæ apparent, in corpore Christi sicut in subiecto, quia non denominant ipsum. Ergo non sunt in subiecto aliquo.

Præterea. Species ad hoc remanent in sacramento, ut ducant per significationem in corpus Christi. Sed si essent in aliquo sicut in subiecto, non ducerent in corpus Christi, sed magis in cognitionem sui subiecti. Ergo sunt hic accidentia sine subiecto.

SOLUTIO I.

Respondeo dicendum ad primam questionem, quod, sicut dicitur prima propositione Libri de causis, causa prima est vehementioris impressionis supra causatum causæ secundæ quam ipsa causa secunda. Unde quando causa secunda removet influentiam suam a causato, adhuc potest remanere influentia causæ primæ in causatum illud; sicut remota rationali, remanet vivum, quo remoto remanet esse. Cum ergo causa prima accidentium, & omnium existentium Deus sit; causa autem secunda accidentium sit substantia, quia accidentia ex principis substantiæ causantur; poterit Deus accidentia in esse conservare, remota (a) etiam causa secunda, scilicet substantia. Et ideo absque omni dubitatione dicendum est, quod Deus potest facere accidens (b) sine subiecto.

Ad primum ergo dicendum, quod inesse non dicit esse accidentis absolute, sed magis modum essendi qui sibi competit ex ordine ad causam proximam sui esse. Et quia remoto ordine accidentis ad causam proximam, adhuc potest remanere ordo ipsius ad causam primam, secundum quem (c) modus ipsius essendi non est inesse, sed ab alio esse; ideo potest Deus facere quod sit accidens, & non in sit: nec tamen esse accidentis ab accidente removebitur, sed modus essendi.

Ad secundum dicendum, quod, sicut probat Avicenna in sua Metaph. per se existere non est definitio substantiæ: quia per hoc

(a) *Ab* tamen. (b) *Forse* attendendum esse. (c) *Al.* modum.

hoc non demonstratur quidditas eius, sed eius esse; & sua quidditas non est (a) suum esse; alias non posset esse genus: quia esse non posset esse commune per modum generis, cum singula contenta in genere differant secundum esse; sed definitio, vel quasi definitio substantiae est res habens quidditatem, cui acquiritur esse, vel debetur, ut non in alio: & similiter esse in subiecto non est definitio accidentis, sed e contrario res cui debetur esse in alio; & hoc numquam separatur ab aliquo accidente, nec separari potest: quia illi rei quae est accidens, secundum rationem suae quidditatis semper debetur esse in alio. Sed potest esse quod illud quod debetur alicui secundum rationem suae quidditatis, ei virtute divina agente non conveniat: & sic patet quod facere accidens esse sine substantia, non est separare definitionem a definito: & si aliquando hoc dicatur definitio accidentis, praedicto modo intelligenda est definitio dicta: quia aliquando ab auctoribus definitiones ponuntur causa brevitas non secundum debitum ordinem, sed tanguntur illa ex quibus potest accipi definitio.

Ad tertium dicendum, quod sicut ab accidentibus in hoc sacramento remouetur esse in subiecto, ita convenit eis non esse in subiecto: unde non ponitur aliquid medium inter affirmationem & negationem. Nec tamen sequitur quod definitio alicui conveniat cui non convenit definitum: quia non esse in substantia non est definitio substantiae, ut dictum est; sed habere quidditatem cui tale esse competat: & hoc non convenit eis ex ratione suae quidditatis, sed divina virtute.

SOLUTIO II.

Ad secundam questionem dicendum, quod accidentia remanere in hoc sacramento qualiter congruat, supra dictum est dist. praecedenti. Sed accidentia esse sine subiecto congruit huic sacramento multipliciter. Primo quantum ad significationem: quia species sine substantia existentes expressius ducunt in corpus Christi, quod sub eis continetur, & immediatius: si enim subiectum haberent, ducerent immediate in subiectum illud. Secundo propter effectum, qui est unio membrorum ad caput, in quo sunt per fidem: & ideo in hoc sacramento oportet aliquid esse supra naturam, per quod intellectus noster assuecat ad ea quae sunt

fidei credenda. Tercio quantum ad usum, quia est cibus spiritualis: & ideo competit quod nullum accidentibus subiectum substat, quod cibus corporalis esse possit. Quarto quantum ad perfectionem: quia enim hoc sacramentum est perfectissimum, ideo omnia quae sunt in hoc sacramento, altissimum statum accipiunt, sicut quod substantia panis in corpus gloriosum Divinitati unitum convertitur: & propter hoc etiam accidentibus datur in hoc sacramento sine subiecto esse.

Ad primum ergo dicendum, quod divina dispositio quae aliquid ordinat secundum legem communem, etiam sibi aliqua reservat praeter legem communem faciendam ad aliquod privilegium gratiae communicandum: nec ex hoc sequitur aliqua (b) inordinatio, quia divina dispositio unicuique rei ordinem imponit.

Ad secundum dicendum, quod de substantia rei iudicare non pertinet ad sensum, sed ad intellectum, cuius obiectum est quod quid est, ut dicitur in III. de Anima (text. xxx. & xxvi.) & ideo non accidit ibi aliqua deceptio: quia accidentia sunt ibi de quibus sensus iudicat; sed de substantia verum iudicium habet intellectus fide iuvatus. Nec est inconveniens quod intellectus absque fide erret in hoc sacramento, sicut & in aliis quae sunt fidei.

Ad tertium dicendum, quod verbo inest virtus transubstantiandi: & ideo ad hoc quod sit vera transubstantiatio, oportet quod sit verum verbum; sed materia est ibi ad significandum: & ideo sufficit quod accidentia remaneant, quibus mediantebus significatio completur.

SOLUTIO III.

Ad tertiam questionem dicendum, quod quidam dixerunt, quod vera substantia panis simul remaneat sub sacramento cum corpore Christi; & secundum hoc accidentia non essent in hoc sacramento sine subiecto. Sed haec opinio in praecedenti dist. improbat est.

Alia opinio est quod remanet ibi forma substantialis, & in ea fundantur omnia accidentia quae apparent. Sed non minus difficile est materiale formam substantialem a materia separare quam accidentia a substantiis. Et praeterea quantitas non respicit formam nisi ratione materiae: unde formae immateriales dimensionibus carent: & ideo cum alia accidentia mediante quantitate

M m 2 re-

(a) *Al.* super esse. (b) *Al.* ordinatio.

referantur ad substantiam, non poterit forma existens sine materia, accidentium sensibile substantiam esse. Boetius etiam dicit in Lib. de Trinit. quod forma simplex substantium esse non potest.

Et ideo alii dixerunt, quod accidentia illa fundantur in aere sicut in subiecto. Sed hæc opinio stare non potest. Constat enim quod ante transubstantiationem sub dimensionibus panis non erat aer. Ergo si conversione facta sit ibi aer, oportet quod aer subintraverit per motum localem dimensiones illas: & iste motus non percipitur. Et præterea inconveniens est quod subiectum moveatur motu locali ad accedens, & quod accedens transeat de subiecto in subiectum. Probatur est etiam a Philosophis (IV. Phys. text. lxxvi.) quod corpus naturale, & corpus mathematicum non possunt esse simul: unde cum illæ dimensiones quæ fuerunt, sint quoddam corpus non naturale, sed mathematicum, non poterit aer cum illis dimensionibus simul esse, nec poterit esse subiectum eorum, quia habet dimensiones proprias aer. Cum ergo omnes dimensiones sint eiusdem speciei, in quacumque materia sint, quia materia non intrat in dispositionem earum; si dimensiones panis iterum sint sicut in subiecto in aere, sequitur quod duo accidentia speciei eiusdem sunt in eodem subiecto; quod est contradictoria esse simul, quia accidentium eiusdem speciei numeratio non est nisi ex subiecto: unde si subiectum sit unum, sequitur illa accidentia esse plura, & non plura. Constat etiam quod aer non est susceptivus talium accidentium, scilicet duritiei, figuræ determinatæ, & aliarum huiusmodi quæ ibi apparent.

Et ideo dicendum est, quod accidentia sunt ibi sine subiecto: non enim potest dici, quod sint in corpore Christi sicut in subiecto. Sciendum autem, quod substantia corporalis habet quod sit subiectum accidentium ex materia sua, cui primo inest subiecti alteri. Prima autem dispositio materię est quantitas: quia secundum ipsam attenditur divisio eius, & indivisio, & ita unitas, & multitudo, quæ sunt prima consequentia ens: & propter hoc sunt dispositiones totius materię, non huius aut illius tantum. Unde omnia alia accidentia mediante quantitate in substantia fundantur, & quantitas est prior eis naturaliter: & ideo non claudat materiam sensibilem in ratione sua, quamvis claudat materiam intelligibilem, ut dicitur in VII. Metaph.

(text. xxxv.) Unde ex hoc quidam decepti fuerunt, ut crederent dimensiones esse substantiam rerum sensibilem: quia remotis qualitatibus nihil sensibile remanere videbant nisi quantitatem, quæ tamen secundum esse suum dependet a substantia, sicut & alia accidentia. Virtute autem divina confertur dimensionibus quæ fuerunt panis, ut sine subiecto subsistant in hoc sacramento, quod est prima proprietas substantię; & per consequens datur eis ut subsistant alia accidentia, sicut & sustinebant quando substantia eis suberat: & sic alia accidentia sunt in dimensionibus sicut in subiecto, ipsæ vero dimensiones non sunt in subiecto.

Ad primum ergo dicendum, quod prima accidentia consequentia substantiam sunt quantitas, & qualitas; & hæc duo proportionantur duobus principiis essentialibus substantię, scilicet formæ, & materię (unde magnum, & parvum Plato posuit differentias materię) sed qualitas ex parte formæ. Et quia materia est subiectum primum quod non est in alio, forma autem est in alio, scilicet materia; ideo magis appropinquat ad hoc quod est non esse in alio, quantitas quam qualitas, & per consequens quam alia accidentia.

Ad secundum dicendum, quod quantitas dimensionum secundum suam rationem non dependet a materia sensibili, quamvis dependeat secundum suum esse: ideo in prædicando, & subiciendo accipit modum substantię, & accidentis: unde lineam dicimus & quantitatem, & quantam, & magnitudinem, & magnam: & ideo cum sint ibi dimensiones sine substantia, non tantum videt sensus quantitatem, sed etiam quantum. De aliis autem accidentibus planum est, quod est ibi aliquid album, quia albedo est ibi in subiecto.

Ad tertium dicendum, quod de ratione individui duo sunt, scilicet quod sit ens actu vel in se, vel in alio; & quod sit divisum ab aliis quæ sunt, vel possunt esse in eadem specie, in se individuum existens: & ideo primum individuationis principium est materia, quæ acquiritur esse in actu cuilibet tali formæ sive substantię, sive accidentali; & secundarium principium individuationis est dimensio, quia ex ipsa habet materia quod dividatur: unde in carentibus dimensionibus impossibile est aliquam esse distinctionem, nisi per formam, quæ facit diversitatem speciei; & propter hoc in Angelis sunt tot species quot individua: quia

quia cum sint formæ, sive quidditates subsistentes ex seipsis, habent esse in actu, & distinctionem; & ideo non indigent ad sui individuationem neque materia, neque dimensione. Si ergo quantitas sine materia haberet esse actu, per se haberet individuationem, quia per se haberet divisionem illam secundum quam dividitur materia, & sic una pars differret ab alia non specie, sed numero secundum ordinem, qui attenditur in situ partium; & similiter una linea ab alia differret numero, dummodo acciperetur in diverso situ. Quia ergo in hoc sacramento ponimus dimensiones per se subsistere, constat quod ex seipsis individuatur, & per ea alia accidentia quæ in eis fundantur.

Ad quartum dicendum, quod illud quod est intellectus, vel intellectum in actu, secundum Philosophos oportet esse separatum non solum a materia, sed etiam a conditionibus materiæ individuantibus: & hoc non est in proposito, ut ex dictis patet.

Ad quintum dicendum, quod cum ista accidentia habeant esse, & essentias proprias, & eorum essentia non sit eorum esse, constat quod aliud est in eis esse, & quod est; & ita habent compositionem illam quæ in Angelis invenitur, & ulterius compositionem ex partibus quantitatis, quæ in Angelis non invenitur; & sic magis recedunt a divina simplicitate.

Ad sextum dicendum, quod sicut subiectum quod ponitur in definitione aliorum accidentium, non est de essentia accidentis; ita etiam materia, quæ ponitur in definitione raritatis, & densitatis, non est de essentia eorum: non enim est densitas materia multa existens sub parvis dimensionibus, sed proprietas quedam consequens ex hoc quod materia sic se habet: unde talem proprietatem Deus potest facere, etiam si materia non esset.

ARTICULUS II.

Utrum accidentia, quæ remanent in hoc sacramento, possint immutare aliquid extrinsecum.

III. P. quæst. lxxvii. art. 3. 4. 5. 6.

1. **A**D secundum sic proceditur. Videtur quod accidentia quæ remanent in

(2) *Ad. deist. nisi.*

hoc sacramento, non possunt immutare a liquid extrinsecum. Illa enim agunt, & patiuntur ad invicem quæ commovent in materia, ut dicitur in I. de generat. (text. xlii.) Sed accidentia illa non commovent in materia cum corporibus exterioribus. Ergo non possunt ea immutare.

2. Præterea. Actio naturalis requirit contactum naturalem, ut patet in I. generat. Sed mathematicis, idest dimensionibus separatis, non convenit tactus physicus, sed mathematicus tantum, sicut & locus, ut ibidem dicitur. Ergo cum in hoc sacramento sint dimensiones separatæ, in quibus alia accidentia fundantur, ut dictum est, videtur quod non possint agere in aliquid extrinsecum.

3. Præterea. Passum, quamvis in principio sit contrarium, tamen in fine est simile. Sed si corpora exteriora immutarentur, ipsa iam immutata non essent formæ tantum, sed formæ in materia. Ergo non possunt immutari a dimensionibus quæ sunt formæ tantum.

Sed contra. Nihil sentitur (a) nisi quod immutat sensum. Sed huiusmodi accidentia sentiuntur. Ergo immutant.

Præterea. Omne quod habet esse, habet agere aliquo modo: quia nulla res destituitur propria operatione. Sed huiusmodi accidentia habent esse. Ergo possunt agere.

QUAESTIUNCULA II.

1. Ulterius. Videtur quod non possint aliquid extrinsecum immutare substantialiter. Generans enim debet esse simile generato. Sed omne generatum est compositum ex materia, & forma. Cum ergo accidentia illa sint formæ tantum, non possunt immutare generatum aliquid extra se. Et hac ratione utitur Philosophus in VII. Metaph. (text. xxx.) contra Platonem, qui ponebat formas separatas esse causas generationis sensibilium.

2. Præterea. Nihil agit ultra suam speciem, sed citra quandecumque: quia effectus non est nobilior causa. Sed substantia est nobilior omni accidente. Ergo illa accidentia non possunt aliquam substantiam generare.

Sed contra. Species istæ habent eandem virtutem quam habebant ante transubstantiationem: quia nihil est eis ablatum, sed additum. Sed ante transubstantiationem poterant

erant aliquid substantialiter immutare. Ergo & post.

QUAESTIUNCULA III.

1. Ulterius. Videtur quod ista accidentia nullo modo possint corrumpi. Quia ista accidentia sunt formæ tantum. Sed forma est invariabilis essentia consistens, ut dicitur in Lib. sex principiorum. * Ergo huiusmodi species non corrumpuntur.

2. Præterea. Omnis res per se subsistens sine materia, est incorruptibilis: quia materia est corruptionis principium, sicut patet in Angelis, & animabus. Sed huiusmodi species sunt formæ sine materia subsistentes. Ergo sunt incorruptibiles.

3. Præterea. Si corrumpuntur, aut corruptio ista est naturalis, aut miraculosa. Naturalis non: quia sicut nihil generatur naturaliter nisi compositum, ita nihil corrumpitur nisi compositum naturaliter. Similiter neque miraculosa: quia sic sola Dei virtute fieret: Deus autem secundum Augustinum (in Lib. lxxxiii. Qq. quæst. xxi.) non est causa tendendi in non esse. Ergo nullo modo corrumpitur.

Sed contra. Quamdiu sunt accidentia sensibilia, sentiri possunt. Sed quandoque desinunt sentiri posse huiusmodi accidentia. Ergo desinunt esse.

Præterea. Quamdiu species manent, & corpus Christi manet sub sacramento. Sed corpus Christi quandoque desinit esse sub sacramento. Ergo quandoque desinunt esse species illæ.

QUAESTIUNCULA IV.

1. Ulterius. Videtur quod ex eis non possit aliquid generari. Corruptio enim generationi, vel factioni opponitur. Sed omne quod non habet materiam partem sui, si sit, oportet quod ex nihilo fiat. Ergo si corrumpitur, oportet quod in nihilum tendat, & nihil ex eo fiat.

2. Præterea. Substantia, & accedens magis differunt quam corpus, & spiritus. Sed ex corpore non potest fieri spiritus, ut patet in Lib. (Boetii) de duabus naturis. Ergo ex speciebus illis quæ sunt accidentia tantum, non potest substantia aliqua generari.

3. Præterea. Impossibile est ex uno simul

& semel multa fieri. Sed si aliquid generatur, in illo est invenire substantiam, & accedens. Ergo non potest generari ex accidente tantum.

4. Præterea. Si aliquid generatur, aut illa generatio est naturalis, aut miraculosa. Naturalis non: quia generatum, & id ex quo generatur naturaliter, conveniunt in materia, ut patet in omnibus generationibus naturalibus; quod hic non potest inveniri. Similiter nec miraculosa: quia quod vermes aliquando inde generentur, vel in cinerem resolvantur, hoc est in irreverentiam tanti sacramenti, quod a Deo non est. Ergo nullo modo aliquid ex huiusmodi speciebus generari potest.

Sed contra est, quod sensibiliter apparet, si diu referuntur, paulatim in aliud mutari.

Præterea. Innocentius dicit (Lib. IV. de mysteriis. Missæ cap. xvi.) *In quo similitudo deficeret, in eo sacramentum non esset; sed ibi se proderet, & locum fidei auferret.* Ergo oportet esse omnimodam similitudinem specierum ad substantiam panis. Sed ex substantia panis poterat aliquid generari. Ergo & ex speciebus ibi remanentibus.

QUAESTIUNCULA V.

1. Ulterius. Videtur quod non possint nutrire. Quia omnis cibus qui nutrit, in corpus transit, & superfluitates ex eo resolvuntur. Sed cibus iste non vadit in corpus, ut Ambrosius in littera dicit. Ergo non nutrit.

2. Præterea. Ex eisdem nutrimur ex quibus sumus, ut dicitur in II. de generatione (text. 1.) Sed non sumus ex accidentibus. Ergo ex eis non nutrimur.

3. Præterea. Omne quod nutrit quocumque modo, solvit ieiunium. Si ergo species istæ nutriunt, solvunt ieiunium; & sic post summptionem corporis Christi non posset aliquis communicare; quod falsum est.

Sed contra est quod dicitur in Glossa I. Corinth. xi. super illud, *Alius quidem estis, alius autem ebrius est*, quod aliqui sunt inebriati ex usu specierum huius sacramenti.

Præterea. Nihil aufert frim, vel famem, nisi quod nutrit. Sed sensibiliter reperiri potest quod ex potu illo sitis tollitur, præcipue

EX EDIT. P. NICOLAI.

* Vel simpliciter constans, & invariabilis essentia, ut ibi videre est in principio, inter opera quidam Aristoteles, ut edidit verus habet; sed est Gilberti Porretani.

cipue si in multa quantitate fumatur. Ergo nutriunt species illæ.

QUÆSTIUNCULA VI.

1. Uterius. Videtur quod nullus liquor possit speciebus illis permisceri. Quia, ut in I. de generatione (text. lxxxv.) probat Philosophus, accidens non permiscetur substantiæ. Sed quilibet liquor substantia quædam est. Cum ergo illæ species sint tantum accidentia, videtur quod nihil possit eis permisceri.

2. Præterea. Sicut hoc sacramentum sub certa forma verborum consecratur, ita & aqua benedicta. Sed si aqua permiscetur aquæ benedictæ, totum fit benedictum. Si ergo aliquis liquor permisceri posset vino consecrato, esset totum consecratum; & sic liquor ille transiret in sanguinem Christi sine forma verborum; quod falsum est.

3. Præterea. Humidorum permixtorum efficitur superficies una. Si ergo illis speciebus aliquis liquor admisceatur, efficitur una superficies liquoris adveniens, & specierum præexistentium. Sed superficies liquoris est in subiecto, superficies autem specierum non est in subiecto. Ergo eadem superficies erit in subiecto, & non in subiecto; quod est impossibile.

4. Præterea. Corpus Christi non est sub sacramento ex quo sub speciebus illis est alia substantia. Sed si aliquis liquor subtilis, puta vinum, vel aqua, admisceatur illis speciebus, cum non contineatur propriis terminis, oportet quod diffusetur ad terminos dimensionum sub quibus erat corpus Christi. Ergo desinunt ibi esse species: ergo corrumpuntur, & non permiscuntur.

5. Præterea. Sicut album, & nigrum sunt differentię coloris; ita magnum, & parvum sunt differentię quantitatis, vel circa quantitatem. Sed idem color non est albus, & niger. Ergo neque eadem dimensiones sunt magnæ, & parvæ. Sed addito aliquo liquore dimensiones illæ efficiuntur magnæ. Ergo non sunt eadem quæ prius: ergo non permiscuntur.

Sed contra. Secundum Philosophum in I. de generatione (text. lxxix.) ea quæ sunt divisibilia in minima, sunt bene permiscibilia. Sed ita est de speciebus illis. Ergo &c.

Præterea. Maius est corrumpi quam permisceri. Sed species possunt corrumpi. Ergo possunt permisceri.

SOLUTIO I.

Respondeo dicendum ad primam quæstionem, quod agere non est nisi rei per se subsistentis: & ideo neque materia agit, neque forma, sed compositum; quod tamen non agit ratione materiæ, sed ratione formæ, quæ est actus, & actionis principium. Et quia quantitas se tenet ex parte materiæ, & qualitas ex parte formæ; ideo quantitas non agit nisi mediante qualitate, quæ est per se actionis principium: unde qualitates sunt sensibiles primo, quantitates secundo. Quia ergo in sacramento quantitates retinent eundem modum essendi quem habebant substantia panis existente, ideo habent eundem modum agendi, ut immutent, & agant naturaliter sicut prius. Quantitatis enim, quæ alium modum essendi habet, quia non est in subiecto, non est agere nisi mediante qualitate.

Ad primum ergo dicendum, quod materia accidentis est proximum subiectum eius; proximum autem subiectum qualitatis corporalis est quantitas, ut superficies coloris: & ideo qualitas, quæ est actionis principium, communicat quodammodo in materia cum his quæ sunt extra, quia quantitates hinc inde subesse inveniuntur.

Ad secundum dicendum, quod Mathematici non solum abstrahunt a materia, sed a sensibilibus accidentibus. Et quia dimensiones in hoc sacramento non sunt separatae ab accidentibus sensibilibus, ideo non solum habent tactum mathematicum, sicut mathematica, sed etiam physicum: quia ratione illorum accidentium possunt immutari, & immutari.

Ad tertium dicendum, quod quantum ad immutationem accidentalem satis simile invenitur hinc inde: quia sicut in sacramento non est albedo separata, sed album quod agit; ita exterius per immutationem non fit albedo, sed aliquod album: & ita, in quantum huiusmodi, passum in fine est simile.

SOLUTIO II.

Ad secundam quæstionem dicendum, quod in actionibus naturalibus formæ substantiales non sunt immediatum actionis principium, sed agunt mediantibus qualitatibus activis, & passivis, sicut propriis instrumentis, ut dicitur in II. de Anima (text. I.) quod calor naturalis est quo anima agit: & ideo qualitates non solum agunt in virtute propria, sed etiam in virtute

tute formæ substantialis. Unde actio earum non solum terminatur ad formam accidentalem, sed etiam ad formam substantialem: & propter hoc generatio est terminus alterationis. Huiusmodi autem virtutem instrumentalem recipiunt eo ipso quo a principiis essentialibus causantur. Unde sicut remotis substantiis remanet accidentibus idem esse secundum speciem virtute divina, ita etiam remanet eis eadem virtus quæ & prius: & ideo sicut autem poterant immutari ad formam substantialem, ita & nunc.

Ad primum ergo dicendum, quod non ponimus omnino huiusmodi qualitates separatas, sicut Plato ponebat formas naturales, cum ponamus pro subiecto id quod erat proximum subiectum eorum primo: & ideo non est similis ratio hinc inde. Tamen hic etiam generans non est omnino simile generato: quia generatum est substantia, generans autem non. Sed hoc ideo contingit, quia, ut dictum est, huiusmodi qualitates habent instrumentalem virtutem generandi. Generatum autem non oportet quod assimiletur instrumento, sed principali generanti, ut dicit Commentator in XI. Metaph. (text. xtt.) quia instrumentum non agit virtute sua, sed alterius, & illi assimilatur, non sibi: unde generatio hic assimilatur substantiæ quæ prius erat. Plato autem formas separatas non ponebat instrumentalia generantia, sed primas causas generationis, & principales.

Ad secundum dicendum, quod propria virtute nihil agit ultra suam speciem; sed virtute alterius, cuius est instrumentum, potest agere ultra speciem suam, sicut ferra agit ad formam scammii.

SOLUTIO III.

Ad tertiam questionem dicendum, quod unaquæque res habet proprium esse suæ speciei. Non enim esse in omnibus est unius speciei, sicut nec animalitas est unius speciei in omnibus animalibus, nec humanitas eadem numero in omnibus hominibus, sicut & unaquæque res habet propriam actionem. Unde sicut in qualitatibus quæ remanent in hoc sacramento, remanet actio conformis actioni substantiæ, prius existentis; ita etiam esse subsistens, quod convenit dimensionibus remanentibus, est conforme illi esse quod prius substantia panis habebat. Unde sicut qualitas facit eandem actionem quam prius faciebat, substantia panis, &

substantia, tollitur eisdem passionibus quibus antea tolleretur, eadem substantia existente: & propter hoc eodem modo corrumpatur accidentia remanentia, sicut & prius corrumpi poterant. Prius autem corrumpi poterant dupliciter. Uno modo, manente substantia subiecti, per aliquam accidentalem mutationem, sicut ex parte qualitatum secundum aliquam alterationem vinum saporem, vel colorem mutare poterat: & ita color qui prius erat, aut sapor corrumpebatur; sed quantitas prædicto modo non poterat corrumpi per motum in quantitate, scilicet augmentum, quia vinum, & panis non sunt corpora animata, quæ possunt esse subiectum augmenti, & diminutionis, (a) sed per additionem, vel divisionem: quia secundum Philosophum in III. Metaph. (text. xvi.) in additione quantitatis ad quantitatem una quantitas esse incipit duabus esse definitibus, & e contrario est in divisione. Alio modo per corruptionem substantiæ: quæ quidem contingit ex transmutatione accidentium, & ex parte qualitatum: quia sicut generatio, ita & corruptio est terminus alterationis: & ex parte quantitatis: quia cum unaquæque res naturalis habeat quantitatem determinatam, tantum poterit divisio fieri quod species non remanebit. Unde etiam in hoc sacramento aliquando aliqua alteratione facta in qualitatibus, adhuc manet esse illud dimensionum conforme substantiæ præcedenti; & tunc ratione ipsius corruptionis accidentium non definit esse corpus Christi sub sacramento. Aliquando autem alteratio ad terminum venit, & tunc esse prædictum tollitur, & sic definit esse sacramentum. Et similiter ex parte quantitatis: quia si fiat divisio in partes tantæ quantitatis, quæ sufficiat ad speciem panis, vel vini; sunt quidem aliæ dimensiones, quia partes continui, quæ erant potentia, sunt actus; sed esse conforme substantiæ præexistenti manet, & ideo adhuc est sacramentum. Si autem quantitas partium ad hoc non sufficiat, utrumque esse definit, & dimensio, & esse prædictum: & ideo corpus Christi definit esse sub sacramento.

Ad primum ergo dicendum, quod forma dicitur esse invariabilis, quia non est variationis subiectum; tamen per variationem tollitur, sicut patet in alteratione, & augmento: & ita largo modo dicuntur corrumpi, prout omne quod esse definit, dicitur corrumpi.

Ad

(a) *Id. scilicet.*

Ad secundum dicendum, quod dimensiones, quæ sunt proximæ dispositiones materię, retinent in hoc sacramento vicem materię: & ideo se habent ad esse in quo subsistunt, sicut materia ad formam substantialem, & ipsæ subsunt sicut subiectum accidentibus; & hoc modo corruptionis principium esse possunt, sicut & materia esset. Ipsæ etiam partes dimensionum, cum sint in potentia, habent quamdam rationem materię ratione rotius dimensionis: & ideo ex parte earum accidit corruptio aliqua in tota dimensione per divisionem.

Ad tertium dicendum, quod species sic remanere miraculosum est; sed quod sic remanere corrumpanitur, est naturale: sicut miraculosum est quod cæcus visum recipiat; sed quod iam visu recepto videat, est naturale. Remanet enim quidam compositionis modus in accidentibus istis, dum quantitas retinet rationem materię, & qualitas rationem formæ, ut dictum est.

SOLUTIO IV.

Ad quartam quæstionem dicendum, quod quidam dicunt, quod quamvis illæ species possint corrumpi, & putrescere, tamen ex tali putrefactione, vel corruptione non generantur vermes, vel aliquid huiusmodi. Sed hoc nihil est. Constat enim quod accidentia quando corrumuntur, non hoc modo esse desinunt ut dispareant omnino, ac si totaliter annihilarentur; sed succedit illis accidentibus aliquid sensibile; & hoc oportet esse de novo generatum. Nec est differentia, quidquid sit illud, utrum sit vermis, vel cinis, vel aliquid huiusmodi: quia similis difficultas est de omnibus.

Et ideo alii dixerunt, quod substantia panis ibi remanet, ex qua materialiter aliqua generari possunt. Sed hæc opinio supra improbat est.

Et ideo alii dixerunt, quod ex mutua actione accidentium sacramenti ad corpora circumstantia generantur vermes ex aere continente. Sed hoc non videtur esse verum: quia accidentia illa non habent ibi aliam actionem quam haberent, si substantia remansisset; sed quando substantia erat, non poterant vermes ex aere generari, vel cinis per talem actionem: unde nec modo. Et præterea sensibilibiter apparet quod in illo loco ubi fuit corpus Christi, est illud quod generatur, & ibidem alteratio præcedens apparet. Aer autem ante ultimum instant corruptionis specierum non erat in loco illo: quia sic subintrasset dimensiones sub

quibus erat corpus Christi, quod est impossibile. Nec etiam movebatur ad locum illum, quia quietus forte manebat. Unde sequitur quod totus motus aeris, & alteratio ipsius, & corruptio, & generatio vermium; aut cineris sit in eodem instanti; quod est impossibile. Et præterea idem accideret, si corpus Christi conservaretur inter aliqua corpora solida, quæ non subintraret aer, & non apparet aliqua mutatio facta in corporibus solidis circumstantibus. Et præterea si corpus Christi in magna quantitate consecratum esset, idem posset accidere, & tanta inspiratio aeris non posset de facili accidere sine sensibili ipsius immutatione.

Et ideo alii dicunt, quod peracto sacramento redit substantia panis sub speciebus quæ prius suberat, & ex illa generantur vermes, vel aliquid huiusmodi. Sed hoc non potest esse. Quamdiu enim est ibi corpus Christi, non redit substantia panis: quia sic esset corpus Christi sub speciebus: cum substantia panis; quod est tertia opinio, quæ non sustinetur. Quamdiu autem sunt ibi species, manet sub speciebus corpus Christi: unde quamdiu manent species, substantia panis non redit; remotis autem speciebus illis iam non est ibi substantia panis, sed vermium, vel cineris, vel alicuius huiusmodi. Numquam enim est substantia panis sine speciebus panis, unde substantia panis non redit. Nisi forte dicatur redire quod ad materiam tantum, quia illa eadem materia quæ prius erat sub forma panis, postmodum fit sub forma cineris, vel alicuius huiusmodi: & hoc posset stare cum secunda opinione prius tacta quantum ad hoc quod ponebat substantiam panis in præiacentem materiam resolviri; quod stare non potest, ut supra probatum est. Sed quantum ad aliam partem, quæ ponebat quod annihilaretur, non potest stare: quia quod in nihilum redactum est, non potest iterum idem numero fumi. Sed quantum ad primam opinionem, quæ communiter sustinetur, omnino stare non potest: quia quod conversum est in alterum, non potest redire, nisi alterum in ipsum convertatur: substantia autem panis conversa est in corpus Christi, & hæc substantia, scilicet panis, facta est illa, scilicet corporis Christi, ut ex prædictis patet: unde non potest esse quod substantia panis redeat neque quantum ad totum, neque quantum ad partem, nisi corpus Christi e converso convertatur in substantiam panis; quod est impossibile. Et ideo impossibile est dicere, quod substantia panis

redeat neque secundum totum, neque secundum partem; si redire proprie sumatur, ut sit idem numero quod redit. Si autem materia panis redire dicatur, non quia eadem numero redeat, sed alia eiusdem rationis; tunc oportebit dicere, quod illa alia materia de novo creetur. Et forte hoc intellexerunt qui dixerunt substantiam panis redire: unde satis probabiliter per hunc modum opinio sustineri potest, ut dicatur, quod ad hoc Deus materiam creat, ne sacramentum deprehendatur, & sic fides meritum perdat. Nec tamen materia corporalis in principio creata augetur, quia quantum de materia conversum fuit in substantiam corporis Christi, tantum de materia creatur nunc de novo.

Potest tamen & aliter dici, quod illae species sicut habent ex hoc quod subsistunt, quod possunt agere quicquid poterant substantiis panis, & vini existentibus; ita habent ut possint converti in quicquid converti poterant substantiis praesistentes: quod sic intelligi potest. Sicut enim Commentator dicit in I. Phys. (text. LXIII.) & in Lib. de substantia orbis (cap. 1.) in materia generabilium, & corruptibilium oportet intelligere dimensiones interminatas ante adventum formae substantialis; alias non posset intelligi divisio materiae, ut in diversis partibus materiae diversae formae substantiales essent. Huiusmodi autem dimensiones post adventum formae substantialis accipiunt esse terminarum, & completum. Quidquid autem intelligitur in materia ante adventum formae substantialis, hoc manet idem numero in generato, & in eo ex quo generat: quia remoto posteriori oportet remanere prius; dimensiones autem illae interminatae se habent ad genus quantitatis, sicut materia ad genus substantiae. Unde sicut in quolibet completo in genere substantiae est accipere materiam, quae est ens incompletum in genere illo; ita in dimensionibus completis, quae sunt in hoc sacramento, est accipere dimensiones incompletas: & his mediantibus materia panis formam recipiet eius quod ex pane generaretur, pane non converso in corpus Christi: unde sicut dimensionibus illis est datum ut subsistant, & subsint illi esse quod est eorum esse prius substantiae, & terminationi quantitatis, & omnibus aliis accidentibus; ita etiam datur eis ut possint subsistere alteri formae naturali, & aliis accidentibus: quia de natura sua non habent ut subsistant tantum accidenti, sed etiam formae

substantiali, ut dictum est: & tunc vel ex consequenti adveniet etiam materia propter concomitantiam naturalem formae ad materiam, sicut propter concomitantiam naturalem animae Christi ad corpus, erat anima sub sacramento; & hoc quodammodo redit in primum dictum, ut scilicet materia de novo fiat: vel ipsi dimensioni virtute divina dabitur natura materiae propter propinquitatem ad ipsam, ut sic illud generatum sit compositum ex materia, & forma.

Ad primum ergo dicendum, quod secundum penultimam opinionem species illae penitus cedunt in nihil; sed substantia praedicto modo redeunte generatur illud quod succedit. Nec dicitur generari ex speciebus secundum quod ly ex dicit causam materialem, sed solum secundum quod dicit ordinem, ut ex mane sit merides, id est post. Sed secundum aliam opinionem illud totum demonstratum sensibile in sacramento habebat aliquid (scilicet partem sui) simile materiae (& illud non cedit in nihil, sed remanet) scilicet dimensiones interminatas; sicut & remanerent, si substantia panis esset.

Ad secundum dicendum, quod hoc non est remotum quin Deus possit mutare corpus in spiritum; & tamen quantum ad aliquid dimensiones interminatae magis sunt propinque materiae corporali quam corpus spiritui.

Ad tertium dicendum, quod sicut quando aer convertitur in ignem, non dicitur quod materia aeris fiat duo, scilicet materia ignis, & forma ignis, sed unum tantum, quod sit ignis; ita etiam dimensiones illae non dicuntur fieri duo, sed unum tantum, scilicet materia sic dimensionata: & hoc sit divina virtute.

Ad quartum dicendum, quod secundum quamlibet positionem oportet ponere aliquid in hac generatione esse miraculosum, & aliquid naturale: reditus enim substantiae, vel creatio materiae, vel conversio dimensionum in materia est miraculosum; sed quod materia iam existens recipiat talem formam, cuius dispositiones praecesserunt in dimensionibus, hoc est naturale.

SOLUTIO V.

Ad quintam questionem dicendum, quod quidam dixerunt quod species illae non nutriunt, sed rescunt, & inebriant ex sola immutatione accidentali, sicut aliqui inebriantur odore vini, & rescuntur, & faciem

mem amittunt ex sapore, & odore. Sed hoc non potest esse: quia talis immutatio quamvis ad horam sufficiat, tamen sustentare non potest; quod tamen facerem species illae, si in magna quantitate fumerentur.

Et ideo alii dixerunt, quod remanet forma substantialis panis, & illa habet eandem operationem quam habebat panis, & ideo nutrit sicut panis nutrebat. Sed hoc non potest esse: quia operatio formae non est pati, sed agere: nutrimentum autem non nutrit, (a) nisi ex hoc quod convertitur in substantiam nutriti: & ideo nutrit secundum quod ex eo aliquid generatur; quod non potest dici de forma.

Et ideo dicendum est, quod cum generari aliquid ex illis speciebus possit per modum praedictum, eodem modo & nutrire possunt.

Ad primum ergo dicendum, quod hoc quod dicitur, quod cibus iste non transit in corpus, intelligendum est quantum ad rem contentam sub sacramento, scilicet verum corpus Christi, quod non mutatur in manducantem, sed ipsum in se mutat spiritualiter. Seu species in corpus comedentis convertuntur, sicut & in aliud aliud corpus converti possunt, ut dictum est.

Ad secundum dicendum, quod accidentia manentia in suo esse accidentali non nutriunt, sed eo modo quo in aliud convertuntur, vel aliud sub eis creatur, vel redit.

Ad tertium dicendum, quod illa nutritio non est omnino secundum ordinem naturae, ut dictum est: & ideo talis manducatio ieiunium non solvit.

SOLUTIO VI.

Ad sextam questionem dicendum, quod quidam dicunt, quod quicumque liquor addatur speciebus vini in quantacumque quantitate, statim definit ibi esse corpus Christi: quia dimensiones illae non manent eadem, & iterum liquor additus per totum diffunditur. Unde cum corpus Christi non sit sub speciebus cum alio corpore, oportet quod in toto definat esse corpus Christi. Sed haec positio non potest stare. Constat enim quod corpus Christi manet quamdiu illa accidentia manent, illa autem accidentia non corrumpuntur aliter quam ut corrumpatur substantia panis, & vini. Constat autem quod ex parvo liquore addito non destrueretur vinum, & ideo nec spe-

cies vini remanentes. Rationes enim praedictae non cogunt. Primo quia non quilibet dimensionum distinctio tollit sacramentum: sicut enim additio, ita & divisio facit aliam dimensionem, ut ex dictis patet per Philosophum. Divisio autem non tollit veritatem sacramenti, ut patet in pane qui frangitur, unde nec additio: quia illa varietas dimensionum quam facit talis additio, & divisio, est quantum ad determinationem ipsarum, non quantum ad indeterminatum esse earum, secundum quod competit eis subsistere, neque quantum ad esse quo subsistunt conformes substantiae praecedenti. Similiter etiam parvus liquor constat quod non potest diffundi per omnes dimensiones; nisi rarefieret, & transmutaretur in aliam speciem. Unde non oportet quod occupet omnes dimensiones.

Et ideo aliter dicendum, quod hoc modo admiscetur liquor quicumque speciebus illis, sicut admisceretur substantiae vini. Liquor autem additus si esset aequalis quantitati, vel maioris, pertingeret ad omnes dimensiones vini; & sic si esset alterius speciei, faceret aliam speciem liquoris mediam; si autem esset eiusdem speciei, vinum faceret aliud vinum secundum numerum, maxime quantum ad accidentia. Si autem liquor additus esset minoris quantitati, non posset pertingere ad omnes dimensiones totius vini, sed ad aliquas, & illas immutaret altero distorum modorum; & forte immutaretur secundum speciem, si esset alterius speciei. Constat autem quod in hoc sacramento non manet corpus Christi, nisi quamdiu illae species manent eadem numero; & ideo si apponatur parvus liquor, corrumpet partem specierum, & sub illa parte definit esse corpus Christi: non enim esset probabile quod una gutta aquae per totum scyphum diffunderetur. Si autem addatur in magna quantitate, sic corrumpet species secundum totum; & ita totaliter definit ibi esse corpus Christi.

Ad primum ergo dicendum, quod Philosophus intelligit de accidente, cuius subiectum est substantia, quod ei non permiscetur: sic autem non est in proposito.

Ad secundum dicendum, quod in aqua benedicta non fit aliqua mutatio substantialis ipsius aquae, sicut est in hoc sacramento, sed acquiritur ei virtus aliqua ex benedictione; ideo illa virtus potest pervenire ad aquam additam. Sed in hoc sacramento vinum convertitur substantialiter in aliud

(a) scilicet nisi quod.

virtute verborum; & ideo non oportet quod vinum additum substantialiter etiam convertatur in sacramentum; sed potest esse quod convertatur in vinum virtute accidentium vini quæ remanent, ut dictum est.

Ad tertium dicendum, quod non est inconvenientis unam dimensionem secundum unam partem sui esse in hoc sacramento sine subiecto, & aliam esse in subiecto: quia plures partes dimensionis quamvis sint una dimensio in actu, sunt tamen plures in potentia.

Ad quartum patet solutio ex dictis.

Ad quintum dicendum, quod magnum, & parvum consequuntur quantitatem secundum quod ad certam mensuram determinatur. In sacramento autem altaris non oportet remanere dimensiones easdem secundum terminationem eandem: quia sic divisus speciebus non remaneret eadem dimensiones, nec per consequens idem sacramentum: sed sufficit ad substantiam sacramenti quod remaneant dimensiones eadem secundum quod (a) interminatè intelliguntur.

ARTICULUS III.

Utrum ipsum verum corpus Christi frangatur in sacramento.

Ubi supra art. 7.

1. **A**D tertium sic proceditur. Videtur quod ipsum verum corpus Christi frangatur in sacramento. Omne enim quod manducatur, masticatur, & frangitur. Sed verum corpus Christi manducatur: Ioan. vi. 57. *Qui manducat carnem meam &c.* Ergo & frangitur.

2. Præterea. Hoc sacramentum est memoriale dominicæ passionis. Sed in passione ipsum corpus Christi est perforatum clavibus, & lancea. Ergo in sacramento ipsum corpus Christi frangitur.

3. Præterea. Sicut corpus Christi est totum in qualibet parte specierum, ita forma substantialis. Sed forma substantialis materialis dividitur per accidens per divisionem specierum. Ergo & corpus Christi.

Sed contra. Quod frangitur, non manet integrum. Sed corpus Christi manet integrum, ut in littera dicitur. Ergo non frangitur.

Præterea. Omne corpus frangibile est passibile. Sed corpus Christi est impassibile,

et cum sit gloriosum. Ergo non frangitur.

QUAESTIUNCULA II.

1. Ulterius. Videtur quod nec etiam species frangantur. Signum enim debet respondere signato. Sed species sunt signum corporis Christi. Cum ergo verum corpus Christi non frangatur, nec ipsæ species franguntur.

2. Præterea. Secundum Philosophum in IV. Meteor. (text. xlii.) corporea dicuntur frangibilia, & comminabilia secundum determinatam dispositionem pororum. Sed species illæ non habent poros: quia sub omnibus partibus specierum est æqualiter corpus Christi, & sub nulla aliquid aliud. Ergo species illæ neque frangi, neque comminui possunt.

3. Præterea. In omni fractione, ea perfecta, aliud est quod continetur sub diversis partibus. Sed omnino est idem quod continetur sub diversis partibus specierum, qualitercumque disponantur. Ergo non proprie dicuntur frangi.

Sed contra. Matth. xxvi. dicitur, quod (b) Dominus benedixit, & fregit. Sed verba Evangelii non possunt esse falsa. Ergo fuit ibi fractio vera. Sed non in corpore Christi, ut probatum est. Ergo in speciebus fuit.

Præterea. Magis competit quantitati dividi quam corrumpi, vel in aliud converti. Sed hoc contingit dimensionibus ibi remanentibus, ut ex dictis patet. Ergo & frangi, sive dividi.

QUAESTIUNCULA III.

1. Ulterius. Videtur quod inconvenienter assignetur in littera significatio partium fractionis. Quia partes fractionis fractioni respondent. Sed fractio significat passionem Christi, ut in littera dicitur. Ergo partes fractionis debent significare partes vericorporis Christi, in quas per passionem divinum est corpus eius.

2. Præterea. Hoc sacramentum est maxime sacramentum unionis. Sed distinctio partium unioni opponitur. Ergo non competit in hoc sacramento significari partes distinctas corporis mystici.

3. Præterea. Hoc non videtur servari secundum communem morem Ecclesiæ quod aliqua pars usque in finem Missæ reserve-tur. Ergo secundum hoc non debet accipi significatio alicuius partis.

4. Præ-

(a) A. indeterminatè. (b) A. Deus. Nicolai Christus.

4. Præterea. Innocentius (Lib. V. de myst. Missæ cap. 111.) & Hugo de S. Vi-
sore (lib. 11. de sacr. part. v. 11. cap. 1.)
dicunt, quod pars extra calicem servata si-
gnificat beatos; & ita videtur male dice-
re, quod significat illos qui sunt in sepul-
cris.

5. Præterea. Beati remedio non indi-
gent. Sed sacramenta Ecclesiæ in reme-
dium ordinantur. Ergo non debet esse ali-
qua pars quæ beatos significet.

6. Præterea. Sicut est diversitas inter
mortuos, ita etiam inter vivos. Sed pro
mortuis ponuntur duæ partes. Ergo & pro
viviis duæ poni debent ad minus.

7. Præterea. Sicut membra distinguunt
ab invicem, ita caput distinguitur a mem-
bris. Ergo cum sint tres partes ad signifi-
candum diversitatem membrorum corporis
mystici, deberet addi & quarta ad signifi-
candum ipsum caput.

SOLUTIO I.

Respondeo quidem ad primam quæ-
stionem, quod, sicut supra dictum est, cor-
pus Christi non comparatur ad species sub
quibus continetur, mediantibus suis dimen-
sionibus; immo dimensiones eius sunt ibi
quasi ex consequenti: ideo quicquid con-
venit corpori Christi mediantibus dimen-
sionibus suis, hoc non convenit ei secundum
quod est sub sacramento. Cum ergo divi-
sio quantitativa ei convenire non possit ni-
si mediante dimensione propria, constat quod
fractione specierum ipsum corpus eius non
dividitur, neque frangitur, etiam si passi-
bile esset, sicut in cæna fuit.

Ad primum ergo dicendum, quod in
manducatione sunt multa, & fractio, sive
masticatio, & traiectio in ventrem, sive
nutritio. Primum autem convenit ipsis spe-
ciebus tantum; sed secundum & speciebus
continentibus, & corpori contento: quia
ubi sunt species, est verum corpus Christi.
Sed tertium, si loquamur spiritualiter, con-
venit corpori Christi; si autem corporaliter,
speciebus, ut dictum est. Et ideo man-
ducatio aliquo modo competit corpori Chri-
sti, sed non fractio, sive divisio.

Ad secundum dicendum, quod quia hoc
sacramentum est signum passionis Christi,
& non ipsa passio, ideo oportet quod pas-
sio quam significat fractio, non sit in cor-
pore Christi, sed in speciebus, quæ sunt si-
gnum eius.

Ad tertium dicendum, quod forma sub-
stantialis materialis aliquo modo habet or-

dinem ad dimensiones, cum dimensione;
interminatæ præintelligantur in materia an-
te formam substantialem, ut dictum est;
sed corpus Christi nequaquam: & ideo non
est simile de corpore Christi, & illis for-
mis.

SOLUTIO II.

Ad secundam quæstionem dicendum,
quod quidam dixerunt, quod fractio secun-
dum rei veritatem non erat in hoc sacra-
mento. Sed hoc non potest esse: quia frac-
tio importat passionem, sive motum quem-
dam, & multitudinem, ad quam termina-
tur motus; & utrumque horum est sensibi-
le per se. Sunt enim sensibilia communia,
quæ contra sensibilia per accidens dividun-
tur in II. de Anima (text. 1x111. 1x1v.
& 1xv.) & ita iudicium de his pertinet
ad sensitivam partem: unde cum sensus iu-
dicet fractionem, si non esset fractio, esset
falsum iudicium; quod non competit in
sacramento veritatis.

Et ideo alii dixerunt, quod est ibi frac-
tio sine subiecto. Sed hoc non potest di-
ci: quia fractio cum sit quidam motus,
secundum rationem suæ speciei, requirit
terminum a quo, & in quem: & ideo o-
portet ibi esse unum quod in multa divi-
ditur, & hoc est subiectum fractionis. Et
præterea alio; vel passio habet magis de-
bile esse quam qualitas: unde cum quali-
tates in hoc sacramento ponamus in sub-
iecto, multo fortius passionem.

Et ideo cum fractio non possit esse in
corpore Christi sicut in subiecto, ut dictum
est, oportet quod sit in speciebus.

Ad primum ergo dicendum, quod signum
respondet signato quantum ad id quod fuit,
sed non quantum ad id quod est: est enim
hoc sacramentum signum rememorativum
respectu dominicæ passionis.

Ad secundum dicendum, quod sicut den-
sitas manet in hoc sacramento, ita durities,
quæ est eius effectus; & propter hoc etiam
species illæ sonum facere natae sunt, & sic
etiam est ibi porositas invenire.

Ad tertium dicendum, quod illud despe-
ciebus quod est in una portione, non est
in alia, quia species sunt quæ franguntur:
corpus autem Christi non frangitur, quia
torum remanet sub qualibet parte: & ra-
tio huius dicta est supra dist. x.

SOLUTIO III.

Ad tertiam quæstionem dicendum, quod
sicut in hoc sacramento est duplex res fa-
cta.

eramenti, scilicet corpus Christi verum, & mysticum; ita etiam fractio duo significat, scilicet ipsam divisionem corporis veri, quae facta est in passione, & haec significatio tangitur in littera: & distributionem virtutis redemptionis Christi per diversa membra Ecclesiae, & hanc significationem tangit Dionysius in 1. cap. eccl. Hierar. Et secundum hoc accipitur significatio partium secundum diversum membrorum statum. Quia quidam sunt adhuc vivi, & hi significantur per partem quae comeditur: quia ipsi atteruntur diversis poenalitibus, & sunt in ipso motu, ut incorporentur Christo. Quidam autem sunt mortui, & hi sunt in duplici statu. Quia quidam in plena participatione beatitudinis, & hoc est corpus Christi quod iam surrexit, sicut ipse Christus, & beata Virgo; & hi significantur per partem in calice missam, quia illi inebriantur ab ubertate domus Dei. Quidam autem sunt in expectatione plenae beatitudinis, qui vel stolam animae tantum habent, vel neutram, ut hi qui sunt in purgatorio; & hi significantur per tertiam partem quae reservatur usque in finem: quia hi perfectam gloriam consequuntur in fine mundi, & interim in speciebus quiescunt.

Ad primum ergo dicendum, quod ipsum corpus Christi verum significat corpus Christi mysticum: unde & partes corporis veri significant partes corporis mystici.

Ad secundum dicendum, quod ista unio facta est per passionem Christi: & ideo oportet quod sit in hoc sacramento fractio, quae passionem significet.

Ad tertium dicendum, quod talis mos fuit in primitiva Ecclesia, qui tamen modo cessavit propter periculum; nihilominus remanet eadem significatio partium.

Ad quartum dicendum, quod non est inconveniens per idem diversa significari secundum suas proprietates diversas: unde & calix passionem significat in quantum inebriat: & sic procedit significatio quam ponit Innocentius, quia pars extra calicem significat eos qui sunt extra passionem praesentis miseriae, & pars in calice missa eos qui praedictis passionibus opprimuntur; sed in quantum potus calicis delectat, significat gaudium aeternitatis: & ita procedit significatio in littera posita, quae continetur sub his versibus.

Hostia dividitur in partes. Tincta beatur,

Plena sicca notat vivos, servata sepul-
102.

Ad quintum dicendum, quod hoc sacramentum non solum est in remedium, sed etiam in gratiarum actionem: & ideo quavis beati non consequuntur aliquid remedium in isto sacramento, quia tamen est in gratiarum actionem pro eorum gloria, conveniens fuit ut & ipsi in hoc sacramento significarentur.

Ad sextum dicendum, quod omnes vivi indigent hoc sacramento ad remedium, sed non omnes mortui: & ideo pro mortuis ponuntur duae partes, sed pro vivis una tantum. Vel dicendum, quod duae ponuntur pro vivis, una pro vivis in hoc saeculo, & alia pro vivis in gloria, qui resurrexerunt; & pro omnibus qui adhuc non resurrexerunt, una tantum.

Ad septimum dicendum, quod resurrectio membrorum est conformis resurrectioni capitis: quia *reformabis corpus humilitatis nostrae configuratum corpori claritatis suae*: Philip. 1. 11. 21. & ideo eadem parte significatur & caput, & membra ei perfecte configurata.

QUAESTIO II.

Deinde queritur de effectu huius sacramenti: & circa hoc queruntur duo.

Primo. De effectu eius quantum ad consecutionem boni.

Secundo. De effectu eius quantum ad remotionem mali.

ARTICULUS I.

Utrum per hoc sacramentum augeantur virtutes.

III. P. quest. lxxix. art. 1. ad 2.

1. **A**D primum sic proceditur. Videtur quod per hoc sacramentum non augeantur virtutes. Quia diversarum causarum diversum sunt effectus. Sed augmentum virtutis est effectus baptismi, & etiam confirmationis, ut supra dictum est. Ergo non non est effectus eucharistiae.

2. Praeterea. Per augmentum caritatis ad perfectionem caritatis venit. Si ergo per hoc sacramentum caritas, & aliae virtutes augerentur, toties posset sumi quod homo in hac vita ad perfectam caritatem veniret, & ad

& ad summum gradum ipsius; quod non est nisi in patria, ut Augustinus dicit.

3. Præterea. Omnes virtutes augumentur. Si ergo augmentum virtutum est effectus huius sacramenti, non magis deberet poni effectus augmentum caritatis quam aliarum virtutum.

Sed contra. Nihil spiritualiter perficitur, nisi per augmentum virtutum. Sed secundum Dionysium (de eccles. hier. cap. 11.) eucharistia habet virtutem perfectivam. Ergo effectus eius est virtutis augmentum.

Præterea. Effectus huius sacramenti est plenitudo gratiæ, ut patet in oratione canonis: *Quotquot ex hac altaris participatione sumpsimus, omni benedictione celesti, & gratia repleamur*. Sed ad plenitudinem gratiæ per augmentum virtutis pervenitur. Ergo idem quod prius.

QUAESTIUNCULA II.

1. Ulterius. Videtur quod hoc sacramentum proficit etiam beatis ad augmentum gloriæ. In collecta enim beati Leonis Patris, ut Innocentius dicit (extra de celebratione Miss. cap. *Gum Martia*, circa finem) ita dicitur: *Annue nobis Domine, ut anima famuli tui Leonis hec proficiat oblatio*. Sed constat beatum Leonem in gloria esse. Ergo prodest beatis ad gloriæ augmentum.

2. Præterea. Hoc sacramentum offertur etiam pro parvulis decedentibus in innocentia baptismali. Sed constat quod tales ad gloriam transeunt. Ergo prodest etiam hoc sacramentum ad augmentum gloriæ.

Sed contra. Sacramenta Ecclesiæ non proficiunt alicui qui non sit in statu proficiendi. Sed sancti in patria existentes non sunt in statu proficiendi, cum sint in termino profectus. Ergo eis eucharistia non prodest.

QUAESTIUNCULA III.

1. Ulterius. Videtur quod effectus huius sacramenti non possit impediri, nisi per peccatum mortale. Quia, sicut Ambrosius in littera dicit, spiritualiter manducat qui innocentiam ad altare portat. Sed quicumque sine peccato mortali accedit, portat innocentiam ad altare: quia venialia peccata innocentiam non tollunt. Cum ergo spiritualiter manducans effectum sacramenti percipiat, videtur quod effectum sacra-

menti non possit impediri nisi per peccatum mortale.

2. Præterea. Baptismus non est nobilior sacramentum quam illud. Sed nihil impedit effectum baptismi nisi peccatum mortale. Ergo nec effectum huius sacramenti.

3. Præterea. Peccatum veniale non facit scilum. Sed sola scilum impedit sacramentorum effectum. Ergo solum peccatum mortale impedit sacramenti effectum.

Sed contra. Nullus percipit effectum huius sacramenti, nisi qui accedit sicut accedendum est. Sed aliquis debet accedere ad hoc sacramentum cum diligenti conscientie suæ examinatione, ut patet 1. Corinth. xi. Cum ergo sine peccato mortali possit hoc prætermitti, videtur quod sine peccato mortali possit effectus huius sacramenti impediri.

Præterea. Ad hoc quod aliquis adultus gratiam recipiat, oportet quod se ad gratiam habendam præparaverit. Sed hanc præparationem contingit sine peccato mortali impediri. Ergo sine peccato mortali contingit impediri effectum huius sacramenti.

SOLUTIO I.

Respondeo dicendum ad primam questionem, quod proprius effectus cuiuslibet sacramenti debet assumi ex similitudine ad materiam illius sacramenti, sicut expurgatio veteris vitæ est effectus baptismi per ablutionem aquæ significata. Et ideo cum materiale in hoc sacramento sit cibus, oportet quod effectus proprius huius sacramenti accipiat secundum similitudinem ad effectum cibi. Cibus autem corporalis primo in cibatum convertitur, & ex tali conversione perditur restauratur, & quantitas augeat; sed spiritualis cibus non convertitur in manducantem, sed eum ad se convertit. Unde proprius effectus huius sacramenti est conversio hominis in Christum, ut dicat cum Apostolo Galar. 11. *Christus ego, iam non ego; vivit vero in me Christus*: & ad hoc sequuntur duo effectus, augmentum spiritualis quantitatis in augmentum virtutum, & restauratio perditorum in remissione venialium, vel reparatione cuiuscumque defectus præcedentis.

Ad primum ergo dicendum, quod augmentum dicitur dupliciter. Uno modo com-

EX EDIT. P. NICOLAI.

* Lib. de perfectione lustris cap. 117. & refertur in Glossa 1. Corinth. xxi. ad illa verba, cum veneris quod perfectum est &c.

communiter, prout invenitur in viventibus, & non viventibus, secundum quod quilibet additio augmentum facit; & hoc modo virtutes augentur per omnia sacramenta quæ gratiam inveniunt in subiecto, ex eo quod ipsa de se nata sunt gratiam causare. Alio modo augmentum dicitur proprie, prout est in viventibus ex conjunctione nutrimenti; & talis modus augmenti virtutum est proprius huic sacramento.

Ad secundum dicendum, quod duplex est perfectio caritatis, scilicet viz, & patriæ: & quamvis non possit hoc sacramentum existentes in via perducere ad perfectionem patriæ propter diversum statum, potest tamen perducere ad perfectionem viz. Per augmentum enim caritatis ad perfectionem patriæ in via pervenire non possumus.

Ad tertium dicendum, quod caritatis proprium est transformare amantem in amatum, quia ipsa est quæ extasim facit, ut Dionysius dicit (de divin. Nom. cap. vii.) Et quia augmentum virtutum in hoc sacramento fit per conversionem manducantis in spiritualem cibum, ideo magis attribuitur huic sacramento caritatis augmentum quam aliorum virtutum.

SOLUTIO II.

Ad secundam quæstionem dicendum, quod gloria comprehendit sanctorum præmium; quod quidem est duplex, scilicet essentialia gaudium quod de Divinitate habent, & accidentale, idest gaudium quod habent de quocumque bono creato. Quantum autem ad præmium essentialia, secundum probabilior opinionem, eorum gloria augeri non potest; sed quantum ad præmium accidentale usque ad diem iudicii augeri potest; alioquin tunc non augetur gaudium de gloria corporis: unde de omnibus beneficiis eis gloria accrescit: quia *gaudium est Angelis Dei super uno peccatore poenitentiam agere*: Luc. xv. 10. & ita etiam de omnibus quæ in Dei honorem sunt, gaudent, & maxime de his in quibus de eorum gloria Deo gratias agimus. Unde simpliciter loquendo, hoc est quantum ad essentialiam gloriæ, hoc sacramentum non auget in beatis gloriam; sed secundum quid, scilicet quantum ad accidentale præmium, auget.

Ad primum ergo dicendum, quod sicut Innocentius solvit, ubicumque talis loquendi modus invenitur, ita debet intelligi, ut

ad hoc proficit ut a fidelibus magis ac magis glorificetur in terris.

Ad secundum dicendum, quod pro pueris baptizatis Missarum solemnia celebrantur, non quia eis iuventur quantum ad remissionem alicuius culpæ, vel quantum ad augmentum gloriæ, sed propter alias rationes: tum propter solatium vivorum: tum ad offendendum parvulos ad unitatem corporis mystici pertinere, dum idem modus exequiarum servatur in ipsis, & in aliis; tum ad commendandum redemptionis mysterium, quod in hoc sacramento commemoratur, per quod parvuli sine proprio merito salutem consequuntur æternam.

SOLUTIO III.

Ad tertiam quæstionem dicendum, quod omnis perfectio acquirenda impeditur per remotionem propriæ dispositionis. Sicut autem dispositiones materiales se habent ad perfectionem formæ, ita actus se habent ad perfectionem finis: unde cum hoc sacramentum perficiat coniungendo finem, ut supra dictum est, ad hoc quod effectum suum plene habeat in fumento, oportet quod adsit actualis devotio. Et quia interdum absque mortali peccato actualis devotio impediri potest, cum distractiones variz ipsam impediunt, & peccata venialia virtutum actum tollant; absque peccato mortali potest effectus huius sacramenti impediri, ita quod aliquis augmentum gratiæ non consequatur; nec tamen reatum peccati mortalis incurrit, sed forte reatum venialis peccati, ex hoc quod imparatus accedit.

Ad primum ergo dicendum, quod innocentiam portans spiritualiter manducati habitu, sed non semper actu: & ad hoc quod effectum sacramenti percipiat, oportet quod actu spiritualiter manducet.

Ad secundum dicendum, quod in baptismo datur primum esse spirituale: & ideo effectus eius non impeditur nisi per propositum peccati mortalis committendi, quod directe virtutis spirituali opponitur. Sed in hoc sacramento fit coniunctio ad finem, quæ debet esse per debitam operationem: & ideo defectus talis operationis impedit effectum huius sacramenti.

Ad tertium dicendum, quod quamvis peccatum veniale non faciat sctum simpliciter, facit tamen sctum quo ad aliquid. Nec tamen dicendum, quod omne peccatum veniale impedit effectum huius sacramenti, sed solum illud quod tollit actualem devotionem quæ exigitur in hoc sacramento.

A R.

ARTICULUS II.

Utrum virtute huius sacramenti venialia peccata dimittantur.

III. P. quæst. lxxix. art. 3. 4. 5.

1. **A**D secundum sic proceditur. Videtur quod virtute huius sacramenti venialia peccata non dimittantur. Quia enim ratione dimittitur unum, & aliud. Sed omnia non dimittuntur: quia sic aliquis esset frequenter absque omni veniali peccato; quod est contra illud quod dicitur I. Ioan. 1. 8. *Si dixerimus quod peccatum non habemus, nosmetipsos seducimus.* Ergo non delet aliquod peccatum veniale.

2. Præterea. Peccatum non deletur, nisi per id quod habet oppositionem ad ipsum. Sed veniale peccatum non habet oppositionem ad gratiam, quam hoc sacramentum confert. Ergo virtute huius sacramenti venialia non dimittuntur.

3. Præterea. Baptismus, quia dimittit omnia peccata mortalia, & venialia, non requirit luctum exteriorem. Si ergo in hoc sacramento venialia peccata dimittantur, non requiritur quod post sumptionem huius sacramenti aliquis faceret pœnitentiam de peccatis venialibus; quod falsum est.

Sed contra. Innocentius dicit (Lib. IV. de myster. Missæ cap. xlv.) quod hoc sacramentum venialia delet, & cavet mortalia.

Præterea. Ut ex verbis Ambrosii in littera positis accipi potest, hoc sacramentum datur in remedium quotidianæ infirmitatis. Sed quotidiana peccata dicuntur venialia. Ergo hoc sacramentum tollit venialia.

QUÆSTIUNCULA II.

1. Uterius. Videtur quod etiam virtute huius sacramenti dimittantur mortalia. Dicitur enim in collecta illa: *Purificent nos, quæsumus (a) Domine, sacramenta quæ sumpsimus: & mox: Præsta ut hoc tuum sacramentum sit ablutio scelerum.* Sed scelera dicuntur mortalia peccata. Ergo delet peccata mortalia.

2. Præterea. Hoc sacramentum expressius passionem Christi repræsentat quam baptismus. Sed baptismus virtute passionis in eo operantis delet peccata mortalia. Ergo & hoc sacramentum.

3. Præterea. Minima gratia sufficit ad delendum omnia mortalia. Sed hoc sacra-

S. Tb. Ojer. Tom. XII.

(a) Al. Domine &c. sit ablutio scelerum.

mentum gratiam confert. Ergo mortalia delet.

4. Præterea. Hoc sacramentum magis operatur in fumente, quam in alio; alias frustra quis assumeret. Sed offertur sacrificium Ecclesiæ pro aliquibus impiis, ut convertantur, & non frustra. Ergo & in ipso qui sumit, mortalia peccata delet.

Sed contra. Augustinus ad Renatum (Lib. de origine animæ cap. ix.) *Quis offerat corpus Christi nisi pro his qui sunt membra Christi?* Sed illi qui sunt membra Christi, non habent peccatum mortale. Ergo virtute huius sacramenti non delentur mortalia.

Præterea. Hoc sacramentum non habet aliquem effectum in indigne accedentibus. Sed quicumque accedit cum mortali, indigne accedit. Ergo non percipit effectum huius sacramenti, & ita non delet mortalia.

QUÆSTIUNCULA III.

1. Uterius. Videtur quod remittat pœnam peccati mortalis. Deus enim priorior est ad miserendum quam ad puniendum, ut dicit Glossa in principio Hier. Sed indigne accedens incurrit reatum pœnæ mortalis peccati. Ergo digne accedens ab eo absolvitur.

2. Præterea. Hoc sacramentum non minus valet vivis quam mortuis. Sed mortuis valet ad remissionem pœnæ, quia ad hoc pro eis offertur. Ergo multo magis vivis.

3. Præterea. Veritas est maioris efficaciz quam figura. Sed sacrificia veteris testamenti in satisfactionem pro peccatis mortalibus offerebantur. Ergo multo fortius & hoc, cuius sunt illa figura; & sic remittit mortalium pœnam.

Sed contra. Quicumque non est debitor pœnæ, statim moriens evolat. Si ergo hoc sacramentum pœna mortalis peccati dimitteretur, quilibet mortuus hoc sacramento ex hac vita discedens, evoleret; quod falsum est.

Præterea. Satisfactio non exigitur nisi ad dimissionem pœnæ. Si ergo hoc sacramentum dimitteretur pœna, omnis alia satisfactio tolleretur; quod est inconveniens.

SOLUTIO I.

Respondeo dicendum ad primam quæstionem, quod virtute huius sacramenti fit quedam transformatio hominis ad Christum per amorem, ut dictum est; & hoc

O o est

est proprius eius effectus. Et quia ex fervore caritatis peccata venialia dimittuntur, propter hoc quod dicto fervori contrariantur, ideo ex consequenti virtute huius sacramenti venialia delentur.

Ad primum ergo dicendum, quod tantus potest esse devotionis fervor, quod omnia venialia peccata deleat. Neque est inconveniens quod aliqua hora homo sit abique omni peccato veniali; quamvis hoc diu durare non possit propter difficultatem vitandi peccata venialia. Nec ramen oportet quod semper omnia peccata venialia deleat, sed secundum mensuram devotionis: quia non est proximus effectus eius deletio venialium, sed ex consequenti, ut ex dictis patet.

Ad secundum dicendum, quod in hoc sacramento non solum confertur gratia habitualis, sed excitatur fervor actualis devotionis: & ideo gratie huius sacramenti non solum mortalia, sed etiam venialia opponuntur.

Ad tertium dicendum, quod baptizatus habet pro principali effectu delere peccatum, & ideo quando non impeditur, delet omnia; sed non est ita in hoc sacramento, & ideo ratio non sequitur.

SOLUTIO II.

Ad secundam questionem dicendum, quod effectus sacramenti, ut dictum est, respondet his quae exterius in sacramento geruntur. Exterius autem usus huius sacramenti est per manducationem, quae non debetur nisi rei viventi: & ideo effectus huius sacramenti praesupponit vitam in sumente. Et quia peccatum mortale vitam spiritualem tollit, ideo hoc sacramentum non est ad abluenda peccata mortalia in sumentibus, sed illos solum defectus qui cum vita esse possunt.

Ad primum ergo dicendum, quod, sicut Innocentius dicit, huiusmodi locutiones sunt improprie. Dicitur enim hoc sacramentum scelera, vel crimina abluere, vel tollere, in quantum ea impedit, contra ipsa robur ministrando. Vel dicendum, quod in aliquo potest esse peccatum mortale, quod eius conscientiam non habet; & talis si devote accedit, veniam consequitur, ut supra dist. ix. (quæst. i. art. 3. quæstiunc. 2.) dictum est.

Ad secundum dicendum, quod baptizatus non solum exprimit passionem Christi, sed etiam facit baptizatum Christo commeri. Et quia corruptio unius est ge-

neratio alterius; generatio autem est motus in vitam, & non praesupponit vitam, sed privationem eius: ideo per baptismum possunt peccata mortalia dimitti virtute passionis, non autem per eucharistiam, per cuius assumptionem homo non significatur commori Christo, sed fructu mortis Christi refici, quod vitam praesupponit.

Ad tertium dicendum, quod gratia quam eucharistia confert, quantum est de se, habet virtutem mortalia delendi. Sed ratione ordinis quem habet ad vitam quam praesupponit, mortalia invenire non potest, & ideo nec ea delere. Si autem inveniat in subiecto, non in conscientia, nihilominus ea delet.

Ad quartum dicendum, quod eucharistia non solum est sacramentum, sed etiam est sacrificium. In quantum autem est sacramentum, habet effectum in omni vivente, in quo requirit vitam praexistere. Sed in quantum est sacrificium, habet effectum etiam in aliis, pro quibus offertur, in quibus non praexistit vitam spiritualem in actu, sed in potentia tantum: & ideo si eos dispositos inveniat, eis gratiam obtinet virtute illius veri sacrificii, a quo omnis gratia in nos influxit, & per consequens peccata mortalia in eis delet, non sicut causa proxima, sed in quantum gratiam contritionis eis impetrat. Et quod in contrarium dicitur, quod non offertur nisi pro membris Christi, intelligendum est pro membris Christi offerri, quando offertur pro aliquibus, ut sint membra.

SOLUTIO III.

Ad tertiam questionem dicendum, quod eucharistia, in quantum est sacramentum, ut dictum est, pro principali effectu habet unionem hominis ad Christum: & ideo per modum sacramenti non aufert nisi ea quae in habente vitam huic unioni opposita invenit. Pena autem peccato mortali debita, quod iam deletum est, non est huiusmodi: ideo in quantum est sacramentum, non habet effectum poenae mortalis dimissionem, sed in quantum est sacrificium accipit rationem satisfactionis; & secundum hoc in parte, vel in toto poenam tollit, sicut & aliae satisfactiones secundum mensuram poenae debite pro peccato, & devotionis qua sacramentum offertur. Nec tamen semper virtute huius sacramenti tota poena tollitur.

Ad primum ergo dicendum, quod indigne accedens cum conscientia mortalis peccati,

erati, mortaliter peccat: & ideo reatum pœnæ debitæ mortali peccato incurrit. Digne autem accedens mereatur vitam æternam, ad quam meritum ordinatur, sicut mortale peccatum ad pœnam. Non autem ordinatur meritum directe principaliter ad remissionem pœnæ; & ideo ratio non procedit.

Ad secundum dicendum, quod non totaliter semper auferitur pœna per hoc sacrificium illis qui sunt in purgatorio, nec auferebatur in veteri lege per antiqua sacrificia.

Unde patet solutio ad tertium.

QUÆSTIO III.

DEinde quæritur de frequentatione huius sacramenti: & circa hoc quæruntur duo.

Primo. De frequentatione.

Secundo. De cessatione.

ARTICULUS I.

Utrum debeat homo frequentare hoc sacramentum, vel semel tantum in vita sua sumere.

III. P. quæst. lxxx. art. 30.

1. **A**D primum sic proceditur. Videtur quod non debeat homo frequentare hoc sacramentum, sed semel tantum in vita sua sumere. Iniuriam enim facit sacramento qui sacramentum iterat. Sed rei digniori minus facienda est iniuria. Cum ergo hoc sacramentum sit dignius aliis quibuscumque, quæ non iterantur, videtur quod non nisi semel accipi debeat.

2. Præterea. Apostolus probat Hebr. x. ex unitate hostiæ, vel passionis Christi, unitatem baptismi. Sed hoc sacramentum magis convenit cum passione Christi, in quantum est hostia, quam baptismus. Ergo cum baptismus semel tantum percipitur, & hoc sacramentum semel tantum debet percipi.

Sed contra. Cum frequentatione mysteriorum crescit nostræ salutis effectus, ut in collecta dicitur. Sed ad hoc debemus niti ut effectus salutis in nobis crescat. Ergo debemus frequenter sumere.

QUÆSTIUNCULA II.

1. Uterius. Videtur quod qualibet die.

(2) Al. deest quæstio.

Ambrosius enim dicit (Lib. V. de sacram. cap. xv.) *Iste panis quotidianus est: accipe quotidianus quod (2) quotidie tibi prodest.*

2. Præterea. Isto sacramento excitatur fervor caritatis, quæ homo Christo unitur. Sed hoc expedit ut quotidie fiat. Ergo quotidie communicandum est.

Sed contra est quod Augustinus (Genadii) dicit in Lib. de eccl. dogmat. (cap. lxxx.) *Quotidie eucharistiam sumere nec laudo, nec visupero.* Ergo non est quotidie communicandum.

QUÆSTIUNCULA III.

1. Uterius. Videtur quod sit semel in anno communicandum tantum. Quia agnua paschalis signum fuit huius sacramenti. Sed sumebatur tantum semel in anno. Ergo & hoc sacramentum debet semel in anno tantum percipi.

2. Præterea. Hoc sacramentum est memoriale dominicæ passionis. Sed passionem Domini commemorat Ecclesia semel in anno. Ergo tunc tantum debet esse tempus communicandi.

Sed contra est quod dicit Fabianus Papa (ut refertur de cons. dist. 11. cap. Et si) *Et si non pluries, versalem in anno communicent homines, scilicet in pascha, pentecoste, & natali Domini.*

QUÆSTIUNCULA IV.

1. Uterius. Videtur quod homo possit una die pluries communicare. Quia maius est celebrare quam communicare. Sed sacerdos potest una die celebrare pluries, si necesse sit. Ergo & alius fidelis potest pluries communicare.

2. Præterea. Quotiescumque agnitas corporalis iteratur, extrema unctio potest iterari. Sed eucharistia ordinatur contra agnitudinem peccatorum venialium, quæ uno die pluries iterantur. Ergo una die potest homo pluries communicare.

Sed contra est quod dicitur de consecr. dist. 1. (cap. Sufficit) *Sufficit sacerdos semel in die Missam celebrare: quia Christus semel passus est. & totum mundum redemit.* Ergo etiam semel tantum in die debet quis communicare.

SOLUTIO I.

Respondetur dicendum ad primam quæstionem, quod ea quæ in hoc sacramento geruntur, habent similitudinem cum his quæ accidunt in corporali nutrimento. Quia

O o 2 enim

enim fit quasi continua deperditio naturalis humiditatis per actionem caloris naturalis, & exercitium laboris, ideo oportet frequenter corporalem cibum assumere ad restaurationem deperditi, ne perditio continua mortem inducat. Similiter etiam ex concupiscentia innata, & occupatione circa exteriora fit deperditio devotionis, & fervoris, secundum quod homo in Deum colligitur: unde oportet quod pluries deperdita restaurentur, ne homo totaliter alienetur a Deo.

Ad primum ergo dicendum, quod perfectio huius sacramenti, ut dictum est (dist. viii. quæst. i. art. i. quæstion. r.) consistit in consecratione materię, non in usu ipsius: & ideo consecratio non repetitur super eandem materiam propter reverentiam sacramenti, sed usus potest repeti.

Ad secundum dicendum, quod baptismus repræsentat illam hostiam, secundum quod facit in nobis spiritualem vitam: & quia generatio uniuscuiusque non est nisi semel, ideo baptismus non repetitur. Sed eucharistia repræsentat illam hostiam, secundum quod reficit: & ideo oportet quod frequenter sumatur.

SOLUTIO II.

Ad secundam quæstionem dicendum, quod in hoc sacramento duo requiruntur ex parte recipientis; scilicet desiderium coniunctionis ad Christum, quod facit amor; & reverentia sacramenti, quæ ad donum ritoris pertinet. Primum autem incitat ad frequentationem huius sacramenti quotidianam, sed secundum retrahit. Unde si aliquis experimentaliter cognosceret ex quotidiana sumptione fervorem amoris augeri, & reverentiam non minui, talis deberet quotidie communicare; si autem sentiret per quotidianam frequentationem reverentiam minui, & fervorem non multum augeri, talis deberet interdum abstinere, ut cum maiori reverentia, & devotione postmodum accederet. Unde quantum ad hoc unusquisque relinquendus est iudicio suo; & hoc est quod Augustinus dicit (epist. cxviii. cap. xii.) *Si dixeris quispiam, non quotidie accipiendam esse eucharistiam, alius affirmat quotidie sumendam; faciat unusquisque quod secundum fidem suam pie credit esse faciendum; & probat per exem-*

plum Zachari, & Centurionis: quorum unus recipit Dominum gaudens (Luc. xix.) alius dicit (Matth. viii. 8.) *Non sum dignus ut intres sub telum meum: & uterque misericordiam consecutus est.*

Et per hoc patet solutio ad obiecta.

SOLUTIO III.

Ad tertiam quæstionem dicendum, quod secundum diversos status fidei diversus mos de hoc inolevit. Nam in primitiva Ecclesia, quando vigeat devotio maior ex propinquitate passionis Christi, & erat maior impugnatio ab infidelibus, quia hæc mensa adversus tribulationes Ecclesię preparatur, quotidie communicandum fidelibus indicabatur: unde Calixtus Papa * dicit: *Pascha consecratione omnes communicent, quæ volunt ecclesiasticis carere liminibus. Sic enim Apostoli statuerunt.* Postmodum indicium fuit ut saltem ter in anno communicarent, ut dictum est, propter solemnitatem illorum dierum. Sed postmodum arctatum est, ut saltem semel in anno, scilicet in pascha, communicent: & ad hoc etiam multi idonei non inveniuntur. Et quamvis statutum Ecclesię non liceat præterire, tamen licet pluries communicare. Unde Augustinus (Gennadius ubi supra) laudat omnibus diebus dominicis communicandum esse: & ita pluries in anno potest communicare quis.

Ad primum ergo dicendum, quod agnus paschalis fuit figura huius sacramenti ratione passionis Christi, quæ semel tantum facta est, & ideo semel tantum in anno sumebatur; sed manna, quod fuit figura huius sacramenti, in quantum hoc sacramentum est cibus fidelium, quolibet die sumebatur.

Ad secundum dicendum, quod Ecclesia tempore passionis recolit ipsam passionem secundum se, & ideo semel in anno tantum recolit; sed in hoc sacramento recolitur passio, secundum quod per ipsam reficimur: & quia tali refectioe pluries indigemus, ideo pluries hoc modo recolitur dominica passio.

SOLUTIO IV.

Ad quartam quæstionem dicendum, quod homo non debet pluries in una die communicare, ut saltem quantum ad unam diem

EX EDIT. P. NICOLAI.

* Quod sequitur ex Calixto, refertur quidem ut ex Calixto dist. xi. de consecr. cap. *Pascha*. ex Amacio tamen dist. i. de consecr. cap. *Episcopus*, & ex eodem refert D. Thomas III. P. quæst. ix. art. 30.

diem representetur unitas dominicæ passionis, & ut quantum ad aliquod reverentia sacramento exhibetur semel sumendo.

Ad primum ergo dicendum, quod sacerdos est quasi persona publica, & ideo oportet quod non solum pro se, sed etiam pro aliis celebret: & ideo necessitate cogente potest pluries celebrare in die. Sed non est eadem ratio de illis qui non sumunt nisi ratione sui.

Ad secundum dicendum, quod sunt alia remedia quibus peccatum veniale expiari potest: unde non oportet ut ad ea expianda homo pluries in die communicet.

ARTICULUS II.

Utrum liceat omnino a communione cessare.

III. P. quæst. lxxx. art. 11.

1. **A**D secundum sic proceditur. Videtur quod liceat omnino a communione cessare. Quia nullus tenetur nisi ad ea que sunt necessitatis. Sed hoc sacramentum, ut supra dist. ix. (quæst. 1. art. 7. quæstionc. 2.) dictum est, non est necessitatis. Ergo aliquis potest omnino a sacramenti sumptione cessare.

2. Præterea. Quod fit ad reverentiam Dei non est peccatum. Sed aliquis potest ex reverentia sacramenti omnino cessare. Ergo si omnino cesset, non est peccatum.

3. Præterea. Augustinus dicit (epist. cxviii. cap. iiii.) quod de sumptione huius sacramenti debet quilibet facere quod pie credit faciendum esse. Ergo non peccat, si omnino cesset, & putat hoc esse faciendum.

Sed contra est quod Innocentius dicit (mysterium Missæ lib. IV. cap. xlii.) *Cavendum est ne si nimium huius sacramenti sumptio differatur, mortis periculum incuratur.* Ergo si omnino cessatur, est mortiferum.

Præterea. Statutum est Ecclesiæ, ut saltem semel in anno fideles communicent. Ergo qui omnino cessat, peccat.

QUÆSTIUNCULA II.

r. Uterius. Videtur quod ille qui consecrat, possit a communione cessare. Quia ubi est maior necessitas, ibi secundum ordinem debirum caritatis est magis subveniendum. Sed potest contingere quod postquam sacerdos consecraverit, aliquis infirme-

tur ad mortem, & instanter petat corpus Christi in ultima necessitate constitutus. Ergo cum sit hoc sacramentum caritatis, debet sacerdos ipse a communione desistere, & infirmo dare.

2. Præterea. Gravius est peccatum peccato superaddere quam unum simplex peccatum committere. Sed habens conscientiam peccati mortalis peccat consecrando, peccat etiam communicando. Ergo ex quo consecravit, debet saltem a sumptione cessare.

3. Præterea. Communicatio corporis Domini, & sanguinis æqualiter debetur omnibus membris Christi. Sed aliis datur corpus Christi sine sanguine. Ergo sacerdos saltem a sumptione sanguinis abstinere potest.

Sed contra est quod dicitur de consecr. dist. 11. cap. *Relatum* (ex Concilio Tolitano XII. cap. v.) ubi reprobatum eorum error qui volebant consecrare corpus Christi, & non sumere.

Præterea. Hoc idem videtur ex verbis Domini, quibus dixit hoc sacramentum institui: *Accipite, & comedite*: Matth. xxvi. 26.

QUÆSTIUNCULA III.

1. Uterius. Videtur quod laudabilius sit abstinere ab hoc sacramento quam accedere. Quia (a) ad Deum maxime per humilitatem appropinquamus. Sed quod homo ex reverentia sacramenti a communione desistit, humilitatis est. Ergo hoc videtur magis meritorium, & fructuosum, quam etiam sumere.

2. Præterea. Caritatis vera est magis Dei gloriam quam commodum proprium querere. Sed iste qui abstinet, videtur propter gloriam Dei facere quam reveretur; qui autem sumit, propter proprium commodum facere, quia fructum sacrum querit. Ergo illud est perfectioris caritatis, & ita magis meritorium.

Sed contra. In aliis sacramentis ei cui licet sacramentum accipere, melius est accipere quam desistere. Sed hoc sacramentum dignius est aliis. Ergo multo melius est homini purato accipere quam ex reverentia desistere.

SOLUTIO I.

Respondeo dicendum ad primam quæstionem, quod nulli licet omnino a communione cessare: quia Ecclesia statuit tempus in quo fideles communicare debeant: unde qui omnino desistunt, efficiuntur rei transgressi.

(2) vel. ad cum.

gressione præcepti. Institutio autem Ecclesie fuit necessaria: quia enim in quotidiana pugna sumus, vita spiritualis in nobis evanesceret, nisi aliquando cibum vite sumeremus.

Ad primum ergo dicendum, quod hoc sacramentum de sui institutione prima, quamvis non sit de necessitate salutis, tamen ex institutione Ecclesie necessarium efficitur: & sine hoc etiam necessarium esset non simpliciter, ut sine quo non esset salus, sed ex suppositione finis, si scilicet homo in vita spirituali firmus persistere vellet.

Ad secundum dicendum, quod reverentia debita Deo in hoc exhibetur quod homo non se nimis divinis ingerat supra suum modum; sed quod homo omnino se subtrahat, hoc est contemptus, & pusillanimitatis.

Ad tertium dicendum, quod verbum Augustini referendum est ad hoc quod quotidie sumatur, vel non; non autem ad hoc quod omnino quis desistat.

SOLUTIO II.

Ad secundam questionem dicendum, quod semper ille qui consecrat, debet sumere corpus, & sanguinem Christi, nisi impediatur vel per violentiam, vel per mortem, vel per infirmitatem, vel aliquid huiusmodi: cuius ratio potest sumi ex parte ipsius sacramenti, quod in ipsa sumptione complementum suæ significationis accipit: quia, ut dicit Augustinus, * dum sanguis in ore fidelium de calice funditur, sanguinis effusio de latere Christi designatur: & etiam complementum suæ efficacis, quia ultimum effectum proprium habet in hoc quod sumitur. Ut ergo sacramentum sit perfectum, oportet illum qui sacramentum celebravit, communicare. Potest etiam sumi ratio ex parte ipsius consecrantis: quia cum ipse sit aliis dispensator divinarum, debet primo in participatione divinarum fieri, ut Dionysius dicit in 11. cap. eccles. Hierar.

Ad primum ergo dicendum, quod in tali casu non oportet quod sacerdos communionem intermitat, sed potest dare infirmo petenti partem hostie consecratæ.

Ad secundum dicendum, quod magis peccaret non sumendo, quia sacrilegium committeret pervertens ritum sacramentorum. Nec tamen est perplexus: quia potest ad Deum converti, & conteri; & tunc sine periculo in tali articulo sumet.

Ad tertium dicendum, quod perfectio sacramenti huius in utroque consistit, ut ex supra dictis patet: & ideo sacerdos celebrans qui alterum tantum sumeret, imperfecte sacramentum perageret: unde reus sacrilegii secundum canones iudicatur, de consec. dist. 11. cap. (& est Camperinus Gelasii Papæ.) (a) Secus est autem de aliis qui non perficiunt sacramentum: quia eis subtrahitur sanguis propter effusionis periculum: unde & sacerdos in parasceve, quando non consecrat, corpus sine sanguine sumit.

SOLUTIO III.

Ad tertiam questionem dicendum, quod in his quæ sunt ex genere suo bona, peccatum non accidit, nisi ex aliquo accidente, dum inordinate explentur: & ideo (b) ea perficere per se bonum est, sed abstinere ab eis non est bonum nisi ratione accidentis alicuius. Unde cum eucharistiam accipere sit bonum ex genere, assumere eam est bonum per se, abstinere est bonum per accidens, inquantum scilicet timetur ne inordinate sumatur. Ex qua quod est per se, præiudicat ei quod est per accidens, ideo simpliciter loquendo, melius est eucharistiam sumere quam ab ea abstinere; sed in casu aliquo nihil prohibet esse melius abstinere, quando aliquis probabiliter præsumit ex sumptione reverentiam minui. Si autem hæc duo ad invicem comparemus, adhuc invenitur prævalere sumptio sacramenti abstinentiæ a sacramento, tum ratione effectus sacramenti, tum ratione præparationis, quantalacumque sit, tum etiam ratione virtutis elicientis actum: quia sumere videtur esse caritatis, in qua radix meriti consistit, abstinere autem timoris; amor autem timori prævalet.

Ad primum ergo dicendum, quod caritas

(a) Nicolaus addit: ubi statim Gelasius Papa contra quosdam qui post sacri corporis portionem, sacro qua suppositione obstricti, a calice sacri crucoris abstinabant, quod vel integra sumant sacramenta, vel ab integris arceantur: quia divise unius eiusdemque mysterii sine grandi sacrilegio non potest provenire.

(b) Id. in cū.

EX EDIT. P. NICOLAI.

* Sic in Decret. de consec. dist. 11. cap. Cum funditur, velut ex Lib. Sententiarum Prosperi, ubi ob hoc tale occurrit: sed Lanfranci potius est Lib. de eucharistia sacramento, ubi subiungit ea Lib. IV. Dialogorum Gregorii, quod sanguis Christi non iam in manus infidelium, sed in ore fidelium sanctus &c.

tas est quæ Deo directe nos coniungit; sed humilitas ad hanc unionem disponit, in quantum hominem Deo subdit: unde meritorium magis consistit in caritate quam in humilitate.

Ad secundum dicendum, quod in hoc maxime est gloria Dei, & bonitas, quod se creaturis pro capto earum communicat: unde magis videtur ad Dei gloriam pertinere quod aliquis ad communionem accedat quam quod abstineat.

EXPOSITIO TEXTUS.

Sicut & Christus se ostendit &c. Contra Veritatem non decet aliqua fictio. Ergo non debuit eis aliud ostendere quam quod in ipso erat. Et ideo dicendum, quod Christus eis speciem suam naturalem ostendit, & sensus exterior per eam movebatur; sed propter dubitationem resurrectionis, sensus interioris iudicium impediatur: unde eum talem inspiciebant exterior, ut Gregorius dicit (hom. xxiii. in Evang.) qualis erat apud eos interior: & ita non erat aliqua deceptio ex parte Christi, sicut non est aliqua deceptio in sacra Scriptura ex hoc quod finguntur figure Angelis, & ipsi Deo: non enim ad hoc fit ut in eis intellectus remaneat, sed ut ex his in significatione eorum surgat: & ita etiam per speciem illam in qua eis apparuit, voluit eis Dominus interiorem eorum dispositionem significare.

Qui confessus est coram Nicolao Papa &c. Videur ex hoc quod hæc opinio omnino sit tenenda, quia in principio confessionis huius dicitur: *Consensio Romana Ecclesie, & Apostolice Sedi.* Ergo nulli licet aliter tenere. Et dicendum, quod quia Berengarius negaverat verum corpus Christi in altari esse, coactus fuit hanc confessionem facere: unde non intendit dicere, quod ipsum corpus Christi frangatur, sed quod sub speciebus, in quibus est fractio, verum corpus Christi sit; & in hoc se dicit consentire Apostolicæ Sedi, a contratio errore reversus.

Manet integer in corde suo. Et intelligendum est quantum ad effectum, non quod corpus eius menti illabatur, quia hoc solius Dei est.

Non est pars corporis &c. De hoc dictum est supra distin. x. (quest. unic. art. 3. quest. unic. 3.)

Indignus est qui aliter celebrat. Aliter celebrare dicitur qui non servat materiam,

vel formam, aut ritum debitum ab Ecclesia institutum: & debet talis, si ex consuetudine faciat, gradus sui peccato subiacere.

Esti Christus quotidie immoletur, vel semel tantum immoletur sit. Sciendum est, quod omnia illa verba quæ important comparisonem Iudæorum ad Christum, & penam Christi, non dicuntur quotidie fieri. Non enim dicimus, quod Christus quotidie crucifigatur, & occidatur: quia actus ludæorum, & pena Christi transiit. Illa autem quæ important comparisonem Christi ad Deum Patrem, dicuntur quotidie fieri, sicut offerre, sacrificare, & huiusmodi, eo quod hostia illa perpetua est: & hoc modo est semel oblata per Christum, quod quotidie etiam per membra ipsius offerri possit.

In sacramento recordatio illius fit quod factum est semel. Sacerdos enim non solum verbis, sed etiam factis Christi passionem repræsentat. Unde & in principio canonis tres cruces facit super illud, *Hæc dona, hæc munera, hæc sancta sacrificia illibata*, ad significandum trinam traditionem Christi, scilicet a Deo, Iuda, & Iudæis. Secundo autem super illud, *Benedixit, ascripsit, ratam &c.* facit tres communiter super utrumque, ad ostendendum quod tribus Christus est venditus, scilicet sacerdotibus, scribis, & pharisæis. Duas autem facit divisim super corpus, & sanguinem, ad ostendendum venditorem, & venditum. Tertio facit duas super illud, *Benedixit, & fregit*, unam super corpus, aliam super sanguinem, ad ostendendum quod hoc sacramentum valet ad salutem corporis, & animæ. Et quia Dominus hoc sacramentum in mortis suæ memoriam exelcendum mandavit, ideo statim post consecrationem brachiorum extensione crucis effigiem repræsentat. Unde etiam, ut Innocentius dicit (Lib. V. de myster. Missæ cap. 11.) verba consecrationis, quæ in fine ponenda essent quasi complementum totius, in medio ponuntur ad historiam ordinem observandum: quia verba canonis ad eucharistiam consecrandam principaliter pertinent, sed signa ad historiam recolendam. Quarto facit quinque cruces super illud, *Hostiam puram &c.* ad repræsentandum quinque plagas. Quinto facit duas super illud, *Sacrosanctum Filii tui corpus &c.* ad signandum vincula, & flagella Christi. Et addit tertiam, quia sacerdos seipsum signat super illud, *Omni bene ditione*: quia Christi vulne-

ra nostra sunt medicamenta. Vel per has tres cruces significatur triplex oratio, qua Christus orasse legitur Matth. xxvi. passionis imminente. Sexto facit tres super illud, *Sanctificas, vivificas, benedixit* &c. ad representandum, quod Iudei ter dixerunt, *Crucifige*, verbo crucifigentes Christum, quod fuit tertia hora. Septimo iterum facit tres super illud, *Per ipsum, & in ipso, & cum ipso*, ad representandum secundam crucifixionem, qua a multis hora sexta post trimum horarum spatium crucifixus est: vel ad representandum tres eius cruciatus scilicet passionis, propassionis, compassionis. Deinde facit duas extra calicem super illud, *Est tibi Deus Pater omnipotens in unitate Spiritus sancti omnis honor, & gloria*, ad representandum separationem animae a corpore, quae facta est hora nona; vel propter sanguinem, & aquam, quae de latere Christi profuxerunt. Inclinationes etiam factae a sacerdote, signant Christi obedientiam ad Patrem, ex qua mortem su-

stinuit. Tacta etiam locutio exprimit consilium Iudaeorum mortem Christi machinantium, vel discipulorum, qui palam Christum confiteri non audebant. Quid (*) autem Israel o significat, dictum est. Quia autem commixtio corporis, & sanguinis unionem animae, & corporis significat; ideo illa crucis signatio quae fit super illa verba, *Pax Domini sit semper vobiscum*, magis pertinet ad resurrectionem, quae virtute Trinitatis, & tertia die facta est. Quod autem quinquies se sacerdos ad populum convertit, significat quod Dominus die resurrectionis quinquies se manifestavit. Primo Mariae Magdalene, Ioan. ult. Secundo, Petro, Luc. ult. Tercio mulieribus, Matth. ult. Quarto discipulis in Emaus, Luc. ult. Quinto discipulis congregatis in unum, Ioan. ult. Salutat autem populum septies ad sepiusformem gratiam Spiritus sancti ostendendam, (b) sine quibus mortalis vita duci non potest: quia et si possumus vitare singula, non tamen omnia.



DISTINCTIO XIII.

Si haeretici, & excommunicati hoc sacramentum conficiant.

SOlet etiam queri, utrum pravi sacerdotes hoc sacramentum conficere queant. Ad quod dici potest, quod aliqui, licet sint pravi, consecrant vere, scilicet qui intus sunt nomine, & sacramento, etsi non vita: quia non in merito consecrantis, sed in verbo efficitur Creatoris. Unde Augustinus *. „Intra catholicam Ecclesiam in mysterio corporis, & sanguinis Domini nihil a bono maius, nihil a malo minus perficitur sacerdote: quia non in merito consecrantis, sed in verbo conficitur Creatoris, & virtute Spiritus sancti. Credendum est enim quod in verbis Christi sacramenta conficiantur. Sicut ipse est qui baptizat, ita ipse est qui per Spiritum sanctum suam efficitur carnem, & sanguinem.“ Item Gregorius. „Putant quidam communionem corporis minus esse sanctificatam, si illorum fiat officio quorum vita eorum oculis videtur ignobilis. Heu quam in magnum laqueum incidunt, ut divina, & occulta mysteria plus ab aliis sanctificata possent fieri credant, cum unus, idemque Spiritus sanctus in tota Ecclesia invisibiliter ea mysteria & operando sanctificet, & sanctificando benedicat. (1) Mysterium vero dicitur, quod secretum, & reconditum habeat dispensationem. Sacramentum vero quasi sacrum factum: quia prece mystica consecratur pro nobis „ in

(1) Nicolai, Et Isidorus Lib. VI. etymol. vel origin. cap. de officiis: Mysterium ideo dicitur &c.

(2) *Al. enim.* (b) *Al. Desit aliquid.*

EX EDIT. P. NICOLAI.

* In Lib. de corpore Domini, ex quo sic in decretis refertur causa, quae fit. cap. *Ista Eucharistia*. Sed talis chasti potius est, ut & ibi apparet notat, & cap. *Utrum dist.* 21. de consecr. ubi eadem videtur ex illo inferuntur; & *Pachasti* nomine, sicut praecedens ibi caput *Incantatio*, inscribitur debuerunt. * In Registro, ut S. Thomas III. p. citat quae fit. art. 6. Refertur in decretis capit. 1. quae fit. cap. *Incantatio* sub illius nomine, sed apud illum non occurrat.

in memoriam dominicæ passionis. Sacramentum est in aliqua celebratione, cum res ita fit ut aliquid significatæ rei accipiamus. Sacramenta sunt baptismus, chrisma, corpus: quæ ideo sacramenta dicuntur, quia sub regimento visibilibus rerum divina virtus secretius salutem eorumdem sacramentorum operatur. Unde a secretis virtutibus, vel sacris sacramenta dicuntur. Panis, & calicis sacramentum græce eucharistia dicitur, latine bona gratia interpretatur. Et quid melius corpore & sanguine Christi? Sive ergo per bonos, sive per malos ministros intra Ecclesiam dispensetur, sacrum tamen est, quia Spiritus sanctus (1) vivificat: nec bonorum dispensatorum meritis ampliatur, nec malorum attenuatur. Hoc de corpore Domini, hoc & de baptisinate, & chrismate sciendum, & tenendum: quia virtus divina secretius operatur in eis: & divina solummodo est hæc virtus, sive potestas, non humanæ efficaciz. Illi vero qui excommunicati sunt, vel de hæresi manifeste notati, non videntur hoc sacramentum posse conficere, (2) licet sacerdotes sint: quia nemo dicit in ipsa consecratione, Offero, sed Offerimus, quasi ex persona Ecclesiæ: & ideo cum alia sacramenta extra Ecclesiam possint celebrari, de hoc non videtur. Quod etiam Augustinus* (Lib. de corp. Domini) tradere videtur, dicens: „Recolite nomen, & advertite veritatem. Missa enim dicitur, eo quod cælestis missus ad consecrandum (3) vivificum corpus adveniat, iuxta dictum sacerdotis dicentis: Omnipotens Deus iube hæc perferri per manus sancti Angeli tui in sublime altare tuum &c. Idcirco nisi Angelus venerit, Missa nequaquam iure vocari potest. Numquid enim si hoc mysterium hæreticus ausus fuerit usurpare, Angelum de cælis mittit Deus oblationem eius consecrare; maxime cum eisdem per Prophetam comminatus sit, dicens (Malach. 11. 2.) Maledicam benedictionibus vestris? Quod si benedictionibus eorum se afferit maledicturum Veritas, quid erit de hostia? Ergo dicemus illam posse benedici ab illo quem scimus a Deo fore maledictum cum sua benedictione? Si enim Deus maledixerit benedictionibus hæreticorum, & simoniacus benedixerit; quis eorum prævalebit? Numquid benedictio maledicti ad nihilum poterit redigere verba verissima comminantis Dei? Ex his colligitur quod hæreticus a catholica fide præcisus nequeat hoc sacramentum conficere, quia sancti Angeli, qui huius mysterii celebrationi assistunt, tunc non adsunt quando hæreticus, & simoniacus hoc mysterium temerarie celebrare præsumit. Non enim dubitari licet ubi corporis dominici, & sanguinis mysteria geruntur, supernorum civium adesse conventus. In huius autem mysterii expletionem sicut formam servari, ita ordinem haberi, scilicet ut sit sacerdos, & intentionem adhiberi oportet, ut illud facere intendat. Si non credit de illo mysterio, sicut veritas habet, numquid potest intendere illud conficere? Et si non intendit, numquid conficit? Aliqui dicunt, etiam non recte de illo mysterio sentientem posse intendere, non quidem illud conficere, quod iam esset recte credere; sed id agere quod geritur ab aliis dum conficitur, & sic adhibere intentionem: & si intentio dicatur deesse conficiendi illud mysterium, tamen ex quo intendere dicere, & agere quæ ab aliis geruntur, impletur mysterium. Illud etiam sane dici potest, quod a brutis animalibus corpus Christi non sumitur, etsi videatur. Quid ergo sumit mus, vel quid manducat? Deus novit hoc. De hoc cælesti mysterio aliqua perstringimus a catholicis fideliter tenenda. Qui enim his contradicit, hæreticus iudicatur.

(1) Nicolai: illud mystice vivificat. (2) Vide infra quæst. 2. art. 2. quæstiones, 3. (3) Al. vivificandum.

EX EDIT. P. NICOLAI.

* Hoc apud Augustinum non extat; immo oppositum potius ex illo colligi potest epist. xlviii. ad Vincencium Rogatianum, Lib. II. contra Creticonium Grammaticum cap. 2. & Lib. III. de baptismo contra Donatistas cap. xv.

Quid faciat hæreticum, & quid sit hæreticus.

NE autem ignores quid faciat hæreticum, vel quid sit hæreticus; audi breviter quid inde sancti doctores tradant. Hilarius ait (Lib. II. de Trinit. in princ.) „ Existerunt plures qui cælium verborum simplicitatem, (1) non „ veritatis ipsius absolutionem susceperunt, aliter interpretantes quam dictorum „ virtus postulat. De intelligentia enim hæresis, non de scriptura est: & sensus, non sermo sit crimen. ” Idem in VIII. (Lib.) „ Intelligentiæ sensus in „ crimine est. ” Hieronymus dicit, quod ex verbis inordinate prolatis incurritur hæresis. Augustinus (de utilitate credendi cap. 1.) diffiniens quid sit hæreticus, ait: „ Hæreticus est qui pro alicuius temporalis commodi, & maxime gloriæ, „ principatusque sui gratia, falsas, aut novas opiniones gignit, vel sequitur. ”

DIVISIO; TEXTUS.

Postquam determinavit Magister de sacramento eucharistiæ, hic determinat de ministris huius sacramenti: & dividitur in partes duas. In prima determinat propositum; in secunda epilogat, ibi, *De hoc celesti mysterio aliqua perstrinximus, a catholicis fideliter tenenda*. Prima in duas. In prima ostendit quis possit consecrare, & dispensare huiusmodi sacramentum; in secunda, quis possit sumere, ibi, *Illud etiam sane dici potest*. Prima in duas. In prima inquit, utrum potestas consecrandi, per peccatum a ministro tollatur. In secunda ostendit quæ requiruntur in ministro ad hoc quod sacramentum consecrare possit, ibi, *In huius autem mysterii expletione sicut formam servare, ita ordinem haberi, scilicet ut sit sacerdos, & intentionem adhiberi oportet*. Prima in duas. In prima inquit, utrum malus sacerdos possit consecrare; in secunda, utrum ab Ecclesia præcisi, ibi, *Illi vero qui excommunicati sunt, vel de hæresi manifeste notati, non videntur hoc sacramentum posse consecrare*.

De hoc celesti mysterio aliqua perstrinximus, a catholicis fideliter tenenda. Hic epilogat, & circa hoc duo facit. Primo ponit epilogum; secundo ex incidenti determinat quid faciat hæreticum, ibi, *Ne autem ignores quid faciat hæreticum, vel quid sit hæreticus, audi breviter quæ inde sancti doctores tradant*.

QUAESTIO I.

Hic est duplex quaestio. Prima de ministro consecrante. Secunda de hæretico.

Circa primum quaeruntur tria.
Primo. Quis possit consecrare.

Secundo. De ritu consecrandi.

Tertia. De dispensatione sacramenti.

ARTICULUS I.

Utrum etiam laicus possit consecrare.

III. P. quaest. lxxxii. ars. 1. 6. 7. 8.

1. **A**D primum sic proceditur. Videtur quod etiam laicus possit consecrare. Consecrare enim sacerdotis est. Sed omnis laicus, si sit bonus, sacerdos est: quia, ut dicit Chrysostomus (alius Auctor hom. xlii. operis imperfecti) omnis sanctus, sacerdos est; & omnibus fidelibus dictum est 1. Petr. ii. 9. *Vos estis genus electum, regale sacerdotium*. Ergo bonus laicus potest consecrare.

2. Præterea. Homo non potest consecrare virtute propria, sed virtute Dei. Sed bonus laicus magis est particeps divinae virtutis quam malus sacerdos. Ergo magis potest bonus laicus consecrare quam malus sacerdos.

3. Præterea. Magis est sumere sacramentum quam conficere: quia hoc ad illud ordinatur. Sed bonus laicus potest sumere sacramentum. Ergo & consecrare.

Sed contra. Hoc sacramentum offertur ad reconciliandum nos Deo, quod est officium mediatoris. Cum ergo sacerdotis tantum sit medium esse inter Deum & populum, soli sacerdotes hoc sacramentum conficere possunt.

Præterea. Bonitas virtutis non est manifesta: quia nemo scit utrum sit dignus odio, vel amore, Eccl. ix. & præcipue alteri nota esse non potest. Si ergo potestas consecrandi sequatur bonitatem personæ, non poterit esse norum quando con-

secra-

(1) Nihil; pro voluntatis, suæ sensu, non pro veritatis ipsius absolutione suscipient aliter &c.

secratum sit vere, & quando non; & ita erit deceptio in sacramentis.

QUAESTIUNCULA II.

1. Uterius. Videtur quod solus Episcopus possit consecrare. Quia in qualibet Republica Principi debetur actus nobilissimus, sicut etiam Commentator dicit in XI. Metaphysic. Sed summus in nostra hierarchia est Episcopus, ut dicit Dionysius (de eccles. Hierar. cap. v. part. 1.) Ergo cum consecrare sit summus actus nostrae hierarchiae, hic actus sibi soli debetur.

2. Præterea. Secundum Dionysium (loc cit.) perficere est tantum Episcopi. Sed secundum ipsum eucharistia est perfectissima habens virtutem. Ergo solus Episcopus potest consecrare.

3. Præterea. Maius est consecrare corpus Christi quam consecrare altare, vel benedicere virgines. Sed illa reservantur solis Episcopis. Ergo multo fortius consecratio corporis Domini.

Sed contra est communis usus Ecclesiae, & canonum institutio, qui docent potestatem consecrandi, & baptizandi Episcopis, & sacerdotibus esse communem.

QUAESTIUNCULA III.

1. Uterius. Videtur quod hæretici, & schismatici, & excommunicati consecrare non possint. Quia, sicut dicit canon * xxiv. quæst. 1. cap. *Andrymum*, *quicumque fuerit ab unitate Ecclesiae alienus, excommunicatus est*, (a) *consecrare non valet*. Augustinus etiam dicit (Lib. II. contra Crescon. Grammat. cap. xlii.) quod extra Ecclesiam non est locus veri sacrificii. Sed omnes prædicti sunt extra Ecclesiam. Ergo non possunt consecrare.

2. Præterea. Hoc sacramentum pollui non potest. Sed secundum Hieronymum (in Aggrem cap. 11.) hæretici panem pollutum comedunt. Ergo verum sacrificium non habent: ergo non consecrant.

3. Præterea. Hoc sacramentum est unio Ecclesiae: unde & communio dicitur.

Sed quomodo prædicti hac unione carent. Ergo consecrare non possunt.

Sed contra. Sacerdos habet potestatem consecrandi ex ipso characterē. Sed character manet in ipso hæretico, schismatico, & excommunicato. Ergo possunt consecrare.

Præterea. Qualitas personae non exigitur nisi ad actum proprium personae. Sed consecratio non est actus personalis ipsius sacerdotis, sed Dei, cuius verbis consecrat. Ergo non impeditur propter propriam qualitatem.

QUAESTIUNCULA IV.

1. Uterius. Videtur quod degradatus non possit consecrare. Nullus enim consecrare potest qui non habet potestatem consecrandi. Sed degradatus non habet potestatem consecrandi, quamvis habeat potestatem baptizandi, ut dicit canon (vel appendix Canonis caus. 1. quæst. 1. cap. *Quod quidam*.) Ergo non potest consecrare.

2. Præterea. Ex eisdem fit res, & corrumpitur, secundum Philosophum in II. Ethic. (cap. 1.) Sed aliquis ex potestate Episcopi accipit posse consecrare. Ergo quando ab ipso degradatur, videtur quod hoc posse amittat.

3. Præterea. Habens ordinem sacerdotalem non relinquitur puniendus iudicio seculari. Sed degradatus relinquitur. Ergo non habet ordinem: ergo non potest consecrare.

Sed contra. Si degradatus reconciliatur, non iterum ordinatur. Ergo ordinem non amittit: ergo consecrare potuit.

Præterea. Hoc idem probatur per indelebilitatem characteris, ut supra.

Utrum autem malus sacerdos, vel Angelus possit consecrare, eadem ratio est, iuxta & de baptisatione: & ideo quærat ut supra distinct. v.

QUAESTIUNCULA V.

1. Uterius. Videtur quod Missa mali

P p 2 sacer-

(a) Nicola: (vel execrandum efficere illud quod offert) consecrare non valet. Sic enim ibi non in canone ipso, sed in canonis appendice, quod declarabat Alexander II. quod Archiepiscopus Ravennas, quia excommunicatus erat, excommunicare non potuit. Augustinus dicit.

EX EDIT. P. NICOLAI.

* Seu in Decret. causa xxiv. ubi textus canonis *Andrymum* cum appendice ipsa confusus olim, ad permixtum, occasione dedit referendi ut ex canone quod in appendice tamen continetur. Quod autem subiungitur ex Augustino contra Cresconium, nec ibi, nec alibi apud illum expresse occurrit: sed aliquod simile serm. cxxvii. de tempore, vel lix. in appendice de diversis, (qui tamen eius non est; sed, potius ex Gregorio Lib. XXXV. Moral. cap. vii. quo ad hanc partem desumitur).

sacerdotis non minus valeat quam boni . Quia, sicut dicit Augustinus in Lib. de corpore Christi, * in mysterio corporis, & sanguinis Domini nihil a bono maius, nihil a malo minus perficitur sacerdote .

2. Præterea. Baptismus datus a bono ministro nihil melius valet quam datus a malo. Ergo nec Missa a bono sacerdote, vel malo dicta.

Sed contra. Melius est quod est fructuosius. Sed Missa boni sacerdotis est fructuosior, quia eius oratio magis exauditur. Ergo est melior.

SOLUTIO I.

Respondeo dicendum ad primam questionem, quod ordo Ecclesie derivatus est ab ordine celestis hierarchie: unde sicut in Angelis diversis ordinibus diversi actus debentur, ita & in Ecclesia militante ad diversos actus diversi ordines applicantur, sicut etiam & in corpore diversa membra diversa habent officia, cui corpus mysticum similatur, ut patet I. Corinth. xi Ordines autem Ecclesie distinguere non possunt per diversitatem interioris bonitatis, quia ignota est, & indeterminati sunt gradus eius. Et quia bonitas, vel virtus alicuius non ordinatur ad hoc quod aliquis aliquid possit, sed ad hoc quod bene faciat illud quod potest (habitus enim virtutum non sunt potentia, sicut Philosophus (II. Ethic. cap. iv. vel v. probat) ideo quod unus possit alium quem alius non potest, non contingit ex diversitate bonitatis, vel malitiae, sed ex potestate suscepta, quam habet unus, & non alius: & ideo quia laicus potestatem consecrandi non accipit, sua bonitas, quantumque sit, non iuvat eum ad hoc quod consecrare possit.

Ad primum ergo dicendum, quod omnis bonus homo dicitur esse sacerdos mystice: quia scilicet mysticum sacrificium Deo offert seipsum, scilicet hostiam viventem Deo: Rom. xii.

Ad secundum dicendum, quod laicus bonus sit particeps dominice virtutis ad bene agendum hoc quod poterat prius aliquo modo facere, non autem ad hoc quod possit hoc per virtutem quod prius non poterat.

Ad tertium dicendum, quod quamvis acceptio sacramenti sit maior in fructu, tamen consecratio est maior in potestate:

unde non oportet quod qui potest accipere, possit consecrare.

SOLUTIO II.

Ad secundam questionem dicendum, quod potestas consecrandi non solum Episcopis, sed etiam sacerdotibus collata est: quia ordo sacerdotis est medius inter Episcopos & populum. Unde sicut in angelica hierarchia illuminationes ad inferiorem ordinem mediante superiore perveniunt, ita omnia sacramenta quæ communiter toti populo dispensantur, per sacerdotes conferuntur: & huiusmodi sunt omnia quæ non collocant in aliquo statu, vel gradu super alios. Et quia eucharistia est huiusmodi, ideo non solum per Episcopos, sed etiam per sacerdotes dispensatur, & consecratur. Est etiam alia ratio, ut sit frequentior memoria dominice passionis, & magis subveniatur visis, & mortuis ex maiori frequentia sacramenti.

Ad primum ergo dicendum, quod licet iste actus sit maximus in se, tamen non est maximus quantum ad constituendum in ordine Ecclesie: quia per assumptionem huius sacramenti non constituitur aliquis in gradu, vel statu altiori inter membra Ecclesie, sicut fit per ordinem: & ideo non oportet quod ille actus solis Episcopis reservetur.

Ad secundum dicendum, quod in rebus ordinatis ita est quod semper inferior participat aliquid de perfectione superioris, ut Dionysius dicit (de eccl. Hier. cap. vi. part. iii.) & hoc modo est in connexionem celestis hierarchie, ut in II. Lib. dist. ix. (quaest. i. art. 6.) dictum est. Et ideo quia ordo sacerdotis continuus est ordini Episcoporum, participat etiam aliquid de perfectiva virtute quantum ad illam perfectionem qua quis in seipso perficitur; non autem quantum ad perfectionem qua aliquis in eminentiori gradu constituitur, sicut est in ordine: vel altiori officio, sicut est in confirmatione: & ideo sacerdos participat ab Episcopo potestatem consecrandi, non autem confirmandi, vel ordinandi. Et quod ipsum habeat participative, Dionysius dicit (de eccl. Hier. cap. v. part. i.) quod patet ex hoc quod sacerdos consecrat super altare ab Episcopo consecrato, & in vasis consecratis per Episcopum, ipse etiam consecratur per Episcopum.

Ad

EX EDIT. P. NICOEAE.

* Iam, notatum est Augustini non esse, sed Paschali.

Ad tertium dicendum, quod illæ benedictiones non veniunt in usum totius populi, sed aliquarum excellentium personarum: & ideo solis Episcopis reservantur.

SOLUTIO III.

Ad tertiam quæstionem dicendum, quod quidam dixerunt, quod hæretici ab Ecclesia præcisi, & similiter excommunicati, & schismatici, quia sunt extra unitatem Ecclesiæ, non possunt consecrare: & huius opinionis videretur fuisse Magister in littera. Sed quia omne illud quod per consecrationem datur, est perpetuum; ideo sicut baptismus, qui per consecrationem datur, nunquam amittitur, quantumcumque aliquis in hæresim labatur, vel schisma, vel excommunicationem; ita nec sacerdotalis ordo aliquo modo amitti potest, ut Augustinus dicit ad Parmenianum (vel adversus Parmenianum Lib. II. cap. xxi.) Et quia potestas consecrandi ordinem sacerdotalem consequitur, ut dictum est, ideo hæretici, schismatici, & excommunicati consecrant, quamvis ad suam perniciem; dummodo servetur debita forma, & materia, & intentio, quæ etiam in infidelibus esse possunt, ut supra distinct. v. de baptismo dictum est.

Ad primum ergo dicendum, quod verbum canonis intelligendum est quantum ad illos qui debiram formam non servant, vel quantum ad executionem quam amittunt: non enim ius consecrandi habent; & hoc solum posse dicitur in iure quod iuste possumus. Vel loquitur de consecratione qua ordines conferuntur; quia addamnationem potius quam ad sanctificationem recipientium cedit. Et similiter quod Augustinus dicit, quod extra Ecclesiam non est locus veri sacrificii, intelligendum est quantum ad effectum; vel extra Ecclesiam, id est extra formam Ecclesiæ.

Ad secundum dicendum, quod dicitur panis pollutus non in se, sed quia ipsi & seipsos polluant consecrando, & sumendo, & alios qui ab eis sacramenta scienter accipiunt.

Ad tertium dicendum, quod in quantum ordinem habet, ad unitatem Ecclesiæ pertinet, quamvis quantum ad aliquid possit ab Ecclesia esse præcisi.

Ad quartam quæstionem dicendum, quod degradatus, quia ordinem non amittit, potestatem consecrandi retinet; sed ius consecrandi sibi aufertur: & ideo si consecrat, peccat; tamen consecratur est.

Ad primum ergo dicendum, quod ille canon non loquitur asserendo, sed quasi opponendo, ut ex circumstantia litteræ apparet.

Ad secundum dicendum, quod Episcopus non dedit ordinem, sed Deus per ministerium Episcopi: & Deus posset auferre, non Episcopus: quia non est constitutus minister auferendi ordinem, sicut confertur: quia propter efficaciam consecrationis debet esse ordo perpetuus.

Ad tertium dicendum, quod non est essentiale ordini sacerdotali, quod iudicio seculari relinqui non possit, sed ex privilegio indultum: & ideo manente ordine degradatus sua culpa hoc privilegium amittit.

SOLUTIO V.

Ad quintam quæstionem dicendum, quod de Missa possumus loqui dupliciter: aut quantum ad id quod est essentiale in ea, scilicet corpus Christi; & sic a quocumque dicatur, *qualiter bonum est*, quia opus operatum æqualiter bonum est, & virtuosum: vel quantum ad id quod est annexum sacramento, & quasi secundarium; & sic Missa boni sacerdotis melior est, quia non solum habet efficaciam ex opere operato, sed ex opere operante: & ideo ceteris paribus melior est audire Missam boni sacerdotis quam mali.

Et per hoc patet solutio ad utramque partem.

ARTICULUS II.

Utrum liceat sacerdoti omnino a consecratione abstinere.

III. P. quæst. lxxxi. art. 10. & quæst. lxxxi. art. 2. & 3.

1. **A**D secundum sic proceditur. Videtur quod liceat sacerdoti omnino a consecratione abstinere. Quia de beato Marco narrat Hieronymus * (in prologo super E-

vange-

Ex EDIT. P. NICOLAI.

* In veteri prologo super Marcum, ut in Glossa Lyzani, sed in editione Hieronymi nova non habetur.

vangelium Marci) quod sibi pollicem amputaverit, ut sacerdotio reprobis habetur. Nec hoc fecit, nisi indignum se reputans tali sacramento. Ergo videtur quod si omnino a celebratione abstinere ex reverentia domoici corporis, & propriæ inimizitatis consideratione aliquis sacerdos, non peccet.

2. Præterea. Sicut sacerdotis officium est consecrare, ita & ligare, & solvere. Sed non exigitur ut liget, & solvat, nisi habeat curam animarum. Ergo etiam a sacerdote qui non habet populum cui teneatur, non exigitur quod consecret; & ita non peccat omnino abstinendo.

Sed contra est quod Ambrosius * dicit: *Grave est quod ad mensam tuam mundo corde, & manibus innocentibus non venimus; sed gravius est, si dum peccatum metuimus, eiam sacrificium non reddamus.* Sed primum est peccatum mortale. Ergo & secundum.

QUAESTIUNCULA II.

1. Ulterius. Videtur quod non possint plures simul eandem hostiam consecrare. Quia plurium agentium sunt plures actiones, maxime quando unusquisque sufficit ad agendum. Sed unus sacerdos tantum potest consecrare. Ergo si plures simul consecrent, sunt plures consecrationes super eandem hostiam; & ita fit ieiunia sacramento.

2. Præterea. Unus dicens verba, virtute verborum consecrat. Sed quod factum est, fieri non potest: quia quod est, non fit. Ergo alii nihil faciunt: ergo superfluum est quod dicunt.

Sed contra est consuetudo quarundam Ecclesiarum, in quibus novi sacerdotes simul Episcopo concelebrant.

QUAESTIUNCULA III.

1. Ulterius. Videtur quod non debeat quotidie Missa in Ecclesia celebrari. Quia in Missa recolitur dominica passio. Sed Ecclesia celebrat memoriam dominicæ passionis semel in anno. Ergo non pluries debet in Ecclesia Missa dici.

2. Præterea. In die parasceves agitur memoria dominicæ passionis, nec tamen tunc consecratio fit. Ergo multo minus deberet fieri in aliis diebus.

3. Præterea. Aliquibus diebus celebratur hoc sacramentum pluries una die solemniter in Ecclesia, sicut patet in festo natiuitatis, & multis aliis diebus. (a) Ergo videtur quod aliquando deberet præmitti.

Sed contra. Sacramentum Ecclesiæ debet magis assiduari quam sacramentum veteris legis. Sed quotidie in veteri lege offerebatur sacrificium. Ergo multo fortius debet in nova lege fieri.

Præterea. Panis huius sacramenti dicitur quotidianus. Sed non nisi quia quotidie consecratur. Ergo quotidie consecrari debet.

QUAESTIUNCULA IV.

1. Ulterius. Videtur quod hora vespertina deberet Missa celebrari. Quia Christi actio nostra est instructio. Sed ipse Christus hoc sacramentum fecit in cena heretina. Ergo & tali hora deberet fieri.

2. Præterea. Secundum canones ordines sunt celebrandi circa vespertinam horam. Sed ordines sacri non celebrantur sine Missarum solemnibus. Ergo debet Missa vespertina hora celebrari.

3. Item. Videtur quod post mediam noctem: quia tunc dies secundum Ecclesiæ computum incipit.

4. Item. Videtur quod tantum in hora sexta: quia illa hora Dominus passus est, cuius passionis hoc sacramentum est memoriale.

QUAESTIUNCULA V.

1. Ulterius. Videtur quod non oporteat in loco sacro celebrari. Quia sicut hoc sacramentum non est necessitatis, ita nec confirmatio. Sed confirmatio potest conferri in loco non sacro. Ergo & hoc sacramentum non oportet quod in loco sacro conficiatur.

2. Item. Videtur quod non oporteat esse altare de lapide. Quia sacrificia veteris legis fuerunt sacrificii huius figura. Sed ad veteris legis sacrificia altare fiebat de lignis Sethim, ut patet Exod. xxv. & iterum de auro, ut patet III. Reg. vii. & iterum de terra, ut patet Exod. xxvi. Ergo & in nova lege non solum de lapide oportet quod fiat.

3. Item.

(a) Adde Nicænum (vel a pluribus sacerdotibus, vel ab uno propter causas ante indicatas, ut & alia quidam, ob quas in ipso die natiuitatis S. Iohannis olim plures ab uno dicebantur.)

* Nihil tale in Ambrosio nunc occurrit. An in Ambrosiana Missa? Non est ad manum.

3. Item. Videtur quod in pannis sericis debeat consecrari. Quia panni illi sunt pretiosiores. Ergo ad reverentiam sacramenti magis eis debemus uti.

4. Item. Videtur quod in calice de petra possit celebrari. Quia calix significat sepulcrum Christi. Sed illud sepulcrum fuit de petra. Ergo & calix de petra debet fieri.

De indumentis autem sacerdotalibus dicitur in tractatu de ordine (dist. xxiv. quest. 1. art. 3.)

QUÆSTIUNCULA VI.

1. Ulterius. Videtur quod aliqui prædicatorum omnino non sit consecrati. Quia, sicut dicit Dionysius 111. cap. cæl. Hierar. operantes hierarchice ordinantur secundum divinas leges. Sed ille qui prætermittit ritum ab Ecclesia institutum, non sequitur divinas leges, quæ per partes nobis positæ sunt. Ergo talis non consecratur, cum consecrare sit actus hierarchicus, quia est actus ordinis.

2. Præterea. Totus ritus sacramenti suam habet significationem. Sed significatio est de essentia sacramenti. Ergo & ritus consecrandi; & ita si prætermittatur, non erit vera consecratio.

3. Præterea. Actus spiritualis magis sunt ordinati quam sæculares. Sed si aliqua actio in rebus sæcularibus, puta venditio, vel emptio, vel aliquid huiusmodi, contra statuta Principum fiat, pro nulla haberetur. Ergo & si aliquis consecraret contra statutum Ecclesiæ, consecratio nulla esset.

Sed contra. Ea quæ sunt de essentia sacramenti, sunt eadem apud omnes. Sed ritus sacramenti non est idem apud omnes, nec secundum omne tempus. Ergo non est de essentia sacramenti: ergo sine hoc potest fieri consecratio.

Præterea. In baptismo sunt quædam quæ si omittantur, non reputatur sacramentum irritum, quia sunt ad solemnitatem sacramenti. Ergo & hic si omittantur illa quæ pertinent ad solemnitatem consecrationis, vere consecratio erit.

SOLUTIO I.

Respondeo dicendum ad primam questionem, quod secundum quoddam non peccat qui dimittit celebrantem, nisi populum habeat commissum, vel ex obedientia teneatur celebrare. Sed quia secundum Gregorium (hml. 12. in Evang.) cum cre-
seunt dona, rationes crescunt donorum; cum sacerdoti sit data potestas nobilissima, reus negligentie erit, nisi illa utatur ad honorem Dei, & salutem suam, & aliorum vivorum & mortuorum, secundum illud I. Petr. 14. 12. *Unusquisque gratiam quam accepit, in alterum illam administrante*. Nisi forte aliquis ex familiari Spiritus sancti instructio dimittat, sicut legitur de quodam sancto patre in vitis patrum, * qui ordinatus numquam postea celebravit.

Ad primum ergo dicendum, quod ille qui non habet ordinem, potest ordinem refugere. Sed ille qui habet, tenetur ipsum exequi.

Ad secundum dicendum, quod, secundum omnes, alios actus ordinum debet homo non solum Deo, sed etiam proximis: quia actus inferiorum sunt ad ministerium faciendis. Alii autem actus sacerdotis, ut ligare, & solvere, respiciunt corpus mysticum, similiter etiam docere, & baptizare: & ideo qui non tenetur aliis vel subiectione, vel prelatione, potest ab illis actibus sine peccato cessare. Sed consecratio est actus dignus, & ordinatus ad corpus Christi verum, nec respicit corpus Christi mysticum, nisi ex consequenti: & ideo etiam si nulli hinc teneatur, tamen tenetur Deo, ut reddat ei sacrificium acceptum: sacerdotibus enim præceptum est: *Hoc facite in meam commemorationem*.

SOLUTIO II.

Ad secundam questionem dicendum, quod secundum morem quarundam Ecclesiarum plures sacerdotes Episcopo concelebrant, quando ordinantur ad representandum, quod quando Dominus hoc sacramentum instituit, & potestatem consecrandi discipulis dedit, eis concessit, sicut Episcopus simul cum ordinatis presbyteris celebrat.

Ad

EX EDIT. P. NICOLAI.

* Nimirum Lib. IX. cap. xix. sive apud Theodoretum in Historia religiosa, cap. xix. de Salsmano prope flumen Euphratem commorante, quem Episcopus in quadam domo sine fenestra, & otio ad perpetuam solitudinem inclusum, nec omnino loquentem ordinavit, cum domum ad ingressum sanguis infusus, ac mox ut prius claudis.

Ad primum ergo dicendum, quod quia intentio requiritur ad perfectionem sacramentorum, ideo cum omnes habeant intentionem unam consecrationem faciendi, non est ibi nisi una tantum consecratio.

Ad secundum dicendum, quod sicut Innocentius dicit (Mysterium Missae Lib. IV. cap. xxv.) omnes celebrantes debent intentionem referre ad illud instans in quo Episcopus verba profert; & sic Episcopi intentio non defraudatur, nec aliquis ibi facit quod factum est.

SOLUTIO III.

Ad tertiam quaestionem dicendum, quod secundum Innocentium quinque de causis quotidie Missa in Ecclesia celebratur. Primo quia oportet semper esse paratam medicinam contra quotidianam peccata. Secundo ut lignum vitae semper sit in medio paradisi. Tertio ut nobis quotidie Christus uniatur sacramentaliter, & nos ei spiritualiter. Quarto ut sit apud nos vigil memoria passionis. Quinto ut vero agno loco typici quotidie utamur ad vespem: quoniam Iudei ad vespem convertendi esurient, secundum illud Psal. lxxviii. 15. *Convertentur ad vespem, & famem patientur ut canes.*

Ad primum ergo dicendum, quod passio Christi prout in capite contigit, semel tantum in anno representatur in Ecclesia; sed prout in nos eius effectus provenit, quotidie debet representari, quia eius effectus in nobis continuus est; & sic representatur in hoc sacramento.

Ad secundum dicendum, quod Ecclesia volens populum christianum circa ipsam dominicam passionem prout in capite nostro fuit, mente occupari, statuit ut illa die non consecraretur corpus Christi. Ne tamen Ecclesia omnino sine corpore Christi esset, corpus Christi praecedenti die consecratum, & reservatum sumitur; sanguis autem non reservatur propter effusionis periculum. Nec est verum quod quidam dicunt, quod vinum ex immixtione partis hostiae in calicem consecratur, quia transubstantiatio non fit sine debita forma verborum: unde post potum illum non licet eadem die communicare.

Ad tertium dicendum, quod omnis nostra actio per Christum perfici debet: & ideo quando in una die occurrunt vel diversa Dei beneficia commemoranda, (a) de quibus sunt gratiae Deo reddendae, vel

etiam plura a Deo impetranda pro salute vivorum, & mortuorum, oportet quod pluries Missa in Ecclesia celebretur, si ad hoc facultas: nec ex hoc sequitur quod aliquando debeat intermitteri.

SOLUTIO IV.

Ad quartam quaestionem dicendum, quod communiter loquendo Missa debet dici in die, & non in nocte: quia hoc sacramentum ad tempus gratiae pertinet, quod per diem significatur. Roman. xiii.

12. *Nox praecessit, dies autem appropinquavit.* Dies autem iudicatur non solum ab ortu solis, sed ex quo incipit oriri solis signa manifestari per aliquam aeris illustrationem. Tamen in duabus noctibus Missa decantatur propter privilegium illarum noctium, scilicet in nocte nativitatis, quando Christus natus est, & in nocte resurrectionis circa principium, ut patet ex oratione: *Deus qui hanc sacratissimam noctem gloria dominica resurrectionis illustras &c.* quamvis hoc non oportet semper observari. Solemnis autem Missae celebratio tribus horis instituta est fieri, scilicet in tertia diebus festis, in sexta diebus profectis, in nona diebus ieiuniorum: quia in Missa recollitur mors Christi, qui quidem hora tertia crucifixus est linguis Iudaeorum, hora sexta manibus militum, hora nona expiravit. Sed quando sunt ordines, Missa potest cantari etiam post nonam, & praecipue in sabbato sancto, quia ordines pertinent ad diem dominicam: vel etiam ut diligentior fiat praeparatio, differtur quantum differtur potest ante prandium: & ideo quando non est dies ieiunii, celebratur inter tertiam & sextam, qua hora comeditur communiter; sed in diebus ieiunii in nona. Privatæ autem Missae possunt dici a mane usque ad tertiam, vel etiam usque ad nonam in diebus ieiuniorum.

Ad primum ergo dicendum, quod eadem ratio est quare Christus hora vespertina consecravit, & quare post eam: unde sic ut non oportet quod imitemur eum in secundo, ita nec in primo.

Ad secundum dicendum, quod hoc singulariter est in diebus ordinum ratione iam dicta.

Ad tertium dicendum, quod in medio noctis secundum Ecclesiam incipit dies naturalis, non autem dies artificialis, in qua solum licet celebrare.

Ad quartum dicendum, quod quamvis Christi.

(a) *Id.* vel quibus item vel de quibus.

Christus hora sexta fuerit in cruce positus, tamen sacramentum passionis suæ peractum est in aliis horis: & ideo non oportet quod tunc tantum Missa celebretur.

SOLUTIO V.

Ad quintam questionem dicendum, quod in hoc sacramento continetur ille qui est totius sanctitatis causa: & ideo omnia quæ ad consecrationem huius sacramenti pertinent, etiam consecrata sunt; sicut ipsi sacerdotes consecrantes, & ministri, & vestes, & vasa, & omnia huiusmodi: & ideo etiam debet in altari, & in domo consecrata celebrari hoc sacramentum. Si autem necessitas addit, vel propter destructionem Ecclesiarum in aliqua terra, vel in itinere constitutis, licet etiam in locis non consecratis celebrare; dummodo habeant altare portatile consecratum, & alia huiusmodi, quæ ad consecrationem huius mysterii requiruntur: alias non licet, nisi Episcopo concedente.

Ad primum ergo dicendum, quod confirmationis sacramentum non continet ipsum Christum: & ideo non requiritur loci sanctificatio, sicut in hoc sacramento.

Ad secundum dicendum, quod beatus Silvester instituit quod altare de cetero non nisi lapideum esset. Quia enim altare consecrari debet, oportet esse aliquam rem sortem, & non fragilem, sicut est lignum, vel terra, de qua fiat altare. Item quia debet esse in Ecclesia copia altarium, ut frequentetur hoc mysterium, ideo debet esse materia communis, non autem aurum, vel argentum, vel aliquid huiusmodi, quod non de facili possit haberi. In veteri autem lege erat tantum unum altare ad unum tantum effectum deputatum: & ideo nihil oberat, si de auro fieret. Competit etiam lapis ad significationem altaris, quod Christum significat, qui etiam per petram significatur: I. Corinth. x. 4. *Petra autem erat Christus*. Sed ante tempus Silvestri, propter persecutionem non erat fidelibus certus locus ad manendum: & ideo habebant altare ligneum, quod facile transferretur.

Ad tertium dicendum, quod panni in quibus corpus Christi consecratur, representant sindonem mundam qua corpus Christi involutum est: & ideo sicut illa linea fuit, ita non licet nisi in pannis lineis corpus Christi consecrare. Linum etiam competit hoc sacramento & propter puritatem, quia ex eo panni candidissimi, & facile

mundabiles sunt; & propter multiplicem rationem lini qua paratur ad hoc ut ex eo fiat pannus candidus, quæ competit ad significandum passionem Christi: unde non deceret de pannis sericis corporale, & pallas altaris esse, quamvis sint pretiosiores; neque de panno lineo tincto, quamvis sit pulchrior.

Ad quartum dicendum, quod secundum statutum Ecclesiæ calix debet esse tantum de auro, vel argento, vel stanno; non autem de ære, vel aurichalco, quia ex fortitudine vini rubiginem generaret, & nauseam provocaret; neque ex vitro, vel ex crystallo propter fragilitatem; neque ex ligno propter porositatem, quia imbibit liquorem immixtum; neque ex lapide, propter ineptitudinem: non enim oportet quod quantum ad omnia signa signatis respondeant.

SOLUTIO VI.

Ad sextam questionem dicendum, quod remotis his quæ non sunt de essentia rei, nihilominus res manet: unde cum huiusmodi ritus quantum ad determinationem horarum, vel loci, vel indumentorum, non sint de essentia sacramenti, sed de solemnitate, si omitantur, nihilominus consecratum est sacrificium, dummodo adint ea quæ sunt de essentia sacramenti, scilicet ordo, & intentio ex parte consecrantis, & materia, & forma ex parte consecrati. Tamen graviter peccat qui aliter facit, & degradandus esset.

Ad primum ergo dicendum, quod leges divinæ quæ pertinent ad essentialem institutionem sacramenti, si mutantur, nihil fit, ut si alia materia esset, vel forma; secus autem est de legibus quæ pertinent ad solemnitatem sacramenti.

Ad secundum dicendum, quod significatio rei sacramentalis est de essentia sacramenti; & hoc sufficienter habetur per materiam: & ideo significatio quæ superadditur in aliquo ritu, est de solemnitate, non de essentia sacramenti.

Ad tertium dicendum, quod sacramenta originem habent ex institutione divina: & ideo omissio alicuius quod sit ab Ecclesia institutum, non potest impedire quin verum sacramentum fiat. Impediret autem, si sacramenta ex institutione Ecclesiæ efficaciam haberent, sicut actiones seculares ex statutis Principum ratificantur.

ARTICULUS III.

Utrum laicus possit dispensare corpus Christi.

III. P. quest. lxxxii. art. 3. & 9.

1. **A**D tertium sic proceditur. Videtur quod laicus potest dispensare corpus Christi. Perfectio enim huius sacramenti in materie consecratione consistit, ut supra dictum est, non in usu sacramenti. Sed ordinati, sunt ministri sacramentorum. Ergo etsi consecratio materie ad solos sacerdotes pertineat, tamen dispensatio debet ad omnes pertinere.

2. Præterea. Ab illis debet dispensari sacramentum qui cum reverentia ipsum tractant. Sed quidam laici sunt maioris reverentiae ad sacramentum quam etiam sacerdotes; & etiam mulieres interdum. Ergo per eos potest hoc sacramentum dispensari.

3. Præterea. Sicut sacerdotis est dispensare corpus Christi, ita & tangere. Sed in aliquo casu licet tangere laico corpus Christi; puta, si videret ipsum in terra iacere, & non esset sacerdos qui tolleretur. Ergo & in aliquo casu liceret ei dispensare.

Sed contra est quod dicitur de consecr. dist. 11. cap. *Pervenit*, ubi (ex decreto Concilii Rhemensis) inhibetur ne etiam infirmis per laicos sacerdotes hoc sacramentum transmittant.

Præterea. Ad eisdem pertinet esse ministros Ecclesiae, & dispensatores mysteriorum Dei. I. Corinth. iv. *Sic nos existimet homo ut ministros Christi, & dispensatores mysteriorum Dei.* Sed laici non sunt ministri Ecclesiae, Ergo non debent esse dispensatores sacramentorum.

QUAESTIUNCULA II.

1. Ulterius. Videtur quod diaconus possit dispensare. Quia beatus Laurentius diaconus fuit. Sibi autem commissa fuit dispensatio dominici sanguinis, ut patet in legenda sua. Ergo diaconus potest dispensare.

2. Præterea. Dispensatio huius sacramenti ad populi curationem pertinet. Sed diaconus potest habere curam animarum. Ergo & ipse est dispensator huius sacramenti.

(a) *Ad. & causam.*

EX EDIT. P. NICOLAI.

* Vel sicut in Decretis refertur causa 1. quæst. 1. cap. *Nique*, ut ex Lib. III. contra Iudeos Petilian. cap. 1x. etsi aliter Augustinus his verbis. *Nemo gloriatur nec in homine bono: nemo bona Dei facit nec in homine malo.* Non, ut prius Lib. XIX. contra Faustum cap. xix.

Sed contra est quod dicit canon dist. xciii. (cap. *Non oportet*.) *Non oportet diaconum panem dare, idest corpus Christi.*

QUAESTIUNCULA III.

1. Ulterius. Videtur quod aliquis possit licite recipere dispensationem sacramenti a fornicario, vel excommunicato, vel hæretico sacerdote. Augustinus enim dicit * (Lib. XIX. contra Faustum Manichæum cap. xii.) *Neque in homine bono, neque in homine malo aliquis sacramenta Dei fugiat.* Ergo potest a quolibet sacerdote hoc sacramentum recipere.

2. Præterea. Virtus divipa prævalet malitiæ humanæ. Sed sacramentum divina virtute continet gratiam, (a) & causat. Ergo quantumcumque sit malus ille qui dedit, vel hæreticus, consequitur gratiam qui ab eo sacramentum recipit.

3. Præterea. Iniquitas sacerdotis non potest ipsum corpus Christi inquinare. Sed hoc sacramentum ex ipso opere operato, quod est corpus Christi, gratiam confert. Ergo etiam si aliquis sit excommunicatus, vel hæreticus, sacramentum ab eo perceptum gratiam confert.

Sed contra est quod dicit canon (dist. xxxii. cap. *Nullus Missam*, & est Nicolai Papæ) *Nullus Missam audiat sacerdotis quem scit concubinam indubitanter habere.* Ergo peccat qui recipit sacramentum a concubinario sacerdote.

Præterea. Nullus debet recipere sacramentum præter institutionem Ecclesiae: quia indignus accederet. Sed aliqui secundum institutionem Ecclesiae sunt suspensi. Ergo non licet ab eis sacramenta recipere.

SOLUTIO I.

Respondeo dicendum ad primam questionem, quod sicut in corpore naturali sunt quædam membra principalia, per quæ virtutes, & operationes vitæ a principio vitæ ad cetera membra decurrunt; ita & in Ecclesia sacerdotes, & alii ministri sunt quasi membra principalia quibus mediantibus sacramenta vitæ populo dispensari debent: & ideo laicis, quantumcumque sanctis, sicut nec consecratio, ita nec dispensatio huius sacramenti competit.

Ad

Ad primum ergo dicendum, quod quamvis in essentia sua sacramentum sit perfectum sine usu sacramenti, tamen perfectionem quantum ad effectum sine usu non habet: & ideo etiam usus sacramenti huius ad dispensationem ministrorum Ecclesiae pertinet.

Ad secundum dicendum, quod in hoc sacramento ad reverentiam ipsius non solum exigitur sanctificatio morum, sed etiam sacramentalis sanctificatio: quia & ipse calix in quo sanctitas morum esse non potest, consecratur propter reverentiam sacramenti: & similiter in dispensante hoc sacramentum debet esse utraque sanctificatio: unde & manus sacerdotis unctione sanctificantur, sicut & calix. Et quia laicus hanc sanctitatem non habet, ideo non potest hoc sacramentum dispensare.

Ad tertium dicendum, quod sicut baptismum conferre competit sacerdoti ex officio, tamen laicus in casu necessitatis non peccat baptizans; ita tangere corpus Christi ex officio soli sacerdoti competit, sed in casu necessitatis potest, & debet (a) laicus corpus Christi tangere, etiam si sit peccator, ut si in aliquo loco immundo iaceret. Sed non est simile de dispensatione sacramenti: quia receptio huius sacramenti non est necessitatis: unde ei qui non potest sacramentaliter manducare, dicendum est: *Crede, & manducasti.* *

SOLUTIO II.

Ad secundam quaestionem dicendum, quod dispensatio huius sacramenti proprie ad sacerdotem pertinet, eo quod ipse repraesentat Christum, qui fuit mediator Dei, & hominum: unde cum hoc sacramentum sit ad reconciliandum nos Deo, oportet per sacerdotem, qui est mediator inter Deum & populum, dispensari. Sed sicut sacerdos, ut dictum est, participat aliquid de virtute perfecta, quae est Episcopi, ita diaconus participat aliquid de dispensatione huius sacramenti: competit enim ei ex officio sanguinem Domini dispensare, sed non corpus: quia dispensator corporis oportet quod ipsum corpus tangat, non autem dispensator sanguinis: diacono autem non licet corpus Christi tangere, cum non habeat manus sacratas: & ideo non debet corpus dispensare nisi de mandato presbyteri, vel

Episcopi, vel presbytero longe posito in casu necessitatis. Vel ideo dispensat sanguinem, & non corpus, quia per sanguinem significatur redemptionis mysterium, quod a capite Christi in membra diffunditur officio ministrorum: unde & sanguini aqua, quae populum significat, admiscetur; sed incarnatio, quam corpus Christi significat, non est humano ministerio facta.

Ad primum ergo dicendum, quod quamvis fuerit dispensator sanguinis, non tamen legitur fuisse dispensator corporis: unde & adhuc hodie in quibusdam Ecclesiis sanguis per diaconum ministris altaris dispensatur.

Ad secundum dicendum, quod diaconus potest habere curam animarum quantum ad ea quae iurisdictionis sunt, sed non quantum ad ea quae sunt ordinis: dispensatio autem sacramentorum ad ordinem pertinet.

SOLUTIO III.

Ad tertiam quaestionem dicendum, quod si aliquis cum peccato ad hoc sacramentum accedit, magis credit ei in nocuum quam in profectum. Quicumque autem contra ordinationem Ecclesiae accedit, per inobedientiam peccat. Simoniaci autem, & schismatici, & excommunicati ex statuto Ecclesiae a dispensatione huius sacramenti sunt suspensi: quia sunt extra unitatem Ecclesiae, in qua sacramenta conferuntur: & similiter interdictum est concubinariis sacerdotibus propter spiritualitatem maximam quae in hoc sacramento requiritur. Unde si aliquis ab aliquo praedictorum sacramentum suscipiat, peccat, & sic gratiam non consequitur. Tamen differt de fornicariis, & aliis praedictis: quia aliis non debet homo communicare in divinis scienter, quantumcumque sint occulti; sed concubarii sacerdotes non sunt vitandi, nisi sint notorii. Et dicuntur notorii tribus modis: vel propter sententiam, quia convicti sunt; vel per confessionem in iure factam; vel per rei evidentiam, sicut quando est ita manifestum quod nulla potest tergiversatione celari. Ab aliis autem peccatoribus licet sacramenta recipere.

Ad primum ergo dicendum, quod in quantum est malus, non fugitur; sed propter Ecclesiae prohibitionem. Vel dicendum, quod Augustinus dicit, quod sacra-

Qq 2 men-

(a) *id est* laicus.

* Ex Augustino tract. xxv. in Iohann.

menta non sunt fugienda, quia cognoscendum est etiam ab eis verum perfici sacramentum.

Ad secundum dicendum, quod quamvis sacramentum virtutem suam non amittat, tamen in eo qui indigne accedit contra obedientiam Ecclesiae faciens, effectum non habet.

Et similiter dicendum ad tertium.

QUAESTIO II.

DEinde quaeritur de haeresi: & circa hoc quaeruntur tria.

Primo. Quid faciat haereticum.

Secundo. Utrum haeresis sit maius peccatum aliis.

Tertio. Utrum haeretici sint tolerandi.

ARTICULUS I.

Utrum haeresis dicat perversitatem fidei.

1. **A**D primum sic proceditur. Videtur quod haeresis non dicat perversitatem fidei. Haeresis enim, ut dicit Isidorus (de summo bono cap. xix.) idem est quod divisio. Divisio autem unioni opponitur; unio autem fit per caritatem, quia amor est unitiva virtus, ut dicit Dionysius (de div. Nomin. cap. xi. par. xi.) Ergo haeresis non pertinet ad perversitatem fidei, sed magis ad perversitatem odii.

2. Praeterea. Schisma divisionem importat, & ita videtur schismatici haeretici esse. Sed schismatici non semper habent fidei perversitatem. Ergo haeresis non consistit in perversitate fidei.

3. Praeterea. Simoniaci non errant in fide. Sed tamen simoniaci sunt haeretici: quia, ut dicit Gregorius in registro * (Lib. IV. cap. xcv.) *Qui per pecuniam ordinatur, (a) haereticus promoveatur.* Ergo haeresis non importat errorem in fide.

4. Praeterea. Superstitio religioni opponitur, non fidei. Sed haeresis superstitio dicitur. Ergo non pertinet ad fidei perversitatem, sed magis ad perversitatem religionis.

5. Praeterea. Hieronymus dicit (super Osee cap. vii. & super Amos cap. xxi.) quod ex verbis inordinate prolatis incurritur haeresis. Sed fides non consistit in ver-

bis oris, sed in assensu cordis. Ergo haeresis non dicit perversitatem fidei.

6. Praeterea. Multa sunt de his quae ad fidem pertinent, in quibus sunt contrariae (b) opiniones; & sic oportet alteram earum esse falsam; nec tamen aliqua iudicatur haeretica. Ergo tota ratio haeresis non consistit in perversitate fidei.

7. Praeterea. Iudei habent perversam fidem, nec tamen haeretici dicuntur. Ergo omnis haeresis non consistit in perversitate fidei.

8. Praeterea. Multi habent perversam fidem qui non habent novam opinionem, sicut Manichaei. Sed habere novam opinionem est de essentia haeresis, sicut patet per definitionem Augustini (de utilitate credendi ad Honoratum cap. r.) Ergo &c.

9. Praeterea. Multi habent perversam opinionem in iis quae sunt fidei, qui ex hoc nullum commodum temporale sperant. Sed hoc est de essentia haeresis, ut patet per Augustinum (ibidem.) Ergo &c.

Sed contra. Haeresis est peccatum. Ergo alicui virtuti opponitur. Sed nulla cognitio inter virtutes computatur nisi fides. Ergo cum haeresis ad cognitionem pertineat, ut ex definitione Augustini patet (ubi supra) videtur quod haeresis sit perversitas fidei.

Praeterea. Hoc patet ex communi usu loquendi.

SOLUTIO.

Respondeo dicendum, quod nomen *haeresis* graecum est, & electionem importat secundum Isidorum (Lib. VIII. etymologiae cap. xxi.) unde & haeretica divisiva dicuntur. Et quia in electione fit divisio unius ab altero, electio *prohaeresis* dicitur, ut patet IX. Metaphys. (text. x.) Divisio autem contingit alicui parti per rectum a toto. Prima autem congregatio quae est in hominibus, est per viam cognitionis, quia ex hac omnes aliae oriuntur: unde & haeresis consistit in singulari opinione praeter communem opinionem. Unde & Philosophi qui quasdam positiones habebant praeter communem sententiam aliorum, sectas, vel haereses proprias constituiebant. Sed quia nullus denominatur ab eo quod inest sibi imperiecte, sed solum quando confirmatur in.

(a) Nicolai: ad hoc ut fiat haereticus. (b) A. oppositiones.

EX EDIT. P. NICOLAI.

* sic in Decret. causa 1. cap. *Presbyter*, non sicut prius diminutive, nec satis pleno sensu. Hoc autem etiam in Registro, velleptis Gregorii explicite non occurrat, tamen colligi potest ex Lib. IV. epist. lxx. & lxxi.

in illo (sicut non dicitur iracundus cui inest passio iræ , sed qui passibilis est de facili ab ea ; neque qui habet dispositionem , dicitur sanus) ideo neque hæreticus nominatur nisi qui in singulari opinione firmam habet stabilitatem : unde etiam competit ei nomen *hæresis* , secundum quod in electionem sonat : quia quod in electione fit , quasi ex habitu firmato procedit . Competit ei etiam nomen *hæresis* , secundum quod latinum est , ab hærendo dictum : quia suæ opinionis vehementer inhæret . Et quia congregatio corporis mystici per unitatem veræ fidei primo constituitur , ideo hæreticus secundum nos dicitur qui a communi fide , quæ catholica dicitur , discedit , contrariæ opinioni vehementer inhærens per electionem .

Ad primum ergo dicendum , quod amor facit completam unionem ; sed principium unionis est ex cognitione : & ideo divisio quæ est in fide , hæresim constituit .

Ad secundum dicendum , quod schisma importat divisionem oppositam caritatis unioni : dicuntur enim schismatici qui concordiam non servant in Ecclesiæ obsequiis , ut Ecclesiæ prælati obediant , volentes per se Ecclesiam constituere singularem : & isti in principio perversum dogma non habent , sed ab Ecclesiæ fundamento recedentes in vaniloquium vertuntur , & perversum aliquod configunt , & sic in fine in hæresim labuntur : unde Hieronymus dicit (in exposit. cap. 111. Epist. ad Tit.) quod hæresis , & schisma differunt sicut genus , & species .

Ad tertium dicendum quod simoniaci quandoque dicuntur per similitudinem hæretici : quia sicut hæreticus contra fidem sentit , ita simoniacus operatur , ac si contra fidem sentiret , dum pretio sacra vult adipisci , vel dare , ac si æstimeret donum Spiritus sancti pecunia possideri .

Ad quartum dicendum , quod fides est primum eorum quæ ad religionem requiruntur : quia omnis religio , sive cultus Dei , est quædam fidei protestatio : & ideo veritas fidei dicitur veritas quæ secundum pietatem est ; Tit. 1. ideo etiam ea quæ hæresis sunt , ad superstitionem pertinent .

Ad quintum dicendum , quod fides principaliter consistit in corde , & primo , sed secundario in ore : quia corde creditur ad iustitiam , ore confessio fit ad salutem : Rom. x. 10. & similiter hæresis principaliter consistit in corde , secundum quod Hilarius di-

cit (Lib. VIII. de Trinit.) *Intellectus sensus in animo est , sed secundario in ore .* Unde Hieronymus dicit , quod ex verbis inordinate prolatis incurritur hæresis , non quia hæresis per se in his consistit , sed quia sunt occasio , & causa erroris .

Ad sextum dicendum , quod in fide sunt aliqua ad quæ explicitè cognoscenda omnis homo tenetur : unde si in his aliquis errat , infidelis reputatur , & hæreticus , si pertinaciam adiungat . Si autem sunt aliqua ad quæ explicitè credenda homo non tenetur , non efficitur hæreticus in his errans , ut si aliquis simplex credat , Iacob patrem fuisse Abraham , quod est contra veritatem Scripturæ , quam fides profitetur , quousque hoc sibi innoteat , quod fides Ecclesiæ contrarium habet : quia non discedit per se loquendo a fide Ecclesiæ nisi ille qui scit hoc a quo recedit , de fide Ecclesiæ esse . Et quia quædam sunt quæ in fide Ecclesiæ implicitè continentur , ut conclusiones in principis , ideo in his diversæ opiniones sustinentur , quousque per Ecclesiam determinatur quod aliquid eorum contra fidem Ecclesiæ est , quia ex eo sequitur aliquid contrarium fidei directe .

Ad septimum dicendum , quod dividi non convenit nisi parti : & ideo illi qui numquam fuerunt de fide Ecclesiæ , non reputantur hæretici , si perversum fidem habeant , ut Iudæi , vel Pagani : quia numquam fuerunt partes huius totius quod est Ecclesia .

Ad octavum dicendum , quod omnis opinio quæ non habet initium a doctrina Christi , quæ est fundamentum , nova reputatur , quantumcumque secundum tempus sit antiqua . Vel dicendum , quod Augustinus loquitur quantum ad primos hæresim inventores .

Ad nonum dicendum , quod illi qui hæresim configunt de novo , constat quod aliquod expectant commodum , saltem principatum : volunt enim habere sequaces . Hoc etiam in omnibus ex superbia procedit , quæ est amor propriæ excellentiæ , quod a communi via discedunt animi levitate , aut perversitate .

ARTICULUS II.

Utrum haeresis sit maximum peccatum.

2. 2. quæst. x. art. 3. & 6.

1. **A**D secundum sic proceditur. Videtur quod haeresis non sit maximum peccatum. Maxima enim peccata videntur esse principalia peccata: quia illud est maximum in unoquoque genere quod est principale. Sed haeresis non est principale vitium. Ergo non est maximum.

2. Præterea. Secundum Philosophum in VIII. Ethic. (cap. x. vel xii.) pessimum opponitur optimo. Sed fides, cui opponitur haeresis, non est optima virtutum. Ergo nec haeresis est maximum peccatum.

3. Præterea. Illud quod excusat, non est maximum peccatum. Sed haeresis, vel infidelitas excusat: I. Tim. 2. 13. *Sed misericordiam consecutus sum, quia ignorans feci in incredulitate mea.* Ergo haeresis non est maximum peccatum.

4. Præterea. Secundum mensuram peccati est mensura poenæ. Sed secundum Hieronymum * peccatum schismatis est magis punitum quam aliquod aliud peccatum: quia absorpti sunt a terra, ut patet Numer. xvi. Ergo haeresis non est maximum peccatum.

5. Præterea. Peccatum in Spiritum sanctum est gravius ceteris peccatis. Sed haeresis non est huiusmodi. Ergo non est gravissimum.

Sed contra. In epistola Clementis ** dicitur, quod primum locum in poenis habent qui aberrant a Deo. Sed tales sunt hæretici. Ergo &c.

Præterea. Ambrosius dicit (Lib. de dignitate sacerdotii cap. iv.) *Gravissime peccat, si ignorat.* (a) Sed hæretici ignorantiam Dei habent. Ergo gravissime peccant.

Præterea. Dionysius dicit 111. cap. eccles. Hierar. *quod ille qui habet participationem quamdam sacratissimam consummat*

tionem, non est aequalis universaliter indolentia, & non participant aliquam divinarum relevationum, id est consecrationum. Sed tales sunt hæretici. Ergo alii peccatores non sunt eis æquandi in malo.

SOLUTIO.

Respondeo dicendum, quod unumquodque dicitur malum quia nocet. Unde cum haeresis plus noceat quam aliquod aliud peccatum, quia subvertit fundamentum omnium bonorum, sine quo nihil boni remanet, ideo haeresis est ex genere suo maximum peccatum, quamvis ex accidenti aliquod peccatum possit esse gravius: sicut si multum crederet contemptus Dei in aliquo quod etiam ex genere suo esset veniale. Sed de eo quod est secundum accidens, non est curandum in arte, ut Philosophus dicit in V. Ethic. (cap. vii.)

Ad primum ergo dicendum, quod sicut secundum Philosophum in VII. Ethic. (cap. 1.) bestialitas ponitur extra numerum aliarum humanarum malitiarum, quia humanum modum transcendit: ita a sanctis ponitur haeresis extra numerum peccatorum, quæ (b) in fidelibus inveniuntur, quasi gravius eis: & ideo non computatur inter vitia capitalia, nec ioter eorum filias: quia vitia capitalia secundum Iudodorum in Glossa *** Deuteronom. vii. signantur per septem populos, qui in terra promissionis non remanserunt. Tamen si ad aliquod de septem capitalibus reduci debeat, poterit ad superbiam reduci, ut per diffinitionem Augustini in littera positam patet.

Ad secundum dicendum, quod verbum Philosophi intelligendum est in his quæ non sunt ordinata ad invicem, in quibus destructo uno alterum non destruitur. Sed in ordinatis ad invicem destructio prioris semper est peior, siue illud sit melius, siue non: quia eo remoto consequentia remouentur: sicut agritudo est peior quam sanitas.

Ad tertium dicendum, quod sicut fides habet

(a) *Addit Nicolai:* Vel sic potius Glossa, quæ super illud ad Rom. 11. *Ignoras quod invigilans Deo ad puniendum te adducit?* tres peccatorum gradus notat: quorum primus est dum quis sibi impenitentem pollicetur: secundus, & gravior, quia contemnit donum Dei: tertius, & gravissimus, quia ignorat se contemnere: quod sine ignorantia Dei esse non potest. (b) *Nicolai in inidelibus.*

EX EDIT. P. NICOLAI.

* Quod ne ex Hieronymo subiungitur, & illius nomine in antiquis Decreti exemplaribus notabatur causa xiv. quæst. 2. cap. *Non asseramus*, ex Augustino desumptum est Lib. 11. de baptismo contra Donatistas cap. vi. ut eiusdem Decreti nova exemplaria contineant. ** Ad Iacobum fratrem Domini, Synephristica. *** Sic nomine Iudæi moderata Glossa insinuat: sed ex eo desumptum est super Deuteronom. cap. xvi.

habet aliquid in affectu, ita & hæresis: & quamvis ex illa parte qua habet ignorantiam in intellectu, aliquo modo excusare possit; tamen secundum quod habet duritiam in affectu ad non obediendum primæ veritati, nihil prohibet eam esse maximum peccatorum.

Ad quartum dicendum, quod quamvis schisma fuerit gravius punitum quantum ad novitatem poenæ (quod expediebat ut prælati Ecclesiæ non contemnerentur) tamen infidelitas est magis punita quantum ad multitudinem punitorum, ut patet Exodi xx.

Ad quintum dicendum, quod hæresis, secundum quod pertinaciam importat, species est peccati in Spiritum sanctum, quia est impugnatio veritatis agnitæ.

ARTICULUS III.

Utrum hæretici sint sustinendi.

2. 2. quæst. xi. art. 3.

1. Ad tertium sic proceditur. Videtur quod hæretici sint sustinendi. Nihil enim debet impugnari, nisi quod est contra amicitiam. Sed diversitas opinionum non est contra concordiam amicitiae, ut Philosophus in I. Ethic. cap. vi. inquit. Ergo non sunt impugnandi.

2. Præterea. Quod est necessarium, non est (a) impediendum. Sed hæresis est necessaria Ecclesiæ: I. Corinth. xi. 19. (b) *Necesse est hereses esse, ut qui probati sunt, manifesti fiant.* Ergo non sunt impugnandi.

3. Præterea. Matth. xii. Dominus præcepit ut zizania permitterentur crescere usque ad messem. Messis autem est finis sæculi. Cum ergo hæretici sint zizania, videtur quod debeant permitti crescere usque ad finem mundi.

4. Præterea. Nullus sapiens debet niti ad hoc quod consequi non potest. Sed, sicut dicit quædam Glossa * Isai. vii. quamdiu stabit mundus, sapiens, secularis, & hæreticus sermo dominabuntur. Ergo non debet Ecclesiæ niti ad hæresum impugnationem.

5. Præterea. Nullus credit non volens, ut dicit Augustinus (super Ioan. tract.

xxvi.) Sed hæretici in fide errant. Ergo non sunt cogendi.

Sed contra. I. Corinth. v. Apostolus præcepit esse extirpandum vetus fermentum, quia totam massam corrumpit. Sed hæretici Ecclesiæ maxime corrumpunt. Ergo sunt ab Ecclesiæ extirpandi.

Præterea. Lupi sunt ab ovibus arcendi pastorum officio, ut patet Ioan. x. Sed hæretici sunt lupi, ut patet Act. xx. Ergo debent extirpari.

Præterea. Vita spiritualis est melior quam corporalis. Sed homicidæ extirpantur, qui auferunt hominibus vitam corporalem. Ergo multo amplius hæretici, qui auferunt hominibus vitam spirituales.

SOLUTIO.

Respondeo dicendum, quod hæresis est infectivum vitium: unde II. Timoth. ii. 16. dicitur, quod multum proficiunt ad impietatem, & sermo eorum ut cancer serpit: & ideo Ecclesiæ eos a consortio fidelium excludit, & præcipue illos qui alios corrumpunt; ut simplices, qui de facili corrumpi possunt, ab eis sint segregati non solum mente, sed etiam corporaliter: unde per Ecclesiæ carcerantur, & expelluntur. Si autem alios non corrumpere, possent etiam celari. Sed illi qui sunt firmi in fide, possunt cum eis corpore conversari, ut eos convertant; non tamen in divinis, quia excommunicati sunt. Sed iudicio seculari possunt licite occidi, & bonis suis spoliari, etiam alios non corrumpant: quia sunt blasphemii in Deum, & fidem falsam observant: unde magis possunt puniri isti quam illi qui sunt rei criminis læsæ maiestatis, & illi qui falsam monetam cudunt.

Ad primum ergo dicendum, quod Philosophus loquitur de opinionibus speculativis tantum. Sed consensus in unitate fidei est principium communionis in caritate: & ideo dissensus in fide excludit amicitiam familiaritatis.

Ad secundum dicendum, quod hæresis dicitur necessaria non per se loquendo, sed per accidens, inquantum ex quolibet malo Deus elicit aliquod bonum: quia secundum Augustinum (Lib. VII. Confess. cap. xix.) Ecclesiæ utitur hæreticis ad probationem doctrinæ suæ, dum scilicet eorum falsa dogmata impugnat.

Ad

(a) Al. impedimentum. (b) Vulgata: *Operes & hereses &c.*

EX EDIT. P. NICOLAI.

* Et Hieronymo sumpta super illud ex vers. 1. *Rafin Rex Syria &c.*

Ad tertium dicendum, quod Dominus ideo præcepit ut zizania non eradicerentur, ne forte simul cum ipsis eradicaretur & triticum: & ideo hoc locum habet in illis de quibus non constat utrum sint hæretici, vel non.

Ad quartum dicendum, quod quamvis Ecclesia non possit facere quin sint aliqui hæretici, tamen potest singulariter hunc, vel illum coercere; sicut etiam omnia peccata venialia vitare non possumus, tamen singula vitare nitimur.

Ad quintum dicendum, quod Ecclesia non persequitur eos, ut per violentiam inducantur ad credendum, sed ne alios corumpant, & ne tantum peccatum inultum remaneat.

EXPOSITIO TEXTUS.

Qui (a) intus sunt nomine, & sacramento, etsi non vita. Hoc dicit propter schismaticos, & hæreticos, quicquid ipsum non possunt consecrare.

Et quid maius corpore, & sanguine? Videtur corpus mysticum: quia significatur per ipsum. Et dicendum, quod in his quæ sunt tantum ad significandum, verum est quod signatum prævalet signo, non autem in aliis quæ ex consequenti significant. Et ideo dicendum, quod corpus Christi mysticum, si accipitur cum ipso capite, est melius quam corpus Christi verum; si tamen corpus Christi verum accipitur sine Divinitate cui est unitum, alias non: quia Deus, & omnes creature non sunt aliquid melius quam Deus tantum. Si autem accipitur corpus Christi mysticum absque capite, sic corpus Christi verum est nobilius.

Illi vero qui excommunicati sunt, vel de hæresi manifeste notati, non videntur hoc sacramentum posse consecrare. Sciendum, quod in hoc opinio Magistris discordat a communi opinione: & ideo contrariæ opinioni ad hærendum est.

Missæ enim dicitur, eo quod celestis missus ad consecrandum vivificum corpus adveniat. Præter hanc rationem nominis assignat Hugo (de sacram. Lib. II. par. viii. cap. xiv.) tres alias rationes. Primo quia Missa dicitur quasi transmissa, eo quod populus fidelis per ministerium sacerdotis, qui mediatoris vice fungitur inter Deum & hominem, preces, vota, & oblationes Deo

transmittit. Secundo ipsa hostia sacra Missa vocari potest: quia transmissa est prius a Patre nobis, ut scilicet nobiscum esset, postea a nobis Patri, ut apud Patrem pro nobis esset. Tertio Missa ab emittendo dicitur, ut quidam dicunt: quia ut sacerdos hostiam consecrare incipit, per manum diaconi, & ostiarii catechumenos, & non communicantes foras Ecclesiam mittit. Quarta causa ponitur in littera.

Lube ergo hæc perferri per manus sancti Angeli tui in sublime altare tuum. Angelus sacris mysteriis interesse credendus est, non ut consecret, quia huiusmodi potestatem non habet, sed ut orationes sacerdotis, & populi Deo repræsentet, secundum illud Apocalyp. viii. 4. (b) *Ascendit fumus aromatum in conspectu Domini de manu Angelii, quæ sunt orationes sanctorum.* Petit ergo sacerdos ut hæc, idest significata per hæc, scilicet corpus mysticum, per manus Angelii, idest ministerio Angelorum, perferantur in altare subline, idest in Ecclesiam triumphantem, vel in participationem Divinitatis plenam: quia Deus ipse altare sublime dicitur: Exod. xx. 26. *Non ascendat ad altare meum per gradus*; idest, in Trinitate non facies gradus. Vel per Angelum ipse Christus intelligitur, qui est magni consilii Angelus (Iai. ix. 6. iuxta lxx.) qui corpus suum mysticum Deo Patri coniungit, & Ecclesie triumphanti.

Oblationem eius consecrare, idest consecratam Deo repræsentare, ut accepta sit in conspectu Dei quantum ad illos qui offerunt, quia quantum ad id quod continetur, semper est Deo accepta.

(c) *Maledicam benedictionibus vestris.* Hostiæ benedictio non est principaliter a sacerdote, sed a Deo; unde hæc auctoritas non est ad propositum.

Et intentionem adhiberi oportet. De intentione idem dicendum est quod supra de baptismo dist. vi. (quæst. i. art. 2. quæstionum. i.)

Illud etiam sane dici potest, quod a brutis animalibus corpus Christi non sumitur, etsi videatur. Quomodo hoc sit verum, supra dist. x. dictum est. Debet autem ille cuius negligentia hoc accidit, quod mus species comedat, secundum canones quadraginta diebus pœnitere: & nus si capi potest, comburi (d) debet, & cinis in sacrarium proci. Si autem amissa fuerit hostia, vel pars eius, ut inveniri non possit,

(a) Al. Ut intus sub nomine &c. (b) Vulgata: *Ascendit fumus incensum de orationibus sanctorum de manu Angeli coram Deo.* (c) Al. *Non maledicam.* (d) vel. potest.

fit, debet viginti duobus diebus pœnitere. Si autem per negligentiam aliquid de sanguine stillaverit in tabulam quæ terræ adhæret, lingua lambetur, & tabula radeatur. Si vero non fuerit tabula, terra radeatur, & igni comburetur, & cinis in altari condatur: & sacerdos quadraginta diebus pœniteat. Si autem super altare calix stillaverit, sorbeat minister stillam, & tribus diebus pœniteat. Si super linteum altaris, & ad aliud stilla pervenerit, quatuor diebus pœniteat. Si usque ad tertium linteum, octo diebus pœniteat. Si usque ad quartum, viginti diebus pœniteat, & linteamina quæ stilla tetigit, tribus vicibus lavet minister, calice subtus posito; & aqua ablutionis sumatur, & iuxta altare condatur. Tutum est etiam ut pars illa linteae abscindatur, & comburatur, & cinis in altari condatur. Si autem aliquis per ebrietatem, vel voracitatem eucharistiam vomuerit, quadraginta diebus pœniteat; clerici, vel monachi, sexaginta, Episcopus nonaginta. Si autem infirmitatis causa vomuerit, septem diebus pœniteat. Dicunt autem quidam, quod pœna irrogata fuit ad cautelam, ut negligentia magis cavetur: & ideo circumstantiis penalis potest minui, vel addi ad pœnam prædictam. Sed tutius est ut prædictam peragat. Debet autem secundum quosdam illis diebus ieiunare, & a communione cessare. Alii vero dicunt, quod his diebus iniungenda est pœnitentia arbitraria pensatis conditionibus personæ, & negotii: & hoc probabilius videtur. Et hæc de eucharistia dicta sufficiant.

DISTINCTIO XIV.

De pœnitentia.

Post hæc de pœnitentia agendum est. Pœnitentia longe positæ a Deo necessaria est, ut appropinquent. Est enim, ut ait Hieronymus (epist. vii. & in Isai. 111.) secunda tabula post naufragium: quia si quis vestem innocentie in baptismo perceptam peccando corruperit, pœnitentie remedio reparare potest. Prima tabula est baptismus, ubi deponitur vetus homo, & induitur novus. Secunda, pœnitentia, qua post lapsum resurgimus, dum vetustas reversa repellitur, & novitas perdita refutitur. Post baptismum prolapsi per pœnitentiam renovari valent, sed non per baptismum. Licet homini sæpius pœnitere, sed non baptizari. Baptismus tantum est sacramentum, sed pœnitentia dicitur & sacramentum, & virtus mentis. Est enim pœnitentia interior, & est pœnitentia exterior. Exterior, sacramentum est; interior, virtus mentis est: & utraque causa salutis est, & iustificationis. Utrum vero omnis exterior pœnitentia sit sacramentum, vel si non omnis, quæ hoc nomine censenda sit, consequenter investigabimus. A pœnitentia cœpit Ioannis prædicatio, dicentis (Matth. 111. 2.) „Pœnitentiam, agite: (1) appropinquabit enim regnum cælorum.“ Quod autem præcœdunt, illud post Veritas prædicavit, exordium sermonis a pœnitentia. Pœnitentia dicitur a puniendo, qua quis punit illicita quæ commisit. Pœnitentie virtus timore concipitur. Unde Isai. xxvi. 17. (2) „A timore tuo Domine concepimus, & peperimus spiritum salutis.“ Est autem pœnitentia, ut ait Ambrosius (in ser. fer. ter. post dom. 1. quadrag.) mala præterita plangere, & plangenda iterum non committere. Item Gregorius (hom. xxxiv. in Evang.) „Pœnitere est ante acta peccata deslere, & stenda non committere. (3) Nam qui sic alia deplorat, ut alia tamen committat, adhuc pœnitentiam agere aut ignorat, aut dissimulat. Quid enim prodest, si peccata luxuriæ quis desleat, & adhuc avaritiæ æstibus anhelet? “ His verbis quidam vehementius in hæren-

S. Tb. Oper. Tom. XII.

R r tes,

(1) Al. appropinquavit. (2) *Volgeta*, a facie tua. (3) *Nirlei* (sive pœnitentiam agere est, & peccata mala plangere, & plangenda non perpetrare.)

tes, contendunt vere poenitentem ultra non posse peccare damnabiliter; & si graviter peccaverit, veram non percepisse poenitentiam. Quod etiam aliis muniunt testimoniis. Ait enim Isidorus (de summo bono Lib. II. cap. xvi.) „ Irrisor est, & non poenitens, qui adhuc agit quod poenitet. Nec videtur Deum poscere subditus, sed subannare superbis. Canis reversus ad vomitum, (1) est poenitens reverfus ad peccatum. Multi autem lacrymas indefinenter fundunt, & peccare non desinunt. Quosdam accipere lacrymas ad poenitentiam cerno, & affectum poenitentiae non habere: quia inconstantia mentis nunc recordatione, ne peccati lacrymas fundunt, nunc reviviscente usu ea quae flevissent, iterando committunt. Isai. 1. 16. (2) peccatoribus dicit: Lavamini, mundi estote. Lavatur, & mundus est qui praeterita plangit, & flenda iterum non committit. Lavatur, & non est mundus, qui plangit quae gessit, nec deserit, & post lacrymas ea quae desseverat, repetit. „ Item Augustinus * (ut habetur dist. 111. de poenit. cap. „ Inanis.) „ Inanis est poenitentia quam sequens culpa coinquinat. Nihil profunt lamenta, si replicantur peccata. Nihil valet veniam a malis poscere, & mala denuo iterare. „ Item Gregorius ** (in Registro) „ Qui commissis plangit, nec tamen deserit, poenae graviore (3) se subiicit. „ Item Ambrosius (Lib. II. de poenit. cap. x.) „ Reperiuntur (4) qui saepius agendam poenitentiam putant, quia luxuriantur in Christo. Nam si vere poenitentiam in Christo agerent, iterandam postea non putarent: quia sicut unum baptisma, ita est una poenitentia. „ His, aliisque pluribus utuntur in assertione suae opinionis. (5) Sed Ambrosius dicit (ubi supra) „ Haec vera poenitentia est, cessare a peccato. „ Et idem (paulo infra.) „ Magni profectus est renuntiassse errori. Imbutos enim vitiis animos exuere, atque emendare, virtutis est perfectio, & caelestis gratia. „ Et ideo sane ita diffiniri potest: Poenitentia est virtus qua commissis mala cum emendationis proposito plangimus, & odimus, & plangenda ulterius committere nolumus: quia poenitentia vera est in animo dolere, & odire vitia. Unde illa verba praemissa „ Poenitere est ante acta desistere, & flenda non committere, „ recte sic accipi possunt, ut non ad diversa tempora, sed ad idem referantur, ut scilicet tempore quo desistat commissis mala, non committat (voluntate, vel opere) flenda: quod innuitur ex verbis consequentibus: „ Nam qui sic alia deplorat (6) &c. Hinc Augustinus ait (in Enchiridio cap. lxx.) „ Cavendum est ne quis existimet nefanda illa crimina, qualia qui agunt, regnum Dei non possidebunt, quotidie perpetranda, & elemosynis quotidie redimenda. In melius est enim vita mutanda, & per elemosynas de peccatis praeteritis propitiandus est Deus; non ad hoc emendus quodammodo, ut ea semper liceat impune committere. Nemini enim dedit laxamentum peccandi, etsi miserando delectat commissis peccata, si non satisfactio congrua negligatur. „ Item Pius Papa (epist. 1. ut refertur de poen. dist. 111. cap. „ Nihil prodest. „) „ Nihil prodest homini ieiunare, & orare, & alia religionis opera agere, nisi mens ab iniquitate revocetur. „ Qui ergo a malis sic mentem revocat ut commissis plangat, & plangenda committere non velit, nec

(1) *M.* & poenitens ad peccatum. (2) *M.* de peccatoribus. (3) *Nicolas* (sive potius pene culpa graviore.) (4) *Idem* (vel merito reprehenduntur.) (5) *Idem*. Sed Ambrosius dicit, quod vera poenitentia est cessare a peccato. Sic enim Lib. II. de poenitentia cap. v. „ Qui agit poenitentiam, non solum dilare lacrymis debet peccatum suum, sed etiam emendationibus factis operis delicta inspectiora, ut non impetuetur ei peccatum. „ Et in Psalm. cxviii. super octonarium 22. „ Qui erravit, desinit errare, & veterem condemnat errorem: errare enim permanentis in vitio est, errasse corrigentis est lapsus &c. „ Et idem (paulo infra.) „ Magnus profectus est renuntiassse errori. Imbutos enim vitiis animos exuere firmis cupiditatum, atque emendare, non solum virtutis est perfectio, sed etiam caelestis est gratia. „ Et ideo &c. (6) *Nicolas*: ut alia committat &c.

EX EDIT. P. NICOLAI.

* Vel potius Isidorus Synonymorum Lib. I. prope finem. ** Lib. de cura pastoralis part. 111. admonit. 31.

nec satisfacere negligit, vere pœnitet. Nec ideo non est vera pœnitentia, quia forte non de proposito, sed casu, vel infirmitate peccabit. Ille autem irrisor est, & non pœnitens, qui sic commissâ plangit ut plangenda voluntate, vel opere committere non desinat. Ille etiam qui post lacrymas repetit quæ flevit, lavatur ad tempus, sed mundus non est; idest, illa munditia non est ei sufficiens ad salutem, quia est momentanea, non perseverans. Item illud, „Inanis est pœnitentia quam sequens culpa coinquinat,“ sic intelligendum est. Inanis est, scilicet carens fructu, illius (1) pœnitentia quem sequens culpa coinquinat. Illius enim fructus est vitatio gehennæ, & adeptio gloriæ. Mortificatur enim illa pœnitentia, & alia antea facta bona per sequens peccatum, ut non sortiantur mercedem quam meruerunt cum fierent, & quam haberent, si peccatum non succederet. Sed etsi de peccato succedenti pœnitentia agatur, & pœnitentia quæ præcessit, & alia antea facta bona reviviscunt; sed illa tantum quæ ex caritate prodierunt: illa enim sola viva sunt quæ ex caritate fiunt. Ideoque si per sequentia peccata mortificantur, per subsequentem pœnitentiam reviviscere possunt. Quæ vero sine caritate fiunt, mortua, & inania generantur; & ideo per pœnitentiam reviviscere non valent. Similiter intelligendum est illud, „Nihil pro sunt lamenta, si replicantur peccata;“ & illud, „Nihil valet veniam de malis poscere, & mala iterare.“ Si enim replicantur peccata, nihil valet ad salutem, vel ad veniam in fine præcedens lamentum, quia nihil relinquitur de vitæ munditia: quia aut peccata dimissa redeunt, ut quibusdam placet, cum replicantur; vel si non redeunt, eis tamen deletis, propter ingratitudinem ita reus, & immundus constituitur, cum adhuc in expiandis implicatur, ut si iam deleta redirent. De hoc tamen, scilicet an peccata redeant, post plenius agemus (dist. xxxii.) Similiter nihil valet ad salutem obtinendam, vel ad munditiam vitæ habendam, veniam de male factis poscere, & male facta denuo iterare. Ita etiam intelligendum est illud quod idem Augustinus alibi ait * (de vera & falsa pœnitentia cap. viii. circa med. & habetur de pœnit. dist. iiii. cap. „Pœnitentia.“) Pœnitentia est quadam dolentis vindicta, semper puniens in se quod dolet commississe. Et infra: „Quotidie (2) dolendum est de peccato: quod declarat ipsa (3) dictionis virtus. Pœnitere enim est pœnam tenere, ut semper puniat in se ulciscendo quod commisit peccando. Ille pœnam tenet qui semper vindicat quod commississe dolet. Pœnitentia ergo est vindicta semper puniens in se quod dolet commississe. Quid restat nobis nisi dolere in vita? Ubi enim dolor finitur, deficit & pœnitentia. Si vero pœnitentia finitur, quid relinquitur de venia? Tamdiu gaudeant, & sperent de gratia, quamdiu sustentantur a pœnitentia. Dicit enim Dominus (Ioan. viii. 11.) Vade, et amplius noli peccare. Non dixit, Ne pecces, sed Ne voluntas peccandi in te oriatur. Quod quomodo servabitur, nisi dolor in pœnitentia continue custodiatur? Semper doleat, & de dolore gaudeat; & non sit satis quod doleat; sed ex fide doleat, & non semper doluisse doleat.“

Determinatio intelligentiæ dictorum.

DE pœnitentia perfectorum, vel ad salutem sufficienti, intelligendum est quod supra dixit, scilicet „Pœnitentia est vindicta semper puniens quod commissit,“ & alia huiusmodi. Illud vero, „Si pœnitentia finitur, nihil de venia relinquitur,“ dupliciter accipi potest. Si enim iuxta quorundam intelligentiam, peccata dimissa redeunt, facile est intelligere nihil de venia relinqui,

R r 2

quia

(1) *id. pœnitentia, quam sequens culpa non coinquinat.* (2) *Nivels: (vel continue.)* (3) *id. dictionis.*

EX EDIT. P. NICOLAI.

* *Idem non idem verus dici debet, sed suppositivus Augustinus. ** Quod subingit, sumptum est p. xxvii. eiusdem Libri quantum ad primam partem quo ad secundam verum ex cap. xii.*

quia peccata dimissa iterum replicantur. Sicut enim ille qui ex servitute in libertatem manumittitur, (1) iterum vere liber est, & tamen propter offensam in servitutem postea revocatur; sic & poenitenti peccata vere dimittuntur, & tamen propter offensam quæ replicatur, iterum redeunt. Si vero non redire dicantur; sane potest dici, etiam sic nihil de venia relinqui: non quod dimissa peccata iterum impudentur; sed quia propter ingratitudinem ita reus, & immundus constituitur ac si illa redirent.

De solemnī, & unica poenitentia.

Illud autem quod Ambrosius ait, „ Sicut unum baptisma, ita & una poenitentia, “ non secundum generalem, sed secundum specialem morem Ecclesiæ de solemnī poenitentia dictum intelligitur; quæ apud quosdam semel celebrata, non iteratur. Item illud aliud Ambrosii (Lib. II. de poenit. cap. xi.) „ Poenitentia „ semel usurpata, nec vere celebrata & fructum prioris aufert, & usum sequentis amittit: “ (2) de solemnī intelligitur. Solemnis ergo poenitentia, ut Ambrosius in eodem (Lib. cap. 111.) ait, est quæ sit extra Ecclesiam in manifesto, in cinere, & cilicio; quæ pro gravioribus, horrendisque, ac manifestis delictis tantum imponitur; & illa non est iteranda pro reverentia sacramenti, & ne vilescat, & contemptibilis fiat hominibus. Unde Augustinus (ad Macedonium epist. lii.) „ Quamvis caute, & salubriter provisum sit ut locus illius humilissimæ poenitentiae semel in Ecclesia concedatur, ne medicina vilis minus utilis esset ægrotis, quæ tanto magis salubris est, quanto minus contemptibilis fuerit; quæ tamen audeat Deo dicere: Quare huic homini, qui post poenitentiam primam rursus se laqueis iniquitatis obstringit, adhuc iterum parcis? “ Origenes quoque (super Levit. homil. xv.) de hac solemnī poenitentia, quæ pro gravioribus criminibus iniungitur, ait: „ Si nos aliqua culpa mortalis invenerit, quæ non in crimine mortali, vel in blasphemia fidei, sed (3) in sermonis, vel in morum vitio consistat; hæc culpa semper reparari potest: nec interdicitur aliquando de huiusmodi poenitentiam agere. Sed non ita de gravioribus criminibus. In gravioribus enim criminibus semel tantum (4) poenitentiae conceditur locus. Communia quæ frequenter incurrimus, semper poenitentiam recipiunt, & semper (5) redimuntur. “ Communia dicuntur venialia peccata, & sorte mortalia quædam aliis minus gravia. Quæ sicut sæpe committuntur, ita frequenter per poenitentiam redimuntur. Sed de gravioribus criminibus semel tantum agitur poenitentia, scilicet solemnī: nam & de illis si iterentur, iteratur poenitentia, sed non solemnī: quod tamen in quibusdam Ecclesiis non servatur.

Auctoritatibus probat quod non semel tantum, sed frequenter peccata dimittuntur per poenitentiam.

Quod vero poenitentia non semel tantum agatur, sed frequenter iteretur, & per eam frequenter iterum venia præstetur, pluribus sanctorum testimoniis probatur. Ait enim Augustinus * (de vera, & falsa poenitentia cap. v.) scribens contra quosdam hæreticos, qui peccantibus post baptismum semel tantum dicebant utilem esse poenitentiam: (6) „ Adhuc instant perfidi, qui sapientius, plusquam oportet, non sobrii, sed excedentes transuram: dicunt (7) enim: „ Etsi semel peccantibus post baptismum valeat poenitentia, non tamen sæpe peccantibus proderit iterata: alioquin remissio, ad peccandum esset incitatio. Dicunt

(1) Nihil amittit iterum. (2) Nihil (vel nec prioris fructum obtrinet, & aufert utrum posterius.) (3) Nihil in sermone. (4) Item (vel iterum.) (5) Item ad id facit: intermissione. (6) Ad addit. ita. (7) Id. dicit enim.

EX EDITIONE P. NICOLAI.

* Non est Augustini hic Liber, ex quo tamen refertur in decretis distinct. 122. de poenitentia. cap. ultimum.

cunt enim : Quis non semper peccaret , si semper redire posset ? Dicunt (1) enim Dominum incitatore[m] mali , si semper peccantibus subvenit ; & ei peccata placere , quibus semper præsto est gratia . Errant autem . Constat enim ei peccata displicere qui semper præsto est ea destruere . Si (2) ea amaret , non semper ea destrueret . " Idem ad Macedonium (epist. lrv. non longe a princip. & habetur de pœnit. dist. 111. cap.) " Intantum hominum iniquitas aliquando progreditur ut etiam post peccatam pœnitentiam , post altaris reconciliationem , vel similia , vel graviora committant : & tamen Deus facit etiam super tales oriri solem suum , nec minus tribuit quam ante tribuerat largissima munera vitæ , & salutis . Et quamvis eis in Ecclesia locus ille pœnitentiæ non concedatur , Deus tamen super eos suæ potentie non obliviscitur : ex quorum numero si quis nobis dicat : (3) Dicite mihi , utrum aliquid proficit ad vitam futuram , si in ista vita illecebrosum voluptatis blandimenta contempero , si me pœnitendo vehementius quam prius ex cruciaverō , si uberius fievero , si melius vixero , si pauperes largius sustentaverō , si caritate ardentius flagraverō : quis vestrum ita desipit ut huic homini dicat : Nihi tibi ista in posterum proderunt ? Vade : saltem huius vitæ suavitatem frugere . Avertat Deus tam immanem , sacrilegamque dementiam . " Item Ioannes Chrysostomus de reparatione lapsi * (habetur de pœnitent. dist. 111. cap.) " Talis . ") " Talis , mihi crede , talis est erga homines pietas Dei . Numquam spernit pœnitentiam , si ei sincere , & simpliciter offeratur . Etiam si ad summum quis perveniat malorum , & inde tamen velit reverti ad virtutis viam , suscipit libenter , & amplectitur . & facit omnia quatenus ad priorem revocet statum : quodque est adhuc præstantius , & eminentius , etiam si non potuerit , quis explorare omnem satisfaciendi ordinem , quantulumcumque tamen , & quamlibet brevi tempore gestam non respuit pœnitentiam ; suscipit etiam ipsam , nec paritur quamvis exiguae conversionis (4) perdere mercedem . " Exemplis etiam hoc idem alius potest . David enim per pœnitentiam , adulterii simul , & homicidii veniam impetravit (II. Reg. xli.) (5) graviter tamen postea deliquit in populi enumeratione , quod populi multitudo prostrata offendit . " Illud autem mirabile est , (6) quod Angelo ferienti plebem , se obtulit dicens : Grex iste quid fecit ? Fiat manus tua in me , & in domum patris mei . Quo facto statim sacrificio dignus iudicatur qui absolutione æstimabatur indignus . Nec mirum si tali sua oblatione pro populo peccati sui adeptus est veniam , cum Moyses offerendo se pro plebis errore peccata diluerit . " His , aliisque testimoniis evidenter ostenditur per pœnitentiam non semel tantum , sed sæpius nos a peccatis surgere , & veram pœnitentiam sæpius agi . Voluntarie enim peccantibus nobis , ut ait Apostolus (Hebr. x. 26.) pro peccatis non relinquitur hostia secunda : scilicet quia semel tantum Christum oportuit pati : nec relinquitur secundus baptismus ; relinquitur vero secunda pœnitentia , & tertia , & deinceps , ut Ioannes Chrysostomus (hom. xx.) super hunc locum ait . " Scien- dum (inquit) quod hic quidam exurgunt , horum verborum occasione pœnitentiam auferentes , quasi per pœnitentiam non valeat peccator post lapsum resurgere secundo , & tertio , & deinceps . Verum etiam in hoc pœnitentiam non excludit , nec propitiationem quæ sæpe fit per pœnitentiam , sed secundum baptismum , & hostiam . "

D I-

(1) *Al. amantur enim .* (2) *Nicolai addit enim .* (3) *Nicolai :* Aut date mihi eundem iterum pœnitentiam locum , aut desperatis me permitte , ut faciam quicquid libuerit &c. Aut si me ab hac nequitia revocaris , dicite mihi &c. (4) *Forse petire .* (5) *In edit. Nicolai disjuncta sequentia usque ad ea verba illud autem mirabile est &c.* (6) *Nicolai (ut ait Ambrosius in apologia 1. David cap. vii.) In editione quoque Veneta an. 1532. hoc ad marginem notabatur .*

E X E D I T . P . N I C O L A I .

* Seu exhortatione 1. vel parænesi ad Theodorum lapsum cap. xv.

DIVISIO TEXTUS.

Postquam determinavit Magister de confirmatione, & eucharistia, quæ sunt sacramenta procedentia, ordinata ad perfectionem in bono; hic incipit determinare de pœnitentia, quæ ordinatur ad amotionem mali, quod per actum procedentium in via ista provenit: & dividitur in partes duas. In prima determinat de his quæ pertinent ad essentiam sacramenti; in secunda determinat quædam accidentia sacramenti huius, sicut tempus, & huiusmodi, xx. dist. ibi, *Sciendum est etiam, quod tempus pœnitentia est usque ad extremum articulum vite*. Prima in duas. In prima determinat de sacramento pœnitentia; in secunda de ministro huius sacramenti, xv. dist. ibi, *Hic queri solet, si peccatum omnino dimissum est a Deo per cordis contritionem, ex quo pœnitens votum habuit confitendi*. Prima in duas. In prima determinat de pœnitentia communiter; in secunda descendendo ad partes eius, xvi. dist. ibi, *In perfectione autem pœnitentia tria observanda sunt*. Prima in duas. In prima determinat quid sit de ratione pœnitentia, & excludit errorem quorundam addentium ad rationem veræ pœnitentia quod non est de ratione ipsius. In secunda determinat de integritate ipsius, dist. xv. ibi, *Et sicut prædictis auctoritatibus illorum error convincitur qui pœnitentiam sæpius agendum non putant ita iisdem eorum oppositio eliditur qui pluribus irretitum peccatis asserunt de uno vere pœnitere sine alterius pœnitentia*. Prima in duas. In prima ostendit quid sit de ratione pœnitentia secundum veritatem. In secunda excludit errorem, ibi, *His verbis quidam vehementius inhaerentes contendunt, vere pœnitentem ultra non posse peccare damnabiliter*. Circa primum duo facit. Primo ostendit necessariam pœnitentia. Secundo inquirat quid sit pœnitentia, ibi, *Baptismus tantum est sacramentum; sed pœnitentia dicitur & sacramentum, & virtus mentis*. Circa quod duo facit. Primo ponit ea ex quibus pœnitentia diffiniri potest; secundo ponit diffinitionem, ibi, *Pœnitentia est, ut ait Ambrosius, mala præterita plangere, & plangenda iterum non committere*. Circa primum duo facit. Primo ponit genus; secundo tangit actum, ibi, *Pœnitentia dicitur a pœnendo*. Circa primum duo facit. Primo ponit pœnitentiam in genere virtutis, & sacramenti. Secundo, quia virtus indiget doctrina

hortante, & sacramentum doctrina influente, ponit doctrinam de pœnitentia, ibi, *A pœnitentia capis Ioannis predicatio*.

Pœnitentia dicitur (a) a pœnendo. Hic tangit pœnitentia actum, & circa hoc duo facit. Primo accipit actum ex nominis interpretatione; secundo ostendit actus originem, ibi, *Pœnitentia virtus timore concipitur*.

His verbis quidam vehementius inhaerentes, contendunt, vere pœnitentem ultra non posse peccare damnabiliter. Hic excludit errorem addentium ad rationem pœnitentia perfectionem usque in finem: & dividitur in partes duas. In prima ponit errorem; in secunda excludit ipsum, ibi, *Sed Ambrosius dicit: Hac vera pœnitentia est, cessare a peccato*. Circa primum duo facit. Primo ponit, errorem dictum habere occasionem ex prædicta diffinitione. Secundo ostendit confirmationem ipsius secundum alias auctoritates, ibi, *Quod etiam aliis manunt testimonio*. Et ponit quatuor auctoritates. Prima est Isidori. Secunda Augustini, ibi, *Item Augustinus*. Tertia Gregorii, ibi, *Item Gregorius*. Quarta Ambrosii, ibi, *Item Ambrosius*.

Sed Ambrosius dicit &c. Hic excludit prædictum errorem, & circa hoc duo facit. Primo excludit errorem per Augustinum. Secundo solvit ad auctoritates positas, ibi, *Unde illa verba præmissa recte sic accipi possunt*. Et hic circa hoc quatuor facit. Primo solvit ad diffinitionem primo positam, ex qua prædictus error sequi videbatur. Secundo ad auctoritatem Isidori, ibi, *Ille autem irritor est, & non pœnitens*. Tercio ad auctoritatem Augustini, ibi, *Item illud, Inanis est pœnitentia quam sequens culpa coinquinat, sic intelligendum est*. Quarto ad auctoritatem Ambrosii, ibi, *Illud autem quod Ambrosius ait*. Auctoritas autem Gregorii habet similem solutionem aliis. Circa tertium horum tria facit. Primo solvit auctoritatem Augustini prius inductam. Secundo inducit aliam ad idem, ibi, *Ita etiam intelligendum illud quod idem Augustinus alibi ait*. Tercio solvit eam, ibi, *De pœnitentia perfectorum, vel ad salutem sufficienti, intelligendum est quod supra dixi*. Circa quartum duo facit. Primo solvit auctoritatem Ambrosii. Secundo probat auctoritatem, & exemplis, quod pœnitentia possit iterari; cuius contrarium auctoritas Ambrosii dicere videbatur, ibi, *Quod autem pœnitentia non semel tantum ag-*

(a) AL. a pœnendo.

gatur pluribus sanctorum testimonio probatur.

QUAESTIO I.

Hic est duplex questio. Prima de ipsa poenitentia. Secunda de effectu ipsius. Circa primum queruntur quinque. Primo. Quid sit poenitentia. Secundo. De comparatione ipsius ad alia. Tertio. De subiecto ipsius. Quarto. De continuatione. Quinto. De solemnitate eius.

ARTICULUS I.

Utrum poenitentia sit sacramentum.

III. P. quest. lxxxiv. art. 1. & quest. lxxxv. art. 1. 2. 3.

1. **A**D primum sic proceditur. Videtur quod poenitentia non sit sacramentum. In omni enim sacramento novae legis est aliquod materiale, quod est causa gratiae, ut patet ex definitione Hugonis de sacramento supra dist. 1. (art. 5. questiu. 5.) posita. Sed nihil tale est in poenitentia. Ergo non est sacramentum novae legis.

2. Praeterea. Sicut Magister dixit in 1. dist. omnia sacramenta novae legis consistunt in rebus, & verbis. Sed in poenitentia non sunt aliqua verba determinata, quae sint de essentia sacramenti. Ergo non est sacramentum.

3. Praeterea. Omne sacramentum a ministris Ecclesiae exhibetur. Poenitentia autem non, immo ab intrinseco oritur: quia timore concipitur, ut in littera habetur. Ergo non est sacramentum.

4. Praeterea. Omnia sacramenta nostra sunt actiones quaedam hierarchicae. Sed Dionysius (de eccl. hierar. cap. v. part. 1.) non determinat de poenitentia inter alias hierarchicas actiones. Ergo non est sacramentum.

Sed contra est, quia septem sunt sacramenta novae legis, ut praedictum est; quod non esset, poenitentia amota. Ergo poenitentia est sacramentum.

Praeterea. Sacramenta, secundum Hugonem (Lib. I. de sacram. part. ix. cap. v.) sunt quaedam medicinae, quae peccatorum

vulneribus adhibentur. Sed peccatum praecipue poenitentia sanatur. Ergo poenitentia est sacramentum.

QUAESTIUNCULA II.

1. Uterius. Videtur quod poenitentia non sit virtus. Quia gratiae sacramentales differunt a virtutibus, ut supra dist. 1. dictum est: unde nec baptisimus, nec aliquod aliorum sacramentorum ponitur virtus. Sed poenitentia est sacramentum. Ergo non est virtus.

2. Praeterea. Ut in II. Lib. dist. xxvj. (quest. 1. art. 4.) dictum est, gratia, & virtus differunt per essentiam. Sed poenitentia est gratia, ut ex littera habetur. Ergo non est virtus.

3. Praeterea. Nulla passio est virtus, neque virtus cum passione est, ut quidam Philosophus * dicit. Sed poenitentia est passio, quia est dolor. Ergo non est virtus.

4. Praeterea. Omnis virtus est per ordinem ad bonum. Sed poenitentia dicitur per ordinem a malo. Ergo non est virtus.

5. Praeterea. Omnis virtus est dispositio perfecti, ut patet in VII. Phys. (text. com. xvi. 11.) Sed poenitentia non est dispositio perfecti, sed imperfecti, sicut & verecundia: quia utraque praesupponit malum in eo cui insunt. Ergo poenitentia non est virtus, sicut nec verecundia, ut dicit Philosophus in IV. Ethic. (cap. xvii.)

Sed contra. Legis praeccepta non debent esse nisi de actibus virtutum: quia hoc intendit legislator, ut dicitur in II. Ethic. (cap. 1.) Sed poenitere cadit sub praeccepto legis, ut patet in littera. Ergo poenitentia est virtus.

Praeterea. Non meremur nisi actibus virtutum. Sed poenitere est meritum, ut per se patet. Ergo poenitentia est virtus.

QUAESTIUNCULA III.

1. Uterius. Videtur quod sit virtus generalis. Contrarius enim non expellitur nisi a suo contrario. Sed poenitentia expellit omne peccatum. Ergo contrariatur omni peccato: ergo est generalis virtus.

2. Praeterea. Omnis virtus specialis habet speciale obiectum. Sed poenitentia non habet: quia operatur in materia omnium virtutum, & vitiorum. Ergo non est virtus specialis.

3. Prae-

EX EDIT. P. NICOLAI.

* Quod quidem non sit virtus, Aristoteles ipse insinuat, qui dicit passionem neque virtutes esse, neque multas, ut ex Lib. II. Ethic. cap. v. refert & Thomas in I. Part. quest. lx. art. 1. Sed quod cum passione non sit, Stoicorum est, ut ibid. subiungit art. 1.

1. Præterea. Pœnitere de malis peccatis consequitur ex hoc quod homo habet rectam electionem: unde incontinens est pœnitibilis, non autem intemperatus, quia habet malam electionem. Sed quælibet virtus facit rectam electionem, ut dicitur in III. Ethic. (cap. iv. vel v.) Ergo pœnitere est actus virtutis cuiuslibet: ergo pœnitentia non est specialis virtus.

4. Præterea. Omnis virtus specialis vel est cardinalis, vel pars eius, si sit moralis. Sed pœnitentia, si sit virtus, non potest esse nisi moralis, quia habet passionem annexam. Non autem est cardinalis, neque continetur inter partes alicuius cardinalis virtutis a Philosophis enumeratas: quia de virtute pœnitentiæ nullam mentionem fecerunt. Ergo non est specialis virtus.

Sed contra. Sicut habitus distinguitur ex obiectis, ita & passiones. Sed pœnitentia passio est distincta ab aliis passionibus. Ergo pœnitentia virtus est distincta ab aliis virtutibus.

Præterea. Omne quod perficit liberum arbitrium ad actum determinatum, est virtus specialis. Sed detestari peccatum spe veniæ, ad quod perficit pœnitentia, est actus specialis reducibilis ad aliam virtutem. Ergo pœnitentia est specialis virtus.

QUAESTIUNCULA IV.

1. Ulterius. Videtur quod sit virtus theologica. Omnis enim virtus quæ habet Deum pro obiecto, est virtus theologica. Sed pœnitentia est huiusmodi, quia Deo reconciliat. Ergo est virtus theologica.

2. Præterea. Contrariorum contrariæ sunt causæ. Sed concupiscentia, quæ opponitur caritati, est radix omnium malorum. Ergo caritas est causa destructionis peccatorum, quod est pœnitentiæ. Ergo pœnitentia est caritas.

3. Præterea. Iustificari est fidei, ut pater Rom. iiii. Sed iustificatio est effectus pœnitentiæ. Ergo est idem quod fides; & sic idem quod prius.

4. Præterea. Omnis virtus moralis consistit in medio circa suam materiam. Sed pœnitentia non consistit in medio suæ materiæ: quia omne peccatum commissum detestatur. Ergo non est moralis virtus: ergo est theologica.

Sed contra. Obiectum virtutis theologice

est Deus. Non autem pœnitentiæ; sed magis peccatum commissum. Ergo &c.

Præterea. Pœnitentia habet passionem adiunctam. Non autem virtus theologica. Ergo &c.

QUAESTIUNCULA V.

1. Ulterius. Videtur quod non reducat ad iustitiam. Quia iustitia est æqualitas quædam secundum Philosophum. Sed pœnitens non potest æqualem recompensationem reddere pro offensâ Dei. Ergo non est iustitia.

2. Præterea. Luc. vi. super illud, *Beati qui nunc fletis*, dicit Glossa: "Ecce prudentia, quæ ostenditur, quam hæc terra, na sint misera, & quam beata cælestia." Sed lugere est actus pœnitentiæ, ut in littera dicitur. Ergo pœnitentia est prudentia: non ergo iustitia.

3. Præterea. Isidorus dicit (Lib. II. de summo bono cap. xii.) *Ille est perfectus compunctio quæ omnes carnalium desideriorum affectus repellit*. Compunctio autem est pars pœnitentiæ, ut dicitur infra dist. xvi. Cum ergo reprimere carnalia desideria sit temperantiæ, videtur quod pœnitentia ad temperantiæ debeat reduci, non ad iustitiam.

4. Præterea. Virtutes distinguuntur penes obiecta. Sed idem est obiectum pœnitentiæ, & verecundiæ, scilicet peccatum. Ergo sunt idem. Cum ergo verecundia ad temperantiæ reducat, videtur quod similiter pœnitentia, & non ad iustitiam.

5. Præterea. Chrysostomus dicit (in hom. de pœnitentia) quod pœnitentia cogit pœnitentem omnia sustinere libenter. Sed hoc est actus patientiæ. Cum ergo patientia ad fortitudinem reducat, videtur quod similiter pœnitentia, & non ad iustitiam.

Sed contra. Augustinus dicit (ubi sup.) quod pœnitentia est quædam vindicta. Sed vindicta per Tullium ** ponitur pars iustitiæ. Ergo pœnitentia virtus ad iustitiam reducat.

Præterea. Isidorus dicit (ubi sup. cap. xiii.) *Tunc iudicium quilibet de se sumit, quando per dignam pœnitentiam sua prava scella condemnat*. Sed iudicium ad iustitiam pertinet. Ergo & pœnitentia.

QUAE-

EX EDIT. P. NICOLAI.

* Bedæ nomine prænotata, etsi paulo aliter Bedæ ex Ambrosio mutatus ** Lib. II. de invent. num. lxxi.

QUÆSTIUNCULA VI.

1. Uterius. Videtur quod sit incompetens distinctio pœnitentiæ, quam Gregorius, & Ambrosius ponunt: *Pœnitentia est mala præterita plangere, & plangenda iterum non committere*. Virtutes enim non sunt actus, sed habitus, ut in II. Lib. dist. xxvii. dictum est. Sed plangere est actus. Ergo non debet poni ut genus pœnitentiæ, quod est virtus.

2. Præterea. Quod pertinet ad corporalem immutationem, non est de essentia virtutis: unde Philosophus dicit in IV. Ethic. (cap. xvii.) quod verecundia non est virtus, quia verecundati rubescunt. Sed plangere dicit corporalem immutationem. Ergo oon est de essentia pœnitentiæ quæ est virtus; & ita non debet poni in distinctio-
ne eius.

3. Præterea. Stultum est dolere de eo quod non potest non esse. Sed præteritum non potest non esse. Ergo stultum est dolere, vel plangere de peccatis præteritis. Sed nullus virtuosus est stultus, ut patet in IV. Ethic. (cap. vii. vel viii.) Ergo plangere præterita non debet poni in distinctio-
ne virtutis.

4. Præterea. In distinctioe non debet poni aliquid quod non pertineat ad rationem distincti. Sed pœnitentia secundum rationem propriam respicit præteritum. Ergo non debet poni in distinctioe eius, *Plangenda non committere*, quod ad futurum pertinet.

5. Præterea. In Lib. de ecclesiasticis dogmatibus (cap. liv.) distinctur pœnitentia sic: *Pœnitentia vera est pœnitenda non admittere, & admissa desistere*. Ergo videtur quod in præmissa distinctioe male ordinantur partes distinctioois.

6. Præterea. Quæritur de aliis distinctio-
nibus, quomodo pœnitentiæ conveniant, cum unus ea debet esse distinctio.

SOLUTIO I.

Respondeo dicendum ad primam quæstio-
nem, quod, sicut supra dist. i. dictum est, sacramentum importat sanctitatem active per modum qui nobis sanctificandis competit, ut scilicet adiungatur significatio sanctifica-
tionis invisibilis per visibilia signa, prout nunc de sacramentis loquimur. Unde ubique fit aliqua sanctificatio (a) signifi-
cata aliquibus sensibilibus signis, ibi est sa-
cramentum: & ideo cum hoc sit in pœni-

S. Tb. Oper. Tom. XII.

(a) Ad sanctificata. (b) Ad. sed ministrare exteriores &c.

tentia, constat quod pœnitentia est sacra-
mentum.

Ad primum ergo dicendum, quod sicut io corporalibus medicinis quædam sunt quæ consistunt in sola passione, vel receptione curati, ut sectio vulneris, vel applicatio em-
plastri; quædam vero quæ consistunt in actu laborantis, sicut exercitationes, & huiusmodi: ita etiam in sacramentis quædam non requirunt actum eius qui sanctificatur quan-
tum ad substantiam sacramenti, nisi per ac-
cidens, sicut removens prohibens, sicut patet in baptismo, & confirmatione, & huiusmodi; quædam autem requirunt essentialiter, & per se actum eius qui sacramen-
tum recipit, ad essentiam sacramenti, sicut patet in pœnitentia, & matrimonio. In illis ergo sacramentis quæ sine actu nostro complentur, est materia quæ causat, & signi-
ficat, quasi medicina exteriori applicata. In illis autem sacramentis quæ actum nostrum requirunt, non est talis materia; sed ipsi actus exteriori apparentes hoc idem faciunt quod materia in aliis sacramentis. Quomodo autem ea quæ exteriori geruntur, sint causa sanctificationis in pœnitentia, ex sequentibus apparebit. Verum in distinctio-
ne hac oportet quod materiale elementum accipiatur communiter pro causa sensibili, sive sit materia aliqua corporalis, sive sit actus aliquis sensibilis.

Ad secundum dicendum, quod in hoc sa-
cramento sunt aliquæ res, scilicet ipsi exte-
riores actus, & aliqua verba, scilicet sacer-
dotis absolventis, quæ sunt forma huius sa-
cramenti, quibus exprimitur absolutionis ac-
tus. Sed non requiritur tanta verborum de-
terminatio sicut in baptismo, & eucharis-
tia: quia non est hic aliqua materia san-
ctificanda verbo vite, sicut io illis sa-
cramentis.

Ad tertium dicendum, quod etiam pœ-
niteoiz sacramentum a ministris Ecclesiæ
exhibetur: quia sacerdotes absolvent confi-
tentes, & satisfactionem iniungunt. Sed
quod habeant aliquod principium in nobis,
hoc est ex parte illa qua in hoc sacramen-
to exigitur actus noster, ut dictum est.

Ad quartum dicendum, quod intentio
Dionysii oon fuit in ecclesiastica Hiera-
chia tradere notitiam sacramentorum: unde
quædam determinat quæ oon sunt sacra-
menta, sicut consummationes monasticas, & ex-
equias mortuorum; (b) sed monstrare quod
exteriores ritus signant spirituales actus.

Sf

Et

Et quia in poenitentia, & matrimonio non est aliquis determinatus ritus, eo quod non habeant materiam, sicut alia sacramenta, ut dictum est; ideo de his duobus non determinavit: nec sequitur quod non sint sacramenta.

SOLUTIO II.

Ad secundam questionem dicendum, quod in poenitentia se habet homo & ut recipiens, & ut agens. Recipit quidem a Deo veniam, & reconciliationem per Ecclesiae ministros, & secundum hoc habet rationem sacramenti. Sed ex parte actus sunt de ipsa diversae opiniones. Quidam enim dicunt, quod est actus tantum virtutis, & non est virtus. Sed hoc non potest esse: quia cum actus virtutum non sint in dormiente, dormiens non posset dici poenitens; quod falsum est. Et ideo aliqui dixerunt, quod ex parte ista poenitentia est virtus; sed non proprie loquendo, sed communiter, prout omnia laudabilia virtutes dicuntur, etiam si sint passiones. Sed hoc non est verum: quia secundum Philosophum in VI. Ethic. (cap. 1.) principale in virtute morali est electio: unde omnis habitus qui facit rectam electionem, potest dici proprie loquendo virtus. Unde cum actus poenitentiae non causetur tantum ex passione, sed magis ex electione; etiam si nulla sit passio, constat quod poenitentia proprie loquendo est virtus, & non improprie, sicut verecundia, & aliud huiusmodi.

Ad primum ergo dicendum, quod non secundum idem poenitentia est virtus, & sacramentum; sed inquantum per poenitentiam recipit gratiam curantem peccati vulnus, poenitentia potest esse sacramentum; inquantum autem per habitum infusum ordinatur ad actum rectum, sic est virtus. Et quia aliquis actus rectus non est de essentia baptismi, ideo baptismus nullo modo dicitur virtus, nec etiam confirmatio eadem ratione.

Ad secundum dicendum, quod poenitentia non est idem quod gratia per essentiam; sed dicitur gratia, quia convenit cum gratia in proprio effectu. Effectus enim proprius gratiae est iustificare, & Deo gratum reddere; & hoc etiam est effectus poenitentiae, ut infra dicitur.

Ad tertium dicendum, quod poenitentia passio non est virtus, nec actus virtutis; sed potest esse virtuti annexum: quia virtutes non sunt quietes, vel immobilitates, ut

quidam dixerunt, ut dicit Philosophus in II. Ethic. (cap. 11. vel 111.) sed habent & gaudium, & tristitiam adiunctam, prout sunt passiones quaedam. Actus enim poenitentiae, prout est virtus, non est ex passione proveniens, sed ex debita electione.

Ad quartum dicendum, quod bonum illud ad quod virtus ordinat immediate, est actus perfectus ipse: & ideo aliquae virtutes sunt quae principalem actum habent in retrahendo ab aliquo, sicut dictum est in III. Lib. dist. xxiii. de temperantia, & modestia, & huiusmodi: & similiter actus perfectus poenitentiae est in retrahendo ab aliquo malo: nec propter hoc sequitur quod non sit virtus.

Ad quintum dicendum, quod verecundia est timor de turpi; timor autem futuri est; futurum autem non timetur nisi secundum quod habet propinquam dispositionem in causa: & ideo verecundia ponit propinquam dispositionem in eo qui verecundatur ad turpe committendum, prout Philosophus de verecundia loquitur; & ideo de necessitate ponit imperfectionem in eo cui inest: sed poenitentia respicit turpe in praeterito, (a) cui potest succedere perfectio in praesenti; & ideo non est actus imperfecti de necessitate.

SOLUTIO III.

Ad tertiam questionem dicendum, quod quidam dixerunt, quod poenitere non est actus alicuius specialis virtutis, sed omnis virtutis communiter. Sed hoc non potest esse: quia aliud est de ratione poenitentiae, prout nunc de ipsa loquimur, quod non est de ratione virtutis communiter, scilicet de peccato commissio satisfacere.

Et ideo alii dicunt, quod poenitentia est specialis virtus, & specificatur ex hoc quod detestatur peccatum commissum a se. Sed hoc non potest specificare virtutem: quia cum virtus sit peccato contrarium, maxime repugnat ei prout est in eodem subiecto: unde hoc est omni virtuti commune quod virtuti repellit a subiecto suo.

Et ideo alii dicunt, quod specificatur ex hoc quod detestatur peccatum a se commissum sub spe veniae. Sed hoc non potest esse: quia nulla virtus recipit speciem ex hoc quod imperatur ab alia virtute. Quod autem dicitur, Ex spe veniae, nihil aliud dicit quam imperium spei. Unde ex hoc non haberet quod esset specialis virtus; sicut nec actus castitatis, propter hoc quod a caritate

(a) Ad. cum potest succedere perfectio.

te imperatur, speciem recipit virtutis specialis.

Et ideo aliter dicendum, quod poenitentia accipit specialem rationem obiecti ex hoc quod respicit peccatum a se commissum ut expiabile per poenitentis actum: & ita actus poenitentiae non est detestari peccatum absolute, quia hoc est cuiuslibet virtutis; sed detestari aliquid (*) expiabile per actionem eius & quantum ad culpam, & quantum ad reatum: hoc enim nulla alia virtus facit.

Ad primum ergo dicendum, quod omnis virtus expellit peccatum oppositum formaliter quantum ad suum actum primum, qui est informare subiectum; sed actus secundus in aliis virtutibus, qui est operatio, non ordinatur principaliter ad repellendum peccatum, sicut est in poenitentia: & ideo poenitentia non formaliter, sed quasi effective peccatum expellit: habet enim peccatum expellendum pro materia, & operatur contra ipsum ut expellatur: unde non opponitur omni peccato formaliter, sed alicui tantum, quod est impoenitentia: & propter hoc non oportet quod sit generalis virtus.

Ad secundum dicendum, quod quamvis poenitentia habeat actum suum circa materiam omnium vitiorum, & per consequens omnium virtutum; tamen considerat specialem rationem obiecti in materia circa quam operatur, ut dictum est; sicut etiam magnanimitas habet quodammodo pro obiecto, & materia, actus omnium aliarum virtutum in ratione magni: quia operatur magna in omnibus virtutibus, ut dicitur in IV Ethic. cap. ix. (vel cap. vii. aut viii.) & ideo sicut magnanimitas est specialis virtus, ita & poenitentia.

Ad tertium dicendum, quod quamvis detestari absolute mala perfecta consequatur omnem virtutem, secundum quod habet electionem rectam; tamen ad expiationem detestari, est proprium specialis virtutis.

Ad quartum dicendum, quod haec virtus reducitur ad aliquam cardinalium virtutum, ut dicitur. Tamen Philosophi de hac virtute ideo mentionem non fecerunt, quia remissio peccati, sive expiatio pertinet ad providentiam Dei de humanis actibus, in quantum culpa offenditur, & poenitentia placatur. Philosophi autem non consideraverunt virtutes dirigentes in actibus humanis prout ordinantur ad Dei providentiam, sed prout ordinantur ad bonum humanum: & ideo de poenitentia mentionem non fecerunt; sed

ex similitudine aliarum quas (*) determinaverunt, possumus nos illam accipere. Sicut enim est alicuius virtutis, ut homo placeat eum quem peccando offendit; ita etiam est alicuius virtutis, ut homo Deum placeat, quem peccando offendit.

SOLUTIO IV.

Ad quartam quaestionem dicendum, quod virtus theologia habet idem pro obiecto, & pro fine. Hoc autem non est in poenitentia: quia obiectum eius est peccatum commissum, quod intendit expiare; finis autem est Deus, cui intendit reconciliari: & ideo non est virtus theologia, sed inter morales virtutes numeranda est.

Ad primum ergo dicendum, quod in hoc quod dicit, quod poenitentia reconciliat Deo, non tangitur relatio poenitentiae ad obiectum suum, sed magis ad finem; sed ordo eius ad obiectum tangitur in hoc quod dicitur peccata commissa flere: & ideo ratio non sequitur.

Ad secundum dicendum, quod virtutes infuse tripliciter se habent ad Deum. Quaedam enim habent Deum pro obiecto, & fine, sicut theologiae. Quaedam non pro obiecto in quod transeat earum actus, sed pro fine proximo, sicut patet de latría, quae aliquas servitutis professiones quasi materiam habet, quas immediate ordinat in Deum quasi in finem; & tales virtutes propinquissimae sunt theologiae, unde & actus harum virtutum attribuantur virtutibus theologicis, sicut proximis imperantibus. Unde dicitur ab Augustino quod fide, spe, & caritate colitur Deus. Quaedam autem non habent Deum pro obiecto, neque pro fine proximo, sed ultimo; sicut temperantia quae habet passionem pro materia, & quietem animi pro fine proximo; sed hanc ulterius ordinat ad Deum. Poenitentia autem quamvis non habeat Deum pro obiecto, habet tamen Deum pro fine proximo: quia ad hoc in peccata commissa destruenda movetur ut Deo reconcilietur: & ideo actus eius, scilicet peccatum expellere, vel iustificare, quandoque fidei, quandoque caritati ascribitur.

Unde patet solutio ad tertium.

Ad quartum dicendum, quod medium in iustitia non eodem modo accipitur, & in aliis virtutibus moralibus, ut in III. Lib. dist. xxxiii. dictum est. Accipitur enim iustitiae medium per adaequationem rei ad rem. Haec autem adaequatio fit in iustitia

¶ Si a com-

(*) A. ex purgatione eius. (b) A. determinavit.

commutativa, quando ab eo qui plus habuit, aliquid subtrahitur, & ei qui minus habuit, additur. Ille autem qui alterum offendit, vel læsit, plus habuit; & qui læsus est, habuit minus, inquantum huic subtrahitur est quod ei debebatur, & ille usus est propria voluntate in hoc quod non debuit: & ideo vindicativa iustitia ab eo qui offensam fecit, quantum habuit plus debito, tantum subtrahit ei, & dat illi qui est læsus, dum ad honorem, & in satisfactionem eius alium punit. Sic ergo vindicativa iustitia constituit medium in offensis, quæ sunt eius materia, non quidem tenendo medium in offensis, ut quasdam retineat, & quasdam abiciat (sicut temperantia ponit medium in delectationibus) sed omni offensæ proportionando penam debitam. Et similiter penitentia pro quolibet peccato commisso penam insert sibi ipsi debitam; non autem ita quod dimittat aliquod peccatum, & aliquod (a) retineat.

SOLUTIO V.

Ad quintam questionem dicendum, quod quia iustitia aequalitas quedam est, ideo non potest esse vera adæquatio ubi non est perfecta ratio iustitiæ; sed aliquis iustitiæ modus, sicut dicit Philosophus in V. Ethic. (cap. xi.) quod domini ad servum non est simpliciter iustum, sed dominativum iustum. Cum ergo inter hominem & Deum sit maxima distantia, non poterit ibi esse dicta proprie iustitia hominis ad Deum, sed aliquis iustitiæ modus quasi per similitudinem. Homo autem efficitur debitor alteri homini dupliciter. Uno modo per hoc quod ab eo sibi est datum, sicut in voluntariis communicationibus, puta in emptio-nibus, & venditionibus. Alio modo per hoc quod ei subtrahit, sicut est in voluntariis communicationibus, ut est furtum, percussio, & huiusmodi. Et similiter aliquis efficitur Deo debitor per hoc quod ab eo aliquid recipit; & hac ratione Deo reddit debitum honorem latria, sive religio. Alio modo ex hoc quod contra Deum peccavit; & sic reddit Deo debitum penitentia. Unde sicut religio ponitur pars iustitiæ a Tullio, non quidem quasi species, sed quasi pars potentialis, inquantum aliquem modum iustitiæ participat; ita etiam penitentia pars iustitiæ debet poni.

Ad primum ergo dicendum, quod sicut dicit Philosophus in Ethicis, ut habetur ex

Lib. V. cap. viii. virtus non requirit semper æquale, sed sufficit quod possibile est, ut in honoribus ad parentes, & deos: unde sicut latria est pars iustitiæ, quamvis non reddat æqualem honorem beneficiis acceptis; ita & penitentia, quamvis non possit aliquid æquale reddere offensæ præcedenti.

Ad secundum dicendum, quod sicut actus prudentiæ coniungitur actibus aliarum virtutum moralium, ita etiam coniungitur actui penitentiae; & secundum hoc procedit obiectio. Vel dicendum, quod Glossa non loquitur de lustu penitentiae, sed de lustu quo spectis terrenis ad cælestia suspiramus.

Ad tertium dicendum, quod penitentia utitur temperantia ad finem suum; & secundum hoc intelligenda est auctoritas Isidori; non quod repellere carnalia desideria sit actus elicitus a penitentia.

Ad quartum dicendum, quod verecundia est in alio genere quam penitentia: quia verecundia est timor, ut dicit Philosophus (IV. Ethic. cap. ult.) sed penitentia est dolor: & ideo non sunt idem, quamvis obiectum utriusque sit turpe factum.

Ad quintum dicendum, quod penitentia est sustinere difficilia voluntarie assumpta; sed patientia est proprie in sustinendo difficilia ab aliis illata: & ideo non sunt idem.

SOLUTIO VI.

Ad sextam questionem dicendum, quod penitentia, & vindicativa iustitia circa idem aliquo modo sunt, scilicet circa punitionem offensæ; sed differunt in duobus. Primo quia vindicativa proprie inest in iudice penam infligente, quam reus quandoque invite sustinet; sed penitentia est in ipso reo, qui voluntarius penam sustinet pro culpa commissa. Secundo quia vindicativa respicit offensam communiter; sed penitentia virtus respicit offensam Dei: unde oportet quod penitentia consistat in emendatione offensæ voluntarie assumpta, & talis qualis Deo competit. Sicut autem hominibus, qui vident ea quæ foris parent, fit offensæ recompensatio per aliqua exteriora; ita Deo, qui intuetur cor, oportet quod incipiat recompensatio fieri in ipso cordis affectu. Fit autem bene recompensatio præcedentis offensæ exterius in duobus. Primo in hoc quod aliquis exterius penam subit pro offensâ quam fecit; secundum.

(a) vel abiciat.

cundo in hoc quod caver in futurum ne similis offensa ab eo fiat : & hæc duo oportet quod homo in corde exhibeat per penitentiam : primo dolorem cordis pro malis quæ fecit ; secundo propositum de cetero talia non committendi : & hæc duo prædicta diffinitione comprehendit , quamvis non in forma diffinitionis proponatur . Unde Magister ad formam debitam eam reducens , tria ponit ; scilicet genus , in hoc quod dicit quod est *verius* ; dolorem de præteritis , in hoc quod dicit , *Qua commissa mala plangimus* ; & propositum de futura emendatione , in hoc quod dicit , *Cum emendationis propositio* . Alia vero quæ dicuntur , ad idem pertinent , ut in expositione litteræ patebit .

Ad primum ergo dicendum , quod quia habitus per actus cognoscuntur , ideo consuetum est apud Auctores ut habitus per actus diffiniant , ponentes actus loco habituum ; sicut etiam differentie accidentales interdum in diffinitionibus ponuntur pro essentialibus , propter earum latentiam , ut dicit Philosophus .

Ad secundum dicendum , quod illud quod pertinet ad corporalem immutationem , non pertinet ad virtutem quasi essentialis actus eius ; sed potest pertinere ad virtutem sicut materiale circa quod operatur virtus , quia etiam passiones corporales sunt materia virtutum : & secundum hoc dicendum , quod ipsius virtutis penitentiae sensibilis dolor , vel corporalis fletus potest esse quoddam materiale , inquantum hæc Deo reddit penitens quasi debitum pro offensa commissa : & ideo si per planctum significatur actus penitentiae , tunc nihil aliud dicit quam detestationem ; si autem dicat materiale penitentiae , sic potest etiam sensibilem , vel corporalem fletum dicere .

Ad tertium dicendum , quod quamvis peccatum sit præteritum quantum ad actum , manet tamen quantum ad effectum vel reatus , vel maculae , vel offensæ divinæ ; & sic potest aliquis de peccato dolere , inquantum est præsens , dolor enim de presenti est . Vel dicendum , & melius , quod quamvis voluntas completa non sit de impossibili , est tamen de ipso velleitas quædam , idest voluntas conditionata : vellemus enim , si esset possibile , quod hoc non fuisset . Et

secundum hoc etiam accipiunt ex conditione prædicta quamdam rationem præsentis , ut de eis possit esse dolor , qui non est nisi de præsentibus .

Ad quartum dicendum , quod quamvis ad penitentiam , inquantum est penitentia , non pertineat respectus ad futurum ; tamen inquantum est emendatoria offensæ commissæ in Deum , exigit respectum in futurum , scilicet propositum de cetero cavendi : & hoc propositum intelligitur in hoc quod dicit , *Flenda iterum non committere* ; idest , habere propositum non committendi . Vel intelligitur quantum ad perfectam penitentiam , ut quod additur , non sit de essentia penitentiae , sed de perfectione , quia sine hoc non consequitur ultimum fructum suum : vel ut refexat ad idem tempus , ut Magister dicit .

Ad quintum dicendum , quod Ambrosius ordinat partes diffinitionis secundum ordinem ad penitentiam : quia illud quod est magis essentialis penitentiae , primo ponit . Sed Augustinus ordinat per ordinem ad penitentem : quia hoc prius occurrit ut a proposito peccandi desistat , quasi removens penitentiae impedimentum .

Ad sextum dicendum , quod non est inconveniens de eodem dari diversas diffinitiones secundum diversa quæ in rebus inveniantur . Diffinitio igitur præmissa Gregorii , & Ambrosii , quam Magister ad formam diffinitionis reducit , completissima est : quia tangit & genus , & actum , & obiectum , & utrumque illorum quæ ad emendationem Deo exhibendam requiruntur . Et in idem redit diffinitio Augustini (alterius Auctoris) posita in littera , scilicet *Penitentia est quædam vindicta dolentis* &c. nisi quod magis exprimit proximum genus ipsius : quia ponit ipsam non solum in genere virtutis , sed in genere iustitiæ , in hoc quod dicit eam vindictam : & differentias etiam magis proximas ad propriam speciem ponit , in hoc quod addit rationem punitionis ad dolorem . Et in idem redit diffinitio Ambrosii * alia , quam ponit , quod penitentia est dolor cordis , & amaritudo animæ pro malis quæ quisque commisit : nisi quod non ponit unum eorum quæ continent prædictæ diffinitiones , scilicet detestationem peccati commissi . A-

lia

EX EDIT. P. NICOLAI.

* Quod subiungitur ex Ambrosio apud ipsum non occurrit ; sed colligitur implicite duntaxat ex tractatu Victoris Carthagenensis , qui de penitentia sub ipsiusmet Ambrosii nomine inscribitur cap. 1. & 11.

lia autem notificatio, qua dicitur, quod penitentia est res optima quæ omnes defectus revocat ad perfectum, datur per effectum penitentiae: & dicitur esse optima res non simpliciter, sed in genere declinationis a malo post peccatum commissum. Et similiter etiam illa Damasceni definitio: *Penitentia est remotio ab eo quod est contra naturam, in id quod est secundum naturam: datur per effectum: & quasi in idem redeunt: quia peccatum quod in prima descriptione dicitur defectus, in secunda dicitur contra naturam esse: status autem gratiae, vel virtutis, quæ in prima definitione dicitur perfectio, in secunda dicitur secundum naturam esse, quia ad hoc natura est ordinata.*

ARTICULUS II.

Utrum virtus penitentiae timore concipiatur.

III. P. quest. lxxxiv. art. 6.

1. **A**D secundum sic proceditur. Videtur quod virtus penitentiae timore non concipiatur. Quod enim est ex infusione, non habet causam in subiecto. Sed penitentia, cum sit virtus, de qua Augustinus dicit* (Lib. V. contra Iulianum Pelagianum cap. v.) quod Deus eam in nobis sine nobis facit, est ex infusione. Ergo non habet causam in suo subiecto; & ita timore non concipitur.

2. Præterea. Illud quod in esse perfectum prodit, non tantum concipitur, sed etiam perfecte generatur. Sed penitentia in esse perfectum prodit, quia etiam defectus ad perfectum revocat. Ergo eius generatio non debet timore concipi.

3. Præterea. Plus provocatur homo ad penitentiam ex expectatione gloriæ quam ex comminatione pænæ: unde Ioannes penitentiam predicans dixit: *Penitentiam agite: appropinquabit enim regnum celorum.* Matth. 11. Sed expectatio gloriæ pertinet ad spem, vel caritatem, quam excitat; pænæ autem comminatio ad timorem. Ergo magis dicendum fuit, quod oriatur ex spe, vel amore, quam ex timore.

4. Præterea. Si concipitur timore, aut timore initiali, aut servili, aut mundano, aut casto. Non mundano, quia ille magis ad peccatum trahit: similiter etiam nec

servili, quia ille non est simul cum penitentia; generans autem, & generatum, sive concipiens, & conceptum oportet esse simul: similiter nec initialis, aut castus, aut filialis, quia isti non præcedunt penitentiam; oportet autem quod concipiens præcedat conceptum. Ergo nullo modo penitentiae virtus timore concipitur.

Sed contra. Secundum Augustinum (ser. cxxiv. de temp.) timor introducit ad caritatem. Sed introductio caritatis, & aliarum virtutum est per penitentiam. Ergo penitentia a timore initium sumit.

Præterea. Contrariorum contraria sunt principia. Sed delectatio peccati ad peccatum attrahit. Ergo & acerbitas pænæ a peccato revocat. Revocatio autem fit per penitentiam. Ergo timor, qui pænā respicit, est penitentiae principium.

QUAESTIUNCULA II.

1. Ulterius. Videtur quod penitentia sit prima virtutum. Matth. 11. super illud, *Penitentiam agite*, dicit Glossa: „Prima virtus est per penitentiam perimere veterem hominem, & vitia odire.“

2. Præterea. Causa præcedit effectum. Sed penitentia est causa iustificationis, in qua omnes virtutes infunduntur. Ergo est prior aliis virtutibus.

3. Præterea. In quolibet motu prius est recedere a termino quam ad terminum pervenire. Sed penitentia ordinatur ad recessum a malo, omnes autem aliae virtutes ad consecutionem boni. Ergo penitentia præcedit omnes alias virtutes.

4. Sed contra. Fides est causa timoris. Sed timor præcedit penitentiam sicut causa eius. Ergo & fides: non ergo penitentia est prima virtus.

5. Præterea. Penitentia ex recta electione procedit, ut supra dictum est. Sed recta electio procedit ex qualibet virtute. Ergo penitentia est posterior omnibus virtutibus.

QUAESTIUNCULA III.

1. Ulterius. Videtur quod penitentia non sit fundamentum. Illud enim quod sequitur ad fundamentum, non debet dici fundamentum, sed superedificatio. Sed fides, quæ est fundamentum, ut habetur Hebr. xi. præcedit penitentiam, ut dictum est. Er-

EX EDIT. P. NICOLAI

* Lib. II. de lib. arb. cap. xix.

Ergo penitentia non est fundamentum aliarum virtutum.

2. Præterea. Eccli. xxv. super illud, *Quam magnus est qui invenit sapientiam* etc. dicit Glossa: „Timor Domini fan-
„tus permanet in sæculum: ipse est fi-
„us fundamentum, & caritatis origo.“
Sed penitentia sequitur timorem. Ergo ip-
sa non est fundamentum aliarum virtu-
tum.

3. Præterea. Fundamenti non est funda-
mentum: quia sic iretur in infinitum. Sed
quædam aliæ virtutes sunt fundamentum,
sicut fortitudo, ut dicit Glossa „Luc. xii.
super illud, *Ne timeamini ab his qui occi-
dunt corpus*: & iterum ut dicit Bernardus
in Lib. de consid. (V. circa fin.) humi-
litas est quoddam fundamentum stabile
virtutum. Ergo penitentia non est funda-
mentum aliarum virtutum.

Sed contra est quod dicitur Hebr. vi. 1.
*Non rursus iacentes fundamentum penitentiae
ab operibus mortuis.*

Præterea. Fundamentum est prima pars
ædificii. Sed primum quod est in ædifica-
tione spirituali, est ædificium satanæ de-
struere, quod penitentia facit. Ergo peni-
tentia est fundamentum.

QUAESTIUNCULA IV.

1. Uterius. Videtur quod non sit secun-
da tabula. Secundum enim non dicitur ni-
si respectu primi. Sed prima tabula in lit-
tera dicitur baptismus, respectu cuius pe-
nitentia non est secunda, quia non est se-
cundum sacramentum, sed quarto loco Ma-
gister ipsum determinat. Ergo penitentia
non est secunda tabula.

2. Præterea. Act. 11. 38. dicit Petrus:
*Penitentiam agite, & baptizetur unusquis-
que vestrum.* Ergo penitentia non est se-
cunda tabula post baptismum, sed e con-
verso.

3. Præterea. Isai. lxi. super illud, *Pro-
catum suum quasi Sodoma predicaverunt*, di-
cit Glossa: „Secunda tabula post naufra-
„gium penitentia est; & consolatio mise-
„riarum impietatem suam abscondere:“
& est Glossa Hieronymi. Sed penitentia
non abscondit peccata, sed magis revelat.
Ergo non est secunda tabula.

Sed contra est quod Hieronymus dicit in
littera: *Prima tabula (a) propter libera-*

tionem a primo naufragio. Sed baptismus li-
berat a peccato originali, quod est primum
naufragium; penitentia ab actuali, quod
est secundum. Ergo baptismus est prima
tabula, & penitentia secunda.

SOLUTIO I.

Respondeo dicendum ad primam qua-
estionem, quod virtutem penitentiae Deus
nobis infundit; sed dispositio aliqua ex
parte nostra procedit; & secundum hoc ha-
bet aliquam originem in nobis. Sed quia
humani actus non procedunt ex necessi-
tate, sed ex libero arbitrio, ideo non potest
assignari causa ex parte nostra alicuius a-
ctus nostri, ex quo semper procedat, sed
ex quo ut in pluribus contingit propter
dispositionem existentem in nobis ad hoc,
quæ tamen non necessario inclinat: unde
omnes sermones morales sunt tales, ut Phi-
lophilus in I. Ethic. (cap. 1. vel 11.)
dicit, quod ut in pluribus oportet eos in-
telligere. Cum autem penitentia sit revoca-
tio a peccato, ut Damascenus dicit (de
Fid. orth. Lib. IV. cap. x.) oportet ori-
ginem eius in nobis accipere secundum dis-
positionem existentem in peccato: Ille autem
qui in peccato est, non habet gustum
sanum, ut ex dulcedine divinæ bonitatis
a peccato revocetur; sed habet affectum
infectum amore sui inordinato: & ideo
per penas quæ naturæ suæ contrariantur,
& voluntati, a peccato revocatur, ut Phi-
lophilus in X. Ethic. (cap. 1. & vi. vel
11.) dicit de talibus, quod *proprias de-
lectiones prosequuntur, & fugiunt oppositas
virtutes; boni autem, & vere delectabiles
neque intellectum habent, neque gustativæ
sunt*; & ideo in eis ut in pluribus ex ti-
more penitentia initium sumit; quamvis
etiam in aliquibus (b) ex amore peni-
tentia inchoetur.

Ad primum ergo dicendum, quod quam-
vis non habeat causam in subiecto, habet
tamen dispositionem in ipso; & secundum
hoc origo penitentiae hic assignatur.

Ad secundum dicendum, quod conceptio
proprie dicitur generatio alicuius intra u-
terum. Et quia primum esse penitentiae est
in corde, postea autem prodit exterius per
confessionem, & satisfactionem; ideo, ut
primam eius originem designaret, dicit,
quod concipitur timore.

Ad

(a) Nicolai interpretis dicitur. (b) A. ex timore.

EX EDIT. P. NICOLAI.

* Sumpta ex Rabano Li. VI. in cap. 112. ** Ex Ambrosio praenotato.

Ad tertium dicendum, quod bonitas Dei, & gloria, quantum est de se, magis nata sunt revocare a peccato, sed non quantum est ex parte eorum qui in peccato sunt, qui praedictorum gulum non habent.

Ad quartum dicendum, quod penitentia timore servili concipitur, qui penam respicit. Nec oportet quod timor servilis, & penitentia sint simul: quia timor servilis non est causa esse ipsius penitentiae, sed generationis eius; sicut etiam sumptio medicinae est causa sanitatis, non tamen sunt simul.

SOLUTIO II.

Ad secundam quaestionem dicendum, quod virtutes omnes simul infunduntur quantum ad habitus; sed quod una dicatur prior altera est quantum ad ordinem considerationis in eorum actibus. Cum autem per virtutum actus homo tendat in Deum, oportet ordinem actuum considerare secundum ordinem eorum quae in motu sunt. Motum autem voluntatis, cuiusmodi est motus virtutum moralium, praecedit motus cognitionis: quia appetibile imaginatum, vel intellectum movere appetitum, ut dicitur in III. de Anima (text. xlix. & deinceps) & iterum aestimatio possibilitatis: quia electio, quae est principalis motus virtutis, non fit de impossibili aestimatio. Motus autem appetitus in duobus consistit, scilicet in fuga mali, & in prosecutione boni; & haec duo diversimode ordinantur. Quandoque enim aliquis fugit malum propter desiderium boni, quandoque autem e converso; & hic motus est ut frequentius in reversione peccatoris ad Deum per penitentiam, ut dictum est: & ideo motum penitentiae praecedit motus fidei: quia *accidentem ad Deum oportet credere*: Hebr. xi. 6. & iterum motus spei coniunctus motui timoris, per quem aestimatio de possibilitate veniae consequitur: & ideo dicit Gregorius * (super Ezech. hom. iv.) quod penitens movetur inter spem & timorem. Deinde ut in plurius sequitur motus penitentiae, & deinde motus caritatis, & aliarum virtutum per ordinem. Quandoque etiam motus amoris motum penitentiae praecedit, ut dictum est; sed ille amor non est caritatis, quia caritas amissa non recuperatur, nisi per contritionem

de peccatis praecedentibus, quae est motus penitentiae virtutis. Et secundum hoc dicendum, quod penitentia est prior quibusdam, scilicet caritate, & sequentibus ipsam; & posterior aliis, scilicet fide, & spe.

Ad primum ergo dicendum, quod fides, & spes non habent rationem perfectae virtutis, nisi secundum quod sunt informatae caritate; & secundum hoc penitentiam sequuntur: & sic aliquo modo verum est quod est prima inter omnes virtutes.

Ad secundum dicendum, quod fides informis, & spes etiam sine gratia habentur: & ideo eas in iustificatione non oportet superaddi: & sic penitentia earum causa non est.

Ad tertium dicendum, quod finis qui est prior in intentione, est ultimus in executione: & ideo quamvis in motu corporali prius recedatur a termino quam ad terminum perveniatur, tamen in motu voluntatis est e contrario, quia propter bonum aliquod consequendum voluntas recedit a contrario, vel ab impedimento eius.

Quartum concedimus, secundum hoc tamen quod fides non est virtus.

Ad quintum dicendum, quod penitentia de malo commissio, quamvis ex electione boni possit provenire, tamen etiam ex alia causa quandoque contingit, scilicet ex fuga mali penae, ut dictum est: & quando etiam ex electione boni contingit, primus penitentiae motus non provenit ex electione boni formata per aliquem habitum alterius virtutis, sed per naturalem quemdam appetitum; vel etiam ex ipso habitu penitentiae virtutis bono: & ideo primus motus penitentiae praecedit motus aliarum virtutum. Sed non est inconveniens ut motus aliarum virtutum quandoque causent aliquos motus penitentiae; sicut aliquis ex amore temperantiae, de luxuria praecedente, motum penitentiae habet: quia etiam in rebus ex virtute sequente motus praecedentis virtutis oritur; sicut quis movetur in amorem Dei, qui castitatem praecipit, ex hoc quod castitas ei placet.

SOLUTIO III.

Ad tertiam quaestionem dicendum, quod fundamentum dicitur in spiritualibus ad similitudinem corporalis fundamenti; quod duas habet proprietates. Prima est quod ipsum

EX EDIT. P. NICOLAI.

* Ut colligitur ex Lib. XXXIII. Moral. cap. xi. super illud Deuter. xxiv. Non accipies locum pignoris superiorem & inferiorem nullum.

ipsum est prima pars ædificii; alia est quod fundamentum totum ædificium sustentatur & ideo in spiritualibus fundamentum dicitur aliquid vel ratione prioritatis, vel ratione conseruationis, & sustentationis aliorum, aut etiam ratione utriusque. Prioritas autem attenditur dupliciter. Uno modo quantum ad disciplinam spiritualium; & sic illa quæ primo occurrunt edocenda in christiana religione, fundamentum dicuntur 1. br. vi. Alio modo quantum ad vitam spiritualem; & sic fides dicitur simpliciter fundamentum primum; sed timor, & penitentia in genere eorum quæ ad affectum pertinent quantum ad fugam mali, caritas autem quantum ad prosecutionem boni, prout dicitur Ephes. 11. 17. *In caritate radicati, & fundati*. Sed ratione sustentationis, in prosperis dicitur humilitas fundamentum, in adversis autem fortitudo. Penitentia autem, & timor in recedendo a malo, diversimode sunt fundamenta: quia timor est primum in isto toto genere quod est recedere a malo; sed penitentia quantum ad hanc speciem quæ est recedere a malo commissio: & ideo etiam timor præcedit penitentiam, sicut principia generis præcedunt principia speciei.

Et per hoc patet solutio ad obiecta.

SOLUTIO IV.

Ad quartam questionem dicendum, quod locutio Hieronymi est metaphorica. Illi enim qui prospero itinere mare navigant, prima tabula sustentantur, scilicet ipsa navis integra; sed naufragium passi alicuius tabulæ navis fractæ auxilio ad portum salutis ducuntur: & hæc est secunda tabula quæ est post naufragium, non quod sit secunda post naufragium, sed quia existens post naufragium, est secunda a prima quæ erat ante naufragium. Unde consuetudo sua est, ut patet eius dicta legenti, ut omne illud quod præstat remedium post aliquod periculum eveniens, secundam tabulam post naufragium vocet. Gratia autem baptismalis, per quam in Ecclesia collocamur, cuius figura fuit arca Noe, dicitur prima tabula ante naufragium. Sed quia per peccatum mortale naufragium passis, & a gratia innocentie cadentibus non restat aliud quod remedium nisi penitentia, ideo penitentia secunda tabula dicitur.

Ad primum ergo dicendum, quod alia sacramenta non subveniunt naufragium passis per peccatum mortale sine penitentia:

S. Th. Oper. Tom. XII.

& ideo non possunt dici secunda tabula, sicut penitentia, quæ post lapsum subvenit: unde quamvis non sit secundum sacramentum, est tamen secunda tabula.

Ad secundum dicendum, quod Petrus non loquitur ibi de penitentia sacramentum, sed de penitentia quæ requiritur in baptismo, quæ ad primam tabulam pertinet.

Ad tertium dicendum, quod illa absconditio peccati, de qua Hieronymus ibi loquitur, non contrariatur illi manifestationi quæ sit in penitentia, sed illi quam faciunt illi qui effrontes in peccatis existentes gloriantur cum male fecerint, & se de peccatis iactant; & hæc absconditio ad vercedum pertinet: & secundum eandem similitudinem dicitur secunda tabula: quia prima tabula prosperæ navigationis est ut homo peccatum non committat; secunda, ut de peccato commissio erubescat. Sed per hanc tabulam non datur sufficiens remedium, nisi quatenus ad emendationem peccati, & penitentiam ducit; & ita non proprie dicitur secunda tabula, sicut penitentia, tamen secunda tabula dici potest: quia tabula secunda in naufragio corporali non semper periculo liberat, etsi periculum, quantum est de se, aliquo modo impediatur.

ARTICULUS III.

Utrum penitentia sit in qualibet vi.

III. quæst. lxxxv. art. 4.

1. Ad tertium sic proceditur. Videtur quod penitentia sit in qualibet vi. Nihil enim agit ubi non est. Sed penitentia expellit peccatum a qualibet vi. Ergo est in qualibet vi.

2. Item. Videtur quod sit in concupiscibili. Quia penitentia est dolor. Sed dolor est in concupiscibili, sicut & gaudium. Ergo penitentia est in concupiscibili.

3. Item. Videtur quod sit in irascibili. Quia penitentia est quedam vindicta dolentis. Sed vindicta pertinet ad irascibilem, quia ira est appetitus vindictæ. Ergo penitentia est in irascibili.

4. Item. Videtur quod sit in memoria. Quia sicut timor est de futuro, & gaudium de præsentia, ita memoria de præterito. Sed penitentia est de malo commissio, quod est præteritum. Ergo est in memoria.

5. Item. Videtur quod sit in ratione. Quia penitentia est pars iustitiæ. Sed iustitia est in ratione. Ergo & penitentia.

T t

QUAE-

QUAESTIUNCULA II.

1. Ulterius. Videtur quod in innocentibus penitentia esse non possit. Quia penitere est commissa mala plangere. Sed innocentes nullum malum commiserunt. Ergo in eis penitentia non est.

2. Præterea. Penitentia ex suo nomine importat poenam. Sed innocentibus non debetur poena. Ergo non est in eis penitentia.

3. Præterea. Penitentia in idem coincidit cum vindicativa iustitia, ut supra dictum est. Sed omnibus existentibus in poenitentibus vindicativa iustitia locum non haberet. Ergo nec penitentia; & ita non est in innocentibus.

Sed contra. Omnes virtutes simul infunduntur. Sed poenitentia est virtus. Cum ergo innocentibus in baptismo infundantur alie virtutes, infunditur etiam poenitentia.

Præterea. Ille qui numquam fuit infirmus corporaliter, dicitur sanabilis. Ergo & similiter qui numquam fuit infirmus spiritualiter. Sed sicut sanatio in actu a volere peccati non est nisi per actum poenitentiae, ita nec sanabilitas nisi per habitum. Ergo ille qui numquam habuit infirmitatem peccati, habet habitum poenitentiae.

QUAESTIUNCULA III.

1. Ulterius. Videtur quod sancti homines qui sunt in gloria, non habeant penitentiam. Quia, sicut dicit Gregorius in *Moralibus* (Lib. IV. cap. xxxi.) beati peccatorum recordantur, sicut nos sani sine dolore dolorum memoramur. Sed penitentia est dolor cordis, ut dictum est. Ergo sancti in patria non habent penitentiam.

2. Præterea. Sancti in patria sunt Christo conformes. Sed in Christo non fuit penitentia, nec fides, quæ est principium poenitentiae. Ergo nec in sanctis in patria erit poenitentia.

3. Præterea. Frustra esset habitus qui ad ultimum non reducit. Sed sancti in patria non poenitebunt actu: quia sic esset eis aliquid contra votum. Ergo non erit in eis habitus poenitentiae.

4. Sed contra. Penitentia est pars iustitiae. Sed iustitia est immortalis, & perpetua, & in patria remanebit. Ergo & poenitentia.

5. Præterea. In vitis patrum legitur a quodam patre dictum, quod etiam Abraham poenitebit de hoc quod non plura ho-

na fecit. Sed magis debet aliquis poenitere de malo commissio quam de bono omisso, ad quod non tenebatur, quia de tali bono loquitur. Ergo erit ibi poenitentia de malis commissis.

QUAESTIUNCULA IV.

1. Ulterius. Videtur quod etiam Angelus, bonus, seu malus, sit susceptivus poenitentiae. Quia timor est initium poenitentiae. Sed in eis est timor: Iac. 2. 19. *Demonnes credunt, & contremiscunt*. Ergo in eis potest esse poenitentia.

2. Præterea. Philosophus dicit in IX. *Ethic.* (cap. 1v.) quod poenitudine replentur mali, & hæc est maxima poena eis. Sed demones maxime sunt pravi, nec aliqua poena eis deest. Ergo demones possunt poenitere.

3. Præterea. Facilius movetur aliquid in id quod est secundum naturam quam in id quod est contra naturam; sicut aqua quæ per violentiam est calefacta, etiam per se ipsam ad naturalem proprietatem redit. Sed Angelus potest mutari in peccatum, quod est contra omnem naturam eorum. Ergo multo fortius potest revocari in id quod est secundum naturam. Et hoc facit poenitentia. Ergo sunt susceptibiles poenitentiae.

4. Præterea. Idem iudicium est secundum Damascenum (Lib. II. de Fide orth. cap. xii.) de Angelis, & de animabus separatis. Sed in animabus separatis potest esse poenitentia, ut quidam dicunt, sicut in animabus beatis quæ sunt in patria. Ergo & in Angelis potest esse poenitentia.

Sed contra. Per poenitentiam homo reparatur ad vitam, peccato dimisso. Sed hoc est impossibile in Angelis, ut in II. Lib. (dist. vii. quest. 1. art. 2.) dictum est. Ergo non sunt susceptibiles poenitentiae.

Præterea. Damascenus (de Fide orth. Lib. II. cap. iiii.) dicit quod homo sumitur poenitentia propter corporis inimitatem. Sed Angeli sunt incorporei. Ergo in eis non potest esse poenitentia.

SOLUTIO I.

Respondendo dicendum ad primam questionem, quod quidam dicunt, subiectum omnis virtutis esse liberum arbitrium. Sed hoc non potest esse: quia omnis actus humanus ordinatus elicitive procedit ab aliqua virtute humana; qualibet autem potentia humana habet aliquem actum ordinatum (& dico potentiam humanam rationem).

tionem, vel quæ rationi obediât) & ideò in omni tali potentia potest esse virtus, quæ eliciat ordinatum actum illius potentie; & de hoc in III. Libr. dist. xxxiii. (quæst. 11. art. 4. quæstionc. 1.) plura dicta sunt.

Et ideo quidam dicunt, quòd penitentia est in omnibus viribus. Sed hoc non potest esse: quia unus habitus non potest esse nisi unius potentie, sicut una forma nisi unius materie, & unum accidens non nisi unius subiecti.

Et ideo alii dicunt, quòd est in irascibili: quia, ut dicit Augustinus (de penit. dist. 11. cap. Penitentia) est vindicta quædam quam appetit ira. Sed hoc non potest esse: quia vindictam expetere de altero quòd arduitate habet, ad irascibilem pertinet; sed vindictam pati non videtur esse irascibili.

Et ideo quidam dicunt, quòd penitentia est dolor, & propter hoc est in concupiscibili. Sed hoc etiam non valet: quia ille dolor qui est in concupiscibili, est passio; dolor autem qui est actus penitentiae, non est passio.

Et ideo dicendum cum aliis, quòd penitentia est pars iustitiæ: & ideo cum iustitia sit in ratione, non quidem quantum ad partem cognitivam, sed quantum ad affectivam, & penitentia in ratione est, inquantum est virtus; sed penitentia quæ est passio, est in concupiscibili sicut in subiecto, quia est dolor quidam. Sed hæc passio est quasi materiale in penitentia virtute, quia penitentia virtus hunc dolorem recompensat pro peccatis commissis, sicut & poena quam patitur reus, est materiale in vindictiva iustitia.

Ad primum ergo dicendum, quòd penitentia non expellit omnem peccatum formaliter, sed quasi active: unde non oportet quòd sit in subiecto in qualibet vi ubi potest esse peccatum; sed quòd ea quæ sunt in illis virtutibus, subiciantur ei quasi materialia: & hoc penitentia habet, inquantum est in ratione, cui omnes alie vires subduntur quasi ab ipsa motæ, & regulatæ.

Ad secundum dicendum, quòd dolor qui est in concupiscibili, non est actus penitentiae virtutis, sed materiale, ut dictum est; sed dolor qui est detestatio culpæ commissæ, est actus eius; & hoc est voluntatis, in qua est iustitia, cuius actus est detestari inæqualitatem præexistentem, & eam ad æqualitatem reducere.

Ad tertium dicendum, quòd exhibitio vindictæ est materialis in penitentia, sicut etiam in iustitia vindictiva: non enim exhibet vindictam ex appetitu vindictæ, sed ad æqualitatem restituendam.

Ad quartum dicendum, quòd quamvis penitentia sit de præterito, sicut memoria, tamen respicit affectum; memoria autem est potentia pure cognoscitiva: & ideo in ea non potest esse penitentia.

Quintum concedimus.

SOLUTIO II.

Ad secundam quæstionem dicendum, quòd habitus medius est inter potentiam & actum. Et quia remoto priori, removeretur posterius, non autem e converso; ideo remota potentia ad actum, removeretur habitus, non autem remoto actu. Et quia subiectio materie tollit actum, propter hoc quòd actus non potest esse sine materia in quam transit; ideo habitus alicuius virtutis competit alicui cui non supposita materia, propter hoc quòd suppetere potest, & ira in actum exire; sicut pauper homo potest habere habitum magnificentie, sed non actum, quia non habet magnitudinem divitiarum, quæ sunt materia magnificentie, sed potest habere: & ideo cum innocentes in statu innocentie non habeant peccata commissa, quæ sunt materia penitentiae, sed possint habere; actus penitentiae in eis esse non potest, sed habitus potest; & hoc, si gratiam habeant, cum qua omnes virtutes infunduntur.

Ad primum ergo dicendum, quòd quamvis non commiserint, possunt tamen committere: & ideo eis habitus penitentiae habere competit. Sed tamen habitus iste nonquam in actum exire potest, nisi forte respectu venialium peccatorum, quia peccata mortalia tollunt ipsum. Nec tamen est frustra, quia est perfectio potentie naturalis.

Ad secundum dicendum, quòd quamvis non sit eis debita poena in actu, tamen in eis est possibile esse aliquid pro quo eis poena debeat.

Ad tertium dicendum, quòd remanente potentia ad peccandum, adhuc haberet locum vindictiva iustitia secundum habitum, quamvis non secundum actum, si peccata actus non essent.

SOLUTIO III.

Ad tertiam quæstionem dicendum, quòd virtutes cardinales in patria remanebunt, sed secundum actus quos habent in fine suo,

T t a . ut

ut in III. Lib. dist. xxxi. (quæst. 1. art. 4. in corp.) dictum est : & ideo cum penitentia virtus sit pars iustitiæ, quæ est habitus cardinalis, quicumque habet habitum penitentis in hac vita, habebit in futura ; sed non habebit eundem actum quem nunc habet, sed alium, scilicet gratias agere Deo pro misericordia relaxante peccata.

Ad primum ergo dicendum, quod illa auctoritas probat quod non habent eundem actum quem hic habet penitentia ; & hoc concedimus.

Ad secundum dicendum, quod Christus non potuit peccare, ut in III. Lib. dist. xii. [quæst. 11. art. 1.] dictum est : & ideo materia huius virtutis non competit sibi nec actu, nec potentia : & propter hoc non est simile de ipso, & de aliis.

Ad tertium dicendum, quod penitere proprie loquendo, prout dicit actum penitentis qui nunc est, non erit in patria : nec tamen habitus frustra erit, quia alium actum habebit.

Quantum concedimus.

Sed quia quinta ratio probat quod etiam hunc actum penitentis erit in patria qui modo est, ideo dicendum ad quintum, quod voluntas nostra in patria erit omnino conformis voluntati Dei : unde sicut Deus voluntate antecedente vult omnia esse bona, & per consequens nihil esse mali, non autem voluntate consequente ; ita etiam est de beatis : & talis voluntas improprie dicitur ab illo sancto patre penitentia.

SOLUTIO IV.

Ad quartam questionem dicendum, quod penitentia in nobis dupliciter accipitur. Uno modo secundum quod est passio : sic enim nihil aliud est quam dolor, vel tristitia de malo commisso. Et quamvis secundum quod est passio, non sit nisi in concupiscibili, tamen aliquis voluntatis actus similitudinarie penitentia dicitur, quo quidem detestatur quod facit ; sicut etiam timor, & alie passionis dantur in intellectu appetitu, ut in III. Lib. dist. xxvi. (quæst. 1. art. 5.) dictum est. Alio modo accipitur secundum quod est virtus ; & hoc modo detestari malum commissum cum emendationis proposito, & intentione expiandi, vel Deum placandi de offensa commissa, est actus eius. Detestatio autem tali competit alicui secundum quod habet ordinem naturalem ad bonum. Et quia in nulla creatura talis inclinatio totaliter tollitur, ideo oriam in damnatis talis detestatio manet,

& per consequens penitentia passio, vel similis ei, ut dicitur Sap. v. 3. *Intra se gementes, & penitentiam agentes*. Et hæc quidem penitentia, cum non sit habitus, sed passio, vel actus, nullo modo in beatis Angelis esse potest, in quibus peccata commissa non præcesserunt ; sed in malis angelis est, cum sit eadem ratio de ipsis, & de animabus damnatorum : quia secundum Damascenum (de Fide orth. Lib. II. cap. iv.) quod est homini mors, hoc est angelis casus. Sed peccatum angeli est irremissibile, ut in II. Lib. (dist. vii. quæst. 1. art. 2.) dictum est. Et quia peccatum, ut est remissibile, vel expiabile, est propria materia istius virtutis quæ penitentia dicitur ; ideo cum materia non possit eis competere, non adest eis potentia exiundi in actu : & ideo nec habitus eis convenit : & ideo angeli susceptivi penitentis virtutis esse non possunt.

Ad primum ergo dicendum, quod ex timore in eis generatur aliquis penitentis motus, sed non quæ sit virtus.

Et similiter dicendum ad secundum.

Ad tertium dicendum, quod quicquid in eis est naturale, totum est bonum, & ad bonum inclinans ; sed liberum arbitrium in eis est in malitia obliuatum. Et quia motus virtutis, & vitii non consequitur inclinationem naturæ, sed magis motum liberi arbitrii, ideo non oportet quod quamvis naturaliter inclinetur ad bonum, motus virtutis in eis sit, vel esse possit.

Ad quartum dicendum, quod non est eadem ratio de Angelis sanctis, & animabus sanctis : quia in animabus sanctis præcessit, vel præcedere potuit peccatum remissibile, non autem in Angelis : & ita quamvis sint similes quantum ad statum præsentem, non tamen quantum ad statum præteritum, quem penitentia respicit directe.

ARTICULUS IV.

Utrum de ratione vere penitentis sit quod usque in finem vite continuetur.

III. P. quæst. lxxxiv. art. 8. 9. 10.

1. **A**D quartum sic proceditur. Videtur quod de ratione vere penitentis sit quod usque in finem vite continuetur. Penitentia enim est quasi quidam recompensatio Deo facta pro offensa commissa. Sed offensa fuit infinita : unde aterna pena debetur.

betur pro peccato mortali. Ergo & penitentia delens hanc culpam, ad hoc quod sit vera, oportet quod usque in finem duret.

2. Præterea. Nihil destruit nisi a fortiori se. Sed penitentia est fortius quam peccatum, quia expellit ipsum. Cum ergo vera penitentia non possit discontinuari, nisi per peccatum, videtur quod si fuerit vera, nullo modo a statu penitentiae quis cadere possit.

3. Præterea. Facilius est peccatum impedire ne fiat, quam peccatum factum destruere. Sed penitentia destruit peccatum factum. Ergo multo fortius impedit ne aliquid peccatum committatur, & sic idem quod prius.

Sed contra. Baptismus est efficacius sacramentum quam penitentia, quia etiam totaliter penam tollit. Sed gratia baptismatis tollitur per peccatum sequens. Ergo multo fortius penitentia.

Præterea. Nulla virtus potest remanere sine caritate, & ea habita, omnes habentur. Sed caritatem semel habitam contingit amitti, ut in III. Lib. dist. xxxiii. [quæst. 1. art. 1.] dictum est. Ergo & penitentiam.

QUAESTIUNCULA II.

1. Uterius. Videtur quod necesse sit dolorem penitentiae per gaudium interrumpi. Gaudium enim, & dolor sunt affectiones contrariae. Sed contraria non sunt nata esse in eodem. Ergo cum oporteat penitentem aliquando de sua penitentia gaudere, ut in littera dicitur, oportet quod dolor per illud gaudium interrumpatur.

2. Præterea. Sicut mali dolent de suo gaudio, ita boni gaudent de suo dolore. Sed Philosophus in IX. Ethic. (cap. iv.) dicit quod mali de hoc quod delectati sunt, postmodum dolent; quod non potest esse simul dum delectantur. Ergo nec boni simul cum dolent, possunt gaudere de hoc quod dolent.

3. Præterea. Si dicatur, quod dolor est causa gaudii, & sic possunt esse simul; contra. Contrarium non est causa sui contrarii. Sed dolor est contrarium gaudio. Ergo non potest esse causa ipsius.

(a) Ad tentationibus.

Sed contra. Galat. v. super illud, *Frustrans autem Spiritus*, dicit Glossa (interlinealis) quod virtutes fructus dicuntur, quia suos possessores sancta delectatione delectant. Sed penitentia est virtus. Ergo in suo actu, qui est dolere, habet delectationem.

Præterea. Secundum Philosophum in II. Ethic. (cap. xii.) signum generati habitus oportet accipere scientem in opere delectationem. Sed penitentia est habitus quidam. Ergo actus eius habet delectationem: ergo non interruptitur per gaudium.

QUAESTIUNCULA III.

1. Uterius. Videtur quod penitentia iterari non possit. Sicut enim baptismus habet efficaciam a passione Christi, ita penitentia, & omnia alia sacramenta. Sed quia passio Christi est una, ideo baptismus iterari non potest. Ergo nec penitentia potest iterari.

2. Præterea. Sicut dicit Gregorius* (II. Par. pastoralis curæ cap. vi.) facilitas veniæ incentivum præbet delinquendi. Sed Deus non debet alicui dare peccandi occasionem. Ergo non debet dare locum penitentiam iterandi.

3. Præterea. Spiritualis curatio, quæ per penitentiam fit, signatur per corporales curationes, quas Dominus miraculose fecit. Sed in illis (Ia) curationibus non legitur quod aliquem bis sanaverit. Ergo nec per penitentiam aliquis bis potest spiritualiter curari.

Sed contra est quod dicitur Eccli. xi. 23. *Secundum magnitudinem eius, sic & misericordia illius cum eo est.* Sed magnitudo eius est infinita. Ergo & misericordia: non ergo coarctatur per unam penitentiam, ut postmodum ad se conversis non parcat.

Præterea. Matth. xii. dicitur: Qui peccat in Patrem, vel Filium, remittetur ei. Sed contingit quod post peractam penitentiam aliquis peccet per infirmitatem, quod est in Patrem peccare; & per ignorantiam, quod est in Filium peccare. Ergo tale peccatum remittetur: ergo penitentia potest iterari.

SOLUTIO I.

Respondeo dicendum ad primam questionem

EX EDIT. P. NICOLAI.

* Eius nomine in Decretis causa xxxiii. quæst. iv. cap. *Est iniuncta* referebatur olim, indeque sumptis S. Thomas, non autem prænotatus ab Ambrosio, ex quo vere sumptum est conc. viii. in Pål. cxviii. nec occurrat in Gregorio.

nem, quod opinio ista quæ posuit, quod nullus homo a vera penitentia possit excidere, est erronea, & conformis illi quæ in III. Lib. posita est dist. xxvi. [quæst. 1. art. 1.] quod caritas semel habita non possit amitti. Sed tamen de caritate videbatur magis moveri, considerantes efficaciam eius, ex qua apparebat quod non posset per aliquod peccatum vinci. Sed de penitentia videbatur moveri, quia ad integritatem penitentia requiritur continuatio usque in finem vitæ. Sed utrumque frivolum est. Primo quia quantumcumque aliqua virtus efficaciam habeat, flexibilitatem a libero arbitrio non tollit, dum est in statu viæ. Similiter illud quod futurum est, non potest esse de substantia, vel de integritate alicuius virtutis, nisi secundum quod est præsens in apprehensione, vel in voluntate: quia virtus quantum ad habitum non expectat aliquid in futurum: habitus enim virtutis est de rebus permanentibus, non de successivis: unde totam perfectionem suam habet simul in instanti, quæ tota simul in unum actum potest effluere, quia actus sunt similes habitibus, ut dicitur in III. Ethic. [cap. 11.] Et sic quod futurum est, non est de integritate, vel essentia ipsius. Unde tunc penitentia sit virtus, & secundum quod est sacramentum, non se extendat ultra actum virtutis, non erit de integritate penitentia essentiali futuri continuatio, nisi ut sit in proposito: & ideo potest esse vera penitentia, & tamen ab ea postmodum aliquis excideret.

Ad primum ergo dicendum, quod sicut offensio habuit infinitatem, ita etiam & unus contritionis actus habet quandam infinitatem, tum ex virtute gratiæ quæ dat operibus infinitum valorem, ut scilicet per ea homo infinitum bonum mereatur; tum ex merito Christi, quod operatur in omnibus peccatis, & in omnibus meritis nostris.

Ad secundum dicendum, quod nec penitentia, nec aliqua virtus agit de necessitate, sed ex libertate arbitrii: & ideo quamvis penitentia sit fortior quam peccatum, & per hoc possit peccatum expellere; tamen homo penitentia virtutem habens, potest sponte se peccato subicere.

Ad tertium dicendum, quod aliquando homo vincitur a debiliore, qui fortiozem vincit, quia non tantam curam adhibet: & similiter penitens propter negligentiam a peccato nondum commisso (a) vincitur,

qui per penitentiam a peccato commisso liberatus fuit.

SOLUTIO II.

Ad secundam questionem dicendum, quod gaudium, & tristitia secundum genus sunt contraria; non tamen quodlibet gaudium cuilibet tristitia opponitur, sed ei quæ est de eodem. Si autem de contrariis sunt, vel de diversis, unum potest esse causa alterius, vel materiale ad ipsum: qui enim de præsentia gaudet, eo ipso sequitur quod de absentia tristatur. Similiter etiam quando de aliquo tristari est nobis utile, vel decess, tristitia potest esse materia gaudii. Si ergo gaudium, & tristitia directe contraria accipiantur, sic non possunt simul esse in eodem secundum idem; si autem sint de diversis, vel contrariis, sic quidem quantum ad causam suam possunt simul esse, quia potest esse voluntas de uno, & voluntas de altero; & similiter si unum sit ratio alterius. Sed quantum ad sensum qui requiritur in utroque, quia gaudium non est sine perceptione conveniens, neque tristitia sine perceptione nocivi, impossibile est quod utrumque simul, intense inest: quia anima quando intense occupatur circa unum, retrahitur ab altero: sed imperfecte possunt esse simul; ita tamen quod unum nunc sit perfectius, & aliud postmodum. Dolor autem qui est in penitentia, est de peccato commisso: unde simul cum hoc non potest esse gaudium de eodem; sed potest esse gaudium de spe veniæ, quam per dolorem concipit; vel etiam hoc ipso quod in exhibendo dolorem pro peccatis commissis, facit quod debet: & ideo detestatio peccati commissi, quæ est causa doloris, & voluntas detestandi, quæ est causa gaudii, sunt simul: volens enim detestatur. Et quia unum est ratio alterius, ideo anima ad utrumque converti potest simul, in quantum ex eis quodammodo fit unum. Quando autem ex aliquibus duobus fit unum, unum est ut materiale, & alterum ut formale: & ideo anima ad unum illorum convertitur per prius, & ad alterum per posterius: & propter hoc non potest inesse utrumque secundum sui completam rationem, sed quandoque unum, quandoque alterum. Quando enim plene convertitur ad spem veniæ, vel ad decentiam doloris, tunc gaudium est principaliter, & dolor de peccato ex consequenti; quando autem principaliter convertitur ad peccatum commissum, tunc est e contrario.

Ad

(a) Ad. additur Liberaus.

Ad primum ergo dicendum, quod dolor de peccato, & gaudium de dolore non sunt affectiones contrariae, ut dictum est.

Ad secundum dicendum, quod obiectum gaudi est aliquid conveniens, sed obiectum tristitiae est contrarium nocivum: unde dolor de quo quis gaudet, non est contrarius gaudens, sed conveniens; sed gaudium de quo quis dolet, est contrarium dolenti: & ideo simul cum quis gaudet, non potest esse dolor de gaudio secundum idem; sed si simul, cum quis dolet, potest esse gaudium de illo.

Ad tertium dicendum sicut ad primum.

SOLUTIO III.

Ad tertiam quaestionem dicendum, quod erroneum est dicere, quod penitentia non possit iterari, & misericordiae divinae contrarium. Causa autem quare iteratur, cum baptismus non iteretur, est quadruplex. Prima est, quia penitentia non imprimit characterem sicut baptismus: character enim indelebilis est. Secunda, quia baptisma est contra morbum non iterabilem, scilicet originale peccatum; penitentia autem contra actuale peccatum, quod iteratur. Tertia causa est, quia baptismus habet totam efficaciam a passione Christi sine actu nostro: & ideo quia passio est uox tantum, & baptismus unus; sed penitentia etiam requirit actum nostrum, ut prius dictum est: & ideo ratione eius iterationem suscipit. Quarta, quia baptismus est generatio spiritualis, sed penitentia est quaedam sanatio spiritualis: semel autem aliquid geoeratur, sed pluries curari, siue sanari potest, quamdiu in hac vita vivit.

Et sic patet solutio ad primum.

Ad secundum dicendum, quod sicut infirmus Dominus summe iustitiam diligit, ita summe peccatum odit; & ita quantum ex ipso est, paratus est ipsum destruere semper, dummodo ex parte hominis non remaneat, qui penitentiam negligit, vel contemnit. Nec obstat quod quidam ex hoc sumunt occasionem delinquendi: quia ex contrario fumerent occasionem desperandi, quod esset gravius.

Ad tertium dicendum, quod quamvis non sit scriptum quod idem infirmus frequentius a Domino sit curatus, tamen nec etiam fidei negatur: & praeterea hoc ocula fidei

videmus, quod frequenter homines infirmantur, & divina virtute, quae omnia restituit, curantur.

ARTICULUS V.

Utrum debeat aliqua penitentia publicari, vel solemnizari.

1. **A**D quintum sic proceditur. Videtur quod non debeat aliqua penitentia publicari, vel solemnizari. Quia non licet sacerdoti, etiam metu, peccatum alicuius confiteri, quantumcumque publicum. Sed per poenitentiam solemnem publicatur peccatum. Ergo non debet solemnizari.

2. Praeterea. Iudicium debet esse secundum conditionem fori. Sed penitentia est quoddam iudicium quod in foro occulto agitur. Ergo non debet publicari, siue solemnizari.

3. Praeterea. Penitentia omnes defectus revocat ad perfectum, ut Ambrosius dicit (* Lib. V. de poenit. cap. ult.) Sed solemnizatio facit contrarium, quia penitentiam in multis defectibus innestit: non enim laicus potest per solemnem penitentiam ad clericatum promoveri, nec clericus ad superiorem ordinem. Ergo penitentia non est solemnizanda.

Sed contra. Penitentia est quoddam sacramentum. Sed in quolibet sacramento quaedam solemnitas adhibetur. Ergo & in penitentia adhiberi debet.

Praeterea. Medicina debet respondere morbo. Sed peccatum quandoque est publicum, quod multos ad exemplum peccandi trahit. Ergo & penitentia, quae est medicatio eius, debet esse solennis, & publica, quae multa edificentur.

QUAESTIUNCULA II.

1. Ulterius. Videtur quod solennis penitentia iterari possit. Sacramenta enim quae characterem non imprimunt, cum sua solemnitate iterantur, sicut eucharistia, & extrema unctio, & huiusmodi. Sed penitentia non imprimit characterem. Ergo cum sua solemnitate debet iterari.

2. Praeterea. Penitentia solemnizatur propter gravitatem, & manifestationem peccati. Sed post peccatum penitentiam contingit similia peccata committere, vel etiam gra-

EX EDIT. P. NICOLAI.

* Nihil tale apud Ambrosium loc. cit. Sed in Hypognostico Lib. III. cap. 12. inter opera Augustini Tom. VII.

graviora . Ergo sollemnis penitentia iterum debet adhiberi .

Sed contra . Penitentia sollemnis significat ejectionem primi hominis de paradiso . Sed hæc tantum semel est facta . Ergo & penitentia sollemnis tantum semel debet fieri .

QUAESTIUNCULA III.

1. Uterius . Queritur de ritu sollemnis penitentiae : & videtur quod mulieribus non sit imponenda . Quia vii , cui imponitur sollemnis penitentia , debet comam abicere . Sed hoc non competit mulieri , ut patet I Corinth. xi . Ergo non debet agere sollemnem penitentiam .

2. Item . Videtur quod clericis sit imponenda . Quia imponitur propter gravitatem delicti . Sed idem peccatum gravius est in clerico quam in laico . Ergo magis debet imponi clerico quam laico .

3. Item . Videtur quod a quolibet sacerdote possit imponi . Quia absolvere in foro penitentiali est eius qui habet claves . Sed simplex sacerdos habet claves . Ergo potest esse minister huius penitentiae .

SOLUTIO I.

Respondeo dicendum ad primam quaestionem , quod aliqua penitentia debet esse publica , & sollemnis propter quatuor . Primo ut peccatum publicum publicam habeat medicinam . Secundo quia maxima confusio in hoc mundo etiam est dignus qui gravissimum scelus commisit . Tercio ut sit aliis ad terrorem . Quarto ut sit ad exemplum penitendi , ne desperent qui in gravibus peccatis detinentur .

Ad primum ergo dicendum , quod sacerdotes non revelat confessionem , talem penitentiam iniungendo , quamvis suspicio oriatur illum aliquod enorme peccatum commississe : non enim culpa pro certo scitur ex poena : quia quandoque aliquis penitentiam pro alio facit , sicut legitur in vitis patrum de quodam , qui ut socium suum ad penitentiam provocaret , ipse cum eo penitentiam egit . Si autem sit peccatum publicum , ipse penitens exequendo penitentiam , confessionem a se factam manifestat .

Ad secundum dicendum , quod penitentia sollemnis , quantum ad iniunctionem (a) exigit forum occultum : quia sicut occulte quis confitetur , ita occulte ei penitentia iniungitur : sed executio non exigit forum occultum : & hoc non est inconveniens .

Ad tertium dicendum , quod penitentia

quamvis revocet omnes defectus , restituendo in pristinam gratiam , non tamen restituit in pristinam dignitatem : & ideo etiam mulieres post peractam penitentiam de fornicatione , non velantur , quia dignitatem virginittatis non recuperant : & similiter post publicam penitentiam peccator non redit ad hanc dignitatem , ut possit ad clericatum assumi , & Episcopus talem ordinans , potestate ordinandi privari debet ; nisi forte necessitas Ecclesiae exposcat , aut consuetudo : tunc enim dispensative recipitur ad minores ordines , non autem ad sacros ordines . Primo propter dignitatem ordinum istorum . Secundo propter timorem recidivi . Tercio propter scandalum vitandum , quod posset in populo oriri ex memoria precedentium peccatorum . Quarto quia non haberet frontem alios corrigendi , cum peccatum eius fuerit publicum .

SOLUTIO II.

Ad secundam quaestionem dicendum , quod sollemnis penitentia iterari non debet propter tria . Primo ne ex iteratione vilescat . Secundo propter figuracionem : quia est figura expulsiõis hominis de paradiso , quæ est semel tantum facta . Tercio quia sollemnizatio est quasi quædam professio perpetuo penitentiam conservandi , & ideo iteratio sollemnitati resistit . Si tamen postmodum peccaverit , non clauditur ei locus penitentiae ; sed penitentia sollemnis iterum ei iniungenda non est .

Ad primum ergo dicendum , quod in illis sacramentis in quibus sollemnitas iteratur , iteratio sollemnitati non repugnat , ut est in proposito : & ideo non est simile .

Ad secundum dicendum , quod quamvis ratione criminis deberetur sibi eadem penitentia , tamen sollemnittatis iteratio non competit propter prædictas causas .

SOLUTIO III.

Ad tertiam quaestionem dicendum , quod omnis sollemnis penitentia est publica , sed non convertitur . Penitentia enim sollemnis hoc modo fit . In capite quadragesimæ tales penitentes præsentant se cum presbyteris suis Episcopo civitatis ante fores Ecclesiae , sacco induti , nudis pedibus , vultibus demissis , coma deposita ; & eis in Ecclesia introductis Episcopus cum omni clero septem Psalmos penitentiales dicit , & postmodum eis manum imponit , aquam benedictam spargit , & cinerem caputibus imponit .

(a) Alii perperam non exigit , & max exigit . Nicolai hic non exigit , & max exigit .

ponit, cilicio colla eorum operit, & denotat, eis lacrymabiliter, quod sicut Adam eiectus est a paradiso, ita ipsi de Ecclesia eiciuntur, & iubet ministris ut eos ab Ecclesia pellant, clero eos (*) prosequente cum hoc responsorio: *In sudore vultus tui vesceris pane tuo &c.* In caena autem Domini quolibet anno a suis presbyteris in Ecclesiam reducantur, & erunt ibi usque ad festas pasche; ita tamen quod non communicabunt, nec pacem accipient; & sic fiat quolibet anno quousque aditus Ecclesie est eis interdictus. Ultima autem reconciliatio Episcopo reservatur, ad quem solum spectat sollemnis penitentiae impositio. * Potest autem imponi viris, & mulieribus, sed non clericis propter scandalum. Non autem talis penitentia debet imponi, nisi pro peccato quod totam commoverit urbem. Publica autem est, & non sollemnis, quæ in facie Ecclesie fit, sed non cum solemnitate prædicta, sicut peregrinatio per mundum cum baculo cubitali: & hæc potest iterari, & a simplici sacerdote iniungi, & potest etiam clerico imponi. Quandoque tamen sollemnis ponitur pro publica; & secundum hoc auctoritates quædam varie loquuntur de solenni.

Ad primum ergo dicendum, quod mulier habet comam in signum subiectionis, non autem vir: & ideo non competit ut in penitentia mulieri coma deponatur, sicut viro.

Ad secundum dicendum, quod licet in eodem genere peccati clericus plus peccet quam laicus, tamen non iniungitur ei penitentia sollemnis, ne ordo veniat in contemptum: unde non defertur personæ, sed ordini.

Ad tertium dicendum, quod magna peccata indigent maiori cautela ad sui curationem: & ideo iniungitur penitentia sollemnis, quæ non nisi pro gravissimis peccatis fit, soli Episcopo reservatur.

QUÆSTIO II.

Deinde quæritur de effectu penitentiarum: & circa hoc quærantur quinque.

Primo. Utrum penitentia peccata tollat.

Secundo. Utrum virtutes restituat.

Tertio. Utrum opera præcedentia vivificet.

S. Th. Oper. Tom. XII.

(*) *Al. perloquente.*

EX EDIT. P. NICOLAI.

* Hæc sumpta sunt ex Decretis dist. I. cap. *In capite quadragesima*, & cap. *Penitentes*, & ex causa xvi. quæst. vi. & vii. cap. *Si quis*, & *Qui recedunt*, & *De his verbis*.

Quarto. Utrum prædicti effectus sint penitentiarum, in quantum est virtus, vel in quantum est sacramentum.

Quinto. Utrum sine penitentia possit pervenire aliquis peccator ad salutem.

ARTICULUS I.

Utrum per penitentiam semper peccata tollantur.

III. R. quæst. lxxxvi. art. 1. 4. & 5.

1. **A**D primum sic proceditur. Videtur quod per penitentiam non semper peccata tollantur. Hebr. x. 26. *Voluntatis enim peccantibus vobis post acceptam notificationem veritatis, iam non relinquitur hostia pro peccato.* Sed in penitentia homo se offert hostiam Deo. Psalm. l. 19. *Sacrificium Deo spiritus contribulatus.* Ergo penitentia peccata eorum qui prolapsi sunt post notificationem veritatis, non delet.

2. Præterea. Hebr. xxi. super illud. *Non invenit penitentia locum*, inquit Glossa interlinealis: „ Idem, venit locum, & „ benedictionis per penitentiam. “ Ergo penitentia non semper tollit præterita peccata.

3. Præterea. II. Machab. ix. 13. dicitur de Anthioco: *Orabat sequester Deum, a quo non esset misericordiam consecutus.* Ergo cum ipse penitenter de malis commissis, videtur quod non semper penitentia peccata præcedentia delect.

4. Præterea. Peccatum commissum est quodammodo infinitum, in quantum est offensæ Dei. Sed actus nostri sunt finiti. Cum ergo finitum non possit in infinitum, videtur quod penitentia non possit delere peccatum commissum.

Sed contra. Lucæ v. 32. *Non veni vocare iustos, sed peccatores ad penitentiam.* Sed inutilis esset ista vocatio penitentibus, nisi veniam de peccato largiretur. Ergo penitentia peccata delet.

Præterea. Maior est misericordia Dei quam iniquitas hominis: unde reprehenditur ille qui dixit (Gen. iv. 13.) *Maior est iniquitas mea quam ut veniam merear.* Sed penitentia misericordiam Dei innititur. Ergo omnia peccata, quantumque sint, delet.

Vu QUÆ-

QUAESTIUNCULA II.

1. Ulterius. Videtur quod etiam totaliter reatum tollat. Bonum enim est efficacius ad agendum quam malum: quia malum non agit nisi in virtute boni, ut Dionysius dicit (de divin. Nomin. cap. iv. post med.) Sed per unum actum peccati homo & culpam, & reatum incurrit. Ergo & per actum contritionis & a culpa, & a reatu absolvitur.

2. Præterea. Deis non plus exigit in poena quam erat in culpa. Sed maior dolor est in contritione de peccato quam fuerit in peccando delectatio: quia quantitas doloris de peccato est secundum quantitatem amoris Dei, qui est maior quam omnis cupiditas rei temporalis, ut dicit Glossa * super illud Psalm. cxviii. *Dilexi mandata tua super aurum, & topazion*. Ergo non exigit pro peccato aliam penam quam illam quæ est in contritione; & sic penitentia a toto reatu absolvit.

3. Præterea. Magis valet ad remotionem peccatum poena propria adiuncta alienæ, quam aliena poena tantum. Sed in baptismo non est aliqua poena propria, sed tantum virtute poenæ Christi omnia peccata delet & quantum ad culpam, & quantum ad reatum. Ergo & penitentia, in qua cum poena Christi adiungitur poena propria, totus reatus auferri debet.

Sed contra. Poena non iniungitur nisi ei qui est debitor poenæ. Sed penitenti iniungitur poena aliqua satisfactoria. Ergo adhuc est debitor poenæ; & sic non est a toto reatu per penitentiam liberatus.

Præterea. Per penitentiam non auferitur illud quod est (a) expeditum ad profectum. Sed poena remansens satisfactoria est ad profectum virtutum. Ergo per penitentiam non tollitur.

QUAESTIUNCULA III.

1. Ulterius. Videtur quod per penitentiam etiam reliquie peccati actualis tollantur, sicut propterea ad malum, habitudo, & huiusmodi. Quia in generatione naturali non solum tollitur forma contraria, sed etiam dispositiones ad formam illam. Sed gratia quæ per penitentiam datur, est

poteior quam forma naturalis. Ergo non solum tollit culpam, sed etiam huiusmodi reliquias, quæ sunt dispositio ad culpam.

2. Præterea. Sicut gratia est in essentia animæ, ita virtus in potentia. Sed penitentia restituit gratiam, & virtutes, ut dicitur. Ergo sicut per gratiam auferuntur culpam ab anima ipsa, ita & per virtutes auferuntur reliquias a potentiis.

Sed contra. Baptismus est efficacior ad removendum peccatum quam poenitentia. Sed baptismus non removel peccati reliquias. Ergo nec poenitentia.

SOLUTIO I.

Respondendo dicendum ad primam questionem, quod poenitentia potest considerari in quantum est sacramentum, & in quantum est virtus; & utroque modo ad remissionem peccatorum aliquo modo operatur. Secundum enim quod est novæ legis sacramentum, gratia in ea datur ad defectum illum sanandum contra quem indulta est, scilicet ad dimissionem culpæ actualis. Operatur etiam ad dimissionem peccati, in quantum est virtus, speciali modo præ aliis virtutibus. (b) Quia secundum omnem virtutem formatam ex parte habitus peccata dimittuntur ratione gratiæ, quæ cum ea infunditur, sed hoc est formaliter remittere: sed poenitentia ex ratione sui actus habet quod per eam peccata dimittantur, secundum quod peccata commissæ sunt materia actus eius. Cum enim peccatum ex hoc remitti dicatur, vel retineri, quod habet rationem offensæ; illud quod offensam auferit, peccatum tollit. Cum autem offensæ, in quantum huiusmodi, sit inæqualitas quedam, qua unus alii subtrahit quod debitum erat, actus illius virtutis peccatum remittit quæ inæqualitatem prædictam ad æqualitatem reducit. Hoc autem facit poenitentia, ut ex dictis patet, quæ in recompensatione divinæ offensæ spiritum Deo contribulatum offert: & ideo poenitentia etiam ex parte actus sui competit peccatum tollere; & hoc est efficienter, & non solum formaliter per penitentiam peccata dimitti.

Ad primum ergo dicendum, quod Apostolus loquitur ibi de hostia quæ universaliter pro peccatis totius mundi oblata est, sci-

(a) *Ad* ad expeditum, & ad profectum. *Propter* quod est expeditum ad profectum. (b) *Ad* in inferius facit remissionem peccatorum.

EX EDIT. P. NICOLAI.

* Ex Augustino sumpta æquivalenter, non expresse, sed expresse quodammodo super illud, *aurum mihi lex est tui*.

scilicet Christo, quæ est unica, & singularis; nec iterum pro peccatis delendis offertur, sed unica sua oblatione valet ad hoc quod per penitentiam, & alia sacramenta omnia peccata possint dimitti.

Ad secundum dicendum, quod ideo Esau, de quo Apostolus loquitur (Hebr. xii.) locum veniæ non invenit, quia non vere pœnituit, etsi lacrymas exterius emisit: quod patet ex hoc quod dixit: (Gen. xxviii. 41.) *Veniens dicit Iacobus patris mei, & occidam Iacob fratrem meum.*

Et similiter dicendum ad tertium de Antiocho, qui vere non pœnituit iherius, quamvis exterius verba penitentiae proferebat, magis propter inhonestatem corporis quam propter offensam Dei vitandam.

Ad quartum dicendum, quod offensæ infinita est ex parte averfionis, sed non ex parte conversionis: & similiter etiam actus penitentiae habet infinitatem ex parte gratiæ, quæ est Dei similitudo, & in virtute diviniæ misericordie operans, quæ infinita est, quamvis ex parte actus nostri sit finita. Habet etiam efficaciam ex virtute passionis Christi, quæ infiniti valoris quodammodo est, inquantum fuit passio Dei & hominis.

SOLUTIO II.

Ad secundam questionem dicendum, quod secundum Philosophum in V. Ethic. (cap. iv. vel vi. & Lib. VIII. cap. x.) tam iustitia quam amicitia in æqualitate quadam consistit. Qui ergo aliquem offendit, contra æqualitatem amicitiae peccat, inquantum affectum debitum non impendit; & contra æqualitatem iustitiæ, inquantum rem debitam subtrahit. Et sicut hæc duo in offensâ quandoque dividuntur, ita etiam in recompensatione separantur; sicut quando pœna per violentiam offendenti infertur, fit recompensatio quantum ad iustitiam, sed non quantum ad amicitiam. Similiter quando offensens offensum verbis placat, nondum re subtrahit, fit recompensatio amicitiae, sed non iustitiæ. Peccator ergo per affectum peccati amicitiam Dei violavit, & per inobedientiam divinæ legis honorem debitum Deo subtrahit: & ex primo amittit gratiam, & incurrit offensam; ex secundo meretur poenam, ut ab eo qui per inobedientiam subtrahit, subtrahatur per poenam; & hoc poenæ meritum reatus dicitur; & ideo per poenitentiam, qua homo se Deo supponit, pec-

cata præterita detestando cum emendationis proposito, remittitur quidem peccatum quantum ad offensam, sed non oportet quod remittatur quantum ad totum reatum, nisi pœna iam soluta; & sic per penitentiam non simul cum culpæ (a) dimissione totus etiam reatus dimittitur.

Ad primum ergo dicendum, quod sicut quod est perfectum, est efficacius ad agendum quam imperfectum; ita quod est perfectum, est difficilius ad fendum: unde sicut bonum est efficacius ad agendum quam malum, ita difficilius est ad constituendum quam malum. In hoc ergo efficacior apparet actio boni quam actio mali, quia actio mali nunquam terminatur ad malum, quod non habet admixtum bonum; sed actio boni terminatur ad bonum quandoque cui non admiscetur malum. Non tamen oportet quod, si aliquid malum per unum actum malum incurritur, per unum actum bonum opposita bona reparantur.

Ad secundum dicendum, quod secundum Philosophum in V. Ethic. (cap. viii. vel ix.) in recompensatione iniuriæ iustitia commutativa non semper æqualem quantitatem absolute in pœna iofferi ei qui in culpa fuit: non enim si aliquis percussit Principem, oportet ipsum solum percussu, sed etiam gravius puniri. Infert tamen æqualem poenam habita prius comparatione ad personam in quam culpa commissa fuit. Ex ideo cum per penitentiam homo de seipso iniuriam Deo faciat, non sufficit tantus dolor in poenitentia, quanta fuit delectatio in culpa: quia illa delectatio in iniuriam Dei fuit, inquantum Deo prætermisso homo delectationi se subdidit ad peccandum.

Ad tertium dicendum, quod baptismus est spiritalis regeneratio: & quia non potest esse generatio unius nisi per corruptionem alterius, ideo oportet quod in baptismo quidquid ad præcedentem vitam pertinebat, totum aboleatur, scilicet & culpa, & reatus, nisi sit defectus ex parte recipientis. Sed poenitentia non est regeneratio, sed magis reparatio vitæ prius habitæ: & ideo non est similis ratio.

SOLUTIO III.

Ad tertiam questionem dicendum, quod sicut poenitentia non tollit totaliter reatum per quemlibet actum (b) primum, sed tunc tollit quando ad perfectum perducitur secundum omnes poenitentis partes; ita etiam.

Vu 2

(a) *Ad dimensionem.* (b) *Ad additum commensuratum.*

iam non oportet quod per primum pœnitentiæ actum omnes defectus ex peccato actuali consecutus, qui dicuntur reliquiæ, reparentur; sed pœnitentia iam perfecta quantum ad omnes sui partes, reliquiæ etiam tolluntur peccati actualis.

Ad primum ergo dicendum, quod pœnitentia non comparatur generationi, sed magis sanationi: quia per pœnitentiam homini non datur nova vita, sed in pristinam vitam reparatur. In sanatione autem hoc videmus accidere, quod sanitate restituta adhuc reliquiæ aliquæ morbi manent ante perfectæ sanitatis restitutionem: ita etiam ante completam pœnitentiam reliquiæ actualis peccati manent.

Ad secundum dicendum, quod peccatum per actum potentiarum commissum est: & ideo in ipsis potentis præter privationem virtutum alii etiam defectus ex peccato causantur, sed non in essentia animæ præter defectum gratiæ: & ideo non oportet quod si per adventum gratiæ ad essentiam animæ, macula, quæ nihil aliud erat quam gratiæ privatio, tollitur, etiam a potentis omnes alii defectus tollantur.

ARTICULUS II.

Utrum per pœnitentiam virtutes restituantur.

III. P. quæst. lxxxix. art. 1.

2. **A**D secundum sic proceditur. Videtur quod per pœnitentiam virtutes non restituantur. Virtutes enim de quibus loquimur, non causantur ex actibus nostris: quia secundum Augustinum (Lib. II. de lib. arb. cap. xvi. et xix.) Deus eas in nobis sine nobis operatur. Sed pœnitentia in actu nostro consistit. Ergo per pœnitentiam virtutes non restituantur.

2. Præterea. Nihil restituit virtutem nisi quod est causa virtutis, sicut restituentia sanitatem sunt causa sanitatis. Sed pœnitentia non est causa omnium aliarum virtutum; alias esset nobilior aliis virtutibus, quia causa præeminet effectui. Ergo pœnitentia non restituit virtutes.

3. Præterea. Quod non est, non potest aliquid restituere; & quod habetur, non potest restitui, sicut neque quod est, fieri.

Sed pœnitentia non prius quam omnes virtutes habetur, quia omnes virtutes simul infunduntur. Ergo non potest pœnitentia virtutes restituere.

4. Præterea. Habitus virtutis non manet cum habitu vitii: quia contraria non sunt simul in eodem. Sed post contritionem adhuc manet habitus vitii, quod patet ex inclinatione ad pristinos actus. Ergo pœnitentia non statim omnes virtutes restituit.

5. Præterea. Nullus habet virtutem nisi qui sine difficultate, & cum delectatione operatur ea quæ sunt virtutis. Sed post primam contritionem etiam si sit vera, adhuc remanet difficultas ad opera virtutis-agenda. Ergo virtutes per primum actum pœnitentiæ non restituntur.

Sed contra est quod Ambrosius dicit * (Lib. II. de pœnit. cap. 1.) quod pœnitentia res optima est, quæ omnes defectus revocat ad perfectum. Sed hoc non esset, nisi virtutes amissas restitueret. Ergo per pœnitentiam virtutes restituntur.

Præterea. Effectus pœnitentiæ est iustificatio, ut infra dicitur. Sed iustitia generalis, ex qua aliquis iustificari dicitur, omnes virtutes includit, ut dicit Glossa ** super illud Psalm. cxviii. *Feci iudicium, & iustitiam*. Ergo omnes virtutes per pœnitentiam restituntur.

Præterea. Non remittitur peccatum sine gratia. Sed per pœnitentiam peccatum dimittitur. Ergo gratia restituitur. Sed simul cum gratia omnes virtutes infunduntur. Ergo pœnitentia omnes virtutes restituit.

SOLUTIO.

Respondeo dicendum, quod gratia, & virtutes in anima causantur ex influenza divini luminis: quæ quidem influenza impeditur per peccatum, quod animam a Deo averrit, sicut nubes interposita inter nos & solem, radium eius a nobis prohibet. Unde dicitur Isaia lxx. 2. *Peccata (a) nostra dividerunt inter nos & Deum nostrum*. Et quia per pœnitentiam peccata dimittuntur, ut dictum est, in primo pœnitentiæ actu quantum ad offensam; ideo sicut ventus auferens nubem, nobis lumen solis resti-

(a) Valgata: *Iniquitates vestra dividerunt inter vos & Deum vestrum*.

EX EDIT. P. NICOLAI.

* Vel potius Auct. & Hypognostici Lib. III. inter opera Augustini. ** Ex Augustino sum-

restituit, ita poenitentia tamquam removens prohibens, gratiam gratum facientem, & omnes virtutes nobis restituit.

Ad primum ergo dicendum, quod solus Deus est per se causa gratiae, & virtutum infusarum in nobis; sed nihil prohibet etiam actus nostros esse causas per accidens, sicut removens prohibens, sicut sunt causae etiam gratiae baptismalis, inquantum prohibent fictionem: & hoc modo per poenitentiam virtutes restituntur.

Ad secundum dicendum, quod causa per accidens non oportet quod sit nobilior effectu, sed solum causa per se. Poenitentiam autem causam per accidens posuimus virtutum, per hoc quod est removens prohibens, scilicet peccata.

Ad tertium dicendum, quod sicut in eodem instanti in quo obsaculum luminis primo remotum est, lumen consequitur, & tamen remotio obsaculi est causa illuminationis; ita in eodem instanti in quo est actus poenitentiae, peccatum auferitur, & virtus restituitur, & tamen nihil prohibet per poenitentiam virtutes restitui.

Ad quartum dicendum, quod, sicut in III. Lib. dist. xxxiii. (quaest. 1. art. 2. quaestiuic. 4.) dictum est, virtus infusa, & acquisita non sunt eiusdem speciei: unde cum habitus ex frequentia operum peccati generatus virtuti acquisitae contrarius sit, non contrariatur directe virtuti infusae, quae habet oppositionem ad peccatum ex parte illa qua est offensiva Dei: unde non oportet quod statim virtutibus infusis restitutis, habitus vitiorum totaliter tollantur, quamvis impediatur, & etiam diminuantur.

Ad quintum dicendum, quod facilitas operandi opera virtutum potest esse ex duobus: scilicet ex consuetudine praecedente; & hanc facilitatem non tribuit virtus infusa statim in sui principio: & iterum ex forti inhaerentia ad obiectum virtutis; & hanc est invenire in virtute infusa statim in sui principio.

ARTICULUS III.

Utrum per poenitentiam etiam bona opera in statu peccati mortalis facta ad vitam reputentur.

Ubi sup. art. 5.

1. **A**D tertium sic proceditur. Videtur quod per poenitentiam etiam bona

opera prius in statu peccati mortalis facta ad vitam reputentur. Dicit enim Adamantius (Origenes scilicet hom. x.) supra Iosue: *Sunt in Ecclesia credentes quidam, & acquiescentes divinis praeceptis, erga servos Dei religiosi, & officiosi, & ad ornamentum Ecclesiae, vel ministerium satis prompti; sed in conversatione propria obsequiis vitiis involuti: nec omnino deponentes veterem hominem cum actibus suis, nihil addibent emendationis morum, & innovationis.* In istis ergo Christus salutem concedit; sed quamdam insaniam notam non evadent. Sed magis videtur quod eis qui per poenitentiam emendationem adhibent, illa opera bona valeant ad salutem. Ergo poenitentia opera sine caritate facta vivificat ad salutem.

2. Praeterea. Plus appropinquat caritati & gratiae bonum ex genere, & bonum virtutis moralis, quam bonum naturale. Sed gratia sequens per poenitentiam restituta, naturalia perficit, & secundum quosdam ipsa naturalia gratuita sunt. Ergo multo fortius bona ex genere, vel ex circumstantia, aut etiam actus virtutis acquisitae sine caritate facta, per poenitentiam vivificantur, ut prosint ad vitam.

3. Praeterea. Remota causa, removetur effectus. Sed causa quare illa opera non valeant ad vitam, erat caritatis defectus, & gratiae. Ergo cum poenitentia caritatem, & gratiam, & omnes virtutes restituat, etiam opera bona sine caritate facta vivificabit.

Sed contra. Ante vivum non generatur aliquid vivum, vel habens potentiam ad vitam. Sed homo sine caritate non vivit spirituali vita. Ergo non potest aliquod opus facere spiritualiter vivum; sed est mortuum, non habens potentiam ad vitam, & ita non est vivificabile.

Praeterea. Omnia vivificabilia sunt aliquo modo meritoria, quia ad minus in potentia. Si ergo opera extra caritatem facta possent aliquo modo vivificari, aliquis sine caritate posset aliquo modo mereri vitam aeternam; quod falsum est.

QUAESTIUNCULA II.

1. Ulterius. Videtur quod opera in caritate facta per peccatum sequens mortificari non possint. Quia quod non est, non potest mortificari. Sed opera quae in caritate facta fuerant, transeunt, & post peccatum sequens non sunt. Ergo non possunt

2. Pre-

2. Præterea. Pœna non debet excedere culpam. Sed in aliquo qui multa bona facit ex maxima caritate, pœna culpam excederet, si per unum peccatum mortale parvum, forte ex surreptione factum, omnia bona præcedentia perderet. Ergo peccatum sequens non mortificat omnia bona prius in caritate facta.

3. Præterea. Illud quod est mortuum, non potest actum vitæ habere respectu alicuius. Sed opera in caritate facta, etiam post peccatum facientis actum vitæ habent in aliis sanctis: unde dicitur Apocal. 11. unus alterius coronam accipere. Ergo peccatum sequens bona præcedentia non mortificat.

Sed contra est quod dicitur Ezech. xv 11: 24. (a) Si averteris se infus a iustitia sua, omnium quæ operatus est, non recordabor amplius.

Præterea. Vita operum ex vita operantis dependet. Sed per peccatum mortale ille qui prius opera fecerat in caritate, mortificatur. Ergo & opera ab ipso facta mortificantur.

QUAESTIUNCULA III.

1. Ulterius. Videtur quod opera mortificata per peccatum, per penitentiam non vivificentur. Hugo de Sancto Victore dicit: (Lib. II. de sacram. part. xiv cap. xv.) quod nemo debet in spe correctionis peccare: quia quod semel amittitur; ipsum amplius non recuperatur. Sed opera in caritate facta, sunt per peccatum amissa, ut dictum est. Ergo non possunt amplius per penitentiam recuperari.

2. Præterea. Nihil vivificatur nisi quod natum est habere vitam. Sed vita non est operum, sed opera facientis. Ergo opera non possunt vivificari per penitentiam.

3. Præterea. Quod non est, non potest vivificari. Sed opera mortificata, non sunt. Ergo non possunt vivificari per penitentiam.

4. Præterea. Illud quod moritur, non solum cadit a vita, sed etiam a potentia vitæ: quia principia vitæ corrumpuntur, sine quibus non est potentia ad vitam. Sed opera præcedentia in caritate facta, sunt per peccatum sequens mortificata. Ergo non manet in eis potentia ad vitam; & sic non possunt iterum vivificari.

Sed contra: Joel. 11. super illud, Red-

dam vobis, dicit Glossa (interlinealis) „Non patiar perire ubertatem, quam cum „perturbationibus animi amissis. “ Sed ubertas illa fuit multitudo bonorum operum. Ergo illa per penitentiam restituitur.

Præterea. Penitentia revocat omnes defectus ad perfectum, ut dictum est (art. præc.) Sed hoc non esset, nisi opera mortificata restitueret ad vitam. Ergo per penitentiam vivificantur.

SOLUTIO I.

Respondeo dicendum ad primam questionem, quod penitentia de ratione sui ordinatur ad remotionem mali. Unde quod aliqua bona per penitentiam restituntur, hoc non est nisi per accidens, in quantum removet prohibens, ut dictum est. Causa autem quæ est removens prohibens, exigit causam per se aliquam respectu effectus cuius ipsa est causa per accidens. Vivificationis autem operum extra caritatem factorum non potest poni aliqua causa per se: quia vita operum ex vita operantis dependet; & ideo a gratia, vel caritate habent opera quod vivant. Gratia autem, vel caritas quam penitentia restituit, non potest operibus præcedentibus vitam conferre: quia habitus non format actum nisi qui ab eo procedit: & ita patet quod per penitentiam opera extra caritatem facta vivificari non possunt.

Ad primum ergo dicendum, quod sicut Isidorus verba Adamantii ibidem exponere videtur, per salutem intelligitur signum salutis, quod etiam peccatores in sacramentis suscipiunt. Vel dicendum, quod concedit eis salutem in spe, sed non in re.

Ad secundum dicendum, quod potentie naturales sunt magis propinque caritati, & gratiæ quantum ad rem, quam actus virtutum acquisitarum, in quantum sunt subiectum gratiæ, & caritatis; sed quantum ad similitudinem speciei manifestum est quod est e contrario. Et præterea potentie naturales manent, non autem actus virtutum acquisitarum. Unde illi qui dicebant naturalia fieri gratuita, non intelligebant quantum ad actus qui transeunt, sed quo ad potentias, & habitus, qui manent.

Ad tertium dicendum, quod causa quare opera illa sunt mortua, est, quia non sunt.

(a) Vulgata: Si averteris se infus a iustitia sua omnes iustitia eius quas feceris, non recordabor.

sunt a caritate elicitæ : & ideo causa mortis ab eis non tollitur per penitentiam, ut dictum est.

SOLUTIO II.

Ad secundam questionem dicendum, quod illud proprie vivere apparet quod ex se aliquem motum habet; & inde vitæ nomen proprie ad illa omnia trahitur quæ ex se habent operationem aliquam sine aliquo principio extra, sicut quæ intelligunt, & sentiunt, vel moventur, vel appetunt, vel nutriuntur. Et inde est quod nomen vitæ transmutatur ad omnia illa quæ habent debitam operationem, vel effectum: & illa quæ privantur hac, dicuntur mortua, sicut dicimus aquam vivam quæ est in impetu surgendi. Propriis autem effectus humanorum operum est quod per ea homo ad ultimum finem humanæ vitæ perveniat, scilicet beatitudinem: & ideo illa opera hominis proprie viva dicuntur quæ hominem ad vitam æternam perducere possunt; illa autem mortua quæ hoc faciendi potestatem amiserunt, cum prius eam habuerint. Et ideo opera bona ex caritate facta, in eo qui gratiam habet, viva sunt; in eo autem qui gratia caret, opera non ex caritate facta mortua sunt. Opera autem prius ex caritate facta, in eo qui gratiam dimittit, per peccatum mortificata sunt, quia peccatum sequens impedit quod homo per illa opera non possit ad vitam introduci.

Ad primum ergo dicendum, quod sicut opera peccati transeunt actu, sed manent reatu; ita opera bona in caritate facta, quamvis actu transeant, tamen manent in merendo; & secundum hoc possunt mortificari.

Ad secundum dicendum, quod per ingratitude meretur homo accepta beneficium amittere: & ideo per quantumcumque parvum peccatum mortale, quo homo Deo ingratus de beneficiis perceptis fit, omnia bona præcedentia perdit, quantumcumque fuerint ad fructum vitæ æternæ: nec propter hoc pena culpam excedit.

Ad tertium dicendum, quod illud quod est in se mortuum, non potest respectu alterius actum vitæ habere. Sed accipiendo vivum metaphorice, ut dictum est, nihil prohibet quod in se vivum est, respectu unius esse vivum, & respectu alterius esse mortuum: quia respectu unius habet effectum suum, sed respectu alterius non ha-

bet propter indispositionem ipsius; sicut oculis agris odiosa est lux, quæ parvis est amabilis.

SOLUTIO III.

Ad tertiam questionem dicendum, quod opera in caritate facta, ut dictum est, etiam transeunt actu, manent tamen quantum ad meritum in Dei acceptance; & secundum quod sic manent, habent efficaciam, quantum in ipsis est, inducendi facientem ad vitam æternam; & sic dicuntur viva manere. Sed quod hunc effectum in peccatore non habeant, est per accidens, propter peccatum quod facit peccatorem indispositum ad percipiendum effectum præcedentium meritorum; non autem quod ab ipsis operibus aliquid dematur, cum in suo fieri efficaciam prædictam obtinuerint hoc ipso quod ex caritate sunt elicta, quod eis sequens peccatum auferre non potest: & ideo remota indispositione a peccatore per penitentiam, opera illa præcedentia effectum suum in ipso iterum habere incipiunt; & secundum hoc vivificari dicuntur. Quidam autem dicunt, quod non vivificantur per penitentiam sequentem, quia non manent, ut vivificari possint. Sed eadem ratione posset dici, quod nec eis qui in iustitia perseverant, ad vitam præcedentia opera valeant: quia quod non est, non potest aliquid valere.

Ad primum ergo dicendum, quod verbum Hugonis est intelligendum quantum ad bona amissa, quæ numquam recuperantur: quia tempus amissum non recuperatur, & ideo eius iactura est gravissima, ut Seneca dicit (Lib. de brevitate vitæ ad Paulinum) non autem loquitur de bonis mortificatis.

Ad secundum dicendum, quod opus dicitur vivum metaphorice, in quantum habet effectum debitum, ut dictum est.

Ad tertium dicendum, quod quamvis non maneat actu, manent tamen meritis in divina acceptance, sicut peccata transeunt actu, & manent reatu.

Ad quartum dicendum, quod, sicut dictum est, opera prius viva non moriuntur in se, sed moriuntur per accidens quoad istum: & ideo remoto illo accidente vivificari dicuntur.

ARTICULUS IV.

Utrum praedicti effectus sint poenitentiae inquantum est virtus.

1. **A**D quantum sic proceditur. Videtur quod praedicti effectus non sint poenitentiae inquantum est virtus. Diverforum enim diversi sunt effectus. Sed virtus, & gratia differunt, ut in II. Lib. dist. xxvi. (quaest. 1. art. 4.) dictum est. Ergo cum remittere peccatum, & alia praedicta, quae poenitentiae attribuntur, sit effectus gratiae, non erunt effectus poenitentiae inquantum est virtus.

2. Praeterea. Quod convenit poenitentiae inquantum est virtus, convenit cuilibet virtuti. Sed remittere peccatum non convenit cuilibet virtuti: quia ad minus virtutibus acquisitis non convenit. Ergo nec poenitentiae convenit inquantum est virtus.

3. Praeterea. Poenitentia, secundum quod est virtus, contra fidem dividitur. Sed remissio peccatorum est per virtutem fidei: Act. xv. 9. *Fide purificans corda eorum*. Ergo non est per poenitentiam inquantum est virtus.

4. Praeterea. Poenitentia alia & alia ratione est virtus; & sacramentum. Sed remittere peccatum convenit ei inquantum est sacramentum: quia sic est medicina contra morbum peccati ordinata. Ergo non competit ei secundum quod est virtus.

5. Praeterea. Poenitentia, inquantum delet peccatum, dicitur, vel est secunda tabula respectu baptismi. Sed baptismus liberat a peccato inquantum est sacramentum. Ergo & poenitentia inquantum est sacramentum, non inquantum est virtus.

Sed contra. Poenitentia ex actu proprio habet quod a peccato liberet, ut dictum est. Sed ad actum proprium comparatur inquantum est virtus. Ergo inquantum est virtus, peccatum remittit.

Praeterea. Oppositum tollitur per suum oppositum. Sed inquantum est virtus, oppositur peccato. Ergo inquantum est virtus, tollit peccatum.

Praeterea. Omne peccatum ex voluntate committitur: quia nisi sit voluntarium, non est peccatum, ut Augustinus dicit (Lib. I. Retract. cap. xv.) Sed ex eisdem causis aliquid generatur, & corrumpitur, ut in II. Ethic. (cap. 1.) dicitur. Ergo oportet quod per voluntatem remit-

tatur. Sed poenitentia habet rationem voluntarii inquantum est virtus. Ergo per eam, inquantum est virtus, peccata remittuntur.

SOLUTIO.

Respondeo dicendum, quod in peccato duo possunt considerari, scilicet ipsa inordinatio quae in actu est, & macula quae ex actu inordinato consequitur in anima: & secundum hoc peccatum dupliciter remittitur. Quia enim ex ipsa actus inordinatione homo, quantum in se erat, iniuriam Deo faciebat, ideo ex parte illa peccatum remittitur, secundum quod inaequalitas praedicta iniuriae ad aequalitatem iustitiae reducitur; quod facit poenitentia, inquantum est virtus quaedam, per suum actum, ut prius dictum est. Sed ex parte maculae peccatum remittitur per gratiam, quae formaliter maculam tollit, sicut albedo nigredinem, & per consequens per alias virtutes gratia formatas. Et quia poenitentia est talis virtus, ideo etiam ipsa formaliter peccatum remittit ex parte habitus: & hoc est quod quidam dicunt, quod remittit peccatum inquantum est gratia. Non enim potest dici gratia, nisi inquantum est gratia informata, vel propter similitudinem effectus, ut prius dictum est. Sed ut est sacramentum, etiam ex parte illa effectivè peccatum tollit: quia gratiam tribuit, sicut inducens albedinem, auferit nigredinem; & secundum hoc poenitentia, inquantum est sacramentum, peccata dimittit: quia sacramentum novae legis est causa instrumentalis gratiae, ut in 1. dist. (quaest. 1. art. 4. quaestione 1.) dictum est. Deus autem remittit sicut causa gratiae efficiens, & Christus homo sicut causa meritoria gratiae, & sacerdos sicut minister Dei, & sacramentorum dispensator. Et quia omnes alii effectus consequuntur ex poenitentia inquantum peccata remittit, ut dictum est, ideo similis est ratio de omnibus aliis effectibus poenitentiae.

Ad primum ergo dicendum, quod non eodem modo est effectus gratiae, & virtutis, ut dictum est.

Ad secundum dicendum, quod non quae liber virtus est gratia informata, nec quae liber virtus habet actum ordinatum ad praedictam aequalitatem inter Deum & hominem restituendam, ut dictum est: & ideo non oportet quod quaelibet virtus peccata remittat. Hoc enim poenitentiae convenit non inquantum est virtus simpliciter

citer, sed in quantum est virtus quædam.

Ad tertium dicendum, quod fides dicitur purificare cor, eo quod primus motus ad iustificacionem est fidei, & est etiam penitentia principium: unde quod est penitentia, etiam fidei attribui potest.

Ad quartum dicendum, quod sicut alia ratione penitentia est virtus, & sacramentum; ita & prædictus effectus alio modo competit sibi in quantum est sacramentum, & in quantum est virtus, ut dictum est.

Ad quintum dicendum, quod baptismus remittit peccatum tantum uno modo, quia est tantum sacramentum; sed penitentia pluribus, quia est virtus, & sacramentum.

ARTICULUS V.

Utrum sine penitentia peccatorum remissionem quis consequi possit &c.

III. P. quæst. lxxviii. art. 2.

1. **A**D quintum sic proceditur. Videtur quod sine penitentia peccatorum remissionem quis consequi possit, & prædictos effectus omnes; & ita non erit necessaria ad salutem. Super illud Psal. cxxv. *Qui seminat in lacrymis*, dicit Glossa (interlinealis.) „Noli esse tristis, si adit tibi bona voluntas, unde metitur pax.“ Sed aliquis potest habere bonam voluntatem sine dolore penitentia, vel sine actuali consideratione peccatorum suorum prætorum. Ergo penitentia non est peccatori necessaria ad salutem.

2. Præterea. Luc. vii. super illud, *Dimissa sunt ei peccata multa*, dicit Glossa (Gregorii.) „Ardor caritatis rubiginem peccatorum in ea consumpsit.“ Sed aliquis potest converti in Deum ardentem per caritatem sine hoc quod convertatur ad peccata præterita per penitentiam. Ergo sine penitentia potest salutem consequi post peccatum.

3. Præterea. Sicut se habet aversio a Deo ad damnationem, ita conversio ad Deum ad salutem. Sed aversio a Deo sine omni delectatione potest esse causa damnationis. Ergo conversio ad Deum sine omni dolore penitentia potest esse causa salutis; & sic idem quod prius.

4. Præterea. Motus fidei, qui præcedit penitentiam, potest instantum intendi quod sufficienter disponderet ad gratiam habendam. Sed gratia sufficit etiam ad salutem.

S. Th. Op. Tom. XII.

tem sine operibus. Ergo sine opere penitentia peccator potest salutem consequi.

5. Præterea. In ultimo instanti vitæ posset infundi gratia. Sed post ultimum instanti non remaneret aliquod instanti vitæ præsentis, in quo tantum penitentia potest esse fructifera. Ergo sine omni actu penitentia potest homo salutem per gratiam consequi.

Sed contra est quod Augustinus dicit (Lib. 50. homiliarum hom. ult.) *Nemo sine voluntatis arbitrio constitutus potest inchoare novam vitam, nisi peniteat eum veteris vite.* Sed nullus potest consequi salutem nisi in novitate vitæ invenitur. Ergo sine penitentia nullus salutem consequi potest.

Præterea. Sicut baptismus ordinatur contra originale peccatum, ita penitentia contra actuale. Sed nemo potest ab originali mundari nisi per baptismum vel susceptum actu, vel proposito saltem. Ergo nec ab actuali sine penitentia.

Præterea. Ab omnibus dicitur quod penitentia est sacramentum necessitatis. Sed hoc non esset, si sine ea posset esse salus. Ergo &c.

SOLUTIO.

Respondeo dicendum, quod manente causa, manet effectus. Causa autem quare aliquis privatur gratia per peccatum, est inæqualitas peccatoris, qua Deum offendit: unde quamdiu ista inæqualitas ad æqualitatem non reducit, non potest privatio gratia cessare. Hoc autem facit penitentia per suum actum, ut dictum est supra: unde sine actu penitentia peccatori salus esse non potest.

Ad primum ergo dicendum, quod bona voluntas, quæ ad pacem metendam sufficiat, sine penitentia esse non potest, quia non est ad æqualitatem reducta: & ideo ratio ex falsis procedit.

Ad secundum dicendum, quod sicut inter homines non restituitur amicitia post offensam, nisi per aliquem de offensa dolorem; ita nec caritas post peccatum, nisi per penitentiam.

Ad tertium dicendum, quod in aversione a Deo semper est conversio ad bonum commutabile; & illa quamvis non habeat delectationem sensibilem, semper tamen habet quamdam placentiam voluntatis; & similiter oportet quod conversioni ad Deum adiungatur displicentia; & hic dolor penitentia dicitur.

X x

Ad

Ad quartum dicendum, quod motus fidei nunquam potest tantum intendi quod gratia continuetur, nisi poenitentia mediante.

Ad quintum dicendum, quod forte non est accipere ultimum instans vitæ, sed est accipere primum instans mortis; alias inter primum instans vitæ & primum instans mortis, cum sit aliud, & aliud instans, esset medium tempus. Sed supposito quod sit ultimum instans vitæ, tunc in illo eodem instanti & gratia infundetur, & motus poenitentiae homo habebit: & talis poenitentia sufficit ad salutem, ut dicit Augustinus (Gennadius) in Lib. de ecclesia sacris dogmatibus cap. lxxx.

EXPOSITIO TEXTUS.

Post hæc de poenitentia agendum est. Videtur quod de poenitentia ante confirmationem, & eucharistiam debuerit tractari: quia prius est recedere a malo, quod pertinet ad poenitentiam, quam perfici in bono, quod pertinet ad illa duo sacramenta. Et dicendum, quod confirmatio, & eucharistia sunt de prima intentione sanctificationis; sed poenitentia est de secunda intentione: quia si homo nunquam a gratia baptismali caderet, non indigeret poenitentia, indigeret tamen confirmatione, & eucharistia.

Est enim poenitentia interior, & est exterior. Secundum hoc etiam videtur quod baptismus sit virtus: quia etiam est baptismus interior, scilicet baptismus fluminis. Et dicendum, quod interior baptismus non dicitur baptismus nisi metaphorice; sed interior poenitentia dicitur poenitentia vere. Et præterea interior actus non est de necessitate baptismi, alias pueri non possent baptizari; sed interior actus est de necessitate poenitentiae.

Nihil profuit lamenta, si replicantur peccata. Hoc intelligendum est de illis qui voluntate habituali replicant. Vel intelligendum, quod nihil profuit ad vitam consequendam: quia, qui perseveraverit usque, in finem, hic salvus erit: "Matth. xxiv. 13. Baptismus tamen ratione characteris quem imprimit, aliquid valet, etiam si homo fideus accedat.

Pena graviore se subicit. Hoc intelligendum est de illis qui exterius per poenitentiam hypocritism prætentunt: quia simulata æquitas est duplex iniquitas, ut Augustinus dicit (sup. Psalm. lxxiii.)

Vel hoc dicitur, quia tollitur excusatio de ignorantia, vel surreptione in eo quod peccatum advertit de eo poenitens.

Vera poenitentia est cessare a peccato. Sciendum, quod cessare a peccato non dicit simplicem negationem peccati: quia qui intermittit actum peccati, non dicitur a peccato cessare: sed cessare a peccato proprie dicitur, cui peccatum displicet, & peccatum dimittere intendit: & hæc est vera poenitentia.

Cum emendationis proposito. Sed contra. Unius habitus unus est actus; hic autem ponuntur quatuor actus poenitentiae, scilicet propositum emendationis, plangere peccata præterita, & odire, & iterum nolle ulterius committere. Et dicendum, quod ista quatuor se consequuntur in poenitentia, & ideo quasi pro uno actu computantur: quia sicut amor delectationem parit in consideratione amati, ita odium peccati tristitiam de ipso parit, & tristitia ad destructionem ipsius movet: & ideo inter quatuor prædicta primum est odire peccata, secundum ea plangere, tertium ea destruere, quantum ad præterita cum proposito emendationis, & quantum ad futurum per hoc quod homo plangenda committere nolit, quod est quantum.

Semper puniens in se, habitu, vel proposito, sed non semper actu: quia quandoque etiam moribus aliarum virtutum debet commoveri.

De poenitentia perfectorum, vel ad salutem sufficienti, intelligendum est quod supra dixit. Perfectos hic vocat qui in poenitentia sunt perfecti, eam usque ad finem vitæ continuantes.

Si nos aliqua culpa mortalis invenerit quæ non in crimine mortali, vel in morum vitio consistat, hæc culpa semper reparari potest. Sciendum, quod culpa mortalis est quæ gratiam tollit, per quam est vita animæ; & sic omnis culpa mortalis est contra gratiam; sed quædam est contra rationem, ut perjurium; quædam etiam contra naturam, ut sodomia; quædam autem est crimen, quæ est digna accusatione in iudicio; quædam autem est blasphemia, quæ est impositio alicuius falsi in Deum vel ei subtrahendo quod inest, vel attribuendo quod non inest.

Quod tamen in quibusdam Ecclesiis non servatur. Hoc intelligitur de poenitentia publica; sed solemnitas, ut quidam dicunt, nunquam iteratur.

Nec minus tribuit quam ante tribuerat, largissima munera vitæ, & salutis: videlicet

eet quantum in ipso est, dummodo æqualiter se homo ad gratiam habendam præparet. Non tamen oportet quod semper in æquali caritate resurgat, ut in III. Lib. (dist. xxxi. quæst. 1. art. 4 quæstionc. 3.) dictum est.

Etiā si ad summum perveniat malorum. Hoc intelligendum est quantum ad actum, non quantum ad potentiam: quia aliquis est ita malus quod nullus alius est peior, non autem ita quod nullus alius possit esse peior.

Et tamen graviter postea deliquit. Sed contra. Moyses etiam numeravit (Numer. 1.) nec tamen dicitur peccasse. Et dicendum, quod Moyses numeravit ex præcepto Domini, sed David ut in populo gloriaretur. Ideo autem eo peccante populus percussus est propter ostendendam habitudinem populi ad Principem, sicut Augusti-

nus dicit in quæstionibus utriusque testamenti (quæst. viii. in Iosue) de Acham. Ostenditur enim in ipsa pœna Acham quantum sit bonum in populo ipsa unitas, ut non in seipis singula, sed in toto partes æstimentur. Vel sicut Gregorius dicit (Lib. XXV. Moral. cap. xx. vel xiv.) super illud Iob xxxiv. „Qui regnare facit hypocritam &c.“ pro qualitatibus subditorum disponunt acta regentium, ut sæpe (a) propter demerita gregis, etiam vere boni delinquant vita pastoris: & ideo David populum numerando peccavit, & tamen vindictam populus de peccato suscepit. Vel dicendum, quod quia de populi elatione peccavit, ideo in populi occisione punitus fuit, sicut aliquis dominus in amissione possessionis. Nec tamen populus iniuste passus est: quia hoc meruerat, Abisalon sequendo.

DISTINCTIO XV.

Quod pluribus irretitis peccatis non potest pœnitere de uno vere, nisi de omnibus pœniteat.

ET sicut de prædictis auctoritatibus illorum error convincitur qui pœnitentiam sæpius agendam non putant, & per eam a lapsu peccantes frequenter surgere diffidentur; ita eisdem illorum opinio eliditur qui pluribus irretitis peccatis asserunt de uno vere pœnitere, eiusdemque veniam a Domino consequi posse sine alterius pœnitentia: quod etiam auctoritatibus astruere conantur. Ait enim Propheta (Naum 1.9.) „Non iudicabit Deus bis in idipsum:“ vel, ut alii (1) transtulerunt, „non confurget duplex tribulatio.“ Si ergo (inquiunt illi) aliquis sacerdoti fuerit confessus unum de duobus, vel pluribus peccatis, & de illo iniunctam sibi pœnitentiam a sacerdote satisfactione expleverit ceteris tacitis; non pro illo peccato amplius iudicandus est, de quo satisfecit ad arbitrium sacerdotis, qui vicem Christi in Ecclesia gerit. Ideoque si de eo iterum iudicetur, bis in idipsum iudicat Deus, & confurget duplex tribulatio. Sed de his tantum oportet illud intelligi (2) qui præsentibus suppliciis commutantur in bonum, & sic perseverant, super quos non confurget duplex tribulatio. Qui vero inter flagella duriores, & deteriores fiunt, ut Pharaon, præsentibus æterna connectunt, ut temporale supplicium sit eis æternæ pœnæ initium. Unde Augustinus* (super cantic. Deuter. ut habetur de pœnitent. dist. 111. cap. „Ignis.“) „Ignis succensus est, & ardebit usque ad inferni novissima; idest, vindicta hic incipiet, & ardebit usque ad extremam damnationem.“ Hoc contra illos notandum est, qui dicunt illud, scilicet Non iudicabit Deus bis in idipsum, „ad om-

X x 2 mnia

(1) *Ad. per merita.* Gregorius præcepit pro malo gregis.

(2) *Vulgata videlicet.* (1) *Ad. quod præcedentibus.*

EX EDIT. P. NICOLAI.

* Quod subiungitur ex Augustino, non occurrat nisi in Glossa ibi, & colligitur ex Gregorio Lib. XVIII. Moral. cap. 111. vel 1111.

omnia pertinere flagella: quia quidam his flagellis emendantur; alii hic, & in æternum puniuntur. Quinque enim modis flagella contingunt: vel ut iustis per patientiam merita augeantur, ut lob; vel ad custodiam virtutum, ne superbia tentet, ut Paulo; vel ad corrigenda peccata, ut Mariæ lepra; vel ad gloriam Dei, ut de cæco nato; vel ad iudicium pœnæ, ut Herodi, quatenus hic videatur quid in inferno sequatur, secundum illud (Hier. xvii. 18.) „Duplici contritione contere eos Domine. „Illa ergo auctoritas non cogit nos sentire omnia quæ temporaliter puniuntur, non ulterius a Deo punienda. Nam etsi supra eundem locum Hieronymus dicat, AEgyptios, & Israelitas a Deo temporaliter punitos, ne in æternum punirentur; non est tamen de omnibus generaliter intelligendum. Ait enim sic: „Si vobis videtur crudelis, & rigidus, quia genus humanum diluvio, „Sodomitas igne, AEgyptios mari, & Israelitas in eremo perdidit; scitote ideo „temporaliter pro peccatis punisse, ne in æternum puniret: quia non iudicabit Deus „bis in idipsum. Qui ergo puniti sunt, postea non puniuntur: alioquin mentitur Scriptura, quod nefas est dicere. “

Quæ sit intelligentia præmissorum.

Attende lector his verbis, & cave ne de omnibus generaliter intelligas, sed de his tantum qui inter ipsa flagella pœnitentiam egerunt, credentes in Deum Hebræorum: quam etsi brevem, & momentaneam, tamen non respuit Deus. Quia autem qui per temporale flagellum non corriguntur, post æternaliter puniuntur, ibidem ostendit, agens de fidei deprehensio in adulterio, qui decollatur; ubi ostendit levia peccata brevi, & temporali supplicio purgari, magna vero diuturnis æternisque suppliciis reservari, ita inquit: „Quærat hic aliquis, si fidelis deprehensus in adulterio decollatur, quid de eo postea fiet. Aut enim punietur; & falsum est quod dicitur: Non iudicabit Deus bis in idipsum: aut non punietur; & optandum est adulteris ut hic brevi pœna puniantur, ut frustrantur ibi cruciatus æternos. Ad quod respondemus, Deum ut omnium rerum, ita suppliciorum quoque scire menturas, & non præveniri sententiam iudicis; nec illi in peccatorem exercendæ de hinc pœnæ auferri potestatem; & magnum peccatum magnis diuturnisque lui cruciatibus. Si quis vero punitus sit temporaliter, ut ille qui Israelitis maledixerat (I. Reg. xxvii. 36.) & qui in sabato ligna collegerat (Num. xv. 36.) tales postea non puniri, quia culpa levis præsentis supplicio compensata sit: levis enim culpa levi supplicio compensatur. “ His satis innuit Hieronymus gravia peccata & hic puniri gravi supplicio, & in futuro punienda æternaliter, de quibus pœnitentia non agitur inter flagella; levia vero quæ hic puniuntur, levi pœna compensationem recipere: quod in bonis fieri non ambigimus, & in malis forte etiam fit ita. Satis iam apparet, quod illi de prophetia induxerunt, non facere pro eis qui dicunt, ei qui crimen sibi reservat, de alio veniam præstari per pœnitentiam. Alias quoque auctoritates inducunt. Ait enim Gregorius (super Ezech. Lib. I. hom. x.) „Pluit Dominus „super unam civitatem, & super alteram non pluit; & eandem civitatem ex „parte compluit, & ex parte aridam relinquit. Cum ille qui proximum odit, „ab aliis vitiis se corrigit, una eademque civitas ex parte compluitur, & ex „parte arida remanet: quia sunt quidam qui cum quædam vitia resercent, in aliis „graviter perdurant. “ Item Ambrosius (in Psalm. cxviii.) „Prima consolatio est, quia non obliviscitur misereri Deus. Secunda per punitionem, ubi etsi „fides desit, pœna satisfacit, (1.) & relevat. “ Ratione quoque utuntur, dicentes: Si quis unum peccatum confiteretur, altero tacito, & satisfactionem a sacerdote iniunctam expleverit; numquid si & peccatum tacitum conversus fuerit confessus, pro utroque ei pœnitentia imponetur? Longe hoc videtur a ratione, & Ecclesiæ consuetudine, quæ pro eodem peccato, ne reiteretur, nulli bis pœnitentiam

tiam imponit. Fuit ergo illa peccati condigna satisfactio : unde & peccatum delictum videtur.

Quomodo accipienda sunt premissa.

His responderi potest sic . Illud Gregorii „ Pluit Dominus &c. “ non ad criminis veniam, sed ad operis peccati desertionem referendum est ; ut ideo pars civitatis dicatur complui, quia ab actu, & delectatione peccati, cui ante serviebat, modo cessat, non quod eius veniam habeat. Vocaturque pluvia ita talis continentia quia ab opere peccati revocatur, quia ex fonte gratiæ Dei id cordi infillatur, ut vel sic paulatim ad pœnitentiam veniat, veleo minus a Deo puniatur quod diuturniori delectatione, & actu peccati maius sibi accumulasset tormentum. Si vero ad indulgentiam reatus pluvia referatur, evangelicæ sententiæ contraire videbitur. Si enim propter (1) misericordiam, qua quis proximo suo non miseretur, etiam quæ dimissa sunt, replicantur ad pœnam; multo magis quæ nondum sunt dimissa, propter odium fraternum ad pœnam reservari probantur. Et si ille qui arbitrer suæ voluntatis constitutus est, non potest inchoare novam vitam, ut ait Augustinus, nisi pœniteat eum veteris vitæ, quomodo ad novitatem indulgentiæ perveniet qui odii vetustatem non deposuit? Illud etiam quod Ambrosius ait, „ Etsi fides desit, pœna satisfacit, & relevat, “ non de fide intelligitur qua creditur in Deum, sed de conscientia delicti. Desit enim fides, cum conscientia peccati non subest. Nam cum omnia delicta nemo intelligat, est aliquando in homine peccatum cuius non habet conscientiam. Unde Apostolus (I. Corinth. iv. 4.) „ Nihil mihi conscius sum ; sed non in hoc iustificatus sum. “ Cum ergo quis flagellatur pro peccato cuius non est conscius, si patienter fert pœnam, & humiliter amplectitur, cogitans se forte peccatum habere quod non intelligit, & pro eo puniri a Deo pœna illa ; satisfacit, & relevat gravatum. Ad hoc autem quod obicitur de satisfactione illa, si satisfactio non fuit, iterum imponenda est ; si vero iterum imponenda non est, satisfactio fuit ; & si satisfactio fuit, veniam impetravit : responderi potest, satisfactionem ideo non fuisse, quia ille dignos fructus pœnitentiæ non fecit. „ Est enim satisfactio pœnitentiæ (ut ait „ Augustinus (Gennadius de eccles. dogm. cap. lxi.) peccatorum causas excidere, nec suggestionibus earum aditum indulgere. “ Item : „ Sane qui scelerate vivunt, nec curant talem vitam moreque corrigere, & inter ipsa facinora sua, eleemosynas frequentare non cessant, frustra ideo sibi blandiuntur, quia Dominus ait (Luc. x. 41.) Date eleemosynam, & ecce omnia munda sunt vobis. Hoc enim quam late pateat, non intelligunt “ Multa enim sunt genera eleemosynarum, quæ cum facimus, adiuvamur. Non solum qui dat esurienti cibum, sitienti potum, & huiusmodi, sed etiam qui dat veniam peccanti, eleemosynam dat, & qui emendat verberem in quem potestas datur, vel coercet aliqua disciplina, vel orat ut ei peccatum dimittatur, eleemosynam dat, quia misericordiam præstat. Multa enim bona præstantur invitis, quando eorum consultum utilitati, non voluntati. Sed ea maior est qua ex corde dimittimus quod (2) in nos quisque peccavit. Minus enim magnum est erga eum esse benevolum qui tibi nihil mali fecit : illud multo grandius, ut tuum etiam inimicum diligas, & ei qui tibi malum vult, & si potest, facit, tu semper bonum velis, faciasque quod possis. Quod ergo Dominus ait : Date eleemosynam, & omnia munda sunt vobis : ita ne intellecturi sumus ut non credentibus in Christum munda sint omnia, si eleemosynas istas dederint ? Qui vult ordinate „ elec-

(1) Ita exempla omnia. Legendum videtur immisericordiam, duriciem cordis, quidpiam simile. (2) Ad. in nobis.

EX EDIT. P. NICOLAI.

* In Enchiridio cap. lxxv. ** Et tam ante cap. lxxii. Quin & aliter frequentia in ipso textu Augustini disposita sunt, & prioribus posteriora præmittuntur.

„ eleemosynam dare, a se debet primum incipere, & eam primum sibi dare. Est enim eleemosyna opus misericordiæ, verissimeque dictum est (Eccli. xxx. 24.) Misericordiam tuam placens Deo ... * Non ergo se fallant qui per eleemosynas largitissimas fructuum suorum, vel pecuniarum, impunitissime emere æstimant, in peccatis permanentes, quæ ita diligunt ut in eis optent versari. Qui vero diligit iniquitatem, odit animam suam (Psal. x. 6.) & qui odit animam suam, non est misericors (1) ei, sed crudelis. Diligendo quippe eam secundum sæculum, odit eam secundum Deum. Si ergo vult ei dare eleemosynam suam, per quam fit munda, odiat eam secundum sæculum, & diligit eam secundum Deum. Hac eleemosyna quam sibi homo primum debet, mundantur interiora. Ad quod hortans Christus ait (Matth. xlii. 26.) Mundare quæ intus sunt. Immundis enim nihil est mundum; sed polluta sunt eorum mens, & conscientia, ut ait Apostolus (ad Tit. i. 15.) Immundi vero sunt omnes quos non mundat fides qua creditur in Christum, de qua scriptum est (Act. xv. 9.) Mundans fide corda eorum. Sed ne istas eleemosynas, quæ sunt de fructibus terræ, respuere Christus videretur, hæc, inquit (Matth. xxiii. 23.) oportuit facere, scilicet iudicium, & caritatem Dei; & illa non omittre, idest, eleemosynas fructuum terrenorum. Ex his datur intelligi quod in peccato mortali permanentes, etsi eleemosynas largas faciant, non tamen per eas satisfaciunt: quia inordinate agunt, dum a se non incipiunt. Nec proprie dicitur eleemosyna tale opus, dum sibi ipsis crudeles existunt, non placentes Deo. Non ergo dicenda est illa peccati satisfactio quam quis agit pro uno peccato, dum perdurat in alitero: quia nihil prodest ieiunare, & orare, & alia bona agere, nisi mens revocetur a peccato: & si aliquando conversus tacitum peccatum sacerdoti fuerit confessus, de utroque imponenda est ei satisfactio: quia de primo condigne non satisfecit.

Secundum quosdam fuit satisfactio.

Quibusdam tamen videtur fuisse satisfactio, sed infructuosa, dum in peccato altero persistit; percipietur tamen fructus eius, incipietque proficere, cum peccati alterius poenituerit: tunc enim utrumque dimittitur peccatum. & satisfactio præcedens vivificatur, quæ fuerat mortua; sicut baptisimus illi qui fide accepit, tunc primum valet cum fictio a mente recedit per poenitentiam. Et in huius opinionis munimentum auctoritates inducunt. Ait enim Augustinus ** (de vera & falsa poenitentia cap. xiv.) „ Pium est credere, & nostra fides expostulat, ut cum gratia Christi in homine destruxerit mala, priora etiam remuneret bona; & cum destruxerit quod suum non invenit, diligit bonum quod in peccatum te plantavit. „ Item Hieronymus (super illud Aggæi i. „ Seminastis multum “) „ Si quando videris inter multa peccata quemquam facere aliqua iusta opera; non est tam iniustus Deus ut propter multa mala obliviscatur paucorum bonorum; sed faciet ea metere, & in horrea congregare, quæ bona in terra seminavit. „ Sed hæc dicta intelligimus de illo qui in caritate quodam tempore bona facit, & bonus est; alio vero tempore malus est, & multa peccata facit. Non ergo intelligendum est eum inter multa peccata iusta opera fecisse, quasi simul, eodemque tempore peccata fecerit, & iusta opera; sed diversis temporibus utraque fecisse. Nisi enim bonus foret, quando bona fecit, non seminasse diceretur in terra bona. Destructis ergo malis post opera bona commissis, priora bona, in caritate scilicet facta, quæ frequentia mala mortificaverant, poenitentia de illis malis habita vivificantur, & remunerantur. Unde Apostolus

(1) Nicolai in eam.

EX EDIT. P. NICOLAI.

* Et cap. lxxvii. ** Aliquis Auctoris est sine additamento isto, Et nostra fides expostulat.

stolus (Heb. vi. 1.) „ Iacientes fundamentum pœnitentiæ ab operibus mortuis: “ opera mortua nominans, priora bona signat, quæ persequens peccatum erant mortua; quia hi peccando priora bona irrita fecerunt. Hæc sicut peccatum irrita sunt, ita per pœnitentiam reviviscunt, & ad meritum æternitatis prodesse incipiunt. Similiter & illud, „ Bonum amat Deus quod plantavit in peccante, “ in illo scilicet qui post illud bonum peccavit, non simul peccans, & bonum operans extirpit: quia talis hominis opus non diligeret Deus ad remunerationem. Potest etiam accipi de operibus bonis quæ ab aliquo fiunt, dum malus est, & in peccato mortali persistit vel ad tempus, vel usque in finem; quæ debent a Deo remunerari, & non dari oblivioni, non quia proficiant ad vitam æternam obtinendam, sed ad tolerabilius extremi iudicii supplicium sentiendum, sicut de fide, & ceteris quæ sine caritate habentur, Augustinus ait (Lib. de patientia cap. xxvi.) „ Si quis non habens caritatem quæ pertinet ad unitatem spiritus, & vinculum pacis, quo Ecclesia connectitur, in aliquo schismate constitutus, ne Christum neget, patitur tribulationes, famem, persecutionem, vel flammam, vel bestias, vel ipsam crucem timore gehennæ; nullo modo ista culpanda sunt, immo & hæc laudanda est patientia. Non enim dicere poterimus melius ei fuisse ut Christum negando nihil horum pateretur quæ passus est consistendo; sed æstimandum est fortasse tolerabilius ei esse futurum iudicium, quam si Christum negando nihil horum pateretur, ut illud quod ait Apostolus (1. Corinth. xiii. 3.) Si tradidero corpus meum ita ut ardeam, caritatem autem non habuero, nihil mihi prodest: nihil prodesse intelligatur ad regnum (1) obtinendum, (2) nisi ad extremi iudicii tolerabilius subeundum supplicium. “ (3) Et infra: „ Hæc propter caritatem dicta sunt, sine qua in nobis non potest esse vera “ (4) patientia, quoniam in bonis caritas Dei est, quæ tolerat omnia. “

Perstringit dictorum summam, ut alia addat.

EX his ostenditur, bona quæ sine caritate fiunt, prodesse quidem ad tolerabiliorem pœnam sentiendam, sed non ad vitam obtinendam: illa etiam quæ in caritate quis facit, si postea prolapsus fuerit, nec exsurrexerit, non esse in memoria Dei: (5) unde Ezech. xviii. 24. dicitur: „ Si averterit se iustus a iustitia, & fecerit iniquitatem, numquid vivet? Omnes iustitiæ eius quas fecerat, non recordabuntur. “ (Et cap. xiii. 20.) „ In peccato suo morietur, & non erunt in memoria iustitiæ quas fecit. “ In cuius loci expositione Gregorius ait (homil. xi.) „ Hic nobis maxime considerandum est, quia cum mala committimus, sine causa ad memoriam transacta bona revocamus: quoniam in perpetratione malorum nulla debet esse fiducia bonorum præteriorum. “ Intelligendum est hoc, ad vitam percipiendam bona præterita non dare fiduciam, etsi ad mitiorem pœnam: alioquin præmissæ auctoritati Augustini obviaret. Et bona ergo sine caritate facta, & bona in caritate facta, quæ concomitatur mortalis culpa, quam non delet sequens pœnitentia, ad sensum mitioris pœnæ proficiunt, non ad vitæ fructum.

Auctoritates alias inducit contra eos qui dicunt, de uno peccato pœnitentiam agi, altero tacito.

Satis arbitror illis esse responsum qui asserunt, de uno crimine pœnitentiam agi, & veniam præstari, alio in delectatione retento, vel per confessionem non exposito: qui non modo præmissis auctoritatibus consulantur, sed etiam subditis. Augustinus (alius Auctor de vera, & falsa pœnit. cap. ix.) „ Sunt plures, quos pœnitet peccasse, sed non omnino, reservantes sibi quædam in quibus delectentur, non animadvertentes Dominum simul mutum & surdum a dæmone

„ li-

(1) Nicolai addit exilium. (2) Idem non ad exitum i. &c. (3) Idem: Et cap. xxiii. (4) Al. pœnitentia. (5) Al. deus unde & dicitur.

liberasse (Marc. vii.) per hoc docens, numquam nisi de omnibus sanari. Si enim vellet peccata ex parte reservari, (1) habenti septem dæmonia proficere potuit sex expulsus. Expulit autem septem, ut omnia crimina simul eicienda doceret. Legionem vero dæmonum ab alio eiciens (Luc. viii.) nullum reliquit de omnibus, qui liberatum possideret, ostendens, quod si etiam peccata sint mille, oportet de omnibus pœnitere. Numquam aliquem sanavit Dominus, quem non omnino liberavit. Totum enim hominem sanavit in sabbato (Ioan. vii.) quia & corpus ab omni infirmitate, & animam ab omni contagione; indicans pœnitentem oportere simul dolere de omni crimine. Scio enim Dominum inimicum esse omni criminoso. Quomodo ergo qui crimen reservat, de alio reciperet veniam? sine amore Dei consequeretur veniam, sine quo nemo umquam invenit gratiam. Hostis enim Dei est dum offendit perseveranter. Quædam enim impietas infidelitatis est, ab illo qui iustus, & iustus est, dimidiam sperare veniam. Iam enim sine vera pœnitentia inveniret gratiam. Pœnitentia enim vera ad baptismi puritatem conatur ducere. Recte enim pœnitens quicquid fordis post purificationem baptismi contraxit, oportet ut abluit saltem lacrymis mentis. Sed satis durus est cuius mentis dolorem oculi non declarant. Sed sciat se culpabiliter durum qui deslet damna temporis, vel mortem amici, & dolorem peccati non offendit in lacrymis. Quem ergo pœnitet, omnino pœniteat. Idem (in Lib. I. homiliarum hom. xli.). Pœnitentes, si vere estis pœnitentes, & non estis iridentes, mutate vitam, reconciliamini Deo. Pœnitentiam agis, genua figis, & rides: subannas Dei patientiam. Si pœnitentiam agis, (2) pœniteat te: si non pœnitet, non es pœnitens. Si ergo pœnitet, cur facis quæ male fecisti? Si fecisse pœnitet, noli facere. Si adhuc facis, certe non es pœnitens. Item Innocentius secundus: * Admonemus fratres nostros (3) ne falsis pœnitentis laicorum animas decipi, & in infernum pertrahi patiantur. Falsam autem pœnitentiam esse constat, cum spretis pluribus, de uno solo pœnitentia agitur; vel cum sic agitur de uno ut non discatur ab alio. "

Repetit de vera pœnitentia, ut addat.

EX præmissis perspicua fit notitia pœnitentiæ, vel satisfactionis. Illa enim vera est pœnitentia quæ peccatum abolet; quod illa sola facit quæ scelus corrigit; illa vero scelus corrigit quæ odium commissi criminis, & committendi cum desiderio satisfaciendi affert. Iudas enim pœnituisse legitur sine assensione veniæ, quia tali pœnitentia non correxit crimen. Unde Hieronymus (super Matth. cap. xxvi.) & habetur de pœnit. dist. xii. cap. " Nihil. ") " Nihil Iudæ profuit egisse pœnitentiam, per quam scelus corrigere non potuit. Sic quando frater peccat in fratrem, ut emendare (4) valeat quod peccavit, potest ei dimitti. Si autem permanent opera, frustra voce assumitur pœnitentia. Hoc est quod de eo dicitur (Psalm. cxviii. 7.) Et oratio eius fiat in peccatum; ut non solum emendare nequiverit proditionis nefas, sed proprii homicidii scelus addiderit. Cave qualiter intelligas illud, " Ut emendare valeat quod peccavit &c. " Non enim emendatio hæc intelligenda est rei demptæ recompensatio, sed delicti exprobratio, & abominatio cum satisfactionis desiderio. Demit enim iniuste quis alicui quod restituere non valet, ut oculum, vel vitam, & huiusmodi; & tamen si pœnituerit peccati cum amore condignæ satisfactionis, veniam habet. Nec ideo quisquam putet qui rem alienam iniuste abstulerit, quam reddere potest,

(1) Al. habentem & perficere. (2) Al. sanum pœnitet. Nicolai: Si pœnitens es, pœnitet &c. (3) Nicolai addit Episcopos, & presbyteros. (4) Al. hic & infra non valet.

EX EDIT. P. NICOLAI.

* In Concilio Romano cap. xxii. Refertur quoque in decretis de poenitentia dist. v. cap. Fratres nostros.

de illo peccato pœnitere, ac veniam consequi, nisi restituat ablatum. Quamdiu enim res propter quam peccatum est, non redditur, si reddi potest, non agitur pœnitentia, sed fingitur.*

DIVISIO TEXTUS.

Postquam determinavit Magister de pœnitentia quantum ad sui veritatem, ostendens quid sit pœnitentia secundum sui veram rationem, & removens errorem quorundam qui ad rationem pœnitentiæ addere volebant futuram perseverantiam, hic intendit determinare de pœnitentia quantum ad sui integritatem, quorundam errorem removens, qui falso opinabantur posse de uno peccato pœnitentiam agi, & non de alio: quod est contra integritatem pœnitentiæ. Et dividitur in partes duas. In prima ponit rationes quæ sunt causa erroris. In secunda improbat ipsum errorem, ibi, *Satis arbitror illis esse responsum.* Prima in duas, secundum quod error prædictus duos habuit modos positionis. In prima enim parte reprobat rationes eorum qui dicebant, quod de uno peccato sine alio poterat pœnitentia agi, & fructuose quantum ad præsens. In secunda illorum qui ponebant, quod hoc non erat fructuosum quantum ad præsens, sed quantum ad futurum, quando de peccatis aliis pœnitentiam ager, ibi, *Quibusdam tamen videtur fuisse satisfactio, sed infructuosa.* Prima in duas. In prima excludit probationem eorum, quæ ex auctoritatibus Canonis procedebat; in secunda probationes ex auctoritatibus sanctorum, & ratione sumptas, ibi, *Alias quoque auctoritates inducunt.* Circa primum tria facit. Primo ponit objectionem. Secundo solvit eam, ibi, *Sed de his oportet illud tantum intelligi qui præsentibus supplicii commutatur in bonum.* Tertio excludit quamdam dubitationem ex præcedenti solutione ortam, ibi, *Attende lector his verbis.*

Alias quoque auctoritates inducunt. Circa hanc partem duo facit. Primo ponit probationes illorum: quorum prima est ex auctoritate Gregorii; secunda ex auctoritate Ambrosii; tertia ex ratione sumpta, ut per se patet. Secundo solvit eas: & primo ad auctoritatem Gregorii, ibi, *His responderi potest.* Circa Secundo ad auctoritatem Ambrosii, ibi, *Illud autem quod Ambrosius*
S. Th. Oper. Tom. XII.

EX EDIT. P. NICOLAI.

ait. Circa tertio ad rationem, ibi, *Ad hoc autem quod obicitur.* Circa.

Quibusdam tamen videtur fuisse satisfactio, sed infructuosa. Hic destruit probationes alterius positionis, & circa hoc duo facit. Primo ponit eas; secundo solvit, ibi, *Sed hæc dicta intelligimus de illo qui in caritate quodam tempore bona facit, & bonus est, alio vero tempore malus est.* Et ponit duas solutiones, quarum secunda incipit ibi, *Potest etiam accipi de operibus bonis quæ ab aliquo fiunt dum malus est.* Et circa hoc duo facit. Primo ostendit quod bona extra caritatem facta, etsi valeant ad tolerabilius iudicium suslinendum, non tamen valent ad vitam consequendam. Secundo ostendit idem de operibus in caritate factis, quæ postea per peccatum mortificantur, ibi, *Illæ etiam quæ in caritate quis facit, si postea prolapsus fuerit, nec exsurrexerit, non esse in memoria Dei.* Ezechiel dicit.

Satis arbitror illis esse responsum. Hic improbat ipsum errorem, & circa hoc duo facit. Primo improbat errorem; secundo concludit veritatem, scilicet quæ sit vera, & sufficiens pœnitentia, ibi, *Ex præmissis perspicua fit notitia vera pœnitentiæ.*

QUÆSTIO I.

Hic est querendum de satisfactione, & de partibus eius: unde quatuor hic queruntur. Primo de ipsa satisfactione. Secundo de elemosyna. Tertio de ieiunio. Quarto de oratione. His enim tribus homo satisfacit.

Circa hoc queruntur quinque.

Primo. Quid sit satisfactio.

Secundo. Utrum possibile sit a nobis Deo satisfacere.

Tertio. Qualiter homo satisfacere possit.

Quarto. Per quæ.

Quinto. Utrum restitutio sit pars satisfactionis.

Y y

A R.

* Ut Augustinus dicit epist. lrv. quam ad Macedonium scribit, potest medium; ut & refertur in decretis caus. xiv. quæst. vi. cap. 1. cuius initium est *Si res aliena &c.*

ARTICULUS I.

Utrum satisfactio sit virtus, aut virtutis actus.

1. **A**D primum sic proceditur. Videtur quod satisfactio non sit neque virtus, neque virtutis actus. Omnis enim virtutis actus est meritorius. Sed satisfactio non est meritoria, ut videtur: quia meritorium grauius est; sed satisfactio debitum attendit. Ergo satisfactio non est actus virtutis.

2. Præterea. Omnis actus virtutis est voluntarius. Sed aliquando fit alicui satisfactio de aliquo, eo invito, ut quando aliquis pro offensa in alterum commissâ a iudice punitur. Ergo satisfactio non est virtutis actus.

3. Præterea. Secundum Philosophum (III. Ethic. cap. iv. vel v.) in virtute moris principale est electio. Sed satisfactio non fit per electionem, sed respicit principaliter exteriora opera. Ergo non est virtutis actus.

Sed contra. Satisfactio ad penitentiam pertinet. Sed penitentia est virtus, ut prius dictum est. Ergo satisfactio est actus virtutis.

Præterea. Nullus actus operatur ad deletionem peccati, nisi fit actus virtutis: quia contrarium destruitur per suum contrarium. Sed per satisfactionem peccatum totaliter annihilatur. Ergo satisfactio est virtutis actus.

QUAESTIUNCULA II.

1. Ulterius. Videtur quod non sit actus iustitiæ. Quia satisfactio fit ad hoc quod reconciliatur ei quem offendit. Sed reconciliatio, cum sit amoris, ad caritatem pertinet. Ergo satisfactio est actus caritatis, & non iustitiæ.

2. Præterea. Causæ peccatorum in nobis sunt passionēs animæ, quibus ad malum incitatur. Sed iustitia, secundum Philosophum, non est circa passionēs, sed circa operationes. Cum ergo ad satisfactionem pertineat peccatorum causas excidere, ut in littera dicitur, videtur quod non sit actus iustitiæ.

3. Præterea. Cavere in futurum non est actus iustitiæ, sed magis prudentiæ, cuius pars ponitur cautela, ut in III. Lib. dist. xxxiii. (quæst. lxx. art. 2. quæstiunc. 2.) dictum est. Sed hoc pertinet ad satisfactionem: quia ipsius est suggestionibus

peccatorum aditum non indulgere. Ergo satisfactio non est actus iustitiæ.

Sed contra. Nulla virtus attendit rationem debiti nisi iustitia. Sed satisfactio honorem debitum Deo impendit, ut Anselmus dicit (in Lib. I. *Cur Deus homo* cap. x.) Ergo satisfactio est iustitiæ actus.

Præterea. Nulla virtus habet rerum exteriorum adæquationem perficere nisi iustitia. Sed hoc fit per satisfactionem: quia constituit æqualitas emendæ ad offensam præcedentem. Ergo satisfactio est iustitiæ actus.

QUAESTIUNCULA III.

1. Ulterius. Videtur quod definitio satisfactionis in littera inconvenienter ponatur ab Augustino (Gennadio de eccles. dogmatib. cap. ltv.) Dicit enim quod satisfactio est peccatorum causas excidere, & eorum suggestionibus aditum non indulgere. Causa enim actualis peccati fomes est. Sed in hac vita non possumus fomitem excidere. Ergo satisfacere non est causas peccatorum excidere.

2. Præterea. Causa peccati est fortior quam peccatum. Sed homo per se non potest peccatum excidere. Ergo multo minus causas peccati; & sic idem quod prius.

3. Præterea. Satisfactio, cum sit pars penitentiae, præteritum respicit, non futurum. Sed non indulgere aditum suggestionibus peccatorum respicit futurum. Ergo non debet poni in definitione satisfactionis.

4. Præterea. Satisfactio dicitur respectu offensa præteritæ. Sed de offensa præcedenti nulla fit mentio. Ergo inconvenienter assignatur definitio satisfactionis.

5. Præterea. Anselmus ponit aliam definitionem in Lib. I. *Cur Deus homo* (ubi sup.) scilicet, *Satisfactio est honorem debitum Deo impendere*: in qua nulla fit mentio horum quæ Augustinus (Gennadius) hic ponit. Ergo altera earum videtur esse incompetens.

6. Præterea. Honorem debitum Deo potest innocens impendere. Sed satisfacere non competit innocenti. Ergo definitio Anselmi est male assignata.

SOLUTIO I.

Respondeo dicendum ad primam questionem, quod aliquis actus dicitur esse actus virtutis dupliciter. Uno modo materialiter; & sic quilibet actus qui non habet

malitiam implicitam, vel defectum debite circumstantiæ, actus virtutis dici potest: quia quolibet tali actu potest uti virtus in suum finem, sicut est ambulare, loqui, & huiusmodi. Alio modo dicitur aliquis actus esse actus virtutis formaliter: quia in suo nomine formam, & rationem virtutis implicitam habet; sicut fortiter sustinere, dicitur actus fortitudinis. Formale autem cuiuslibet virtutis moralis est ratio mediæ: unde omnis actus qui rationem mediæ importat, actus virtutis formaliter est. Et quia æqualitas medium est, quod suo nomine satisfactio importat (non enim dicitur aliquid satisfactio, nisi secundum proportionem æqualitatis ad aliquid) constat quod satisfactio etiam formaliter est actus virtutis.

Ad primum ergo dicendum, quod quamvis satisfacere in se sit debitum, tamen in quantum satisfaciens voluntarie hoc opus exequitur, rationem gratuiti accipit ex parte operantis; & sic operans facit de necessitate virtutem: ex hoc enim debitum diminuire habet meritum, quod necessitatem importat, quæ voluntati contrariatur: unde si voluntas necessitati consentiat, ratio meriti non tollitur.

Ad secundum dicendum, quod actus virtutis non requirit voluntarium in eo qui facit, quia illius actus est: & ideo cum ille in quem iudex vindictam exercet, se habeat ut patiens ad satisfactionem, non ut agens, non oportet quod in eo voluntaria sit satisfactio, sed in iudice faciente.

Ad tertium dicendum, quod principale in virtute potest accipi dupliciter. Uno modo principale in ipsa, in quantum est virtus; & sic ea quæ ad rationem pertinent, vel magis ei propinqua sunt, principaliora sunt in virtute; & sic electio, & interiores actus in virtute, in quantum virtus est, principaliores sunt. Alio modo potest accipi principale in virtute, in quantum est talis virtus; & sic principalius in ipsa est ex quo determinationem recipit. Actus autem interiores in aliquibus virtutibus determinantur per exteriores: quia electio, quæ est communis omnibus virtutibus, ex hoc quod est electio talis actus, efficitur propria huius virtutis; & sic actus exteriores in aliquibus virtutibus sunt principaliores, & ita etiam est in satisfactione.

SOLUTIO II.

Ad secundam questionem dicendum, quod

secundum Philosophum in V. Ethic. (cap. iv. & v. vel vi. & vii.) medium iustitiæ accipitur secundum adæquationem rei ad rem in proportionalitate aliqua. Unde cum talem adæquationem ipsum nomen satisfactionis importet, quia hoc adverbium *satis* æqualitatem proportionis designat; constat quod satisfactio formaliter iustitiæ actus est. Sed iustitiæ actus secundum Philosophum est vel sui ad alterum, ut quando aliquis reddit alteri quod ei debet; vel alterius ad alterum, sicut quando iudex facit iustitiam inter duos. Quando autem actus iustitiæ est sui ad alterum, æqualitas in ipso faciente constituitur; quando autem alterius ad alterum, æqualitas constituitur in iustum passio. Et quia satisfactio æqualitatem in ipso faciente exprimit, dicitur actum iustitiæ qui est sui ad alterum proprie loquendo. Sed sui ad alterum potest aliquis facere iustitiam vel in actionibus, & passionibus, vel in rebus exterioribus; sicut etiam iniuria fit alteri vel subtrahendo res, vel per aliquam actionem lædendo. Et quia usus rerum exteriorum est dare, ideo actus iustitiæ, secundum quod æqualitatem in rebus exterioribus constituit, proprie dicitur hoc quod est reddere. Sed satisfacere manifeste æqualitatem in actionibus demonstrat, quamvis quandoque unum pro altero ponatur. Et quia adæquatio non est nisi inæqualium, ideo satisfactio inæqualitatem actionum præsupponit; quæ quidem offensam constituit, & ideo habet respectum ad offensam præcedentem. Nulla autem pars iustitiæ respicit offensam præcedentem, nisi vindicativa iustitiæ, quæ æqualitatem constituit in eo qui iustum patitur indifferenter; sive sit patiens idem quod agens, ut quando aliquis sibi ipsi poenam infert; sive non sit idem, ut quando iudex alium punit; ad utrumque vindicativa iustitiæ se habente. Similiter & poenitentia, quæ æqualitatem tantum in faciente importat, quia ipsemet poenam tenet; ut sic quodammodo poenitentia vindicativæ iustitiæ species sit. Et propter hoc constat quod satisfactio, quæ æqualitatem respectu offensæ præcedentis (a) in faciente importat, opus iustitiæ est quantum ad illam partem quæ poenitentia dicitur.

Ad primum ergo dicendum, quod satisfactio, ut ex dictis patet, est quædam iniuriæ illatæ recompensatio. Unde sicut iniuria illata immediate ad inæqualitatem iustitiæ

(a) Al. facientem.

tiz pertingebat, & per consequens ad inaequalitatem amicitiae oppositam; ita & satisfactio directe ad aequalitatem iustitiae perducit, & ad aequalitatem amicitiae ex consequenti. Et quia actus aliquis elicitive ab illo habitu procedit ad cuius finem immediate ordinatur, imperative autem ab illo ad cuius finem ulterius tendit; id eo satisfactio elicitive est a iustitia, sed imperative a caritate.

Ad secundum dicendum, quod quamvis iustitia sit principaliter circa operationes, tamen etiam ex consequenti est circa passionem, inquantum sunt operationum causa. Sed sicut iustitia cohibet iram ne alteri laesionem iniuste inferat, & concupiscentiam ne ad aliorum torum accedat; sic etiam satisfactio potest peccatorum causas excidere.

Ad tertium dicendum, quod quaelibet virtus moralis participat actus prudentiae, eo quod formaliter ipsa complet in eis rationem virtutis, cum secundum eam medium accipiat in singulis virtutibus moralibus, ut patet per distinctionem virtutis positam in II. Ethic. (cap. vi. vel vii.)

SOLUTIO III.

Ad tertiam questionem dicendum, quod iustitia non ad hoc tantum tendit ut inaequalitatem precedentem auferat puniendo culpam praeteritam, sed ut in futurum aequalitatem custodiat: quia secundum Philosophum in II. Ethic. (cap. ii. vel iii.) poenae medicinae sunt: unde & satisfactio, quae est iustitiae actus poenam inferentis, est medicina, curans peccata praeterita, & praeservans a futuris: & ideo quando homo homini satisfacit, & praeterita recompensat, & de futuris cavet. Et secundum hoc dupliciter potest satisfactio diffiniri. Uno modo respectu culpae praeteritae, quam recompensando curat; & sic dicitur, quod satisfactio est iniuriae illatae recompensatio secundum iustitiae aequalitatem: & in idem (a.) dicitur redire definitio Anselmi, qui dicit, quod satisfacere est Deo debitum honorem impendere, ut confideretur debitum ratione culpae commissae. Alio modo potest diffiniri secundum quod praeservat a culpa futura; & sic diffinit eam hic Augustinus. Praeservatio autem a morbo corporali fit per ablationem causatum ex quibus morbus consequi potest: eis enim ablatis non potest morbus sequi. Sed in morbo spirituali non est ita: quia liberum arbitrium non

cogitur: unde causis praecedentibus potest vitari, quamvis difficulter causis amoris potest incurri. Et ideo in satisfactionis distinctione duo ponit, scilicet abscissionem causarum quantum ad primum, & abstinentiam liberi arbitrii a peccato quantum ad secundum.

Ad primum ergo dicendum, quod accipiendae sunt causae proximae peccati actualis, quae dicuntur duo: scilicet libido ex consuetudine, vel actu peccati relicta, & aliquae reliquiae peccati praeteriti; & exteriores occasiones ad peccandum, ut locus, societas mala, & huiusmodi: & tales causae in hac vita per satisfactionem tolluntur; quamvis fomes, qui est causa remota peccati actualis, non tollatur totaliter in hac vita per satisfactionem, etsi debilitetur.

Ad secundum dicendum, quod quia causa mali, vel privationis, eo modo quo causam habet, non est nisi bonum deficientis: bonum autem facilius tollitur quam construatur; ideo facilius est causas privationis, & mali abscindere, quam ipsum malum removere, quod non remouetur nisi per constructionem boni; quod patet in cecitate, & causis eius. Et tamen causae peccati praedictae non sunt causae sufficientes, cum ex eis non de necessitate sequatur peccatum, sed sunt (b.) actiones quaedam. Nec iterum satisfactio sine Dei auxilio fit, quia sine caritate esse non potest, ut dicitur.

Ad tertium dicendum, quod quamvis poenitentia ex prima sui intentione respiciat praeteritum, tamen etiam ex consequenti futurum respicit, inquantum est medicina praeservans; & sic etiam satisfactio.

Ad quartum dicendum, quod Augustinus diffinit satisfactionem secundum quod fit Deo, cui secundum rei veritatem nihil subtrahi potest; quamvis peccator, quantum in se est, aliquid subtrahat: & ideo in satisfactione tali principaliter requiritur emendatio in futurum quam recompensatio praeteritorum: & propter hoc ex parte ista Augustinus satisfactionem diffinit. Nihilominus tamen ex cautela futurorum cognosci potest recompensatio praeteritorum, quia fit circa eadem converso modo. In praeterita enim respicientes, causas peccatorum propter peccata detestamur, a peccatis incipientes detestationis motum; sed in cautela a causis incipimus, ut causis subtrahis facilius peccata vitemus.

Ad quintum dicendum, quod non est incon-

(a) Forte videtur. (b) Forte dispositiones.

Inconveniens quod de eodem dentur diversae assignationes secundum diversa quae in ipso inveiuntur; & sic est in proposito, ut ex dictis patet.

Ad sextum dicendum, quod intelligitur debitum quod debemus Deo ratione culpae commissae: quia debitum poenitentiae respicit, ut prius dictum est.

ARTICULUS II.

Utrum homo possit Deo satisfacere.

1. **A**D secundum sic proceditur. Videtur quod homo non possit Deo satisfacere. Satisfactio enim debet aequari offensae, ut ex dictis patet. Sed offensae in Deum commissae, est infinita, quia quantitatem recipit ab eo in quem committitur; cum plus offendat qui Principem percutit quam alium quemcumque. Cum ergo actio hominis non possit esse infinita, videtur quod homo Deo satisfacere non possit.

2. Praeterea. Servus, quia totum quod habet, domini est, non potest aliquid domino recompenfare. Sed nos servi Dei sumus, & quidquid nos boni habemus, ab ipso habemus. Cum ergo satisfactio sit recompensatio offensae praeteritae, videtur quod Deo satisfacere non possimus.

3. Praeterea. Ille cuius totum quod habet, non sufficit ad unum debitum exsolvendum, non potest pro alio debito satisfacere. Sed quidquid homo est, & potest, & habet, non sufficit ad solvendum debitum pro beneficio conditionis: unde Isaia cap. xl. dicitur, quod Libanus ad succendendum, & animalia eius non sufficient ad holocaustum. Ergo nullo modo potest satisfacere pro debito offensae commissae.

4. Praeterea. Homo totum tempus suum in Dei servitium debet expendere. Sed tempus amissum non potest recuperari: propter quod est gravis iactura temporis, ut Seneca dicit (epist. i. ad Lucillum.) Ergo non potest homo recompensationem Deo facere; & sic idem quod prius.

5. Praeterea. Peccatum actuale mortale est gravius quam originale. Sed pro originali nullus satisfacere potuit, nisi ef-

fet Deus, & homo. Ergo neque pro actuali.

Sed contra. Sicut Hieronymus dicit * (in cap. xix. Matth.) *qui dicit Deum aliquid impossibile homini praecipisse, anathema sit.* Sed satisfactio est in precepto: Luc. xii. 8. *Facite dignos fructus poenitentiae.* Ergo possibile est Deo satisfacere.

Praeterea. Deus est magis misericors quam aliquis homo. Sed homini possibile est satisfacere. Ergo & Deo.

Praeterea. Debita satisfactio est cum pena culpae aequatur: quia iustitia est idem quod contrapassum, ut Pythagorici dixerunt. Sed contingit aequalem penam sumere delectationi, quae fuit in peccando. Ergo contingit Deo satisfacere.

SOLUTIO.

Respondeo dicendum, quod, sicut supra dictum est, dupliciter homo Deo debitor esse videtur. Uno modo ratione beneficii accepti; alio modo ratione peccati commissi. Et sicut gratiarum actio, vel latria, vel si quid est huiusmodi, respicit debitum accepti beneficii, ita satisfactio respicit debitum peccati commissi. In his autem honoribus qui sunt ad parentes, & deos, etiam secundum Philosophum, impossibile est aequivalens reddere secundum quantitatem; sed sufficit ut homo reddat quod potest: quia amicitia non exigit aequivalens nisi secundum quod possibile est: & hoc etiam aequale est [a] aequaliter, scilicet secundum proportionalitatem: quia sicut se habet quod Deo est debitum ad ipsum Deum, ita hoc quod iste potest reddere, ad eum; & sic aliquo modo forma iustitiae conservatur: & similiter est ex parte satisfactionis. Unde non potest homo satisfacere, si ly satis aequalitatem quantitatis importet. Contingit autem, si importet aequalitatem proportionis, ut dictum est: & hoc sicut sufficit ad rationem iustitiae, ita sufficit ad rationem satisfactionis.

Ad primum ergo dicendum, quod sicut offensae habuit quamdam infinitatem ex infinitate divinae maiestatis, ita & satisfactio accipit quamdam infinitatem ex infinitate divinae misericordiae, prout est gratia informata, per quam acceptum redditur.

(a) Ali. aequaliter.

E X E D I T. P. N I C O L A I

* Sumptum est ex fidei expositione ad Damasum, quae Hieronymi nomen praefert, sed est Pelagii catholicum singentis.

ARTICULUS III.

Utrum homo possit de uno peccato sine alio satisfacere.

dicitur quod homo reddere potest. Quidam tamen dicunt, quod habet infinitatem ex parte averſionis, & sic gratis dimittitur; sed ex parte conversionis finita est, & sic pro ea satisfieri potest. Sed hoc nihil est: quia satisfactio non respiciet peccatum nisi secundum quod est offensiva Dei, quod non habet ex parte conversionis: sed solum ex parte averſionis. Alii vero dicunt, quod etiam quantum ad averſionem pro peccato satisfieri potest virtute meriti Christi, quod quodammodo infinitum fuit, ut in III. Lib. dist. xviii. (quæst. 1. art. 6. quæstionc. 1.) dictum est: & hoc in idem redit quod prius dictum est: quia per fidem Mediatoris gratia data est credentibus. Si tamen alio modo gratiam daret, sufficeret satisfactio per modum prædictum.

Ad secundum dicendum, quod homo, qui ad imaginem Dei factus est, aliquid libertatis participat, in quantum est dominus suorum actuum per liberum arbitrium: & ideo ex hoc quod per liberum arbitrium agit, Deo satisfacere potest: quia quamvis Dei sit, prout a Deo est sibi concessum, libere tamen traditum est, ut eius dominus sit; quod servo non competit.

Ad tertium dicendum, quod ratio illa concludit, quod Deo æquivalens satisfactio fieri non possit, non autem quod non possit sibi sufficiens fieri. Quamvis enim homo totum suum posse Deo debeat, non tamen ab eo exigitur de necessitate ut totum quod possit, faciat: quia hoc est impossibile secundum statum præsentis vite, ut totum posse suum ad aliquid unum expendat, cum oporteat eum circa multa sollicitum esse: sed est quædam mensura homini adhibita, quæ ab eo requiritur, scilicet impletio mandatorum Dei, & super ea potest aliquid erogare, ut satisfaciat.

Ad quartum dicendum, quod quamvis homo non possit tempus præteritum recuperare, potest tamen in futuro recompenſare illud quod in præterito facere debuisset: quia non debuit debito præcepti totum quod poruit, ut dictum est.

Ad quintum dicendum, quod originale peccatum, etsi minus habeat de ratione peccati quam actuale, tamen est gravius, quia est ipsius humanæ naturæ infectio: ideo per unius hominis puri satisfactionem expiari non potuit, sicut actuale.

1. Ad tertium sic proceditur. Videtur quod homo possit de uno peccato sine alio satisfacere. Eorum enim quæ non habent connexionem ad invicem, unum potest auferri sine alio. Sed peccata non habent ad invicem connexionem; alias qui haberet unum, haberet omnia. Ergo unum potest expiari sine alio per satisfactionem.

2. Præterea. Deus est magis misericors quam homo. Sed homo recipit solutionem unius debiti sine alio. Ergo & Deus satisfactionem unius peccati sine alio.

3. Præterea. Satisfactio, ut in littera dicitur, est peccatorum causas excidere, nec suggestionibus aditum indulgere. Sed contingit hoc fieri de uno peccato sine alio, ut scilicet luxuriam refrenet, & avaritiæ insiluat. Ergo de uno peccato potest fieri satisfactio sine alio.

Sed contra. Isaia lviii. dicitur, quod ieiunium eorum qui ad contentiones, & lites ieiunabant, Deo acceptum non erat; licet ieiunium sit satisfactionis opus. Sed non potest fieri satisfactio, nisi per opus Deo acceptum. Ergo non potest, qui habet aliquod peccatum, Deo satisfacere.

Præterea. Satisfactio est medicina curans peccata præterita, & præservans a futuris, ut dictum est. Sed peccata non possunt sine gratia curari. Ergo cum quodlibet peccatum gratiam auferat, non potest de uno peccato fieri satisfactio sine alio.

QUAESTIUNCULA II.

1. Uterius. Videtur quod qui de peccatis omnibus contritus fuerit prius, & postea in peccatum incidit, de aliis peccatis quæ sibi per contritionem dimissa fuerant, satisfacere possit extra caritatem existens. Dixit enim Daniel (cap. iv. 24.) Nabuchodonosori: *Peccata tua elemosinis redime*. Sed ipse adhuc peccator erat, quod sequens pœna demonstrat. Ergo potest existens in peccato satisfacere.

2. Præterea. Nemo scit an sit dignus odio, vel amore: Eccl. vi. Si ergo non possit fieri satisfactio nisi ab eo qui est in caritate, nullus sciret se satisfacere; & hoc est inconveniens.

3. Præ-

3. Præterea. Ex intentione quam homo habet in principio actus, totus actus informatur. Sed poenitens quando poenitentiam inchoavit, in caritate erat. Ergo tota satisfactio sequens ex illa caritate intentionem eius informante efficaciam habebit.

4. Præterea. Satisfactio consistit in quadam adæquatione poenæ ad culpam. Sed talis adæquatio potest fieri in eo qui caritatem non habet. Ergo &c.

Sed contra. Proverb. x. 12. *Universa delicta operis caritas*. Sed (a) satisfactio nis virtus est delere delicta. Ergo sine caritate non habet suam virtutem.

Præterea. Præcipuum opus in satisfaciendo est elemosyna. Sed elemosyna extra caritatem facta non valet, ut patet I. Corinth. xii. 3. *Si distribuero in cibos pauperum omnes facultates meas . . . caritatem autem non habuero, nihil mihi prodest*. Ergo nec satisfactio aliqua est.

QUAESTIUNCULA III.

1. Ulterius. Videtur quod postquam homo caritatem habuerit, valere incipiat satisfactio præcedens. Super illud Levit. xv. *Si attenuatus fuerit frater tuus*, dicit Glossa, quod fructus bonæ conversationis debent computari ex eo tempore quo peccavit. Sed non computarentur, nisi aliquam efficaciam acciperent ex caritate sequente. Ergo post caritatem recuperatam valere incipiunt.

2. Præterea. Sicut efficaciam satisfactionis impeditur per peccatum, ita efficacia baptismi impeditur per fictionem. Sed baptismus incipit valere recedente fictione. Ergo & satisfactio recedente peccato.

3. Præterea. Si alicui pro peccatis commissis iniuncta fuerint multa ieiunia, & in peccatum cadens ea perfecit, non iniungitur, cum iterum confitetur, ut ieiunia illa iteret. Iniungeretur autem, si per ea satisfactio non impleteretur. Ergo per poenitentiam sequentem opera præcedentia satisfaciendi efficaciam accipiunt.

Sed contra. Opera extra caritatem facta ideo non erant satisfactoria, quia fuerunt mortua. Sed per poenitentiam non vivificantur. Ergo nec incipiunt esse satisfactoria.

Præterea. Caritas non informat actum nisi qui ab ipsa aqualiter procedit. Seu opera non possunt esse Deo accepta, ac per hoc nec satisfactoria, nisi sint carita-

te informata. Ergo cum opera facta extra caritatem nullo modo ex caritate processerint, vel de cetero procedere possint, nullo modo poterunt in satisfactionem computari.

QUAESTIUNCULA IV.

1. Ulterius. Videtur quod opera extra caritatem facta sint alicuius boni meritioria, saltem temporalis. Quia sicut se habet poena ad malum actum, ita se habet præmium ad bonum: Sed nullum malum factum apud Deum iustum iudicem est imputatum. Ergo nec aliquid bonum irremuneratum; & sic per illud bonum aliquid meretur.

2. Præterea. Merces non datur nisi merito. Sed operibus extra caritatem factis datur merces, ut dicitur Matth. v. de illis qui propter gloriam humanam opera bona faciunt, quod receperunt mercedem suam. Ergo opera illa fuerunt alicuius boni meritioria.

3. Præterea. Duo existentes in peccato, quorum unus multa bona facit ex genere, & circumstantia, alius autem nulla, non aqualiter propinque se habent ad accipiendum bona a Deo; alias non esset ei consulendum ut aliquid boni faceret. Sed qui magis appropinquat Deo, magis de bonis percipit. Ergo isse per bona opera quæ facit, aliquid boni a Deo meretur.

Sed contra est quod Augustinus dicit, quod peccator non est dignus pane quo vescitur. Ergo non potest aliquid a Deo mereri.

Præterea. Qui nihil est, non potest mereri. Sed peccator non habens caritatem nihil est, secundum esse spirituale, ut patet I. Corinth. xii. Ergo non potest aliquid mereri.

QUAESTIUNCULA V.

1. Ulterius. Videtur quod opera prædicta non valeant ad poenæ infernalis mirigationem. Quia secundum quantitatem culpæ, erit quantitas poenæ in inferno. Sed opera extra caritatem facta non minuunt quantitatem peccati. Ergo nec infernalis poenæ.

2. Præterea. Poena infernalis, quamvis sit duratione infinita, tamen intentione finita est. Sed quodlibet finitum consumitur aliqua finita subtractione facta. Si ergo opera extra caritatem facta aliquid sub-

tra-

(a) *id est* satisfactoria.

traherent de poena debita pro peccatis, contingeret tantum multiplicari illa opera quod totaliter tolleretur poena inferni; quod falsum est.

3. Præterea. Suffragia Ecclesiarum sunt magis efficacia quam opera extra caritatem facta. Sed, sicut Augustinus in Ench. (cap. xciii.) dicit, damnatis in inferno non profunt suffragia Ecclesiarum. Ergo multo minus opera extra caritatem facta.

Sed contra est quod Augustinus dicit in Ench. (cap. cx.) (a) *Ad hoc profunt ut sit plena remissio, vel ut tolerabilior fiat damnatio.*

Præterea. Maius est facere bonum, quam dimittere malum. Sed dimittere malum semper vitat poenam, etiam in eo qui caritate caret. Ergo multo fortius facere bonum.

SOLUTIO I.

Respondeo dicendum ad primam questionem, quod quidam dixerunt, quod potest de uno peccato satisfieri sine alio, ut Magister in littera dicit; sed hoc non potest esse. Cum enim per satisfactionem tolli debeat offensæ præcedens, oportet quod talis sit modus satisfactionis qui competat ad tollendam offensam. Offensæ autem ablatio est amicitie restitutio: & ideo si aliquid sit quod amicitie restitutionem impediat, etiam apud homines satisfactio esse non potest. Ergo eum quodlibet peccatum amicitiam caritatis impediat, quæ est hominis ad Deum, impossibile est ut homo de uno peccato satisfaciatur alio recto; sicut nec homo satisfaceret, qui (b) pro alapa sibi data, se ei prosterneret, & aliam sibi daret.

Ad primum ergo dicendum, quod quia peccata non habent connexionem ad invicem in aliquo uno, unum potest quis incurrere sine alio: sed unum & idem est secundum quod omnia peccata remittuntur: & ideo remissiones diversorum peccatorum connexæ sunt, & de uno sine alio satisfactio fieri non potest.

Ad secundum dicendum, quod in obligatione debiti non est nisi inæqualitas iustitiæ opposita, quia unus rem alterius habet; & ideo ad restitutionem non exigitur nisi quod restituatur æqualitas iustitiæ: quod quidem potest fieri de uno debito, non de alio. Sed ubi est offensæ, ibi est inæqualitas non tantum iustitiæ op-

posita, sed etiam amicitie: & ideo ad hoc quod per satisfactionem offensæ tollatur, non solum oportet quod æqualitas iustitiæ restituatur per recompensationem æqualis poenæ, sed etiam quod restituatur amicitie æqualitas; quod non potest fieri, dum aliquid est quod amicitiam impediatur.

Ad tertium dicendum, quod unum peccatum suo pondere ad aliud trahit, ut Gregorius dicit (Lib. XXI. Moral. cap. xxxi.) & ideo qui unum peccatum retinet, non sufficiens causas alterius peccati (c) excidit.

SOLUTIO II.

Ad secundam questionem dicendum, quod quidam dixerunt, quod postquam omnia peccata per penitentiam, & contritionem remissa sunt, si aliquis ante satisfactionem peccatam in peccatum decidat, & in peccato existens satisfaciatur, satisfactio ei valeat; ita quod si in peccato illo moreretur, in inferno de illis peccatis non puniretur. Sed hoc non potest esse: quia in satisfactione oportet quod, amicitia restituta, iustitiæ æqualitas restituatur, cuius contrarium amicitiam solvit, ut Philosophus in VIII. Eth. (cap. iv.) dicit. Aequalitas autem in satisfactione ad Deum non est secundum æquivalentiam, sed magis secundum acceptionem ipsius, ut est dictum: & ideo oportet quod & si iam offensæ sit dimissa per præcedentem contritionem, opera satisfactoria sint Deo accepta, quod dat eis caritas: & ideo sine caritate opera facta non sunt satisfactoria.

Ad primum ergo dicendum, quod consilium Danielis intelligitur quod a peccato cessaret, & peniteret, & sic per elemosynas satisfaceret.

Ad secundum dicendum, quod sicut homo nescit pro certo utrum caritatem habuerit in satisfaciendo, vel habeat, ita etiam nescit pro certo utrum satisfecerit: & ideo dicit Ecclesiasticus [cap. v. 5.] (d) *De propitiis peccatorum noli esse sine metu.* Non tamen exigitur quod propter hunc metum homo satisfactionem expletam iteret, si conscientiam peccati mortalis non habet. Quamvis enim poenam non expiet per huiusmodi satisfactionem, tamen non incurrit reatum omissionis ex satisfactione neglecta; sicut nec ille qui accedit ad eu-

cha-

(a) *Ad hoc profunt ut sit plena remissio, vel ut tolerabilior fiat damnatio.* (b) *Nicolaus: pro alapa data se alteri prosterneret, & aliam eidem daret.* (c) *Idem excidit.* (d) *Vulgata: de propitiis peccato.*

charitatem sine conscientia peccati mortalis, cui subiaceret, reatum indignae sumptionis incurrit.

Ad tertium dicendum, quod illa intentio interrupta est per peccatum sequens, & ideo non dat operibus vimaliquam post peccatum factis.

Ad quartum dicendum, quod non potest fieri adequatum sufficiens nec secundum divinam acceptationem, nec secundum equivalentiam: & ideo ratio non sequitur.

SOLUTIO III.

Ad tertiam questionem dicendum, quod quidam dixerunt, quod opera in caritate facta, quae viva dicuntur, sunt meritoria vitae aeternae, & satisfactoria respectu poenae dimittendae: & quod opera extra caritatem facta, vivificantur per caritatem quantum ad hoc quod sunt meritoria vitae aeternae. Sed hoc non potest esse: quia utrumque habent ex eadem ratione opera ex caritate facta, scilicet ex hoc quod sunt Deo grata: unde sicut caritas adveniens non potest ea gratificare quantum ad unum, ita nec quantum ad aliud.

Ad primum ego dicendum, quod non debet intelligi, quod fructus computetur a tempore quo primo in peccato fuit; sed a tempore in quo peccare cessavit, quo scilicet ultimo in peccato fuit. Vel intelligitur, quando statim post peccatum contritus fuit; & fecit multa bona antequam confiteretur. Vel dicendum, quod quanto est maior contritio, tanto magis diminuit de poena, & quanto aliquis plura bona facit in peccato existens, magis se ad gratiam contritionis disponit: & ideo probabile est quod minoris poenae sit debitor: & propter hoc debet a sacerdote discretè computari, ut ei minore poenam iniungat, in quantum invenit eum melius dispositum.

Ad secundum dicendum, quod baptismus imprimis characterem in animam, non autem satisfactio: & ideo adveniens caritas, quae sitionem tollit, & peccatum, facit quod baptismus effectum suum habeat; non autem facit hoc de satisfactione. Et praeter baptismum ex ipso opere operato iustificat, quod non est hominis, sed Dei: & ideo non eodem modo mortificatur, sicut satisfactio, quae est opus hominis.

Ad tertium dicendum, quod aliquae satisfactiones sunt ex quibus manet aliquid. *S. Tb. Oper. Tom. XII.*

quis effectus in satisfaciendis, etiam postquam actus satisfactoris transit; sicut ex ieiunio manet corporis debilitatio, ex elemosinis largitis diminutio substantiae, & sic de similibus: & tales satisfactiones in peccatis factae non oportet quod iterentur, quia quantum ad id quod de eis manet, per penitentiam Deo acceptae sunt. Satisfactiones autem quae non relinquunt aliquem effectum in satisfaciende, postquam actus transit, oportet quod iterentur, sicut est de oratione, & similibus. Actus autem interior, quia totaliter transit, nullo modo vivificatur; sed oportet quod iteretur.

SOLUTIO IV.

Ad quartam questionem dicendum, quod, sicut in III. dist. xviii. (quaest. 1. art. 4. quaestione 1.) dictum est, meritum proprie dicitur actio quae efficitur ut ei qui agit, sit iustum aliquid dari. Sed iustitia dupliciter dicitur. Uno modo proprie, quae scilicet respicit debitum ex parte recipientis; alio modo quasi similitudinarie, quae respicit debitum ex parte dantis. Aliquid enim decet dantem dare, quod tamen non habet recipiens debitum recipiendi, & sic iustitia est de essentia divinae bonitatis, sicut Anselmus dicit, (in prolog. cap. x.) quod Deus iustus est cum peccatoribus parit, quia eum decet. Et secundum hoc etiam meritum dicitur dupliciter. Uno modo actus per quem efficitur ut ipse agens habeat debitum recipiendi, & hoc vocatur meritum condigni. Alio modo, per quem efficitur ut sit debitum dandi in dante secundum decentiam ipsius; & ideo hoc meritum dicitur meritum congrui. Cum autem in omnibus illis quae gratis dantur, prima ratio dandi sit amor, impossibile est quod aliquis tale sibi debitum faciat qui amicitia caret: & ideo cum omnia bona & temporalia, & aeterna ex divina liberalitate nobis donentur, nullus acquirere potest debitum recipiendi aliquid illorum, nisi per caritatem ad Deum: & ideo opera extra caritatem facta, non sunt meritoria ex condigno neque aeterni, neque temporalis alicuius boni apud Deum. Sed quia divinam bonitatem decet ut ubiqueque dispositionem invenit, perfectionem adiciat; ideo ex merito congrui dicitur aliquis mereri aliquid bonum per opera extra caritatem facta. Et secundum hoc opera ista valent ad triplex bonum, *scilicet*

scilicet ad temporalium consecutionem, ad dispositionem ad gratiam, & ad assuetudinem bonorum operum. Quia tamen hoc meritum non proprie meritum dicitur, ideo magis coccendendum est, quod huiusmodi opera non sint alicuius meritoria, quam quod sint.

Ad primum ergo dicendum, quod, sicut Philosophus dicit in IX. Ethic. (cap. 1.) quia filius per omnia quae facere potest, nihil aequale patri reddere potest his quae a patre recepit, ideo nunquam pater debitor filii efficitur, & multo minus homo potest propter aequivalentiam operis Deum sibi constituere debitorem: & ideo nullum opus nostrum ex quantitate suae bonitatis habet quod aliquod mereatur; sed ex vi caritatis, quae facit ea quae sunt amicorum, esse communia. Unde quantumcumque sit opus bonum extra caritatem factum non facit, proprie loquendo, quod aliquid recipiendi a Deo faciens debitum habeat; sed opus malum ex quantitate suae malitiae secundum aequivalentiam poenam mereatur: quia ex parte Dei non sunt nobis aliqua mala facta sicut bona: & ideo quamvis opus malum mereatur ex condigno poenam, non tamen opus bonum sine caritate mereatur ex condigno praemium.

Ad secundum, & tertium dicendum, quod procedunt de merito congrui. Aliae autem rationes procedunt de merito condigni.

SOLUTIO V.

Ad quintam quaestionem dicendum, quod diminuire poenam infernalem potest intellegi dupliciter. Uno modo ita quod quis liberetur a poena quam iam meruit: & sic cum nullus liberetur a poena, nisi sit absolutus a culpa, quia effectus non dimouuntur, neque tolluntur, nisi diminuta, vel ablata causa, per opera extra caritatem facta, quae neque culpam tollere, neque diminuire possunt, poena inferni mitigari non potest. Alio modo ita quod meritum poenae impediatur; & sic huiusmodi opera diminuunt poenam inferni. Primo quia homo reatum omissionis evadit, (a) dum huiusmodi opera perficit. Secundo quia huiusmodi opera aliquo modo ad bonum disponunt, ut homo ex minori contemptu etiam peccata faciat, ut etiam a multis peccatis per huiusmodi opera retrahatur. Sed diminu-

tionem, vel dilationem temporalis poenae merentur huiusmodi opera, sicut dicitur de Achab III. Regum xxi. eodem modo sicut & bonorum temporalium consecutionem. Quidam autem dicunt, quod minuunt poenam inferni non subtrahendo aliquid de ipsa quantum ad substantiam, sed fortificando subiectum, ut melius sustinere possit. Sed hoc non potest esse: quia fortificatio non est nisi ex ablatione (b) passibilitatis; passibilitas autem est secundum mensuram culpae: & ideo si culpa non diminuitur, nec subiectum fortificari potest. Quidam etiam dicunt, quod diminuitur poena quantum ad vermem conscientiae, licet non quantum ad ignem. Sed hoc etiam nihil est: quia sicut poena ignis aequatur culpae, ita & poena remotionis conscientiae: (c) unde similis ratio est de utroque.

Et per hoc patet solutio ad obiecta.

ARTICULUS IV.

Utrum satisfactionem oporteat fieri per opera poenalia.

AD quantum sic proceditur. Videtur quod satisfactionem non oporteat fieri per opera poenalia. Quia per satisfactionem oportet fieri recompensationem ad divinam offensam. Sed nulla recompensatio videtur fieri per opera poenalia: quia Deus non delectatur in poenis nostris. Ergo non oportet satisfactionem per opera poenalia fieri.

2. Praeterea. Quanto aliquod opus ex maiori caritate procedit, tanto minus est poenale: quia caritas poenam non habet: I. Ioannes iv. Si ergo oportet opera satisfactoria esse poenalia, quanto magis sunt ex caritate facta, minus erunt satisfactoria; quod falsum est.

3. Praeterea. Satisfacere est, ut dicit Anselmus (Lib. I. *cur Deus homo* cap. 11.) honorem debitum Deo impendere. Sed hoc etiam aliis quam operibus poenalibus fieri potest. Ergo satisfactionem non oportet poenalibus operibus fieri.

Sed contra est quod Gregorius dicit (Hom. xx. io Evang.) *Iustum est ut peccator tanto maiora sibi inferat luenta per poenitentiam, quanto maiora intulit damna per culpam.*

Praeterea. Per satisfactionem oportet sanari vulnus peccati perfecte. Sed peccatorum

(a) *Ad.* quae huiusmodi. (b) *Ad.* deest passibilitatis. (c) *Ad.* ubi.

rum medicinae sunt poenae, ut Philosophus dicit in II. Ethic. (cap. 111.) Ergo oportet quod per poenalia opera satisfactio fiat.

QUAESTIUNCULA II.

1. Ulterius. Videtur quod flagella quibus a Deo in hac vita punimur, non possint satisfactoria esse. Nihil enim potest esse satisfactorium nisi quod est meritorium, ut ex dictis patet. Sed non meremur nisi per ea quae in nobis sunt. Cum ergo flagella quibus a Deo punimur, non sint in nobis, videtur quod satisfactoria esse non possint.

2. Præterea. Satisfactio tantum bonorum est. Sed huiusmodi flagella in malis inducuntur, & præcipue eis debentur. Ergo non possunt esse satisfactoria.

3. Præterea. Satisfactio respicit peccata præterita. Sed aliquando ista flagella infliguntur illis qui peccata non habent, sicut de Iob patet. Ergo videtur quod non sint satisfactoria.

Sed contra est quod dicitur Rom. v. 3. *Tribulatio patientiam operatur, patientia autem probationem*, „ & a peccato purgationem, „ ut Glossa ibidem dicit. Ergo flagella peccata purgant, & sic sunt satisfactoria.

Præterea. Ambrosius dicit (ut in litt.) *Esti fides, idest peccati conscientia, desit poena satisfactio*. Ergo huiusmodi flagella sunt satisfactoria.

QUAESTIUNCULA III.

1. Ulterius. Videtur quod inconuenienter enumerentur opera satisfactoria, cum dicitur quod sunt tria, eleemosyna, ieiunium, & oratio. Quia opus satisfactorium debet esse poenale. Sed oratio poenam non habet, cum sit contra poenam tristitiam medicina, sed delectationem: unde dicitur Iacob. v. 13. *Tristitia aliquis in vobis Oves, (a) & psallat*. Ergo non debet computari iter opera satisfactoria.

2. Præterea. Omne peccatum vel est carnale, vel spirituale. Sed, sicut dicit Hieronymus (alius Auctor super Marcum cap. 12.) ieiunio sanantur pestes corporis, oratione pestes mentis. Ergo non debet esse aliquod (b) aliud opus satisfactorium.

3. Præterea. Satisfactio necessaria est ad emundationem peccatorum. Sed eleemosyna ab omnibus peccatis emundat: Luc. x1.

4. *Dare eleemosynam, & omnia munda*

sunt vobis. Ergo alia duo sunt superflua.

4. Sed contra. Videtur quod debeant esse plura. Quia contraria contrariis curantur. Sed multo plura sunt peccatorum genera quam tria. Ergo debent plura satisfactionis opera computari.

5. Præterea. Peregrinationes etiam iunguntur pro satisfactione, & disciplina, sive flagellationes; quae non computantur sub aliquo horum. Ergo insufficienter numerantur.

SOLUTIO I.

Respondeo dicendum ad primam questionem, quod satisfactio, ut dictum est, respectum habet ad præteritam offensam, pro qua recompensatio fit per satisfactionem, & etiam ad futuram culpam, a qua per eam præservamur; & quantum ad utrumque exigitur quod satisfactio per opera poenalia fiat. Recompensatio enim offensae importat adæquationem, quam oportet esse eius qui offendit ad eum in quem offensam commissa est. Adæquatio autem in humana iustitia attenditur per subtractionem ab uno qui plus habuit iusto, & additionem ad alterum cui subtractum est aliquid. Deo autem quamvis quantum ex parte sui est, nihil subtrahi possit; tamen peccator, quantum in ipso est, aliquid ei subtrahit peccando, ut dictum est: unde oportet ad hoc quod recompensatio fiat, quod aliquid subtrahatur a peccante per satisfactionem quod in honorem Dei cedat. Opus autem bonum, ex hoc quod est huiusmodi, non subtrahit aliquid, sed magis perficit ipsum: unde subtractio non potest fieri per opus bonum, nisi poenale sit. Et ideo ad hoc quod aliquod opus sit satisfactorium, oportet quod sit bonum, ut in honorem Dei sit; & poenale, ut aliquid peccatori subtrahatur. Similiter etiam poenam a culpa futura præservat: quia non facile homo ad peccata redit, ex quo poena expertus est: unde secundum Philosophum (I. Ethic. cap. 11. vel 111.) poenae medicinae sunt.

Ad primum ergo dicendum, quod quamvis Deus non delectetur in poenis ut sunt poenae, delectatur tamen in eis ut sunt iustitiae; & sic satisfactoria esse possunt.

Ad secundum dicendum, quod sicut in satisfactione consideratur poenalitas, ita in merito consideratur difficultas. Diminutio autem difficultatis ex parte ipsius actus diminuit meritum ceteris paribus; sed diminuitur.

Z z 2

(a) Vulgata: *ut ego autem est psallat*. (b) *idest aliud*.

minutio difficultatis ex promptitudine voluntatis non diminuit meritum, sed augeat. Et similiter diminutio penalitatis (a) ex promptitudine voluntatis, quod facit caritas, non diminuit efficaciam satisfactionis, sed augeat.

Ad tertium dicendum, quod debitum pro peccato est recompenratio offensae, quae sine poena peccantis non fit; & de tali debito Anselmus intelligit.

SOLUTIO II.

Ad secundam quaestionem dicendum, quod recompenratio offensae praeteritae potest fieri & ab eo qui offendit, & ab alio. Quando autem fit ab alio, talis recompenratio vindicationis magis quam satisfactionis rationem habet. Quando autem fit ab ipso qui offendit, etiam rationem satisfactionis habet. Unde si flagella quae pro peccatis a Deo infliguntur, hanc aliquo modo ipsius patientis rationem satisfactionis accipiunt. Fiunt autem ipsius, in quantum ea acceptat ad purgationem peccatorum, eis utens patienter. Si autem ratio eis per impatentiam dissentiat, tunc non efficiuntur aliquo modo ipsius: & ideo non habent rationem satisfactionis, sed vindicationis tantum.

Ad primum ergo dicendum, quod quamvis illa flagella non sint omnino in potestate nostra, tamen quantum ad aliquid sunt, cum scilicet eis patienter utimur; & sic homo facit de necessitate virtutem: unde & meritoria, & satisfactoria esse possunt.

Ad secundum dicendum, quod sicut ex eodem igne, ut Gregorius * dicit, aurum rutilat, & palea sumat; ita eisdem flagellis & boni purgantur, & mali magis inficiuntur per impatentiam: & ideo quamvis flagella sint communia, tamen satisfactoria est tantum bonorum.

Ad tertium dicendum, quod flagella respectum habent ad culpam praeteritam semper, sed non semper ad culpam personae, sed ad culpam naturae. Si enim in natura humana nulla culpa praecessisset, nulla poena fuisset. Sed quia culpa in natura praecessit, personae alicui divinitus poena inferitur sine culpa personae, ad meritum virtu-

tis, & cautelam peccati sequentis: & haec duo etiam necessaria sunt in satisfactione. Oportet enim esse opus meritorium, ut honor Deo exhibeatur; & oportet esse virtutum custodiam, ut a futuris peccatis praeservemur.

SOLUTIO III.

Ad tertiam quaestionem dicendum, quod satisfactoria, ut dictum est, debet esse talis per quam aliquid nobis subtrahamus ad honorem Dei. Nos autem non habemus nisi tria bona, scilicet bona animae, bona corporis, & bona fortunae, scilicet exteriora. Ex bonis quidem fortunae subtrahimus aliquid nobis per elemosynam; sed ex bonis corporalibus per ieiunium; ex bonis autem animae non oportet quod aliquid subtrahamus nobis quantum ad essentiam, vel quantum ad diminutionem ipsorum, quia per ea efficiuntur Deo accepti, sed per hoc quod ea submittimus Deo totaliter; & hoc fit per orationem. Competit etiam iste numerus ex parte illa qua satisfactoria peccatorum causas excidit: quia radices peccatorum tres ponuntur I. Ioan. 11. *concupiscentia carnis, concupiscentia oculorum, & superbia vitae*. Et contra concupiscentiam carnis ordinatur ieiunium; contra concupiscentiam oculorum, elemosyna; contra superbiam vitae, oratio, ut Augustinus dicit super Matth. Competit etiam quantum ad hoc quod satisfactoria est, peccatorum suggestionibus aditum non indulgere: quia omne peccatum vel in Deum committimus, & contra hoc ordinatur oratio; vel in proximum, & contra hoc elemosyna; vel in nos ipsas, & contra hoc ordinatur ieiunium.

Ad primum ergo dicendum, quod secundum quosdam duplex est oratio: quaedam quae est contemplativorum, quorum conversatio in caelis est; & talis, quia totaliter est delectabilis, non est satisfactoria: alia est quae pro peccatis gemitus fundit; & talis habet poenam, & est satisfactoria pars. Vel dicendum est melius, quod quilibet oratio habet rationem satisfactionis: quia quamvis habeat suavitatem spiritus, tamen habet afflictionem carnis: quia, ut dicit Gregorius super Ezech. (hom. xiv.) dum

(a) *Ad. additur non.*

EX EDIT. P. NICOLAI.

* In Gregorio non occurrit; sed Augustini potius est Lib. I. de Civit. Dei cap. viii. versus finem, ubi & aliis exemplis probat quod in eadem afflictione mali Deum detestantur, atque blasphemant, boni autem precantur, & laudant.

dum crescit in nobis fortitudo amoris intimi, inhiaturat procumbit fortitudo carnis: unde & nervus femoris iacob ex lula Angelus emarcuisse legitur in Genesi (cap. xxxii.).

Ad secundum dicendum, quod peccatum carnale dicitur dupliciter. Uno modo quod in ipsa delectatione carnis completur, ut gula, & luxuria; alio modo quod completur in his quæ ad carnem ordinantur, quamvis non in delectatione carnis, sed in delectatione animæ magis, ut avaritia: unde talia peccata sunt quasi media inter spiritualia & carnalia; & ideo oportet quod eis etiam respondeat aliqua satisfactio propria, scilicet elemosyna.

Ad tertium dicendum, quod quamvis singula istorum per quamdam convenientiam singulis peccatis appropriantur, quia congruum est ut in quo quis peccavit, in hoc puniatur, & quod peccati commissi per satisfactionem radix abscindatur; tamen quodlibet horum pro quolibet peccato satisfacere potest. Unde ei qui non potest unum ex eis perficere, iniungatur aliud: & præcipue elemosyna aliorum vices supplere potest, inquantum alia satisfactionis opera per elemosynam sibi quisque (a) mercatur quodammodo in illis quibus elemosynam tribuit: unde non oportet quod si elemosyna omnia mundat peccata, propter hoc alie satisfactiones superfluant.

Ad quartum dicendum, quod quamvis sint multa peccata in specie, tamen omnia ad illas tres radices, vel ad illa tria peccatorum genera quibus diximus dictas satisfactiones respondere, reducuntur.

Ad quintum dicendum, quod quidquid ad afflictionem corporis pertinet, totum ad ieiunium refertur; & quidquid ad proximi utilitatem expenditur, totum elemosynæ rationem habet; & similiter quæcumque latria exhibetur Deo, orationis accipit rationem: & ideo etiam unum opus potest habere plures rationes satisfactionis.

ARTICULUS V.

Utrum restitutio sit satisfactio pars.

1. **A**D quintum sic proceditur. Videtur quod restitutio sit satisfactio pars. Quia satisfactio reconciliat Deo, & proximo. Sed per restitutionem homo re-

conciliatur proximo. Ergo restitutio est satisfactio pars.

2. Præterea. Satisfactio fit per contrarium peccati, sicut per ieiunium satisfaciuntur de gula. Sed contrarium peccati maior ablationis est restitutio. Ergo restitutio est quædam satisfactio pars.

3. Præterea. Ambrosius dicit (Lib. II. de poenit. cap. penult.) quod vera poenitentia est a peccato cessare. Sed qui restituit, a peccato cessat: quia quamdiu quis alienum eo invito detinet, peccat. Ergo restitutio est pars poenitentia. Sed non nisi ratione satisfactionis. Ergo est pars satisfactio.

Sed contra. Satisfactio fit Deo, ut patet per distinctionem Anselmi supra positam. Sed restitutio fit proximo. Ergo satisfactio non est restitutio pars.

Præterea. Satisfactio ponitur in arbitrio sacerdotis poenitentiam iniungentis; non autem restitutio. Ergo restitutio non est satisfactio pars.

QUAESTIUNCULA II.

1. Ulterius. Videtur quod ablatum non semper debet restitui. Fama enim restitui non potest. Sed fama auferitur. Ergo non de omni ablato potest fieri restitutio.

2. Præterea. Damna in personam illata, sunt maxima. Sed huiusmodi damna non possunt restitui, ut ablato virginitatis, abscisso membri alicuius. Ergo non omne ablatum potest restitui.

3. Præterea. Qui impedit aliquem a consecutione alicuius, videtur hoc sibi auferre. Sed hoc non debet ei restituere, vel recomperare, sicut si quis impedit aliquem ne præbendam consequatur. Ergo videtur quod non omne ablatum debeat restitui.

4. Præterea. Qui occasionem damni dat, damnum dedisse videtur. Sed ille qui subvertit semina in campo prosterita, dat occasionem damni de toto fructu, qui inde sequi posset; & similiter de illo qui detinet pecuniam creditoris ultra terminum præfixum, ex qua ille poterat lucrari, de toto lucro quod accidere potuisset: nec tamen videtur quod teneatur ad restitutionem totius lucri quod accidere potuisset, vel fructus qui percipiendus esset. Ergo non oportet quod semper fiat ablatorum restitutio.

5. Sed contra. Videtur quod homo debet plus restituere quam abfulerit. Quia præceptum legis veteris est, ut, patet Exod.

(a) *id. meretur.*

xix. quod ovis reddatur in quadruplum, & bos in quintuplum: & hoc præceptum, cum sit de moribus, videtur esse morale. Ergo adhuc manet: ergo tenetur homo in quintuplum, vel quadruplum restituere.

6. Præterea. Ea quæ in Scriptura ponuntur, nobis in exemplum dantur. Sed Luc. x. dicitur, quod Zachæus se obtulit ad restitutionem in quadruplum eorum quæ acceperat per fraudem. Ergo & talis debet esse apud nos restitutionis modus.

QUÆSTIUNCULA III.

1. Ulterius. Videtur quod solus ille qui accipit, ad restitutionem tenetur. Quia non exigitur plus in restitutione quam illatum est in damno. Si ergo unus solus damnum intulit, ille solus ad restitutionem tenetur: alias multo plura reciperet damnicatus quam ea quæ amisit, si a quolibet consentiente deberet sibi in solidum, restitutio fieri.

2. Præterea. Nulli debetur restitutio nisi ei qui damnum passus est. Sed contingit quod aliquis præcipiat damnicari aliquem, vel consulat, aut consentiat; & tamen ille non damnicatur. Ergo tales non semper ad restitutionem tenentur.

3. Præterea. Nullus debet incurrere damnum personæ pro evitando damno pecunie alterius: quia caritas debet esse ordinata. Sed quandoque si aliquis raptorem manifestaret, incurreret personæ suæ periculum. Ergo non est verum quod tenetur ille qui non manifestat, ad restitutionem, ut quidam dicunt.

4. Præterea. Multi etiam boni viri non reprehendunt eos quos vident iniuste accipere aliena: unde durum esset dicere, quod tenerentur ad restitutionem omnium. Ergo etiam ille qui non reprehendit, non tenetur, ut a quibusdam dicitur, restituere.

Similiter etiam potest obijci de illis qui non obstant, & tamen ob stare possunt.

QUÆSTIUNCULA IV.

1. Ulterius. Videtur quod non sit semper restitutio facienda ei qui damnum passus est. Nullus enim potest restituere ei quem non cognoscit. Sed quandoque fur nescit cuius sit res quam furto accepit. Ergo videtur quod non tenetur ei restituere.

2. Præterea. Ille qui accipit, non tenetur nisi ad restitutionem. Sed aliquando

ad eum cui debet fieri restitutio, non posset pervenire sine magno damno, forte etiam (a) cum maiori quam sit pretium rei restituendæ. Ergo videtur quod in tali casu non teneatur ei restituere.

3. Præterea. Aliquis in depravatione civitatum iniuste accipit aliqua. Sed non potest ei cuius fuit, restituere: quia vel nescit eum, vel mortuus est. Ergo videtur quod non teneatur restituere.

4. Præterea. Aliquis prælatus Ecclesiæ iniuste aliquas res Ecclesiæ concedit (b) alicui. Sed iste non tenetur reddere Ecclesiæ, ut videtur: quia venirent ad manus illius prælati, qui non est dignus ea recipere. Ergo videtur quod non semper ei qui damnum passus est, sit restitutio facienda.

Sed contra est, quia per restitutionem integratur æqualitas iustitiæ. Sed æqualitas iustitiæ est ut quod auferatur a lucro, apponatur ad damnum, ut dicitur in V. Ethic. (cap. vi. vel vii.) Ergo videtur quod restitutio sit semper facienda ei qui damnum passus est.

SOLUTIO I.

Respondeo dicendum ad primam questionem, quod inæqualitas iustitiæ opposita duobus modis contingit. Uno modo in rebus exterioribus, ut quando unus rem aliam detinet; alio modo in actionibus, & passionibus, sicut cum quis alium per violentiam verberat: & hæc duo aliquando separata sunt, ut per se patet; aliquando autem coniunguntur, ut cum quis per violentiam accipit, in quo ei a quo accipit, iniuriam, & contumeliam infert: & secundum hoc reparatio æqualitatis iustitiæ dupliciter significatur. Reparatio enim inæqualitatis existentis in rebus, restitutio dicitur; reparatio autem inæqualitatis existentis in actionibus, & passionibus, satisfactio nominatur: & ideo quandoque est satisfactio sine restitutione aliqua, ut cum quis se proximo humiliat de aliquibus contumeliis ei dictis; aliquando autem restitutio sine satisfactio, ut cum quis mutuum reddit; aliquando autem utrumque exigitur, ut cum quis alicui per violentiam rem suam subtrahit: & sic loquimur hic de restitutione rei male ablata, in quo homo proximum, & Deum offendit. Quidam ergo dicunt, quod talis restitutio non est pars satisfactionis: quia non debetur Deo tantum, nec est ad arbitrium sacerdotis, sed est ad satisfaciendum.

(a) *id est* in maiori. (b) *id est*, dicitur alicui.

nem praeambulum. Sed hoc nihil est: quia omne peccatum quod in proximum committitur, etiam in Deum commissum est; sicut & in dilectione proximi dilectio Dei includitur: unde & satisfactio proximi coniunctam habet satisfactionem Dei. Nec obstat quod non est ad arbitrium sacerdotis: quia sacerdos non est ibi vicarius proximi, sicut est vicarius Dei: & ideo satisfactio quae est Deo facienda, dependet ex arbitrio eius; sed satisfactio quae est proximo, & Deo simul facienda, non. Et ideo alii dicunt, quod est satisfactio pars. Sed hoc verum non est: quia satisfactio offensam removet, & a poena liberat. Nullus autem ex hoc ipso quod offendere desistit, consequitur hoc quod de offensa praecedenti reconciliationem inveniat, vel poenam pro illa debitam evadat; sed hoc solum consequitur, quod maiorem offensam, & poenam non cumulat: & sic cessare ab offensa nulla pars satisfactionis est, sed est praeambulum ad satisfactionem. Et ideo cum restitutio nihil aliud sit quam ab offensa cessare, quia ex hoc ipso quod rem alienam detinet eo invito, offendit; constat quod non est pars satisfactionis proprie acceptae, sed est praeambulum ad satisfactionem; non tamen propter rationem prius assignatam: quia bene concedimus quod satisfactio proximo facta, est pars satisfactionis Deo factae; sed restitutio non est pars satisfactionis neque Deo, neque proximo factae.

Ad primum ergo dicendum, quod de offensa homo proximo non reconciliatur per hoc quod sua ei restituit, sed per hoc quod supra hoc aliquid humilitatis ei exhibet; & ita non sequitur quod restitutio sit satisfactio pars.

Ad secundum dicendum, quod restitutio non est contrarium ad acceptionem, vel detentionem iniustam; sed magis est negatio, vel privatio ipsius: & ideo non oportet quod hoc sufficiat ad satisfactionem, sicut nec est satisfactorium pro gula ut quis non immoderate comedat, sed ut etiam a moderatis abstinat.

Ad tertium dicendum, quod cessare a peccato dicitur esse pars poenitentiae, non quidem desistendo a peccato praeterito sicut praeambulum ad poenitentiam, sed praedicendo causas futurorum peccatorum, ut dictum est prius.

SOLUTIO II.

Ad secundam quaestionem dicendum, quod per satisfactionem oportet quod homo sicut Deo, ita proximo reconcilietur. Reconciliatio autem nihil aliud est quam amicitiae reparatio. Manente autem causa dissolutionis amicitiae, amicitia reparata non potest: quare quidem causa fuit inaequalitas ex iniusta acceptione, vel detentione causata: & ideo ille satisfacere non potest, nec Deo reconciliari, qui rem male ablata, vel detentam male, non restituit. Sed sciendum, quod amicitia, ut Philosophus dicit in VIII. Ethic. (cap. xiv. & xvi.) non requirit semper aequale, sed quod possibile: & ideo si aliqua sunt ablata quae omnino restitui non possunt, sufficit voluntas restituendi cum tanta restitutione, quanta possibilis est secundum conditionem utriusque ad arbitrium bonorum.

Ad primum ergo dicendum, quod ille qui malitiam alicuius manifestat ei qui habet corrigere, vel etiam, si sit incorrigibilis, in conspectu Ecclesiae, ut confusus a peccato desistat, vel saltem ut alii ab eius consortio corruptivo discedant, servato ordine caritatis fraternae, non iniuste famam auferit: unde non tenetur ad famae restitutionem. Si autem intentione diffamandi hoc fecerit, iniuste auferit, etiam si verum sit quod dicit: & tunc tenetur ad famae restitutionem vel dicendo se falsum dixisse, si falsum dixit; vel quocumque alio modo, non mentiendo, si verum dixit, sine hoc tamen quod se verum (a) dixisse dicat: quia non debet alterius famam cum mendacio restituere.

Ad secundum dicendum, quod restitutio principaliter inventa est in damnis quae inferuntur in rebus fortunae, quae restitui possunt; in his autem quae obiectio tangit, quae non possunt ad simile bonum restitui, debet fieri restitutio qualis possibilis est, scilicet ad arbitrium bonorum.

Ad tertium dicendum, quod ille qui impedit aliquem ne praebendam consequatur, si hoc faciat, quia indignus est, vel ut de alio melius provideatur, non iniuste facit, unde non tenetur ad restitutionem; si autem animo laedendi ipsum, tenetur ad restitutionem, non quidem tanti quantum valebat praebenda, quia ipse eam non bene erat consecutus, sed pensatis conditionibus utriusque secundum arbitrium bonorum.

Ad

(a) *Id. desit non dixisse.*

Ad quartum dicendum, quod ille qui subfodit semina, non tenetur ad tantum quantum agri fructus valituri erant, sed quantum ager sic seminatus valere consuevit: quia multis de causis potest impediri agrorum fructus. Et similiter dicendum est de eo cui debitum non restituitur suo tempore: quia non tenetur restituere tantum quantum lucrari potuisset, sed secundum estimationem lucri quod accidere consuevit, peniato labore, & infortunio etiam, quæ in lucro accidere alias possent: quia lucrum non causatur tantum ex pecunia, sed ex industria, & labore.

Ad quintum dicendum, quod illud præceptum legis quamvis sit de moribus, non tamen est morale, sed iudiciale. Talia enim præcepta pro loco, & tempore populo illi dabantur: unde nunc non obligant nisi de novo statuerentur ab aliquo qui statuendi haberet potestatem. Nihilominus tamen in quantum habebant aliquid significationis, per Christum impleta sunt huiusmodi præcepta, sicut & caeremonialia.

Ad sextum dicendum, quod Zachæus non dixit hoc quasi necessarium, sed ex abundantia.

SOLUTIO III.

Ad tertiam quæstionem dicendum, quod quidam versus dantur de illis qui tenentur (a) ad restitutionem, tales.

Iussio, consilium, consensus, palpo, recusatus,

Participans, mutus, non obstant, non manifestans.

Sed tantum quinque istorum sunt quæ ad restitutionem semper obligant: quorum primum est *iussio*, quando aliquis iubet aliquem deprezari, alias tyranni non tenerentur ad restitutionem. Secundus est *consensus* ad rapinam perpetranda in eo sine quo rapina fieri non poterat. Tertium est *recusatus*, quando scilicet aliquis receptor latronum est, & eis patrocinium præstat.

Quartum est *participatio*, quando aliquis latroni se sociat ad spoliandum, & partem spoliatorum accipit. Quintum est *non obstant*, cum scilicet ex officio obstat tenetur; ut Principes terræ, qui instituti servare debent, si non obstant, cum obstat possint, ad restitutionem tenentur. In aliis autem causis enumeratis non obligatur semper quis ad restitutionem, nisi in certis casibus, quando probabiliter credit quod consilium suum fuit efficax, & quod alias in-

iusta ablatio commissæ non fuisset. Similiter etiam non omnis *palpo*, idest adulator, ad restitutionem tenetur; sed ille qui adulando ad auferendum incitat, dicens hoc signum strenuitatis esse. Similiter etiam *mutus* dicitur qui ex officio reclamare tenetur, & non reclamare; nec tunc semper tenetur ad restitutionem, nisi operetur ut fiat iniusta ablatio; sed debet inducere eum qui abstulit, ut reddat. Similiter etiam non omnis qui non manifestat, tenetur ad restitutionem; sed ille qui pro latrocinio celat, & particeps est lucri. In omnibus autem his, si principalis restituit, alii deobligantur a debito restitutionis.

Et per hoc patet solutio ad obiectionem.

SOLUTIO IV.

Ad quartam quæstionem dicendum, quod restituere est iterato statuere aliquem in suæ rei possessione: & ideo patet quod illi qui privatus est re sua, debet fieri restitutio.

Ad primum ergo dicendum, quod quando incertus est dominus rerum ablatarum, pauperes sunt heredes: & ideo non debentur a debito restitutionis, nisi det pauperibus pro anima illius cui restitutio debebatur, adhibita tamen prius diligentia debita.

Ad secundum dicendum, quod si sit res magni valoris, debet sibi transmitti, si potest commode: nec obstat, si damnum de remissione patitur, quia ipse sibi causa fuit iniuste auferendo. Si autem transmitti non possit, vel res sit non magni valoris, potest eam dare propinquis illius si habet, vel alicui cœnobio, si non habet propinquos, cum protestatione tali quod ei reddere teneantur, si requisiverit, vel unquam comparuerit.

Ad tertium dicendum, quod ille qui illo modo accipit, debet pauperibus illius villæ restituere, vel in alios usus communis illius civitatis expendere secundum arbitrium Episcopi, vel illorum ad quos pertinet cura illius civitatis.

Ad quartum dicendum, quod debet fieri restitutio Ecclesiæ, ut res illæ deveniant ad successorem illius prælati: quia quavis ipse eas recipere non mercatur, Ecclesia tamen perdere eas non debet.

QUAE-

(a) Ad restitutiones tales.

QUAESTIO II.

DEinde queritur de eleemosyna : & circa hoc queruntur sex.

Primo. Quid sit.

Secundo. De effectu, sive fructu eius.

Tertio. De partibus eius.

Quarto. De quo sit danda eleemosyna.

Quinto. Quis possit eam dare.

Sexto. Cui debeat dari.

ARTICULUS I.

Utrum diffinitio eleemosyna sit convenienter assignata.

2. 2. *quest. xxxii. art. 1.*

1. **A**D primum sic proceditur. Videtur quod diffinitio eleemosynae, quam quidam assignant, scilicet *Eleemosyna est opus in quo datur aliquid indigenti ex compassione propter Deum*, sit inconvenienter assignata. Visitare enim infirmos species eleemosynae est. Sed in hoc opere non datur aliquid. Ergo dario non debet poni in diffinitione eleemosynae.

2. Praeterea. Ipsum datum eleemosyna dicitur, quia dicitur eleemosynam dare. Sed ipsum datum non est opus, sed res quaedam. Ergo eleemosyna non est opus.

3. Praeterea. In eleemosynis aliquid quandoque datur clericis praebendis, qui tamen non indigent, sed divites sunt. Ergo non est de ratione eleemosynae quod indigenti datur.

4. Praeterea. Opus quod fit ex electione, est magis laudabile quam opus quod fit ex passione: quia est Deo conformius, qui nihil ex passione operatur. Sed compassio est passio quaedam: quia nullus compatitur, nisi patitur. Ergo non est ex necessitate eleemosynae quod ex compassione datur.

5. Praeterea. Actus non recipit speciem a fine ultimo, sed a proximo: alias omnes actus virtutum essent unius speciei. Sed ultimum quod ponitur in diffinitione, debet esse differentia specifica. Cum ergo Deus sit ultimus finis omnium actionum nostrarum, videtur quod non debeat poni in diffinitione eleemosynae quasi finalis differentia.

QUAESTIUNCULA II.

1. Ulterius. Videtur quod eleemosyna non sit satisfactionis pars. Non enim est *S. Tb. Oper. Tom. XII.*

necessarium satisfacere nisi qui peccaverit. Sed si numquam homo peccasset, necesse haberet eleemosynas dare. Ergo non est satisfactionis pars.

2. Praeterea. Totum non potest esse perfectum, si pars ei subtrahatur. Sed potest aliquis perfecte satisfacere de aliquo peccato, etiam si nullam eleemosynam det. Ergo satisfactionis pars non est eleemosyna.

3. Praeterea. Nihil potest esse pars totius, nisi differat ab aliis eius partibus. Sed eleemosyna non differt a ieiunio, & oratione, secundum quod ad poenitentiam pertinet, quia hoc eis omnibus competit in quantum sunt poenalia, ut ex dictis patet. Ergo eleemosyna non est satisfactionis pars.

4. Praeterea. In sacramentis necessitatis, ut in baptismo, adhibetur remedium quod nulli possit deesse, sicut aqua. Sed poenitentia est sacramentum necessitatis, ut ex praemissis patet. Ergo cum dare eleemosynam non possit cuilibet competere qui peccare potest, quia non est nisi possidentium aliquid; videtur quod non debeat poni poenitentiae, & satisfactionis pars.

Sed contra. Luc. 11. super illud, *Facite fructus dignos poenitentiae*, dicit Glossa (Bedæ) quod dare eleemosynam sit pars poenitentiae. Sed non nisi ratione satisfactionis. Ergo est pars satisfactionis.

Praeterea. In foro seculari non solum punitur aliquis per corporis lationem, sed etiam per bonorum subtractionem. Sed satisfactio in foro poenitentiae fit per opera poenalia. Ergo debet non solum ieiunium, quo affligitur corpus, sed etiam eleemosyna, in qua subtrahuntur res temporales, pars poenitentiae esse.

QUAESTIUNCULA III.

1. Ulterius. Videtur quod eleemosyna non sit actus virtutis. Quia I. Timoth. iv. ubi dicitur quod pietas ad omnia valet, exponitur pro eleemosynarum largitione. Sed pietas non est virtus, sed donum. Ergo eleemosyna non est actus virtutis.

2. Praeterea. Nulla passio est virtus, ut Philosophus probat in II. Ethic. (cap. 11.) Sed eleemosyna ex misericordia procedit, quae passio est, ut patet per Glossam (Cassiodori) super illud Psal. xxxvi. *Tota die miseretur*. Eleemosyna a misericordia incipit. Ergo non est actus virtutis.

3. Praeterea. Nihil est in genere quod

Aaa non

non sit in aliqua eius specie. Sed non potest reduci, ut videtur, ad aliquam speciem virtutis: quia tantum tres virtutes invenimus circa exteriora bona operari, in quibus non est eleemosyna, scilicet iustitia, liberalitas, magnificentia. Eleemosyna autem non est actus iustitiae, quia non reddit alienum, sed dat suum: similiter nec actus liberalitatis, quia liberalitas non attendit indigentiam, quam attendit eleemosyna: similiter nec magnificentiae, quia potest esse in parvis, & in magnis. Ergo non est actus virtutis.

4. Sed contra est. Subvenire miseris est actus iustitiae, ut patet per Augustinum (de verbis Domini ferm. 3.) & habitum est in III. Lib. dist. xxxiii. (quaest. 11. art. 2. quaest. 111.) Sed subvenire miseris pertinet ad eleemosynam. Ergo eleemosyna est actus iustitiae, & sic est actus virtutis.

5. Præterea. Nihil est meritorium nisi actus virtutis: quia felicitas est virtutis premium, ut etiam Philosophus dicit (X. Ethic. cap. vi.) Sed eleemosyna est maxime meritoria. Ergo est actus virtutis.

QUAESTIUNCULA IV.

1. Ulterius. Videtur quod eleemosyna non cadat in præcepto. Luc. 111. super illud. *Interrogaverunt eum turbæ, dicit Glossa (interlinealis). „ Ex verbis Ioannis „ terrore percussu consilium quærunt. „* Sed Ioannes respondit quod intenderent eleemosynis. Ergo dare eleemosynas est consilium, & non præceptum.

2. Præterea. Quilibet potest licite sua retinere. Sed retinendo sua non dat aliquis eleemosynam. Ergo dare eleemosynam non est in præcepto.

3. Præterea. Si cadit eleemosyna sub præcepto, non cadit nisi sub præcepto negativo: quia Ambrosius dicit (ut habetur dist. xxvi. cap. *Pasce*) *Pasce famem morientem: si non pavisti, occidisti.* Non occidere autem est præceptum negativum. Sed non cadit sub præcepto negativo; alioquin homo teneretur semper eleemosynam dare: quia præcepta negativa obligant semper, & ad semper. Ergo dare eleemosynam non cadit sub aliquo præcepto.

4. Præterea. Omne quod cadit sub præcepto, aliquo tempore obligat transgressores ad peccatum mortale. Sed hoc non est de eleemosyna: quia semper potest probabilis opinio alicui remanere, quod si ipse

non subvenit, alius subvenire possit: non enim unus posset omnibus subvenire. Ergo dare eleemosynam non cadit sub præcepto.

Sed contra est quod dicit Glossa Matth. vi. *Te autem faciens eleemosynam: „ Conscientiæ facienti eleemosynam pro præcepto adimplendo miscet se laudis appetitio. „* Ergo dare eleemosynam cadit sub præcepto.

Præterea. Illud sine quo caritas esse non potest, cadit sub præcepto. Sed sine eleemosynarum largitione in aliquo casu caritas esse non potest, ut patet I. Ioan. 111. 17. *Qui habuerit substantiam huius mundi, & viderit fratrem suum necessitatem patientem, & clausit viscera sua ab eo, quomodo caritas (a) Patris manet in ipso, quasi dicat, nullo modo. Ergo dare eleemosynam cadit sub præcepto.*

SOLUTIO I.

Respondeo dicendum ad primam quaestionem, quod eleemosyna nomen graecum est, *eleemosyni*, munus quod inopi datur; & dicitur ab *ἐλεος*, quod est miseratio, seu misericordia, quæ miseriam alienam suam facit. Unde sicut homo miseriam a se expellit quantum potest, ita misericors miseriam alienam expellit ei subveniendo: quæ quidem subventio fit per hoc quod ei sua bona communicat: unde ipsa communicatio bonorum propriorum ad miserum, nomen eleemosynæ accepit. Hæc autem communicatio non potest esse meritoria, & virtuosa, nisi quando propter Deum fit: & ideo in diffinitione prædicta tanguntur omnia quæ ad perfectionem eleemosynæ concurrunt, secundum quod est meritoria. Ipsa enim miseria aliena, quæ est misericordiae principium, tangitur in hoc quod dicit, *indigenti*; misericordia autem, quæ ex miseria aliena nascitur in nobis, tangitur in hoc quod dicit, *ex compassione*; sed misericordiae effectus in relevando alienam miseriam quasi suam tangitur in hoc quod dicitur, *opus in quo aliquid datur*, hoc enim est essentialiter ipsi eleemosynæ; sed intentio directæ in Deum, quæ dat ei rationem merendi, tangitur in hoc quod dicitur, *propter Deum*.

Ad primam ergo disputationem, secundum Philosophum in V. Ethic. (cap. viii. vel ix.) quod omnia illa quorum pretium nummismate potest comparari, vel consuevit, potest in ratione dati, & accepti venire:

(a) Vulgata, *Dei manet in eo.*

nire: & ideo illi actus qui in subventione alienæ miseriæ exhibentur, etiam quasi dona accipiuntur, cum sine pretio impenduntur.

Ad secundum dicendum, quod quia habitus distinguuntur ex actibus, & actus ex obiectis; ideo quandoque nomina æquivalentur ad habitus, actus, & obiecta; sicut patet de fide, quæ potest significare vel habitum fidei, vel actum eius, aut ipsam rem creditam: & similiter eleemosynæ nomen aliquando significat ipsam rem datam, & sic non diffinitur hic; aliquando ipsam dationem, & sic accipitur prædicta diffinitio.

Ad tertium dicendum, quod clericis, etiam si ipsi non indigeant, eleemosynæ dantur, ut ministris pauperum, & dispensatoribus eleemosynarum: & ideo quod eis in eleemosynam datur, per eos pauperibus transmittitur.

Ad quartum dicendum, quod, sicut in III. dist. xxvi. (quæst. i. art. 5: in corp.) dictum est, nomina passionum sensibilibus aliquando per quamdam similitudinem transferuntur ad actus voluntaris, qui sine passione sunt; & sic compassio, quæ proprie importat passionem tristitiæ de aliena miseria, dicitur quandoque de ipso actu voluntatis, quo alicui displicet aliena miseria: & sine tali compassione numerum eleemosynæ danda est, quia non subveniret alicui miseriæ alienæ, nisi vellet eum non esse miserum; & talis compassio etiam in Deo est, quia ei mala nostra ex voluntate antecedente displicent, & quandoque etiam ex consequente. Sed in nobis etiam quandoque adiungitur compassio proprie dicta, quia appetitus superior natus est appetitui inferiorem movere: unde si sit fortis impressio in superiori, erit etiam in inferiori, nisi aliquid repugnet: & secundum hoc misericordia, & verecundia, & quædam alie passionis laudabiles sunt, inquantum ex debita electione boni procedunt.

Ad quintum dicendum, quod quamvis esse propter Deum non det speciem eleemosynæ quantum ad esse suum primum, tamen dat sibi ultimum complementum, secundum quod est meritoria: & ideo ultimo in diffinitione ipsius ponitur.

SOLUTIO II.

Ad secundam questionem dicendum, quod a peccato delictis non est de essen-

tia satisfactionis, ut ex prædictis patet: sed est ad satisfactionem præambulum, sicut fundamentum ipsius. Unde cum aliquis peccet hoc ipso quod non facit hoc quod facere tenetur, constat quod id quod quis alias facere tenetur, non est de essentia satisfactionis, sed præambulum ad ipsam. Unde cum ad eleemosynarum largitionem quandoque aliquis tenetur, quandoque non, ut postea patebit, constat quod illarum eleemosynarum largitio ad quam quis tenetur, non est pars satisfactionis, sed præambulum ad ipsam. Illæ vero eleemosynæ, ad quas quis alias non tenetur, possunt satisfactoriæ esse, cum sint opera bona, & pœnalia, quod exigebatur ad opus satisfactorium: punitur enim quis non solum ex afflictione corporis facta, sed ex subtractione rerum.

Et per hoc patet solutio ad primum. Quidam tamen dicunt, quod etiam primæ satisfactoriæ sunt ex largitione divinæ misericordiae.

Ad secundum dicendum, quod ratio illa procedit de parte integrali. Eleemosyna autem non est talis pars satisfactionis, sed magis subiectiva: & ideo etiam sine ipsa satisfactio suam completam rationem habet in qualibet suarum partium per se, (a) sicut animal in qualibet suarum specierum.

Ad tertium dicendum, quod pœna dicitur malum, inquantum subtrahit aliquod bonum, quia sic naturæ nocet. Unde sicut est diversæ ratio boni in divitiis, quas appetit concupiscentia carnis, & honoribus, in quos tendit superbia vitæ; ita est diversæ ratio pœnæ in eleemosyna, quæ subtrahit divitias, & in ieiunio, quod subtrahit delicias, & in oratione, quæ altitudinem superbi spiritus deprimit per humilitatem: & propter hoc sunt diversæ partes satisfactionis. Nec differt de prædictis bonis utrum sint simpliciter bona, vel æstimata bona quantum ad rationem pœnæ, sicut neque quantum ad rationem appetitus: pœna enim voluntati contrariatur, ut Anselmus dicit.

Ad quartum dicendum, quod eleemosyna non tantum consistit in collatione pecuniæ, sed etiam in aliis obsequiis propter Deum proximis factis, ut dictum est: unde etiam alicui pecunia desit, non tamen facultas dandi eleemosynam deest, & si deest omnino facultas respectu eleemosynarum corporalium propter penuriam rerum,

Aaa 2

&

(a) sicut aliter.

& corporis debilitatem, non tamen deest facultas respectu eleemosynarum spiritualium, quia posset (a) alteri vel consulere, (b) vel orare saltem; & si etiam facultas omnino deesset, voluntas completa sufficeret.

SOLUTIO III.

Ad tertiam quaestionem dicendum, quod cum virtus sit habitus quo dirigimur ad bene operandum, oportet quod omnis actus quod de se rectitudinem importat, ad aliquam virtutem reducat, quamvis etiam in sui ratione non exprimat omnem illud quod ad perfectionem virtutis requiritur; sicut dare quando dandum est, dicitur esse actus liberalitatis, quamvis in hoc non exprimat omnis debita circumstantia quae ad actum liberalitatis exigitur. Cum ergo eleemosyna, secundum quod dictum est, importet quandam rectitudinem, quia significat donationem ordinatam ad subventionem miseris, quod ipsum nomen declarat, cum eleemosyna ab *eleos*, quod est miseratio, seu misericordia, dicatur, patet quod eleemosyna de se dicitur virtutis actum, quamvis nun exprimat omnes conditiones quae ad actum virtutis requiruntur. Donationes autem, & acceptiones ordinat liberalitas: unde oportet quod eleemosyna sit aliquo modo actus liberalitatis, cuius misericordia pars ponitur a quibusdam, ut in III. dictum est dist. xxxi. (quaest. III. art. 4.) eo quod liberalitas consistat bonum communiter in donationibus; sed misericordia consistat in eis aliquod speciale bonum, quod est relevatio miseriae aliorum: unde eleemosyna est actus misericordiae, & per consequens liberalitatis.

Ad primum ergo dicendum, quod pietas secundum Augustinum X. de Civit. Dei (cap. I.) more vulgi dicitur ipsa misericordia; & sic ad pietatem pertinere dicitur eleemosyna, & non secundum quod est donum. Qualiter autem pietas donum a misericordia differat, in Lib. III. dist. xxxiii. (quaest. III. art. 4. quaest. 6.) dictum est.

Ad secundum dicendum, quod misericordia secundum quod importat compassionem tantum ad miseriam alterius, non est virtus, sed passio; secundum autem quod importat electionem compatiens, secundum hoc virtus est.

Ad tertium dicendum, quod, ut patet, eleemosyna reducit ad aliquam virtutem etiam a Philosophis assignatam: quia ad misericordiam immediate, & ad liberalitatem mediate. Quamvis enim liberalitas communiter non attendat indigentiam, nihil tamen prohibet aliquam liberalitatis speciem indigentiam attendere.

Ad quartum dicendum, quod subvenire miseris, ut ibidem dictum est, non est actus iustitiae ratione sui, sed ratione iustitiae partis, secundum quod liberalitas etiam ad iustitiam reducit sicut pars.

Quantum concedimus.

SOLUTIO IV.

Ad quartam quaestionem dicendum, quod cum eleemosyna sit actus virtutis, oportet quod aliquo modo cadat sub pracepto, quia praeccepta legislatoris ad virtutem ducere intendunt, ut dicitur II. Eth. [cap. 3] Reducitur autem ad hoc praecceptum, *Honora parentem*: hoc (c) enim ille secundum Augustinum ad reverentiam, & subventionem in necessariis pertinet, & nomine patet omnis proximus intelligitur. Sed praeccepta affirmativa non obligant ad semper, quamvis semper obligent: sed obligant pro loco, & tempore, & secundum alias determinatas conditiones. Cum autem usus divitiarum sit ordinatus ad subventionem necessitatibus praesentis vitae, quae quidem subventio debet esse ordinata; patet quod qui divitiis non utitur, ad subveniendum praesentis vitae necessitatibus, vel inordinate utitur, a virtute recedit. Ordo autem subventionis talis debet attendi (a) quantum ad duo. Primo ex parte eorum quibus subvenitur, ut primo sibi, postea sibi coniunctis subveniat, & deinde extraneis. Secundo ex parte necessitatis talis debet esse ordo, ut prius (e) absolute necessitati subveniatur quam alicui necessitati conditionatae, quae est cum quis indiget aliquo ad sui status decentem conservationem: & ideo praecceptum legis ad hoc obligat, ut illud quod superest alicui post (f) subventionem sibi factam, & sibi coniunctis (quia familiae, quam gubernare debet) respectu utriusque necessitatis, in eleemosynas expendat ad subveniendum illius respectu utriusque dictarum necessitatum; sicut etiam natura illud quod sibi

de

(a) absolute. (b) Nicolaus; vel pro illo saltem orare. (c) Al. autem. (d) Al. quantum ad duo ex parte sua. (e) Al. absolute necessitatibus. (f) Al. subventionem perfectam.

de alimento superfluit ab actu nutritivæ, in quo attenditur quasi necessitas absoluta, & actu augmentativæ, in quo attenditur quasi necessitas conditionata, præparat ad conservandam speciem, generativæ virtuti subministrans. Et similiter præceptum legis obligat, quod etiam necessitati extraneorum absolutæ primo subveniat quam necessitati propriæ, vel propinquo conditionatæ: & ideo dicitur communiter, quod dare elemosinam de superfluo, cadit in præcepto; & sic dare elemosinam ei qui est in extrema necessitate; dare autem de eo quod est necessarium necessitate secunda, non autem de eo quod est necessarium necessitate prima, quia hoc esset contra ordinem caritatis.

Ad primum ergo dicendum, quod facere aliquid boni, ad quod ex legis præcepto non tenemur, ad supererogationem pertinet, de qua consilia dantur: & ideo cum dicit aliquid de superfluo respectu primæ necessitatis, sed necessario secundæ necessitate, ad subveniendum maiori necessitati, etsi non sit necessitas absoluta, sit bonum, ad quod ex præcepto non obligamur; ideo est supererogationis, & propter hoc de hoc est consilium: & sic intelligitur Glossa illa.

Ad secundum dicendum, quod sicut est accipere superfluum, & diminutum in datione, ita in retentione, & acceptione, ut Philosophus dicit in V. Ethic. (cap. ix. vel x.) & ideo aliquis retinendo sua, contra virtutem facit quandoque, & per consequens contra legem Dei, quæ ad omnem virtutis actum sufficienter ordinat, quatinus non faciat contra legem secularis fori, quæ non potest perfecte ad omnes virtutes ordinare. Ex præterea quando alius est in statu extremæ necessitatis, efficiuntur sibi omnia communia: unde etsi per violentiam, vel surtum acciperet, non peccaret.

Ad tertium dicendum, quod (a) elemosyna, sicut dictum est, reducit ad præceptum affirmativum, quod est *Honora parentes*. Sed cum omne præceptum affirmativum pro tempore ad quod obligat, peccatum (b) omissionis inducat; omne autem peccatum sub prohibitione cadat; præcepta (c) affirmativa habent prohibitiones, sicut præcepta negativa, annexas pro illo tempore ad quod obligant, sicut etiam quilibet affirmatio habet ne-

gationem coniunctam: & secundum quod illud peccatum omissionis potest esse causa, vel occasio omissionis peccati; secundum hoc intelligitur quod Ambrosius dicit: *Pescet si non poveris, occidisti*.

Ad quartum dicendum, quod tempus ad quod obligat præceptum de elemosynis faciendis, accipitur ex parte accipientis, & ex parte dantis. Ex parte autem accipientis, quando apparent signa probabilia exitus a necessitate futuræ, nisi ei subveniatur, ut cum aliquis videt alios imponentes, vel pueros ab subveniendum, & pauperem inuicem cibum, & potum, & alius vitæ necessarius, nec sibi satisfacere posse: non enim expectanda est ultima necessitas, quia tunc forte non posset tuvari natura iam fame, vel siti consumpta. Dicit enim Chrysostomus super Ioannem (hom. lxxvi.) *Non oportet pauperem ululantem deceptum vocare. Quid dicit, o homo? Propter unum panem deceptionem quis complicit? Usque, dicit. Quocirca maxime misericordiam consequatur, ut (d) maxima necessitati eripatur*. Ex parte autem dantis, quando habet homo multa quibus non indiget neque ad sustentationem vitæ sui, & suorum, neque ad decentem status sui conservationem, etsi pauperes extremæ necessitatis non compareant. Neque oportet occasionem futuræ necessitatis prætereunda ultra probabilia signa futuræ necessitatis: quia hæc est superflua sollicitudo, quam Dominus prohibet Matth. vi. 21. *Nolite solliciti esse, dicentes: Quid manducabimus, aut, quid bibemus, aut quo operiemur? &c.*

ARTICULUS II.

Utrum elemosyna decedens in peccato mortali a pœna infernali liberet.

1. AD secundum sic proceditur. Videtur quod elemosyna decedens in peccato mortali a pœna infernali liberet. Tobias iv. 11. dicitur: *Elemosyna ab omni peccato, & a morte liberat, & non patietur animas ire in tenebras*. Sed in hoc nulla esset elemosynæ commendatio, si illos a tenebris eriperet qui tenebrarum debitores non erant. Ergo & decedentes in peccato mortali, qui tenebrarum debitores sunt, a tenebris inferni liberantur.
2. Præterea. Ambrosius (Ambrosiaster) dicit I. Timoth. iv. super illud,

(a) *Id. desuper elemosyna.* (b) *Id. omissionis.* (c) *Id. additur autem.* (d) *Id. maxima necessitas.*

Pietas ad omnia valet : „ Pietatem autem sequens, si lubricum carnis patitur, vapulabit quidem, sed non peribit. “ Non autem potest intelligi de lubrico veniali, vel de quo quis poenitet : quia etiam sine elemosynis per illud non periret. Ergo in peccato mortali decedentes, per elemosynam liberantur a perditione inferni.

Sed contra. Nullus liberatur a poena inferni, nisi per gratiam Dei : gratia enim Dei vita aeterna est : Roman. vii. Sed ille qui decedit in peccato mortali, caret gratia. Ergo nec per elemosynas a poena inferni liberari potest.

QUAESTIUNCULA II.

1. Ulterius. Videtur quod elemosyna sit minus satisfactoria quam alia opera satisfactionis. Marth. xvi. 20, dicitur : (a) *Hoc genus demoniorum in nullo eiicitur, nisi in ieiunio, & oratione* : nec fit aliqua mentio de elemosyna. Ergo ieiunium, & oratio sunt efficaciora ad delendum peccatum quam elemosyna.

2. Præterea. Satisfactionis opus oportet esse poenale, & Deo acceptum. Sed ieiunium est magis poenale quam elemosyna, & oratio est opus magis Deo acceptum quam elemosyna, inquantum maiorem familiaritatem cum Deo conquirat. Ergo elemosyna est minus satisfactoria quam ieiunium, & oratio.

Sed contra. Est quod Glossa (Ambrosiastri) dicit I. Timoth. iv. super illud *Pietas ad omnia valet* : „ Omnis summa disciplinæ christianæ est in misericordia, & pietate. “ Sed (b) in illo consistit summa rei quod est in re præcipuum. Ergo præcipuum inter alia satisfactionis opera est elemosyna.

QUAESTIUNCULA III.

1. Ulterius. Videtur quod virtus elemosynæ magis consistat in dato exteriori quam in affectu interiori. Ut (c) enim dicitur communiter in suffragiis mortuorum, citius liberantur pro quibus dantur plura, etiam si pro alio bona voluntas impendatur. Ergo efficacia elemosynæ magis consistit in dato quam in affectu.

2. Præterea. Efficacia elemosynæ est in expiando peccatum. Sed ubi est maius

datum, maius peccatum expiatur : quia pro maiori peccato maior summa pecunie in elemosynis danda iniungitur. Ergo efficacia elemosynæ præcipue consistit in dato.

Sed contra. Super illud Psal. lxxv. *Qui seminant in lacrymis* &c. dicit Glossa (Augustini) „ Magna voluntas multum dedit, multum seminavit : in hac voluntate illa vidua quæ duo minuta misit, non parum seminavit. “ Ergo efficacia elemosynæ magis pænsatur ex magnitudine voluntatis quam ex magnitudine dati.

SOLUTIO I.

Respondeo dicendum ad primam questionem, quod causa poenæ infernalis est culpa mortalis. Manente autem causa manet effectus. Unde cum ab eo qui in peccato mortali moritur, non possit ulterius culpa mortalis tolli, sicut nec a demonibus : quia, ut dicit Damascenus (Lib. II. de Fide orthod. cap. xv. in fine) quod est hominibus mors, est demonibus calus : patet quod neque elemosyna ab eo prius facta, neque post mortem eius facta ab alio, potest cum quis in peccato mortali decedit, a poena inferni liberare.

Ad primum ergo dicendum, quod eo modo quo aliquis liberatur a peccato mortali per elemosynam, liberatur ab infernalibus tenebris. Liberat autem elemosyna a peccato mortali hominem adhuc in statu viz existentem dupliciter : vel impediendo futurum peccatum, sicut & alia opera meritoria, quæ hominem in gratia confirmant ; vel a præterito liberando, inquantum disponit eum qui in peccato incidit, ad gratiam recuperandam, sicut & alia opera de genere bonorum recta intentione facta.

Ad secundum dicendum, quod intelligitur de lubrico mortali. Quod autem dicitur, *Non peribit*, non est secundum necessitatem intelligendum, sed secundum quamdam dispositionem, quia per hoc quod operibus pietatis aliquis vacat in peccato mortali existens, disponit se ad gratiam, ut non facile permittatur in perditionem ire. Vel si intelligatur de veniali, efficacia elemosynæ in hoc ostenditur, quod poena vapulationis diminuitur per eam, vel per ipsam veniale impeditur, ne in mortale (d) trahere possit.

SO-

(a) Vulgata : *Hoc autem genus non eiicitur nisi per orationem, & ieiunium*. (b) *Al.* in nullo. (c) *Al.* *et enim*. (d) *Al.* trahere.

SOLUTIO II.

Ad secundam quæstionem dicendum, quod efficacia satisfactoris invenitur in tribus satisfactoris partibus, sicut virtus totius potentialis in partibus eius; quæ quidem complete in una invenitur, & in alijs diminute, sicut tota virtus animæ invenitur in rationali, sed in sensibili anima invenitur diminute, & adhuc magis diminute in vegetabili: quia anima sensibilis includit in se virtutem animæ vegetabilis, & non convertitur. Eleemosyna enim includit in se virtutem orationis, & ieiunii duplici ratione. Primo quia eleemosyna cum constituitur cui datur debitorum ad orandum, & ieiunandum, & alia bona quæ potest faciendum pro eo qui dedit. Secundo quia eleemosyna propter Deum data, est quasi quædam oblatio Deo facta: unde Philosophus etiam dicit (a) in I. Ethic. cap. xiv. quod bona opera habent aliquid simile Deo sacratis, oblatio autem ipsi Deo facta vim orationis habet. Et similiter in quantum bona exteriora ad corporis conservationem ordinantur, subtractio exteriorum bonorum per eleemosynam quasi virtute continet ieiunium, quo maceratur corpus. Similiter etiam oratio virtute continet ieiunium, quia extensio intellectus ad Deum debilitatem corporis parit, ut dictum est. Unde eleemosyna completius habet vim satisfactoris quam oratio, & oratio quam ieiunium: & ideo dicitur I. Timoth. iv. 8. *Corporalis exercitatio ad modicum utilis est.* Et propter hoc eleemosyna magis indicitur, ut universalis medicina peccati, quam oratio, sicut Luc. xi. 41. *Dato eleemosynam, & omnia munda sunt vobis:* & Dan. iv. 24. *Peccata tua eleemosynis redime:* & Tobie iv. 11. *Eleemosyna ab omni peccato liberat:* & I. Timoth. iv. 8. *Pietas ad omnia valet.*

Ad primum ergo dicendum, quod satisfactio est medicina & preservans a peccato futuro, & expians a præterito. Et quamvis eleemosyna habeat vim expiandi quoddamque peccatum præteritum, non tamen habet omnem vim preservandi a futuro peccato: quia oratio, & ieiunium præservant a quibusdam peccatis non solum per modum meriti, quod etiam eleemosyna fa-

cit, sed per modum contrariæ assuetudinis: & sic ibidem dicit Glossa, * quod ieiunio (b) sanantur corporis pestes, sed oratione pestes mentis: & secundum hoc intelligitur quod aliqua peccata tantum ieiunio, vel oratione sanantur.

Ad secundum dicendum, quod quamvis poena in satisfactione requiratur, tamen principalis est in ea bonitas actus quam penalitas. Et quia eleemosyna plus habet de ratione boni quam ieiunium, in quantum immediatius se ad caritatem habet, & in quantum non est singulare bonum facientis, sed commune facienti, & patienti; eleemosyna plus erit satisfactoria quam ieiunium, similiter & quam oratio: quamvis hominem magis familiarem Deo reddat quam eleemosyna, sicut contemplativa plus quam activa; tamen intercessorum per eleemosynam multiplicatio plus valet ad impetrandum peccatorum remissionem quam singularis unius hominis oratio.

SOLUTIO III.

Ad tertiam quæstionem dicendum, quod eleemosyna, ut ex dictis patet, habet efficaciam & ex ipso faciente, in quantum est quoddam opus meritum, & ex recipiente, in quantum obligatur ad orandum pro illo qui eleemosynam dedit. Si ergo consideratur eleemosynæ efficacia ex parte recipientis, sic maior efficacia in maiori dato consistit, in quantum per hoc plures, & magis debitores efficiuntur; ex parte autem dantis, & respectu præmii essentialis efficacia eleemosynæ magis pensatur ex affectu quam ex dato; sed respectu præmii accidentaliter, ut puta remissionis poenæ, vel alicuius huiusmodi, magnificatur efficacia eleemosynæ ex magnitudine dati, nisi ex parte altera intentio voluntatis magnitudini exterioris dati præponderet. Potest enim tam intensa esse voluntas quod etiam omnem poenam absorbeat, & reatum, sicut de contritione dicitur.

Et per hoc patet responsio ad obiecta.

A R.

(a) Nicolai: in IV. Ethic. cap. v. quod dona habent &c. (b) A. Salvator.

* Ex Hieronymo suppositio in Marcum sumpta.

ARTICULUS III.

Utium superflue assignentur elemosynae corporales septem.

2. 2. *quest. xxxii. art. 2.*

1. **A**D tertium sic proceditur. Videtur quod superflue assignentur elemosynae corporales septem, quae hoc versu continentur.

Visito, poto, cibo, redimo, tego, colligo, condo.

Visito, scilicet infirmum; *poto*, scilicet sitientem; *cibo*, scilicet esurientem; *redimo*, scilicet incarceratum; *tego*, idest vestio nudum; *colligo*, idest recoiligo hospitem; *condo*, idest sepelio mortuum. Omnis enim elemosyna ad utilitatem eius cui datur, debet ordinari. Sed sepultura non est ad utilitatem mortui, ut Seneca dicit (Lib. de benefic. cap. xx.) Ergo non fit elemosyna in hoc quod mortuus sepeliatur.

2. Præterea. Dominus Matth. xxv. maxime opera commemorat quibus homo a damnatione liberatur, & regnum meretur. Sed ibi non computatur mortui sepultura. Ergo non est aliqua elemosyna.

3. Præterea. Elemosyna datur ad subveniendum necessitatibus aliorum. Sed quædam vestes non sunt ad necessitatem, sed ad ornatum; & quidam cibi, & potus non sunt ad necessitatem, sed ad delectationem. Ergo non videtur quod semper vestire nudum, & cibare esurientem sit pars elemosynæ.

4. Sed contra. Multæ aliæ sunt necessitates humanæ vitæ quam prædictæ, sicut cæcus indiget duotione, claudus uestione. Cum ergo elemosyna ad omnes necessitates ordinetur, videtur quod insufficienter elemosynæ prædictæ numerentur.

5. Præterea. Inter omnes necessitates principalis est paupertas. Sed de hac non fit aliqua mentio. Ergo insufficienter elemosynæ prædictæ numerantur.

QUAESTIUNCULA II.

1. Ulterius. Videtur quod etiam elemosynæ spirituales inconvenienter numerentur, quæ hoc versu continentur.

Consule, castiga, solare, remitte, ser, ora.

Consule, idest doce ignorantem, & dirigere dubitantem; intelligitur enim in hoc duplex elemosyna, spiritualis scilicet do-

ctrina, & consilium: *castiga* delinquentem *solare*, idest consolare tristem: *remitte* delinquentibus in te: *ser*, idest porta infirmitates aliorum, & gravamina: *ora* pro omnibus. Elemosyna enim cadit sub præcepto, & obligat ad tempus determinatum, ut prædictum est. Sed non est tempus docendi, nisi quando aliquis ignorans occurrit. Si ergo elemosynæ pars sit doctrina, videtur quod quodcumque homo videat aliquem ignorantem, debeat eum docere.

2. Præterea. Quicumque determinat aliquam quaestionem, docet quaerentem. Sed ille qui dat consilium, quaestionem determinat: quia consilium quaerit est, ut dicitur in III. Ethic. (cap. v. vel viii.) Ergo non debet alia elemosyna poni consilium quam doctrina.

3. Præterea. Elemosyna ad liberalitatem reducitur, ut dictum est. Sed severitas contra liberalitatem dividitur, ut in III. Lib. dist. xxxiii. (quest. iii. art. 4.) dictum est de partibus iustitiæ. Ergo cum castigare delinquentem pertineat ad severitatem, non videtur quod debeat inter elemosynas poni.

4. Præterea. Elemosyna non computatur inter partes caritatis, sed inter partes iustitiæ, cum sit opus satisfactorum. Cum ergo remittere delinquenti, & ferre molestias aliorum sit caritatis perfectæ, videtur quod non sint partes elemosynæ, quæ est actus misericordiae.

QUAESTIUNCULA III.

1. Ulterius. Videtur quod elemosynæ corporales præminent spirituales. Elemosyna enim ordinatur ad subveniendum indigentiae. Sed magis indiget corpus quam spiritus. Ergo potior est elemosyna corporalis quam spiritualis.

2. Præterea. Quanto minus recompensatur elemosyna danti, tanto elemosyna est acceptior: unde dicitur Matth. v. 5. quia *receperunt mercedem suam* qui laudem suam per elemosynas quaerunt. Sed in corporalibus elemosynis minor fit recompensatio, quia bona spiritualia aliis communicata in possidente crescunt. Ergo elemosynæ corporales sunt potiores.

3. Præterea. Quanto elemosyna magis satisfacit desiderio pauperis, tanto gratior est. Sed magis satisficit desiderio recipientis per elemosynas corporales quam spirituales: quia defectus corporales magis sentiuntur. Ergo elemosyna corporalis potior est.

Sed contra est, quia per eleemosynas spirituales subvenitur spiritui, per corporales autem corpori. Sed spiritus praeminet corpori. Ergo & eleemosyna spiritalis corporali.

Præterea. Quanto est nobilior datum, tanto est nobilior eleemosyna, sicut etiam in eleemosynis corporalibus patet. Sed bonum spirituale, quod in eleemosynis spiritalibus datur, est melius quam corporale, quod datur in corporibus. Ergo eleemosynæ spirituales sunt potiores corporalibus.

SOLUTIO I.

Respondeo dicendum ad primam questionem, quod eleemosyna corporalis ordinatur ad subveniendum necessitati corporis: quæ quidem est duplex, scilicet communis, & specialis ratione alicuius accidentis. Communis quidem necessitas corporis est duplex: una ex hoc quod iam mortem incurrit, & ad hoc ordinatur sepultura mortui; alia secundum quod est nobis necessarium aliquid præservans a morte, ne eam aliquis incurrat; & hoc dupliciter. Uno modo prohibens corruptivum interius, quod est defectus nutrimenti; & contra hoc ordinatur cibatio esurientis, & potatio sitientis, secundum quod his duobus indiget ad nutrimentum. Alio modo prohibens corruptivum exterius; & ad hoc etiam ordinatur duplex eleemosyna, scilicet tegere nudum, & colligere hospitem in domo: quia his duobus contra aeris intemperiem indigemus, scilicet veste, & domo. Similiter etiam necessitas (a) specialis potest esse duplex: vel ex causa intrinseca, sicut infirmitas; & contra hanc ordinatur visitatio infirmorum; vel ex causa extrinseca, sicut detentio in carceratorum; & contra hoc ordinatur redemptio captivorum.

Ad primum ergo dicendum, quod quamvis sepultura non prodest mortuo secundum se corporaliter, prodest tamen ei secundum quod in memoria hominum remanet: tum quia in confusionem mortui reputatur quod insepultus iacet; tum quia ex ipso tumulo magis in memoria manet, & aliqui ad orandum pro ipso excitantur: unde monumentum dicitur a memoria, ut Augustinus dicit in littera de cura pro mortuis agenda (cap. iv. circ. med.).

Ad secundum dicendum, quod Dominus enumeravit illas eleemosynas in quibus maior indigentia apparet, ut evidentior ap-

pareat iustitia indicantis, dum hos (b) pro eleemosynas remunerat, & illos pro omissione condemnat; & tamen in aliis Scripturæ locis talis eleemosyna commendatur, sicut patet de Tobia & de Simone Machabeo, qui parentibus, & fratribus suis sepulcra solemnia edificaverunt (Tob. i. & iv. & i. Macab. xii.) & etiam Ioseph qui corpus Domini sepelivit, & ex hoc laudatur (Matth. xxvii.).

Ad tertium dicendum, quod aliquando illud quod est ad delectationem, vel ornatum, in necessitatem vertitur; & hoc dupliciter: vel propter infirmitatem, quia infirmi sunt sustentandi delicatis cibis, & vestibus mollioribus, ne natura gravetur: vel propter pristinam consuetudinem, aut etiam dignitatis statum, in quo aliquis, etiam pauper, sine confusionem non potest aliis uti: & ideo etiam Augustinus in regula his duobus generibus hominum præcipit uberius subveniendum.

Ad quartum dicendum, quod omnes alie necessitates ad aliquam istarum reducuntur. Quidquid enim ad subventionem morbi pertinet, hoc totum sub visitatione infirmi continetur.

Ad quintum dicendum, quod sicut numerus, eo quod est mensura quædam, ut Philosophus dicit V. Ethic. (cap. viii.) continet omnia necessaria vitæ virtute; ita etiam paupertas continet omnes necessitates: & ideo subvenire pauperi non est specialis eleemosyna ab aliis distincta, sed generalis, quæ omnes includit.

SOLUTIO II.

Ad secundam questionem dicendum, quod eleemosynæ spirituales dicuntur quibus defectibus proximi in spiritualibus subvenitur: quod quidem fit dupliciter. Uno modo quando aliquis impetrat proximo subventionem a Deo, & hoc facit oratio; alio modo quando aliquis subvenit proximo per seipsum; & hoc vel contra defectum poenæ, vel contra defectum culpe. Si primo modo, hoc est dupliciter: quia poena spiritualis vel est in intellectu secundum ignorantiam, & contra hunc defectum est doctrina respectu intellectus speculativi, & consilium respectu intellectus practici; vel est in affectu, scilicet tristitia, & contra hunc defectum est consolatio. Si autem secundo modo, scilicet contra defectum culpe, hoc dupliciter. Uno modo ex parte ipsius peccantis, cuius (c) inordinationi

S. Tb. Oper. Tom. XII.

(a) al. spiritualis. (b) al. per eleemosinas. (c) al. inordinationi.

Rbb sub-

subvenit castigatio: alio modo ex parte alterius qui ex culpa peccantis læditur; & sic contra culpam est duplex remedium, scilicet remissio ex parte eius in quem directe culpa committitur, & supportatio ex parte eius cui peccantis societas est onerosa. Vel aliter. Defectus cui subvenitur per eleemosynas spirituales, aut est defectus pœnæ in intellectu practico, vel speculativo; & sic est doctrina, & consilium, ut dictum est: vel in affectu, & sic est consolatio: aut est defectus culpæ; & sic vel in seipsum cum spe emendationis, & sic est castigatio; aut sine spe emendationis, & sic non restat nisi per orationem divinum subsidium implorare: vel in proximum, & sic quantum ad culpam indiget remissione, quantum ad pœnam quam infert, supportatione.

Ad primum ergo dicendum, quod sicut dare eleemosynam corporalem non cadit sub præcepto obligante nisi ad tempus necessitatis, & ut alicui in necessariis vitæ subveniatur; ita ad doctrinam alterius non obligatur homo propter debitum officium nisi in his quæ sunt de necessitate salutis, & quando non esset qui instrueret, vel quando aliquis alium errantem videret; nisi esset alius qui ex officio id facere teneretur: alias autem docere est consilium, & supererogatio quædam, sicut & de eleemosynis corporalibus dictum est.

Ad secundum dicendum, quod non omnis questio est consilium, sed questio quæ est de rebus agendis a nobis. Et quia dubitatio, sive ignorantia talis habet rationem specialem defectus, in quantum deficit scientia, quæ debet esse regitiva in opere; ideo specialis eleemosyna ponitur consilium præter doctrinam.

Ad tertium dicendum, quod pœnam exstigando infligere contingit dupliciter: aut in quantum est afflictiva illius cui infertur; & sic ad severitatem pertinet, quæ æqualitatem iustitiæ servat, secundum quod pœnam culpæ recompenfat: aut secundum quod cedit in bonum eius in quem pœna infertur; & sic largo modo ad liberalitatem reducitur, prout omne beneficium impensum quodammodo liberalitatis est.

Ad quartum dicendum, quod caritas est mater omnium virtutum; & ideo non est inconveniens, si actus qui sunt aliarum virtutum quasi elicipientium, sint etiam caritatis quasi imperantis.

Ad tertiam questionem dicendum, quod eleemosyna habet efficaciam, ut dictum est, ex parte dantis, & ex parte recipientis. Ex parte autem dantis efficaciam eleemosynæ pensatur per conditionem ipsius actus quo subsidium proximo confertur; & sic, simpliciter loquendo, eleemosyna spiritualis dignior est, quia actus spirituales digniores sunt corporalibus donis. Ex parte autem recipientis potest mensurari eleemosyna dupliciter: vel ratione boni quod confertur, & sic adhuc eleemosyna spiritualis præminet: vel ratione necessarij, & sic quædam spirituales sunt quibusdam corporalibus potiores, scilicet quæ contra culpam ordiuntur, quibuscumque eleemosynis corporalibus: quia homo magis debet vitare culpam quam aliquem defectum corporalem, etiam mortem. Quædam vero corporales, quæ scilicet sunt ad sustentationem vitæ, quibusdam eleemosynis spiritualibus magis sunt necessariæ, scilicet quæ sunt ad bene esse; sed illæ quæ sunt ad bene esse spirituales, sunt magis necessariæ illis quæ sunt ad bene esse corporale. Sic ergo patet quod omnibus corporalibus eleemosynis aliquæ spirituales potiores sunt, & similiter in genere loquendo de utrisque.

Ad primum ergo dicendum, quod quamvis corpus habeat plures indigentias quam spiritus, tamen indigentia spiritus sunt magis fugiendæ quam indigentia corporis, sicut eligibiliores sunt spirituales quam corporales divitiæ.

Ad secundum dicendum, quod recompenratio non diminuit efficaciam eleemosynæ, sed intentio recompenstationis: unde quamvis aliquis docendo ipse etiam addiscat, non tamen quodammodo propter hoc facit, sed solum ut alteri subveniat. Et præterea intentio acquirendi aliquod spirituale bonum non minuit rationem meritis quia per ipsum Deo coniungimur, ut frequenter contingit.

Ad tertium dicendum, quod etsi minus sentiat aliquis defectus spirituales, hoc est propter defectum eius. Non autem mensuratur eleemosyna per hoc quod acceptat qui recipit, sed secundum quod acceptare debet: alias meritum dantis ex recipientis penderet arbitrio; quod falsum est.

ARTICULUS IV.

Utrum de necessario sit danda elemosyna.

2. 2. *quaest. xxxii. art. 6. & 7.*

1. **A**D quantum sic proceditur. Videtur quod de necessario non sit danda elemosyna. Quia, ut dicit Augustinus, peccat qui praepostere agit. Sed ordo caritatis hoc exigit ut homo magis sibi quam alteri subveniat. Ergo peccat subtraheo sibi necessarium, ut alteri conferat.

2. Praeterea. Philosophus dicit in IV. Ethic. (cap. viii.) quod qui dissipat substantiam suam, id est divitias, destruit seipsum; & hoc praecipue verum est quantum ad necessaria. Sed peccat qui seipsum occidit. Ergo etiam peccat qui de necessariis sibi elemosynam facit.

Sed contra est quod qui omnia dat, nihil sibi retinet de necessariis. Sed Dominus consulit Matth. xix. 21. *Vende omnia quae habes, & da pauperibus.* Ergo sine peccato potest homo de necessariis sibi elemosynam facere.

QUAESTIUNCULA II.

1. Ulterius. Videtur quod etiam de malo acquisito, & possessio possit elemosyna fieri. Luc. xvi. super illud, *Facite vobis amicos de mammona iniquitatis*, dicit Glossa (Hieronymi.). „Iniquitas bene dispensata in iustitiam vertitur.“ Ergo videtur quod liceat de inique possessis elemosynam facere.

2. Praeterea. Ei qui est in ultima necessitate constitutus, omnibus modis subveniendum est. Sed contingit aliquem qui nihil habet nisi de iniusto acquisito, & deo, (a) alium in extrema necessitate videre. Ergo debet ei elemosynam facere; & sic de malo acquisito, & deo potest elemosyna fieri.

Sed contra est quod Gregorius dicit (Lib. VII. epist. cx.). *Nem est computanda elemosyna, si pauperibus dispensetur quod ex illicitis rebus acquiritur.*

QUAESTIUNCULA III.

1. Ulterius. Videtur quod de turpi lucro non possit fieri elemosyna, sicut de meretricio, & aleato, & quod per simoniam acquiritur. Quia secundum Philosophum (Ethic. IV. cap. v.) dona habent aliquid simile Deo sacratis. Sed ex huius-

modi non licet sacrificium, vel oblationem Deo offerre: Deuter. xxiii. 18. *Non offeres mercedem prostituli, nec pretium canis in domum Dei tui.* Ergo nec elemosyna ex huiusmodi fieri debet.

2. Praeterea. Aleatorum lucrum est turpe lucrum. Acceptiones eorum illiberales sunt, ut Philosophus dicit in IV. Ethic. (cap. iiii. vel iv.) Sed ex aleatorum non potest fieri elemosyna, ut videtur: quia tenetur ad restitutionem eius. Ergo non potest fieri elemosyna de turpi lucro.

Sed contra est quod Augustinus dicit (de Verb. Domini serm. xxxv.) *Qui habetis aliquid de malo, facite inde bonum.* Ergo qui acquisivit aliquid de turpi lucro, potest illud in bonum usum elemosynae expendere.

SOLUTIO I.

Respondetur dicendum ad primam questionem, quod de rebus exterioribus dicitur nobis aliquid necessarium dupliciter. Uno modo, sine quo non potest aliquis esse, & vivere. Alio modo dicitur nobis necessarium quo indigemus ad honeste vivendum, vel decenter secundum statum nostrum. Sed talis decencia non consistit in aliquo indivisibili: quia multis additis homo non excedit statum sui conditionem; multis etiam subtractis conditio sui status decenter conservatur; sed tantum posset addi, quod esset ultra conditionem status sui, & tantum diminui, quod non servaretur honestas, vel sui status decencia: & hoc quidem sermone determinari non potest, quia de singularibus non est iudicium; sed statum in hoc prudentiae arbitrio, & discretionis, quae docet de omnibus. Utrouque autem dictorum modorum potest aliquid esse alicui necessarium dupliciter: vel ratione sui ipsius, & hoc dicitur a quibusdam necessarium individui; vel ratione eorum quorum curam gerere debet, & hoc dicitur necessarium personae, in quantum persona ad dignitatem pertinet secundum quam alicui competit aliorum curam gerere. Illud ergo sine quo non potest esse, vel vivere aliquis, vel ipse, vel illi quorum curam habet, non debet in elemosynas expendi: hoc enim dicitur necessarium simpliciter quasi necessitate absoluta; nisi forte posset, aniequam talia necessitas incumbat, per alium modum rescari, quia iam existeret ab huiusmodi necessitatis ratione. Similiter etiam illud quo subtractio non potest servari decencia

Bbb 2

sta.

(a) In edisio in extrema necessitate vivens.

status aliquo modo sui, vel suorum, non debet aliquis in elemosynas expendere; nisi de facile refecturi possit, aut nisi aliquis statum mutare vellet, quia nullus debet indecenter in aliquo statu manere; vel nisi necessitas illa præponderet, vel alicuius personæ specialis in necessitate ultima existens, vel Ecclesiæ, vel Reipublicæ: quia bonum gentis est divinius quam bonum unius. Illud autem quo posito, vel subtracto nihilominus decencia status manet, potest in elemosynam dari; & de hoc est consilium, non præceptum. Illud autem quod necessarium reputatur ad aliquid quod est ultra decenciam status, debet in elemosynam dispensari, & hoc cadit sub præcepto.

Ad primum ergo dicendum, quod si aliquis necessarium, sine quo nullo modo esse, vel decenter vivere possit, sibi subtraheret, & alii daret, ordinem caritatis perverteret in beneficiis observandis; non autem si de aliis, sine quibus prædicta esse possunt, plus alteri quam sibi tribuat: quia virtuosus est de talibus bonis corporalibus plus aliis quam sibi tribuere, ut Philosophus in IX. Ethic. (cap. viii. vel ix.) dicit.

Ad secundum dicendum, quod ratio illa procedit de eo quod est necessarium secundum primum modum.

Ad tertium dicendum, quod illi qui omnia dimittunt propter Deum, statum vendi mutant; cuius status decencia potest conservari per ea quæ a fidelibus, & devotis vel quotidie ministrantur, vel iam ministrata sunt in possessionibus, & redditibus.

SOLUTIO II.

Ad secundam quæstionem dicendum, quod illud dicitur licitum, quod nulla lege prohibetur: unde illicite acquisitionum dicitur quod contra prohibitionem legis acquiritur. Sed hoc potest esse dupliciter: quia aut lex prohibuit ipsum lucrum, vel causam lucri tantum. Si ipsum lucrum est prohibitum, tunc impossibile est quod iuste detineatur. Ex hoc enim ipso efficitur aliquis iniustus tituli, & malæ fidei possessor, quod contra legem aliquid habet. Sed in talibus distinguendum est. Quia aut non transfertur dominium, sicut in rapina, & furto, & tunc omnino restituere tenetur; & ideo ex hoc non potest elemosyna fieri: aut transfertur dominium: & tunc vel competit repetitio

ei a quo quis lucratus est secundum aliquod ius, sicut in usura accidit, in qua, ut quidam dicunt, dominium transfertur, & tunc de hoc etiam non potest elemosyna fieri; aut non competit repetitio secundum turpitudinem sceleris ex parte dantis, sicut in simonia accidit; & tunc tale acquisitionum non potest iuste retineri, sed debet in elemosynas erogari. Si autem lex prohibuit actum, ex quo quis lucratur, sed non lucrum supposito actu, tunc quamvis acquirendo tali actu contra legem fecerit, tamen tenendo non facit contra legem: sicut cum quis de lenocinio, vel meretricio lucratur; & ideo hæc retineri possunt, & de eis elemosyna fieri potest.

Ad primum ergo dicendum, quod illud intelligendum est de illis quæ per illicitum actum acquisitionis sunt, & tamen iuste possidentur. Vel aliter dicendum, quod mammona iniquitatis dicuntur divitiæ etiam licite acquisitionis, & possessionis, vel inquantum eas sola iniquitas divitiis esse reputat, ut Augustinus exponit XXI. de Civitate Dei (cap. xxvii.) vel inquantum sunt iniquitatis occasio; vel iniquitatis, idest inæqualitatis: quia non æqualiter sunt hominibus distributæ, bono aliquando egente, & malo superabundante.

Ad secundum dicendum, quod in tali casu, si sine periculo pauperis esse potest, debet ille qui alienum habet, significare ei cui debet; & si ille licentiam dederit, si non, debet pauperi in ultima necessitate existenti providere. Nec providet sibi de alieno, quia necessitas talis omnia facit communia. Unde non tenetur ad restitutionem, nisi ille cui debet, in simili necessitate esset: quia etiam tunc teneretur sibi providere, si nihil habuisset ab eo.

SOLUTIO III.

Ad tertiam quæstionem dicendum, quod quando lucrum ipsum est lege prohibitum, ut rapina, usura, & simonia, non solum dicitur turpe lucrum, sed iniquum; & de hoc dictum est qualiter elemosyna fieri possit, vel non possit. Sed quando actus quo quis lucratus est, lege prohibitus est, non autem ipsum lucrum, tunc vocatur turpe lucrum, sicut est in meretricio, vel in similibus; & tunc de tali elemosyna fieri potest, quia non tenetur ad restitutionem.

Ad primum ergo dicendum, quod de tali lucro non debet fieri oblatio ad alta-

re, præcipue manifeste propter scandalum, & reverentiam sacrorum, vel sceleris abominationem; sed hæ causæ non prohibent quin ex tali eleemosyna fieri possit.

Ad secundum dicendum, quod ipsum lucrum aleatorum est lege prohibitum. Sed in hoc distinguendum est: quia aliquid circa ludum iustum est prohibitum lege naturali, aut divina, ut quod aliquis lucraretur ab his qui rem suam alienate non possunt, sicut sunt minores, & furiosi, & similes; & iterum quod aliquis alterum trahat ex cupiditate lucrandi; sed secundum ius positivum, omne tale lucrum est interdictum. Quia autem ius positivum per consuetudinem abrogatur, non autem ius divinum; ideo dicendum videtur, quod si lucratus est ab eo qui non habuit potestatem alienandi, tenetur ad restitutionem ei, & sic non potest facere eleemosynam iode. Si autem luit cum eo qui habet potestatem alienandi quæ sua sunt, fructus lucris, & amissis, potest repetere; si lucratus est, non tenetur restituere, quia ille qui amissis, non est dignus recipere, nec potest licite retinere, nisi ius positivum per contrariam consuetudinem esset alicubi abrogatum. Si autem alium traxerit, si amissis, non competit ei repetitio; si autem lucratus est, tenetur ad restituendum illi a quo lucratus est, & non potest inde facere eleemosynam.

ARTICULUS V.

Utrum uxor possit de rebus mariti facere eleemosynam.

2. 2. quæst. xxxii. art. 2.

1. **A**D Quintum sic proceditur. Videtur quod uxor possit de rebus mariti facere eleemosynam. Quia, sicut dicit Augustinus (de bono coniugali cap. 1.) uxor in societatem matrimonii assumitur, propter quod non de capite, neque de pedibus femina formata est, sed de latere. Si ergo vir potest facere eleemosynas de rebus domus, quæ sunt ei communes ratione prædictæ societatis, & uxor poterit facere.

2. Præterea. De Lucia legitur, quod dabat eleemosynas ignorante ipso: nec ex hoc reprehenditur, sed laudatur. Ergo uxor potest sine consilio mariti eleemosynas dare.

Sed contra. I. Corinth. xi. 3. *Vir caput est mulieris*. Sed membrum non potest aliquid sine capite facere. Ergo nec uxor potest sine viro eleemosynas dare.

QUÆSTIUNCULA II.

1. Ulterius. Videtur quod filiusfamilias possit etiam dare. Quia quilibet quod suum est, potest alteri dare. Sed res paternæ sunt filiusfamilias, quia ipse est heres. Ergo potest de eis eleemosynam facere.

2. Præterea. Usus divitiarum laudabilior est, si ad bonum spirituale quæ magis eis utatur quam ad bonum corporale. Sed ad usum corporis sui potest filiusfamilias rebus patrimonii sui uti. Ergo multo fortius ad bonum spirituale, quod est per eleemosynas.

Sed contra. Nullus potest aliquid dare quod non est in potestate eius. Sed patrimonium non est in potestate filiusfamilias. Ergo non potest de eo dare eleemosynam.

QUÆSTIUNCULA III.

1. Ulterius. Videtur quod servus, vel ancilla possunt facere eleemosynam de rebus dominorum. Quia de quolibet præsumendum est bonum, nisi probetur contrarium. Sed facere eleemosynam est bonum. Ergo debet præsumi quod domino suo placeat, & ita sub spe ratihabitionis poterit eleemosynam facere.

2. Præterea. Eleemosynæ etiam a famulis factæ valere ad salutem dominorum possunt, sicut patet in mortuorum suffragiis. Sed servus debet procurare bonum domini sui non solum corporale, sed spirituale magis. Ergo potest de rebus domini eleemosynas facere.

Sed contra. Nullus debet eleemosynam facere de alieno. Sed res dominorum non sunt servorum. Ergo servi de eis eleemosynas facere non debent.

QUÆSTIUNCULA IV.

1. Ulterius. Videtur quod monachi possint eleemosynas facere sine licentia Abbatis. Unum enim bonum non præiudicat alteri. Sed religio est bonum quoddam. Ergo non præiudicat eleemosynæ, quæ etiam bonum quoddam est, quin eam dare possit.

2. Præterea. Eleemosynæ maxime in Scriptura commendantur. Si ergo monachi

chi non possunt eleemosynas dare, tunc sunt peioris conditionis quam alii.

Sed contra. Eleemosyna non est danda nisi de proprio. Sed monachus non habet proprium, prohibente paupertatis voto. Ergo monachus non potest eleemosynam dare.

SOLUTIO I.

Respondeo dicendum ad primam questionem, quod in extrema necessitate existenti, quae facit omnia communia, quilibet praedictorum potest eleemosynam facere: quia debet praesumere quod suo superiori placeat, cum ipse dare teneretur, si praesens esset: & si etiam prohiberetur, idem dicendum videtur sicut de illicito lucro dictum est prius, ad cuius restitutionem aliquis tenetur. Alias autem de uxore distinguendum est: quia si habet alias res praeter dotem, vel est lucrosa, tunc potest tales eleemosynas dare quae virum non depauperent, etiam non requisito assensu viri, dummodo non prohibeat: & si etiam prohiberet verbo, posset probabiliter credere quod eam non intenderet simpliciter ab eleemosynis coercere, sed a superfluitate eleemosynarum, nisi aperte pateret ei contrarium. Si autem praedicta duo defuerint, non debet dare eleemosynas sine consensu viri, nisi aliquas eleemosynas communes, & modicas, de quibus satis est constare potest quod viro placeat, si necessitatem pauperis inspicere.

Ad primum ergo dicendum, quod quamvis uxor ad societatem assumatur, & in ipso actu matrimonii sit aequalis; tamen in his quae ad dispositionem domus pertinent, vir caput est mulieris: & ideo non est similis ratio de utroque.

Ad secundum dicendum, quod beata Lucia erat adhuc sponsa tantum, nec erat matrimonium consummatum, aut ratificatum: & ideo de consensu matris, sub cuius cura erat, poterat eleemosynam facere.

SOLUTIO II.

Ad secundam questionem dicendum, quod filiusfamilias non potest dare eleemosynam sine consensu parentum, nisi panem, & huiusmodi, quae non in se sunt sensibile damnum; de quibus satis constare potest quod parentibus placeat.

Ad primum ergo dicendum, quod quamvis filiusfamilias sit heres, non tamen adhuc est dominus rerum: & ideo dare non potest.

Ad secundum dicendum, quod ad virtutem corporalem tenentur ei parentes, nisi ex culpa sua remaneat: ideo potest uti rebus parentum ad necessitatem suam, non autem aliis dare.

SOLUTIO III.

Ad tertiam questionem dicendum est de servis, & ancillis, & etiam de famulis, quamvis sint liberae conditionis, quod non possunt eleemosynas dare de rebus dominorum sine eorum consensu, nisi panem, & huiusmodi, quae, ut dictum est, non inferunt sensibile nocumentum: quia etiam sit dispensator rerum, non tamen ponitur dispensator quasi potestatem aliquam in re domini habens, sed quasi tractans eam ad utilitatem domini. De pretio autem sui servitii constat quod posset eleemosynam dare.

Ad primum ergo dicendum, quod non oportet quod praesumamus de quolibet quodlibet bonum, sed illud ad quod tenetur, quo praetermissio peccat: quia nullum debemus credere malum, nisi constet nobis de malitia eius: & ideo non oportet quod famulus credat quod domino placeat, nisi in illa necessitate pauperis in qua dominus de necessitate tenetur.

Ad secundum dicendum, quod suffragia non profunt mortuis per alios facta, nisi inquantum meruerunt ut eis prodesse, dum adhuc viverent, ut Augustinus dicit (in Enchir. cap. cxx. & de cura pro mortuis agenda cap. ult.) & ideo sunt aliquo modo eorum illae eleemosynae quae pro eis fiunt. Et similiter oportet quod eleemosynae quae pro viventibus fiunt, si debeant eis prodesse, debeant esse eorum; quod non potest esse, si eis displiceat: & ideo non debet facere eleemosynam pro domino famulus de rebus domini, nisi constet sibi quod ei placeat.

SOLUTIO IV.

Ad quartam questionem dicendum, quod monachus, si habet dispensationem rerum monasterii, potest, & debet facere eleemosynam de superfluis nomine Capituli. Si autem non habet dispensationem, tunc in monasterio existens non debet dare sine licentia, nisi in extrema necessitate, vel absente Abbate aliquod modicum sub spe rationabilis; extra monasterium vero exilens, puta in studio, potest eleemosynam facere: quia cum dantur ei ex-

penae

penſæ, committitur ei earum diſpenſatio.

Ad primum ergo dicendum, quod non eſt inconveniens bonum perfectum bono imperfecto repugnare: non quidem propter contrarietatem ad ipſum, in quantum eſt bonum, quia bonum non eſt bono contrarium; ſed propter contrarietatem ad eius imperfectionem.

Ad ſecundum dicendum, quod monachus non eſt factus ex hoc peioris conditionis: quia multo magis eſt accepta Deo univerſalis rerum abdicatio quam particularis diſtributio, quæ fit per eleemoſynas.

ARTICULUS VI.

Utrum aliquis poſſit ſibi eleemoſynam facere.

Ubi ſupra artic. 9.

1. **A**D ſextum ſic proceditur. Videtur quod aliquis non poſſit ſibi eleemoſynam facere. Eleemoſyna enim eſt actus liberalitatis, vel iuſtitie. Sed hæc virtutes propter hoc quæ in communione conſiſtunt, non ſunt niſi ad alterum, ut de iuſtitia dicitur in V. Ethic. (cap. 11. vel 111.) Ergo eleemoſyna non poteſt eſſe ad ſeipſum.

Præterea. Nullus dat niſi quod habet; nec aliquis recipit niſi id quod oſo habet. Sed nullus poteſt aliquid ſimul habere, & non habere. Ergo non poteſt ſibi dare eleemoſynam.

Sed contra. Homo debet diligere proximum ſicut ſeipſum. Sed proximum ita debet diligere affectu, quod etiam effectu ei beneficiat. Ergo & ſibi debet beneficare, & eleemoſynas dare.

QUAESTIUNCULA II.

1. Uterius. Videtur quod malis non ſit eleemoſyna danda per id quod dicitur Eccli. xxi. 4. *Da miſericordiam, & non ſuſcipias peccatorem*: & iterum: *Beuſ fac humili, & non dei impio.*

2. Præterea. Proditor domini ſui reputaretur qui de rebus a domino ſibi conſeſſis hoſtes domini ſui nutrit. Sed omnis peccator eſt hoſtis Domini. Ergo non debet ei eleemoſyna de rebus a Deo nobis conſeſſis dari.

Sed contra. Matth. v. 44. (4.) *Eſſote filii Patris vſtri qui in celis eſt, qui ſolem*

ſuum facit oriri ſuper bonos, & malos: Sed hoc non dicitur, niſi propter imitationem. Ergo debemus & bonis, & malis dare.

QUAESTIUNCULA III.

1. Uterius. Videtur quod meliori ſit magis ſubveniendum ſemper. Quia eleemoſyna datur propter Deum, ut ex ipſius diſtinctione patet. Sed bonus eſt Deo propinquior quam malus. Ergo meliori ſemper magis eleemoſyna eſt danda.

2. Præterea. Eleemoſyna habet efficaciam ex parte etiam recipientis, qui obligatur ad orandum pro eleemoſynam dante. Sed opus boni eſt efficax ad merendum magis. Ergo magis ſemper debet dari eleemoſyna magis bono.

3. Sed contra. Eleemoſyna, cum ſit actus miſericordie, miſeriam iotuetur. Sed malus eſt magis miſer quam bonus. Ergo magis eſt eleemoſyna malis danda quam bonis.

SOLUTIO I.

Reſpondeo dicendum ad primam quaestionem, quod eleemoſyna poteſt dupliciter fieri, ut ex prædictis patet: ſcilicet per collationem alicuius rei temporalis, & hoc modo nullus ſibi ipſi eleemoſynam facere poteſt; vel per exercitium alicuius actus ſpiritalis, vel corporalis. Et quia homo ratione diverſarum partium in ſeipſum agere poteſt; ſicut anima movet corpus, & una pars animæ aliam, & una pars corporis aliam: ideo talem eleemoſynam aliquis poteſt facere ſibi. Sed ad ſubveniendum ſibi in corporalibus natura ſatis inclinatur: & ideo de hoc non oportuit dari præceptum, ſed ſolum de ſubveniundo animæ, ad quam non ita multi inclinantur: unde dicitur Eccli. xxx. 24. *Miserere anime tue, placeat Deo.*

Ad primum ergo dicendum, quod liberalitas, ſecundum quod conſiſtit in dationibus, non poteſt eſſe ad ſeipſum; ſed ſecundum quod conſiſtit in ſumptionibus, poteſt eſſe ad ſeipſum, ſicut & illiberalitas. Sunt enim aliqui illiberales ad ſeipſos, qui propter cupiditatem rerum ſibi neceſſaria ſubtrahunt. Sed iuſtitia nullo modo poteſt eſſe ad ſeipſum, quia habet rationem æqualitatis, quæ ſemper ad alterum eſſe debet.

Ad ſecundum patet ſolutio ex dictis.

S O.

(4) Vulgata: U ſitis filii.

SOLUTIO II.

Ad secundam quæstionem dicendum, quod secundum Augustinum (Lib. XIV. de Civit. Dei cap. vi.) sic diligendi sunt homines, ut eorum non dilantur errores. Et quia exhibitio beneficii dilectioni correspondet, ideo peccatori ad sustentationem naturæ debemus elemosynam facere, si indigeant, cum præcipiatur nobis benefecere amicis, & inimicis; sed ad fovendum eorum malitiam non debemus eis aliquid dare. Vel si constaret quod de eo quod eis datur, in peccatum abuterentur, non deberet eis dari aliquid, nisi necessitas extrema exposceret: & hoc modo intelligenda est auctoritas inducta.

Unde patet solutio ad primum.

Ad secundum dicendum, quod peccator, etsi sit inimicus Dei quantum ad culpam, non tamen quantum ad naturam: quia Deus nihil odit eorum quæ fecit: Sap. xi.

SOLUTIO III.

Ad tertiam quæstionem dicendum, quod cui magis beneficiandum sit, ut dicit Philosophus IX. Ethic. (cap. iii.) non est facile determinare propter multas diversitates boni, & necessarij. Tamen hoc est tenendum, quod semper magis reddendum est debitum quam beneficium impendendum, ut ipse ibidem dicit, nisi ex parte altera adsit maior bonitas, vel necessitas: & ideo parentibus, & propinquis, & benefactoribus, & eis a quibus spiritualia accipiunt, magis debet elemosynam facere, si indigeant, & ceteris paribus, melioribus magis, & magis etiam indigentibus magis: & sic secundum has tres condiciones debet gradus in elemosynis constitui, scilicet secundum honestum, & necessarium, & debitum. Assignare autem in singulis quando unum alteri eorum præferatur, est impossibile: quia singulares eorum conditiones, quæ attendendæ sunt, sunt infinitæ, & non cadunt sub arte. De his autem ratio docet, & prudentiæ consilium.

Ad primum ergo dicendum, quod quamvis Deo propinquior sit semper melior, non tamen semper debet ei magis dari: quia elemosynarum largitio ad necessitatem proximi sublevandam divinitus insti-

tuta est: unde si indigentia ex parte altera nimis excedat, magis servabitur intentio instituentis elemosynam quam si meliori daretur.

Ad secundum dicendum, quod principaliter consideratur efficacia elemosynæ ex parte dantis quam ex parte recipientis: & ideo ex parte dantis debet esse ordinata datio, quæ elemosynæ efficaciam auget.

Ad tertium dicendum, quod quamvis peccator sit magis miser in spiritualibus, non tamen in corporalibus: & ideo non est sibi semper magis providendum per corporales elemosynas.

QUAESTIO III.

Deinde quæritur de ieiunio: & circa hoc quæruntur quatuor.

Primo. Quid sit ieiunium.

Secundo. Quis teneatur ad ieiunium.

Tertio. De tempore ieiunii.

Quarto. De solventibus ipsum.

ARTICULUS I.]

Utrum Isidorus convenienter ieiunium definiat.

2. 2. quæst. cxlvii. art. 1.

1. AD primum sic proceditur. Videtur quod Isidorus inconvenienter definiat ieiunium, dicens (Lib. VI. etymol. tit. de offic. in dict. *ieiunium*) *ieiunium est parsimonia victus, abstinentiaque ciborum*. Parsimonia enim a *parvi* præterito huius verbi *parco* venit. Est enim *parcere*, inter alia quæ habet significata, idem quod abstinere. Ergo idem videtur esse parsimonia victus, & abstinentia ciborum: & sic alterum superfluit.

2. Præterea. Matth. xvii. super illud, *Hoc genus demoniorum &c.* dicit Hieronymus: * Ieiunium est non solum ab eis, sed a cunctis illecebris abstinere. Cum ergo Isidorus definiat ieiunium tantum per abstinentiam ab eis, videtur quod incompetentis sit assignatio.

3. Præterea. Ad observationem ieiunii videtur non solum pertinere abstinere a cibis, sed etiam lugere, & unguento non uti, ut patet Dan. x. 2. *In diebus illis lugentibus*

EX EDIT. P. NICOLAI.

* In Hieronymo sibi non occurrat, etsi Glossa sic habet: sed ex Bedæ sumptum est in Marci ix. Similia etiam ex Augustino deiuni possunt trahi. xvii. in Ioan.

gebam ego Daniel trium hebdomadarum diebus. Sed de his non fit mentio in prædicta assignatione. Ergo insufficientes est.

4. Præterea. Multi servant parimoniam in victu, & abstinentiam in cibis, quia tamen pluries in die manducant. Sed tales non dicuntur ieiunantes. Ergo definitio prædicta non convertitur cum ieiunio.

5. Præterea. Nullus est ieiunus nisi ieiunio, sicut nec albus nisi albedine. Sed aliquis etiam immoderate cibis utens, est quandoque ieiunus antequam comedat. Ergo tali non competit definitio assignata ieiunii: ergo est incompetens.

QUAESTIUNCULA II.

1. Ulterius. Videtur quod ieiunium non sit actus virtutis. Virtus enim sicut abundanti, ita & diminuto corrumpitur. Sed ieiunium importat diminutionem a cibo, in quo conservari potest medium virtutis. Ergo ieiunium non est virtutis actus.

2. Præterea. Omnis virtutis actus est in aliquod operando. Sed ieiunium dicit cessationem ab actu. Ergo non est virtutis actus.

3. Præterea. Ieiunium consistit non solum in abstinendo a superfluis cibis, quia hoc est de necessitate virtutis, sed etiam a necessariis. Sed qui subtrahit necessarium cibum, dat sibi occasionem mortis; non autem, ut Hieronymus * dicit, differt utrum magno, vel parvo tempore te interimas. Ergo cum nulli liceat seipsum occidere, videtur quod nulli liceat ieiunare; & sic ieiunium non erit actus virtutis.

4. Præterea. Sicut dicit Augustinus in X. Confess. (cap. xxxi.) alimentum sic sumi debet ut famis medicamentum. Sed magis iofirmo minus est medicina subtrahenda. Cum ergo in primo statu Adam perccasset, si cibo abstinuisset, donec præoccuparetur fame, ut in II Lib. dist. xix. (quæst. 1. art. 2 ad 3.) dictum est, videtur quod etiam nunc ieiunando peccat homo, cum natura humana sit infirmior; & sic ieiunium non erit virtutis actus.

Sed contra est quod Hieronymus dicit (ad Demetriadem de virginitate servanda, ultra dimidium.) *Ieiunium non est perfectæ virtutis, sed ceterarum virtutum fundamentum.*

Præterea. Isidorus dicit, ieiunium esse
S. Tb. Oper. Tom. XII.

abstinentiam, ut ex diffinitione præmissa apparet. Sed abstinentia est virtus. Ergo ieiunium est actus virtutis.

QUAESTIUNCULA III.

1. Ulterius. Videtur quod ieiunium non sit actus temperantiæ. Quia Canon dicit de consecr. dist. v. (cap. *Quadragesima*) *ieiunium quadragesimale est decima totius anni.* Sed dare decimam est actus iustitiæ. Ergo & ieiunare: non igitur temperantiæ.

2. Præterea. Ad fortitudinem pertinet molestias perferre. Sed hoc accidit in ieiunio. Ergo ieiunium est actus fortitudinis: non ergo temperantiæ.

3. Præterea. Prudentiæ pars est cautela, ut in III. Lib. dist. xxxii. (quæst. 111. art. 1. quæstiunc. 3.) dictum est. Sed ieiunium ad cautelam peccatorum carnis inducendum est. Ergo est actus prudentiæ.

Sed contra. Materia propria temperantiæ sunt delectabilia tactus, ut dicitur in III. Ethic. (cap. xii.) Sed circa huiusmodi est ieiunium, quia est circa cibos. Ergo ieiunium est actus temperantiæ.

Præterea. Abstinentia est species temperantiæ. Sed ieiunium est abstinentia. Ergo est temperantiæ actus.

QUAESTIUNCULA IV.

1. Ulterius. Videtur quod ieiunium non cadat in præcepto. Nam super illud Psal. xli. v. *Omnis gloria eius filie Regis ab intus,* dicit Glossa (Augustini 3.) quod gloria Ecclesiæ in interioribus virtutibus consistit, sicut fides, spes, caritas. Sed omne præceptum Ecclesiæ ad gloriam Ecclesiæ ordinatur. Ergo de ieiunio exteriori non potest esse præceptum.

2. Præterea. Ea quæ sunt supererogationis, ad consilium pertinent, ad quod nullus obligatur nisi ex voto. Sed ieiunium est huiusmodi. Ergo non obligatur ad ipsum aliquis ex præcepto.

3. Præterea. Quicumque transgreditur præceptum, peccat mortaliter. Si ergo ieiunium institutum ab Ecclesiâ cadat sub præcepto, tunc si aliquis unum diem tantum frangeret quadragesimæ, mortaliter peccaret; quod videtur grave dicere.

Sed contra. Statutum Ecclesiæ obligat per modum præcepti, sicut præceptum Dei:
Ccc quia

EX EDIT. P. NICOLAI.

* In epistola ad Demetriadem de virginitate servanda, supra scripta.

quia Dominus discipulis suis dixit (Luc. x. 16.) *Qui vos audit, me audit*. Sed ad illud ieiunium obligamur ex statuto Ecclesie. Ergo cadit sub præcepto.

Prætereā. Maioris perfectionis est lex nova quam vetus, & magis a carnalibus desideriis abstrahens. Sed in lege veteri erat ieiunium in præcepto. Ergo multo fortius in lege nova.

QUAESTIUNCULA V.

1. Ulterius. Videtur quod ieiunium non sit satisfactorium. Quia satisfactio est iustitiæ actus, ut prius dictum est. Sed ieiunium est actus temperantiæ. Ergo non est satisfactorium.

2. Prætereā. Illud ad quod ex præcepto astringimur, non est satisfactorium, sed satisfactionem præcedit, sicut de elemosyna dictum est. Sed quoddam ieiunium cadit sub præcepto, ut dictum est. Ergo ad minus illud non est satisfactorium.

3. Prætereā. Satisfactio debet fieri ab eo qui peccavit. Sed anima est quæ peccat; ieiunium autem non est animæ, sed corporis. Ergo non est satisfactorium pro peccato.

4. Prætereā. Sicut contingit peccare ex superfluitate cibi, ita ex subtractione. Sed contra subtractionem cibi non datur, ut satisfactio, cibi abundantia. Ergo nec contra abundantiam dari debet, ut satisfactorium, cibi subtractio per ieiunium.

5. Prætereā. I. Timoth. iv. 8. *Corporalis exercitatio ad modicum utilis est*. Sed ieiunium est huiusmodi. Ergo non est satisfactorium pro peccato.

Sed contra. Opera satisfactoria oportet esse pœnalia. Sed ieiunium habet magis rationem pœnæ quam elemosyna. Cum ergo elemosyna sit satisfactoria, ut ex dictis patet, & ieiunium debet esse satisfactorium.

Prætereā. Satisfacere est peccatorum causas excidere. Sed ieiunio aliquis abscindit peccatorum causas: quia maxime ieiunio reprimitur caro, quæ ad peccata incitat. Ergo &c.

SOLUTIO I.

Respondetur dicendum ad primam questionem, quod ieiunium dupliciter dicitur, scilicet ieiunium naturæ, & ieiunium Ecclesie. A primo ieiunio dicitur aliquis quolibet die ieiunus antequam cibum sumat; a secundo autem dicitur ieiunans, quasi ordinatam ab Ecclesia propter peccato-

rum satisfactionem abstinentiam servans. In satisfactionem autem peccatorum non solum oportet quod ab illis homo abstinereat quæ lex virtutis prohibet, sed etiam ab illis quibus salva virtute uti possemus: quia qui illicita commisit, oportet etiam a licitis abstinere, ut Augustinus dicit (alius Auctor de vera, & falsa pœnitentia cap. xv.) Unde ieiunium ab Ecclesia institutum supponit abstinentiam illam quæ ad virtutem exigitur, & addit abstinentiam quamdam ab illis quæ medium virtutis non corrumpunt. Et ideo Iñidorus hæc duo in prædicta diffinitione ieiunii comprehendit, scilicet abstinentiam ab illis quæ virtutem corrumpunt in hoc quod dicit, *parsonia vitus*; & ab illis quibus salva virtute alias uti liceret, in hoc quod dicit, *abstinentiaque ciborum*.

Ad primum ergo patet ex dictis solutio.

Ad secundum dicendum, quod diffinitio illa Hieronymi intelligitur de ieiunio spiritali, & non de ieiunio corporali.

Ad tertium dicendum, quod ieiunium ex suo nomine directe importat abstinentiam in cibis: unde illæ observationes quæ a ieiunantibus patribus observantur leguntur, non sunt de essentia ieiunii, sed ad modum ieiunandi pertinent; & propter hoc non oportet quod in diffinitione ieiunii mentio de eis fieret.

Ad quartum dicendum, quod intelligenda est in prædicta diffinitione talis abstinentia a cibis, alias licitis, qualem Ecclesia ieiunantibus determinat; & sic obiectio cessat.

Ad quintum dicendum, quod prædicta diffinitio non datur de ieiunio quo aliquis dicitur ieiunus, sed de ieiunio Ecclesie, ut dictum est.

SOLUTIO II.

Ad secundam questionem dicendum, quod, sicut supra dictum est, omnis actus qui in sua ratione includit aliquid quod ad modum virtutis pertineat, actus virtutis dici potest, quantum est de se; quamvis possit & bene, & male fieri ob hoc quod forte non includit in sui ratione omne illud quod ad virtutem exigitur. Quia autem virtus infirmari naturæ subvenit, quæ ad malum de facili inclinatur; ideo omnium virtutum circa delectationes corporales existentium, ex quarum superabundantia præcipue peccatum contingit propter connaturalitatem nostri ad eas, modus est in re.

tra-

trahendo ab eis, sicut patet in temperantia, & in omnibus partibus ei assignatis. Quia ergo nomine ieiunii actus nobis quidam exprimitur quo quis a delectationibus tactus, scilicet cibis, se abstrahit, constat quod in ratione sua modum virtutis importat; & ideo actus virtutis dici debet.

Ad primum ergo dicendum, quod medium virtutis non est medium secundum æquidistantiam ab extremis, sed accipitur secundum rationem rectam: & ideo contingit id quod est parum uni, esse satis alteri, sicut quod est parum sano in cibis, esse satis infirmo qui per abstinentiam curari debet. Curatio autem spiritualis morbi altior est virtuti quam curatio morbi corporalis: unde & illud quod alias esset modicum, vel minus debito, tamen volenti vulnus peccati curare, satis est: & sic ieiunium medium virtutis non corrumpit. Tamen sciendum, quod medium virtutis non consistit in indivisibili, sed habet aliquam latitudinem, in qua virtus salvatur, quamvis termini illius latitudinis, quos prætergredi salva virtute non licet, non possunt sermone determinari: & ideo qui dimittit aliquid, quo licite posset uti, non oportet quod statim a medio virtutis difcedat.

Ad secundum dicendum, quod ieiunium a quo quis ieiunus dicitur, non nominat aliquem actum, sed privationem precedentis cibi: & ideo secundum ipsum non dicitur aliquis ieiunare. Sed ieiunium Ecclesiæ nominat actum quemdam secundum quem in cibis sumendis se regulat aliquis secundum Ecclesiæ statutum; & secundum hoc ieiunium dicitur aliquis ieiunare: & ideo hoc ieiunium potest esse actus virtutis.

Ad tertium dicendum, quod necessarium dupliciter accipitur in cibis. Primo ad conservationem vitæ; & tale necessarium non licet subtrahere per ieiunium, sicut nec interimere seipsum. Sed hoc necessarium est valde modicum, quia modicis natura contenta est. Alio modo dicitur necessarium ad conservandam valetudinem corporis, quæ quidem accipitur in duplici statu. Primo secundum sufficientiam habito respectu ad ea quæ incumbunt ex officio, vel ex societate eorum ad quos convivit, necessario agenda; & tale etiam necessarium subtrahi non debet: hoc enim

esset de rapina hostiam ieiunii offerre, si aliquis propter ieiunium impediretur ab aliis operibus ad quæ alias obligatur. Unde Hieronymus dicit (ut habetur de cons. dist. v. cap. Non mediocriter *) *De rapina holocaustum offert qui vel ciborum nimia egestate, vel manducandi, vel somni penuria immoderate corpus affigit*. Si etiam sit tanta abstinentia quod homo ab operibus utilioribus impediatur, quamvis ad ea de necessitate non teneatur, indiscretum est ieiunium, etsi non sit illicitum. Unde Hieronymus dicit (ubi supra.) *Rationalis homo dignitatem amittit, qui ieiunium caritati, vel vigilias sensus integritati præfert*. Secundo accipitur valetudo corporis secundum optimam corporis dispositionem: & quia caro in suo robore consistens, difficilius spiritui subditur, ideo necessarium ad valetudinem sic acceptam etsi licite accipi possit, tamen laudabiliter subtrahi potest: & talis subtractio non multum mortem accelerat, cum corpus humanum inveniant frequentius ex superfluitate quam ex defectu mortales ægrotudines incurrere: unde etiam Galenus dicit, quod summa medicina est abstinentia. Inveniuntur etiam ad sensum, abstinentes ut frequenter diutius vivere: & ideo prædicta subtractio non potest dici mortis occasio, cum se habeat ad utrumque, scilicet ad prolongandum, & breviantium vitam. Subtractio autem eius quod non est necessarium, nec hoc, nec illo modo est de necessitate virtutis temperantiæ.

Ad quartum dicendum, quod quamvis homo post statum peccati magis infirmetur quantum ad passibilitatem corporis, ex qua fames causatur, cui per alimentum subvenitur, tamen ex altera parte est gravior infirmitas, & periculosior, cui ieiunium subvenit, scilicet concupiscentiæ morbus, qui in statu innocentie non erat: & ideo ad hunc morbum extirpandum magis intendere oportet, sicut etiam Medici periculosiori morbo sollicitius subveniunt.

SOLUTIO III.

Ad tertiam questionem dicendum, quod quamvis aliquis actus a pluribus virtutibus possit procedere, sicut ab imperantibus ipsum, vel dirigentibus ad eum, vel quocumque modo ad ipsum iuvantibus; tamen illius virtutis proprie actus dicitur quæli-

Ccc 2 cit

EX EDIT. P. NICOLAI.

* Hieronymi tamen non est, sicut in Libris qui hæc extant.

cit ipsum, a qua scilicet procedit formaliter, quasi in similitudinem speciei, sicut calefactio a calore. Sed tam virtutes quam actus virtutum penes obiecta distinguuntur: & ideo actus ab illa virtute elicitur quae secum convenit in propria ratione obiecti. Ex quia ieiunium in obiecto cum temperantia convenit quantum ad illam temperantiae partem quae abstinencia dicitur, ideo eius actus proprie ieiunium est, quamvis ab aliis virtutibus procedere per dictos modos etiam possit.

Ad primum ergo dicendum, quod actus iustitiae est reddere debitum. Non autem est debitum facere decimam de tempore, sed de rebus possessis aliquo modo. Dicitur autem ieiunium decima totius anni per quamdam adaptationem: & ideo non oportet quod sit actus iustitiae.

Ad secundum dicendum, quod fortitudinis est perferre molestias ab exteriori illatas: hoc autem non est in ieiunio.

Ad tertium dicendum, quod in omnibus virtutibus moralibus actus diriguntur prudentia, ut in III. Lib. dist. xxxiii. (quasi. 1. art. 5.) dictum est; & sic actus aliarum virtutum sunt etiam prudentiae.

SOLUTIO IV.

Ad quartam questionem dicendum, quod duplex est praeceptum, scilicet iuris naturalis, & iuris positivi. Praecepto iuris naturalis prohibentur ea quae sunt secundum se mala; sed praeceptis iuris positivi prohibentur ea quae possunt esse occasiones malorum; vel praeceptum aliqua ordinantia ad virtutem, quam legis positor inducere intendit: & propter hoc ius positivum, ut dicit Tullius (-Lib. II. de invent. num. 65.) est a naturali derivatum: unde ad legem positivam pertinet, ut dicit Philosophus in X. Ethic. (cap. x. vel xiv.) ordinare nutritiones juvenum, & adinventiones viro- rum, id est opera, & studia, ut arceantur a malis, & perducantur ad bona. In ieiunio ergo est aliquid quod ad praeceptum iuris naturalis pertinet, scilicet tantam abstinentiam carni adhibere, ne spiritui rebellet. Temperantia enim, ut dicit Philosophus in III. Ethic. (cap. ult.) mensuram accipit ex conservatione salutis corporalis: unde multo magis ex conservatione salutis spiritualis. Medium autem temperantiae non excedere, ad ius naturale pertinet; sed determinatio talis abstinentiae

secundum determinatum tempus, & deter- minata cibaria, ad ius positivum pertinet, quod moderatur hominum actus; & hoc modo ieiunium sub praecepto (*) Ecclesiae cadit.

Ad primum ergo dicendum, quod decor Ecclesiae principaliter in interioribus consistit; sed etiam exteriores actus ad eundem decorem pertinent, inquantum ab interiori progrediuntur, & inquantum interiori decorem conservant: & sic ieiunium ad decorem Ecclesiae ordinatur.

Ad secundum dicendum, quod duplex est genus supererogationis. Quoddam quod totaliter excedit necessitatem salutis; & hoc non potest cadere sub praecepto, sed sub consilio. I. Corinth. vii. 25. *De virginibus autem praeceptum Domini non habet, consilium autem do.* Aliud genus supererogationis est quod aliquo modo ad necessitatem salutis pertinet, quamvis non secundum hunc, vel illum modum, sicut de ieiunio ex dictis patet: & ideo determinatio modi in talibus potest cadere sub praecepto Ecclesiae, vel cuiuscumque legislatoris.

Ad tertium dicendum, quod praecepta iuris positivi magis obligant ex intentione legislatoris quam ex ipsa verbis: & ideo transgressor talis praecepti magis est reputandus qui obviat intentioni legislatoris quam qui deviat in aliquo a legis ordinatione. Intentioni autem legislatoris obviat qui ex contemptu, vel sine aliqua rationabili causa ordinationem (b) non servat. Si autem in aliquo casu non servat in quo probabiliter credi potest, si legislator adisset, eum obligare non velle, talis non est reputandus praecepti transgressor. Et ideo non est necessarium quod quicumque aliquem diem ab Ecclesia institutum ieiunare omittit, mortaliter peccet: potest enim hoc aliquando omnino sine peccato contingere, aliquando sine mortali cum veniali, aliquando etiam cum mortali; & hoc secundum diversas occasiones quibus homo inducitur ad ieiunium frangendum.

SOLUTIO V.

Ad quintam questionem dicendum, quod ieiunium actus satisfactorius est: quia & pro libidine peccati praeiteriti subtractionem delectationis recompensat, afflictionem etiam addens; & futura peccata impedit, concupiscentiam debilitans.

Ad

(a) Ad. eleemosynae. (b) Ad. non servat, in quo &c. intermediis omisso.

Ad primum ergo dicendum, quod ieiunium quamvis elicitive sit actus temperantiae, tamen a iustitia imperari potest, & sic erit satisfactorium; sicut etiam ad ultimum temperantiam admixtam iniustitiae habet.

Ad secundum dicendum, quod praeceptum legis naturae non est nisi de eo quod est necessarium ad salutem: & ideo quod sub tali praecepto cadit, non est satisfactorium, sed ad satisfactionem exigitur; & sic est de elemosyna, secundum quod cadit sub praecepto. Sed praeceptum Ecclesiae potest ad idem ordinari ad quod ordinatur satisfactorio: & ideo ieiunium quod sub praecepto Ecclesiae cadit, satisfactorium esse potest.

Ad tertium dicendum, quod neque corpus peccat, neque anima proprie loquendo, sed homo: & ideo ipse qui peccat, punitur, sive sit poena corporalis, sive spiritalis. Tamen etiam poena corporalis in animam redundat, quae ipsam sentit, sicut & per corpus delectatione illicita fruebatur in peccato.

Ad quartum dicendum, quod superabundantia cibi non habet poenam, & est inordinata: & ideo non potest esse satisfactoria, sicut ieiunium.

Ad quintum dicendum, quod intelligitur ad modicum valere corporalis exercitatio in comparatione ad pietatem: vel quia ad unum tantum valet, scilicet ad concupiscentiam domandam.

ARTICULUS II.

Utrum ad ieiunium ab Ecclesia institutum omnes teneantur absque dispensatione.

Ubi supra art. 4. & etiam 3.

1. **A**D secundum sic proceditur. Videtur quod ad ieiunium ab Ecclesia institutum omnes teneantur absque dispensatione. Praecepta enim Ecclesiae obligant sicut praecepta Dei: unde Apostolus dicitur (Luc. x. 16.) *Qui vos audit, me audit*. Sed ad praecepta Dei omnes tenentur absque dispensatione. Ergo & ad praecepta Ecclesiae.

2. Praeterea. Illud quod utiliter statutum est, non potest sine documento relaxari. Sed non sine utilitate statutum est Ecclesiae ieiunium. Ergo non potest per dispensationem sine documento relaxari.

3. Praeterea. Secundum Bernardum in Lib.

de dispensatione, & praecepto (paulo post principium) in praecepto superioris non potest inferior dispensare. Sed qualibet singularis persona est inferior quam Ecclesia, quae ieiunium sub praecepto statuit, nisi forte ille qui est caput totius Ecclesiae, vel loco capitis, scilicet Papa. Ergo nullus alius potest in ieiunio dispensare nisi Papa.

Sed contra. Innocentius III. in quadam decretali (extra de obser. ieiun. cap. *Complurimum*) loquens de materia ista, dicit, quod non subiacet legi necessitas. Ergo necessitate imminente potest aliquis sine peccato ieiunium ab Ecclesia institutum prae-termittere per dispensationem.

Praeterea. Praecepta legis naturalis non possunt per aliquid statutum immutari. Sed praeceptum legis naturalis est ut homo ad necessitatem cibum sumat. Ergo si necessitas exposceret, posset ieiunii abstinenciam non servare.

QUAESTIUNCULA II.

1. Uterius. Videtur quod iusti non teneantur ad ieiunium Ecclesiae. II. Corinth. 111. 17. *Ubi spiritus Domini, ibi libertas*. Sed iusti spiritu Dei sunt imbuti. Ergo liberi sunt ab onere statutorum Ecclesiae; & sic non obligantur ad ieiunium ab Ecclesia institutum.

2. Praeterea. Matth. ix. 15. Dominus dicit: *Non possunt filii sponsi, quamdiu cum eis est sponsus, lugere*. Ieiunium autem ad luctum pertinet. Sed cum iustus sponsus Ecclesiae Christus spiritualiter est: Eph. 1. 17. *Habitate Christum per fidem in cordibus vestris*. Ergo cum spiritualis praesentia corporali praemineat, videtur quod non teneantur ad ieiunium.

3. Praeterea. Nullus tenetur satisfacere qui non peccavit. Sed ieiunium est quaedam satisfactionis pars. Ergo si sunt aliqui iusti qui nunquam peccaverunt, videtur quod tales ad ieiunium non teneantur.

Sed contra. Apostolus persequitur iustus fuit. Sed ipse corpus suum castigavit per ieiunia, & alia corporalia exercitia, ut dicitur I. Corinth. ix. 27. (a) *Ne forte reprobus efficiar*. Ergo & alii iusti debent ieiunare.

Praeterea. Iustitia hominis ordinem Ecclesiae non subvertit, sed perficit. Sed quamdiu maeret ordo, manet obedientia inferioris ad superiorum praecepta: quia hoc eis est debitum. Ergo per iustitiam homo non

ab-

(a) Vulgata: *Castigo corpus meum, & in servitutem redigo, ne forte cum aliis predicaverim, ipse reprobus efficiar*.

absolvitur quin teneatur ieiunare, & alia praecepta Ecclesiae Dei debeat servare.

QUAESTIUNCULA III.

1. Ulterius. Videtur quod etiam pueri teneantur ad ieiunium. Ios. 11. 15. dicitur: *Sanctificate ieiunium*; & postea sequitur: *Congregate parvulos, & sugentes ubera*. Ergo parvuli ad ieiunium tenentur.

2. Praeterea. Magis propinquius est praecipere pueri quam bestia. Sed Ios. 11. 7. dicitur: *Homines, & iumenta non gustent quidquam, nec aquam bibant*. Ergo multo magis pueri ad ieiunium tenentur.

3. Praeterea. Pueri plus possunt ieiunare quam (ut videtur) proveci, quia habent plus de humido. Sed qui plus habet, magis tenetur. Ergo pueri magis tenentur ad ieiunium quam proveci.

Sed contra. Praeceptum Ecclesiae necessitatem cibi subtrahere non debet. Sed pueri indigent frequenti cibo: quia non possunt simul tantum sine lesione alimentum accipere quod eis ad totam diem sufficiat propter debilitatem naturae. Ergo ad ieiunium non tenentur.

Praeterea. Ieiunium est ordinatum ad satisfaciendum, & concupiscentiam comprimendum. Sed satisfactio pro peccatis praeteritis non competit pueris, quia innocentia vita degunt, & a puritate pueri dicuntur; similiter nec est in eis concupiscentia impugnans, etsi habitu eis iocet, ut Augustinus dicit (de peccatorum mer. & remis. Lib. I. cap. xxxix.) Ergo non tenentur ad ieiunium.

QUAESTIUNCULA IV.

1. Ulterius. Videtur quod proveci, & sani non excusentur a ieiunio propter peregrinationem. Est enim dimittendum illud quod non est necessitatis, ut servetur ad quod est necessitatis. Sed peregrinatio non est necessitatis. Cum ergo ieiunium ab Ecclesia institutum sit necessitatis, quia cadit sub praecipio, videtur quod non debeat propter peregrinationem, aut iter, ieiunium intermitteri.

2. Praeterea. Videtur quod nec ratione paupertatis. Quia paupertas de se inducit ad ieiunandum. Ergo non est causa quare aliquis ieiunare non debeat.

3. Praeterea. Videtur quod nec ratione operis alicuius servilis quis a ieiunio excusetur. Quia lucrum spirituale debet praeponderare lucro corporali. Sed huiusmodi opera ad lucrum corporale ordinantur, ieiunium

autem ad spirituale. Ergo non est ieiunium propter huiusmodi opera intermittendum.

Sed contra. Afflictio non est addenda afflictio. Sed omnia praedia habent de afflictione. Ergo aliquo modo excusantur ab afflictione ieiunii.

SOLUTIO I.

Respondeo dicendum ad primam questionem, quod per pracepta iuris positivi, ut dictum est, removentur aliqua quae non sunt de se mala, & semper: unde in aliquo casu possunt esse bona, & necessaria quae talibus prohibentur praecipitis: & ideo non fuit intentio legislatoris ut semper observaretur praecipitum suum, nisi in illis casibus in quibus bonum virtutis potest conservari. Et ideo dicendum ad primam questionem de iure naturali, & positivo, quod ius positivum a iure naturali procedere dicitur, in quantum per ius positivum modus observandi ius naturale determinatur: quia intentio cuiuslibet legislatoris est inducere homines ad virtutes, ut dicitur in II. Ethic. (cap. 1.) quae pertinent ad ius naturale. Modus autem observandi ea quae sunt de lege naturali, non potest esse uniformis in omnibus propter diversitates quae in singularibus contingunt, sicut nec idem modus curationis potest adhiberi omnibus laborantibus eadem aegritudine: & ideo legislator non potest aliquod praecipitum ponere quod non oporteat in casu aliquo praetermitteri. Tamen considerans quod frequentius accidit, legem ponit, in illis casibus in quibus modus determinatus per legem non competit, iudicium reservans aliquibus qui hoc habeant diffinire: & haec est dispensatio praetermissa in ieiunio ab Ecclesia instituta, & in aliis huiusmodi Ecclesiae praecipitis.

Ad primum ergo dicendum, quod pracepta Dei sunt de eo quod est de necessitate salutis secundum se; & ideo in quolibet casu observari illa oportet: sed pracepta Ecclesiae quamvis vim obligandi habeant ex actu praecipientium, non tamen semper obligant propter materiam in qua proponuntur.

Ad secundum dicendum, quod secundum utilitatem quae ut frequentius accidit, utiliter huiusmodi pracepta instituta sunt; sed propter necessitatem in aliquo casu emergentem etiam utiliter dimittuntur.

Ad tertium dicendum, quod inferior potest dispensare in praecipito superioris, quana-

do dispensatio sibi a superiori relinquitur.

SOLUTIO II.

Ad secundam quæstionem dicendum, quod præceptum a legislatore positum, tunc solum ad observandum non obligat, quando observatio intentionem legislatoris evacuat, vel impedit, qua intendit homines inducere ad virtutem, vel bonum statum eorum quibus legem proponit. Cum autem iustitia profectum ieiunii quem legislator intendit, non impediatur, sed augeatur, quia efficitur magis meritum ex hoc quod aliquis est iustus, non absolvitur a ieiuniorum observatione.

Ad primum ergo dicendum, quod libertas quam spiritus Dei inducit, est libertas iustitiae, quæ opponitur servituti peccati, sed coniungitur servituti Dei; & ita ad obedientiam mandatorum eius, & eorum qui vicem Dei gerunt in terris, obligatur.

Ad secundum dicendum, quod duplex est ieiunium, luctus, & exultationis: & dicitur ieiunium luctus, quod quidem cum amaritudine peccatorum, vel præsentis miseræ geritur; ieiunium vero exultationis, cum ex spiritali iucunditate a carnalibus se abstrahit: quia gustato spiritu, desipit omnis caro iustus. Ergo semper habitu spiritaliter sponus prærens est, sed non est semper actu; immo quandoque, est eis prærens ut iudex, cum sua peccata recogitant, vel quæ fecerunt, vel in quæ cadere possunt, nisi carnem cohibeant; & tunc eis competit ieiunium mæroris. Aliquando autem est eis prærens actu, ut sponus, quando eius dulcedine perfruuntur, & tunc competit eis exultationis ieiunium, & non mæroris.

Ad tertium dicendum, quod ieiunium non tantum inducitur pro peccatis præteritis, sed etiam ad præservandum a futuris: & ideo in his quæ non peccaverunt, competit ut medicina præservans. Tamen prærens vita sine peccato omnino agi non potest, quamvis a criminibus aliquis abstineat, ut Augustinus in Lib. de pœnitentia * dicit: & ideo sicut omnibus in hac vita existentibus competit pœnitentia, ita & ieiunium.

SOLUTIO III.

Ad tertiam quæstionem dicendum, quod pueri indigent multo cibo, eo quod cibus in eis non solum exigitur ad actum nutritivæ, sed etiam ad actum augmentativæ virtutis, quia de residuo nutrimenti fit augmentum. Er quia virtus naturæ in eis nondum convaluit, non possunt simul multum de cibo assumere, quia naturalis virtus illud convertere non posset, & ideo indigent frequentiori cibi sumptione; & propter hoc eis non competit ieiunium, dum sunt in augmento. Tempus enim augmenti secundum Philosophum ** est uique ad finem tertii septennii, ut in pluribus, quia res naturales non currunt semper eodem modo, ut frequenter: & ideo ante hoc tempus non ardeant pueri ad omnia ieiunia Ecclesiæ servanda. Sed quia quanto ad terminum prædictum appropinquant, tanto virtus naturæ magis roboratur, & augmentum tardius procedit, cum in primis quinque annis perveniat puer ad medietatem totius augmenti, ut Philosophus dicit (Lib. I. de generat. animal. cap. XVI II.) ideo secundum quod magis appropinquant ad prædictum terminum, sunt eis ieiunia magis commensuranda.

Ad primum ergo dicendum, quod loquitur in casu quando magna tribulatione imminente maior afflictio ad placandum Deum superaddenda est.

Et similiter dicendum ad secundum.

Ad tertium dicendum, quod quamvis pueri plus habeant de humido quam provecti; quia tamen illud est minus inspissatum, citius potest a calore consumi, & ideo frequentiori refectioe indigent.

SOLUTIO IV.

Ad quartam quæstionem dicendum, quod, sicut dictum est, intentio legislatoris est conservare homines, & inducere ad bonum statum virtutis, qui quidem consistit in conservatione vitæ, & valetudine sufficienti ad opera quæ quis facere debet: nec tamen suo præcepto exigit ab homine totum quod potest, cum non intendat ordinare statum hominis quantum ad unum diem, vel ad parvum tempus, sed

EX EDIT. P. NICOLAI.

* Sive Lib. I. Homiliarum hom. alt. quæ de pœnitentia inscribitur. ** Infinitur Lib. VII. de histor. animal. cap. 1.

sed ad totam vitam : a quo deficeret , si semel homo totum quod posset , faceret : & ideo five ægritudine imminente , five labore viz , five quocumque alio , cum quo simul , & ieiunio prædictus status confervari non potest , non tenetur ex præcepto ieiunare ; sed secundum dispensationem superioris , ut supra dictum est , ieiunium solvere potest .

Ad primum ergo dicendum , quod si sit talis peregrinatio quæ possit sine incommodo differri , debet peregrinationem differre , si simul cum ea ieiunare non potest . Si autem peregrinatio commode differri non potest , vel quia tempus ieiunii hominem in via præoccupat , vel quia dies festus alicui imminet , ad quem ex devotione homo pergere cupit , vel quia mora in penitentia periculum habet vel spirituale , vel corporale , potest cum dispensatione sui superioris omnia prædicta pensantis peregrinari , & ieiunium solvere . Hoc tamen intelligitur de his qui labore itineris adeo affliguntur , quod simul cum ieiunio itinerari non possunt . Nec obstat quod præceptum debet præponi consilio : quia intentio præceptum huiusmodi dantis non est alias pias , & magis necessarias causas excludere . Secus autem est de præceptis legis naturæ , quæ hoc prohibent quod secundum se , & semper malum est .

Ad secundum dicendum , quod paupertas non semper excusat a ieiunio , sed in illo casu quando simul habere non potest tantum hora comestionis quod ad victum totius diei sufficiat , sicut frequenter egenis contingit , qui frustatim elemosynas quærun ; vel etiam quando ex precedenti inedia tantum debilitati sunt quod ieiunium sustinere non possunt .

Ad tertium dicendum , quod de operariis distinguendum videtur : quia si ieiunando possunt competenter victum pro persona sua habere , & pro familia cuius cura eis incumbit (five quia alias divites sunt , five quia de eo quod minori labore (a) sit , qui secum ieiunium compatiatur , lucrari sufficientia possunt) a ieiunio non excusantur . Si autem alias non possunt tantum laborare quod victum sufficientem acquirant , nisi ieiunium frangendo , possunt secundum dispensationem sacerdotis sui ieiunium solvere , & laborare . Ex quo patet quod intentio maioris lucris non necessarii eos a peccato non excusat , si ieiunium frangant : nec ite-

rum illi a peccato immunes sunt qui operarios conducere nolunt , nisi tali pacto ut ieiunium solvant , nisi forte sit causa necessaria , quæ festinationem operis pro quo laboratur , exposcat .

ARTICULUS III.

Utrum huiusmodi tempora debeant esse ad ieiunium determinata , sicut Ecclesia instituit .

Ubi supra artic. 6.

1. **A**D tertium sic proceditur . Videtur quod huiusmodi tempora non debeant esse ad ieiunium determinata , sicut Ecclesia instituit . Quia sicut ieiunium est satisfactionis pars , ita elemosyna . Sed elemosynarum tempus non est determinatum . Ergo nec ieiunii .

2. Præterea . Sicut legislator novi testamenti , scilicet Christus , quadragesimam ieiunavit ; ita & legis veteris lator , scilicet Moyses . Sed populo veteris testamenti non indicabatur quadragesimale ieiunium . Ergo nec populo novi testamenti indici debet .

3. Præterea . Christus statim post baptismum legitur Matth. xv. ieiunium in deserto inchoasse . Si ergo nos in actibus nostris Christo conformari debemus , statim post Epiphaniam , quando baptismus Christi celebratur , debemus quadragesimale ieiunium inchoare .

4. Præterea . In veteri testamento habebant ieiunium quarti mensis , & quinti , & septimi , & decimi , quæ non erant distincta per quatuor anni tempora . Ergo videtur quod nec nos per quatuor anni tempora nostra ieiunia distinguere debeamus .

5. Præterea . Temporibus latitæ ieiunium non competit : unde & tempore paschali intermittitur ieiunium vigiliæ Apostolorum Philippi , & Iacobi , & tempore nativitatis , ieiunium vigiliæ beati Ioannis Evangelistæ . Sed infra octavas pentecostes adhuc durat gaudium paschalis festivitatis . Ergo tunc ieiunium non erit observandum .

6. Præterea . In sanctorum solemnibus eorum gloriam recolimus , ad quam translari sunt . Sed ieiunium statui gloriæ non competit : quia non *esuriens* , neque *sitiens amplius* . (Apoc. vii. 16.) Ergo in vigiliis

(a) Ad. desit sit .

gillis solemnitarum ieiunium non competit.

QUAESTIUNCULA II.

1. Ulterius. Videtur quod in aliquo tempore ieiunium sit interdictum, secundum quod Gregorius in II. Dialogorum (cap. I.) narrat quemdam sacerdotem divinitus missum beato Benedicto dixisse: *Dies resurrectionis est: non licet tibi hodie abstinere*. Ergo videtur quod in solemnitatibus illicitum est ieiunare.

2. Præterea. In Eisdra (Lib. II. cap. VIII. vers. 9.) dicitur: (a) *Sanctus dies Domini est: nolite convivari*: & additur: *Comedite pinguis*. Ergo videtur quod in diebus solemnibus non liceat ieiunare.

Sed contra est quod Honorius tertius in quadam decretali (extra de observ. ieiun. cap. *Explicari*) dicit, quod die natalis sexta feria venienti non sunt prohibendi qui propter devotionem voluerint ieiunare.

QUAESTIUNCULA III.

1. Ulterius. Videtur quod hora nona non debeat esse tempus determinatum ad manducandum in diebus ieiunii. Quia circumstantiæ secundum conditionem personarum sunt determinandæ. Sed non sunt eiusdem conditionis quantum ad potentiam abstinendi omnes quibus ieiunium indicitur. Ergo non esset eis omnibus una hora determinanda.

2. Præterea. Status novi testamenti est perfectior quam status veteris. Sed in veteri testamento ieiunabant usque ad vesperam. Ergo & usque ad vesperam homo debet comestionem nunc differre in diebus ieiunii.

Sed contra est consuetudo.

SOLUTIO I.

Respondeo dicendum ad primam questionem, quod ad legislatorem pertinent ea quæ sunt ad vitam humanam necessaria, lege ordinare qualiter congruentius fieri possunt: & ideo cum aliquod tempus sit alio magis ieiunio congruum, convenienter ab Ecclesia determinatum tempus est ad ieiunia institutum.

Ad primum ergo dicendum, quod electiones ordinantur ad subveniendum defectibus aliorum: & ideo non potest electionis tempus determinari, sicut nec de S. Tb. Oper. Tom. XII.

festibus quibus subvenire oportet. Sed ieiunium est institutum ad comprimendum concupiscentiam carnis, & satisfaciendum pro peccatis præteritis: & quia ieiunium concupiscentiam comprimit, etiam postquam factum est, (b) secundum quod eius effectus manet in ieiunante, ideo potest ieiunio tempus præfigi.

Ad secundum dicendum, quod Moyses fuit legislator non tamquam dominus legis, sed tamquam famulus; Christus autem tamquam dominus: & ideo non inducebat lex vetus ad conformitatem Moysi, sicut nova lex inducit ad conformitatem Christi: quia etiam Angelorum intentio, quia non sunt domini, sed servi, non est ut alios in seipso deducant, sed in Deum, ut Dionysius dicit (de cæl. hier. cap. IV.).

Ad tertium dicendum, quod Christus non ieiunavit quasi ipse ieiunio indigeret, sed ut ad gratiam eius suscipiendum exemplo sui ieiunii nos præpararet: & ideo post baptismum suum, in quo plenitudo gratiæ ipsius declarata est testimonio Patris, & Spiritus sancti, & etiam Ioannis, decebat ut exemplum ieiunii sui nobis proponeret. Nobis autem competit ieiunium, ut præparemur ad suscipiendam gratiam ipsius: (c) unde quia sacramenta gratiæ eius præcipue proponuntur circa festum paschæ, ideo immediate ante solemnitatem paschalem quadragesimale ieiunium impletur: & etiam quia tempus veris, quod tunc incipit, maxime est concupiscentiæ aptum, & quia significatur quod ad gloriam resurrectionis per tribulationes præsentis vite pervenimus, sicut & Christus per passionem.

Ad quartum dicendum, quod secundum Hieronymum (super Zach. cap. VIII.) Iudæi habebant speciales causas quare illa ieiunia observabant. In Iulio enim, qui est quartus mensis ab Aprili, quem ipsi primum habent, ieiunabant: quia illo mense septima die mensis Moyses descendens de monte legis tabulas confregit propter peccatum vituli conflatis, & eodem mense muri Hierusalem a Nabuchodonosor destructi sunt. In quinto autem mense, id est in Augusto, propter peccatum murmuris ex verbis exploratorum orti: illo etiam mense templum incensum est a Nabuchodonosor, & postea etiam a Tito. In septimo autem mense propter

Ddd

inter-

(a) Vulgata: *Dies sanctificatus est Domino Deo nostro: nolite iugere, & nolite flere*. (b) Al. secundum quod defectus manet. (c) Al. deest unde.

interfectionem Godolæ, sub quo reliquæ populi conservabantur, ut patet Hierem. xli. In decimo autem mense in memoriam mortuorum quos Dominus in deserto percusserat. Nos autem præter ieiunium quadragesimale, in quo omnium dierum quasi decimam solvimus, in singulis (a) quadris anni, tres dies ieiunii instituti sunt, qui quasi in primitiis computentur, & ad expiandum peccata singularum quattarum.

Ad quintum dicendum, quod, sicut dicit Leo Papa (in ferm. de ieiun. pentecostes) post sanctæ lætitiæ dies, quos in bonorem Domini resurgimus, & in calum ascendenti exegimus, & post acceptum Spiritus sancti donum, salubriter, & necessario consuetudo ordinata est ieiunii, ut si quis forte inter ipsa festivitatis gaudia negligens libertate, & licentia immoderata aliqua præsumptu, hoc abstinentia censura castiget. (b) Tamen etiam est ieiunium exultationis, quod illis qui Spiritum sanctum acceperunt, competit: cum gaudio enim spiritui etiam afflictio corporalis se comparatur: unde non fit genuflexio, & alleluia cantatur, quod in aliis ieiuniis non observatur.

Ad sextum dicendum, quod in solemnitatibus præcipuis vigilas ieiunamus, ut paratiores ad devotionem festi simus, & ut gaudium æternum, quod per solemnitates temporales significatur, ad tribulationes præsentis vitæ, quas sancti passi sunt, subsequi demonstrentur.

SOLUTIO II.

Ad secundam quæstionem dicendum, quod ieiunium, quantum est de se, nullo tempore est prohibitum. Unde, sicut dicit Isidorus*, sancti patres in deserto tempore paschali ieiunabant, excepto die dominicæ resurrectionis, in quo non videretur conveniens ieiunare, eo quod tota Ecclesia lætitiæ festum agit. Unde non est conveniens quod aliquis illo die operibus afflictionis intendat, quia turpis est omnis pars quæ suo toti non congruit, ut dicit Augustinus in Lib. Confes. (III. cap. viii.) Sed per accidens potest esse ieiunium aliquis in die festo illicitum, si adeo per-

tinaciter ieiunium teneret, quod non crederet per devotionem festi utilitatem ieiunii compensari posse.

Ad primum ergo dicendum, quod dies resurrectionis, ut dictum est, totus est lætitiæ: unde & cantatur: *Hec dies quam fecit Dominus: exultemus, & lætemur in ea*: & ideo in illa præ aliis non congruit tristitiæ signa ostendere: & quia in singulis dominicis memoria resurrectionis agitur, ideo in diebus dominicis secundum communem consuetudinem Ecclesiæ ieiunia intermituntur.

Ad secundum dicendum, quod quia illi in magna tristitia demersi erant propter tribulationes undique imminentes, ideo ab his quæ tristitiam ingerere possunt, abstraherantur, ut in spe divini auxilii gauderent.

SOLUTIO III.

Ad tertiam quæstionem dicendum, quod competens hora comedendi in diebus ieiunii est hora nona, & hæc est ab Ecclesia instituta, & communiter observata: quia secundum communem cursum comedendi est hora sexta: quia cibus non debet apponi quousque natura circa cibum præcedentem occupata est. Occupatur autem in cibo assumpto dupliciter. Primo digerendo ipsum: & quoniam digestio fit per calorem, ideo illud tempus digestionis est congruum in quo calor naturalis ad interiora revocatur, scilicet (c) propter subtractionem radiorum solis, & propter somnum, in quo intenduntur virtutes naturales. Secundo cibus iam deductum deducendo per membra, quibus debet assimilari: & ad hoc requiritur quod calor nutrimentum deducens usque ad extremas partes corporis evocetur: calor autem solis calorem naturalem ad exteriora evocat: & ideo quando completur solis ascensus (quod fit hora sexta) quia tunc est circa medium) tunc eiopus completus est; & ideo tunc est tempus communiter sumendi cibum. Et quia ieiunium Ecclesiæ debet esse pœnale, & satisfactorium, ideo supra hoc aliquid additur; non autem tantum quod penitus humor cibi assumpti exsicceetur, aut virtus

(a) Forte etiam quartis, ut infra. (b) Al. Tum. (c) Al. non propter.

EX EDIT. P. NICOLAI.

* Lib. I. de ecclesiasticis officiis cap. xlii. ex quo refertur in Decretis dist. lxxvi. cap. Post pascha,

tus naturalis debilitetur : unde partito residuo tempore , hora nona occurrit , in qua cibis secundum Ecclesie statutum in diebus ieiunij sumendus est .

Ad primum ergo dicendum , quod legislator ponens legem communem , attendit ea quæ in pluribus accidunt ; sed adaptationem ad singulos relinquit illis qui constituuntur legis dispensatores .

Ad secundum dicendum , quod nos non sro ieiunio conformamur novo homini , qui per passionem suam nos a vetustate , & tenebris revocavit : & ideo illo tempore ieiunium primum solvimus , quando Christus passionem suam finiuit , scilicet hora nona . Sed ante hanc renovationem competeat vespertinum tempus ieiunantium confessioni , ad significandum quod per cibum veteris hominis in tenebras peccati , & mortis deieci erant , a quibus non eruebantur , etiam post tribulationes presentis vitæ , quia in morte ad limbum descendebant , qui erat tenebrosus locus .

ARTICULUS IV.

Utrum per binam confessionem ieiunium solvatur .

Ubi supra art. 6. 7. 8.

1. **A**D quartum sic proceditur . Videtur quod per binam confessionem ieiunium non solvatur . Quia ieiunium est determinatum ad subtractionem nutrimenti . Sed non solum nutrimur cibo , sed etiam potu . Cum ergo potus assumptus præter confessionem statutum ab Ecclesia ieiunium non solvat , videtur quod nec etiam cibi bina assumptio .

2. Præterea . Aqua potaia impedit summptionem eucharistiæ , sicut & sumptio alterius cibi : quia solvit ieiunium naturæ , quod requiritur in eucharistiæ sumentibus , sicut & alij cibi . Si ergo aqua potata non solvit ieiunium Ecclesie , videtur quod nec alius cibus assumptus .

3. Præterea . Elestuaria etiam cibi quidam sunt . Sed eorum assumptio ieiunium non solvit ; quod patet ex communi consuetudine multorum , qui etiam diebus ieiunij absque conscientia fractionis ieiunij elestuaria in magna quantitate manducant . Ergo nec ciborum aliorum iterata assumptio ieiunium solvit .

4. Præterea . Odor ieiunium non solvit .

Sed odore aliqui reficiuntur , sicut & cibo . Ergo nec cibus .

Sed contra est , quia in hoc distinguuntur ieiunantes a non ieiunantibus , quia semel manducant . Si ergo bina comestio ieiunium non solveret , non esset differentia inter ieiunantes & non ieiunantes .

QUAESTIUNCULA II.

1. Ulterius . Videtur quod esus carniū ieiunium non solvat . Quia ieiunium est institutum ad comprimendum concupiscentiam . Sed vinum magis inflamat concupiscentiam quam carnes . Cum ergo potus vini non solvat ieiunium , nec esus carniū solvet .

2. Præterea . Legumina inflativa sunt , & sic ad luxuriam provocant . Sed esus eorum non solvit ieiunium . Ergo nec esus carniū .

3. Præterea . Pisces aliqui ita delectabiliter comeduntur sicut carnes aliorum animalium . Sed nulla caro piscium comesta ieiunium solvit . Ergo nec carnes avium , aut quadrupedum .

4. Præterea . Sicut in diebus quadragesimalibus abstinetur a carnibus , ita ab ovis , & lacticiis . Sed in diebus ieiunii quidam lacticiis , & ovis utuntur . Ergo & carnibus uti possunt sine hoc quod ieiunium solvantur .

Sed contra est generalis consuetudo Ecclesie , quæ ieiunantibus usum carniū interdicat .

QUAESTIUNCULA III.

1. Ulterius . Videtur quod anticipatio temporis ieiunium non solvat . Sicut enim non servat tempus ab Ecclesia institutum qui tardat confessionem , ita nec ille qui anticipat . Sed ille qui tardat , non solvit ieiunium ab Ecclesia institutum . Ergo nec ille qui anticipat .

2. Præterea . Ieiunium est actus abstinentiæ . Sed abstinentia impeditur non solum per anticipationem horæ comestionis , sed etiam per alias condiciones , quæ hoc versu continentur :

Præpropere , laute , nimis , ardenser , studiose .

Ergo cum nimis comedere quantum ad quantitatem non solvat ieiunium , nec ardenser quantum ad aviditatem comedendi , nec laute quantum ad pretiosa quæ in cibum quærentur , nec studiose quantum ad exquisitum modum cibaria præparandi :

Ddd 2 alias

alias mortaliter peccarent qui in diebus ieiuniorum hoc facerent, quasi transgressores præcepti Ecclesie; quod durum est dicere: videtur quod nec *prepropere* comedere, quod est tempus anticipare, ieiunium solvat.

Sed contra est quod dicit Concilium Cabilonense: ** In quadragesima nullatenus credendi sunt ieiunare qui ante manducaverunt quam vespertinum celebretur officium.* Ergo anticipatio temporis solvit ieiunium.

SOLUTIO I.

Respondeo dicendum ad primam questionem, quod ieiunium dupliciter solvitur. Uno modo quantum ad meritum, ita quod homo vel non meretur, vel minus meretur; & de hac solutione ieiunii non intendimus ad præsens: quia conditiones quæ meritum alicuius actus augent, vel minuant, indeterminatæ sunt, eo quod quandoque accidentaliter se habent ad actum meritorium. Alio modo solvitur ieiunium, secundum quod est ab Ecclesia institutum, ex qua solutione homo efficitur transgressor statuti Ecclesie de ieiunio servando, vel saltem (a) non observator, nisi ex dispensatione, vel causa legitima dimittat: & de hac solutione ieiunii nunc (b) querimus. Ad hoc autem præcipue valet considerare intentiones statuentis. Intendit autem Ecclesia certum modum statuere manducandi, ut scilicet semel in die ieiunans manducet: & ideo si aliquorum sumptio, secundum quæ manducatio solet compleri, iteretur, ieiunium prædicto modo acceptum solvitur. Si autem aliqua sumantur quæ ad manducandum de se ordinata non sunt, sed ad alium usum, qui usus communiter manducatio non vocatur, talis cibi, vel potus sumptio præter manducationem unam ante, vel post, non facit esse binam manducationem; & ideo talis sumptio ieiunium non solvit.

Ad primum ergo dicendum, quod quamvis aliquis potus aliquo modo nutriat, tamen de se non ordinatur ad nutriendum, sed magis ad dispositionem bonam eorum quæ nutriunt, ut scilicet per membra deducantur, & in stomaco non comburantur:

unde sumptio potus manducatio non dicitur: & ideo ille qui potat extra horam unice comestionis, non dicitur bis manducare; & propter hoc nec statutum Ecclesie frangit, nisi fraudem faciat: quia legem violat qui in fraudem legis aliquid facit.

Ad secundum dicendum, quod aqua etsi solvat ieiunium naturæ, quia aliquo modo nutrit; non tamen solvit ieiunium Ecclesie: quia Ecclesia non attendit in statuendo id quod quocumque modo nutrire potest, sed id quod principaliter ad nutriendum ordinatum est.

Ad tertium dicendum, quod quidam dicunt, quod si eleusaria comedantur ad delectationem, solvunt ieiunium; si autem causa medicinæ sumantur, non solvitur ieiunium. Sed statutum positivæ legis non attendit intentionem observantis, sed ipsi actum, eo quod modus virtutis non cadit in præcepto, sed est finis præcepti; sed ex intentione potest aliquis mereri, vel demereri. Et ideo dicendum, quod eleusaria etsi aliquo modo nutriant, non tamen hic est principalis usus eorum: unde nec loco manducationis sumi consueverunt: & ideo talis sumptio ieiunium Ecclesie non solvit, quamvis homo possit totaliter, vel in parte ex hoc meritum ieiunii perdere; vel etiam mortaliter peccare, si sit immoderata libido. Non tamen est transgressor præcepti Ecclesie, nisi in fraudem sumeret, aut si eis quasi aliis cibis uteretur ad famem extinguendam.

Ad quartum dicendum, quod odor non nutrit, ut patet per Philosophum in Libro de sensu, & sensato (cap. v.) sed aliquo modo confortat: unde non solvit neque ieiunium naturæ, neque ieiunium Ecclesie.

SOLUTIO II.

Ad secundam questionem dicendum, quod ille dicitur ieiunium Ecclesieolvere qui modum abstinendi statutum ab Ecclesia non servat. Cum autem ieiunium Ecclesia instituerit ad satisfaciendum, & concupiscentiam reprimendum, sicut determinavit abstinendam ieiunii quantum ad numerum, ut scilicet semel tantum ieiunans comederet ad afflictionem carnis propter satisfactionem; ita taxavit ut a carnibus abstinere-

(a) *ℳ.* non observando, si ex dispensatione &c. (b) *ℳ.* quæta mus.

EX EDIT. P. NICOLAI.

* Ex quo utique in Decretis de consecr. dist. x. cap. *Solent prænotari sed ex constitutionibus Theodulphi Arelhanensis Episcopi cap. xxxix. distinguunt esse, appendix ibi notat.*

tur, quia hoc genere cibi præcipue concupiscentia fovetur, & roboratur: unde comestio carnum ieiunium solvit ab Ecclesia institutum.

Ad primum ergo dicendum, quod vinum concupiscentiam incitat inflammando per modum alterantis: & quia tales alterationes non diu manent, ideo potus vini non adeo efficaciter operatur ad concupiscentiæ fomentum, sicut esus carnum, quo præcipue materia concupiscentiæ ministratur, & calor naturalis confortatur radicitus magis; & ex alia parte subtractio vini nimis debilitaret naturam propter digestionis impedimentum.

Et similiter dicendum ad secundum de inflatione leguminum, quod est accidentalisis causa concupiscentiam provocans, & cito transit.

Ad tertium dicendum, quod pisces frigidiore sunt naturaliter quam carnes, nec alimentum ita conveniens corpori præstant sicut alie carnes: unde non sult tanta necessitas prohibendi pisces, sicut carnes.

Ad quartum dicendum, quod quadragesimale ieiunium archius observatur quam alia ieiunia, quia eo Christi ieiunium secundum modum nostrum imitatur: & ideo quamvis usus casei, & ovorum in quadragesima sit generaliter interdictus, tamen in aliis ieiuniis apud diversos in his est diversus abstinentiæ modus.

SOLUTIO III.

Ad tertiam quæstionem dicendum, quod, sicut dictum est, ille ieiunium solvit qui Ecclesiæ determinationem non servat. Unde cum Ecclesia instituit certum tempus comedendi ieiunantibus, qui nimis notabiliter anticipat, ieiunium solvit. Non enim Ecclesia archare intendit ad subtilem temporis inspectionem: nec oportet astrolabium accipere ad horam comestionis cognoscendam. Unde sufficit si circa horam illam quam Ecclesia instituit, ieiunans sumat cibum, etiam si aliquantulum propter aliquam necessitatem anticipet.

Ad primum ergo dicendum, quod omittere præceptum Ecclesiæ non licet, & supererogare licet: & ideo cum tardatio horæ ad pœnalitatem ieiunii faciat, licet tardate per horam, sed non anticipare.

Ad secundum dicendum, quod ea in quibus non potest accipi certa mensura, non cadunt sub determinatione legislatoris. Et quia non potest accipi certa mensura in quantitate cibi, vel aliis conditionibus numeratis, sicut in tempore accipi potest; ideo conditiones alie quatuor non cadunt sub determinatione præcepti Ecclesiæ: & ideo quamvis per inordinationem circa illas circumstantias peccet, & meritum ieiunii amittat vel in toto, vel in parte; non tamen Ecclesiæ statutum transgreditur: & ideo ieiunium non solvit.

QUAESTIO IV.

Deinde quæritur de oratione: & circa hoc quæruntur septem.

Primo. Quid sit oratio.

Secundo. De modo orandi.

Tertio. De speciebus orationis.

Quarto. Quid sit in oratione petendum.

Quinto. Quis possit orare.

Sexto. Cui comperit orare.

Septimo. De efficacia orationis.

ARTICULUS I.

Utrum oratio sit quidam actus affective partis.

2. 2. quæst. lxxxiii. art. 1. & 2.

1. Ad primum sic proceditur. Videtur quod oratio sit quidam affectivæ partis actus. Primo per Augustinum, qui sic diffinit orationem (de spiritu, & anima post medium *) *Oratio est purus affectus mentis in Deum directus.*

2. Præterea. Hugo de S. Victore (in Libro *Quo studium orandum sit*) dicit, quod oratio est devotio quedam ex compunctione procedens. Sed devotio ad affectum pertinet. Ergo & oratio.

3. Præterea. Imperium, & oratio non differunt nisi secundum relationem ad superiorem, & ad inferiorem, secundum quod imperatur inferiori, sed oratur superior. Sed voluntas est quæ imperat aliis viribus. Ergo ipsa etiam est cuius est orare, & petere.

4. Præterea. Oratio exterior interiori deside-

EX EDIT. P. NICOLAI.

* Vel sic. *Oratio est mentis devotio, id est conversio in Deum per piæm, & humilem affectum; ut videre est de spiritu & anima cap. l. inter opera Augustini Tom. III. Sed Hugonis est Lib. II. de spiritu, & anima cap. xxxiii. & in Libro de modo orandi cap. 1. loco illius quæ sequitur.*

fidem iniquat orantis. Sed oratio interior est quæ per exteriorem innoteſcit. Ergo oratio interior nihil aliud eſt quam interior deſiderium; & ſic ad affectivam pertinet.

Sed contra. Super illud Pfalm. lxxv. *Exaudi Deus orationem meam* &c. dicit Gloſſa, quod oratio eſt quando vota noſtra Deo pandimus. Sed pandere, ſive demonſtrare eſt actus rationis. Ergo & orare.

Præterea. Secundum Damascenum (Lib. III. de Fide orthod. cap. xxiv.) *oratio eſt p-tio decentium a Deo*. Sed decentia importat ordinem alicuius ad alterum. Cum ergo ordinare ſit rationis, & oratio rationis erit

QUAESTIUNCULA II.

1. Ulterius. Videtur quod ſit actus doni, & non virtutis. Quia ſecundum Hugonem de S. Viſlore (ubi ſupra) oratio eſt contemplationis pars. Sed contemplatio ad ſapientiam pertinet: quia ea perficitur ſuperior pars rationis, quæ contemplandis æternis inheret, ut Auguſtinus dicit (Lib. III. de Trin. cap. xiv.) Ergo oratio eſt actus ſapientię.

2. Præterea. Ut dicit Damascenus (ubi ſupra) oratio eſt aſcenſus intellectus in Deum. Sed aſcendere ad donum intellectus pertinet: unde ſexta beatitudo, qua dicitur: *Beati mundo corde, quoniam ipſi Deum videbunt*: intellectus dono attribuitur, ut patet in Gloſſa Matth. v. Ergo oratio eſt actus intellectus doni.

3. Præterea. Gregorius dicit (ult. hom. circa fin. *Orare eſt* * (a) *amator gemitur in compunctione reſonat*. Sed gemere eſt actus ſcientię doni: quia tertia beatitudo, qua dicitur, *Beati qui lugent*, ad donum, ſcientię reducitur, Matth. v. in Gloſſa, & ab Auguſtino II. Lib. de Doctr. chriſt. (cap. vii.) Ergo oratio eſt actus doni.

Sed contra. Videtur quod ſit actus virtutis. Iac. i. 6. *Peſtulet autem in fide nihil heſitans*. Sed fides eſt virtus. Ergo oratio quæ eſt poſtulatō, eſt actus virtutis.

Præterea. Auguſtinus dicit (Lib. de orando Deum, vel epiſt. cxxi. cap. viii.) *Fides credit, ſpes & caritas orant, & orando impetrant*. Sed ſpes, & caritas ſunt virtutes. Ergo oratio eſt actus virtutis.

(a) Al. amoris.

EX EDIT. P. NICOLAI.

* ſumptum eſt Lib. XXXIII. Mor. cap. xxi.

QUAESTIUNCULA III.

1. Ulterius. Videtur quod oratio non ſit actus cadens in præcepto. Quod enim voluntatis eſt, non eſt neceſſitatis. Sed oratio maxime eſt voluntatis, quia eſt quædam voluntatum petitio. Ergo non neceſſitatis; & ita non cadit ſub præcepto.

2. Præterea. Petitio non videtur aliquid aliud eſſe, niſi ut noſtrum deſiderium alteri innoteſcat. Sed ſuperfluum eſt alicui exponere quod ipſe ſcit. Ergo cum chriſtiana religio non contineat aliqua ſuperflua præcepta, alias ſuperſtitio eſſet, videtur quod non cadat ſub præcepto orare Deum, cui omnia deſideria noſtra ſunt nota.

3. Præterea. Deus liberaliſſime ſua bona dat. Sed liberalius datur quod ſine precibus datur: quia, ſicut Seneca dicit (Lib. II. de beneficiis cap. i.) *nulla res carius emitur quam que precibus impia eſt*. Ergo non debet per præceptum exigere preces de eo quod vult dare: nec iterum de eo quod non vult dare: quia quod Deus non vult, nos non debemus velle, ut ſic ſit conformitas noſtrę voluntatis ad Deum: & quod nos debemus velle, non debemus petere. Ergo nullo modo oratio cadit ſub præcepto.

Sed contra. Super illud Luc. xviii. *Oportet ſemper orare* &c. dicit Chryſoſtomus (in quodam ſermone de Moyſe) „Dum dicit, *Oportet*, neceſſitatem dicit.“ Sed neceſſitas talis non poteſt eſſe niſi ex præcepto. Ergo oratio cadit ſub præcepto.

Præterea. Oratio contra ieiumum, & eleemoſynam dividitur. Sed utraque illarum eſt in præcepto. Ergo & oratio.

SOLUTIO I.

Reſpondeo dicendum ad primam quæſtionem, quod, ſicut dicit Caſſiodorus (in Pfalm. lxxxv.) oratio dicitur quaſi oris ratio. Unde ex ſuo nomine oratio ſignificat expreſſionem alicuius actus rationis per effectum oris. Habet autem ratio duos actus, etiam ſecundum quod eſt ſpeculativa. Primus eſt componere, & dividere; & iſte actus rationis exprimitur ore per orationem, quam Philoſophus in I. Perihierm. (cap. iv.) deſcribit. Secundus actus rationis

tionis est discurrete de uno in aliud innotescendi causa; & secundum hoc (a) syllogismus oratio quaedam dicitur. Et quia sermones rhetorici, qui conciones dicuntur, continent argumentationes ad persuadendum accommodatas, inde est quod etiam orationes dicuntur, & Rhetores oratores. Et quia orationes istae, praecipue quantum ad genus causarum quod iudiciale dicitur, ordinantur ad hoc quod aliquid a iudice petamus, unde & in iure advocaciones postulationes dicuntur; ideo translatum est ulterius hoc nomen ad significandum petitionem quam Deo aliquis facit velut iudici, qui habet curam nostrorum actuum: & sic diffinit Damascenus orationem: *Oratio est petitio decentium a Deo*: sic enim loquimur hic de oratione: & ideo cuius actus est petitio, eius actus est oratio. Sciendum est ergo, quod homo ab aliis animalibus differt quantum ad virtutem, & motivam partem in duobus. Primo quantum ad volitum, vel concupitum; quod quidem aliis animalibus ex natura determinatum est, homini autem non. Secundo quantum ad prosecutionem voliti, sive concupiti: quia alia animalia habent determinatas vias, & instrumenta, quibus sua desideria explant, & ideo quam cito in eis fit desiderii motus, tam cito membra ad actum applicant, nisi sit aliquid prohibens per violentiam: homo autem non habet vias, & instrumenta determinata; & ideo ratio huiusmodi subvenit in his duobus: quia & inquirat proprium, & determinatum bonum quod desiderari oporteat, & instrumenta ad opus determinat in prosecutione desiderati; & ideo in nobis actus rationis praecedit, & sequitur actus voluntatis. Praecedit quidem, inveniens per consilium quid per voluntatem eligi oporteat; sequitur autem per imperium, ordinando unicuique instrumento quod ei oporteat facere: & hunc rationis actum imperativus modus exprimit in verbis. Instrumenta autem quae ratio applicat per imperium ad prosecutionem, vel consecutionem desiderati, non solum sunt vires animae, & membra corporis, sed etiam exteriores homines: quia quae per amicos sunt, aliquantulum per nos sunt, ut Philosophus dicit in III. Ethic. (cap. III.) Sed etiam exteriores amici non sunt in potestate nostra, sicut sunt membra corporis, & vires animae: & ideo applicatio praedicta eorum qui extra nos sunt, ad consecutionem deside-

rati, quandoque dicitur imperium, vel praecceptum, quando scilicet illi sunt in potestate nostra; quandoque autem dicitur petitio, quando non sunt in potestate nostra quasi nobis subiecti; vel etiam deprecatio, si supra nos sunt: unde sicut imperium est actus rationis, ita petitio, & deprecatio: & hoc patet per Philosophum in I. Ethic. (cap. ult.) qui dicit, quod ratio ad optima deprecatur. Unde & per consequens oratio rationis est actus, applicantis desiderium voluntatis ad eum qui non est sub potestate nostra, sed supra nos, scilicet Deum. Unde diffinitio Damasceni, *Oratio est petitio decentium a Deo*, verissime essentiam orationis declarat.

Ad primum ergo dicendum, quod dirigere affectum mentis in Deum contingit dupliciter. Uno modo sicut in obiectum, & hoc modo affectus in Deum directus, est amor Dei; & sic non loquitur hic Augustinus. Alio modo affectus in Deum dirigitur, ut in illum quod effectus mentis desiderantis explendus est, & hanc directionem affectus in Deum facit ratio praedicto modo, applicando ad ipsum illud quod desiderat affectus; & ipsa directio affectus in Deum oratio est: unde diffinitio illa materialis est, secundum quod per rem directam significatur ipsa directio; sicut etiam quandoque per fidem significatur res credita: & similis modus loquendi est cum dicitur, quod oratio est desiderium boni, in Glossa I. Thess. v. quia ipsum desiderium est res orata expleri.

Ad secundum dicendum, quod sicut in petitione exteriori dicitur aliquid esse petitio dupliciter; scilicet secundum veritatem, ut cum dicimus, Da mihi hoc; & secundum interpretationem quamdam, ut cum aliquis manum porrigit, vel necessitatem exponit: ita etiam interior oratio quae fit ad Deum, est quidem secundum rei veritatem actus rationis, ut dictum est, quodammodo Deum pulsantis; sed recogitatio necessitatum propriarum, & exercitio spei ad Deum sunt (b) quaedam orationes per quamdam interpretationem; & sic etiam devotio oratio dicitur ab Hugone de S. Victore (ubi supra.)

Ad tertium dicendum, quod ille qui petit, ut imperat, aut deprecatur, advocat aliquid ad consecutionem finis, vel prosecutionem intenti. Hoc autem non est (c) voluntatis, quia ipsa simpliciter & absolute fertur in suum obiectum, quod

(a) *Id.* similis oratio. (b) *Id.* quidem. (c) *Id.* voluntas.

quod est finis; sed est rationis, cuius est ordinare unum ad aliud: & ideo proprie accipiendo imperium non est voluntatis. Sed dupliciter dicitur voluntas imperare. Uno modo per quamdam interpretationem, sive æquivalentiam: quia enim imperans per imperium suum movet, ideo actus animæ ad quem motus statim sequitur, imperium dicitur: & quia ad actum appetitivæ, si sit completus, statim sequitur motus in corporalibus organis, ideo appetitivæ virtutis dicuntur imperantes motum. Alio modo, inquantum principium imperii in voluntate est. Advocare enim aliquem ad finem suum, quod ad imperium pertinet, præsupponit appetitum finis, & est quædam prosecutio illius; & propter hoc potentia, vel artes operative, seu habitus qui sunt circa finem, dicuntur imperare istis quæ sunt circa ea quæ sunt ad finem: & secundum hoc voluntas, quæ habet finem pro objecto, dicitur imperare, inquantum imperium, quod est actus rationis, in voluntate incipit, ad quam pertinet desiderium finis.

Ad quartum dicendum, quod verbum exterius prolatum est signum alicuius dupliciter. Uno modo immediate, illius scilicet ad quod significandum principaliter institutum est, sicut hoc nomen *ignis*, significat elementum quoddam. Alio modo mediate, scilicet quando ipsa res quæ primo significatur, accipitur ut signum alterius rei, sicut ignis significat caritatem propter aptitudinem quam habet illa res ad significandam caritatem ex similitudine quadam. Oratio igitur exterior vocalis significat immediate actum rationis deprecantis, si etiam oratio exterior per modum orationis proponatur, ut cum dicitur (Sap. ix. 4.) *Da mihi sedum tuum asyricum sapientiam*. Sed mediata significatione ipsum desiderium exprimit, dicit principium a quo procedit, ut ex dictis patet: & secundum hoc intelligenda est præmissa descriptio orationis, quod oratio est quando vota nostra Deo pandimus.

SOLUTIO II.

Ad secundam questionem dicendum, quod oratio actus quidam est. Dicimus autem actum aliquem esse virtutis actum, si in sui ratione aliquid claudat quod ad ordinem virtutis pertineat, etiam si non

omnia quæ ad virtutem requiruntur, in sui ratione contineantur: & ideo oportet quod illius virtutis actus ponatur ad quam pertinet illa conditio quæ sibi ordinem virtutis tribuit. Oratio autem non importat aliquam rationem virtutis ex genere actus; quod genus est petitio; sed absolute actum potentia demonstrat, nulla circumstantia vel in bonum, vel malum vestitum. Adduntur autem a Damasceno (ubi supra) duæ differentia, quæ ordinem virtutis demonstrant, scilicet *decentium*, & *a Deo*; quod est petere quod oportet, & a quo oportet. Sed prima conditio non complet rationem orationis, quia si ab homine decentia petamus, talis petitio oratio non dicitur; nec etiam est de essentia orationis, quia si etiam quis indecentia petat a Deo, orat quidem, sed carnaliter orat: unde illa conditio magis pertinet ad bene esse orationis quam ad rationem suæ speciei. Relinquitur ergo quod ex hoc oratio speciem trahit, & ad rationem virtutis trahitur, quod est a Deo petitio. Cum autem petitio, sive deprecatio quæ ad superiorem fit, reverentiam habeat adiunctam; ex qua imperare nititur quod intendit; constat quod oratio ex hoc efficaciam habet ad impetrandum illud pro quo oratur, quod Deo reverentiam exhibet: unde cum Deo reverentiam exhibere sit actus latria, ut in III. Lib. dist. ix. (quæst. r. artic. 1. quæstunc. r. ad 3.) dictum est, oratio actus latriæ erit elicitive. Nec obstat quod latria in voluntate est, non in ratione, cuius actus est oratio: quia iustitia, cuius pars est latria, materialiter utitur actibus omnium virium, ut ex eis reddat cuiuslibet quod suum est: unde cohibet actum concupiscibilis, ne aliquis machetur; & actum irascibilis, ne quis occidat: & similiter utitur actu rationis, ut ex eo Deo reverentiam exhibeat. Et quia latria est virtus, & non donum, ut dictum est in III. Lib. (dist. xxxiv. quæst. 1. art. 1.) ideo oratio erit actus virtutis, & non doni.

Ad primum ergo dicendum, quod contemplatio aliquando capitur stricte pro actu intellectus divina meditantis; & sic contemplatio est sapientia actus. Alio modo communiter pro omni actu quo quis a negotiis exterioribus sequestratus soli Deo vacat: quod quidem contingit dupliciter: vel inquantum homo Deum loquentem in

Scripturis audit, quod sit per lectionem; vel in quantum Deo loquitur, quod sit per orationem. Meditatio autem ad utrumque se habet quasi medium inrer ea: quia ex hoc quod nobis loquitur in Scripturis, ei per meditationem intellectu, & affectu praesentatur, & sic praesentati ei, vel praesentem eum habentes, ei loqui possumus per orationem: & ideo posuit Hugo (ubi supra) tres contemplationis partes, primam lectionem, secundam meditationem, tertiam orationem. Nec tamen oportet quod sit oratio sapientiae actus ab ea elicius, quamvis sapientia per meditationem viam orationi praeparat.

Ad secundum dicendum, quod ascensus intellectus in Deum est duplex. Unus quo ascendit in ipsum cognoscendum, & talis ascensus pertinet ad donum intellectus: sed de hoc non loquitur Damascenus. Alius est ascensus in Deum, ut in quo auxilium quaerit, ut in Psal. cxxxi. i. dicitur: *Ad te levavi oculos meos qui habitas in caelis*: & talis ascensus est oratio. Unde non sequitur quod sit actus doni intellectus; sed potest ipsum praesupponere, sicut secundus ascensus praesupponit primum.

Ad tertium dicendum, quod gemitus, sive fletus non est oratio per essentiam, sed est quasi fundamentum orationis. Superflua enim videtur petitio, ubi necessitas deest: & ideo cognitio suae miseriae, qua indigentem se aliquis videt, & sibi subvenire non potest, quae gemitum in affectu facit, quasi oratio reputatur a Deo: & propter hoc Augustinus dicit (epist. cxxi. de orando Deum cap. x.) *quia orationis negotium plus gemitibus quam verbis agitur, & plus fletu quam assatu*.

Ad ea quae in contrarium obijciuntur, dicendum, quod fides, spes, & caritas praesupponuntur ad latram, ut in III. Lib. dist. ix. dictum est; & sic actus orationis eis attribuitur. Tamen etiam ad orationem secundum propriam speciem rationem habent aliquam convenientiam, & praerogantur ad eam. Petitio enim frustra ad aliquem dirigitur, nisi credatur quod petitum praestare possit, & speretur quod velit; & est praesumptuosa petitio, nisi ei fiat qui aliquo modo petenti unitus sit; unionem autem caritas facit.

S. Tb. Oper. Tom. XII.

[a] *Al. sic.* [b] *Al. non vult, ut idonei dec. intermedii omitti.*

Ad tertiam quaestionem dicendum, quod oratio cadit sub praecepto & determinate, & indeterminate. Determinate quidem ad aliquas orationes ex praecepto tenentur illi qui ex officio sunt medi inter Deum & populum constituti, sicut ministri Ecclesiae: unde ex officio eis incumbit preces ad Deum in persona totius Ecclesiae fundere; & ideo ex statuto Ecclesiae tenentur ad horas canonicas dicendas. Sed indeterminate ad orationem quilibet tenetur ex hoc ipso quod tenetur ad bona spiritualia (a) sibi procuranda, quae non nisi divinitus dantur: unde alio modo procurari non possunt, nisi ut ab ipso petantur: & etiam ex hoc ipso quod caritatis praecepto tenetur proximum sicut seipsum diligere, tenetur ei in necessitate beneficium esse non solum per corporales elemosinas, sed etiam per spirituales; quarum una est oratio, ut prius dictum est. Sed omnibus etiam qui Ecclesiae ministerio non funguntur, videtur ab Ecclesia determinatum tempus orandi statutum esse, cum ex canonum statuto teneantur diebus festis divinis officiis interesse, ut ministris pro populo orantibus suam intentionem consorment.

Ad primum ergo dicendum, quod ex hoc ipso quod aliquid est voluntarius, excluditur necessitas absoluta etiam coactionis; non autem necessitas ex suppositione finis: quia amor, qui maxime voluntarius est, necessarius est, si quis velit ad salutis finem pervenire: & hoc modo etiam oratio necessaria est, & sub praecepto cadens respectu eorum quorum voluntas sub necessitate praedicta cadit.

Ad secundum dicendum, quod per orationem praecipitur vota nostra Deo pandere, non ut cum doceamus quid desideremus, sed ut affectum, & intellectum nostrum dirigamus in illum.

Ad tertium dicendum, quod Deus orationem acceptat, & de eo quod dare vult, & interdum de eo quod dare (b) non vult. De eo quidem quod dare vult, ut idonei simus ab ipso accipere; quod non esset, si ab eo non speraremus quod desideramus. Nec esse durum homini debet, se Deo per orationem subicere, sicut homini per preces: quia in hoc totum bonum nostrum consistit quod Deo

Ecc sub-

subditi sumus; non autem in hoc quod homini subdamur. De eo autem quod dare non vult, quia ipse vult (a) nos pie velle quod ipse iuste non vult, sicut in fine primi Libri dictum est.

ARTICULUS II.

Utrum oratio debeat esse vocalis, an mentalis tantum.

Ubi supra art. 12. & 14.

1. **A**D secundum sic proceditur. Videtur quod oratio non debeat esse vocalis, sed mentalis tantum. Oratio enim debet esse occulta, & ad Deum tantum: quia est petitio decentium a Deo: unde dicitur Matth. vi. 6. *Tu autem, cum oraveris, intra (b) cubiculum, & clauso ostio, ora Patrem tuum.* Sed oratio vocalis non est occulta, nec ad Deum tantum esse videtur: quia Deus ad cor respicit, non ad voces. Ergo oratio sine voce esse debet.

2. Præterea. Oratio est pars contemplationis. Sed contemplatio non existit in aliquo exteriori actu, sed tantum in interiori. Ergo oratio non debet voce exteriori fieri.

3. Præterea. Per orationem debet intellectus in Deum ascendere, secundum Damascenum, & affectus in Deum dirigere secundum Augustinum. Sed occupatio animæ circa corporales actus retrahit ascensum intellectus, & affectus ad divina: quia anima non potest intense circa diversa occupari. Ergo oratio debet esse sine voce tantum in corde.

Sed contra est quod dicitur in Psalm. cxli. 1. *Vox mea ad Dominum clamavi.*

Præterea. Oratio est actus patriæ, ut dictum est. Sed actus patriæ non solum in interioribus actibus, sed etiam in exterioribus consistit. Ergo oratio non solum debet esse in corde, sed etiam in voce.

QUÆSTIUNCULA II.

1. Ulterius. Videtur quod oratio non debet esse diuturna. Matth. vi. 7. *Orantes autem nolite multum loqui.* Se qui diu vocaliter orat, multum loquitur. Ergo

oratio vocalis ad minus non debet esse diuturna.

2. Præterea. Divinum præceptum non est prætergrediendum. Sed Dominus præcepit orantes sic orare: *Pater noster &c.* Ergo videtur quod non oportet alias orationes addere.

3. Præterea. Oratio ad Deum fusa, debet esse cum fiducia: Iacob. vi. 1. 6. *Paulus autem in fide nihil læsians.* Sed prolixitas petitionis est signum diffidentie in petitionibus quæ ad homines diriguntur: unde verba multiplicantur ad hoc quod animus eius ad quem petitio dirigitur, flectatur. Ergo oratio ad Deum non debet esse diuturna.

Sed contra est. I. Timoth. v. 5. *Que vere vidua est, & desolata . . . (c) vacet orationibus die, ac nocte.* Ergo oratio debet esse diuturna.

Præterea. Omnis Christi actio nostra est instructio. Sed Christus legitur diutius orasse, ut patet Lucæ xxi. Ergo oratio nostra debet esse diuturna.

QUÆSTIUNCULA III.

1. Ulterius. Videtur quod numquam debeat aliquis ab oratione cessare. Lucæ xviii. 1. *Dicebat autem ad illos (d) similitudinem, quoniam oportet semper orare, & numquam deficere.*

2. Præterea. I. Thessal. ult. *Sine intermissione orate.*

3. Præterea. Oratio est quædam annuntiatio desiderii ad eum per quem explendum expectatur. Sed homo semper debet desiderare ea quæ oranda sunt, scilicet bona spiritualia. Ergo oratio debet esse semper.

Sed contra. Quando homo orat, non potest operibus misericordiæ vacare. Sed quandoque tenetur eis vacare. Ergo homo non semper debet orare.

Præterea. Oratio secundum Hugonem (ubi supra) est pars contemplationis. Sed homo non semper debet vacare contemplationi, sed quandoque ad actionem se extendere. Ergo non debet semper orare.

QUÆSTIUNCULA IV.

1. Ulterius. Videtur quod actualis attentio sit de necessitate orationis. Quia, sic

(a) *Al. desit non.* (b) *Vulgata: in cubiculum tuum.* (c) *Vulgata: in festis observationibus, &c.* (d) *Vulgata: parabolam.*

sicut dicit Gregorius, * *illam orationem Deus non audit cui ille qui orat, non intendit*. Sed ad hoc fit oratio ut a Deo exaudiat. Ergo supervacua est oratio, si sit sine attentione.

2. Præterea. Hugo de Sancto Victore ** dicit: *Si cum orationem fundimus aliud quodlibet in corde versamus, etiam si illud bonum sit, a culpa liberi non sumus*. Sed oratio quæ habet culpam adiunctam, non habet suam efficaciam. Ergo requiritur ad orationem actualis attentio.

3. Præterea. Oratio est ascensus intellectus ad Deum secundum Damascenum (ut supra.) Sed quando deest attentio, intellectus non ascendit in Deum. Ergo non est oratio.

4. Præterea. Omne opus virtutis debet ex electione procedere. Sed oratio est opus virtutis. Ergo debet esse cum attentione, sine qua non est electio.

Sed contra: est quod nullus tenetur ad impossibile. Sed impossibile est mentem diu attentam teneri ad aliquid quin ad alia subito rapiatur. Ergo non est de necessitate orationis quod semper comitetur ipsam attentionem.

Præterea. In aliis operibus meritoriiis non requiritur quod semper adsit actualis attentio; sicut non oportet quod ille qui peregrinatur, semper de peregrinatione sua cogitet. Ergo videtur quod nec in oratione sit necessarium.

QUAESTIUNCULA V.

1. Ulterius. Videtur quod attentio orationi noceat. Quia, ut dicit Hugo de S. Victore (Lib. de modo orandi cap. 11.) *pura est oratio, quando ex abundantia devotionis mens ita accenditur ut cum se postulat ad Deum converteris, etiam sue petitionis obliviscatur*. Sed qui obliviscitur suæ petitionis, non videtur attendere orationi. Ergo cum oratio maxime debeat esse pura, videtur quod impediatur oratio per attentionem.

2. Præterea. Sicut intentio orationem dirigit, ita etiam alios exteriores actus. Sed in aliis exterioribus actibus plurimum noceret, si actualis intentio semper adesset: quia optimus citharædus pessimus redderetur, ut Avicenna dicit. Ergo nocet attentio, si continue adsit orationi.

3. Præterea. Non potest mens humana ad plura simul intenta esse. Sed aliquando oportet orantem esse attentum ad finem quem intendit, vel ad cogitandum de Deo, cui orationem fundit, quod omittere orationi nocet. Ergo nocivum est oranti, si semper ad orationem quam facit, attentionem habeat.

Sed contra. Augustinus dicit (in Regula.) *Psalms, & hymnis cum oratis Deum, hoc versetur in corde quod profertur in ore*.

Præterea. Ioan. 14. 24. *Spiritus est Deus, & eos qui adorant eum, oportet in spiritu, & veritate adorare*. Ergo attentio quæ facit spiritu orare, orationi non nocet.

SOLUTIO I.

Respondeo dicendum ad primam questionem, quod duplex est oratio: scilicet privata, quam quisque pro se facit; & publica, quæ facienda incumbit ministris Ecclesiæ, ut dictum est. Et quia hæc publica oratio non fit ab orante solum pro se, sed pro aliis; ideo non debet solum esse mentalis, sed vocalis etiam, ut per orationem voce expressam etiam alii ad devotionem excitentur, & ad continuandum intentionem suam orantibus; & propter hoc etiam cantus ab Ecclesia instituitur. Unde Augustinus dicit de seipso (Lib. IX. Confess. cap. x.) quod flebat uberrime in hymnis, & canticis suave cantantis Ecclesiæ, & quod voces illæ infuebant auribus eius, & eliquabatur veritas in cor eius. Oratio autem privata est quam quis pro seipso facit; & hæc quidem potest & voce, & sine voce fieri, secundum quod magis orantis animo suppetit. Sed tamen vox orationi adiungitur propter quatuor. Primo ut homo excitet seipsum verbis ad devote orandum. Secundo ut intentionem custodiat ne evagetur: magis enim tenetur ad unum, si verba etiam orantis affectui coniunguntur. Tercio ex vehementia devotionis in orante vox sequitur: quia motus superiorum virium, si sit fortis, etiam ad inferiores redundat: unde & cum mens orantis per devotionem accenditur, in fletus, & suspiria, & iubilos, & voces inconsiderate prorumpit. Quarto propter debitum iustitiæ: quia Deo, qui reverentia exhibetur, non solum mente, sed etiam corpore serviendum est.

Ad primum ergo dicendum, quod, sicut
Ecc 2 dicit

EX EDIT. P. NICOLAI.

* Ex quo etiam citat S. Thomas 2. 2. quæst. xiiii. art. 13. sed Augustinus de S. Victore potius est super illud Regulæ Augustini, *Orationibus infatigatus*. ** In elucidatione in Psalmos David cap. xvi, quod accipitur de tribus orationum generibus.

dicit Gregorius (hom. xi. in Evang.) bonum opus sic debet agi in publico , ad ædificationem scilicet , ut semper intentio maneat in occulto ; unde ille qui publice orat , si exterius non gloriam hominum , sed solius Dei querit , in occulto manet intentio , & soli Deo orat per intentionem ; etiam proximo innotescat oratio ad ædificationem .

Ad secundum dicendum , quod actus immediate ad Deum directi , etiam si exteriores sint , ad vitam contemplativam pertinent , & sunt contemplationis partes , secundum quod large accipitur ; quamvis non sint , secundum quod strictè sumitur pro ipsa meditatione sapientie , ut dictum est . Unde etiam lectin , quæ immediate ad meditationem divinarum ordinatur , pars contemplationis ponitur , quæ fit voce quandoque .

Ad tertium dicendum , quod quando dux vires ordinatæ sunt ad idem , una non impedit aliam in suo actu , sed magis iuvat , sicut sensus imaginationem , quando ad idem ordinantur : (a) sic intentio expressa per vocem non impedit ascensum intellectus ad Deum , nisi nimia cura in verbis proferendis fiat , sicut illi qui verba composita in oratione proferre nituntur .

SOLUTIO II.

Ad secundam quæstionem dicendum , quod in oratione precipue attenditur orantis devotio ; & ideo tantum debet oratio protendi , quantum devotio orantis conservari potest : & ideo si diu possit devotio conservari , debet oratio esse diuturna , & proluxa ; si autem prolixitas fastidium , vel tedium pariat , oratio non est diutius protrahenda .

Unde Augustinus in Lib. de orando Deum (cap. x.) *Dicunt fratres in Aegypto crebras quidem habere orationes , sed eas tamen brevissimas , & raptim quodammodo (b) iaculatas , ne illa vigilanter erecta , quæ oranti plurimum necessaria est , per diuturniores moras evanescat , atque hebetetur intentio : ac per hoc ipsi satis ostendunt hanc intentionem sicut non esse (c) observandam , si durare non potest . ita si perduraverit , non esse rumendam .*

Ad primum ergo dicendum , quod secundum Augustinum ibidem , *absq. ab oratione multa locutio , sed non desit multa precatio , si servens perseveret intentio : (d) nam mul-*

tam loqui est in orando rem necessariam verbis superfluis agere ; multum autem precari est ad eum quem precamur , diuturna , & pia cordis exercitatione perficere .

Ad secundum dicendum , quod sicut Augustinus in eodem Lib. (cap. xii.) dicit , *liberum est (e) aliis atque aliis verbis , scilicet ab his (f) quæ in oratione dominica petuntur , eadem tamen secundum rem (g) in orando dicere ; sed non debet esse liberum alia secundum rem in orando dicere .* Et ideo præcepto dominico non obligamur ad verba illa , (h) sed solum ad res illas petendas a Deo : quia , ut in eodem Lib. (& cap.) dicit , *qualibet alia verba dicamus , quæ affectus queritis vel procedendo format , ut clarescat , vel consequendo accendit , ut crescat ; nihil aliud dicimus quam quod in oratione dominica (i) positum est , si recte , & congruenter oramus .*

Ad tertium dicendum , quod petitio fit homini ad hoc quod desiderium petentis ei innotescat ad hædendum ipsum verbis ; sed orationem ad Deum fundimus , ut desiderium nostrum exerceamus : & ideo utile est diu orare , si diuturna exercitatione desiderium crescat .

SOLUTIO III.

Ad tertiam quæstionem dicendum , quod aliquis actus dicitur durare dupliciter : aut secundum essentiam ; aut secundum virtutem , sive effectum suum : sicut motio eius quæ lapidem proleat , durat per essentiam actus dum manum lapidi movendo apponit ; sed virtus motionis manet dum lapis ex vi impulsiois primæ movetur . Similiter etiam dico , quod orationis duratio dupliciter potest considerari : vel secundum essentiam actus ; & sic non debet aliquis continue orare , vel semper , quia oportet etiam interdum circa alia occupari : vel secundum virtutem ; & sic eius virtus precipue quantum ad sui initium manet in omnibus operibus aliis quæ facimus ordinate , quia omnia ad vitam æternam habendam ordinare debemus : & ideo desiderium vite æternæ , quod est orationis principium , manet in omnibus operibus bonis secundum virtutem : & propter hoc dicitur in Glossa I. Thesal. *Non cessat orare qui non cessat bene agere .* Et sicut virtus motionis primæ continue debilitatur , ut quandoque lapis impulsus quiescat ,

(a) Al. sed. (b) Al. iaculatas est vigilanter erectas , quæ oranti plurimum necessaria est , ne per diuturniores moras evanescat . (c) Al. observandam . (d) Al. nam . (e) Nicolai tantum aliis verbis . (f) Forte quibus in oratione dominica petimus . (g) Al. hic , & mox in eodem dicere . (h) Al. scilicet ad res . (i) Al. recte .

scat, vel contrario modo moveatur, nisi iterum impellatur; ita, ut dicit Augustinus (ubi sup. cap. ix.) *curis vitæ desiderium quodammodo tepescit; Et ideo certis horis ad negotium orandi mentem revocamus, ne desiderium quod tepescere inceperat, omnino frigerat.*

Ad primum ergo dicendum, quod Dominus per hoc quod dixit, quod oportet semper orare, non intendit quod orationis actus numquam interrumpatur, sed quod non interrumpatur quasi numquam (a) resumendus; quod quidem faciunt qui si statim non exaudiuntur, ab oratione cessant: quia orationis diuturnitate impetratur quod petitur, sicut per exemplum Dominus probat.

Ad secundum dicendum, quod sicut Augustinus dicit (ubi supra) sine intermissione orare, nihil aliud est quam beatam vitam sine intermissione desiderare. Veldicendum, quod sine intermissione orare ibi accipit Apostolus, ut ab oratione statutis horis non desistamus: vel ut per beneficia pauperibus exhibita, eorum orationes nostras faciamus, etiam quando nos ab oratione desistimus, ut in vitis patrum quidam sanctus exponit.

Ad tertium patet solutio ex dictis.

SOLUTIO IV.

Ad quartam quaestionem dicendum, quod attentio actualis requiritur ad orationem aliquo modo, vel ad evitandum transgressionem, quæ est in illa oratione quæ est in præcepto, vel ad meritum in illa quæ non est in præcepto; sed non omnibus modis. Sicut enim dictum est, aliquis actus manet per essentiam, & virtutem quandoque; sed quandoque transit actui, & manet virtute, sicut in exemplo de proiectione lapidis patuit: & sic manere actum in virtute est quidam medius modus inter ipsum esse & in habitu, & in actu: quia quod in habitu est, neque virtute, neque per essentiam actus est. Secundum hoc ergo dico, quod attentio in oratione manere debet semper secundum virtutem, sed non requiritur quod semper maneat per essentiam actus. Manet autem secundum virtutem, quando aliquis ad orationem accedit cum intentione aliquod impetrandi, vel Deo debitum obse-

quium reddendi, etiam si in prosecutione orationis mens ad alia rapiatur; nisi tanta fiat evagatio, quod omnino deperat vis primæ intentionis: & ideo oportet quod frequenter homo cor revocet ad seipsum.

Ad primum ergo dicendum, quod verbum Gregorii intelligendum est, quando attentio nullo modo coniungitur orationi.

Ad secundum dicendum, quod verbum Hugonis intelligendum est quando aliquis ex proposito mentem ad alia distrahit in orando: tunc enim sine culpa non est, præcipue si in aliis sponte se occupat quæ mentem distrahit, sicut sunt exteriora opera: & si ad contrarium mens evagetur, etiam culpa mortalis erit. Si autem sine hoc quod percipiamus, mens ad alia evagetur, vel culpa caret, vel parvissima culpa est; nisi præcedens cogitatio, ex qua contingit evagatio talis, in culpa esse dicatur.

Ad tertium dicendum, quod ascendit intellectus in Deum, quando orationem ad Deum ordinavit, & virtus illius ascensus in tota oratione manet.

Ad quartum dicendum, quod in operibus virtutis non oportet quod semper actualis electio adsit, sicut non oportet quod ille qui elemosynam dat, semper de elemosyna cogitet; sed sufficit semel cogitasse, dum elemosynam dare disposuit, nisi contraria cogitatione præcedens intentio interrumpatur.

SOLUTIO V.

Ad quintam quaestionem dicendum, quod attentio in oratione potest esse duplex: primo enim est attentio ad verba quibus petitur; deinde ad petitionem ipsam, & ad ea quæ petitionem ipsam circumstant, sicut est necessitas pro qua (b) petitur, Deus qui rogatur, & alia huiusmodi: & quæcumque harum attentionum adsit, non est reputanda inattenta oratio. Unde etiam illi qui non intelligunt petitionis verba, ad orationem attentius esse possunt. Sed tamen ultima attentio est laudabilior quam secunda, & secunda quam prima. Et quia anima non potest vehementer attenta esse ad diversa, ideo prima attentio potest nocere, ut minor sit orationis fructus, si secundam evacuat; vel secunda, si tertiam omnino tol-

(a) *Al. resumendus.* (b) *Al. petitur Deus qui rogatur.*

tollat; sed non e contrario. Tamen attentio, communiter accipiendo, non nocet, sed multum prodest, ut ex verbis Augustini inductis apparet.

Ad primum ergo dicendum, quod quando mens per dilectionem in Deum (a) ita rapitur, ut petitionis suae immemor sit, attentio orationi adest, ut dictum est; quamvis non secunda, vel prima, sed tertia.

Ad secundum dicendum, quod ratio illa procedit de prima attentione; quae, & si nimia, ineptam interruptionem faciet, scilicet si in singulis verbis homo cogitare velit qualiter formanda sunt: quandoque etiam faciet errorem, quia sic cogitanti minus verba occurrent. Talis autem attentio sufficit ut sit tanta quanta sufficit ad integram verborum pronuntiationem.

Ad tertium dicendum, quod ea quae habent ordinationem ad invicem, possunt simul intelligi in quantum huiusmodi: quia in quantum ad invicem ordinata accipiuntur, sic intellectus eorum ordinem comprehendendo, ea unum facit: & ideo simul potest intellectus ferri & ad orationem, & ad orationis finem. Tamen in quocumque feratur, orationi debita attentio non deest.

ARTICULUS III.

Utrum convenienter species orationis distinguantur.

Ubi supra art. 7.

1. **A**D tertium sic proceditur. Videtur quod inconvenienter species orationis distinguantur I. Tim. 2. 1. *Obsecro igitur primo omnium obsecrationes fieri, orationes, postulationes, gratiarum actiones.* Obsecrationes enim sunt adiurationes pro rebus difficilibus, ut dicit Glossa * ibidem: adiuratio autem quasi quamdam coactionem importat; & sic reverentiam minuit, quae orationi debetur. Ergo obsecratio non est orationis species.

2. Præterea. Non potest esse idem totum, & pars. Sed oratio est cui hæc partes assignantur. Ergo non debet oratio etiam inter has partes assignari.

3. Præterea. Postulatio est idem quod petitio. Petitio autem est orationis genus,

ut dictum est. Ergo postulatio non debet poni orationis pars.

4. Præterea. Omnis oratio est petitio decentium a Deo, secundum Damascenum (Lib. III. Fid. orth. cap. xxiv.) Sed gratiarum actio non est petitio, quia est de iam acceptis. Ergo non est orationis species.

QUAESTIUNCULA II.

1. Ulterius. Videtur quod etiam distinctio partium orationis quam ponit Ambrosius ** (super epist. I. ad Timoth. cap. 11.) sit incompetens. Dicit enim, orationem dividi in Dei laudem, supplicationem, & postulationem, & gratiarum actionem. Non enim laudatur nisi aliquid quod ad alterum ordinatur, ut patet in I. Ethic. (cap. xvi.) Sed Deus non est ad aliquid ordinandus, sed ad ipsum omnia alia. Ergo non est laudandus, sed magis honorandus; & ita laus Dei non est pars orationis.

2. Præterea. Laus proprie enuntiando aliquid de aliquo fit. Oratio autem non per modum indicativum, quo enuntiatio completur, habet fieri, sed magis per modum imperativum. Ergo laus non est orationis pars.

3. Præterea. Supplicatio omnis est postulatio quædam. Ergo non debet unum contra alterum dividi.

QUAESTIUNCULA III.

1. Ulterius. Videtur quod etiam partes quas Hugo de S. Viatore assignat (Lib. de modo orandi Deum cap. 11.) sint inconvenienter posite. Dicit enim quod orationis partes sunt tres, scilicet supplicatio, postulatio, insinuatio. Insinuatio enim, ut dicit Tullius in I. Rhetoric. est quidam modus exordii. Sed ad Deum accedentes non indigemus exordio: quia non est verbis stesendus. Ergo non est orationis pars.

2. Præterea. Exordium præcedit omnes alias partes orationis rhetorice. Si ergo orationi ad Deum partes assignantur per similitudinem ad illam, videtur quod insinuatio sit prima pars orationis, & non ultima.

3. Præterea. Supplicatio addere videtur supra

(a) *M. deest ita.*

EX EDIT. P. NICOLAI.

* Ex Theophylasto sumpta videtur. ** Lib. VI. de sacram. cap. v. cum Timothei locum refert, ut videtur Ambrosius.

supra postulationem modum quemdam humilitatis in postulando. Sed quod se habet ex additione ad aliud, est posterius. Ergo post postulationem supplicationem ponere debuit.

4. Præterea. Marth. vii. 7. Dominus videtur tres orationis partes ponere, dicens: *Petite, (a) & accipietis; querite, & invenietis; pulsate, & aperietur*. Cum ergo hæ partes in omnibus prædictis divisionibus omittantur, videtur quod omnes sint (b) insufficientes.

SOLUTIO I.

Respondeo dicendum ad primam questionem, quod partes orationis dupliciter accipi possunt, scilicet per modum partium integralium, & per modum partium subiectivarum. Partes autem integrales orationis distinguuntur per ea quæ ad completam orationem requiruntur; partes autem subiectivæ distinguuntur vel secundum diversitatem eorum quæ peruntur, vel secundum diversum modum petendi. Partes ergo orationis quas Apostolus assignat, utramque distinctionem habent adiunctam. Quia enim ea quæ a Deo petimus, non ex nostris meritis impetrare præsumimus, & viam impetrationis claudit qui non de acceptis gratiam agit; ideo ad complementum orationis primo requiritur sacrorum commemoratio, quorum virtute difficilia quæcumque impetrantur; & hoc fit per *obsecrationem*: unde dicit Glossa, quod (c) de difficultibus est, sicut de conversione impii. Secundo ipsa petitio, quæ est vel de his quæ ad id quod principaliter petimus, ordinantur; & sic est *oratio*, quæ dicitur respectu bonorum viæ: vel de his quæ principaliter petimus, sicut sunt bona patriæ, & respectu horum sunt *postulationes*. Sequitur autem *gratiarum actio*, in qua oratio consummatur, ut sequenti orationi aditus pateat. Ex secundum hoc etiam, ut Glossa ibidem dicit, partes Missæ distinguuntur: quia ea quæ ante consecrationem dicuntur, sunt quasi quedam *obsecrationes*, eo quod fit commemoratio Christi, & doctrinæ ipsius, & sanctorum eius; ea autem quæ in consecratione dicuntur, *orationes*, quia sacramentum, quod illis verbis conficitur, in viæ nos adjuvat, unde & viaticum dicitur; quæ vero postea adduntur, sunt *postulationes*, quia bona æterna postulantur & mortuis, & vivis; quæ autem post communionem dicuntur, *gratiarum actiones* sunt.

Ad primum ergo dicendum, quod sicut in iuramento assumitur divina veritas quasi firmior in testimonium veritatis a nobis dictæ; ita in adiuratione semper assumitur potentior virtus ad impetrandum quod nos ex nostra infirmitate non possumus impetrare: unde semper adiurans in se defectum proficitur. Sed quandoque illud quod adiuramus, assumitur ad inclinandum per violentiam; sicut cum sancti demones adiurant, ut de obsessis corporibus exeant: quandoque autem assumitur ad inclinandum per benevolentiam; & sic Deum adiuramus per Filium suum, vel per sanctos suos, qui ei accepti supra nos fuerunt: & ideo reverentia per obsecrationem non minuitur.

Ad secundum dicendum, quod consuetum est quod nomen commune ad illam speciem trahatur quæ nihil addit dignitatis, vel minus quam alia species, supra commune; sicut nomen Angeli, quod omnibus ordinibus commune est, infimo ordini attribuitur; & similiter nomen orationis ad illam speciem trahitur secundum quamdam appropriationem quæ habet minus de dignitate, scilicet quæ petitur viæ bonum.

Ad tertium dicendum, quod postulatio importat quamdam protentionem desiderii in id quod petitur: & quia illud quod principaliter, & per se desideratur, est finis; ideo postulatio proprie addit supra petitionem communiter dictam determinatum petitum, scilicet finem.

Ad quartum dicendum, quod gratiarum actio non ponitur pars orationis quasi species eius: & ideo non oportet quod distinctio orationis ei conveniat.

SOLUTIO II.

Ad secundam questionem dicendum, quod sicut oratio rhetorica habet exordium partem sui, ita & oratio ad Deum facta: unde & introitus in Missa cantatur. Sed hoc interest, quia in oratione rhetorica exordium ponitur propter illos ad quos oratio fit, ut benevoli, dociles, vel attenti reddantur; sed in oratione de qua loquimur, exordium requiritur quandoque ad excitandum orantis desiderium ad devote petendum. In exordio autem quod ad benevolentiam captandam inducitur, quatuor modis secundum Tullium (Lib. 1. Rhet. fere in princ.) proceditur. Quia vel capatur benevolentia ex persona iudicis, dum

(a) Vulgata: & dabitur vobis. (b) Al. sufficientes. (c) Nihil hic, & infra pro.

dum laudatur; vel ex negotio, dum eius dignitas offenditur; vel ex persona petentis, sicut dum offendit meritum eius in eos quos alloquitur; vel ex persona adversariorum, dum contra eos audientium animis concitantur. In oratione autem quam ad Deum fundimus, pro nobis tantum intercedimus, non ut alii offensam incurrant. Negotium etiam pro quo oramus, ipse Deus est, ad quem sunt omnia desideria nostra ordinanda. Unde dupliciter orantis affectus ad devotionem quasi quodam exordio excitatur; scilicet ex parte Dei, dum ipsum laudamus; & ex parte nostra, dum nostram infirmitatem recogitamus: & quantum ad primum ponit Ambrosius laudem Dei orationis partem; quantum autem ad secundum supplicationem, quae est humilis, & devota precatio: in qua etiam potest includi negotium pro quo oramus, in quantum ex necessitate quae nos impellit ad orandum, spiritus noster humiliatur. Postulatio autem ad progressum orationis pertinet; sed gratiarum actio ad terminum, ut prius dictum est.

Ad primum ergo dicendum, quod laus largo modo accipitur secundum quod se habet communiter ad laudem, & honorem. Vel dicendum, quod quamvis Deus non ordinatur ad aliquid, tamen ipse omnia directe in se ordinat; & per hoc sibi laudis ratio competit.

Ad secundum dicendum, quod laus non ponitur pars subiectiva, sed integralis, & quasi ad complementum esse orationis pertinet.

Ad tertium dicendum, quod supplicatio non ponitur hic quantum ad hoc quod includit postulationem, vel petitionem, sed quantum ad modum petendi quem importat. Potest etiam dici, quod partes Ambrosii reducuntur ad partes Apostoli, ut laus Dei dicatur (a) adiuratio, quia per ea quae ad laudem ipsius pertinent, ipsum adiuramus: supplicatio autem idem est quod oratio, quia utrumque quamdam reverentiam importat: alia autem etiam secundum nomen sunt idem.

SOLUTIO III.

Ad tertiam quaestionem dicendum, quod

partes ab illigone positae sunt partes subiectivae, & distinguuntur secundum diversos modos: quia omnis petitio per narrationem determinatur, & ipsa narratio est quaedam interpretativa oratio. Sic ergo utrumque concurrere potest ad orationem, & sic dicitur *postulatio*: unde ipse dicit, quod *postulatio est determinata petitioni inserta narratio*: vel alterum tantum: & sic vel petitio indeterminata sine narratione, & sic est *supplicatio*: unde ipse dicit, quod *supplicatio est sine determinatione petitionis, humilis, & devota precatio*: aut narratio sine petitione, & sic est insinuatia, quae secundum ipsum est *sine petitione (b) per solam narrationem, voluntatis facta significatio*.

Ad primum ergo patet solutio ex dictis in secunda quaestione.

Ad secundum dicendum, quod insinuatio per Tullium (ubi sup.) in hoc differt ab exordio, quod exordium expresse benevolentiam capiat, vel docilitatem, vel attentionem facit; sed insinuatio facit idem occulte, & per quosdam circuitus: & ideo insinuatio est proprie quando (c) aliud dicitur, & aliud intenditur: & ideo Hugo istum orationis modum quo narratio proponitur, & petitio intenditur, insinuationem nominavit: & ideo non ponitur pro exordio, sed pro illo modo petitionis qui cum quodam exordii genere similitudinem habet.

Ad tertium dicendum, quod, sicut ex dictis patet, postulatio medium est inter insinuationem & supplicationem; & ideo media secundum ordinem ab ipso ponitur.

Ad quartum dicendum, quod secundum Augustinum * illa tria distinguuntur secundum ea quae sunt necessaria viatori. Primo ut adsit virtus ad ambulandum per sanitatem; & quantum ad hoc dicitur: *Petite, & accipietis*. Secundo ut adsit scientia ad dirigendum, ne via ignoretur; & quantum ad hoc dicitur: *Quaerite, & invenietis*. Tertio ut adsit facultas ad perveniendum; & quantum ad hoc dicitur: *Pulsate, & aperietur vobis*. Et sic patet quod hic distinguuntur orationis subiectivae partes diversae secundum diversitatem eorum.

(a) Al. Ideo quia. Nicolai: obsecratio (sive adiuratio.) (b) Al. per solam voluntatis narrationem. (c) Al. hic & infra aliquid.

* Colligi potest ex Lib. II. de ferm. Domini in monte cap. xxx. vel xxxv. ut in Glossa scetur super Math. vii.

eorum quæ petuntur : & ideo oratio quæ in distinctione Apostoli est posita , includit petitionem , & quæstionem ; sed postulatio pulsationem : gratiarum autem actio , & observatio non sunt hoc modo subiectæ partes secundum diversitatem petitionum distinctæ .

ARTICULUS IV.

Urum homo debeat aliquid ordinate petere in oratione .

Ubi supra art. 3.

1. **A**D quartum sic proceditur . Videtur quod homo non debeat aliquid determinate petere in oratione . Quia periculosum est petere quod petere non oportet . Sed quid oremus , sicut oportet , nescimus : Rom. viii. 26. Ergo non debemus aliquid determinate petere .

2. Præterea . In oratione homo debet spem suam iactare in Deum , sicut dicitur in Psal. liv. 23. *Iacta super Dominum curam tuam , & ipse te eruet* . Sed ille qui aliquid in oratione determinat , non videtur super Dominum curam suam iactare totaliter . Ergo talis oratio eß reprehensivebilis .

3. Præterea . Determinatio petitionis non fit nisi ad innotescendum desideratum . Sed Deus , quem oramus , melius scit desideria nostra quam nos ipsi . Ergo non debemus in oratione aliquid determinate petere .

Sed contra . Dominus congruam formam orandi tribuit . Sed in oratione dominica determinatæ petitiones continentur . Ergo oportet aliquid determinate petere .

Præterea . Postulatio est orationis pars . Sed habet determinatam petitionem , ut Hugo dicit (ubi sup.) Ergo determinate aliquid petendum est .

QUAESTIUNCULA II.

1. Ulterius . Videtur quod in oratione non sint temporalia petenda . Matth. vi. super illud , *Primum querite regnum Dei , & hæc omnia adiciuntur vobis* , (a) dicit Glossa (ordinaria .) „ Intelligendum est „ non quod post regnum illa querantur . “ Ergo nullo modo licet temporalia orando petere .

2. Præterea . Quicumque orat pro aliquo . S. Th. Op. r. Tom. XII.

(a) *Ad. desit dicit Glossa .* (b) *Vulgata : ne solliciti sitis anima vestra quid &c .* (c) *Addit Nicolai : Sive licet Ad. petendum , & sperandum nobis est unde possimus in eius servis sustentari : & postea : Sic oratio qua pro temporalibus est , circa solas necessitates restricta &c .* (d) *Augustini textus : per certa interval- la temporum etiam verbis oramus Deum .*

quo , sollicitus est pro illo . Sed pro temporalibus etiam necessariis solliciti esse non debemus , ut patet Matth. vi. 25. (b) *Nolite solliciti esse quid manducetis .* Ergo temporalia non sunt petenda in oratione .

3. Præterea . Non debemus orando petere nisi quod est bonum nostrum . Sed temporalia non sunt bona nostra , ut patet per Augustinum in Glossa super illud Matth. vi. *Primum querite regnum Dei .* Ergo temporalia non sunt in oratione petenda .

Sed contra est quod in oratione dominica continetur : *Panem nostrum quotidianum da nobis hodie* : in qua non solum spiritualis , sed etiam corporalis panis petitur , ut patet per Glossam Lucæ xi. Ergo licet pro temporalibus orare .

Præterea . Bernardus dicit (serm. v. de quadriag.) *Petenda sunt temporalia quantum necessitas petit .* (c)

QUAESTIUNCULA III.

1. Ulterius . Videtur quod homo non debeat pro alieno bono orare . Primo per hoc quod dicitur Hierem. vii. 16. *Tu ergo noli orare pro populo hoc .*

2. Præsumptuosum est ut homo se ad ea quæ supra se sunt , ingerat . Sed redundantia gratiæ ex uno in alium pertinet ad excellentiam plenitudinis quæ fuit in Christo , secundum quod est caput nostrum . Ergo non debet sibi aliquis usurpare ut pro alio oret .

Sed contra est quod dicitur Matth. v. 44. *Orate pro persequentibus , & calumniantibus vos .*

SOLUTIO I.

Respondeo dicendum ad primam quæstionem , quod determinatio eius quæ in oratione petendum est , ad tria valet . Primo ad hoc quod attentio orantis determinetur ad aliquid , quæ plurimum est in oratione necessaria . Secundo ut nobis innotescat desiderium nostrum , & quantum in ipso profecerimus . Tercio ut ferventius petamus : quia bona quanto particularius inspicuntur , tanto ferventius concupiscuntur , sicut de delectabilibus corporalibus Philosophus dicit III. Ethic. (cap. iv.) Unde Augustinus in Lib. de orando Deum (cap. ix.) dicit : *Ideo (d) per certa interval-*

ff ter-

(a) *Ad. desit dicit Glossa .* (b) *Vulgata : ne solliciti sitis anima vestra quid &c .* (c) *Addit Nicolai : Sive licet Ad. petendum , & sperandum nobis est unde possimus in eius servis sustentari : & postea : Sic oratio qua pro temporalibus est , circa solas necessitates restricta &c .* (d) *Augustini textus : per certa interval- la temporum etiam verbis oramus Deum .*

tervalla ipsum etiam verbis determinatis oramus Deum, ut illis verum signis nos ipsos admoneamus, quantum ad primum; Et quantum in ipso desiderio profecerimus, nobis innotecamus, quantum ad secundum; (a) Et ad hoc agendum nos ipsos actius excitamus, quantum ad tertium.

Ad primum ergo dicendum, quod sicut Augustinus ibidem solvit, Apostolus hoc dicit propter tribulationes temporales, quæ ad profectum nostrum plerumque immittuntur; & tamen ab eis omnibus liberari petimus, quia in se malæ sunt, quamvis secundum quod sunt bonæ: sed de quibusdam bene scimus quod ea petere oportet, sicut & quod desiderare.

Ad secundum dicendum, quod in dubiis debet homo quantum ad hoc curam suam iacere in Deum, ut sialiter expediat quam petatur, divino arbitrio relinquatur: quam formam orandi Dominus exemplo suo tradidit, cum dixit (Matth. xxvi. 39.) *Non sicut ego volo, sed sicut tu.* Sed in illis quæ Deus non vult velle, oportet quantum ad hoc curam nostram in ipsum proicere ut eorum imperationem eius auxilio expectemus.

Ad tertium patet solutio ex dictis.

SOLUTIO II.

Ad secundam quæstionem dicendum, quod oratio est quædam desiderii executio: & ideo illud quod licet desiderare, licet orando petere eo modo quo licet illud desiderare. Sed in illis quæ desiderantur, est duplex distinctio attendenda. Prima est, quia quædam desiderantur propter seipsa, quædam propter aliud. Secunda est, quia quædam non habent superfluitatem desiderii, sicut virtutes; quædam autem habent, sicut voluptates, divitiæ, & huiusmodi. Bona autem temporalia & propter aliud desideranda sunt, & cum quadam mensura, scilicet secundum quod sunt necessaria ad vitam præsentem agendam; & ideo hoc etiam modo orari pro eis potest.

Ad primum ergo dicendum, quod nec primo, nec secundo debent quæri temporalia, quasi principaliter intenta; possunt autem quæri ut propter aliud desiderata: quod quidem desiderium est electionis, non voluntatis proprie, quia voluntas est finis.

Ad secundum dicendum, quod superflua sollicitudo prohibetur illis verbis, non autem necessaria.

Ad tertium dicendum, quod temporalia non sunt bona nostra secundum se, sed secundum quod ordinantur ad alia; & sic accipiunt rationem boni utilis: & sic pro eis orari potest, ut Philosophus dicit in V. Ethic. (cap. 11.) *Oportet non hæc, scilicet temporalia bona, orare, sed quod homo eis bene utatur.* (b)

SOLUTIO III.

Ad tertiam quæstionem dicendum, quod, cum præcepto caritatis homo debeat proximum sicut seipsum diligere, eadem ei debet optare quæ sibi: & ideo etiam eadem pro eis potest orare quæ & pro se orat.

Ad primum ergo dicendum, quod Dominus loquitur quantum ad hoc quod in illo populo erant impedimenta, quare oratio Prophetæ exaudiri non poterat, scilicet incorrectus error illorum, & finalis impænitentia, ut Glossa (ordinaria) ibidem dicit.

Ad secundum dicendum, quod ille qui orat, non propria virtute nititur obtinere quod petit, sed virtute eius quem orat: & ideo quando aliquis pro alio orat, non sibi usurpat gratiam plenitudinis, sed ei attribuit quem orat, a quo gratiam proximo dandam petit.

ARTICULUS V.

Utrum solus Deus debeat orari (c) per distinctionem orationis.

Ubi supra art. 4.

1. **A**D quintum sic proceditur. Videtur quod solus Deus debeat orari, per distinctionem orationis: quia Damascenus dicit (Lib. III. de Fide orthod. cap. xxiv.) quod oratio est ascensus intellectus in Deum.

2. Præterea. Oratio est actus latriæ, ut dictum est. Sed latria soli Deo debetur. Ergo & oratio.

3. Præterea. Virtus orationis plus in affectu consistit quam in voce: quia hoc negotium, ut Augustinus dicit (epistol.

cxxi.

(a) Nicolai: *Et ad hoc agendum.* (b) *Addit Nicolai: Vel sic: Ea quidem homines optant, non debent autem, sed optare possunt ut & sibi bona sint quæ non sunt bona. Sed hoc idem est ac optare ut eis bene quis utatur: quia bonus eorum usus facit ut bene utantibus bona sint &c.* (c) Nicolai omittit *si- gnificatio.*

cxxt. de orando Deo cap. x.) plus gemitibus quam vocibus agitur. Sed solus Dei est cogitationes cordium, & affectiones percipere. Ergo ei soli fit oratio.

Sed contra est quod dicitur Iob v. 1. *Voca, si est qui tibi respondeat, & ad aliquem sanctorum convertere.* Ergo oratio potest fieri ad sanctos Dei, non solum ad Deum.

Præterea. 'Orationis species est supplicatio. Sed supplicatio homini fieri potest. Ergo & oratio.

QUAESTIUNCULA II.

1. Ulterius. Videtur quod possit oratio dirigi etiam ad sanctos non in patria existentes. Non enim ad sanctos orationem fundimus, nisi in quantum sunt Deo viciniore nobis: quia Deus per ea quæ sunt sibi magis proquinqua, in distantia radios sui bonitatis emittit, ut Dionysius dicit (cap. iv. de divin. Nomin.) Sed sancti etiam in hoc mundo existentes sunt nobis superiores. Ergo debemus eos orare.

2. Præterea. Illi qui sunt in purgatorio, sunt certi de sua salute. Ergo sunt in meliori statu quam nos sumus. Ergo possumus eos orare.

3. Præterea. In Dialogis (Gregorii Lib. IV. cap. xl. & xli.) legitur quod Paschasius, qui etiam post mortem miraculum fecit, (a) revelatus est beato Germano Capuano Episcopo in purgatorio esse (b). Ergo videtur quod ad eos qui non sunt in patria, possit oratio dirigi.

Sed contra, quia non est eiusdem orari, & quod (c) pro eo oretur. Sed pro omnibus sanctis qui sunt in mundo, vel purgatorio, oratur. Ergo non debent ipsi orari.

Præterea. Sancti non orantur, nisi in quantum sunt in plena Divinitatis participatione. Sed non participant plene Divinitatem, nisi in quantum participant beatitudinem, ut Boetius probat in III. de Consolatione (prosa x.) Ergo sancti qui sunt in beatitudine, tantum orandi sunt.

QUAESTIUNCULA III.

1. Ulterius. Videtur quod oratio non fiat ad Deum ratione essentiae, sed magis

ratione personæ. Quia hoc modo debemus orare, sicut Christus nos docuit. (d) Sed ipse docuit nos ad personam Patris orationem dirigere: Ioan. xvi. 23. *Si quid petieritis Patrem in nomine meo, dabit vobis.* Ergo oratio fit ad Deum ratione personæ.

2. Præterea. Illud quod attribuitur Deo ratione divinæ naturæ, toti Trinitati competit, & singulis personis. Sed Ecclesia non dirigit aliquam orationem ad Spiritum sanctum. Ergo non oratur Deus ratione naturæ, sed ratione personæ.

Sed contra. Secundum hoc aliquis oratur quod bona sua communicare potest. Sed communicare seipsum competit Deo in quantum est bonus. Cum ergo bonitas sit attributum essentiale, videtur quod oratio dirigatur ad Deum ratione naturæ.

SOLUTIO I.

Respondeo dicendum ad primam questionem, quod illud quod orando petimus, est beata vita, ut Augustinus dicit (Lib. de orando Deum cap. iv.) quia omnia alia quæ petimus, non petimus nisi secundum quod ad hanc ordinantur. Beatam autem vitam dat directe solus Deus. Sed tamen etiam sancti cooperantur nobis ad hoc quod beatam vitam obtineamus: & ideo oratio directe, & proprie fit ad Deum, sicut a quo expectamus quod orando petimus; sed tamen orantis intentio ad sanctos convertitur, ut quorum auxilio a Deo impetrat quod expectat: & ideo dicit Cassianus collatione ix. (cap. xxi. & xv.) quod oratio proprie fit ad Deum, sed deprecatio ad sanctos.

Ad primum ergo dicendum, quod in definitione debent poni ea quæ per se sunt. Quamvis autem aliquo modo ad sanctos oratio fieri possit, sicut ad intercessores pro nobis, tamen proprie & perfecte in Deum fertur.

Ad secundum dicendum, quod oratio est actus latræ; nec tamen cum sancti orantur, eis latræ exhibetur; sed illi a quo petitio orantis explenda speratur.

Ad tertium dicendum, quod sancti agnoscunt in Verbo omnia quæ ad eorum gloriam pertinent. Et quia ad magnam eorum gloriam est quod alios iuvare possunt, quasi Dei cooperatores existentes, ideo sta-

Fff 2 tim

(a) Addit Nicolaus: demoniacum sanans, qui eius Dalmaticam secreto superpositam refrigerat. (b) Idem: vel in thermis calidis ab eodem inventis, ubi se deputatum ad pœnam dicit. (c) Ad 1. & 2. d. 1. & 2. q. 1. & 2. q. 1.

tim in Verbo vident vota eorum qui eos interpellant.

Ad quartum dicendum, quod ad aliquem sanctorum nos convertendos esse docet, ut ad mediatorem orationis, non ad quem principaliter oratio dirigitur.

Ad quintum dicendum, quod oratio hic accipitur ad similitudinem rhetorice orationis, ut ex dictis patet: & ideo sic ut illa soli iudici sit, quamvis etiam aliis superioribus supplicationes fieri possent, vel aliquæ petitiones; ita etiam oratio ad solum Deum directe dirigitur; sed supplicatio etiam directe ad alios dirigi potest.

SOLUTIO II.

Ad secundam questionem dicendum, quod nihil petitur ab aliquo qui non habet: unde cum beata vita sit quæ in orando petitur, ad illos solos dirigi potest qui beata vitam habent, non autem ad illos qui in mundo sunt, neque ad illos qui in purgatorio sunt: quamvis illis qui in mundo sunt supplicatio, vel petitio aliqua fieri possit.

Ad primum ergo dicendum, quod quamvis sancti in mundo existentes sint nobis superiores, & possint pro nobis orare; non tamen adhuc ad illum gradum superiorum pervenerunt, ut scilicet beatitudinem, quam nos non habemus, illi habeant.

Ad secundum dicendum, quod quamvis illi qui sunt in purgatorio, sint in maiori afflictione; & iterum non sunt in statu merendi; & ideo magis indigent quod pro eis oretur, quam quod ipsi orent.

Ad tertium dicendum, quod in miraculis præcipue attenditur fides, & devotio orantis: unde etiam Dominus mulieri quam sanavit, dixit Matth. ix. 22. *Fides tua te salvam fecit*. Et quia ille propter excellentiam meritorum credebatur in patria esse, ideo orabatur: & talis oratio propter fidem orantium exaudiebatur tunc, ut vita illius approbaretur, non quod ille pro aliis in purgatorio existens oraret. (a.)

SOLUTIO III.

Ad tertiam questionem dicendum, quod Deus præcipue oratur, in quantum est beatus, & aliis beatitudinem largiens:

(a) *Addit Nicolai: Immo ab Episcopo supradicto petiit, ut pro ipso Dominum precaretur, sicut ibi subiungit Gregorius.*

& quia hoc convenit ei ratione essentiali, ideo ratione essentialium attributorum oratur.

Ad primum ergo dicendum, quod ea quæ sunt essentialia, a Patre sunt in aliis personis: & ideo fit quædam reductio ab aliis personis in Patrem, ut patet per Hilarium (Lib. VIII. de Trinit.) & propter hoc etiam dicitur Pater principium totius Deitatis: & sic nos in Patrem, sicut in principium non de principio, reducens Christus, nos ad Patrem orationem dirigere per Filium docuit.

Ad secundum dicendum, quod Spiritus sanctus ex personali proprietate habet quod sit donum: & ideo magis competit quod ipse petatur quam quod ab eo aliquid petatur: quamvis etiam ad Spiritum sanctum Ecclesia orationes aliquas dirigat, & hymnos, qui loco orationum in Ecclesia recitantur, sicut patet: *Nunc sancte nobis Spiritus, & Veni creator Spiritus, & huiusmodi*.

ARTICULUS VI.

Utrum divine persone sit orare.

1. **A**D sextum sic proceditur. Videtur quod divina persone sit orare. Eius enim est orare cuius est accipere. Sed persone Dei est accipere ab alio, sicut Filii, & Spiritus sancti. Ergo eius est orare.

2. Præterea. Ioann. xiv. 16. *Ego rogabo Patrem, & alium paracletum dabit vobis*: & sunt Filii verba. Ergo Filii est orare.

3. Præterea. Rom. viii. 26. dicitur: *Spiritus postulat . . . gemitibus inenarrabilibus*. Sed Spiritus sanctus est tertia in Trinitate persona. Ergo persone divinæ est orare.

Sed contra. Orare importat defectum virtutis in orante. Sed hoc divinæ persone non competit. Ergo oratio non est divinæ persone.

Præterea. Oratio est actus latræ, quæ est servitus Dei. Sed servire non competit divinæ persone. Ergo nec orare.

QUAESTIUNCULA II.

1. Ulterius. Videtur quod nec sancti, qui sunt in patria, competat orare. Quia sancti qui sunt in patria, sunt Christo conformes, in quantum est homo. Sed Christo,

flo, inquantum est homo, non competit orare; alias diceremus: *Christe ora pro nobis*. Ergo nec aliis sanctis competit orare.

2. Præterea. Sancti in patria æquales sunt Angelis Dei, Matih. xxi. Sed Angelis non competit orare: quia oratio, ut dictum est, est actus rationis, qui in Angelis non est, cum (a) in verbo intelligentie oriatur, ut Isaac dicit. Ergo nec aliis sanctis qui sunt in patria, oratio competit.

3. Præterea. Quicumque orat pro alio, alteri meretur. Sed sancti qui sunt in patria, non sunt in statu merendi. Ergo nec in statu orandi.

Sed contra est quod dicimus: *Sancte Petre ora pro nobis*.

Præterea. Sancti in patria magis servant caritatem quam in via. Sed caritas facit ut sancti in via pro aliis orent. Ergo multo magis in patria pro nobis orant.

QUAESTIUNCULA III.

1. Ulterius. Videtur quod etiam brutorum animalium sit orare. Quia in Psalm. cxlvi. 9. dicitur: *Qui das iumentis escam ipsorum, & pullis corvorum invocantibus eum*. Sed invocare Deum est ipsum orare. Ergo etiam animalia orant.

2. Præterea. Oratio est denunciativus appetitus. Sed animalia bruta appetunt bonum divinum suo modo. Ergo orant.

Sed contra. Oratio non fit nisi ad Deum. Sed Deus non potest cognosci nisi intellectu, quo bruta carent. Ergo orare non competit eis.

SOLUTIO I.

Respondeo dicendum ad primam questionem, quod oratio requirit distinctionem orantis ad eum qui oratur: quia nullus a seipso aliquid petit. Oratio autem fit ad Deum ratione attributorum essentialium, in quibus personæ non distinguuntur: & ideo uni personæ non competit aliam orare.

Ad primum ergo dicendum, quod acceptio illa qua una persona accipit ab alia, est per naturalem secunditatem, & non per gratuitam collationem, pro qua impetrandam oratio funditur.

Ad secundum dicendum, quod hoc Filius dicit de seipso, non ratione personæ, sed ratione naturæ assumptæ.

Ad tertium dicendum, quod Spiritus dicitur postulare, inquantum nos postulare facit.

(a) Forse in umbra, ut alias sapit.

Ad secundam questionem dicendum, quod quidam hæretici dixerunt, quod sancti non possunt nos iuvare orando pro nobis, quia unusquisque recipit secundum ea quæ gerit; sed hoc est contra articulum fidei, qui est *Sanctorum communio*, quæ per caritatem fit: & ideo cum etiam in sanctis qui sunt in patria, sit perfectissima caritas, competit eis pro nobis orare; non autem pro se, quia omnia eis ad votum succedunt.

Ad primum ergo dicendum, quod Christus, inquantum homo, orat pro nobis; sed ideo non dicimus, *Christe ora pro nobis*, quia Christus supponit positum æternum, cuius non est orare, sed adiuvare: & ideo dicimus, *Christe audi nos*, vel *miserere nostri*; & in hoc etiam evitamus hæresim Arii, & Nestorii.

Ad secundum dicendum, quod illud quod est rationis, est etiam multo nobilius in intellectu: quia quod potest virtus inferior, potest superior: & ideo Angeli orare possunt, in quibus intellectus est.

Ad tertium dicendum, quod quidam dicit, quod non sunt in statu merendi quantum ad præmium essentialia, sed quantum ad præmium accidentale: & ideo etiam aliis mereri possunt. Sed quia meritum tantum viatorum est, ideo dicendum, quod aliud est impetrare, & aliud mereri, ut dicitur: & ideo sancti si non possint mereri, possunt tamen nobis suis orationibus aliquid impetrare.

SOLUTIO III.

Ad tertiam questionem dicendum, quod brutis nullo modo competit orare: tum quia non sunt participes beatæ vitæ, quæ principaliter in oratione petitur: tum quia etiam Deum, cui oratio offertur, non apprehendunt: tum etiam quia petere est actus rationis, cum importet ordinationem quamdam, ut ex dictis patet.

Ad primum ergo dicendum, quod sicut animalia bruta, secundum Augustinum X. super Gen. ad litteram (cap. xiv.) dicuntur iussu Dei obedire, non quasi percipientes mandatum, sed inquantum naturali instinctu ab ipso moventur; ita etiam dicuntur Deum invocare improprie, inquantum aliquid naturali desiderio desiderant, quod a Deo obtinent.

Ad secundum dicendum, quod appetitus,

ut

ut dictum est, importat simplicem motum in appetibile; sed oratio, sive petitio ordinem quemdam, qui est rationis: & ideo appetitus potest brutis competere, non autem petitio, vel oratio.

ARTICULUS VII.

Utrum oratio sit satisfactoria.

Ubi supra art. 16.

1. **A**D septimum sic proceditur. Videtur quod oratio non sit satisfactoria. Quia omnis oratio vel est vocalis, vel mentalis. Sed mentalis non est satisfactoria, quia non habet poenam, sed iucunditatem: nec iterum vocalis, quia, sicut Isidorus dicit (Libro III. de summo bono cap. vii.) reconciliat Deo non sonus vocis, sed pura, & simplex mentis intentio. Ergo oratio non est satisfactoria pars.

2. Præterea. Larria, ut in præcedenti dist. (quæst. 1. art. 1. quæstiunc. 5. in corp.) dictum est, contra poenitentiam virtutem dividitur. Sed satisfactio est actus poenitentiae virtutis, oratio autem latræ. Ergo oratio non est satisfactoria.

3. Præterea. Satisfactio fit ad reconciliandum eum qui offensus est. Sed oratio reconciliationem sequitur: quia præsumptuosum esse videtur petere ab eo quem offendimus. Ergo oratio non est satisfactoria.

Sed contra est quod Hieronymus (alius Auctor in Marc. ix.) dicit: *Oratione sanantur pestes mentis, sicut & ieiunio pestes corporis*. Sed ieiunium est satisfactorium. Ergo & oratio.

Præterea. Oratione petimus nobis debita relaxari, nec frustra, cum (a) hoc a Domino sit institutum. Sed relaxatio debitorum per poenitentiam fit. Ergo oratio ad aliquam partem poenitentiae pertinet: non nisi ad satisfactionem: ergo oratio est satisfactoria.

QUAESTIUNCULA II.

1. Ulterius. Videtur quod oratio non sit meritoria. Opus enim meritorium solum in Deum intentionem dirigit: quia mercenaria intentio virtutem meritum evacuat. Sed orans non solum ad Deum habet oculum, sed ad proprias indigentias, quibus petit subveniri. Ergo non est opus meritorium.

2. Præterea. Si est meritoria, nullius magis quam eius quod postulat. Sed eius quod postulat, non est meritoria: quia quando-

que non exauditur, etiam si ab eo qui in caritate (b) est, offeratur. Ergo oratio non est meritoria.

3. Præterea. Natura non facit per duo quod potest facere per unum: quia non invenitur aliquid vanum in operibus naturæ, & multo minus in operibus gratiæ. Sed ad merendum sufficienter ordinantur opera. Ergo videtur quod oratio non sit meritoria.

Sed contra. Omne opus virtutis potest esse meritorium. Sed oratio est opus virtutis, ut dictum est. Ergo est meritoria.

Præterea. In Psal. xxxiv. 13. dicitur: *Oratio mea in sinu meo convertetur*. Ergo ex oratione aliquid oranti accrescit; & ita illius videtur esse meritoria.

QUAESTIUNCULA III.

1. Ulterius. Videtur quod inconvenienter assignentur conditiones quæ præstant efficaciam orationi. Dicitur enim in Glossa Lucæ xi. super illam parabolam, *Quis vestrum habebit amicum?* Cre. quod quatuor conditiones exiguntur ad hoc quod oratio sit efficax, scilicet ut petatur pie, & pro se, & perseveranter, & ad salutem. Qui enim est in peccato, pietatis virtutem non habet. Sed peccatorum oratio aliquando exauditur: quia etiam per peccatores mirabilia fieri possunt. Ergo non oportet quod pie petatur, ad hoc quod oratio sit efficax.

2. Præterea. Oratio quæ ex caritate fit, semper efficaciam habet. Ioan. xv. 7. *Si manseritis in me, & verba mea in vobis manserint, quodcumque volueritis, petetis, & fiet vobis*. In Deo autem manere facit caritas, ut patet I. Ioan. iv. Omnis autem oratio quæ fit pie, ex caritate procedit. Ergo habet efficaciam: non ergo oportet addere alias conditiones.

3. Præterea. Quanto caritas est amplior, tanto maiorem habet efficaciam merendi. Sed caritas tanto est amplior, quanto ad plures se extendit. Ergo videtur quod magis sit efficax oratio ex caritate procedens quæ fit pro aliis, quam illa quæ fit pro ipso orante; & ita non requiritur pro se fieri.

4. Præterea. Ab eodem habet oratio efficaciam merendi, & opus, scilicet a caritate. Sed opus ex caritate procedens est meritorium, etiam si non perseveranter fiat. Ergo ad orationis efficaciam non requiritur quod perseveranter fiat.

5. Præterea. Ea quæ ad salutem perti-

(a) *Al. desit hoc.* (b) *Al. additur eius.*

nent, desiderata, vel petita, iram Dei non provocant. Sed aliquando Deus orantibus concedit aliqua, de quorum petitione irascitur, sicut filiis Israel Regem petentibus, quibus in indignatione Regem dedit. Ergo non oportet ad hoc quod oratio sit efficax, quod petatur ea quæ sunt ad salutem.

6. Præterea. Videtur quod multæ aliæ conditiones requirantur: videlicet quod fideliter, & confidenter petatur: Iac. 1. 6. *Postulet autem in fide nihil hesitans: & quod oratio sit humilis*: Psal. c1. 18. *Respexit in orationem humilium*, & non speravit preces eorum. Paupertas etiam petentis ad efficaciam orationis facit: Psal. 1x. 38. *Desiderium pauperum exaudivit Dominus*. Fervor etiam devotionis: unde etiam Augustinus dicit de orando Deum ad Probam (1 cap. 1x.) *Dignior sequitur effectus, quando ferventior procedit affectus*. Ergo insufficienter illæ quatuor conditiones enumerantur.

SOLUTIO I.

Respondeo dicendum ad primam questionem, quod satisfactio respicit & culpam præteritam, pro cuius offensâ recompensationem facit, & culpam futuram, contra quam est medicina salvans; & hæc duæ orationi competunt. Initium enim peccati & radix est superbia: & ideo per quod homo spiritum suum humiliter Deo subdit in oratione, & pro superbia præcedentis offense recompensationem facit, & aditum futuræ culpæ aufert, radicem ei amputans: & ideo oratio plene habet satisfaciendi rationem.

Ad primum ergo dicendum, quod oratio mentalis, & vocalis satisfactoria est, si in caritate fiat. Vocalis quidem, quia habet exteriorem laborem, & sic poenam quamdam; & inquantum in ea manet virtus præcedentis intentionis, habet etiam rationem boni meritorii; quæ duoduo opus satisfactorium requiruntur. Et sic patet quomodo respondendum sit ad auctoritatem Isidori, quia sonus vocis non reconciliat Deo inquantum huiusmodi, sed inquantum manet in ipsa puræ intentionis efficacia. Similiter etiam oratio mentalis satisfactoria (a) est, quia quamvis habeat iucunditatem, habet tamen & poenam admixtam: quia dicit Gregorius (Lib. XXXIII. Moral. cap. xxi.) *Orare est amarus gemitus in compunctione resonare, vel pro peccatis, vel pro dilatione patriæ: & præterea ipsa mentis elevatio est carnis afflictio, ut supra dictum est; & afflictio*

carnis redundat in mentem, inquantum ei unita est, & etiam in superbientem spiritum, cuius vulnus oratio sanat: & idcirco sine poena oratio (b) humilis esse non potest.

Ad secundum dicendum, quod non est inconveniens actum unius virtutis imperari a virtute quæ contra ipsum dividitur, sicut actum temperantiæ interdum fortitudo imperat: & sic etiam actum latræ potest poenitentia imperare, & sic erit satisfactorius; sicut etiam sacrificia pro peccatis in veteri lege fiebant, & nunc fiunt.

Ad tertium dicendum, quod ex hoc ipso quod aliquis ab homine veniam petit humiliter, animus offensus hominis placat, & multo fortius misericordis Dei.

SOLUTIO II.

Ad secundam questionem dicendum, quod ratio meriti in omnibus actibus nostris est ex caritate: unde cum contingat aliquando ex caritate orationem fieri, constat quod potest esse meritoria eadem ratione qua & alia opera ex caritate facta meritoria sunt.

Ad primum ergo dicendum, quod habere oculum ad aliud quam ad Deum, sicut ad principalem finem, evacuat rationem meriti; non autem si respiciat aliud, sicut quo ad Deum cito perveniendum: & hoc modo oratio relevationem propriarum indigentiarum respicit.

Ad secundum dicendum, quod meritum in actibus aliarum virtutum est ex vi caritatis. Er quia caritas habet pro obiecto quod aliæ habent pro fine, ideo meritum in actibus aliarum virtutum non est solum obiectum illius actus, sed finis orantis. Hoc autem quod petitur, non est finis orantis, sed obiectum actus: & ideo non oportet quod meritum attendatur ratione illius.

Ad tertium dicendum, quod opera nostra non sunt sufficientia a seipsis ad obtinendum omne illud quo indigemus: & ideo oportet quod illud quod nobis deest, ex divina misericordia suppleatur; & hanc oratio pulsât: & ideo orationis meritum exigitur ad supplendum defectum omnium aliorum nostrorum meritorum. Unde Gregorius in Moralibus (Lib. XVIII. cap. v.) dicit: (c) *Multum utique apud Deum hæc summo sibi necessario congruunt, ut & oratione operatio, & operatione fulciatur oratio.*

SOLUTIO III.

Ad tertiam questionem dicendum, quod oratio ad duo ordinatur, scilicet ad obiectum

(a) *Ad*: additur tantum. (b) *For*: mentalis. (c) Gregorius: Valde namque apud Deum utraque hæc sibi &c.

Alum proprium, & ad finem; & secundum hoc habet duplicem efficaciam, scilicet efficaciam merendi ratione finis, qui est vita aeterna, ad quam omnia merita ordinantur; & efficaciam impetrandi eius quod petitum est, quod est orationis obiectum. Et inter hæc duo differentia est, quod meritum importat ordinem iustitiæ ad præmium, quia ad iustitiam pertinet retribuentis ut merenti præmium reddat; sed impetratio importat ordinem misericordiz, vel liberalitatis ex parte donantis: & ideo meritum ex seipso habet unde perveniatur ad præmium; sed oratio impetrare volentis non habet ex seipso unde impetret, sed ex proposito, vel liberalitate dantis. Unde patet quod oratio ex caritate semper habet efficaciam merendi, sed non habet semper efficaciam impetrandi: quia aliquid est quod repugnat impetrationi in providentia Dei, ad quem oratur. Et ad hæc impedimenta tollenda ponuntur quatuor conditiones præmissæ, quibus positis semper habet oratio efficaciam impetrandi. Potest ergo impedimentum orationis esse vel ex parte orantis, si orationem inordinate emittat, & quantum ad hoc removendum dicitur *pie*, in quo importatur modus latitæ, quæ alio nomine pietas dicitur, secundum quam oratio modificari debet: vel ex eo quod petitur, quia quandoque etiam petenti non expedit; & sic dicitur, quod sit *ad salutem*: vel ex parte eius pro quo petitur; & hoc impedimentum vel est tunc quando oratio fit; quod non potest esse quando oratio fit ab aliquo pro seipso, si *pie* petat, sed quando fit pro alio, & ideo additur alia conditio, quod fiat *pro se*: vel potest esse post intermedium inter orationem & consecutionem petiti; & hoc excluditur per hoc quod dicitur *perseveranter*.

Ad primum ergo dicendum, quod istæ conditiones non hoc modo requiruntur ad efficaciam impetrandi, quasi nihil impetretur, si aliqua defuit, quia etiam quandoque aliquis pro alio orans auditur: sed quia his positis semper oratio efficaciam habet impetrandi, quia impetrationis virtus magis est ex proposito eius cui oratur, quam ex orantis merito: & ideo quandoque peccatores audiuntur, quando eorum oratio divino proposito concordat. Tamen sciendum est, quia quandoque aliquis *pie* petit, qui pietatis virtutem non habet, sicut aliquis aliquando iusta fa-

cit qui iustitiæ habitum non habet; & sic etiam peccatores aliquando possunt *pie* orare.

Ad secundum dicendum, quod voluntas magis est de fine quam de illo quod propter finem petitur: & ideo quando Deus videt non concordare quod petitur, cum fine pro quo *pie* orans petit, magis audit eius desiderium non faciens quod petitur quam si faceret: & ideo finaliter accipiendum est hoc quod dicit: *Quodcumque volueritis, petetis* &c. Finis autem petitionis est salus nostra, & Dei gloria: hoc autem esset (a) contra Dei gloriam, si peccatorem impoenitentem salvaret; & esset contra salutem petentis, si aliquid contrarium suæ salutem sibi daretur; & ita exauditur desiderium, & tamen (b) petitum non impetratur, quando aliquis imperseveranter, vel pro alio petit, vel contraria salutem.

Ad tertium dicendum, quod oratio quæ fit ex caritate pro alio, semper habet efficaciam merendi ei qui orat; sed nunc toquimur de efficacia impetrandi.

Ad quartum dicendum, quod impetratio importat consecutionem eius quod petitur; sed meritum non importat consecutionem, sed ordinem iustitiæ ad consecutionem: & ideo impedimentum interveniens per inflabilitatem, tollit rationem impetrationis, quia tollit consecutionem; sed non tollit ordinem ad consecutionem, & ideo non tollit meritum: unde meretur etiam qui non perseveraverit; sed non impetrat nisi perseverans.

Ad quintum dicendum, quod omnes homines habent beatitudinem sui desiderii finem, quem maxime desiderant: & ideo magis audit illos quibus non dat quod petunt, si sit impediens a beatitudine, quam eos quibus dat: unde talis impletio orationis, quæ fit cum Dei indignatione, non dicitur impetratio, proprie loquendo.

Ad sextum dicendum, quod omnes illæ conditiones quæ requiruntur ex parte orantis, in quantum est orans, includuntur in hoc quod dicitur *pie*, quod includit omnes circumstantias virtutis, quibus ordinatur actus ex parte agentis.

EXPOSITIO TEXTUS.

Non confurget duplex tribulatio. Contra Hierem. xvii. 18. "Duplici contritio- ne contere eos." Et dicendum, quod tribu-

(a) *Ad* contra salutem petentis. (b) *Ad* pretium.

tribulatio, si accipiat communis peccato, duplex non confurgit, quia Deus non punit ultra condignum; sed si accipiat pro peccato absolute, tunc duplex poena debetur, vel secundum duas partes peccantis, poena corporis, & animæ; vel secundum duo quæ sunt in peccato, scilicet aversio, & conversio, poena sensus, & damni; vel secundum duas radices peccati, quæ sunt amor, & timor, ignis, & frigus; vel secundum duos status, præfens poena, & futura: utraque enim est (a) citra condignum, & præcipue si accipiantur divisim. Tamen præfens poena, & futura in eo qui non corrigitur, unam poenam constituunt: unde Gregorius in Moralibus. (Lib. XVIII. cap. xlii.) dicit: „Eorum percussio hic coepit, illic perficitur, ut incorrectis unum flagellum sit quod hic temporaliter incipit, sed in æternis suppliciis consummatur.“

Quinque enim modis flagella contingunt. Sed contra. Hieronymus * dicit: „Quid, quid patimur, peccata nostra meruerunt.“ Ergo omnia sunt ad punitionem.

Præterea. Augustinus ** dicit: „Quid, quid permisit Deus pati, scias esse flagellum correctionis.“ Ergo omnes alii modi superflui sunt.

Præterea. Impium videtur alteri nocere, ut cessans a documento aliquis gloriam habeat, & demonum operibus simile, ut patet ex vita B. Bartholomæi.

Præterea. Ad multa alia, flagella ordinari in Scriptura leguntur, sicut ad probationem, ad exemplum iusti iudicii Dei, & huiusmodi.

Et dicendum, quod isti quinque modi distinguuntur penes bona quæ ex poenis a Deo infliguntur in presenti consequuntur, quæ sunt a Deo inretra. Hoc autem bonum aut est in altero, & sic est quartus modus: aut in eo qui punitur, & sic est ordo iustitiæ, qui temper divino flagello adiunctus est, quia omnis poena iusta; & hoc cum precisione aliorum est in quinto modo: aut est utilitas quam ipse flagellatus consequitur; quæ quidem potest esse vel quantum ad recessum a malo, & sic est modus tertius; vel in ordine ad bonum conservandum, & sic est secundus modus; aut augendum, & sic est primus.

S. Tb. Oper. Tom. XII.

(a) M. cisco.

Ad primum ergo dicendum, quod poenam semper præcedit peccatum in natura, sed non semper in persona puniti.

Ad secundum dicendum, quod flagellum, quantum est de se, semper est corrigens, sed ex defectu recipientis quandoque ad hunc effectum non pervenit.

Ad tertium dicendum, quod impium esset, si poena iusta non esset. Nec tamen Deus tunc vult gloriam suam divulgari propter suam utilitatem, sed nostram.

Ad quartum dicendum, quod omnia alia possunt ad ista reduci, quia probatio est ad augmentum meriti, & exemplum iusti iudicii Dei ad gloriam Dei, & sic de aliis.

Non prævenit sententiam iudicis: quia etiam sententia hominis præcedit non concordans sententia Dei, adhuc sententia Dei restat; si autem concordat, est sententia Dei.

Levis enim culpa levi supplicio compensatur. Supplicium enim mortis præfens leve dicitur in comparatione ad futurum supplicium: culpæ etiam præminaræ leves dicuntur in comparatione ad culpas maiores, quæ quandoque minoribus poenis temporalibus puniuntur.

Ex fonte gratia Dei id cordi instillatur, ut vel sic paulatim ad poenitentiam veniat, vel eo minus a Deo puniatur. Non loquitur hic de gratia gratum faciente: quia hæc non datur ante perfectam poenitentiam, sed de gratuitis bonis, sicut fides informis, & timor servilis, & huiusmodi.

Si enim propter misericordiam qua quis proximo suo non misereatur, & que dimissa sunt, replicentur ad poenam; multo magis que nondum sunt dimissa, propter odium fratrum ad poenam reservari probantur. Hic dicit secundum quamdam opinionem, de qua infra habetur, dist. xxi. (quæst. i. art. 3. quæstiunc. 1.)

Qui diligit iniquitatem, odit animam suam, non affectu, sed effectum.

Immundus nihil est mundum: quia ipsi ex his quæ in se munda sunt, sicut sacramenta, munditiam non consequuntur.

Nihil prodest ieiunare, & orare, & alia bona agere, nisi mens revocetur a peccato; scilicet ad vitam æternam consequendam.

Numquam aliquem sanavit. Contra Ioan. ix. dicit Glossa: „Queritur quomodo sine „fide aliquem illuminaverit Christus.“

Ggg

Ergo

EX EDIT. P. NICOLAI.

* Colligitur ex epist. de morte Nepotiani, sed implicite tantum. ** Tract. 122. in Ioan. ubi hæc habet: Quid te permisit pati, flagellum corrigentis est, non poena divinis.

Ergo ille fidem non habuit, & sic non totum curavit. Et dicendum, quod Christus quemcumque curavit, totaliter curavit, & mente, & corpore quantum ad omnes infirmitates corporales: & ille totus fidem recepit primo, sed indistinctam. Glossa tamen aliter solvit, quod scilicet hoc intelligitur de illis qui pro peccato morbum incurrunt.

Quedam impietas infidelitatis est ab illo qui iustus, & iustitia est, dimidiam sperare veniam: quia sequeretur quod vel Deus non sciret omnia peccata, vel non omnia horreret, vel non omnia remittere posset.

Ad baptismi puritatem: quantum ad remotionem omnium culparum.

Abluere lacrymis mentis, id est interiori do-

lore, quem lacrymæ exteriores significant: & est locutus metaphorice.

Sciat se culpabiliter durum; si scilicet contingat exteriorum lacrymarum defectus ex defectu doloris, ut homo minus doleat de peccato quam de damno temporali. Sed quandoque abundantia doloris lacrymas excutit propter dolorem concitatum; quandoque autem homo se continet, ut coram solo Deo doleat; quandoque etiam ex duritia complexionis est quod homo non potest flere corporaliter pro peccatis, etsi fleat pro morte amici, quia dolor ille est magis sensibilis, & ideo magis vicinus ad resolvendum corpus in lacrymas.

Emundare nequiverit, scilicet in statu tali manens; alias non esset ei imputandum.



DISTINCTIO XVI.

De tribus quæ in pœnitentia consideranda sunt.

IN perfectione autem pœnitentiæ tria observanda sunt, scilicet compunctio cordis, confessio oris, satisfactio operis. Unde Ioannes Chrysostomus (hom. xxi. de pœnitentia.) „ Perfecta pœnitentia cogit peccatorem omnia libenter ferre: in „ corde eius contritio, in ore confessio, in opere toto humilitas. Hæc est fructus pœnitentia, ut sicut tribus modis Deum offendimus, scilicet corde, ore, „ opere, ita tribus satisfaciamus. „ Sunt enim tres peccati differentia, ut ait Augustinus (de serm. Domini in monte Lib. I. cap. xii.) & in corde, & in facto, & in consuetudine, (1) vel verbo, tamquam tres mortes. Una quasi in domo, scilicet cum in corde consentitur libidini: altera iam prolata quasi extra portam, cum in factum procedit (2) assensus: tertia cum vi male consuetudinis tamquam (3) mole premitur animus, vel noxiæ defensionis clypeo armatur, quasi in sepulcro iam foetens. Hæc sunt tria genera mortuorum quæ Deus legitur suscitasse. Huic ergo triplici morti triplici remedio occurrit, contritione, confessione, satisfactione. Compunctio nobis commendatur ibi (Joel. II. 13.) „ Scindite corda vestra, & non vestimenta vestra. „ Confessio ibi (Prov. xvi. 17.) „ Iustus in principio sermonis accusator est sui: „ (vere enim confitetur qui se accusat, qui execrando malum sibi imputat) & ibi (Psalm. lxi. 9.) „ Effundite coram illo corda vestra: „ & iterum (Jac. v. 16.) „ Confitemini alterutrum peccata vestra. „ Satisfactio a Ioanne præcipitur, ubi ait (Luc. II. 8.) „ Facite dignos fructus pœnitentiæ, „ scilicet ut secundum qualitatem, & quantitatem culpæ sit qualitas, & quantitas pœnæ. Non enim par debet esse fructus boni operis eius qui nihil, vel minus peccavit, & eius qui gravius (4) cecidit. Ideo discretio pœnitenti valde necessaria est, ut illa gerat quæ tradit Augustinus (alius Auctor Lib. de vera, & falsa pœnitentia cap. xiv.) dicens: „ Consideret qualitatem criminis in loco, in tempore, in „ perseverantia, in varietate personæ, & quali hoc fecerit tentatione, & in „ ipsius vitii multiplici executione. Oportet enim pœnitentem fornicantem secundum

„ ex-

(1) In edit. Nicolai desit vel verbo. (2) Al. additur libidini. (3) Al. male. Nicolai mole tetra. (4) Nicolai: deliquit (ut Gregorius dicit hom. x. in Evang.)

„ excellentiam sui status , vel officii , vel secundum modum meretricis , (1) &
 „ secundum modum operis sui , & qualiter turpitudinem egerit , (2) si in lo-
 „ co sacro , si in tempore orationi constituto , ut sunt sollicitudines sanctorum ,
 „ & tempora ieiunii . Consideret quantum perseveraverit , & defleat quod per-
 „ severanter peccaverit , & quanta victus fuerit impugnatione . Sunt enim qui
 „ non solum non vincuntur , sed ultro se peccato offerunt ; nec expectant ten-
 „ tationem , sed præveniunt (3) voluptatem , & pertractant secum quam mul-
 „ tiplici actione vitii delectabiliter peccent . Omnis ista varietas confitenda est ,
 „ & deflenda , ut cum cognoverit quod peccatum est multum , cito inveniat
 „ Deum propitium . In cognoscendo augmentum peccati inveniat etiam cuius
 „ ætatis fuerit , cuius sapientiæ , & ordinis . Immoretur in singulis istis , & sen-
 „ tiant modum criminis , purgans lacrymis omnem qualitatem vitii . Defleat &
 „ virtutem qua interim caruit : dolendum est enim non solum quod peccavit ,
 „ sed quia se virtute privavit . Defleat etiam , quoniam offendens in uno , fa-
 „ ctus est omnium per ingratitudinem reus . Ingratus enim exitit qui plenus
 „ virtutibus Deum omnino non timuit . In hoc enim quisque peccator sit cul-
 „ pabilior , quo est Deo acceptior . Ideo enim Adam plus peccavit , quia omni
 „ bono abundavit . Alio etiam modo offendens in uno factus est omnium reus ,
 „ quia omnis virtus patitur detrimentum ab uno vitio . “ (Et cap. xv.) „ Po-
 „ nat se omnino in iudicio , & potestate sacerdotis , nihil sui reservans sibi , ut
 „ omnia eo iubente paratus sit facere pro reparanda vita animæ quæ faceret pro
 „ evitanda corporis morte ; & hoc cum desiderio , quia vitam recuperat infini-
 „ tam . Cum gaudio enim facere debet immortalis futurus , quæ faceret pro
 „ differenda morte moriturus . Semper deprecetur Deum , semper offerat Deo
 „ mentem , & cordis contritionem : deinde & quod potest , det de possessione :
 „ & tunc quod offert , securus offerat . Respexit Dominus ad Abel , & ad mu-
 „ nera eius (Genes. iv.) Prius dicit ad Abel quam ad munera eius . In iudicio
 „ ergo cordis consideranda est elemosyna tribuentis . Nec considerandum est
 „ quantum , sed qua mente . qua affectione dat quod potest . Qui ergo sua pec-
 „ cata redimere vult temporalium oblatione , prius offerat mentem . Caveat ne
 „ ductus verecundia dividat apud se confessionem , ut diversa diversis velit sa-
 „ cerdotibus manifestare . Quidam enim celant quod alteri manifestandum
 „ conservant : quod est se laudare , & ad hypocrisim tendere , & semper venia
 „ carere , ad quam per frustra putant pervenire . Caveat etiam ne prius ad do-
 „ minicum corpus accedat quam confortet se bona conscientia , & doleat quod
 „ nondum audeat sumere , quem multum desiderat , cibum salutarem . Cohibeat
 „ etiam se a ludis , & a spectaculis sæculi qui perfectam vult consequi remis-
 „ sionis gratiam . Isti sunt digni fructus poenitentiae animam captivam elaquean-
 „ tes , & in libertate servantes . “ Et infra (eod. cap.) „ Quærat anima dignos
 „ fructus , etiam non dignos poenitentiae . Sunt enim digni fructus , virtutum fru-
 „ ctus , qui non sufficiunt poenitentibus . Poenitentia enim graviore postulat ,
 „ ut sic pacetur Ecclesie , ut pacata dolore , & gemitibus , mortuis impetret
 „ vitam . “ Ex his ostenditur qui sint digni fructus poenitentiae , quibus vera
 „ satisfactio expletur , & quod non omnes digni fructus , sunt digni fructus poeni-
 „ tentiæ : quod de illa poenitentia intelligitur quæ maiorum est criminum : non
 „ enim sufficiunt graviter delinquentibus quæ sufficiunt minus , vel parum (4)
 „ peccantibus .

Quæ sit (5) falsa satisfactio .

ET sicut sunt digni fructus poenitentiae , ac vera satisfactio ; ita & indigni fru-
 „ ctus , & falsa satisfactio , idest falsa poenitentia . Unde (6) Gregorius :

Ggg 2

„ Fal-

(1) *Al. & in modum.* (2) *Nicolas addit scilicet.* (3) *Al. voluntatem.* (4) *Al. peccatoribus .*
 (5) *In edit. Nicolai deest falsa.* (6) *Nicolas ; Gregorius VII. in Synodo Romanæ (ut habetur dist. v. de poenitentia cap. Falsas) de huiusmodi poenitentia ita loquitur . Falsas &c.*

„ Falsas poenitentias dicimus quæ non secundum auctoritates sanctorum pro qualitate criminum imponuntur. Ideoque miles, vel negotiator, vel alicui officio deditus quod sine peccato exerceri non possit, si culpis gravioribus irretitus ad poenitentiam venerit, vel qui bona alterius iniuste detinet, vel qui odium in corde gerit, recognoscat se veram poenitentiam non posse peragere, (1) nisi negotium relinquat, vel officium deferat, & odium ex corde dimittat, & bona quæ iniuste abstulit, restituat (2). Ne tamen desperet interitum, quidquid boni facere potest, hortamur ut faciat, ut Deus cor illius illustret ad poenitentiam, cum sit poenitentia interior, & exterior. “ De utraque per præmissa satis apparet quæ sit vera, & quæ sit falsa.

De tribus actionibus poenitentia.

P Rædictis vero addiendum est, quod tribus modis agitur poenitentia, ante baptismum scilicet de prioribus peccatis, post baptismum de gravioribus quæ post committuntur: est etiam poenitentia venialium quotidiana, quæ etiam humilium est, & perfectiorum. Unde Augustinus (in Libro I. homiliarum hom. ult.) „ Tres sunt actiones poenitentia quæ tecum eruditio vestra recognoscit. „ Una est quæ novum hominem parturit, donec per baptismum omnium præteritorum ablutio fiat peccatorum: quia nullus suæ voluntatis arbiter (3), nisi poeniteat cum veteris vitæ, novam inchoare potest, a qua parvuli sunt immunes, cum baptizantur: quia nondum possunt uti libero arbitrio, quibus tamen ad remissionem originalis peccati prodest eorum fides a quibus offeruntur . . . (4). Altera est actio poenitentia post baptismum, quæ fit pro illis peccatis quæ legis decalogus continet. . . (5). Agunt ergo homines poenitentiam ante baptismum de peccatis prioribus, ita tamen ut etiam baptizentur, sicut Petrus ait (Acl. 11. 28.) Agite poenitentiam, & baptizetur unusquisque vestrum in nomine Domini &c. Agunt etiam poenitentiam, si post baptismum, ita peccaverunt ut excommunicari, & reconciliari (6) postea mereantur. Est etiam poenitentia bonorum, & humilium fidelium pene quotidiana, in qua peccata tundimus, dicentes: Dimitte nobis debita nostra &c. Neque ea nobis dimitti volumus quæ dimissa nobis in baptismo non dubitamus; sed illa quæ humanæ fragilitati, quamvis parva, tamen crebra surrunt: quæ si collecta contra nos fuerint, ita nos gravabunt, & opprimunt, sicut unum aliquod grande peccatum. Quid enim interest ad naufragium, an uno grandi fluctu navis operiatur, & obruatur, an paulatim surrepens aqua incrementum per negligentium culpam impleat navem, (7) & submergat? Ideo ieiunium, & eleemosynæ, & orationes invigilent: in quibus cum dicimus: Dimitte nobis debita nostra &c. manifestamus nos habere quod nobis dimitatur, & in his verbis humilantes animas nostras quotidianam agere poenitentiam non cessamus. “

De satisfactione venialium.

Q Uæ autem pro venialibus sit satisfactio sufficiens, Augustinus insinuat, inquit in Enchir. (cap. lxxi.), „ De quotidianis, & brevibus, levibus, „ que

(1) *Adit Nicola:* per quam ad æternam vitam valeat pervenire. (2) *Idem:* arma deponat, interitumque non ferat, nisi consilio religiosorum Episcoporum pro ascendenda iustitia. Ne tamen desperet &c. (3) *Nicola:* addit constitutus. (4) *Nicola:* Et inferius cap. xv. „ Altera vero poenitentia est: cuius actio per totam istam vitam qua in carne inortalis degimus, peregrina supplicationis humilitate subeunda est: quia vitam æternam, incorruptibilem, immortalique nullus desiderat, nisi cum primi huius temporalis, corruptibilis, mortaliique poeniteat. Non enim est in vitam novam per baptismi sanctificationem quique nascitur, ut quemadmodum tot depositis omnia peccata præterita. „ Ita etiam istam mortalitatem ipsam carnis, corruptioemque deponat. “ Et inferius eundem cap. „ Testis est actio poenitentia post baptismum &c. “ (5) *Idem:* Et epist. cxxvi. veritas hinc. „ (6) *Idem:* postea. (7) *Idem:* S. ubi dicitur.

que peccatis, sine quibus hæc vita non ducitur, quotidiana oratio fidelium
 „satisfacit. Eorum enim est dicere: Pater noster qui es in celis &c. (1) De-
 „let omnino hæc oratio minima, & quotidiana peccata: delet & illa a quibus
 „vira fidelium etiam scelerate gesta, sed pœnitendo in melius commutata disce-
 „dit, (2) sicut veraciter dicitur, Dimitte nobis debita nostra; ita veraciter
 „dicatur, Sicut & nos dimittimus debitoribus nostris; idest, sic fiat quod di-
 „citur: quia & ipsa elemosyna est venia (3) petentibus omnino ignosce-
 „re. Ex his, aliisque præmissis iam facile est intelligere, quæ pro veniali-
 „bus sit exhibenda satisfactio. Sufficit enim dominica oratio cum ieiunio aliquo,
 „& elemosynis; sic tamen ut præcedat contritio aliquantula, & addatur con-
 „fessio, si adsit facultas: de qua confessione post tractabitur. Pro gravioribus
 „vero peccatis hæc etiam in satisfactione adhibenda sunt, sed multo vehementius,
 „atque districtius: quia, ut ait Augustinus, * ad agendum pœnitentiam non
 „sufficit mores in melius commutare, & a malis factis recedere, nisi etiam de his
 „quæ facta sunt, (4) satisfiat Domino per pœnitentiæ dolorem, per humilita-
 „tis gemitum, per contriti cordis sacrificium cooperantibus elemosynis.

DIVISIO TEXTUS.

Postquam Magister determinavit de pœ-
 nitentia generaliter, hic ad partes pœ-
 nitentiæ descendit: & dividitur in partes
 duas. In prima distinguit pœnitentiæ par-
 tes. In secunda movet quædam questio-
 nes circa comparisonem partium pœnitent-
 iæ: ad invicem, xvii. dist. ibi, *Hic oritur
 questio multiplex.* Prima in duas. In pri-
 ma distinguit partes quasi pœnitentiam in-
 tegras, scilicet contritionem, confessio-
 nem, & satisfactionem. In secunda distin-
 guit partes quasi subiectivas, ibi, *Prædi-
 ctis vero adiciendum est &c.* Prima in duas.
 In prima distinguit pœnitentiæ partes. In
 secunda docet pœnitendi modum secundum
 partes illas, ibi, *Ideo discretio pœnitenti
 necessaria est.* Circa primum duo facit.
 Primo ostendit numerum partium. Secun-
 do singulas partes profequitur, ibi, *Com-
 punctio nobis commendatur.*

Ideo discretio pœnitenti valde necessaria est.
 Hic ostendit modum pœnitendi, & circa hoc
 duo facit. Primo ostendit modum dignæ pœ-
 nitentiæ. Secundo modum falsæ, ibi, *Es fucus
 sunt digni fructus pœnitentiæ, ac vera satisfac-
 tiō; ita & indigni fructus.* Circa primum tria
 facit. Primo assignat ex verbis Augustini
 modum pœnitendi quantum ad contritio-
 nem cordis. Secundo quantum ad confes-
 sionem oris, ibi, *Caveat ne ductus veretur-*

dia dividat apud se confessionem. Tertio
 quantum ad satisfactionem operis in ab-
 stinendo a sacris, & ab illicitis, ibi,
*Caveat etiam ne prius ad dominicum corpus
 accedat quam confortetur bona conscientia.*

Prædictis vero adiciendum videtur &c.
 Hic assignat alias pœnitentiæ partes quasi
 subiectivas, & circa hoc duo facit. Primo
 distinguit eas. Secundo profequitur de al-
 tera earum, scilicet pœnitentia venialium,
 quæ habet specialem dubitationem, ibi,
*Quæ autem pro venialibus sit satisfactio sus-
 ficient, Augustinus insinuat.*

QUÆSTIO I.

Hic quæruntur quatuor. Primo de par-
 tibus pœnitentiæ. Secundo de remis-
 sione venialium in hac vita, quæ ad unam
 partem pœnitentiæ pertinet. Tertio de cir-
 cumstantiis peccati, secundum quas forma-
 ri debet pœnitentiæ modus. Quarto de
 impediementis veræ pœnitentiæ.

Circa primum quæruntur duo.

Primo. De partibus pœnitentiæ quasi in-
 tegralibus.

Secundo. De partibus secundo assigna-
 tis.

A R.

(1) Addit Nicolai: qui iam regenerati sunt &c. (2) Nicolai si quemadmodum. (3) M. pœ-
 nitentibus. Textus: Augustini, ut notat Nicolai: petenti homini. (4) M. satisfaciat.

E X E D I T. P. N I C O L A I.

* Romil. l. ubi supra cap. v.

ARTICULUS I.

*Utrum pœnitentia habeat partes.**III. P. quæst. xc. art. 2. & 3. & IV. contra Gen. cap. lxxii.*

1. **A**D primum sic proceditur. Videtur quod pœnitentia partes non habeat. Nullum enim simplex habet partem. Sed secundum Ambrosium omne sacramentum est simplex. Ergo pœnitentia, cum sit sacramentum, non habet partes.

2. Præterea. Baptismus multiplicior est virtute quam pœnitentia: quia originale, & actuale quantum ad culpam, & pœnam totaliter tollit; quod de pœnitentia non est verum. Ergo cum baptismo non assignentur partes, nec pœnitentiæ partes assignari debent.

3. Præterea. Medicina debet proportionari morbo. Sed peccatum, quod est morbus spiritualis, cuius est medicina pœnitentia, non habet huiusmodi partes. Ergo nec pœnitentiæ partes assignandæ sunt.

Sed contra. Pœnitens pœnam sibi inferit pro peccato debitam. Sed pro peccato in Deum commissio non solum debetur pœna interior, sed exterior, ut patet in inferno. Ergo ad perfectionem pœnitentiæ utraque pœna requiritur. Ergo pœnitentia habet partes.

Præterea. Morbus spiritualis maiori diligentia est curandus quam corporalis. Sed curatio quæ fit contra morbum corporalem secundum aliquas partes distinguitur: quia primo tollitur morbus, & postea morbi reliquæ. Ergo & pœnitentia, quæ est spiritualis morbi curatio, partes habere debet.

QUAESTIUNCULA II.

1. Uterius. Videtur quod inconvenienter assignentur ei hæ tres partes, scilicet contritio, confessio, & satisfactio. Sacramentum enim a ministris Ecclesiæ confertur secundum omnem sui partem. Sed contritionem non confert pœnitenti aliquis. Ecclesiæ minister. Ergo non est pars pœnitentiæ sacramenti.

2. Præterea. Per pœnitentiæ sacramentum peccatum dimittitur. Sed ante confessionem peccatum quandoque dimittitur, ut infra (dist. seq.) Magister ostendit. Ergo non est pars pœnitentiæ.

3. Præterea. In sacramento novæ legis gratia suscipienti confertur. Sed in satisfac-

tione non confertur aliqua gratia. Ergo non est sacramenti pars.

4. Præterea non est idem fructus rei, & pars. Sed satisfactio dicitur in littera pœnitentiæ fructus. Ergo satisfactio non est pars pœnitentiæ.

QUAESTIUNCULA III.

1. Uterius. Videtur quod sint partes subiectivæ. Quia istæ partes pœnitentiæ, ut in littera patet, sumuntur secundum peccatum cordis, oris, & operis. Sed hæ sunt partes subiectivæ peccati. Ergo & partes pœnitentiæ assignatæ sunt partes subiectivæ ipsius.

2. Præterea. Totum integrale non sequitur ad suam partem: non enim sequitur: Si paries est, domus est. Sed pœnitentia sequitur ad quamlibet partium assignatarum: sequitur enim: Contritus, ergo pœnitet: & similiter de aliis. Ergo non sunt partes integrales, sed subiectivæ.

3. Præterea. Partes integrales alicuius totius quod habet esse permanens, sunt simul. Sed pœnitentia habet esse permanens, sicut & alia sacramenta. Ergo cum pœnitentiæ partes non sint simul, non erunt partes integrales, sed subiectivæ.

Sed contra. Partes subiectivæ non requiruntur ad perfectionem totius universalis: quia in qualibet parte perfecta ratio totius invenitur, sicut perfecta ratio animalis in homine. Sed partes: pœnitentiæ assignatæ, ad eius perfectionem requiruntur, ut in littera dicitur. Ergo non sunt partes subiectivæ.

Præterea. Nihil unum aliquid habet partes subiectivas, sicut unum animal non habet partes subiectivas. Sed unius pœnitentiæ partes sunt assignatæ partes: quod patet ex hoc quod de uno peccato non agitur nisi una pœnitentia, inquantum prædicta tria inveniuntur. Ergo non sunt partes subiectivæ.

QUAESTIUNCULA IV.

1. Uterius. Videtur quod sint partes etiam pœnitentiæ virtutis. Sicut enim dicitur in X. Ethic. (cap. viii. vel xii.) ad perfectionem virtutis moralis requiritur actus interior, & exterior. Sed pœnitentia est virtus moralis, cum sit pars iustitiæ. Ergo de perfectione eius est contritio interior, & confessio, & satisfactio exterior, & sic sunt partes eius sicut pœnitentiæ sacramenti.

2. Præterea. Satisfactio est actus alicuius

ius virtutis, nec alterius quam poenitentiae, & similiter de aliis. Ergo sunt partes poenitentiae virtutis, non solum sacramenti.

3. Præterea. Iustitia exigit ut per quæ quis peccat, per hæc puniatur. Sed hæc tria quæ assignantur poenitentiae partes, sunt quædam poenæ respondentes illis quibus peccamus. Ergo ad perfectionem iustitiae exigitur. Sed nonnisi quantum ad partem illam quæ poenitentia dicitur. Ergo sunt partes poenitentiae virtutis.

Sed contra. Actus non est pars habitus. Sed poenitentia virtus est habitus; hæc autem tria sunt actus quidam. Ergo non sunt partes poenitentiae virtutis.

Præterea. Subiectum virtutis est mens, secundum Augustinum (Lib. XI. de Civ. Dei cap. 11. & XIV. cap. xix.) sed confessio non est in mente sicut in subiecto, similiter nec satisfactio. Ergo non sunt poenitentiae virtutis partes.

SOLUTIO I.

Respondeo dicendum ad primam questionem, quod in poenitentia non est pro materia aliqua exterior res, sicut in baptismo aqua; sed ipse actus humanus loco materiae in hoc sacramento se habet, qui per quamdam recompensationem offensam culpæ præcedentis tollit. In actibus autem humanis est gradus quidam ad perfectionem pertingendi propter diversas partes hominis, quarum una aliam movet: & ideo oportet quod diversa secundum ordinem ad perfectionem poenitentiae confiderentur; & hæc dicuntur poenitentiae partes.

Ad primum ergo dicendum, quod dubitatur de illa auctoritate, utrum sit Ambrosii. Si tamen concedatur, intelligendum, quod sacramentum est simplex ratione effectus principalis, & virtutis simplicis quam operatur; sed materiale in sacramento potest esse compositum, sicut patet in confirmatione, & eucharistia: & sic etiam ex parte actus nostri, qui est quasi materialis in poenitentia, partes ei assignantur.

Ad secundum dicendum, quod partes non assignantur poenitentiae ex parte virtutis sacramentalis, sed ex parte eius quod est materiale in ipsa. In baptismo autem est materiale res exterior, in qua non est accipere nisi unum esse; & ideo baptismo partes non assignantur: quia et si sit aliquis actus noster in baptismo, ille

non est de essentia baptismi, sed dispositio ad baptismum.

Ad tertium dicendum, quod bonum secundum Dionysium (de divin. Nomin. cap. 1v.) causatur ex una integra causa, sed ex singulis defectibus confurgit malum: & ideo ad integritatem peccati sufficit in quocumque gradu humani actus defectus inveniat: & propter hoc peccato partes quasi integrales non assignantur, sicut poenitentiae, quæ bonitatem amissam separat.

SOLUTIO II.

Ad secundam questionem dicendum, quod, sicut dictum est, poenitentia offensam culpæ præcedentis abolet per modum recompensationis cuiusdam. Hæc autem recompensatio differt a recompensatione vindicativæ iustitiæ in duobus. Primo quia in vindicativa iustitia ille qui peccavit, se habet ad recompensationem ut patiens tantum, in quantum poena per quam fit culpæ recompensatio, est ab alio infligenda: & ideo non præsupponit ad recompensationem dolor de peccato, sed ex poena recompensante dolor infligitur. In poenitentia autem ille qui peccavit, se habet ad recompensationem etiam ut agens, quia ipse sponte sua ad poenam recompensantem accedit: & ideo displicentia culpæ præexigitur. Secundo differt, quia in vindicativa iustitia taxatur poena recompensans secundum arbitrium iudicis, non eius in quem commissum est peccatum. Sed in poenitentia oportet quod poena recompensans taxetur secundum arbitrium eius in quem peccatum commissum est: quia talis recompensatio fit ad reconciliandum animum offensi; quæ reconciliatio esse non potest, nisi poena recompensantis voluntati eius sufficiat: & ideo oportet in poenitentia quod modus poenæ satisfactoriæ secundum arbitrium sacerdotis, qui vicem Dei obtinet, servetur. Utrique ergo recompensationi hoc commune est quod non fiat recompensatio secundum arbitrium eius qui peccavit, sed alterius hominis. Arbitrium autem rectum requirit cognitionem culpæ: quæ quidem si ei qui debet poenam taxare, per eum qui peccavit fiat, confessio dicitur; si autem alias, dicitur contritio. Et quia in poenitentia, qui peccavit, ad recompensationem faciendam sponte accedit, requiritur satisfactio. Et sic recompensatio tribus gradibus perficitur. Quorum primus est displicentia cul-

per praeferit; alias non sponte ad recompensationem accederet; & hic per contritionem perficitur. Secundus est ut culpam suam notificet Deo per sacerdotem; alias non se ad recompensationem secundum arbitrium eius in quem peccavit, offerret; & quantum ad hoc est confessio. Tertius est ut compenset secundum arbitrium sacerdotis; & quantum ad hoc est satisfactio:

Ad primum ergo dicendum, quod in sacramentis quae habent pro materia aliquam rem corporalem, est duplex actus ministris Ecclesiae, scilicet sanctificatio materiae per verbum Dei, & applicatio materiae ad eum qui sacramentum suscipit. Sed in hoc sacramento, quod habet pro materia ipsum humanum actum, non potest ex ministerio sacerdotis materia applicari ad eum qui sacramentum suscipit, quia actus non sunt ab exteriori: & ideo ad ministerium ipsius pertinet ipsorum actuum consummatio secundum absolutionem, & penae iniunctionem; quod est quasi quaedam sanctificatio.

Ad secundum dicendum, quod quamvis peccatum dimittatur ante actualem confessionem, nunquam tamen dimittitur ante confessionem in proposito existentem; sicut etiam ante baptismum actualiter susceptum aliquis rem baptismi consequitur ex proposito suscipiendi baptismum.

Ad tertium dicendum, quod ex proposito satisfaciendi gratia confertur, quamvis satisfactio actualis gratiam praesupponat. Vel dicendum, quod per satisfactionem consequitur penitens perfectum effectum gratiae peccatum abolentis, quia liberatur totaliter a reatu peccati.

Ad quartum dicendum, quod ultimum in quo consummatur res, dicitur finis rei, sicut forma habet rationem finis; & quia satisfactio est ultima pars in qua penitentia consummatur, ideo dicitur fructus, qui in rationem finis sonat.

SOLUTIO III.

Ad tertiam questionem dicendum, quod quidam dicunt, quod sunt partes subiectivae uno modo, penitentiam considerando secundum quod habet tantum rationem penae: quia quae libet harum partium est punitio quaedam. Sed hoc non potest esse: quia totum universale non praedicatur in singulari de suis partibus pluralibus simul acceptis, sive sit genus, sive species: tres enim homines non sunt animal,

sed animalia. Unde cum tres partes penitentiae non sint tres penitentiae, sed una, non potest esse quod sint partes subiectivae. Praeterea pena, quam penitens patitur, tota in rationem satisfactionis cadit: non enim sola exteriori pena homo satisfacit, sed etiam interiori; alias oratio mentalis non esset satisfactoria. Unde & pena quae est in contritione, & quae est in confessione, in partem satisfactionis cadit: & quia satisfactio est ultima pars, totum sacramentum a pena denominatur, sicut res denominatur ab ultimo sui.

Et ideo alii dicunt, quod sunt partes potentiales. Sed hoc iterum non potest esse: quia in partibus potentialibus totum adest secundum essentiam suam rationem cuiuslibet parti completae, sicut essentia animae cuiuslibet potentiae; sed tota ratio penitentiae secundum speciem non est in quolibet horum. Praeterea unum eorum non includit in se vim omnium aliorum, quod requiritur in partibus potentialibus; sed unumquodque ad suum officium servit.

Ideo dicendum est cum aliis, quod sunt partes integrales. Sed sciendum: quod partes integrales sunt duplices. Quaedam sunt partes quantitatis; quae sunt quandoque unius rationis, ut in totis homogeneis; quandoque vero diversarum rationum, ut in totis etherogeneis. Quaedam vero sunt partes essentiae, sicut materia, & forma, non quantitatis; & haec semper sunt diversarum rationum, & habent ordinem naturae ad invicem, & quandoque etiam ordinem temporis in his quorum esse non est simul: & huiusmodi partes sunt haec de quibus loquimur: quia penitentiae sacramentum secundum rationem speciei suae ex his tribus integratur; & una est prior altera secundum naturam, & quandoque etiam secundum tempus, eo quod actuum humanorum, qui sunt in penitentia materiales, non est totum esse simul, sed succedunt sibi invicem: sed quandoque plures eorum, quorum unus est altero prior per naturam, sunt simul tempore.

Ad primum ergo dicendum, quod partes penitentiae non respondent illis peccati partibus singula singulis secundum veritatem: quia pro quolibet illorum peccatorum oportet esse penitentiae tres partes: sed per adaptationem quamdam, considerata similitudine medicinae ad morbum quantum ad idem instrumentum. Quidam enim dicunt, quod in quolibet peccato est

ARTICULUS II.

est invenire illa tria, quia est os interius, & exterior; & actus interior, & exterior; & sic etiam illa tria erunt partes subiectivae peccati. Sed patet hoc non esse secundum intentionem litterae, quae de ore exteriori, & opere loquitur.

Ad secundum dicendum, quod in partibus successivorum ex qualibet parte potest concludi totum; sicut: Hora tertia est, ergo dies; non tamen totum de una parte praedicatur: non enim dicimus, quod hora sit dies, sed tamen de omnibus partibus simul acceptis aliquo modo invenitur praedicatum totum, licet improprie; & sic etiam de qualibet parte penitentiae penitentia concluditur, eo quod penitentia non habet totum esse suum simul; non tamen totum de partibus praedicatur neque divisum, neque coniunctum, proprie loquendo.

Ad tertium dicendum, quod illud quod est materiale in penitentia, est actus nostri; & quia actus non habent esse permanentes, ideo nec penitentia: & sic obiectio ex falso procedit.

SOLUTIO IV.

Ad quartam quaestionem dicendum, quod ab eo quod sequitur rem, non accidit aliqua compositio in re, quia componentia sunt priora compositis; unde cum actus nostri sint posteriores virtutibus, a quibus eliciuntur, diversi actus, qui secundum ordinem a virtute aliqua progrediuntur, non faciunt compositionem aliquam in virtute; & ideo praedicta tria non sunt partes penitentiae virtutis, sed penitentiae sacramenti: quia ipsi actus sunt quasi materia sacramenti, & penes divisionem materiae partes rei sumuntur quandoque.

Ad primum ergo dicendum, quod actus exteriores requiruntur ad perfectionem secundam virtutum moralium; partes autem integrales oportet quod sint de perfectione prima.

Ad secundum dicendum, quod quamvis tria praedicta sint actus penitentiae virtutis, non tamen sequitur quod sint partes eius: quia in quolibet dictorum actuum inveniuntur omnes circumstantiae quibus integratur medium virtutis.

Ad tertium dicendum, quod ad penitentiam virtutem requiruntur illa tria, sed non ut actus, ut dictum est.

Utrum penitentia ante baptismum debeat poni pars penitentia.

III. P. quest. xc. art. 4. & quest. lxxxviii. art. 1.

1. **A**D secundum sic proceditur. Videtur quod penitentia ante baptismum non debeat poni pars penitentiae. Baptismus enim iam sacramentorum est, & penitentia dicitur secunda tabula respectu baptismi. Sed secundum non est ante primum. Ergo penitentia non est aliqua ante baptismum.

2. Praeterea. Ei qui non est generatus in aliqua natura, non competit actio illius naturae. Sed baptismus est quaedam generatio in spirituales vitam. Ergo ei qui non est baptizatus, oco convenit aliqua actio spiritualis vitae. Sed penitentia est huiusmodi, cum sit quoddam sacramentum. Ergo non potest alicui competere ante baptismum.

3. Praeterea. Penitentia non ordinatur nisi contra culpam actuale. Sed culpa actualis sufficienter in baptismo deletur. Ergo oco oportet quod penitentia baptismum praecedat.

Sed contra. Matth. xii. super illud, *Tunc exibant ad eum &c.* dicit Glossa (Rabani.). „Iam tunc exemplum baptizandis datur confitendi peccata, & promittendi meliora.“ Sed hoc pertinet ad penitentiam. Ergo ante baptismum debet esse penitentia.

Praeterea. Super illud Psal. xv. *In cubilibus vestris compungimini*, dicit Glossa (Cassiodori.). „Ut extinctio veteri homine per penitentiam, sacrificium iustitiae per regenerationem novi hominis offeramus Deo.“ Sed regeneratio ad baptismum pertinet. Ergo penitentia aliqua est ante baptismum.

QUAESTIUNCULA II.

1. Ulterius. Videtur quod penitentia ante baptismum non solum sit de actuali, sed & de originali peccato. Nam Augustinus Lib. de penitentia (sive de penitentiae medicina cap. xi.) dicit, loquens de penitentia ante baptismum: *Exceptis parvulis, nullus ad Christum transit, nisi incipiat esse quod non erat, nisi poenitentem eum fuisse quod erat.* Sed erat infectus non solum actuali, sed etiam originali peccato: nisi enim de hac infectione loqueretur, parvulos non exciperet, qui aliam infectionem non habent.

H h h

E r-

Ergo de peccato originali debet esse penitentia ante baptismum.

2. Præterea. Penitens infert sibi penam, ut evadat illam quæ a Deo sibi infligenda erat. Sed pro peccato originali pena a Deo infligitur. Ergo pro eo debet hanc penitentiam agere.

3. Præterea. Secundum hoc de peccato actuali penitentiam agimus quod nobis ipsum displicet. Sed peccatum originale debet nobis displicere. Ergo de eo debemus penitentiam agere.

Sed contra. Penitentia est respectu voluti. Sed peccatum originale contrahimus nolentes. Ergo de ipso non est penitentia.

Præterea. Medicina debet respondere morbo. Sed peccatum originale non contrahitur per aliquam delectationem eius qui ipsum contrahit. Ergo videtur quod non sit eius curatio per aliquam penam: & ita non per penitentiam, quæ suo nomine penam exprimit.

QUAESTIUNCULA III.

1. Ulterius. Videtur quod non debeat post baptismum aliqua penitentia venialium distinguui. Quia superfluum est facere per multa quod per unum potest fieri. Sed veniale peccatum curatur per eucharistiam. Ergo superfluum est quod ad ipsum curandum penitentia ordinetur.

2. Præterea. De eo quod non est in potestate nostra: non requiritur penitentia. Sed peccata venialia vitare non est in potestate nostra: quia nullus potest omnia peccata venialia vitare. Ergo de venialibus non est penitentia.

3. Præterea. Diversorum morborum diversæ sunt medicinæ: quia secundum Hieronymum (alium Auctorem super Marc. ix.) non sanat oculum quod sanat calcaneum. Sed penitentia est remedium contra mortale. Cum ergo veniale a mortali in infinitum differat, ut pena ostendit, videtur quod contra veniale penitentia non ordinetur, sed contra mortale.

Sed contra. Quod potest maius, potest & minus. Sed penitentia destruit mortale, quod est difficilius. Ergo & veniale.

Præterea. Secundum Augustinum (alium Auctorem de vera & falsa penitentia cap. viii.) & habetur de penit. dist. lxx. cap. Penitentiam) penitentia est vindicta puniens in se quod dolet commississe. Sed aliquis debet dolere de hoc quod commisit veniale, & hoc in se punire. Ergo penitentia quædam est de venialibus.

QUAESTIUNCULA III.

1. Ulterius. Videtur quod teneamur ad penitentiam venialium. Quia sicut tenetur homo tendere ad gloriam, ita tenetur impedimentum gloriæ removere. Sed homo non potest ad gloriam pervenire, nisi dimissis venialibus peccatis. Ergo cum non remittantur sine penitentia, videtur quod ad penitentiam agendam de venialibus homo teneatur.

2. Præterea. Quoddam veniale peccatum per consensum fit mortale: quia consensus in delectationem mortalis peccati est mortale peccatum. Sed homo tenetur vitare mortale peccatum. Ergo tenetur dissentire a veniali peccato aliquando. Sed dissensus a peccato est penitentia. Ergo tenetur homo de peccato veniali aliquando penitere.

Sed contra. Nullus tenetur abolere iam factum, quod non tenetur vitare antequam fiat. Sed homo non tenetur vitare veniale peccatum antequam faciat; alias peccaret mortaliter faciens ipsum. Ergo multo minus tenetur penitere de eo.

QUAESTIUNCULA V.

1. Ulterius. Videtur quod partes istæ tres non sint sufficientes. Quia sicut post baptismum peccatur venialiter, & mortaliter; ita ante baptismum. Sed post baptismum distinguitur penitentia venialis, & mortalis peccati. Ergo & ante baptismum; & sic sunt quatuor.

2. Præterea. Plus distat pena a culpa quam veniale a mortali. Sed de penis præsentis miseriæ oportet penitere, ut Augustinus dicit in Lib. de penitentia (homil. ult. ex quinquaginta, de penitentia medicina cap. xi.) Ergo cum distinguatur penitentia venialium a penitentia mortalium, debet etiam distinguui penitentia qua nos penitet de penis huius peregrinationis, a penitentia venialium.

3. Præterea. Penitentia sollemnis est quidam penitentia modus, ut supra dictum est (dist. xiv. quæst. i. art. 5.) Ergo cum de ipsa mentionem non faciat, videtur insufficienter partes ponere.

SOLUTIO I.

Respondeo dicendum ad primam quæstionem, quod penitentia potest accipi dupliciter, scilicet est ut virtus, & ut est sacramentum. Secundum autem quod est virtus, importat detestationem peccati cum proposito abolendi ipsum secundum conditionem status peccantis. Et quia quicumque non

detestatur peccatum, adhuc voluntatem in peccato fixam habet, cum voluntas semel ad aliquid fixa, ab illo non divellatur quin actu, vel habitu in eo maneat, nisi per actualem dissenfum ab illo vel in speciali, vel saltem in genere; voluntas autem in peccato fixa manens, non est susceptiva gratiae baptismalis: ideo requiritur ante baptismum quasi removens prohibens peccati commissi detestatio, & destructionis eius propositum. Et ideo patet quod ante baptismum requiritur penitentia secundum quod est virtutis actus, vel quae sit prior baptismi tempore, vel saltem natura. Sed penitentia, secundum quod est sacramentum, consistit (a) in dispensatione ministrorum Ecclesiae. Et quia Ecclesiae sacramenta non dispensant nisi illis qui sunt de Ecclesia, ideo ante baptismum sacramentum penitentiae non competit, cum per baptismum homo de Ecclesia fiat.

Et per hoc patet solutio ad obiecta praeter tertium.

Ad tertium dicendum, quod penitentia non requiritur ante baptismum propter baptismi insufficientiam, sed propter impedimentum removendum gratiae baptismalis, ut baptismus suum effectum habere possit.

SOLUTIO II.

Ad secundam quaestionem dicendum, quod penitentia potest sumi large, & proprie. Proprie quidem penitentia importat dolorem de peccato commissi in praeterito; & sic nullo modo potest esse penitentia de originali peccato, quia non est commissum. Large autem potest dici penitentia omnis dispensantia mali praeteriti; & sic in eo qui liberum arbitrium habet, debet esse penitentia de originali: quia ex hoc ipso quod alicui placet aliquid, displicet ei quod ad illud impedimentum praestitit. Peccatum autem originale impedimentum gloriae fuit, ad quam quilibet desiderio tendere debet. Non tamen de eo debet esse confessio, quae non est nisi factorum; nec satisfactio, quia pro peccato originali non debetur nisi poenae damni; penitentia autem importat poenam sensus.

Et per hoc patet solutio ad obiecta.

SOLUTIO III.

Ad tertiam quaestionem dicendum, quod veniale peccatum ex nostro actu incurritur, & ei poena sensibilis debetur: & ideo ad peccati venialis dimissionem penitentia operatur quantum ad contritionem, confessionem, & satisfactionem; non solum pe-

nitentia secundum quod est virtus, sed etiam secundum quod est sacramentum: quia post baptismum aliquis venialiter peccat, quando est susceptivus sacramentorum Ecclesiae.

Ad primum ergo dicendum, quod ad eundem effectum principaliter inducendum, superfluum est plura inducere, si quodlibet sit sufficiens; sed nullum sacramentum inducit ad peccati venialis dimissionem, sicut ad principalem effectum, ut supra in 11. dist. (quaest. 1. art. 2. quaest. 4.) dictum est: & ideo non est inconveniens, si ex multis sacramentis peccati venialis dimissio consequitur.

Ad secundum dicendum, quod quamvis non sit in potestate nostra vitare omnia venialia, est tamen in potestate nostra vitare singula.

Ad tertium dicendum, quod veniale, & mortale quamvis sint diversi morbi, tamen conveniunt in una ratione actualis peccati: & ideo contra utrumque poenitentia medicina est.

SOLUTIO IV.

Ad quartam quaestionem dicendum, quod cum dicitur aliquis ad aliquid teneri, quidam necessitas importatur ad illud. Necessitas autem est duplex. Una est absoluta, & secundum hanc homo tenetur facere illa sine quibus non est salus; & sic non tenetur ad peccati venialis poenitentiam, quia mortem ex hoc non incurrit; nisi forte ex contemptu dimittat. Alia est ex suppositione alicuius finis; sicut dicitur aliquid esse necessarium sine quo non possumus finem intentum consequi: & hoc modo necessarium est quod homo de venialibus poeniteat, si ei remitti debeant in hac vita. Sed secundum hoc non proprie dicitur teneri alicui ad aliquid: & ideo dicendum, quod homo non tenetur ad poenitentiam venialium, nisi large sumendo.

Ad primum ergo dicendum, quod si numquam de venialibus poeniteat, potest ad vitam pervenire: quia etiam post hanc vitam venialia remittuntur, ut infra dicitur.

Ad secundum dicendum, quod dissenfus dicit poenitentiam ad peccatum futurum; sed poenitentia dicit dispensantiam peccati praeteriti: & ideo non oportet quod dissenfus ad poenitentiam pertineat.

SOLUTIO V.

Ad quintam quaestionem dicendum, quod

Hhh 2 illz

istæ partes penitentiae distinguuntur secundum diversos modos quibus penitentia agitur: unde sunt partes subiectivæ penitentiae virtutis, non penitentiae sacramenti: quia una pars non pertinet ad penitentiae sacramentum, quamvis aliz duæ ad penitentiam, secundum quod est sacramentum, pertinere possint. Et accipiuntur isti modi secundum diversum statum penitentis: quia aut est extra Ecclesiam etiam numero, & sic est prima penitentia quæ est ante baptismum; aut est extra merito, sed non numero, & sic est secunda, quæ est de mortalibus; aut omnino est intra Ecclesiam, & sic competit ei tertia, quæ est de venialibus.

Ad primum ergo dicendum, quod status hominis ante baptismum non diversificatur per veniale, & mortale quantum ad hoc quod est esse de Ecclesia, vel non esse; sed diversificatur post: quia per mortale post baptismum commissum efficitur aliquis extra Ecclesiam merito, sed non per veniale: & ideo non est similis ratio.

Ad secundum dicendum, quod de penis dicitur esse penitentia ab Augustino, secundum quod inclinant ad culpam, large etiam penitentiam pro displicentia sumendo.

Ad tertium dicendum, quod penitentia solemniter non diversificat statum penitentis quantum ad id quod dictum est: & ideo de ea non fit hic mentio.

QUÆSTIO II.

DEinde queritur de remissione venialium: & circa hoc queruntur duo.

Primo. De modo remissionis.

Secundo. De causa remissionis.

ARTICULUS I.

Utrum peccatum veniale possit dimitti voluntate manente ad illud.

III. P. quæst. lxxxvii. art. 4.

AD primum sic proceditur. Videtur quod peccatum veniale possit dimitti voluntate manente ad illud. Voluntates enim peccati venialis gratiam non excludit. Sed nullum peccatum veniale est quod gratia remitti non possit, cum remittatur per virtutem gratiæ mortale, quod multo difficilius est. Ergo veniale dimitti potest adhuc manente voluntate ad illud.

2. Præterea. Sicut peccatum mortale caritati opponitur, ita veniale fervori caritatis. Sed illud quod secum comparatur caritas, non impedit dimissionem peccati mortalis. Ergo cum voluntatem permanentem in peccato veniali comparatur fervor caritatis, videtur quod veniale remitti possit in eo qui adhuc habet voluntatem adhaerentem veniali.

3. Præterea. Sicut dictum est, ad hoc quod voluntas removeatur ab eo in quo semel fuit fixa, requiritur actualis displicentia. Sed aliquando veniale peccatum dimittitur ei qui non habet displicentiam de veniali peccato, sicut patet in martyribus, qui statim evolvant, quamvis forte de peccatis venialibus non cogitent, nec actualem displicentiam habeant. Ergo videtur quod peccatum veniale dimitti possit adhuc manente in illo.

Sed contra. Manente causa non potest tolli effectus. Sed adhaerentia voluntatis inordinata ad aliquid erit causa venialis peccati. Ergo manente voluntate fixa in illo, non potest remitti ipsum peccatum.

Præterea. Affectus ad opus habet rationem peccati, sicut & ipsum opus peccati. Sed ipsum opus venialis peccati, dum manet, non permittit peccatum veniale dimitti. Ergo nec affectus ad ipsum manet.

QUÆSTIUNCULA II.

1. Ulterius. Videtur quod unum peccatum veniale non possit dimitti sine alio. Quia, sicut in præcedenti dist. dictum est, Dominus nullum sanavit quem non omnino liberaret. Sed non potest alicui veniale peccatum dimitti, nisi Domino ipsum sanante. Ergo si absolvitur ab uno veniali, absolvitur ab omnibus.

2. Præterea. Peccatum veniale est maioris adhaerentiae quam mortale: unde remissio mortali adhuc manet veniale. Sed unum mortale non potest remitti, nisi omnia alia dimittantur. Ergo nec unum veniale nisi aliis remissis.

3. Præterea. Ei qui displicet Deo, peccatum non remittitur. Sed veniale displicet Deo: Ergo quamdiu manet unum, aliud non remittitur.

Sed contra. Maioris gratiæ est remissio mortalis peccati quam venialis. Sed unum peccatum veniale manens fixum in corde non impedit remissionem mortalis peccati. Ergo multo minus impedit remissionem alius venialis.

QUÆST.

QUAESTIUNCULA III.

1. Ulterius. Videtur quod veniale peccatum possit remitti sine mortali. Ioann. VIII. super illud, *Qui sine peccato est vestrum &c.* dicit Augustinus * (in expositione sua super Ioan.) quod omnes illi erant in peccato mortali : venialia enim eis dimittebantur per caeremonias. Ergo veniale potest dimitti non dimisso mortali.

2. Præterea. Mortale, & veniale contrarie dividuntur. Sed mortale potest dimitti sine veniali. Ergo veniale potest dimitti sine mortali.

3. Præterea. Peccato quod sufficienter punitum est, non debetur alia poena : quia non vindicabit bis Deus in idipsum (Naum 1.) Sed peccatum veniale potest aliquis in mortali existens sufficienter in seipso punire, cum debeat ei poenafinita. Ergo non reservabitur ulterius ad poenam. Sed numquam aliquis absolvitur a reatu poenæ, nisi prius absolvetur a culpa ; alias culpa inordinata remaneret sine poena. Ergo manente peccato mortali potest veniale remitti.

Sed contra. Gregorius dicit, ** quod veniale peccatum obscurat mentem, sed mortale obtenebrat. Sed obscuritas non remouetur nisi per lucem ; lux autem spiritalis est gratia, quæ etiam mortale delet. Ergo non potest dimitti veniale sine dimissione mortalis.

SOLUTIO I.

Respondeo dicendum ad primam questionem, quod peccatum quodlibet debet remitti quantum ad duo, scilicet quantum ad culpam, & quantum ad reatum ; & non potest esse secunda remissio sine prima : quia quamdiu manet culpa, manet debitum poenæ. Culpa autem in deordinatione voluntatis consistit : unde non potest culpa tolli, nisi reordinetur voluntas ; quod esse non potest quamdiu in ipsa deordinatione manet, alias essent duo opposita simul vera : & ideo nullo modo veniale dimitti potest, quamdiu voluntas ad illud manet.

Ad primum ergo dicendum, quod non est ex defectu gratiæ quin illud veniale in quo adhuc voluntas manet, remitti non

possit, sed ex defectu eius cui remittendum est, in quo impedimentum remissionis invenitur.

Ad secundum dicendum, quod quodlibet peccatum mortale opponitur culibet quantumcumque parvæ caritati ; non autem quodlibet veniale opponitur eorumque fervori caritatis. Dicitur enim fervor caritatis per similitudinem secundum quod ad exteriora quodammodo ebulliendo refluoditur. Ex illa autem parte qua veniale committitur, caritatis fervor non apparet, sed aliquid præter caritatem. Unde quamvis sit fervor caritatis quantum ad aliquam, potest tamen esse tepiditas quantum ad aliam ; & sic non quilibet fervor opponitur culibet veniali : unde non est similis comparatio peccati mortalis ad caritatem, & venialis ad fervorem caritatis.

Ad tertium dicendum, quod voluntas quæ fuit fixa in aliquo, non remouetur inde nisi per actualem dissensum, si illud memorizæ occurrat, alias sufficit habitus ; sicut etiam de mortalibus contingit quod oblita remittuntur.

SOLUTIO II.

Ad secundam questionem dicendum, quod ea quæ non habent connexionem ad invicem, unum potest auferri sine altero ; sed quæ habent aliquo modo connexionem, unum non potest sine alio auferri. Peccata autem mortalia, quamvis non habeant connexionem ex parte conversionis, habent tamen connexionem ex parte aversionis, quia ab uno incommutabili bono avertuntur : & ideo unum sine alio remitti non potest, cum remissio culpæ magis respiciat per oppositum aversionem quam conversionem : quia culpa remittitur secundum restitutionem ad illud a quo culpa separavit. Venialia autem non habent connexionem neque quantum ad conversionem, neque quantum ad aversionem, quia in eis nulla est aversio a bono, etsi sit aliquis defectus in actuum quæ expediunt ad finem : & ideo potest unum veniale sine alio dimitti.

Ad primum ergo dicendum, quod remissio venialis non comparatur proprie loquendo sanationi : quia infirmitas, quæ per sanationem curatur, destituitur virtutis im-

EX EDIT. P. NICOLAI.

* Velut ex Glossa quadam refert S. Thomas III. P. quæst. LXXXVII. art. 4. Neutrobique occurrit.

** Nullibi sic expresse occurrit.

importat; non autem est aliqua destitutio, vel debilitatio virtutis spiritualis in culpa veniali, sed solum peccatum ad virtutis destitutionem: & ideo ratio illa non est ad propositum.

Ad secundum dicendum, quod peccatum veniale non dicitur esse maioris adhaerentiae quam mortale, quasi ex parte sua firmitus in anima maneat; sed ex parte nostra, quia peccata venialia non ita facile devitamus sicut mortalia, ad quae dimittenda ex necessitate obligamur.

Ad tertium dicendum, quod peccatum mortale ita Deo displicet, quod etiam facit ipsum peccantem Deo displicentem, in quantum pulchritudinem gratiae, quam Deus in ipso amat, auferit. Sed peccatum veniale quamvis Deo displiceat, quia inordinatum est, non tamen facit peccantem Deo displicentem: quia non auferit claritatem gratiae, sed quodammodo obnubilatur, in quantum eius processus ad exteriora impeditur: & ideo Gregorius dicit, quod peccatum veniale obfuscatur, sed mortale obtenebrat: & propter hoc unum peccatum veniale non impedit quin aliud remitti possit, quamvis mortale unum impediat dimissionem alterius.

SOLUTIO III.

Ad tertiam quaestionem dicendum, quod remotio prioris removetur posterius, nec posterius restituitur nisi priori restituto: fervor autem caritatis, cui veniale opponitur, est posterior ipsa caritate: unde quamdiu caritas non restituitur, nec fervor caritatis reparari potest; in qua reparatione consistit venialis peccati dimissio, sicut etiam in reparatione caritatis dimissio mortalis: & ideo non potest veniale dimitti ei cui mortale non dimittitur. Potest etiam ex parte remittentis ratio assignari: quia a Deo, qui solus peccata dimittit, peccatum mortale separatur; & ideo effectum eius in remissione peccati venialis habens peccatum mortale non percipit; sicut assignata est ratio ex parte eius quo fit remissio, scilicet caritatis, quae universa delicta operitur, Prov. x. quam peccatum mortale tollit.

Ad primum ergo dicendum, quod Augustinus nominat ibi venialia irregularitates quae secundum legem contrahebant.

Ad secundum dicendum, quod veniale non auferit a Deo, neque caritatem, tollit, sicut mortale: & ideo non impedit dimissionem mortalis, sicut e contrario.

Ad tertium dicendum, quod poena etiam omnis offensam non tollit, nisi ab eo in quem peccatum commissum est, accipitur; nec acceptari potest quamdiu inimicitia ad ipsum manet: & ideo manente inimicitia hominis ad Deum per peccatum mortale, poena quantumque veniale non purgat: unde Isaia xxxviii. Dominus dicit, non esse accepta ieiunia eorum qui ad lites, & contentionem ieiunabant.

ARTICULUS II.

Unum peccatum veniale possit dimitti sine infusione nova gratiae.

Ubi supra art. 2.

1. AD secundum sic proceditur. Videtur quod peccatum veniale non possit dimitti sine gratiae novae infusione. Peccatum enim veniale transiens actum, in anima manet reatu. Sed reatus fundatur super macula. Cum ergo macula non possit ab anima abstergeri nisi per gratiam, sicut nec tenebra nisi per lucem, videtur quod veniale dimitti non possit sine gratiae infusione.

2. Praeterea. Veniale peccatum consistit in hoc quod minus amatur Deus quam debet. Sed minoratio ista non potest tolli nisi caritate augmentata, secundum cuius augmentum nova missio Spiritus sancti attenditur, ut in I. Lib. dist. xv. (quaest. v. art. 1. quaestione. 2. in corp.) dictum est, & per consequens nova gratia. Ergo peccatum veniale sine gratiae infusione remitti non potest.

Sed contra. Novae gratiae additio gratiam praesistentem auget, si eam inveniat. Sed cum peccatum veniale gratiam non auferat, si sine gratiae infusione dimitti non posset, oporteret quod quodcumque dimittitur veniale, gratiae gratia adderetur. Ergo semper homo post veniale rediret in maiorem gratiam; quod falsum est: quia tunc frequens iteratio venialium non disponderet ad mortale.

QUAESTIUNCULA II.

2. Ulterius. Videtur quod gratia sine contritione possit peccatum veniale remittere. Quia, sicut dicit Gregorius (implicitae Lib. XVI. Moral. cap. xxviii.) quod, est aqua ad caminum, hoc est veniale ad fervorem caritatis. Sed fervor caritatis potest esse sine contritione: potest enim ali-

quis

quis in Deum serventer converti, & tamen de peccato non dolere, quod est contritio. Ergo peccatum veniale potest dimitti sine contritione.

2. Præterea. Contritio non solum importat dolorem de præterito peccato, sed etiam propositum non peccandi de cetero. Sed aliqui dimittitur veniale peccatum, qui non habet tale propositum: quia scit se sine peccato veniali præsentem vitam agere non posse. Ergo sine contritione peccatum veniale dimitti potest.

3. Præterea. Aliquis in peccato veniali existens, potest dormiens mori, & taliter quod statim evolet; puta si propter fidem prius confessam constanter occidatur. Sed dum dormit, contritio non potest. Ergo cum ei peccatum veniale dimittatur, videtur quod possit sine contritione peccatum veniale dimitti.

Sed contra. Si gratia sine aliquo adiuncto peccatum veniale remittere posset, gratia secum veniale non compateretur. Sed compatitur secum veniale. Ergo oportet aliquem motum contritionis advenire ad peccati venialis dimissionem.

QUÆSTIUNCULA III.

1. Ulterius. Videtur quod de peccato veniali teneatur homo etiam confiteri. Jacob v. 16. *Confitemini alterutrum peccata vestra*: in quo præceptum confessionis datur, ut in littera dicitur. Sed secundum Glossam * loquitur de confessione venialium, & mortalium: quia dicit quod maiora solis sacerdotibus, sed leviora sociis confiteri possumus. Ergo tenemur confiteri venialia.

2. Præterea. De venialibus tenetur homo satisfacere: quia satisfacere est actus iustitiæ; ad iustitiæ autem actum tenemur. Sed satisfactio debet esse secundum arbitrium sacerdotis, qui vicem Dei obtinet; quod esse non potest nisi confessione præcedente. Ergo de venialibus homo confiteri tenetur.

3. Præterea. Præceptum Ecclesiæ est (extra de pœnit. & remis. cap. *Omni viri quo sexus*) ut homo semel in anno saltem confiteatur. Sed aliquis est qui non habet nisi venialia. Ergo tenetur illa confiteri.

Sed contra. Nullus tenetur ad impossi-

bile. Sed confiteri omnia venialia est impossibile, cum cognitionem nostram effugiant. Ergo non tenemur illa confiteri.

QUÆSTIUNCULA IV.

1. Ulterius. Videtur quod per benedictionem episcopalem, aquam benedictam, & huiusmodi, peccatum veniale remitti non possit. Quia ex eisdem causis aliquid fit, & corrumpitur, ut dicitur in II. Ethic. (cap. 1.) Sed peccatum veniale causatur ex actu nostro. Ergo oportet quod aliquid in nobis sit per quod dimittatur; & ita cum ista sint extra, per ea peccatum veniale dimitti non potest.

2. Præterea. Peccatum veniale, ut dictum est, non dimittitur sine contritione. Sed ipsa contritio per se sufficit ad dimissionem. Ergo prædicta nihil operantur ad dimissionem.

3. Præterea. Prædicta omnia æqualem habent habitudinem ad omnia peccata venialia. Si ergo per ea aliquod veniale dimittitur, omnia dimittuntur, & sic frequentissime homo esset sine veniali; quod non videtur verum.

Sed contra est quod communiter dicitur, quod multa sunt remedia contra venialia peccata, scilicet tuncio pectoris, aspersio aquæ benedictæ, unctio extrema, & omnis sacramentalis unctio, benedictio Episcopi, panis benedictus, generalis confessio, compassio alieni delicti, dimissio, eucharistia, oratio dominica, & alia quæcumque levis penitentia.

SOLUTIO I.

Respondeo dicendum ad primam questionem, quod homo in peccato mortali a Deo avertitur, sibi alium finem constitutus; & ideo lumen gratiæ amittit, sicut & lumen solis qui visum a sole avertit: & propter hoc non potest peccatum mortale remitti nisi per gratiæ infusionem. Sed homo per peccatum veniale non adhæret commutabili bono quasi fini; & ideo non avertitur a fine, quod est incommutabile bonum: unde per veniale homo gratiam non amittit: & ideo non oportet quod ad hoc quod remittatur veniale, gratia aliqua infundatur de novo; sed sufficit

Ex Edit. P. Nicolai.

* Non modernam trique, sed veterem etiam minus expresse quam hic planius autem, & expresse apud Bedam.

scit quod gratia quæ iam habetur, in actum prodeat: quia ipsum veniale non tollebat habitum, sed solummodo impediebat virtutis actum.

Ad primum ergo dicendum, quod macula potest esse dupliciter. Uno modo per privationem pulchritudinis; & sic in veniali non manet aliqua macula, quia gratiam non tollit, quæ est animæ decor. Alio modo per hoc quod pulchritudo quæ est gratiæ, impeditur ne exterius appareat, sicut per pulverem pulchritudo faciei scaturitur; & talis macula est in veniali, quia impeditur decor gratiæ ne in actibus exterius ostendatur: unde non oportet quod talis macula per infusionem gratiæ tollatur, sed per actum qui gratiæ impedimentum tollat.

Ad secundum dicendum, quod veniale peccatum non consistit in hoc quod homo minus amet Deum in habitu: quia veniale non diminuit caritatem; alias eam quandoque totaliter tolleret: sed in hoc quod amor Dei non ostenditur in omnibus actibus hominis aliqua deordinatione in eis existente.

SOLUTIO II.

Ad secundam quæstionem dicendum, quod peccatum veniale non dimittitur, ut dictum est, quamdiu voluntas manet in illo. Ipsam autem recedere voluntatem ab eo quod quis prius volebat, est displicere ei quod voluit. Talis autem displicentia dolor contritionis dicitur, quando est gratia informata: & ideo peccatum veniale sine contritione non dimittitur. Sed sciendum, quod contritio potest accipi tripliciter, vel actu, vel habitu, vel medio modo. Habitu quidem contritio existens non sufficit ad peccati venialis dimissionem: quia tunc quicumque haberet penitentiam virtutis habitum, cuius actus est quælibet contritio, consecutus esset peccati venialis dimissionem; & sic peccatum veniale cum gratia esse non posset. Nec iterum requiritur quod semper sit actualis contritio: quia sequeretur quod peccatum quod quis in memoria, vel in cognitione non habet, remitti non posset. Et ideo dicendum, quod requiritur contritio medio modo, quia scilicet etsi actu peccatum non displiceat explicite, displiceat tamen implicitè: quia ex virtute actus quem agit, sequeretur displicentia explicita peccati venialis, si cogitatio ad illud ferretur.

Ad primum ergo dicendum, quod quam-

vis fervor caritatis possit esse dum homo in Deum fertur motu caritatis, sine hoc quod actu de peccato veniali cogitet explicite; tamen in illo motu implicitè contrahitur displicentia venialis peccati, vel unius, vel omnium: quia si ferventer in Deum fertur, displiceat ei omne quod a Deo retardat: unde potest esse iam fervens motus caritatis in Deum quod omnia peccata venialia consumat etiam sine actuali cognitione ipsorum.

Ad secundum dicendum, quod peccata mortalia sunt in potestate nostra, ut videntur non solum singula, sed etiam omnia; venialia autem, etsi singula vitari possint, non tamen omnia; quod ex infirmitate nature contingit: & ideo in contritione de venialibus non exigitur propositum non peccandi venialiter, sicut in contritione de mortali exigebatur; sed quod displiceat ei & peccatum præteritum, & infirmitas qua ad peccatum veniale inclinatur, quamvis ab eo omnino immunis esse non possit.

Ad tertium dicendum, quod passio pro Christo suscepta vim baptismi obtinet, ut supra dictum est dist. 14. (quæst. 111. art. 3. quæstiunc. 3.) & ideo purgat ab omni veniali, & mortali, nisi actualiter voluntatem renitentem invenerit: & propter hoc illud peccatum veniale quod forte etiam post confessionem frequenter incurrit, non tardat ipsum quin evolet, & præcipue cum ipsa poena martyrii habeat vim purgandi. De alius autem qui moriuntur dormientes, dicendum, quod dimittitur eis illud veniale etiam quantum ad culpam post mortem.

SOLUTIO III.

Ad tertiam quæstionem dicendum, quod confessio ad hoc necessaria est ut penitens satisfactionem accipiat secundum modum delicti. Peccatum autem veniale non debet poena satisfactoria taxari, quia poena illa esset proportionata poenæ peccati mortalis, a qua peccatum veniale in infinitum distat: unde per solam contritionem interiorem peccatum veniale remitti potest. Et quod aliqua satisfactio exterius iniungitur, hoc est magis ad devotionem excitandum, vel contritionem, quam ad satisfaciendum: & ideo ad confessionem venialium non tenemur neque necessitate absoluta: quia sic nec de eis penitere, nec ea vitare tenemur: nec etiam necessitate quæ est ex suppositione finis, scilicet tem-

miss-

missionis eorum : quia etiam sine confessione vel actu, vel proposito existente possunt venialia remitti; tamen perfectionis est ea confiteri.

Ad primum ergo dicendum, quod verbum illud Iacobi quantum ad peccata mortalia est praeceptum, sed quantum ad venialia est consilium.

Ad secundum dicendum, quod ratio ista procedit ex falsa suppositione, ut ex dictis patet.

Ad tertium dicendum, quod in casu illo propter praeceptum Ecclesiae, dicunt aliqui quod tenetur homo venialia confiteri. Alii vero dicunt, quod sufficit quod se representet sacerdoti, & se immunem a peccato mortali ostendat, ut ad communionem admitti possit. Praeceptum enim Ecclesiae est ad obligandum illos qui habent aliqua quae confiteri debeant: cadit enim sub praecepto magis taxatio temporis quam ipse confessionis actus: unde si aliqui per gratiam collatum esset ut a peccato veniali immunis esset, sicut beatae Virgini esset collatum, non teneretur ad illud praeceptum.

SOLUTIO IV.

Ad quartam questionem dicendum, quod, sicut dictum est, veniale peccatum dimittitur per fervorem caritatis, qui explicite, vel implicite contritionem contineat: & ideo illa quae nata sunt de se excitare fervorem caritatis, peccata venialia dimittit dicuntur: huiusmodi autem sunt quae gratiam conferunt, sicut omnia sacramenta, & quibus impediuntur fervoris, & gratiae auferuntur, sicut aqua benedicta, quae virtutem inimici reprimunt; & episcopalis benedictio, vel etiam exercitium humilitatis ex parte nostra, sicut ususque peccatoris, & oratio dominicalis, & huiusmodi.

Ad primum ergo dicendum, quod actus noster requiritur ad missionem venialis; sed ista dicuntur peccatum veniale remittere, inquantum in actum nostrum fervorem excitant.

Ad secundum dicendum, quod ista sine contritione non delent peccatum veniale, sed dicuntur delere, inquantum contritionem causant.

Ad tertium dicendum, quod secundum quantitatem fervoris est quantitas remissionis. *S. Th. Oper. Tom. XII.*

tionis; & ideo secundum quod per ista maior, vel minor concitatur, qui de pluribus, vel paucioribus implicite ad minus contritionem contineat, secundum hoc plura, vel pauciora venialia dimittuntur, & non omnia semper.

QUAESTIO III.

DEinde quaeritur de circumstantiis peccati: & circa hoc quaeruntur duo.

Primo. De ipsis circumstantiis secundum se.

Secundo. Qualiter se habeant ad peccatum.

ARTICULUS I.

Utrum circumstantia sit proprietas moralis actus, sive eius conditio.

AD primum sic proceditur. Videtur quod circumstantia non sit proprietas moralis actus, sive eius conditio. Dicit enim Boetius in IV. Topicor. quod circumstantiae sunt quae (a) convenientes substantiae rhetoricae questionibus efficiunt. Sed questio rhetorica non pertinet ad genus morale, sed magis ad genus Philosophiae rationalis. Ergo circumstantia non est conditio moralis actus.

2. Praeterea. Illud quod est circa aliquid, non est in eo. Sed conditio actus moralis in ipso est. Ergo non potest talis circumstantia dici.

3. Praeterea. Ipsi actus morales sunt circumstantiae quaedam, a quibus confirmatur oratio rhetoris: est enim circumstantia secundum Tullium, per quam recipit (b) argumentatio fidem, & auctoritatem, & firmamentum adiungit oratio. Sed circumstantiae non est circumstantia, sicut nec accidentis accidet; alias in infinitum iretur. Ergo circumstantia non est conditio, vel proprietas moralis actus.

Sed contra. Ignorantia circumstantiae excusat moralem actum a peccato. Sed hoc non esset, nisi essent moralis actus conditiones. Ergo sunt conditiones, vel proprietates moralis actus.

Praeterea. Medium virtutis ad morale genus pertinet: sed medium in virtutibus moralibus accipitur secundum circumstantiarum debitam limitationem, ut quando

Iii oportet

(a) *Al.* convenienter. (b) *Al.* augmentatio. *Nescit ex Lib. I. de rhetorica inventionis sic respicitur: per quam argumentatio fidem, & auctoritatem, & firmamentum rei adiungit oratio.*

oportet, & ubi, & quomodo, sicut Philosophus III. Ethic. (cap. iv.) docet. Ergo sunt conditiones morales.

QUAESTIUNCULA II.

1. Ulterius. Videtur quod inconvenienter enumerentur circumstantiae in hoc versu.

Quis, quid, ubi, quibus auxiliis, cur quomodo, quando.

Illud enim quod est causa rei, non potest esse circumstantia eius, cum causa sit prior, circumstantia posterior quasi proprietates. Sed persona agens, quae notatur cum dicitur *quis*, est causa moralis actus. Ergo non debet poni circumstantia.

2. Praeterea. Non potest idem esse circumstantia sui ipsius. Sed *quid* importat substantiam actus moralis, cuius circumstantiae quaeruntur. Ergo non debet inter circumstantias computari.

3. Praeterea. Non est idem circumstantia rei, & quod dat rei speciem, quia illud est rei intraneum. Sed moralia recipiunt speciem a fine: unde Ambrosius (Lib. I. Officiorum cap. xxx.) *Intentio (a) operi suo nomen imponit*. Ergo *cur*, quod finem importat, non debet dici circumstantia.

4. Praeterea. Illud quod continet alia, non debet aliis connumerari. Sed in modo comprehenduntur omnes aliae circumstantiae. Ergo non debet poni *quomodo* inter alias circumstantias.

5. Sed contra. Videtur quod sint plures circumstantiae. Philosophus enim in III. Ethic. (cap. iv.) ponit *circa quid*, & *quo instrumento*. Haec autem hoc versu non continentur. Ergo videtur quod insufficienter enumeratae sint.

6. Praeterea. Circumstantiae propter hoc vocantur, quia secundum eas variatur medium virtutis. Sed secundum *quantum*, & *quoties*, variatur medium virtutis. Ergo sunt circumstantiae. Cum ergo non continentur praedicto versu, videtur quod insufficienter enumerentur.

QUAESTIUNCULA III.

1. Ulterius. Videtur quod circumstantiae quae in littera ab Augustino dicuntur, inconvenienter ponantur. Circumstantia enim, ut dictum est, est conditio moralis actus. Sed quod diu aliquis in peccato perseveret, magis respicit peccantis statum quam actum. Ergo non debet circumstantia dici.

2. Praeterea. Impugnatio, vel tentatio praecedens quandoque non est in potestate nostra, quando scilicet tentatio est ab hoste. Sed circumstantiae, cum sint conditiones moralis actus, sunt in potestate nostra, ut videtur. Ergo non debet inter circumstantias poni, quanta tentatione aliquis excedit.

3. Praeterea. Poena consequens peccatum non est circumstantia peccati. Sed amissio virtutum est poena damni ex peccato consequentis. Ergo non debet poni inter circumstantias.

4. Praeterea. Unum peccatum non est circumstantia alterius. Sed ingratitude est per se peccatum. Ergo non debet poni ut circumstantia peccati.

5. Praeterea. Illae circumstantiae nec a Philosopho ponuntur in III. Ethic. (ubi sup.) nec a Tullio in Rhet. nec a Boetio in IV. Topic. Ergo videtur quod inconvenienter ponantur ab Augustino.

SOLUTIO I.

Respondeo dicendum ad primam questionem, quod actus nostri dicuntur morales secundum quod a ratione ordinantur in finem voluntatis: ex hoc enim habent rationem boni, vel mali. Omne autem quod ordinatur ad finem, oportet esse proportionatum fini: & ideo ratio quae actum nostrum in finem ordinat, attendit proportionem actus ad ea quae ad actum concurrere possunt; & ista commensuratio circumstantia dicitur. Et quia in qualibet proportionem oportet esse ad minus duos terminos (nihil enim sibiipsum proportionatur, sed alteri) ideo circumstantia moralis actus dupliciter accipi consuevit: quia potest dici circumstantia, vel illud quod est ad actum concurrens ad quem proportionatur, sicut locus, aut tempus; vel ipsa conceptio quae ex illis relinquatur, ut *quando*, vel *ubi*. Sic ergo ultimo modo accipiendo circumstantiam, erit conditio, vel proprietates actus; sed primo modo accipiendo quaedam circumstantia est proprietates actus, ut modus agendi, & quaedam extra, ut locus, & tempus.

Ad primum ergo dicendum, quod questio rhetoris secundum quodlibet genus causae attendit bonum, & malum: quia in iudiciali praemium, vel poena expectatur, quae actui bono, vel malo debetur; in demonstrativo autem laus personae, vel

virtu-

(a) Ambrosius: *affertur tunc operi &c.*

vituperium quaeritur, quæ bonis actibus, vel malis debentur; in deliberativo (a) autem quaeritur quid sit utile ad agendum; in quo & rationem boni, & mali attendere oportet: & ideo ex eisdem ex quibus actus morales boni, & mali redduntur, rhetores argumenta fumunt ad persuadendum.

Ad secundum dicendum, quod circa aliquid dicitur stare omne illud quod non est de essentia rei, sive insit, sicut albedo corpori, sive non insit, sicut locus locato: & ideo conditiones, vel proprietates circumstantiæ (b) actus dici possunt, & præcipue ratione habitudinis ad exterius.

Ad tertium dicendum, quod accidentis non est accidens, quasi ipsum sit per se ipsum accidentis subiectum; sed accidentis potest esse accidens, in quantum unum accidens adhæret substantiæ mediante alio, sicut color corpori mediante superficie; & sic etiam ipse actus (c) circumstantia, vel proprietates aliqua, quamvis ipse sit conditio personæ agentis.

SOLUTIO II.

Ad secundam questionem dicendum, quod versus ille distinguit circumstantias secundum assignationem Tullii, & Boetii, secundum quod a rhetore considerantur, qui ex eis argumenta sumit ad excusandum, vel accusandum. Sumitur enim argumentum rhetoricum vel ex eo quod est attributum personæ, & sic est *quis*; vel ex eo quod est attributum negotio de quo agitur, & hoc vel continetur cum ipso negotio, & sic est *quid* quantum ad substantiam facti exterius, *cur* quantum ad intentionem facientis interius; vel in ipsa prosecutione negotii continetur, & sic sunt quatuor, scilicet *quomodo* quantum ad qualitatem actus, *ubi*, & *quando* quantum ad mensuram, *quibus auxiliis* quantum ad instrumenta. Secundum autem quod ad morale pertinet, potest aliter earum numerus accipi. Proportio enim actus ad finem potest accipi vel secundum id quod est in ipso actu, vel secundum id quod est extra. Si primo modo, aut quantum ad speciem actus, & sic est *quid*; aut quantum ad modum ipsius, & sic est *quomodo*. Si autem per comparisonem ad extra, vel per comparisonem ad causam, vel per comparisonem ad mensuram. Si primo modo, vel ad causam finalem, & sic est

cur; vel ad causam efficientem, vel instrumentalem, & sic est *quibus auxiliis*, vel principale, & sic est *quis*. Si autem per comparisonem ad mensuram; aut ad locum, & sic est *ubi*; aut ad tempus, & sic est *quando*.

Ad primum ergo dicendum, quod circumstantia illa quæ sumitur ex parte agentis, magis respicit conditiones personæ quantum ad proprietates ipsius, quam illam substantiam personæ. Ex huiusmodi enim conditionibus variatur substantia actus, quia aliquid competit uni quod non competit alii. Præterea, quamvis persona agens sit prior, tamen conditio quæ relinquitur in actu ex agente, circumstat ipsum actum.

Ad secundum dicendum, quod aliqui actus ex suo genere sunt mali, vel boni: & ideo ex ipso genere actus potest sumi circumstantia actus moralis. Hoc autem ex quo actus repetitur in tali genere, quamvis sit de substantia eius, in quantum est ex genere moris, tamen est extra substantiam ipsius, secundum quod consideratur ipsa substantia actus absolute: unde aliqui actus sunt idem in specie naturæ, qui differunt in specie moris, sicut fornicatio, & actus matrimonialis.

Ad tertium dicendum, quod est duplex finis, scilicet ultimus, & propinquus. Ultimus quidem non potest poni circumstantia, quia omnes circumstantiæ sumuntur in proportionem ad ipsum. Propinquus etiam est duplex. Quidam qui est finis operis, secundum quod Philosophus dicit in II. Eth. (cap. vi. vel vii.) quod quædam coniuncta sunt malo fini; & iste finis dat speciem actui: unde vel non est circumstantia, si consideretur tantum genus moris; vel referendo ad ipsam substantiam actus, includitur in hac circumstantia *quid*. Alius vero est finis agentis, qui quandoque ex malo actu bonum intendit, vel e converso; & hic finis dicitur hæc circumstantia *cur*. Ab hoc autem actus non recipit speciem propriam, sed quasi communem, secundum quod actus imperati induunt speciem virtutis, vel vitii imperantis supra speciem quam habeat ex habitu eliciente.

Ad quartum dicendum, quod modus rei est in ipsa re consequens substantiam eius. Et quia quædam circumstantiæ sumuntur ab eo quod est extra rem, quædam vero ab ipsa specie actus (quæ duo

III a ad

(a) Al. enim. (b) Al. ad actus. (c) Sæpè Nihil potest esse.

ad modum non pertinent) ideo in modo non includitur omnis alia circumstantia, si modus proprie accipiat.

Ad quintum dicendum, quod Philosophus in III. Eth. (ubi sup.) assignat etiam septem circumstantias; sed differt a prædicta assignatione sua assignatio in duobus. Primo quia Philosophus ponit duas circumstantias, *quid*, & *circa quid*, quæ in prædicta assignatione Tullii in una includuntur, eo quod obiectum quod dicitur *circa quid*, dat rationem actui quod dicitur *quid*; sed Philosophus distinguit eas, quia præter universalem rationem obiecti, quæ dat speciem actui, possunt in obiecto considerari speciales conditiones, quæ diversificant actum in bonitate, & malitia in illis actibus qui ex se malitiam non implicat, in quibus etiam malitias quantitates diversificant. Secundo quia Philosophus pro una circumstantia ponit *quando*, & *ubi*, propter hoc quod utrumque sumitur a mensura extrinseca; sed in prædicta assignatione distinguuntur propter diversam rationem mensuræ. Quod autem Philosophus dicit, *Quo instrumento*, idem est ei quod Tullius dicit, *Quibus auxiliis*: quia omnia auxilia sunt quasi instrumenta actionis, quibus agens utitur ad suum finem.

Ad sextum dicendum, quod cum modus mensuram importet, omnia quæ ad mensuram pertinent vel per modum quantitatis continuæ, vel discretæ, importantur in *quomodo*. Vel dicendum, quod quantitas actus ex tribus pensari potest. Primo ex ipsa intentione actus, & sic idem est quod *quomodo*; secundo ex quantitate obiecti, & sic includitur in *quid*; tertio ex tempore, & sic includitur in *quando*: *quoribus* autem semper reducit ad modum.

SOLUTIO III.

Ad tertiam questionem dicendum, quod Augustinus numerat hic circumstantias secundum quod a poenitente consideranda sunt, qui de peccatis dolere debet: & ideo numerat illas quæ præcipue ad dolorem de peccato inducere possunt. Hæ autem sunt duæ, scilicet privatio boni, & quantum ad hoc dicit quod debet dolere, quia se virtute privavit; & positio mali, quod quidem aggravatur vel per accedens inquantum tollitur excusationis occasio, & sic debet dolere, si nulla tentatione, vel modica preventus pec-

cavit; vel per se ex aliqua circumstantia addentem deformitatem ad actum, & sic quantum ad personam agentis considerare docet statum peccantis; & beneficium prius a Deo susceptum; quantum ad omnes docet considerare *quo tempore*, & *quando* peccavit; docet etiam considerare *circa quid* in hoc quod dicit, *Secundum modum meretricis*; (a) item *quomodo* in hoc quod dicit, & *modum sui operis*; & locum, in hoc quod dicit: *si in loco sacrato*.

Ad primum ergo dicendum, quod hoc quod aliquis diu in peccato permanit, respicit conditionem actus, vel transgressionis, si frequenter peccatum iteravit, vel continuavit, vel omissionis, si poenitere distulit de peccato etiam semel commissio.

Ad secundum dicendum, quod quamvis tentatio non sit in potestate nostra, tamen resistere, vel non resistere est in potestate nostra: & ideo secundum hoc ex tentatione præcedenti circumstantia peccati sumi potest.

Ad tertium dicendum, quod amissio virtutum, quamvis consequatur peccatum secundum naturæ ordinem, tamen concomitatur secundum tempus: & ideo circumstantia potest poni. Et præterea etiam quedam circumstantiæ, secundum Tullium, sumuntur ab eo quod sequitur substantiam facti, secundum quod ex comparatione ad ipsam actus in bonitate, vel malitia variatur.

Ad quartum dicendum, quod ingratitude uno modo speciale est peccatum, alio modo circumstantia peccati: & qualiter hoc sit, dicitur infra dist. xxii. (quest. r. art. 2. questionc. 1.)

Ad quintum dicendum, quod omnes istæ circumstantiæ possunt reduci ad septem superius enumeratas: quia ingratitude reducit ad conditionem personæ, ut ex dictis patet, tentatio autem præcedens reducit ad *cur*, quia tentatio præcipue consistit in appetitu alicuius propter quod homo ad peccatum incitatur; privatio autem virtutum reducit ad *quid*, quia ipsum peccatum (b) secundum speciem suam habet quod virtutem tollat. De aliis autem facile est videre.

A R-

(a) al. *desit* item. (b) al. ad speciem.

ARTICULUS II.

Utrum circumstantia peccatum aggravet.

1. **A**D secundum sic proceditur. Videtur quod circumstantia peccatum non aggravet. Nihil enim arguitur nisi ex suo simili: unde intentio qualitaris quantitatem non auct coramale, sed additio alterius corporis. Sed circumstantia non sunt peccata, sed sunt quidam peccati accidentia. Ergo peccatum non aggravat.

2. Præterea. Tota ratio mali in peccato est ex parte averſionis, non autem ex parte conversionis. Sed omnes circumſtantiaſe ſequuntur peccatum ex parte conversionis. Ergo non aggravant malitiam peccati.

3. Præterea. Privationes non intenduntur, neque remittuntur. Sed malum privatio quidam eſt boni, ut Auguſtinus dicit Lib. III. Confes. cap. vii. & in Enchirid. (cap. xi.) Ergo malitia peccati per circumſtantiaſe intendi non poſſeſt.

Sed contra. Ex quibus cauſatur unumquodque, ex eiſdem augeri poſſeſt. Sed ex circumſtantiaſe inordinatis fit peccatum, inquantum per defectum circumſtantiaſe modus virtutis corrumpitur. Ergo circumſtantiaſe aggravat peccatum.

Præterea. Rhetores ex circumſtantiaſe trahunt argumenta ad accuſandum, vel excuſandum, laudandum, vel vituperandum, ut dictum eſt. Sed accuſatio, vel excuſatio, laus, & vituperium ſunt de bono, vel malo, aut minus bono, aut minus malo. Ergo circumſtantiaſe augent actus bonitatem, & malitiam.

QUAESTIUNCULA II.

1. Ulterius. Videtur quod inter omnes circumſtantiaſe magis aggravent locus, & tempus. Quia, ſicut dicit Philoſophus in III. Ethic. (ubi ſup.) *principalia ſunt in quibus eſt actus*, de huiusmodi circumſtantiaſe loquens. Sed in quo ſignat ipſum tempus, & locum. Cum ergo principales circumſtantiaſe magis aggravent, videtur quod tempus, & locus maxime aggravent.

2. Præterea. Videtur quod quis. Quia ex voluntate principaliter oritur peccatum. Sed voluntas ſe tenet ex parte agentis. Ergo conditio perſonæ magis aggravat.

3. Præterea. Videtur quod ingratitudo in Deum. Quia peccatum accipit rationem

mali ex averſione. Sed ingratitudo directe pertinet ad averſionem. Ergo ex hoc magis gravitas peccati conſideratur.

4. Præterea. Videtur quod tentatio præcedens. Quia per illas circumſtantiaſe maxime aggravatur peccatum per quas redditur venia dignum, vel indignum. Sed peccatum quod ex infirmitate agitur, veniale dicitur, quaſi venia dignum, quod eſt cum aliquis gravi tentatione prævenitur: peccatum autem quod ex malitia agitur, dicitur irremiſſibile, quia non habet in ſe aliquid venia dignum, quod contingit cum aliquis ex eleſtione tentationem præveniens, malum operatur. Ergo hæc circumſtantia maxime aggravat.

QUAESTIUNCULA III.

1. Ulterius. Videtur quod circumſtantia non poſſit trahere in aliam ſpeciem, vel in aliud genus peccati. Quia accidentia non variant ſpeciem. Sed circumſtantiaſe ſunt accidentia actus, ut dictum eſt. Ergo ex eis ſpecies peccati non variantur.

2. Præterea. Actus habet ſpeciem ex obiecto. Sed diverſæ circumſtantiaſe non mutant obiectum actus. Ergo non trahunt in aliud genus peccati.

3. Præterea. Sicut circumſtantiaſe concurrunt ad actum peccati, ita ad actum virtutis. Sed non variatur actus virtutis ſecundum ſpeciem. Ergo nec actus peccati.

Sed contra. Illud quod eſt cauſa alicuius, poſſeſt variare illud ſecundum ſpeciem. Quia ex diverſis cauſis diverſi ſequuntur effectus. Sed circumſtantiaſe deficientes ſunt cauſa peccatorum: unde ſecundum Dionyſium (de divin. Nomin. cap. iv.) malum contingit ex particularibus defectibus. Ergo diverſitas circumſtantiarum poſſeſt ſpeciem variare.

Præterea. *Præpropere, laute, nimis, ardentè, ſtudioſe*, ſunt diverſæ ſpecies gulæ. Sed ſumuntur ſecundum diverſas circumſtantiaſe, ut per ſepater. Ergo circumſtantiaſe variant ſpeciem peccati.

QUAESTIUNCULA IV.

1. Ulterius. Videtur quod circumſtantia aggravet in infinitum. Quia una circumſtantia corrumpit virtutem. Sed virtus non corrumpitur niſi per peccatum mortale: quod habet quantitatem infinitam. Ergo circumſtantia aggravat in infinitum.

2. Præterea. Secundum Auguſtinum * (ex

EX EDIT. P. NICOLAI.

Natus eſt Auguſtini pro dominica illa ſermo; nec alii occurrir.

(ex sermone dominica iv. adventus) nullum est adeo veniale, quin fiat mortale, dum placet. Sed placentia est quidam circumstantia, & reducitur ad *quomodo*. Ergo circumstantia facit de veniali mortale; & sic aggravat in infinitum.

3. Præterea. Plus dilatat actus virtutis ab actu peccati mortalis, quam actus venialis peccati a mortali. Sed una circumstantia mutata facit de actu virtutis actum peccati mortalis, sicut cognoscere suam ut non suam. Ergo multo magis facit de veniali mortale; & sic idem quod prius.

4. Sed contra. Quantitas accidentalis non excedit quantitatem substantialem. Sed quantitas ex circumstantia peccati proveniens est ei accidentalis. Cum ergo quantitas venialis peccati sit finita, quantitas ex circumstantia non erit infinita; & ita non aggravat in infinitum.

5. Præterea. Ea quæ in infinitum differunt, non conveniunt in genere. Sed eorum quæ non conveniunt in genere, unum non potest in aliud transmutari, sicut linea in colorem. Ergo non potest per circumstantiam actus peccati trahi ad infinitam quantitatem.

QUAESTIUNCULA V.

1. Ulterius. Videtur quod omnis circumstantia sit confitenda. Genes. xix. præcipitur Loth de Sodomis exeunti, ut moraretur in omni loco circa regionem. Sed poenitens de Sodomis, idest de peccato, per confessionem exit. Ergo non solum peccatum, sed omnes circumstantias peccati confiteri debet.

2. Præterea. Poenitens debet peccatum suum sacerdoti confiteri, ut ab eo modum satisfactionis accipiat. Sed pro graviore peccato maior iniungitur satisfactio. Ergo debet sacerdoti circumstantias notificare, quibus qualitas peccati consideratur.

3. Præterea. Confessio debet contritioni respondere. Sed homo debet de singulis circumstantiis conteri, ut in littera Augustinus dicit. Ergo videtur quod omnes debeat confiteri.

4. Sed contra. Secundum Philosophum in III. Ethic. (cap. ult.) delectabile carnis quanto magis in particulari consideratur, tanto magis appetitum movet. Sed homo debet fugere appetitum talis delectabilis per consilium Apostoli I. ad Corinth. vi. Ergo videtur quod peccatorum carnalium ad minus non debeat aliquis omnes singulares circumstantias confiteri.

5. Præterea. Ex circumstantiis recitatis aliquando alicuius persone peccatum innovescit. Sed homo in confessione debet se accusare, non alterum infamare. Ergo videtur quod non debeamus circumstantias confiteri.

SOLUTIO I.

Respondeo dicendum ad primam questionem, sicut dicit Augustinus in VI. de Trinit. In his quæ non mole magna sunt, idem est esse maius quod est esse melius in bonis; sicut & similiter in malis idem est esse maius quod est esse peius. Malitia autem in actu peccati ex hoc est quod deficit a debita proportionem ad finem, ad quem proportionatus redditur per debitam commensurationem circumstantiarum, ut dictum est: & ideo defectus debite circumstantiarum malitiam in actu causat. Et quia per unam circumstantiam deficientem, vel appositam magis elongatur terminus a debita proportionem ad finem, ideo circumstantia facilitatum magis malum, vel minus; & secundum hoc dicitur aggravare peccatum.

Ad primum ergo dicendum, quod ratio illa procedit in illis in quibus est augmentum per additionem: in illis eorum in quibus est augmentum per intentionem, non oportet additionem similis in specie fieri, sicut non oportet quod albedo albedini addatur ad hoc quod fiat magis album, ut dicitur in IV. Phys. (text. lxi. & lxxiv.) & similiter non oportet quod peccatum peccato addatur ad hoc quod fiat magis peccatum.

Ad secundum dicendum, quod ex inordinata conversione ad commutabile bonum redditur actus improporionatus ad conversionem ad finem: & ideo fundamentum avertiosius est conversio in peccato: & propter hoc circumstantiæ quæ ex parte conversionis se tenent, possunt peccati malitiam augere.

Ad tertium dicendum, quod quamvis privationes non intenduntur ex seipsis, tamen intendi ex causis suis quandoque dicuntur; sicut cæcitas per elongationem ab actu videndi; & similiter ex inordinata conversione malitia in actu intenditur.

SOLUTIO II.

Ad secundam questionem dicendum, quod bonum dicitur secundum ordinem ad finem, ut in III. Metaph. (text. lxi.) dicitur. Cum ergo malum sit privatio boni, dupliciter potest contingere malum, vel secundum.

dum ipsam relationem in finem, vel secundum aptitudinem relationis in finem: & ideo peccatum dupliciter contingit, vel ex eo quod actus non est proportionatus fini, sicut in his quæ ex se mala sunt; vel quia inordinate refertur in finem, sicut patet in his quæ mala intentione sunt, etiam si ex se bonum sit quod fit. Et quia propter quod unumquodque, & illud magis, ideo quantitas malitiæ peccati magis consideratur secundum relationem inordinatam in finem, quam etiam secundum improportionem ad finem. Ad ordinem autem ad finem pertinet *cuius gratia*: & ideo super omnes alias consideranda est in iudicando de gravitate peccati. Ad hoc autem quod actus sit improporcionatus fini, pertinet hæc circumstantia *quid*, per quam importatur ratio mali in actu: & ideo omnia quæ possunt peccato speciem tribuere, in hac circumstantia inducuntur; & hæc sunt in quibus consistit actus moralis quantum ad bonitatem, vel malitiam: & ideo hoc est secundum circumstantiam in aggravando: & propter hoc Philosophus dicit in III. Ethic. (cap. 11. vel 12.) quod *principalissima in actu sunt in quibus consistit actus, & cuius gratia*. Aliæ autem circumstantiæ iras, & minus aggravant, secundum quod his magis, vel minus propinquæ sunt: & ideo tempus, & locus minus aggravare nata sunt, quia sunt omnino extrinseca. Sed inter ea conditio personæ magis: quia agens directius respondet fini, & post hoc modus qui respondet actui, & post hoc instrumentum quod pertinet ad modum agendi. Et hoc quidem ut in pluribus accipiendum est ita esse; tamen nihil prohibet in aliquo aliter se habere: quia sermones qui sunt in moribus, nihil determinatum habent, ut dicitur in II. Ethic. (cap. 11.)

Ad primum ergo dicendum, quod Philosophus non ingreditur principalissima esse illa in quibus est actus sicut in mensurantibus ipsum, sed sicut in complementibus rationem ipsius.

Ad secundum dicendum, quod voluntas quamvis sit agens sicut subiecti, tamen est finis sicut obiecti: & ideo trahit rationem magis a fine quam a conditione agentis, & ad finem magis reducit: quia potentia, & habitus distinguuntur penes obiecta.

Ad tertium dicendum, quod ingratitude, secundum quod est circumstantia, non ponit actualem contemptum, sed quasi interpretatum: & ideo non oportet quod magis

aggravet quam perversa intentio, quæ actualem aversionem a fine debito causat.

Ad quartum dicendum, quod venia dignum dicitur peccatum quod est veniale ex causa, secundum quod privat voluntarium, vel diminuit vel per ignorantiam, vel per impotentiam: & ideo tunc illa diversitas ad *cuius gratia* (a) reducit: quia voluntarium intentionem finis respicit.

SOLUTIO III.

Ad tertiam questionem dicendum, quod aliquando circumstantiam trahere in aliam speciem peccati manifestum est; sed quomodo possit esse, est dubium. Quidam enim dicunt, quod hoc accidit inquantum illæ circumstantiæ accipiuntur ut fines voluntatis, quia a fine actus moralis accipit speciem. Sed hoc non videtur sufficienter dictum: quia aliquando variatur species peccati sine hoc quod intentio feratur ad circumstantiam illam; sicut sur ita libenter acciperet vas aureum non sacram, sicut sacram; & tamen in aliam speciem peccatum mutatur, scilicet de furto simplici in sacrilegium: & præterea secundum hoc sola illa circumstantia (b) quæ dicitur *cuius gratia*, speciem peccati mutare posset, quod falsum est. Et ideo aliter dicendum: quod omnis circumstantia potest speciem peccati mutare, sed non semper mutat. Cum enim privationes, & negationes differant specie secundum differentiam habituum, & privationum oppositarum, & malum sit privatio; oportet quod ubi diversum bonum ad virtutem necessarium aufertur, ibi sit diversa species peccati. Una autem sola circumstantia peccati restituitur in virtutem aufert: unde si aliæ circumstantiæ nullam aliam obliquitatem peccato tribuant; nisi ex suppositione præcedentis, non mutant speciem peccati, sed forte aggravant quantitatem peccati illius. Quandoque etiam neque quantitatem peccati aggravabunt: quia etiam ex suppositione præcedentis nullam inordinationem addunt. Quandoque etiam peccatum diminuit, si aliqua circumstantia rationem peccati subtrahat, sicut accipere rem alienam habet rationem peccati ex circumstantia *quid*, inquantum res aliena est. Quod autem manu dextera, vel sinistra accipiat, aut de mane, aut de sero, nihil ad rationem mali pertinet: & ideo istæ circumstantiæ non excusant, nec aggravant, nec speciem mutant. Quod autem accipiat multum, vel parum, ex se deformitatem multum

(a) *Id.* reducit, voluntariam. (b) *Id.* circumstantia dicitur quæ est eius gratia &c.

quando non importat, nisi ex suppositione primi: quia multum de alieno recipere est aequalitate magis discedere: unde talis circumstantia aggravat, sed peccatum non mutat. Quod autem rem alienam consecratam accipiat, aliam deformitatem importat: quia quaecumque irreverentia circa res sacras adhibita, specialem rationem peccati habet: & ideo talis circumstantia dicitur speciem mutare. Si autem coactus accipiat, talis circumstantia peccatum excusat in parte: quia causa peccati, scilicet voluntarium, minuitur.

Ad primum ergo dicendum, quod quaecumque circumstantia aliquam speciem peccati in actu causat, ad speciem actus, in quantum est moralis, pertinet: unde non habet iam rationem circumstantiae peccati, quamvis circumflet substantiam actus, ut prius dictum est.

Ad secundum dicendum, quod omnis actus secundum suam substantiam habet speciem ab obiecto; sed secundum rationem malitiae habet speciem a defectu: & ideo secundum diversa quae deficiere possunt, diverse species causantur malitiae; & secundum hoc distinguuntur species peccati non solum ex obiecto. In actibus autem virtutum secus est: quia non constituitur ex qualibet singulari circumstantia, sicut actus peccati ex quolibet singulari defectu rationem peccati habet.

Et per hoc patet solutio ad tertium.

SOLUTIO IV.

Ad quartam quaestionem dicendum, quod circumstantia, ut ex dictis patet, quandoque aggravat peccatum, & speciem mutat; quandoque autem aggravat, sed speciem non mutat. Quando autem speciem non mutat, sed aggravat, adhuc manet in ratione circumstantiae, & non potest in infinitum quantitatem peccati augere, ut ex veniali mortale fiat: quia, ut dictum est, circumstantia taliter aggravans ex suppositione praecedentis deformitatis habet rationem maioris deformitatis ex eius virtute: unde si etiam illa sit infinita, non potest infinitam deformitatem addere. Si autem speciem mutet, tunc potest in infinitum aggravare; sed non semper hoc facit: quia quando ex deformitate speciali, quam circumstantia addit, habet directam oppositionem ad caritatem, quod ostenditur ex hoc quod est directe contra preceptum legis, cuius finis est caritas, tunc in infinitum gravitatem

addit, scilicet peccati mortalis. Quando autem illa deformitas non directe habet oppositionem ad legem, ut sit contra eam; sed praeter eam, tunc non aggravat in infinitum, sive sit peccatum veniale cui additur, sive mortale; sicut ad actum gulae qui est *proprie*, addit haec circumstantia *laute*, specialem deformitatem, quae etiam ex se peccatum faceret; sed non est directe contra legem, & ideo non aggravat in infinitum. Et quia circumstantia quae speciem mutat, non est iam ut circumstantia computanda, ut dictum est, ideo dicitur a magistris, quod circumstantia non aggravat in infinitum.

Ad primum ergo dicendum, quod quamvis virtus secundum habitum non corrumpatur nisi per peccatum mortale, tamen actus eius corrumpitur, & impeditur etiam per peccatum veniale.

Ad secundum dicendum, quod placencia numquam de veniali facit mortale, nisi in quantum crescat quod (a) adhaereatur ei ut fini, & per consequens supra Deum diligatur; & ita in contemptum. Dei talis placencia adducitur, quae habet de se specialem rationem peccati, & propter hoc est circumstantia trahens in aliam speciem.

Ad tertium dicendum, quod ratio illa procedit de circumstantia quae trahit in aliam speciem, quae iam rationem circumstantiae respectu actus moralis in quantum huiusmodi amittit.

Et quia aliae rationes videntur concludere quod nullo modo circumstantia aggravet in infinitum, ideo dicendum ad quartum, quod quantitas ex circumstantia proveniens, quae in novam speciem trahit, non est quantitas accidentaliter, sed essentialiter.

Ad quintum dicendum, quod peccatum veniale, & mortale differunt in infinitum ex parte aversionis, sed non ex parte conversionis, quia utrobique est placencia finita: peccata autem speciem sortiuntur ex parte conversionis, quia ex parte aversionis non differunt.

SOLUTIO V.

Ad quintam quaestionem dicendum, quod omnes circumstantias confiteri est impossibile; quasdam autem confiteri est necessitas: sed in hoc est differentia opinionum. Quidam enim dicunt, quod omnes circumstantiae quae aliquam notabilem quantitatem peccato addunt, confiteri necessitas est, si

mo-

(a) *ad*. adhibetur.

memoriae occurrant. Alii vero dicunt, quod non sint de necessitate confitendae nisi circumstantiae quae ad aliud genus peccati trahunt: & hoc probabilius est; sed addendum est quae ad aliam speciem mortalis trahunt: cuius ratio est, quod venialia non sunt de necessitate confessionis, sed solum mortalia, quae quantitate infinitam quodammodo habent: & quia circumstantiae aggravantes quae aliam speciem peccati non tribuunt, vel quae tribuunt quidem, sed non mortalis peccati, non sunt de necessitate confessionis. Tamen eadem confiteri perfectionis est, sicut & de venialibus dictum est.

Ad primum ergo dicendum, quod quamvis de Sodomis, idest de peccato mortali, non possit homo exire, nisi per confessionem ad minus in proposito existentem, tamen de illis quae circa sunt, idest de venialibus, & circumstantiis quae venialibus equivalent, potest homo sine confessione exire.

Ad secundum dicendum, quod determinata quantitas peccati non potest sacerdoti innotescere, quia nec ipse peccator scit: unde sufficit quod cognoscat quantitatem quae ex specie peccati confugit.

Ad tertium dicendum, quod nec in contritione oportet quod de singulis circumstantiis doleat penitens, quantum est de necessitate salutis; sed oportet quod de singulis peccatis ad minus in prima contritione doleat, & de circumstantiis quae peccati speciem mutant. Hoc autem quod Augustinus dicit, pertinet ad perfectionem contritionis.

Sed quia aliae rationes videntur concludere quod circumstantiae nullo modo sint confitendae, ideo dicendum ad quartum, quod circumstantiae particulares peccati carnalis, quae in aliam speciem peccati mortalis trahunt, semper sunt confitendae: quia gratia quae in sacramento poenitentiae datur, restaurat, si qua inclinatio ad peccatum ex talium cogitatione proveniat vel in confite, vel in sacerdote. Unde dicit Gregorius in pastorali (part. II. cap. v. circa finem) *Fis plerumque ut dum rectoris animus aliena tentamenta cognoscit, auditu tentationibus etiam ipse pulsatur. Sed haec nequaquam pastor timenda sunt: quia tanto facilius a sua eripitur, quanto misericordius ex aliena tentatione fatigatur. Si tamen sacerdotem lascivum, & ad huiusmodi peccata pronum viderit, debet accipere licentiam confitendi alteri sacerdoti: & si non*

S. Th. Op. Tom. XII.

dederit, ad superiorem recurrere. Si autem circumstantiae non aggravant in infinitum novam speciem peccati mortalis conferendo, quandoque laudabiliter recitentur adhibita debita discretionem secundum considerationem turpitudinis circumstantiae, & pronitatem inclinationis ad peccatum ex eius confessione in ipso confite, vel in sacerdote.

Ad quintum dicendum, quod homo in confessione debet famam alterius custodire quantum potest, sed suam conscientiam magis purgare debet: & ideo si circumstantia quae ducit in cognitionem personae, sit de necessitate confessionis, secundum regulam datam, tunc debet confiteri occultando personam quantum potest. Si autem non sit de necessitate confessionis, debet dimittere, ne peccatum alterius prodar.

QUAESTIO IV.

Deinde quaeritur de impedimentis verae poenitentiae: & circa hoc quaeruntur duo.

Primo. De hypocrisis, quae impedit interius.

Secundo. De exterioribus impedimentis.

ARTICULUS I.

Utrum hypocrisis sit peccatum.

1. **A**D primum sic proceditur. Videtur, quod hypocrisis non sit peccatum. Quia peccatum non dicitur secunda tabula post naufragium. Sed secundum Hieronymum (super Isaiam cap. 11.) secunda tabula post naufragium est peccatum abscondere, quod ad hypocrisim pertinet. Ergo non est peccatum.

2. Praeterea. Vitare scandalum proximum, & famam propriam custodire quilibet debet. Sed haec sunt per hypocrisim. Ergo non est peccatum.

Sed contra. Matth. vi. super illud, *Nolite fieri sicut hypocritae tristes*, dicit Glossa: "Hypocrita est qui simulat quod non est, repraesentator alterius personae." Sed simulare quod non est, semper est peccatum, sicut & mendacium. Ergo hypocrisis semper est peccatum.

QUAESTIUNCULA II.

1. Ulterius. Videtur quod non sit speciale peccatum. Quia peccatum simulationis dividitur contra peccatum aperte malitiae.

K K K Sed

Sed aperta malitia non est speciale peccatum. Ergo nec hypocrisis.

2. Præterea. Omne peccatum speciale in aliquibus actibus consistit specialiter. Sed hypocrisis in omnibus actibus virtutum consistit, & præcipue in oratione, ieiunio, & elemosyna, ut patet in Evangelio Matth. (cap. vi.) Ergo hypocrisis non est speciale peccatum.

Sed contra. Peccatum simulationis virtuti opponitur quæ dicitur veritas. Sed veritas est specialis virtus, ut patet in IV. Ethic. (cap. vr.) Ergo & simulatio, sive hypocrisis, est speciale peccatum.

QUAESTIUNCULA III.

1. Ulterius. Videtur quod semper sit mortale peccatum. Quia peccatum veniale non impedit veniam de peccatis mortalibus. Sed hypocrisis impedit, ut in littera patet. Ergo est mortale peccatum.

2. Præterea. Hieronymus dicit (in Isai. xvr.) quod in comparatione duorum malorum levius est aperte peccare quam sanctitatem simulare. Sed aperte peccare est peccatum mortale. Ergo & sanctitatem simulare semper.

3. Præterea. Philosophus dicit (IX. Ethic. cap. rrr.) quod illi qui amicitiam simulant, magis sunt acculandi quam illi qui nummifera violant, quanto contra melius fraudem committunt. Sed qui nummifera violant, semper mortaliter peccant. Ergo & hypocrisis.

4. Præterea. Omne quod excludit a visione Dei, est peccatum mortale. Sed hypocrisis est huiusmodi, ut patet Iob xix. 16. *In conspectu eius non veniet omnis hypocrita.* Ergo semper est mortale peccatum.

Sed contra. Veritatis virtus corrumpitur tam per mendacium oris, quam per simulationem operis. Sed mendacium non est semper mortale. Ergo nec simulatio.

QUAESTIUNCULA IV.

1. Ulterius. Videtur quod hypocrisis non debeat poni impedimentum penitentiae præ aliis vitiis. Quia quanto aliquid peccatum est gravius, tanto magis penitentiam impedit. Sed alia interiora peccata quædam sunt maiora quam hypocrisis. Ergo illa magis debent poni impedimentum penitentiae.

2. Præterea. Hypocrisis, secundum Gregorium (XXXI. Moral. cap. xvii. vel xxxi.) est filia inanis gloriæ. Sed causa magis operatur ad aliquid quam effectus.

Ergo magis debet poni inanis gloria impedimentum penitentiae quam hypocrisis.

Sed contrarium in littera apparet.

SOLUTIO I.

Respondeo dicendum ad primam questionem, quod hypocrisis proprie dicitur qui personam alterius representat, quasi substitutus, vel suppositus loco alterius: unde in theatris illi qui personam aliorum gerunt representant, dicebantur hypocritæ: & sic accipit hypocritas Philosophus in III. Ethic. (cap. v.) & ideo ille qui cum non sit virtuosus, personam virtuosus ostentat, hypocrita dicitur: *hypocritis* enim græce, latine dicitur *simulator*. Et quia ostentare de se melius quam sit, est vitium iactantiae, sive verbi, sive facti fiat, ut dicitur in IV. Ethic. (cap. xiv.) ideo hypocrisis semper est peccatum.

Ad primum ergo dicendum, quod aliud est peccatum occultum non propagare, quod discretionis est, & secunda tabula dicitur eo modo quo supra dist. xiv. (quest. 1. art. 2. quest. 3.) dictum est; & aliud virtutem ostentare, cum aliquis peccato subiaceret, quod hypocrisis est.

Ad secundum dicendum, quod peccatum occultare sufficit ad vitandum scandalum; sed peccatum sub specie virtutis palliare hypocrisis est, & malum semper: & per hoc quis famam non conservat, sed furatur.

SOLUTIO II.

Ad secundam questionem dicendum, quod privationes specificantur per habitus oppositos: & ideo illud peccatum est generale quod aufert aliquam conditionem quæ requiritur in qualibet virtute, sicut inobedientia, prout est generale peccatum. Hypocrisis autem aufert conformitatem signi ostendens personam personæ ad rem significatam: quæ quidem conformitas ad unam virtutem specialiter pertinet, scilicet veritatem; & ideo est speciale peccatum.

Ad primum ergo dicendum, quod aperte non importat aliquam specialem rationem peccati: & ideo aperta malitia non nominat peccatum speciale, sicut simulatio, quæ specialem rationem peccati importat.

Ad secundum dicendum, quod non est inconveniens quod aliquid speciale peccatum, vel specialis virtus utatur actibus aliarum virtutum, vel vitiorum materialiter,

liter, sicut magnanimitas utitur omnibus aliis actibus virtutum, ut in eis magna operetur, ut dicitur in IV. Ethic. (cap. xii.) & similiter cum hypocritis sit quædam species iactantia, quia non iactat quodlibet, sed sanctitatem, utitur omnibus actibus quæ sanctitatem ostendere possunt, & præcipue illis in quibus magis sanctitas ostenditur, sicut est oratio, ieiunium, & elemosyna.

SOLUTIO III.

Ad tertiam questionem dicendum, quod hypocritis habet eandem rationem peccati, sicut & mendacium: mendacium autem non semper est peccatum mortale, sed quando est perniciosum: & similiter hypocritis non semper est peccatum mortale, sed quando est perniciosum, cedens in nocuum alterius persone, dum propter creditam sanctitatem alium defraudat re quam habet, vel habere debet; aut innocentium fidei, & Ecclesie, dum propter sanctitatem creditam de ipso, ei contra fidem, & Ecclesiam creditur.

Ad primum ergo dicendum, quod peccatum veniale quod penitentiam non impedit, non impedit remissionem peccati mortalis, quæ per penitentiam fit; sed per aliquod peccatum veniale potest impediri penitentia opus ne sit penitentia: quia peccatum veniale impedit actum virtutis, quamvis non tollat habitum, & sic impedire potest veniam peccati.

Ad secundum dicendum, quod verbum Hieronymi intelligendum est secundum quid, & non simpliciter: quia quantum ad unam circumstantiam unum peccatum potest esse gravius illo quod est gravius simpliciter. Vel dicendum, quod etiam aperte peccare non semper est mortale, sed quandoque veniale.

Ad tertium dicendum, quod Philosophus loquitur, quando simulatio amicitie innocentium persone redundat.

Ad quartum dicendum, quod loquitur de hypocrita qui totum bonum quod agit, ad ostentationem ordinat. Vel dicendum, quod loquitur quantum ad hoc quod opera bona ex hypocritis facta ad conspectum Dei non perducunt.

SOLUTIO IV.

Ad quartam questionem dicendum, quod opera penitentia, exteriora præcipue, nata sunt sanctitatem ostendere; & ideo eis

utitur hypocritis intentionem penitentia rectæ excludens; & propter hoc directius impedit penitentia effectum quam alia vitia etiam graviora.

Et per hoc patet solutio ad primum.

Ad secundum dicendum, quod inanis gloria surgit quandoque ex operibus etiam recta intentione factis; sed hypocritis semper intentionem factorum pervertit, & ideo magis impedit penitentia fructum.

ARTICULUS II.

Utrum ludi penitentiam exterius impediant.

1. **A**D secundum sic proceditur. Videtur quod ludi penitentiam exterius impediant. Illud enim in quo potest consistere virtus, penitentiam non impedit. Sed in ludis consistit virtus eutrapeliæ, ut in IV. Ethic. (cap. xiv. vel xvi.) patet. Ergo ludus penitentiam non impedit.

2. Præterea. Oportet operibus laboriosis requiem interponere, eo quod impossibile est semper agere. Sed ludus est requies quædam. Ergo oportet inter opera penitentia aliquando ludere: ergo ludus penitentiam non impedit.

Sed contra. Eccl. xii. tempus ridendi aliud describitur a tempore flendi. Sed tempus penitentia est tempus flendi: quia penitentia est commissæ flere. Ergo non est tempus ludendi.

QUÆSTIUNCULA II.

1. Ulterius. Videtur quod spectacula non impediant penitentiam. Spectacula enim ad utilitatem hominum sunt instituta. Sed penitentia non refecat utilia, sed superflua. Ergo penitentia per spectacula non impeditur.

2. Præterea. In spectando aliud non potest esse nisi peccatum curiositatis. Sed aliæ curiositates, ut scientiarum, non ponuntur impedimenta penitentia. Ergo nec spectaculum impedimentum penitentia dici debet.

3. Præterea. Alia sunt multo graviora peccata quam spectacula, & ludi. Ergo illa multo magis debent poni impedimenta penitentia quam ista.

Sed contra. Illud ex quo homo peccator constituitur, non competit penitenti. Sed inspectores talium adulteror, & invecundos ipsa spectacula constituunt, ut

KKK 2 Chry-

Chrysostomus dicit (homil. xxxiv. in Matth.) Ergo non competunt penitentia.

QUAESTIUNCULA III.

1. Ulterius. Videtur quod exercitium militiæ, vel negotiationis penitentiam non impediatur. Quia illa sine quibus non potest Respublica conservari, non sunt vitia, sed magis ad virtutem ordinata. Sed non potest conservari sine militia, per quam hostes comprimuntur, & sine negotiatione, per quam necessaria populo procurantur. Ergo talia officia sine peccato possunt exerceri: ergo non impediunt penitentiam.

2. Præterea. Ioannes penitentiam docebat, ut patet Matth. 111. Sed ipse non prohibebat homines a militia, neque publicanos ab officio suo, ut patet Lucæ 111. Ergo videtur quod talia officia non impediunt.

Sed contra est quod Gregorius in littera dicit.

SOLUTIO I.

Respondeo dicendum ad primam questionem, quod ludorum est triplex differentia. Quidam enim ludi sunt qui ex se ipsi turpitudinem habent; & tales ludi ab omnibus vitandi sunt, & præcipue a penitentibus, qui per istum peccata corrigere debent, sicut ludi qui in theatris agebantur ad luxuriam provocantes. Alii ludi sunt qui ex gaudii devotionis procedunt, sicut David dixit: (a) *Ludam, & vilior sum coram Domino*: II. Regum vi. 21. & 23: & tales ludi non sunt vitandi, sed laudandi, & emulandi. Quidam autem ludi sunt nullam turpitudinem habentes, quos Philosophus liberales vocat, & hi sunt materia virtutis, scilicet eutrapeliæ: & ideo servatis debitis circumstantiis possunt laudabiliter fieri ad quietem propriam, & aliis delectabiliter convivendum. Sed contingit in eis esse peccatum, eo quod debitis circumstantiis non servantur: unde in talibus ludis aliquid decet unum quod non decet alium: & in his etiam ludis penitens se debet habere aliter quam alii, in quantum penitentia sibi requirit. Tamen eis moderate uti potest, secundum quod

ad recreationem animi pertinent, aut ad societatem eorum cum quibus homo convivit: unde Seneca dicit: * (b) *Sic se gerere sapienter, ut nullus te habeat tamquam asperum, nec contemnere quasi vilem*.

Et per hoc patet solutio ad obiectionem.

SOLUTIO II.

Ad secundam questionem dicendum, quod huiusmodi spectacula si sunt rerum turpium, & ad peccatum provocantium, stulti (c) eorum inspectio peccatum est, (d) & quandoque etiam mortale: tanta potest libido adhiberi: unde a tali inspectione omnes se arcere debent, & præcipue penitentes. Quædam vero spectacula sunt de rebus utilibus, & ad vitam necessariis, sicut sunt venationes, & cetera huiusmodi; & talia spectacula distrahunt animum: unde quamvis possit sine peccato eis intendi, servata discretionis debita quantum ad conditiones personarum, & aliarum circumstantiarum; tamen penitenti sunt vitanda propter hoc quod debet cor ad Deum collectum habere, nisi quantum necessitas exposit.

Ad primum ergo dicendum, quod penitentia etiam quædam utilia rescat, in quantum peccatum infert pro culpa præterita: unde in littera dicitur, quod aliquid sufficit ei qui non peccavit quod non sufficit ei qui de peccatis penitentiam agit.

Ad secundum dicendum, quod per huiusmodi spectacula sensibilia magis animus ad vanitates distrahitur quam per intelligibilia: & ideo ista magis sunt cavenda, quamvis peccatum curiositatis in omnibus cavendum sit.

Ad tertium dicendum, quod ista peccata specialiter ex inepta lætitia procedere videntur: & quia penitentia tristitiam habet adiunctam, ideo speciale oppositionem ad penitentiam ista peccata habent.

SOLUTIO III.

Ad tertiam questionem dicendum, quod officium militiæ, & negotiationis, & publicanorum, qui vestigia publica exigunt, ex propinquo habent peccatum annexum, quamvis sine peccato quandoque exerceri possint.

(a) *Vulgata: Vires Dominum... & ludam, & vilior sum coram Deo.* (b) *Al. Sic se gerere.* (c) *Al. deest: eorum.* (d) *Nicolaus: & quandoque in eis tanta potest libido adhiberi, ut sit etiam mortale.*

EX EDIT. P. NICOLAI.

* In tractatu de quatuor virtutibus. Ita Flores Doctorum sub tit. *Convulsus*; sed iam non extat in beccæ.

possunt. Et quia penitens debet occasionem peccati vitare satisfaciendo, etiam talia officia laudabile est si evitet, non est tamen de necessitate penitentiae: quia penitens non potest omnes peccati occasiones vitare, dum in mundo isto vivit: & ideo sufficit, si peccatum in istis officiis vitet, ut quod miles secundum consilium Ioannis (Luc. 11.) neminem concutiat, & stipendiis iustus contentus sit, & non utatur officio militari ad ostentationem, sed ad utilitatem Ecclesiae, & Reipublicae, & ad exercitium virium; & quod negotiator non habeat conditionem in se, quae ipsum ab officio hoc prohibeat; sicut clericis, & monachis non licet negotiari, quamvis liceat propria vendere; & quod tempore debito mercationes faciant, non diebus festivis, & tempore quo carissimam inducere possit, tale officium exerceatur; & modus debitus, ut sine fraude fiat, & secundum licitum contractum. In publicanis autem, ut de auctoritate Principis, & causa communis utilitatis, scilicet ad defensionem terrae, & non immoderate recipiantur telonea. Quod autem Gregorius dicit in littera, intelligendum est non quia non possit sine peccato fieri, sed quia frequenter ad peccatum implicat.

Et per hoc patet solutio ad obiecta.

EXPOSITIO TEXTUS.

Cogit peccatorem omnia libenter ferre. Intelligendum est de illis quae sunt necessaria ad peccati remissionem; & sic est accommodata distributio.

Sunt enim tres differentia peccati &c. Contra. Omittit peccatum oris.

Præterea, Gregorius (Lib. IV. Moral. cap. xxvi.) addit super illud Iob 11. "Quare non in vulva mortuus sum?" quantum, scilicet sumentum adulationis.

Et dicendum, quod hæc distinctio peccatorum differt a prima: quia prima est secundum diversitatem instrumentorum, hæc autem secundum progressum peccati, quod primo de iustus, secundo ad extra procedit, tertio confirmatur per consuetudinem; & adaptatur partibus penitentiae: quia contritio in corde latet, confessio ad exteriora penitentiam manifestat, sed satisfactio boni operis consuetudinem adiungit. Non tamen hoc ita est intelligendum, quasi singulae penitentiae partes singulis conditioni-

bus peccati respondeant, sed per adaptationem, sicut & de alia dictum est.

Ad primum ergo dicendum, quod verbum habet eundem gradum quantum ad manifestationem cum (a) ipso facto: & ideo in facto includitur.

Ad secundum dicendum, quod illud quod Gregorius addit, non est in ipso peccante, sed in alio: & ideo Augustinus illud omittit.

Satisfactio præcipitur a Ioanne &c. non quod Ioannes fuerit auctor præcepti, sed denuntiator; Christus autem sacramenti institutor, & partium eius.

Ponatur se omnino in iudicio. Ergo videtur quod si sacerdos iniungat alicui quod intret religionem, teneatur facere; & præcipue quia quidam canones videntur istam penitentiam taxare: & similiter quod quantumcumque magnam penitentiam proprio peccato iniungat, penitens facere teneatur.

Et dicendum, quod intelligendum est de his quæ sacerdos, inquantum habet clavem scientiæ, & auctoritatis per divinum iudicium, & non secundum humanum errorem, iniungit. Introitus autem in religionem cum sit voluntatis, non potest alicui iniungi; & si aliqui canones iniungere inveniantur, magis est consilium quam præceptum: qualibet enim penitentia taxata, levissima religio est maior satisfactio, inquantum homo abdicat propriam voluntatem, qua nihil est homini carius.

Caveat ne ductus verecundia dividat apud se confessionem. De hoc inquiretur, cum de confessione questio erit.

Caveat etiam ne prius ad dominicum corpus accedat quam confortetur bona conscientia. Bona conscientia confortatur, quando certis signis comitetur peccatum sibi commissum; & hoc quando facit quod in se est: & ideo qui habet copiam sacerdotis, & necessitate non urgetur ad communicandum, sicut urgentur sacerdotes parochiales, non debet accedere ante confessionem; sed etiam post contritionem, & confessionem gravium peccatorum, consilium videtur esse Augustini, quod non statim accedat propter reverentiam sacramenti, & ut magis ipsum probet.

Quæ non secundum auctoritatem sanctorum imponuntur. Non tamen oportet quod semper ad litteram serventur penitentiae in canone iniunctae; sed consideratis conditionibus.

(a) Al. alio.

nibus peccatis, & peccatoris poenitentia sunt moderandæ.

Quæ sit pro illis peccatis quæ legis decalogi continet, sicut directe contra decalogi præcepta existentia, ut mortalia, non autem sicut præter præcepta, sicut sunt peccata venialia.

Sic veraciter dicitur: Sicut & nos dimittimus debitoribus nostris. Videtur quod ille qui non habet peccatum aliquod, peccet in dicendo, Pater noster: quia confitetur debita se habere quæ non habet.

Præterea. Videtur idem de illo qui de-

bita non dimittit, quod peccet dicendo, Pater noster.

Et dicendum ad primum, quod hoc non est alicui certum quod omnino a peccato saltem veniali, vel quantum ad aliquem reatum, immunis sit. Si tamen per revelationem sciat, non peccat dicens in persona Ecclesiæ.

Et similiter dicendum de secundo, quod in persona Ecclesiæ dicit se debita dimittere: unde non peccat hoc dicendo; sed remissionem non consequitur, nisi dimittat.



DISTINCTIO XVII

Tria proponuntur querenda. Primum, an sine confessione dimittatur peccatum.

Hic oritur quæstio multiplex. Primo enim queritur, utrum absque satisfactione, & oris confessione, per solam cordis contritionem peccatum alicui dimittatur. Secundo an alicui sufficiat confiteri Deo sine sacerdote. Tertio an laico fidei facta valeat confessio. In his enim etiam docti diversa sentire inveniuntur: quia super his varia, ac pene diversa tradidisse videntur doctores. Dicunt enim quidam, sine confessione oris, & satisfactione operis neminem a peccato mundari, si tempus illa faciendi habuerit. Alii vero dicunt, ante oris confessionem, & satisfactionem in cordis contritione peccatum dimitti a Deo, si tamen votum confitendi habeat: unde Propheta (Psal. xxxi. 5.) „Dixi: Confitebor adversum me iniustitiam meam Domino: & tu remisisti impietatem peccati mei:“ quod exponens Cassiodorus (in Glossa ordinaria) ait: „Dixi, idest deliberavi apud me, quod confitebor: & tu remisisti. Magna pietas Dei, quod ad solam promissionem peccatum dimiserit, votum enim pro operatione iudicatur.“ Item Augustinus (super Psalm. lxxxii.) „Nondum pronuntiat, promittit se pronuntiatum, & Deus dimittit: quia hoc ipsum dicere, quoddam pronuntiare est corde. Nondum est vox in ore, ut homo audiat confessionem, & Deus audit. Item (Psal. l. 19.) „Sacrificium Deo spiritus contribulatus: cor contritum &c. Alii etiam legunt (Ezech. xvi. 21. & 27. item xxxiii. 12. & 15.) Quacumque hora peccator conversus fuerit, & ingemuerit, vita vivet, & non morietur. Non dicitur, Ore confessus fuerit; sed conversus ingemuerit. Unde datur intelligi, quod etiam ore tacente veniam interdum consequimur. Hinc etiam leprosi illi quibus Dominus præcepit (Luc. xvi.) ut ostenderent se sacerdotibus, in itinere antequam ad sacerdotes venirent, mundati sunt. Ex quo insinuat, quod antequam ora nostra sacerdotibus aperiatur, idest peccata confiteamur, a lepra peccati mundamur. Lazarus etiam non prius de monumento est deductus, & post a Domino suscitatus; sed intus suscitatus prodiiit foras vivus, ut ostenderetur suscitatio animæ præcedere confessionem. Nemo enim potest confiteri nisi suscitatus, quia a mortuo velut qui non est, perit confessio. Nullus ergo confitetur nisi resuscitatus. Nemo autem suscitatur nisi qui a peccato solvitur, quia peccatum mors animæ est, quæ ut est vita corporis, ita eius vita Deus est.“ His, alitque pluribus auctoritatibus probatur, antequam

confessionem; vel satisfactionem sola compunctione peccatum dimitti. Quod qui negant, eas determinare laborant, nec non in huius sententiae deprecationem, & ad suae opinionis assertionem, sanctorum testimonia inducunt. Ait enim Dominus per Isaiam (cap. xlii. 26.) „Dic (1) tu iniquitates tuas, ut iustificeris.“ Item Ambrosius (Lib. de parad. cap. 1.) „Non potest quisquam iustificari a peccato, nisi peccatum ipsum antea fuerit confessus.“ Idem dicit (serm. xxxiv. de fer. vi. post dom. 1. quadr.) „Confessio a morte animam liberat, confessio aperit paradysum, confessio spem salutis tribuit: quia non meretur iustificari qui in vita sua non vult peccatum confiteri. Illa confessio nos liberat quae fit cum poenitentia. Poenitentia vero est dolor cordis, & amaritudo animae pro malis quae quisque commisit.“ Item Ioannes Chrysostomus (hom. de poenit.) „Non potest quisquam gratiam Dei (2) accipere, nisi purgatus fuerit ab omni peccato per poenitentiae confessionem, & per baptismum.“ (3) Item Augustinus (Lib. 1. homiliarum hom. xli.) „Agite poenitentiam, qualis agitur in Ecclesia. Nemo dicat sibi: Occulte ago, apud Deum ago; novit Deus, qui mihi ignoscit, quia in corde ago. Ergo sine causa dictum est (Matth. xvi. 19.) Quae solveris super terram, soluta erunt & in caelis? Ergo sine causa claves datae sunt? Frustramus verbum Christi. Iob xxxi. 34. dicit: (4) Si erubui in conspectu populi peccata mea confiteri.“ Item Ambrosius (de parad. cap. xiv.) „Venialis est culpa quam sequitur confessio delictorum.“ Item Augustinus super illum locum Psalm. lxxviii. „Non absorbeat me profundum, nec urgeat super me puteus os suum. Puteus est profunditas iniquitatis, in quam si cecideris, non claudet super te os suum, si tu non claudis os tuum. Confitere ergo, & dic: De profundis clamavi ad te Domine &c. (Psalm. cxxix. 1.) & evades.“ (5) Claudis super illum qui in profundum contemnit, a quo mortuo, velut qui non sit, perit confessio.“ Item „Nullus debet gravius poenae accipit veniam, nisi qualemcumque, est longe minorem quam debeat, solverit poenam. Ita enim impartitur a Deo largitas misericordiae, ut non relinquatur iustitiae disciplina.“ Item Hieronymus ** (super Malach.) „Qui peccator est, plangat delicta propria, vel populi, & ingrediatur Ecclesiam, de qua propter peccata fuerat egressus, & dormiat in sacco, ac praeteritis deliciis, propter quas Deum offenderat, vitae austeritate compenset.“ His aliisque auctoritatibus nituntur asserere, sine confessione vocis, & aliqua (6) solutione poenae, neminem a peccato mundari.

Cui sententiae potius consentiendum sit.

Quid ergo super his sentiendum, quid tenendum? Sane dici potest, quod sine confessione oris, & solutione poenae exterioris peccata delentur per contritionem, & humilitatem cordis. Ex quo enim proponit mente compuncta se confesurum, Deus dimittit: quia ibi est confessio cordis, etsi non oris: per quam anima interius mundatur a macula, & contagione peccati commissi, & debitum aeternae mortis relaxatur. Illa ergo quae superius dicta sunt de confessione, & poenitentia, vel ad confessionem cordis, vel ad interiorum poenam referenda sunt; sicut illud Augustini (ut sup.) quod „nullus dicitur veniam

„con-

(1) Ita Septuaginta. Vulgata: Natus, si quid habes, ut iustificeris. (2) Nicolai (sive noni celestis. 3) Nicolai (vel per donum baptismi salutaris.) (4) Ita Septuaginta: Vulgata: Si esparvi ad multitudinem nimiam... & non magis taci. (5) Nicolai. Claudis super illum puteus os suum qui in profundum cum veniet contemnit. (6) Al. absolutione.

EX EDIT. P. NICOLAI.

* Lib. de continentia cap. vi. ** In Isaiam super illud cap. vi. Accedite vos, & planctus facientes: ex quo etiam in decretis refertur dist. 1. de poenitentia cap. Qui sanctus, non super Maculatum.

consequi, nisi prius quantulumcumque peccati solverit poenam: " vel de exteriori poena accipienda sunt, & ad contemnentis, vel negligentes referenda, sicut illud (ex tex. l. homil.) „ Nemo dicat, Occulte ago &c. " Nonnulli enim in vita peccata confiteri negligunt, vel erubescunt; & ideo non merentur iustificari. Sicut enim præcepta est nobis interior poenitentia, ita eris confessio, & exterior satisfactio, si adsit tacultas. Unde nec vere poenitens est qui confessionis votum non habet: & ut sicut peccati remissionis munus Dei est, ita poenitentia, & confessio, per quam peccatum deletur, non potest esse nisi a Deo, ut Augustinus ait (in Psalm. l.) „ Iam (inquit) donum „ Spiritus sancti habet qui confitetur, & poenitet: quia non potest esse confessio peccati, & compunctio in homine ex seipso. Cum enim irascitur sibi „ quisque, & displicet, sine dono Spiritus sancti non est. " Oportet ergo poenitentem confiteri, si tempus habeat; & tamen antequam sit confessio in ore, si votum sit in corde, prællatur ei remissio.

Si sufficit soli Deo confiteri.

Iam secundum questionis articulum inspiciamus, scilicet utrum sufficiat peccata confiteri soli Deo, an oporteat confiteri sacerdoti. Quibusdam visum est sufficere, si soli Deo fiat confessio sine iudicio sacerdotali, & confessione Ecclesiae: quia David dixit (Psalm. xxxi. 5.) „ Dixi: Confitebor Domino: & „ tu remisisti &c. " Non ait, Sacerdoti; & tamen remissum sibi peccatum dicit. Item Ambrosius (super Luc. cap. xxi. & habetur de poen. dist. 1. cap. „ Petrus. ") „ Ideo flevit Petrus, quia culpa obrepit ei. Non invenio „ quid dixerit; invenio quod fleverit: lacrymas eius lego, satisfactionem non „ lego. Sed quod defendi non potest, abluí potest. Lavant lacrymæ delictum „ quod voce pudor est confiteri; & veniæ sletus consulit, & verecundia. " Hoc etiam Maximus dicit Episcopus. * Item Ioannes Chrysostomus (hom. xxxi. in Epist. ad Hebr.) „ Non tibi dico ut te prodas in publicum, neque apud „ alios accuses; sed obedire te volo Prophetæ dicenti (Psalm. xxxvi. 5.) Re- „ vela viam tuam ante Deum. Ergo tua confitere peccata apud verum iu- „ dicem, cum oratione delicta tua pronuntia, non lingua, sed conscientia tuæ „ memoria, & tunc demum spera te misericordiam posse consequi. Si habue- „ ris peccata tua in mente continue, numquam malum adversus proximum in „ corde tuo tenebis. " Idem (sup. Psalm. l. hom. xi.) „ Peccata tua dici- „ to, ut deleas illa. Sed si confunderis alicui dicere, dicito ea quotidie in „ anima tua. Non dico ut confitearis ea conservo tuo, ut tibi exprobet. „ Dicito Deo, qui curat ea: nec enim si non dixeris, ignorat ea; cum fa- „ ciebas ea, præsto erat; cum admitteres ea, cognoverat. Numquid ea vult „ ate cognoscere? Peccare non erubuisi, & confiteri erubescis? Dicito in hac „ vita, ut in alia requiem habeas: dicito ingemiscens, & lacrymans. In co- „ dice scripta sunt peccata tua. Spongia peccatorum lacrymæ tuæ sint. " Item Prosper. ** „ Illi quorum peccata humanam notitiam latent, non ab ipsis con- „ fessa, nec ab aliis publicata; si ea confiteri, vel emendare noluerint, Deum, „ quem habent testem, ipsum & habituri sunt ultorem. Quod si ipsi sui iudi- „ ces fiant, & veluti suæ iniquitatis ultores, hic in se voluntariam poenam se- „ verissimæ animadversionis exercent; temporalibus poenis mutabunt æterna sup- „ plicia, & lacrymis ex vera cordis contritione fluentibus rellinguent æterni „ ignis incendia. " Et infra: „ Facilius sibi Deum placabunt illi qui aut pro-

» PRIS

EX EDIT. P. NICOLAI.

* Quod subiungitur ut ex Maximo Episcopo, habetur apud illum in homil. de poenitentia Fe-
li. ** Lib. de vita contemplativa cap. vii. ex quo refertur in decretis dist. 2. de poenitentia cap.
Pars illa.

præiis confessionibus crimen produnt, aut nescientibus aliis ipsi in se voluntarie excommunicationis serunt sententiam, & ab altari cui ministrabant, non animo, sed officio separati vitam suam quasi mortuam plangunt, certi quod reconciliati sibi efficacis poenitentiae fructibus a Deo non solum amissa recipiant, sed sancta etiam supernae civitatis gaudia recipiant. "His auctoritas innuitur qui sufficere contendunt Deo confiteri peccata sine sacerdote. Dicunt enim, quod si quis timens (1) tegerit culpam suam apud homines, ne inde opprobrio habeatur, vel alii suo exemplo ad peccandum accingantur, & ideo tacet homini, & revelat Deo; consequitur veniam.

Quod non sufficit soli Deo confiteri, si tamen homini possit.

Sed quod sacerdotibus confiteri oporteat, non solum illa auctoritate Iacobi v. 16. "Confitemini alterutrum peccata vestra &c. "sed etiam aliorum pluribus testimoniis comprobatur. Ait enim Augustinus (Lib. I. homiliarum hom. ult. cap. iv.) "Iudicet se ipsum homo voluntarie, dum potest, & mores convertat in melius, ne cum iam non poterit, præter voluntatem a Domino iudicetur; & cum in se pertulerit severissimæ medicinæ, sed tamen utilissimæ, sententiam, veniat ad antistites, per quos illi claves ministrantur Ecclesiae. Tamquam bonus iam incipiens esse filius maternorum membrorum ordine custodito, a præpositis sacramentorum accipiat satisfactionis suæ modum, in offerendo sacrificio contriti cordis devotus, & supplex. Id tamen agat, quod non solum sibi profit ad salutem, sed etiam ad exemplum ceteris; ut si peccatum eius non modo in gravi eius malo, sed etiam in tanto scandalo aliorum est, atque hoc expedire utilitati Ecclesiae videretur, antistiti, in noxtia multorum, vel totius plebis agere poenitentiam non recuset; ne letali plagæ per pudorem addat ut morem. Cum tanta est plaga peccati, & impetus morbi, ut medicamenta corporis, & sanguinis Domini differenda sint, auctoritate antistitis debet se removere ab altari ad agendam poenitentiam, & eadem (2) reconciliari. "Item Leo Papa. "Multiplex misericordia Dei ira lapsibus subvenit humanis, ut non modo per baptismum, sed etiam per poenitentiam spes vitæ reparetur, sic divinæ voluntatis prædictis ordinatis, ut (3) indulgentia Dei nisi supplicationibus sacerdotum nequeat obtineri. Christus enim hanc præpositis Ecclesiae tradidit potestatem, ut confitentibus poenitentiae satisfactionem darent, & eosdem salubri satisfactione purgatos ad communionem sacramentorum per ianuam reconciliationis admitterent. "Item Augustinus (alius Auctor de vera & falsa poenit. cap. xvi.) "Quem poenitet, omnino poenireat, & dolorem lacrymis ostendat. Repæsentet vitam suam Deo per sacerdotem, præveniat iudicium Dei per confessionem. Præcepit enim Dominus mundandis, ut ostenderent ora sacerdotibus, docens corporali præsentia consistenda peccata, non per scripta manifestanda. Dixit enim: Ora monstrate, & omnes, non unus pro omnibus; non alium statuatis nuntium qui pro vobis offerat munus a Moyse statutum; sed qui per vos peccastis, per vos erubescatis. Erubescencia enim ipsa partem habet remissionis. Ex misericordia enim hoc præcepit Dominus, ut nemo poeniteret in occulto. In hoc enim quod per seipsum dicit sacerdoti, & erubescencia vincit timore Dei offensi, fit venia criminis: fit enim veniale per confessionem quod criminale erat in operatione: & si non statim purgatur, fit tamen veniale quod commiserat mortale. Multum enim satisfactionis

S. Tb. Oper. Tom. XII. LII ob-

(1) M. detegit. (2) Adde Nicola auctoritate. (3) M. indulgentiam, & non nequeat obtinere.

E X E D I T. P. N I C O L A I.

* Epistola xci. & refertur in decretis dist. 1. de poenitentia cap. Multiplex.

obtulit qui erubescentiæ dominans, nihil eorum quæ commisit; nuntio
 „ Dei negavit. Deus enim, qui misericors, & iustus est, sicut servat miseri-
 „ cordiam in iustitia, ita & iustitiam in misericordia. Opus enim misericordiæ
 „ est peccanti peccata dimittere; sed oportet ut iustus misereatur iuste. Consi-
 „ derat enim si dignus est non dico iustitia, sed & misericordia. Iustitia enim
 „ sola damnat. Sed dignus est misericordia qui spiritali labore querit gratiam;
 „ laborat enim mens patiendi erubescentiam. Et quoniam verecundia magna
 „ est pœna, qui erubescit pro Christo, fit dignus misericordia. Unde patet,
 „ quia quanto pluribus (1) confitetur in spe veniæ turpitudinem criminis;
 „ tanto facilius consequitur gratiam remissionis. Ipsi enim sacerdotes plus pos-
 „ sunt proficere, plus confitentibus parcere. “ Item Leo Papa. * „ Quamvis
 „ plenitudo fidei videatur esse laudabilis, quæ propter Dei timorem apud ho-
 „ mines erubescere non veretur; tamen quia non omnium sunt huiusmodi pec-
 „ cata, ut ea qui pœnitentiam poscunt, non timeant (2) publicare, removeat
 „ tur improbabilis consuetudo, ne multi a pœnitentiæ remedii arceantur, dum
 „ aut erubescunt, aut timent inimicis sua facta (3) referare quibus possunt legum
 „ constitutione percelli. Sufficit enim confessio quæ primum Deo offertur, &
 „ tunc etiam sacerdoti, qui pro delictis pœnitentium precatore accedit. Tunc
 „ enim plures ad pœnitentiam poterunt provocari, si populi auribus non publi-
 „ cetur conscientia confitentis. “ Ex his, aliisque pluribus indubitanter osten-
 „ ditur, oportere Deo primum, & deinde sacerdoti offerri confessionem; nec
 „ aliter posse perveniri ad ingressum paradisi, si adit facultas.

De tertio articulo, scilicet an sufficiat confiteri laico.

Nunc priusquam præmissis auctoritatibus, quæ his contradicere videntur, re-
 spondemus, tertiam quæstionem intueamur. Quod enim secunda quæstio
 continebat, scilicet an sine confessione, & iudicio sacerdotis, soli Deo confite-
 ri iussiceret, expeditum est, & certificatum præmissis testimoniis, quod non
 sufficit confiteri Deo sine sacerdote; nec est vere humilis, & pœnitens, si
 non desiderat, & requirit sacerdotis iudicium. Sed numquid æquivaleret alicui
 confiteri socio, vel proximo suo, saltem cum deest sacerdos? Sane ad hoc pot-
 est dici, quod sacerdotis examen requirendum est studiose, quia sacerdotibus
 concessit Deus potestatem ligandi, atque solvendi: & ideo quibus ipsi dimit-
 tunt, & Deus dimittit. Si tamen defuerit sacerdos, proximo, vel socio est
 facienda confessio. Sed curet quisque sacerdotem querere, qui sciat ligare, &
 solvere. Talem enim esse oportet qui aliorum crimina diiudicat. Unde Augu-
 stinus (alius Auctor de vera, & falsa pœnitentia cap. x.) “ Qui vult confi-
 „ teri peccata, ut inveniat gratiam, querat sacerdotem, qui sciat ligare,
 „ & solvere; ne cum negligens circa se extiterit, negligatur ab eo qui cum
 „ misericorditer monet, & petit, ne ambo in soeam cadant, quam stultus
 „ evitare noluit. Tanta itaque vis confessionis est, ut si deest sacerdos, confi-
 „ teatur proximo. Sæpe enim contingit quod pœnitens non potest verecundari
 „ coram sacerdote, quem desideranti nec tempus, nec locus offert: & si ille
 „ cui confitebitur, potestatem non habeat solvendi, fit tamen dignus venia,
 „ sacerdotis desiderio, qui crimen confitetur socio. Mundati enim sunt leprosi
 „ dum ibant ora, vel se se ostendere sacerdotibus, antequam ad eos perveni-
 „ rent. (Luc. xviii.) Unde patet Deum ad cor inspicere, dum ex necessita-
 „ te prohibetur ad sacerdotes pervenire. Sæpe quidem querunt eos sani, &
 „ læti; sed dum querunt, antequam perveniant, moriuntur. Sed misericor-
 „ dia

(1) *M.* confitebitur. (2) *M.* publicari. (3) *Nicolaï* referari,

EX EDIT. P. NICOLAI

* Epist. lxxx. ex qua refertur in Decretis dist. x. de pœnit. cap. *Quamvis*.

dia Dei ubique est, qui (1) & istis parcere novit, etsi non tam cito, sic-
ut solverentur a sacerdote . (2) Qui ergo confitetur sacerdoti , omnino
meliori quam potest confiteatur : & si peccatum occultum est , sufficiat re-
ferre in notitiam sacerdotis . Nam in resurrectione puellæ (Matth. ix.)
pauci interfuerunt qui viderent : nondum enim erat sepulta , nondum extra
portam delata , nondum extra domum in notitiam porrata . Intus resuscita-
vit , quam intus invenit , relictis solis Petro , & Iacobo , & Ioanne , & pa-
tre , & matre puellæ , in quibus figuraliter continentur sacerdotes Ecclesiæ .
Quos autem extra invenit , advertendum quomodo suscitavit . Flebat enim
turba post filium viduæ : flevit Martha , & Maria supplicantes pro fratre :
flebat & turba Mariam secuta . (Ioan. xi.) In quo docemur publice pec-
cantibus non proprium , sed Ecclesiæ sufficere meritum . " (Et postea .)
Laboret ergo pœnitens in Ecclesia esse , & ad Ecclesiæ unitatem tendere .
Nisi enim unitas Ecclesiæ succurrat , nisi quod deest peccatori , sua (3) ora-
tione compleat , de manibus inimici non eripietur anima mortui . Credendum
est enim quod omnes orationes , & eleemosynæ Ecclesiæ , & opera iustitiæ ,
& misericordiæ succurrant recognoscenti mortem suam ad conversionem . Id-
eoque nemo digne pœnitere potest quem non sustineat unitas Ecclesiæ . Ideo-
que (4) nemo petat sacerdotes per aliquam culpam ab unitate Ecclesiæ divisos .
Ex his satis aperitur , & absolvitur præmissæ quæstionis articulus . Querendus
est enim sacerdos sapiens , & discretus , qui cum potestate simul habeat iudi-
cium : qui si forte defuerit , confiteri debet socio . Bada vero inter confessionem
venialium , & mortalium distinguit super illum locum (Iacob v.) " Confite-
mini alterutrum peccata vestra : " ait enim : " Coequalibus quotidiana ,
& levia , graviora vero sacerdoti pandamus ; & quanto iussit tempore pur-
gare curemus : quia sine confessione emendationis peccata nequeunt dimitti .
Sed & graviora coequalibus pandenda sunt , cum deest sacerdos , & urget
periculum . Venialia vero , etiam sacerdoti oblata copia , licet confiteri
coequali , & sufficit , ut quibuldam placeat ; si tamen ex contemptu non
prætermittatur sacerdos . Tutius est tamen , & perfectius utriusque generis
peccata sacerdotibus pandere , & consilium medicinæ ab eis quærere , quibus
concessa est potestas ligandi , & solvendi . "

Hic aperit qualiter supradictæ auctoritates intelligendæ sunt .

Cum ergo ex his , aliisque pluribus testimoniis perspicuum fiat , (5) &
indubitabiliter constet peccata primum Deo , deinde sacerdoti esse confi-
tenda , & si ipse defuerit , etiam socio ; illud Ioannes Chrysostomus superius
positum , non est ita intelligendum , ut liceat alicui , si tempus habeat , sacer-
doti non confiteri ; sed quia sufficit , ubi crimen occultum est , soli Deo per
sacerdotem dicere , & semel ; nec oportet publicari coram multis quod occultum
est . Quod notavit dicens : " Non tibi dico , ut te prodas in publicum . "
Sicut enim publica noxa publico eget remedio , ita occulta secreta confessione ,
& occulta satisfactione purgatur . Nec necesse est ut quod sacerdoti semel con-
fessi sumus , iterum confiteamur ; sed lingua cordis , non carnis apud verum
iudicem id iugiter confiteri debemus . Unde idem Ioannes ait (in Epist. ad He-
br. ut sup.) " Nunc autem si recorderis peccatorum tuorum , & frequenter ea
in conspectu Dei pronunties , & pro eis depreceris , citius illa delebis . Si ve-
ro obliviscaris , tunc eorum recordaberis nolens , quando publicabuntur , &

LII

(1) *M.* & iustus . (2) *M.* Qui ergo omnino confitetur sacerdoti , meliori &c. (3) *Id.* *operati-
one, ut in Decretis refertur ; seu opulatione, ut in originali textu, notante Niclaus .* (4) *M.* non
gerant . (5) *M.* & inevitabiliter .

EX EDIT. P. NICOLAI.

* Ut Glossa refert . Bædæ autem textus hæc plenius habet .

in conspectu omnium amicorum, & inimicorum, sanctorumque Angelorum proferentur. Ita etiam illud Ambrosii (in Luc. vii.) Lacrymæ lavant delictum, quod voce pudor est confiteri: "ad publicam poenitentiam referendum est. Ibi enim virtutem lacrymarum, & confessionis ostendens, significare voluit quod lacrymæ occultæ, & confessio secreta, sicut quæ sit soli sacerdoti, lavant delictum, quod pudet aliquem publice confiteri. Quod vero dicit se lacrymas Petri legisse, non satisfactionem, & confessionem, per hoc non excluditur illa. Multa enim facta sunt quæ scripta non sunt: & forte nondum facta erat institutio confessionis, quæ modo est. Similiter & illud Prosper: "Si sui iudices fiant, mutabunt æterna supplicia: " & illud: "Faci-
lius Deum placabunt sibi qui aut propriis confessionibus crimen produnt, aut
nescientibus aliis in se sententiam excommunicationis ferunt: "ad publicam confessionem, & satisfactionem referri oportet. Non enim solis sacerdotibus ius ligandi, atque solvendi datum est, si cuique suo arbitrio se pœna, vel excommunicationis sententia ligare, & absque sacerdotali iudicio seipsum Deo, & alteri reconciliare licet; quod ecclesiasticæ institutioni, & consuetudini penitus repugnat. Potius ergo, si publice peccasti, publice confitere te reum, & emenda; si vero occulte deliquisti, etiam sic non taceas. Nec tamen dico ut publices: taciturnitas enim peccati ex superbia nascitur cordis: ideo enim peccatum suum quis celat, ne reputetur foris, qualem se iam divino conspectui exhibuit, quod ex fonte superbiæ nascitur. Species enim superbiæ est se velile iustum videri qui peccator est; atque hypocrita convincitur qui ad instar primorum parentum, vel tergiversatione verborum peccata sua levigare contendit, vel sicut Cain peccata sua reticendo suppressere querit. Ubi ergo superbia regnat, & hypocrisis, humilitas locum non habet. Sine humilitate vero alicui veniam sperare non licet. Ubi est ergo taciturnitas confessionis, non est speranda venia criminis. Iam certissime liquet quam sit detestabile peccati silentium, & e converso quam sit necessaria confessio. Est enim confessio testimonium conscientie Deum: timentis: qui enim timet iudicium Dei, peccatum non erubescit confiteri. Perfusus timor solvit omnem pudorem. Confessio peccati pudorem habet, & ipsa erubescencia est gravis pœna. Ideoque iubemus confiteri peccata, ut erubescenciam patiamur pro pœna. Nam hoc ipsum pars est divini iudicii. Si ergo queritur, ad quid confessio sit necessaria, cum in contritione iam deletum sit peccatum; dicimus, quia quædam punitio peccati est, sicut satisfactio operis. Per confessionem etiam intelligit sacerdos qualiter debeat iudicare de crimine. Per eam quoque peccator fit humilior, & cautior..

DIVISIO TEXTUS.

Postquam distinxit Magister poenitentia in partes, hic movet quasdam questiones de partibus illis: & dividitur in partes duas. In prima movet questiones; in secunda prosequitur eas, ibi, *Dicunt enim quidam, si confessionem oris, & satisfactionem operis neminem a peccato mundari.* Et hæc pars dividitur in duas. In prima prosequitur unam questionem de comparatione contritionis ad confessionem, utrum scilicet per solam contritionem, aut confessionem peccatum dimittatur. In secunda prosequitur questiones de ipsa confessione, ibi, *Iam secundum questionis articulum inspicimus.* Circa primum tria facit. Primo po-

nit rationes ad partem affirmativam; secundo ad negativam, ibi, *Quod qui negant, eas determinatas laborant;* tertio determinat veritatem, ibi, *Quid igitur superbis sentendum sit, quid tenendum?*

Iam secundum questionis articulum inspicimus. Hic prosequitur questiones de ipsa confessione secundum se, & dividitur in partes duas. In prima prosequitur questiones superius motas de confessione ex parte eius cui facienda est confessio. In secunda concludit ex dictis responsum ad quandam questionem de necessitate confessionis, ibi, *Si ergo queritur ad quid confessio sit necessaria. . . dicimus, quia punitio peccati est.* Prima in tres. In prima prosequitur secundam questionem superius motam,

motam, scilicet utrum oporteat homini confiteri, & an sufficiat confessio Deo facta, ponendo rationes ad veritatem, & contra veritatem. In secunda prosequitur tertiam questionem, scilicet an oporteat sacerdoti confiteri, vel possit fieri cuiuscunque, ibi, *Nunc priusquam præmissis auctoritatibus . . . respondeamus, tertiam questionem intueamur.* In tertia respondet ad objectiones secundæ questionis contra veritatem factas, ibi, *Cum igitur ex his, aliis quæ pluribus testimoniis perspicuum fiat . . . peccata primum Deo, deinde sacerdoti esse confitenda . . . illud Ioannis Chrysostomi non est ita intelligendum &c.* Prima in duas. In prima obicit contra veritatem; in secunda pro ipsa, ibi, *Sed quod sacerdotibus confiteri oporteat, non solum illa auctoritate Iacobi . . . sed etiam aliorum pluribus testimoniis comprobatur.*

Nunc priusquam præmissis auctoritatibus . . . respondeamus, tertiam questionem intueamur. Hic duo facit. Primo ostendit quod quando facultas adest, confessio facienda est sacerdoti. Secundo distinguit in hoc de confessione venialium, vel mortalium, secundum Bedam, ibi, *Beda vero inter confessionem venialium, & mortalium distinguit.*

QUÆSTIO I.

Hic est triplex questio. Prima de iustificatione impii. Secunda de contritione. Tertia de confessione. De satisfactione autem in xv. dist. dictum est.

Circa primum queruntur quinque.

Primo. Quid sit iustificatio impii.

Secundo. Quæ præxiguntur ad ipsam.

Tertio. Quæ concurrunt ad ipsam.

Quarto. De ordine ipsorum.

Quinto. Qualis sit.

ARTICULUS I.

Utrum assignatio iustificationis quæ ponitur Rom. viii. sit competens.

1. 2. quæst. 27. art. 1. & de verit. quæst. xxviii. art. 1.

AD primum sic proceditur. Videtur quod hæc assignatio quæ ponitur Rom. viii. in Glossa (interlineali) sit incompetens, scilicet *iustificatio est remissio peccatorum, & consummatio bonorum operum.* Peccata enim iniungunt omnes potentias

Sed iustificatio est in sola voluntate: quia secundum Anselmum (in dialogo de verit. cap. xiii.) iustitia est restitutio voluntatis pro se servata. Ergo iustificatio nihil aliud sit quam iustitiæ adeptio, videtur quod non sit remissio omnium peccatorum.

2. Præterea. Bernardus dicit (epist. cxi.) quod iustificatio est revelatio divini consilii. Sed divinum consilium revelatur aliquando eis quibus non dimittitur peccatum, sicut pater de Nabuchodonosor Dan. ii. Ergo iustificatio non est peccatorum remissio.

3. Præterea. Iustificatio, ut quidam dicunt, est effectus iustitiæ generalis, in qua de impio fit pius. Remissio autem peccatorum non est effectus iustitiæ, sed gratiæ. Ergo iustificatio non est remissio peccatorum.

4. Præterea. Consummatio bonorum operum in penitente fit per satisfactionem. Sed homo iustificatur per solam contritionem ante satisfactionem, ut ex littera habetur. Ergo iustificatio non est consummatio bonorum operum.

QUÆSTIUNCULA II.

1. Ulterius. Videtur quod iustificatio sit aliud quam vocatio. Quia Rom. viii. quatuor per ordinem recitantur, scilicet prædestinatio, vocatio, iustificatio, magnificatio. Sed secundum horum distat a primo. Ergo & tertium distat a secundo.

2. Præterea. Vocatio etiam est in peccato existentium. Prov. i. 24. *Vocavi, & remissus.* Sed iustificatio non, cum sit peccatorum remissio. Ergo iustificatio non est vocatio.

3. Præterea. Vocatio importat distantiam in eo qui vocatur. Sed iustificatio importat approximationem ad Deum in eo qui iustificatur. Ergo iustificatio non est vocatio.

Sed contra. Glossa Rom. viii. dicit, quod vocare est cognitionem de fide adjuvare. Sed istud adiutorium non est per gratiam gratis datam: quia sic esset etiam malorum, quod est contra intentionem Glossæ ibidem. Ergo est per gratiam gratum facientem. Sed infusio gratiæ gratum facientis est iustificatio. Ergo vocatio est idem quod iustificatio.

Præterea. Idem per essentiam est motus a termino, & ad terminum oppositum, sicut de albedine ad nigredinem. Sed vocatio dicit motum a termino, scilicet a pec-

peccato; iustificatio dicit accessum ad terminum, scilicet iustitiam. Ergo iustificatio, & vocatio sunt idem.

QUAESTIUNCULA III.

1. Ulterius. Videtur quod iustificatio non sit idem quod renovatio mentis, & sanatio. Quia iustificari potest aliquis in hac vita, non autem renovari, vel sanari. Ergo iustificatio neutrum illorum est. Probatio media: quantum ad iustificationem est ex hoc quod dicitur Roman. 111. 24. *Iustificati gratis per gratiam ipsius*. Quantum ad sanationem patet per id quod dicitur in Glossa (interlineali ex Augustino) super illud Psalm. c1t. 3. *Qui sanat omnes infirmitates tuas*, quod in fine sanabit languores, quando corruptibile hoc induet incorruptionem; quod non erit in hac vita. Quantum ad renovationem autem ex hoc quod dicitur in Glossa super illud Rom. vi. *In novitate vite ambulemus*; quod in futuro in immortalitate perficitur.

2. Præterea. Quorum opposita differunt, ipsa etiam differunt. Sed opposita horum sunt diversa & nomine, & ratione: quia iustificationi opponitur impietas, renovationi vetustas, sanationi infirmitas. Ergo non sunt idem.

Sed contra. Renovatio mentis, & sanatio fit per peccatorum dimissionem. Sed iustificatio nihil aliud est quam peccatorum remissio. Ergo videtur quod iustificatio sit idem quod renovatio, vel sanatio mentis.

QUAESTIUNCULA IV.

1. Ulterius. Videtur quod iustificatio non reducat ad attributum misericordiae. Quia secundum Augustinum (super Ioan. tract. lxx11.) maius est de impio facere pium quam creare cælum & terram. Sed creatio cæli & terræ, propter hoc quod infinitam potentiam ostendit, reducit ad attributum potentie. Ergo & iustificatio impii, & non ad misericordiam.

2. Præterea. Deus, in quantum est bonus, facit omnia bona. Ergo in quantum est iustus, facit homines iustos. Sed iustificare nihil aliud est quam iustum facere. Ergo iustificatio reducit ad attributum iustitiae magis quam misericordiae.

3. Præterea. Ambrosius dicit (de poenit. Lib. II. cap. vii.) quod præcedit quiddam in peccatoribus quo digni sunt

iustificatione. Sed ad iustitiam pertinet redere alicui hoc quo dignus est. Ergo iustificatio reducit ad attributum iustitiae.

Sed contra. Misericordia hominis in peccato principaliter consistit: miseros enim facit populos peccatum (a) ipsum. Sed misericordiam removere ad misericordiam pertinet. Ergo cum iustificatio sit peccatorum remissio, videtur quod ad attributum misericordiae reducat.

Præterea. Iustificatio fit per gratiam. Sed gratia est effectus misericordiae, ut patet per illud quod Apostolus inducit Rom. ix. 15. *Miserebor cuius miserebor, & misericordiam præstabo, cuius miserebor*. Ergo pertinet ad misericordiam.

SOLUTIO I.

Respondeo dicendum ad primam questionem, quod iustificatio de sui ratione importat motum ad iustitiam. Iustitia autem secundum Philosophum in V. Ethic. (cap. 11. & 111.) tribus modis dicitur. Uno enim modo est specialis virtus æqualitatem constituens in commutationibus, & distributionibus communicabilium bonorum, quæ sunt necessaria in vita. Alio modo est nomen generale ad omnes virtutes, secundum quod actus earum ad bonum commune ordinat secundum directionem legis. Tertio modo importat quemdam statum rectitudinis in homine quantum ad partes ipsius, prout scilicet aliqua pars animæ suo superiori subditur, sive alii parti, sive ipsi Deo; & hanc iustitiam nominat Philosophus metaphoricam, eo quod diversæ partes hominis computantur quasi diversæ personæ. Hæc autem rectitudo per quodlibet peccatum tollitur, & per gratiam reparatur: unde hæc iustitia generalis etiam dicitur, in quantum omnes virtutes includit, non quidem per modum totius universalis, sicut præcedens iustitia, sed generalis dicitur per modum totius integralis: & ad hanc iustitiam motus iustificatio dicitur. In quolibet autem motu est recessus a termino, & hoc in prædicta assignatione tangitur in hoc quod dicitur, *Remissio peccatorum*; & accessus ad terminum, qui tangitur in hoc quod dicitur, *Et consummatio bonorum operum*.

Ad primum ergo dicendum, quod tota ista rectitudo a voluntate originaliter est, quæ est principium metendi, & demerendi.

(a) Nicolai omisit ipsum, & substituit *Et* Rom. xiv.

di; sed etiam est in aliis partibus animæ quasi reificatis, sicut in subiecto.

Ad secundum dicendum, quod revelatio sumitur ibi materialiter, pro eo scilicet in quo consilium revelatur. Consilium autem divinæ predestinationis fuit de iustificatione: unde hoc consilium revelatur per ipsam iustificationem, sicut effectus per causam; & sic obiectio cessat.

Ad tertium dicendum, quod iustificatio potest sumi dupliciter: vel secundum quod responder ad iustificari; & sic dicit motum ad iustitiam prædictam: vel secundum quod sumitur ad iustificatum esse; & sic est effectus formalis iustitiæ prædictæ, quia ea aliquid formaliter iustificatum est, sicut albedine albatum. Sicut autem ab essentia animæ potentiz fluunt, ita relictudo potentiarum a gratia, quæ est essentia perfectio, & inter ipsas potentias (a) voluntas, quæ alias movet, & eis relictudinem quodammodo largitur: & ideo prædicta iustitiæ causa prima est gratia, & consequenter caritas, quæ voluntatem ad finem perducit, a quo est relictudo prædicta: & propter hoc ipsa iustificatio, & peccatorum remissio est effectus iustitiæ generalis sicut causæ formalis proximæ, sed caritatis, & gratiæ sicut causarum causæ proximæ; sicut aliquis æquatus dicitur æqualitate, & quantitate, quæ est æqualitatis causa. Et quia a proximis causis, vel terminis aliquid denominari debet, ideo prædictus motus, vel terminatio motus magis denominatur a iustitia quam a caritate, vel gratia.

Ad quartum dicendum, quod consummatio bonorum operum potest accipi vel in executione ipsorum, & sic procedit obiectio, & sic non accipitur hic; vel in infusione habituum, a quibus opera bona perfectionem habent; & sic dicitur hic consummatio bonorum operum iustificatio.

SOLUTIO II.

Ad secundam quæstionem dicendum, quod vocatio est duplex: quædam exterior, ut quæ fit per prædicatorem; & hæc non est iustificatio, sed disponit ad eam: quædam vero interior: & hæc quandoque quidem non pertingit ad finem suum ex vocati defectu; & hæc vocatio nihil aliud est quam aliquis instinctus, vel motus ad bonum a Deo immisus; & hæc etiam vocatio non est idem quod iustificatio, sed

via ad illam: quandoque autem pertingit ad finem, quando scilicet aliquis audit vocantem, & venit ad Christum, ut dicitur Ioan. vi. 45. *Omnis qui audit a Patre, & didicit, venit ad me*: & hæc vocatio idem est quod iustificatio secundum substantiam, sed differt ratione: quia vocatio dicitur secundum quod per infusionem gratiæ, & auxilium homo a peccato retrahitur; sed iustificatio respicit terminum ad quem, scilicet prædictæ relictudinis statum; & sic vocatio sumitur Rom. viii. ut patet per Glossam. (b) Auxilium enim quod fidelis, nos vocando, Deus præstat, est gratia, quæ facit fidem per dilectionem operari: unde illorum quatuor quæ ibi ponuntur, prædestinatio est causa iustificationis in iustificante, vocatio autem est idem iustificationi, ratione differens, ut dictum est; sed magnificatio est iustificationis complementum, sive referatur ad perfectionem gloriæ, sive ad perfectionem gratiæ.

Ad primum ergo dicendum, quod vocatio ibi præponitur iustificationi: quia prius est recessus a termino quam accessus ad terminum.

Ad secundum dicendum, quod obiectio procedit de primis duabus iustificationibus, non de tertia.

Ad tertium dicendum, quod ille non iustificatur quantum ad terminum a quo erat distans, sed quantum ad terminum ad quem est prope; & hoc competit ei quod dictum est.

SOLUTIO III.

Ad tertiam quæstionem dicendum, quod prædicta iustitiæ relictudo metaphorice sanitas animæ dicitur, & novitas ipsius, eo quod sanitas commensurationem debitam in partibus corporis importat; novitas autem integritatem, & virtutem, & decorem habet: & per hæc omnia patet quod relictudo potentiarum animæ, quæ iustitia dicitur, continet hæc omnia per similitudinem. Sed quia res aliqua non est ita similis uni quin possit etiam alteri assimilari, inde est quod ea quæ metaphorice dicuntur, non ita convenient uni quin & alii convenire possint, sicut leo metaphorice & Deus, & diabolus dicitur: unde sanitas, & novitas per similitudinem integritatem gratiæ significare possunt, quæ per culpam tollitur: unde culpa etiam similitudinariè dicitur vetustas, & languor ani-

mæ;

(a) *Id.* ipsius voluntatis. (b) *Nicolaus*: Auxilium enim fidelis quod nos facit.

mæ; & etiam possunt significare integritatem naturæ, quam tollit pœna, quæ etiam vetustas, & languor dicitur. Sed quia culpa est causa pœnæ, ideo vetustas in vetustate, & languor in languore includitur sicut effectus in causa. Patet ergo quod ipsa iustificatio, per quam gratia acquiritur, & culpa tollitur, renovatio, & sanatio dici potest; quamvis etiam ablatio pœnæ renovatio, & sanatio dici possit.

Ad primum ergo dicendum, quod quantum ad culpam potest fieri renovatio in hac vita, sed non quantum ad penam omnino; & similiter est de sanatione: & sic loquuntur auctoritates illæ.

Ad secundum dicendum, quod illa etiam per similitudinem significant idem quod impietas, ut ex dictis patet.

SOLUTIO IV.

Ad quartam questionem dicendum, quod in omni actione quam Deus in creatura facit, omnia attributa concurrunt (alias eius actio non esset perfecta) sed tamen aliqua ipsius actio, vel effectus actionis uno attributo appropriatur magis quam alteri, in quantum illud attributum magis manifestatur per talem actionem, vel effectum quam per aliud; sicut per revelationem futurorum manifestatur plenitudo divinæ sapientiæ, & ideo sapientiæ appropriatur. Et quia in iustificatione impii maxime divina misericordia manifestatur, ideo ad hoc attributum reducitur.

Ad primum ergo dicendum, quod difficultas quæ est in iustificatione impii, maxime est ex incongruentia impii ad iustificationis effectum suscipiendum: & ideo quando talis effectus in ipsum inducitur, magis indicat misericordiam quam potentiam. Sed effectus creationis difficultatem habet propter magnitudinem facti, vel propter modum faciendi, quia ex nihilo fit aliquid; & ideo manifestat maxime potentiam.

Ad secundum dicendum, quod iustificatio manifestat iustitiam divinam sicut causam exemplarem, sed misericordiam sicut causam efficientem: effectus autem proprie causæ efficienti respondet. Sed bonitas creaturæ manifestat bonitatem divinam utroque modo: quia bonitas movet ipsum ad communicandum similem bonitatem. Sed misericordia magis movet ad iustificandum quam iustitia.

Ad tertium dicendum, quod illud non est intelligendum quod aliquis ante iusti-

ficationem sit sufficienter dignus; alias gratia non esset gratia; sed quia est in ipso aliqua dispositio ad iustificationem, quæ est minus indignus quam alii: unde talis dignitas ad iustitiam non sufficit.

ARTICULUS II.

Utrum preparatio, per quam aliquis facit quod in se est, ad iustificationem præxigatur.

1. 2. quæst. cxii. art. 2. C. 3.

1. **A**D secundum sic proceditur. Videtur quod preparatio, per quam aliquis facit quod in se est, ad iustificationem non præxigatur. Ille enim qui ad peccandum nititur, non præparat se ad faciendum quod in se est. Sed aliquando aliquis iustificatur qui ad peccatum tendit, sicut de Paulo patet Actuum ix. Ergo prædicta preparatio ad iustificationem non præxigatur.

2. Præterea. Maior est caritas in Deo quam illa quam homini præcipit. Sed homini præcipit ut beneficiat inimicis, Matth. v. Ergo ipse multo fortius beneficit iustificando his qui peccando inimicitias contra ipsum exercent; & sic idem quod prius.

3. Præterea. Dei bonitate nihil maius cogitari potest. Sed bonum est diffusivum sui, secundum Dionysium (de div. Nom. cap. iv. par. 1.) Cum ergo maior diffusio bonitatis esset, si etiam renitentibus daretur gratia, videtur quod gratia infuso, per quam fit iustificatio, preparationem non præxigat.

Sed contra. Ille qui clausum habet oculum materiale, non potest lumen materiale suscipere. Sed ille qui se non præparat faciendo quod in se est, non aperit oculum spirituale, quem peccando clausit. Ergo non potest lumen gratiæ spirituale recipere; & sic non potest iustificari.

Præterea. Augustinus dicit (de verbis Apost. 1. cor. xii. cap. xi.) *Qui creavit te sine te, non iustificabit te sine te.* Ergo præxigitur preparatio ex parte nostræ.

QUAESTIUNCULA II.

1. Ulterius. Videtur quod nihil sit in homine quod facere possit ut ad gratiam habendam se præparet. Quia super illud Exod. vii. *Induravi cor eius etc.* dicit Glossa, quod ita induratum est cor eius, quod nihil

hil poterat facere acceptabile Deo. Sed nihil ad gratiam habendam pręparat nisi opus acceptabile Deo. Ergo non erat in eo facere aliquid per quod se prępararet: & eadem ratio est de aliis.

2. Pręterea. Augustinus dicit (epist. cxi. ad Vitalem Carthag.) quod cum fides iustificacionem impetrat, voluntas concommittatur gratiam, non ducit; est pedisequa, non pręvia. Sed si homo posset se ad gratiam nondum habitam pręparare, voluntas eius esset pręvia gratię. Ergo non potest homo aliquid facere per quod se ad gratiam pręparet.

3. Pręterea. Nullus potest se ad gratiam pręparare, nisi recte agendo. Sed secundum Augustinum in Lib. Retract. (I. cap. ix.) a mortalibus recte non vivitur, nisi prius liberum arbitrium a peccati pravitate liberetur; quod fit per gratiam. Ergo ante gratiam habitam non potest se ad gratiam pręparare.

4. Pręterea. Fides intentionem dirigit. Sed operatio quę sine recta intentione fit, non potest ad gratiam pręparare. Ergo oportet quod fides pręcedat pręparationem; & ita cum fides ad gratiam pertineat, ut Augustinus ex verbis Apostoli probat, ante gratiam pręparatio ad gratiam esse non potest.

Sed contra. Deus non pręcipit homini impossibile. Sed pręcipit ei quod se ad gratiam aliquid faciendo pręparet, ut patet Iac. iv. 8. *Appropinquate Deo, & appropinquabit vobis.* Ergo possibile est homini facere quod se ad gratiam pręparet.

QUAESTIUNCULA III.

1. Ulterius. Videtur quod non sit necessarium eum qui facit quod in se est, iustificari. Illud enim quod fit gratis, fit ex liberalitate, non ex necessitate. Sed iustificatio gratis, ut patet Rom. iii. Ergo non est necessarium quod iustificemur, quantumcumque simus pręparati.

2. Pręterea. Deus comparatur ad nos, sicut figulus ad lutum, ut patet Isai. lxiv. & Hierem. xviii. & Rom. ix. Sed quantumcumque lutum sit pręparatum, non est necessarium quod ex eo fornetur vas. Ergo quantumcumque homo sit pręparatus, non est necessarium quod ei gratia infundatur.

3. Pręterea. Illud quo posito necesse est alterum esse, videtur sufficienter ad illud ordinari. Sed actus noster, qui sufficienter ad aliquid ordinatur, dicitur esse meritorius il-

S. Th. Op. et. Tom. XII.

lius. Ergo aliquis merebitur iustificacionem secundum opera, quibus se pręparavit, si necessario ad pręparationem illam sequitur iustificatio.

Sed contra. Impossibile est summam veritatem mentiri. Sed ipsa veritas promittit se gratiam daturum ei qui quod in se est, facit. Zach. i. 3. *Convertimini ad me, & ego convertar ad vos:* & Apoc. iii. 20. *Si quis aperuerit mihi, intrabo ad eum.* Ergo necesse est eum qui facit quod in se est, iustificari.

Pręterea. Rom. v. super illud, *Iustificati ex fide*, dicit Augustinus (in Glossa.) „Deus recipit confutantes se; aliter in eo esset iniquitas.“ Sed impossibile est in Deo esse iniquitatem. Ergo necessarium est quod iustificet illos qui faciunt quod in se est.

SOLUTIO I.

Respondeo dicendum ad primam questionem, quod voluntas, quę est susceptiva perfectionis iustitię, non potest huic perfectioni subiacere ab extrinseco agente cuiuslibet conferat: quia hoc esset per violentiam agens, quę in voluntatem non cadit, cum cogi non possit: & ideo oportet quod ipsa cooperetur ad suam perfectionem; & hæc cooperatio dicitur pręparatio ad gratiam, quę facit quod in se est. Sed non semper oportet quod talis pręparatio tempore iustificacionem pręcedat, sicut oportet in mutationibus naturalibus quod alteratio tempore semper pręcedat generationem: quia cum actus voluntatis sit in sua potestate, a principio potest esse tantum intentus, quantum sufficit ad pręparationem; sed dispositio naturalis ad formam successive ad hanc intentionem procedit. In illis autem qui non per propriam voluntatem culpam incurrunt, & usum voluntatis non habent, non exigitur ex parte eorum aliqua pręparatio, sicut de pueris patet in baptismo.

Ad primum ergo dicendum, quod iustificatio, de qua nunc loquimur, semper est cum cooperatione voluntatis, quę pręparatio dicitur. Sed hæc cooperatio, ut dictum est, quandoque diu ante incipit quam gratia infundatur; quandoque autem, quia perfecta est, statim iustificacionem adiungam habet: unde potest contingere quod aliquis dum est in proposito, & intentione peccandi, subito eius voluntas convertatur ad Deum, vel ex aliquo exteriori occasione accipiens, sicut fuit in Paulo; vel etiam

M m m i a m

iam ex aliquo interiori instinctu, quo cor hominis movetur a Deo. Unde non sequitur quod talis gratiam habeat non faciens quod in se est.

Ad secundum dicendum, quod homini non præcipitur quod illa bona faciat inimicis suis quorum capaces non sunt, sed illa quæ suscipere possunt: & hoc Deus maxime implet, quia bona quibus capaces sunt, scilicet naturalia, eis largitur qui contra ipsum peccando inimicitias exercent. Boni tamen gratiæ capaces non sunt nisi voluntate consentiente; & sic quod ipse paratus est dare, illi recipere nolunt.

Ad tertium dicendum, quod talis diffusio boni non potest intelligi, nisi aliquis perfectionem illam suscipiat, cui renitens non est capax: & ideo ratio illa procedit ex falso.

SOLUTIO II.

Ad secundam questionem dicendum, quod præparatio quæ exigitur in materia ad hoc quod formam suscipiat, duo includit, scilicet quod sit in debita proportionem ad formam, & ad agens quod debet formam inducere, quia nihil le educit de potentia in actum. Debita autem proportio ad suscipiendum actum agentis attenditur secundum debitam approximationem ad agens. In spiritualibus autem non est intelligenda localis approximatio, sed spiritualis, quæ est dupliciter. Primo per similitudinem naturæ, secundum quod res corruptibiles dicuntur magis a primo distare quam incorruptibiles in II. de generat. (text. lxx.) & propter hoc debilius esse recipiunt; & similiter spiritualia propinquiora esse Deo quam corporalia; & propter hoc Angeli secundum Dionysium in iv. cap. cxi. Hier. abundantius de divina bonitate recipiunt. Secundo secundum affectum: quia secundum Augustinum (in Psal. xxxiii.) Deo non loco, sed affectu propinquamus. Sed debita proportio materiæ ad formam est dupliciter, scilicet per ordinem naturalem materiæ ad formam, & per remotionem impedimenti. Ad hoc ergo quod voluntas se ad gratiam iustificamentum præparet, oportet quod se in debita proportionem ad Deum qui dat, & ad gratiam quæ datur, ponat. Sed proportio ad Deum per naturæ similitudinem non est in potestate voluntatis; similiter nec proportio capacitatis gratiæ, quia hæc ei præexistunt a creatione: unde relinquitur quod in ipsa voluntate sit appropinquare Deo per affectum, & desiderium, & ordi-

nari ad gratiam per remotionem impedimenti, quod quidem impedimentum est peccatum: & ideo per displicentiam peccati, & affectum ad Deum se aliquis ad gratiam præparat: & quando hæc duo efficaciter facit, dicitur facere quod in se est, & gratiam recipit. De prima horum dicitur Iac. iv. 8. *Appropinquate Deo, & appropinquabit vobis*: de secundo Apoc. iii. 20. *Si quis aperuerit mihi, intrabo ad eum*.

Ad primum ergo dicendum, quod si opus Deo acceptabile dicatur opus meritorium, tunc planum est quod nec Pharaon, nec aliquis in peccato mortali existens, potest facere opus Deo acceptum. Si autem omne opus quod est bonum ex genere, & bona intentione factum, dicatur opus acceptabile Deo, tunc dicitur Pharaon non potuisse, non quia omnino non potuerit, sed propter fixationem obliuiscit voluntatis ad malum, in quam inciderat divina gratia desertus.

Ad secundum dicendum, quod voluntas nostra est omnino pedissequa respectu divinæ gratiæ, & nullo modo prævia: quia ipsa voluntas bona, quæ gratiam gratum facientem præcedit, ex Deo nobis provenit, qui gratuita sua voluntate nos ad hoc provocat vel flagellis, vel aliquo auxilio interiori, aut exteriori. Nec tamen voluntas hæc est prævia, sed pedissequa respectu gratiæ gratum facientis: quia non est causa ipsius, sed aliquid ad ipsam viam parat.

Ad tertium dicendum, quod sine gratia gratum faciente non potest recte a mortalibus vita duci, secundum quod ly recte importat restitutionem ad finem ultimum pertingentem: potest tamen etiam sine ea recte aliquid agi restitutione quam habet actus ex materia, & circumstantiis, & sine debito, sed non sine gratia quæ dicitur gratuita Dei voluntas.

Ad quartum dicendum, quod recta intentio ad finem ultimum determinate perducens, non potest esse sine fide; sed tamen finis ultimus, scilicet Deus, potest esse in intentione eius etiam qui fidem non habet, per generalem, vel naturalem cognitionem quam de Deo habet: unde etiam ille qui fidem non habet, potest se ad fidem habendam præparare, & ad gratiam, si secundum suam cognitionem peccatum sibi displiceat, & in Deum affectus eius feratur.

SOLUTIO III.

Ad tertiam quæstionem dicendum, quod duplex est necessitas, scilicet necessitas absoluta, & necessitas ex suppositione. De prima quidem necessitate loquendo, non est necessarium eum gratiam recipere quise sufficienter ad gratiam parat: quia neque per se necessitas, secundum quam Deum necesse est esse, neque necessitas coactionis, vel prohibitionis, in his quæ divina voluntate fiunt, cadere potest. Loquendo autem de necessitate quæ est ex suppositione divini propositi, quo propter benevolentiam suæ bonitatis voluit, unicuique eam communicare secundum suam capacitatem, necessarium est quod cuilibet materiæ præparatæ forma infundatur. Non tamen eodem modo est in omnibus formis: quia formæ quæ mediante secundis agentibus in materia producuntur, necessario in materia disposita recipiuntur necessitate conditionata in comparatione ad Deum, cuius virtute cetera agentia agunt; sed necessitate absoluta per comparationem ad agentia proxima, quæ necessitate naturæ agunt propter ordinem divinitus eis impositum, quem præterire non possunt. Formæ autem quæ immediate a Deo inducuntur, non habent necessitatem absolutam ex parte agentis, sed quædam ex parte recipientis, sicut in perfectionibus quæ sunt de esse naturæ, ut est anima rationalis. Formæ autem quæ non debentur naturæ, sicut gratia, & virtutes, immediate a Deo producuntur, nihil habent de necessitate absoluta, sed solum de necessitate ex suppositione divini ordinis, ut dictum est.

Et per hoc pater responsio ad obiecta: quia primæ rationes procedunt (a) de necessitate ex suppositione divini propositi.

ARTICULUS III.

Utrum gratiæ infusio requiratur ad iustificationem.

1. **A**D tertium sic proceditur. Videtur quod gratiæ infusio non requiratur ad iustificationem. Non enim minus est iustificare quam creare. Sed Deus creat sine medio. Ergo & iustificat sine gratiæ media.

2. Præterea. In contrariis mediatis unum potest removeri sine hoc quod alterum ponatur. Sed inter statum gratiæ, & culpæ

est medium innocentie status. Ergo potest removeri culpa per iustificationem sine hoc quod gratia infundatur.

Sed contra. Nulli dimittitur peccatum, nisi ratione caritatis: quia caritas est quæ universa delicta operit. Proverb. x. Sed caritas non potest esse sine gratia, quia numquam est informis. Ergo nec remissio peccatorum potest fieri sine gratiæ infusione.

QUÆSTIUNCULA II.

1. Ulterius. Videtur quod non sit necessarius ad iustificationem motus liberi arbitrii in Deum. Ille enim qui trahitur, non movetur libero arbitrio. Sed ille qui venit ad Deum per iustificationem, trahitur. Ioan. vi. 44. *Nemo (b) venit ad me, nisi Pater meus traxerit illum.* Ergo in iustificatione non est necessarius motus liberi arbitrii.

2. Præterea. Sicut gratia est a Deo, ita & sapientia. Sed ad hoc quod aliquis accipiat sapientiam a Deo, non exigitur motus liberi arbitrii: unde dormienti datur, ut patet III. Reg. iii. de Salomone, & Job xxxiii. 15. dicitur: (c) *In somno tunc aperit aures virorum.* Ergo & ad gratiam iustificantem suscipiendam non requiritur motus liberi arbitrii.

3. Præterea. Per baptismum aliquis iustificatur. Sed in baptismo non requiritur motus liberi arbitrii ad effectum eius suscipiendum: quia pueri, & dormientes eius effectum suscipere possunt, ut dicit Decretalis Innocentii III (extra de baptis. & eius effect. cap. *Maiores*). Ergo ad iustificationem non requiritur motus liberi arbitrii in Deum.

Sed contra. Augustinus dicit (de ver. Apostoli ser. xv. cap. xi.) *Qui creavis te sine te, non iustificabis te sine te.* Ergo requiritur motus liberi arbitrii in Deum ad iustificationem.

Præterea. Bernardus dicit (tract. de grat. & lib. arb.) quod donum gratiæ tam absque consensu recipientis esse non potest, quam absque gratia dantis. Sed consensum non est sine motu liberi arbitrii. Ergo motus liberi arbitrii ad iustificationem requiritur.

QUÆSTIUNCULA III.

1. Ulterius. Videtur quod iste motus liberi arbitrii in Deum non sit motus fidei. Quia ad hoc quod Deus appropinquet no-

M m 2 bis

(a) *Supple de necessitate absoluta.* alia. (b) *Vulgata: propterea venit.* (c) *Vulgata: Et somnium.*

bis per iustificationem, oportet quod nos appropinquemus ei per affectum. Sed per affectum facit nos appropinquare Deo caritas. Ergo ille motus liberi arbitrii in Deum, non est fidei, sed caritatis.

2. Præterea. Isa. xxvi. 18. dicitur: (a) *A timore tuo, Domine, concepimus spiritum salutis.* Ergo cum ista conceptio in iustificatione fiat, videtur quod sit motus timoris, non fidei.

3. Præterea. Dispositio, & perfectio debent esse in eodem. Sed motus fidei est in intellectu, iustificatio autem specialiter in affectu. Ergo non est motus fidei.

Sed contra. Rom. v. 1. *Iustificati (b) per fidem*: & Act. xv. 9. *Fide purificans corda eorum.*

Præterea. Iustificatio est opus gratiæ prævenientis. Sed gratia præveniens est fides, ut dixit Magister in II. Lib. dist. xxvii. Ergo motus fidei requiritur in iustificatione.

QUAESTIUNCULA IV.

1. Uterius. Videtur quod non requiratur motus liberi arbitrii in peccatum, sive contritio. Luc. vii. 47. (c) *Dimissa sunt ei peccata multa, quoniam dilexit multum:* dicit Glossa (ex Gregorio hom. xxi. in Evang.) quod ardor caritatis rubiginem peccatorum in ea consumpsit. Sed ardor caritatis potest esse sine motu in peccatum. Ergo ad iustificationem non requiritur motus in peccatum.

2. Præterea. Conversio ad Deum potentior est ad bonum quam conversio ad rem temporalem ad malum. Sed conversio ad bonum commutabile sufficienter induxit culpam. Ergo & conversio ad Deum sufficienter iustificat; & sic non requiritur motus in peccatum.

Sed contra est quod dicit Glossa in Plal. I. super illud locum, *Sacrificium Deo spiritus contribulatus* etc. „ Spiritus contribulatus, & contritus est sacrificium in quo peccata solvuntur. “

QUAESTIUNCULA V.

1. Uterius. Videtur quod non debeat addi quartum, scilicet peccatorum remissio. Quia effectus non connumeratur causæ. Sed gratiæ infusio, & contritio sunt causæ remissionis peccati. Ergo non debet connumerari eis.

2. Præterea. Remotio privationis nihil aliud est quam positio habitus. Sed culpa est privatio gratiæ. Ergo idem est remotio culpæ, & infusio gratiæ; & ita non debent ad invicem connumerari.

Sed contra. Generatio unius est corruptio alterius, & tamen generatio corruptioni connumeratur. Ergo cum infusio gratiæ sit remissio culpæ, debet unum alteri connumerari.

SOLUTIO I.

Respondeo dicendum ad primam questionem, quod necessitas ponendi virtutum habitus in anima infusus, est ex hoc quod actus illi qui homini necessarii sunt ad vitam æternam consequendam, sunt supra humanæ naturæ facultatem: quia propriæ vires non sufficiunt ad merendum infinitum bonum. Sicut autem beatitudo futura infinitatem habet ex obiecto, & per consequens facit actus suos meritorios aliquo modo infinitæ virtutis, ut sint tali fini proportionati; ita offensæ in Deum commissæ habet quandam infinitatem ex eo in quo commissa est: & ideo, ad culpæ remissionem non sufficit humana natura: & propter hoc oportet quod ad eius remissionem, sicut ad merendum vitam æternam, gratia infundatur.

Ad primum ergo dicendum, quod gratia in remissione culpæ non se habet sicut agens medium, sed sicut causa formalis, qua peccatum remittitur; sicut ignis frigus auferit, calorem in subiecto causando, non sicut instrumentum, sed sicut forma contraria: & in creatione etiam est forma naturalis, qua res creata esse formaliter accipit, vel etiam ipsum quo est, quidquid sit illud.

Ad secundum dicendum, quod quamvis secundum consecutionem argumenti non sequatur positio gratiæ ad remotionem, id est negationem, culpæ; tamen destruetur culpæ prius existentis non potest fieri nisi per gratiam: quia illa innocentie bonitas, quæ inter utrumque media videtur, non sufficeret ad hoc quod dignum redderet ab immunitate personæ, vel ab infinita offensæ commissæ prius, quamvis sufficeret ut immunitatem redderet illi (d) in quo peccatum non præcessit. In eo enim qui peccavit, requiritur non solum quod peccatum abisset actu, sed etiam quod peccatum prius com-

(a) Vulgata: *A facie tua, Domine, concepimus, & quasi parturivimus, & peperimus spiritum*: *salutem nos fecimus in terra* etc. (b) Vulgata, *ex fide*. (c) Vulgata, *Remittuntur*. (d) *Ad* in quem.

commisum (a) expietur, & quodammodo regatur; quod fieri non potest, nisi aliquo habente infinitam virtutem.

SOLUTIO II.

Ad secundam quaestionem dicendum, quod gratia, quae datur ad recte vivendum, & peccatorum remissionem, per prius respicit voluntatem quam alias potentias: per eam enim peccatur, & recte vivitur: & ideo oportet quod infusio gratiae iustificantis sit secundum talem modum qui voluntati competat; & propter hoc oportet quod a tali infusione omnis ratio violentiae excludatur, quia violentiae voluntas capax non est. Ad hoc autem quod violentia ab actione tollatur, oportet quod patiens coope- retur agenti secundum modum suum; unde in illis quae nata sunt agere, requiritur quod active coopeantur; in illis autem quae sunt nata recipere tantum, sicut materia prima, sufficit ad violentiam tollendam naturalis inclinatio ad formam, & ex hoc dicitur generatio naturalis. Sed quantum est ibide contrarietate, tantum est ibi de violentia: unde quando voluntas non habet actum contrarium, sicut est in pueris, sine violentia voluntatis potest infundi gratia per sacramentum, sicut pueris baptizatis; & sine sacramento, sicut patet in sanctificatis in utero. Sed quando voluntas habet suum actum, sicut est in adultis, requiritur actus voluntatis ad gratiam suscipiendam, animam ad datorem ordinans: & ideo ad iustificationem, quae per infusionem gratiae fit, requiritur motus liberi arbitrii in Deum.

Ad primum ergo dicendum, quod tractio illa de qua Dominus loquitur, non importat coactionem, sed inductionem, vel ad iutorium ad bene operandum.

Ad secundum dicendum, quod sapientia magis respicit intellectum quam voluntatem; sed gratia magis voluntatem, ut dictum est: & quia intellectus cogi potest, non autem voluntas, ideo ad sapientiam percipiendam, & alias intellectus perfectiones, non requiritur consensus suscipientis, sicut ad perfectionem gratiae: unde in summo sunt revelationes eorum quae ad sapientiam pertinent, ut patet Num. 11. non autem gratia infusio.

Ad tertium dicendum, quod per baptismum etiam adulti gratiam suscipere possunt in dormiendo: quia quamvis non adsit actualis dispositio ex actuali motu voluntatis, adest tamen habitualis dispositio ex mo-

tu liberi arbitrii precedente: qui quidem quandoque ad gratiam percipiendam sufficienter disponit, & tunc gratia infunditur statim, ut dictum est; quandoque autem insufficienter, & tunc talis insufficientia non potest suppleri nisi per alium actum liberi arbitrii, vel per sacramentum, quod ad gratiam dispositive operatur, ut supra dictum est. dictum est: & propter hoc sine sacramento nullus adultus iustificari potest, nisi actualiter motu liberi arbitrii existente; sed per sacramentum potest, si tamen praecessit motus liberi arbitrii prohibens fictionem.

SOLUTIO III.

Ad tertiam quaestionem dicendum, quod omne quod natum est ex pluribus sequi, attribuitur ei quod primum est, sicut vita attribuitur animae nutritivae, quia ipsa est prior inter principia vitae in viventibus corporaliter. Similiter dicitur animal esse animal per sensum primum, quia est tactus, ut patet in III. de Anima (text. lxxv.). Unde si iustificatio sequitur ad motum liberi arbitrii in Deum, oportet quod attribuaturs illi motui, qui naturaliter prior in iustificatione apparet. Moveatur autem mens in Deum & per intellectum, & per affectum: & hi duo motus mentis simul esse possunt, quamvis non simul cogitari possint: quia unus est regula alterius, & per actum intellectus praesentatur suum obiectum voluntati, quia obiectum eius est bonum imaginatum, vel intellectum, ut Philosophus dicit in III. de Anima (text. lxxv.). Sed naturaliter motus intellectus praecedat, sicut obiectum naturaliter praecedat actum potentiae: unde cum motus intellectus in Deum sit per fidem, iustificatio motus fidei requiritur.

Ad primum ergo dicendum, quod motum liberi arbitrii, cum quo gratia infunditur, oportet accipi in sua ultima perfectione. Actus autem fidei perfectus non est, nisi actu affectus perfectio existente: nullus enim credit, nisi qui vult, ut Augustinus dicit: & ideo cum actu fidei in iustificatione sum per adiungitur actus caritatis; & his duobus anima Deo appropinquat. Non enim potest esse dubium quin actu caritatis semper actus fidei coniungatur, ex quo obiectum per fidem caritati praesentatur: sicut etiam intelligere nostrum numquam est in actu, nisi per imaginationem in actu existentem.

Ad

(a) scilicet expietur.

Ad secundum dicendum, quod timor est remota dispositio ad gratiam: numquam enim ad gratiam attingit, nisi amor adiungatur. Nos autem loquimur hic de dispositione ultima ad gratiam, cum qua gratia datur.

Ad tertium dicendum, quod non oportet in eodem esse dispositionem, & perfectionem in rebus ad invicem ordinatis: quia dispositio facta in priori ordinat ad perfectionem factam in posteriori, sicut motus imaginationis est dispositio ad perfectionem intellectus: & similiter motus in intellectu factus potest esse dispositio ad motum affectus.

SOLUTIO IV.

Ad quartam questionem dicendum, quod sicut in generationibus naturalibus, in quibus una forma expellitur, & altera introducit, propter hoc quod generatio unius est corruptio alterius, oportet esse dispositum ad utrumque: ita in iustificatione, qua gratia confertur, & culpa expellitur, oportet esse dispositionem voluntatis secundum proprium actum ad utrumque. Eridet eo sicut per motum liberi arbitrii in Deum dispositus ille qui iustificatur ad gratiam obtinendam, ita per motum liberi arbitrii in peccatum, oportet quod ad culpam expulsionem disponatur: & ideo in iustificatione, qua innocens iustificatur, oportet esse dispositionem solum ad gratiam inducendam; sed in iustificatione qua iustificatur impius, oportet dispositionem esse duplicem: unam ad introducendum gratiam, scilicet motum liberi arbitrii in Deum; alteram ad expellendam culpam, scilicet motum liberi arbitrii in peccatum.

Ad primum ergo dicendum, quod fervor dilectionis de necessitate secum coniunctum habet odium contrarii: & ideo fervor dilectionis ad dimissionem culpae non operatur sine peccati detestatione, quae directe dimissioni culpae respondeat.

Ad secundum dicendum, quod conversio ad Deum sufficit ad gratiam obtinendam quantum in se est, sicut conversio ad bonum commutabile sufficit ad culpam; sed requiritur conversio ad peccatum quasi removens impedimentum. Vel dicendum, quod etiam in peccato conversio non facit culpam sine aversione; & similiter oportet duo esse in iustificatione.

SOLUTIO V.

Ad quintam questionem dicendum, quod illa quae per accidens habent ad aliquod

non includuntur ab illo. Remissio autem culpae se habet accidentaliter ad gratiae infusionem, quia accidit ex subiectione in quo culpam invenit: posset enim esse infusio gratiae sine hoc quod culpa remitteretur, sicut in statu innocentiae fuit, & in Christo homine quantum ad primum inflans suae conceptionis: & ideo infusio gratiae non includit culpae remissionem. Unde cum ad iustificationem impii, de qua loquimur, sit necessaria culpae remissio, oportet quod connumeretur gratiae infusioni; & sic sunt quatuor quae requiruntur in ipsa iustificatione, scilicet gratiae infusio, culpae remissio, motus liberi arbitrii in Deum, & motus liberi arbitrii in peccatum.

Ad primum ergo dicendum, quod obiectio illa procedit de effectu proportionato causae, qui includitur in ipsa causa; non est autem ita de peccati remissione, ut dictum est.

Ad secundum dicendum, quod peccatum, & gratia non se habent sicut affirmatio, & negatio, vel sicut privatio, & habitus: quia aliquis potest esse gratia destitutus, & tamen non habere peccatum, sicut patet de Adam secundum illos qui dicunt eum non fuisse in gratia creatum, quia peccatum aliquid ponit vel esse, vel fuisse in peccante. Transiente enim actu peccati, adhuc peccatum praecedens manet aliquo modo in ipso peccante, secundum quod ex eo reus apud Deum efficitur, sicut etiam actus meritorii manent, ut supra dist. xiv. dictum est: & ideo ratio non procedit.

ARTICULUS IV.

Utrum culpa remotio naturaliter praecedat gratiae infusionem.

1. **A**d quartum sic proceditur. Videtur quod culpae remotio naturaliter praecedat gratiae infusionem. (a). In Psal. lxi. ubi super illud, *Sic in sanctis apparui tibi*, dicit Glossa (Augustini.) „Nisi quis prius sitiat in isto deserto (id est in malo) in quo est, numquam perveniet ad bonum.“ Ergo remissio mali culpae est prior quam perventio ad bonum gratiae.

2. Praeterea. Remissio culpae, & infusio gratiae se habent sicut illuminatio, & purgatio. Sed purgatio praecedit illuminationem secundum Dionysium (de cal. Hierar. cap.).

(a) Nicolai. Nam super illud Psalm. lxi. &c.

cap. vii.) Ergo & remissio culpæ præcedit gratiæ infusionem.

3. Præterea. In quolibet motu recessus a termino a quo, præcedit accessum ad terminum ad quem, vel tempore, si sit motus successivus, vel saltem natura, si sit mutatio subita. Sed iustificacionis terminus a quo est culpa, terminus ad quem est gratia. Ergo remissio culpæ præcedit infusionem gratiæ.

Sed contra est, quia causa naturaliter præcedit effectum. Sed infusio gratiæ est causa remissionis culpæ, quia infundendo gratiam Deus peccata remittit. Ergo infusio gratiæ præcedit.

Præterea. Ambrosius dicit (II. Lib. de offic. cap. 111. & v.) quod perfecta virtus in animam intrans, iniquitatem tollit. Sed prius est unumquodque naturaliter quam agat. Ergo prius est virtus, & gratia, quam peccatum tollat.

QUAESTIUNCULA II.

1. Ulterius. Videtur quod motus liberi arbitrii præcedat gratiæ infusionem. Quia dispositio præcedit naturaliter perfectionem. Sed motus liberi arbitrii est dispositio ad gratiam. Ergo naturaliter præcedit gratiæ infusionem.

2. Præterea. Gratiæ infusio, & culpæ remissio se concomitantur. Sed motus contritionis, qui est motus liberi arbitrii in peccatum, causat culpæ remissionem. Ergo est prior quam ipsa, & ita prior, quam gratiæ infusio.

3. Præterea. Iustificacio impij, ut ex dictis patet, est culpæ remissio. Ergo illud quod sequitur ad culpæ remissionem, sequitur ad iustificacionem. Sed motus liberi arbitrii non sequitur ad iustificacionem, sed est de essentia. Ergo non sequitur peccati remissionem; & sic idem quod prius.

Sed contra. Motus liberi arbitrii, scilicet contritio, est meritorius. Ergo est informatus gratia. Sed gratia informans alicuius est prior eo, cum sit causa eius. Ergo gratiæ infusio, & culpæ remissio præcedunt motum liberi arbitrii.

Præterea. Actus primus præcedit actum secundum. Sed gratiæ infusio, & culpæ remissio pertinent ad actum primum, qui est forma; motus autem liberi arbitrii sive in Deum, sive in peccatum pertinent ad actum secundum, qui est operatio. Ergo prior est eis gratiæ infusio.

QUAESTIUNCULA III.

1. Ulterius. Videtur quod motus liberi arbitrii in peccatum præcedat motum liberi arbitrii in Deum. Quia motus liberi arbitrii in peccatum maxime videtur ad timorem pertinere. Sed timor præcedit caritatem, ut Augustinus dicit (epist. cxx. cap. xviii.) Ergo & motus liberi arbitrii in peccatum præcedit motum liberi arbitrii in Deum, qui est caritatis.

2. Præterea. Motus liberi arbitrii in peccatum est quasi removens prohibens. Sed non sequitur motus ad terminum debitum, nisi remoto prohibente, sicut patet in motu locali. Ergo motus liberi arbitrii in peccatum præcedit motum liberi arbitrii in Deum quasi in finem debitum.

Sed contra. Motus liberi arbitrii in Deum est motus fidei; motus autem liberi arbitrii in peccatum est motus penitentiae. Sed fides præcedit penitentiae virtutem, sicut supra dictum est. Ergo videtur quod motus liberi arbitrii in Deum sit prior quam motus liberi arbitrii in peccatum.

SOLUTIO I.

Respondeo dicendum ad primam questionem, quod omnis prioritas secundum ordinem naturæ aliquo modo reducitur ad ordinem causæ & causati: quia principium, & causa sunt idem. In causis autem contingit quod idem est causa, & causatum secundum diversum genus causæ, ut patet in II. Physic. (text. xxx.) & in V. Metaph. (text. 11.) sicut ambulatio est causa efficiens sanationis, & sanatio est causa finalis ambulationis: & similiter de habitudine quæ est inter materiam & formam: quia secundum genus causæ materialis materia est causa formæ quasi sustentans ipsam, & forma est causa materiæ quasi faciens eam esse actum secundum genus causæ formalis. Ex parte autem causæ materialis se tenet secundum quandam reductionem omne illud per quod materia efficitur propria huius formæ, sicut dispositiones, & remotiones impedimentorum: & ideo in generatione naturali quando corruptio unius est generatio alterius per hoc quod forma una inducitur, & alia expellitur, remotio formæ præexistens se tenet ex parte causæ materialis: & ideo secundum ordinem causæ materialis præcedit naturaliter introductionem alterius formæ, sed secundum ordinem causæ formalis

lis est e contrario. Et quia forma, & finis, & agens incidunt in idem numero, vel specie, ideo etiam in ordine causæ efficientis introductio formæ prior est: quia forma prior introducta, est similitudo formæ agentis, per quam agens agit: & similiter in ordine causæ finalis: quia natura principaliter intendit introductionem formæ, & ad hanc ordinat expulsionem omnis eius cum quo non potest stare formæ introductio. Unde cum gratiæ infusio, & remissio culpæ, ut ex dictis patet, se habeat sicut introductio unius formæ, & expulsio alterius, constat quod secundum ordinem causæ materialis remissio culpæ præcedit infusionem gratiæ; sed secundum ordinem causæ formalis, efficientis, & finalis, infusio gratiæ natura prior est, & propter hoc etiam utrumque invenitur dici causa alterius. Infusio enim gratiæ est causa remissionis culpæ per modum causæ formalis, sed extirpationis vitiorum dicitur operari virtutum ingressum per modum causæ materialis.

Et per hoc patet responsio ad obiecta.

SOLUTIO II.

Ad secundam questionem dicendum, quod de ordine istorum motuum liberi arbitrii ad gratiæ infusionem, & remissionem culpæ, est multiplex opinio.

Quidam enim dicunt, quod motus prædicti præcedunt; & concedunt quod motus liberi arbitrii in Deum est motus fidei non formate, sed informis; & motus liberi arbitrii in peccatum est motus attritionis, non contritionis: quia omne quod præcedit gratiam, non potest esse per gratiam formatum. Sed hoc non potest esse: quia in ipso motu contritionis iustificatur poenitens, sicut in ipso actu ablutionis baptismalis iustificatur puer baptizatus. Tunc autem aliquis iustificatur quando gratiam recipit: unde simul cum gratiæ infusione, & iustificatione est motus contritionis; sed motus attritionis præcedit quasi præparatorius. Nos autem nunc non loquimur de præparatoriis ad iustificationem, sed de his quæ intrans substantiam ipsius.

Et ideo quidam dicunt, quod gratiæ infusio præcedit motus liberi arbitrii in Deum, & in peccatum, ut possit eos informare; sed culpæ remissio sequitur ad utrumque. Sed hoc non potest esse: quia inter gratiæ infusionem, & culpæ remissionem non cadit medium, quia hoc est eius effectus primus, & principalis. Et præter-

ea sicut ad contritionis motum requiritur quod addit gratia, ita quod absit culpa, quia cum ea esse non potest.

Et ideo alii dicunt, quod gratiæ infusio, & culpæ remissio præcedunt motus prædictos simpliciter. Sed hoc etiam non videtur usquequaque verum: quia illi motus non requirerentur ad iustificationem, nisi aliquam causalitatem haberent respectu illius.

Et ideo dicendum est, quod aliquo modo gratiæ infusio, & culpæ remissio præcedunt; aliquo autem modo prædicti motus: quod patet ex simili in generatione naturali, quæ est terminus alterationis. In eodem enim instanti terminatur alteratio ad dispositionem quæ est necessitas, & generatio ad formam; & tamen secundum ordinem naturæ utrumque est prius altero aliquo modo: quia dispositio quæ est necessitas, præcedit formam secundum ordinem causæ materialis; sed forma est prior secundum ordinem causæ formalis: & secundum hunc modum illa qualitas consummata est etiam formalis effectus formæ substantialis, secundum quod forma substantialis est causa accidentalium: & ideo cum isti motus, qui sunt in ipsa iustificatione impii, sint quasi dispositio ultima ad gratiæ susceptionem suo modo, præcedunt quidem in via causæ materialis, sed sequuntur in via causæ formalis: & ideo nihil prohibet eos esse formatos, quia hoc ad rationem & perfectionem esse formalis pertinet; sicut qualitates quæ introducuntur simul cum forma substantiali, quodammodo formantur per formam substantialem: & sicut qualitas prædicta ante sui consummationem, & formæ introductionem non erat formata, sed informis; ita etiam est de motu liberi arbitrii, si tamen continuatur in fine perficiatur per gratiæ infusionem. Nec est inconveniens: quia etsi sit aliquo modo idem secundum genus naturæ, non tamen est idem secundum genus moris. Contingit enim unum motum secundum genus naturæ esse virtutis, & vitii secundum genus moris, sicut patet de illo qui eundo ad Ecclesiam mutat intentionem de malo in bonum.

Et per hoc patet responsio ad obiecta.

SOLUTIO III.

Ad tertiam questionem dicendum, quod motus liberi arbitrii in Deum, ut ex dictis patet, directe respondet gratiæ infusioni;

ni; motus autem liberi arbitrii in peccatum directe respondet remissioni culpæ: unde eadem ratio est de ordine istorum ad invicem, & de ordine remissionis culpæ ad infusionem gratiæ.

Ad primum ergo dicendum, quod Augustinus loquitur de timore servili, cuius actus non est motus liberi arbitrii qui est simul cum iustificatione: quia timor servilis non est simul cum gratia, qua iste motus informatur: & ideo ratio non est ad propositum.

Ad secundum dicendum, quod ratio illa procedit, quod sit prior in via causæ materialis, ad quam reducitur remotio impedimenti.

Ad tertium dicendum, quod ordo qui attenditur inter virtutes, est secundum quod eliciunt actus suos, quod per modum causæ formalis faciunt: & ideo ratio illa procedit secundum viam causæ formalis.

ARTICULUS V.

Utrum iustificatio impii sit miraculosa.

1. **A**D quantum sic proceditur. Videtur quod iustificatio impii sit miraculosa. Quia, sicut dicit Augustinus (super Ioan. tract. lxxii.) maius est de impio facere pium quam creare calum & terram. Sed creatio cæli & terræ est miraculosa. Ergo & iustificatio impii.

2. Præterea. Quanto est maior resistentia, tanto est difficilior actio. Sed in creatione non est aliqua resistentia: quia quod non est, non potest resistere; in iustificatione autem impii est contrarietas resistens, scilicet impietas inventa in eo. Ergo est difficilior; & sic idem quod prius.

3. Præterea. Omnis actio divina, quæ sit præter ordinem illius rei in quam operatur, est actio miraculosa; sicut præter ordinem cadaveris est quod ad vitam reparetur, & ideo resuscitatio mortui divina virtute facta, est miraculosa. Sed quod voluntas ad aliquid trahatur, contra ordinem ipsius est, in quantum est libera. Cum ergo in iustificatione impii trahatur a Deo ad bonum, videtur quod iustificatio sit miraculosa.

Sed contra. Iustificatio non est præter spem proveniens. Sed hoc est de ratione miraculi. Ergo iustificatio non est miraculosa.

Præterea. Miracula dicuntur quæ raro accidunt. Sed frequenter aliqui iustificantur. Ergo non est miraculosa actio.

S. Th. Oper. Tom. XII.

QUAESTIUNCULA II.

1. Ulterius. Videtur quod infusio gratiæ, & remissio culpæ non sint in eodem instanti. Gratia enim non datur nisi digno. Sed nullus est dignus in quo culpa est. Ergo gratia datur ei a quo culpa iam remota est; & sic non sunt simul.

2. Præterea. Gratia adveniens expellit culpam. Sed nihil agit nisi postquam est. Gratia autem non prius est quam inest. Ergo oportet quod gratia prius sit in subiecto quam culpam expellat; & ita non sunt simul tempore gratiæ infusio, & culpæ remissio.

3. Præterea. Culpa, & gratia non sunt in eodem instanti in anima: quia contraria non sunt simul in eodem. Ergo instanti in quo ultimo est culpa in anima, est aliud ab illo instanti in quo primo est gratia in ipsa. Sed inter quolibet duo instantia est tempus medium. Ergo prius tempore expellitur culpa ab anima quam gratia infundatur.

Sed contra. Inter prius & posterius temporis cadit tempus medium. Sed postquam culpa est expulsa ab anima, non est in ipsa, nec gratia inest antequam infundatur. Ergo si prius tempore culpa expellatur quam gratia infundatur, erit aliquod tempus in quo anima gratia, & culpa carebit; quod est impossibile: quia dato quod in illo tempore moreretur, neque iret ad infernum, neque ad paradysum finaliter; quod est impossibile.

Præterea. Remissio culpæ, & infusio gratiæ se habent in iustificatione sicut introductio formæ, & expulsio alterius in generatione naturali. Sed illa duo sunt in eodem instanti. Ergo & hæc duo. Probatio mediz. Quia terminus cuiuslibet motus est in instanti. Sed utrumque prædictorum est terminus alterationis, ut in Vi. Phys. (text. com. xlv.) dicit Commentator. Ergo sunt in eodem instanti.

QUAESTIUNCULA III.

1. Ulterius. Videtur quod sit successiva. Quia nullus motus est in instanti. Sed in ipsa iustificatione est motus liberi arbitrii. Ergo non est in instanti, sed successiva.

2. Præterea. Sicut intellectus est simplex, ita & liberum arbitrium est simplex. Sed propter simplicitatem intellectus impossibile est simul plura intelligere. Ergo propter simplicitatem liberi arbitrii impossibile est liberum arbitrium simul ferri ad

N n n

diver-

diversa. Ergo, cum in iustificatione impii sit motus liberi arbitrii in Deum, & in peccatum, non erit iustificatio impii in instanti, sed successiva.

3. Præterea. Impossibile est idem simul esse, & non esse. Sed quod fit, non est in permanentibus; quod autem est factum, est in eisdem. Ergo impossibile est simul fieri, & factum esse. Sed iustificatio est quoddam fieri. Ergo impossibile est simul iustificari, & iustificatum esse: ergo iustificatio est successiva: quia inter quodlibet prius & posterius inflans temporis, cadit tempus medium, ut dictum est.

4. Præterea. Formæ quæ suscipiunt magis, & minus, non inducuntur subito in subiectum. Sed gratia suscipit magis, & minus. Ergo successive infunditur in subiecto; & sic iustificatio est successiva.

Sed contra. Efficacior est virtus divina ad agendum quam virtus naturæ. Sed virtute naturæ generatio, qua fit ignis, est in instanti. Ergo multo fortius aliquis fit iustus virtute divina in instanti.

SOLUTIO I.

Respondeo dicendum ad primam questionem, quod de ratione miraculi secundum se sumpti tria sunt: quorum primum est quod illud quod fit per miraculum, sit supra virtutem naturæ creatæ agentis; secundum ut in natura recipiente non sit ordo naturalis ad illius susceptionem, sed solum potentia obedientiæ ad Deum; tertium ut præter modum consuetum tali effectui ipse effectus inducatur. Exemplum primi est de gloria corporum in resurrectione, ad quam natura non attingit: exemplum secundi est de illuminatione cæci, in quo non est potentia naturalis ad suscipiendum visum: exemplum tertii est de conversione aquæ in vinum præter cursum naturæ. Et hæc tria aliquo modo semper concurrunt ad actum miraculosum: quia etsi visiva potentia non excedat vires naturæ absolute loquendo, quia eam per generationem inducit, excedit tamen vires naturæ considerata impotentia recipientis: & si ad sit potentia absolute aliquando, sicut in conversione aquæ in vinum, tamen per comparisonem ad modum fieri, neutrum ad est: & ideo in definitione miraculi ponitur arduum quantum ad primum, præter spem, scilicet naturæ, quantum ad secundum, insolitum quantum ad tertium: & ideo ille effectus qui immediate est a Deo

tantum, & tamen inefficacienti ordo naturalis ad recipiendum illum effectum, non per alium modum quam per istum, non erit miraculosus, sicut patet de infusione animæ rationalis. Et similiter est de iustificatione impii: quia ordo naturalis inefficacienti ad iustitiæ reſtitutionem consequendam: nec alio modo eam consequi potest quam a Deo immediate: & ideo iustificationis impii de se non est miraculosa; sed potest habere aliquid miraculosum adiunctum, quod iustificationi viam parat.

Ad primum ergo dicendum, quod verbum Augustini intelligendum est quantum ad id quod fit: quia in creatione sit res secundum esse naturæ, quod est minus quam esse gratiæ, quod datur in iustificatione: sed quantum ad modum faciendi difficilior est creationis actus, quia potentiam non præsupponit: & tamen de creatione quidam dicunt, quod non est miraculosa, eo quod non est alius modus producendi illas res in esse.

Ad secundum dicendum, quod contrarium inventum in subiecto resistit actioni dupliciter. Uno modo inquantum agit in ipsum agentem, quod patet in mutuo agentibus, & patientibus: alio modo impedimentum præstando in ipso susceptibili ad receptionem formæ. Primo modo non potest esse aliqua resistentia ad divinam actionem: quia ipse est agens nullo modo patiens, & ideo resistentia in actione eius non est nisi ex parte effectus recipientis; contrarium autem impedit ne suum contrarium in subiectum recipiatur formaliter, non active, inquantum scilicet facit potentiam non esse propriam illi formæ. Unde patet quod plus resistit isto modo illud quod omnino subtrahit potentiam, quam quod posita potentia facit eam non esse propriam: & ideo difficilior est aliquid facere ex nihilo quam ex contrario. Hoc autem potest natura, primum autem non potest.

Ad tertium dicendum, quod voluntas non trahitur in inflicationem per modum coactionis, sed ut libere velit illud ad quod Deus eam movet.

SOLUTIO II.

Ad secundam questionem dicendum, quod expulso formæ dicit terminum motus illius qui est ad corruptionem ordinatus, & introductio formæ dicit similiter terminum motus illius qui præcedit generationem: quia tam generatio quam corruptio

ruptio sunt termini motus. Omne autem quod movetur, quando est in termino motus, disponitur secundum illud ad quod motus ordinatur: & ideo cum motus corruptionis tendat in non esse, generationis vero ad esse; quando forma introducit, forma est, quando autem expellitur, non est. Et quia introduci dicitur forma, quando primo est; expelli autem, quando primo non est; non potest esse materia sine forma hac, vel illa: & ideo simul est ibi expellitio unius formæ, & introductio alterius. Cum ergo similiter anima non possit esse sine culpa, vel gratia; simul est infusio gratiæ, & remissio culpæ.

Ad primum ergo dicendum, quod sicut albedo numquam est in non albo, quia sua præsentia facit album; ita gratia numquam est in indigno, quia sua præsentia facit dignum: & propter hoc non oportet quod prius sit dignus quam gratiam habeat.

Ad secundum dicendum, quod gratia non agit ad destructionem culpæ per modum causæ efficientis, sed per modum causæ formalis, quæ simul est cum suo effectu formali, qui est esse hoc, & non esse contrarium.

Ad tertium dicendum, quod quamvis anima secundum se sit supra tempus, ut dicitur in Lib. de causis (præposit. 11.) tamen actus eius per accidens mensuratur tempore, quod est mensura primi motus, inquantum scilicet motus animæ intellectivæ habent connexionem cum motibus animæ sensitivæ, qui exercentur corporalibus organis, & dependent quodammodo ex eis. Unde non videtur dicendum, quod eius alterationes secundum vitam quam nunc agit, alio tempore mensurentur quam illo quod mensurat motum cæli, sicut dicebatur in 1. Lib. de motu Angel. dist. xxxvii. (quæst. 1. art. 3.) & propter hoc inter quodlibet instans sui temporis, & aliud instans est accipere tempus medium. Et ideo dicendum est, quod non est assignare ultimum instans in quo est culpa, sed primum in quo non est; sed est assignare primum instans in quo est gratia: & quomodo hoc sit verum, patet ex his quæ dicta sunt supra dist. xi. (quæst. 1. art. 3. quæst. 2.) de transubstantiatione panis in corpus Christi.

SOLUTIO III.

Ad tertiam quæstionem dicendum, quod triplex est modus formarum. Quædam e-

nim formæ sunt quæ recipiunt magis & minus secundum elongationem a contrario, & secundum accessum ad causam propriam, sicut albedo: & ideo talis forma etiam successive in subiecto recipitur, & postquam recepta est, intenditur, & remittitur. Quædam autem forma est quæ non recipit magis nec minus, neque sic, neque sic: quia (a) introductio eius est in indivisibili, sicut forma substantialis: & talis forma neque recipitur successive in subiecto, neque intenditur, neque remittitur postquam suscepta fuerit. Quædam autem forma medio modo se habet: quia non recipit magis aut minus secundum elongationem a contrario, eo quod nullo modo suo contrario commiscibilis est; & in hoc convenit cum forma substantiali; sed tamen suscipit magis & minus secundum accessum ad suam causam, sicut patet de luce: & ideo talis forma non recipitur successive in subiecto, sicut nec forma substantialis; sed tamen postquam inest, potest intendi, & remitti, sicut forma accidentaliter contrarium habens: & talis forma est gratia, quia nullam commixtionem patitur cum suo opposito, eo quod suum oppositum magis habet naturam privationis quam alicuius positionis, sicut & tenebra: & ideo oportet quod recipiatur subito in subiecto; & tamen potest intendi, & remitti secundum accessum ad causam gratiæ: & ideo sicut in instanti est introductio formæ substantialis in materiam, & in eodem instanti expulsiō alterius formæ, & in eodem instanti completa dispositio, quæ est necessitas ad formam, & per se terminus alterationis; ita infusio gratiæ est in instanti, & in eodem instanti est remissio culpæ, & motus liberi arbitrii, qui est quasi dispositio completa ad suscipiendam gratiam; & sic totum quod ad iustificationem requiritur, est in instanti: unde iustificatio non est successiva, sed subita.

Ad primum ergo dicendum, quod motus dupliciter dicitur, ut patet in III. de Anima (text. com. xxviii.) Est enim quidam motus qui est actus imperfecti, qui est exitus de potentia in actum; & talis oportet quod sit successivus, quia semper expectat aliquid in futurum ad perfectionem suæ speciei, eo quod pars motus est alterius speciei a toto motu, ut dicitur in X. Ethic. (cap. 11. vel 14.) sicut patet in alteratione de motu qui est ad albedi-

Non 2 nem,

nem, cuius pars est motus ad medium colorem specie differens, si divisim accipiat. Alius motus est actus perfecti, qui magis operatio dicitur, qui non expectat aliquid in futurum ad complementum suae speciei, sicut sentire; & talis motus non est successivus, sed subitus; & si contingat quod talis motus sit in tempore, hoc erit per accidens, quia mensuratur in quolibet instanti illius temporis in quo dicitur esse, sicut esse hominem, in tempore est, & in instanti: & talis motus est motus liberi arbitrii, de quo loquimur: & ideo est in instanti. Secus autem esset, si esset motus collativus: quia tunc non posset esse in instanti propter discursum de uno in aliud.

Ad secundum dicendum, quod intelligitur quando intelligit aliquid in ordine ad aliud, intelligit utrumque. Non tamen sequitur quod plura intelligat, quia intelligit ea ut unum, sicut intelligit relationem unius ad alterum. Similiter etiam liberum arbitrium potest simul moveri in diversa, ita quod in unum per ordinem ad aliud; & propter hoc motus virtutis imperatæ est simul cum motu virtutis imperantis, quia motus virtutis imperatæ ordinatur ad finem virtutis imperantis; sicut qui vult sustinere mortem propter Deum, simul movetur liberum arbitrium eius motu fortitudinis, & motu caritatis, qui actum fortitudinis imperat. Unde cum motus liberi arbitrii in peccatum elicitur a poenitentia, imperatus a caritate sit, quia propter Deum detestatur quis peccatum quod commisit, simul uterque motus esse potest.

Ad tertium dicendum, quod in mutationibus quæ sunt termini motus, idem secundum rem est fieri, & factum esse, sicut terminari, & terminatum esse: sed diversimode significatur in fieri, scilicet secundum respectum ad motum præcedentem, cuius est terminus in facto esse secundum se: & ideo non sequitur quod simul sit, & non sit, sed quod habeat esse post non esse.

Ad quartum patet solutio ex prædictis.

QUAESTIO II.

DEinde queritur de contritione: & circa hoc queruntur quinque.

Primo. Quid sit.

Secundo. De quo esse debeat.

Tertio. Quanta esse debeat.

Quarto. De duratione ipsius.

Quinto. De effectu eius.

ARTICULUS I.

Utrum contritio sit dolor pro peccatis assumptis cum proposito confitendi, & satisfaciendi.

AD primum sic proceditur. Videtur quod contritio non sit dolor pro peccatis assumptis cum proposito confitendi, & satisfaciendi, ut quidam diffiniunt. Dolor enim in hoc a timore differt quod dolor est de malo præsentis, timor de malo futuro. Sed peccata, de quibus homo contritetur, non sunt quando est contritio, ut ex dictis patet. Ergo de eis non potest esse dolor.

2. Præterea. Secundum Augustinum in Lib. de Civ. Dei (XXI. cap. III.) dolor est de his quæ nobis volentibus accident. Sed peccata non sunt volentibus accident. Ergo &c.

3. Præterea. Si dolor de peccatis præteritis, aut vult ea non esse, aut non fuisse. Si vult ea non esse, & iam non sunt; ergo habet quod vult, ergo magis gaudium est quam dolor. Si autem vult ea non fuisse, hoc autem est impossibile, quia quod factum est non potest non fuisse; ergo voluntas sua stulta est; quod non est dicendum de contrito: quia nullus qui secundum virtutem operatur, est stultus, ut dicitur in IV. Ethic. (cap. VII. vel VIII.) ergo contritio nullo modo est dolor.

4. Præterea. Sicut in contritione requiritur dolor, ita & pudor, & etiam gaudium. Ergo non magis debet dici dolor quam gaudium, vel pudor.

5. Præterea. Contritio omnia peccata sanat. Sed contraria contrariis sanantur. Ergo contritio debet esse contraria omnibus peccatis. Sed quædam peccata sunt dolores, sicut invidia, & accidia. Ergo contritio non est dolor.

6. Præterea. Contritio nobis a Deo datur. Sed quod datur, non assumitur. Ergo contritio non est dolor assumptus.

7. Præterea. Quandoque contritio sequitur confessionem. Sed ille qui nunc est confessus de peccato uno, non tenetur iterum confiteri, ut infra dicitur dist. XXI. (quæst. I. art. 4.) Ergo non oportet in contritione esse propositum confitendi.

8. Præterea. Satisfactio, & confessio sunt necessaria ad hoc quod poena remittatur, quæ in contritione remissa non fuit. Sed quandoque tota in contritione remittitur. Ergo non est necessarium semper quod con-

tri-

tritius habeat propositum confitendi, & satisfaciendi.

QUAESTIUNCULA II.

1. Uterius. Videtur quod contritio non sit actus virtutis. Passiones enim non sunt actus virtutum: quia eis non laudamur, neque vituperamur, sicut dicitur in II. Ethic. (cap. v.) Sed dolor est passio. Cum ergo contritio sit dolor, videtur quod non sit actus virtutis.

2. Præterea. Omnis actus virtutis est ab eo qui habet virtutem. Sed contritio non significatur ut procedens a contrito, sed magis ut in ipsum ab alio effectu procedit; & similiter compunctio secundum quod alio nomine dicitur. Ergo contritio non est actus virtutis.

3. Præterea. Sicut contritio dicitur a terendo, ita & attritio. Sed attritio non est actus virtutis, ut ab omnibus dicitur. Ergo nec contritio.

4. Præterea. Actus virtutum sunt secundum omne tempus eodem modo, eo quod sunt de lege naturali. Sed contritio non videtur quod semper sit eodem modo in veteri, & nova lege: quia nec confessio, nec satisfactio, contra quæ dividitur. Ergo contritio non est actus virtutis.

Sed contra. Nihil est meritorium nisi actus virtutis. Sed contritio est actus quidam meritorius. Ergo est actus virtutis.

Præterea. Sicut ad virtutem pertinet facere bonum, ita declinare a malo, eo quod utrumque est iustitiæ generalis pars, quæ est omnis virtus. Sed declinamus a malo per contritionem. Ergo contritio est actus virtutis, sicut actus quibus aliquid boni facimus.

QUAESTIUNCULA III.

1. Uterius. Videtur quod attritio possit fieri contritio. Differt enim contritio ab attritione, sicut formatum ab informi. Sed fides informis fit formata. Ergo attritio potest fieri contritio.

2. Præterea. Materia recipit perfectionem remota privatione. Sed dolor se habet ad gratiam, sicut materia ad formam: quia gratia informat dolorem. Ergo dolor qui prius erat informis, culpa existente, quæ est privatio gratiæ, remota culpa recipiet perfectionem informationis a gratia; & sic idem quod prius.

3. Præterea. Illud quod totum esse suæ speciei habet in instanti, manet idem in

diversis instantibus temporis, sicut esse hominem est idem in primo instanti generationis, & in omnibus sequentibus. Sed motus liberi arbitrii est huiusmodi, ut supra dictum est. Ergo potest manere idem in diversis instantibus temporis: ergo est idem numero cum gratia, & sine gratia: & sic videtur quod ille motus liberi arbitrii qui prius erat informis, postea possit esse formatus, & sic attritio fiet contritio.

Sed contra. Quorum principia sunt diversa omnino, eorum non potest fieri eundem id quod est alterum. Sed attritionis principium est timor servilis, contritionis autem timor initialis. Ergo attritio non potest fieri contritio.

Præterea. Naturalia non sunt gratuita secundum communem opinionem. Sed naturale dicitur quod est ante gratiam; & sic attritio inter naturalia computabitur. Ergo non potest fieri contritio, cum sit gratuitum bonum.

SOLUTIO I.

Respondeo dicendum ad primam questionem, quod initium omnis peccati est superbia, per quam homo sensui suo inhærens, a mandatis divinis recedit: & ideo oportet quod illud quod destruit peccatum, hominem a sensu suo discedere faciat. Ille autem qui in sensu suo perseverat, rigidus, & durus per similitudinem vocatur: unde & frangi aliquis dicitur, quando a sensu suo divellitur. Sed inter fractionem & comminutionem, sive contritionem in rebus materialibus, unde hæc nomina ad spiritualia transferuntur, hoc interest, ut dicitur in IV. Meteor. (cap. ix.) quod frangi dicuntur aliqua, quando in magnas partes dividuntur; sed comminui, vel conteri, quando ad partes minimas reducitur hoc quod in se solidum erat. Et quia ad dimissionem peccati requiritur quod homo totaliter affectum peccati dimittat, per quem quandam continuitatem, & soliditatem in sensu suo habebat; ideo actus ille quo peccatum remittitur, contritio dicitur per similitudinem. In qua quidem contritione plura possunt considerari, scilicet ipsa substantia actus, modus agendi, principium, & effectus; & secundum hoc de contritione inveniuntur diversæ definitiones traditæ. Quantum enim ad ipsam substantiam actus datur prædicta definitio. Et quia actus contritionis est actus virtutis, & est pars penitentis sacramenti, ideo manifestatur in

prædicta diffinitione inquantum est actus virtutis, per hoc quod ponitur genus ipsius, scilicet *dolor*, & obiectum in hoc quod dicit, *pro peccatis*, & electio quæ requiritur ad actum virtutis in hoc quod dicit, *assumptus*; sed inquantum est pars sacramenti, per hoc quod tangitur ordo ipsius ad alias partes, cum dicit, *cum proposito confitendi* &c. Alia etiam diffinitio invenitur, quæ diffinit contritionem secundum quod est actus virtutis tantum; sed additur ad prædictam diffinitionem differentia contrahens ipsum ad specialem virtutem, scilicet poenitentiam: dicit enim, quod poenitentia est *dolor voluntarius, semper pro peccato puniens quod dolet commississe*. In hoc enim quod additur punitio, ad specialem virtutem contrahitur, & de virtute huius supra dist. xiv. (quæst. i. art. i. quæstionc. 3.) dictum est: quia ibi est posita quasi similis diffinitio de poenitentia, cui præcipue competit ratio contritionis. Alia autem diffinitio invenitur Ildori (Lib. II. de sum. bono cap. xii.) quæ talis est. *Contritio est compunctio, & humilitas mentis cum lacrymis, veniens de recordatione peccati, & timore iudicii*: & hæc quidem tangit rationem nominis in hoc quod dicit, *Humilitas mentis*: quia sicut per superbiam aliquis in sensu suorigitur dicitur, ita per hoc quod a sensu suo contritus recedit, humiliatur. Tangit etiam modum exteriorum in hoc quod dicit, *Cum lacrymis*; & principium contritionis in hoc quod dicit: *Veniens de recordatione peccati, & timore iudicii*. Alia sumitur ex verbis Augustini (in Psal. lxxiii.) quæ tangit effectum contritionis, scilicet *Contritio est dolor revolvens peccatum*. Alia sumitur ex verbis Gregorii (Lib. VIII. Moral. cap. xvi.) quæ talis est. *Contritio est humilitas spiritus annihilans peccatum, inter spem & timorem*: & hæc tangit rationem nominis in hoc quod dicit, quod contritio est *humilitas spiritus*; & effectus eius, in hoc quod dicit, *annihilans peccatum*; & originem in hoc quod dicit, *inter spem & timorem*: nec solum ponit causam principalem, quæ est timor, sed etiam secundariam quæ est spes, sine qua timor desperationem facere posset.

Ad primum ergo dicendum, quod dolor non est nisi de eo quod aliquo modo præsens est. Peccatum autem præteritum, etsi non sit præsens, est tamen præsens quantum ad aliquem effectum eius, vel dispositionem ad peccandum, vel reatum, aut

maculam, vel etiam damnum temporis: quod aliquo modo non potest recuperari etiam poenitentia perfecta, vel etiam amissionem dignitatis innocentie, ad quam numquam redire potest, per quam dicere potuisset: *Non reprehendis me cor meum in omni vita mea*: Job xxvii. 6. Vel dicendum, quod peccatum præteritum dolorem exciatur, inquantum præsentiaiter in memoria manet, sicut etiam memorando (a) præterita tristia, sic eis afflicimur si præsentia essent. Potest etiam dici, quod sicut memoria, quæ est in intellectu parte, non est tantum præteritorum, sed etiam præsentium, ut in I. Lib. dist. rrr. (quæst. i. art. 4.) dictum est, quamvis memoria quæ est sensitivæ partis, sit tantum præteritorum; ita dolor, qui est in appetitu intellectivæ partis, potest esse & præteritorum, & præsentium, quamvis dolor sensitivæ partis tantum sit præsentium, eo quod intellectus abstrahit a qualibet temporis differentia, sicut & ab aliis conditionibus materialibus quas sensus concernit.

Ad secundum dicendum, quod quamvis peccata, quando acciderunt, voluntaria fuerunt, tamen quando de eis conterimur, voluntaria non sunt; & ideo nobis nolentibus acciderunt, non quidem secundum voluntatem quam habuimus, cum ea volebamus, sed secundum illam quam nunc habemus, qua vellemus ut numquam fuissent.

Ad tertium dicendum, quod quamvis voluntas completa non possit esse alicuius sapientis de impossibili, tamen voluntas conditionata, quæ & velleitas dicitur, esse potest de impossibilibus; qua etiam sapiens vellet quod impossibile est, si possibile foret: & ista voluntas sufficit ad dolorem causandum, & præcipue quando impossibilitas obtinendi quod volumus, ex nobis provenit: & sic est in proposito.

Ad quartum dicendum, quod quamvis sit in contritione gaudium, & pudor, tamen gaudium non respicit directè peccatum, sed magis gratiam recuperatam, vel etiam ipsum dolorem, per quem gratia recuperatur. Similiter pudor respicit effectum peccati, qui est ingloriatio, quia verecundia secundum Philosophum est timor ingloriationis; sed dolor directè ipsum peccatum respicit: & ideo contritio, quæ ad deletionem peccati ordinatur, magis dicitur dolor quam aliquid supradictorum.

Ad quintum dicendum, quod dolor non

solum

(a) Ad præterita, tristitia eis afflicimur.

solum opponitur gaudium secundum genus, sed etiam opponitur specialiter dolor de bono dolori de malo, sicut gaudium de bono gaudio de malo: unde etiam aliquando aliquis dolet se prius doluisse: & secundum hoc contritio, quamvis sit dolor, potest sanare peccata quæ in dolore consistunt. Vel dicendum, quod quamvis aliqua peccata in dolore consistant, tamen illius doloris causa est delectatio, vel amor illicitus: & secundum hoc dolore quasi contrario sanari possunt.

Ad sextum dicendum, quod contritio est a Deo solo quantum ad formam qua informatur, sed quantum ad substantiam a se est ex libero arbitrio, & a Deo, qui operatur in omnibus operibus & naturæ, & voluntatis.

Ad septimum dicendum, quod contritio naturaliter præcedit confessionem; sed quod aliquando sequatur, est per accidens ex defectu poenitentis; & tamen tunc etiam debet habere propositum confitendi, si aliquid memoriæ occurrat quod confessus non sit.

Ad octavum dicendum, quod quamvis tota poena possit per contritionem dimitti, tamen adhuc necessaria est confessio, & satisfactio: tum quia homo non potest esse certus de sua contritione, quod fuerit ad totum tollendum sufficiens: tum quia confessio, & satisfactio sunt in præcepto: unde transgressor constitueretur, si non confiteretur, & satisfaceret.

SOLUTIO II.

Ad secundam questionem dicendum, quod contritio secundum proprietatem sui nominis non significat actum virtutis, sed magis quamdam corporalem passionem. Sed hic non queritur sic de contritione, sed de eo ad quod significandum hoc nomen per similitudinem adaptatur. Sicut enim inflatio propriæ voluntatis ad malum faciendum importat, quantum est de se, malum ex genere; ita illius voluntatis annihilatio, & comminutio quædam de se importat bonum ex genere: quia hoc est delectari propriam voluntatem, qua peccatum commissum est: & ideo contritio, quæ hoc significat, importat aliquam rectitudinem voluntatis: & propter hoc est actus virtutis illius cuius est peccatum præteritum detestari, & destruere, scilicet poenitentia, ut patet ex his quæ in xiv. dist. (quæst. 1. art. 1. quæstione 3.) dicta sunt.

Ad primum ergo dicendum, quod in

contritione est duplex dolor de peccato. Unus in parte sensitiva, qui passio est; & hic non est essentialiter contritio, prout est actus virtutis, sed magis effectus ipsius. Sicut enim poenitentia virtus exteriorem poenam suo corpori infligit ad recompensandum offensam quæ in Deum commissæ est officio membrorum; ita etiam & ipsi concupiscibili poenam infert doloris prædicti, quia ipsa etiam ad peccatum cooperabatur. Sed tamen hic dolor potest pertinere ad contritionem, inquantum est pars sacramenti, quia sacramenta non solum in interioribus actibus, sed etiam in exterioribus, & in rebus sensibilibus nata sunt esse. Alius dolor est in voluntate, qui nihil aliud est quam displicentia alicuius mali, secundum quod affectus voluntatis nominantur per nomina passionum, ut in III. Lib. dist. xxvi. (quæst. 1. art. 5. in corp.) dictum est; & sic contritio est dolor per essentiam, & est actus virtutis poenitentia.

Ad secundum dicendum, quod contritio passive accepta, de ratione sui dicitur passionem alicui corpori inhaerentem; sed quod ab alio sit infligenda, hoc non dicitur ex ratione sui nominis, sed ex consequenti, scilicet ex natura patientis, quod non est natum in seipsum agere: & ideo quando transfertur ad actum voluntatis, quæ seipsam nata est movere, salvatur ibi similitudo & actionis, & passionis in ipsa voluntate. Inquantum enim ille rigor quo propria voluntatem quis secutus est, dissolvitur, sic ipse voluntatis quasi quædam passio est contritio; inquantum autem non alio cogente, sed sua sponte hoc accidit, seipsam conterere dicitur.

Ad tertium dicendum, quod attritio non dicitur accessum ad perfectam contritionem: unde in corporalibus dicuntur attrita quæ aliquo modo sunt comminuta, sed non perfectæ: sed contritio dicitur quando omnes partes trita sunt simul per divisionem ad minima: & ideo significat attritio in spiritalibus quamdam displicentiam de peccatis commissis, sed non perfectam; contritio autem perfectam.

Ad quartum dicendum, quod contritio secundum quod in se consideratur, fuit semper eodem modo in qualibet lege. Sicut enim futurum peccatum semper oportet vitare, ita semper & de commissio dolore. Sed secundum quod importat ordinem ad alias poenitentia partes, non semper fuit eodem modo, eo quod alia partes eodem modo

modo non semper fuerunt: unde non oportet quod semper eodem modo fuerit propositum confitendi, & satisfaciendi, quod in distinctione contritionis ponitur.

SOLUTIO III.

Ad tertiam questionem dicendum, quod super hoc est duplex opinio. Quidam enim dicunt, quod attritio fit contritio, sicut fides informis fit formata. Sed hoc, ut videtur, non potest esse: quia quamvis habitus fidei informis fiat formatus, numquam tamen actus fidei informis fit actus fidei formatus: quia actus ille informis transit, & non manet veniente caritate. Attritio autem, & contritio non dicuntur habitum, sed actum tantum: habitus enim virtutum infusarum, qui voluntatem respiciunt non possunt esse informes, cum caritatem consequantur, ut in III. Libro (dist. xxii. quæst. i. art. 1. quæstiunc. 1.) dictum est. Unde antequam gratia infundatur, non est habitus, a quo actus contritionis postea elicitur: & sic nullo modo attritio potest fieri contritio; & hoc alia opinio dicit.

Ad primum ergo dicendum, quod non est simile de fide, & contritione, ut dictum est.

Ad secundum dicendum, quod remota privatione a materia quæ manet perfectione adveniente, formatur materia illa; sed dolor ille qui erat informis, non manet caritate adveniente; & ideo formari non potest. Vel dicendum, quod materię essentia non habet originem a forma, sicut actus habet originem ab habitu quo formatur: unde non est inconveniens materiam informari aliqua forma de novo, quæ prius non informabatur; sed hoc de actu est impossibile, sicut impossibile est quod aliquid idem numero oriatur a principio a quo prius non oriebatur: quia res semel tantum in esse procedit.

Ad tertium dicendum, quod quamvis motus intellectus, & voluntatis habeat totam suam speciem in uno instanti, sicut res permanens, tamen secundum accidens mensuratur tempore, secundum quod causę suę variabiles sunt per tempus. Sic enim esse hominem, quod est in instanti, tempore mensuratur, & quamdiu causę esse hominis manent eadem, & ipsum esse manet; sed mutatis causis, mixtatur illud esse priori destructo: quia generatio unius est, corruptio alterius. Et similiter ipsa dispositio voluntatis quæ talem actum causabat, mu-

tatur, & transit, & actus ille idem non manet, nec semel transiens potest iterum resumere.

ARTICULUS II.

Utrum homo debeat conteri de peccatis, non solum de culpis.

1. **A**D secundum sic proceditur. Videtur quod homo debeat conteri de peccatis, non solum de culpis. Augustinus enim in Lib. de penitentia (hom. ult. ex quinquaginta) dicit: *Nemo vitam eternam desiderat, nisi eum huius vite mortalis peniteat.* Sed mortalitas vite quædam pœna est. Ergo debet penitens etiam de penis conteri.

2. Præterea. Supra habitum est ex verbis Augustini, quod penitens debet dolere ex hoc quod virtute se privavit. Sed privatio virtutis quædam pœna est. Ergo contritio est dolor etiam de penis.

Sed contra. Nullus tenet id de quo dolet. Sed penitens secundum suum nomen pœnam tenet. Ergo non dolet de pœna; & sic contritio, quæ est dolor penitentialis, non est de pœna.

QUAESTIUNCULA II.

1. Ulterius. Videtur quod contritio esse debeat de originali. De peccato enim actuali conteri debemus, non ratione actus in quantum est ens quoddam, sed ratione deformitatis, quia actus secundum suam substantiam bonum quoddam est a Deo. Sed peccatum originale habet deformitatem, sicut & actuale. Ergo etiam de eo conteri debemus.

2. Præterea. Per peccatum originale homo fuit a Deo aversus, quia pœna eius erat carentia divinæ visionis. Sed cuilibet debet displicere se fuisse a Deo aversum. Ergo homo debet habere displicentiam peccati originalis, & sic debet de ipso conteri.

Sed contra. Medicina debet esse proportionata morbo. Sed peccatum originale sine nostra voluntate contractum est. Ergo non requiritur quod per actum voluntatis, qui est contritio, ab ipso purgemur.

QUAESTIUNCULA III.

1. Ulterius. Videtur quod non de omni actuali peccato commissio a nobis debeamus conteri. Quia contraria contrariis curantur. Sed quædam peccata per tristitiam committuntur, sicut acidia, & invidia. Ergo me-

medicina eorum non debet esse tristitia, quæ est contritio, sed gaudium.

2. Præterea. Contritio est actus voluntatis, qui non potest esse de eo quod cognitioni non subiacet. Sed quædam peccata sunt quæ in cognitione non habemus, sicut oblita. Ergo de eis non potest esse contritio.

3. Præterea. Per voluntariam contritionem delentur illa quæ per voluntatem committuntur. Sed ignorantia voluntarium tollit, ut pater per Philosophum in III. Ethic. (cap. 11. vel 111.) Ergo de eis quæ per ignorantiam accidunt, non debet esse contritio.

4. Præterea. De illo peccato non debet esse contritio quod per contritionem non tollitur. Sed quædam peccata sunt quæ non tolluntur per contritionem, scilicet venialia, quæ adhuc post contritionis gratiam manent. Ergo non de omnibus peccatis præteritis debet esse contritio.

Sed contra. Pœnitentia est medicina contra omnia peccata actualia. Sed pœnitentia non est aliquorum quorum non sit contritio, quæ est prima pars eius. Ergo & de omnibus peccatis debet esse contritio.

Præterea. Nullum peccatum remittitur, nisi quis iustificetur. Sed ad iustificationem requiritur contritio, ut prius dictum est. Ergo de quolibet peccato conteri oportet.

QUAESTIUNCULA IV.

1. Uterius. Videtur quod etiam de peccatis futuris aliquis debeat conteri. Contritio enim est actus liberi arbitrii. Sed liberum arbitrium magis se extendit ad futura quam ad præterita: quia electio, quæ est actus liberi arbitrii, est de contingentibus futuris, ut dicitur in III. Ethic. (cap. v. vel vii.) Ergo contritio est magis de peccatis futuris quam de præteritis.

2. Præterea. Peccatum aggravatur ex consequenti effectu. Unde Hieronymus dicit, * quod pœna Arii nondum est determinata, quia adhuc est possibile aliquos per eius hæresim corrumpere, quibus corrumpentibus semper eius pœna augetur: & similiter est de illo qui iudicatur homicida, si letaliter percussit, etiam antequam percussus moriatur. Sed in illo intermedio debet peccator conteri de peccato. Ergo non solum secundum quod habet quantitatem ex præterito actu, sed etiam secundum quod

S. Th. Oper. Tom. XII.

habet quantitatem ex futuro; & sic contritio respicit futurum.

Sed contra. Contritio est pars pœnitentiae. Sed pœnitentia semper respicit præteritum. Ergo & contritio, & sic non est de peccato futuro.

QUAESTIUNCULA V.

1. Uterius. Videtur quod homo debeat conteri de peccato alieno. Non enim petit aliquis indulgentiam nisi de peccato de quo contritus est. Sed de peccatis alienis indulgentia petitur in Psal. xviii. 23. *Ab alienis parce servo tuo*. Ergo debet homo conteri de peccatis alienis.

2. Præterea. Homo ex caritate tenetur diligere proximum sicut seipsum. Sed propter dilectionem sui & de malis suis dolere, & bona desiderare. Ergo cum teneamur proximo desiderare bona gratiæ, sicut & nobis, videtur quod debeamus de culpa eius dolere, sicut & de nostris. Sed contritio nihil aliud est quam dolor de peccatis. Ergo homo debet conteri de peccatis alienis.

Sed contra. Contritio actus pœnitentiæ virtutis est. Sed nullus pœnitet nisi de his quæ ipse fecit. Ergo nullus conteritur de peccatis alienis.

QUAESTIUNCULA VI.

1. Uterius. Videtur quod non requiratur de singulis peccatis mortalibus contritio. Est enim motus contritionis in iustificatione in instanti. Sed in instanti non potest homo recogitare singula peccata. Ergo non oportet quod sit contritio de singulis.

2. Præterea. Contritio debet esse de peccatis secundum quod avertuntur a Deo: quia conversio ad creaturam sine averfione a Deo contritionem non requirit. Sed omnia peccata mortalia conveniunt in averfione. Ergo contra omnia sufficit una contritio.

3. Præterea. Plus conveniunt peccata mortalia actualia ad invicem, quam actualia, & originale. Sed unus baptismus delet omnia actualia, & originale. Ergo una contritio generalis delet omnia peccata mortalia.

Sed contra. Diverforum morborum diverse sunt medicinæ: quia non sanat oculum quod sanat calcaneum, ut Hieronymus dicit **. Sed contritio est medicina singu-

Ooo laris

E X E D I T . P . N I C O L A I .

* Apud Hieronymum hoc non occurrat. ** Sive alius Auctor qui sub eius nomine perperam circumferat, in Marcel cap. 12.

laris contra unum tantum mortale. Ergo non sufficit una communis de omnibus.

Præterea. Contritio per confessionem explicatur. Sed oportet singula peccata mortalia confiteri. Ergo & de singulis conteri.

SOLUTIO I.

Respondeo dicendum ad primam questionem, quod contritio importat, ut dictum est, alicuius & duri, & integri comminutionem. Hæc autem integritas, & duritia invenitur in malo culpæ: quia voluntas, quæ est ipsius causa, in eo qui male agit, in suis terminis stat, nec præcepto legis cedit: & ideo huius mali displicentia contritio per similitudinem dicitur. Hæc autem similitudo non potest adaptari ad malum pænæ, quia pænâ simpliciter diminutionem dicit: & ideo de malis pænæ potest esse dolor, sed non contritio.

Ad primum ergo dicendum, quod pœnitentia, secundum Augustinum, debet esse de hac vita mortali, non ratione ipsius mortalitatis, nisi pœnitentia large dicatur omnis dolor: sed ratione peccatorum ad quæ ex infirmitate huius vitæ deducimur.

Ad secundum dicendum, quod ille dolor quo quis dolet de amissione virtutis per peccatum, non est essentialiter ipsa contritio, sed est principium eius, sicut cum aliquis movetur ad dolendum de aliquo propter malum quod inde consecutum est.

SOLUTIO II.

Ad secundam questionem dicendum, quod contritio, ut dictum est, est dolor respiciens, & quodammodo comminuens voluntatis duritiam: & ideo de illis solis peccatis esse potest quæ ex duritia nostræ voluntatis in nos proveniunt. Et quia peccatum originale non nostræ voluntate inductum est, sed ex vitia nature origine contractum; ideo de ipso non potest esse contritio, proprie loquendo; sed displicentia potest esse de eo, vel dolor.

Ad primum ergo dicendum, quod contritio non est de peccato ratione substantiæ actus tantum, quia ex hoc non habet rationem mali; neque iterum ratione deformitatis tantum, quia deformitas de se non dicit rationem culpæ, sed quandoque importat penam. Debet autem de peccato esse contritio, in quantum importat utramque deformitatem ex actu voluntatis provenientem; & hoc non est in peccato originali: & ideo de eo non est contritio.

Similiter dicendum ad secundum: quia

aversio voluntatis est illa cui debetur contritio.

SOLUTIO III.

Ad tertiam questionem dicendum, quod omnis actualis culpa ex hoc contingit quod voluntas nostra legi Dei non cedit, vel eam transgrediendo, vel omitendo, vel præter eam agendo. Et quia durum est quod habet potentiam ut non facile patiatur, ideo in omni actuali peccato duritia quædam est voluntatis; & propter hoc si debeat peccatum curari, oportet quod per contritionem communem remittatur.

Ad primum ergo dicendum, quod, sicut ex dictis patet, contritio opponitur peccato ex parte illa qua ex electione voluntatis procedit non sequentis imperium divinæ legis, non autem ex parte eius quod est in peccato materiale, & hoc est super quod cadit electio. Cadit autem voluntatis electio non solum super actus aliarum virium, quibus voluntas ad suum finem utitur, sed etiam super actum proprium ipsius. Voluntas enim vult se velle aliquid: & sic electio voluntatis cadit supra dolorem illum, seu tristitiam quæ invenitur in peccato invidiæ, & huiusmodi, sive ille dolor sit in sensu, sive in ipsa voluntate; & ideo illis peccatis dolor contritionis opponitur.

Ad secundum dicendum, quod oblitio de aliquo potest esse dupliciter: aut ita quod totaliter a memoria exciderit; & tunc non potest aliquis inquirere illud: aut ita quod partim a memoria exciderit, & partim maneat, sicut cum recole me aliquid audivisse in generali, sed nescio quid in speciali, & tunc requiro in memoriam ad recognoscendum. Et secundum hoc etiam aliquod peccatum potest esse oblitum dupliciter: aut ita quod in generali memoria maneat, sed non in speciali; & tunc debet homo cogitare ad inveniendum peccatum, quia de quolibet mortali peccato homo tenetur specialiter conteri. Si autem invenire non possit, sufficit de eo conteri secundum quod in notitia tenetur: & debet homo non solum de peccato, sed de oblivione eius dolere, quæ ex negligentia contingit. Si autem peccatum omnino a memoria exciderit, tunc ex impotentia faciendo excusatur a debito, & sufficit generalis contritio de omni eo in quo Deum offendit. Sed quando impotentia tollitur, sicut cum ad memoriam peccatum revocatur, tunc tenetur homo specialiter conteri; sicut etiam pau-

per

per qui non potest solvere quod debet, excusatur; & tamen tenetur cum primo potuerit.

Ad tertium dicendum, quod si ignorantia omnino tolleret voluntatem male agendi, excusaret, & non esset peccatum; sed quandoque non totaliter tollit voluntatem, & tunc a toto non excusat, sed a tanto; & ideo de peccato per ignorantiam commissio debet homo conteri.

Ad quartum dicendum, quod post contritionem de mortali potest remanere veniale, sed non post contritionem de veniali: & ideo de venialibus etiam debet esse contritio, eo modo quo & penitentia, sicut supra dist. precedenti dictum est.

SOLUTIO IV.

Ad quartam questionem dicendum, quod in omnibus motoribus, & mobilibus ordinatis ita est quod motor inferior habet motum proprium, & præter hoc sequitur in aliquo motum superioris motoris; sicut patet in motu planetarum, qui præter motus proprios sequuntur motum primi orbis. Omnibus autem virtutibus moralibus motor est ipsa prudentia, quæ dicitur auriga virtutum; & ideo quælibet virtus moralis cum motu proprio habet aliquid de motu prudentie: & ideo cum penitentia sit quædam virtus moralis, quia est pars iustitiæ, cum actu proprio sequitur prudentie motum. Proprius autem actus eius est in obiectum proprium, quod est peccatum commissum; & ideo eius actus principalis, scilicet contritio, secundum suam speciem respicit tantum peccatum præteritum, sed ex consequenti respicit futurum, secundum quod habet aliquid de actu prudentie adiunctum, (a) & non tantum in illud futurum ratione propriæ speciei movetur; & propter hoc ille qui contritetur, dolet de peccato præterito, & caver futurum; sed non dicitur esse contritio de peccato futuro, sed magis cautio, quæ est pars prudentie contritioni adiuncta.

Ad primum ergo dicendum, quod liberum arbitrium dicitur esse de contingentibus futuris, secundum quod est de actibus, sed non secundum quod est de obiectis actuum: quia homo potest cogitare ex libero arbitrio de rebus præteritis, & necessariis; sed tamen ipse actus cognitionis, secundum quod sub libero arbitrio cadit, contingens futurum est: &

sic etiam actus contritionis contingens futurum est, secundum quod sub libero arbitrio cadit; sed obiectum eius potest esse præteritum.

Ad secundum dicendum, quod ille effectus consequens qui peccatum aggravat, iam in actu præcessit velut in causa: & ideo quando commissum est, totam suam quantitatem habuit, & ex effectu consequenti non accrescit aliquid quo ad culpæ rationem, etiam accrescit quo ad poenam accidentalem, secundum quod plures habebit rationes dolendi (b) in inferno de pluribus malis confectus ex suo peccato; & sic loquitur Hieronymus: unde non oportet quod contritio sit nisi de peccatis præteritis.

SOLUTIO V.

Ad quintam questionem dicendum, quod illud idem contestatur quod prius dictum, & integrum fuit: unde patet quod contritio pro peccato sit in eodem in quo peccati duritia præcessit; & sic de alienis peccatis non est contritio.

Ad primum ergo dicendum, quod ab alienis peccatis sibi parci propheta peccatur, in quantum ex consortio peccatorum aliquis per consensum aliquam immunditiam contrahit, sicut scriptum est (Psal. xlii. 27.) Cum perverſa perverſeris.

Ad secundum dicendum, quod de peccatis aliorum dolere debemus; non tamen oportet quod de eis contermur: quia non omnis dolor de peccato præterito est contritio, ut ex dictis patet.

SOLUTIO VI.

Ad sextam questionem dicendum, quod contritio potest dupliciter considerari, scilicet quantum ad sui principium, & quantum ad terminum. Er dico principium contritionis cognitionem qua quis cogitat de peccato, & dolet, etiam non dolore contritionis, saltem dolore attritionis; terminus autem contritionis est, quando dolor ille iam gratia informatur. Quantum ergo ad principium contritionis, oportet quod sit de singulis peccatis quæ quis in memoria habet; sed quantum ad terminum sufficit quod sit una communis de omnibus: tunc enim ille motus agit in vi omnium dispositionum præcedentium.

Et per hoc patet responsio ad primum.

Ad secundum dicendum, quod quamvis omnia peccata mortalia conveniant in aver-

Q. o. 2.

sione.

(a) Parum tamen in illud. (b) et in inferno.

sione, tamen differunt in causa, & modo aversionis, & quantitate elongationis a Deo; & hoc est secundum diversitatem conversionis.

Ad tertium dicendum, quod baptismus agit in virtute meriti Christi, quod habuit infinitam virtutem ad delendum omnia peccata, & propter hoc unus sufficit contra omnia. Sed in contritione requiritur cum merito Christi actus noster: & ideo oportet quod singulis peccatis respondeat singillatim, cum non habeat infinitam virtutem. Vel dicendum, quod baptismus est spiritualis generatio; sed poenitentia quantum ad contritionem, & alias sui partes est spiritualis quaedam sanatio per modum cuiusdam alterationis. Patet autem in generatione corporali alicuius quae est cum corruptione alterius, quod una generatione remouentur omnia accidentia contraria rei generatae, quae erant accidentia rei corruptae; sed in alteratione remouetur tantum unum accidens contrarium accidenti, ad quod terminatur alteratio. Et similiter unus baptismus simul delet omnia peccata novam vitam inducendo; sed poenitentia non delet omnia peccata nisi ad singula feratur: & ideo oportet de singulis conteri, & confiteri.

ARTICULUS III.

Utrum contritio sit maior dolor qui esse possit in natura.

1. **A**D tertium sic proceditur. Videtur quod contritio non sit maior dolor qui esse possit in natura. Dolor enim est sensus lésionis. Sed aliquae lésiones magis sentiuntur quam lésio peccati, sicut lésio vulneris. Ergo non est maximus dolor contritio.

2. Praeterea. Ex effectu sumimus iudicium de causa. Sed effectus doloris sunt lacrymae. Cum ergo aliquando contritus non emittat lacrymas corporales de peccatis, quas tamen emittit de morte amici, vel de percussione, vel de aliquo huiusmodi, videtur quod contritio non sit dolor maximus.

3. Praeterea. Quanto aliquid plus habet de permixtione contrarii, tanto est minus intensum. Sed contritionis dolor habet multum de gaudio admixtum: quia contritus gaudet de liberatione, spe veniae, & de multis huiusmodi. Ergo dolor suus est minimus.

4. Praeterea. Dolor contritionis displicentia quaedam est. Sed multa sunt quae magis displicent contrito quam peccata sua praeterita: non enim vellet poenam inferni sustinere potius quam peccare, nec iterum sustinuisse omnes poenas temporales, aut etiam sustinere; alias pauci inuenirentur contriti. Ergo dolor contritionis non est maximus.

Sed contra. Secundum Augustinum (de Civit. Dei Lib. XXI. cap. 111.) omnis dolor in amore fundatur. Sed amor caritatis, in quo fundatur dolor contritionis, est maximus. Ergo dolor contritionis est maximus.

Praeterea. Dolor est de malo. Ergo de magis malo debet esse magis dolor. Sed culpa est magis malum quam poena. Ergo dolor de culpa, qui est contritio, excedit omnem alium dolorem.

QUAESTIUNCULA II.

1. **U**lterius. Videtur quod non possit esse nimis magnus contritionis dolor. Nullus enim dolor potest esse immoderatior quam ille qui proprium subiectum destruit. Sed dolor contritionis, si est tantus quod mortem, vel corruptionem corporis inducat, est laudabilis. Dicit enim Anselmus: (in meditat.) *Ultimam sic impinguntur viscera animae meae, ut medullae corporis mei excidentur*: & Augustinus (alius Auctor) de contritione cordis cap. x. dicit se esse dignum oculis cecare plorando. Ergo dolor contritionis non potest esse nimis.

2. Praeterea. Dolor contritionis ex caritatis amore procedit. Sed amor caritatis non potest esse nimis. Ergo nec dolor contritionis.

Sed contra. Omnis virtus moralis corrumpitur per superabundantiam, & defectum. Sed contritio est actus virtutis moralis, scilicet poenitentiae, cum sit pars iustitiae. Ergo potest esse superfluous dolor de peccatis.

QUAESTIUNCULA III.

1. **U**lterius. Videtur quod non debeat esse maior dolor de uno peccato quam de alio. Hieronymus enim (in epitaphio Pauli) collaudat Paulam de hoc quod nimis peccata plangebat sicut magna. Ergo non magis est dolendum de uno quam de alio.

2. Praeterea. Motus contritionis est subitus. Sed non potest unus motus esse intensior, & remissior. Ergo contritio non.

non debet esse maior de uno peccato quam de alio.

3. Præterea. De peccato præcipue est contritio, secundum quod a Deo avertit. Sed in avertendo omnia mortalia peccata conveniunt: quia omnia tollunt gratiam, qua anima Deo coniungitur. Ergo de omnibus peccatis mortalibus æqualis debet esse contritio.

Sed contra. Deut. xxv. 2. dicitur: (a) *Secundum mensuram peccati erit & plagarum modus*. Sed contritioni de peccatis plagæ commensurantur: quia contritio habet propositum satisfaciendi annexum. Ergo contritio magis debet esse de uno peccato quam de alio.

Præterea. De hoc debet homo conteri quod debuit vitare. Sed homo magis debet vitare unum peccatum quam aliud, quia gravior est, si necessitas alterum faciendi incumbet. Et ideo & similiter de uno, scilicet graviore, magis quam de alio dolere.

SOLUTIO I.

Respondendo dicendum ad primam questionem, quod, sicut supra dictum est, in contritione est duplex dolor. Unus in ipsa voluntate, qui est essentialiter ipsa contritio, quæ nihil aliud est quam displicentia præteriti peccati, & dolor talis in contritione excedit alios dolores: quia quantum aliquid placet, tantum contrarium eius displicet: finis autem super omnia placet, cum omnia propter ipsum desiderantur: & ideo peccatum quod a fine ultimo avertit, super omnia displicere debet. Alius dolor est in parte sensitiva, qui causatur ex primo dolore, vel ex necessitate naturæ, secundum quod vires inferiores sequuntur motum superiorum; vel ex electione, secundum quod homo ponitens (b) in seipso voluntarie excitatur ut de peccatis doleat: & neutro modo oportet quod sit maximus dolorum: quia vires inferiores vehementius moventur ab objectis propriis, quam ex redundantia superiorum virium; & ideo quanto operatio superiorum virium est propinquior objectis inferiorum, tanto magis sequuntur earum motum, & ideo maior dolor est in sensitiva parte ex læsione sensibili quam sit ille qui in ipsa redundat ex ratione: & similiter maior qui redundat ex ratione de corporalibus deliberante quam qui redundat ex ratione considerante spiritualia. Unde dolor in sensitiva parte ex displicen-

tia rationis proveniens de peccato, non est maior aliis doloribus qui in ipsa sunt; & similiter nec dolor qui est voluntarie assumptus: tum quia non obedit affectibus inferiori superiori ad nutum, ut passio tanta sequatur in inferiori appetitu, qualem ordinat superior: tum etiam quia passiones a ratione assumuntur in actibus virtutum secundum mensuram quandam, quam quandoque dolor qui est sine virtute, non servat, sed excedit.

Ad primum ergo dicendum, quod sicut dolor sensibilis est de sensu læsionis, ita dolor interior est de cognitione alicuius nocivi: & ideo quamvis læsio peccati secundum sensum exterioriorem non percipitur, tamen percipitur esse maxima secundum sensum interioriorem rationis.

Ad secundum dicendum, quod corporales immutationes immediate consequuntur ad passiones sensitivæ partis, & eis mediautibus ad affectiones appetitivæ superioris: & inde est quod ex dolore sensibili, vel etiam sensibili (c) nocivo citius superfluent lacrymæ corporales, quam de dolore spirituali contritionis.

Ad tertium dicendum, quod gaudium illud quod de dolore poenitentis habet, non minuit displicentiam, quia ei non contrariatur; sed auget, secundum quod omnis operatio augetur per propriam delectationem, ut dicitur in X. Ethic. (cap. v. vel vi.) sicut qui delectatur in addiscendo aliquam scientiam, melius addiscit: & similiter qui gaudet de displicentia vehementius displicentiam habet. Sed bene potest esse quod illud gaudium temperet dolorem ex ratione in partem sensitivam resultantem.

Ad quartum dicendum, quod quantitas displicentiz de aliqua re debet esse secundum quantitatem malitiz ipsius. Malitia autem in culpa mortali mensuratur ex eo in quem peccatur, in quantum est ei indigna, & ex eo qui peccat, in quantum est ei nociva. Et quia homo debet plus Deum quam se diligere, ideo plus de et odire culpam in quantum est offensiva Dei, quam in quantum est nociva sibi. Est autem nociva sibi principaliter, in quantum separat ipsum a Deo; & ex hac parte ipsa separatio a Deo, quæ ponit quædam esse, magis debet displicere quam ipsa culpa, in quantum hoc nocuum inducit (quia quod propter alterum oditur, minus oditur).

(a) Vulgata, pro mensura. (b) Ita Nicolaus & alii, in seipso habet dolorem & excitatur. (c) alii vero.

tur) sed minus quam culpa, inquantum est offensa in Deum. Inter omnes autem poenas attenditur ordo malitiae secundum quantitatem nocuenti: & ideo cum hoc sit maximum nocumentum quo maximum bonum privatur, erit inter poenas maxima, separatio a Deo. Est etiam alia quantitas mali accidentalit, quam oportet in displicentia attendere secundum rationem praesentis, & praeteriti: quia quod praeteritum est, iam non est: unde habet minus de ratione & malitiae, & bonitatis: & inde est quod plus refugit homo sustinere aliquod mali in praesenti, vel in futuro, quam horreat de praeterito: unde nec aliqua passio animae directe respondet praeterito; sicut dolor respondet praesenti malo, & timor futuro: & propter hoc de duobus malis praeteritis illud magis abhorret animus cuius maior effectus in praesenti remanet, vel in futurum timetur, etiam si in praeterito minus fuerit. Et quia effectus praecedentis culpae non ita percipitur quandoque sicut effectus praeteritae poenae: tum quia culpa perfectius sanatur quam quaedam poena; tum quia defectus corporalis magis est manifestus quam spiritualis: ideo homo etiam bene dispositus quandoque magis percipit in se horrorem praecedentis poenae quam praecedentis culpae; quamvis magis esset paratus pati eandem poenam quam committere eandem culpam. Est etiam considerandum in comparatione culpae & poenae, quod quaedam poenae inseparabiliter habent coniunctam Dei offensam, sicut separatio a Deo; quaedam etiam addunt perpetuitatem, sicut poena inferni. Poena ergo illa quae offensam annexam habet, eodem modo vitanda est sicut & culpa; sed illa quae perpetuitatem addit, est magis quam culpa simpliciter fugienda. Si tamen ab eis separaretur ratio offensae, & consideretur tantum ratio poenae, minus habet de malitia quam culpa, inquantum est offensa Dei, & propter hoc minus deberet displicere. Sciendum est etiam, quod quamvis talis debeat esse contriti dispositio, non tamen de his tentandus est: quia homo affectus suos non de facili mensurare potest, & quandoque illud quod minus displicet, videtur magis displicere, quia est propinquius sensibili nocumento, quod magis est nobis notum.

SOLUTIO II.

Ad secundam quaestionem dicendum, quod

(*) *Ad, desit quasi.*

contritio ex parte doloris qui est in ratione, scilicet displicentiae, quo peccatum displicet inquantum est offensa Dei, non potest esse nimia, sicut nec amor caritatis, quo intenso talis displicentia intenditur, potest esse nimius; sed quantum ad dolorem sensibilem potest esse nimia, sicut etiam exterior corporis afflictio potest esse nimia, ut supra dist. xv. in questione de ieiunio ex verbis Hieronymi patuit. In his enim omnibus debet accipi pro mensura conservatio subiecti, & bonae habitudinis sufficientis ad ea quae agenda incumbunt: & propter hoc dicitur Rom. xii. 1. *Rationabile obsequium vestrum.*

Ad primum ergo dicendum, quod Augustinus desiderabat ex pinguedine devotionis medullas corporales exsiccare non quantum ad humorem naturalem, sed quantum ad desideria, & concupiscentias corporales. Augustinus autem quamvis dignum se cognosceret amissione exteriorum oculorum propter peccatum, quia quilibet peccator non solum aeterna, sed temporali morte dignus est; non tamen volebat sibi oculos cecare.

Ad secundum dicendum, quod ratio illa procedit de dolore qui est in ratione; tertia autem procedit de dolore sensitivae partit.

SOLUTIO III.

Ad tertiam quaestionem dicendum, quod de contritione dupliciter possumus loqui. Uno modo secundum quod singillatim singulis peccatis respondet; & sic quantum ad dolorem superioris affectus requiritur quod de maiori peccato quis doleat magis: quia ratio doloris est maior in uno quam in alio, scilicet offensa Dei: ex magis enim inordinato actu Deus magis offenditur. Similiter etiam cum maiori culpa maior poena debeat, etiam dolor sensitivae partis, secundum quod pro peccato ex electione assumitur (*) quasi poena peccati, debet esse maior de maiori peccato; secundum autem quod ex impressione superioris appetitus innascitur, in inferiori attenditur quantitas doloris secundum dispositionem partis ad recipiendam impressionem a superiori, & non secundum quantitatem peccati. Alio modo potest accipi contritio secundum quod est simul de omnibus, sicut in actu iustificationis: & haec quidem contritio vel ex singularum consideratione peccatorum procedit; & sic quamvis sit a-

Qua

Aut unus, tamen distinctio peccatorum manet virtute in ipso: vel ad minus habet propositum de singulis cogitandi annexum; & sic etiam habitualiter est magis de uno quam de alio.

Ad primum ergo dicendum, quod (a) Paula non laudatur de hoc quod de omnibus peccatis doletet æqualiter; sed quia de parvis peccatis tantum dolebat, ac si essent magna per comparisonem ad alios qui de peccatis dolent; sed ipsa multo amplius de maioribus doluisset.

Ad secundum dicendum, quod in illo contritionis motu subitaneo, quamvis non actualiter distinctio intentionis respondens diversis peccatis inveniri possit, tamen invenitur ibi eo modo, ut dictum est; & etiam alio modo, secundum quod singula peccata ordinem habent ad illud de quo in illa contritione generali contrito dolendum occurrit, scilicet offensæ Dei. Qui enim aliquod totum appetit, vel diligit, etiam diligit partes eius, quamvis non actu: & hoc modo secundum quod habent ordinem ad totum, quasdam plus, quasdam minus: sicut qui aliquam communitatem diligit, virtute singulos diligit plus & minus secundum eorum ordinem in bono communi: & similiter qui dolet de hoc quod Deum offendat de diversis, implicite dolet diversimode secundum quod plus, vel minus per ea Deum offendit.

Ad tertium dicendum, quod quamvis quodlibet peccatum mortale a Deo avertat, & gratiam tollat; tamen quoddam plus elongat quam aliud, inquantum habet maiorem dissonantiam ex sua inordinatione ad ordinem divinæ bonitatis quam aliud.

ARTICULUS IV.

Utrum tota hæc vita sit contritionis tempus.

1. **A**D quartum sic proceditur. Videtur quod non tota hæc vita sit contritionis tempus. Sicut enim de peccato commissio debet esse dolor, ita & pudor. Sed non per totam vitam durat pudor de peccato, & sicut dicit Ambrosius (Lib. II. de penitentia cap. vii.) *nihil habet quod erubescat qui peccatum dimissum est.* Ergo videtur quod nec contritio, quæ est dolor de peccato.

2. Præterea. I. Ioan. iv. 18. dicitur, quod *perfecta caritas foras mittit timorem,*

quia timor pœnam habet. Sed dolor etiam pœnam habet. Ergo in statu perfectæ caritatis non potest dolor contritionis manere.

3. Præterea. De præterito non potest esse dolor, qui proprie est de malo præteriti, nisi secundum quod aliquid de præterito in præteriti manet. Sed quandoque pervenitur ad aliquem statum in hac vita in quo nihil de præterito peccato manet, neque dispositio, neque culpa, neque reatus aliquis. Ergo non oportet ulterius de illo peccato dolere.

4. Præterea. Rom. viii. 28. dicitur, quod *diligentibus Deum omnia cooperantur in bonum*, etiam peccata, ut dicit Glossa ibidem. Ergo non oportet post remissionem peccati quod de peccato doleat.

5. Præterea. Contritio est pars penitentiae contra satisfactionem divisa. Sed non oportet semper satisficere. Ergo nec oportet semper conteri de peccato.

Sed contra. Augustinus dicit in Lib. de vera & falsa penitentia (cap. xiii.) *Ubi dolor finitur, deficit penitentia: ubi deficit penitentia, nihil requiritur de venia.* Ergo videtur, cum oporteat veniam confestim non perdere, quod oporteat semper dolere de peccato.

Præterea. Eccli. v. 5. dicitur: (b) *De propitiato peccatore non est fine metu.* Ergo semper debet homo dolere ad peccatorum propitiationem habendam.

QUAESTIUNCULA II.

1. **U**lterius. Videtur quod non expediat continue de peccato dolere. Expediat enim quandoque gaudere, ut patet Philip. iv. super illud, *Gaudete in Domino semper*: ubi dicit Glossa, quod necessarium est gaudere. Sed non est possibile simul gaudere, & dolere. Ergo non expediat continue de peccato dolere.

2. Præterea. Illud quod est de se malum, & fugiendum, non est assumendum, nisi quatenus est necessarium ut medicina ad aliquid, sicut patet de unctione, & fessione vulneris. Sed tristitia de se mala est: unde dicitur Eccli. xxx. 24. *Tristitiam longe expelle a te*: & subditur causa: *Multos enim occidit tristitia, & non est utilitas in illa.* Hoc etiam Philosophus dicit expresse in VII. & X. Ethic. Ergo non debet amplius dolere de peccato, nisi quatenus sufficit ad peccatum delendum. Sed statim post primam tristitiam contritionis pec-

(a) *Al. Paulus, sicut etiam supra in objectione, & non ipse.* (b) *Vulgata: De propitiato peccato.*

peccatum deletum est. Ergo non expedit ulterius dolere.

3. Præterea. Bernardus serm. xi. (super Cant.) dicit: *Dolor pro peccatis necessarius est, nisi non sit continuus: mel enim absynthio admiscendum est.* Ergo videtur quod non expedit continue dolere.

Sed contra est quod Augustinus dicit (de vera & falsa pœnitentia cap. xiii.) *Semper dulces panisem, & de dolore gaudent.*

Præterea. Actus in quibus consistit beatitudo, expedit semper continuare, quantum possibile est. Sed huiusmodi est dolor de peccato, quod patet Matth. v. 5. *Beati qui lugent.* Ergo expedit dolorem continuare quantum est possibile.

QUAESTIUNCULA III.

1. Ulterius. Videtur quod etiam post hanc vitam animæ de peccatis conterantur. Amor enim caritatis displicentiam de peccato causat. Sed post hanc vitam manet in aliquibus caritas & quantum ad actum, & quantum ad habitum: quia caritas numquam excidit, ut patet I. Corinth. xxi. Ergo manet displicentia de peccato commissio, quæ essentialiter est contritio.

2. Præterea. Magis dolendum est de culpa quam de pœna. Sed animæ in purgatorio dolent de pœna sensibili, & de dilatione gloriæ. Ergo multo magis dolent de culpa ab eis commissa.

3. Præterea. Pœna purgatorii est satisfactio de peccato. Sed satisfactio habet efficaciam ex vi contritionis. Ergo contritio manet post hanc vitam.

Sed contra. Contritio est pars pœnitentiæ sacramenti. Sed sacramenta non manent post hanc vitam. Ergo nec contritio.

Præterea. Contritio potest esse tanta quod deleat & culpam, & pœnam. Si ergo animæ in purgatorio conteri possent, posset vi contritionis eorum reatus pœnæ eis dimitti, & omnino a pœna sensibili liberari; quod falsum est.

SOLUTIO I.

Respondeo dicendum ad primam questionem, quod in contritione, ut dictum est, est duplex dolor. Unus rationis, qui est detestatio peccati a se commissi; alius sensitivæ partis, qui ex ipso consequitur: & quantum ad utrumque contritionis tempus est totus præsentis viæ status. Quan-

diu enim aliquis est in statu viæ, detestatur incommoda quibus a perventione ad terminum viæ impeditur, vel retardatur. Unde cum per peccatum præteritum viæ nostræ cursus in Deum retardetur, quia tempus illud quod erat deputatum ad currendum, recuperari non potest, ut supra dictum est; oportet quod semper in viæ huius tempore status contritionis maneat quantum ad peccati detestationem: similiter etiam quantum ad sensibilem dolorem, qui ut pœna a voluntate assumitur: quia enim homo peccando pœnam æternam meruit, & contra æternum (a) Deum peccavit, debet, pœna æterna in temporalem mutat, saltem dolor in æterno hominis, idest in statu huius vitæ remanere: & propter hoc dicit Hugo de sancto Viatore, quod Deus absolvens hominem a culpa, & pœnâ æterna, ligat eum vinculo perpetuæ detestationis peccati.

Ad primum ergo dicendum, quod erubescencia respicit peccatum solum inquantum habet turpitudinem: & ideo postquam peccatum quantum ad culpam remissum est, non manet pudori locus; manet autem dolori, qui non solum de culpa est, inquantum habet turpitudinem, sed etiam inquantum habet nocumentum annexum.

Ad secundum dicendum, quod timor servilis quem caritas foras mittit, oppositionem habet ad caritatem ratione sumservitutis, qua pœnam respicit; sed dolor contritionis ex caritate causatur, ut dictum est: & ideo non est simile.

Ad tertium dicendum, quod quamvis per pœnitentiam peccator redeat ad gratiam pristinam, & immunitatem a reatu pœnæ, numquam tamen redit ad pristinam dignitatem innocentis: & ideo semper ex peccato præterito aliquid in ipso manet.

Ad quartum dicendum, quod sicut homo non debet facere mala, ut veniant bona; ita non debet gaudere de malis, quia ex eis proveniunt occasionaliter bona, divina providentia agente: quia illorum bonorum peccata causa non fuerunt, sed magis impedimenta; sed divina providentia ea causavit, & de ea debet homo gaudere, de peccatis autem dolere.

Ad quintum dicendum, quod satisfactio attenditur secundum pœnam taxatam, quæ pro peccatis iniungi debet; & ideo potest terminari, ut non oporteat ulterius satisfacere: hæc enim pœna præcipue proportionatur culpæ ex parte conversionis, ex

qua

(a) Nicetas Dei.

qua finitatem habet. Sed dolor contritionis respondet culpæ ex parte averſionis, ex qua habet quamdam infinitatem : & ita vera contritio debet ſemper permanere. Nec eſt inconveniens, ſi remoto poſteriori, maneat prior.

SOLUTIO II.

Ad ſecundam quæſtionem dicendum, quod hæc eſt conditio in actibus virtutum inventa, quod non poteſt in eis accipi ſuperfluum, & diminutum, ut in II. Ethic. probatur. Unde cum contritio quantum ad id quod eſt diſplicitia quedam in appetitu rationis, ſit actus poenitentiae virtutis, numquam ibi poteſt eſſe ſuperfluum, ſicut nec quantum ad intentionem, ita nec quantum ad durationem, niſi ſecundum quod actus unius virtutis impedit actum alterius virtutis magis neceſſarium pro tempore illo. Unde quanto magis homo continue in actu huius diſplicitiae eſſe poteſt, tanto melius eſt, dummodo actibus aliarum virtutum vacet ſuo tempore, ſecundum quod oportet. Sed paſſiones poſſunt habere ſuperfluum, & diminutum & quantum ad intentionem, & quantum ad durationem : & ideo ſicut paſſio doloris, quam voluntas aſſumit, debet eſſe moderate intenſa, ita debet moderate durare, ne ſi nimis duret, homo in deſperationem, & puſillanimitatem, & huiusmodi vitia labatur.

Ad primum ergo dicendum, quod gaudium ſæculi impeditur per dolorem contritionis, non autem gaudium quod de Deo eſt, quia habet iplum dolorem pro materia.

Ad ſecundum dicendum, quod Eccleſiaſticus loquitur de triſtitia ſæculi, & Philoſophus loquitur de triſtitia quæ eſt paſſio, qua moderate utendum eſt, ſecundum quod expedit ad finem ad quem aſſumitur.

Ad tertium dicendum, quod Bernardus loquitur de dolore qui eſt paſſio.

SOLUTIO III.

Ad tertiam quæſtionem dicendum, quod in contritione tria conſideranda ſunt. Primum eſt contritionis genus, quod eſt dolor. Secundum eſt contritionis forma, quia eſt actus virtutis gratia informatus. Tertium eſt contritionis efficacia, quia eſt meritorium, & ſacramentalis, & quodammodo ſatisfactorius. Animæ ergo poſt hanc vitam, quæ in patria ſunt, contritionem habere non poſſunt, quia carent dolore

S. Th. Op. Tom. XII.

propter gaudii plenitudinem. Illæ vero quæ ſunt in inferno, carent contritione : quia ſi dolorem habeant, deficit tamen eis gratia dolorem informans. Sed illi qui in purgatorio ſunt, habent dolorem de peccatis gratia informatum, ſed non meritorium, quia non ſunt in ſtatu merendi. In hac autem vita omnia tria prædicta inveniri poſſunt.

Ad primum ergo dicendum, quod caritas non cauſat iſtum dolorem, niſi in riſis qui doloris capaces ſunt ; ſed plenitudo gaudii a beatis omnem capacitatem doloris excludit : & ideo quamvis caritatem habeant, tamen contritione carent.

Ad ſecundum dicendum, quod animæ in purgatorio dolent de peccatis ; ſed ille dolor non eſt contritio, quia deſt eſt contritionis efficacia.

Ad tertium dicendum, quod poena illa quam animæ in purgatorio ſuſtinent, non poteſt proprie dici ſatisfactio, quia ſatisfactio opus meritorium requiritur ; ſed largo modo dicitur ſatisfactio poenæ debitæ ſolutio.

ARTICULUS V.

Utrum peccati remiſſio ſit contritionis effectus.

1. **A**D quantum ſic proceditur. Videtur quod peccati remiſſio non ſit contritionis effectus. Solus enim Deus peccata remittit. Sed contritionis nos ſumus aliquo modo cauſa, quia actus noſter eſt. Ergo contritio non eſt cauſa remiſſionis culpæ.

2. Præterea. Contritio eſt actus virtutis. Sed virtus ſequitur culpæ remiſſionem : quia culpa, & virtus non ſunt ſimul in anima. Ergo contritio non eſt cauſa remiſſionis culpæ.

3. Præterea. Nihil impedit a perceptione eucharistiæ niſi culpa. Sed contritus ante confeſſionem non debet accedere ad eucharistiæ. Ergo nondum eſt confeſſus remiſſionem culpæ.

Sed contra eſt quod dicitur in Gloſſa (Auguſtini) ſuper illud Pfalm. 1. *Sacrificium Deo ſpiritus contribulatus* : „ Contritio cordis eſt ſacrificium, in quo peccata ſolvuntur. “

Præterea. Virtus, & vitium eiſdem cauſis corrumpuntur, & generantur, ut dicitur in II. Ethic. (cap. 1.) Sed per inordinatum amorem cordis peccatum com-

Ppp

na. 1.

mittitur. Ergo per dolorem ex amore caritatis ordinato causatum solvitur; & sic peccatum contritio delet.

QUAESTIUNCULA II.

1. Ulterius. Videtur quod contritio non possit totaliter tollere reatum poenae. Quia satisfactio, & confessio ordinantur ad liberationem a reatu poenae. Sed nullus ita perfecte contritio, quin oporteat eum confiteri, & satisfacere. Ergo contritio nunquam est tanta quod deleat reatum totum.

2. Præterea. In poenitentia debet esse quidam recompensatio poenae ad culpam. Sed aliqua culpa per membra corporis exercetur. Ergo cum oporteat ad debitam poenae recompensationem ut per quæ peccat quis, per hæc torqueatur, videtur quod nunquam possit poena talis peccati per contritionem exsolvi.

3. Præterea. Dolor contritionis est finitus. Sed pro aliquo peccato, scilicet mortali, debetur poena infinita. Ergo nunquam potest esse tanta contritio quod totam poenam deleat.

Sed contra est quod Deus plus acceptat cordis affectum quam etiam exteriorem actum. Sed per exteriores actus absolvitur homo a poena, & a culpa. Ergo & similiter per cordis affectum, qui est contritio.

Præterea. Exemplum huius de latrone habetur, cui dictum est (Luc. xxi. 43.) *Hodie mecum eris in paradiso*, propter unicum poenitentiae actum.

Utrum autem totus reatus per contritionem semper tollatur, supra dist. xiv. (quæst. 11. art. 1. quæstiunc. 2.) quæsitum est, ubi de poenitentia hoc ipsum quærebatur.

QUAESTIUNCULA III.

1. Ulterius. Videtur quod contritio parva non sufficiat ad deletionem magnorum peccatorum. Quia contritio est medicina peccati. Sed corporalis medicina quæ sanat morbum corporalem minorem, non sufficit ad sanandum maiorem. Ergo minima contritio non sufficit ad delendum maxima peccata.

2. Præterea. Supra dictum est, quod oportet de maioribus peccatis magis contreri. Sed contritio non delet peccatum, nisi sit secundum quod oportet. Ergo minima contritio non delet omnia peccata.

Sed contra. Quælibet gratia gratum faciens delet omnem culpam mortalem, quia

simul cum ea stare non potest. Sed quælibet contritio est gratia gratum faciente informata. Ergo quantumcumque sit parva, delet omnem culpam.

SOLUTIO I.

Respondeo dicendum ad primam quæstionem, quod contritio potest dupliciter considerari: vel in quantum est pars sacramenti, vel in quantum est actus virtutis: & utroque modo est causa remissionis peccati, sed diversimode: quia in quantum est pars sacramenti, primo operatur ad remissionem peccati instrumentaliter, sicut & de aliis sacramentis in 1. dist. (quæst. 1. art. 4. quæstiunc. 1.) patuit; in quantum autem est actus virtutis, sic est quasi causa materialis remissionis peccati, eo quod dispositio est quasi necessitas ad iustificacionem, ut supra dictum est. Dispositio autem reducitur ad causam materiale, si accipiat dispoſitio quæ disponit materiam ad recipiendum; secus autem est de dispositione agentis ad agendum, quia illa reducitur ad genus causæ efficientis.

Ad primum ergo dicendum, quod solus Deus est causa efficiens principalis remissionis peccati; sed causa dispositiva potest etiam esse ex nobis: & similiter causa sacramentalis: quia formæ sacramentorum sunt verba a nobis prolata, quæ habent virtutem instrumentalem gratiam inducendi, quæ peccata remittuntur.

Ad secundum dicendum, quod peccati remissio uno modo præcedit virtutem, & gratiæ infusionem, & alio modo sequitur: & secundum hoc quod sequitur, actus a virtute elicitus potest esse causa aliqua remissionis culpæ.

Ad tertium dicendum, quod dispensatio eucharistiæ pertinet ad ministros Ecclesiæ: & ideo ante remissionem peccati per ministros Ecclesiæ non debet aliquis ad eucharistiæ accedere, quamvis sit sibi culpa quod ad Deum remissa.

SOLUTIO II.

Ad secundam quæstionem dicendum, quod intentio contritionis potest attendi dupliciter. Uno modo ex parte caritatis, quæ displicentiam causat; & sic contingit tantum intendi caritatem in actu, quod contritio inde sequens meretur non solum culpæ amotionem, sed etiam absolutionem ab omni poena. Alio modo ex parte doloris sensibilis, quem voluntas in contritione excitat: & quia illa poena etiam quædam

dam est, tantum potest intendi quod sufficiat ad deletionem poenae, & culpae.

Ad primum ergo dicendum, quod aliquis non potest esse certus quod contritio sua sit sufficiens ad deletionem poenae, & culpae: & ideo tenetur confiteri, & satisfacere, maxime cum contritio vera non fuerit, nisi propositum confitendi habuisset annexum; quod debet ad effectum deduci etiam propter praeceptum quod est de confessione datum.

Ad secundum dicendum, quod sicut gaudium interius redundat etiam ad exteriores corporis partes, ita etiam & dolor interior ad exteriora membra derivatur: unde dicitur Prov. xvii. 22. *Spiritus tristis exsiccat ossa.*

Ad tertium dicendum, quod dolor contritionis, quamvis sit finitus quantum ad intentionem, sicut etiam & poena peccato mortali debita finita est; habet tamen infinitam virtutem ex caritate qua informatur; & secundum hoc potest valere ad deletionem culpae, & poenae.

SOLUTIO III.

Ad tertiam questionem dicendum, quod contritio, ut saepe dictum est, habet duplicem dolorem. Unum rationis, qui est displicentia peccati commissi; & hic potest esse adeo parvus, quod non sufficiat ad rationem contritionis, ut si minus displiceret ei peccatum quam debeat displicere feratio a fine; sicut etiam amor potest esse ita remissus, quod non sufficiat ad rationem caritatis. Alium dolorem habet in sensu; & parvas huius non impedit rationem contritionis: quia non se habet essentialiter ad contritionem, sed quasi ex accidenti ei adiungitur; & iterum non est in potestate nostra. Sic ergo dicendum, quod quantumcumque parvus sit dolor, dummodo ad contritionis rationem sufficiat, omnem culpam delet.

Ad primum ergo dicendum, quod medicinae spirituales habent efficaciam infinitam ex virtute infinita quae in eis operatur: & ideo illa medicina quae sufficit ad curationem parvi peccati, sufficit etiam ad curationem magni, sicut patet de baptismo, quo & magna, & parva peccata solvantur: & similiter est de contritione, dummodo ad rationem contritionis pertingat.

Ad secundum dicendum, quod hoc sequitur ex necessitate, quod unus homo plus valeat de peccato maiori quam de minori,

secundum quod magis repugnat amor qui dolorem causat. Sed tamen si unus alius haberet tantum de dolore pro maiori quantum ipse habet pro minori, sufficeret ad remissionem culpae.

QUAESTIO III.

DEinde quaeritur de confessione: & circa hoc quaeruntur quinque.

Primo. De necessitate confessionis.

Secundo. Quid sit confessio.

Tertio. Cui sit facienda.

Quarto. Qualis esse debeat.

Quinto. De effectu confessionis.

ARTICULUS I.

Utrum confessio sit necessaria ad salutem.

AD primum sic proceditur. Videtur quod confessio non sit necessaria ad salutem. Sacramentum enim poenitentiae contra remissionem culpae ordinatum est. Sed culpa per gratiae infusionem sufficienter remittitur. Ergo ad poenitentiam de peccato agendam non est necessaria confessio.

2. Praeterea. Aliquibus est peccatum remissum sine hoc quod confessi legantur, sicut patet de Petro, & de Magdalena, & etiam de Paulo. Sed non est minoris efficaciae gratia remittens peccatum nunc quam tunc fuit. Ergo nec nunc de necessitate salutis est quod homo confiteatur.

3. Praeterea. Peccatum quod ex alio contractum est, ex alio debet habere medicinam. Ergo peccatum actuale, quod ex proprio motu quilibet commisit, debet ex seipso tantum habere medicinam. Sed contra tale peccatum ordinatur poenitentia. Ergo confessio non est de necessitate poenitentiae.

4. Praeterea. Confessio ad hoc desideratur in iudicio, ut secundum quantitatem culpae poena infligatur. Sed homo potest sibi ipsi poenam infligere maiorem quam etiam ab alio sibi infligatur. Ergo videtur quod non sit confessio de necessitate salutis.

Sed contra. Boetius in Lib. de Consolat. (I. prof. iv.) *Si medicinam expectas, oportet quod morbum detegas.* Sed de necessitate salutis est quod homo de peccatis medicinam accipiat. Ergo & de necessitate salutis est quod morbum per confessionem detegas.

Præterea. In iudicio seculari non est idem iudex, & reus. Sed iudicium spirituale est ordinarius. Ergo peccator, qui est reus, non habet esse sui ipsius iudex sed ab alio iudicari; & ita oportet quod ei confiteatur.

QUAESTIUNCULA II.

1. Ulterius. Videtur quod sit de iure naturali. Adam enim, & Cain non tenebantur nisi ad præcepta legis naturæ. Sed reprehenduntur de hoc quod peccatum suum non sunt confessi. Ergo confessio peccati est de lege naturali.

2. Præterea. Præcepta illa quæ manent in lege veteri, & nova, sunt de iure naturali. Sed confessio fuit in lege veteri: unde dicitur *Isai. xlii. 26. Narra, si quid habes, ut iustificeris*. Ergo est de lege naturali.

3. Præterea. Iob non erat subiectus nisi legi naturali. Sed ipse peccata confitebatur, ut patet per hoc quod ipse de se dicit *Iob xxxi. 33. Si abscondi ut homo peccatum meum*. Ergo est de lege naturali.

Sed contra. Ildorus dicit (Lib. V. eymol. cap. 1v.) quod ius naturale est idem apud omnes. Sed confessio non est eodem modo apud omnes. Ergo non est de iure naturali.

Præterea. Confessio fit ei qui habet claves. Sed claves Ecclesiæ non sunt de naturalis iuris institutione. Ergo nec confessio.

QUAESTIUNCULA III.

1. Ulterius. Videtur quod non omnes ad confessionem teneantur. Quia, sicut dicit Hieronymus (super *Isa. cap. 112. Lib. II.*) poenitentia est secunda tabula post naufragium. Sed aliqui post baptismum naufragium non sunt passi. Ergo eis non competit poenitentia; & sic nec confessio, quæ est poenitentiae pars.

2. Præterea. Confessio facienda est iudici in quolibet foro: Sed aliqui sunt qui non habent hominem iudicem supra se. Ergo non tenentur ad confessionem.

3. Præterea. Aliquis est qui non habet peccata, nisi venialia. Sed de illis non tenetur homo confiteri. Ergo non quilibet tenetur ad confessionem.

Sed contra est, quia confessio contra satisfactionem, & contritionem dividitur. Sed omnes tenentur ad contritionem, & satisfactionem. Ergo & omnes tenentur ad confessionem.

Præterea. Hoc patet ex Decretali de poenitentis, & remissionibus, ubi dicitur quod omnis utriusque sexus, cum ad annos discretionis venerit, debet peccata confiteri.

QUAESTIUNCULA IV.

1. Ulterius. Videtur quod statim teneatur confiteri. Dicit enim Hugo de sancto Victore (æquivalenter cap. viii. Lib. II. de sacr. part. xiv.) *Si necessitas non est, quæ pretendatur, contemptus non excusatur*. Sed quilibet tenetur vitare contemptum. Ergo quilibet tenetur statim confiteri cum potest.

2. Præterea. Quilibet tenetur plus facere ad evadendum a morbo spirituali quam ad evadendum a morbo corporali. Sed aliquis infirmus corporaliter non sine detrimento salutis medicum requirere tardat. Ergo videtur quod non possit esse sine detrimento salutis quod aliquis sacerdoti, cuius copiam habet, de peccato confiteatur.

3. Præterea. Illud quod sine termino debetur, statim debetur. Sed sine termino debet homo confessionem Deo. Ergo tenetur ad statim.

Sed contra. In Decretali (de poenit. & remis. cap. *Omnia utriusque sexus*) simul datur tempus determinatum de confessione, & de eucharistiæ perceptione. Sed aliquis non peccat, si non percipiat eucharistiam ante tempus a iure determinatum. Ergo non peccat, si non ante tempus illud confiteatur.

Præterea. Quicumque omittit illud ad quod ex præcepto tenetur, peccat mortaliter. Si ergo aliquis non statim confiteatur, quando habet copiam sacerdotis, si ad confitendum statim tenetur, peccaret mortaliter, & eadem ratione in alio tempore, & sic deinceps; & ita multa mortalia peccata homo incurreret pro una poenitentiae dilatione; quod videtur inconveniens.

QUAESTIUNCULA V.

1. Ulterius. Videtur quod possit cum aliquo dispensari ne confiteatur homini. Præcepta enim quæ sunt de iure positivo subiacent dispensationi prælatorum Ecclesiæ. Sed confessio est huiusmodi, ut ex dictis patet. Ergo potest dispensari cum aliquo ut non confiteatur.

2. Præterea. Illud quod ab homine institutum est, potest etiam ab homine dispensari.

pen.

penfationem recipere. Sed confessio non legitur a Deo instituta, sed ab homine. Iacob v. 16. *Confitemini alterutrum peccata vestra*. Habet autem Papa potestatem dispensandi in his quæ per Apostolos instituta sunt, sicut patet de bigamis. Ergo etiam potest cum aliquo dispensare, neconfiteatur.

Sed contra. Pœnitentia, cuius pars est confessio, est sacramentum necessitatis, sicut & baptismus. Cum ergo in baptismo nullus dispensare possit, nec in confessione aliquis dispensare poterit.

SOLUTIO I.

Respondeo dicendum ad primam questionem, quod passio Christi, sine cuius virtute nec actuale, nec originale peccatum dimittitur, in nobis operatur per sacramentorum susceptionem, quæ ex ipsa efficaciam habent: ideo ad culpæ remissionem & actualis, & originalis requiritur sacramentum Ecclesiæ, vel actu susceptum, vel saltem voto, quando articulus necessitatis, non contemptus, sacramentum excludit: & per consequens illa sacramenta quæ ordinantur contra culpam, cum qua salus esse non potest, sunt de necessitate salutis: & ideo sicut baptismus, quo deletur originale, est de necessitate salutis, ita & pœnitentiæ sacramentum. Sicut autem aliquis per hoc quod baptismum perit, se ministris Ecclesiæ subiicit, ad quos pertinet dispensatio sacramenti: ita etiam per hoc quod faceret peccatum suum, se ministro Ecclesiæ subiicit, ut per sacramentum pœnitentiæ ab eo dispensatum remissionem consequatur: qui congruum remedium adhibere non potest, nisi peccatum cognoscat; quod fit per confessionem peccantis: & ideo confessio est de necessitate salutis eius qui in peccatum actuale mortale cecidit.

Ad primum ergo dicendum, quod gratia infusio sufficit ad culpæ remissionem, sed post culpam remissam adhuc est peccator debitor pœnæ temporalis. Sed ad gratiæ infusionem consequendam ordinata sunt gratiæ sacramenta, ante quorum susceptionem vel actu, vel proposito aliquis gratiam non consequitur, sicut in baptismo patet: & similiter est de confessione: & ulterius per confessionem, erubesceniam, & vim clavium, quibus se confitens subiicit, & satisfactionem iniunctam quam sacerdos moderatur secundum quali-

tatem criminum sibi per confessionem innotescentium, pœna temporalis expiatur. Sed tamen ex hoc quod operatur confessio ad pœnæ remissionem, non habet quod sit de necessitate salutis: quia pœna ista est temporalis, ad quam post culpæ remissionem aliquis ligatus remanet: unde sine hoc quod in præsentī vita expiaretur, esset via salutis: sed habet quod sit de necessitate salutis ex hoc quod ad remissionem culpæ modo prædicto operatur.

Ad secundum dicendum, quod etsi non legatur illotum confessio, potuit tamen fieri. Multa enim sunt sacra quæ non sunt scripta: & præterea Christus habet potestatem excellentiæ in sacramentis: unde sine his quæ ad sacramentum pertinent, potest rem sacramenti conferre.

Ad tertium dicendum, quod peccatum quod ex altero contractum est, scilicet originale, potest omnino ab extrinseco remedium habere, ut in parvulis patet; sed peccatum actuale, quod ex seipso quisque commisit, non potest expiari nisi aliquid cooperetur ille qui peccavit. Sed tamen non sufficit ad peccatum expiandum ex seipso, sicut sufficienter peccatum commisit (a): eo quod peccatum ex parte conversionis est finitum, ex qua parte peccator in ipsum inducitur; sed ex parte aversionis habet infinitatem, ex qua parte oportet quod peccati remissio incipiat: quia quod est ultimum in generatione, est primum in resolutione, ut dicitur in III. Ethic. (cap. v. vel viii.) & ideo oportet quod etiam peccatum actuale ex alio medicinam habeat.

Ad quartum dicendum, quod satisfactio non sufficeret ad expiandum pœnam peccati ex quantitate pœnæ quæ in satisfactione imponitur; sed sufficit in quantum est pars sacramenti, virtutem sacramentalis habens: & ideo oportet quod per dispensatores sacramentorum imponatur: & ideo necessaria est confessio.

SOLUTIO II.

Ad secundam questionem dicendum, quod, sicut in 1. dist. (quest. 1. art. 2. questionc. 3. in cor.) dictum est, sacramenta sunt quedam fidei profectiones: unde oportet ea fidei esse proportionata. Fides autem est supra cognitionem rationis naturalis: unde etiam sacramenta sunt supra rationis naturalis dictamina.

Et

{ a } Adde Nihil per seipsum.

Et quia ius naturale est quod non opinio genuit, sed innata quædam vis inferuit, ut Tullius dicit (de invent. rhetor. num. 36.) ideo sacramenta non sunt de iure naturali, sed de iure divino, quod est supranaturale: & quandoque etiam naturale dicitur, secundum quod cuilibet rei illud est naturale quod ei a suo Creatore imponitur, tamen proprie naturalia dicuntur quæ ex principiis naturæ causantur; supra naturam autem quæ ipse Deus sibi reservat sine naturæ ministerio operanda, sive in operationibus miraculorum, sive in revelationibus mysteriorum, sive in institutionibus sacramentorum: & sic confessio quæ sacramentalem necessitatem habet, non est de iure naturali, sed divine.

Ad primum ergo dicendum, quod Adam vituperatur de hoc quod peccatum suum coram Deo non recognovit. Confessio enim quæ fit Deo per recognitionem peccati, est de iure naturali. Nunc autem loquimur de confessione quæ fit homini. Vel dicendum, quod confitenti peccatum in casu est de iure naturali, scilicet cum quis in iudicio constitutus a iudice interrogatur: tunc enim non debet mentiri peccatum excusando, vel negando; de quo Adam, & Cain vituperantur: sed confessio quæ fit homini sponte ad remissionem peccatorum consequendam a Deo non est de iure naturali.

Ad secundum dicendum, quod præcepta legis naturæ manent eodem modo in lege Moyfi, & in lege nova. Sed confessio quamvis aliquantulum esset in lege Moyfi, non tamen eodem modo, sicut in lege nova, nec sicut in lege naturæ. In lege enim naturæ sufficiebat interior cognitio peccati apud Deum; sed in lege Moyfi oportebat aliquo signo exteriori peccatum protestari, sicut per oblationem hostiæ pro peccato, ex quo etiam homini innoscere poterat eum peccasse: non autem oportebat quod speciale peccatum a se commissum manifestaret, aut peccati circumstantias, sicut in nova lege oportet.

Ad tertium dicendum, quod Iob loquitur de illa absconitione peccati quam facit in iudicio deprehensus peccatum negando, aut excusando, ut ex Glossa ibidem haberi potest.

Ad tertiam quæstionem dicendum, quod ad confessionem dupliciter obligamur. Uno modo ex iure divino ex hoc ipso quod est medicina; & secundum hoc non omnes tenentur ad confessionem, sed illi tantum qui peccatum mortale incurrunt post baptismum. Alio modo, ex præcepto iuris positivi; & sic tenentur omnes (a) ex institutione Ecclesiæ edita in Concilio generali sub Innocentio III. (ut habetur de pœn. & remis. cap. *Omni utriusque sexus* 2.) tum ut quilibet se peccatorem recognosceret, quia omnes peccaverunt, & egent gratia Dei: tum ut cum maiori reverentia ad eucharistiam accederet: tum ut Ecclesiæ rectoribus sui subditi innotescant, ne lupus inter gregem lateat.

Ad primum ergo dicendum, quod quamvis homo in hac vita post baptismum naufragium evadere possit, quod est per peccatum mortale; non tamen potest evadere venialia, quibus ad naufragium disponitur, contra quæ etiam penitentia ordinatur: & ideo manet penitentis locus etiam in illis qui non mortaliter peccant, & per consequens (b) confessionis.

Ad secundum dicendum, quod nullus est qui non habeat iudicem Christum, cui per suum vicarium confiteri debet; & qui quamvis eo inferior sit, inquantum ipse prælatus est, tamen eo est superior, inquantum peccator est ipse, & ille Christi minister.

Ad tertium dicendum, quod ex vi sacramenti non tenetur aliquis venialia confiteri, sed ex institutione Ecclesiæ, quando non habet alia quæ confiteatur. Vel potest dici secundum quoddam, quod ex Decretali prædicta non obligantur nisi illi qui habent peccata mortalia, quod patet ex hoc quod dicit, quod debet omnia peccata confiteri, quod de venialibus intelligi non potest, quia nullus omnia confiteri potest: & secundum hoc etiam illi qui non habent mortalia, non tenentur ad confessionem venialium; sed sufficit ad præceptum Ecclesiæ implendum ut se sacerdoti repræsentet, & se ostendat absque conscientia mortalis esse, & hoc ei pro confessione (c) reputatur.

SOLUTIO IV.

Ad quartam quæstionem dicendum, quod cum propositum confitendi sit annexum.

(a) *Al.* ex ista institutione. (b) *Nisi* ai locum confessionis. (c) *Al.* deest reputatur.

xum contritioni, tunc tenetur aliquis ad hoc propositum, quando ad contritionem tenetur, scilicet quando peccata memoriz occurrunt, cum præcipue in periculo mortis existit, aut in aliquo articulo, in quo sine peccati remissione peccatum oporteat eum incurrere; sicut cum teneatur ad celebrandum, si desit copia sacerdotis, saltem contri tenetur, & habere propositum confitendi. Sed ad confessionem actualiter faciendam obligatur aliquis dupliciter. Uno modo per accidens, scilicet quando ad aliquid tenetur quod non potest sine peccato facere, nisi confessus: tunc enim confiteri tenetur; sicut si debeat eucharistiam percipere, ad quam nullus post peccatum mortale, nisi confessus, accedere debet, copia sacerdotis oblata, & necessitate non urgente: & inde venit obligatio qua Ecclesia omnes obligat ad semel in anno confitendum: quia instituit ut semel in anno, scilicet in paschate, omnes sacram communionem accipiant: & ideo ante tempus illud confiteri tenetur. Alio modo obligatur aliquis ad confessionem per se: & sic videtur eadem ratio esse de confessione, & de baptismo differendo: quia utrumque est sacramentum necessitatis. Ad baptismum autem percipiendum non tenetur aliquis statim postquam habet propositum baptismi, ita quod peccet mortaliter, nisi statim baptizetur: nec est aliquod tempus determinatum, ultra quod si baptismum differat, peccatum mortale incurrat. Sed potest contingere quod in dilatione baptismi erit peccatum mortale, vel non erit; & hoc pensandum est ex causa dilationis: quia, sicut dicit Philosophus in VIII. Phys. (text. com. xv.) voluntas non tetardat facere opus volitum, nisi propter aliquam causam rationalem. Unde si causa dilationis baptismi peccatum mortale annexum habeat, utpote si propter contemptum, vel aliquid huiusmodi baptismum differat, dilatio erit peccatum mortale, alias non. Et ideo idem videtur esse de confessione, quæ non est maioris necessitatis quam baptismus. Et quia ea quæ sunt de necessitate salutis, tenetur homo in hac vita implere; ideo si periculum mortis imminet, etiam per se loquendo, obligatur aliquis ad confessionem faciendam tunc, vel baptismum suscipiendum: & propter hoc etiam Iacobus (cap. v.) simul præceptum edidit de confessione facienda, & extrema unctione suscipienda: & ideo videtur probabilis eorum opinio qui dicunt, quod non tenetur homo ad statim

confitendum, quamvis periculosum sit differre. Alii autem dicunt, quod tenetur contritus ad statim confitendum debita opportunitate oblata secundum rectam rationem. Nec obstat quod Decretalis terminum præfigat, ut semel in anno confiteatur: quia Ecclesia non indulget dilationem, sed prohibet negligentiam in maiori dilatione. Unde per Decretalem illam non excusatur a culpa dilationis quantum ad forum conscientie, sed excusatur a pena quantum ad forum Ecclesiæ, ut non privetur debita sepultura, si morte præventus fuerit ante tempus illud. Sed hoc videtur nimis durum: quia præcepta affirmativa non obligant ad statim, sed ad tempus determinatum, non quidem ex hoc quod tunc commode impleri possunt (quia sic si non daret aliquis elemosinam de superfluo, quandocumque pauper offerretur, peccaret mortaliter, quod falsum est) sed ex hoc quod tempus necessitatem urgentem adducit: & ideo non oportet quod si statim oblata opportunitate non confiteatur, etiamsi maior opportunitas non expectetur, aliquis peccet mortaliter, sed quando ex articulo temporis necessitas confessionis inducitur. Nec hoc est ex indulgentia Ecclesiæ, quod non teneatur ad statim, sed ex natura præcepti affirmativi: unde ante Ecclesiæ statutum etiam minus debebatur. Quidam vero dicunt, quod seculares non tenentur ante quadragesimo tempore confiteri, quod est eis penitentiae tempus; sed religiosi tenentur ad statim, quia totum tempus est eis penitentiae tempus. Sed hoc nihil est: quia religiosi non tenentur ad alia quam alii homines, nisi ad quæ se ex voto obligaverunt.

Ad primum ergo dicendum, quod Hugo loquitur de illis qui sine sacramento decedunt.

Ad secundum dicendum, quod non est de necessitate salutis corporalis quod statim medicum quærat, nisi quando necessitas curationis incumbit: & similiter est de morbo spiritali.

Ad tertium dicendum, quod retentio rei alienæ invito domino contrariatur præcepto negativo, quod obligat semper, & ad semper: & ideo tenetur statim ad reddendum. Secus autem est de impletionem præcepti affirmativi, quod obligat semper, sed non ad semper: unde non tenetur aliquis ad statim implendum.

SOLUTIO V.

Ad quintam questionem dicendum, quod ministri Ecclesiae instituuntur in Ecclesia divinitus fundata; & ideo institutio Ecclesiae praesupponitur ad operationem ministrorum, sicut opus creationis praesupponitur ad opus naturae. Et quia Ecclesia fundatur in fide, & sacramentis, ideo ad ministros Ecclesiae nec novos articulos fidei edere, aut editos remove, aut nova sacramenta instituire, aut instituta remove pertinet; sed hoc est potestatis excellentiae, quae soli debetur Christo, qui est Ecclesiae fundamentum. Et ideo sicut Papa non potest dispensare ut aliquis sine baptismo salvetur, ita nec quod salvetur sine confessione, secundum quod obligat ex ipsa vi sacramenti; sed potest dispensare in confessione secundum quod obligat de praecepto Ecclesiae, ut potest aliquis diutius confessionem differre quam ab Ecclesia institutum sit.

Ad primum ergo dicendum, quod praecepta iuris divini non minus obligant quam praecepta iuris naturalis: unde sicut non potest dispensari in iure naturali, ita nec in iure positivo divino.

Ad secundum dicendum, quod praeceptum de confessione non est ab homine puro institutum, quamvis sit a Iacobo promulgatum; sed a Deo institutionem habuit, quamvis expressa institutio ipsius non legatur: tamen quaedam praefiguratio ipsius invenitur & in hoc quod Iohanni confitebantur peccata (Ioh. cap. 11.) qui baptismo ipsius ad gratiam Christi praeparabantur, & in hoc etiam quod Dominus sacerdotibus leprosos transmisit (Luc. xvi.) qui quamvis non essent novi testamenti sacerdotes, tamen in eis novi testamenti sacerdotium significabatur.

ARTICULUS II.

Utrum Augustinus convenienter confessionem diffiniat.

1. **A**D secundum sic proceditur. Videtur quod Augustinus inconvenienter confessionem diffiniat, dicens (ut habetur ex eius expositione super Psal. lxxvi.) *Confessio est per quam morbus latens spe veniae aperitur*. Morbus enim contra quem confessio ordinatur, peccatum est. Sed peccatum aliquando est apertum. Ergo non debuit dicere morbum latentem esse, cuius confessio est medicina.

2. Praeterea. Principium penitentiae est timor, ut in xiv. dist. (quasi. i. art. 2.) dictum est. Sed confessio est pars penitentiae. Ergo non debuit pro causa confessionis ponere spem, sed magis timorem.

3. Praeterea. Illud quod sub sigillo ponitur, non aperitur; sed clauditur magis. Sed peccatum quod quis confitetur, sub sigillo confessionis ponitur. Ergo non aperitur in confessione peccatum, sed magis clauditur.

4. Praeterea. Inveniuntur quaedam aliae definitiones ab ista differentes. Gregorius enim dicit (hom. xl. super Evang.) *quod confessio est peccatorum desertio, & ruptio vulneris*. Quidam vero dicunt, quod confessio est *legitima coram sacerdote peccatorum declaratio*. Quidam autem sic: *Confessio est sacramentalis delinquentis accusatio ex erubescencia, & per claves Ecclesiae satisfactoria, obligans ad peragendam penitentiam iniunctam*. Ergo videtur quod praefignata causa non omnia contineat quae in his continentur, & ita quod insufficientis sit.

QUAESTIUNCULA II.

1. Ulterius. Videtur quod confessio non sit actus virtutis. Omnis enim actus virtutis est de iure naturali: quia ad virtutes apti sumus a natura, ut Philosophus dicit in II. Ethicorum (cap. 11.) Sed confessio non est de iure naturali. Ergo non est actus virtutis.

2. Praeterea. Actus virtutis magis potest convenire innocenti quam ei qui peccavit. Sed confessio peccati de qua loquimur, non potest innocenti convenire. Ergo non est actus virtutis.

3. Praeterea. Gratia quae est in sacramentis, aliquo modo differt a gratia quae est in virtutibus, & donis, ut in prima distinctione dictum est. Sed confessio est sacramenti pars. Ergo non est actus virtutis.

(4) Sed contra. Non meremur nisi actibus virtutum. Sed confessio est meritoria, quia aperit caelum, ut in littera Magister dicit. Ergo videtur quod sit actus virtutis.

QUAESTIUNCULA III.

1. Ulterius. Videtur quod confessio non sit actus penitentiae virtutis. Quia actus illius virtutis est quae est causa eius. Sed causa confessionis est spes veniae, ut ex distinctione inducta apparet. Ergo videtur quod sit actus spei, & non penitentiae.

2. Prae.

(a) In editis 4. Penitentia. Non meremur &c.

2. Præterea . Verecundia est pars temperantiae , ut in III. Lib. dist. xxxiii. dictum est . Sed confessio ex erubescencia operatur , ut ex præassignata definitione apparet . Ergo est actus temperantiae , non poenitentiae .

3. Præterea . Actus poenitentiae innitur divinæ misericordiae . Sed confessio magis innitur sapientiae propter veritatem , quæ in ipsa esse debet . Ergo non est actus poenitentiae .

4. Præterea . Ad poenitentiam movet articulus de iudicio propter timorem , qui poenitentiae origo est . Sed ad confessionem movet articulus de vita æterna , quia est propter spem veniæ . Ergo non est actus poenitentiae .

5. Præterea . Ad virtutem veritatis pertinet ut ostendat se quis talem qualis est . Sed hoc facit confessio . Ergo est actus virtutis quæ dicitur veritas , & non poenitentiae .

Sed contra . Penitentia ordinatur ad destructionem peccati . Sed ad hoc idem confessio ordinatur . Ergo est actus poenitentiae .

SOLUTIO I.

Respondeo dicendum ad primam questionem , quod scio in actu confessionis plura consideranda occurrunt . Primo ipsa substantia actus , sive genus eius , quod est manifestatio quædam . Secundo de quo fit , scilicet peccatum . Tertio cui fiat , scilicet sacerdos . Quarto causa cuius , scilicet spes veniæ . Quinto effectus eius , scilicet absolutio a parte pænæ , & obligatio ad aliam partem exsolvendam . In prima ergo definitione Augustini tangitur & substantia actus in *apertione* , & de quo fit confessio cum dicitur *morbus latens* , & causa in *spe veniæ* : & in aliis definitionibus tanguntur aliqua de illis quinque assignatis , ut cuilibet inspicienti patet .

Ad primum ergo dicendum , quod quamvis sacerdos aliquando faciat eius peccatum ut homo , non tamen scit ut Christi vicarius , sicut etiam iudex aliquando scit aliquid ut homo quod nescit ut iudex ; & quantum ad hoc per confessionem aperitur . Vel dicendum , quod quamvis actus peccati exterior in aperto sit , actus interior , qui tamen principalior est , in occulto est : & ideo oportet quod per confessionem aperiat .

Ad secundum dicendum , quod confessio præsupponit caritatem , qua iam vi-

S. Th. Oper. Tom. XII.

vus aliquis efficitur , ut in littera dicitur : contritio autem est in qua datur caritas : timor autem servilis , qui est sine spe , est præviis ad caritatem . Sed habens caritatem magis movetur ex spe quam ex timore ; & ideo causa confessionis porius ponitur spes quam timor .

Ad tertium dicendum , quod peccatum in confessione aperitur sacerdoti , & clauditur aliis confessionis sigillo .

Ad quartum dicendum , quod non oportet in qualibet definitione omnia rangere quæ ad rem diffinitam concurrunt : & ideo inveniuntur quædam definitiones , sive assignationes datæ penes unam causam , quædam penes aliam .

SOLUTIO II.

Ad secundam questionem dicendum , quod ad hoc quod aliquis dicatur actus virtutis , ut prius dictum est , sufficit quod in sui ratione aliquam conditionem implicet quæ ad virtutem pertineat . Quamvis autem non omnia quæ ad virtutem requiruntur , importet confessio , tamen importat ex suo nomine manifestationem alicuius simul in conscientia teneri aliquis : sic enim simul in unum os , & cor conveniunt . Si enim quis aliquid proferat ore quod corde non teneat , non confessio , sed fictio dicitur . Hæc autem conditio ad virtutem pertinet , ut aliquis ore consecratur quod corde tenet : & ideo confessio est bonum ex genere , & est actus virtutis ; sed tamen potest male fieri , nisi aliis debitis circumstantiis vestiatur .

Ad primum ergo dicendum , quod ad confessionem veri debito modo faciendam ubi oportet , & cui oportet , id generali inclinatur ratio naturalis ; & secundum hoc confessio est de iure naturali . Sed determinatio circumstantiarum , quando , & quomodo , & quid confiteri oporteat , & cui , hoc est ex institutione iuris divini in confessione , de qua loquimur . Et sic patet quod ius naturale inclinatur ad confessionem mediante iure divino , quo circumstantiæ determinantur , sicut pene est in omnibus quæ sunt de iure positivo .

Ad secundum dicendum , quod illius virtutis cuius obiectum est peccatum commissum , quamvis habitum possit innocens habere , tamen actum non habet innocentia permanente , ut supra de poenitentia dictum est : & ideo etiam confessio peccatorum , de qua nunc loquimur , non competit innocentis , quamvis sit actus virtutis .

Q q q

Ad

Ad tertium dicendum, quod quamvis gratia sacramentorum, & gratia virtutum sit alia & alia, non tamen sunt contrariae, sed disparatae: & ideo non est inconveniens ut idem sit actus virtutis secundum quod ex libero arbitrio gratia informato procedit, & sit sacramentum, vel pars sacramenti secundum quod est medicina in remedium peccati ordinata.

SOLUTIO III.

Ad tertiam questionem dicendum, quod in virtutibus hoc considerandum est, quod quando supra obiectum virtutis additur specialis ratio boni & difficilis, requiritur specialis virtus; sicut magni sumptus ad magnificentiam pertinent, quamvis communiter sumptus mediocres, & donationes pertineant ad liberalitatem, ut patet in II. & IV. Ethic. & similiter est in confessione veri, quae quamvis ad veritatis virtutem pertineat absolute, tamen secundum quod aliqua ratio boni additur, ad aliam virtutem pertinere incipit: & ideo dicit Philosophus in IV. Ethic. quod confessio quae fit in iudiciis, non pertinet ad veritatis virtutem, sed magis ad iustitiam. Ex similiter confessio beneficiorum Dei in laudem divinam non pertinet ad virtutem veritatis, sed ad virtutem latitiae: & ita etiam confessio peccatorum ad remissionem eorum consequendam non pertinet elicitive ad virtutem veritatis, ut quidam dicunt, sed ad virtutem poenitentiae; imperative autem ad multas virtutes pertinere potest, secundum quod in finem multarum virtutum trahi potest confessionis actus.

Ad primum ergo dicendum, quod spes est causa confessionis non sicut eliciens, sed sicut imperans.

Ad secundum dicendum, quod erubescencia in illa diminutione non ponitur quasi causa confessionis, cum magis nata sit impedire confessionis actum, sed quasi concausa ad liberandum a poena, inquantum ipsa erubescencia poena quidam est; & sic etiam claves Ecclesiae concausae confessionis ad hoc sunt.

Ad tertium dicendum, quod secundum quandam adaptationem partes poenitentiae tribus attributis personarum adaptari possunt; ut contritio misericordiae, vel bonitati respondeat propter dolorem de malo, confessio sapientiae propter veritatis manifestationem, satisfactio potentiae propter satisfaciendi laborem: & quia con-

tritio est prima poenitentiae pars efficaciam alius partibus praebens, ideo eodem modo indicatur de tota poenitentia sicut de contritione.

Ad quartum dicendum, quod quia confessio magis ex spe procedit quam ex timore, ut dictum est, ideo magis innuitur articulo de vita aeterna, quam respicit spes, quam articulo de iudicio, quem respicit timor; quamvis poenitentia ratione contritionis e converso se habeat.

Ad quintum patet solutio ex dictis.

ARTICULUS III.

Utrum sit necessarium sacerdoti confiteri.

1. **A**D tertium sic proceditur. Videtur quod non sit necessarium sacerdoti confiteri. Ad confessionem enim non obligamur nisi ex divina institutione. Sed divina institutio nobis proponitur Iacob. v. *Confitemini alterutrum peccata vestra*: ubi non fit mentio de sacerdote. Ergo non oportet confiteri sacerdoti.

2. Praeterea. Poenitentia est sacramentum necessitatis, sicut & baptismus. Sed in baptismo propter sacramenti necessitatem est minister quilibet homo. Ergo & in poenitentia: ergo sufficit cuilibet confiteri.

3. Praeterea. Confessio ad hoc est necessaria, ut taxetur poenitenti satisfactio- nis modus. Sed aliquando aliquis non sacerdos discretius posset poenitenti dare satisfactio- nis modum quam multi sacerdotes. Ergo non est necessarium quod confessio fiat sacerdoti.

4. Praeterea. Confessio ad hoc est ordinata in Ecclesia, ut rectores pecorum suorum vultum cognoscant. Sed quandoque rector, sive praetatus non est sacerdos. Ergo confessio non semper facienda est sacerdoti.

Sed contra. Absolutio poenitentis, propter quam fit confessio, non pertinet nisi ad sacerdotes, quibus claves Ecclesiae commissae sunt. Ergo confessio debet fieri sacerdoti.

Praeterea. Confessio praefiguratur in Lazari mortui vivificatione. Sed Dominus solis discipulis praecepit ut Lazarum solverent, ut patet Ioan. xi. Ergo sacerdotibus facienda est confessio.

QUAESTIUNCULA II.

1. Ulterius. Videtur quod in nullo casu liceat aliis quam sacerdotibus confite-
ri.

ii. Quia confessio sacramentalis accusatio est, ut ex supra posita definitione habetur. Sed dispensatio sacramenti ad illum tantum pertinet qui est sacramenti minister. Cum ergo minister sacramenti penitentiae sit sacerdos, videtur quod nulli alii sit confessio facienda.

2. Præterea. Confessio in quolibet iudicio ad sententiam ordinatur. Sed sententia in foro contentioso non a suo iudice lata, nulla est: & ideo nec facienda est confessio nisi iudici. Sed iudex in foro conscientiae non est nisi sacerdos, qui habet potestatem ligandi, & solvendi. Ergo non est alii confessio fienda.

3. Præterea. In baptismo, quia quilibet baptizare potest, si baptizat laicos sine necessitate, non debet a sacerdote baptismus iterari. Sed si aliquis confitetur laico in casu necessitatis, iterum debet sacerdoti confiteri, si articulum necessitatis evadat. Ergo confessio sacerdotis non potest fieri laico in casu necessitatis.

Sed contra est quod in littera determinatur.

QUAESTIUNCULA III.

1. Ulterius. Videtur quod extra casum necessitatis non possit aliquis non sacerdos confessionem venialium audire. Quia sacramentum aliquod committitur dispensandum laico ratione necessitatis. Sed confessio venialium non est de necessitate salutis, ut supra dictum est. Ergo non committitur laico.

2. Præterea. Contra venialia ordinatur extrema unctio, sicut & penitentia. Sed illa non potest dari a laico, ut patet Iac. ult. Ergo nec confessio venialium potest ei fieri.

Sed contra est quod dicit Beda in littera.

QUAESTIUNCULA IV.

1. Ulterius. Videtur quod non sit necessarium quod homo confiteatur proprio sacerdoti. Gregorius enim dicit*: *Apostolico moderamine, & pietatis officio a nobis constitutum est quod sacerdotibus manibus Apostolorum figuram tenentibus, licet predicare, baptizare, communionem dare,*

pro peccatoribus orare, penitentiam imponere, atque peccata solvere. Sed monachi non sunt proprii sacerdotes aliquorum, cum non habeant curam animarum. Ergo cum confessio fiat propter absolutiorem, iustitiam quod fiat cuicumque sacerdoti.

2. Præterea. Sicut sacerdos est huius sacramenti minister, ita & eucharistiae. Sed quilibet sacerdos potest conficere. Ergo quilibet sacerdos potest sacramentum penitentiae ministrare. Ergo non oportet quod fiat proprio sacerdoti.

3. Præterea. Illud ad quod determinate tenemur, non est in nostra electione constitutum. Sed sacerdos cui confiteri debemus, est in nostra electione constitutus, ut patet per Augustinum in littera: dicit enim: *Qui vult confiteri peccatum, ut inveniat gratiam, querat sacerdotem qui sciat ligare, & solvere.* Ergo videtur quod non sit necessarium quod sacerdoti proprio aliquis confiteatur.

4. Præterea. Quidam sunt, sicut prelati, qui non videntur habere proprium sacerdotem, cum non habeant superiorem. Sed isti teneantur ad confessionem. Ergo non semper tenetur homo confiteri proprio sacerdoti.

5. Præterea. Illud quod est institutum pro caritate, contra caritatem non militat, ut Bernardus dicit (Lib. de præcept. & disp. cap. 11.) Sed confessio, quæ pro caritate instituta est, contra caritatem militaret, si homo ad confitendum uni sacerdoti esset obligatus; ut puta, si peccator sciat sacerdotem suum hæreticum, vel sollicitorem ad malum, aut fragilem, qui ad peccatum quod quis ei confitetur, sit pronus; vel si revelatore esse confessionis probabiliter existimatur; vel si peccatum contra ipsum commissum sit, de quo quis confiteri debet. Ergo videtur quod non semper oporteat confiteri proprio sacerdoti.

6. Præterea. In eo quod est necessarium ad salutem, non sunt homines arctandi, ne impediuntur a via salutis. Sed magna arctatio videtur, si oporteat uni homini confiteri de necessitate, & per hoc multi possunt a confessione retrahi vel timore, vel verecundia, vel aliquo huiusmodi. Er-

Qq q 2

go

EX EDIT. P. NICOLAI.

* Ut sub eius nomine in Decretis refertur can. xvi. quæst. 2. cap. *Ex auctoritate habet decreti* sed in Anselmo in margine notatur, nec sic apud Gregorium occurrit; quamvis ex Lib. V. Epistoliarum epist. xviii. ad Candidum de urbe veteri petus hic ad marginem elici notaretur; sed ibi tantum Episcopo illi conceditur ut quosdam ex monachis in parochia sua, seu diocesi constitutis ad officium sacerdotale aptos ordinare in sacerdotes possit.

go cum confessio sit de necessitate salutis, non debent homines ad hoc arctari, ut videtur, quod proprio sacerdoti confiteantur.

Sed contra est Decretalis Innocentii (ut supra) qui instituit quod omnes utriusque sexus semel in anno proprio sacerdoti confiteantur.

Præterea. Sicut se habet Episcopus ad diocesim suam, ita sacerdos ad suam parochiam. Sed non licet uni Episcopo in diocesi alterius episcopale officium exercere, secundum statuta canonum. Ergo nec licet uni sacerdoti parochianum alterius audire.

QUAESTIUNCULA V.

1. Ulterius. Videtur quod non possit aliquis alteri quam proprio sacerdoti confiteri, etiam ex privilegio, vel mandato superioris. Quia non potest aliquod privilegium indulgeri in præiudicium alterius. Sed hoc est in præiudicium alterius sacerdotis, si alius confessionem subditi audiat. Ergo non potest per privilegium, vel licentiam, seu mandatum superioris obtineri.

2. Præterea. Illud per quod impeditur divinum mandatum, non potest per mandatum, vel privilegium alicuius hominis concedi. Sed mandatum divinum est ad rectores Ecclesiarum ut diligenter vultum pecoris sui agnoscant, Proverb. xxv. et. quod impeditur, si alius quam ipse confessionem eius audiat. Ergo hoc non potest per alicuius boninis privilegium, vel mandatum ordinari.

3. Præterea. Ille qui audit confessionem alicuius, est proprius iudex eius: alias non posset eum ligare, & solvere. Sed unius hominis non possunt esse plures proprii iudices, vel proprii sacerdotes: quia tunc teneretur pluribus obedire; quod esset impossibile, si contraria precipere, vel impossibile. Ergo non potest alicui alius confiteri nisi proprio sacerdoti, etiam ex superioris licentia.

4. Præterea. Iniuriam facit sacramento qui sacramentum iterat super eandem materiam, vel ad minus inutiliter facit. Sed qui confessus est alii sacerdoti, tenetur iterum confiteri proprio sacerdoti, si petat: quia non est absolutus ab obedientia qua ei tenetur ad hoc. Ergo non potest licite fieri quod alii quam proprio sacerdoti confiteatur.

Sed contra. Ea quæ sunt ordinis, pos-

sunt habenti similem ordinem committi ab eo qui illa facere potest. Sed superior, ut Episcopus, potest audire confessionem illius qui est de parochia alicuius presbyteri: quia etiam aliquando aliqua ubi referat, cum sit principalior rector. Ergo & potest committere alicui sacerdoti alteri quod ipse audiat.

Præterea. Quidquid potest inferior, potest superior. Sed ipse sacerdos potest dare licentiam suo parochiano quod alteri confiteatur. Ergo multo fortius hoc eius superior potest.

Præterea. Potestatem quam habet sacerdos in populo, habet Episcopus. Sed ex illa potestate potest confessionem audire. Ergo & eadem ratione alius, cui Episcopus potestatem concedit.

SOLUTIO I.

Respondetur dicendum quæ primam questionem, quod gratia quæ in sacramentis datur, a capite in membra descendit: & ideo ille solus est minister sacramentorum, in quibus gratia datur, qui habet ministerium super corpus Christi verum; quod solius sacerdotis est, qui consecrare eucharistiam potest: & ideo cum in sacramento penitentiae gratia conferatur, solus sacerdos est minister huius sacramenti, & ideo ei soli facienda est sacramentalis confessio, quæ ministro Ecclesie debet fieri.

Ad primum ergo dicendum, quod Iacobus loquitur ex præsuppositione divinæ institutionis: & quia divinitus institutio præcesserat de confessione sacerdotibus facienda per hoc quod eis potestatem remittendi peccata in Apostolis dedit, ut patet Ioan. xx. ideo intelligendum est quod Iacobus sacerdotibus confessionem esse faciendam monuit.

Ad secundum dicendum, quod baptismus est magis sacramentum necessitatis quam penitentiae sacramentum quo ad confessionem, & absolutionem: quia quandoque baptismus prætermitti non posset sine periculo salutis æternæ, ut patet in pueris, qui nondum habent usum rationis. Sed non est ita de confessione & absolutione, quæ tantum ad adultos pertinet, in quibus contritio cum proposito confitendi, & desiderio absolutionis sufficit ad liberandum a morte æterna: & ideo non est simile de baptismo, & confessione.

Ad tertium dicendum, quod, sicut dictum est (dist. xv. quest. i. art. 3.) in satisfactione non solum est attendenda quantitas

titas pœnæ, sed etiam virtus eius secundum quod est pars sacramenti: & sic requirit sacramentorum dispensatorem, quamvis etiam ab alio quam a sacerdote quantitas pœnæ taxari possit.

Ad quartum dicendum, quod cognoscere vultum pecoris ad duo necessarium est. Primo (a) ad hoc quod coordinentur gregi Christi; & sic cognoscere vultum pecoris pertinet ad curam, & sollicitudinem pastoralem, quæ incumbit quandoque illis qui non sunt sacerdotes. Secundo ad hoc quod provideatur ei conveniens medicamentum salutis; & sic cognoscere vultum pecoris pertinet ad eum cuius est medicamentum salutis, scilicet sacramentum eucharistiæ, & alia præbere, scilicet ad sacerdotem: & ad talem cognitionem pecoris confessio ordinatur.

SOLUTIO II.

Ad secundam questionem dicendum, quod sicut baptismus est sacramentum necessitatis, ita & pœnitentia. Baptismus autem, qui est sacramentum necessitatis, habet duplicem ministrum: unum cui ex officio baptizare incumbit, scilicet sacerdotem; alium cui ratione necessitatis dispensatio baptismi committitur. Et ita etiam minister pœnitentiæ, cui confessio est facienda ex officio, est sacerdos; sed in necessitate etiam laicus vicem sacerdotis supplet, ut ei confessio fieri possit.

Ad primum ergo dicendum, quod in sacramento pœnitentiæ non solum est aliquid ex parte ministri, scilicet absolutio, & satisfactio in iudicio, sed etiam aliquid ex parte ipsius qui suscipit sacramentum, quod est etiam de essentia sacramenti, sicut contritio, & confessio. Satisfactio autem iam incipit esse a ministro in quantum eam iniungit, & a penitente in quantum eam implet: & ad plenitudinem sacramenti utrumque debet concurrere quando possibile est: sed quando necessitas imminet, debet facere penitens quod ex parte sua est, scilicet contriti, & confiteri cui potest: qui quamvis sacramentum perficere non possit, ut faciat id quod est ex parte sacerdotis, absolutionem scilicet, tamen defectum sacerdotis summus sacerdos supplet. Nihilominus confessio laico ex desiderio sacerdotis facta, sacramentalis est quodammodo, quamvis non sit sacramentum perfectum, quia deest ei id quod est ex parte sacer-

dotis. Ad secundum dicendum, quod quamvis laicus non sit iudex eius qui ei confiteretur absolute, tamen ratione necessitatis accipit iudicium super eum, scilicet secundum quod confitens ex desiderio sacerdotis se ei subdit.

Ad tertium dicendum, quod per sacramenta homo non solum Deo, sed etiam Ecclesiæ oportet quod reconcilietur. Ecclesiæ autem reconciliari non potest, nisi sanctificatio Ecclesiæ ad eum perveniat. In baptismo autem sanctificatio Ecclesiæ ad hominem pervenit per ipsum elementum exterius adhibitum, quod verbo vitæ sanctificatur secundum formam Ecclesiæ a quocumque: & ideo ex quo semel baptizatus est a quocumque, non oportet quod iterum baptizetur. Sed in penitentia Ecclesiæ sanctificatio non pervenit ad hominem nisi per ministrum: quia non est ibi aliquod elementum corporale exterius adhibitum, quod ex sanctificatione invisibilem gratiam conferat: & ideo quamvis ille qui laico confessus sit veniam a Deo, eo quod propositum confitendi secundum mandatum Dei, quod concepit, sicut potuit, implevit; non tamen adhuc Ecclesiæ reconciliatus est, ut ad sacramenta Ecclesiæ admitti debeat, nisi prius a sacerdote absolvatur; sicut ille qui baptismum flaminis baptizatus est, ad eucharistiam non admittitur: & ideo oportet quod iterum confiteatur sacerdoti, cum copiam habere potuerit, & præcipue quia, ut dictum est, sacramentum penitentiae perfectum non fuit: unde oportet quod perficiatur, ut ex ipsa perceptione sacramenti plenior effectum consequatur, & ut mandatum de penitentia sacramento recipiendo impleatur.

SOLUTIO III.

Ad tertiam questionem dicendum, quod per peccatum veniale homo nec a Deo, nec a sacramentis Ecclesiæ separatur: & ideo non indiget novæ gratiæ collatione ad eius dimissionem, nec indiget reconciliatione ad Ecclesiam: & propter hoc non oportet quod venialia aliquis sacerdoti confiteatur: quia ipsa confessio laico facta, sacramentale quoddam est, quamvis non sit sacramentum perfectum, & ex caritate procedens: (b) & talibus natum est veniale remitti, sicut per tonsionem pectoris, & per aquam benedictam.

Et per hoc patet solutio ad primum: quia

(a) *scilicet* ad hoc. (b) *Nicolaus* & per talia.

quia venialia non indigent sacramenti perceptione ad dimissionem sui, sed sufficit ibi aliquod sacramentale, ut aqua benedicta, vel aliquid huiusmodi.

Ad secundum dicendum, quod extrema unctio non datur directe contra veniale, nec aliquod sacramentum, ut supra dist. 17. (quaest. 1. art. 1. quaestione. iv.) dictum est.

SOLUTIO IV.

Ad quartam quaestionem dicendum, quod alia sacramenta non consistunt in hoc quod ad sacramentum accedens. aliquid agat, sed solum ut recipiat, sicut patet in baptismo, & huiusmodi; sed actus recipientis requiritur ad percipiendum utilitatem sacramenti in eo qui est suae voluntatis arbitrio constitutus, quasi removens prohibens, scilicet fœdationem. Sed in penitentia actus accedens ad sacramentum est de substantia sacramenti, eo quod contritio, confessio, satisfactio sunt penitentiae partes, quae sunt actus penitentis. Actus autem nostri, cum in nobis principium habeant, non possunt nobis ab alio dispensari nisi per imperium: unde oportet quod ille qui dispensator huius sacramenti constituitur, sit talis qui possit imperare aliquid agendum. Imperium autem non competit alicui in alium, nisi qui habet super eum iurisdictionem: & ideo de necessitate huius sacramenti est non solum ut minister habeat ordinem, sicut in aliis sacramentis, sed etiam quod habeat iurisdictionem: & ideo sicut ille qui non est sacerdos, non potest hoc sacramentum conferre, ita nec ille qui non habet iurisdictionem: & propter hoc oportet sicut sacerdoti, ita proprio sacerdoti confessionem fieri. Cum enim sacerdos non absolvat nisi ligando ad aliquid faciendum, ille solus potest absolvere qui potest per imperium ad aliquid faciendum ligare.

Ad primum ergo dicendum, quod Gregorius loquitur de illis monachis qui iurisdictionem habent, utpote quibus alicuius parochiae cura est commissa: de quibus aliqui dicebant, quod hoc ipso quod monachi erant, non poterant absolvere, & penitentias iniungere; quod falsum est.

Ad secundum dicendum, quod sacramentum eucharistiae non requirit imperium in alicum hominem; secus autem est in hoc sacramento, ut dictum est: & ideo ratio non sequitur: & tamen non licet eucharistiam ab alio quam a proprio sacerdote

accipere, quamvis sit verum sacramentum quod ab eo percipitur.

Ad tertium dicendum, quod electio discreti sacerdotis non est nobis commissa, ut nostro arbitrio facienda, sed de licentia superioris; si forte proprius sacerdos esset minus idoneus ad apponendum peccato salutarem remedium.

Ad quartum dicendum, quod quia praeteritis iocumbit sacramenta dispensare, quae non nisi mundi tractare debent, ideo concessum est eis a iure quod possunt sibi eligere proprios confessores, qui quantum ad hoc sunt eis superiores; sicut etiam unus medicus ab alio curatur, non inquantum est medicus, sed inquantum est infirmus.

Ad quintum dicendum, quod in casibus illis in quibus probabiliter timet penitens periculum sibi, vel sacerdoti ex confessione ei facta, debet recurrere ad superiorem, vel ab eodem petere licentiam alteri confitendi. Quod si licentiam habere non possit idem est iudicium quod de illo qui non habet copiam sacerdotis: unde magis debet eligere laico confiteri. Nec in hoc transgreditur aliquis praeceptum Ecclesiae: quia praecepta iuris positivi non se extendunt ultra intentionem precipientis, quae est finis praecepti. Haec autem est caritas secundum Apostolum. Nec iterum fit aliqua iniuria sacerdoti: quia privilegium meretur amittere qui concessa sibi abutitur potestate.

Ad sextum dicendum, quod in hoc quod oportet proprio sacerdoti confiteri, non ardetur via salutis, sed sufficiens ad salutem via statuitur. Peccaret autem sacerdos, si non esset facilis ad praebendam licentiam confitendi alteri: quia multi sunt adeo infirmi quod potius sine confessione morerentur quam tali sacerdoti confiterentur: unde illi qui sunt nimis solliciti ut conscientias subditorum per confessionem fiant, multis laqueum damnationis iniiciunt, & per consequens sibi ipsis.

SOLUTIO V.

Ad quintam quaestionem dicendum, quod sacerdos aliquis potest dupliciter impedire alicuius confessionem audiat. Uno modo propter defectum iurisdictionis; alio modo propter impedimentum executionis ordinis, sicut excommunicati, & degradati, & huiusmodi. Quicumque autem habet iurisdictionem, potest ea quae sunt iurisdictionis, committere: & ideo si aliquis impediatur quod alterius confessionem audire

dire non possit per iurisdictionis defectum, potest sibi per quemcumque iurisdictionem habentem immediatam in illos committi quod confessionem audiat, & absolvat, si-ve per ipsum sacerdotem, si-ve per Episcopum, si-ve per Papam. Si autem propter executionis ordinis impedimentum audire non possit, potest sibi concedi quod confessionem audiat per eum qui impedimen- tum amovere potest.

Ad primum ergo dicendum, quod præiudicium non fit alicui, nisi subtrahatur quod est in favorem ipsius indultum. Iurisdictionis autem potestas non est commissio alicui homini in favorem suum, sed in utilitatem plebis, & ad honorem Dei: & ideo si superioribus prelati expedire videatur ad salutem plebis, & ad honorem Dei promovendum, quod aliis quæ sunt iurisdictionis committant, in nullo fit præiudicium inferioribus prelati, nisi illis qui quærent quæ sua sunt, non quæ Iesu Christi, & qui gregi præsumt, non ut eas pacant, sed ut ab eis pascantur.

Ad secundum dicendum, quod rector Ecclesiæ debet vultum pecoris sui agnoscere dupliciter. Uno modo per sollicitam exterioris conversationis considerationem, qua invigilare debet super gregem sibi commissum; & in hac cognitione non oportet quod credat subditi; sed certitudinem facti, in quantum potest, inquiret. Alio modo per confessionis manifestationem; & quantum ad hanc cognitionem non potest maiorem certitudinem accipere quam ut subditi credat, quia hoc est ad subveniendum conscientiæ ipsius: unde in foro confessionis creditur homini & pro se, & contra se, non autem in foro exterioris iudicii: & ideo ad hanc cognitionem sufficit quod credat subditi dicenti se alteri absolute valenti confessum fuisse: & sic patet quod talis cognitio pecoris per privilegium alicui indultum de confessione audienda non impeditur.

Ad tertium dicendum, quod inconveniens esset, si duo æqualiter super eamdem plebem constituerentur; sed quod duo, quorum unus alio principalior est, super eamdem plebem constituantur, non est inconveniens: & secundum hoc super eamdem plebem immediate sunt & sacerdos parochialis, & Episcopus, & Papa; & quilibet eorum potest ea quæ sunt iurisdictionis ad ipsum pertinentia, alteri committere. Sed si superior committat, qui & principalior est, dupliciter potest commit-

tere. Aut ita quod eum vice sui constituat, sicut Papa, & Episcopus suos penitentiarios constituunt; & tunc talis est principalior quam inferior prelati, sicut penitentiarius Papæ quam Episcopus, & penitentiarius Episcopi quam sacerdos parochialis, & magis tenetur ei consentire obedire. Alio modo ut eum coadiutorem illius sacerdotis constituat: & quia coadiutor ordinatur ad eum cui coadiutor datur, ideo adiutor est minus principalis: & ideo penitens non tantum obedire tenetur ei quantum proprio sacerdoti.

Ad quartum dicendum, quod nullus tenetur confiteri peccata quæ non habet: & ideo si aliquis penitentiario Episcopi, vel alteri ab Episcopo commissionem habenti confessus fuerit, cum sint sibi dimissa peccata & quo ad Deum, & quo ad Ecclesiam, non tenetur ea confiteri proprio sacerdoti, quantumcumque petat. Sed propter statutum Ecclesiæ de confessione facienda proprio sacerdoti semel in anno, eodem modo se debet habere sicut ille qui habet solum venialia: talis enim debet solum venialia confiteri, ut quidam dicunt; vel etiam profiteri se a peccato mortali immunem; & sacerdos in foro conscientiæ ei credere tenetur. Si tamen iterum confiteri teneretur, non frustra primo confessus fuisset: quia quanto pluribus sacerdotibus confiteatur quis, tanto plus de pena ei remittetur, tum ex erubescencia confessionis, quæ in penam satisfactoriam computatur, tum ex vi clavium. Unde toties posset aliquis confiteri quod ab omni pena liberaretur: nec reiteratio iniuriam facit sacramento, nisi illi in quo sanctificatio adhibetur vel per characteris impressionem, vel per materiam consecrationem; quorum neutrum est in penitentia: unde bonum est quod ille qui auctoritate Episcopi confessionem audit, inducat conscientiam quod confiteatur proprio sacerdoti. Quod si noluerit, nihilominus eum absol-vere debet.

ARTICULUS IV.

Utrum confessio esse possit informis.

1. **A**D quartum sic proceditur. Videtur quod confessio esse non possit informis. Eccl. enim xviii. 26. dicitur: *Amor tuus, velut qui non est, perit confessio*. Sed ille qui non habet caritatem, est mortuus: quia ipsa est animæ vita. Ergo absque caritate non potest esse confessio.

2. *Præ-*

2. Præterea. Confessio dividitur contra contritionem, & satisfactionem. Sed contritio, & satisfactio numquam possunt extra caritatem fieri. Ergo nec confessio.

3. Præterea. In confessione oportet quod os cordi concordet: quia hoc ipsum nomen confessionis requirit. Sed ille qui adhuc manet in affectu peccati quod confitetur, non habet cor ori conforme: quia corde peccatum tenet quod ore damnat. Ergo talis non confitetur.

Sed contra. Quilibet tenetur ad confessionem mortaliū. Sed si aliquis semel confessus est etiam in mortali exillens, non tenetur ulterius ad confitendum eadem peccata: quia cum nullus sciat se caritatem habere, nullus sciret se confessum fuisse. Ergo non est de necessitate confessionis quod sit caritate formata.

QUAESTIUNCULA II.

1. Ulterius. Videtur quod non oporteat confessionem esse integram, ut scilicet omnia peccata uni sacerdoti confiteatur aliquis. Quia erubescencia facit ad diminutionem poenae. Sed quanto pluribus sacerdotibus quis confitetur, tanto maiorem erubescenciam patitur. Ergo fructuosior erit confessio, si pluribus sacerdotibus dividatur.

2. Præterea. Confessio ad hoc necessaria est in poenitentia, ut poena secundum arbitrium sacerdotis peccato taxetur. Sed sufficiens poena potest imponi a sacerdotibus de diversis peccatis. Ergo non oportet uni sacerdoti omnia peccata confiteri.

3. Præterea. Potest contingere quod post confessionem factam, & satisfactionem perfectam recorderetur quis alicuius peccati mortalis, quod dum confitebatur, in memoria non habebat; & tunc copiam proprii sacerdotis, cui primo confessus fuerit, habere non poterit. Ergo poterit illud solum peccatum alteri confiteri; & sic diversa peccata diversis sacerdotibus confitebitur.

4. Præterea. Sacerdoti non debet fieri confessio de peccatis, nisi propter absolutionem. Sed quandoque sacerdos qui confessionem audit, potest de quibusdam peccatis absolvere, non de omnibus. Ergo ad minus in tali casu non oportet quod confessio sit integra.

Sed contra. Hypocritis est impedimentum poenitentiae, ut in præcedenti dist. dictum est. Sed dividere confessionem, ad hypocritam pertinet, ut Augustinus dicit. Ergo confessio debet esse integra.

Præterea: Confessio est poenitentiae pars. Sed poenitentia debet esse integra, ut in xx dist. Magister ostendit. Ergo & confessio.

QUAESTIUNCULA III.

1. Ulterius. Videtur quod possit per alium quis confiteri, vel per scriptum. Quia confessio ad hoc necessaria est, ut per eam conscientia poenitentis sacerdoti pandatur. Sed homo potest etiam per alium, vel per scriptum suam conscientiam sacerdoti manifestare. Ergo sufficit per scriptum, vel per alium confiteri.

2. Præterea. Quidam non intelliguntur a propriis sacerdotibus propter linguarum diversitatem; & tales non possunt nisi per alios confiteri. Ergo non est de necessitate sacramenti quod per seipsum quis confiteatur; & ita videtur quod si per alium quis confessus fuerit qualitercumque, quod sufficiat ei ad salutem.

3. Præterea. De necessitate sacramenti est quod homo proprio sacerdoti confiteatur, ut ex dictis patet. Sed aliquando proprius sacerdos est absens, cui non potest poenitens propria voce loqui; posset autem per scriptum suam conscientiam ei manifestare. Ergo videtur quod per scriptum ei suam conscientiam transmittere debeat.

Sed contra. Homo tenetur ad confessionem peccatorum, sicut ad confessionem fidei. Sed confessio fidei est ore facienda, ut patet Rom. x. Ergo & confessio peccatorum.

Præterea. Qui per seipsum peccavit, per seipsum debet poenitere. Sed confessio est poenitentiae pars. Ergo poenitens debet confiteri propria voce.

QUAESTIUNCULA IV.

1. Ulterius. Videtur quod illae conditiones sexdecim quae a magistris assignantur, his verbis contentæ, non requirantur ad confessionem.

Sit simplex, humilis confessio, pura, fidelis.

Argue frequens, nuda; discreta, tibiens, veracunda.

Integra, secreta, lacrymabilis, accelerata.

Fortis, & accusans, & sit parere parata.

Fides enim, & simplicitas, & fortitudo sunt per se virtutes. Ergo non debent poni conditiones confessionis.

2. Præterea. Putum est quod non habeat per se

permixtionem : similiter simplex compositionem, & mixtionem aufert. Ergo superflue utrumque ponitur.

3. Præterea. Peccatum semel commissum nullus tenetur confiteri nisi semel. Ergo si homo peccatum non iterat, non oportet quod sit penitentia frequens.

4. Præterea. Confessio ordinatur ad satisfactionem. Sed satisfactio qua doque est publica. Ergo & confessio non semper debet esse secreta.

5. Præterea. Illud quod non est in potestate nostra, non requiritur a nobis. Sed lacrymas emittere non est in potestate nostra. Ergo non requiri ut a confitente.

SOLUTIO I.

Respondeo dicendum ad primam questionem, quod confessio est actus virtutis, & pars sacramenti. Secundum autem quod est actus virtutis, est actus meritorius proprie; & sic confessio non valet sine caritate, quæ est principium merendi. Sed secundum quod est pars sacramenti, sic ordinatur confitenti ad sacerdotem, qui habet claves Ecclesiæ, qui per confessionem conscientiam confitentis cognoscit; & secundum hoc confessio etiam potest esse in eo qui non est contritus, quia potest peccata sua sacerdoti innotescere, & clavibus Ecclesiæ se subicere. Ex quamvis tunc non percipiat absolutionis fructum, tamen recedente fictione percipere incipiet, sicut etiam est & in aliis sacramentis: unde non tenetur iterare confessionem qui fictus accedit, sed tenetur postmodum fictionem suam conteri.

Ad primum ergo dicendum, quod auctoritas illa intelligenda est quantum ad fructum confessionis percipiendum, quem nullus extra caritatem existens percipit.

Ad secundum dicendum, quod contritio, & satisfactio sunt Deo; sed confessio fit homini: & ideo de ratione contritionis, & satisfactionis est quod homo fit Deo per caritatem unitus, non autem de ratione confessionis.

Ad tertium dicendum, quod ille qui peccata quæ habet, narrat, vere loquitur; & sic cor concordat verbis quantum ad substantiam confessionis, quamvis cor discorret a confessionis fine.

SOLUTIO II.

Ad secundam questionem dicendum, quod in medicina corporali oportet quod medicus non solum unum morbum, contra

S. Th. Oper. Tom. XII.

quem medicinam dare debet, cognoscat, sed etiam universaliter totam habitudinem ipsius infirmi, eo quod unus morbus ex adiunctione alterius aggravatur, & medicina quæ uni morbo competeret, alteri nocumentum præstaret: & similiter est in peccatis: quia unum aggravatur ex adiunctione alterius, & illud quod uni peccato esset conveniens medicina, alteri incentivum præstaret, cum quandoque aliquis contrarius peccatus infectus sit, ut Gregorius in pastoralis (111. part. cap. 111.) docet: & ideo de necessitate confessionis est quod homo omnia peccata confiteatur quæ in memoria habet: quod si non facit, non est confessio, sed confessionis simulatio.

Ad primum ergo dicendum, quod etsi erubescencia sit multiplicior, quando dividit diversa peccata diversis, tamen omnes simul non sunt ita magnæ sicut illa una quæ quis omnia peccata sua simul confiteatur: quia unum peccatum per se consideratum non ita demonstrat malam dispositionem peccantis, sicut quando cum pluribus aliis consideratur: quia in unum peccatum aliquis quandoque ex ignorantia, vel infirmitate labitur; sed multitudo peccatorum demonstrat malitiam peccantis, vel magnam corruptionem eiusdem.

Ad secundum dicendum, quod poena a diversis sacerdotibus imposita non esset sufficiens: quia quilibet consideraret tantum unum peccatum per se, & non gravitatem ipsius quam habet ex adiunctione alterius: & quandoque poena quæ contra unum peccatum daretur, esset promotiva alterius peccati. Præterea sacerdos confessionem audiens vicem Dei gerit: & ideo debet ei hoc modo fieri confessio sicut fit Deo in contritione: unde sicut non esset contritio, nisi quis de omnibus contereretur; ita non esset confessio, nisi quis de omnibus quæ memoriæ occurrunt, confiteatur.

Ad tertium dicendum, quod quidam dicunt, quod quando aliquis recordatur eorum quæ prius oblitus fuit, debet iterum etiam ea quæ confessus fuerat, confiteri; & præcipue si non potest eundem habere, cui ante confessus fuerat, qui omnia cognoscit, ut totius culpe quantitas uni sacerdoti innotescat. Sed hoc non videtur necessarium: quia peccatum habet quantitatem & ex seipso, & ex adiunctione alterius. Peccatorum autem de quibus confessus est, manifestavit quantitatem quam ex seipsis habent. Ad hoc autem quod sacerdotes utramque quantitatem huius pecca-

Rrr ti

ti cuius fuerat oblitus, cognoscat, sufficit quod hoc peccatum confitens dicat explicite, & alia in generali, dicendo, quod cum alia multa confiteretur, huiusmodi oblitus fuit.

Ad quartum dicendum, quod etiam si sacerdos non possit de omnibus absolvere, tenetur sibi omnia confiteri, ut quantitate totius culpae cognoscat, & de illis de quibus non potest absolvere, ad superiorem remittat.

SOLUTIO III.

Ad tertiam questionem dicendum, quod confessio non solum est actus virtutis, sed etiam pars sacramenti. Quamvis autem ad eam, secundum quod est actus virtutis, sufficeret qualitercumque fieret, etsi non esset tanta difficultas in uno modo sicut in alio; tamen secundum quod est pars sacramenti, habet determinatum actum, sicut & alia sacramenta habent determinatam materiam. Et sicut in baptismo ad significandam interiorem abluionem assumitur illud elementum cuius est maximus usus in abluendo; ita (a) in actu sacramentali ad manifestandum ordinate assumitur ille actus quo maxime consuevimus manifestare, scilicet per proprium verbum: alii enim modi sunt inducti in supplementum istius.

Ad primum ergo dicendum, quod sicut in baptismo non sufficit qualitercumque ablueri, sed per elementum determinatum; ita nec in poenitentia sufficit qualitercumque peccata manifestare, sed oportet quod per actum determinatum manifestentur.

Ad secundum dicendum, quod in eo qui usum linguae non habet, sicut mutus, vel qui est alterius linguae, sufficit quod per scriptum, aut nutum, aut interpretem confiteatur: quia non exigitur ab homine plus quam possit: quamvis homo non debeat baptismum accipere nisi in aqua, quia aqua est omnino ab exteriori, & nobis ab alio exhibetur. Sed actus confessionis est a nobis: & ideo quando non possumus uno modo, debemus secundum quod possumus, confiteri.

Ad tertium dicendum, quod in absentia proprii sacerdotis potest etiam laico fieri confessio: & ideo non oportet quod per scriptum fiat: quia plus pertinet ad necessitatem confessionis actus quam ille cui fit confessio.

SOLUTIO IV.

Ad quartam questionem dicendum, quod dictarum conditionum quaedam sunt de necessitate confessionis, quaedam de bene esse ipsius. Ea autem quae sunt de necessitate confessionis, vel competunt ei secundum quod est actus virtutis, vel secundum quod est pars sacramenti. Si primo modo, aut ratione virtutis in genere, aut ratione specialis virtutis, cuius est actus. Ex ipsa autem ratione actus virtutis in genere sunt quatuor condiciones, ut in II. Ethic. (cap. 11. vel 14.) dicitur. Prima est ut aliquis sit sciens: & quantum ad hoc confessio dicitur esse *discreta*, secundum quod in actu omnis virtutis prudentia requiritur: est autem haec discretio ut maiora cum maiori pondere confiteatur. Secunda conditio est ut sit eligens; quia actus virtutum debent esse voluntarii; & quantum ad hoc dicit, *Libens*. Tertia conditio est (b) ut propter debitum finem operetur; & quantum ad hoc dicit, quod debet esse poenitentia *pura*, ut scilicet recta sit intentio. Quarta est ut immobiliter operetur; & quantum ad hoc dicit quod debet esse *fortis*, ut scilicet propter verecundiam non dimittat. Est autem confessio actus poenitentiae virtutis: quae quidem primo initium sumit in horrore turpitudinis peccati; & quantum ad hoc confessio debet esse *verecunda*, ut scilicet non se iactet de peccatis propter aliquam saeculi vanitatem admixtam. Secundo progreditur ad dolorem de peccato commissio; & quantum ad hoc debet esse *lacrymabilis*. Tercio in abiectione sui terminatur; & quantum ad hoc debet esse *humilis*, ut se miserum confiteatur, & infirmum. Sed ex propria ratione huius actus qui est confessio, habet quod sit manifestativa: quae quidem manifestatio per quatuor impediri potest. Primo per falsitatem; & quantum ad hoc dicit, *Fidelis*, id est vera. Secundo per obscuritatem; & contra hoc dicit, *Nuda*, ut non involvatur obscuritate verborum. Tercio per multiplicationem verborum; & contra hoc dicit, quod sit *simplex*, ut non recitet in confessione nisi quod ad quantitatem peccati pertinet. Quarto ut non subtrahatur aliquid de his quae manifestanda sunt; & contra hoc dicit, *Integra*. Secundum autem quod confessio est pars sacramenti, sic concernit iudicium sacerdotis, qui est minister sacramenti: unde oportet

(a) *Id.* in habitu. (b) *Id.* ut propter hoc, scilicet debitum finem.

ter quod sit *accelerans* ex parte confitentis ; *parere parata* per comparationem ad *faciendam* ; *secreta* quantum ad conditionem fori , in quo de occultis conscientiae agitur . Sed de bene esse confessionis est quod sit *frequens* , & quod sit *accelerata* .

Ad primum ergo dicendum , quod non est inconueniens quod conditio unius virtutis in actu alterius inueniatur , qui ab ipsa imperatur ; vel quia medium quod est unius virtutis principaliter ; etiam aliae virtutes per participationem habent .

Ad secundum dicendum , quod haec conditio *pura* intentionis excludit peruersitatem , a qua homo mundatur ; sed *simplex* , alieni admixtionem .

Ad tertium dicendum , quod hoc non est de necessitate confessionis , sed ad bene esse .

Ad quartum dicendum , quod propter scandalum aliorum , qui possunt ex peccatis auditis ad malum inclinari , non debet confessio fieri in publico , sed in occulto . Ex poena autem satisfactoria non scandalizatur ita aliquis : quia quandoque pro paruo , vel nullo peccato similia opera satisfactoria fiunt .

Ad quintum dicendum , quod intelligendum est de lacrymis mentis .

ARTICULUS V.

Utrum confessio liberet a morte peccati .

AD quintum sic proceditur . Videtur quod confessio non liberet a morte peccati . Confessio enim contritionem sequitur . Sed contritio sufficienter delet culpam . Ergo confessio non liberat a morte peccati .

2. Praeterea . Sicut mortale est culpa , ita etiam veniale . Sed per confessionem fit veniale quod prius erat mortale , ut in littera dicitur . Ergo per confessionem non remittitur culpa , sed culpa in culpam mutatur .

Sed contra . Confessio est pars sacramenti poenitentiae . Sed poenitentia a culpa liberat . Ergo & confessio .

QUAESTIUNCULA II.

1. Ulterius . Videtur quod confessio non liberet aliquo modo a poena . Quia peccato non debetur nisi poena aeterna , vel temporalis . Sed poena aeterna per contritionem dimittitur , poena autem temporalis per satisfactionem . Ergo per confessionem nihil dimittitur de poena .

2. Praeterea . Voluntas pro facto reputatur , ut in littera dicitur . Sed ille qui confessus est , habuit propositum confitendi . Ergo tantum valuit sibi sicut si fuisset confessus ; & ita per confessionem quam postea facit , nihil de poena dimittitur .

Sed contra . Confessio poenam habet . Sed per alia opera poenalia expiatur poena peccato debita . Ergo & per confessionem .

QUAESTIUNCULA III.

1. Ulterius . Videtur quod non aperiat paradisum . Quia diversorum diversum sunt effectus . Sed aperitio paradisi est effectus baptismi . Ergo non est effectus confessionis .

2. Praeterea . In id quod clausum est , ante apertionem intrare non potest . Sed ante confessionem moriens paradisum intrare potest . Ergo confessio non aperit paradisum .

Sed contra . Confessio facit hominem subici clavibus Ecclesiae . Sed per eas aperitur paradisus . Ergo & per confessionem .

QUAESTIUNCULA IV.

1. Ulterius . Videtur quod confessionis effectus poni non debeat quod tribuat spem salutis : quia spes ex omnibus meritis actibus provenit ; & sic non videtur esse proprius effectus confessionis .

2. Praeterea . Per tribulationem ad spem pervenimus , ut pater Rom. v. Sed tribulationem homo praecipue in satisfactione sustinet . Ergo tribuere spem salutis magis est satisfactionis quam confessionis .

Sed contra . Per confessionem homo fit humilior , & mitior , sicut in littera Magister dicit . Sed per hoc homo accipit spem salutis . Ergo confessio est effectus est tribuere spem salutis .

SOLUTIO I.

Respondetur dicendum ad primam questionem , quod poenitentia , inquantum est sacramentum , praecipue in confessione perficitur : quia per eam homo ministris Ecclesiae se subdit , qui sunt sacramentorum dispensatores . Contritio enim votum confessionis annexum habet , & satisfactio pro iudicio sacerdotis cui fit confessio , taxatur . Et quia in sacramento poenitentiae gratia infunditur , per quam fit remissio peccatorum , sicut in baptismo ; ideo eodem modo confessio ex vi absolutionis coniunctae remittit culpam sicut baptismus . Liberat enim baptismus a morte peccati non solum

cundum quod actu recipitur, sed etiam (a) secundum quod in voto habetur, sicut patet in illis qui iam sanctificati ad baptismum accedunt: & si aliquis impedimentum non praestaret, ex ipsa collatione baptismi gratiam consequeretur remittentem peccata, si prius sibi remissa non fuissent. Et similiter dicendum est de confessione, adiuncta absolutione, quod secundum quod in voto penitentis praecessit, a culpa liberavit; postmodum autem in actu confessionis, & absolutionis gratia augetur: & etiam remissio peccatorum daretur, si praecedens dolor de peccatis non sufficiens ad contritionem fuisset, & ipse tunc ob eam gratiam non praerberet. Et ideo sicut de baptismo dicitur quod liberat a morte, ita & de confessione dici potest.

Ad primum ergo dicendum, quod contritio habet votum confessionis adiunctum; & ideo eo modo liberat a culpa penitentes sicut desiderium baptismi baptizandos.

Ad secundum dicendum, quod veniale non sumitur pro culpa, sed pro pena de facili expiabili: unde non sequitur quod culpa in culpam convertat, sed penitus annihilat. Dicitur enim veniale tripliciter. Uno modo ex genere, sicut verbum otiosum. Alio modo ex causa, id est venia causam in se habens, sicut peccatum ex infirmitate. Alio modo ex eventu, sicut hic accipitur: quia per confessionem hoc evenit quod de culpa praeterita homo veniam consequatur.

SOLUTIO II.

Ad secundam quaestionem dicendum, quod confessio simul cum absolutione habet vim liberandi a pena dupliciter. Uno modo ex ipsa vi absolutionis, & sic quidem liberat in voto existens a pena aeterna, sicut & a culpa: quae quidem pena est pena condemnans, & ex toto exterminans, a qua homo liberatus, manet adhuc obligatus ad penam temporalem, secundum quod pena est medicina purgans, & promovens; & haec pena restat in purgatorio patienda etiam his qui a pena interni liberati sunt: quae quidem pena est improporcionata viribus penitentis in hoc mundo viventis; sed per vim clavium tantum diminuitur quod proporcionata viribus penitentis remanet; ita quod satisfaciendo se in hac vita purgare potest. Alio modo diminuit penam ex ipsa natura actus confitentis, qui habet penam erubescenz annexam:

& ideo quanto aliquis pluries de eisdem peccatis confitetur, tanto magis pena diminuitur.

Et per hoc patet solutio ad primum.

Ad secundum dicendum, quod voluntas pro facto non reputatur in his quae sunt ab alio, sicut est de baptismo: non enim valet voluntas suscipiendi baptismum sicut ipsius susceptio: sed reputatur voluntas pro facto in his quae sunt omnino ab homine; & iterum quantum ad praemium essentiali, non autem quantum ad penae remotionem, & huiusmodi, respectu quorum attenditur merum accidentaliter, & secundario: & ideo confessus, & absolutus minus in purgatorio punietur quam contritus tantum.

SOLUTIO III.

Ad tertiam quaestionem dicendum, quod a paradisi introitu prohibetur aliquis per culpam, & reatum poenae: & quia haec impedimenta confessio amovet, ut ex dictis patet, ideo dicitur paradisum aperire.

Ad primum ergo dicendum, quod quamvis baptismus, & penitentia sint diversa sacramenta, tamen agunt in vi unius passionis Christi, per quam paradisi aditus est apertus.

Ad secundum dicendum, quod ante votum confessionis paradisi clausus erat peccanti mortaliter; quamvis postea per contritionem votum confessionis importanter, apertus sit, etiam ante confessionem actualiter factam: non tamen obstatulum reatus est totaliter remotum ante confessionem, & satisfactionem.

SOLUTIO IV.

Ad quartam quaestionem dicendum, quod spes remissionis peccatorum non est nobis nisi per Christum: & quia homo per confessionem se subicit clavibus Ecclesiae ex passione Christi virtutem habentibus, ideo dicitur quod confessio spem salutis tribuit.

Ad primum ergo dicendum, quod ex actibus non potest esse spes salutis principaliter, sed ex gratia Redemptoris: & quia confessio gratiae Redemptoris innititur, ideo spes salutis tribuit non solum ut actus meritorius, sed ut sacramenti pars.

Ad secundum dicendum, quod tribulatio spem salutis tribuit per experimentum propriae virtutis, & purgationem a poena; sed confessio etiam modo praedicto.

E X.

(a) scilicet in voto.

EXPOSITIO TEXTUS.

Dicunt enim quidam, sine confessione oris, & satisfactione operis neminem a peccato mundari. Tertia opinio est quam Magister non tangit, quod dimittatur culpa per contritionem sub conditione, scilicet si confiteatur. Sed hæc opinio minus habet de ratione quam alia: quia status salutis non dependet ex futuro: quia, sicut dicitur Eccle. xi. 3. (a) „ lignum ubi ceciderit, „ ibi erit. „ Unde nihil est dictum quod homo ad statum salutis per dimissionem peccati reducatur sub conditione confessionis simpliciter.

Votum pro operatione indicatur. Hoc intelligendum est tam in bonis quam in malis, quando est votum plenum; ita quod nihil ab executione retardat nisi impotentia. Si autem operatio adiuncta addat aliquid ad voluntatem, sicut in illis operibus quæ habet in ipso actu delectationem voluntatem provocantem, tunc operatio addit etiam quantum ad meritum, vel demeritum substantiale; alias non, sed superaddit operatio quantum ad aliquid adiunctum, quod est utilitas consequens actum in bonis ut effectus eius, vel nocumentum in malis.

Non dicitur: Si ore confessus fueris; sed, Conversus ingemueris. Ergo videtur quod non requiratur oris confessio. Et dicendum, quod ipse gemitus habet votum vocalis confessionis adiunctum.

Nemo potest confiteri, scilicet confessione efficaci ad salutem.

Quæ ut est vitæ corporis, ita eius vitæ Deus est. Non oportet quod sit similitudo quantum ad omnia, sed solum quantum ad hoc quod sicut anima corpori sensum, & morum præbet per hoc quod est in corpore, ita Deus animæ spiritualiter quam inhabitat per gratiam.

Non potest quisquam gratiam Dei accipere, nisi purgatus ab omni peccato per poenitentiam confessionem, & per baptismum. Hæc tria purgantia sic distinguuntur: quia baptismus purgat a culpa originali, & actuali; sed poenitentia quantum ad contritionem a culpa actuali tantum; & confessio autem actu exercita directæ a peccata.

Nemo dicat occulte, ita scilicet quod sacerdoti non manifestet.

Si erubui in conspectu populi peccata mea confiteri: Job xxxi. 33. Ergo videtur quod liceat

publice confiteri. Et dicendum, quod nostra littera, quæ vetior est, habet: *Si abscondi ut homo peccatum meum*: in quo negatur absconditio contra mandatum Dei facta. Sustinendo autem litteram quæ hic ponitur, dicendum, quod non licet publice confiteri, nisi forte sit peccatum manifestum: quia talis humilitas proximo præiudicaret, qui ex peccato manifestato posset scandalizari. Sed satisfactio in manifesto facta quodammodo peccatum in conspectu populi confitetur.

Nullus debita gravius pane accipit veniam, nisi qualemcumque ... solverit penam. Hæc auctoritas, & sequens ostendunt quod sine satisfactioe peccatum non dimittitur; quod etiam hæc opinio dicebat.

Quibusdam visum est sufficere, si soli Deo fiat confessio. Hoc quod ponitur hic pro opinione, hæretic est, non quod explicite sit contra aliquem articulum, vel præcedens, vel sequens ad ipsum; sed implicite aliquid contrarium fidei continet: quia sequitur quod claves Ecclesie non sunt necessaræ ad salutem: & in talibus antequam determinetur per Ecclesiam quod ex eis sequatur aliquid contrarium fidei, non iudicatur hæretic esse; & sic Magister, & Gratianus hoc pro opinioe ponunt. Sed oñc post determinationem Ecclesie sub Innocentio III. factam hæretic reputanda est.

Revela viam tuam ante Dominum. Hic non loquitur de revelatione sacramentali, sed de revelatione quæ fit in supplicatione orationis.

Non dico ut confitearis ea confesso tuo, ut tibi exprobes. Dicito Deo, qui curat ea. Qui enim confitetur sacerdoti &c. non confitetur ei ut confesso, sed ut Deo.

In se voluntaria excommunicationis ferunt sententiam: non quod aliquis seipsum excommunicare possit; sed excommunicatio hic large ponitur pro voluntaria prohibitione, quæ aliquis se subtrahit a sacris ex humilitate.

Iustitia enim sola dampnat. Hæc loquitur Augustinus ex hypothesi, idest si Deus tantum iustitia uteretur contra nos sine misericordia: quia ad gratiam ipsius post peccatum sine misericordia redire non possemus.

Quanto pluribus confitetur: non dividens peccata, sed integre omnibus. Consequitur autem maiorem veniam saltem propter erubescitiam, & sacerdotis intercessionem; vel etiam ex vi clavium, ut quidam dicunt.

(a) *Vulgata*: „ Si ceciderit lignum ad austrum, aut ad aquilonem, in quocumque loco ceciderit „ ibi erit. „

cunt. Sed de hoc in propinqua dist. dicetur.

Qui sciat ligare, & solvere. Hæc scientia, etsi non sit maior, tamen tanta debet esse ut sciat distinguere inter peccatum, & non peccatum, & peccatum mortale, & veniale: & si in aliquo esset dubitatio, posset ad discretiores recurrere. Ponuntur autem multa conditiones, aliz, quæ ad confessorum requiruntur, ut confitentes alliciat, quæ his verbis continentur.

Confessor, dulcis, affabilis, atque suavis, Prudens, discretus, mitis, pius, atque benignus.

Non (a) potest sacerdos: per aliquam culpam ab Ecclesia unitate divisus: quia tales executionem ordinis non habent, & iurisdictione carent: & loquitur de divisione per hæresim, aut schisma, aut excommunicationem.



DISTINCTIO XVIII.

De remissione sacerdotis.

HIC quæri solet, si peccatum omnino dimissum est a Deo per cordis contritionem, ex quo poenitens votum habuit confitendi, quid postea dimittatur ei a sacerdote. Video enim quo vinculo eum ligat, scilicet temporalis poenæ, sed non a quo eum absolvat: & ideo quæro. Ante poenitentiam quippe cordis anima rei maculam habet, & foetorem peccati, atque æternæ ultionis vinculo ligata, existit. Si vero ad confessionem per cordis contritionem Deus per seipsum sine ministerio sacerdotis & debitum omnino relaxat, & animam interius purgat a contagione, & foetore peccati; quid ergo munda, quid dimittit sacerdos? Ubi sunt: claves illæ quas Dominus tradidit Petro, & successoribus eius; dicens (Matth. xvi. 19.) „Tibi dabo claves regni cælorum, & quæcumque ligaveris super terram, erunt ligata & in cælo; & quæcumque solveris super terram, erunt soluta & in cælo?“ Ut autem præmissa quæstio plenius explicari valeat, quasi altius ducto rete, de his clavibus, & usu earum disseramus.

De clavibus.

Claves istæ sunt non corporales, sed spirituales, scilicet discernendi scientiæ & potentia iudicandi, idest ligandi, & solvendi, quæ dignos recipere, indignos debet excludere a regno ecclesiasticus iudex; qui sicut habet ius ligandi, ita & solvendi. Unde Ambrosius (Lib. I. de poenit. cap. 1.) „Dominus par ius & solvendi esse voluit; & ligandi, qui utrumque pari conditione permittit. Ergo qui solvendi ius non habet, nec ligandi habet.“ Et infra: „Certum est quod Ecclesie utrumque licet, (1) hæresis utrumque non habet. Ius enim hoc solis permittitur ecclesiæ sacerdotibus. Recte ergo Ecclesia hoc sibi vindicat, quæ veros sacerdotes habet: hæresis vindicare non potest, quæ veros sacerdotes non habet.“

De usu clavium.

Usus vero harum clavium multiplex est, discernere scilicet ligandos, & solvendos, ac deinde ligare, vel solvere. Qui enim (2) indignos ligat, vel solvit, propria potestate se privat; idest dignum privatione se facit.

(1) *Nicolas ex Ambrosio:* hæresis utrumque non licet. (2) *Nicolas (ut ait Gregorius.)* Ad marginem vero: Colligitur ex hom. xxv. in Evang. paulo aliis verbis, & plenius, ut & referretur in Decreto quo ad ultimam partem cas. xi. quæst. 111. cap. 115.

(a) *Id. peccant.*

Si sacerdos potest dimittere, vel retinere peccata.

Sed quaeritur, utrum a peccato solvere valeat sacerdos, idest a culpa, ut culpa maculam abstergat, vel debitum aeternae mortis solvere valeat. Quidam arbitrati sunt, cum peccator dupliciter ligatus teneatur, ut praedictum est, scilicet mentis contagione, ac caritate, & debito futurae poenae; alterum curari per Deum, alterum solvi per sacerdotem. Patitur enim per peccatum quasdam tenebras interiores, & maculas; a quibus nisi liberetur, proicietur in tenebras exteriores. Cum autem liberatur ab his, suscitatur a morte peccati: unde Apostolus (Ephes. v. 14.) „ Surge qui dormis, & illuminabit te Christus, “ Solus enim Christus, non sacerdos animam resuscitat, ac pulsas tenebras interioribus, & maculis eam illuminat, & mundat qui animae faciem lavat. Debitum vero aeternae poenae solvere concessit sacerdotibus. Quod in resurrectione Lazari (1) designatum asserunt, quem Christus prius per se interius vivificavit, deinde foras exire iussit, eumque adhuc ligatum solvere Apostolis praecepit (Ioan. xi.) quia, ut aiunt, ipse interius animam a caligine, maculae peccati emundat; sacerdotibus vero dedit vinculum aeternae mortis solvere. Alii (2) dicunt solum Deum, non sacerdotem, debitum aeternae mortis dimittere, sicut & animam interius per se vivificat: nec tamen dissidentur sacerdotibus traditam potestatem peccata dimittendi, & retinendi, quibus dictum est (Ioan. xx. 23.) „ Quorum remiseritis peccata „ &c. “ Sicut enim Christus remisit sibi potestatem baptismi, ita & poenitentiae. Et ideo sicut interius gratia sua animam illuminat, ita & simul debitum aeternae mortis relaxat. Ipse enim per se ipsum peccata poenitentium tegit; & tunc tegit quando ad poenam non reservat. Tunc ergo tegit quando debitum poenae solvit. Quod autem ipse regat, aperte dicit Augustinus exponens illum locum Psal. (xxxv.) „ Quorum testa sunt peccata, idest cooperta, & abolita. Si enim „ textit Deus peccata, noluit advertere. Si noluit advertere, noluit animadvertere, idest punire, sed ignorare. “ Ita ergo dicit a Deo testa, ut Deus non videat, idest aeternaliter puniat. Videre enim Dei peccata, est ad poenam impunitate; avertere autem faciem a peccatis, hoc est ea ad poenam non reservare. Item Hieronymus (vel alius Auctor ibid.) „ Quibus Deus dimittit peccata, tegit, ne in iudicio revelentur. “ Item Cassiodorus (super eundem Psal. xxxv.) „ Qui gravia habent peccata, aliis Deus imputat, aliis per misericordiam non „ imputat. “ Ex his aperte ostenditur quod Deus ipse poenitentem solvit a debito poenae; & tunc solvit quando intus illuminat inspirando veram cordis contritionem. Cui sententiae ratio suffragatur, & auctoritates attestantur. Nemo enim vere compurgitur de peccato, habens cor contritum, & humiliatum, nisi in caritate. Qui autem caritatem habet, vita dignus est. Nemo autem simul vita, & morte dignus est. Non est ergo tunc ligatus debito aeternae mortis. Filius enim irae esse desinit ex quo diligit, & poenitere coepit. Ex tunc ergo solutus est ab ira, quae non manet super illum qui credit in Christum, sed super illum qui non credit. Non ergo postmodum per sacerdotem cui confitetur, ab ira aeterna liberatur, a qua iam liberatus est per Dominum, ex quo dixit, Confitebor. Solus ergo Deus hominem interius mundat a peccati macula, & a debito aeternae poenae solvit, qui per Prophetam ait (Isai. xl. 25.) „ Ego solus deleo iniquitates & peccata populi. “ Item Ambrosius. “ Verbum Dei dimittit peccata, sacerdos est iudex. “ Sacerdos quidem mundat a peccati macula, & a debito aeternae poenae solvit, qui per Prophetam ait (Isai. xl. 25.) „ Ego solus deleo iniquitates & peccata populi. “ Item Ambrosius. “ Verbum Dei dimittit peccata, sacerdos est iudex. “ Sacerdos quidem mundat a peccati macula, & a debito aeternae poenae solvit, qui per Prophetam ait (Isai. xl. 25.) „ Ego solus deleo iniquitates & peccata populi. “ Idem. “ Ille solus peccata dimittit qui solus pro peccatis nostris mortuus est. “

(1) Item

(1) Alii assignatum. (2) Nicolai addit verbo.

EX EDIT. P. NICOLAI.

* Lib. II. de Abel, & Cain esp. iv. paulo alter. ** Alio loco.

(1) Item Augustinus. „Nemo tollit peccata, nisi solus Deus, qui est agnus tollens peccata mundi. Tollit autem & dimittendo quæ facta sunt, & adiuvando ne fiant, & perducendo ad vitam, ubi omnino fieri non possunt.“ His, aliisque pluribus testimoniis docetur Dominum solum per se peccata dimittere, & sicut peccata dimittit quibuscumque, ita & aliorum quorundam peccata (2) retinere.

Quod sacerdotes etiam dimittunt peccata, & tenent peccata suo modo.

NEc ideo tamen negamus sacerdotibus concessam potestatem dimittendi, & retinendi peccata, cum hoc Veritas in Evangelio aperte doceat. Hinc Augustinus ait (super Ioan. tract. cxxi.) „Ecclesiæ caritas, quæ per Spiritum sanctum diffunditur in cordibus (3) nostris, eorum qui participes sui sunt, peccata dimittit; eorum qui non sunt, tenet.“ Idem (alius Auctor de vera & falsa pœnit. cap. x.) „Sacerdotes possunt confitentibus parcere: quibus enim remittunt, remittit Deus. Lazarum enim de monumento suscitatum obtulit discipulis solvendum, per hoc ostendens potestatem solvendi concessam sacerdotibus. Dixit enim (Matth. xvi. 19.) Quodcumque solveris super terram, erit solutum & in cælo &c. hoc est, ego Deus, & omnes cælestis curiæ ordines, & omnes sancti in gloria mea laudant vobiscum, & confirmant quos ligatis, & solvitis. Non dixit, Quos putatis ligare, & solvere: sed: In quos exerceatis opus iustitiæ, & misericordiæ. (4) Alia autem opera vestra in peccatores non cognosco.“ Idem (in Lib. VI. de baptis. contra Donatistas cap. iv.) Cum veraciter ad Deum converso peccata dimittuntur ab eis (5) quibus ipse veraci conversione coniungitur, Spiritus sanctus ea dimittit, qui datus est omnibus sanctis sibi caritate coherentibus, sive senoverint corporaliter, sive non. Similiter cum aliquis tenetur peccata, ab eis tenentur a quibus (6) ille cordis pravitate disjungitur, sive notis corporaliter, sive ignotis. Omnes mali spiritualiter a bonis seiuncti sunt. Ecce hic dicit, peccata dimitti, & teneri a sanctis viris, & tamen Spiritum sanctum ea dimittere dicit: quod maiori consideratione dignum est, idem etiam dicit, quod Deus per se, vel per sanctos suos tantum dimittit peccata. Ait enim sic (ibid. Lib. V. cap. xxi.) Sacramentum gratiæ dat Deus etiam per malos, ipsam vero gratiam non nisi per seipsum, vel per sanctos suos. Et ideo remissionem peccatorum vel per se ipsum facit, vel per ipsius columbæ membra, quibus ait: Si cui dimiseritis, dimittentur. Ecce quam varia a doctoribus traduntur super his: & in hac tanta varietate quid tenendum? Hoc sane dicere, ac sentire possumus, quod solus Deus dimittit peccata, & retinet; & tamen Ecclesiæ consulit potestatem ligandi, & solvendi. Sed aliter ipse solvit, & ligat; aliter Ecclesia. Ipse enim per se

(1) *Nicolaï.* Vel sic in Lucam Lib. VI in fine. „Nullus hominum tantus esse potuit qui totius peccata tolleret mundi &c. Quis enim tantus homo in quo omnium peccata morentur? Idcirco electus est qui cum supra omnes esset, pro omnibus se posset offerre.“ Item ibi. „Sicut illud, *Frater non redimam, redimet homo &c.* Sicut est agnus Deus, ita & unus mediator Dei & hominum homo Christus Iesus, ipse est solus qui redimet hominem, vitæ pietate peramanus: quia pro alieno sanguinem suum fudit, quem nemo potest offerre pro fratre. Sed quare solus hic redimet? Quia omnes utique sub peccato. Solus redemptus eligens qui peccato uteretur obnoxius esse non posset, qui suscepit hominis conditionem, ut in carnis sua peccatum hominum crucifigeret, & chirographum peccatorum suo cruce deleteret: qui quasi homo, in quo Deus erat, nobis peccata dimisit &c.“ Et serm. xv. „Necessa est ut omnium peccata deleverit qui omnium peccata suscepit, sicut ait Evangelista: *Ecce agnus Dei qui tollis peccata mundi.*“ Item Augustinus (de peccatorum meritis & remis. Lib. I. cap. xxviii.) „Ab hoc peccato quod contrahunt qui nec proprium habent, non liberat nisi agnus Dei qui tollit peccata mundi &c.“ Aut, or refertur in Decretis de consec. dist. xv. cap. cxli. „Nemo tollit peccata nisi solus Christus, qui est agnus Dei &c. (a) *Al.* veniet. (3) *Al.* deest nostris. (4) *Al.* Aliter autem, vel alia. (5) *Al.* repetitur hic dimittuntur. (6) *Al.* illi corda pravitate disjunguntur.

E X E D I T. P. N I C O L A I.

* Ubi ultima ista Augustinus habet, non occurrat; etiam ex Lib. I. de peccatorum meritis & remissione vice præcedentium in Decretis notentur.

se tantum (1) dimittit peccatum, quia & animam mundat ab interiori macula, & a debito æternæ mortis solvit.

Quomodo sacerdotes ligant, & solvunt a peccatis.

Non autem hoc sacerdotibus concessit, quibus tamen tribuit potestatem solvendi, & ligandi, idest ostendendi homines ligatos, vel solutos. Unde Dominus leprosum sanitati prius per se restituit, deinde ad sacerdotes misit, quorum iudicio ostenderetur mundatus. Ita etiam Lazarum iam vivificatum obtulit discipulis solvendum. Quia etsi aliquis apud Deum sit solutus, non tamen in facie Ecclesiæ solutus habetur, nisi per iudicium sacerdotis. In solvendis ergo culpis, vel retinendis ita operatur sacerdos evangelicus, & iudicat, sicut olim legalis in illis qui contaminati erant lepra, quæ peccatum signat. Unde Hieronymus super Matth. (cap. xvi. 19. & habetur etiam in Glossa ordinaria) ubi Dominus ait Petro : „Tibi dabo claves regni cælorum : & quodcumque ligaveris super terram, erit ligatum & in cælis ; & quodcumque solveris super terram, erit solutum & in cælis.“ „Hunc,“ inquit, „locum quidam non intelligentes, aliquid sumunt de supercilio Phariseorum, ut damnare innoxios, vel solvere se putent noxios, cum apud Deum non sententia sacerdotum, sed reorum vita quæretur.“ In Levitico (cap. xiv.) se ostendere sacerdotibus iuventur leprosi, quos illi non faciunt leprolos, vel mundos ; sed discernunt qui mundi, vel immundi sunt. Ita & hic aperte ostenditur quod non sequitur Deus Ecclesiæ iudicium, quæ per surreptionem, & ignorantiam interdum iudicat ; Deus autem semper iudicat secundum veritatem. Et in remittendis, vel in retinendis culpis id iuris, & officii habent ecclesiastici sacerdotes quod olim habebant sub lege legales in curandis leprosis. Hi ergo peccata dimittunt, vel retinent, dum dimissa a Deo, vel retenta iudicant, & ostendunt. (2) Ponunt enim sacerdotes nomen Domini super filios Israel ; sed ipse benedicit, ut dicitur in Numeris (cap. vi.) Hunc modum ligandi, & solvendi Hieronymus supra notavit.

Alius modus ligandi, & solvendi.

Ligant quoque sacerdotes, dum satisfactionem pœnitentiæ consentibus imponunt ; solvunt, cum de ea aliquid dimittunt, vel per eam purgatos ad sacramentorum communionem admittunt : quem modum superius Leo Papa notavit. Secundum hunc modum dicuntur etiam sacerdotes dimittere peccata, vel retinere. Unde superius Augustinus dixit (alius Auctor de vera & falsa pœnit. cap. x. ut præc. dist.) „Quibus remittunt, remittit Deus &c.“ Opus enim iustitiæ exercent in peccatores, cum eos iusta pœna ligant ; opus misericordiæ, dum de ea aliquid relaxant, vel sacramentorum communioni conciliant : alia opera in peccatores exercere nequeunt. Et notandum est, quia quos satisfactione pœnitentiæ ligant, eo ipso a peccatis solutos ostendunt : quia non imponitur alicui satisfactio pœnitentialis, nisi quem sacerdos vere pœnitentem arbitrat : alii non imponit, & eo ipso peccatum retineri a Deo iudicat. Quod autem hoc ad claves pertineat, (3) Augustinus ostendit dicens : „Frustrat claves Ecclesiæ qui sine arbitrio sacerdotis pœnitentiam agit, si sine oris confessione criminis (4) indulgentiam imprecatur.“ Est & alius modus ligandi, & solvendi, qui per excommunicationem

S. Th. Oper. Tom. XII.

511 ge-

(1) Al. additur ita. (2) Ad marginem Venera edit. an. 1593. Non sustinendus est hic Magister : & adversus seculares hanc vide Rever. Caiet. illa Iohannis verba exponente, videlicet *Quarum remissionis peccata* &c. cap. xi. (3) Nicet. Augustinus ostendit, dicens (Lib. i. homil. hom. xlv.) „Agite pœnitentiam qualis agitur in Ecclesia, ut ore pro vobis Ecclesia. Nemo sibi dicat : Occulter ego, apud Deum ago, in corde ago. Ergo sine causa dictum est : *Qua solvitis in terra, erunt soluta & in caelis* ? Ergo sine causa datur clavus Ecclesiæ Dei ? Frustramus Evangelium Dei ? Frustramus verba Christi ? Frustramus vobis quod ille negat ? Nonne vos decipimus ? Ioh. dicit (cap. xxv.) *Si quis in conspectu populi confiteri peccata sua* : & etabescit filius peccatoris non ligare sub benedictione Dei ? Quia illa superbia est ? &c. Quasi dicat : Frustrat claves Ecclesiæ &c. (4) Al. Indulgentia impetratur.

geritur, dum aliquis secundum canonicam disciplinam tertio vocatus ad emendationem manifesti delicti, & satisfacere vilipendens, sententia Ecclesie a loco orationis, & sacramentorum communione, & fidelium consortio præciditur; ut erubescat, & pudore sceleris (1) confusus pœniteat, ut sic spiritus eius salvus sit. Quod si pœnitentiam proficiens resipuerit, negatæ communioni admittitur, & Ecclesie reconciliatur. Hæc est autem Ecclesie anathematizatio. Hanc pœnam illis qui digne percelluntur, infligit quia gratia Dei, & protectio illis amplius subtrahitur, ac sibi ipsis relinquuntur, ut sit eis liberum ruere in interitum peccati. In quos etiam maior diabolo sæviendi datur potestas. Orationes quoque Ecclesie, & benedictionum, ac meritorum suffragia eis nequaquam suffragari putantur.

Quomodo secundum hos modos intelligendum sit illud Quodcumque solveris &c.

Secundum hos ligandi, & solvendi modos, quomodo verum est quod dicitur: „Quodcumque solveris super terram, erit solutum & in cælis; & quodcumque ligaveris super terram, erit ligatum & in cælis &c.“ Aliquando enim ostendunt solutos, vel ligatos, (2) qui ita non sunt apud Deum; & pœna satisfactionis, (3) vel excommunicationis interdum indignos ligant, vel solvunt, & indignos sacramentis admittunt, & dignos admitti arcent. Sed intelligendum est hoc in illis quorum merita solvi, vel ligari postulant. Tunc enim sententia sacerdotis iudicio Dei, & totius cælestis curie approbatur, & confirmatur, cum ita ex discretione prodit ut reorum merita non contradicant. Quoscumque ergo solvunt, vel ligant adhibentes clavem discretionis, reorum meritis solvuntur, vel ligantur in cælis, idest apud Deum: quia divino iudicio sacerdotis sententia si progressa approbatur, & confirmatur. Quos ergo secundum meritum sententia Ecclesie percellit, & lædit, illi foris sunt apud Deum. Qui autem non meruit, sententia Ecclesie non læditur, nisi contemnat. Unde Origenes (super Leviticum hom. xiv.) „Exit quis a veritate, a fide, a caritate: per hoc exit de castris, Ecclesie, etsi Episcopi voce non abiiciatur; sicut e contra aliquis non relictus, dicio foras mittitur. Sed si non egit ut mereatur exire, nihil læditur. Interdum enim qui foras mittitur, intus est; & qui foris est, intus videtur retineri.“ Ecce qualis, & quantus est usus apostolicarum clavium. Iam offensum est ex parte, qualiter sacerdotes dimittunt peccata, vel tenent; & tamen retinuit sibi Deus quamdam singularem potestatem dimittendi, vel retinendi: quia ipse solus per se debitum æternæ mortis solvit, & animam interius purgat.

Quæ sint interiores tenebræ, & interior macula.

Hic quæritur, quæ sit illa macula, & quæ sint illæ tenebræ interiores, a quibus Deus interius animam purgat, cum veram pœnitentiam immittit. De tenebris, & interiori caligine satis facile est & intelligere, & respondere. Cum enim quis mortaliter delinquit; & gratia virtutis privatur, si qua præcessit, & naturalium bonorum elisionem patitur: unde & intellectus obtunditur, & totus homo interior obtenebratur, & ita quasi caligine quadam mens obvolvitur, quæ caligo, peccati pœna est. Hanc vero Deus pellit, cum pœnitentiam immittit, per quam perditâ bona restituit, & vitiata reparat. Unde Propheta (Psal. cxlviii. 16.) „Nebulam sicut cinerem spargit.“ Sed quæ est macula peccati a qua anima lavatur? Ecce enim quis voluit facere homicidium, & patravit: quo patrato desinit tam velle, quam facere; nondum tamen vere, & humiliter pœnitent, nec confiteri proponit. Quæ ergo remansit in anima illius macula? Mala voluntas quidem fuit macula illius animæ, sed illa transit: macula etiam est, si pœnitentia contemnit. (4) Sed hoc est peccatum aliud a præcedenti. Quæ ergo macula remansit, a qua ipse in pœnitentia purgatur? Polluta quidem est anima quous-

(1) *M. conversus.* (2) *M. qui sunt apud Deum. Nieslaj: ostendunt solutos qui sunt apud Deum.*
(3) *M. & excommunicationis.* (4) *M. deest Sed.*

quousque pœniteat, sicut erat dum in ea prava erat voluntas. Sicut enim qui rangit morticinum, vel aliud immundum, ita pollutus est post tactum quousque lavetur, sicut fuit dum tangeret; ita post actum peccati ita polluta remanet anima, sicut fuit in ipso actu peccati: quia ita est longe a Deo per dissimilitudinem (qui est vita, & munditia mentis) sicut fuit dum peccatum ageret. Ipsa ergo dissimilitudo quæ inest animæ ex peccato, & est a Deo elongatio, animæ macula intelligitur, a qua purgatur in pœnitentia. Hoc autem solus Deus facit, qui solus suscitavit animam, & illuminat: quod sacerdotes nequeunt, qui tamen medici sunt animarum. Unde Propheta (Psal. lxxxvii. 11.) „Numquid medici, suscitabunt, & confitebuntur tibi?“ quod exponens Augustinus ait (in eundem Psalm. versus fin.) „Boni doctores recte medici dicuntur, qui viventes curant, rare ministerio possunt, sed non mortuos suscitare. Sola enim Dei gratia reviviscunt.“

DIVISIO TEXTUS.

Postquam determinavit Magister de pœnitentia quantum ad totum, & partes eius, hic incipit determinare de potestate ministrorum, quibus huius sacramenti dispensatio est commissa, & dividitur in partes duas. In prima determinat de ipsa potestate, quæ claves Ecclesiæ dicuntur. In secunda determinat de habentibus claves xrx. dist. ibi. *Postquam ostensum est quæ sint claves apostolica, & quæ earum usus, superest investigare quando istæ claves dantur, & quibus*: Prima in duas. In prima movet (a) quæstionem ex prædictis de potestate ministrorum. In secunda determinat eam, ostendens quæ dicantur claves Ecclesiæ, & ad quid se extendant, ibi. *Claves istæ non sunt corporales, sed spirituales*. Ex hæc pars in duas. In prima determinat de clavibus Ecclesiæ ordinatis ad peccatorum remissionem. In secunda determinat de quibusdam circa peccatum existentibus, per quorum ablationem peccatum remitti dicitur, ibi. *Hic queritur, quæ sit illa macula, & quæ sint illæ veniæ interiores, a quibus Deus interius animam purgat*. Prima in duas. In prima determinat de clavibus; in secunda de effectu earum, ibi. *Sed queritur, utrum a peccato solvere valeat sacerdos*. Circa primum duo facit. Primo ostendit quid sint claves. Secundo ostendit quid sit usus earum, ibi. *Usus vero harum clavium multiplex est*.

Sed queritur, utrum a peccato solvere valeat sacerdos. Hic inquit de effectu clavium, & dividitur in partes duas. In prima ostendit quod potestas clavium non se extendit ad remissionem culpæ, quia hoc solius Dei est. In secunda ostendit

per quem modum sacerdotes dicuntur peccata remittere, ibi. *Nec ideo tamen negamus, sacerdotibus concessam potestatem dimittendi, & revocandi peccata*. Circa primum tria facit. Primo ponit opinionem quorundam qui dicebant, quod potestas clavium se extendat ad remissionem pœnæ æternæ, quamvis non se extendat ad remissionem culpæ. Secundo ponit aliam, quæ dicit, quod ad neutrum horum se extendit, ibi. *Alii vero dicunt, solum Deum, non sacerdotem, debitum æternæ mortis dimittere*. Tertio confirmat hanc secundam opinionem, cui consentit per rationes, & auctoritates, ibi. *Cui sententia ratio suffragatur, & auctoritates attestantur*.

Nec ideo tamen negamus, sacerdotibus concessam potestatem dimittendi, & revocandi peccata. Hic inquit modum (b) quo sacerdotes dicuntur peccata remittere, & circa hoc tria facit. Primo ostendit per auctoritates quod sacerdotes aliquo modo peccata remittunt. Secundo ostendit quod sacerdotes aliter quam Deus peccata remittant, ibi. *Hoc sane dicere, ac sentire possumus*. Tertio movet quandam dubitationem ex modis assignatis, ibi. *Secundum hoc ligandi, & solvendi modos quomodo verum est quod dicitur? &c.* Circa secundum tria facit. Primo ostendit quomodo se habeat sacerdos in ligando, & solvendo quantum ad culpam. Secundo quomodo se habeat quantum ad penam in foro conscientie iniungendam, ibi. *Ligant quoque sacerdotes, dum satisfactionem pœnitentie consentientibus imponunt*. Tertio quantum ad penam excommunicationis, quæ infligitur in foro contentioso, ibi. *Est & alius modus ligandi, & solvendi*.

QUAESTIO I.

Hic est duplex quaestio. Prima de clavibus. Secunda de excommunicatione.

Circa primum quaeruntur tria.

Primo. De clavibus secundum se.

Secundo. De remissione peccatorum, ad quam ordinantur clavibus.

Tertio de effectu clavium.

ARTICULUS I.

Utrum claver in Ecclesia esse debeant.

1. **A**D primum sic proceditur. Videtur quod claves in Ecclesia esse non debeant. Non enim requiruntur claves ad intrandum domum, cuius ostium est apertum. Sed Apoc. iv. 1. dicitur: *Vidi, & ecce in caelo ostium apertum: quod Christus est, qui de seipso dicit Ioan. x. 7. Ego sum ostium.* Ergo ad introducendum in caelum Ecclesia clavibus non indiget.

2. Præterea. Clavis est ad aperiendum, & claudendum. Sed hoc solius Christi est, qui aperit, & nemo claudit; claudit, & nemo aperit: Apoc. iii. 7. Ergo Ecclesia in ministris suis claves non habet.

3. Præterea. Cuiusque clauditur caelum, aperitur infernus, & e contrario. Ergo quicumque habet claves caeli, habet claves inferni. Sed Ecclesia non dicitur habere claves inferni. Ergo nec claves caeli habet.

Sed contra est quod dicitur Matth. xvi. 19. *Tibi dabo clavem regni caelorum.*

Præterea. Omnis dispensator debet habere claves eorum quos dispensat. Sed ministri Ecclesiae sunt dispensatores divinarum mysteriorum, ut patet I. Cor. xv. Ergo debent habere claves.

QUAESTIUNCULA II.

1. **U**terius. Videtur quod clavis non sit potestas ligandi, & solvendi, quia ecclesiasticus index dignos recipere, indignos excludere debet a regno, ut ex littera habetur, & ex Glossa Hieronymi (seu Rabani) Matth. xvi. Potestas enim spiritualis in sacramento collata, est idem quod character, ut supra dist. iv. dictum est. Sed clavis, & character non videntur idem esse: quia per characterem homo Deo comparatur, per claves autem ad subditos. Ergo clavis non est potestas.

2. Præterea. Ecclesiasticus index non dicitur nisi ille qui habet iurisdictionem,

quæ simul cum ordine non datur. Sed claves in ordinis susceptione conferuntur. Ergo non debuit de ecclesiastico iudice in definitione clavium mentio fieri.

3. Præterea. Ad id quod aliquis habet ex seipso, non indiget aliqua potestate activa, per quam inducatur ad actum. Sed eo ipso quod aliquis est dignus, ad regnum admittitur. Ergo non pertinet ad potestatem clavium dignos ad regnum admittere.

4. Præterea. Peccatores indigni sunt regno. Sed Ecclesia pro peccatoribus orat, ut ad regnum perveniant. Ergo non excludit indignos, sed magis admittit, quantum in se est.

5. Præterea. In omnibus agentibus ordinatis ultimus finis pertinet ad principale agens, non ad agens instrumentale. Sed principale agens ad salutem hominis est Deus. Ergo ad Deum pertinet ad regnum admittere, quod est ultimus finis, & non ad habentem claves, qui est sicut instrumentum, vel minister.

QUAESTIUNCULA III.

1. **U**terius. Videtur quod non sint duæ claves, sed tantum una. Ad unam enim seram non requiritur nisi una clavis. Sed sera ad quam amovendum ordinantur Ecclesie claves, est peccatum. Ergo contra unum peccatum non indiget Ecclesia duabus clavibus.

2. Præterea. Claves in collatione ordinis conferuntur. Sed scientia non est ex infusione semper, sed quandoque ex acquisitione; nec ab omnibus ordinatis habetur, & a quibusdam non ordinatis habetur. Ergo scientia non est clavis; & sic est tantum una clavis, scilicet potestas iudicandi.

3. Præterea. Potestas quam habet sacerdos super corpus mysticum, dependet ex potestate quam habet super corpus Christi verum. Sed potestas consociendi corpus Christi verum est una tantum. Ergo clavis, quæ est potestas respiciens corpus Christi mysticum, est una tantum.

4. Sed contra. Videtur quod sint plures quam duæ. Quia sicut ad actum hominis requiritur potentia, & scientia, ita & voluntas. Sed scientia discernendi ponitur clavis, & similiter potentia iudicandi. Ergo & voluntas absolvendi deberet dici clavis.

5. Præterea. Tota Trinitas peccata remittit. Sed sacerdos per claves est minister.

ster remissionis peccatorum. Ergo debet habere tres claves, ut Trinitati configuretur.

SOLUTIO I.

Respondeo dicendum ad primam questionem, quod in corporalibus dicitur clavis instrumentum quo ostium aperitur. Regni autem ostium nobis clauditur per peccatum & quantum ad maculam; & quantum ad reatum poenæ: & ideo potestas qua tale obstaculum regni removetur, dicitur clavis. Hæc autem potestas est quidem in sanctissima Trinitate per auctoritatem: & ideo dicitur a quibusdam quod habet clavem auctoritatis: sed in Christo homine fuit hæc potestas ad removendum prædictum obstaculum per meritum passionis, quæ etiam dicitur ianuam aperire: & ideo dicitur habere secundum quosdam claves excellentiæ. Sed quia ex latere dormientis in cruce sacramenta fluxerunt, quibus Ecclesia fabricatur, ideo in sacramentis Ecclesiæ efficacia passionis manet: & propter hoc etiam in ministris Ecclesiæ, qui sunt dispensatores sacramentorum, potestas aliqua manet ad prædictum obstaculum removendum, non propria virtute, sed virtute divina: & passionis Christi: & hæc potestas metaphorice clavis Ecclesiæ dicitur, quæ est clavis (a) ministrerii.

Ad primum ergo dicendum, quod ostium cæli, quantum est de se, semper est apertum; sed alicui clausum dicitur propter impedimentum intrinsecum in eam, quod in ipso est. Impedimentum autem totius humanæ naturæ est peccato primi hominis consecutum, per passionem Christi amotum est; & ideo Ioannes post passionem vidit in eodem ostium apertum: sed adhuc quotidie alicui manet clausum per peccatum originale quod contrahit, vel actuale quod committit: & propter hoc indigent sacramentis, & clavis Ecclesiæ.

Ad secundum dicendum, quod hoc intelligitur de clausione qua limbum clausit, ne aliquis ultra in illud descendat: & de apertione qua paradisum aperuit, remoto impedimento naturæ per suam passionem.

Ad tertium dicendum, quod clavis inferni quæ aperitur, & clauditur, est potestas gratiam conferendi: per quam homini aperitur infernus, ne de peccato evocatur, quod est inferni porta, & clau-

ditur, ne homo ultra in peccatum labatur gratia sustentatus. Gratiam autem conferre solius Dei est, & ideo clavem inferni sibi soli retinuit. Sed clavis regni est potestas etiam dimittendi reatum poenæ, per quem homo a regno prohibetur: & ideo magis potest dari homini clavis regni quam clavis inferni, non enim idem sunt, ut ex dictis patet. Aliquis enim ex inferno educitur per remissionem æternæ poenæ, qui non in instanti in regnum introducitur propter reatum temporalis poenæ quæ manet. Vel dicendum, ut quidam dicunt, quod idem est clavis inferni & cæli: quia ex hoc ipso quod alicui aperitur unum, clauditur alterum; sed denominatur a digniori.

SOLUTIO II.

Ad secundam questionem dicendum, quod secundum Philosophum in II. a Anima (lect. comm. xxxiii.) potentia per actus distinguuntur. Unde eum clavis sit potestas quædam, ut dictum est, oportet quod per actum, sive usum suum distinguatur, & quod in actu obiectum exprimitur a quo speciem recipit actus, & modus agendi, ex quo apparet potentia ordinata. Actus autem potestatis spiritualis non est ut eam aperiat absolute, quia iam apertum est, ut dictum est; sed ut quantum ad hunc aperiat: quod quidem ordinata fieri non potest, nisi idoneitate eius cui aperiendum est eam pensata: & ideo in prædicta distinctione clavis ponitur genus, scilicet potestas, & subiectum potestatis, scilicet index ecclesiasticus, & actus, scilicet excludere, & recipere secundum duos actus materialis clavis, aperire, & claudere: cuius obiectum tangit in hoc quod dicit, *A regno*: modus autem in hoc quod (b) dignitas, & indignitas in illis in quos actus exercetur, pensatur.

Ad primum ergo dicendum, quod ad duo quorum unum est causa alterius, una potestas ordinatur; (c) sicut in igne calor ad calefaciendum, & dissolvendum. Et quia omnis gratia, & remissio in corpore mystico ex capite suo provenit, ideo eadem potestas esse videtur per essentiam, qua sacerdos conficere potest, & qua potest ligare, & solvere, si iurisdicção addit: nec differt nisi ratione secundum quod ad diversos effectus comparatur; sicut etiam ignis dicitur secundum aliam rationem calefactivus, & liquefactivus. Et quia nihil est

(a) *cl. Ecclesiæ ministrerii.* (b) *cl. redunda dicit.* (c) *cl. sic.*

est aliud character ordinis sacerdotalis quam potestas exercendi illud ad quod principaliter ordo sacerdotii ordinatur, sustinendo quod sit idem quod spiritualis potestas; ideo character, & potestas conficiendi, & potestas clavium est unum & idem perfectum, sed differt ratione.

Ad secundum dicendum, quod omnis potestas spiritualis datur cum aliqua consecratione, & ideo clavis cum ordine datur; sed executio clavis indiget materia debita, quae est peccata subiecta per iurisdictionem: & ideo antequam iurisdictionem habeat, habet clavis, sed non habet actum clavium: & quia clavis per actum diffinitur, ideo in diffinitione clavis ponitur aliquid ad iurisdictionem pertinens.

Ad tertium dicendum, quod aliquis potest esse dignus aliquo dupliciter: aut ita quod habendi ius habeat, & sic quilibet dignus iam habet calum apertum; aut ita quod iuste ei aliqua congruitas ad hoc quod ei datur, & sic dignus, quibus nondum totaliter apertum est calum, potestas clavium recipit.

Ad quartum dicendum, quod sicut Deus non obturat impediendo misericordiam, sed non conferendo gratiam; ita sacerdotes dicitur excludere, non quod impedimentum ad intrandum ponat, sed quia impedimentum positum non amovet: quia ipse amovere non potest, nisi prius Deus amoverit: & ideo rogatur Deus, ut ipse absolvat, ut sic sacerdotis absolutio locum habeat.

Ad quintum dicendum, quod actus sacerdotis non est immediate super regnum, sed super sacramenta, quibus homo ad regnum pervenit.

SOLUTIO III.

Ad tertiam questionem dicendum, quod in omni actu qui requirit idoneitatem ex parte recipientis, duo sunt necessaria ei qui debet actum illum exercere, scilicet iudicium de idoneitate recipientis, & expletio actus: & ideo etiam in actu iustitiae, per quem redditur alicui hoc quo dignus est, oportet esse iudicium quo discernatur, an iste sit dignus, & ipsa redditio: & ad utrumque horum auctoritas quaedam, sive potestas exigitur. Non enim dare possumus nisi quod in potestate habemus: nec iudicium dici potest, nisi vim coactivam habeat, eo quod iudicium iam ad unum determinatur: quae quidem determinatio in speculativis ut per virtutem primorum principiorum,

quibus resisti non potest & in rebus practicas per vim imperativam in iudicande existentem. Et quia actus clavis requirit idoneitatem in eo in quem exercetur, quia recipit per clavem index ecclesiasticus dignos, & excludit indignos, ut ex dicta diffinitione patet; ideo indiget iudicio discretionis, quo idoneitatem iudicat, & in ipso receptionis actu; & ad utrumque horum potestas quaedam, sive auctoritas requiritur: & secundum hoc duae claves distinguuntur, quarum una pertinet ad iudicium de idoneitate eius qui absolvendus est, & alia ad ipsam absolutionem: & haec duae claves non distinguuntur in essentia auctoritatis, quia utrumque ex officio sibi competit, sed ex comparatione ad actus, quorum unus alium praesupponit.

Ad primum ergo dicendum, quod ad unam seram aperiendam una clavis immediate ordinatur; sed non est inconveniens quod una ad actum alterius ordinetur: & sic est in proposito. Secunda enim clavis, quae dicitur potestas ligandi & solvendi, est quae immediate seram aperit peccati; sed clavis quae dicitur scientia, ostendit cui aperienda sit clavis illa.

Ad secundum dicendum, quod circa clavem scientiae duplex fuit opinio. Quidam enim dixerunt, quod scientia, secundum quod est habitus acquisitus, vel infusus, dicitur haec clavis; & quod non est principalis clavis, sed in ordine ad aliam clavem: clavis dicitur: & ideo quando est sine alia clavi, clavis non dicitur, sicut in viro litterato qui non est sacerdos. Et similiter etiam, quandoque hac clavi aliqui sacerdotes carent, quia non habent scientiam neque acquisitam, neque infusam, quae absolvere, & ligare possunt; sed quandoque industria naturali ad hoc utuntur, quae secundum eos claviola dicitur: & sic clavis scientiae quamvis cum ordine non tradatur, traditur tamen cum ordine, quod sit clavis, quod prius non erat: & haec videtur opinio Magistri fuisse. Sed haec non videtur verbis Evangelii concordare, quae claves Petro dandas promittunt; & ita non solum una, sed duae in ordine dantur. Et propter hoc alia opinio est, quod scientia quae est habitus, non est clavis, sed auctoritas actum scientiae exercendi, quae quandoque sine scientia est, quandoque autem scientia sine ipsa, sicut patet etiam in iudicibus secularibus. Aliquis enim est index habens auctoritatem iudicandi qui non habet iuris scientiam.

& alii

& aliquis e converso habet scientiam iuris qui non habet auctoritatem. Et quia actus iudicii ad quem quis ex auctoritate suscepta obligatur, non autem ex scientia habita, sine utroque bene fieri non potest; ideo auctoritas iudicandi, quae clavis est, sine scientia non potest sine peccato accipi; sed scientia sine auctoritate sine peccato haberi potest.

Ad tertium dicendum, quod potestas conficiendi est ad unum tantum actum alterius generis; & ideo non connumeratur clavibus, nec multiplicatur sicut potestas clavium, quae est ad diversos actus, quamvis secundum auctoritatis essentiam sit una, ut dictum est.

Ad quartum dicendum, quod velle unicuique est liberum; & ideo ad volendum non exigitur auctoritas; & propter hoc voluntas non ponitur clavis.

Ad quintum dicendum, quod Trinitas tota eodem modo remittit peccata sicut una persona; & ideo non oportet quod sacerdos, qui minister est Trinitatis, claves habeat tres, & praecipue cum voluntas, quae Spiritui sancto appropriatur, clavem non requirat, ut dictum est.

ARTICULUS II.

Utrum macula aliquid positive in anima sit.

1. Ad secundum sic proceditur. Videtur quod macula aliquid positive in anima sit. Si enim est privatio tantum, non erit privatio nisi eius quod per peccatum aufertur. Sed haec est gratia. Ergo cum omne peccatum gratiam auferat, omnium peccatorum erit una macula, & sic secundum peccatum nullam maculam animae adiciet praeter maculam primi peccati.

2. Praeterea. Privatio quae ex peccato in anima relinquitur, dicitur cecitas, vel tenebra, quae ad intellectum pertinet. Sed haec macula non est huiusmodi, cum ad effectum pertinere videatur. Ergo macula non est privatio tantum, sed aliquid ponit.

3. Praeterea. Macula quam quis (a) ex actu alicuius immundi contrahit, quae & contagio dicitur, aliquid positive est. Sed macula peccati etiam contagio dicitur. Ergo est aliquid positive.

4. Praeterea. Privatio quaedam poena est. Sed in peccato macula contra poenam, vel reatum dividitur. Ergo macula non

est privatio tantum gratiae; & sic idem quod prius.

Sed contra. Ex peccato non remanet positive aliquid in anima nisi dispositio, vel habitus, quae consequuntur peccatum ex parte actus, ex quo aliquid ponit. Sed macula non est dispositio ex actu causata, nec habitus: quod patet ex hoc quod dispositio, & habitus possunt sine gratia destrui per contrariam consuetudinem, quae forte habitum contrarii vitii inducit expellentem contrarium habitum, & dispositionem: macula autem sine gratia non aufertur. Ergo macula non ponit aliquid positive in anima.

QUAESTIUNCULA II.

1. Ulterius. Videtur quod peccatum numquam possit remitti quo ad maculam. Quia ex hoc ipso quod aliquis peccavit, pulchritudinem innocentiae amisit. Sed non potest hanc pulchritudinem recuperare, nisi contingeret ipsum non peccasse. Ergo cum hoc sit omnino impossibile, impossibile est quod alicui peccatum remittatur quo ad maculam.

2. Praeterea. Ex hoc ipso homo turpitudinem quamdam habet quod tempus debitor servitio Creatoris, in peccatum expendit. Sed tempus illud quod iam effluxit, recuperari non potest. Ergo nec macula mundari.

Sed contra est quod dicitur Ephes. vi. quod Christus coniunxit sibi Ecclesiam non habentem maculam, neque rugam. Sed aliqui sunt membra Ecclesiae, qui quandoque maculati fuerunt. Ergo peccatum quo ad maculam remitti potest.

QUAESTIUNCULA III.

1. Ulterius. Videtur quod si remittatur peccatum quo ad maculam, remittatur quo ad omnem poenam. Quia remota causa removetur effectus. Sed causa quare aliquis erat reus poenae, est macula culpa. Ergo remota macula removetur poena.

2. Praeterea. Quicumque absque culpa existens punitur, iniuste punitur. Sed ille cui remissum est peccatum quo ad maculam est, absque culpa. Ergo iniuste puniretur; & ita videtur quod non sit aliqua poena dignus, & sit sibi reatus poenae remissus.

Sed contra. Peccatum non punitur per hoc quod remittitur quo ad maculam. Sed omni peccato debetur poena secundum divinam

(a) Forte ex tactu.

vinam iustitiam. Ergo etiam post dimissionem culpæ aliquis pœnæ reatus remanere potest.

SOLUTIO I.

Respondeo dicendum ad primam quæstionem, quod ex hoc aliquid maculatum dicitur, quia debite pulchritudinis patitur detrimentum. Unde macula, secundum quod huiusmodi, non habet quod aliquid ponat; sed per comparisonem ad illud quod pulchritudinis detrimentum causat, aliquid quandoque ponere dicitur: ut aliquid in faciem inductum quod candorem faciei tegit, aut privat. Pulchritudo autem animæ consistit in assimilatione ipsius ad Deum, ad quem formari debet per claritatem gratiæ ab eo susceptam. Sicut autem perceptio claritatis corporalis a sole prohibetur a nobis per aliquod obstaculum interpositum; ita etiam claritas gratiæ prohibetur ab anima per peccatum commissum, quod dividit inter nos & Deum, ut dicitur Iſa. lxx. unde ipsa macula, quantum in se est, non ponit de essentia sua nisi privationem gratiæ; sed ponit ut causam obstaculum peccati, quod obstat ad gratiæ receptionem; & propter hoc etiam macula tenebra dicitur ratione prædictæ similitudinis.

Ad primum ergo dicendum, quod quævis quantum ad ipsam privationem gratiæ non differant maculæ peccatorum, differunt tamen quantum ad causam, ex qua macula consequitur; & secundum hoc etiam quodlibet peccatum unam maculam addit, in quantum novum obstaculum gratiæ ponit.

Ad secundum dicendum, quod gratia est in essentia animæ, ex qua vires cognitivæ, & affectivæ procedunt; & ideo gratiæ lumen & intellectum dirigit, & affectum movet: sed peccatum in utroque defectum inducit: in intellectu quidem, quia omne peccatum ex errore est, secundum Ambrosium, & secundum Philosophum omnis malus ignorans: & principaliter in affectu, quia omne peccatum in voluntate est: & ideo macula & quantum ad ipsam privationem, & quantum ad causam, scilicet peccatum, & intellectum, & affectum respicit, sed principaliter affectum. Unde non est inconveniens, si macula & cæcitas, & tenebra dicatur.

Ad tertium dicendum, quod macula dicitur contagio, non quantum ad privatio-

nem ipsam, sed quantum ad causam privationis: quia ex hoc ipso quod peccatum affectum quodammodo tangit, privatio dicta in ipso consequitur.

Ad quartum dicendum, quod macula quantum ad causam dividitur ab omni pœnâ; sed quantum ad privationem ipsa dividitur a pœnâ inſiſtâ, non autem a pœnâ quæ peccatum concomitatur.

SOLUTIO II.

Ad secundam quæstionem dicendum, quod macula obscuritatis ex interpositione causata non potest auferri, nisi obstaculum interpositum amoveatur. Peccatum autem, quod erat obstaculum interpositum, prohibens gratiæ claritatem, non potest removeri, ut factum non sit, sed ut effectum avertendi Deum a nobis non habeat, qui propter aversionem qua ab eo averſi propter peccatum fuimus, a nobis averſus manebat: & ideo secundum hoc quod se ad nos sua benignitate convertit, dicitur peccatum nostrum remittere; sicut nos offensam alicui remittimus, cum ad eum propter offensam præteritam ulterius malevolentiam non servamus: quæ quidem in Deum secundum effectum accipienda sunt, ut in III. Lib. dist. xxxii. dictum est: & propter hoc etiam Deus remittendo peccatum dicitur ipsum tegere, quasi non aspiciens ad præteritum peccatum, ut ratione eius gratiam nobis denegat.

Ad primum ergo dicendum, quod quævis non reparatur pulchritudo animæ quantum ad aliquod accidens, quod erat dignitas innocentiz; reparatur tamen quantum ad decorem gratiæ quæ restituitur.

Et similiter dicendum ad secundum: quia non semper homo recuperat omnia damna quæ passus est vel temporis, vel aliorum; sed recuperat amissam pulchritudinem quantum ad essentiam decoris spectat.

SOLUTIO III.

Ad tertiam quæstionem dicendum, quod in peccato duo sunt, scilicet conversio ad commutabile bonum, & aversio ab incommutabili bono: & secundum hoc duo sunt effectus peccati. Unus est indignatio Dei ad nos, aversioni peccati respondens; alius est pœna (a) inordinatam conversionem ordinans. Et quia primo in peccato ex parte nostra est conversio, & quod est prius in generatione, est posterius in destructione; ideo ex parte Dei primo est reconcilia-

(a) .d. inordinata.

liatio ipsius ad nos, & secundum hoc est liberatio a debito poenae. Sed poena est duplex, scilicet exterminans hostes, & talis poena ex reconciliatione ipsa removetur: alia poena est quae corrigit civem, & filium, vel amicum; & debitum eius potest remanere reconciliatione iam facta: & ideo simul cum peccato remittitur quo ad maculam, remittitur quo ad poenam aeternam, quae est exterminans, sed non quo ad poenam temporalem, quae est corrigens.

Ad primum ergo dicendum, quod sicut actus praexistens fuit causa maculae, & tamen transiente actu non transit macula; ita actus mediante macula fuit causa debiti: & ideo non oportet quod cessante macula debitum poenae cesseret, quia cessante primo effectu non oportet quod cesseret secundus.

Ad secundum dicendum, quod iste cui remissa est culpa quantum ad maculam, adhuc dignus est propter actum quem commisit, poenam sustinere; quamvis non sit dignus a Deo alienus esse.

ARTICULUS III.

Utrum potestas clavium se extendat ad remissionem culpa.

1. **A**D rectum sic proceditur. Videtur quod potestas clavium se extendat ad remissionem culpa. Ioan. xx. 25. dicitur discipulis: *Quorum remiseritis peccata, remittuntur eis.* Sed hoc nondicitur quantum ad manifestationem tantum, ut Magister in littera dicit: quia sic sacerdos novi testamenti non haberet maiorem potestatem quam sacerdos veteris testamenti. Ergo exercere potestatem in culpa remissione.

2. Præterea. In poenitentia datur gratia ad remissionem peccati. Sed huius sacramenti dispensator est sacerdos ex vi clavium. Ergo cum gratia non opponatur peccato ex parte poenae, sed ex parte culpa, videtur quod sacerdos ad remissionem culpa operetur ex vi clavium.

3. Præterea. Maiorem virtutem recipit sacerdos ex sua consecratione quam aqua baptismi ex sua sanctificatione. Sed aqua baptismi hanc vim accipit, ut corpus tangat, & cor abluat, secundum Augustinum (super Ioan. cap. xv. tract. lxxx.) Ergo multo fortius sacerdos in sui consecra-

tionem hanc potestatem accipit, ut cor a culpa macula ablueret possit.

Sed contra. Supra Magister dixit distinct. v. quod Deus hanc potestatem non contulit ministro quod ad interiore mundationem cooperaretur ei. Sed si peccata quo ad culpam remitteret, cooperaretur ei in mundatione interiori. Ergo potestas clavium non se extendit ad culpa remissionem.

Præterea. Peccatum non dimittitur nisi per Spiritum sanctum. Sed dare Spiritum sanctum non est alicuius hominis, ut in I. Lib. Magister dixit distinct. xiv. Ergo nec peccata remittere quo ad culpam.

QUAESTIUNCULA II.

1. Ulterius. Videtur quod non possit remittere peccatum quo ad poenam. Peccato enim deberetur poena aeterna, & temporalis. Sed adhuc post absolutionem sacerdotis manet poenitentis obligatus ad poenam temporalem in purgatorio, vel in hoc mundo faciendam. Ergo non dimittit aliquo modo poenam.

2. Præterea. Sacerdos non potest praeiudicare divinae iustitiae. Sed ex divina iustitia taxata est poena poenitenti quam debet subire. Ergo sacerdos de ea non potest aliquid remittere.

3. Præterea. Ille qui parvum peccatum commisit, non est minus susceptivus effectus clavium quam ille qui commisit maius peccatum. Sed aliquid de poena per officium sacerdotis de maiori peccato dimittitur. Possibile est ergo esse aliquid parvum peccatum, cui non debeatur plus de poena quam illud quod de maiori peccato dimissum est. Ergo poterit totam poenam illius parvi peccati dimittere; quod falsum est.

4. Præterea. Totā poena temporalis peccato debita est unius rationis. Si ergo per primam absolutionem dimittatur aliquid de poena, & per secundam ab eodem peccato absolutionem poterit aliquid remitti, & sic tantum poterit multiplicari absolutio, quod vi clavium tota poena tollatur, cum secunda absolutio non sit minoris efficacitatis quam prima: & sic peccatum remanebit omnino impunitum; quod est inconveniens.

Sed contra. Clavis potestas est ad ligandum, & solvendum. Sed potest sacerdos iniungere poenam temporalem. Ergo & potest absolvere a poena.

Trr

Præ-

Præterea. Sacerdos non potest dimittere peccatum quantum ad culpam, ut in littera dicitur, nec quantum ad penam æternam pari ratione. Si ergo non potest remittere quantum ad penam temporalem, nullo modo remittere poterit; quod est omnino contrarium dictis Evangelii.

QUAESTIUNCULA III.

1. Ulterius. Videtur quod sacerdos per potestatem clavium ligare non possit. Virtutes enim sacramentales ordinantur contra peccatum ut medicina. Sed ligare non est medicina peccati, sed magis aggravatio morbi, ut videtur. Ergo sacerdos per vim clavium, quæ est vis sacramentalis, non potest ligare.

2. Præterea. Sicut absolvere, vel aperire est amovere obstackulum, ita ligare est obstackulum ponere. Sed obstackulum regni peccatum est, quod nobis ex alio imponi non potest, quia non nisi voluntate peccatur. Ergo sacerdos ligare non potest.

3. Præterea. Claves ex passione Christi efficaciam habent. Sed ligare non est effectus passionis. Ergo ex clavium potestate non potest sacerdos ligare.

Sed contra est quod dicitur Matth. xvi. 19. *Quodcumque ligaveris super terram, erit ligatum & in celis.*

Præterea. Potestates rationales sunt ad opposita. Sed potestas clavium est potestas rationalis, cum habeat discretionem adiunctam. Ergo habet se ad opposita. Ergo si potest solvere, potest & ligare.

QUAESTIUNCULA IV.

1. Ulterius. Videtur quod possit ligare, & solvere secundum proprium arbitrium. Hieronymus enim dicit * (& habetur de penit. distinct. 1. cap. *Mensura*) *Mensuram temporis in agendo penitentiam non satis aperte præfigunt canonis pro unoquoque crimine, ut de singulis dicant qualiter unumquodque sit emendandum; sed magis arbitrio sacerdotis intelligentis relinquendum statuerunt.* Ergo videtur quod ipse secundum suum arbitrium possit ligare, & solvere.

2. Præterea. Dominus laudavit villicum iniquitatis, quod prudenter fecisset, quia

debitoribus domini sui remisisset largiter. Sed Deus magis pronus est ad miserendum quam aliquis dominus temporalis. Ergo videtur quod laudabilior sit quantum plus de pena dimiserit.

3. Præterea. Omnis Christi actio nostra est instructio. Sed ipse quibusdam peccantibus nullam penam imposuit, sed solum emendationem vite, ut patet de adultera, Ioan. viii. Ergo videtur quod ad arbitrium suum possit etiam sacerdos, qui est vicarius Christi, penam totam dimittere, vel partem.

Sed contra. Gregorius ** dicit: *Falsam penitentiam dicimus qua non secundum auctoritatem sanctorum patrum pro qualitate criminis imponitur.* Ergo videtur quod non omnino sit in arbitrio sacerdotis.

Præterea. Ad actum clavium requiritur discretio. Sed si esset omnino in voluntate sacerdotis dimittere, & imponere de pena quantum vellet, non esset ibi necessaria discretio: quia nunquam ibi indiscretio posset accidere. Ergo non est omnino in arbitrio sacerdotis.

SOLUTIO I.

Respondeo dicendum ad primam questionem, quod sacramenta secundum Honorem (Lib. I. de sacramentis par. ix. cap. 11.) ex sanctificatione invisibilem gratiam continent. Sed hæc sanctificatio quandoque ad necessitatem sacramenti requiritur tam in materia quam in ministro, sicut patet in confirmatione; & tunc vis sacramentalis est in utroque coniunctum. Quandoque autem ex necessitate sacramenti non requiritur nisi sanctificatio materie, sicut est in baptismo, quia non habet ministrum determinatum quantum ad sui necessitatem; & tunc tota vis sacramentalis consistit in materia. Quandoque vero de necessitate sacramenti requiritur consecratio, vel sanctificatio ministri sine aliqua sanctificatione materie, & tunc tota vis sacramentalis consistit in ministro, sicut est in penitentia. Unde eodem modo se habet potestas clavium quæ est in sacerdote, ad effectum sacramenti penitentiae, sicut se habet virtus quæ est in aqua baptismi, ad effectum baptismi. Baptismus autem, & sacramen-

tum

EX EDIT. P. NICOLAI.

* Sub eius nomine habetur in Decretis loc. cit. Sed apud illum non occurrat, sicut & appendix ibi notat, addens quod in ant-quo Penitentiali extet. ** Non Gregorius Magnus... sed Gregorius VII. in Synodo Romana sub annum Christi 1078. celebrata cap. vi. ut in Decretis de penitentia dicitur. vi. cap. *Falsas* ex professo recitetur.

tum poenitentiae conveniunt quodammodo in effectu, quia utrumque contra culpam ordinatur directe, quod non est de aliis sacramentis; sed in hoc differunt, quia sacramentum poenitentiae, eo quod habet actus suscipientis quasi materiales, non potest dari nisi adultis, in quibus requiritur praeparatio ad suscipiendum effectum sacramentorum; sed baptismus quandoque datur adultis, & quandoque pueris, & aliis ca- rentibus usu rationis: & ideo per baptismum datur gratia, & remissio peccatorum pueris sine aliqua sui praeparatione praecedente; non autem adultis, in quibus praerogitur praeparatio removens fictionem: quae quidem praeparatio quandoque praedit, sufficiens ad gratiae susceptionem, antequam baptismus actu percipiatur, sed non ante votum baptismi post tempus prolatae veritatis. Quandoque autem talis praeparatio tempore non praecedit, sed est simul cum baptismi susceptione; & tunc per baptismi susceptionem gratia remissionis culpae confertur. Sed per poenitentiae sacramentum nunquam datur gratia, nisi praeparatio adit, vel prius fuerit: unde virtus elavium operatur ad culpae remissionem vel in voto existens, vel etiam in actu se exercens, sicut & aqua baptismi. Sed sicut baptismus non agit ut principale agens, sed ut instrumentum, non quidem pertingens ad ipsam gratiae susceptionem causandam etiam instrumentaliter, sed disponens ad gratiam, per quam fit remissio culpae; ita est de potestate clavium. Unde solus Deus remittit per se culpam, & in virtute eius agit instrumentaliter & baptismus ut instrumentum inanimatum, & sacerdos ut instrumentum animatum, quod dicitur servus secundum Philosophum in VIII. Ethic. & ideo sacerdos agit ut minister. Et sic patet quod potestas elavium ordinatur aliquo modo ad remissionem culpae, non sicut causans, sed sicut disponens ad eam. Unde si ante absolutionem aliquis non fuisset perfecte dispositus ad gratiam suscipiendam, in ipsa confessione, & absolutione sacramentali gratiam consequeretur, si obicem non poneret. Si enim clavis nullo modo ad culpae remissionem ordinaretur, sed ad dimissionem poenae tantum, ut quidam dicunt, non exigeretur votum suscipiendi effectum clavium ad culpae remissionem, sicut non exigitur votum suscipiendi alia sacramenta quae non ordinantur ad culpam, sed contra poenam. Sed hoc facit videri quod non ordinantur ad culpae

dimissionem: quia semper usus clavium ad hoc quod effectum habeat, requirit praeparationem ex parte recipientis sacramentum: & similiter videretur de baptismo, si nunquam daretur nisi adultis.

Ad primum ergo dicendum, quod, sicut Magister dicit in littera, sacerdotibus commissa est potestas remittendi peccata, non ut propria virtute remittant, quia hoc Dei est; sed ut operationem Dei remittentis ostendant tamquam ministri. Sed hoc contingit tribus modis. Uno modo ut ostendant eam non praesentem, sed promittant futuram sine hoc quod aliquid operentur ad ipsam, & sic sacramenta veteris legis operationem Dei significabant: unde & sacerdos veteris legis ostendebat tantum, & nihil operabatur. Alio modo ut significant praesentem, & nihil operentur ad eam; & sic quidam dicunt, quod sacramenta novae legis significant collationem gratiae, quam Deus in ipsa sacramentorum collatione dat, sine hoc quod in sacramentis sit aliqua virtus operans ad gratiam: & secundum hanc opinionem quae in 1. dist. tracta est, etiam potestas clavium esset tantum ostendens divinam operationem in remissione culpae in ipsa sacramentali collatione facta. Tertio modo ut significant divinam operationem in remissionem culpae praesentem, & ad ipsam aliquid dispositive, & instrumentaliter operentur: & sic secundum aliam opinionem, quae sustinetur communis, sacramenta novae legis emundationem ostendunt divinitus factam: & hoc modo etiam sacerdotes novi testamenti ostendit absolutos a culpa: quia proportionaliter oportet loqui de sacramentis, & potestate ministrorum. Nec obstat quod claves Ecclesiae ad remissionem culpae disponant, quia culpa iam remissa est; sicut nec quod baptismus disponat, quantum in se est, in eo qui iam sanctificatus est.

Ad secundum dicendum, quod neque sacramentum poenitentiae, neque sacramentum baptismi operando pertingit directe ad gratiam, nec ad culpae remissionem, sed dispositive.

Unde etiam patet responsio ad tertium.

Aliae rationes ostendunt quod ad remissionem culpae directe clavium potestas non operetur; quod est concedendum.

SOLUTIO II.

Ad secundam questionem dicendum, quod idem iudicium est de effectu quem potestas clavium actualiter exercita complet in eo

Ttt 2 in

in quo contritio tempore præcessit, & de effectu baptismi qui iam habenti gratiam datur. Aliquis enim per fidem, & contritionem præcedentem baptismum, gratiam remissionis peccatorum quantum ad culpam consecutus est; sed quando actualiter postea baptismum suscipit, gratia augetur, & a reatu poenæ totaliter absolvitur, eo quod fit particeps passionis Christi. Et similiter ille qui per contritionem consecutus est remissionem peccatorum quantum ad culpam, & per consequens quantum ad reatum poenæ æternæ, quæ simul cum culpa dimittitur, ex vi clavium ex passione Christi efficaciam habentium augetur gratia, & poena remittitur temporalis, cuius reatus adhuc remanserat post culpæ remissionem; non tamen totus, sicut in baptismo, sed pars eius: eo quod in baptismo homo regeneratur configuratus passioni Christi, totaliter efficaciam passionis Christi, quæ sufficit ad omnem poenam delendam, in se suscipiens, ut nihil de prioris peccati actualis poena remaneat: quia non debet alicui imputari ad poenam, nisi quod ipsemet fecit. In baptismo autem homo novam vitam accipiens fit per gratiam baptismalem novus homo: & ideo nullus reatus poenæ remanet in eo pro præcedenti peccato. Sed in penitentia homo non mutatur in aliam vitam, quia non est regeneratus, sed sanatio quædam: ideo ex vi clavium, quæ operatur in sacramento penitentiae, non tota poena remittitur, sed aliquid de poena temporali, cuius reatus post absolutionem a poena æterna remanere potuit, ut dictum est; nec solum a poena illa quam habet, (a) vel suscipit ab ea poenitens in confitendo, ut quidam dicunt: quia sic confessio, & sacerdotalis absolutio non essent nisi in onus, quod non competit sacramentis novæ legis: sed etiam de illa poena quæ in purgatorio debetur, aliquid remittitur, ut minus (b) in purgatorio puniatur absolutus ante satisfactionem decedens, quam si ante absolutionem decederet.

Ad primum ergo dicendum, quod non remittit poenam totam temporalem, sed partem: & ideo adhuc manet obligatus ad poenam satisfactoriam.

Ad secundum dicendum, quod passio Christi sufficienter satisfacit pro peccatis totius mundi: & ideo sine præiudicio divinæ iustitiæ aliquid de poena sibi debita remitti potest, secundum quod effectus pas-

sionis ad ipsum per sacramenta Ecclesiæ pertingit.

Ad tertium dicendum, quod pro quolibet peccato oportet aliquam poenam satisfactoriam remanere, per quam medicina contra peccatum præstetur: & ideo quamvis virtute absolutionis dimittatur aliqua quantitas poenæ debite pro aliquo magno peccato, non oportet quod tanta quantitas poenæ dimittatur respectu cuiuslibet peccati, quia aliquod peccatum secundum hoc remaneret omnino sine poena; sed virtute clavium de penis singulorum peccatorum proportionaliter dimittitur.

Ad quartum dicendum, quod quidam dicunt, quod in prima absolutione tantum dimittitur vi clavium, quantum dimitti potest; sed tamen valet iterata confessio tum propter instructionem, tum propter maiorem certitudinem, tum propter intercessionem Confessoris, tum propter verecundiam meritum. Sed hoc non videtur verum: quia etsi hæc esset ratio confessionem iterandi, non tamen esset ratio iterandi absolutionem, præcipue in eo qui non habet aliquam causam dubitationis (c) de præcedenti absolutione (ita enim poterit dubitare post secundam absolutionem, sicut post primam) sicut videmus quod sacramentum extremæ unctionis non iteratur super eundem morbum, eo quod totum quod per sacramentum fieri potuit, semel factum est. Et præterea in secunda confessione non requireretur quod haberet claves ille cui sit confessio, si nihil ibi vis clavium operatur. Et ideo dicunt, quod etiam in secunda absolutione vi clavium de poena remittitur, quia in secunda absolutione gratiæ confertur augmentum, & quanto maior gratia recipitur, minus de impuritate peccati præcedentis manet: & ideo minor poena purgans debetur. Unde etiam in prima absolutione alicui plus & minus de poena dimittitur vi clavium, secundum quod plus se ad gratiam disponit: & potest esse tanta dispositio quod etiam ex vi contritionis tota poena tollatur, ut prædictum est (distinct. xvii. quæst. iiii. art. 3. quæstiunc. 2. in cor.) Unde etiam non est inconveniens, si per frequentem confessionem etiam tota poena tollatur, ut peccatum omnino remaneat impunitum, pro quo poena Christi satisfecit.

S O-

(a) *Al.* ut suscipit. (b) *Al.* a purgatorio. (c) *Al.* de presenti.

Ad tertiam questionem dicendum, quod operatio sacerdotis in usu clavium est conformis Dei operationi, cuius minister est. Deus autem habet operationem & in culpam, & in penam: sed in culpam ad solvendum quidem directe, ad ligandum autem indirecte, in quantum obdurare dicitur, dum gratiam non largitur; sed in penam habet operationem directe quantum ad utrumque, quia (a) & penam parcit, & penam infligit. Similiter ergo sacerdos, etsi in absolvendo ex vi clavium habeat aliquam operationem ordinatam ad culpæ dimissionem modo iam dicto, non tamen in ligando aliquam operationem habet in culpam; nisi ligare dicatur in quantum non absolvit, sed ligatus offendit. Sed in penam habet potestatem & ligandi, & solvendi: solvit enim a pena quam dimittit, sed ligat ad penam quæ remanet. Sed ad hanc ligare dupliciter dicitur. Uno modo considerando ipsam quantitatem penæ in communi; & sic non ligat nisi in quantum non solvit, sed ligatum offendit. Alio modo, considerando penam hanc, vel illam determinatæ; & sic ligat ad penam, (b) imponendo eam.

Ad primum ergo dicendum, quod illud residuum penæ ad quod obligat, est medicina purgans peccati impuritatem.

Ad secundum dicendum, quod obstaculum regni non solum peccatum est, sed etiam pena; quam qualiter sacerdos imponat, dictum est.

Ad tertium dicendum, quod etiam passio Christi obligat nos ad penam aliquam, per quam ei conformemur.

SOLUTIO IV.

Ad quartam questionem dicendum, quod sacerdos operatur in usu clavium sicut instrumentum, & minister Dei. Nullum autem instrumentum habet efficaciam actum nisi secundum quod movetur a principali agente: & ideo dicit Dionysius in eccl. Hierar. quod sacerdotibus utendum est virtutibus hierarchicis, quando Divinitas eos movet, in cuius signum Matth. xvi. ante potestatem clavium Petro traditam, sit intentio de revelatione ei facta Divinitatis, & Ioan. xx. præmittitur potestati remissionis Apostolis datæ Spiritus sancti donum, quod filii Dei aguntur. Unde si quis præter istum motum divinum uti sua potestate

præsumperit, non consequetur effectum, ut Dionysius dicit: & propter hoc a divino ordine averteretur, & sic culpam incurreret. Et quia penæ satisfactorie infligendæ ut medicinæ sunt, sicut medicinæ in arte determinate non omnibus competunt, sed variandæ sunt secundum arbitrium medici, non propriam voluntatem sequentis, sed medicinæ scientiam; ita penæ satisfactorie in canone determinatæ non competunt omnibus, sed variandæ sunt secundum arbitrium sacerdotis divino instinctu regulatum. Sicut autem medicus aliquando prudenter non dat medicinam ita efficacem, quæ ad morbi curationem sufficiat, ne propter debilitatem naturæ maius periculum oriatur; ita sacerdos divino instinctu motus non semper totam penam quæ uni peccato debetur iniungit, ne infirmus aliquis ex magnitudine penæ desperet, & a penitentia totaliter recedat.

Ad primum ergo dicendum, quod arbitrium illud debet esse divino instinctu regulatum.

Ad secundum dicendum, quod etiam de hoc laudatur villicus, quod prudenter fecit: & ideo in remissione penæ debet discretio adhibenda est.

Ad tertium dicendum, quod Christus habuit potestatem excellentiæ in sacramentis: unde ipse ex auctoritate penam totam, vel partem poterat dimittere sicut volebat: nec est simile de his qui operantur tantum ut ministri.

QUÆSTIO II.

Deinde queritur de excommunicatione: & circa hoc queruntur quinque.

Primo. De ipsa excommunicatione.

Secundo. Quis possit excommunicare.

Tertio. De modo excommunicationis.

Quarto. De communicatione cum excommunicatis.

Quinto. De absolutione ab excommunicatione.

ARTICULUS I.

Utrum competens sit (c) diffinitio excommunicationis a quibusdam posita.

1. AD primum sic proceditur. Videtur quod incompetens sit hæc diffinitio excommunicationis a quibusdam posita: Excommunicatio est separatio a communione Eccle-

(a) *Al.* de a pena parcit. (b) *Al.* ligando eam. (c) *Al.* additur hæc.

Ecclesia quo ad fructum, & suffragia generalia. Suffragia enim Ecclesiarum valent eis pro quibus sunt. Sed Ecclesia orat pro eis qui extra Ecclesiam sunt, sicut pro hæreticis, & paganis. Ergo etiam pro excommunicatis, qui extra Ecclesiam sunt; & sic eis suffragia Ecclesiarum valent.

2. Præterea. Nullus amittit suffragia Ecclesiarum nisi per culpam. Sed excommunicatio non est culpa, sed poena. Ergo per excommunicationem non separatur aliquis a suffragiis Ecclesiarum communibus.

3. Præterea. Fructus Ecclesiarum non videtur aliud esse quam suffragia: non enim potest intelligi de fructu bonorum temporalium, quia hæc excommunicatis non auferuntur. Ergo inconvenienter utrumque ponitur.

4. Præterea. Excommunicatio minor, quædam excommunicatio est. Sed per eam homo non perdit suffragia Ecclesiarum. Ergo diffinitio non est communis.

QUAESTIUNCULA II.

1. Uterius. Videtur quod Ecclesia nullum debeat excommunicare. Quia excommunicatio maledictio quædam est. Sed Rom. xii. prohibemus maledicere. Ergo Ecclesia excommunicare non debet.

2. Præterea. Ecclesia militans debet imitari triumphantem. Sed, ut in epistola Iude legitur, Michael cum altercatur de corpore Moysi cum diabolo, non est ausus iudicium blasphemix inferre, sed ait: *Imperet tibi Deus.* Ergo nec Ecclesia militans debet alicui iudicium maledictionis, vel excommunicationis inferre.

3. Præterea. Nullus est in manum hostis tradendus, nisi omnino desperatus. Sed per excommunicationem traditur aliquis in manum satanæ, ut patet II. Corinth. v. Cum ergo de nemine sit desperandum in vita ista, Ecclesia nullum debet excommunicare.

Sed contra est quod Apostolus I. Corinth. v. mandat quemdam excommunicari.

Præterea, Matth. xviii. 17. dicitur de illo qui Ecclesiam audire contemnit: *Sic tibi sicut ethnicus, & publicanus.* Sed ethnici sunt extra Ecclesiam. Ergo & illi qui Ecclesiam audire contemnunt, per excommunicationem extra Ecclesiam sunt ponendi.

QUAESTIUNCULA III.

1. Uterius. Videtur quod nullus pro aliquo temporali damno debeat excommuni-

cari. Quia poena non debet excedere culpam. Sed poena excommunicationis est privatio alicuius boni spiritualis, quod omnibus bonis temporalibus præminet. Ergo pro temporalibus nullus est excommunicandus.

2. Præterea. Nulli malum pro malo reddere debemus, secundum Apostoli præceptum. Sed hoc esset malum pro malo reddere, si pro tali damno quis excommunicaretur. Ergo nullo modo hoc debet fieri.

Sed contra est quod Petrus Ananiam, & Saphiram pro destractione pretii agnitentia mortis damnavit (Act. cap. v.) Ergo & Ecclesie licet pro temporalibus damnis excommunicare.

QUAESTIUNCULA IV.

1. Uterius. Videtur quod excommunicatio iniuste lata nullo modo effectum habeat. Quia per excommunicationem protectio, & gratia Dei subtrahitur, quæ non iniuste subtrahi potest. Ergo excommunicatio iniuste lata non habet effectum.

2. Præterea Hieronymus dicit (in Matth. cap. xvi.) quod hoc est de supercilio Phariseorum æstimare esse ligatum, vel solutum qui ligatur, vel solvitur iniuste. Sed eorum supercilium erat superbum, & erroneum. Ergo excommunicatio iniusta nullum habet effectum.

Sed contra. Secundum Gregorium (hom. xxv. in Evang.) præcepta pastoris, sive iusta, sive iniusta, timenda sunt. Non autem essent timenda, nisi aliquid nocerent etiam iniusta. Ergo &c.

SOLUTIO I.

Respondeo dicendum ad primam questionem, quod ille qui per baptismum in Ecclesia ponitur, ad duo ascribitur, scilicet ad cœtum fidelium, & ad sacramentorum participationem; & hoc secundum præsupponit primum, quia in sacramentis participandis etiam fideles communicant: & idcirco aliquis potest extra Ecclesiam fieri per excommunicationem dupliciter. Uno modo ita quod separaretur tantum a participatione sacramentorum; & hæc erit excommunicatio minor. Alio modo ita quod excludatur ab utroque; & sic erit excommunicatio maior, quæ hic diffinitur. Non autem potest esse tertium, scilicet quod excludatur a communione fidelium, & non a participatione sacramentorum ratione iam dicta, quia scilicet fideles in sacramentis communicant. Sed communicatio fidelium est duplex.

Quæ-

Quædam in spiritualibus, sicut sunt mutue orationes, & conventus ad sacra percipienda: quædam in corporalibus actibus legitimis; qui quidem legitimi actus, & licita communio his verbis continentur.

Si pro delictis anathema quis efficitur; Os, orare, vale, communitio, mensa negatur.

Or, scilicet ne detur osculum; orare, ne cum excommunicatis oremus; vale, ne salutentur; communitio, ne scilicet in sacramentis eum ipsis aliquis communicet; mensa negatur, ne aliquis cum eis comedat. Præmissa ergo definitio importat separationem a sacramentis in hoc quod dicit, *Quantum ad fructum*; & a communione fidelium, quantum ad spiritualia, in hoc quod dicit, *Et suffragia Ecclesiæ communia*. Alia autem definitio invenitur quæ datur secundum separationem ab utrisque actibus, quæ talis est: *Excommunicatio est a qualibet licita communione (a) ac legitimo actu separatio.*

Ad primum ergo dicendum, quod pro infidelibus oratur; sed ipsi fructum orationis non percipiunt, nisi ad fidem convertantur. Similiter & pro excommunicatis orari potest, quamvis non inter orationes quæ pro membris Ecclesiæ fiunt; & tamen fructum non participant, quamdiu in excommunicatione manent: sed oratur ut detur ei spiritus penitentiae, ut ab excommunicatione solvantur.

Ad secundum dicendum, quod suffragia alicuius valent alicui secundum quod ei continuantur. Potest autem actio unius alteri continuari dupliciter. Uno modo ex vi caritatis, quæ omnes fideles connectit, ut sint unum in Deo, sicut dicitur Psalm. cxviii. 63. *Particeps ego sum omnium tormentorum te*; & hanc continuationem excommunicatio non intercipit: quia iuste excommunicari quis non potest, nisi pro culpa mortali, per quam iam a caritate divisus est, etiam non excommunicetur. Iniusa autem excommunicatio caritatem alicui auferre non potest, cum sit de maximis bonis, quæ non possunt alicui invito auferri. Alio modo per intentionem suffragia facientis, quæ in aliquem fertur pro quo fiunt; & hanc continuationem excommunicatio intercipit: quia Ecclesiæ per excommunicationis sententiam separat excommunicatos ab universitate fidelium, pro quibus suffragia facit. Unde suffragia Ecclesiæ ei non profunt quæ pro tota Ecclesiâ fiunt;

nec ex persona Ecclesiæ oratio pro eis inter membra Ecclesiæ fieri potest; quamvis aliqua persona privata possit ad eius conversionem aliquod suffragium per intentionem dirigere.

Ad tertium dicendum, quod fructus spiritualis Ecclesiæ non solum est ex suffragiis, sed etiam ex perceptione sacramentorum, & ex convivio fidelium.

Ad quartum dicendum, quod minor excommunicatio non habet perfectam rationem excommunicationis, sed aliquid ipsius participat: & ideo non oportet quod ei totaliter excommunicationis definitio conveniat, sed solum quo ad aliquod.

SOLUTIO II.

Ad secundam questionem dicendum, quod iudicium Ecclesiæ conforme debet esse iudicio Dei. Deus autem multipliciter peccatores punit, ut eos ad bonum trahat. Uno modo flagellis castigando; alio modo hominem sibi relinquendo, ut auxiliis subtraçtis, quibus a malo præpediebatur, suam infirmitatem cognoscat, & humilis ad Deum redeat, a quo superbus abcessit: & quantum ad utrumque Ecclesiâ in excommunicationis sententia divinum iudicium imitatur: inquantum enim eum a communione fidelium separat, ut erubescat, imitatur divinum iudicium quo per flagella castigat; inquantum autem a suffragiis, & aliis spiritualibus separat, imitatur divinum iudicium quo hominem sibi relinquit, ut per humilitatem seipsum cognoscens ad Deum redeat.

Ad primum ergo dicendum, quod maledictio potest esse dupliciter. Uno modo ita quod in malo quod irrogat, vel dicit, per intentionem sistat; & sic maledictio omnibus modis prohibita est. Alio modo ita quod malum quod quidem maledicendo imprecatur, ad bonum illius ordinet qui maledicatur; & sic maledictio quandoque est licita, & salutifera: sicut & medicus aliquod nocuum mentem infert infirmo, ut sectionem, per quam ab infirmitate liberetur.

Ad secundum dicendum, quod diabolus incorrigibilis est, & ideo non est susceptibilis alicuius boni per excommunicationis penam.

Ad tertium dicendum, quod ex hoc ipso quod aliquis suffragiis Ecclesiæ privatur, triplex incommodum incurrit (b) per oppositum ad tria quæ quis ex suffragiis Ecclesiæ consequitur. Valent enim ad

(a) *ut. dist. ac.* (b) *ut. per tria quæ sic.*

augmentum gratiæ eis qui habent, vel ad merendum eis qui non habent; & quantum ad hoc Magister in littera dicit, quod gratia Dei per excommunicationem subtrahitur. Valent etiam ad custodiam virtutis; & quantum ad hoc dicit, quod protectio subtrahitur, non quod omnino a Dei providentia excludatur, sed quod ab illa protectione qua filios Ecclesiæ (a) speciali modo custodit. Valent ad defendendum ab hoste; & quantum ad hoc dicit, quod diabolo maior potestas fieriendi in ipsum datur & spiritualiter, & corporaliter. Unde in primitiva Ecclesia quando oportebat per signa ad fidem homines invitare, sicut Spiritus sancti donum visibili signo manifestabatur, ita & excommunicatio corporali vexatione a diabolo innotescebat. Nec est inconveniens, si ille qui non est desperatus, hosti datur: quia non datur ei quasi damnandus, sed quasi corrigendus, cum in potestate Ecclesiæ sit ex eius manu ipsum eripere cum voluerit.

SOLUTIO III.

Ad tertiam questionem dicendum, quod per excommunicationem iudex ecclesiasticus excommunicatos excludit a regno quodammodo. Unde cum non debeat excludere nisi indignos, ut ex diffinitione clavis patuit, nec aliquis reddatur indignus nisi per peccatum mortale amiserit caritatem, quæ est via ducens ad regnum; ideo nullus excommunicari debet nisi pro peccato mortali. Et quia in damnificando aliquem corporaliter, vel in rebus (b) temporalibus aliquis mortaliter peccat, & contra caritatem facit; ideo pro damno temporalis illato Ecclesia aliquem excommunicare potest. Sed quia excommunicatio est gravissima poenarum, poenæ autem medicinz sunt, secundum Philosophum in II. Ethic. (cap. xii.) sapientis autem medici est a levioribus medicinis incipere, & minus periculosis: ideo excommunicatio infligi non debet etiam pro peccato mortali, nisi contumax fuerit vel non veniendo ad iudicium, vel ante terminationem iudicii sine licentia recedendo, vel determinationi non parendo: tunc enim postquam monitus fuerit, si obedire contempserit, contumax reputatur, & excommunicari debet a iudice iam non habente quid contra ipsum faciat amplius.

Ad primum ergo dicendum, quod culpæ quantitas non mensuratur ex nocumento quod quis facit, sed ex voluntate qua facit, contra caritatem agens: & ideo quamvis poena excommunicationis excedat nocumentum, non tamen excedit quantitatem culpæ.

Ad secundum dicendum, quod cum aliquis per poenam aliquam corrigitur, non redditur ei malum, sed bonum: quia poenæ medicinz sunt, ut dictum est.

SOLUTIO IV.

Ad quartam questionem dicendum, quod excommunicatio potest dici iniusta dupliciter. Uno modo ex parte excommunicantis; sicut cum ex odio, vel ira excommunicat: & tunc excommunicatio nihilominus habet effectum suum, quamvis ille qui excommunicat peccet: quia iste iuste patitur, quamvis ille iniuste faciat. Alio modo ex parte ipsius excommunicationis, vel quia causa excommunicationis est indebita, vel quia infertur sententia iuris ordine prætermisso: & tunc si sit talis error ex parte sententiæ qui sententiam nullam faciat esse, non habet effectum, quia non est excommunicatio; si autem sententiam non annullat, habet effectum suum, & debet excommunicatus humiliter obedire, & erit ei ad meritum vel absolutionem petere ab excommunicante, vel ad superiorem iudicem recurrere. Si autem contemneret, eo ipso mortaliter peccaret. Contingit autem quandoque quod est debita causa ex parte excommunicationis, quæ non est debita ex parte excommunicati; sicut cum aliquis pro falso crimine in iudicio probato excommunicatur; & tunc si humiliter sustinet, humilitatis merito recompensat excommunicationis damnum.

Ad primum ergo dicendum, quod quamvis homo gratiam Dei iniuste amittere non possit, potest tamen iniuste amittere illa quæ ex parte nostra sunt, quæ ad gratiam Dei disponunt; sicut patet, si subtrahatur alicui doctrinæ verbum quod ei debetur; & hoc modo excommunicatio gratiam Dei subtrahere dicitur, ut ex prædictis patet.

Ad secundum dicendum, quod Hieronymus loquitur quantum ad culpas, & non quantum ad poenas, quæ possunt etiam iniuste infligi rectoribus Ecclesiarum.

(a) Nisi specialiter. (b) A. mortalibus.

ARTICULUS II.

Utrum quilibet sacerdos possit excommunicare.

1. **A**D secundum sic proceditur. Videtur quod quilibet sacerdos possit excommunicare. Excommunicatio enim est actus clavium. Sed quilibet sacerdos habet claves. Ergo quilibet potest excommunicare.

2. Præterea. Maius est absolvere, & ligare in foro poenitentiae quam in foro iudicii. Sed quilibet sacerdos potest sibi subditos in foro poenitentiali absolvere, & ligare. Ergo etiam potest sibi subditos quilibet sacerdos excommunicare.

Sed contra. Ea in quibus imminet periculum, sunt maioribus reservanda. Sed poena excommunicationis est valde periculosa, nisi cum moderamine fiat. Ergo non debet cuilibet committi sacerdoti.

QUAESTIUNCULA II.

1. Ulterius. Videtur quod non sacerdotes excommunicare non possint. Quia excommunicatio est actus clavium, ut in littera dicitur. Sed non sacerdotes non habent claves. Ergo non possunt excommunicare.

2. Præterea. Plus requiritur ad excommunicationem quam ad absolutionem in foro poenitentiae. Sed non sacerdos in foro poenitentiae absolvere non potest. Ergo nec excommunicationem inferre.

Sed contra est quod archidiaconi, legati, & clerici excommunicant, qui quandoque non sunt sacerdotes. Ergo non solum sacerdotes excommunicare possunt.

QUAESTIUNCULA III.

1. Ulterius. Videtur quod excommunicatus, vel suspensus excommunicare possit. Ille enim qui est excommunicatus, vel suspensus neque ordinem, neque iurisdictionem amittit: quia neque reordinatur cum absolvitur, neque cura ei iterum committitur. Sed excommunicatio non requirit nisi ordinem, vel iurisdictionem. Ergo etiam excommunicatus, & suspensus excommunicare possunt.

2. Præterea. Maius est conficere corpus Christi quam excommunicare. Sed excommunicati conficere possunt, ut supra dist. xxi. dictum est. Ergo possunt excommunicare.

Sed contra. Ligatus corporaliter non potest alium ligare. Sed vinculum spirituale. *S. Tb. Oper. Tom. XII.*

le est fortius quam corporale. Ergo excommunicatus non potest excommunicare, cum excommunicatio sit vinculum spirituale.

SOLUTIO I.

Respondeo dicendum ad primam questionem, quod in foro conscientiae causa agitur inter hominem & Deum; in foro autem exterioris iudicii causa agitur hominis ad hominem: & ideo absolutio, vel ligatio quae unum hominem obligat quo ad Deum tantum, pertinet ad forum poenitentiae; sed illa quae hominem obligat in comparatione ad alios homines, ad forum publicum exterioris iudicii pertinet. Et quia per excommunicationem homo a communione fidelium separatur, ideo excommunicatio ad forum exterioris pertinet, & illi soli possunt excommunicare qui habent iurisdictionem in foro iudiciali: & propter hoc soli Episcopi propria auctoritate, & maiores praetati secundum communem opinionem possunt excommunicare; sed presbyteri parochiales non, nisi ex commissione eis facta, vel in certis casibus, sicut in furto, & rapina, & huiusmodi, in quibus est eis a iure concessum quod excommunicare possint. Alii autem dixerunt, quod etiam sacerdotes parochiales possunt excommunicare. Sed praedicta opinio est rationabilior.

Ad primum ergo dicendum, quod excommunicatio non est actus clavium dicte, sed magis respectu exterioris iudicii; sed sententia excommunicationis quamvis in exteriori iudicio promulgetur, quia tamen aliquo modo pertinet ad adiutorem, secundum quod Ecclesia militans est via ad triumphantem, ideo etiam talis iurisdicatio, per quam homo excommunicare potest, clavis potest dici: & secundum hoc a quibusdam distinguitur, quod est clavis ordinis, quam omnes sacerdotes habent; & clavis iurisdictionis in foro iudicali, quam habent soli iudices exterioris fori: utramque tamen Deus Petro contulit, Matth. xvi. & ab ipso in alios descendit qui utramque habent.

Ad secundum dicendum, quod sacerdotes parochiales habent quidem iurisdictionem in subditos suos quantum ad forum conscientiae, sed non quantum ad forum iudiciale, quia non possunt coram eis conveniri in causis contentiosis: & ideo excommunicare non possunt, sed absolvere possunt in foro poenitentiali: & quavis fo-

V u u I u n

rum penitentialia sit dignius, tamen in foro iudiciali maior solemnitas requiritur : quia in eo oportet quod non solum Deo, sed etiam homini satisfiat.

SOLUTIO II.

Ad secundam quæstionem dicendum, quod sacramenta, in quibus gratia confertur, dispensare ad solos sacerdotes pertinet : & ideo ipsi soli possunt absolvere, & ligare in foro penitentiali : sed excommunicatio non directe respicit gratiam, sed ex consequenti, in quantum homo suffragiis Ecclesie privatur, quæ ad gratiam disponunt, vel in gratia conservant : & ideo etiam non sacerdotes dummodo iurisdictionem habeant in foro contentioso, possunt excommunicare.

Ad primum ergo dicendum, quod quamvis non habeant clavem ordinis, habent tamen clavem iurisdictionis.

Ad secundum dicendum, quod ista duo se habent sicut excedentia, & excessa : & ideo alicui competit unum cui non competit aliud.

SOLUTIO III.

Ad tertiam quæstionem dicendum, quod usus iurisdictionis est in comparatione ad alium hominem : & ideo cum omnis excommunicatus a communione fidelium separetur, quilibet excommunicatus usu iurisdictionis privatur. Et quia excommunicatio est iurisdictionis privatio, ideo excommunicatus excommunicare non potest : & eadem ratio est de suspensio a iurisdictione. Si enim sit suspensus ab ordine tantum, tunc non potest ea quæ sunt ordinis, sed potest ea quæ sunt iurisdictionis ; & e converso, si sit suspensus a iurisdictione, & non ab ordine : si autem ab utroque, tunc neutrum potest.

Ad primum ergo dicendum, quod quamvis non amittat iurisdictionem, amittit tamen iurisdictionis usum.

Ad secundum dicendum, quod conficere sequitur potestatem characteris, qui indelebilis est : & ideo homo, ex quo characterem ordinis habet, semper potest conficere, licet non semper ei liceat. Secus autem est de excommunicatione, quæ iurisdictionem sequitur, quæ auferri potest, & ligari.

ARTICULUS III.

Utrum aliquis possit seipsum, vel æqualem, vel superiorem excommunicare.

1. **A**D tertium sic proceditur. Videtur quod aliquis possit seipsum, vel æqualem, vel superiorem excommunicare. Quia Angelus Dei maior erat Paulo. Matth. xi. xi. *Qui minor est in regno caelorum, maior est illo*, quo nemo inter natos mulierum maior. Sed Paulus excommunicavit Angelum de celo, ut patet Gal. i. Ergo homo potest superiorem excommunicare.

2. Præterea. Sacerdos aliquando excommunicat in generali pro furto, vel pro aliquo huiusmodi. Sed potest contingere quod ipsemet fecit, vel superior, vel æqualis. Ergo aliquis potest se, vel æqualem, vel superiorem excommunicare.

3. Præterea. Aliquis potest superiorem absolvere in foro penitentiali, vel æqualem, sicut cum Episcopi suis subditis consentunt, & cum unus sacerdos alteri venialia confitetur. Ergo videtur quod etiam excommunicare aliquis superiorem, vel æqualem possit.

Sed contra. Excommunicatio est actus iurisdictionis. Sed aliquis non habet in se iurisdictionem, quia in eadem causa non potest quis esse reus, & iudex ; nec iterum in superiorem, aut æqualem. Ergo non potest aliquis superiorem, vel æqualem, aut se excommunicare.

QUÆSTIUNCULA II.

1. Ulterius. Videtur quod in aliquam universitatem sententia excommunicationis ferri possit. Contingit enim quod aliqua universitas sibi in malitia colligatur. Sed pro malitia in qua aliquis contumax extiterit, debet excommunicatio ferri. Ergo potest in aliquam universitatem ferri excommunicatio.

2. Præterea. Illud quod est gravissimum in excommunicatione, est separatio a sacramentis Ecclesie. Sed aliquando tota civitas interdicatur a divinis. Ergo excommunicari aliqua universitas potest.

Sed contra est Glossa Augustini * Matth. xiii. quæ dicit, quod principes, & multitudo non est excommunicanda.

QUÆ

EX EDIT. P. NICOLAI.

* Colligitur ex epist. lxxv. ad Auxilium Episcopum.

QUAESTIUNCULA III.

SOLUTIO II.

1. Ulterius. Videtur quod ille qui semel est excommunicatus, ulterius excommunicari non possit. I. Corinth. v. 12. dicit Apostolus: *Quid mihi est de his qui foris sunt iudicare?* Sed excommunicati iam sunt extra Ecclesiam. Ergo super eos Ecclesia iudicium non habet, ut possit eos iterum excommunicare.

2. Præterea. Excommunicatio est separatio quadam a divinis, & a communione fidelium. Sed postquam est aliquis privatus aliquo, non potest iterum illo privari. Ergo unus excommunicatus non debet iterum excommunicari.

Sed contra. Excommunicatio quadam (a) pœna est, & medicinale remedium. Sed pœnæ, & medicinz iterantur, cum causa exigit. Ergo & excommunicatio iterari potest.

SOLUTIO I.

Respondeo dicendum ad primam questionem, quod cum per iurisdictionem aliquis constituitur in gradu superioritatis respectu eius in quem habet iurisdictionem, quia est iudex eius; ideo nullus habet in seipsum, vel superiorem, vel æqualem iurisdictionem, & per consequens nullus potest seipsum excommunicare, vel superiorem, vel æqualem.

Ad primum ergo dicendum, quod Apostolus loquitur sub hypothese, idest si poneretur Angelus peccare: sic enim non esset Apostolo superior, sed inferior. Nec est inconveniens quod in conditionalibus quarum antecedentia impossibilia sunt, & consequentia impossibilia sint.

Ad secundum dicendum, quod in tali casu nullus excommunicatur: quia par in parem nullum habet imperium.

Ad tertium dicendum, quod absolutio, & ligatio in foro confessionis est quo ad Deum tantum, apud quem aliquis alio inferior redditur pro peccato. Sed excommunicatio est in iudicio exteriori, in quo aliquis non amittit superioritatem ex hoc ipso quod peccat. Unde non est similis ratio de utroque foro. Et tamen in foro confessionis aliquis non potest seipsum absolvere, nec superiorem, nec æqualem de mortali, nisi ex commissione sibi facta; de venialibus autem potest, quia venialia ex quibuslibet sacramentis gratiam conferentibus remittuntur: unde remissio venialium sequitur potestatem ordinis.

Ad secundam questionem dicendum, quod excommunicari non debet aliquis nisi pro peccato mortali; peccatum autem in actu consistit: actus autem non est communis, sed singularium personarum ut frequenter: & ideo singuli de communitate excommunicari possunt, non autem ipsa communitas: & si etiam quandoque actus sit totius alicuius multitudinis, ut quando multi navim trahunt, quam nullus trahere posset; non tamen est probabile quod aliqua communitas ita tota ad malum consentiat quin aliqui sint dissentientes. Et quia non est Dei, qui iudicat omnem terram, ut condemnet iustum cum impio, ut dicitur Gen. xviii. ideo Ecclesia, quæ iudicium Dei imitari debet, satis provide statuit ut tota communitas non excommunicetur, ne collectis zizanias simul eradicetur & triticum.

Ad primum ergo patet solutio ex dictis.

Ad secundum dicendum, quod suspensio non tanta pœna est quanta excommunicatio, quia suspensi non fraudantur Ecclesie suffragiis sicut excommunicati: unde etiam aliquis sine peccato proprio suspenditur, sicut & totum regnum supponitur interdictio pro peccatis Regis: & ideo non est simile de excommunicatione, & suspensione.

SOLUTIO III.

Ad tertiam questionem dicendum, quod ille qui excommunicatus est una excommunicatione, potest iterum excommunicari per eiusdem excommunicationis iterationem ad maiorem sui confusionem, ut vel sic a peccato resiliat, vel propter alias causas: & tunc tot sunt principales excommunicationes, quot causæ pro quibus aliquis excommunicatur.

Ad primum ergo dicendum, quod Apostolus loquitur de paganis, & aliis infidelibus, qui non habent characterem, per quem annumerati sunt in populo Dei. Sed quia character baptismalis, quo quis populo Dei annumeratur, est indelebilis, ideo semper remanet aliquo modo de Ecclesia baptizatus; & sic semper Ecclesia de ipso iudicare potest.

Ad secundum dicendum, quod privatio, quamvis non recipiat magis & minus secundum se, recipit tamen magis & minus

Vuu 2 se.

(a) vel. pœna est, & medicinz iterantur, iterum dicitur omitti.

secundum causam suam; & secundum hoc excommunicatio potest iterari: & magis est elongatus a suffragiis Ecclesiae qui pluries est excommunicatus quam qui semel tantum.

ARTICULUS IV.

Utrum liceat excommunicato communicare in pure corporalibus.

1. **A**D quantum sic proceditur. Videtur quod liceat excommunicato communicare in pure corporalibus. Excommunicatio enim est actus clavium. Sed potestas clavium se extendit ad spiritualia tantum. Ergo per excommunicationem non prohibetur quin unus alii in corporalibus communicare possit.

2. Præterea. Quod est institutum pro caritate, contra caritatem non militat. Sed præcepto caritatis tenemur inimicis subvenire, quod sine aliqua communicatione fieri non potest. Ergo licet alicui excommunicato in corporalibus communicare.

Sed contra est quod dicitur I. Corinth. v. 11. *Cum eiusmodi nec cibum sumere.*

QUAESTIUNCULA II.

1. Ulterius. Videtur quod participans excommunicato non sit excommunicatus. Plus est enim separari ab Ecclesia Gentilis quam excommunicatus. Sed ille qui participat Gentili, aut Ludæo, non est excommunicatus. Ergo nec ille qui participat Christiano excommunicato.

2. Præterea. Si ille qui participat alicui excommunicato, est excommunicatus, eadem ratione qui participat participanti, erit excommunicatus; & sic in infinitum procederet: quod videtur absurdum. Ergo non est excommunicatus qui excommunicato participat.

Sed contra est quod excommunicatus positus est extra communionem. Ergo qui ei communicat, a communione Ecclesiae recedit; & sic videtur quod sit excommunicatus.

QUAESTIUNCULA III.

1. Ulterius. Videtur quod participare cum excommunicato in casibus non concessis, semper sit peccatum mortale. Quia Decretalis quædam respondet, quod propter timorem mortis non debet aliquis excommunicato communicare: quia aliquis debet prius subire mortem quam mortali-

ter peccet. Sed hæc ratio nulla esset nisi participare excommunicato esset peccatum mortale. Ergo &c.

2. Præterea. Facere contra præceptum Ecclesiae, est peccatum mortale. Sed Ecclesia præcipit quod excommunicato nullus communicet. Ergo participare cum excommunicato est peccatum mortale.

3. Præterea. Nullus arcetur a perceptione eucharistiae pro peccato veniali. Sed ille qui participat excommunicato in casibus non concessis, arcetur a perceptione eucharistiae: quia incurrit minorem excommunicationem. Ergo participans excommunicato in casibus non concessis peccat mortaliter.

4. Præterea. Nullus debet excommunicari maiori excommunicatione, nisi pro peccato mortali. Sed aliquis potest secundum iura excommunicari maiori excommunicatione propter hoc quod excommunicato participat. Ergo participare excommunicato est peccatum mortale.

Sed contra. A peccato mortali nullus potest absolvere, nisi habeat super eum jurisdictionem. Sed potest absolvere a participatione excommunicationis quilibet sacerdos. Ergo non est peccatum mortale.

Præterea. Pro mensura peccati debet esse poenitentiae modus. Sed pro participatione excommunicationis secundum communem consuetudinem non ponitur poena debita peccato mortali, sed magis debita veniali. Ergo est peccatum veniale.

SOLUTIO I.

Respondeo dicendum ad primam questionem, quod, sicut prædictum est, duplex est excommunicatio. Una est minor, quæ separat tantum a participatione sacramentorum, sed non a communione fidelium: & ideo tali excommunicato licet communicare, sed non licet ei sacramenta conferre. Alia est maior excommunicatio, & hæc separat hominem a sacramentis Ecclesiae, & a communione fidelium: & ideo excommunicato tali excommunicatione communicare non licet. Sed quia Ecclesia excommunicationem ad medelam, & non ad interitum inducit, excipiuntur ab hac generalitate quædam in quibus communicare licet, scilicet in his quæ pertinent ad salutem, quia de talibus homo licite cum excommunicato loqui potest; & etiam alia verba interferre, ut facilius salutis verba ex familiaritate recipiantur. Excipiuntur etiam quædam personæ, ad quas specialiter

ter pertinet provisio excommunicati, scilicet uxor, servus, filius, rusticus, & serviens. Sed hoc intelligendum est de filiis non emancipatis; alias tenerentur vitare patrem: de aliis autem intelligitur quod licet excommunicato communicare, si ante excommunicationem se ei subdidissent, non autem si post. Quidam autem intelligunt e converso, scilicet quod superiores possunt licite communicare inferioribus. Alii vero contra dicunt. Sed ad minus in his eis communicare debent in quibus eis sunt obligati: quia sicut inferiores obligantur ad obsequium superiorum, ita superiores ad providentiam inferiorum. Sunt etiam quidam casus excepti, sicut quando ignoratur excommunicatio, & quando aliqui sunt peregrini, & viatores in terra excommunicatorum; quod licite possunt ab eis emere, vel etiam accipere elemosynam: & similiter si aliquis videat excommunicatum in necessitate, quia tunc ex praecepto caritatis tenetur ei providere. Et haec hoc versu continentur:

Utile, lex, humile, res ignorata necessesse: ut utile referatur ad verba salutis, lex ad matrimonium, humile ad subiectionem: cetera patent.

Ad primum ergo dicendum, quod corporalia ad spiritualia ordinantur: & ideo potestas quae se extendit ad spiritualia, etiam ad corporalia potest se extendere, sicut ars quae est de fine, imperat de his quae sunt ad finem.

Ad secundum dicendum, quod in illo casu in quo aliquis ex praecepto caritatis communicare tenetur, non prohibetur communicatio, ut ex dictis patet.

SOLUTIO II.

Ad secundam questionem dicendum, quod excommunicatio potest inferri in aliquem dupliciter. Aut ita quod ipse sit excommunicatus cum omnibus ei participantibus: & tunc non est dubium quod quicumque participat ei, est excommunicatus maiori excommunicatione. Aut est excommunicatus simpliciter: & tunc aut participat aliquis ei in crimine, praebendo ei consilium, & auxilium, & favorem; & sic iterum est excommunicatus maiori excommunicatione: aut participat in aliis, sicut in verbo, vel oculo, vel mensa; & sic est excommunicatus minori excommunicatione.

Ad primum ergo dicendum, quod Ecclesia non ita intendit corrigere infideles

sicut fideles, quorum cura sibi incumbit: & ideo non arcet a communione infidelium sicut a communione fidelium illorum quos excommunicat, super quos habet aliquam potestatem.

Ad secundum dicendum, quod excommunicato minori excommunicatione licet communicare; & sic excommunicatio non transit in tertiam personam.

SOLUTIO III.

Ad tertiam questionem dicendum, quod quidam dicunt, quod quandoque aliquis participat excommunicato vel verbo, vel quocumque dictorum modorum, secundum quos ei communicare non licet, peccat mortaliter, nisi in casibus exceptis a iure. Sed quia hoc videtur valde grave, quod homo pro uno verbo levique excommunicatum alloquitur, mortaliter peccet; & multis excommunicantes laqueum damnationis iniicerent, quod in eis retorqueretur: ideo aliis probabilius videtur quod non semper peccat mortaliter, sed solum quando in crimine sibi participat, vel in divinis, vel in contemptum Ecclesiae.

Ad primum ergo dicendum, quod Decretalis illa loquitur de participatione in divinis. Vel dicendum, quod similis ratio est de peccato mortali, & de veniali: quantum ad hoc: quia sicut peccatum mortale non potest bene fieri, ita nec veniale; & sicut homo debet prius sustinere mortem quam peccet mortaliter, ita etiam quam quod peccet venialiter illo modo debiti quo debet veniale vitare.

Ad secundum dicendum, quod praeceptum Ecclesiae directe respicit spiritualia, & ex consequenti legitimos actus: & ideo qui communicat ei in divinis, facit contra praeceptum, & peccat mortaliter; qui autem participat ei in aliis, facit praeter praeceptum, & peccat venialiter.

Ad tertium dicendum, quod etiam aliquis sine culpa quandoque ab eucharistia (a) arcetur, sicut patet in suspensis, vel interdictis: quia tales ponuntur quandoque alicui pro culpa alterius, qui in eis punitur, inferuntur.

Ad quartum dicendum, quod quamvis participare excommunicato sit peccatum veniale, tamen participare ei pertinaciter est peccatum mortale: & per hoc potest aliquis excommunicari secundum iura.

A R.

(a) ad. actatur.

ARTICULUS V.

Utrum quilibet sacerdos possit subditum suum ab excommunicatione absolvere.

1. **A**D quantum sic proceditur. Videtur quod quilibet sacerdos possit subditum suum ab excommunicatione absolvere. Maius enim est vinculum peccati quam excommunicationis. Sed quilibet sacerdos potest subditum suum a peccato absolvere. Ergo multo fortius ab excommunicatione.

2. Præterea. Remota causa removetur effectus. Sed excommunicationis causa est peccatum mortale. Ergo cum possit quilibet sacerdos a peccato illo mortali absolvere, poterit ab excommunicatione similiter.

Sed contra. Eiusdem potestatis est excommunicare, & excommunicatum absolvere. Sed sacerdotes inferiores non possunt suos subditos excommunicare. Ergo nec absolvere.

QUAESTIUNCULA II.

1. Uterius. Videtur quod nullus possit absolvi iuvitus. Spiritualia enim non conferuntur invito alicui. Sed absolutio ab excommunicatione est beneficium spirituale. Ergo non potest prestari invito.

2. Præterea. Excommunicationis causa est contumacia. Sed quando aliquis non vult absolvi, excommunicationem contemnens, tunc est maxime contumax. Ergo non potest absolvi.

Sed contra. Excommunicatio contra voluntatem alicui potest inferri. Sed quæ contra voluntatem eveniunt, etiam contra voluntatem amoveri possunt, sicut patet de bonis fortunæ. Ergo excommunicatio potest tolli ab aliquo invito.

QUAESTIUNCULA III.

1. Uterius. Videtur quod aliquis non possit absolvi ab una excommunicatione, nisi absolvetur ab omnibus. Effectus enim debent proportionari suæ causæ. Sed causa excommunicationis est peccatum. Cum ergo aliquis non possit absolvi ab uno peccato, nisi ab omnibus absolvetur, nec in excommunicatione hoc esse poterit.

2. Præterea. Excommunicationis absolutio in Ecclesia fit. Sed ille qui una excommunicatione est irretitus, est extra Eccle-

siam. Ergo quamdiu una manet, ab alia absolvi non potest.

Sed contra. Excommunicatio quædam poena est. Sed ab una poena aliquis liberatur alia remanente. Ergo ab una excommunicatione alia remanente quis absolvi potest.

SOLUTIO I.

Respondeo dicendum ad primam questionem, quod a minori excommunicatione quilibet potest absolvere qui potest absolvere a peccato participationis. Si autem est maior, aut est lata a iudice; & sic ille qui tulit, vel eius superior potest absolvere: vel lata a iure, & tunc Episcopus, vel etiam sacerdos potest absolvere, exceptis sex casibus, quos sibi iuris conditor, scilicet Papa, reservavit. Primus est, cum aliquis iniicit manus in clericum, vel religiosum. Secundus est de illo qui incendit Ecclesiam, & est denunciatus. Tertius est de illo qui frangit Ecclesiam, & denunciatus est. Quartus est de illo qui in divinis scienter communicat excommunicatis nominaliter a Papa. Quintus de illo qui falsas litteras apostolicæ Sedis. Sextus de illo qui excommunicatis in crimine communicat: non enim debet absolvi nisi ab eo qui excommunicavit, etiam si non sit eius subditus, nisi propter difficultatem accedendi ad ipsum absolveretur ab Episcopo, vel a proprio sacerdote præstita iuratoria cautione, quod pateret mandato illius iudicis qui sententiam tulit. A primo autem casu octo excipiuntur. Primus est in articulo mortis, in quo a qualibet excommunicatione potest quis a quolibet sacerdote absolvi. Secundus, si sit ostiarius alicuius potentis, & non ex odio, vel proposito percussit. Tertius, si percussus sit mulier. Quartus, si sit servus, & dominus lederetur de eius absentia, qui non est in culpa. Quintus, si regularis regularem, nisi sit enormis excessus. Sextus, si sit pauper. Septimus, si sit impubes, vel senex, vel valerudinarius. Octavus, si habeat inimicitias capitales. Sunt autem alii casus septem, in quibus percussus clericum excommunicationem non incurrit. Primus, si causa disciplinæ, ut magister, vel prefectus percusserit. Secundus, si iocosa levitate. Tertius, si inveniatur cum turpiter agentem cum uxore, vel matre, vel sorore, vel filia. Quartus si statim vim repellat. Quintus, si ignoret eum esse clericum. Sextus, si inveniat eum in apostasia post

trinam ad monitionem. Septimes, si transferat se clericus ad actum penitus contrarium, ut fiat miles, vel ad bigamiam transeat.

Ad primum ergo dicendum, quod quamvis vinculum peccati sit maius simpliciter quam excommunicationis; tamen quo ad aliquid vinculum excommunicationis est maius, inquantum non solum obligat quo ad Deum, sed etiam in facie Ecclesiae: & ideo in absolviendo ab excommunicatione requiritur iurisdictio in exteriori foro, non autem in absolutione a peccato: nec exigitur cautio iuramenti, sicut exigitur in absolutione ab excommunicatione. Per iuramentum enim controversiae quae sunt inter homines, terminantur secundum Apostolum.

Ad secundum dicendum, quod cum excommunicatus non sit particeps sacramentorum Ecclesiae; sacerdos non potest absolvere excommunicatum a culpa, nisi sit prius absolutus ab excommunicatione.

SOLUTIO II.

Ad secundam questionem dicendum, quod malum culpae, & poenae differunt in hoc, quod culpae principium in nobis est, quia omne peccatum voluntarium est; poenae autem principium quandoque est extra nos. Non autem requiritur ad poenam quod sit voluntaria; immo magis de ratione poenae est contra voluntatem esse: & ideo sicut peccata non committuntur nisi voluntate, ita non remittuntur alicui invito; sed excommunicatio sicut in aliquem invitum ferri potest, ita & invitum ab ea absolvi poterit.

Ad primum ergo dicendum, quod propositio habet veritatem de illis bonis spiritualibus quae in voluntate nostra consistunt, sicut sunt virtutes, quia non possunt a nolentibus periri: scientia enim, quamvis sit spirituale bonum, tamen etiam potest per infirmitatem amitti: & ideo ratio non est ad propositum.

Ad secundum dicendum, quod etiam manente contumacia potest aliquis discrete excommunicationem iuste latam remittere, si videat salutem illius expedire in cuius medicinam excommunicatio lata est.

SOLUTIO III.

Ad tertiam questionem dicendum, quod

excommunicationes non habent connexionem in aliquo: & ideo possibile est quod aliquis ab una absolvetur, & in altera remaneat. Sed circa hoc sciendum est, quod aliquis quandoque est excommunicatus pluribus excommunicationibus ab uno iudice; & tunc quando absolvetur ab una intelligitur ab omnibus absolvi, nisi contrarium exprimitur; vel nisi (a) in casu quo quis absolutionem impetrat (b) de una tantum causa excommunicationis, eum pro pluribus excommunicatus sit. Quandoque (c) autem est excommunicatus a diversis iudicibus; & tunc absolutus ab una excommunicatione, non propter hoc est absolutus ab altera, nisi omnes alii ad petitionem eius excommunicationem suam confirmaverint, vel nisi omnes uni demandant absolutionem.

Ad primum ergo dicendum, quod omnia peccata habent connexionem in aversione voluntatis a Deo, cum quo non potest esse peccatorum remissio: & ideo unum peccatum sine altero remitti non potest. Sed excommunicationes non habent aliquam talem connexionem; nec iterum absolutio ab excommunicatione impeditur propter voluntatis contrarietatem, ut dictum est: & ideo ratio non sequitur.

Ad secundum dicendum, quod sicut pluribus de causis erat aliquis extra Ecclesiam, ita possibile est quod ista separatio removeatur quantum ad unam causam, & remaneat quantum ad alteram.

EXPOSITIO TEXTUS.

Heresis (d) utrumque non habet: quia et si habeant ordinem, amittunt tamen iurisditionem ab Ecclesia praefici.

Verbum Dei peccata dimittit, scilicet auctoritate; sed sacerdos, inquantum sacramentum praebet ministerio: inquantum autem poenam imponit, sic idem ipse iudex dicitur.

Nullus potestatis iura exerceat, ut scilicet actio eius ad interiores maculas mandandas pertingat.

Ecclesia caritas peccata dimittit. Videtur non esse ad propositum: quia hic non, agitur de dimissione per modum meriti: sed de dimissione per modum sacramenti.

Et dicendum, quod meritum Ecclesiae est sub dispensatione clavium: & ideo tam ex merito Christi, quam aliorum qui sunt de Ec-

(a) *Id.* in causa qua. (b) *Id.* sic ut o tantum casu. (c) *Id.* desit autem. (d) Nicolai: *Heresi utrumque non licet*, ut in textu.

Ecclesia, Ecclesiarum claves efficaciam habent. Peccatum dicitur tenebra, quia intellectus obdunditur. Contra. Multi peccatores inveniuntur qui habent optimum intellectum ad capiendum.

Et dicendum, quod (a) loquitur de obtusione intellectus praefici, secundum quod omnis malus est ignorans, & non de obtusione intellectus speculativi.



DISTINCTIO XIX.

Quando haec claves dantur, & quibus.

Postquam ostensum est quæ sint claves apostolicæ, & quis earum usus, superest investigare, quando istæ claves dentur, & quibus. Dantur hæc claves per ministerium Episcopi alicui in promotione sacerdotii. Cum enim recipit ordinem sacerdotalem, simul & has claves recipit. Sed non videtur quod omnes, vel soli sacerdotes has claves habeant: quia plerique ante sacram ordinationem scientiam discernendi habent; plures post consecrationem ea carent. Sane dici potest, quod alteram clavium istarum, idest scientiam discernendi, non habent omnes sacerdotes: unde dolendum est, atque lugendum. Multi enim, licet indiscreti, atque scientiæ qua eminere debent, exortes, sacerdotii gradum recipere præsumunt, vita, & scientia eo indigni, quia nec ante sacerdotium, nec post scientiam habent discernendi, qui ligandi sint, vel solvendi. Ideoque illam clavem in consecratione non recipiunt, quia semper scientia carent. Qui vero ante sacerdotium scientiam discernendi præditi sunt, licent habeant discretionem, non tamen in eis est clavis: quia non valent ea claudere, vel aperire. Ideoque cum promovetur quis in sacerdotem clavem discretionis recte dicitur accipere: quia & ante habita discretio augetur, & fit in eo clavis, ut ea iam valeat uti ad claudendum, vel aperiendum.

Si alteram clavem omnes habeant, scilicet potentiam ligandi, & solvendi.

Cumque iam constet non omnes sacerdotes illas duas claves habere, quia scientia discernendi plerique carent; de altera, idest de potentia ligandi, & solvendi, quaeritur, utrum omnes sacerdotes eam habeant. Quidam enim hanc potestatem putant illis esse concessam qui doctrinam simul, ac vitam Apostolorum servant. Illas enim claves promissit Dominus Petro, & imitatoribus eius tantum, ut aiunt. Qui etiam auctoritatibus utuntur in munimentum suæ opinionis, Hoc enim dicunt Augustinum sensisse, ubi superius ait (dist. præced. ex Lib. V. de baptis. contra Donat. cap. xxi.) „Remissionem peccatorum vel „per seipsum facit Deus, vel per columbæ membra. “ Dicit etiam idem (ubi sup. Lib. VI. cap. iv.) peccata dimitti, vel teneri a sanctis. Idem super Exodum (quaest. cxx.) ubi de lamina aurea legitur: „Erat autem lamina aurea „semper in fronte sacerdotis. “ Hæc, inquit, „significat fiduciam bonæ vitæ; „quam qui vere, perfecteque, non significatione, sed veritate sacerdos habet „soli potest auferre peccata. “ Item Gregorius „ Illi soli habent in hac car- „ne positi potestatem ligandi, & solvendi, sicut sancti Apostoli, qui illorum „exempla simul cum doctrina tenent. “ Item ex dictis Origenis (hom. 1. super Matth.) „Hæc potestas soli Petro concessa est, & imitatoribus Petri. Nam „quicumque vestigia Petri imitantur, habent recte ligandi, & solvendi potesta- „tem. “

(a) - *Id. sequitur.*

EX EDIT. P. NICOLAI.

* Quod ex Gregorio subiungitur, nullibi apud illum occurrit.

tem. " His, aliisque testimoniis inniuntur qui asserunt potestatem ligandi ; & solvendi illis solis concessam sacerdotibus qui vita, & doctrina pollent, sicut Apostoli.

Aliorum sententia verior.

Aliis autem videtur (quod & mihi placere fateor) cunctis sacerdotibus hanc clavem dari, scilicet ligandi, & solvendi. Sed non eam recte, ac digne habent, nisi qui vitam, & doctrinam apostolicam servant. Nec præmissæ auctoritates malos sacerdotes hanc potestatem negant habere, sed illos solos digne, ac recte hac potestate uti significant qui prædici sunt vita, & doctrina apostolica ; quia soli ipsorum Apostolorum imitatores digne, recteque possint ligare, & solvere : & per Dominum tantum, vel per sanctos, in quibus habitat Spiritus sanctus, digne, & recte fit remissio, vel retentio peccatorum. Fit tamen & per illos qui sancti non sunt ; sed non digne, vel recte. Dat enim Deus benedictionem digne poscenti etiam per indignum ministrum. Quod vero hanc potestatem habeant omnes sacerdotes, Hieronymus * testatur super illum locum Evangelii (Matth. xvi.) ubi Dominus dicit Petro : „ Tibi dabo claves regni cælorum &c. “ „ Habent (inquit) eandem iudiciariam potestatem alii Apostoli : habet & omnis „ Ecclesia in Episcopis, & presbyteris. Sed ideo Petrus eam specialiter accepit, „ ut omnes intelligant quod quicumque ab unitate fidei, & societate Ecclesiæ, se separaverit, nec a peccatis solvi, nec cælum potest ingredi. “ Item quod sacerdos, etsi malus sit, gratiam tamen transfundit pro suæ dignitatis officio, Augustinus (Auctor quæstionum nov. & veter. testam. quæst. xi.) ostendit dicens : „ Dictum est a Domino in Numeris (cap. vi. 27.) ad Moysen & Aaron „ sacerdotes : Vos ponite nomen meum super filios Israel ; & ego Dominus benedicam eos : ut gratiam traditio per ministerium ordinari transfundat hominibus ; nec voluntas sacerdotum obesse, vel prodesse possit, sed meritum benedictionem poscentis. Quanta autem sit dignitas sacerdotalis officii, & ordinis, hinc advertamus. Dictum est de nequissimo Caipha inter cetera (Ioan. xi. 51.) Hoc autem a semetipso non dixit ; sed cum esset Pontifex anni illius, prophetavit ; per quod ostenditur spiritum gratiarum non personam sequi digni, vel indigni, sed ordinem traditionis ; ut quamvis aliquis boni meriti sit, non tamen possit benedicere, nisi fuerit ordinatus, ut officii mysterium exhibeat. Dei autem est effectum tribuere benedictionis. “ Hinc evidenter ostenditur, ordinem non privari potestate tribuendi gratiam ob ministri indignitatem. Huic tamen Augustini sententiæ videtur obviare quod ait Eusebius (Lib. II. in Levit. cap. ix.) „ Sacerdotes (inquit) non propria virtute benedicunt, sed figuram Christi gerunt, & propter eum qui in ipsis est, plenitudinem benedictionis tribuunt : nec solum is qui sacerdotum fortis est, sed quicumque Christum in seipso habet, & eius figuram gerit per conversationem bonam, sicut Moyses, idoneus est ut benedictionem præstet. “ Ecce hic habes quod non solum sacerdotes, sed omnis in quo Christus habitat, benedictionem præstat. Sed alia est benedictio quæ suis sacerdotibus congruit ; alia quæ ab omnibus bonis communiter exhibetur. Denique illi sacerdotes in quibus Christus habitat, benedictionis plenitudinem tribuere dicuntur, non quia soli illi transfundunt gratiam, sed quia illi soli licite, & digne id agunt : nec subditos mala vita sacerdotis lædit, si bona faciunt quæ ille dicit. Unde Gregorius ** „ Multi dum plus vitam sacerdotum quam suam discutiunt, in erroris foveam dilata-
S. Tb. Oper. Tom. XII. Xxx „ bun-

EX EDIT. P. NICOLAI.

* Alio nomine Glossa refert, sed fidei. Rabani potius est, ex quo & S. Thomas in Catena aurea super hunc loc. citat. Idem notatur ad marginem edit. Venet. an. 1593. ** Ex quo refertur in Decretis caus. r. quæst. 2. cap. Multi sine certo indice ; sed ex eius, & S. Iudori dictis coniectum esse caput illud, appendix notæ.

„buntur, minus considerantes quod non eos vita sacerdotum læderet, si ipsi
 „humiliter bonis sacerdotum admonitionibus aurem accommodarent.“

De hoc quod scriptum est in Malachia (cap. 11. 2.) Maledicam benedictionibus vestris .

Praemissa vero sententia, qua dicitur etiam per mali sacerdotis ministerium transundi gratiam benedictionis, videtur obviare quod Dominus per Malachiam Prophetam (loc. cit.) malis sacerdotibus comminatur : „ Maledicam benedictionibus vestris : “ & alibi (Ezech. xlii. 18.) „ Vix his qui vivificant animas quæ non vivunt, & mortificant animas quæ non moriuntur . “ Si enim maledicit Dominus benedictionibus eorum, & si animæ quas vivificant, non vivunt ; quomodo per eos gratia benedictionis transfunditur ? Sed illud capitulum, „ Maledicam benedictionibus vestris, “ quidam referunt ad hæreticos, qui ab Ecclesia præcisi sunt, & ad excommunicatos, quorum benedictiones sunt maledictiones his qui eorum sequuntur errores . Illud vero alterum, scilicet „ Vivificant animas &c. “ super omnes illos sacerdotes exponunt qui absque clave scientiæ, & forma bonæ vitæ præsumunt ligare, vel solvere . Sed nullus officio sacerdotis uti debet, nisi immunis sit ab illis quæ in aliis iudicat : alioquin seipsum condemnat : Rom. ix.

Qualis debet esse iudex ecclesiasticus.

Qualem autem oporteat esse qui aliorum iudex constituitur, Augustinus describit ita dicens (alius Auctor Lib. de vera, & falsa pœnit. cap. xx.) „ Sacerdos cui omnis offertur peccator, ante quem statuitur omnis languor, in nullo eorum sit iudicandus quæ in alio iudicare est promptus . Iudicans enim alium, qui est iudicandus, condemnat seipsum . Cognoscat ergo se, & purget in se quod alios videt sibi offerre . Caveat ut a se proicerit quicquid in alio damnosum reperit . Animadvertat (1) quod qui sine peccato est, primus in illam lapidem mittat . Ideo enim liberavit peccatricem, quia non erat qui iuste proiceret lapidem . Quomodo lapidaret, qui se lapidandum cognosceret ? Nullus enim erat sine peccato : in quo intelligitur omnes crimine fuisse reos . Nam venialia remittebantur per cæremonias . Si quod ergo in eis peccatum erat, criminale erat . In hoc ergo patentissimum est crimen sacerdotum, & detestabile, qui non prius se iudicant, antequam alios alligent . Caveat spiritualis iudex ut sicut non commisit crimen nequitia, ita non careat munere scientiæ . Oportet enim ut sciat cognoscere quicquid debet iudicare . Iudiciaria enim potestas hoc postulat ut quod debet iudicare, discernat . Diligens ergo investigator sapienter interroget a peccatore quod forsitan ignorat, vel verecundia vellet occultare . Cognito vero crimine, varietates eius non dubitet investigare, & locum, & tempus, & cetera quæ supra diximus : quibus cognitis adsit benevolus, paratus erigere, & secum onus portare : & habeat dulcedinem in affectione, discretionem in varietate, doceat perseverantiam, caveat ne corruat, ne iuste perdat iudiciariam potestatem . Etsi enim poenitentia possit ei acquirere gratiam, non tamen mox restituit in potestatem primam . Etsi (2) enim Petrus post lapsum restitutus fuerit, & sæpe lapsis sacerdotibus reddita sit dignitatis potestas ; non tamen est necesse ut hoc omnibus concedatur quasi ex auctoritate . Invenitur auctoritas, quæ concedit, & quasi imperat : invenitur auctoritas alia quæ non concedit, sed vetat ; quæ Scripturæ non repugnant, sed concordant . Cum enim tot sint qui labuntur ut pristinam dignitatem ex auctoritate defendant, & quasi usum peccandi sibi faciant, recidenda est spes ista . Si vero locus est ubi ista non concurrant, restitui

(1) *Necesse quod Iohannis vii. dicat Christus* „ Qui sine peccato est vestrum, primus &c. “ (2) *Idem enim.*

„scitui possunt qui peccant.“ Ex his satis perpenditur, qualis debeat esse sacerdos qui alios ligat, & solvit, discretus scilicet, & iustus: alioquin mortificat saepe animas quæ non moriuntur, & vivificat quæ non vivunt; & ita incidit in maledictionis iudicium. Illud autem Malachiz, scilicet „Maledicam benedictionibus vestris“, sive super hæreticos tantum, & excommunicatos, sive super omnes sacerdotes [qui] vita, & scientia carentes benedicere præsumunt, dictum accipitur, sic intelligi potest: „Maledicam benedictionibus vestris;“ idest, his quæ in eis benedictionibus possidetis: quia faciam ea cedere vobis in maledictionem, non in benedictionem: quia etiam benedicunt sanctis, non hoc faciunt ex vero corde; & ideo eorum benedictio eis vertitur in maledictionem. Vel „Maledicam benedictionibus vestris;“ idest, quod a vobis benedicatur, a me erit maledictum: quia benedicunt inique agentibus, adulanturque peccantibus, dummodo divites sint.

DIVISIO TEXTUS.

POSTquam determinavit Magister de clavibus secundum se, incipit determinare quorum sit habere claves: & dividitur in partes duas. In prima ostendit quod sacerdotum sit claves habere. In secunda movet quasdam dubitationes contra hæc, ibi, *Sed non videtur quod omnes, vel soli sacerdotes has claves habeant.* Et hæc pars dividitur in duas. In prima movet dubitationem de clave scientiæ; in secunda de clave potestatis, ibi, *Cumque iam constet non omnes sacerdotes illas duas claves habere ... queritur, utrum omnes sacerdotes eam habeant.* Et hæc pars dividitur in duas secundum duas opinionem quas in hac dubitatione tangit. (a) Secunda incipit ibi, *Aliis autem videtur ... cunctis sacerdotibus hanc clavem dari.* Et hæc dividitur in tres. In prima ponit opinionem. In secunda confirmat eam, ibi, *Quod vero hanc potestatem habeant omnes sacerdotes, Hieronymus testatur.* In tertia removet quasdam quæ huic opinioni videntur esse contraria, ibi, *Hinc autem Augustini sententia videtur obviare quod ait Eszechias.* Et circa hoc duo facit. Primo ponit obiectionem, qua videtur offendi quod non solis sacerdotibus usus clavium competit; secundo quod malis sacerdotibus non competit: quorum utrumque est contra secundam opinionem, quæ vera est, ibi, *Præmissæ vero sententiæ ... videtur obviare quod Dominus per Malachiam Prophetam malis sacerdotibus comminatur.* Et circa hoc tria facit. Primo ponit obiectionem; secundo aliorum solutionem ponit, ibi, *Sed illud capitulum, Maledicam &c. quidam referunt ad hæreticos.* Tertio solutionem propriam ex dictis prius colligit, ibi, *Illud autem Malachiz, scilicet Maledicam benedictionibus vestris, sive super hæreticos tantum, & ex-*

communicatos, sive super omnes sacerdotes qui vitam, & scientia carentes, benedicere præsumunt, dictum accipitur. Circa secundum duo facit. Primo ponit solutionem ad auctoritatem Prophetæ inductam, quam quidam ponunt. Secundo ex Incidenti qualis esse debeat qui recte debet potestate clavium uti, ibi, *Qualem autem oporteat esse qui aliorum index constituitur, Augustinus describit.*

QUAESTIO I.

Hic est duplex quaestio. Prima de habentibus claves. Secunda de correctione fraterna.

Circa primum tria queruntur.

Primo. Quorum sit habere claves.

Secundo. Qui possunt clavibus uti.

Tertio. In quem possit sacerdos clavibus uti.

ARTICULUS I.

Utrum sacerdos legis claves habuerit.

1. AD primum sic proceditur. Videtur quod sacerdos legis claves habuerit. Clavis enim est sequela ordinis. Sed ipsi habuerunt ordinem, ex quo sacerdotes dicebantur. Ergo habuerunt claves sacerdotales legales.

2. Præterea. Sicut supra Magister dixit, claves sunt duæ, scilicet scientia discernendi, & potentia iudicandi. Sed ad utramque auctoritatem sacerdotes legales habebant. Ergo habebant claves.

3. Præterea. Sacerdos legalis habebat aliquam potestatem super reliquum populum. Non temporalem: quia sic potestas regia non fuisset distincta a sacerdotali. Ergo spirituallem: & hæc est clavis: ergo habuerunt clavem.

XXX 2

Sed

(a) Adde Nicolai: Prima incipit ibi, *Quidam enim hanc potestatem putant &c.*

Sed contra. Claves ordinantur ad aperiendum regnum caelorum, quod aperi non potuit ante Christi passionem. Ergo sacerdotes legalis clavem non habuit.

Præterea. Sacramenta veteris legis gratiam non conferebant. Sed aditus regni caelestis aperi non potest nisi per gratiam. Ergo per illa sacramenta non poterat aperi; & sic etiam sacerdos, qui minister eorum erat, claves regni caelestis non habebat.

QUAESTIUNCULA II.

1. Ulterius. Videtur quod Christus non habuerit claves. Clavis enim characterem ordinis consequitur, ut prius dictum est (dist. præced. quæst. 1. art. 1. quæstiunc. 2. ad 1.) Sed Christus non habuit characterem, ut supra dist. 14. (quæst. 1. art. 3. quæstiunc. 5.) dictum est. Ergo non habuit clavem.

2. Præterea. Christus habuit in sacramentis potestatem excellentiæ, ut effectum sacramenti sine sacramentalibus posset conferre. Sed clavis est quoddam sacramentale. Ergo non indigebat clavi; & sic frustra eam habuisset.

Sed contra est quod Apoc. 111. 7. dicitur: *Qui habet clavem David &c.*

QUAESTIUNCULA III.

1. Ulterius. Videtur quod non soli sacerdotes claves habeant. Dicit enim Isidorus (Lib. 1. etymol. cap. 11. tit. de clericis in dist. *Ostiarum* prope finem) quod ostiarii inter bonos & malos habent iudicium, dignos recipiunt, & indignos reiciunt. Sed hæc est distinctio clavium, ut ex dictis patet. Ergo non solum sacerdotes, sed etiam ostiarii claves habent.

2. Præterea. Claves sacerdotibus dantur, dum per unctionem potestatem divinitus accipiunt. Sed Reges etiam potestatem in populum fidelem divinitus habent, & unctione sanctificantur. Ergo non soli sacerdotes habent claves.

3. Præterea. Sacerdotium est ordo singulari personæ conveniens. Sed clavem aliquando videtur habere tota congregatio: quia quædam capitula excommunicationem ferre possunt, quod ad potestatem clavium pertinet. Ergo non soli sacerdotes clavem habent.

4. Præterea. Mulier non est sacerdotalis ordinis susceptiva: quia ei docere non competit, secundum Apostolum I. Corinth. xiv. Sed aliquæ mulieres videntur habere cla-

vem, sicut Abbatisse, quæ habent spiritualem potestatem in subditas. Ergo non solum sacerdotes clavem habent.

Sed contra est quod Ambrosius dicit (Lib. 1. de pœnit. cap. 11.) *Hoc ius, scilicet ligandi, & solvendi, solis sacerdotibus concessum est.*

Præterea. Per potestatem clavium efficitur aliquis medius inter populum & Deum. Sed hoc tantum competit sacerdotibus, qui constituuntur in his quæ sunt ad Deum, ut offerant dona, & sacrificia pro peccatis, ut dicitur Hebr. v. Ergo soli sacerdotes clavem habent.

SOLUTIO I.

Respondeo dicendum ad primam quæstionem, quod quidam dixerunt, quod in veteri lege erant claves apud sacerdotes, quia eis erat commissum imponere penam pro delicto, ut dicitur Levitici v. quod ad claves pertinere videtur; sed fuerunt tunc incompletæ, nunc autem per Christum in sacerdotibus novæ legis perfectæ sunt. Sed hoc videtur esse contra intentionem Apostoli in Epistola ad Hebræos 12. ibi enim sacerdotum Christi præfertur sacerdotio legali per hoc quod Christus assistit Pontifex futurorum bonorum, ad tabernaculum caeleste introducens per proprium sanguinem, non manufactum, in quod introducebat sacerdotum veteris legis per sanguinem hircorum, & taurorum. Unde patet quod potestas illius sacerdotii non se extendebat ad caelestia, sed ad figuras caelestium. Ed ideo secundum alios dicendum, quod non habebant claves, sed in eis figura clavium præcessit.

Ad primum ergo dicendum, quod clavis regni caelestis consequitur ad sacerdotium, quo homo in caelestia introducit; non autem talis erat ordo sacerdotii levitici: & ideo claves cæli non habuerunt, sed claves terreni tabernaculi.

Ad secundum dicendum, quod sacerdotes veteris legis habebant auctoritatem discernendi, & iudicandi, sed non ut admitteretur homo ab eis iudicatus in caelestia, sed in figuras caelestium.

Ad tertium dicendum, quod habebant spiritualem potestatem, qua per sacramentalia legalia non a culpis, sed ab irregularitatibus homines purgabant, ut ad nunc factum tabernaculum aditus purgato per eos pateret.

SOLUTIO II.

Ad secundam quaestionem dicendum, quod virtus aliquid agendi est in instrumento, & in per se agente, non eodem modo, sed in per se agente perfectius. Potestas autem clavium quam nos habemus, & aliorum sacramentorum virtus est instrumentalis; sed in Christo est sicut in per se agente ad salutem nostram, per auctoritatem quidem, inquantum est Deus, sed per meritum, inquantum est homo. Clavis autem de ratione sua exprimit potestatem aperiendi, & claudendi, sive aliquis aperiatur quasi principale agens, sive quasi minister: & ideo in Christo oportet ponere clavem, sed altero modo quam sit in eius ministris: & ideo dicitur, quod habet clavem excellentiae.

Ad primum ergo dicendum, quod character de sua ratione dicit aliquid ab aliquo derivatum: & ideo potestas clavium, quae est in nobis a Christo derivata, sequitur characterem quo Christo conformamur: sed in Christo non sequitur characterem, sed principalem formam.

Ad secundum dicendum, quod clavis illa quam Christus habuit, non erat sacramentalis; sed sacramentalis clavis principium.

SOLUTIO III.

Ad tertiam quaestionem dicendum, quod clavis est duplex. Una quae se extendit ad ipsum caelum immediate, removendo impedimenta introitus in caelum per dimissionem peccati; & haec vocatur clavis ordinis; & hanc soli sacerdotes habent, quia ipsi soli ordinantur populo in his quae directe sunt ad Deum. Alia clavis est quae non directe se extendit ad ipsum caelum, sed mediante militante Ecclesia, per quam aliquis ad caelum vadit, dum per carnaliquis excluditur, vel admittitur ad consortium Ecclesiae militantis per excommunicationem, & absolutionem; & haec vocatur clavis iurisdictionis in foro caesarum: & ideo hanc etiam non sacerdotes habere possunt, sicut archidiaconi, vel clerici, & alii qui excommunicare possunt, ut supra dictum est (dist. praec. quaest. 11. art. 2. quaest. 2.) sed non proprie dicitur clavis caeli, sed quaedam dispositio ad ipsam.

Ad primum ergo dicendum, quod ostarii habent clavem custodiendi ea quae in templo materiali continentur, & habent iudicium a tali templo excludendi, & admittendi, non quidem sua auctoritate iudi-

cantes qui sint digni, vel indigni, sed iudicium sacerdotis exequentes, ut sic quodammodo executores potestatis sacerdotalis videantur.

Ad secundum dicendum, quod Reges non habent aliquam potestatem in spiritualibus, & ideo clavem regni caelestis non accipiunt; sed solum in temporalibus, quae etiam nisi a Deo esse non potest, ut patet Rom. xiii. nec per unctionem in aliquo sacro ordine consecrantur, sed excellentia potestatis ipsorum a Christo descendere significatur, ut & ipsi sub Christo in populo christiano regnent.

Ad tertium dicendum, quod sicut in politicis quandoque iudex habet potestatem totam, sicut Rex in regno; quandoque autem multi in diversis officiis constituti, vel etiam ex aequo, ut patet in VIII. Ethic. (cap. x. vel xii.) ita etiam spiritualis iurisdicção potest haberi ab uno solo, sicut ab Episcopo, & a pluribus simul, sicut a capitulo: & sic habent clavem iurisdictionis, non tamen clavem ordinis omnes simul.

Ad quartum dicendum, quod mulier, secundum Apostolum, est in statu subiectionis: & ideo ipsa non potest habere aliquam iurisdictionem spirituales: quia etiam secundum Philosophum in VIII. Ethic. (cap. vii. & I. Polit. cap. ult.) corruptio urbanitatis est; quando ad mulierem pervenit dominium: unde mulier non habet neque clavem ordinis, nec clavem iurisdictionis. Sed mulieri committitur aliquis usus clavium, sicut habere correctionem in subditas mulieres, propter periculum quod imminere posset, si viri mulieribus cohabitarent.

ARTICULUS II.

Utrum etiam sancti homines non sacerdotes usum clavium habeant.

AD secundum sic proceditur. Videtur quod etiam sancti homines non sacerdotes usum clavium habeant. Absolutio enim, & ligatio quae fit per claves, efficaciam habet ex merito passionis Christi. Sed illi maxime passioni Christi conformantur qui per patientiam, & alias virtutes Christum passum sequuntur. Ergo videtur quod etiam si non habeant sacerdotalem ordinem, possint ligare, & solvere.

2. Praeterea. Hebr. vii. 7. dicitur: *Sine ulla contradictione, quod minus est, a maiori benedici-*
sur.

sur. Sed in spiritualibus secundum Augustinum hoc est maius esse quod melius esse. Ergo meliores, qui scilicet habent plus de caritate, possunt alios benedicere absolviendo; & sic idem quod prius.

Sed contra. Cuius est potentia, eius est actio secundum Philosophum (de som. & vig. cap. 11.) Sed clavis, quæ est potestas spiritualis, est tantum sacerdotum. Ergo & usus eius non nisi sacerdotibus convenire potest.

QUAESTIUNCULA II.

1. Uterius. Videtur quod mali sacerdotes usum clavium non habeant. Ioan. xx. ubi usus clavium Apostolis traditur, Spiritus sancti donum præmittitur. Sed mali non habent Spiritum sanctum. Ergo non habent usum clavium.

2. Præterea. Nullus sapiens Rex dispensationem sui thesauri suo inimico committit. Sed usus clavium in dispensatione consistit thesauri cælestis Regis, qui est ipsa sapientia. Ergo mali, qui per peccatum sunt eius hostes, non habent usum clavium.

3. Præterea Augustinus dicit * (Lib. II. contra Crescon. Grammaticum cap. xx. & xxi.), quod sacramentum gratiæ dat Deus etiam per malos; ipsam vero gratiam non nisi per seipsum, vel per sanctos suos; & ideo remissionem peccatorum per seipsum facit, vel per ipsius columbæ membra. Sed remissio peccatorum est usus clavium. Ergo peccatores, qui non sunt columbæ membra, usum clavium non habent.

4. Præterea. Intercessio mali sacerdotis non habet aliquam efficaciam ad reconciliandum: quia secundum Gregorium * cum is qui displicet, ad intercedendum mittitur, irati animus ad deterius provocatur. Sed usus clavium fit per quamdam intercessionem, ut patet in forma absolutionis, sicut infra (dist. xxi. quest. 11. art. 2. questiuinc. 3.) dicitur. Ergo non habent efficaciam usum clavium.

Sed contra. Nullus potest scire de alio an sit in statu salutis. Si ergo nullus posset uti clavibus in absolviendo, nisi existeret in statu salutis, nullus sciret se esse absolutum; quod est valde inconveniens.

Præterea. Iniquitas ministri non potest

est auferre liberalitatem domini. Sed sacerdos est solum minister. Ergo non potest sua malicia donum a Deo transmissum per eum nobis auferre.

QUAESTIUNCULA III.

1. Uterius. Videtur quod schismatici, & hæretici, excommunicati, & suspensi, & degradati usum clavium habeant. Sicut enim potestas clavium dependet ab ordine, ita & potestas conficiendi. Sed non possunt amittere usum potestatis conficiendi; quia si conficiunt, coactum est, quamvis peccent conficientes, ut supra dist. xxi. (quest. 1. art. 1. questiuinc. 3. & 4.) dictum est. Ergo etiam non possunt amittere usum clavium.

2. Præterea. Omnis potestas spiritualis activa in eo qui habet usum liberi arbitrii, exit in actum quando vult. Sed potestas clavium adhuc manet in predictis: quia cum non detur nisi in ordine, oporteret reordinari eos, quando ad Ecclesiam redeunt. Ergo cum sit potentia activa, possunt in actum eius exire cum voluerint.

3. Præterea. Spiritualis gratia magis impeditur per culpam quam per penam. Sed excommunicatio, & suspensio, & degradatio sunt poenæ quadam. Cum ergo propter culpam non amittat aliquis usum clavium, videtur quod nec propter ista.

Sed contra. Augustinus dicit (tractat. cxxi. in Ioan.) quod Ecclesiæ caritas peccata dimittit. Caritas autem est quæ facit Ecclesiæ unionem. Cum ergo predicti sint ab Ecclesiæ unionem divisi, videtur quod usum clavium non habeant in remittendis peccatis.

Præterea. Nullus absolvit a peccato secundum hoc quod peccat. Sed aliquis a predictis absolutionem peccatorum petens, peccat contra præceptum Ecclesiæ faciens. Ergo per eos a peccato absolvi non potest; & sic idem quod prius.

SOLUTIO I.

Respondeo dicendum ad primam questionem, quod agens per se, & agens instrumentale in hoc differunt, quod agens instrumentale non inducit in effectum similitudinem suam, sed similitudinem principalem.

EX EDIT. P. NICOLAI.

* Lib. V. de baptismo contra Donatistas cap. xxi. * * Lib. de cura parochiali Part. I. cap. x. quæritur si cum.

ipalis agentis . Principale autem agens inducit similitudinem suam : & ideo ex hoc aliquid constituitur principale agens , quod habet aliquam formam , quam in alterum transfundere potest ; non autem ex hoc constituitur agens instrumentale , sed ex hoc quod est applicatum a principali agente ad effectum aliquem inducendum . Cum ergo in actu clavium principale agens sit Christus ut Deus per auctoritatem , & ut homo per meritum , ex ipsa plenitudine divinæ bonitatis in eo , & ex perfectione gratiæ consequitur quod possit in actu clavium . Sed homo alius non potest in actu clavium , sicut per se agens , quia nec ipse alteri gratiam , qua remittuntur peccata , dare potest , nec sufficienter mereri : & ideo non est nisi (a) sicut agens instrumentale . Unde & ille qui effectum clavium consequitur , non assimilatur utenti clavibus , sed Christo : & propter hoc quantumcumque aliquis habeat de gratia , non potest pertingere ad effectum clavium , nisi applicetur ad hoc ut minister per ordinis susceptionem .

Ad primum ergo dicendum , quod sicut inter instrumentum & effectum non existit similitudo secundum convenientiam in forma , sed secundum proportionem instrumenti ad effectum ; ita etiam nec inter instrumentum & principale agens . Talis autem similitudo est in sanctis hominibus ad Christum passum , & talis similitudo eis usum clavium non confert .

Ad secundum dicendum , quod quamvis purus homo non possit alteri ex condigno gratiam mereri , tamen unius meritum potest cooperari ad salutem alterius : & ideo duplex est benedictio . Una quæ est ab ipso homine puro , sicut merente per proprium actum , & talis potest fieri a quolibet sancto , in quo Christus habitat per gratiam : & hæc requirit maiorem bonitatis , ad minus in quantum meretur huiusmodi . Alia est benedictio quam homo benedicit , ut benedictionem quæ est ex merito Christi , instrumentaliter alicui applicans ; & quantum ad hanc requiritur maioritas ordinis , & non virtutis .

SOLUTIO II.

Ad secundam questionem dicendum , quod sicut participatio formæ quæ est inducenda in effectum , non facit instrumentum ; ita nec substractio talis formæ tollit usum

instrumenti : & ideo cum homo sit tantum instrumentaliter agens in usu clavium , quantumcumque per peccatum sit gratia privatus , per quam sit remissio peccatorum , nullo tamen modo privatur usu clavium .

Ad primum ergo dicendum , quod donum Spiritus sancti exigitur ad usum clavium , non ut sine quo fieri non possit , sed quia sine eo incongrue fit ex parte utentis ; quamvis subiiciens se clavibus effectum clavium consequatur .

Ad secundum dicendum , quod Rex terrenus in thesauro suo defraudari , & decipi potest , & ideo hosti dispensationem eius non committit . Sed Rex cælestis defraudari non potest , quia totum ad ipsius honorem credit , etiam quod aliqui clavibus male utantur : quia novit ex malis bona elicere , & per malos etiam multa bona facere : & ideo non est simile .

Ad tertium dicendum , quod Augustinus loquitur de remissione peccatorum , secundum quod sancti homines cooperantur ad ipsam non ex vi clavium , sed ex merito congrui : & ideo dicit , quod etiam per malos sacramenta ministrat ; & inter alia sacramenta etiam absolutio , quæ est usus clavium , computari debet : sed per membra columbarum , idest per sanctos homines , facit remissionem peccatorum , in quantum eorum intercessionibus peccata remittit . Vel potest dici , quod membra columbarum nominat omnes ab Ecclesia non præcisos . Qui enim ab eis sacramenta recipiunt , gratiam consequuntur , non autem qui recipiunt ab illis qui sunt ab Ecclesia præcisi , quia hoc ipso peccant , excepto baptismo , quem in casu necessitatis licet etiam ab excommunicato recipere .

Ad quartum dicendum quod intercessio quam sacerdos malus ex propria persona facit , non habet efficaciam , sed illa quam facit ut minister Ecclesiæ , habet efficaciam ex merito Christi . Utroque tamen modo debet intercessio sacerdotis populo subiecto prodesse .

SOLUTIO III.

Ad tertiam questionem dicendum , quod in omnibus prædictis manet clavium potestas quantum ad essentiam , sed usus impeditur ex defectu materiæ . Cum enim usus clavium prælationem in utente requirat respectu eius in quem utitur , ut supra

(a) sicut per se agens .

pra dictum est, propria materia in quam exercetur usus clavium, est homo subditus: & quia per ordinationem Ecclesiae unus subditus alteri, ideo etiam per Ecclesiae praetor potest subtrahi alicui ille qui erat ei subditus. Unde cum Ecclesia haereticos, & schismaticos, & alios huiusmodi privet, subtrahendo subditos vel simpliciter, vel quantum ad aliquid; quantum ad hoc quo privati sunt, non possunt usum clavium habere.

Ad primum ergo dicendum, quod materia sacramenti eucharistiae, in quam suam potestatem exercet sacerdos, non est homo, sed panis triticeus, & in baptismo homo simpliciter: unde sicut si subtraheretur haeretico panis triticeus, conficere non posset; ita nec si subtrahatur praetor, absolvere poterit: potest tamen baptizare, & conficere, quamvis ad sui damnationem.

Ad secundum dicendum, quod propositio habet veritatem, quando non deest materia, sicut est in proposito.

Ad tertium dicendum, quod ex ipsa culpa non subtrahitur materia, sicut per aliquam poenam; unde poena non impedit per contrarietatem ad effectum inducendum, sed ratione dicta.

ARTICULUS III.

Utrum sacerdos possit uti clave quam habet, in quolibet hominem.

1. **A**D tertium sic proceditur. Videtur quod sacerdos possit uti clave quam habet, in quolibet hominem. Potestas enim clavium in sacerdotes descendit ex illa Domini auctoritate quae dicit (Ioan. xx. 23.) *Accipite Spiritum sanctum: quorum remiseritis peccata, remittantur eis*. Sed illud indeterminate dixit de omnibus. Ergo habens clavem indeterminate potest ea uti in quolibet.

2. Praeterea. Clavis corporalis quae aperit unam feram, aperit omnes alias eiusdem modi. Sed omne peccatum cuiuslibet hominis est eiusdem rationis obstaculum respectu introitus caeli. Ergo si potest unum hominem sacerdos per clavem quam habet, absolvere, poterit & quoslibet alios.

3. Praeterea. Sacerdotium testamenti novi est perfectius quam veteris. Sed sacerdos veteris testamenti poterat uti sua potestate quam habebat, discernendi inter lepram & lepram indifferenter omnes. Ergo multo fortius sacerdos evangelicus potest uti sua potestate in omnes.

Sed contra est quod dicitur xv. quæst. 111. ** Nulli sacerdotum licet parochianum aliter absolvere, aut ligare. Ergo non quilibet potest quemlibet absolvere.*

Praeterea. Iudicium spirituale debet esse ordinarius quam temporale. Sed in iudicio temporali non debet quilibet iudex quemlibet iudicare. Ergo cum usus clavium sit iudicium quoddam, non potest sacerdos quilibet sua clavi in quolibet uti.

QUAESTIUNCULA II.

1. Ulterius. Videtur quod sacerdos non possit semper suum subditum absolvere. Sicut enim Augustinus in littera dicit, nullus officio sacerdotis uti debet, nisi immunis ab illis sit quæ in aliis iudicat. Sed quandoque contingit quod sacerdos est particeps criminis quod subditus suus commisit, sicut cum mulierem subditam cognovit. Ergo videtur quod non possit semper in suos subditos potestate clavium uti.

2. Praeterea. Per potestatem clavium homo ab omnibus defectibus curatur. Sed quandoque alicui peccato annexus est irregularitatis defectus, vel excommunicationis sententia, a qua simplex sacerdos liberare non potest. Ergo videtur quod non possit uti clavium potestate in illos quilibet irretiti sunt.

3. Praeterea. Sacerdotii nostri iudicium, & potestas per iudicium veteris sacerdotii figuratum est. Sed minoribus iudicibus secundum legem non omnia competeat discutere, sed ad superiores recurrere, ut dicitur Exod. xxiv. 14. *Si quid ortum fuerit inter vos questionis, referetis ad eos*. Ergo videtur quod nec sacerdos de gravibus peccatis possit subditum suum absolvere, sed debeat ad superiorem remittere.

Sed contra. Cuicumque committitur principale, committitur & accessorium. Sed sacerdotibus committitur quod subditis suis eucharistiam dispensent, ad quam ordinatur absolutio a peccatis quibuscumque.

Ergo

EX EDIT. P. NICOLAI.

* Non in canone ipso, qui est Leonis Papæ cap. dicitur quam Gratianus addidit.

Altitudo ex eius epist. lxxvi. sed ex illius appendice quam Gratianus addidit.

Ergo sacerdos ab omnibus peccatis potest subditum suum absolvere, quantum est de clavium potestate.

Præterea. Gratia omne peccatum tollit, quantumcumque sit parva. Sed sacerdos sacramenta dispensat, quibus gratia datur. Ergo quantum est de potestate clavium, de omnibus peccatis absolvere potest.

QUAESTIUNCULA III.

1. Ulterius. Videtur quod aliquis non possit uti clavibus in suum superiorem. Aclius enim sacramentalis quilibet requirit propriam materiam. Sed propria materia usus clavium, ut dictum est, est persona subiecta. Ergo in eo qui non est subditus, non potest clavibus sacerdos uti.

2. Præterea. Ecclesia militans imitatur triumphantem. Sed in cælesti Ecclesia inferior Angelus numquam purgat, aut illuminat, aut perficit superiorem. Ergo nec aliquis sacerdos inferior potest uti actione hierarchica, quæ est per absolutionem in superiorem.

3. Præterea. Iudicium conscientie debet esse ordinatus quam iudicium exterioris fori. Sed in exteriori foro inferior non potest excommunicare, aut absolvere superiorem. Ergo videtur quod nec in foro poenitentiali.

Sed contra. Superior prælatus etiam circumdatus est infirmitate, & contingit ipsum peccare. Sed remedium contra peccatum est potestas clavium. Ergo cum ipse non possit in seipsum uti clave, quia non potest esse simul iudex, & reus; videtur quod possit inferior in ipsum clavis potestate uti.

Præterea. Absolutio quæ fit per virtutem clavium, ordinatur ad perceptionem eucharistie. Sed inferior potest superiori eucharistiam dispensare, si petat. Ergo & clavium potestate in ipsum uti, si se ei subiecerit.

SOLUTIO I.

Respondeo dicendum ad primam questionem, quod ea quæ circa singularia operari oportet, non eodem modo omnibus competunt: unde sicut post generalia medicinæ præcepta oportet adhiberi medicos, quibus præcepta universalis medicinæ singulis infirmis, secundum quod debent, aptentur; ita in quolibet principatu præ-

S.Tb. Oper. Tom. XII.

ter illum qui universaliter præcepta legis tradit, oportet esse aliquos qui ea singulis, secundum quod debent, adaptent: & propter hoc etiam in cælesti hierarchia sub Potestatibus, qui indistincte præsumunt, ponuntur Principatus, qui singulis provinciis distribuuntur, & sub his Angeli qui singulis hominibus in custodiam deputantur, ut patet ex his quæ dist. xx. dicta sunt in II. Lib. Unde & ita debuit esse in prælatione Ecclesiæ militantis, ut apud aliquem esset prælatio indistincte in omnes, & sub hoc essent alii qui super diversos distinctam potestatem acciperent. Et quia usus clavium requirit aliquam prælationis potestatem, per quam ille in quem usus clavium communicatur, efficitur materia propria illius aclus; ideo ille qui habet distinctam potestatem super omnes, potest uti clavibus in quolibet. Illi autem qui sub eodem distinctas potestates acciperunt, non in quoslibet possunt uti clavibus, sed in eos tantum qui eis in fortem venerunt, nisi in necessitatis articulo, ubi nemini sacramenta sunt deneganda.

Ad primum ergo dicendum, quod ad absolutionem a peccato requiritur duplex potestas, scilicet potestas ordinis, & potestas iurisdictionis. Prima quidem potestas est æqualiter in omnibus sacerdotibus, non autem secunda: & ideo ubi Dominus Ioan. xx. dedit omnibus Apostolis communiter potestatem remittendi peccata, intelligitur de potestate quæ consequitur ordinem: unde & sacerdotibus, quando ordinantur, illa verba dicuntur. Sed Petro dedit singulariter potestatem remittendi peccata, Matth. xvi. ut intelligatur quod ipse præ aliis habet potestatem iurisdictionis. Potestas autem ordinis, quantum est de se, se extendit ad omnes absolvendos: & ideo indeterminate Dominus dixit: *Quorum remiseritis peccata*; intelligens tamen quod usus illius potestatis esse deberet, præsupposita potestate Petro collata, secundum ipsius ordinationem.

Ad secundum dicendum, quod etiam clavis materialis non potest aperire nisi ferream propriam, nec aliqua virtus activa potest agere nisi in materiam propriam. Materia autem propria potestatis ordinis efficitur aliquis per iurisdictionem: & ideo non potest aliquis clave uti ad eum in quem iurisdiclio non datur.

Ad tertium dicendum, quod populus Israel

Y y y

Israel unus populus erat, & unum tantum templum habebat : unde non oportebat sacerdotum iurisdictiones distinguere, sicut in Ecclesia, in qua congregantur diversi populi, & nationes.

SOLUTIO II.

Ad secundam quæstionem dicendum, quod potestas ordinis, quantum est de se, extendit se ad omnia peccata remittenda; sed quia ad usum huius potestatis, ut dictum est, requiritur iurisdictione, quæ a maioribus in inferiores descendit, ideo potest superior aliqua sibi reservare, in quibus iudicium inferiori non committat: alias de quolibet peccato potest simplex sacerdos iurisdictionem habens absolvere. Sunt autem quinque casus, in quibus oportet quod simplex sacerdos ad superiorem poenitentem remittat. Primus est, quando est sollemniter imponenda poenitentia, quia eius minister proprius Episcopus est, ut supra distinct. xiv. (quæst. 1. art. 5. quæstionum. 2. ad 3.) dictum est. Secundus est de excommunicatis, quando inferior sacerdos non potest absolvere. Tertius, quando invenit irregularitatem contrariam, pro cuius dispensatione debet ad superiorem remittere. Quartus de incendiariis. Quintus, quando est consuetudo in aliquo episcopatu quod enormia crimina ad terrorem Episcopo reservantur: quia consuetudo dat, vel auferit in talibus potestatem.

Ad primum ergo dicendum, quod in tali casu nec sacerdos deberet audire confessionem mulieris cum qua peccavit, de illo peccato, sed deberet ad alium remittere; nec illa deberet ei confiteri, sed deberet licentiam petere ad alium eundi, vel ad superiorem recurrere, si ille licentiam denegaret, tum propter periculum, tum quia est minor verecundia. Si tamen absolveret, absolutum esset. Quod enim Augustinus dicit, quod non debet esse in eodem crimine, intelligendum est secundum congruitatem, non secundum necessitatem sacramenti.

Ad secundam dicendum, quod poenitentia ab omnibus defectibus culpæ liberat, non autem ab omnibus defectibus poenæ: quia adhuc post peccatam poenitentiam de homicidio aliquis remanet irregularis. Unde sacerdos potest de crimine absolvere, & pro poena amovenda ad superiorem remittere, nisi in excommunicatione, quia

absolutio ab ipsa debet præcedere absolutionem a peccato: quia quamdiu aliquis est excommunicatus, non potest recipere aliquod Ecclesiæ sacramentum.

Ad tertium dicendum, quod ratio illa procedit quantum (a) ad ea in quibus sibi superiores potestates iurisdictionem servant.

SOLUTIO III.

Ad tertiam quæstionem dicendum, quod potestas clavium, quantum est de se, extendit se ad omnes, ut dictum est; sed quod in aliquem sacerdos non possit potestate clavium uti, contingit ex hoc quod eius potestas est ad aliquos specialiter limitata. Unde ille qui limitavit, potest extendere in quem voluerit: & propter hoc etiam potest sibi dare potestatem in seipsum, quamvis ipse in seipsum uti clavium potestate non possit: quia potestas clavium requiritur pro materia aliquod subiectum, & ita alium: sibi ipsi enim aliquis subiectus esse non potest.

Ad primum ergo dicendum, quod quamvis Episcopus, quem simplex sacerdos absolvet, sit superior e simpliciter; tamen est inferior eo, in quantum se ei ut peccatorem sacerdoti subiecit.

Ad secundum dicendum, quod in Angelis non potest accidere aliquis defectus, ratione cuius inferiores suis superiores subdantur, sicut accidit in hominibus: & ideo non est simile.

Ad tertium dicendum, quod iudicium exterius est secundum homines, sed iudicium confessionis est quo ad Deum, apud quem redditur aliquis minor ex hoc quod peccat, non autem apud hominum prelationes: & ideo in exteriori iudicio sicut nullus (b) in seipsum sententiam dare potest excommunicationis, ita nec alteri committere, (c) nec se excommunicare; sed in foro conscientie potest alteri committere suam absolutionem, qua ipse uti non possit. Vel dicendum, quod absolutio in foro confessionis est principaliter potestas clavium, & ex consequenti respicit iurisdictionem; sed excommunicatio respicit totaliter iurisdictionem. Quantum autem ad potestatem ordinis omnes sunt æquales, non autem quantum ad iurisdictionem: & ideo non est simile.

QUÆ.

(a) Ad hoc. (b) Ad in seipso. (c) Farre ut se excommunicet.

QUAESTIO II.

DEinde quæritur de correptione fraternâ: & circa hoc quærentur tria.
 Primo. Quid sit.
 Secundo. Cuius sit.
 Tercio. De modo, & ordine ipsius.

ARTICULUS I.

Utrum male assignetur quadam diffinitio de correptione fraterna.

1. **A**D primum sic proceditur. Videtur finitio de correptione fraterna. *Correptio fraterna est admonitio fratris (a) de emendatione delictorum fraterna caritate.* Admonere enim videtur esse idem quod ad mentem reducere; & sic non est nisi oblitio. Sed correptio fraterna non est tantum de peccatis oblitio. Ergo male ponitur in diffinitione eius *admonitio*.

2. Præterea. Correptio quamdam violentiam sonat: quia idem videtur esse corripere quod simul rapere. Ergo cum admonitio in quamdam lenitatem sonet, videtur quod correptio non sit admonitio.

3. Præterea. Eius videtur esse correptio cuius est corrigere. Sed hoc est solius Dei; cum corrigere dicatur simul regere, quod solius Dei est, ut patet Prov. xvi. t. & 9. *Hominis est preparare animam. . . & Dei est dirigere gressus suos.* Ergo non debuit dicere, quod sit fratris.

4. Admonitio videtur pertinere ad aliquid faciendum, vel evitandum. Sed emendatio delictorum pertinet ad aliquid factum iam, vel omisum. Ergo videtur quod correptio non possit esse de emendatione admonitio.

5. Præterea. Quæ graviora sunt, magis indigent emendatione. Sed transgressiones sunt graviotes omissionibus in genere loquendo. Cum ergo nomine delicti importetur omisio, nomine autem peccati transgressio, ut in II. Lib. dist. xlii. dictum est, videtur quod magis debeat dici de emendatione peccatorum quam *delictorum*.

6. Præterea. Fraterna correptio videtur esse opus iustitiæ, ut patet secundum Glossam Rabani Matth. xviii. super illud, *Si peccaveris in te &c.* dicit enim: „Peccantem zelo iustitiæ corrigamus, & po-

nitenti viscera misericordiæ pandamus. Ergo debet dicere, Ex iustitia procedens magis quam ex caritate.

SOLUTIO.

Respondendo dicendum. Ad hoc quod homo recte gradiatur in via salutis, tria sunt ei impendenda ab eo qui ipsius curam gerit. Primo ut in finem rectum ordinetur; & quantum ad hoc dicitur superior inferiori sibi commissum dirigere. Secundo ut ei cautelam adhibeat, ne a via ad finem ducente discedat; & quantum ad hoc dicitur eum regere. Tercio ut si contingat eum discedere, quod ad viam rectam reducat; & quantum ad hoc dicitur ipsum corrigere: quandoque quidem ut relictio iustitiæ fiat ab eo, quando scilicet ille qui deliquerat, emendatur ex cura sibi imposita; quandoque autem ut relictio iustitiæ de eo fiat per penas inflictas, etiam si ille non corrigatur ex parte sua. Sed aliquis a via reformationis discedens dupliciter potest ad viam reformationis reduci, secundum Philosophum in X. Eth. (cap. x. vel xiv.) Uno modo per timorem turpis, aut odium ipsius, ut cum quis turpitudinem peccati abominatur, & confusionem exinde consequentem. Alio modo per timorem, & odium tristis, sicut cum quis propter penas illatas pro peccatis, vel quas timet inferri, resistit a peccato. Et quia iste secundus modus est cum quadam violentia, ideo (b) correctio dicitur, quasi usque ad reformationem perducens. Sed primus modus proprie dicitur correptio. Illa enim rapti dicuntur quæ subito auferuntur: unde etiam syllaba corripitur dicitur, quæ raptim, & quasi subito pronuntiatur. Et propter hoc quando homo ex hoc solum quod ei turpitudine peccati offenditur, & ad meliora quis eum hortatur, ipse per se ad viam reformationis revertitur, (c) corrigi dicitur. Ex quo patet quod secundus modus solis prælati competit, quorum verba vim coactivam habent per inflectionem penarum; sed primus modus prælationis ordinem non requirit; quamvis etiam prælationis ordo ipsum requirat: quia secundus modus adhiberi non debet, nisi ubi primus locum non habet, etiam a prælati. Et ideo correptio, quando præter ordinem prælationis fit, vocatur fraterna; quæ in prædicta assignatione notificatur per tria, quæ ibi ponuntur; scilicet actus ipse, cum

Yyy 2 di-

(a) Nicolai: ad emendationem delictorum ex fraterna caritate procedens. (b) Al. correctio. (c) Al. corrigi.

dicit, *Admonitio fratris*; finis, cum dicit, *De emendatione delictorum*; principium, cum dicit, (a) *Fraterna caritate procedens*.

Ad primum ergo dicendum, quod aliquis potest reduci ad mentem suam dupliciter. Uno modo quantum ad cognitionem speculativam; alio modo quantum ad cognitionem practicam, quae per ignorantiam electionis intercipitur: & sic dupliciter aliquis ad mentem reducit. Uno modo cum coactione quadam, vel factis, sicut cum quis punitur, vel verbis habentibus vim coactivam, sicut cum aliquid alicui praecipitur, & hoc ad corrigendum pertinet. Alio modo per verba tantum quae vim coactivam non habent, & talia verba admonitoria dicuntur: & ideo cum hic modus ad corripiendum pertineat, correctio nihil est aliud quam admonitio: & eiusdem potentiae actus est admonitio cuius est imperium.

Ad secundum dicendum, quod corripere dicitur a rapiendo quantum ad hoc quod statim, & subito rapina exercetur; non autem inquantum rapina habet aliquam violentiam, nisi quantum ad hoc quod corripiens a sua voluntate qua peccavit, avertere peccantem nititur; & sic aliquid est ibi simile violentiae, secundum quod id quod est contrarium voluntati, violentum dicitur.

Ad tertium dicendum, quod iam ex dictis patet quod alicuius potest esse corripere cuius non est corrigere; sed omnis cuius est corrigere, etiam est dirigere; si quidem dirigere importet solum ordinationem alicuius in finem; si autem importet perductionem ad finem, sic solius Dei est: quia eius solius est impedimenta auferre, ut aliquis ad finem non impeditus perveniat.

Ad quartum dicendum, quod de peccato praeterito potest esse aliquis actus praesens, vel futurus: & ideo quamvis emendatio sit de peccato praeterito, non tamen ipsa admonitio aliquando potest esse facienda ad hoc: & ideo de ipsa emendatione potest esse admonitio, ut dicatur emendatio reversio peccatoris ad statum rectae operationis, quae est correctionis finis.

Ad quintum dicendum, quod nullus

movetur ex odio, vel timore turpis, nisi ille cui iam inest aliquantulum voluntas pulchri, & boni: & ideo cum correctio procedat ex hac via, ut dictum est, proprie illi competit ut corripiatur qui habet propositum boni, a quo tamen vel propter ignorantiam, vel propter aliquam delidiam avertitur: & ideo magis proprie respicit omissionem, quae etiam in ipsa transgressionem considerari potest, quam transgressionis perversitatem: & propter hoc convenientius dicitur *delictorum* quam peccatorum.

Ad sextum dicendum, quod in hoc quod aliquis peccat, laeditur iustitia, & laeditur peccans; & secundum hoc ille qui peccantem arguit, ad duo potest attendere, scilicet ad laesionem iustitiae (sed hoc proprie est eius cui commissi est custodia iustitiae, quae est commune bonum, scilicet praeteriti, qui est persona publica) & iterum ad laesionem peccantis: & hoc est proprie eius cui competit defectibus eius subvenire. Et quia hoc est proprium amicitiae, quae secundum Philosophum in IX. Ethic. (cap. 111.) magis subvenire facit amico in damnis virtutum quam in damnis exteriorum rerum; ideo directe pertinet ad caritatem: unde quamvis correctio sit actus iustitiae, tamen correctio est actus caritatis, sive misericordiae. Quia tamen bonum privatum debet ad bonum publicum ordinari sicut ad finem, ideo etiam corripiens ex caritate ad laesionem iustitiae aliquo modo respicit; & secundum hoc intelligenda est Glossa inducitur.

ARTICULUS II.

Utrum quilibet ex precepto ad correptionem fraternam teneatur.

2. 2. *quest. xxxiii. art. 2. 3. 4.*

1. **A**D secundum sic proceditur. Videtur quod non quilibet ex precepto ad correptionem fraternam teneatur. Dicit enim Hieronymus * (in cap. 11. Malach.) *Sacerdos studeat illud evangelicum implere. Si peccaverit in te frater tuus &c.* Ergo videtur quod soli sacerdotes ad hoc teneantur.

2. Pre-

(a) Nicolai *Ex fraterna.*

* Hae ex Origene potius colligi possunt hom. vii. in Iosue, ubi reperiuntur etiam verba quae habentur infra in resp. ad 2.

2. Præterea. Quicumque aliquem corripit, curam illius gerit. Sed soli prælati tenentur ex præcepto curam de subditis habere. Ergo soli ipsi tenentur ex præcepto ad corripiendum.

3. Præterea. Ad præcepta obligatur aliquis semper, ad consilia autem non, nisi in aliquo casu spec. ali. Sed ad corripiendum non obligatur aliquis nisi in casu necessitatis: alias oporteret hominem omnia negotia sua dimittere, & correptioni insistere, cum quotidie corripiendi occurrant. Ergo correptio fraterna non cadit sub præcepto, sed sub consilio.

4. Præterea. Homo propter votum religionis non abolitur a præceptis Dei. Si ergo homo quilibet ex præcepto teneretur fratrem corrumpere, videtur quod religiosi deberent de claustris suis exire ad corripiendum seculares delinquentes; quod falsum est, quia sic religionis observantia periret.

5. Præterea. Homo non debet excitare sibi odium proximi: quia Gregorius dicit (VIII. Moral. cap. xxiv.) *Non est timendum ne is qui arguitur contumelias inferat; sed timendum ne tractus ad odium deterior fiat.* Sed frequenter ex correptione odium generatur, quia veritas odium parit. Ergo non tenetur homo ad corripiendum.

6. Præterea. Ibi debet homo corrumpere ubi habet arbitrium, (a) sicut dicit Glossa (Hieronymi) Matth. xviii. super illud, *Si peccaveris in te &c.* „ Si enim in „ Deum peccavisti, non est nostri arbitrii. „ Cum ergo omne peccatum sit in Deum, non possumus de peccato corrumpere.

Sed contra. Super illud Matth. xviii. *Si peccaveris in te &c.* dicit Glossa: „ Ita „ peccat qui fratrem suum peccare videt, „ & tacet, sicut qui penitenti non indulget. „ Sed ad indulgendum peccanti omnes ex præcepto caritatis tenentur. Ergo & ad corripiendum delinquentes.

Præterea. Eleemosynæ spirituales sunt magis necessariae quam corporales. Sed eleemosyna corporalis est sub præcepto, ut supra dist. xv. (quæst. 1. art. 1. quæstionc. 4.) dictum est. Ergo & correptio peccantium, cum sit spiritualis eleemosyna, ut ibi dictum est.

QUÆSTIUNCULA II.

1. Ulterius. Videtur quod peccator corripiens non peccet. I. Ioan. 1. 8. *Si diximus, quod peccatum non habemus, (b)*

nos ipsos seducimus. Si ergo peccatoris non est corrumpere, nullus poterit alterum corrumpere.

2. Præterea. Nullus propter peccatum excusatur ab observatione præcepti. Ergo peccator tenetur ad corripiendum, cum sit in præcepto; & si non corripiat, peccat. Si ergo peccando corripere, esset perplexus; quod est inconveniens.

3. Præterea. Eleemosyna corporalis est minus necessaria quam spiritualis. Sed peccator dans eleemosynam corporalem, non peccat. Ergo nec corripiendo, cum correptio sit spiritualis eleemosyna, ut dictum est.

4. Præterea. Maius est docere sacram Scripturam quam aliquem singulariter admonere: quia hoc cuiuslibet est, sed non illud. Sed, ut quidam dicunt, docens sacram Scripturam non peccat, quamvis in peccato existat. Ergo multo minus corripiens ex caritate fratrem, peccat, quamvis ipse in peccato existat.

5. Sed contra. Quicumque aliquem corripit, quodammodo ipsum indicat. Sed qui iudicat in altero quod commisit, seipsum condemnat, ut patet Rom. 11. Ergo peccator corripiendo alterum peccat.

6. Præterea. Philosophus dicit in X. Ethic. (cap. 1.) quod sermones qui sunt de moribus, cum dissonant his quæ videntur secundum sensum in eo qui eos dicit, continentur, & veritatem interimunt. Sed in peccatore qui corripit alterum de peccato, ea quæ videntur de ipso ad sensum, dissonant sermonibus. Ergo interimit, inquantum in se est, veritatem. Sed hoc est peccatum. Ergo talis corripiendo peccat.

QUÆSTIUNCULA III.

1. Ulterius. Videtur quod aliquis non teneatur corrumpere prælatum suum. Galat. 11. super illud, *In faciem (c) eius respiciat.* dicit Glossa: „ tamquam par. „ Ergo si par non fuisset, non potuisset eum corrumpere; & ita videtur quod fraterna correptio non se extendat ad prælatos.

2. Præterea. Dionysius in epistolis suis (epist. viii. ad Demophil.) arguit Demophilum monachum de hoc quod sacerdotem corripuerat, quia erat eo superior. Ergo fraterna correptio non se extendit ad superiores.

3. Præterea. II. Regum vi. Oza legitur percussus a Domino, quia arcam tetigit.

(a) Nihil: Sed, sicut dicit &c. & max si in Deum. (b) Vulgata, ipsi nos. (c) Vulgata etiam

git. Sed per arcam significatur praelatus, per Ozam subditus. Ergo peccat subditus corripiendo praelatum.

4. Præterea. Gregorius dicit in Pastoralibus (part. III. admonit. v.) *Admonendi sunt subditi, ne præpositorum suorum vitam temere iudicent, si quid eos fortasse aperte reprehensibile vident.* Ergo videtur quod sit reuerentis praelatum arguere delinquentem.

5. Præterea. Gregorius dicit * (de pastoralibus cura part. II. cap. 11.) *Sanctorum vitam corrigere quis non præsumat, nisi de se meliora sentiat.* Sed hoc videtur esse præsumptuosum quod homo de se sentiat meliora quam de praelato suo. Ergo non sunt corripiendi.

Sed contra. Correptio fraterna, cum sit spiritalis elemosyna, opus misericordiae est. Sed misericordia maxime praelato debetur, qui in maximo periculo constitutus est: unde Augustinus dicit in regula: *Non solum autem vestri, sed etiam ipsius, scilicet praelati, misericordini, qui inter vos quanto in loco superiori, tanto in periculo maiori versatur.* Ergo correptio fraterna se extendit etiam ad praelatos.

Præterea. Eccli. xviii. 12. dicitur, quia *Deus mandavit unicuique de proximo suo.* Sed praelatus noster proximus est. Ergo eum corrigere debemus, si delinquat.

SOLUTIO I.

Respondeo dicendum ad primam questionem, quod per legis divinae præcepta homines sufficienter in hac vita ordinantur. Sicut autem in exercitu, ut Philosophus dicit in XI. Metaph. (text. com. 11.) est duplex ordo: unus quo totus exercitus ad ducem ordinatur; alius quo singuli de exercitu ordinantur ad invicem: ita & in conversatione huius vitae, omnium qui in aliqua communitate congregantur, est duplex ordo: unus ad praelatum, alius singulorum ad invicem. Unde uterque ordo debet præcepto divinae legis institui. Ordo autem praelati ad subditum consistit in hoc ut omnes subditi ad bonum commune, quod praelatus intendere debet, intendat, & quod praelatus eos ad hoc dirigat. Ordo autem singulorum ad invicem est ut unusquisque alteri auxilium præbeat ad bonum suum consequendum: unde sicut praelatis ex præcepto incumbit ut sub-

ditorum curam gerant, & subditis ut praelatis obediant; ita & coequalibus ad invicem, ut sibi invicem auxilium ferant non solum in corporalibus, sed etiam in spiritualibus magis: & ideo cum maximum auxilium homini per correptionem in spiritualibus adhibeatur, præceptum divinae legis ad hoc se extendere debet.

Ad primum ergo dicendum, quod Hieronymus (Origenes) loquitur de correptione cui adiungitur correctio, quod patet ex hoc quod subiungit: *Quæ est enim misericordia parcere uni, & omnes in discrimen adducere?* & talis correptio solum praelatis competit.

Ad secundum dicendum, quod curam alicuius aliquis simpliciter habere potest, & secundum quid. Simpliciter quidem curam alicuius habet, cuius dispositioni totum regimen vite ipsius subditur: quia providentia, & cura respiciunt ordinem ad finem, ad quem homo per totam vitam suam intendit: & sic curam alterius non habet alicui nisi praelatus, qui habet propter hoc super subditum imperium. Sed secundum quid quantum ad aliud, ut ad subveniendum in aliquo particulari casu, quilibet habet curam alterius: quia *unicuique mandavit Deus de proximo suo*: Eccli. xviii. 12. & secundum Apostolum I. Corinth. xii. 12. *pro se invicem solliciti sunt membra.*

Ad tertium dicendum, quod etiam præcepta affirmativa non obligant ad semper, quamvis semper obligent: & ideo ad illud ad quod in aliquo casu implendum obligamur, & non in alio, non est consilium, sed præceptum: quia consilium numquam obligat, nisi per hoc quod in præceptum transit ex aliquo accidenti. Tempus autem ad quod obligat, est cum delinquens occurrat ipsi corripienti, & corripitur potest commode, & speratur emendatio, & non est alius cui ex officio incumbat corrigere; vel si ille cui incumbit, negligens appareat in corrigendo. Si enim non speraretur emendatio, sed magis deterioratio propter impatientiam corrigendi, excusaretur a præcepto: similiter si praelatus diligens appareret ad corrigendum subditum suum.

Ad quartum dicendum, quod quidam dicunt, quod monachus non debet exire claustrum, ut corripiat delinquentes, quia vacat operi meliori, scilicet contemplationi. Sed hoc non videtur verum: quia et-

iam

EX EDIT. P. NICOLAI.

* Hæc appendix apud Gregorium non occurrit.

iam aliquis a contemplatione abstrahitur, ut saluti proximorum subveniat. Et ideo dicendum, quod si monacho opportunitas corripiendi advenit, ipse etiam corrigere tenetur; sed non tenetur querere delinquentem exiens claustrum, aut ordinis sui statuta frangere, ne ipse in periculum incidat, a quo alium liberare tenetur.

Ad quintum dicendum, quod semper vitandum est ne ex correptione sequatur odium nostra culpa, scilicet ex indiscreta correptione. Si autem ad odium provocetur ex quo deberet ad dilectionem incitari, non est curandum, precipue quando eius peccatum in damnum aliorum vergit, vel etiam damnum sequens, vel peccatum ipsum est gravius odio quod in nos excitamus; vel quando speramus quod odium paulatim tepescet, (a) & tandem correctio sequetur: quia, sicut dicit Chrysostomus (super II. Epist. ad Tim. homil. vii.) *melius est odium propter Deum quam amicitia quae est propter ipsum. Cum enim propter ipsum amamus, debitores Dei sumus; cum odio propter ipsum habemus, debitorem eum nobis facimus.*

Ad sextum dicendum, quod Glossa intelligenda est, quando peccator in Deum, idest solo Deo sciente: vel loquitur non quantum ad correptionem, sed quantum ad remissionem quae sequitur: quia illud quod est ex parte nostra, possumus remittere, sed non quod est ex parte Dei.

SOLUTIO II.

Ad secundam quaestionem dicendum, quod circa hoc est duplex opinio. Quidam enim dicunt, quod ille qui est in simili peccato, vel maiori, non potest alium corrigere, sive illud notorium sit, sive occultum, propter hoc quod alterum iudicans, contra seipsum sententiam profert. Alii autem dicunt, quod si sit peccatum occultum, absque peccato potest corrigere; non autem si sit notorium. Utraque autem opinio quantum ad aliquid vera est. Dupliciter enim aliquis corrigere potest. Uno modo ex officio, sicut praebati corripiunt; & sic videtur prima opinio habere veritatem: quia quodcumque aliquis indigne utitur officio suo, peccat; ille autem qui est in mortali peccato, etiam occulto, indigne utitur officio praebationis: unde peccat corripiendo, vel quidquid aliud proprii officii exequatur. Alio modo aliquis corripit ex zelo caritatis, non ut Ecclesiae mini-

ster: & tunc in correptione non potest esse peccatum, nisi ratione scandalum, quod non confurget nisi de peccato notorio; & secundum hoc secunda opinio habet veritatem. Unde sive praebatus, sive subditus etiam in peccato notorio existens aliquem peccare viderit, potest eum admonere non per modum corripientis, sed per modum rogantis, ut exemplo suo non incitetur ad malum.

Ad primum ergo dicendum, quod peccatum veniale non reddit aliquem indignum executione officii sacri, sicut peccatum mortale: nec ita natum est scandalizare, quia ab eis nullus invenitur immunis: & ideo existens in peccato veniali non peccat, etiam si de eodem corripiat, nisi probabiliter ex correptione scandalum sequi videatur: & de hoc peccato, scilicet veniali, loquitur auctoritas inducitur.

Ad secundum dicendum, quod peccator non est perplexus; nec tamen absolvitur a praeepto corripendi. Potest enim peccatum dimittere, vel officium resignare, aut etiam humiliter peccatum suum recognoscens alium admonere rogando, & tunc non peccat.

Ad tertium dicendum, quod in elemosyna corporali non invenitur aliquis dissensus ad vitam, qua in peccato vivitur, sicut de correptione dictum est: & ideo peccator elemosynam dans, non scandalizat, sicut corripiendo scandalum generat.

Ad quartum dicendum, quod docere sacram Scripturam dupliciter contingit. Uno modo ex officio praebationis, sicut qui praedicat, docet: non enim licet alicui praedicare, nisi officium praebationis habeat, vel ex auctoritate alicuius praebationem habentis. Rom. x. 15. *Quomodo predicabunt, nisi mittantur?* Alio modo ex officio magisterii, sicut magistri Theologiae docent. Dicunt ergo quidam, quod ille qui primo modo docet, peccat mortaliter, si sit in peccato mortali notorio, non autem ille qui secundo modo docet. Sed hoc est falsum: quia eorum qui docent sacram Scripturam est idem finis & eorum qui sacram Scripturam ediderunt: unde cum ad hoc ordinetur Scripturae editio, ut ad vitam eternam homo perveniat, ut patet Ioan. x. quicumque impedit finem doctrinae, docendo peccat. Impedit autem qui sacram Scripturam in peccato docet, quia ore se profitetur nosse Deum, factis autem negat. Et dicendum, quod ille qui est in peccato notorio

(a) Alii & tamen correptionem sequitur.

notorio, peccat siue sic, siue sic doceat; sed ille qui est in peccato occulto, peccat si primo modo doceat, non autem si secundo.

Et quia alia rationes videntur concludere quod nullo modo corrigere liceat ei qui est in peccato; ideo dicendum ad quintum, quod ex hoc ipso quod aliquis alium corrigiendo iudicat, si in eodem peccato sit, seipsum condemnat, idest condemnabilem seipsum offendit, non tamen novam causam damnationis superadiicit.

Ad sextum dicendum, quod ratio illa procedit de peccato manifesto.

SOLUTIO III.

Ad tertiam quaestionem dicendum, quod quidam dicunt, quod correctio fraterna non se extendit ad praelatos: tum quia non debet homo os ponere in calum: tum quia de facili scandalizari possunt praelati, si a subditis corripiantur. Sed hoc nihil est: quia praelati, in quantum peccant, non sunt calum, & secundum hoc eis correctio debetur: nec iterum quod eos caritative corripit, in eos os ponit, idest contra eos, sed pro eis, quia ad utilitatem eorum eos admonet: nec iterum presumere debet quis de praelato quod iniuste scandalizetur, nisi contrarium constet, quia ipsi sunt in statu perfectionis; scandalum autem passivum non convenit perfectis, sed pusillis. Et ideo dicendum est, quod praelatus hoc quod est persona publica, & vicem Dei super subditos gerens, non amittit ea quae sunt propria illius singularis personae: & ideo omnia illa quae debentur alicui ex affectu fraterno, qui ad omnes homines habendus est, etiam praelato debentur, sicut etiam ipse aliis debet ea quae affectus caritatis expostulat, nec ab his ratione praelationis excusatur. Et ideo secundum alios preceptum de fraterna correptione etiam ad praelatos se extendit, ut corripiantur a subditis: & sicut ea quae sunt caritatis ad subditos praelatus taliter gerere debet, ut nulum auctoritatis prauiudicium generetur, ne dum nimium servatur humilitas, regendi frangatur auctoritas, ut Augustinus dicit (in regula, ut sup.) ita correctio ad praelatos taliter debet fieri, ne aliquid reverentiae subtrahatur; & ideo dicitur I. Timothy. v. 1. *Seniorem ne increpaveris, sed obsecra ut patrem.*

Ad primum ergo dicendum, quod Paulus in faciem Petro coram omnibus ressi-

tit, sicut ibidem dicitur. Hoc autem excedit modum fraternae correptionis; quae praelatis a subditis debetur. Non enim praelati a subditis coram multitudine, sed humiliter in privato corripiendi sunt, nisi immineret periculum fidei: tunc enim praelatus minor fieret, si in infidelitatem laberetur, & subditus fidelis maior.

Ad secundum dicendum, quod monachus ille arguitur de hoc quod iniuste corripuit sacerdotem reffe agentem, & de hoc quod correptionem usque ad correctionem extendit poenam inferendo, quia sacerdotem percussit, & eum ab Ecclesia amovit. Quamvis autem praelati sint corripiendi a subditis, non tamen est eis poena infligenda, sed recurrendum ad superiorem denuntiando: vel si non habet superiorem, recurrit ad Deum, qui eum emendet, vel de medio subtrahat.

Ad tertium dicendum, quod tangere arcam non erat levitarum, sed sacerdotum: & ideo Oza percussus fuit, quia officium superioris usurpavit. Sed fraterna correctio non sequitur officium, sed affectum caritatis: & ideo non concludit ratio de fraterna correptione, sed de correctione quae est a praelatis adhibenda, quam subditus praelatis non potest adhibere.

Ad quartum dicendum, quod Gregorius prohibet iudicium temeritatis, ne scilicet aliquis praelatorum facta de facili in malum convertat, vel de eis coram aliis obloquatur; non autem iudicium fraternae correptionis prohibet cum reverentia factum.

Ad quintum dicendum, quod quamvis presumptuosum sit quod aliquis simpliciter se alteri praeferat in bonitate, praecipue sancto viro; tamen non est presumptuosum quantum ad aliquod factum, si praelatus non faciat (a) illud, de se meliora sentire.

ARTICULUS III.

Utrum oporteat quod fraterna admonitio praecedat denuntiationem Ecclesiae faciendam.

2. 2. *quest. xxxiii. art. 7. Q. 8.*

1. **A**D tertium sic proceditur. Videtur quod non oporteat quod fraterna admonitio praecedat denuntiationem Ecclesiae faciendam. Quia secundum Augustinum in Lib. de mendacio (cap. xv.) ex factis sanctorum colligimus quod in Scripturis sentite debemus. Sed Christus denunciavit Iu-

(a) id est quantum ad illud de se &c. Nisi etiam illud.

Iudam discipulis ante admonitionem factam, ut patet Ionn. xiiii. similiter Petrus damnavit Ananiam, & Saphiram ante aliquam admonitionem, ut patet Act. v. Similiter Paulus reprehendit Petrum coram omnibus nulla monitione secreta precedente. Ergo videtur quod non semper admonitio fraterna debet precedere denuntiationem Ecclesiæ faciendam.

2. Præterea. Maiori periculo magis debet homo obviare. Sed aliquando maius periculum imminet, si peccatum non publicetur, quam sit malum infamatio unius hominis: quia peccator latens potest multos corrumpere in fide, vel moribus; quod non posset facere in publicum eius peccato deducto: aut etiam infamatur multitudo, si peccatum unus de multitudine committat; nec talis infamia aboletur nisi per penam peccati, quæ non potest inferri, nisi peccatum ad publicum deducatur. Ergo nec semper debet denuntiationem admonitio precedere.

3. Præterea. Accusare in capitulo est dicere Ecclesiæ. Sed religiosi frequenter se invicem accusant in capitulo nulla admonitione precedente. Ergo non oportet quod semper admonitio denuntiationem precedat.

4. Præterea. Gravior via procedendi contra crimina est si per accusationem, vel etiam per inquisitionem procedatur, quam si per denuntiationem: quia etiam maior pœna infligitur. Sed aliquis potest procedere ad accusationem non precedente admonitione, inquisitione tamen facta, sicut Innocentius III. dicit in Decretali. * Ergo nec denuntiationem oportet quod admonitio precedat.

5. Præterea. Nullus tenetur alteri obedi- re contra præceptum divinum. Sed si prælatus præciperet alicui scienti crimen fratris sui quod ei diceret, teneretur dicere ante admonitionem; & similiter si præciperet illi qui crimen commisit: tamen prælatus peccaret querendo, quia secundum ordinem iuris petitur iuramentum de veritate dicenda etiam in causa criminali ab eo qui accusatur. Ergo videtur quod non sit de necessitate præcepti quod admonitio denuntiationem precedat.

Sed contra est quod dicit Glossa (Beda, & Rabani) Matth. xviii. super illud;
S. Th. Oper. Tom. XII.

Si peccaveris in te &c. „ Hoc ordine vitare scandala debemus. “ Sed debitum est ex præcepto obligante. Ergo ordo correctionis est in præcepto.

Præterea. Propter hoc fraterna correctio est in præcepto, ut homo fratrem suum a peccato eripiat. Sed quandoque fratri daretur peccati occasio, si statim in publicum prodiretur: unde Glossa (Hieronymi) dicit ibidem: *Corripis ipsum inter te & ipsum solum, ne publice correptus verecundiam perdat; quæ perdita in peccato remaneat.* Ergo secundum necessitatem præcepti debet admonitio privata denuntiationem præcedere.

QUAESTIUNCULA II.

1. Ulterius. Videtur quod inconvenienter in ordine correctionis ponatur testium inductio. Quia aut iste correctionis ordo intelligitur de peccato publico, aut occulto. Si de publico, non oportet inducere testes, quia manifestum est. Si de occulto, non oportet manifestari neſcientibus: quia sic esset homo proditor criminis. Ergo videtur quod nullo modo testium adhibitio requiratur.

2. Præterea. Augustinus dicit in regula, ubi ordinem fratrum correctionis ponit, quod alius (scilicet testibus) peccatum fratris demonstratur, per quos convincendus est, si negaverit. Sed aliquis non potest convinci per unum testem, quia in ore duorum, vel trium testium debet stare omne verbum. Ergo inconvenienter dicitur quod testis unus, vel duo adhibeantur, quia semper debent esse duo ad minus.

3. Præterea. Correctio etiam debet fieri de peccato semel facto. Sed ad illud quod iam factum est, non possunt adhiberi testes, ut videant, qui non viderunt: quandoque etiam non reiteratur de facili, aut si reiteratur, peccator sibi a corripiente cavet, ne etiam ipse videre possit peccatum, nedum nisi alios inducat ad videntium: nec iterum debet ille qui peccatum fratris scit, ei dare aliquam occasionem peccatum iterandi, ut deprehendi possit, quia sic ipse esset peccati particeps. Ergo videtur quod testium inductio non requiratur ad correctionem.

4. Præterea. Dicere prælato, est dicere Ecclesiæ. Sed Augustinus dicit in regula, Zzz quod

EX EDIT. P. NICOLAI.

* Nempe Decretali *Qualiter Exista de accusationibus* ex Concilio Lateranensi generali sub finem Decretalis.

quod antequam aliis demonstraretur, per quos convincendus est, si negaverit, prius praeposito debet ostendi, si neglexerit admonitus corrigi. Ergo videtur quod testium adhibitio non debeat praecedere denuntiati-
nem, sed sequi.

QUAESTIUNCULA III.

1. Ulterius. Videtur quod correctio quantum ad monitionem secretam debet esse dura. Matth. 111. 7. (& Lucæ 111. 7.) Joannes Baptista dixit: *Gemina viperarum*: quæ fuit durissima correctio. Ergo videtur quod debeat aliquis alterum dure corrigere.

2. Præterea. Tit. 1. 13. dicitur: (a) *Argue illos dure*.

3. Præterea. Ad correptionem fraternam incitat ira per zelum. Sed ira asperitatem habet. Ergo debet aliquis aspere corrigi.

Sed contra. Gal. vi. 1. *Vos, qui spirituales estis, instruite huiusmodi in spiritu lenitatis*. Ergo videtur quod non debeat dure corrigi.

Præterea (b) Augustinus dicit (super Psal. cxl. 1.) *Corripit influs in misericordia, & arguit*. Ergo debet esse lenis correptio.

SOLUTIO I.

Respondeo dicendum ad primam questionem, quod secundum Philosophum in V. Ethic. minus malum, ex hoc quod praeligitur respectu magis mali, accipit rationem magis boni: & ideo medicus corporalis hominem, si potest, ab infirmitate totaliter liberat; si autem non potest; eligit minus malum, ut occurrat magis malo, sicut amputare unum membrum, ne totum corpus inficiatur: & hunc ordinem Dominus servari præcepit, cum peccatoribus corripiendo spiritualiter medicatur. Peccator autem ex peccato duo mala incurrit, innocentie damnum, & famæ dispendium: & ideo prius rentandum est ut taliter innocentie restituatur quod fama etiam conservetur. Sin autem (c) debet negligi fama, ut conscientia reparetur, famæ etiam dispendio subveniri, si aliter non potest, debet quantum potest, ut scilicet primo paucis, & postea multis crimen prodatur. Et ideo Dominus hunc ordinem corripiendi statuit, ut primo frater corripia-
tur secreto, ut sic & innocentiam recupe-

ret, & famam non perdat: quod si hæc medicina non fuerit efficax, debet paucis ostendi, ut non totaliter fama perdat: & deinde si non corripitur, debet omnino fama negligi, & in publicum prod: quod si etiam publica correptio, vel admonitio non profuerit, debet omnino abscondi iudicio Ecclesiæ, ut sit sicut ethnicus, & publicanus (Matth. xviii.) Et ideo dicen-
dum, quod sicut correptio fraterna cadit in præcepto, ita & correptionis ordo.

Ad primum ergo dicendum, quod in observatione præceptorum semper ad intentionem præcipientis, & rationem præcepti attendendum est. Ideo autem Dominus præcepit ut secreta admonitio publicam denuntiatiorem præcederet, ut expectaretur emendatio vite, & famæ parceretur peccatoris: & quia Dominus sciebat Iudam non emendandum fore, si ipsum admone-
ret, sed magis exasperandum: quia non est probabile quod verba moverent quem tot miracula visa non moverent: ideo ipsum non præmonuit: & quia etiam sciebat ex hoc forte magis exasperandum, & deterio-
rem fieri. Nec tamen est simile de ipso, & nobis: quia ipse secreta cordium sciebat, & futuros eventus, non autem nos: & ideo nisi certissimis signis appareat incorrigibi-
litas, & exasperatio ipsius futura, non debet fraterna admonitio prætermitti. De Petro autem dicendum est, quod forte pec-
catum eorum erat publicum, vel statim publi-
candum: vel forte sciebat monitionem
ipsis non valituram: vel etiam consilio Spi-
ritus sancti fecit ad terrorem, quia hoc
competebat statui primitivæ Ecclesiæ, ne
veniret eius auctoritas in contemptum. De
Paulo autem patet responsio. Quia Petrus
coram omnibus peccavit, ideo oportebat
eum coram omnibus redargui. Hic autem
ordo servandus est in peccatis occultis: unde
dicitur (loc. cit.) *Si peccaveris in te*,
id est te solo sciente.

Ad secundum dicendum, quod in peccatis denuntiandis considerandum est, utrum peccatum sit omnino occultum, aut adnotitiam aliorum devenit, aut in promptu sit ut deveniat. Si autem peccatum iam ad notitiam aliorum devenit, tunc debet denuntiari ei qui habet potestatem corrigendi, ut qui sunt scandalizati de culpa, redificentur de pena. Si autem nondum in

(a) *Vulgata increpa.* (b) *Nicetas.* Augustinus in Psal. cxl. super illud, *Corripit me influs in misericordia, & arguit*, sic ait: *Arguit me, sed in misericordiam emendabit me, sed in misericordiam, Emendabit me, quia persequitur: Absit. Emendandus est potius ipse, si odio emendat. Quare ergo emendat? In misericordia: & arguit me, sed non odit; immo eo magis arguit me, quia non odit. In quo arguit? In misericordia &c.* Ergo debet &c. (c) *Al.* sic debet.

publicum devauit, sed est in via deveniendi; tunc etiam denuntiandum est, ut scandalum futuro occurrat. Si autem sit omnino occultum, tunc considerandum est, utrum emendatio peccantis expectari probabiliter possit, aut non: quod quidem facile adverti poterit, si consideretur utrum aliquis ex electione, vel passione peccavit, sive ex malitia, vel infirmitate, quod idem est: quod quidem perpendi potest ex conditione peccantis; & ex iteratione actus. Quia si aliquis frequenter, & quasi improhibite sine freno in aliquod peccatum lapsus est, signum est quod ex malitia, vel electione peccat, & non facile emendetur. Si autem semel occasione peccandi oblata, in peccatum ruit, & postea tristitiam, & verecundiam de peccato ostenderit, signum est quod sit peccatum ex passione, vel ex infirmitate, & quod de facili emendetur. Si ergo emendatio speretur, debet admonitio precedere, & denuntiatio differri quousque videatur quomodo emendatur peccator; nisi forte immineret occasio similis in peccatum ruendi, quam tamen declinare non vellet admonitus: tunc enim deberet prælato denunciari, ne in precipitum iret. Si autem non speretur emendatio, tunc considerandum est, an illud peccatum sit infectivum aliorum, sicut est hæresis, vel fornicatio, vel aliquid huiusmodi: aut etiam cedat in aliquod damnum alterius, sicut furtum, vel homicidium, & huiusmodi. Si enim non cedat in damnum alterius, nec sit infectivum peccatum, tunc potest denuntiatio differri quousque videatur admonitionis effectus, præcipue si emendationem promittit. Si autem est infectivum aliorum, debet denunciari prælato, ut gregi suo caveat. Sicut enim dicit Hieronymus (Origenes) *qua misericordia est parcere uni, & multis in discrimen adducere!* Polluitur populus ex uno peccatore, sicut ex una ove morbida universus grex. Semper enim bonum multorum debet præferri bono uni. Unde etiam fama unius negligi debet, ut innocentia, vel fama multitudinis conservetur. Si autem vergat in damnum corporale alterius, debet fieri comparatio illius damni ad damnum fame istius, & illi damno quod præponderat obviandum magis.

Ad tertium dicendum, quod de levibus peccatis non surgit infamia, nec scandalum: & ideo de talibus non est vis, si quis in capitulo accusetur, admonitione prætermissa; nisi forte probabiliter credi possit quod tali accusatione magis deterioratur

qui corrigitur, & collegio etiam non multum profuit, cuius bonum semper præponendum est bono uni: unde & aliquando, etiam si peccantis emendatio non expectetur, potest aliquis coram multitudine accusari, si profectus multitudinis creditur; sed de peccatis ex quibus posset infamia surgere, non deberet aliquis in publico accusari, nisi aliis præmissis quæ ordo fraternæ correctionis deposcit; & graviter peccaret accusans, sicut fratrem suum infamans.

Ad quartum dicendum, quod etiam ad accusationem, ut quidam dicunt, procedi non debet secundum forum conscientie, monitione non præmissa, nec emendatione expectata; nisi forte maiori periculo obviandum videatur, aut peccatum sit publicum: quamvis secundum forum causarum non requiratur quod accusationem præcedat admonitio, sed solum inquisitio. Inquisitio vero non est facienda nisi de notorio peccato: quia oportet quod inquisitionem præcedat clamorosa insinuatio: & ideo secreta admonitio non requiritur de necessitate. Vel dicendum secundum alios, quod in accusatione non agitur ad emendationem peccantis, sed ad bonum commune, scilicet iustitiam conservandam per punitionem delinquentis: & ideo accusatio in iudicio bona conscientia potest fieri, etiam si admonitio non præcedat: nec est contra præceptum Domini, quod intelligitur, quando agitur ad emendationem peccantis.

Ad quintum dicendum, quod præceptum alicui factum a prælato suo de peccato alterius publicando in eo casu in quo publicari non debet, potest fieri vel in iudicio, vel extra iudicium. Si extra iudicium, peccat præcipiens; nec ille cui præcipitur, obedire tenetur. Si autem in iudicio ordine iuris exigente iudex alicui præcipiat ut peccatum suum, vel alterius confiteatur, non peccat præcipiendo, quia ipse non exigit, sed accusans cui iudex ius reddere debet: & tunc tenetur quis profiteri ad præceptum iudicis peccatum suum, vel alterius; vel appellare, si contra ordinem iuris ei præcipiatur: & tunc publicans peccatum occultum, vitat maius malum, scilicet disciplinæ iuris eversionem. Tamen iudex deberet dissimulare quantum posset, ne tale præceptum faceret salvo ordine iuris, & præcipue in capitulo, ubi magis per æquitatem procedendum est quam secundum rigorem iuris.

SOLUTIO II.

Ad secundam quæstionem dicendum, quod quando medicina levis, a qua incipiendum est, non proficit, tunc debet medicus efficaciorē medicinam apponere; non tamen statim efficacissimam, sed paulatim procedendum est, ut quam minus potest fieri, gravetur ille cui medicari volumus: & ideo si prima medicina, scilicet admonitio præcedens secreta, non proficit, quia peccatum iterari videtur, oportet ad ulteriora procedi, ut paucis ostendatur, & talibus qui possunt prodesse, & quibus non creditur quod obstitit disamando: & illi principaliter adhibentur ut admoneant, secundo ut admonitionis facti sint testes, tertio ut negantem coram Ecclesia convincant, ut Augustinus dicit in regula: *Præsertim tamen, scilicet quam in publicum prodatur, alteri, vel tertio demonstratur, ut duorum, vel trium possit ore convinci.*

Ad primum ergo dicendum, quod quidam dicunt, quod iste modus corripiendi servandus est, quando peccatum non est omnino publicum, nec omnino occultum, sed ab aliquibus scitum: unde dicunt, quod non possunt alii advocari, nisi qui sciunt, ad quos etiam pertinet correptio. Sic enim exponunt: *Si peccaveris in te, id est te solo sciente, frater tuus, corripe eum inter te & ipsum solum. Si te audierit, lucratus es fratrem tuum. Si te non audierit, & nullus alius sciat, non debes ultra procedere. Si autem aliqui alii sciant, adhibe tecum ad hoc unum, vel duos.* Sed hoc non videtur esse secundum intentionem Evangelii: quia si illi qui adhibentur, alias scivissent, non oporteret eos adhibere ad videndum, sed statim per eos posset convinci. Et præterea Hieronymus (Origenes) dicit, quod non est misericordia parcere uni, & omnes in discrimen adducere: quod fieret, si peccatum quod est aliis nocivum, non publicaretur ad correptionem. Unde patet quod si peccatum in aliorum detrimentum vergat, debet aliis dici, quantumcumque sit occultum; & etiam si non vergat in detrimentum alterius nisi in illius qui peccat, ut patet secundum Augustinum in regula, ubi sic dicit: *Innocentes non esis, si fratres vestros, quos indicando corrigere potestis, sacendo perire permittatis.* Nec ex hoc aliquis efficitur proditor criminis: quia non manifestat crimen ad infamandum, sed ad corrigendum.

Ad secundum dicendum, quod unus te-

stis inducitur ad admonendum, sed duo ad convincendum. Vel dicendum, quod ipse denuntiatus cum uno teste sufficit ad denuntiandum, quia per hoc fit aliqua præsumptio iudici; sed ad decisionem causæ requiruntur duo testes.

Ad tertium dicendum, quod non potest intelligi quod aliquis ex præcedenti monitione non sit emendatus, nisi per hoc quod actum iterat: unde ad hoc inducendi sunt testes, ut actum iteratum videant, ut pater per Augustinum, qui dicit (ubi supra.) *Præsertim alteri, vel tertio demonstrandum, scilicet actum peccati.* Non tamen debet aliqua occasio præberi, ut peccatum iteret, intentione convincendi: quia non fieri facienda mala, ut veniant bona. (Rom. 111.) Si tamen actus iterati offendi testibus non possint, debent tamen adhiberi, ut eorum ipsis recognoscat, vel saltem ut ipsi admoneant, ut obiurgatio plurimorum eum corrigit, ut ibidem Glossa dicit: & has duas causas Glossa (interl. ex Hieronymo) tangit ibidem super illud, *Adhibe tecum &c.*, studio scilicet corrigendi, vel convincendi.

Ad quartum dicendum, quod prælatus potest dupliciter considerari: aut secundum quod indicio præstat, & sic dicere prælato est dicere Ecclesie; & sic prius debent testes adhiberi quam prælato dicatur: aut extra iudicium existens, & sic dicere prælato non est dicere Ecclesie, sed personæ quæ potest prodesse, & non obesse: quia nullus magis potest prodesse quam prælatus: & secundum hoc debet prius dici prælato quam testibus offendi aliis, ut quanto minus potest fieri, publicetur: & tunc prælatus adhibetur quasi unus de testibus. Talis enim debet esse ordo correptionis fraternæ, quem Augustinus in regula tradit, ut cum quis oculi peccatantiam, vel aliud peccatum quodcumque in fratre suo advertit, statim admonere debet, ne cœpta progrediantur, sed de proximo corrigantur. Quod si post admonitionem iterum, vel tertio id facere videatur, tunc debet quasi vulneratus sanandus manifestari. Sed antequam in publicum prodatur, quod sit cum Ecclesie dicitur, prius debet alteri, vel tertio demonstrari, quod est adhibere unum, vel duos testes: & inter eos quibus offendi debet, antequam aliis ostendatur, per quos convincendus est, si negaverit, prius præposito debet offendi post admonitionem, ut secretus correptus non innotescat ceteris. Et ita primo debet

bet admoneri, secundo praelato ostendi tertio testes adhiberi, quarto in publicum produci convincendus, si negaverit. Sed duo media Dominus sub uno comprehendit.

SOLUTIO III.

Ad tertiam quaestionem dicendum, quod secundum Gregorium in Pastoralis (part. xi. cap. x.) nonnulla peccata sunt leviter corrigenda. Nam cum non malitia, sed ignorantia sola, vel infirmitate delinquitur, necesse est ut magno moderamine ipsa delicti correptione temperetur. . . . Nonnulla autem sunt vehementer increpanda, ut cum culpa ab aetere non agnoscitur quanti sit ponderis, ab increpantis ore sentiat: Et cum quis sibi malum quod perpetravit levigat, hoc contra se graviter ex corripientis asperitate perstringat. Et quamvis ille loquatur de correptione quae praelatis competit, tamen etiam in correptione quae ab aliis fit, hoc est observandum; quamvis fraterna correptione semper magis debeat ad lenitatem accedere: quia non ex auctoritate officii, sed ex caritatis affectu exhibetur.

Et per hoc patet solutio ad obiecta.

EXPOSITIO TEXTUS.

Moyse, & Aaron sacerdotes. Moyse sacerdos dicitur non officio oblationis offerendi, sed quia sacra primitus populo dedit immediate a Deo accepta. Psal. xcvi. 6. „Moyse, & Aaron in sacerdotibus eius.“

Cum esset pontifex anni illius, prophetauit. Sciendum, quod in verbo Caiphaz fuerunt quatuor. Primo inspiratio immissa, per quam utilitas passionis Christi cordi eius inspirata fuit a Spiritu sancto; secundo intellectus, quem ipse ex illa inspiratione concepit; tertio intentio exprimendi intellectum suum, & ad effectum perduendi; quarto verba ipsa prolata. Primum quidem fuit quaedam participatio prophetiae; secundum fuit falsus intellectus a seipso; tertium fuit iniqua intentio; quartum fuit vera locutio, quamvis non secundum intellectum eius: & ideo primum fuit a Spiritu sancto, non autem secun-

dum, neque tertium; sed quartum aliquatim fuit a Spiritu sancto regulante verba illius, ut consonarent inspirationi ab eo factae.

Nullus officio sacerdotis uti debet, nisi immunis sit ab illis quae in aliis iudicant. Hoc intelligendum est de mortalibus: quia sacerdos potest sine peccato de illis venialibus absolvere in quibus ipse est: quia per ea non redditur executione officii indignus.

Ideo liberavit peccatricem, quia non erat qui iuste proiceret lapidem: id est, ex hoc occasionem liberationis eius sumpsit.

Diligens ergo investigator sapienter interroget a peccatore quod forsitan ignorat, vel verecundia velis occultare. Sed contra. De fecerunt scrutantes scrutinio, qui scrutati sunt iniquitates, ut dicitur in Psal. lxxv. Ergo videtur quod sacerdos non debeat perquirere conscientiam subditorum.

Et dicendum, quod sacerdos debet perquirere conscientiam peccatoris in confessione quasi medicus vulnus, & iudex causam: quia frequenter quae praeter confessionem confitent taceret, Interrogatus revelat. Sed tamen in interrogationibus faciendis tria sunt attendenda. Primo ut quilibet peccator interrogetur de peccatis quae consueverunt in hominibus illius conditionis abundare. Non enim oportet quod a milite quaeratur de peccato clericorum, aut religiosorum, aut e converso. Secundo ut non fiat explicita interrogatio de peccatis, nisi de illis quae omnibus manifesta sunt; de aliis autem ad inventionibus peccatorum ita debet a longinquo fieri interrogatio, ut si commisit, dicat, & si non commisit, non addiscat. Tertio ut de peccatis praecipue carnalibus non descendat nimis ad particulares circumstantias: quia huiusmodi delectabilia quanto magis in speciali considerantur, magis concupiscentiam nata sunt movere, ut dicitur in III. Ethic. (cap. ult.) & ideo potest contingere ut confessor talia quaerens & sibi, & confitenti noceat; & sic quandoque deficiant in suo scrutinio iniquitates scrutantes.

Maledicam benedictionibus vestris, quae scilicet ita sunt vestrae quod non Dei.

DISTINCTIO XX.

De his qui in fine poenitent.

Sciendum est etiam ; quod tempus poenitentiae est usque in extremum articulum vitae . Unde Leo Papa (*epist. xcii. cap. v. & refertur in Decret. dist. vi. cap. „ Nemo.“*) „ Nemo est desperandus dum in hoc corpore constitutus est : quia nonnumquam quod (1) dissidentia aetatis differtur , consilio maturiore perficitur . „ Augustinus tamen de poenitentiam differentibus ita scribit (*Lib. I. homiliarum hom. xli. .*) „ Si quis positus in ultima necessitate ; voluerit accipere poenitentiam , & accipit , & mox reconciliatur , & hinc vadit ; fateor vobis , non illi negamus quod petit ; sed non praesumimus quia bene hinc exit . Si securus hinc exierit , ego nescio . Poenitentiam dare possumus , securitatem vero non . Numquid dico , Damnabitur ? Sed nec dico , Liberabitur . Vis ergo a dubio liberari ? Age poenitentiam dum sanus es . Si sic agis , dico tibi quia securus es : quia poenitentiam egisti eo tempore quo peccare potuisti . Si vis agere poenitentiam quando iam peccare non potes , peccata te dimiserunt , non tu illa . „ Item (*ib. paulo infir.*) „ Duæ res sunt . Aut ignoscitur tibi , aut non ignoscitur . Quid horum tibi sit futurum , nescio . Ergo tene certum , & dimitte incertum . „ Sed quare hoc dixit Augustinus ? cum poenitentia quæ in fine agitur , in Psalmo (*cxl.*) appelletur sacrificium vesperinum , quod erat acceptabilis in lege : & in quacumque die invocetur , Deus adit , & quacumque hora ingemuerit , & conversus fuerit peccator , vita vivet , & non morietur . (*Ezech. xviii.*) Sed illa dixit Augustinus propter illos qui poenitentiam usque in finem vitae protrahunt , & tunc non ex Dei amore videntur poenitere , sed timore mortis , quasi ex necessitate . Unde idem (*alius Auctor de vera , & falsa poenit. cap. xvii.*) quasi aperiens , quare superiora dixerit , ait : „ Nullus expectet quando peccare non potest . Arbitrii enim libertatem querit Deus , ut deleri possint commissa , non necessitatem , (2) sed caritatem , non tantum timorem ; quia non in solo timore vivit homo . Quem ergo sero poeniter , oportet non solum timere iudicem , sed diligere : quia sine caritate nemo salvus esse potest . (3) Non ergo tantum timeat poenam qui poenitet , sed anxietur pro gloria . Quæ conversio si contigerit alicui etiam in fine , desperandum non est de eius remissione . Sed quoniam vix , vel raro est tam iusta (4) conversio , timendum est de poenitente sero , maxime cum filii , quos illicite dilexit , sint praesentes , uxor , & mundus ad se vocet . Multos solet serotina poenitentia decipere . Sed quoniam Deus semper potens est , semper etiam in morte iuvare valet (5) quos placet . Cum ergo opus sit non hominis , sed Dei , fructifera poenitentia , inspirare eam potest , quodcumque vult sua misericordia , & remunerare ex misericordia quos damnare potest ex iustitia . Sed quoniam multa sunt quæ impediunt , & languentem retrahunt , periculosum est , & interitui vicinum ad mortem protrahere poenitentiae remedium . Sed magnum est cui Deus tunc inspirat , si quis est , veram poenitentiam . „ (*Et cap. xviii.*) „ Sed si etiam sic conversus , vita vivat , & non moriatur ; non tamen promittimus quod evadat omnem poenam . Nam prius purgandus est igne purgationis , qui in aliud saeculum distulit fructum con-

„ ver-

(1) *In edit. Nicolai desit dissidentia aetatis.* (2) *Nicolai.* Qui prius itaque a peccatis relinquitur quam ipse relinquit , et non libere , sed quasi ex necessitate condemnatur : & qui cum potuerunt nonnumquam converti voluerunt , consistentes cum iam peccare nequeant , non acquiescit quod volunt scriptum est enim sine caritate neminem salvum esse . Querit igitur Deus caritatem , & non tantum timorem dec. (3) *Idem.* Non timeatur pro poena , sed ametur pro gloria . Convertitur qui vult omnino dimittere peccatum , & qui non tantum poenam timet , sed ad bonum Domini contendere facit . Quæ conversio dec. (4) *Idem* (seu tam iustitia .) (5) *Idem* quibus .

versionis. Hic autem ignis, etsi æternus non sit, miro modo gravis est : excellit enim omnem penam quam umquam passus sit aliquis in hac vita. Numquam in carne tanta inventa est poena, licet mirabilia Martyres passi sint tormenta, & multi nequiter iniqui quanta sæpe sustinuerant supplicia. Ex his satis ostenditur quam periculosum sit differre poenitentiam usque in finem vitæ. Si tamen etiam tunc vera habeatur poenitentia, hominem liberat, & vitam mortuo impetrat, non sic tamen ut nullam sentiat poenam ; nisi forte tanta sit vehementia gemitus, & contritionis, quæ sufficiat ad delicti punitionem. Licet ergo sit difficile ut tunc sit vera poenitentia, quæ tam sera venit, quando cruciatus membra ligat, & dolor sensum sic opprimit ut vix homo aliquid cogitare valeat ; melior est tamen sera quam nulla. Poenitentia enim si in extremo vitæ hiato advenit, sanat, & liberat. Multum sera fuit latronis poenitentia, sed non fuit sera indulgentia. Sed licet latro veniam meruisset in fine de omni crimine, non tamen dedit baptizatis peccandi, & perseverandi auctoritatem.

De his qui poenitentiam non complent.

SI vero queritur de illis qui in hac vita poenitentiam non complent, utrum transitori sint per ignem purgatorii, ut ibi quasi compleant quod hic minus fecerunt ; idem dicimus & de istis esse sentiendum, & de his qui in extremis poenitent. Si enim tanta fuerit cordis contritio, & delicti exprobratio, ut sufficiat ad puniendum peccatum, liberi ab aliis poenis transeunt ad vitam, etsi inexplata fuerit poenitentia : quia perfecte poenituerunt, & ingemuerunt corde. Qui vero non adeo conteruntur corde, & ingemiunt pro peccato, si ante expletionem poenitentiae decesserint, ignem purgatorium sentiant, & gravius puniantur quam si hic impleverint poenitentiam. Horrendum est enim incidere in manus Dei viventis. (Heb. x. 31.) Deus enim, cum sit misericors, & iustus, ex misericordia poenitentia ignoscit, non reservans peccatum ad poenam æternam ; ex iustitia vero impunitum non dimittit delictum. Aut enim punit homo, aut Deus. Homo autem punit poenitendo, Deus autem poenam exigendo. Et est poenitentia interior, & exterior. Si ergo interior poenitudo fuerit tanta ut sit sufficiens ultio peccati, Deus, qui hoc novit, ab illo qui taliter poenitet, ulterius poenam non exigit. Si vero interior poenitudo non sufficit in vindictam peccati, nec exterior poenitentia impletur ; Deus qui modos, & mensuras peccatorum, & poenarum novit, addit poenam sufficientem. Studeat ergo quisque sic delicta corrigere ut post mortem non oporteat poenam tolerare. Quædam enim peccata mortalia in poenitentia sunt venialia, non tamen mox sanantur. Sæpe enim infirmus moreretur, si non medicaretur ; non tamen statim medicatus sanatur. Languet victurus, qui prius erat moriturus. Qui autem impoenitens moritur, omnino moritur, & æternaliter cruciabitur. Si enim semper viveret, semper peccaret (Ex prædicto Lib. de vera, & falsa poen. cap. xviii. & in Decret. ubi supra.)

De illo cui sacerdos indiscretus iniungit parvam poenitentiam.

SI vero de illo queritur qui satisfactionem iniunctam impleverit, quæ ignorantia, vel negligentia sacerdotis peccato condigna non fuit, utrum de vita migrans ab omni poena liber sit : idem respondeo quod supra de illo qui poenitentiam non complevit, dixi. Quod si tantum est lamentum interioris doloris ut sufficiat in vindictam peccati, omnino liberatus est. Si vero non sufficit dolor interior, simul cum poena iniuncta, addet Deus poenam ; Quod autem interdum sufficiat dolor interior ad vindictam peccati, certum documentum habemus in illo latrone qui sola mentis contritione, & confessione statim ut conversus fuit, paradisum ingredi meruit. Sed quia dispensatores Ecclesiæ contri-

tritionis quantitatem non perpendunt, quibus non est datum intelligere occulta cordium, omnibus leges poenitentiae constituunt tam magis quamminus de peccato dolentibus; quorum studium ad hoc praecipue tendere debet ut cordis dolorem, quantum fas est, cognoscant, & secundum ipsius modum satisfactionem iniungant. Unde Augustinus (in Enchirid. cap. lxxv.) „In actione poenitentiae, ubi tale quid commissum est ut is qui commisit, a Christi etiam corpore sepatetur, non tam considerata est mensura temporis quam doloris. Cor enim contritum, & humiliatum Deus non despiciit (Psalm. l.) Verum quia plerumque dolor alterius cordis occultus est alteri, nec in aliorum notitiam (1) per verba, vel alia quaecumque signa procedit, cum sit coram illo cui dicitur (Psalm. xxxvii. 10.) Gemitus meus a te non est absconditus; recte constituuntur ab his qui Ecclesiis praesunt, tempora poenitentiae, ut satisfaciatur etiam Ecclesiae, in qua peccata ipsa remittuntur: extra eam quippe non remittuntur. Ipsa enim Spiritum sanctum pignus accepit, siue quo non remittuntur ulla peccata. „Hieronymus* (ut refertur dist. 1. de poenit.) „Mensuram temporis in agenda poenitentia ideo non aperte satis praefigunt canones pro unoquoque crimine, ut de singulis dicatur qualiter unumquodque emendandum sit, sed magis iu arbitrio sacerdotis intelligentis relinquendum statuerunt, quia apud Deum non tantum valet mensura temporis, quantum doloris, nec abstinencia tantum ciborum, quantum mortificationis, quantum doloris, nec abstinencia poenitentiae pro fide, & conversatione fidelium poenitentium abbrevianda praecipunt, & pro negligentia protelanda; pro quibusdam tamen culpis modi poenitentiae sunt impositi.“

Quod morientibus non sit imponenda satisfactio, sed innoscenda.

Solet etiam quæri, utrum satisfactiois lex morituris sit imponenda. De quo Theodorus Cantuariensis Episcopus in poenitentiali suo sic ait. „Ab infirmis iu periculo mortis positus (2) pura inquirenda est confessio peccatorum; non tamen est illis imponenda quantitas poenitentiae, sed innoscenda, & cum amicorum orationibus, & elemosynarum largitionibus pondus poenitentiae sublevandum, si forte migra verint. (3) Si vero convalescerint, poenitentiae modum a sacerdote impositum diligenter observent. Aliis vero pro qualitate peccati poenitentia decernenda est praesidentium arbitrio. „Unde Leo Papa: * „Tempora poenitudinis habita moderatione constituenda sunt tuo iudicio, prout conversorum animos perspexeris esse devotos. Pariter etiam habere debes ætatis senilis intuitum, & respicere periculorum quorumcumque, vel ægritudinum necessitates. „(4)

In necessitate non est neganda poenitentia, vel reconciliatio.

Sciendum etiam, quod tempore necessitatis non est neganda poenitentia, vel reconciliatio poenitentibus. Unde Leo Papa. *** „His qui tempore necessitatis, & periculi urgentis instantia praesidium poenitentiae, & munus reconciliationis implorant, nec satisfactio interdicienda est, nec reconciliatio deneganda: quia misericordiae Dei nec mensuras possumus ponere, nec tempo-

(1) Al. nisi per verba. (2) Nihil addit per presbyteros. (3) Nihil: ne obligat (vel obnoxii) poenitentia a communione, & confortio veniat. fiant alieni. Si vero divinitus a periculo illo erepti convalescerint &c. (4) Fergit Nicolai: in quibus si quis ita graviter urgetur, ut dum adhuc poenitet, de salute illius desperet, oportet ei per sacerdotalem sollicitudinem communi gratia subveniri.

EX EDIT. P. NICOLAI.

* Quod subiungitur ex Hieronymo, & cap. Mensuram sic notatur, nec apud illum ullibi erat, & ex antiquo poenitentiali sumpsum potius esse, appendix quoque ibi addit. *** Epist. lxxix. cap. vii. Epist. xxi. plenius quam hic, & in Decretis textu causa xxvi. quæst. vi. cap. His qui ut de prior Appendix ex cap. Tempora.

ra definire. Quod si ita aliqua ægitudine aggravati sunt ut quod paulo ante poscebant; (1) sub præsentia sacerdotis significare non valeant, testimonia eis fidelium circumstantium prodesse debebunt, (2) ut simul pœnitentiæ, & reconciliationis consequantur beneficium. Item Iulius Papa, Si presbyter pœnitentiam abnegaverit morientibus, reus erit animarum: quia Dominus ait (Ezech. xlviii. 27.) Cum conversus fuerit, tunc salvus erit. Vera enim confessio ultimo tempore potest esse: quia non modo temporis, sed etiam cordis Deus inspector est, sicut latro probat.

Quod presbyter non reconciliet inconsulto Episcopo, nisi in necessitate.

Non debet tamen presbyter pœnitentem reconciliare inconsulto Episcopo, nisi ultima necessitas cogat. Unde in Carthaginensi Concilio: ** „ Presbyter inconsulto Episcopo non reconciliet pœnitentem, nisi absente Episcopo, si ultima necessitas cogat. Cuiuscumque (3) pœnitentis publicum crimen est, quod universam commoverit urbem, ante absidem, scilicet introitum Ecclesiæ, manus ei imponantur. Item Aurelius Episcopus dixit: (4) „ Si quis in periculo constitutus fuerit, & se (5) conciliari divinis altaribus petierit, si Episcopus absens fuerit, debet presbyter consulere Episcopum, & sic periculum tantum eius præcepto reconciliare. Inconsulto vero Episcopo non potest excommunicatus, vel publice pœnitentes presbyter reconciliare. Unde in Carthaginensi Concilio III. (cap. lxi.) statutum est ut chrisma, vel reconciliatio pœnitentium, & puellarum consecratio a presbyteris non fiat. Item (ibid.) „ Reconciliare quemquam in publica Missa presbytero non liceat; puellarum, tamen consecratio consulto Episcopo per presbyterum fieri valeat: Unde in Carthaginensi Concilio III. (cap. xxxvi.) „ Presbyter inconsulto Episcopo virgines non consecret, chrisma vero nunquam conficiat. Sicut (6) præcepto Episcopi potest presbyter consecrare virgines, sic & reconciliare pœnitentes.

An oblatio eius sit recipienda qui currens ad pœnitentiam prævenitur morte.

Si autem queritur de illo qui ad pœnitentiam festinans, sacerdotem invenire non potuit, & ita decessit, utrum oblatio eius sit recipienda; dicimus, quia est. Unde (7) in Epauonensi Concilio: „ Si aliquis fuerit mortuus, qui non confessus sit, & testimonium habet bonum, & non poterat venire ad sacerdotem, sed præoccupavit eum mors in domo, vel in via; faciant pro eo, parentes eius oblationem ad altare, & dent redemptionem pro captivis.

DIVISIO TEXTUS.

Postquam determinavit Magister de pœnitentia, & de potestate ministrorum quibus competit dispensatio huius sacramenti, hic determinat quædam quæ pœnitentiam consequuntur: & dividitur in partes duas. In prima determinat tempus pœnitentiæ. In secunda determinat quædam quæ ad defectum pœnitentiæ pertinent, xxxi. dist. ibi, Cumque multis auctoritatibus supra sit assertum, in vera cordis con-

versione peccata dimitti. . . queritur &c.
Prima in duas. In prima ostendit tempus pœnitentiæ usque ad finem vitæ esse. In secunda movet quasdam quæstiones quæ ex prædictis ortum habent, xxxi. dist. ibi, Solet etiam queri &c. Prima in duas. In prima ostendit quod tempus pœnitentiæ durat usque ad finem vitæ. In secunda ostendit qualiter sit agendum cum illis qui in fine pœnitent, ibi, Solet etiam queri, utrum satisfactionis lex morientis sit imponenda. Prima in duas. In prima ostendit quo-

Aaaa

quo-

(1) Ad. sub præsentia significare. (2) Ad. simulque. (3) Nicolai addit autem. (4) Nicolai in Concilio Carthaginensi II. cap. xv. (5) Idem reconciliari. (6) Idem addit ergo. (7) Ad. in Epauonensi.

quomodo hi qui in fine vitae penitent, consequuntur remissionem peccatorum, quamvis adhuc sint debitores poenae temporalis, quam in purgatorio post mortem sustinebunt. In secunda ostendit quod eadem poena debetur eis qui qualitercumque in hac vita condignam satisfactionem non implent, ibi, *Si vero quaeritur de illis qui in hac vita poenitentiam non complent &c.* Circa primum tria facit. Primo ostendit quod usque ad finem vitae manet poenitentiae locus. Secundo obicit in contrarium, ibi, *Augustinus tamen de poenitentiam differens ita scribit* Tertio solvit, ibi, *Sed quare hoc dixit Augustinus? Ubi ex verbis Augustini ostendit quare non sit poenitentia differenda usque ad finem vitae propter duo. Primo propter penitentiam difficultatem; secundo propter poenam purgatorii quae refert, ibi, (a) Sed si etiam sic conversus vita vivat, & non moriatur; non promittimus quod evadat omnem poenam.*

Si vero quaeritur de illis qui in hac vita poenitentiam non complent. . . idem dicimus de istis esse sentiendum & de his qui in extremis poenitent. Hic ostendit quod poena purgatorii refert post hanc vitam eis qui hic condignam satisfactionem non agunt; & circa hoc duo facit. Primo ostendit hoc de illis qui poenitentiam iniunctam non explent. Secundo ostendit idem de illis quibus condigna satisfactio non est iniuncta, ibi, *Si vero de illo quaeritur qui satisfactionem iniunctam impleverit, quae ignorantia, vel negligentia sacerdotis, peccato condigna non fuit, utrum de vita migrans ab omni peccato liber sit; idem respondeo.*

Solent etiam queri, utrum satisfactionis lex morituris sit imponenda. Hic ostendit qualiter sit agendum cum illis qui in fine poenitent, & circa hoc duo facit. Primo ostendit hoc quantum ad satisfactionis iniunctionem; secundo quantum ad reconciliationem, *Sciendum etiam, quod tempore necessitatis non est neganda poenitentia, vel reconciliatio poenitentibus.* Ubi duo facit. Primo ostendit quod tempore ultimae necessitatis non est reconciliatio deneganda poenitenti. Secundo ostendit quod alio tempore simplex sacerdos reconciliare poenitentem non potest inconsulto Episcopo, ibi, *Non debet tamen presbyter poenitentem reconciliare inconsulto Episcopo, nisi ultima necessitas cogat.*

QUAESTIO I.

Hic quaeruntur quinque.

Primo. Utrum aliquis in extremo vitae suae per poenitentiam possit consequi veniam peccatorum.

Secundo. De poena quam sacerdos ad satisfaciendum imponit.

Tertio. De relaxatione huiusmodi poenae per indulgentias.

Quarto. Quis possit indulgentias dare.

Quinto. Quibus profint.

ARTICULUS I.

Utrum aliquis in extremo vitae suae poenitere possit.

Ad primum sic proceditur. Videtur 1. quod in extremo vitae suae aliquis poenitere non possit. II. Machab. ix. 13. dicitur de Antiocho: *Orabat seculus Dominum, a quo non erat misericordiam consecutus.* Hic autem in fine vitae suae erat. Ergo videtur quod in fine poenitentes veniam non consequuntur.

2. Praeterea. Omnis vere poenitens peccata dimittit. Sed ille qui in fine vitae poenitet, non dimittit peccata, sed a peccatis dimittitur: quia tunc vult poenitentiam agere, quando peccare non potest, ut in littera dicitur. Ergo videtur quod tunc non consequatur veniam.

3. Praeterea. Contritio, quae est pars poenitentiae, habet annexum propositum confitendi, & satisfaciendi. Sed hoc propositum habere non potest qui in fine poenitet: quia nullus proponit quod scit sibi impossibile. Ergo non potest contriti, & ita non consequitur veniam.

Sed contra est, quia latro in fine vitae suae poenitens misericordiam invenit, audiens (Luc. xxii. 43.) *Hodie mecum eris in paradiso.*

Praeterea. Sapientia Dei, & misericordia vincit humanam malitiam. Sed homo potest usque ad extremum vitae peccare. Ergo potest usque tunc de peccatis per divinam misericordiam veniam consequi.

QUAESTIUNCULA II.

1. Ulterius. Videtur quod in fine vitae poenitens non possit a quolibet sacerdote absolvi. Quia ad absolutionem requiritur aliqua iurisdictio, ut dictum est. Sed

(a) *Al. Sed si conversus peccaverit &c.*

facerdos non acquirit iurisdictionem super illum qui in fine poenitet. Ergo non potest eum in fine absolvere.

2. Præterea. Ille qui sacramentum baptismi in articulo mortis ab alio quam proprio sacerdote recipit, non debet iterum a proprio sacerdote baptizari. Si ergo quilibet sacerdos in articulo mortis posset absolvere a quolibet peccato, non deberet poenitens, si evadit, ad suum sacerdotem recurrere; quod falsum est: quia alias sacerdos non haberet cognitionem de vultu pecoris sui.

3. Præterea. In articulo mortis sicut licet sacerdoti alieno baptizare, ita & non sacerdoti. Sed non sacerdos numquam potest absolvere in foro poenitentiali. Ergo nec sacerdos in articulo mortis eum qui non est sibi subditus.

Sed contra. Necessitas spiritualis est maior quam corporalis. Sed aliquis in necessitate ultima potest aliorum rebus uti, etiam invitis dominis, ad subveniendum corporali necessitati. Ergo & in articulo mortis ad subveniendum spirituali necessitati potest a non suo sacerdote absolvi.

Præterea. Ad idem sunt auctoritates in littera positæ.

QUAESTIUNCULA III.

1. Ulterius. Videtur quod poenitentibus in fine non reservetur aliqua poena post mortem. Deus enim, cum sit summe misericors, non exigit ab homine plus quam facere possit. Sed iste qui in fine vite sue poenituit, nihil aliud facere potuit pro tempore illo quam conteri, & confiteri, quod etiam fecit. Ergo videtur quod nihil ab eo post hanc vitam requiratur pro peccatis de quibus poenituit.

2. Præterea. Pœna purgatorii excedit omnem penam huius mundi, ut in littera dicitur. Sed poena ad quam obligatur poenitens post confessionem, & absolutionem, non est tanta quantæ sunt multæ poenæ iustæ alterius vite. Ergo iussit cum poenitente agitur, si post hanc vitam puniatur in purgatorio post absolutionem.

3. Præterea. Non est aliquod peccatum tam grande quod per poenas in hac vita inflictas non posset totaliter expiari, dummodo aliquis patienter sustineret: quia tribulatio purgationem facit, ut patet Rom. v. Sed mors est maxima poenarum. Ergo si aliquis contritus patienter mortem sustinet, non remanet ei aliqua poena post hanc vitam.

Sed contra. Iustitia divina exigit ut peccatum aut a Deo, aut ab homine puniatur. Sed huius peccatum qui in fine poenitet, non punitum est nec a Deo, nec ab homine in hac vita. Ergo oportet quod post hanc vitam puniatur.

Præterea. Nullus ex negligentia debet commodum reportare. Sed ille qui in finem poenitentiam distulit ex negligentia, si statim post peccatum adhuc sanus poenituisse, sustinuisse poenam. Ergo, multo fortius, quando poenitentiam distulit usque in finem vite, adhuc reus est poenæ.

SOLUTIO I.

Respondeo dicendum ad primam questionem, quod Deus, qui dat omnibus abundanter, nulli gratiam denegat qui quod in se est facit ut se ad gratiam præparet. Hæc autem præparatio sicut supra distinct. xviii. (quæst. 1. art. 3. quæstiunc. 1. 2. 3. & 4.) dictum est, fit per morum liberi arbitrii; unde quamdiu manet homini usus liberi arbitrii in hac vita, in qua nondum est confirmatum ad malum, potest se præparare ad gratiam, de peccatis dolendo; & gratiam remissionis peccatorum consequitur.

Ad primum ergo dicendum, quod veniam consecutus fuisset, si vere poenituisse. Sed non habuit veram poenitentiam: quia non ex amore iustitiæ de peccatis commissis dolebat, sed timore poenæ quam expectabat, vel dolore poenæ quam sustinebat: & hoc etiam multis in fine poenitentibus contingit: quia non est facile ut affectus quædam homo toto tempore vite sue inclinavit in aliquid, subito ad contrarium retrahat: nec tamen est impossibile, quia liberum arbitrium non cogitur ex habitu acquisito, nec providentiæ Dei potest terminus præfigi, per quam etiam in extremo vite veræ poenitentia motus inspiratur quandoque.

Ad secundum dicendum, quod Augustinus in verbis illis ostendit quod poenitentia quam aliquis in fine vite agit, non est certum signum salutis, & non quod non possit esse etiam tunc efficax ad salutem: quia incertum est, quando aliquis de peccato, quod facere iam non potest, poenitet, utrum voluntatem peccandi amiserit; quod magis manifestum est de illo qui peccare adhuc potest, si poeniteat, quod voluntatem mutavit. Tamen etiam quando aliquis non potest ultra peccare

potest voluntatem mutare, ut nolit quod prius voluit, etiam si posset.

Ad tertium dicendum, quod in contritione sufficit propositum conditionatum satisfactionis, & confessionis, ut scilicet velit, si posset: & tale propositum etiam de impossibili esse potest.

SOLUTIO II.

Ad secundam quaestionem dicendum, quod quilibet sacerdos, quantum est de virtute clavium, habet potestatem indifferenter in omnes, & quantum ad omnia peccata; sed quod non possit omnes ab omnibus peccatis absolvere, hoc est quia per ordinationem Ecclesie habet iurisdictionem limitatam, vel omnino nullam habet. Sed quia necessitas legem non habet, ideo quando articulus necessitatis imminet, per Ecclesie ordinationem non impeditur quin absolvere possit, ex quo habet claves, etiam sacramentaliter; & tantum consequitur ex absolutione alterius sicut si a proprio sacerdote absolveretur. Nec solum a peccatis potest tunc a quolibet sacerdote absolvi, sed etiam ab excommunicatione, a quocumque sit lata: quia hac absolutio etiam ad iurisdictionem pertinet, quæ per legem ordinationis Ecclesie coarctatur.

Ad primum ergo dicendum, quod aliquis potest uti iurisdictione alterius ex eius voluntate: quia ex quæ iurisdictionis sunt, committi possunt. Unde quia Ecclesia acceptat ut quilibet sacerdos absolvere possit in articulo mortis, ideo ex hoc ipso quis iurisdictionis habet usum, quamvis iurisdictione careat.

Ad secundum dicendum, quod non oportet eum recurrere ad proprium sacerdotem, ut iterum a peccatis solvatur, a quibus in articulo mortis absolutus est, sed ut innotescat ei quod est absolutus. Nec similiter oportet quod absolutus ab excommunicatione ad iudicem vadat, qui alias absolvere potuisset, absolutionem petens, sed satisfactionem offerens.

Ad tertium dicendum, quod baptismus habet efficaciam ex ipsa sanctificatione materiz: & ideo a quocumque conferatur alicui, ille sacramentum recipit. Sed vis sacramentalis penitentiz consistit in sanctificatione ministris: & ideo ille qui laico constituitur, quamvis impleat quod ex parte sua est de sacramentali confessione, tamen sacramentalem absolutionem non consequitur: & ideo aliquid valet ei quantum ad diminutionem penæ quæ fit per confes-

sionis meritum, & penam; sed non consequitur diminutionem illam penæ quæ est ex vi clavium: & ideo oportet quod iterum sacerdoti confiteatur: & magis sic confessus decedens punitur post hanc vitam, quam si fuisset sacerdoti confessus.

SOLUTIO III.

Ad tertiam quaestionem dicendum, quod pena post remissionem culpæ exigitur, ut inæqualitas iniustitiæ commissæ ad æqualitatem reducat. Aequalitas autem quantitatem consequitur. Unde sicut ad ordinationem culpæ exigitur quod pena pro culpa inferatur; ita exigitur quod pro tanta culpa tanta pena. Et ideo cum peccatum inordinatum remanere non possit, quamvis reatus penæ sit diminutus per contritionem, & confessionem, & absolutionem, oportet quod adhuc in fine penitens quicumque satisfactionem non implet in hac vita, post hanc vitam puniatur, nisi tanta fuerit contritio quod totaliter a pena purgetur: quod quandoque contingere potest, ut supra dictum est (dist. xvii. art. 3. quaest. 2.)

Ad primum ergo dicendum, quod ille qui in fine vitæ penitet, non punitur post hanc vitam, quia non satisfecit quando satisfacere non potuit; sed quia peccavit, & quia satisfacere neglexit quando potuit: unde non sequitur quod Deus requirat ab homine ultra posse.

Ad secundum dicendum, quod iustitia assimilatur mensuræ, ut Philosophus in V. Ethic. (cap. viii. vel ix.), unde sicut in diversis terris sunt diversæ mensuræ rerum venalium, ita & diversæ penæ secundum iustitiam pro eisdem culpis inferuntur: & similiter pro eadem culpa gravius punitur quis in purgatorio quam in hac vita ratione alterius fori. Tamen illa aggravatio proportionaliter respondet penæ, cuius homo in hac vita reus erat: & hoc debet homo sibi imputare, quia illuc reservavit sibi penam pro culpa accipientem.

Ad tertium dicendum, quod mors naturalis est pena consequens originale peccatum, ut quasi iam in naturam sit versa, sicut originale peccatum: & ideo per mortem naturalem non purgatur aliquis de peccato actuali, sed per mortem illam bene potest purgari. Unde si aliquis mortem illam patienter sustineat, etiam si pro aliis criminibus sit illata, valet ad diminutionem penæ, & ad liberationem

a tota poena secundum quantitatem culpæ,
& patientiæ, & contritionis.

ARTICULUS II.

*Utrum poena temporalis, cuius reatus post
penitentiam manet, taxetur secundum
quantitatem culpæ.*

AD secundum sic proceditur. Videtur
quod poena temporalis, cuius reatus post
penitentiam manet, non taxetur
secundum quantitatem culpæ. Taxatur enim
secundum quantitatem delectationis
quæ fuit in peccato, ut patet Apoc. xviii.
7. *Quantum glorificauit se, & in deliciis
fuit, tantum date illi tormentum, & lu-
lam.* Sed quandoque ubi est maior delectatio,
est minor culpa: quia peccata carnalia
quæ plus habent delectationis quam
spiritualia, minus habent de culpa secundum
Gregorium. Ergo poena non taxatur
secundum quantitatem culpæ.

1. Præterea. Eodem modo aliquis obligatur
ad præcepta moralia in noua lege
sicut in veteri. Sed in veteri lege debebatur
pro peccatis poenitentia septem dierum,
ut scilicet septem diebus immundi
essent. Cum ergo in nouo testamento imponatur
poena septennis pro uno peccato
mortali, videtur quod quantitas pænæ non
respiciat quantitatem culpæ.

2. Præterea. Maius est peccatum homicidii
quam peccatum fornicationis in sacerdote:
quia circumstantia quæ sumitur
ex specie peccati, magis aggravat quam
quæ sumitur ex conditione personæ. Sed
laico pro homicidio imponitur septennis
poenitentia, sacerdoti pro fornicatione decem
annorum secundum canones. Ergo
poena non taxatur secundum quantitatem
culpæ.

4. Præterea. Maximum peccatum est
quod in ipsum corpus Christi committitur:
quia tanto grauius quis peccat, quanto
maior est in quem peccatur. Sed pro effusione
sanguinis Christi in sacramento altaris
contenti, iniungitur poenitentia quadraginta
dierum, vel parum amplius; pro
fornicatione autem simpliciter iniungitur poena
septennis secundum canones (causa
xxxii. cap. *Prædicandum*). Ergo quantitas
pænæ non respondet quantitati culpæ.

Sed contra. Iai. xxvii. 8. *In mensura
contra mensuram, cum abieci fuerit, (a)
indicabit eam.* Ergo quantitas iudicii pu-

nitionis peccati est secundum quantitatem
culpæ.

Præterea. Homo reducit ad æqualitatem
iustitiæ per penam inflictam. Sed hoc
non esset, si quantitas culpæ, & pænæ
non sibi responderet. Ergo unum alteri
respondet.

QUAESTIUNCULA II.

1. Ulterius. Videtur quod penitens non
sit debitor maioris pænæ quam illius quæ
a sacerdote est sibi iniuncta. Sacramentum
enim semper consequitur suum effectum,
nisi sit defectus ex parte recipientis, vel
ex parte conferentis. Sed quandoque imponitur
minor poenitentia quam sit condigna,
& non est defectus ex parte recipientis,
quia paratus esset omnem poenitentiam
sibi iniunctam facere; nec est defectus
ex parte conferentis sacramentum,
quia secundum conscientiam suam, & discretionem
talem penam taxat. Ergo videtur,
cum sacramentum poenitentiae sit ordinatum
contra peccatum totaliter destruendum,
& quantum ad penam, & quantum
ad culpam, quod non remaneat debitor
alicuius pænæ, poenitentia iniuncta perfecta.

2. Præterea. Deus est prouisor ad remittendum
penam quam ad exigendum. Sed
si iste sacerdos maiorem penam satisfactoriam
iniunxisset, poenitens obligaretur ad
eam faciendam. Ergo videtur quod si
insufficientem penam iniungat, non exigatur
aliquid amplius ab eo.

3. Præterea. In purgatorio aliquis grauius
punitur quam in hac vita. Si ergo
post peractam poenitentiam a sacerdote iniunctam
adhuc manet poena purgatorii, videtur
quod multum noceat sacerdos poenitenti
leuem poenitentiam iniungendo; & ita
videtur quod sit valde periculosum confessiones
audire, cum non de facili possit sciri
quantitas pænæ debite pro peccato; imo
sit impossibile, quia sacerdos non potest
scire neque quantitatem contritionis,
neque quantitatem affectionis quam peccator
habet in peccando.

Sed contra. Secundum quantitatem delicti
debet esse plagarum modus ex præcepto
legis (Deuter. xxv.) Si ergo minus
imponatur, residuum ab eo in purgatorio
exigetur.

Præterea. Error sacerdotis non potest
poenitenti prodesse. Prodesset autem, si
non teneretur ad plus quam sibi per errorem

(a) Vultis, indicabit.

rem imponit. Ergo videtur quod sic adhuc debitor maioris pœnæ.

QUAESTIUNCULA III.

1. Uterius. Videtur quod penam satisfactoriam non possit unus pro alio explere. Quia ad satisfactionem meritum requiritur. Sed unus pro altero non potest mereri, vel demereri, cum sit scriptum (Psal. lxi. 13.) *Tu (a) reddis unicuique secundum opera sua.* Ergo unus pro alio non potest satisfacere.

2. Præterea. Satisfactio contra contritionem, & confessionem dividitur. Sed unus pro alio non potest conteri, aut confiteri. Ergo nec satisfacere.

3. Præterea. Unus orando pro alio sibi meretur. Si ergo aliquis pro alio satisfacere potest, satisfaciendo pro alio, pro se satisfacit; & ita ab eo qui pro altero satisfacit, non exigitur alia satisfactio pro peccatis propriis.

4. Præterea. Si unus pro alio satisfacere potest, ergo ex quo unus sibi suscipit debitum pœnæ, alius statim a debito liberatur: ergo si moriatur postquam tota pœna sibi debita ab alio suscepta est, statim evolvabit; vel si adhuc puniatur, duplex pœna reddetur pro eodem peccato, scilicet illius qui satisfacere incipit, & illius qui punitur in purgatorio.

Sed contra. Galat. vi. 2. dicitur: *Alter alterius onera portate.* Ergo videtur quod unus possit unus penitentiam impositam pro alio suscipere.

Præterea. Caritas magis potest apud Deum quam apud homines. Sed unus potest apud homines pro alterius amore debitum eiusolvere. Ergo multo fortius hoc in divino iudicio fieri potest.

SOLUTIO I.

Respondeo dicendum ad primam questionem, quod pœna post dimissionem culpæ exigitur ad duo, scilicet ad debitum solvendum, & ad remedium præstandum. Potest ergo taxatio pœnæ considerari quantum ad duo. Primo quantum ad debitum; & sic quantitas pœnæ radicaliter responde: quantitati culpæ, antequam de ea aliquid dimittatur. Sed tamen quantum per primum eorum quæ nata sunt remittere penam, plus remittitur, secundum hoc per aliud minus remittendum, vel solvendum restat: quia quanto per contritionem plus de pœna dimissum est, tanto per confessio-

nem minus dimittendum restat. Secundo quantum ad remedium vel illius qui peccavit, vel aliorum; & sic quandoque pro minori peccato maior iniungitur pœna: vel quia peccato unus difficilior potest resisti quam peccato alterius; sicut iuveni pro fornicatione imponitur maior penitentia quam seni, quamvis minus peccet: vel quia in uno peccatum est periculosius, sicut in sacerdote, quam in alio: vel quia multitudo magis pronæ est ad illud peccatum: & ideo pro penam unus alii sunt exterrendi. Pœna ergo in foro penitentiarum quantum ad utrumque taxanda est: & ideo non semper pro maiori peccato maior penitentia imponitur. Sed pœna purgatorii solum est ad solvendum debitum, quia iam ulterius non manet locus peccandi: & ideo illa pœna taxatur solum secundum quantitatem peccati, considerata tamen contritionis quantitate, & confessione, & absolutione: quia per omnia hæc aliquid de pœna dimittitur. Unde etiam a sacerdote, iniungendo satisfactionem, sunt consideranda.

Ad primum ergo dicendum, quod in in verbis illis duo tanguntur ex parte culpæ, scilicet glorificatio, & delicta: quorum primum pertinet (b) ad elationem peccantis, qua Deo resistit; secundum ad delectationem peccati. Quamvis autem sit minor delectatio quandoque in culpa maiori, tamen est ibi semper maior elatio: & ideo ratio non procedit.

Ad secundum dicendum, quod illa pœna septem dierum non erat expiativa a pœna debita peccato: unde etiam si post illos dies moreretur, in purgatorio puniretur: sed expiabat ab irregularitate, a qua omnia sacrificia legalia expiabant. Nichilominus tamen ceteris paribus plus peccat homo in nova lege quam in veteri propter sanctificationem ampliore qua sanctificatur in baptismo, & propter beneficia Dei potiora humano generi exhibita: & hoc patet ex hoc quod dicitur Heb. x. 29. *Quanto putatis deterius mereri supplicia qui Filium Dei consuecaverit, & sanguinem testamenti pollutum duxerit, in quo sanctificatus est?* Nec tamen hoc est universaliter verum quod exigitur pro quolibet peccato mortali septennis penitentia: sed hoc est quasi quedam regula communis, ut in pluribus compens, quam tamen oportet dimittere, consideratis diversis peccatorum circumstantiis.

Ad

(a) Vulgata: *reddis unicuique secundum opera sua.* (b) Ad illud onera.

Ad tertium dicendum, quod Episcopus, vel sacerdos cum maiori periculo suo, & aliorum peccat: & ideo sollicitus retrahunt ipsum canones a peccato quam alios, maiorem penam iniungendo, secundum quod est in remedium, quamvis quandoque non debeat tanta ex debito: unde & in purgatorio non tota ab eo exigitur.

Ad quartum dicendum, quod pena illa est intelligenda, quando nolente sacerdote hoc accidit: si enim sponte effunderet, multo graviore pena dignus esset.

SOLUTIO II.

Ad secundam questionem dicendum, quod actus ministri bonus, vel malus nihil diversificat in efficacia sacramentorum. Unde siue sacerdos discrete se habeat in iniunctione penitentiae, siue non, nihil diversificatur quantum ad efficaciam absolutionis, & confessionis, & contritionis: & ideo siue discrete penitentiam iniungat, siue non, semper remanet reatus ad quantitatem eiusdem penam: & ideo si eam hic non explet, ab eo in purgatorio exigitur.

Ad primum ergo dicendum, quod quandoque iniungitur penitentia minor condigno, defectus est ex parte imponentis, vel ex parte recipientis. Sed quandoque potest esse sine culpa utriusque, sicut quando imponens debitam diligentiam adhibet, & recipiens paratus est ad implendum: & propter hoc non est inconveniens, si totaliter a reatu penae non liberetur.

Ad secundum dicendum, quod penitens cui maior condigno penitentia iniuncta est, renetur eam explere ex sacerdotis iniunctione, qui non solum debitum penae considerat, sed peccato remedium adhibet: unde post hanc vitam non exigitur ab eo tota, sed solum quantum sufficit ad debitum solvendum.

Ad tertium dicendum, quod sacerdos minorem condigno penitentiam iniungens, non semper peccat: tum quia non potest determinate quantitatem penae debita cognoscere, quamvis aliquid proprie considerat regulis patrum determinare possit: tum quia quandoque etiam ex industria minorem penitentiam imponens, plus prodest penitenti quam noceat, qui forte magnitudine penae posset a penitentia peragenda impediri propter debilitatem virtutis (a) adhuc in eo de novo recuperat: & ideo negligit minus damnum, ut maius evitet: & iterum paulatim confortatus in

eo divinus amor ad plura penitentiae operanda ipsum incitabit propria sponte quam sacerdos sibi secundum quantitatem peccatorum iniungere potuisset.

SOLUTIO III.

Ad tertiam questionem dicendum, quod pena satisfactoria est ad duo, scilicet ad solutionem debiti, & ad medicinam pro peccato vitando. In quantum est ad remedium sequentis peccati, sic satisfactio unius non prodest alteri: quia ex ieiunio unius caro alterius non domatur, nec ex actibus unius alius bene agere consuevit, nisi secundum accedens, in quantum aliquis per bona opera potest alteri mereri augmentum gratiae, quae efficacissimum remedium est ad peccatum vitandum. Sed hoc est per modum meriti magis quam per modum satisfactionis. Sed quantum ad satisfactionem debiti unus potest pro alio satisfacere, dummodo sit in caritate, ut opera eius satisfactoria esse possint. Nec oportet quod maior pena imponatur ei qui pro altero satisfacit, quam principali imponeretur, ut quidam dicunt, hac ratione moti, quia pena propria magis satisfacit quam aliena: quia pena habet vim satisfaciendi maxime ratione caritatis qua homo ipsam sustinet. Et quia maior caritas apparet in hoc quod aliquis pro altero satisfacit quam si ipse satisfaceret, ideo minor pena requiritur in eo qui pro altero satisfacit, quam in principali requireretur. Unde dicitur in vitis patrum, quod propter caritatem unius, qui alterius fratris sui caritate ductus, penitentiam fecit pro peccato quod non commiserat, alteri peccatum quod commiserat, dimissum est. Nec exigitur etiam quantum ad solutionem debiti quod ille pro quo fit satisfactio, sit impotens ad satisfaciendum: quia etiam si esset potens, alio satisfaciente pro ipso, ipse a debito immunis esset. Sed hoc requiritur in quantum pena satisfactoria est in remedium: unde non est permittendum ut aliquis pro alio penitentiam faciat, nisi defectus aliquis appareat in penitente vel corporalis, per quem sit impotens ad sustinendum, vel spiritualis, per quem non sit promptus ad portandum penam.

Ad primum ergo dicendum, quod primum essentiale redditur secundum dispositionem hominis: quia secundum capacitatem videntium erit plenitudo visionis di-

vinæ: & ideo sicut unus non disponitur

per

(a) vel ad hoc.

per actum alterius, ita unus alteri non meretur premium essentiale, nisi meritum eius habeat efficaciam infinitam, sicut Christi, cuius merito solo pueri baptizati ad vitam æternam perveniunt. Sed pena temporalis pro peccato debita post culpæ remissionem non taxatur secundum dispositionem eius cui debetur: quia quandoque ille qui est melior, habet maioris penæ reatum: & ideo quantum ad penæ dimissionem unus alteri mereri potest, & actus unus efficitur alterius, caritate mediante, per quam omnes unum sumus in Christo.

Ad secundum dicendum, quod contritio ordinatur contra culpam, quæ ad dispositionem bonitatis, vel malitiae hominis pertinet: & ideo per contritionem unus alius a culpa non liberatur. Similiter per confessionem homo se sacramentis Ecclesiæ subiicit. Non autem potest unus sacramentum pro alio accipere: quia in sacramentum gratia suscipiendi datur, non alii. Et ideo non est similis ratio de satisfactione, contritione, & confessione.

Ad tertium dicendum, quod in solutione debiti attenditur quantitas penæ: sed in merito attenditur radix caritatis: & ideo ille qui ex caritate pro alio meretur saltem merito congrui, etiam sibi magis meretur: non autem qui pro alio satisfacit, pro se satisfacit: quia illa quantitas penæ non sufficit ad utrumque peccatum: ramen sibi meretur maius quid quam sit dimissio penæ, scilicet vitam æternam.

Ad quartum dicendum, quod si ipsemet ad aliquam penitentiam se obligasset, non prius a debito esset immunis quam eam solvisset: & ideo penam ipse patietur, quamdiu ille satisfactionem pro eo fecerit: quam si non fecerit, tunc uterque est debitor illius penæ unus, pro commisso, alius pro omisso: & ita non sequitur quod peccatum unum bis puniatur.

ARTICULUS III.

Utrum per indulgentiam possit aliquid remitti de pena satisfactoria.

1. **A**D tertium sic proceditur. Videtur quod per indulgentiam non possit aliquid remitti de pena satisfactoria. Quia super illud II. Timoth. 11. 13. *Negare se ipsum non potest*, dicit Glossa (interlinealis.) "Quod faceret, si dicta sua non impletet." Sed ipse dixit Deut. xxv. 2.

(a) *Secundum mensuram delicti erit plagarum modus.* Ergo non potest aliquid remitti de pena satisfactionis taxata secundum quantitatem culpæ.

2. Præterea. Inferior non potest absolvere ab eo ad quod superior obligavit. Sed Deus absolvendo a culpa ligat ad penam temporalem, ut dicit Hugo de Sancto Victore (Lib. II. de sacramentis part. xiv. cap. 1. 11. & viii.) Ergo nullus homo potest absolvere a penâ illa, aliquid inde dimittendo.

3. Præterea. Hoc ad potestatem excellentiæ pertinet, ut sine sacramentis effectus sacramentorum tradatur. Sed nullus habet potestatem excellentiæ in sacramentis, nisi Christus. Cum ergo satisfactio sit pars sacramenti operans ad dimissionem penæ debitæ, videtur quod nullus homo purus possit dimittere debitum penæ sine satisfactione.

4. Præterea. Potestas ministris Ecclesiæ non est tradita in destructionem, sed in edificationem. Sed hoc ad destructionem pertinet, si satisfactio, quæ ad utilitatem nostram inducta est, in quantum remedium præbet, tolleretur. Ergo potestas ministrorum Ecclesiæ ad hoc non se extendit.

Sed contra. 11. Corinth. 11. 10. *Nam & ego quod donavi, si quid propter vos donavi, in persona Christi.* Glossa: "Id est ac, si Christus donasset." Sed Christus poterat relaxare absque omni satisfactione penam peccati, ut patet Ioan. viii. 2. de muliere adultera. Ergo & Paulus potuit: ergo & Papa potest, qui non est minoris potestatis quam Paulus fuit.

Præterea. Ecclesia generalis non potest errare: quia ille qui in omnibus exauditus est pro sua reverentia, dicit Petro, super cuius confessione Ecclesia fundata est: *Ego pro te rogavi, Petre, ut non deficiat fides tua:* Lucæ xxii. 32. Sed Ecclesia generalis indulgentias approbat, & facit. Ergo indulgentiæ aliquid valent.

QUAESTIUNCULA II.

1. Ulterius. Videtur quod non valeant tantum quantum pronuntiantur. Indulgentiæ enim non habent effectum nisi ex vi clavium. Sed ex vi clavium non potest habens clavem dimittere de penâ peccati, nisi aliquid determinatum, considerata quantitate peccati, & contritionis penitentis. Ergo cum indulgentiæ fiant pro libito instituentis indulgentiam: videtur quod non valeant tantum quantum pronuntiantur.

2. Præ.

(a) *Vulgata: Pro mensura peccati erit & plagarum.*

quam ponit Tullius, dividit in *magnanimitatem*, quæ est in sperando magna consequenda, ut magnos honore, & *fiduciam*, quæ est in consequendis honoribus mediocribus, ac huiusmodi, quam Philosophus innominatam dicit (IV. Ethic. cap. x. vel xii.) Item *perseverantiam* dividit in *firmitatem*, quæ facit permanentiam in opere, & *constantiam*, quæ facit permanentiam in proposito animi. Et addit etiam unam, scilicet *securitatem*, quæ timori opponitur: unde propinquius se habet ad veram fortitudinem; sed tamen differt a fortitudine, quia reprimat timorem non solum circa maxima terribilia quemadmodum fortitudo, sed etiam circa quæcumque. *Tolerantia* vero est idem quod *patientia*; *magnificentiam* autem proprio nomine ponit.

Ad primum dicendum, quod magnanimitas, quamvis non conveniat in materia cum fortitudine, convenit tamen in modo, ut dictum est.

Ad secundum dicendum, quod timiditas opponitur securitati, non autem fiducie, sed magis desperationi.

Ad tertium dicendum, quod constantia opponitur mutabilitati in facto aliquo.

SOLUTIO III.

Ad tertiam questionem (a) de partibus quas Philosophus ponit in III. Ethic. (ubi sup.) sciendum, quod sunt etiam partes potentiales, aliter tamen quam prædictæ: prædictæ enim partes a fortitudine deficiunt quantum ad difficultatem materie; sed ille quas Philosophus ponit, quantum ad rectitudinem motivi: & ideo non sunt virtutes, sed participant aliquid de virtute fortitudinis. Motivum autem ad actum fortitudinis potest esse triplex. Uno modo intentio boni, vel honesti; & sic fortitudinis virtus est vel alicuius temporalis boni, vel honoris, vel alicuius huiusmodi; & sic deficit a ratione virtutis, & est fortitudo quam nominat politicam. Alio modo ex hoc quod removetur faciens difficultatem in actu fortitudinis, scilicet magnitudo periculi: & hoc quidem removetur per ignorantiam, & sic est ultimus modus; & per spem vincendi, quæ potest ex duobus confluere: vel ex arte, sive exercitio, & sic est militaris fortitudo; vel experientia viatorum, sicut illi qui alias talia pericula evaserunt, & sic est penultimus modus. Tertio modo ex passione furoris, vel tristi-

S. Thom. Oper. Tom. XI.

tiz illatz, vel etiam timoris, vel desperationis; & sic est tertius modus.

Ad primum ergo dicendum, quod fortitudo politica dicitur ex motivo, quia scilicet aliquid bonum quod a civitatibus præstari fortibus solet, ad actum fortitudinis movet. Sic autem non dicuntur politicæ virtutes cardinales, sed inquantum in vita civili perficiunt.

Ad secundum dicendum, quod militaris fortitudo dicitur, quia eam consueverunt habere milites, qui habent exercitium, & artem bellandi: unde æquivocatur in militari, & politica.

Ad tertium dicendum, quod non est ignorantia de periculo omnino, sed de quantitate periculi: & ideo non tollit totaliter rationem fortitudinis, sed diminuit aliquid de laude eius.

SOLUTIO IV.

Ad quartam questionem de partibus quas alius Philosophus Græcus ponit, sciendum, quod sunt sere eadem cum illis quas ponit Macrobius. *Magnanimitatem* enim, & *magnificentiam*, & *perseverantiam* proprio nomine ponit, & eas sic diffinit. *Magnanimitas est habitus plus faciens communiter accedens pravis, & studiosis*. Magnanimus enim non est contentus vitæ prava, & facere bona secundum quod communiter sufficit, nisi excellentius faciat hoc: & ideo dicitur in IV. Ethic. (cap. vii. vel viii.) quod operatur magnum in omnibus virtutibus. *Magnificentia* vero est habitus superferens habentes ipsum, & elatione adimplens, inquantum scilicet effert propositum eius ad aliqua sumptuosa, & magna facienda. *Perseverantia* vero est scientia, vel habitus eorum quibus immanendum, idest bonorum, & non iactandum, idest malorum, voluntariorum, idest indifferentium. *Euphybia* autem, quæ secundum ipsum est robur anime ad perficiendum opera ipsius, videtur eisdem esse quod constantia, & præcipue in spiritualibus, quæ sunt opera animæ. *Lenia* autem, quæ secundum Philosophum est habitus promptus tribuens ad tolerare, & sustinere quæ ratio dicit, videtur idem quod patientia. *Virtutis* autem videtur idem quod fiducia, quam diximus differe a magnanimitate in hoc quod est communium bonorum, vel huiusmodi, cum magnanimitas sit magnorum, & quæ sunt mira ne-

Bbbb cess-

(a) Al. additur dicendum,

essitatem virtutis. *Virilias* autem secundum ipsum est *habitus per se sufficiens in his que sunt secundum virtutem, & de necessitate virtutis*: & sic differt virilitas a magnanimitate. Item ponit *andragathiam*, quæ est *virtus adinveniens communicabilium operum communiter*, scilicet iuxta magnificentiam, quæ tendit ad magna in communibus faciendis: & in hoc differt a Macrobio, qui hanc diffinitionem non ponit propter hoc quod videtur esse idem liberalitati, nisi quod intantum differat quod liberalitas respicit bonum singulare, sed andragathia bonum commune. Unde magis accedit ad magnificentiam: quia ea quæ indigent magnis sumptibus, maxime sunt ea quæ ad communitatem pertinent. Sed dicitur Philosophus omittit *securitatem*, quam Macrobius ponit: quia securitas videtur intrinseca fortitudini, ut dictum est.

Ad primum ergo dicendum, quod, sicut dictum est supra de perseverantia, quod potest esse specialis virtus, in quantum respicit specialem rationem obiecti, quamvis forte illa ratio possit inveniri in actibus diversarum, aut omnium virtutum, sicut est de magno quod respicit magnanimitas; ita etiam est dicendum de constantia, & eupsychia, quod idem est.

Ad secundum dicendum, quod promptitudo illa intelligitur, ut homo propter difficultatem terribilium non turbetur, quod ad patientiam pertinet: unde sicut patientia specialis virtus est, ita & lenia, quæ idem est.

Ad tertium dicendum, quod quamvis communicet cum iustitia quantum ad materiam, convenit tamen cum fortitudine quantum ad modum, sicut & magnificentia.

ARTICULUS IV.

Utrum religio, pietas, gratia, vindictio, observantia, veritas sint partes iustitiæ, sicut dicit Tullius.

2. 2. quæst. lxxx. art. 1.

1. **A**D quantum hæc proceditur. Videtur quod partes iustitiæ male assignentur a Tullio (de invent. Lib. II.) Assignat enim iustitiæ sex species, quæ sunt *religio, pietas, gratia, vindictio, observantia, veritas*: & videtur quod male. Quia Philosophus dicit in VIII. Ethic. (cap.

xi. vel xii.) quod servi ad dominum non potest esse iustitia. Sed Deus maxime Dominus est. Ergo cum religio sit hominis ad Deum, videtur quod non sit pars iustitiæ.

2. Præterea. Sicut latria debetur Deo, ita etiam dulia debetur homini. Ergo sicut religio, quæ est idem quod latria, ponitur pars iustitiæ, ita debet poni & dulia.

3. Præterea. Supra distinct. xi. dictum est, quod pietas est idem quod latria; latria autem idem quod religio. Ergo pietas non debet dividi contra religionem.

4. Præterea. Vindictio videtur pertinere ad vitium iræ, quæ est appetitus vindictæ. Ergo non debet poni pars virtutis.

QUÆSTIUNCULA II.

1. Ulterius. A Macrobio (Lib. I. de somnio Scipionis cap. viii.) ponuntur hæc partes. *Innocentia, amicitia, concordia, religio, pietas, (a) humanitas, affectus*: & videtur quod male. Quia innocentia omni peccato opponitur. Sed omni peccato non opponitur nisi virtus communis. Ergo & innocentia vel est virtus communis, vel sequens omnem virtutem: ergo non debet poni pars iustitiæ.

2. Præterea. Illud quod consequitur ad omnes virtutes, non debet poni alicuius virtutis pars. Sed amicitia est huiusmodi: quia veræ amicitie fundamentum est honestum. Ergo non debet poni pars iustitiæ.

3. Præterea. Philosophus in IX. Ethic. ponit circa amicitiam tria, scilicet beneficentiam, benevolentiam, & concordiam; a quibus omnibus dicit amicitiam differre. Ergo sicut posuit concordiam, ita debuit ponere alia duo.

4. Præterea. Affectus in omnibus moralibus requiritur. Ergo (b) non debet poni pars alicuius virtutis.

QUÆSTIUNCULA III.

1. Ulterius. Quidam ponunt quinque partes, quæ sunt *obedientia* respectu superioris, *disciplina* respectu inferioris, (c) *æquitas* respectu parium, *fides*, & *veritas* respectu omnium: & videtur quod male. Quia iustitia generalis, urdicitur in V. Ethic. (cap. xii. vel v.) attendit præcepta legis. Sed obedire est attendere præceptum. Ergo est idem quod iustitia generalis:

(a) *Al. bonitas.* (b) *Al. deus bon.* (c) *Al. æquitatem, fidem, & veritatem.*

ralis : ergo non est pars iustitiæ quæ est specialis virtus, sed magis e converso.

2. Præterea. Rigor ad iustitiam pertinet, sicut æquitas. Ergo sicut ponunt æquitatem, ita ponere debent rigorem.

3. Præterea. Fides est virtus theologica. Ergo non debet poni pars iustitiæ, quæ est virtus cardinalis.

4. Præterea. Veritas ad intellectum pertinet, iustitia autem magis ad voluntatem : quia, ut dicit Anselmus (dialogo de ver. cap. xlii.) est restitutio voluntatis propter se servata. Ergo videtur quod veritas non sit pars iustitiæ.

QUAESTIUNCULA IV.

1. Ulterius. Quidam dividunt iustitiam in *liberalitatem*, & *severitatem* : quam (a) dividunt in *benignitatem*, & *beneficentiam* : benignitatem vero in septem partes, scilicet *religionem*, *pietatem*, *innocentiam*, *amicitiam*, *reverentiam*, *concordiam*, *miseritordiam*. Et videtur quod non bene. Quia, ut dicit Philosophus V. Ethicor. (cap. xv.) virtuosus est diminutivus penarum. Sed severitas dicit huiusmodi oppositum. Ergo non est pars virtutis.

2. Præterea. Liberalitas dat alicui quod est proprium dantis. Sed iustitia dat alteri quod suum est, & ei debuit. Ergo liberalitas non est pars iustitiæ.

3. Præterea. Misericordia est passio, ut dicit Philosophus in II. Eth. (cap. v.) Sed nulla passio est virtus, nec pars virtutis. Ergo misericordia non est virtus, nec pars eius.

QUAESTIUNCULA V.

1. Ulterius. Philosophus in V. Ethic. (cap. iv.) dividit iustitiam in *legalem*, & *specialem*, quæ est æqualitas quædam in bonis, & malis exterioribus : quam dividit in *distributivam*, & (b) *commutativam*. Dividit etiam iustum in *politicum*, *paternum*, & *uxorium* : politicum autem in *legalem*, & *naturalem*. Poni etiam circa iustitiam, (c) *epicieiam*, & *iustitiam metaphoricam*. Et videtur quod male. Species enim non debet dividi contra genus. Sed iustitia particularis est species iustitiæ legalis. Ergo non debet dividi contra eam.

2. Præterea. Iustitia dirigimur in his quæ ad alterum sunt. Sed omnis operatio unius ad

alterum (d) commutatio quædam est. Ergo iustitia commutativa non debet poni pars iustitiæ specialis, sed idem ei.

3. Præterea. Iustum politicum videtur ad iustitiam legalem pertinere. Ergo non debet poni pars iustitiæ specialis.

4. Præterea. Paternum, & dominativum, & uxorium non videtur differre nisi secundum materiam. Ergo non debet distinguere iustum per prædicta.

5. Præterea. Epicieia, ut ipse dicit, est aliquid melius iustitia. Ergo magis debet iustitia poni pars eius quam e converso.

QUAESTIUNCULA VI.

1. Ulterius. Quidam (e) Philosophus Græcus (Andronicus) dicit, quod familiaris iustitiæ sunt *liberalitas*, *benignitas*, *vindictiva*, *eugnomosine*, *eusebia*, *eucharistia*, *sanctitas*, *bona commutatio*, *legis positiva* : & videtur quod male. Ipse enim dicit, quod eugnomosine est voluntaria iustificatio. Sed hoc necessarium est in omni iustitia, ut volens quos operetur, ut dicitur in V. Ethic. (cap. xi. vel xiv.) Ergo non est pars iustitiæ, sed idem sibi.

2. Præterea. Ad eucharistiam secundum ipsum pertinet quibus sit facienda gratia, & a quibus accipienda. Sed hoc videtur ad liberalitatem pertinere, cuius est gratitribuere. Ergo non debet dividi contra liberalitatem.

3. Præterea. Secundum ipsum sanctitas est scientia faciens fideles, & servantes quæ ad Deum sunt iusta. Sed hoc ad eusebiam pertinet, sive ad religionem. Ergo non debet dividi contra eusebiam.

4. Præterea. Philosophus ponit in VI. Ethicor. (cap. vii. vel viii.) legis positivam speciem politicæ, quam ponit idem prudentiæ. Ergo legis positiva magis pertinet ad prudentiam quam ad iustitiam.

SOLUTIO I.

Respondeo dicendum ad primam questionem, (f) quod iustitia in hoc differt a temperantia, & fortitudine, quod illæ moderantur passiones intrinsecas, sed iustitia moderat extrinsecas operationes : unde Philosophus dicit (V. Ethic. cap. iiii. vel iv.) circa operationes iustitiam esse. In adulterio enim, secundum quod est contra iustitiam, attenditur usus inordinatus, scilicet

Bbbb a rei

(a) Scilicet liberalitatem. (b) Id. communicativam. (c) Id. epicieiam. (d) Id. licet, & incipit communicatio, & communicativa. (e) Vide 2. 2. quæst. lxxx. art. 2. argum. q. ubi sumitur citat. (f) Id. additur sciendum.

rei alienæ; secundum autem quod opponitur temperantiæ, attenditur concupiscentia non refrenata sub debito rationis. Moderatio autem actionum exteriorum ex duobus regulatur. Primo per comparationem operationis ad ipsum operantem; & sic eiusdem rationis est regulatio exteriorum operationum, & interiorum passionum, quæ ad exteriores inclinant operationes. Alio modo per comparationem ad alium; & in hoc est iam alius modus regulandi: & ideo exigitur alia virtus; & hoc proprie ad iustitiam pertinet: unde ab eodem actu, scilicet percussione alicuius, retrahit mansuetudo, scilicet secundum quod procedit ex passione interiori, & iustitia in ordine ad alium. In omni autem moderatione oportet quod illud quod moderatur, mensuratur, sive regulatur alicui adæquetur. Unde sicut moderatio passionum est adæquatio ipsarum ad rationem; ita moderatio exteriorum actionum, secundum quod sunt ad alterum, est quod adæquantur illi ex comparatione ad quem moderantur. Et hæc quidem adæquatio est quando ei redditur quod, & quantum ei debetur: & hæc adæquatio proprius modus iustitiæ est. Unde ubicumque invenitur ista adæquatio complete, est iustitia quæ est virtus specialis; & omnes virtutes in quibus salvatur, sunt partes subiectivæ iustitiæ. Ubi autem ista adæquatio non secundum totum salvatur, sed secundum aliquid, reducitur ad iustitiam ut pars potentialis, aliquid de modo eius participans. Ista autem adæquatio tria completur, ut ex dictis patet, scilicet ut sit ordinatum ad alterum; ut sit ei debitum, alias superextenderet actio eum ad quem fit; & ut tantum reddatur quantum debetur, alias deficeret in minus. Sunt autem quædam virtutes quibus redditur alteri quod debetur ex necessitate legis, non tamen tantum, quia impossibile est; sicut in honore qui est ad Deum, quod facit religio; & qui ad parentes, & ad patriam, quod facit pietas. Unde istæ virtutes deficiunt quidem a iustitia, & sunt partes eius potentialis, & propinquissime se habent ad ipsam. Quædam vero sunt quibus redditur alteri quod debetur non ex necessitate legis, sed quadam honestate, sicut Philosophus dicit in VIII. Ethic. (cap. ult.) sicut gratia, quæ est retributio beneficiorum, secundum Tullium, misericordia, & humilmodi: & hæc virtutes aliquantulum magis distant a vera iustitia. Quædam autem vir-

tutes sunt quibus hoc circa quod principaliter est virtus, ordinatur ad alterum, non tamen secundum rationem debiti, sicut liberalitas: & hæc adhuc magis distant a vera iustitia. Quædam vero hoc circa quod est virtus non principaliter, sed secundario, ordinant ad alterum; sicut quædam fortitudo actum exteriorem, circa quem secundario est, ordinat ad alterum ut ad bonum gratiæ; & sic induit quodammodo formam iustitiæ; & sic omnis virtus potest reduci ad iustitiam: unde iustitia legalis est idem quod omnis virtus in V. Ethic. (cap. 11. vel 111.) Quantum ad passionem autem, circa quas principaliter sunt illæ virtutes, nihil possunt habere de modo iustitiæ, eo quod per passionem immediate homo non ordinatur nisi ad seipsum; tamen per quamdam similitudinem est ibi quædam forma iustitiæ, secundum quod diversæ vires computantur ut diversæ personæ: unde sic est iustitia metaphorica, de qua Philosophus loquitur in V. Eth. (cap. ult.) Ex dictis igitur potest patere de facili, qualiter omnes partes a Philosophia assignatæ, sunt partes iustitiæ; quia inter partes quas Tullius ponit, vindictio, & observantia sunt partes subiectivæ veræ iustitiæ: quia vindictio reddit malum debitum, observantia autem bonum ad quod se obligavit. Vindictio enim secundum eum est virtus, quæ vis, aut iniuria, & omne quod obfuturum est, defendendo, & ulciscendo propulsatur. Religio autem quæ est ad Deum, & pietas quæ est ad parentes, & coniunctos sanguine, vel patriam, sunt partes potentialis, sed propinquæ: quia reddunt quod debent, & ex obligatione legis, sed non quantum, quia impossibile est. Has autem sic diffinit. *Religio est quæ superiori cuidam nature, quam divinam vocant, curam, ceremoniamque offert: & dicitur a religendo secundum Isidorum (Lib. VIII. cap. 11.) vel secundum Augustinum (de vera religione cap. 1.) a reeligendo Deum quem amiseramus. Pietas vero est per quam sanguine coniunctis, patriæque (a) benevolis officium, & diligens tribuitur cultus. Gratia autem, & veritas reddunt quod debent ex quadam honestate, quæ fit ut homo gratiam beneficio impendat (quamvis non possit ad id in iudicio cogi) & quod talem se in dictis, & factis exhibeat qualis est, quod ad veritatem pertinet: de qua Philosophus etiam determinat in IV. Eth. (cap. xiv.) Est enim gratia in qua*

(a) Alii benevolentia officium.

amicitiarum, & obsequiorum alterius memoria, & remunerandi voluntas continentur.

Ad primum ergo dicendum, quod obiectio illa probat quod religio non sit pars subiectiva iustitiæ; non autem quod non sit pars potentialis propinqua.

Ad secundum dicendum, quod sicut pietas quæ principaliter debetur parentibus, se extendit ad omnes sanguine coniunctos, inquantum ex eisdem parentibus descendunt, & ulterius ad compatriotas, inquantum communicant in natali solo; ita religio, quæ Deo debetur, se extendit quodammodo ad eos qui Dei imagine sunt insigniti: unde religio, & dulcia sunt in proximo genere: & ideo sub una comprehenditur a Tullio altera.

Ad tertium dicendum, quod pietas alio modo sumitur hic quam ibi.

Ad quartum dicendum, quod vindicare ex parte desiderio, vitiosum est; sed ex sola iustitia, & secundum ordinem iuris, iustitiæ est.

SOLUTIO II.

Ad secundam questionem de partibus quas ponit Macrobius, sciendum, quod una est pars subiectiva iustitiæ proprie dictæ, scilicet *innocentia*, ut nullus alteri quod suum est, auferat, & condidit contra illam partem quæ unicuique reddit quod debet. Aliæ vero sunt partes potentiales, quarum duæ sunt respectu superioris, scilicet *religio, & pietas*, ut reddant debitum, non tantum. Aliæ vero quatuor reddunt debitum ex honestate; & hoc vel æquali, & sic est *amicitia*, de qua Philosophus in IV. Ethic. (cap. xiv.) qua nostris operibus congruenter ad alios utimur, & *concordia*, qua (a) operibus aliorum auxilia prestamus; (b) vel respectu inferiorum, quibus quantum ad affectum interiore impendimus ex debito honestatis *humanitatem*, & quantum ad exterius (c) *affectum* subventionis.

Ad primum ergo dicendum, quod innocentia hic sumitur stricte secundum quod privat nocumentum alteri illatum.

Ad secundum dicendum, quod amicitia hic sumitur non sicut in VIII. Eth. (cap. 11.) quæ consistit principaliter in affectu, sed ut in IV. (cap. xiii.) quæ consistit principaliter in affabilitate exteriori, quæ habetur etiam ad extraneos.

Ad tertium dicendum, quod beneficen-

tia includitur in humanitate, benevolentia autem in affectu.

Ad quartum dicendum, quod affectus hic sumitur stricte pro affectu subventionis, & compassionis ad alterum.

SOLUTIO III.

Ad tertiam questionem de partibus aliis sciendum est, quod videtur esse subiectivæ iustitiæ proprie dictæ: quia ex obligatione legis tenetur homo ut superiori obediat, ut inferiori suæ curæ commissio disciplinam exhibeat, & ad æquales etiam, & ad omnes servet æqualitatem in rebus, fidem in factis, quæ est idem quod observantia, & veritatem in dictis, si tamen veritas sumatur ea quæ est in confessionibus iudicii; alias si sumeretur sicut supra, esset pars potentialis iustitiæ.

Ad primum ergo dicendum, quod obedientia, secundum quod attendit principaliter rationem præcepti, est specialis virtus: unde etiam obedit in illis quæ ad alias virtutes non pertinent: sed secundum quod ex consequente respicit præceptum, & bonum virtutis principaliter in eo quod facit, sic est consequens ad omnes virtutes.

Ad secundum dicendum, quod hic sumitur æquitas secundum æqualitatem simpliciter, quæ est in rebus (d) commutabilibus; unde includit severitatem, sive rigorem, inquantum servat formam legis in his ad quæ legis intentio se extendit, & æquitatem, quæ, dimissa forma legis, intentionem ipsam sequitur.

Ad tertium dicendum, quod fides hic sumitur pro fidelitate, non secundum quod est virtus theologica.

Ad quartum dicendum, quod veritas hic sumitur, secundum quod est in signo exteriore, vel verbo, vel quocumque alio.

SOLUTIO IV.

Ad quartam questionem de aliis partibus a quibusdam aliis assignatis, sciendum est, quod in idem incidunt cum partibus prius tactis: quia *severitas*, secundum quod hic accipitur, idem est quod vindictio; & dividitur contra omnes alias partes iustitiæ, quia ipsa sola malum reddit. *Liberalitas* autem valde large sumitur pro quolibet boni exhibitione, vel debiti, vel non debiti, vel in affectu, vel in effectu: unde

(a) *M.* ex operibus.

(b) *M.* & respectu

causabilibus.

(c) *Niclas* effectum.

(d) *M.* communi-

de dividitur in *beneficentiam*, & *benefolentiam*, & hic etiam largissime accipiuntur huiusmodi. Unde dividitur beneficentia in septem partes, quæ omnes comprehensæ sunt in superioribus partibus: quia *miserericordia* comprehenditur in affectu, *reverentia* verò, quæ videtur idem quod *dulia*, comprehenditur sub religione, ut prius dictum est, & etiam sub pietate.

Ad primum ergo dicendum, quod virtuosus diminuit penam quam (a) debet servata intentione legis, non tamen contra legem.

Ad secundum dicendum, quod liberalitas largè hic accipitur, ut dictum est.

Ad tertium dicendum, quod aliquæ passionis, quamvis proprie loquendo non sint virtutes, tamen inquantum sunt laudabiles, habent aliquid de ratione virtutis; sicut misericordia, & verecundia, & præcipue secundum quod est ibi electio.

SOLUTIO V.

Ad quintam questionem de aliis partibus quas Philosophus ponit in V. Ethic. dicendum, quod divisio Philosophi completur omnia ad quæ vera iustitia habet se extendere: & ideo ponit *iustitiam metaphoricam*, in qua salvatur similitudo tantum iustitiæ, & *legalem*, quæ ordinat ad alterum etiam circa id quod non principaliter est virtus, si illud sit ordinatum a lege: & in idem reducitur *epieicia*, quæ differt a iustitia legali in hoc quod servat intentionem legis in his ad quæ forma legis se non extendit: & similiter *dominativum*, & *paternum iustum*, in quibus redditur debitum, sed non tantum: & iterum *distributiva*, & *commutativa*, quæ sunt partes subiectivæ iustitiæ specialis. *Legale* autem, & *principale iustum* non dividunt iustitiam, sed illud ex quo est obligatio debiti, & iustitiæ: quia vel est ius naturale, vel positivum.

Ad primum ergo dicendum, quod species potest dividi contra genus divisione quæ est nominis æquivoci in sua significata.

Ad secundum dicendum, quod commutatio proprie est, quando ex mutuis operibus fit aliquid alicui debitum; sicut ex hoc quod unus laboravit in vinea alterius, alter constituitur sibi debitor in tanto, quantum valet labor eius; & in his dirigit commutativa iustitia. Est enim æqualitas in ea commutationis: quia quantum unus

dedit alteri, debet tantum ab eo recipere: & propter hoc etiam commutativa dicitur. Sed in distributiva non attenditur æqualitas recipientis ad eum qui dat, sed ad alium qui etiam recipit: unde non est ibi æqualitas commutationis, sed distributionis: & propter hoc dicitur distributiva, non commutativa.

Ad tertium dicendum, quod politicum tribus modis dicitur. Uno modo secundum quod respicit civilem vitam; & sic omnes virtutes morales quandoque dicuntur politice. Alio modo secundum quod in vita civili ex civili ordinatione dirigitur quis; & hoc modo dicitur etiam iustitia particularis politica, inquantum dirigit in commutationibus secundum civilia statuta: & tunc dividitur *politicum iustum* contra *dominativum*, & *uxorium*, & huiusmodi: quia lex se extendit ad dirigendum in his, cum servus sit res domini, & filius patris, & uxor viri. Unde directio in his magis est secundum æconomicam prudentiam, quam secundum civilia statuta. Tertiò modo dicitur politicum a vita civili, & civilibus statutis, & ulterius ex intentione communis boni; & sic politicum pertinet ad iustitiam legalem.

Ad quartum dicendum, quod in his tribus est diversa ratio regendi, secundum quod ille ad quem est iustitia, minus vel magis est in potestate alterius: & ideo *uxorium iustum* magis convenit cum *insto politico* quam *paternum*, & *paternum* quam *dominativum*: quia magis appropinquat ad æqualitatem uxor viri quam filius patris, & quam servus domini. Unde non est differentia tantum secundum materiam, sed etiam aliquo modo formalis.

Ad quintum dicendum, quod epieicia adiungitur legali iustitiæ, & circa eadem est, quamvis non ex eodem dirigit: quia legalis dirigit in scripto legis, sed epieicia ex intentione legislatoris: & quamvis sit excellentior quam iustitia legalis, non tamen potest dici cardinalis: tum quia est in supplementum legalis iustitiæ, & etiam quodammodo præsupponit illam: tum quia est idem omni virtuti aequaliter, sicut & legalis iustitia.

SOLUTIO VI.

Ad sextam questionem de aliis partibus sciendum est, quod assignatio illius Philosophi non differt a prædictis assignationibus nisi in duobus. Primo quia dividit religionem.

nem in *insepiam*, quæ ordinat ad Deum in cultu qui exhibetur in profectione servitutis, sicut sacrificia, & huiusmodi: unde dicit, quod est *scientia Dei famulatus*: & *sanctitatem*, quæ ordinat ad Deum in omnibus aliis operibus vite: unde dicit, quod sanctitas est *scientia faciens fideles*, & *servantes quæ ad Deum infla sunt*. Secundo quia assignat partes subiectivas iustitiæ alio modo: quia iustitia & est in iudice sicut in regulante, & est in aliis sicut in regulatis. Ad iudicem autem duo pertinent: unum est quod æqualitates in aliis faciat, & ad hoc est *legis positiva*; aliud est ut in æqualitatem facientes puniat, & ad hoc est *vindicativa*. Ex parte autem aliorum similiter duo requiruntur ad iustitiam. Unum est quod æqualitatem in contrahendo servant, quia æqualitatem iustitiæ distributivæ servare non est subditorum qui recipiunt, sed superioris qui distribuit: & ad hoc est, *bonæ commutatio*. Aliud est quod si quando æqualitatem prætereunt, ad eam voluntarie revertantur: & ad hoc est, *eugnomasie*, id est, voluntaria iustificatio. Aliæ autem partes supra posite sunt: *liberalitas* quidem, & *benignitas* etiam per nomina; *eucharistia* autem idem est quod gratia, quæ etiam supra posita est: est enim secundum ipsum *eucharistia scientia eius quod est, quibus, & quando impendendum gratiam, & qualiter, & a quibus sumendum*: Ponitur autem in diffinitione dictarum virtutum scientia, secundum quod omnes virtutes morales participant aliquid rationis, & prudentiæ: unde Socrates omnes virtutes dicebat esse scientias, ut dicitur VI. Ethic. (cap. XVII.)

Ad primum ergo dicendum, quod voluntaria iustificatio accipienda est hic non quælibet, sed in determinato modo, ut dictum est.

Ad secundum dicendum, quod impendere gratiam accipitur hic pro rependere ratione beneficii accepti: & sic patet quod non est idem quod liberalitas.

Ad tertium dicendum, quod iam patet distinctio sanctitatis, & eusebius ex his quæ dicta sunt: unde sanctitas eodem modo comparatur ad omnes virtutes, sicut & iustitia legalis: quia sicut iustitia legalis operatur actus omnium virtutum propter bonum commune, ita sanctitas propter Deum.

Ad quartum dicendum, quod politica æquivocatur & ad cognitionem prudentiæ, & ad executionem iustitiæ: & similiter legis positiva quæ est pars politicæ, ut ipse ibidem dicit.

EXPOSITIO TEXTUS.

IN quo habuerunt usus eosdem. Virtutes enim quæ consistunt circa passiones illatas, habuerunt eundem usum in Christo quem in nobis propter passibilitatem corporis. Habuerunt etiam usum quem habent in patria propter perfectionem animæ. Sed de virtutibus quæ sunt circa passiones innatas, secus est: quia istæ passiones in Christo non fuerunt, ut necessarium esset eas per virtutes cohibere: unde etiam tentari potuit ab hoste, sed non a carne.

Sed alias usus habebant. Ergo sunt alie virtutes: quia habitus distinguuntur per actus. Et dicendum, quod sicut motus ad terminum, & quies in termino pertinent ad eandem virtutem naturalem, ita quies in fine non requirit alium habitum quam motus tendens in finem ipsum. Et hoc modo diversificantur actus virtutum in via, & in patria.

DISTINCTIO XXXIV.

De septem donis Spiritus sancti.

NUnc de septem donis Spiritus sancti agendum est: ubi prius considerandum est, an hæc dona virtutes sint; secundo an in futuro desitura sint, vel omnia, vel horum aliqua; deinde an in Christo fuerint cuncta hæc dona. Hæc dona virtutes esse, nec in futuro desitura, Ambrosius ostendit (Lib. I. de Spiritu sanct. cap. xx.) ea septem fore virtutes dicens, & in Angelis abundantissime esse, sic. „Civitas Dei illa Hierusalem cælestis, non meatu alicuius fluvii terrestis

„(1)

(1) alluitur; sed ex vitæ fonte procedens Spiritus sanctus, cuius nos brevi satiamur haustu, in illis cælestibus spiritibus redundantius videtur effluere, pleno septem virtutum spiritualium fervens meatu. Si enim fluvius riparum crepidinibus editis superflus exundat, quanto magis Spiritus omnem supereminens creaturam, cum nostræ mentis (2) arva tamquam inferiora perstringat cælestem illam Angelorum naturam effusiore quadam sanctificationum ubertate lætificat? Deinde sanctificationes exponens, subdit. „His autem sanctificationibus significatur plenitudo septem spiritualium virtutum, quas numeravit Isaias (cap. xl. 2.) dicens: Spiritus sapientiæ, & intellectus, & consilii, & fortitudinis, scientiæ, & pietatis, & timoris Domini. Unum est ergo flumen, sed multi spiritualium donorum meatus. Quamvis ergo multi dicantur spiritus, ut spiritus sapientiæ, & intellectus &c. unus est, tamen Dei spiritus, suæ libertatis arbiter, omnia pro auctoritate voluntatis dividens singulis. „Hic expresse traditum est septem dona & virtutes esse, sanctificationesque fidelium mentium, & in futuro non desitura, cum sint & in Angelis.

Quod in Christo fuerint illa septem dona.

IN Christo etiam hæc eadem fuisse Isaias ostendit dicens (cap. xl. 1.) „Egre-
diatur virga de radice Iesse, & flos de radice eius ascendet, & requiescet super eum spiritus Domini, spiritus sapientiæ, & intellectus, spiritus consilii, & fortitudinis, spiritus scientiæ, & pietatis: & replebit eum spiritus timoris Domini.“

Quod videtur obviare præmissis.

His autem videtur obviare quod Beda de timore Domini dicit super parabolas (vel Proverb. cap. 1.) scilicet quod omnis timor in futuro cessabit. Ait enim sic super illum locum, „Timor Domini principium sapientiæ.“ „Duo sunt timores Domini: servilis, qui principium est sapientiæ; & amicalis, qui perfectionem sapientiæ comitatur. Servilis principium sapientiæ est, quia qui post errata sapientie incipit, primo timore corripitur divino, ne puniatur; sed hunc perfectæ caritas foras mittit. Succedit huic timor Domini sanctus permanens in sæculum sæculi, quem non excludit caritas, sed auget; quo timor filius, ne vel in modo dico oculos amatissimi patris offendant. Uterque in futuro cessabit, caritas vero numquam excidet.“ Augustinus quoque super locum Psal. (v.) „Adorabo ad templum sanctum tuum in timore tuo,“ timorem Dei desitutum dicit, sic, „Timor Domini est magnum præsidium proficientibus ad salutem; sed pervenientibus foras mittitur. Non enim timentiam amicum, si ad id quod (3) promissum est, perducti fuerint.“ Ex his auctoritatibus significatur, quod timor non erit in futuro. Si autem timor non fuerit in futuro, ergo nec septem dona erunt, nec modo sunt in Angelis, vel in animabus sanctis. Ad quod dicimus, auctoritatum præmissarum quæ videtur repugnantiam dicimur, quod septem dona illa & in Angelis modo sunt, & in animabus sanctis feliciter viventibus, & in nobis erunt in futuro; sed non habebunt omnino hos usus, si hæc officia quæ nunc habent. Ut, verbi gratia, timor filialis modo facit timere ne offendamus quem diligimus, & ne separemur ab eo, facit etiam nos revereri eundem; in futuro vero faciet nos revereri, quando non timebimus separari, vel offendere. Non ergo metus separationis, vel offensionis nunc est in Angelis, & in animabus sanctis, nec in nobis erit in futuro; sed reverentia, quæ est mixta cum subiectione dilectio: quæ etiam in Christo fuit, sicut Apostolus dicit in Epistola ad Hebræos (cap. v. 7.) loquens de Christo: „Qui exauditus est pro sua reverentia.“ Quidam tamen secundum effectum timorem in Christo, & in Angelis tantum esse contendunt.

Plena

(1) *all.* abluatur. (2) *all.* arcus. (3) *all.* reprobationem est.

enim culpæ in hoc sæculo relaxantur; quædam vero (1) etiam in futuro; quæ quidem post mortem gravant, sed dimittuntur, (2) si digni sunt, si bonis actibus in hac vita meruerint ut dimittantur eis. De illis etiam qui ædificant lignum, fenum, stipulam, dicit Augustinus, quod ignem tribulationis transitorie invenient cremabilia ædificia, quæ secum portaverunt, cremantem. Ait enim sic (Lib. XXI. de Civit. Dei cap. xxvi.) „ Post istius sane corporis mortem, donec de igne purgatorio veniat ad diem damnationis, & remunerationis, si hoc temporis intervallo spiritus defunctorum qui ædificaverunt lignum, fenum, stipulam, huiusmodi ignem dicantur perpeti, quem alii non sentiunt qui huiusmodi ædificia „ (3) non portaverunt, ut invenient ignem transitorie tribulationis venialia con- cremantem; non redarguo, quia forsitan verum est. Sed quia dicitur: Salvus erit quasi per ignem (I. Corinth. 112. 15.) contemnitur ille ignis. Gravior tamen erit ignis ille quam quidquid potest homo pati in hac vita. “ Hic aperte insinuat, quod illi qui ædificant lignum, fenum, stipulam, quædam cremabilia ædificia, id est venialia peccata, secum portant, quæ in igne emendatorio cremantur. Unde constat quædam venialia peccata post hanc vitam deleri.

Quod alii citius, alii tardius purgantur in igne.

IN illo autem igne purgatorio alii tardius, alii citius purgantur, secundum quod illa pereuntia magis, vel minus amaverunt. Unde Augustinus (in Enchiridio cap. lxi. x.) „ Post hanc vitam incredibile non est nonnullos fideles per ignem, quemdam purgatorium, quanto magis, minusve bona pereuntia dilexerunt, tanto tardius, citiusque salvari. . . . * Unde non frustra illa tria distinxit Aposto- lus, lignum, fenum, stipulam, quæ illi ædificant qui etiam aliena non rapiunt, rebus tamen infirmitati concessis aliqua dilectione inhærent: qui secundum suos, amandi modos, vel diutius, ut lignum, vel minus, ut fenum, vel minimum, ut stipulam, ignem sustinebunt. . . . * Qui vero superædificant aurum, argentum, lapidem pretiosum, de utroque igne securi sunt, non solum de illo æterni, qui cruciaturus est impios in æternum, sed etiam de illo emendatorio, quo purgabuntur quidam salvandi. “

Oppositio.

Hic obijci potest. Si per lignum, fenum, stipulam venialia intelliguntur peccata; & nullus adeo perfectus est qui venialiter non peccet: ergo qui ædificant aurum, argentum, lapidem pretiosum, ædificant etiam lignum, fenum, stipulam: ergo per ignem transibunt. Ad quod dicimus, quia non omnis qui venialiter peccat, lignum, fenum, stipulam ædificat, sicut e converso non omnis qui contempletur Deum, & diligit proximum, & opera bona facit, ædificat aurum, argentum, lapidem pretiosum: & tamen in auro intelligitur contemplatio Dei, in argento dilectio proximi, in lapide pretioso bona opera. Sed illi qui ædificant lignum, fenum, stipulam, Deum contemplantur, & proximum diligunt, & opera bona faciunt; nec tamen ædificant aurum, argentum, lapidem pretiosum. Hæc enim ædificat qui sic illa tria facit ut cogitet quæ sunt Dei, & quomodo pareat Deo, non mundo. Lignum vero, & fenum, & stipula accipi possunt sæcularium rerum quamvis licite concessarum tales cupiditates, ut amitti sine animi dolore non possint. Hæc ergo ædificat is qui cogitat quæ mundi sunt, & quomodo placeat mundo: qui circa divitias suas quodammodo carnali affectu tenetur, & tamen ex eis multa beneficia facit, nec pro eis aliquid fraudis, vel rapinæ molitur.

S. Tb. Oper. Tom XII.

Cccc

tur.

(1) *Id. Superfluæ pœnæ.* (2) *Necesse si digni sunt qui eas commiserint, & si bonis actibus &c.*
(3) *Id. deest non.*

E X E D I T. P. N I C O L A I.

* Et in Psalm. lxxx. ** Et iterum in Psalm. xxxvii.

tur. * Ex his ergo patet quod non idem homo simul hæc, & illa ædificat. Illa enim ædificatio perfectiorum tantum est, qui non cogitant placere mundo, sed tantum Deo: qui etsi venialiter aliquando peccant, fervore tamen caritatis ita abluuntur in eis peccatum, sicut gutta aquæ in camino ignis: & ideo numquam secum portant cremabilia. Hæc autem inferior ædificatio minorum est, qui non tantum Deo, sed etiam mundo placere cogitant, Deum tamen præponunt. Si vero mundum præponerent, non superædificarent, sed destruerent fundamentum. Affectiones ergo carnales, quibus dediti sunt domibus, coniugibus, possessionibus, ita ut nihil præponant Christo, illis tribus significantur quæ in mentes perfectiorum non cadunt, etsi alia venialia admittant. In cordibus vero minorum interdum durant usque in finem; qui cum talibus ædificiis transeunt, sed dissolventur in igne. Ipsi vero merito fundamenti salvi erunt, gravissimam tamen pœnam sentient. Ex quo apparet quantam hic misericordiam exhibet Deus, & quantam ibi exerceat severitatem, cum pro eodem peccato multo gravius ibi puniat quam hic.

Opinio quorundam cum obiectione.

Sed forte dices, illud esse accipiendum de pœna peccati, non de ipso peccato, quod Gregorius dicit (Lib. IV. dialog. cap. xxxvi.) quædam levia in futuro dimittenda. Si enim veram pœnitentiam habuerit quis, peccata omnia dimissa sunt ei; sed pœna forte remanet. Ideoque si vere pœnitens obiit, sine peccato transit. Si autem vere pœnitens non est in obitu, maculam portat quæ numquam delebitur. Qui vero ædificat lignum, senum, stipulam, vere pœnitet, quia bonus est, & caritatem habet, & in caritate de hac vita transit. Ergo si peccato transit Non sequitur. Verum quidem est quia bonus est, & caritatem habet, & vere pœnitet; & tamen cum veniali peccato transit, quod non delevit pœnitentia. Pœnitentia enim non delet nisi peccatum illud quod deserit homo. Tale autem peccatum sæpe in hac vita non relinquitur ab homine; & tamen vere pœnitens est, etsi non de omnibus (1) venialibus pœniteat. Potest enim quis de omni mortali, (2) & de omni veniali pœnitere, excepto uno, vel pluribus venialibus quidem; sicut habet quis caritatem, & unum, vel plura venialia: quod de criminalibus nullatenus esse potest. Est enim aliquis bonus caritatem habens, sed adhuc quodam cupiditatis affectu amans hæc sæcularia. Talis existens subita morte opprimitur: in illo terreno affectu mortuus est; & tamen salvabitur, a quo non fecit hic absolvit. Ergo post hanc vitam ab illo purgabitur. Constat ergo quædam peccata, sed levia, post hanc vitam dimitti. Si vero de pœna peccati illud intelligi voluissent auctores, cur magis commemorassent levia quam gravia, cum etiam gravium pœna hic inexplata post hanc vitam resset?

De generali confessione, quid proficiat.

Post hæc considerandum est, quid proficiat confessio illa ubi singula peccata quæ quisque fecit, non exprimuntur. Sane dici potest, quod omnia criminalia semel saltem oportet in confessione exprimere, nisi aliqua a mente exciderint. Sed quia nemo delicta intelligit omnia, generaliter saltem ea confiteri quorum memoriam non habes; & sic nihil celasti de sceleribus tuis. Venialia vero, quia innumerabilia sunt, sufficit generaliter confiteri, nisi aliqua sint frequenter iterata: perfectius est tamen etiam illa exprimere, si vales. Ideoque quotidie generaliter fit confessio in Ecclesia pro venialibus, scilicet peccatis, quæ quotidie admittimus, & pro illis mortiferis, quorum notitiam non habemus. Unde Augustinus ** (Hypogno-

(1) In edit. Nicolai deest venialibus. (2) Nicolai & non de omni.

EX EDIT. P. NICOLAI.

* Ut Augustinus dicit ubi supra, & in Lib. de fide & operibus cap. xvi. ** Quod hic Augustini nomine ut ex Hypognoſtico notatur, alterius Auctoris, non eius est.

pognoscit Lib. V. cap. 1.) „ Veritatem dicit Deo pœnitens, quando nihil illi de „ commissis sceleribus celat (1) non quod si veritatem celaverit, Deus ignoret; sed „ veritatem sibi dici vult ab eo, ut veniam consequatur. Si vero mente aliqua ex- „ ciderint, confitetur veritatem Deo, cum generaliter dixerit: Deus qui nostri oc- „ culta cordis, (2) tu scis opera mea, & delicta a te non sunt abscondita; quibus „ veniam largiaris precor: & hæc est veritas confitentis quam diligit Deus. Unde „ (Psalm. l. 8.) Ecce enim veritatem dilexisti. “ Hic insinuat quod generalis confessio etiam mortalia delet, quorum intelligentia non habetur.

Nemo confiteatur peccata quæ non fecit.

Sicut autem pœnitens celare non debet peccatum suum, quia superbia est; ita nec humilitatis causa fateri se reum illius quod se non commississe noscit: quia incauta est talis humilitas, & peccatorem constituit. Unde Augustinus (de verbis Apult. ser. xxxix. cap. iv.) „ Cum humilitatis causa mentiris, si non eras „ peccator antequam mentireris, mentiendo efficeris quod vitaras. Veritas in te „ non est, nisi ita te dixeris peccatorem, ut etiam esse cognoscas. Veritas autem „ ipsa est ut quod es, dicas. Nam quomodo est veritas, ubi regnat falsitas? “

De pœnis sacerdotis qui peccatum publicat confitentis.

Caveat autem sacerdos ne peccata confitentium aliis prodatur, alioquin deponatur. Unde Gregorius * (ut refertur de pœnit. dist. vi. cap. „ Sacerdos “) „ Sacerdos ante omnia caveat ne de his quæ ei confitentur peccata alicui recitet, „ non propinquis, non extraneis, nec quod absit, pro aliquo scandalo. Nam si „ hoc fecerit, deponatur, & omnibus diebus vitæ suæ ignominiosus peregrinando „ pergat. “ Quod vero dictum est, ut pœnitens eligat sacerdotem scientem liga- re & solvere, videtur contrarium ei quod in canonibus ** reperitur, ut nemo scilicet alterius parochianum iudicare præsumat. Sed aliud est favore, vel odio proprium sacerdotem contemnere, quod canones prohibent; aliud cæcum vitare, quod Urbanus facere monet, ne si cæcus cæcum ducat, ambo in foveam cadant. Air enim Urbanus secundus (in decret. dist. vi. de pœnit. cap. „ Placuit “) „ Placuit ut „ nulli sacerdotum deinceps liceat quemlibet commissum alteri sacerdoti ad pœni- „ tentiam suscipere sine eius consensu cui se prius commisit, nisi pro ignorantia „ illius cui prius confessus est. Qui vero contra hoc facere tentaverit, gradus sui „ periculo subiacet. “

DIVISIO TEXTUS.

Postquam determinavit Magister de tem- pore pœnitentiæ, hic movet quasdam quæstiones contra determinata, & eas solvit: & dividitur in partes duas. In prima movet quæstionem circa tempus pœnitentiæ; in secunda circa confessionem quæ a pœnitentibus requiritur, ibi, *Post hoc con- siderandum est &c.* Prima in tres. In prima movet quæstionem circa determinata. Dixit enim, quod tempus pœnitentiæ usque ad finem vitæ datur: & cum omnia per pœnitentiam in hac vita dimittantur

peccata, inquit, utrum post hanc vitam aliqua peccata dimitti possint. Secundo determinat veritatem secundum auctoritates sanctorum, ibi, *Quod aliqua post hanc vitam remittantur, Christus ostendit in E- vangelio.* In tertia refellit quorundam re- sponsionem ad auctoritates inductas, ibi, *Sed forte dices, illud esse accipiendum de pœna peccati.* Circa secundum duo facit. Primo determinat veritatem quæstionis motæ. Secundo ex veritate determinata quamdam dubitationem movet, ibi, *Hic obijci potest &c.* Circa primum duo facit. Primo ostendit quod post hanc vitam ali-

Cccc a qua

(1) *Al.* non quod etiam voluntate celaverit. (2) *Al.* & opera.

EX EDIT. P. NICOLAI.

* Nihil tale in Gregorio Magno. ** Nimirum causa 12. quæst. 11. cap. Nullus ex Callisto 6. p. 6. 11.

qua peccata dimituntur in purgatorio. Secundo ostendit quod quidam tardius a peccatis ibi purgantur, ibi, *In illo autem igne purgatorio alii tardius, alii citius purgantur.*

Post haec autem considerandum est. Hic movet quaestiones circa determinata prius de confessione: & primo ex parte confitentis; secundo ex parte confessoris, qui scilicet confessionem audit, ibi, *Caveat autem sacerdos ne peccata confitentium aliis prodas.* Circa primum duo quaerit. Primo utrum quis debeat singula peccata confiteri quae non fecit, ibi, *Sicut autem penitens celare non debet peccatum suum, quia superbia est; ita nec humilitatis causam fateri se rem illius quod se non commississe noscitur.*

Caveat autem Sacerdos ne peccata penitentium aliis prodas. Hic etiam duo determinat ex parte confessoris. Primo ut peccatum celet. Secundo quod non quique sacerdos confessionem cuiuslibet audiat, ibi, *Quod vero dictum est, ut penitens eligat sacerdotem scientem ligare, & solvere, videtur contrarium ei quod in canonibus reperitur.*

QUAESTIO I.

Hic est triplex quaestio. Prima de purgatorio. Secunda de confessione generali. Tertia de sigillo confessionis quo peccata celantur.

Circa primum quaeruntur tria.

Primo. De ipso purgatorio.

Secundo. De ligno, feno, & stipula, quae in purgatorio purgantur.

Tertio. De effectu purgatorii.

ARTICULUS I.

Utrum purgatorium sit post hanc vitam.

1. **A**D primum sic proceditur. Videtur quod purgatorium non sit post hanc vitam. Apoc. xiv. 13. dicitur: *Beati mortui qui in Domino moriuntur. Amodo iam dicit spiritus ut requiescant a laboribus suis.* Ergo his qui in Domino moriuntur, non manet aliquis purgatorius labor post hanc vitam: nec illis qui non in Domino moriuntur, quia illi purgari non possunt. Ex-

go purgatorium post hanc vitam non est.

2. Praeterea. Sicut se habet caritas ad praeium aeternum, ita peccatum mortale ad supplicium aeternum. Sed decedentes in peccato mortali statim ad supplicium aeternum deportantur. Ergo decedentes in caritate statim ad praeium vadunt; & ita non manet eis aliquod purgatorium post hanc vitam.

3. Praeterea. Deus, qui est summe misericors, pronior est ad praemiandum bona quam ad puniendum mala. Sed sicut illi qui sunt in statu caritatis, faciunt aliqua mala quae non sunt digna supplicio aeterno; ita qui sunt in peccato mortali, interdum faciunt aliqua bona ex genere, quae non sunt digna praemio aeterno. Ergo cum illa bona non praemientur in damnationis post hanc vitam, nec illa mala debent post hanc vitam puniri; & sic idem quod prius.

Sed contra. II. Mach. xii. 46. dicitur: *Sancta, & salubris est cogitatio pro defunctis exorare, ut a peccatis solvantur.* Sed pro defunctis qui sunt in paradiso, non est orandum, quia illi nullo indigent; nec iterum pro illis qui sunt in inferno, quia illi a peccatis solvi non possunt. Ergo post hanc vitam sunt aliqui a peccatis nondum absoluti, qui solvi possunt; & tales caritatem habent, sine qua non fit peccatorum remissio: quia *universa delicta operis caritas*: Prov. x. 12. Unde ad mortem aeternam non deveniunt: quia *qui vivit, & credit in me, non morietur in aeternum*: Ioan. xi. 26. nec ad gloriam inducentur, nisi purgati: quia nihil immundum ad illam perveniet, ut patet Apoc. ult. Ergo aliqua purgatio restat post hanc vitam.

Praeterea. Gregorius Nyssenus * dicit: *Si aliquis Christo amico consentiens in hac vita purgare peccata minus potuerit, post transiitum hinc per purgatorii ignis conflagrationem expeditur.* Ergo post hanc vitam restat aliqua purgatio.

QUAESTIUNCULA II.

1. Ulterius. Videtur quod non sit idem locus quo animae purgantur, & quo damnati puniuntur. Quia pena damnatorum est aeterna, ut dicitur Matth. xxv. 46. *Ibunt hi (a) in ignem aeternum.* Sed purgatorius ignis est temporalis, ut supra Magister

(a) Vulgata x. in supplicium.

* Nihil tale in operibus quae nunc extant.

gister dixit. Ergo non simul puniuntur hi, & illi eodem igne; & sic opotet loca esse distincta.

2. Præterea. Pœna inferni nominatur pluribus nominibus, ut in Psalm. x. *ignis, sulphur, & spiritus procellarum* &c. Sed pœna purgatorii non nisi uno nomine nominatur, scilicet ignis. Ergo non eodem igne, & eodem loco puniuntur.

3. Præterea. Hugo de Sancto Victore dicit (Lib. II. *pe sacram. part. xvi. cap. iv.*) *Probabile est quod in his locis puniuntur in quibus commiserunt culpam.* Gregorius etiam in Dial. (Lib. IV. cap. xl.) narrat quod Germanus Episcopus Capuanus Palsacum qui in balneis purgabatur, invenit. Ergo in loco inferni non purgantur, sed in hoc mundo.

Sed contra est quod Gregorius * dicit, quod sicut sub eodem igne aurum rutilat, & palea fumat; ita sub eodem igne peccator crematur, & electus purgatur. Ergo idem est ignis purgatorii, & inferni; & sic in eodem loco sunt.

Præterea. Sancti Patres ante adventum Christi fuerunt in loco digniori quam sit locus in quo purgantur animæ post mortem: quia non erat ibi aliqua pœna sensibilis. Sed locus ille erat conjunctus inferno, vel idem quod infernus: alias Christus ad limbum descendens non diceretur ad inferos descendisse. Ergo & purgatorium est in eodem loco, vel iuxta infernum.

QUÆSTIUNCULA III.

1. Ulterius. Videtur quod pœna purgatorii non excedat omnem penam temporalem huius vitæ. Quanto enim aliquid est magis passivum, tanto magis affligitur, si sensum læsionis habeat. Sed corpus est magis passivum quam anima separata: tum quia habet contrarietatem ad ignem agentem: tum quia habet materiam quæ est susceptiva qualitatis agentis, quod de anima non potest dici. Ergo maior est pœna quam corpus patitur in hoc mundo, quam pœna qua anima purgatur post hanc vitam.

2. Præterea. Pœna purgatorii directe ordinatur contra venialia. Sed venialibus, cum sint levissima peccata, levissima pœna

debetur, si secundum mensuram delicti sit plagarum modus. Ergo pœna purgatorii est levissima.

3. Præterea. Reatus, cum sit effectus culpæ, non intenditur nisi culpa intendatur. Sed in illo cui iam culpa dimissa est, non potest culpa intendi. Ergo in eo cui culpa mortalis dimissa est, pro quo non plene satisfecit, reatus non crescit in morte. Sed in hac vita non erat ei reatus respectu gravissimæ pœnæ. Ergo pœna quam patietur post hanc vitam, non erit ei gravior omni pœna istius vitæ.

Sed contra est quod Augustinus dicit in quodam sermone (*iv. de igne purgatorii.*) *Ille ignis purgatorii durior erit quam quidquid in hoc sæculo pœnarum aut sentire, aut videre, aut cogitare quis potest.*

Præterea. Quanto pœna est universalior, tanto maior. Sed anima separata tota punitur, cum sit simplex; non autem ita est de corpore. Ergo illa pœna quæ est animæ separatæ, est maior omni pœna quam corpus patitur.

QUÆSTIUNCULA IV.

1. Ulterius. Videtur quod illa pœna sit voluntaria. Quia illi qui sunt in purgatorio, rectum cor habent. Sed hæc est rectitudo cordis, ut quis voluntatem suam voluntati divinæ conformet, ut Ambrosius dicit (Lib. I. *de vocat. gentium cap. xi.*) Ergo cum Deus velit eos puniri, ipsi illam penam voluntarie sustinent.

2. Præterea. Omnis sapiens vult illud sine quo non potest pervenire ad finem intentum. Sed illi qui sunt in purgatorio, sciunt se non posse pervenire ad gloriam, nisi prius puniantur. Ergo volunt puniri.

Sed contra. Nullus (*a*) petit liberari a pœna quam voluntarie sustinet. Sed illi qui sunt in purgatorio, petunt liberari, sicut patet per multa quæ in dialogo ** narrantur. Ergo non sustinent illam penam voluntarie.

QUÆSTIUNCULA V.

1. Ulterius. Videtur quod animæ in purgatorio per dæmones puniantur. Quia, sicut infra dist. xlvii. in fine dicit Magister, illos habebunt tortores in penis quos habuerunt incentores in culpa. Sed dæmones

(*a*) *id.* potest.

EX EDIT. P. NICOLAI.

* Immo potius Augustinus Lib. I. de Civ. Dei cap. viii. ultimis verbis innuitur. Illi autem ex IV. Dialog. Lib. cap. iv. ut prius ad marginem notabatur, scilicet est. ** scilicet Lib. IV. Dialog. Gregor. cap. xl. & lv.

nes incitant ad culpam non solum mortalem, sed etiam venialem, quoad aliud non possunt. Ergo etiam in purgatorio ipsi animas pro peccatis venialibus torquentur.

2. Præterea. Purgatio a peccatis competit iustis & in hac vita, & post hanc vitam. Sed in hac vita purgantur per poenas a diabolo inflictas, sicut patet de lub. Ergo etiam post hanc vitam puniuntur a demonibus purgandi.

Sed contra. Insuper est ut qui de aliquo triumphavit, ei subiciatur post triumphum. Sed illi qui sunt in purgatorio, de demonibus triumphaverunt sine peccato mortali decedentes. Ergo non subiciuntur eis puniendi per eos.

SOLUTIO I.

Respondeo dicendum quod primam questionem, quod ex illis quæ supra determinata sunt, satis potest constare purgatorium esse post hanc vitam. Si enim per contritionem deleta culpa non tollitur ex toto reatus poenæ, nec etiam semper venialia dimissis mortalibus tolluntur, & iustitia Dei hoc exigit ut peccatum per poenam debitam ordinetur; oportet quod ille qui post contritionem de peccato, & absolutionem decedit ante satisfactionem debitam, post hanc vitam puniatur: & ideo illi qui purgatorium negant, contra divinam iustitiam loquuntur: & propter hoc erroneum est, & a fide alienum. Unde Gregorius Nyssenus post prædicta verba subiungit: *Hoc prædicamus, dogma veritatis servantes, & ita credimus: hoc etiam universalis Ecclesia tenet pro defunctis exorans ut a peccatis solvantur*: quod non potest nisi de illis qui sunt in purgatorio intelligi. Ecclesie autem auctoritati quicumque resistit, hæresim incurrit.

Ad primum ergo dicendum, quod auctoritas illa loquitur de labore operationis ad merendum, & non merendum, & non de labore passionis ad purgandum.

Ad secundum dicendum, quod malum non habet causam perfectam, sed ex singularibus defectibus contingit; sed bonum ex una causa perfecta consurgit, ut Dionysius dicit (de div. Nom. cap. xv. part. xv.) & ideo quilibet defectus impedit a perfectione boni; sed non quodlibet bonum impedit consummationem aliquam mali: quia nunquam est malum sine aliquo bono: & ideo peccatum veniale impedit habentem caritatem ne ad perfectum bonum

deveniat, scilicet vitam æternam, quamdiu purgatur; sed peccatum mortale non potest impediri per aliquod bonum adiunctum, quo minus statim ad ultimum malorum perducatur.

Ad tertium dicendum, quod ille qui in peccatum mortale incidit, omnia bona ante acta mortificat, & quæ in peccato mortali existens facit, mortua sunt: quia ipse Deum offendens, omnia bona meretur amittere, quæ a Deo habet. Unde ei qui in peccato mortali decedit, non manet aliquid præmium post hanc vitam, sicut manet aliquando poena ei qui in caritate decedit, quæ non semper delet omne malum quod invenit, sed solum hoc quod est sibi contrarium.

SOLUTIO II.

Ad secundam questionem dicendum, quod de loco purgatorii non invenitur aliquid expresse determinatum in Scriptura, nec rationes possunt ad hoc efficaces induci. Tamen probabiliter, & secundum quod consonat magis sanctorum dictis, & revelationi factæ multis, locus purgatorii est duplex. Unus secundum legem communem; & sic locus purgatorii est locus inferior inferno coniunctus, ita quod idem ignis sit qui damnatos cruciat in inferno, & qui iustos in purgatorio purgat, quavis damnati secundum quod sunt inferiores merito, & loco inferiores ordinandi sunt. Alius est locus purgatorii secundum dispensationem; & sic quandoque in diversis locis aliqui puniti leguntur, vel ad vivorum instructionem, vel ad mortuorum subventionem, ut viventibus eorum poena innotescens, per suffragia Ecclesie mitigaretur. Quidam tamen dicunt, quod secundum legem communem locus purgatorii est ubi homo peccat: quod non videtur probabile, quia simul potest homo puniri pro peccatis quæ in diversis locis commisit. Quidam vero dicunt, quod puniuntur supra nos secundum legem communem: quia sunt medii inter nos & Deum quantum ad statum. Sed hoc nihil est: quia non puniuntur pro eo quod supra nos sunt, sed pro eo quod est infimum in eis, scilicet peccatum.

Ad primum ergo dicendum, quod ignis purgatorii est æternus quantum ad substantiam, sed temporalis quantum ad effectum purgationis.

Ad secundum dicendum, quod poena inferni est ad attingendum, & ideo consummatur.

tur

tur omnibus illis quæ hic nos affligere consueverunt; sed pœna purgatorii est principaliter ad purgandum reliquias peccati, & ideo sola pœna ignis purgatorio attribuitur, quia ignis habet purgare, & consumere.

Ad tertium dicendum, quod ratio illa procedit secundum dispensationem, & non secundum legem communem.

SOLUTIO III.

Ad tertiam quæstionem dicendum, quod in purgatorio erit duplex pœna: una damni, in quantum scilicet retardantur a divina visione; alia sensus, secundum quod ab igne corporali puniuntur: & quantum ad utrumque pœna purgatorii minima excedit maximam pœnam huius vite. Quanto enim aliquid magis desideratur, tanto eius absentia est molestior. Et quia affectus quo desideratur summum bonum, post hanc vitam in animabus sanctis est intensissimus, quia non retardatur affectus mole corporis, & etiam quia terminus fruendi summo bono iam advenisset, nisi aliquid impediret; ideo de tardatione maxime dolet. Similiter etiam cum dolor non sit læsio, sed læsionis sensus, tanto aliquis magis dolet de aliquo læsivo, quanto magis est sensitivum: unde læsiones quæ sunt in locis maxime sensibilibus, sunt maximum dolorem causantes. Et quia totus sensus corporis est ab anima, ideo si in ipsam animam aliquid læsivum agat, de necessitate oportet quod maxime affigatur. Quod autem anima ab igne corporali patiatur, hoc ad præsens supponimus, quia de hoc infra dist. xlv. (quæst. lxxi. art. 3. quæstiunc. 3. in corp.) dicetur. Et ideo oportet quod pœna purgatorii quantum ad pœnam damni, & sensus excedat omnem pœnam istius vite. Quidam autem assignant rationem ex hoc quod anima tota puniatur, non autem corpus. Sed hoc nihil est: quia si pœna damnatorum esset minor post resurrectionem quam ante; quod falsum est.

Ad primum ergo dicendum, quod quamvis anima sit minus passiva quam corpus, tamen est magis cognoscitiva passionis; & ubi est maior passionis sensus, ibi est maior dolor, etiam si sit minor passio.

Ad secundum dicendum, quod acerbitas illius pœnæ non est tantum ex quantitate peccati, quantum ex dispositione puniti:

quia idem peccatum gravius puniatur ibi quam hic: sicut ille qui est melioris complexionis, magis puniatur eisdem plagis impositis quam alius; & tamen iudex utrique eandem plagas pro eisdem culpis inferens, iuste facit.

Et per hoc etiam patet solutio ad tertium.

SOLUTIO IV.

Ad quartam quæstionem dicendum, quod aliquid dicitur voluntarium dupliciter. Uno modo voluntate absoluta; & sic nulla pœna est voluntaria, quia ex hoc est ratio pœnæ, quod voluntati contrariatur. Alio modo dicitur aliquid voluntarium voluntate conditionata, sicut usus est voluntaria propter sanitatem consequendam; & sic aliqua pœna potest esse voluntaria dupliciter. Uno modo quia per pœnam aliud bonum acquiritur; & sic ipsa voluntas assumit pœnam aliquam, ut patet in satisfactione: vel etiam quia ille libenter eam accipit, & non vellet eam non esse, sicut accidit in martyrio. Alio modo quia quamvis per pœnam nullum bonum nobis accrescat, tamen sine pœna ad bonum pervenire non possumus, sicut patet de morte naturali; & tunc voluntas non assumit pœnam, & velle ab ea liberari, sed eam supportat, & quantum ad hoc voluntaria dicitur: & sic pœna purgatorii est voluntaria. Quidam autem dicunt, quod non est aliquo modo voluntaria, quia sunt ita absorpti pœnis, quod nesciunt se per pœnam purgari, sed putant se esse damnatos. Sed hoc est falsum: quia nisi scirent se liberandos, suffragia non pererent, quod frequenter faciunt.

Et per hoc patet solutio ad obiecta.

SOLUTIO V.

Ad quintam quæstionem dicendum, quod sicut post diem iudicii divina iustitia succendet ignem quo damnati in perpetuum punientur; ita etiam nunc sola iustitia divina electi post hanc vitam purgantur; non ministerio demonum, quorum victores extiterunt; nec ministerio Angelorum, quia cives suos non tam vehementer affligerent. Sed tamen possibile est quod eos ad loca pœnarum deducant, & etiam ipsi demones, qui de pœnis hominum lætantur, eas (a) concomitentur, & assistant pur-

(a) -al. concomitantur, & assistant.

purgandis, tum ut de eorum pœnis satientur, tum ut in eorum exitu a corpore aliquid suum ibi reperiant. In hoc autem sæculo, quando adhuc locus pugnæ est, puniuntur homines & a malis angelis, sicut ab hostibus, ut patet de Iob, & a bonis sicut pater de Iacob, cuius nervus femoris Angelo percutiente emarcuit. Et hoc etiam expresse Dionysius dicit in iv. cap. de div. Nom. quod boni Angeli interdum puniunt.

Et per hoc patet solutio ad obiecta.

ARTICULUS II.

Utrum lignum, fenum, & stipula, quæ superædificantur, sint peccata venialia.

1. **A**D secundum sic proceditur. Videtur quod lignum, fenum, & stipula, quæ superædificari dicuntur supra positum fundamentum, non sint peccata venialia. Quia supra id quod est summum, nihil potest ædificari. Sed fundamentum spiritualis ædificii, ut Glossa (Augustini) dicit, est in summo. Ergo non potest super ipsum ædificari.

2. Præterea. AEdificium per fundamentum sustentatur. Sed peccata venialia non sustentantur per fundamentum spirituale, quod est fides per dilectionem operans. Ergo lignum, fenum, & stipula, quæ ædificantur, non sunt peccata venialia.

3. Præterea. Isa. v. super illud, *Uæ qui coniungitis domum ad domum*, dicit Hieronymus: „Hæretici dogmata dogmatibus coniungunt, & qui super fundamentum ædificare debuerunt aurum, argentum, & lapides pretiosos, ædificant lignum, fenum, & stipulam.“ Sed hæretici dogmata falsa contingentes, non peccant venialiter. Ergo lignum, fenum, & stipula non sunt peccata venialia.

4. Præterea. Secundum Ambrosium (Ambrosiasterum in I. Corinth. cap. xii.) apostolica doctrina est fundamentum; ille autem superædificat qui veniens post Apostolos docet, sive malus, sive bonus sit. Sed bene docentes post Apostolos ædificant aurum, argentum, & lapides pretiosos, in quibus doctrina præclara signatur; mali autem lignum, fenum, & stipulam, in quibus vana, & frivola doctrina est peccatum mortale. Ergo per lignum, fenum, & stipulam mortalia peccata intelliguntur, & non venialia.

Sed contra est quod dicitur in littera per verba Augustini.

QUÆSTIUNCULA II.

1. Ulterius. Videtur quod iidem sint qui utraque superædificant. Quia secundum Augustinum per aurum signatur Dei contemplatio, per argentum dilectio proximorum, per lapides pretiosos bona opera. Sed illi qui inordinatos affectus aliquos habent ad res temporales, qui dicuntur lignum, fenum, & stipula ædificare, contemplantur aliquando Deum, & diligunt proximum, & aliqua bona opera faciunt. Ergo iidem sunt qui ædificant utraque.

2. Præterea. Sicut in littera dicitur, illi ædificant aurum, argentum, & lapides pretiosos qui cogitant quæ Dei sunt, quomodo placeant Deo. Sed tales etiam aliqua venialia committunt, ut patet I. Ioan. i. qui per lignum, fenum, & stipulam intelliguntur. Ergo iidem sunt uni utraque superædificant.

Sed contra est quod Augustinus dicit, quod illi qui ædificant aurum, argentum, & lapides pretiosos, sunt securi; sed illi qui ædificant lignum, fenum, & stipulam, non sunt securi. Ergo non sunt iidem qui utraque ædificant.

QUÆSTIUNCULA III.

1. Ulterius. Videtur quod venialia etiam mortali adiuncta sint lignum, fenum, & stipula, ut non puniantur etiam æternaliter in damnatis, sed temporaliter. Quia secundum distantiam culparum debet esse distantia pœnarum. Sed culpa mortalis in infinitum excedit venialem. Ergo & pœna pœnam. Sed hoc non potest esse secundum acerbitatem; quia acerbitas utriusque pœnæ est finita. Ergo oportet quod hoc sit secundum durationem; quod non esset, si veniale æternaliter puniretur.

2. Præterea. Non est personarum acceptio apud Deum, ut dicitur Rom. ix. Sed videretur esse, si pro eadem culpa unum plus, & alium minus puniret. Cum ergo pro culpa veniali iustus temporaliter puniatur, etiam damnatus non æternaliter, sed temporaliter puniatur.

Sed contra. Matth. v. 26. *Non exies inde, donec reddas novissimum quadrante*, idest minuta peccata. Sed ille qui in peccato

cate mortali decedit, nihil potest reddere. Ergo pro peccatis venialibus puniatur aeternaliter.

SOLUTIO I.

Respondeo dicendum ad primam questionem, quod venialia caritati adiuncta possunt per aliquam penam consumi, & ideo convenienter secundum metaphoram signantur illa quae per ignem consumuntur. & quia quanto aliquod peccatum est gravius, tanto difficilius purgatur, in peccatis autem venialibus invenitur alterum altero gravius; ideo convenienter eorum diversitas signatur per diversitatem eorum quae facilius, & tardius consumuntur ab igne. Et quia perfectio cuiuslibet quantitatis ternario comprehenditur propter principium, medium, & finem; ideo triplex differentia ponitur: quia quaedam sunt gravissima in genere venialium, & difficillime purgabilia, & haec per lignum signantur; quaedam minima, quae per stipulam; quaedam media, quae per fenum signantur.

Ad primum ergo dicendum, quod sicut fundamentum transmutatur ad spiritualia ratione prioritatis, & non ratione inferioritatis, ita superedificari dicuntur non quae superius, sed quae posterius sunt.

Ad secundum dicendum, quod venialia non dicuntur superedificari quasi ex fundamento stabilitatem habentia. Dicitur enim aliquid super fundamentum poni tripliciter. Uno modo directo situ, quod supra fundamentum firmatur, & sic solum bona opera fidei formatæ, quae fundamentum dicitur, superedificantur. Alio modo dicitur esse super quod est iuxta, sicut patet in Psal. cxxxvi. *Super flumina Babylonis*: & sic venialia superedificantur, quia fundamentum non destruitur, sed simul cum fundamento sunt. Alio modo dicitur esse super quod est post, sicut Ezech. ult. 3. *Super terminum Aser*, id est post, ut Glossa dicit: & sic etiam mortalia possunt superedificari, quae fundamentum destruitur. Vel secundum quosdam per lignum, fenum, & stipulam non intelliguntur ipsa venialia, sed opera bona quibus aliquis motus venialis peccati se immiscet; & haec superedificantur quantum ad id quod est boni in eis, & non quantum ad id quod habent de veniali. Sed hoc non videtur esse secundum intentionem Apostoli, & Augustini: quia tunc non esset distinctio inter lignum, fenum, & stipulam; & aurum, argentum, & lapidem pretiosum.

S. Th. Oper. Tom. XII.

Ad tertium dicendum, quod in sacra Scriptura prae principalis sensum quem Auctor intendit, possunt alii sensus non incongrue aptari. Et sic Hieronymus per adaptationem quamdam loquitur, & non secundum intentionem Apostoli.

Ad quartum dicendum, quod aliqui etiam male docentes quandoque non moraliter, sed venialiter peccant; sicut quando aliqua inutilia docent, vel aliquis motus inanis gloriæ eis insurgit. Vel dicendum, quod loquitur secundum eundem modum, sicut Hieronymus.

SOLUTIO II.

Ad secundam questionem dicendum, quod aurum, argentum, & lapis pretiosus; & lignum, & fenum, & stipula possunt dupliciter exponi. Uno modo ita quod quilibet bona opera dicantur aurum, argentum, & lapis pretiosus: & quilibet venialia dicantur lignum, fenum, & stipula: & sic non est dubium quod iidem ædificent utraque: sed quidam dicuntur hæc, & quidam illa ædificare, secundum quod eis magis insistant: sicut etiam activi a contemplativis distinguuntur, quamvis & contemplativi aliquid agant, & activi aliquid contemplantur aliquando. Alio modo ita quod per aurum, argentum, & lapidem pretiosum intelligantur solum opera perfectiorum; & per lignum, fenum, & stipulam superedificata intelligantur venialia eorum qui sollicitudinem de rebus temporalibus gerunt, non soli Deo vacantes: & tunc patet quod non sunt iidem qui utraque ædificant: quia imperfecti, etsi bona opera faciunt, tamen obcurantur ex sollicitudinibus huius mundi, ut claritatem auri, argenti, & lapidis pretiosi non habeant: & similiter perfecti, etiam si aliqua venialia habeant, tamen ex fervore caritatis in eis consumuntur, & ex sollicitudine continua quam de purificatione propria habent: & ideo non dicuntur ea superedificare, quia in eis habitualiter non manent: & tales secuti sunt, quia nihil est in eis purgabile.

Et secundum hoc patet solutio ad obiecta.

SOLUTIO III.

Ad tertiam questionem dicendum, quod culpa non potest ordinari nisi per penam: & quia Deus nihil inordinatum relinquit, ideo nunquam culpam sine pena dimittit. In illis autem qui damnantur, non potest

D d d d ali-

aliqua culpa dimitti, nec aliquis reatus tolli, cum careant caritate, per quam & culpa purgatur, & reatus tollitur: & ideo culpa venialis in eis semper manebit, vel reatus eius, si etiam ante peccatum mortale veniale dimissum fuisset quantum ad culpam manente reatu: & propter hoc aeternaliter damnati de illis venialibus puniuntur.

Ad primum ergo dicendum, quod peccatum mortale meretur penam aeternam, in quantum gratiam tollit, & a Deo aeterno separat; & secundum hoc in infinitum distat a veniali. In illo ergo qui gratia caret, & a Deo in perpetuum separatus est, per accidens veniali aeterna poena debetur ratione subiecti, quae per se debetur mortali.

Ad secundum dicendum quod non est ibi aliqua personarum acceptio: quia in iusto est gratia, cuius virtute, culpa eius purgatur, vel reatus; quia carent damnati: & ideo eorum culpa, vel reatus per penam expiari non potest: & sic patet quod venialia mortalibus adiuncta in damnatis per accidens habent quod non sunt lignum, fenum, & stipula.

ARTICULUS III.

Utrum per penam purgatorii expiatur peccatum veniale quo ad culpam.

1. **A**D tertium sic proceditur. Videtur quod per penam purgatorii non expiatur peccatum veniale quo ad culpam. Quia super illud I. Ioan. v. *Est peccatum ad mortem* etc. dicit Glossa (interlinealis. *) "Quod in hac vita non corrigitur, frustra post mortem eius venia postulat." Ergo nullum peccatum post hanc vitam quo ad culpam dimittitur.

2. Præterea. Eiusdem est labi in peccatum, & a peccato liberari. Sed anima post mortem non potest peccare venialiter. Ergo nec a peccato veniali absolvi.

3. Præterea. Gregorius dicit (homil. xiii. **) quod talis in iudicio quisque futurus est, qualis de corpore exivit: quia lignum ubi ceciderit, ibi erit: Eccli. xi. Si ergo aliquis in hac vita exit cum veniali, in iudicio cum veniali erit; & ita

per purgatorium non expiatur a culpa veniali aliquis.

4. Præterea. Supra dictum est (dist. xvi. quæst. ii. art. 2. quæstionem. 3.) quod culpa actualis non deletur nisi per contritionem. Sed post hanc vitam non erit contritio, quæ est actus meritorius: quia tunc non erit meritorium, neque demeritum, cum secundum Damascenum (Lib. II. de Fide orthod. cap. iv. in fine) hoc sit hominibus mors quod Angelicæ casus. Ergo post hanc vitam non dimittitur in purgatorio veniale quo ad culpam.

5. Præterea. Veniale non est in nobis nisi ratione fomitis: unde in primo statu Adam venialiter non peccasset, ut in II. Lib. dist. xxi. (quæst. ii. art. 3. in cor.) dictum est. Sed post hanc vitam in purgatorio non erit sensualitas fomite corrupto in anima separata, quia fomes dicitur lex carnis Rom. vii. Ergo non erit ibi venialis culpa: & ita non potest expiari per purgatorium ignem.

Sed contra est quod Gregorius dicit in IV. Dialog. (cap. xxxix.) & Augustinus de vera penitentia (ubi supra) quod quedam culpæ leves in futuro remittuntur. Nec potest intelligi quo (a) ad penam: quia sic omnes culpæ, quantumcumque graves, quantum ad reatum penæ per ignem purgatorium expiantur. Ergo venialia quantum ad culpam purgantur per ignem purgatorium.

Præterea. I. Corinth. iii. per lignum, fenum, & stipulam, ut dictum est, venialia intelliguntur. Sed lignum, fenum, & stipula per purgatorium consumuntur. Ergo ipsæ veniales culpæ post hanc vitam remittuntur.

QUAESTIUNCULA II.

1. Ulterius. Videtur quod ignis purgatorius non liberet a reatu penæ. Omnis enim purgatio respicit seditatem. Sed pena non importat aliquam seditatem. Ergo ignis purgatorius non liberat a pena.

2. Præterea. Contrarium non purgatur nisi per suum contrarium. Sed pena non contrariatur penæ. Ergo per penam purgatorii non purgatur aliquis a reatu penæ.

3. Præterea I. Corinth. iii. super illud, *Salvus eris, sic tamen* etc. dicit Glossa

(ve-

(a) ad culpam.

E x E D I T. P. N I C O L A I.

* Sumpta est ex Gregorio Lib. XVI. Moral. cap. xxviii. super illud Job xlv. *Uspes ad inferi peccatum eius*, ** Lib. IV. Dialogorum cap. xxxix. paulo aliis verbis.

(vetus) „Ignis iste est tentatio tribulationis, de qua scriptum est: *Vasa fi-
guli probat fornax*: Eccli. xxvii. 6. “
Ergo homo expiatur ab omni pena per
penas huius mundi, saltem per mortem,
quæ est maxima penarum, & non per pur-
gatorium ignem.

Sed contra. Pena purgatorii est gravior
quam pena quælibet huius mundi, ut
supra dictum est. Sed per penam satisfacto-
riam, quam aliquis in hac vita sustinet,
expiatur a debito penæ. Ergo multo for-
tius per penam purgatorii.

QUAESTIUNCULA III.

1. Ulterius. Videtur quod ab illa
pena unus non liberetur alicuius. Quan-
to enim gravior est culpa, & maior reat-
us, tanto acerbior pena imponitur in
purgatorio. Sed quæ est proportio penæ
acerbioris ad culpam graviolem, eadem
est proportio penæ levioris ad culpam le-
viorem. Ergo ita cito liberatur unus a pena
illa sicut alius.

2. Præterea. Inæqualibus meritis addun-
tur (a) æquales retributiones & in cælo
& in inferno quantum ad durationem.
Ergo videtur esse similiter in purga-
torio.

Sed contra est similitudo Apostoli, qui
differentias venialium per lignum, fenum,
& stipulam significavit. Sed constat quod
lignum diutius manet in igne quam fe-
num, & stipula. Ergo unum peccatum
veniale diutius punitur in purgatorio quam
aliud.

SOLUTIO I.

Respondeo dicendum ad primam que-
stionem, quod quidam dixerunt, quod
post hanc vitam non dimittitur aliquod
peccatum quod ad culpam: & si cum
mortali culpa quis decedat, damnatur,
& remissionis capax non est: non autem
potest esse quod cum veniali decedat sine
mortali, quia ipsa gratia finalis culpam
purgat veniale. Veniale enim peccatum
contingit ex hoc quod aliquis Christum
habens in fundamento, nimis aliquod tem-
porale diligit: qui quidem excessus ex
concupiscentiæ corruptione contingit: un-
de si gratia omnino concupiscentiæ cor-
ruptionem vincat, sicut in beata Virgine
fuit, non manet aliquis locus veniali:
& ita cum in morte omnino diminuat, &
annihilatur ista concupiscentia, poten-

tia animæ totaliter gratiæ subiiciuntur, &
veniale expellitur. Sed hæc opinio frivo-
la est & in se, & in causa sua. In se
quidem: quia dictis sanctiorum, & Evan-
gelii adversatur, cuius dicta non pos-
sunt exponi de remissione venialium quan-
tum ad penam, ut Magister in littera di-
cit: quia sic tam levia, quam gravia in
futuro dimittuntur. Gregorius autem (IV.
Lib. dialogor. cap. xxxix.) leves culpas
tantum post hanc vitam remitti perhibet.
Nec sufficit quod dicunt, quod hic dici-
tur specialiter de levibus, ne putetur ni-
hil grave pro eis nos passuros: quia re-
missio penæ magis aufert gravitatem penæ
quam ponat. Quantum ad causam
autem frivola apparet: quia defectus cor-
poralis, qualis est in ultimo vitæ, non
aufert concupiscentiæ corruptionem, vel
diminuit quantum ad radicem, sed quan-
tum ad actum: sicut patet etiam de illis
qui graviter infirmantur. Nec iterum tran-
quillat potentias animæ, ut eas gratiæ
subiciat: quia tranquillitas potentiarum,
& subiectio earum ad gratiam est, quan-
do inferiores vires obediunt superioribus,
quæ legi Dei condescendant; quod in sta-
tu illo esse non potest, cum actus utra-
rumque impediatur: nisi tranquillitas di-
catur privatio pugnæ, sicut etiam in dor-
mientibus accidit: nec tamen propter hoc
sompnus dicitur concupiscentiam diminueret,
aut vires animæ tranquillare, aut eas gra-
tiæ subdere. Et præterea dato quod concupis-
centiam radicaliter diminueret defectus
ille, & vires animæ subderet gratiæ, ad-
huc hoc non sufficeret ad purgationem
culpæ venialis iam commissæ, quamvis
sufficeret ad vitiationem futuræ: quia cul-
pa actualis etiam venialis non dimittitur
sine actuali contritionis motu, ut supra
dist. xvi. (quæst. 1. art. 2. quasiunc. 3.)
dictum est, quantumcumque habitualiter in-
tendatur. Contingit autem quandoque quod
aliquis dormiens moritur in gratia existens
qui cum veniali aliquo obdormivit: & ta-
lis non potest actum contritionis habere de
veniali ante mortem. Nec potest dici, ut
dicunt, quod, si non punitur actu,
vel proposito in generali, vel speciali,
sit versum in mortale, propter hoc quod
veniale sit mortale dum placet: quia non
quælibet placencia venialis facit peccatum
mortale (alias omne veniale esset morta-
le, quia quodlibet veniale placet, cum
sit voluntarium) sed talis placencia quæ

(a) A. inæquales.

ad fruitionem spectat, in qua omnis humana perversitas consistit, dum rebus utendis fruimur, ut Augustinus dicit: & sic placencia illa quae facit peccatum mortale, est actualis placencia, quia omne peccatum mortale in actu consistit. Potest autem contingere quod aliquis postquam veniale peccatum commisit, nihil actualiter cogitet de peccato vel dimittendo, vel tenendo; sed cogitet forte quod triangulus habet tres angulos aequales duobus relictis, & in hac cogitatione obdormiat, & moriatur. Unde patet quod haec opinio omnino irrationalis est.

Et ideo cum aliis dicendum, quod culpa venialis in eo qui cum gratia decedit, post hanc vitam dimittitur per ignem purgatorium: quia poena illa (a) aliquantulum voluntaria, virtute gratiae habebit vim expiandi culpam omnem quae simul cum gratia stare potest.

Ad primum ergo dicendum, quod Glossa loquitur de peccato mortali. Vel dicendum, quod quamvis in hac vita non corrigatur in se, corrigitur tamen in merito: quia hic homo meruit, ut ibi illa poena sit meritoria sibi.

Ad secundum dicendum, quod peccatum veniale contingit ex corruptione committis, qui in anima separata in purgatorio existente non erit, & ideo non poterit peccare venialiter: sed remissio culpae venialis est ex gratia (b) informante, quae in purgatorio erit in anima separata: & ideo non est simile.

Ad tertium dicendum, quod venialia non variant statum hominis: quia neque tollunt, neque diminuant caritatem, secundum quam mensuratur quantitas gratuita bonitatis animae: & ideo per hoc quod venialia dimittuntur, vel committuntur, talis manet anima, qualis prius.

Ad quartum dicendum, quod post hanc vitam non potest esse meritum respectu praemii essentialis; sed respectu alicuius accidentaliter potest esse quamdiu manet homo in statu: viz aliquo modo: & ideo in purgatorio potest esse actus meritorius quantum ad remissionem culpae venialis.

Ad quintum dicendum, quod quamvis veniale ex pronitate fomitis contingat, tamen culpa in mente consequitur: & ideo etiam destructio fomitis culpa adhuc manere potest.

Ad secundam quaestionem dicendum, quod quicumque est debitor alicuius, per hoc a debito absolvitur quod debitum solvit: & quia reatus nihil est aliud quam debitum poenae, per hoc quod aliquis poenam sustinet quam debebat, a reatu absolvitur: & secundum hoc poena purgatorii a reatu purgat.

Ad primum ergo dicendum, quod reatus, quamvis non importet seditatem quantum in se est, tamen habet ordinem ad seditatem ex causa sua.

Ad secundum dicendum, quod poena quamvis non contrarietur poenae, tamen contrariatur reatus ad poenam: quia ex hoc manet obligatio ad poenam quod poenam non sustinuit quam debebat.

Ad tertium dicendum, quod in eisdem verbis sacrae Scripturae latet multiplex intellectus: unde & ille ignis potest intelligi tribulatio praesens, vel poena sequens: & per utramque venialia purgari possunt. Sed quod mors naturalis ad hoc non sufficiat, supra dictum est (dist. xx. art. 1. quaest. 3. ad 3.)

SOLUTIO III.

Ad tertiam quaestionem dicendum, quod quaedam venialia sunt maioris adhaerentiae quam alia, secundum quod affectus magis ad ea inclinatur, & fortius in eis figitur: & quia ea quae sunt maioris adhaerentiae, tardius purgantur, ideo quidam in purgatorio diutius quam alii torquentur, secundum quod affectus eorum ad venialia fuit magis immerfus.

Ad primum ergo dicendum, quod acerbitas poenae proprie respondet quantitati culpae; sed diuturnitas respondet radicacioni culpae in subiecto: unde potest contingere quod aliquis diutius moretur qui minus affligitur, & e converso.

Ad secundum dicendum, quod peccatum mortale, cui debetur supplicium inferni, & caritas, cui debetur praemium paradisi post hanc vitam, radicantur immobiliter in subiecto: & ideo quantum ad omnes est eadem diuturnitas utrobique; secus autem est de peccato veniali, quod in purgatorio punitur, ut ex dictis patet.

QUAE

[a] Nicolai, cum sit aliquantulum &c. (b) M. informata.

QUAESTIO II.

DEinde queritur de confessione generali: & circa hoc queruntur tria.

Primo. Utrum virtute confessionis generalis venialia deleantur quo ad culpam. Secundo. Utrum peccata mortalia obli-
ta.

Tertio. Utrum aliquis possit licite confiteri peccata quae non fecit.

ARTICULUS I.

Utrum per confessionem generalem, quae fit in completorio, & prima, dimittantur venialia.

1. **A**D primum sic proceditur. Videtur quod per confessionem generalem, quae fit in completorio, & prima, non dimittantur venialia. Confessio enim qua dimittuntur peccata, est quoddam sacramentale. Sed illa generalis confessio non est sacramentalis, quia potest fieri etiam non sacerdoti. Ergo non valet ad peccatorum venialium dimissionem.

2. Præterea. Confessio per hoc ordinatur ad peccatorum dimissionem, in quantum per eam peccata confitentis manifestantur. Sed post confessionem generalem ita remanent occulta peccata confitentis respectu eius cui fit confessio, sicut & prius: tum quia quandoque ille cui fit confessio, non potest distinguere voces singulorum, quando plures simul generalem confessionem faciunt: tum quia in illis generalibus quae in confessione generali dicuntur, non est aliquis qui non peccet. Ergo confessio generalis non valet ad dimissionem venialium.

3. Præterea. Contritio directius ordinatur ad remissionem culpae quam confessio. Sed contritio generalis non sufficit ad remissionem venialium: quia quandoque cum generali contritione simul fiat habitualis placentia alicuius venialis. Ergo multo minus confessio generalis peccata venialia quo ad culpam delet.

4. Præterea. Si dixerimus, quod peccatum non habemus, (a) nos ipsos seducimus, ut dicitur I. Ioan. 1. 8. Sed aliqui qui non habent peccata mortalia, frequenter confessionem generalem faciunt. Si ergo talis confessio sufficit ad delendum venialia, frequenter sunt sine peccato aliquo;

quod videtur esse contra auctoritatem inductam.

Sed contra. Nihil in Ecclesia frustra agitur. Sed post generalem confessionem sequitur secundum usum Ecclesiae oratio, qua sacerdos dimissionem peccatorum confitentibus precatur. Ergo confessio generalis valet ad dimissionem peccatorum saltem venialium.

Præterea. Sacerdos accedens ad Missam celebrandam confessionem generalem facit, ut purius accedat. Sed hoc non esset, si talis confessio non purgaret. Ergo purgat saltem a peccatis venialibus.

SOLUTIO.

Respondeo dicendum, quod ista est ratio quare per infusionem gratiae, & caritatis peccata venialia non dimittantur, quia non opponuntur caritati quantum ad habitum, sed magis quantum ad actum eius, quem impediunt, vel retardant: & ideo quando actus caritatis contra venialia dirigitur, ea quasi suo contrario deler. Nec oportet quod contra singulum eorum actus caritatis feratur adeorum deletionem: quia nullum eorum de se habet specialem rationem quia caritati aliquo modo contrarietur, sicut est de peccatis mortalibus; sed omnia secundum unam rationem disponunt ad contrarium caritatis, in quantum nimis temporalibus rebus inhæretur. Unde cum confessio generalis sit actus ex caritate procedens in eo qui caritatem habet, in venialia directus, constat quod valet ad venialium peccatorum dimissionem quantum ad culpam, & quandoque quantum ad penam: (b) tanta potest devotio confitentis adesse.

Ad primum ergo dicendum, quod confessio generalis quandoque est sacramentalis, & quandoque non. Sacramentalis quidem est, quando aliquis in secreto sacerdoti confitetur quaedam quae meminit, & alia venialia in generali; & tunc illa generalis confessio ex quatuor habet quod valeat ad remissionem venialium, quantum ad culpam, & etiam penam vel in parte, vel in toto; scilicet ex contritione confitentis, ex humilitate confessionis, ex oratione sacerdotis, in quantum est quaedam persona, ex vi clavium. Quando autem fit publice coram multis, & cum multis in Ecclesia, non est sacramentalis: unde tunc habet efficaciam ex tribus primis, & non ex quarto: & propter hoc etiam non sub-

(a) Vulgata, ipsi nos. (b) Nicolai, si tanta.

subiungitur in prima, & completorio absolutio, nec satisfactionis iniunctio, sed solum oratio *Miserereatur*.

Ad secundum dicendum, quod ratio illa procedit de confessione sacramentali, quæ iudicium sacerdotis expectat; & ideo requiritur aliqualis peccatorum manifestatio.

Ad tertium dicendum, quod contritio generalis sufficit ad peccatorum venialium dimissionem quo ad culpam; sed illud quod habitu retineatur in affectu, excluditur ab illa generalitate: unde illud non deletur per talem contritionem, neque etiam per generalem confessionem.

Ad quartum dicendum, quod non fuit intentio Apostoli dicere, quod non sit aliquod momentum in quo homo non sit sine peccato, quo ad culpam; sed quia ista vita a nullo sine peccato agitur, & quia etiam dimissa culpa reatus aliquis manet.

ARTICULUS. II.

Utrum confessio generalis sufficiat ad delendum peccata mortalia oblita.

1. **A**D secundum sic proceditur. Videtur quod confessio generalis non sufficiat ad delendum peccata mortalia oblita. Peccatum enim quod per confessionem deletum est, non est necessarium confiteri. Si ergo peccata oblita per confessionem generalem dimitterentur, non esset necessarium, quod cum ad notitiam redeunt, aliquis ea confiteretur.

2. Præterea. Quicumque non est conscius alicuius peccati, vel non habet peccatum, vel est oblitus sui peccati. Si ergo per generalem confessionem factam peccata oblita mortalia dimittuntur, quicumque non est sibi conscius de aliquo peccato mortali, quandoque generalem confessionem facit, potest esse certus quod sit immunis a peccato mortali; quod est contra Apostolum I. Corinth. 14. 4. *Nihil mihi conscius sum, sed non in hoc iustificatus sum.*

3. Præterea. Nullus ex negligentia reportat commodum. Sed non potest esse sine negligentia quod aliquis peccatum mortale obliviscatur antequam ei dimittatur. Ergo non reportat ex hoc tale commodum, quod sine speciali confessione de peccato ei dimittatur.

4. Præterea. Magis est elongatum a cognitione confiteri illud, quod est omnino ignoratum, quam illud cuius est oblitus.

Sed peccata per ignorantiam commissa generalis confessio non delet: quia tunc hæretici qui nesciunt aliqua peccata, in quibus sunt, esse peccata, aut etiam aliqui simplices, per generalem confessionem absolventur; quod falsum est. Ergo generalis confessio non tollit peccata oblita.

Sed contra. Psalm. xxxiii. 6. *Accedite ad eum, & illuminamini, & facies vestrae non confundentur.* Sed ille qui constituit omnia quæ scit, accedit ad Deum quantum potest: plus autem ab eo requiri non potest. Ergo non confunditur, ut repulsam pariat, sed veniam consequitur.

Præterea. Ille qui constituit, veniam consequitur, nisi sit scilicet. Sed ille qui constituit omnia peccata quæ in memoria habet, & oblivis est aliquorum, non ex hoc est scilicet: quia ignorantiam facti patitur, quæ a peccato excusat. Ergo veniam consequitur, & sic peccata oblita sibi relaxantur; cum impium sit a Deo dimidium sperare veniam, ut supra dist. xv. Magister dicit.

SOLUTIO.

Respondeo dicendum, quod confessio operatur præsupposita contritione, quæ culpam delet; & sic ordinatur confessio directe ad dimissionem pænæ: quod quidem facit & ex erubescencia quam habet, & ex vi clavium, cui se confitens subicit. Contingit autem quandoque quod per contritionem præcedentem peccatum aliquod deletum est quo ad culpam sive in generali, si eius tunc memoria non habeatur, sive in speciali; & tamen ante confessionem aliquis illius peccati oblitus est: & tunc confessio generalis sacramentalis operatur ad dimissionem pænæ ex vi clavium, quibus se confitens subicit, nullum obstaculum, quantum in ipso est, ponens. Sed ex illa parte qua erubescencia confessionis peccati pœnam minuebat, pœna ipsius, de qua quis specialiter coram sacerdote non erubuit, non est diminuta.

Ad primum ergo dicendum, quod in sacramentali confessione non solum requiritur absolutio, sed iudicium sacerdotis satisfactionem imponentis expectatur: & ideo quamvis iste absolutio sit sufficiens, tamen tenetur confiteri, ut suppleatur quod deficit sacramentali confessioni.

Ad secundum dicendum, quod confessio non operatur, ut dictum est, nisi contritione præsupposita; de qua quando verba

fuerint

fuerit, non potest aliquis scire, sicut nec scire potest an gratiam habeat per certitudinem. Et ideo sciri non potest, utrum per confessionem generalem sit sibi peccatum oblitum dimissum per certitudinem, quamvis possit per coniecturas aliquas aestimari, de quibus supra dist. ix. dictum est.

Ad tertium dicendum, quod iste non reportat commodum ex negligentia: quia non ita plenam remissionem consequitur, sicut alias consecutus fuisset; nec tantum meretur: & tenetur iterum confiteri, cum ad memoriam peccatum reduxit.

Ad quartum dicendum, quod ignorantia iuris non excusat, quia ipsa peccatum est; sed ignorantia facti excusat. Unde aliquis de hoc quod non confitetur peccata quae nescit esse peccata propter ignorantiam iuris divini, non excusatur a fictione; excusaretur autem, si nesciret ea esse peccata propter ignorantiam particularis circumstantiae, ut si cognovit alienam quam credidit esse suam. Sed obliuio de actu peccati habet ignorantiam facti, & ideo excusatur a peccato fictionis in confessione, quod fructum absolutionis, & confessionis impedit.

ARTICULUS III.

Utrum aliquis licite possit confiteri peccatum quod non habet.

1. **A**D tertium sic proceditur. Videtur quod aliquis licite possit confiteri peccatum quod non habet. Quia, sicut dicit Gregorius*, bonarum mentium est ibi culpam agnoscere ubi culpa non est. Ergo ad bonam mentem pertinet ut de illis culpis se accuset quas non commisit.

2. Præterea. Aliquis per humilitatem se reputat deteriorem aliquo qui est manifestus peccator; & in hoc commendandus est. Sed quod corde quis aestimat, licet ore confiteri. Ergo licite potest se confiteri habere gravius peccatum quam habeat.

3. Præterea. Aliquis quandoque dubitat de aliquo peccato, utrum sit mortale, vel veniale; & talis debet, ut videtur, de illo confiteri ut de mortali. Ergo aliquis debet confiteri aliquod peccatum quod non habet.

4. Præterea. Satisfactio ex confessione ordinatur. Sed aliquis potest satisfacere

de peccato quod non commisit. Ergo potest etiam confiteri peccatum quod non fecit.

Sed contra. Quicumque dicit se fecisse quod non fecit, mentitur. Sed nullus in confessione mentiri debet, cum omne mendacium sit peccatum. Ergo nullus debet confiteri peccatum quod non fecit.

Præterea. In iudicio exteriori non debet aliquod crimen alicui impingi, quod non potest per testes idoneos probari. Sed testis in foro poenitentiae est conscientia. Ergo aliquis non debet se accusare de peccato quod conscientia sua non habet.

SOLUTIO.

Respondeo dicendum, quod per confessionem debet poenitens se confessori suo manifestare. Ille autem qui aliud de se sacerdoti loquitur quam sua conscientia habet, sive in bonum, sive in malum, non se sacerdoti manifestat, sed magis occultat: & ideo non est idonea confessio; sed ad hoc quod sit idonea, requiritur quod os cordi concordet, ut solum hoc os accuset quod conscientia tenet.

Ad primum ergo dicendum, quod agnoscere culpam ubi non est, potest esse dupliciter. Uno modo ut intelligatur quantum ad substantiam actus, & sic non est verum: non enim ad bonam mentem pertinet, sed ad errantem, ut se actum aliquem commississe cognoscat quem non commisit. Alio modo quantum ad conditionem actus; & sic verum est quod Gregorius dicit, quia iustus in actu qui de se bonus videtur, formidat ne aliquis defectus ex parte sua fuerit; & sic dicitur Job ix. 28. *Verebar omnia opera mea.* Et ideo ad bonam mentem etiam pertinet ut hanc formidinem quam corde tenet, lingua accuset.

Et per hoc patet solutio ad secundum: quia iustus qui est vere humilis, non reputat se deteriorem quantum ad perpetrationem actus qui sit peior ex genere; sed timet ne in his quae bene agere videtur, per superbiam gravius delinquat.

Ad tertium dicendum, quod quando aliquis dubitat de aliquo peccato, an sit mortale, tenetur illud confiteri dubitatione manente: quia qui aliquid committit, vel omittit, in quo dubitat esse mortale peccatum, peccat mortaliter, discernimini se committens. Et similiter periculo se committit

EX EDIT. P. NICOLAI.

* Colligitur ex Lib. XII. Epist. indist. vii. epist. xxxi.

mittit qui de hoc quod dubitat esse mortale, negligit confiteri. Non tamen debet asserere illud esse mortale, sed cum dubitatione loqui, & iudicium sacerdotis expectare; cuius est discernere inter lepram & lepram.

Ad quartum dicendum, quod ex hoc quod homo satisfacit pro peccato quod non commisit, non incurrit mendacium, sicut cum quis confitetur peccatum quod non credit se fecisse. Si enim dicat peccatum quod non fecit, tamen credit se fecisse, non mentitur: & ideo non peccat si eo modo dicat sicut est in corde suo.

QUAESTIO III.

DEinde quaeritur de sigillo confessionis: & circa hoc quaeruntur tria.

Primo. Utrum in quolibet casu teneatur homo celare ea quae sub sigillo confessionis habet.

Secundo. Utrum possit alii revelare de licentia confitentis.

Tertio. Utrum teneatur ea celare, si etiam alias ea novit.

ARTICULUS I.

Utrum in quolibet casu teneatur sacerdos celare peccata quae sub sigillo confessionis novit.

1. **A**D primum sic proceditur. Videtur quod non in quolibet casu teneatur celare sacerdos peccata quae sub sigillo confessionis novit. Quia, sicut dicit Bernardus (tract. de praep. & dispens. cap. 111.) *quod est institutum pro caritate, contra caritatem non militat*. Sed celatio confessionis in aliquo casu contra caritatem militaret; sicut aliquis in confessione scit aliquem haereticum, quem non potest inducere ad hoc quod desinat a corruptione plebis: & similiter de illo qui scit per confessionem affinitatem esse inter aliquos qui contrahere volunt. Ergo talis debet confessionem revelare.

2. **Præterea**. Id ad quod quis obligatur ex præcepto Ecclesiae tantum, non est necesse observari mandato Ecclesiae in contrarium facto. Sed celatio confessionis introducta est ex statuto Ecclesiae tantum. Si ergo per Ecclesiam præcipiatur quod quicumque scit aliquid de tali peccato, dicat; ille qui scit per confessionem, dicere debet.

3. **Præterea**. Magis debet homo servare conscientiam suam quam famam alterius: quia caritas ordinata est. Sed aliquando aliquis peccatum celans incurrit propriae conscientiae damnum; sicut cum in testimonium adducitur pro peccato illo, & iurare cogitur de veritate dicenda; vel cum aliquis Abbas scit per confessionem alicuius prioris sibi subiecti peccatum, cuius occasio inducit ipsum ad ruinam, si ei prius dimittat: unde debet ei ausere propter debitum pastoralis curae; auferendo autem videtur confessionem publicare.

4. **Præterea**. Aliquis sacerdos per confessionem alicuius, quam audit, potest accipere conscientiam quod sit praelatione indignum. Sed quilibet tenetur contradicere promotioni indignorum, si sua interfit. Cum ergo contradicendo suspicionem inducere videatur de peccato, & sic quodammodo confessionem revelare, videtur quod oporteat quandoque confessionem revelare.

Sed contra est quod dicit Decret. de penit. & remis. (cap. *Omnia utriusque sexus*.) *Caveat sacerdos ne verbo, vel signo, vel alio quovis modo prodatur aliquatenus peccatorem*.

Præterea. Sacerdos debet Deo, cuius est minister, conformari. Sed Deus peccata quae per confessionem panduntur, non revelat, sed tegit. Ergo nec sacerdos revelare debet.

QUAESTIUNCULA II.

1. **Uterius**. Videtur quod sigillum confessionis se extendat ad alia quam illa quae sunt de confessione. Quia de confessione non sunt nisi peccata. Sed aliquando aliquis cum peccatis multa alia narrat quae ad confessionem non pertinent. Ergo cum ea sacerdoti dicantur Deo, videtur quod ad illa etiam sigillum confessionis se extendat.

2. **Præterea**. Aliquando aliquis dicit alicui aliquid secretum, & ille recipit sub sigillo confessionis. Ergo sigillum confessionis se extendit ad illa quae non sunt de confessione.

Sed contra. Sigillum confessionis est aliquid annexum sacramentali confessioni. Sed ea quae sunt annexa alicui sacramento, non se extendunt ultra sacramentum illud. Ergo sigillum confessionis non se extendit nisi ad ea de quibus est sacramentalis confessio.

QUAESTIUNCULA III.

1. Ulterius. Videtur quod non solum sacerdos sigillum confessionis haedat. Quia aliquando aliquis confitetur sacerdoti per interpretem necessitate urgente. Sed interpretes etiam tenentur confessionem celare. Ergo etiam non sacerdos aliquid sub sigillo confessionis habet.

2. Præterea. Aliquando aliquis in casu necessitatis potest laico confiteri. Sed ille tenetur peccata celare, cum sibi dicantur sicut Deo. Ergo non solum sacerdos sigillum confessionis habet.

3. Præterea. Aliquando aliquis se sacerdotem fingit, ut conscientiam alicuius exploret per hanc fraudem, & ille etiam, ut videtur, peccat, si confessionem revelat. Ergo non solum sacerdos sigillum confessionis habet.

Sed contra est quod solus sacerdos est minister huius sacramenti. Sed sigillum confessionis est annexum sacramento. Ergo solus sacerdos habet sigillum confessionis.

Præterea. Homo tenetur ea quæ in confessione audit, celare: quia nescit ea ut homo, sed ut Deus. Sed solus sacerdos est minister Dei. Ergo ipse solus tenetur occultare.

SOLUTIO I.

Respondeo dicendum ad primam questionem, quod in sacramentis ea quæ exterior geruntur, sunt figura rerum quæ interioris contingunt: & ideo confessio qua quis sacerdoti se subiicit, signum est interioris qua quis Deo subiicitur. Deus autem peccatum illius qui se sibi subiicit per poenitentiam regit: unde & hoc oportet in sacramento poenitentiae significari: & ideo de necessitate sacramenti est quod quis confessionem celet, & tamquam violator sacramenti peccat qui revelat: & præter hoc sunt aliae utilitates huius relationis: quia per hoc homines ad confessionem magis attrahuntur, & simplicius peccata confitentur.

Ad primum ergo dicendum, quod quidam dicunt, quod sacerdos non tenetur servare sub sigillo confessionis nisi peccata de quibus poenitens emendare promittit; alias potest ea dicere ei qui potest prodesse, non obesse. Sed hæc opinio videtur erronea, cum sit contra veritatem sacramenti. Sicut enim baptismus est sacramentum, quamvis quis fidelis accedit; nec est mutandum propter hoc aliquid de essentiali-

S. Tb. Oper. Tom. XII.

bus sacramenti: ita confessio non definit esse sacramentalis, quamvis ille qui confitetur, emendationem non proponat; & ideo nihilominus sub occulto tenendum est. Nec tamen sigillum confessionis contra caritatem militat: quia caritas non requirit quod apponatur remedium peccato quod homo nescit. Illud autem quod sub confessione scitur, est quasi nescitum, cum nesciat ut homo, sed ut Deus. Tamen aliquod remedium adhibere debet in prædictis casibus quantum potest sine confessionis revelatione, sicut monendo eos qui confitentur, & aliis diligentiam apponendo ne corrumpantur per hæresim. Potest etiam dicere prælato, quod diligentius invigilet super gregem suum; ita tamen quod non dicat aliquid per quod verbo, vel nutu consentitem prodatur.

Ad secundum dicendum, quod præceptum de confessione servanda consequitur ipsum sacramentum: & ideo sicut præceptum de confessione sacramentali facienda est de iure divino, & non potest aliqua dispensatione, vel iussione humana homo ab eo absolvi; ita nullus ad revelationem confessionis potest ab homine cogi, vel licentia dari. Unde si præcipiatur sub poena excommunicationis latæ sententiæ, quod dicat si aliquid scit de peccato, non debet dicere: quia debet æstimare quod intentio præcipientis sit, si sciat ut homo. Si etiam exprimere de confessione interrogans, non deberet dicere: nec excommunicationem incurreret: quia non est subiectus superiori suo nisi ut homo; hoc autem nescit ut homo, sed ut Deus.

Ad tertium dicendum, quod homo non adducitur in testimonium nisi ut homo, & ideo absque læsione conscientię potest iurare se nescire quod scit tantum ut Deus. Similiter autem absque læsione conscientię potest prælati impunitum dimittere peccatum quod scit ut Deus, vel sine aliquo remedio: quia non tenetur adhibere remedium, nisi eo modo quo ad ipsum deferatur: unde in his quæ deferuntur ei in foro poenitentię, in eodem foro debet quantum potest adhibere remedium; ut Abbas in casu prædicto admoneat eum, ut prius ratum resignet; vel si noluerit, potest aliqua alia occasione absolvere a cura prioratus; ita tamen quod omnis suspicio vitetur de confessionis revelatione.

Ad quartum dicendum, quod ex multis aliis causis aliquis redditur indignus ad prælationis officium quam ex peccato, sic-

Eccc ut

ut ex defectu scientiæ, vel ætatis, vel alicuius huiusmodi: & ideo qui contradicit, nec suspicionem de crimine facit, nec confessionem revelat.

SOLUTIO II.

Ad secundam quæstionem dicendum, quod sigillum confessionis non directe se extendit nisi ad illa quæ cadunt sub sacramentali confessione; sed indirecte id quod non cadit sub sacramentali confessione, etiam ad confessionis sigillum pertinet, sicut illa per quæ possit peccator, vel peccatum deprehendi. Nihilominus etiam illa summo studio sunt celanda, tum propter scandalum, tum propter pravitatem quæ ex consuetudine accidere posset.

Et per hoc patet responsio ad primum.

Ad secundum dicendum, quod homo non de facili debet recipere aliquid hoc modo; si tamen recipiat, ex promissione tenetur hoc modo celare ac si in confessione haberet, quamvis sub sigillo confessionis non habeat.

SOLUTIO III.

Ad tertiam quæstionem dicendum, quod sigillum confessionis competit sacerdoti, in quantum est minister huius sacramenti, quod nihil est aliud quam debitum confessionem celandi, sicut clavis est potestas absolvendi. Tamen sicut aliquis qui non est sacerdos, in aliquo casu participat aliquid de actu clavis, dum confessionem audit propter necessitatem; ita etiam participat de actu sigilli confessionis, & tenetur celare; quamvis proprie loquendo, sigillum confessionis non habeat.

Et per hoc patet solutio ad obiecta.

ARTICULUS II.

Utrum de licentia penitentis possit sacerdos peccatum quod sub sigillo confessionis habet, alteri prodere.

1. **A**D secundum sic proceditur. Videtur quod de licentia penitentis non possit sacerdos peccatum quod sub sigillo confessionis habet, alteri prodere. Quod enim non potest superior, non potest inferior. Sed Papa non posset aliquem licentiarum ut peccatum quod scit in confessione, alteri diceret. Ergo nec ille qui constituitur, potest ipsum licentiarum.

2. Præterea. Illud quod est institutum propter bonum commune, non potest ex

arbitrio unius mutari. Sed celsio confessio est instituta propter bonum totius Ecclesiæ, ut homines confidentius ad confessionem accedant. Ergo ille qui constituitur, non potest licentiarum sacerdotem ad dicendum.

3. Præterea. Si posset sacerdos licentiarum, videretur dari pallium malitiæ malis sacerdotibus: quia possent prætere de licentiam datam, & sic impune peccarent; quod non est conveniens. Ergo videtur quod non possit a confidente licentiarum.

4. Præterea. Ille cui ille revelabit, non habebit hoc sub sigillo confessionis; & sic poterit publicari peccatum quod iam delictum est; quod non est conveniens. Ergo non potest licentiarum.

Sed contra. Superior potest remittere peccatorem cum litteris ad inferiorem sacerdotem de voluntate ipsius. Ergo de voluntate confidentis potest alteri peccatum revelare.

Præterea. Qui potest aliquid facere per se, potest etiam per alterum facere. Sed confitens potest per se peccatum suum, quod fecit, revelare. Ergo potest internumtum sacerdotem facere.

SOLUTIO.

Respondeo dicendum, quod duo sunt propter quæ sacerdos tenetur peccatum occultare. Primo, & principaliter quia ipsa occultatio est de essentia sacramenti, in quantum scit illud ut Deus, cuius vicem gerit ad confessionem. Alio modo propter scandalum vitandum. Potest autem penitens facere ut illud quod sacerdos sciebat ut Deus, sciat etiam ut homo; quod facit dum eum licentiat ad dicendum: & ideo si dicat, non frangit sigillum confessionis. Tamen debet cavere scandalum dicendo, ne fractor sigilli prædicti reputetur.

Ad primum ergo dicendum, quod Papa non potest licentiarum eum ut dicat: quia non potest facere ut sciat ut homo, quod potest qui constituitur.

Ad secundum dicendum, quod non tollitur illud quod est propter bonum commune institutum: quia sigillum confessionis non fragitur, quia dicitur quod alio modo scitur.

Ad tertium dicendum, quod ex hoc non datur aliqua impunitas malis sacerdotibus: quia imminet eis probatio, si accusantur, quod de licentia confitentis revelaverunt.

Ad quartum dicendum, quod ille ad quem notitia peccati devenit mediante sacerdotem

te ex voluntate confitentis participat in aliquo actum sacerdotis : & ideo simile est de eo, & de interprete; nisi forte peccator velit quod ille absolute sciat, & libere.

ARTICULUS III.

Utrum illud quod quis scit per confessionem, & alio modo, nullo modo possit revelare.

1. **A**D primum sic proceditur. Videtur quod illud quod quis scit per confessionem, & alio modo, nullo modo possit revelare. Non enim frangitur sigillum confessionis, nisi dum peccatum (a) quod in confessione habetur, revelatur. Si ergo iste revelat peccatum quod in confessione audivit, qualitercumque aliter sciat, sigillum confessionis frangere videtur.

1. Præterea. Quicumque confessionem alicuius audit, ei obligatur ad hoc quod peccata ipsius non revelet. Sed si aliquis alicui promitteret tenere privatum quod ei dicitur, quantumcumque postea sciret deberet privatum tenere. Ergo quod in confessione quis audit, quantumcumque alias sciatur, debet privatum haberi.

3. Præterea. Duorum quod est altero potentius trahit ad se reliquum. Sed scientia sua qua scit peccatum ut Deus, est potentior, & dignior illa qua scit ut homo. Ergo trahit ad se eam: & ita non poterit revelari secundum quod scientia qua scit ut Deus, exigit.

4. Præterea. Secretum confessionis institutum est ad vitandum scandalum, & ut homines a confessionibus non retraherentur. Sed si aliquis posset dicere illud quod in confessione audivit, etiam si alias sciret, nihilominus scandalum sequeretur. Ergo nullo modo posset dicere.

Sed contra. Nullus potest alium obligare ad quod non erat obligatus, nisi sit suus prælatus, qui obliget eum præcepto. Sed ille qui sciebat alicuius peccatum per visum, non erat obligatus ad celandum. Ergo ille qui ei confitetur, cum non sit prælatus suus, non potest eum obligare ad celandum hoc quod sibi confitetur.

Præterea. Secundum hoc posset impediri iustitia Ecclesiæ, si aliquis, ut evade- ret sententiam excommunicationis, quæ in ipsum ferenda erat propter aliquod pecca-

tum, de quo convictus est, confiteretur ei qui sententiam ferre debet. Sed iustitiæ executio est in præcepto. Ergo non tenetur celare peccatum quod quis in confessione audit, si alias scit.

SOLUTIO.

Respondeo dicendum, (b) quod circa hoc est triplex opinio.

Quidam enim dicunt, quod illud quod aliquis audit in confessione, non potest aliquo modo dicere, si sciat alias, sive ante, sive post.

Quidam vero dicunt, quod per confessionem præcluditur sibi via ne possit aliquid dicere quod prius scivit, non autem quin possit dicere, si postea alio modo sciat. Utraque autem opinio, dum nimium sigillo confessionis attribuit, præiudicium veritati, & iustitiæ servandæ facit. Posset enim aliquis de peccata esse proclivior, si non timeret ab illo accusari cui confessus est, si coram ipso peccatum iteraret. Similiter etiam multum iustitiæ perire poterit, si testimonium ferre non posset aliquis de eo quod vidit, propter confessionem de hoc factam. Nec obstat quod quidam dicunt, quod debet protestari se non tenere privatum hoc: quia hoc non posset protestari, nisi postquam peccatum esset sibi dictum; & tunc quilibet sacerdos posset, cum vellet, revelare peccatum protestationem faciendo, si hoc ipsum ad revelandum liberum redderet.

Et ideo alia opinio est, & verior, quia illud quod homo alias scit, sive ante confessionem, sive post, non tenetur celare quantum ad id quod scit ut homo. Potest enim dicere: Scio illud, quia vidi. tenetur tamen celare illud, in quantum scit ut Deus. Non potest enim dicere: Ego audivi hoc in confessione. Tamen propter scandalum vitandum debet abstinere ne de hoc loquatur, nisi necessitas imminet.

Ad primum ergo dicendum, quod quando aliquis dicit se vidisse quod in confessione audivit, non revelat quod in confessione audivit, nisi per accidens; sicut qui scit per auditum, & visum non revelat quod videt, per se loquendo, si dicat, se audisse; sed per accidens, quia dicit auditum, cui accidit visum esse: & ideo talis sigillum confessionis non frangit.

Ad secundum dicendum, quod non obligatur audiens confessionem quod non revelet peccatum simpliciter, sed prout est

Eccc 2

in

(a) Ita Nicolaus ex MS. al. quod in confessione, qualitercumque &c. intermediis omisso. (b) Ad adducit ad primum questionem.

in confessione auditum : nullo enim casu dicere debet se audivisse in confessione.

Ad tertium dicendum, quod intelligendum est de duobus qui habent oppositionem. Sed scientia qua scit aliquis peccatum ut Deus, & illa qua scit ut homo, non sunt opposita : & ideo ratio non procedit.

Ad quartum dicendum, quod non debet ita vitari peccatum ex una parte quod ex alia iustitia relinquatur : veritas enim non est propter scandalum dimittenda : & ideo quando imminet periculum iustitiae, & veritatis, non debet dimitti revelatio eius quod quis in confessione audit, si alias scit, propter scandalum ; dum tamen scandalum, quantum in se est, evitare nitatur.

EXPOSITIO TEXTUS.

Non redarguo, quia forsitan verum est. Hoc non dicit Augustinus quasi dubitans, an purgatorium sit, sed an de hoc igne Apostolus intelligat.

Quod omnia criminalia semel saltem oportet in confessione exprimi. Contra. Contritio non oportet quod sit singillatim de omnibus. Ergo nec confessio. Et dicendum, quod contritio est in conspectu Dei, qui uno intuitu omnia videt, sed confessio fit homini, cui oportet singillatim omnia exponi. Et praeterea oportet de o-

ni peccato mortali quod memoriae occurrat, singulariter dolere, ut praedictum est.

Nisi aliqua sint frequenter iterata. Contra. Iteratio non trahit ea extra genus venialium peccatorum. Et dicendum, quod loquitur quantum ad dispositionem : quia frequens venialium iteratio disponit ad illam placentiam venialium in qua consistit peccatum mortale : quia secundum quod habitus ex consuetudine generatur, & augetur, secundum hoc delectatio, & promptas crescit.

Sed aliud est favore, vel odio proprium sacerdotem continere, quod canonem prohibent; aliud cecum vitare, quod Urbanus facere monet. Contra. Ergo secundum hoc videtur quod aliquis possit cui vult confiteri, quando habet sacerdotem ignorantem. Et dicendum, quod hoc intelligendum est, quando sacerdos ignorantia posset hominem inducere in errorem : tunc enim de licentia sacerdotis, vel superioris debet alium petere prudentiorem. Quinque tamen casus ponuntur in quibus licet alii confiteri quam proprio sacerdoti sine eius licentia. Primus est, si sit vagabundus ; secundus, si mutavit domicilium ; tertius, si offendit in aliena parochia ; quartus propter malitiam sacerdotis, si revelat confessiones, vel incitat ad malum ; quintus in articulo necessitatis.



DISTINCTIO XXII.

Si peccata dimissa redeant.

Cumque multis auctoritatibus supra sit assertum, in vera cordis contritione peccata dimitti ante confessionem, vel satisfactionem, ei etiam qui aliquando in crimen relapsus est ; quaeritur si post cordis contritionem confiteri contemperit, vel in peccatum idem, vel simile reciderit, an peccata dimissa redeant. Cuius questionis solutio obscura est, & perplexa, aliis asserentibus, aliis e contra negantibus peccata semel dimissa ulterius replicari ad poenam. Qui vero dicunt peccata dimissa redire, subditis se muniunt testimoniis. Ambrosius ait (Ambrosiaster in cap. iv. Epist. ad Ephesios aliis verbis) „ Donate invicem, „ si alter in alterum peccat : alioquin Deus repetit dimissa. Si enim in his contritus fuerit, sine dubio revocabit sententiam, per quam misericordiam de- „ derat, sicut in Evangelio (Matth. xviii.) de servo nequam legitur, qui „ in conservum suum impius deprehensus est. „ Item Rabanus (ut habetur de poen. dist. iv. cap. „ Si Iudas. „) „ Nequam servum tradidit Deus tortoribus „ quo ad usque redderet universum debitum : quia non solum peccata quae post „ ba-

„ baptismum homo egit , reputabuntur ei ad poenam , sed etiam originalia quæ
 „ in baptismo sunt ei dimissa . “ Item Gregorius * „ Ex dictis evangelicis con-
 „ stat quia si ex corde non dimittimus quod in nos delinquitur , & hoc rursum
 „ exigitur quod iam nobis per poenitentiam dimissum fuisse gaudebamus . “ Item
 „ Augustinus . ** „ Dicit Deus : Dimitte , & dimittetur tibi . Sed ego prius dimi-
 „ si , dimitte vel postea . Nam si non dimiseris , revocabo te , & quicquid di-
 „ miseram , replicabo tibi . “ Item *** „ Qui divini beneficii oblitus suas vult
 „ vindicare iniurias , non solum de futuris peccatis veniam non inerebitur , sed
 „ etiam præterita , quæ iam sibi dimissa credebatur , ad vindictam ei replicabun-
 „ tur . “ Item Beda (super Luc. Lib. IV. cap. xlviii .) (1) super illud „ Re-
 „ vertar in domum meam &c . “ „ Timendus est ille versiculus , non exponen-
 „ dus ; ne culpa quam in nobis extinctam credebamus , per incautela nos va-
 „ cantes opprimat . “ Item (ibid .) „ Quæcumque enim post baptismum sive
 „ pravitas hæretica , seu cupiditas mundana arripuerit , mox omnium proster-
 „ net in ima vitiiorum . “ Item Augustinus (Lib. I. de bapt. contra Donatistas
 „ cap. xii .) „ Redire dimissa peccata ubi fraterna caritas non est , (2) aper-
 „ tissime Dominus in Evangelio (Matth. xviii .) docet in illo servo a quo
 „ dimissum Dominus debitum petiit , eo quod ille conservo suo debitum nolle
 „ dimittere . “ His auctoritatibus innituntur qui dicunt peccata dimissa , si re-
 „ plicantur , redire simpliciter . Quibus opponitur . Si quis pro peccato de quo
 „ poenituit , & indulgentiam accepit , iterum punitur , non videtur iustum . Si
 „ punitur pro eo quod peccavit , & non emendavit , iustitia est aperta . Si vero
 „ requiritur quod fuerat condonatum , vel iustitia non est , vel iustitia est occul-
 „ ta . Videtur etiam Deus bis in idipsum iudicare , & duplex tribuatio (3) con-
 „ surgere ; quod Scriptura negat (Nahum i. 9 .) Sed ad hoc potest dici , quod
 „ neque duplex tribuatio confurgit , neque iudicat Deus bis in idipsum . Hoc
 „ enim fieret , si post condignam satisfactionem , & sufficientem poenam iterum
 „ puniret . Sed non satisfacit digne , & sufficienter qui non perseveraverit . Debit
 „ enim iugem peccati habere memoriam non ad faciendum , sed ad cavendum ;
 „ debuit non oblivisci omnes (4) retributiones Dei , quæ tot sunt , quot sunt
 „ peccatorum remissiones . Tot ergo debuit cogitare (5) dona Dei , quot mala
 „ sua , ac pro illis usque in finem gratias agere . Sed quia ingratus ad vomitum
 „ sicut canis rediit , ante acta bona mortificavit , & peccatum dimissum revocavit ,
 „ ut cui humiliato ante Deus peccatum dimiserat , eidem postea elato , & ingra-
 „ to imputet .

Aliorum sententia .

Sed quia absonum videtur ut peccata dimissa iterum imputentur , placet qui-
 buldam neminem pro peccatis semel dimissis iterum a Deo puniri . Sed id-
 eo dicuntur dimissa redire , & imputari , quia propter ingratitudinem ita reus :
 & peccator constituitur , ut ante fuerat . Sic enim quod dimissum fuerat , di-
 ctur exigi , quia remissionis perceptæ ingratus , ita reus fit ut ante fuerat . U-
 trique parti quæstionis probati favent doctores . Ideoque alicui parti non præiu-
 dicans , studioso lectori iudicium relinquo ; addens mihi tutum fore , ac salutem
 propinquum sub mensa dominorum micæ edere .

Quid

(1) *Al. deff. super illud .* (2) *Al. apertissime .* (3) *Al. additur non .* (4) *Al. in tribulationes .*
 (5) *Al. deff. dona .*

EX EDIT. P. NICOLAI.

* Lib. IV. Dialog. cap. ix. ut & alia quæ sequuntur ex Gregorio , Augustino , & Beda , cap.
 constar , & cap. Dicit Dominus , & cap. Qui devotus , & cap. Arripuerit , & cap. Quæcumque quod es-
 sam editio Veneta an. 1593. insinuat ad marginem . * * , serm. xv. de verbis Domini .
 *** Ibidem .

Quid sit hic sacramentum, & res.

Post prædicta restat investigare, quid in actione poenitentiae sit sacramentum, & res. Sacramentum enim signum est sacrae rei. Quid ergo hic signum est, & quæ est res sacra huius signi? Quidam dicunt sacramentum hic esse quod exterius tantum geritur, scilicet exterior poenitentia, quæ est signum interioris poenitentiae, scilicet contritionis cordis, & humiliationis. Quod si est, non omnino sacramentum evangelicum id efficit quod figurat. Exterior enim poenitentia non efficit interiorem, sed potius interior causa est exterioris. Sed ad hoc inquirunt illi, hoc esse intelligendum de illis sacramentis quæ in novo testamento instituta sunt, ut est sacramentum baptismi, confirmationis, corporis Christi. Sacramentum vero poenitentiae, sicut & coniugii, ante tempus gratiae etiam a primordio humani generis fuit: utrumque enim institutum fuit in primis parentibus. Item. Si exterior poenitentia sacramentum est, & interior res sacramenti, sapius præcedit res sacramentum quam sacramentum rem. Sed nec hoc inconueniens est: nam & in aliis sacramentis, quæ efficiunt quod figurant, hoc saepe contingit. Quidam autem dicunt exteriorem poenitentiam, & interiorem esse sacramentum; nec duo sacramenta, sed unum, ut species panis, & vini non duo sunt sacramenta, sed unum: & sicut in sacramento corporis, ita etiam in hoc sacramento dicunt aliud esse tantum sacramentum, scilicet exteriorem poenitentiam; aliud sacramentum, & rem, scilicet interiorem poenitentiam; aliud rem, & non sacramentum, scilicet remissionem peccatorum. Interior enim poenitentia & res est sacramenti, idest exterioris poenitentiae, & sacramentum remissionis peccati, quam significat, & facit. Exterior quoque poenitentia & interioris signum est, & remissionis peccatorum.

DIVISIO. TEXTUS.

Postquam determinavit Magister de tempore poenitentiae, quod concomitatur ipsam poenitentiam, hic determinat quædam quæ pertinent ad effectum ipsius, qui est remissio peccatorum: & dividitur in partes duas. In prima inquit, utrum remissio peccatorum sit irrevocabilis, an peccata dimissa quandoque redeant. In secunda, quia in quolibet sacramento effectus est res ipsius, inquit quid sit sacramentum, & res in poenitentia, ibi. *Post prædicta restat investigare &c.* Circa primum tria facit. Primo movet questionem. Secundo ponit diversas opiniones circa solutionem ipsius questionis, ibi. *Cuius questionis solutio obscura est, & perplexa.* Tettio opiniones prosequitur, ibi. *Qui vero dicunt, peccata dimissa redire, subditi se muniunt testimoniis.* Et circa hoc duo facit. Primo prosequitur primam opinionem; secundo secundam, ibi. *Sed quia absolum videtur ut peccata dimissa iterum impetuntur, placet quibusdam, neminem pro peccatis semel dimissis iterum a Deo puniri.* Circa primum tria facit. Primo

ponit auctoritates quibus confirmatur prima opinio. Secundo obicit in contrarium, ibi. *Quibus opponitur &c.* Tertio ponitur eorum solutio, ibi. *Sed ad hoc potest dici &c.*

Post prædicta restat investigare &c. Hic inquit, quid sit sacramentum, & quid res in poenitentia; & circa hoc duo facit. Primo movet questionem; secundo solvit eam, ibi. *Quidam enim dicunt sacramentum hic esse quod exterius tantum geritur: & dividitur in partes duas secundum duas opiniones quas ponit. (a)* Secunda incipit ibi. *Quidam autem dicunt, exteriorem poenitentiam, & interiorem esse sacramentum.* Circa primum duo facit. Primo narrat opinionem; secundo narrat obiectiones in contrarium, ibi. *Quod si est, non omne sacramentum evangelicum id efficit quod figurat.* Et dividitur in partes duas secundum duas obiectiones quas ponit. (b) Secunda incipit ibi. *Item si exterior poenitentia sacramentum est, & interior res sacramenti, sapius præcedit res sacramentum quam sacramentum, rem:* & utraque dividitur in obiectionem, & solutionem, ut per se patet.

QUAE-

(a) Nicolai: Prima incipit ibi, *Quidam dicunt &c.* Secunda &c. (b) Item: Prima incipit ibi. *Quod si est &c.* Secunda &c.

QUÆSTIO I.

Hic est duplex quaestio. Prima de reditu peccatorum. Secunda de eo quod est sacramentum, vel res in penitentia.

Circa primum quaeruntur quatuor.

Primo. Utrum peccata dimissa redeant.

Secundo. De ingratitudine, per quam peccata redire dicuntur.

Tertio. Quæ peccata per ingratitudinem redire possunt.

Quarto. Utrum recidivans teneatur confiteri peccata de quibus prius confessus fuerat.

ARTICULUS I.

Utrum peccata dimissa redeant in eo qui recidivat.

III. P. quaest. lxxxv. II. art. 2.

I. **A**D primum sic proceditur. Videtur quod peccata dimissa redeant in eo qui recidivat. Dicit enim Leo Papa: * *Quæ divina misericordia solidavimus, in carere voluisti prurigo: quoniam iterata iniquitas misericordiam concessam exinanivimus.* Ergo videtur quod per recidivum peccata dimissa redeant.

2. Præterea. Remoto operculo apparet quod operiebatur. Sed caritas operit multitudinem peccatorum: I. Petr. xv. 24. Ergo remota caritate per peccatum sequens, peccata dimissa.

3. Præterea. Ezech. xlviii. 24. dicitur: *Si averterit se iustus a iustitia sua . . . omnes suæ iustitiæ quas fecerat, non recordabuntur.* Ergo in eodem statu est ac si nullam iustitiam fecisset. Sed si non fecisset iustitiam penitentem, non essent ei peccata dimissa. Ergo dimissio illa annullatur; & sic peccata dimissa redeunt.

4. Præterea. Magis peccat qui offendit Deum quam qui offendit hominem. Sed si aliquis est ab aliquo domino manus missus, per offensam in ipsum commissam iterum reducit in servitutem. Ergo multo fortius, si aliquis divina gratia a servitute peccati liberatus Deum per recidivum peccati offendat, in pristinam servitutem revocatur; & sic peccata dimissa redeunt.

5. Præterea. Est quod aliquis post veram

contritionem de peccatis præteritis cadat in peccatum, & moriatur statim, constat quod in infernum descendat. Ergo de peccatis quæ sibi dimissa fuerunt, ibi punietur, cum non sit sibi poena totaliter remissa. Ibi vero punietur æternaliter, quia in inferno nulla est redemptio. Ergo similem reatum incurrit ei quem habebat; & ita videtur quod in isto peccata dimissa redeunt; & similis ratio est de illo qui confessus est, & non satisfecit plene.

6. Præterea. Sicut per penitentiam remittuntur peccata, ita per peccatum actuale mortificantur merita præcedentia. Sed per penitentiam, quæ peccatum destruit, priora merita reviviscunt. Ergo per peccatum quod penitentiam destruit, qua remittebatur peccatum, peccata dimissa reviviscunt.

Sed contra. Augustinus ** in Lib. de responsionibus Prosperi: *Qui recedit a Christo, & alienatus a gratia finis hanc vitam, quid nisi in perditionem vadit? Sed non in id quod dimissum est, redit, nec originali peccato damnabitur.* Ergo peccata dimissa non redeunt.

Præterea. Eodem peccato & æquali unus non fit alio deterior. Sed contingit innocentem, & penitentem eodem & æquali peccato mortali peccare. Ergo penitens non fit deterior per hoc peccatum quam innocens. Fieri autem, si peccata dimissa redeant. Ergo non redeunt.

Præterea. Contrarium non reducit suum contrarium. Sed contingit quandoque quod peccatum quod aliquis post penitentiam committit, est contrarium peccato quod per penitentiam deletum est, sicut avaritia prodigalitati. Ergo peccatum sequens non reducit peccatum præcedens.

Præterea. Nullus incurrit peccati maculam, vel reatum, nisi ex commissione ipsius peccati. Sed penitens antequam faceret simplicem fornicationem, non habebat maculam, vel reatum homicidii, quod sibi iam dimissum erat. Ergo nec postea fornicando homicidium committit: ergo non redit homicidium sibi dimissum quantum ad culpam, neque quantum ad reatum.

S O.

Ex EDIT. P. NICOLAI.

* Nihil tale occurrit in Leone his omnibus in locis ubi simile argumentum tractat. ** Immo potius Prosper ipse, non in aliquo ex IV. Libris responsionum, qui operibus Augustini inserti sunt, sed in responsionibus ad capitula Gallorum responsione.

Respondeo dicendum, quod aliquo modo redire peccata oportet dicere: quia auctoritates expresse hoc dicunt.

Quidam simpliciter hoc concesserunt in omni qui patitur recidivum: nec fuit intentio eorum dicere, quod actus ille peccati idem numero revocaretur, vel eadem numero macula quæ prius ablata fuerat per penitentiam: quia quod omnino in nihilum decidit, idem numero resumere non potest: sed ita quod sicut per peccata commissa aliquis impendebatur ante peccatam penitentiam de eis ne gratiam a Deo reciperet; ita eidem impeditur postquam a statu penitentiae decidit per peccatum mortale, quo recidivat. Sic enim dicitur peccatum mortale quantum ad culpam manere, in quantum ex actu qui iam præterit, impeditur aliquis gratiæ receptione, sicut a quodam obstaculo posito inter Deum & animam; remitti autem quo ad culpam, quando ratione actuum præteritorum aliquis gratia non privatur. Sed hæc opinio non potest stare: quia ad causandum tenebras utrumque duorum per se sufficit, scilicet dispositio recipientis, & interpositio obstaculi: unde si tenebras debeant amoveri, oportet & indispositionem tolli, & obstaculum amoveri: & ita penitentia, quæ tenebras peccati tollebat, non solum removebat indispositionem quæ erat in anima ad gratiam suscipiendam, sed etiam removebat obstaculum præcedentis peccati, non quidem ita quod actus ille non præcesserit, sed quod non haberet vim impediendi gratiam actus præcedens; quæ quidem vis prædicto actui restitui non potest, nisi iteretur, quod est impossibile. Et ideo non potest dici, quod prædicto modo peccata quo ad maculam redeunt.

Et ideo alii dixerunt, quod non redit peccatum dimissum per quodlibet peccatum sequens, sed per quatuor tantum, scilicet per odium fraternum, per apostasiam a fide, per contemptum confessionis, & per hoc quod aliquis dolet se penitus: unde fecerunt versus:

*Frateris odii, apostata fit, spernitque
saceri,*

Pœnituisse piget: pristina culpa redit.

Sed hæc opinio minus habet de ratione quam prima: quia non magis potest assignare causam quare per hæc peccata redeant peccata dimissa quam per alia, cum etiam alia contingat quandoque esse gra-

viora, nisi quod ex auctoritatibus, & quibusdam rationibus frivolis inducebantur ad dicendum, quod per hæc peccata redirent peccata dimissa, & videbatur eis absurdum quod per omne peccatum sequens præcedentia redirent. Nec sufficit quod dicitur, quod Deus dimittit peccata sub conditione vitandi ista quatuor: quia causa sufficiens inducit effectum suum absolute, nihil expectans a futuro: gratia autem, & passio Christi, ex cuius virtute sacramenta efficaciam habent, sufficientissime se habent ad omnem culpam delendam. Et præterea nulla est ratio quare magis sub ratione vitandi hæc peccata priora remittantur quam sub conditione vitandi alia; cum omne peccatum contrarietur gratiæ, per quam fit remissio peccatorum.

Et ideo dicendum est cum aliis, quod aliquid potest redire dupliciter: vel in se, & sic peccata dimissa nullo modo redeunt quantum ad maculam, & per consequens nec quantum ad reatum; vel in suo effectu, & hoc modo peccata dimissa redeunt, in quantum ex dimissis peccatis aliquid insequentibus relinquitur. Ex hoc enim quod homo Deum per peccatum offendit post remissionem præcedentium peccatorum, quandam deformitatem ingratitudinis actus sequentis peccati acquirit: & ideo dicitur communiter, quod redeunt quantum ad ingratitudinem.

Ad primum ergo dicendum, quod misericordia Dei, per quam fiebat remissio peccatorum, ad duo ordinatur. Ad unum in præfenti, scilicet remissionem præcedentium peccatorum; & quantum ad hunc effectum non exinanitur per peccatum sequens. Ad aliud in futuro, scilicet ad vitam æternam consequendam: quia gratia, per quam fiebat remissio peccatorum, faciebat dignam vitam æternam: & quantum ad hunc effectum exinanitur per sequens peccatum.

Ad secundum dicendum, quod caritas dicitur operire peccata Deo, qui omnia videt: unde oportet quod ea destruat, non quidem faciens ut actus non præcesserit, sed quod vim impediendi gratiam non habeant. Sed coram oculis hominum aliquid potest operiri quod de se manet; & de tali operimento obiecto procedebat.

Ad tertium dicendum, quod iustitiæ eius non rememorabuntur quantum ad effectum qui ex eis expectabatur in futuro, quia per eas ad vitam æternam non perveniet; sed rememorabuntur quantum ad hunc effectum

factum qui est peccata praeiterita abolere, quem in praesenti faciebant.

Ad quartum dicendum, quod quamvis aliquis manumissus reducat in eandem servitutem de qua liberatus fuerat, non tamen ut sit ex eadem causa servus, ex qua primo fuerat, sed ex alia, scilicet offensa post manumissionem commissa. Et similiter qui recidivat, reducit in servitutem peccati, non tamen ut sit servus peccati ex actibus peccatorum ex quibus prius erat, sed ex actu istius peccati sequentis. Unde peccata dimissa non redeunt, sed novum inducitur.

Ad quintum dicendum, quod pro illa parte poenae quae sibi dimissa est in confessione, vel contritione, numquam punietur, sed pro reliqua; in aeternum tamen, ut quidam dicunt: quia ratione fori in quo punitur, aeterna poena debetur; sicut est in venialibus, quae in purgatorio puniuntur poena temporalis, & in inferno aeterna. Sed hoc non videtur simile: quia veniale ideo in inferno aeternaliter punitur, quia semper manet, cum non sit ibi aliquid quod culpam delere possit; sed poena ex hoc ipso quod solvitur, expiatur.

Et ideo alii dicunt, quod poena cuius est aliquis debitor post culpam remissam, (a) in inferno punietur temporaliter. Nec propter hoc sequitur quod sit in inferno redemptio, quia poena quae solvitur, non redimitur. Nec est inconveniens quod quantum ad aliquid accidentale poena inferni minuatur usque ad diem iudicii, sicut etiam augetur.

Ad sextum dicendum, quod peccatum mortale non mortificabat merita praecedentia, quin in se essent viva, unde in gloriam electorum cedebant; sed mortificabantur solum quantum ad illum cuius erant, qui impediatur a consecratione effectus ipsorum: & ideo remoto impedimento in sua efficacia remanent quo ad istum. Sed peccatum per poenitentiam non solum mortificatur quo ad peccantem, sed etiam in se. Remissio enim peccatorum est principaliter opus Dei; sed mortificatio meritorum praecedentium est opus hominis. Homo autem sua actione non potest evacuare simpliciter opus Dei, quamvis possit impedire ne sibi proficiat: & ideo homo per peccatum sequens non potest remissionem praecedentium peccatorum annullare: potest autem sua actione evacuare quod per ipsum factum est: & ideo potest mortificationem

S.Th. Op. Tom. XII.

(a) a. in aeterno.

praecedentium meritorum per merita sequentia penitus annullare, praecipue gratia adiutus.

ARTICULUS II.

Utrum ingratitudo sit speciale peccatum.

1. 2. *quest. cxi. art. 2. & III. P. quest. lxxxviii. art. 4.*

1. **A**D secundum sic proceditur. Videtur quod ingratitudo non sit speciale peccatum. Quod enim invenitur in omni peccato, non est speciale peccatum. Sed ingratitudinem incurrimus per quodlibet peccatum: quia Deum nobis maxime beneficium offendimus quolibet peccato, quantum in nobis est. Ergo ingratitudo non est speciale peccatum.

2. Praeterea. Omne peccatum speciale alicui virtuti speciali opponitur. Sed non est assignare aliquam virtutem specialem, cui ingratitudo opponatur, cum sit contra omnes, quia omnes ex Dei gratia nobis conferuntur. Ergo ingratitudo non est speciale peccatum.

Sed contra. Ubicumque est invenire speciale rationem deformitatis, est invenire speciale peccatum. Sed hoc habet ingratitudo. Ergo est speciale peccatum.

QUAESTIUNCULA II.

1. **U**ltcrius. Videtur quod non minus sit ingratus innocens, si peccat, quam poenitens. Ille enim per offensam sit magis ingratus qui ad maiores gratiarum actiones tenetur. Sed magis tenetur ad gratiarum actiones innocens quam poenitens, in quantum nobilius donum a Deo habet. Ergo magis est ingratus, si peccat.

2. Praeterea. Sicut homo per gratiam Dei relevatur a casu, ita per gratiam tenetur ne cadat. Sed ingratitudo gratiae contemptum importat. Ergo ita est ingratus innocens, dum peccat contemnens gratiam sustentantem, sicut poenitens contemnens gratiam relevantem.

Sed contra. Rectum iudicium est ut ille plus diligat cui plus est dimissum, ut patet Luc. vii. Sed plus dimissum est poenitenti quam innocenti. Ergo plus tenetur diligere: ergo magis est ingratus, si peccat.

FFFF

QUAE-

QUAESTIUNCULA III.

1. Ulterius. Videtur quod ex ingratitudine recidivans confurgat totus reatus, quantum fuit praecedentium peccatorum. Quia quantum est beneficium primum, tanta est ingratitudo contententis. Sed quantum est peccatum commissum, tantum est beneficium remissionis peccati. Ergo tanta est ingratitudo; & ita videtur quod confurgat aequalis reatus peccatis dimissis secundum ingratitudinem peccatiferentis.

2. Praeterea. Non possunt aliqua commensurari, nisi secundum quantitatem quam habent. Sed reatus ex ingratitudine recidivantis mensurantur secundum quantitatem peccatorum dimissorum: quia quanto plura, & maiora peccata sunt alicui dimissa, tanto magis efficitur ingratus contentendo. Ergo reatus totus praecedentium peccatorum redit per ingratitudinem recidivantis.

Sed contra. Quantitas reatus est secundum quantitatem deformitatis in culpa. Sed quandoque non est tanta deformitas in peccato recidivantis, quanta fuit in multis aliis quae prius sibi dimissa fuerunt. Ergo non redit aequalis reatus.

SOLUTIO I.

Respondeo dicendum ad primam questionem, quod ingratitudo gratiarum actionis privativa est: quae quidem gratiarum actio dationem respicit. Est autem duplex datio. Una quae respicit debitum, vel iam existentes, sicut cum quis alicui reddit quod debet; vel ut fiat, sicut cum quis emit, vel dat aliquid, ut alterum sibi debitum fiat; & haec datio ad iustitiam pertinet. Alia autem est quae neutro modo respicit debitum; & haec proprie datio dicitur, & ad liberalitatem pertinet. Et quia ad hanc dationem nihil inclinat nisi voluntas dandi, ideo gratuita dicitur; & tali dationi gratiarum actio proprie debetur, ut quis gratiae faciat retributionem faciat secundum suum modum. Ex huiusmodi ergo gratiarum actio omni defectu aliquis ingratus dicitur, & tanto magis, quanto magis ab hoc discedit. Unde primus modus ingratitudinis est, cum quis effectum pro beneficiis acceptis retribuere aliquid negligit: secundus, cum affectu contentum teritur, cum etiam intellectu obliviscitur: tertius, cum maximus, ut contra beneficia

cientem aliquid operetur indebite. Ingratitudo autem quantum ad tres primos gradus semper est peccatum speciale, sed quantum ad quartum est deformitas annexa peccato: quia ex hoc ipso quod ponitur aliquid indebite fieri, ponitur peccatum esse; sed ex hoc quod dicitur fieri contra beneficientem, additur circumstantia aggravans, quae est ingratitudo. Unde cum omne peccatum contra Deum sit, ex quolibet peccato homo ingratitudinem incurrit, quia ipse est nobis summe beneficus; & per hunc modum quodlibet peccatum post beneficium remissionis peccatorum ingratitudinem habet annexam; & ideo ingratitudo, secundum quam peccata redire dicuntur, non est speciale peccatum, quamvis aliqua ingratitudo sit speciale peccatum.

Ad primum ergo dicendum, quod de ratione generalis peccati est non solum quod invenitur cum omnibus peccatis, sed etiam quod nunquam invenitur sine aliquo aliorum peccatorum: quia nihil est in genere quod non sit in aliqua eius specie: unde quatenus invenitur ab aliis peccatis separatim, dicitur peccatum speciale, quamvis quandoque etiam aliis adiungatur.

Ad secundum dicendum, quod ingratitudo, ut dictum est, gratiarum actionem tollit, quae est ad iustitiam: quia ille qui prius dedit, debitorem sibi constituit illum qui retribuit, quamvis hoc non intenderet: unde opponitur iustitiae.

SOLUTIO II.

Ad secundam questionem dicendum, quod loquendo de penitente per se, & innocente quantum ad bonum remissionis peccatorum, & innocentiae conservatae, donis aliis praetermissis, sic quodammodo plus tenetur ad gratiarum actionem innocens (a) quam penitens. Gratiarum enim actio respicit & quantitatem doni, & modum gratuita donationis, & ex utroque mensuram (b) recipit: quia tam maiori dono quam magis gratis dato maior gratiarum actio debetur. Considerando ergo quantitatem doni, sic innocens magis tenetur, quia maius est quod accipit; sed considerando hoc quod est gratis dare, magis tenetur penitens: quia quanto alius est magis elogatus debito recipiendi, tanto datio fit sibi magis gratis ex parte sua, quamvis non ex parte dantis

(a) id est quodammodo. (b) id est respicit.

qui omnibus æquali liberalitate dat. Magis autem elongatur peccator a debito consequendi remissionem peccatorum, quam innocens a debito conservationis: & ideo uterque aliquo modo plus tenetur ad gratiarum actionem, & aliquo modo æqualiter.

Et per hoc patet solutio ad obiectionem.

SOLUTIO III.

Ad tertiam questionem dicendum, quod quidam dixerunt, quod per ingratitudinem recidivantis redit tantus reatus, quantum fuit omnium peccatorum præcedentium. Sed hoc non potest esse: quia quantitas reatus sequitur quantitatem peccati; quantitas autem peccati per quod quis recidivat, est multo minus quando, quæ ex genere suo quam peccata quæ prius erant dimissa. Et non potest esse quod ingratitudinis circumstantia det sibi tantam quantitatem: quia hæc ingratitudo confurgit ex hoc quod aliquid indebitè fit contra Dei præcepta, unde secundum mensuram indebiti est mensura ingratitudinis: & sic quantitas peccati quam habet ex suo genere, dat quantitatem ingratitudinis: unde quantitas ingratitudinis non potest esse maior quam sit quantitas peccati. Et ideo aliter dicendum, quod non redit æqualis reatus secundum quantitatem absolutam, redit autem æqualis secundum proportionalitatem: quia quanto fuerunt peccata dimissa graviora, tanto fuit beneficium remissionis maius, & quanto beneficium fuit maius, tanto ingratitudo maior; & sic aliquo modo quantitas reatus præcedentium peccatorum manet in ingratitudine recidivi, non autem secundum æqualitatem absolutam; sicut nec beneficium est æquale peccato dimisso in quantitate, sed multo maius: nec ingratitudo secundum quantitatem absolutam est tanta quantum beneficium.

Et secundum hoc patet solutio ad objectionem.

ARTICULUS III.

Utrum per ingratitudinem redeant peccata venialia.

II. P. quest. lxxxv: 11. art. 4.

AD tertium sic proceditur. Videtur quod per ingratitudinem non redeant peccata venialia. Quia peccatum veniale sicut per ingratitudinem redit, ita

& facit alia redire per ingratitudinem. Sed peccatum veniale non facit alia redire per ingratitudinem; alias tota die peccata dimissa redirent. Ergo nec ipsum per ingratitudinem redit.

1. Præterea. Ex hoc aliquod peccatum per ingratitudinem redit quod maiorem ingratitudinem facit. Sed peccatum veniale dimissum non facit maiorem ingratitudinem: quia non diminuit caritatem. Ergo nec redit per ingratitudinem.

Sed contra. Peccata venialia inter debita computantur in oratione dominica, quæ specialiter contra venialia valet. Sed in littera dicitur, quod univèrsū debitum extinguitur ab eo qui recidivat. Ergo & venialia etiam redeunt.

QUAESTIUNCULA II.

1. Ulterius. Videtur quod originale non redeat. Quia si morbus redit, & medicina redire debet. Sed baptisimus, qui est singularis medicina contra originale, non reiteratur aliquo modo. Ergo nec peccatum originale redit.

2. Præterea. Omne peccatum quod per actum incurrimus, actuale est. Sed peccatum originale non est actuale. Ergo peccatum originale per actum peccati sequentis non redit.

Sed contra est quod expresse in littera dicitur.

QUAESTIUNCULA III.

1. Ulterius. Videtur quod per illa quatuor peccata non magis redeant peccata dimissa quam per alia. Quia ex hoc aliquis ingratus est Deo quod contra Deum facit. Sed sicut illa quatuor, ita & alia contra Deum sunt. Ergo omnibus per ingratitudinem peccata dimissa redeunt.

2. Præterea peccatum in Spiritum sanctum est gravius quam aliquod prædictorum. Ergo per ipsum magis deberet dici quod peccatum rediret.

Sed contra est quod Auctores maxime loquuntur de illis peccatis.

SOLUTIO I.

Respondeo dicendum ad primam questionem, quod eo modo quo peccata mortalia per ingratitudinem redeunt, & venialia similiter. Sicut enim beneficium Dei accipienda est remissio mortalium peccatorum, ita & venialium; & secundum hoc quod beneficium remissionis contemnitur

Ffff a quod-

quodammodo in peccato sequenti, secundum hoc peccata dimissa per ingratitudinem redire dicuntur.

Ad primum ergo dicendum, quod peccatum veniale, quamvis non tollat gratiam, tamen per gratiam tollitur: peccatum autem mortale & gratiam tollit, & per gratiam tollitur: & ideo peccatum mortale & ingratitudinem causat, per quam alia peccata redeunt, & ipsum per ingratitudinem redit; sed peccatum veniale redit quidem, sed alia redire non facit, quia ingratitudinem non causat.

Ad secundum dicendum, quod quamvis non diminuat gratiam, relinquit tamen maiorem ingratitudinem, in quantum beneficium gratiae tollitur.

SOLUTIO II.

Ad secundam quaestionem dicendum, quod eodem modo originale etiam redit, quod beneficio gratiae tollitur.

Ad secundum dicendum, quod ratio illa procederet, si originale per se rediret: nunc autem non dicitur redire in se, sed in alio, in quo quodammodo quantitas ipsius manet, ut dictum est.

Et similiter dicendum ad secundum.

SOLUTIO III.

Ad tertiam quaestionem dicendum, quod si per ista peccata redeunt peccata dimissa ex ingratitudine, ita etiam per illa; tamen in istis est aliquid speciale praeter aliis: quia non solum sunt contra ipsum remittentem peccata, quod in omnibus aliis est peccatis, sed etiam sunt contra remedium quo peccata dimittebantur. Remissio autem peccatorum attribuitur primo fidei, secundum caritati, tertio poenitentiae: & ideo apostasia a fide, quae opponitur primo; & odium fraternum, quod opponitur secundo; & alia duo, quae opponuntur tertio, speciale habent rationem, ut faciant redire peccata, non ratione gravitatis maioris, sed ratione praedicta.

Et per hoc patet solutio ad obiecta.

ARTICULUS IV.

Utrum recidivans teneatur peccata confiteri de quibus prius confessus fuit.

AD quartum sic proceditur. Videtur quod recidivans teneatur peccata confiteri de quibus prius confessus fuit. In-

gratitudo enim videtur esse peccatum gravissimum, cum per eam alia peccata quodammodo redeant. Sed ingratitudinem aliquis non confitetur, nisi simul confiteatur illa peccata ex quorum remissione salus est ingratus. Ergo oportet quod recidivans priora peccata confiteatur.

2. Item. Per confessionem debet innoscere sacerdoti quantitas culpae. Sed quantitas peccatorum prius dimissorum quodammodo manet in peccato quo aliquis recidivat, ut dictum est. Ergo ille qui confitetur huiusmodi peccatum, debet etiam alia confiteri.

3. Item. Secundum Gregorium (Libro XXV. Moral. cap. ix.) unum peccatum disponit ad aliud, & sic unum est causa alterius. Sed morbo non potest sufficenter remedium adhiberi, nisi cognita causa morbi. Cum ergo ad hoc fiat confessio, ut exposito morbo remedium adhibeatur, videtur quod recidivans teneatur peccata praeterita confiteri, quae fuerunt causa recidivandi.

4. Praeterea. Contingit aliquando aliquem post confessionem ante peractam poenitentiam recidivare. Constat autem quod postquam de recidivo poenitentiam egerit, tenetur satisfacere de praeteritis peccatis. Ergo videtur quod saltem in hoc casu tenetur priora peccata confiteri.

Sed contra est quod dicitur Naum 1. 9. (a) *Non indicabit Deus his in idipsum.* Ergo quando aliquis in foro poenitentiae indicatus est de aliquo peccato, non oportet quod iterum iudicio se exponat, idem peccatum confitendo.

Praeterea. In decretis de poenit. dist. 2. dicitur: *Non necesse est ut quae semel sacerdotibus confessi sumus, denuo confiteamur, sed lingua cordis, non carnis apud verum iudicem ea confiteri debemus.* Ergo idem quod prius.

SOLUTIO.

Respondetur dicendum, quod (b) contra illam opinionem quae ponit dimissa peccata redire sive quantum ad culpam, sive quantum ad reatum, necesse est dicere, quod recidivans tenetur ad priora peccata iterum confitenda, cum eis ita subiaceat post recidivum: sicut prius. Sed secundum aliam opinionem quae dicit, quod peccata dimissa non redeunt per recidivum, nisi quantum ad ingratitudinem, est duplex opinio.

Quidam enim dicunt, quod si recidivans

(a) Valgata: *Non emersit duplex tribulatio.* (b) Forte secundum-

vans confitetur eidem sacerdoti cui ante fuerat confessus, habenti plenam memoriam priorum peccatorum, non tenetur ei priora peccata repetere, nisi in generali, ut se de ingratitudine accuset, dummodo ante recidivum de prioribus peccatis satisfecerit. Si enim ante peractam poenitentiam recidivaret, teneretur iterum priora peccata confiteri etiam in speciali, ut iterato satisfactionis modum pro eis accipiat. Sed si alteri sacerdoti confiteatur, vel eidem iam priora peccata oblitto, sive ante recidivum satisfecerit, sive non, tenetur omnia peccata in speciali confiteri, tum ut ingratitudinis quantitas innotescat sacerdoti ex consideratione peccatorum prius dimissorum, tum ut ipse cognoscat vultum peccatoris sui: quod fieri non posset, nisi eius mores praeteritos cognosceret, utrum scilicet innocenter, aut iniuste vixisset. Sed ista opinio non videtur rationalis: ex quo enim priora peccata simpliciter sunt dimissa, nec secundum se redeunt, non est necesse ut iterum in iudicio adducatur: quia nec ea Deus in iudicio adduceret, si quis inconfessus moreretur post recidivum, sed damnaretur solum pro peccato quo recidivavit. Et si etiam pro peccatis prioribus non satisfecisset, non videtur necessarium quod ea post recidivum confiteatur in speciali: quia per recidivum eorum reatus non est immutatus: unde eadem satisfactio nunc pro eis debetur quae & prius. Unde poenitens tenetur post recidivum poenitentiam sibi prius iniunctam peragere, non autem aliam satisfactionem pro eis accipere. Similiter etiam non oportet ut denuo confiteatur, ut cognoscatur ingratitudinis quantitas. Sicut enim quantitas peccati augetur per ingratitudinem de peccatis dimissis, ita etiam augetur per ingratitudinem de beneficiis acceptis: unde pari ratione teneretur confitens omnia beneficia Dei sibi exhibita exponere sacerdoti; quod nullus dicit. Similiter etiam non oportet ut sacerdoti aliquis confiteatur totum statum suum, ut sacerdos cognoscat vultum peccatoris sui, sed solum ea de quibus debet ab eo iudicari: alias oporteret innocentem sacerdoti cui venialia confitetur, exponere omnes pronitates suas ad peccandum, & totam conditionem suam; quod nullus dicit.

Unde aliorum opinio est, quod post
S. Tb. Oper. Tom. XII.

(a) *Ad* tamen quantum ad alia specialia *MS.* in generali tamen ad aliqua specialia. *Medal* Tamen iterum ad aliqua &c.

recidivum non tenetur aliquis priora peccata confiteri nec in generali, nec in speciali: quia ingratitudo, ratione cuius peccata redire dicuntur, est quaedam peccati circumstantia, nec trahit in aliud genus peccati. Huiusmodi autem circumstantiae non sunt necessario confiteendae, ut supra (dist. vii. quaest. lxxi. art. 2. quaest. 5.) dictum est. Sed ex hac opinione videtur relinqui, quod non possit plenarie recidivantis morbo remedium adhiberi. Multa enim expediunt ad spirituales salutem recidivanti, quae non sunt necessaria innocenti, ut scilicet circa eum maior cautela adhibeatur.

Et ideo videtur distinguendum esse, quod in confessione est aliquid exponendum dupliciter. Uno modo directe, & sic illud exponitur cuius abolitio per confessionem quaeritur; & sic peccata dimissa recidivans nullo modo confiteri tenetur nec in generali, nec in speciali, cuicumque confiteatur. Alio modo indirecte, sicut illud sine quo sciti non potest debitus satisfaciendi modus. Cum enim contritio, secundum quod est de necessitate salutis, votum confessionis, & satisfactionis debite includat, tenetur ille qui confitetur, sacerdoti exponere ea quibus sacerdos possit scire quae satisfactio sit congrue iniungenda; sicut confitens confitetur sacerdoti interdum se esse infirmum, ut ei ieiunium non imponat: & per hunc modum tenetur recidivans notificare peccata dimissa quantum sufficit ad hoc quod sciatur quae satisfactio est ei iniungenda, ut si ipse frequenter lapsum carnis passus est ex aliqua occasione, illa occasio praescindatur per satisfactionem, & sic de aliis peccatis: & ad hoc videtur sufficere confessio dimissorum peccatorum in generali. (a) Tamen quandoque ad aliqua specialia oportet descendere, secundum quod confitens viderit opportunum: non enim potest in his aliqua certa mensura praefigi.

Ad primum ergo dicendum, quod ingratitudo secundum quod hic accipitur, non est peccatum, sed circumstantia peccati, ut dictum est; nec est circumstantia addens novam speciem, cum quilibet peccans ingratitudinem incurrat, saltem de beneficiis a Deo acceptis.

Ad secundum dicendum, quod quantitas culpae, quae est ex specie peccati, debet innotescere sacerdoti per confessionem; non tamen oportet de quantitate quae est ex circum-

cumstantiis quibuscumque, ut supra (loc. cit.) dictum est.

Ad tertium dicendum, quod auctoritas Gregorii non est ad propositum. Gregorius enim loquitur de peccatis quae per poenitentiam non delentur: illa enim suo pondere mox ad aliud trahunt. Et praeterea non est necessarium omnes occasiones peccati confiteri, sed solum illas sine quarum absolutione sufficiens remedium adhiberi non potest.

Ad quartum dicendum, quod etiam in illo casu non tenetur peccata prius dimissa confiteri; sed sufficit sibi explere prius iniunctam satisfactionem, ut dictum est (in corp.)

Q U A E S T I O . II.

DEinde quaeritur de eo quod est res, & sacramentum in poenitentia: & circa hoc quaeruntur tria.

Primo. Quid sit ibi res, & quid sacramentum.

Secundo. De unitate huius sacramenti.

Tertio. De institutione ipsius.

A R T I C U L U S . I.

Utrum exterior poenitentia sit sacramentale signum.

RAD primum sic proceditur. Videtur quod exterior poenitentia non sit sacramentale signum. Signum enim sacramentale secundum Hugonem (Lib. I. de sacramentis part. vii. cap. ii.) est materiale elementum. Sed poenitentia exterior non est elementum, sed actus. Ergo non est sacramentale signum.

2. Praeterea. Signa sacramentalia novae legis aliquo modo sunt causa gratiae. Si ergo exterior poenitentia est signum sacramentale, erit ergo causa; & sic gratia erit ex actibus nostris; quod est haereticum Pelagianum.

3. Praeterea. Omne sacramentale signum est verbo vitae sanctificatum. Sed exteriori poenitentiae non adhibetur aliqua forma verborum ad sanctificationem eius. Ergo non est sacramentale signum.

Sed contra. In quolibet sacramento oportet esse aliquod signum. Sed signum est aliquid sensibus apparens. Cum ergo in poenitentia sacramento nihil appareat extra nisi exterior poenitentia, videtur quod ipsa sit sacramentale signum.

Q U A E S T I U N C U L A . II.

1. Ulterius. Videtur quod interior poenitentia non sit res huius sacramenti. Quia res sacramenti numquam est causa sacramentalis signi, sed e converso quandoque. Sed poenitentia interior est causa exterioris. Ergo non est res eius.

2. Praeterea. Exterior poenitentia significat interiorem naturaliter. Sed res sacramenti signatur per sacramentum ex institutione, ut ex definitione Hugonis (loc. cit.) patet. Ergo poenitentia interior non est res exterioris.

3. Praeterea. Poenitentia interior videtur esse idem quod contritio. Sed contritio non est res huius sacramenti, cum sit pars huius sacramenti. Ergo interior poenitentia non est res huius sacramenti.

Sed contra. Baptismus interior est res exterioris. Ergo eadem ratione & poenitentia interior exterioris.

Praeterea. Illud quod immediate causat effectum sacramenti, est res exterioris sacramenti, sicut patet de charactere. Sed poenitentia interior est quae immediate causat remissionem peccatorum, quae est ultima res huius sacramenti. Ergo &c.

Q U A E S T I U N C U L A . III.

1. Ulterius. Videtur quod remissio peccatorum non sit res huius sacramenti. Quia ad idem se extendit efficacia sacramenti, & ministerium dispensatoris ipsius. Sed ministerium sacerdotis non se extendit ad remissionem culpae, ut supra dist. xviii. Magister dixit. Ergo remissio culpae non est res huius sacramenti.

2. Praeterea. In quolibet sacramento signa exteriora habent aliquam similitudinem cum re sacramenti. Sed confessio, satisfactio, & contritio non videntur habere aliquam similitudinem cum remissione peccatorum. Ergo non est res in hoc sacramento.

3. Praeterea. In baptismo res sacramenti non semper praecedit sacramentum, etsi aliquando praecedat. Sed remissio peccatorum semper praecedit sacramentum poenitentiae, ad minus quantum ad aliquas sui partes: quia satisfactio non potest esse nisi existens in gratia, cum iam peccata remissa sunt: a mortuo etiam perit confessio, ut dicitur Eccli. xvi. Ergo remissio peccatorum non est res ultima istius sacramenti.

Sed contra. Poenitentia dicitur secunda tabula post naufragium, sicut baptismus prima,

ma. Sed baptisimi res ultima est remissio peccatorum. Ergo & poenitentia.

Præterea. Curatio morbi illius est res in sacramento ad quod curandum institutum est. Sed poenitentia est instituta ad curandum morbum actualis peccati. Ergo remissio eius est res huius sacramenti.

SOLUTIO I.

Respondet dicendum ad primam questionem, quod in quolibet sacramento si quædam promotio, vel motus suscipiens ad aliquam sanctitatem. In motibus autem corporalibus quandoque illud quod movetur, non cooperatur ad motum nisi recipiendo impressionem agentis tantum, sicut contingit in generatione, qua aliquid acquirit primam perfectionem sui esse, quæ est etiam primum principium activum in ipso; & similiter etiam quando acquirit aliam perfectionem superadditam, qua limites sue formæ excedit, sicut cum paries depingitur, vel cum aer illuminatur. Quandoque autem perfectio prius suscepta est perficiens principium illius motus; & tunc operatur motum illum, sicut patet in motu naturali locali, & in sanatione qua fit virtute naturæ tantum. Quandoque autem perfectio habita non sufficit ad operandum effectum, sed cooperatur agenti exteriori, sicut patet cum ars naturam adjuvat. Et secundum hos tres modos etiam est motus ad sanctitatem. Unde in baptismo, qui est spiritualis vitæ regeneratio, tota sanctificatio ex exteriori est; nec suscipiens sacramentum se habet active ad illam sanctificationem, sed ad recipiens tantum: unde signum sacramentale ibi est materia exteriorius apposta, non autem aliquis actus ex parte baptizati. Et similiter est in confirmatione, eucharistia, & extrema unctione; & ordine, quæ ordinantur ad aliquam sanctitatem superadditam primæ sanctitati in baptismo susceptæ: unde etiam conservata gratia baptismali illa locum haberent. Sed in promotione ad sanctitatem per viam merendi sufficit principium quod in eis habetur, scilicet gratia: & ideo sine aliquo exteriori adiuncto ad hanc promotionem habens gratiam per actus suos pertingit, quia in eo spiritualis vita est integra. Sed in eo qui post baptismum mortaliter peccat, spiritualis vitæ firmitas tollitur, quia gratia, & caritas tolluntur; sed tamen adhuc spiritualis vita manet in radice sui, scilicet in fidei sacramento; sicut in eo qui infirmatur per alicuius, adhuc ma-

net radix vitæ in corde: & ideo ad reparationem pristinae integritatis in baptismo susceptæ homo cooperari potest per id quod adhuc retinet. Nec tamen sufficit, nisi exteriorius adiuvetur, propterea quod vita spiritualis non est integra: & ideo in sacramento poenitentia, quod ad prædictam reparationem ordinatur, sacramentale signum non est aliqua materia exteriorius apposta, sed exteriores actus quibus homo ad salutem suam cooperatur; & complementum reparationis ab extrinseco significatur per absolutionem sacerdotis, sicut materia in aliis sacramentis per ministri sanctificationem efficaciam sacramentalem recipit: & ideo exterior poenitentia est sacramentale signum in sacramento poenitentia.

Ad primum ergo dicendum, quod elementum large sumitur pro quolibet sensibili: exterior autem poenitentia consistit in actibus qui sensiri possunt.

Ad secundum dicendum, quod materia quæ est in aliis sacramentis signum sacramentale, in quantum ab exteriori datur, representat exterioris agentis in sanctificatione: & ideo aliquo modo competit ut gratiam causet, sicut in 1. distinct. dictum est. Sed poenitentia exterior, quæ est signum sacramentale in hoc sacramento, representat cooperationem recipientis, & non influentiam quæ est ex parte agentis extrinseci: & ideo non competit ei quod gratiam aliquo modo causet.

Ad tertium dicendum, quod sacramentalibus signis in aliis sacramentis adhibetur forma verborum ad eorum sanctificationem, quia gratiam continent, & causant; sed exterior poenitentia non est signum gratiam causans: & ideo non oportet quod sanctificetur per aliquam formam verborum; sed verba quæ a sacerdote absolvente proferuntur, immediate feruntur ad eum qui se subicit sacramento: unde ipse sanctificatur virtute absolutionis, & gratiam suscipit; non autem sanctificatur eius confessio, ut ex ea gratiam accipiat, sicut erat in baptismo de sanctificatione aquæ.

SOLUTIO II.

Ad secundam questionem dicendum, quod res sacramenti cuiuslibet sui sacramenti, cuius dicitur res, proportionatur. Exterior autem poenitentia, quæ est sacramentum tantum in poenitentia, est sacramentum ut signum tantum ex parte actus poenitentis, sed ut signum, & causa simul, si con-

si coniungatur actus poenitentis cum actu ministri: & ideo interior poenitentia est res exterioris poenitentiae; sed ut significata tantum per actus poenitentis; ut significata autem, & causata per actus eisdem adiuncta absolutione ministri, perquam aliquo modo homo ad gratiam disponitur; sicut etiam in sacramento eucharistiae corpus Christi verum est res significata tantum per species panis, & vini, sed causata per verba ministri; & illa duo simul coniuncta sunt signum, & causa.

Ad primum ergo dicendum, quod poenitentia interior potest considerari dupliciter. Uno modo prout est quidam actus virtutis; & sic interior poenitentia est omnino causa exterioris, sicut etiam in aliis virtutibus actus interiores sunt causae exteriorum. Alio modo prout est actus operans ad sanationem peccati; & sic pertinet ad poenitentiam sacramentum; & ita interior poenitentia non est causa exterioris, sed effectus, vel signatum ipsius: non enim habet efficaciam operandi contra morbum peccati, nisi ex suppositione propositi exterioris poenitentiae, & absolutionis desiderio; quamvis poenitentia interior contra morbum peccati operans praecedat tempore exteriorem poenitentiam, sicut iustificatio a peccato interdum praecedit sacramentum baptismi propter ipsius propositum.

Ad secundum dicendum, quod quamvis poenitentia interior, ut est actus quidam virtutis, naturaliter significetur per exteriorem, tamen in quantum est sanativus morbi, sic ex institutione habet per haec signa causari, & significari.

Ad tertium dicendum, quod tres partes poenitentiae sunt & in poenitentia exteriori, & in interiori: quia confessio, & satisfactio, quae videntur tantum ad exteriorem poenitentiam pertinere, inveniuntur in interiori poenitentia quantum ad propositum, & praemeditationem eorum; & etiam contritio, quae videtur tantum interioris poenitentiae esse, invenitur in poenitentia exteriori secundum quaedam signa, quibus sensibilibiter manifestatur vel aliis, vel saltem ipsi poenitenti, qui dolorem sensibilem percipit in seipso.

SOLUTIO III.

Ad tertiam quaestionem dicendum, quod res sacramenti alicuius ultima est non tantum (a) quam efficit a qualiter dispensatum, sed etiam quam efficit in proposito existens, sicut patet de baptismo in adul-

tis: & ideo cum poenitentia in proposito existens sacramentum, efficiat remissionem peccatorum non solum quo ad penam, sed etiam quo ad culpam; remissio peccatorum utroque modo est res ipsius poenitentiae sacramenti: quae aliquando tempore praecedit sacramentum exterius, aliquando autem in ipso sacramento efficitur: quia quando aliquis accedit ad confessionem attritus, non plene contritus, si obicem non ponat, in ipsa confessione, & absolutione, sibi gratia, & remissio peccatorum datur. Unde dicit Glossa (Augustini) super illud Psal. xcvi. *Confessio, & pulchritudo in conspectu eius*: „Si amas pulchritudinem, confitere, ut sis pulcher,“ id est reclus.

Ad primum ergo dicendum, quod etiam potestas clavium aliquo modo se extendit ad remissionem culpae, secundum quod est in proposito, ut supra dist. xvii. (quaest. 111. art. 5. quaestione. 1. in cor.) dictum est.

Ad secundum dicendum, quod remissio peccatorum habet aliquam similitudinem cum his quae in poenitentia aguntur: quia gratiae infusio, quae remissionem peccati causat, significatur per absolutionem sacerdotis; preparatio ad gratiam quantum ad motum liberi arbitrii in peccatum, per contritionem; quantum vero ad motum liberi arbitrii in Deum, per confessionem; per quam Deo se committit sanandum; sed curatio reliquiarum peccati per satisfactionem & significatur, & efficitur.

Ad tertium dicendum, quod aliquando remissio peccatorum in ipsa confessione, & absolutione fit, ut dictum est; & tunc non praecedit res sacramentum.

ARTICULUS II.

Utrum poenitentia sit novum sacramentum.

1. **A**D secundum sic proceditur. Videtur quod poenitentia non sit novum sacramentum. Sacramentum enim est in genere signi. Sed sunt plura signa in poenitentia, scilicet confessio, & satisfactio. Ergo plura sacramenta.

2. Praeterea. Diversorum agentium diversi sunt actus. Sed ad confessionem concurrunt actus poenitentis, qui contreritur, & confitetur, & satisfacit, & actus sacerdotis qui absolvit. Cum ergo poenitentia in actu consistat, videtur quod non sit unum, sed multa.

3. Prae-

(a) Ad. quantum efficit actualiter dispensantem, sed etiam quantum efficit &c.

1. Præterea. Genus non prædicatur in singulari de suis pluribus speciebus, sed in plurali. Sed supra d. l. xvi. sunt assignatæ tres species poenitentiae, scilicet poenitentia ante baptismum, & poenitentia post baptismum de venialibus, & poenitentia de mortalibus. Ergo prædictæ species poenitentiae sunt plura, & non unum sacramentum.

Sed contra. Sacramenta sunt tantum septem. Sed si poenitentia esset plura sacramenta, essent plura sacramenta quam septem. Ergo est unum tantum sacramentum.

Præterea. Ex unitate effectus colligitur unitas causæ. Sed poenitentia ordinatur ad unum effectum, scilicet remissionem peccati actualis. Ergo est unum tantum sacramentum.

QUAESTIUNCULA II.

1. Ulterius. Videtur quod hoc sacramentum magis consistat in his quæ geruntur a sacerdote quam in his quæ geruntur a poenitente. Quia sacramentum dicitur a sacrando, ut supra dictum est. Sed consecrare sacerdotis est, qui ex hoc sacerdos dicitur quod sacra dat. Ergo hoc sacramentum magis consistit in absolutione sacerdotis quam in actu poenitentis.

2. Præterea. Quicumque accedit ad sacramentum, dicitur sacramentum suscipere. Sed poenitens non dicitur suscipere confessionem, sed absolutionem. Ergo magis consistit sacramentum in absolutione quam in confessione.

3. Sed contra. Totum est congregatio partium. Sed partes poenitentiae sunt acceptæ ex parte poenitentis, scilicet contritio, confessio, & satisfactio. Ergo sacramentum poenitentiae magis consistit in actu poenitentis quam in sacerdotis absolutione.

QUAESTIUNCULA III.

1. Ulterius. Videtur quod verba sacerdotis absolventis debeant esse per modum deprecationis. Quia Leo Papa dicit (epist. xxi. ad Theodorum Foroliviensem Episcopum) quod indulgentia Dei nisi supplicationibus sacerdotum nequit obtineri: & loquitur de absolutione per sacerdotes facta. Ergo absolutio debet fieri per modum deprecationis.

2. Præterea. Solus Deus remittit peccata. Sed poenitentia est ad remissionem peccatorum ordinata. Ergo absolutio, ex qua poenitentia efficaciam habet, debet fieri per modum orationis ad Deum,

Sed contra est quod poenitentia habet certum effectum, sicut & alia sacramenta. Sed propter certitudinem effectus in aliis sacramentis utimur verbis indicativis. Ergo similiter debet esse in poenitentia.

SOLUTIO I.

Respondeo dicendum ad primam questionem, quod quando aliquis effectus procedit ex multis causis simul aggregatis, tunc nulla earum est causa per se, sed omnes sunt una causa, sicut patet de trahentibus navem. Unde cum effectus poenitentiae non sequatur nisi aliquo modo consentientibus omnibus quæ ad poenitentiam requiruntur, omnia illa habent rationem unius causæ respectu illius effectus. Et quia sacramenta efficiunt significando, ideo omnia etiam habent rationem unius signi, dum unumquodque incomplete significat illum effectum: & propter hoc omnia sunt unum sacramentum.

Ad primum ergo dicendum, quod non repræsentatur sufficienter effectus poenitentiae per quodlibet illorum plurium, sed per omnia simul: & ideo omnia sunt unum signum.

Ad secundum dicendum, quod ad poenitentis, ut dictum est, sunt materia huius sacramenti, sicut materiale elementum in aliis: unde sicut ex materia, & forma in aliis sacramentis efficitur unum sacramentum; ita hic ex actu poenitentis, & absolutione sacerdotis.

Ad tertium dicendum, quod poenitentia ante baptismum non est sacramentum. De mortalibus autem, & venialibus poenitentia post baptismum est sacramentum, non duo, sed unum: quia principaliter ordinatur hoc sacramentum ad mortale, & per consequens ad veniale.

SOLUTIO II.

Ad secundam questionem dicendum, quod in sacramentis in quibus est materia, & forma, significatio est ex parte materiae principaliter, sed efficacia ex parte formæ: & ideo cum actus poenitentis in hoc sacramento sint sicut materia, & absolutio sacerdotis sicut forma, principaliter hoc sacramentum quantum ad rationem significandi consistit in actu poenitentis, sed quantum ad efficaciam, in absolutione sacerdotis.

Et per hoc patet solutio ad primum. Ad secundum dicendum, quod illud quod est materia in aliis sacramentis, est elementum.

mentum exterius exhibitum; hic autem quod est loco materiæ, & signi, est actus ex interiori procedens: & ideo non est simile quantum ad susceptionem in hoc sacramentum, & in aliis.

Ad tertium dicendum, quod in baptismo multiplicatio non fit ex parte formæ, sed ex parte materialis in baptismo, scilicet immersionis; & ita etiam partes penitentis assignantur ex parte penitentis magis quam ex parte absolventis: & sicut prolatio formæ non dividitur contra tres immersiones, ita absolutio sacerdotis non ponitur pars contra tres alias partes penitentis.

SOLUTIO III.

Ad tertiam quæstionem dicendum, quod quedam sacramenta sunt, in quibus ex administratione sacramenti semper consequitur aliquis effectus in suscipiente, nec impeditur præter indispotionem voluntatis suscipientis, sicut est in omnibus sacramentis quæ imprimunt characterem: & ideo in illis verba propter certitudinem expriment prælativiter effectum sacramenti, vel per modum indicativum, sicut in baptismo, & confirmatione, vel per modum imperativum, sicut in ordine. In penitentia autem impeditur omnis effectus absolutionis per indispotionem voluntatis; & tamen ipsa absolutio, quantum est de se, sufficiens, & certitudinaliter inducit effectum suum, nisi sit aliquod impedimentum: & ideo absolutio per modum indicativum fit, sed præmittitur deprecatio, scilicet *Miserere*, ut effectus absolutionis non impediatur. Tamen non est de esse sacramenti, sed de bene esse ipsius.

Et per hoc patet solutio ad obiecta.

ARTICULUS III.

Utrum sacramentum penitentis habeat institutionem.

Ad P. quæst. lxxxiv. art. 7.

1. **A**D tertium sic proceditur. Videtur quod sacramentum penitentis non habeat institutionem. Quia illud quod est de iure naturali, non indiget institutione. Sed de dictamine iuris naturalis est quod homo poeniteat de malefactis. Ergo non debet habere institutionem.

2. Præterea. Poenitentia eadem est quæ

est sacramentum, & virtus. Sed poenitentia virtus non habet institutionem, sicut nec aliz virtutes. Ergo nec poenitentis sacramentum.

Sed contra est quod institutio ponitur in diffinitione sacramenti ab Hugone data ut supra 1. dist. patuit.

QUAESTIUNCULA II.

1. Uterius. Videtur quod ante Christum fuerit hoc sacramentum institutum. Poena enim gehennalis præparata est peccatoribus ante peccatum, ut patet per hoc quod dicitur Isa. xxx. 33. *Præparata est ab heri Thophet*; id est, ab initiopreparata est poena prædicta impiis. Sed Deus est promior ad miserendum quam ad puniendum. Ergo etiam ante peccatum præparatum est remedium contra peccatum, quod est poenitentia; & sic ante Christum poenitentia est instituta.

2. Præterea. Dominus sacramentum eucharistiæ instituit conficiendo. Ergo poenitentis sacramentum similiter instituit penam imponendo. Sed statim post peccatum in lege naturæ poenam peccato imposuit, ut patet Genes. iii. Ergo in lege naturæ ante Christi adventum sacramentum poenitentis fuit institutum.

3. Præterea. Partes poenitentis sacramenti sunt contritio, & confessio, & satisfactio. Sed ante Christum tempore legis Moysi præcipitur contritio: Isai. vi. 7. *Scindite corda vestra*; & confessio Proverb. xxviii. 13. *Qui abscondit scelera sua, non (a) dirigetur: qui confessus fuerit, & reliquerit ea, misericordiam consequetur*; & satisfactio Lev. iv. & v. ubi præcipitur quid pro quolibet peccato offerendum sit. Ergo poenitentis sacramentum institutum fuit ante Christi adventum.

Sed contra. Poenitentia est sacramentum perfectionis: quia per eam consequimur remissionem peccatorum. Sed ante Christi adventum non erant aliqua sacramenta perfectionis: quia (b) *neminem ad perfectum adduxit lex* (Hebr. vii. 19.) Ergo poenitentis sacramentum non fuit ante adventum Christi institutum.

Præterea. Sacramentum poenitentis efficaciam habet ex clavibus Ecclesiæ. Sed claves non fuerunt ante adventum Christi. Ergo nec poenitentis sacramentum.

QUAESTIUNCULA III.

1. Uterius. Videtur quod non sit institutum.

(a) Al. dirigetur. (b) Vulgata *nullos*.

tutum in nova lege post Christi adventum. Quia lex nova est lex remissionis, & gratiae. Sed poenitentia est sacramentum punitionis: quia est vindicta quaedam, ut Augustinus dicit. Ergo non debuit nova lege institui.

2. Præterea. Institutio sacramentorum cum pertineat ad potestatem excellentiæ, soli Christo competit. Sed Christus non legitur instituisse hoc sacramentum: non enim potest dici, quod instituerit, ubi dicit Matth. 112. 2. *Pœnitentiam agite*: quia eadem ratione Iohannes instituisse, qui prius hoc prædicavit; & etiam nondum erant claves Ecclesiae, quæ efficaciam sacramenti isti præbent: nec iterum potest dici, quod instituerit quando misit leprosos ad sacerdotes: quia dispoſitio huius sacramenti non pertinet ad sacerdotes legales, ad quos lapsi missi fuerunt. Ergo hoc sacramentum non est in nova lege institutum.

3. Præterea. Sacramento eucharistiæ, quod Christus instituit, ipse etiam est usus: Sed nunquam legitur usus hoc sacramento: quia Ioan. vii. peccatum adulteræ remisit sine hoc sacramento, quia penam satisfactoriam non inuoxit. Ergo ipse non instituit.

Sed contra. Poenitentia est sacramentum novæ legis. Sed sacramenta alicuius legis in illa lege habent institutionem. Ergo in nova lege est institutum.

SOLUTIO I.

Respondeo dicendum ad primam quæſtionem, quod sacramentum poenitentiae consistit iō determinato modo agendi poenitentiam: qui quidem modus non est similiter apud omnes, nec in omni tempore: & ideo obligatio ad illum modum est ex aliqua institutione, & propter hoc sacramentum poenitentiae institutionem habet.

Ad primum ergo dicendum, quod lex naturalis dicit homini quod sit poenitendum; sed modus talis poenitentiam agendi qui observatur in sacramento poenitentiae, non est ex legis naturalis dictamine, sed ex institutione.

Ad secundum dicendum, quod poenitentia est virtus quantum ad hoc quod est dictamine legis naturalis, & ideo non habet institutionem inquantum est virtus, sed quantum ad modum determinatum ex quo habet quod sit sacramentum; & utrumque in una poenitentia invenitur: & ideo eadem poenitentia est sacramentum, & virtus, & quantum ad aliquid de iure natu-

rali, & quantum ad aliquid ex institutione.

SOLUTIO II.

Ad secundam quæſtionem dicendum, quod quando variatur aliquid quod est de essentia rei, non est eadem res numero: unde cum determinatus modus qui in Ecclesia a poenitentibus observatur, sit de essentia huius sacramenti, hoc sacramentum non fuit antequam ille modus poenitendi esset. Et quia ille modus non fuit ante Christi adventum, ideo nec sacramentum poenitentiae antea fuisse debet dici; quamvis esset aliquid simile etiam ante Christi adventum, & aliquis modus poenitentiam agendi. (a) Et in lege quidem Moyſi erat determinatus modus, sed illi quam modo sit; (b) tempore autem legis naturæ non erat aliquis modus determinatus; sed quilibet, secundum quod sibi veniebat iocor, modum poenitendi sibi determinabat: quia sacramenta omnia illius temporis voto celebrabantur, secundum Regonem (Lib. I. de sacramentis part. xi. cap. 111.) & sic poenitentia est sacramentum & veteris legis, & novæ legis, & legis naturæ; & inquantum est sacramentum novæ legis, non fuit ante Christi adventum institutum; inquantum fuit legis naturæ, non fuit determinate institutum; sed admonitus fuit homo ut sibi determinaret aliquem poenitendi modum: quæ quidem admonitio esse non debuit ante culpam, post quam magis medicinæ necessitas cognoscitur: & sic poenitentia etiam non inquantum est sacramentum novæ legis, tamen aliquo modo fuit instituta ante Christi adventum; sed nullo modo ante peccatum.

Ad primum ergo dicendum, quod sacramentum etiam poenitentiae præparaverat in Dei prævisione ante peccatum, sed non institutione; sicut & pena inferni non erat ordinata ad hominis penam ante peccatum, sed in Dei prævisione; sed ad penam dæmonis, qui iam peccaverat, erat etiam actu ordinata.

Ad secundum dicendum, quod illa impositio penæ non fuit poenitentiae sacramenti, sed magis actus vindictivæ iustitiæ, cum ad poenitentiam admonuit, ubi dixit: *Adam ubi es?* ubi secundum Glossam inducitur ad (c) recognitionem peccati.

Ad tertium dicendum, quod in lege Moyſi erat aliqua confessio: quia in generali profitebatur peccatum suum, oblationem in lege faciens pro peccato statutum, non

(a) *Al.* Sed in lege Moyſi. (b) *Al.* sed rem. (c) *Al.* cogitationem.

non autem in speciali, sicut est in nova lege: nec iterum fiebat sacerdoti habenti claves, quæ confessio est sacramentalis: nec satisfactio erat secundum arbitrium talis sacerdotis: nec contritio cum proposito talis confessionis, & satisfactionis: & ideo aliqua penitentia erat tunc, sed non quæ nunc est sacramentum.

SOLUTIO III.

Ad tertiam questionem dicendum, quod penitentia in diversis locis est a Deo instituta quantum ad diversa. Quantum enim ad utilitatem est instituta Matth. 11. 2. ubi dicit: *Pœnitentiam agite*: unde sequitur: (a) *Appropinquabit enim vobis regnum celorum*: sed quantum ad necessitatem, ubi dixit Luc. 11. 5. *Nisi penitentiam egeritis, omnes simul peribitis*: sed quantum ad potestatem clavium Matth. xvi. 19. ubi dixit Petro: *Quodcumque ligaveris super terram, erit ligatum & in calis*; & *quodcumque solveris super terram, erit solutum & in calis*: & Ioan. 20. 23. ubi dixit omnibus: *Quorum remiseritis peccata, remittuntur eis* sed postea Iacobus expressit aliquid de penitentia modo, Iacobi v. 16. ubi dixit: *Confitemini alterutrum peccata vestra*.

Ad primum ergo dicendum, quod pœna quæ assumitur in penitentia, est quasi nihil respectu pœnæ quæ dimittitur: & ideo penitentia est magis remissionis sacramentum quam punitionis.

Ad secundum dicendum, quod Dominus prius instituit Matth. 11. penitentia sacramentum, ut dictum est, cum dixit: *Pœnitentiam agite*. Non est enim idem penitere, & penitentiam agere: quia agere

penitentiam est exterius penitentiam interiorum demonstrare. Nec Ioannes instituit, quamvis similiter prædicasset: quia Ioannes prædicavit ut præco Regis; Christus ut Rex, & legitur noster, cuius erat sermo potestatem habens, ut dicitur Matth. 23. Sed ubi ad sacerdotes remisit, non instituit, sed præfiguravit sacramentum penitentia.

Ad tertium dicendum, quod Christus nullo sacramento usus est, nisi sibi assumendo, ut exemplum aliis daret: unde etiam ipse non baptizabat, sed discipuli eius, ut dicitur Ioan. 13. & ideo quia penitentia usus quantum ad ipsum non competebat ei qui peccatum non fecit, ideo nec quantum ad alios eo usus est; sed sicut sacramentorum Dominus effectum sacramenti sine sacramentalibus præbebat.

EXPOSITIO TEXTUS.

R *Evangelii sensum &c.* Hoc intelligendum est quantum ad ultimum misericordiae effectum, qui est vita æterna.

Sed originali literaliter dicit propter hoc quod ad diversa peccata actualia inclinat, ut in 11. Lib. dist. xxxiii. dictum est.

Sed ut satisfactio digna, & sufficienter. Verum est, si intelligatur de sufficientia respectu consecutionis gloriæ, alias falsum est: & procedit hic secundum errorem qui in xiv dist. (quæst. 1. art. 4. quæstione. 1.) improbatum est, ut scilicet non cadat aliquis, si vera sit.

Et ita sensus constituitur. Ly ita non dicit æqualitatem, sed similitudinem.

(a) Vulgata *appropinquavit*. (b) *Al. lex*.

F I N I S .

ERRATUM

pag. 296, in notis ad lit. (b)

CORRIGE.

dele *Al.*

